


*An Libro Ni Mormon (An Saro Pang Tipan ni Jesukristo)
The First Draft*



AN LIBRO NI MORMON

(An Saro Pang Tipan ni Jesukristo)

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad
na trabaho ini ni Geopoet para sa gabos na interesadong magbasa kan libro sa
lenguwaheng Bikol)*

AN LIBRO NI MORMON

An Saro Pang Tipan ni Jesukristo

An kasaysayan kan mga tawo sa panahon na sinurat kan kamot ni Mormon sa mga plake na gikan sa mga plake ni Nephi.

Iyo ini an pinahalipot na rekord kan historya nin banwaan ni Nephi, asin kan mga Lamanita --- Isinurat para sa mga Lamanita, na iyo man an sarong sa mga katadaan kan Banwaan nin Israel; asin para man sa mga Hudiyo asin Hentil --- Isinurat sa paagi nin sugo, asin man sa paagi kan Espiritu nin Propesiya asin Pagpapahayag --- Isinurat asin sinelyuhan, asin pinagtago uyon sa kagustuhan nin Kagurangnan, tanganing dae ini madestroso --- Iluluwas sa paagi nin regalo asin kapangyarihan nin Diyos para sa interpretasyon kaini --- Pinagselyuhan kan kamot ni Moroni, asin itinago uyon sa kagustuhan nin Kagurangnan, iluluwas sa hinog na panahon sa paagi kan mga Hentil --- An interpretasyon kaini itatao sa paagi kan regalo nin Diyos.

An pinahalipot na historya minagikan man sa Libro ni Ether, na nagpapahayag man nin record kan mga tawo ni Jared, na nalagalag kan mga panahon na binaranga nin Kagurangnan an saiyang tataramon sa mga tawo kan panahon na sinda nagtugdok nin Torre tanganing maabot an kalangitan --- Ini man nagpapahayag sa mga katadaan kan Banwaan nin Israel kun ano an mga darakulang bagay an ginibo nin Kagurangnan para sa saindang mga magurang; asin tanganing sainda man na maaraman an mga tipan nin Kagurangnan na nagpapahayag na bako man sinda mga ilo sa habang panahon --- Asin para man sa pagpapahayag sa mga Hudiyo asin Hentil na si Jesus iyo an Kristo, an **DIYOS NA MAYONG KASAGKORAN**, nagpapatotoo kan saiyang sadire sa gabos na nasyon --- Asin ngonyan, kun igwa man nin mga sala' yan mga sala' nin tawo; kun kaya, dae nindo paghusgaran an mga bagay nin Diyos, tanganing kamo man magin malinig sa tukawang-hukom ni Kristo.

Binikol na gikan mismo sa orihinal na linguwaheng Ingles sa pagkasurat na translado ni Joseph Smith Jr.

INTRODUKSIYON

An Libro ni Mormon sarong katiriponan kan banal na mga kasuratan na komparable sa Bibliya. Saro ining rekord manungod sa pakikipagrelasyon nin Diyos sa mga suanoy na mga tawo na nabubuhay sa mga kadagaan nin Amerika, asin arog man kan Bibliya, nagpapahayag nin kapanoan kan daeng kasagkoran na ebanghelyo.

Ang libro sinurat kan dakol na mga suanoy na propeta na may pag-antabay kan Espiritu nin Pagpropesiya asin Pagpapahayag. An saindang mga taramon na isinurat sa mga plakeng bulawan, sinambit asin pinahalipot nin sarong mangestoryang propeta na an pangaran Mormon. An rekord nagpapatotoo kan historya nin duwang bantog na banwaan na an sarong kaini gikan mismo sa Jerusalem sa taon 600 B.C., asin ini nabanga asin nagin duwang nasyon, na inaapod na Nephita asin an sarong Lamanita. An sarong man enot na nag-abot sa daga nin Amerika kan mga panahon na binaranga-banga nin Diyos an lenguwaha nin tawo sa Torre nin Babel. Ini man nabistong mga Jaredita. Paglipas nin ribo-ribong taon; an gabos na banwaan na nasambit nagkagaradan asin nagkawarara asin mismong nagkatarada iyo na sana an mga Lamanita, asin sinda an mga pangenot na ninuno kan mga Amerikanong Indiyang.

An pinaka-importanteng rekord na yaon sa Libro ni Mormon iyo mismo an personal na ministeryo nin Kagurangnan na si Jesukristo sa mga Nephita sa panahon pagkatapos kan saiyang pagkabuhay-liwat. Ini nagtatao nin kapahayagan manunungod sa mga doktrina kan ebanghelyo, ipinapahiling an plano nin kaligtasan, asin nagtutukdo sa mga tawo kun ano an saindang gigibohon tanganing makamtan an katuninongan sa buhay na ini asin an daeng sagkod na kaligtasan sa maabot pang buhay.

Pagkatapos na makumpleto ni Mormon an pagsurat, saiyang ipinamana an kasaysayan sa saiyang ake na si Moroni na iyo an nagsurat nin mga kadagdang historyang aram niya asin pinagtago an mga plake sa burobukid na inaapod Cumorah. Kan Septyembre 21, 1823, an parehong personang si Moroni na yaon na sa estado nin kamurawayan, asin sarong tawo na nabuhay-liwat, nagpahiling sa propetang si Joseph Smith asin nagtao nin instruksiyon mapanungod sa suanoy na libro asin ang nakatalaan nag pagsurat kaini sa lenguwaheng Ingles.

Sa nakatalaan na panahon, an mga plake ipinagkatiwalang itinao ki Joseph Smith, na iyo mismo an nagsalin kaini sa paagi kann regalo asin kapangyarihan nin Diyos. An libro ngonyan naipublikar na sa kadakol na mga lenguwaha bilang sarong bag-o asin dagdag na patotoo na si Jesukristo iyo an Ake kan Nabubuhay na Diyos asin an gabos na magtutubod asin magrarani sa saiya, asin magsusunod sa gabos niyang kasugoan asin ordinansa nin ebanghelyo, maliligtas.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

Mapanungod sa rekord na ini, si Joseph Smith nagsabi: “Tinaram ko sa mga katugangan na ang Libro ni Mormon iyo an mas tumpak na libro na nalalaen sa gabos na mga libro sa mundo, asin iyo ini an susing gapo kan satuyang relihiyon, asin an sarong tawo magigin haranohon sa Diyos sa paagi nin pagsunod sa mga kaisipan kaini, na mas labi pa sa paagi kan arinman na mga libro.”

Bilang kadagdagan ki Joseph Smith, an Kagurangnan nagpahayag pa sa onseng tawo tanganing para sa saindang mga sadire mahiling man an mga plakeng bulawan asin magin mga pinalaen na mga testigo sa katotoohan asin kabanalan kan Libro Ni Mormon. An mga isinurat nindang testimonya kabilang sa librong ini bilang “An Patotoo nin Tolong Saksi” asin “Ang Patotoo nin Walong Saksi.”

Iniimbitaran niyamo an gabos na tawo sa gabos na lugar na basahon an Libro Ni Mormon, paghorop-horopan sa laog kan saindang mga puso an mensaheng laman kaini, asin hapoton an Diyos, an Daeng Kasagkoran na Ama, sa pangaran ni Kristo kun an librong ini nanggad totoo. An mga tawong nag-utob sa paaging ini asin naghahapot na may pagtubod, makakamtan niya an testimonya nin katotoohan asin kabanalan sa paagi nin kapangyarihan kan Banal na Espiritu. (Basahon an Moroni 10: 3-5).

An mga tawong nagkamit nin banal na patotoong ini na gikan sa Banal na Espiritu makakaaram man sa paagi nin parehong kapangyarihan na si Jesukristo iyo an Paraligtas nin kinaban, na si Joseph Smith iyo an saiyang parapahayag asin propeta sa mga huring aldaw, na An Simbahan ni Jesukristo nin mga Banal sa mga Huring-aldaw iyo an kahadean nin Kagurangnan na tinugdok liwat sa ibabaw nin kinaban, bilang sarong dusay na preparasyon para sa saiyang ikaduwang pagbalik bilang Mesiyas.

An Patotoo nin Tolong Saksi

Para sa kaaraman kan gabos na nasyon, lahi, lenguwaha, asin mga tawo, na para sainda an trabahong ini: Kami, sa grasya nin Diyos Ama, asin kan satuyang Kagurangnan na si Jesukristo, nagpapatotoo na nahiling niyamo an mga plake na pinagsuratan kan laman kaining libro, na iyo an kasaysayan kan mga tawo ni Nephi, asin kan mga Lamanita, an saindang katugangan, asin an banwaan ni Jared, na naggikan sa torreng nasambit. Asin aram niyamo na an librong ini translado sa paagi nin regalo asin kapangyarihan nin Diyos, na an saiyang boses iyo mismo an nagpahayag samuya; kun kaya, aram niyamo na may kasegurohan na an librong ini totoo. Asin kami man nagpapatotoo na nahiling niyamo an mga nakaukit na surat sa plake; asin ipinahiling an mga ini samuya sa kapangyarihan nin Diyos, asin bakong sa tawo. Asin samuyang pinapahayag sa malumanay na tataramon, na sarong anghel an naghilig gikan sa langit, na dara-dara asin pinaglatag sa atubangan kan samuyang mga mata, na samuyang naputitukan asin nahiling an mga plake, asin an mga ukit sa mga ini; asin samuyang naaraman na sa grasya nin Diyos Ama, asin Kagurangnan Jesukristo, na kami nakahiling asin nagpatotoo na an gabos na ini totoo. Asin an mga ini makangangalas sa samuyang mga mata. Sa paaging ini, an boses nin Kagurangnan nagsusugo samuya na kami dapat magin mga testigo kan librong ini; kun kaya, nagin masinunod-sunod sa mga tugon nin Diyos, kami nagpapatotoo sa gabos na bagay na ini. Asin aram niyamo na kun kami may pagtubod ki Kristo, malilinig niyamo an mga dugo nin tawo sa samuyang mga bado, asin magin malinig sa atubangan nin paghukom ni Kristo, asin mamumuhay na kaiba niya sa mga kalangitan. Asin an honra lugod mapasa-Diyos Ama, asin sa saiyang Ake, asin sa Banal na Espiritu, sarong Diyos sagkod pa man. Amen.

**OLIVER COWDERY
DAVID WHITMER
MARTIN HARRIS**

An Patotoo nin Walong Saksi

Para sa kaaraman kan gabos na nasyon, lahi, lenguwahe, asin mga tawo, na para sainda an trabahong ini: Na si Joseph Smith, Jun., an translador kan gibong ini, ipinahiling samuya an mga plakeng nasambit, na igwa nin hitsurang sa bulawan; asin sa kadakolan nin mga pahina na translado kan nasabing Smith na samuyang nakaputan nin samuya mismong mga kamot; asin samuya man mismong nahiling an mga ukit na surat, asin an gabos na idto igwa nin suanoy na pagkasurat, asin may makangangalas na pagkagibo. Asin ini samuyang patotoo sa malumanay na mga tataramon, na ipinahiling samuya kan nasambit na Smith, ta ini samuyang namasdan asin nakaputan, asin may kasegurohang naaraman niyamo na an nasambit na Smith iyo mismo an may kapot kan mga nasambit na mga plake. Asin samuyang tinatao an samong mga pangaran sa bilog na kinaban, tanganing samuyang ikapahayag sa gabos an samong nahiling. Asin dae kami noarin man nagpuputik, Diyos an samuyang katabang sa pagtestigo.

**CHRISTIAN WHITMER
JACOB WHITMER
PETER WHITMER, JUN.
JOHN WHITMER
HIRAM PAGE
JOSEPH SMITH, SEN.
HYRUM SMITH
SAMUEL H. SMITH**

TESTIMONYA NI PROPETANG JOSEPH SMITH

An mga sadiring tataramon ni Propetang Joseph Smith manunungod sa pagkagibo kan Libro ni Mormon iyo an mga minasunod:

“Kan banggi nin Septyembre 21 [1823]... nag-isip ako sa sakuyang sadire na mapangadye asin mag-arang sa Pinakamakakamhan na Diyos...

“Habang yaon ako sa aktong mangangapudan sa Mahal na Diyos, nadiskubre kong may sarong liwanag na nagbabanaag sa laog kan sakong kuwarto, na nagdadakola na nagdadakola hanggan an kuwarto napano nin liwanag na mas maliwanag pa sa udtong luntok, asin sa daeng haloy na kamugtakan, may sarong persona an biglaan sanang nagpahiling sa kataid kan sakong higdaan, nakatindog sa tahaw nin paros, ta an saiyang mga bitis dae nakatungtong sa salog.

“Nakasul-ot siya nin haluwag na bado sa maputing maliwanagon na gayon. Iyo, idto an kaputian na laen lamang sa kaputian na sakuyang nahihiling sa kinaban; ni ako dae makapaniwala na an arin man na bagay sa kinaban magigibong sarong pinakamaputi sa mga puti na naglalaad sa kaputian. Nahiling ko an saiyang mga takyag, asin mga kamot, na naka-uro-itaas sa may pulso; asin iyo man an saiyang mga bitis na hurohalangkaw dikit sa may buko-buko. An saiyang payo asin liog nahiling ko man. Asin sakuyang napag-isip na mayo siyang ibang bado laen sa ternong puting bado, ta ini bukas, kaya nahiling ko an saiyang daghan.

“Bako lang an saiyang badong puti na iyo lang an mapution na marhay, kundi an bilog niyang pagkatawo na yaon sa estado nin kamurawayan na mayong sagkod, asin an saiyang kahitsurahan garo totoong sarong kidlat. An kuwarto yaon sa maliwanagon na kamugtakan, pero bakong mas pang liwanag na sakuyang nahihiling na nakapalibot sa bilog niyang persona. Kan enot ko siyang pinagmasdan, natakot ako; kaya lang luhay-luhay ining nawara sa laog nin sakong daghan.

“Inapod niya ako sa sakuyang pangaran, asin sinabi sakuya na siya sarong mensahero na ipinadara gikan sa atubangan nin Mahal na Diyos, asin an saiyang pangaran iyo si Moroni; na an Diyos may pinag-andam na trabaho para sakuya; asin an sakuyang

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pangaran mababantog para sa karahayan asin karaotan sa gabos na mga nasyon, lahi, asin lengguahe, o magin parehong marhay o maraot sa pag-oorolay kan gabos na mga tawo.

“Sinabi niya na igwang libro na nakatago, sinurat sa plakeng bulawan, na nagsasaysay tungkol sa mga kasaysayan kan mga suanoy na mga tawo sa kontinenteng ini, asin kun saen sinda naggikan. Sinabi niya man na an kabilogan kan mayong kasagkoran na ebanghelyo nasurat man sa librong ini, arog man kan mga itinao nin Tagapagligtas sa mga suanoy na mga tawo.

“Siring man, igwa nin duwang mga gapo sa busog na pilak --- asin an mga gapong ini na nakatakod sa sarong baluti nin daghan iyo na an kabilogan kaining pinag-aapod na Urim asin Thummim --- na nakadeposito man kaiba an mga plake asin an siisay man na may kapot kaini asin ginagamit iyo an mga pag-aapudon na mga “Tagakita” kan suanoy o dating panahon; asin iyo man ini an pinagpreparasyunan nin Diyos para gamiton sa translasyon kan libro.”

“Minsan pa, sinabi niya sakuya na kun makua ko na an mga plake na saiyang sinambit sakuya --- ta an panahon na kuahon ko an mga ini dae pa minaabot --- dapat na dae ko ipahiling sa iba an mga ini; maski na idtong baluti sa daghan na nakatakod an Urim asin Thummim; alagad duman sana sa mga tawong saiyang pinagsugo na ipahiling an mga plake sainda; kun ini dae ko gigibohon asin ipinahiling ko sa mga tawong dae dapat makahiling, ako mismo mapapahamak. Habang nakikipag-olay siya sakuya, manungod sa mga lamina, sarong bisyon an nabuksan sa sakuyang kaisipan na nahihiling ko an lugar kun saen nakadeposito an mga plake, asin malinaw ko ining nahihiling asin matatandaan na aram kong gayo an lugar kun ini bisitahon ko.

“Pagkatapos kan pag-orolay na idto, nahihiling ko na an liwanag sa laog nin kuwarto nagpoon na magkasararo sa palibot kan personang ini na nakikipag-olay sakuya, asin ini padagos na nangyayari, hanggan sa an bilog na kuwarto nagin madiklom giraray, puwera lang kaidtong nakapalibot saiya; bigla ko man nahiling na nagka-igwa nin sarong pintuan na nabuksan pasiring sa langit, asin puma-itaas hanggan nawara siya sa sakuyang paghiling, asin an kuwarto nagbalik man giraray sa dati kaining kamugtakan pagkatapos na siya nagpahiling sa sakuya.

“Naghigda akong nag-iisip-isip sa sarong eksena na sakuya mismong nahiling, asin dakola an sakuyang kangangalasan sa mga bagay na sinabi sakuya kan ekstra-ordinaryong mensahero; asin sa tahaw kan sakuyang meditasyon, bigla ko otrong nadiskubre na an sakuyang kuwarto giraray nagpoon naman na magkaliwanag, asin sa sarong pikit nin mata, arog kan naenot, an parehong kabanal-banalang mensahero man giraray harani sa sakuyang higdaan.

“Nagpoon man giraray siyang magsaysay kan parehong mga bagay na saiya nang nasabi sakuya kan enot niyang pagpahiling sakuya, na mayong dakulang pagkaka-iba; asin pagkatapos kaidto, ipinaaram niya sakuya an dakulang paghuhukom na maabot sa ibabaw nin kinaban, na may dakulang kangirhatan sa paagi nin gutom, espada, asin salot; asin an

*An Libro Ni Mormon (An Saro Pang Tipan ni Jesukristo)
The First Draft*

mga mag-abuton na paghuhukom madatong sa mundo mismong sa henerasyon na ini. Pagkatapos niyang maisabi an gabos na ini, suminakat man siya giraray arog kan enot na pangyayari.

“Sa mga oras na ini, hararom na marhay an impresyon na iwinalat mismo sa sakuyang isip, na an pagturog dae uminabot sa sakuyang mga mata, asin ako nakahigda na may dakulang kangalasan sa sakuyang nahiling asin nadangog. Pero an pinakadakulang makangangalas iyo na an parehong personang mensahero nagpahiling man giraray sa atubangan kan sakuyang turugan, asin nadangog kong sinasabi giraray nin paoro-otro an parehong mga bagay na itinugon niya kan mga enot na pagpapahiling; asin may dagdag pang pagirumdom sakuya, na nagsasabi na si Satanas maghilingohang tentaran ako (sa kapaagihan na an kapag-arakian kan sakuyang pamilya mga pobre), na kuahon ko an mga lamina tanganing magpayaman. Hurot niya ining binawal sakuya, asin nagsabi na dapat mayo akong ibang itanom sa sakuyang sadire sa pagkua ko sa mga lamina kundi para lang sa pagpamuraway sa Diyos, asin dae naggad magpadara sa ibang motibong sugot na laen kundi sa bulanos na pagtugdok kan kahadean nin Diyos; ta kun bako dae ko naggad makukua an mga lamina.

“Sa ikatulong pagbisitang ini, siya man giraray pumaitaas sa langit arog kan mga enot, asin nawalat man giraray akong yaon sa hararom na pag-iisip sa mga makangangalas na mga pangyayari na sakuya mismong naagihan; haros pagkatapos mismo na magsakat sa itaas an langitnon na mensahero hale sa atubangan sa ikatulong pagkakataon, nadangog kong gayo an pagturaok kan mga manok, asin sakuyang namungaw-mungawan na aga na palan, kaya narealisar ko na an samuyang pag-orolay nangyari haros sa magdamlag.

“Sa dae nahaloy na oras nagbuhat ako sa sakuyang turugan, asin, iyo man giraray, naggibo nin mga kaipuhan na mga trabaho sa aldaw na idto; pero sa sakuyang paghingoha na magtrabaho arog kan mga naka-aging mga pagkakataon, sakuyang namamatean an panluluya kan sakong kusog na nagresulta kan dae ko naggibo an tamang trabaho na arog kaidto. An sakuyang Ama, na nagtatrabaho na kasabay ko, nakarisa man na may malaen akong namamatean, asin nagsabi na puwede na akong mag-uli sa harong. Mapa-uli na kuta na ako pasiring sa harong mi, kaya lang, kan ako magbalyo na sa ibong na kodal kan samuyang pinag-uumahan, bigla akong pinanluyahan asin natumba ako sa daga, asin sa mga nakalipas na pirang minuto nawaraan ako nin pagkamangno sa sakuyang kapalibutan.

“An enot kong nagirumduman na may sarong boses na nakikipag-olay sakuya, inaapod an sakuyang ngaran. Naghiling ako sa itaas, asin sakuyang namasdan an parehong mensahero na nakatindog sa ibabaw kan sakuyang pamayuhan na nababalutian nin liwanag arog kan enot. Asin saiyang sinabi sakuya an mga sinabi na niya sakuya kan nakaaging banggi, asin sinugo niya ako na magduman sa sakuyang ama asin sabihon ko an bisyon asin an mga kasugoan na sakuyang naresibe.

“Sinunod ko siya; binalikan ko an sakuyang ama sa bukid, asin inotro ko sa atubangan niya an gabos na pangyayari. An sakuyang ama nagsabi na idto gikan sa Diyos, asin

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

sinabi niya na mag-utob ako asin gibohon an mga kasugoan sakuya na sinugo kan anghel. Naghale ako, asin dinumanan ko an lugar kun saen sinabi sakuya kan anghel an lugar na pinagdepositohan kan mga lamina; sa dahilan kan maliwanag na pagka-arang sa tamang lugar kan sakuyang bisyon na manungod sa lamina; aram ko man tulos an lugar nin daeng pagduduwa-duwa kan mag-abot ako duman.

“Sa marahay-rahay na baryo kan Manchester, Ontario County, New York, nahiling ko an sarong buro-bukid na may kadakulaan man, asin iyo sana an mas hurohalangkaw sa lugar na idto. Sa may parteng sulnopan kan buro-bukid, sa dae pa harayong gayo sa may kaibabawan kaini, sa irarom kan mga medyo dara-dakulang gapo, nanagboan ko an mga lamina, nakadeposito sa sarong gapong sarayan. An gapong ini mahibogon asin pabilog sa may katahawang parteng itaas, asin pahimpis ini pasiring sa may gilid, kun kaya an katahawang parte kaini mahihiling mismo sa may parteng ibabaw, pero an gilid sa palibot kaini natatabunan kan daga.

“Pagkatapos kong mahale an daga, naghanap ako nin panikwat, na pinakarahay ko sa irarom nin gilid kan gapo, asin sa dikit kong pagsikwat nagka-ang paitaas ini. Hiniling ko an laog, asin sakuyang namansayan naggad an mga lamina, an Urim asin Thummim, asin an baluting-daghan, uyon sa pagkasabi kan mensahero. An sarayan kun saen managboan ko an lamina nasa pormada nin mga gapo na pinagpatung-patong na dinukot nin garo semento. Sa irarom kaining sarayan igwa nin duwang gapo na nakalatag na garo pa-krus, asin sa ibabaw kaini nakapatong an mga lamina asin iba pan kairiba kaini.

Pinagprobaran kong kuahon an mga ini, alagad binawal kan mensahero, asin saiya man giraray pina-aram sakuya na an panahon nin pagkua paluwas dae pa nag-abot, asin dae pa maabot, hanggan maabot nin apat na taon magpoon kaidtong oras na idto; alagad sinabihan nya man ako na dapat akong magbalik giraray sa lugar na idto pagkatapos nin sarong taon, asin maghilingan man giraray kami, asin padagos kong gigibohon ini hanggan magdatong an tamang oras nin pagkua kan mga lamina.

“Arog kan mga pinagsugo niya sakuya; nagbabalik-balik ako kada katapusan nin taon, asin kada panahon na pagduman ko sa lugar, parehong mensahero an yaon duman, na nagtatao sakuya nin mga instruksiyon asin kaaraman na gikan saiya sa kada pag-oorolay-olay niamong duwa, mapanungod sa ma gigibohon nin Kagurangnan, asin kun paano asin sa anong paagi na an saiyang kahadean papangyarihong gibohon sa mga huring aldaw.

“Sa kinahaluyi nin panahon nag-abot an pagkakataon na dapat nang kuahon an mga lamina, an Urim asin Thummim, asin an baluti nin daghan. Kan ika-biente dos na aldaw kan Septyembre, mil otso sientos biente siyete, pagkatapos kong magduman sa kada katapusan nin taon uyon duman sa samuyang napagka-orolayan, sa lugar kun saen an mga lamina nakadeposito, parehong langitnon na mensahero an nagtao sakuya kan mga lamina na may arog kaining tugon: Na ako an may dakulang responsibilidad para sa mga lamina; na kun ini sakuyang mawara sa kapabayaan ko, o sa dae ko pag-ingat sa mga ini, ako mapapahamak; alagad kun sakuyang himohon na an mga lamina maigot kong pagmatuhon na itago, hanggan siya, an mensahero, sugoon giraray na kuahon an mga ini,

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

dapat na maigot na protektahan an mga ini.

“Sa dae nahaloy naaraman ko kun tadaw ta nagresibe ako kan arog kaining estriktong gibohon tanganing maingatan an mga lamina, asin kun taano ta maigot na sinabi kan mensahero na sa panahon na ginibo ko an mga itinugon sakuya, saiyang kukuahon giraray an mga lamina. Sa dae pa nahaloy na panahon, an pagkakua ko sa mga lamina nabantog tulos-tulos, ta sa pinakamaigot na mga paagi may mga tawong gusting mag-agaw kaini sakuya. Kada pakana na naimbento ginigibong himohon tanganing lamang makua an mga ini. An persekusyon mas lalong mapaiton asin matindihon kaysa kaidto, asin kadakul na mga tawo ang padagos na nagin alerto para sa posibleng pag-agaw kaini sa sakuya. Alagad sa tabang nin kadunungan nin Diyos, an mga lamina padagos na ligtas sa pag-ingat kan sakuyang mga kamot, hanggan nahimo ko na an mga bagay na gibohon na pinagsugo sakuya. Uyon sa samuyang napagka-orolayan, kinua hale sakuya kan mensahero an mga lamina, asin tulos ko man itinao an mga ini saiya; asin hanggan ngonian yaon an mga ini sa pag-iingat niya, sa petsa dos nin Mayo, 1838.”

Para sa kumpletong rekord, hilingon an Joseph Smith-Kasaysayan, sa an Perlas na Makantidad, asin Historya kan Simbahan ni Jesucristo kan mga Banal sa Huring Aldaw, Bolyum 1, Tsapter 1 sagkod 6.

An suanoy na kasuratan na kinua gikan sa daga, na nagsirbeng mga boses nin tawo na nagtataran hale sa alpog, asin translado sa modernong tataramon sa paagi kan regalo asin kapangyarihan nin Diyos, na pusog na pinatotoohan nin Diyos, na enot na pinublikar sa mundo sa lenguwaheng Ingles sa taon 1830 bilang An Libro Ni Mormon.

AN HALIPOT NA PALIWANAG MAPANUNGOD SA LIBRO NI MORMON

An Libro Ni Mormon sarong sagradong kasuratan kan mga tawo kan suanoy na Amerika, asin pinag-ukit sa ibabaw nin mga dahon kan librong gibo sa metal. May apat na klase nin laminang metal na sinasambit sa librong ini:

1. An mga Lamina ni Nephi, na may duwang klase: An mga saradit na Lamina asin an Darakulang Lamina. An enot particular na nakapanungod sa mga espirituwal na mga bagay asin an ministryo asin mga katukdoan nin mga propeta, alagad an huri nakapanungod man sa gabos na kasaysayan nin panahon kan mga tawong sinasambit (1 Nep 9:2-4). Magpoon sa panahon ni Mosiah, maski paano, an darakulang lamina may laman man nin mga mayor na espirituwal na tema.

2. An mga Lamina ni Mormon, kumponido nin pinahalipot na sura ni Mormon gikan sa darakulang lamina ni Nephi, na may kadakul na komentaryo. An mga laminang ini may laman man na pinagpadagos na estoryang sinurat ni Mormon asin mga kadagdagan man

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na estoryang sinurat kan saiyang aki na si Moroni.

3. An mga Lamina ni Ether, na nagpapahayag nin kasaysayan kan mga Jaredita. An estoryang ini pinahalipot ni Moroni, na nagdagdag man nin mga komentaryo niyang sadire asin pinagsaro niya sa pankagabsan na estorya sa irarom kan titulong “Libro ni Ehter.”

4. An mga Bronseng Lamina, na dara-dara kan banwaan ni Lehi gikan sa Jerusalem kan 600 B.C. An mga ini nakapalaman “an Limang Libro ni Moises,... asin man kan mga kasaysayan nin mga Judio kan kapinunan... hanggan sa panahon na naghahade si Hadeng Zedekiah, Hade nin Judah; asin man kan mga Propesiya nin mga banal na propeta” (1 Nephi 5: 11-13). Kadakul na mga kasabihan gikan sa mga laminang ini, na nagsasaysay kan mga tataramon ni Isaias asin iba pa man na mga propeta sa Bibliya, na nagkasarambit sa Libro ni Mormon.

An Libro ni Mormon kumponido nin kinseng mayor na mga parte o kabarangaan, na aram na, alagad laen sa saro, bilang mga libro, na an lambang saro nakapangaran sa mga bistadong tagasurat kan mga ini. An enot na parte (an enot na anom na mga libro, na mintapos sa Omni) iyo an mga transladong lengywahe na naggikan sa Saradit na Lamina. Sa katahawang kan mga librong Omni asin Mosiah igua nin sarong kadagdagan na inaapud na An Mga Tataramon ni Mormon. An dagdag na ini nagsusumpay sa mga estorya na inukit sa mga Saradit na Lamina asin kan pinahalipot na estorya na ginibo ni Mormon sa Darakulang Lamina.

An pinakahalabang parte, gikan sa Mosiah hanggan sa Mormon, Tsapter 7, na kairiba kaini, iyo an translasyon kan halipot na kasaysayan ni Mormon sa mga Darakulang Lamina ni Nephi. An pantapos na parte, gikan sa Mormon, Tsapter 8, hanggan sa katapusan kan bolyum, iyo idtong inurukit kan aki ni Mormon na si Moroni, na iyo an nagsurat nin halipot na estorya kan record nin Jaredita (bilang Libro ni Ether) pagkatapos niyang isurat an estorya nin buhay kan saiyang ama, asin sa dae naghaley na panahon, iyo naman an nagdagdag kan mga parte bilang Libro ni Moroni.

Haros sa panahon kan taon A.D. 421, si Moroni, an huri sa lahi nin mga Nephita na sarong propetang para-estorya, iyo an nagselyo kan banal na mga libro asin itinago an mga ini sa ngaran nin Kagurangnan, tanganing mailuwas sa mga huring aldaw, na uyon sa mga pinaghulaan kan boses nin Diyos sa paagi kan saiyang mga suanoy na mga propeta. Kan A.D. 1823, parehong persona ni Moroni, na kan nasambit na panahon na yaon na sa kamurawayan niyang kamugtakan, nagbisita ki Propeta Joseph Smith asin sa kasunod na pangyayari iyo man mismo an nagtiwala kan mga lamina saiyang.

AN ENOT NA LIBRO NI NEPHI

An Saiyang Pamamahala asin Ministeryo

Iyo ini an kasaysayan ni Lehi asin kan saiyang agom na si Sariah, asin kan apat niyang mga aking lalaki na an mga pangaran, (magpoon sa pinakamatua) si Laman, Lemuel, Sam asin Nephi. An Kagurangan nagpatanid ki Lehi na maghale paluwas sa daga nin Jerusalem, ta nagparapropesiya siya sa mga tawo manungod sa saindang mga gibong karaotan asin mawot ninda na ipahamak an saiyang buhay. Mga tulong aldaw sindang naglakaw sa kaparangan na kairiba an saiyang pamilya. Si Nephi asin an saiyang mga tugang asin nagbalik sa lugar nin Jerusalem tanganing kuahon an mga record kan mga Judio. An estorya kan saindang mga kasakitan. Inaragom kan mga aki ni Lehi an mga aking daraga ni Ishmael. Iniriba ninda an saindang mga pamilya asin nagpasiring sa kaparangan. An saindang mga pagsakit asin mga kakulugan nin boot habang yaon sa kaparangan. An saindang direksiyon sa paglalakbay. Inabot ninda an lugar harani sa mga kadagatan. An mga tugang ni Nephi nagrebelde laban saiya. Sinda saiyang pinaribongan, asin naggibo nin dakulang barko. Inapud ninda an ngaran kan lugar na Masagana. Nagbiyahe sinda sa dakulang kadagatan pasiring sa lugar nin promise, asin duman pa sa harayo. Ini siring sa pagkasurat ni Nephi; o sa ibang tataramon, Ako si Nephi, Kagsurat kan kasuratan na ini.

TSAPTER 1

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

***An Libro Ni Mormon (An Saro Pang Tipan ni Jesukristo)
The First Draft***

Pinagpromisa ni Nephi an pagsurat nin kasaysayan kan saiyang banwaan --- Nahiling ni Lehi sa sarong bisyon an sarong harigi nin kalayo asin nagbasa siya sa sarong libro nin Propesiya --- Inomaw niya an Diyos, asin ipinangenot niyang binareta an pag-abot kan Mesiyas, asin Propesiya mapanungod sa pagkaraot kan Jerusalem --- Siya pinagpersiger kan mga Judio. Mga 600 B.C.

Ako si Nephi, na ipinangaki sa marhayon na mga magurang, kun kaya ako natukdoan nin haros gabos na pagkanuod kan sakuyang ama; asin sa rason na nahiling ko an kadakul na mga kasakitan sa paglipas nin panahon kan sakuyang mga aldaw, daeng pagkukulang, na pinagtaw-anan nin halangkaw na pabor nin Kagurangnan sa gabos kong mga aldaw; iyo, sa pagkakaguno ko nin dakulang kaaraman dapit sa karahayan asin kan mga misteryo nin Diyos, kun kaya naggibo ako nin record kan gabos kong mga naginibohan kan sakong mga aldaw.

2 Iyo, ako naggibo nin record sa lenguwaha kan sakong ama, na pinagtiripon-tipon na pagkanuod nin mga Judio asin kan lenguwaha nin mga Ehipsiyano.

3 Asin ako nakakaaram na an record na sakuyang ginibo sarong totoo; asin ginibo kan sakuyang sadireng kamot; asin nahimo ko ini na husto sa sakuyang pagkaaram.

4 Nin huli ta ini nangyaring naglipas na sa pagpopoon pa sana kan paghahade ni Zedekiah, hade nin Judah, (an sakong ama, si Lehi, nahaloy na nag-estar sa Jerusalem sa gabos niyang aldaw); asin sa taon man sanang idto may mga nagruluwas na mga propeta, nagbabalangibog sa mga tawo na inaagda sindang magsolsol, ta kun dae an Bantog na siyudad nin Jerusalem rurunoton.

5 Kunbaya ini nangyaring naglipas na an sakong ama, si Lehi, habang siya nagpapadagos sa paglalakaw ipinapangadye niya sa Kagurangnan, iyo, sa bilog niyang puso, an saiyang sadireng banwaan.

6 Asin ini nangyaring naglipas na habang siya nangangadyi sa Kagurangnan, nagpahiling sa atubangan niya an sarong harigi nin kalayo asin nakatugdon sa ibabaw nin sarong gapo; asin sa kadahilanan kan mga bagay na saiyang namamasdan asin nadadangog grabeng gayo an saiyang pagkatakot.

7 Asin ini nangyaring naglipas na nag-uli siya sa harong niya sa Jerusalem; asin ibinagsak niya an saiyang hawak sa higdaan, habang nakukunupanang gayo nin Espiritu asin nin mga bagay na saiyang nasaksihan.

8 Habang nasa kapanoan pa siya nin Espiritu, siya pinagdara sa sarong bisyon, na saiyang nahiling na buminka an kalangitan, asin naisip niyang nahiling an Diyos na nakatukaw sa saiyang trono, na napapalibutan nin kadakul-dakul na mga anghel na nagkakarantahan asin nag-oomaw na gayo sa saindang Diyos.

9 Asin pagkatapos kan mga bagay na ini, nahiling niya man an Saro na nagbababa gikan sa katahawang nin kalangitan, asin namasdan niya an sarong mamurawayon na kaliwanagan na mas sobra pa sa liwanag kan saldang sa kina-udtuhan.

10 Asin nahiling niya man an doseng iba pa na nagsurunod sa Enot, asin an saindang kaliwanagan minasobra pa sa mga liwanag nin bituon sa kalangitan.

11 Asin sinda dagos na nagbaraba pasiring sa lugar nin kinaban; asin an Enot nag-abot asin nagtindog sa atubangan nin sakong ama, asin itinao saiya an sarong libro, asin

An Simbahan ni Jesukristo nin Mga Banal sa Huring-aldaw 14
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sinabihan siyang basahon ini.

12 Asin sa saiyang pababasa, napano siya kan Espiritu nin Kagurangnan.

13 Asin binasa niya na nagsasabi: Kaherak-herak man an Jerusalem, ta nahiling ko an mararaot niyang kagibohan! Iyo, asin kadakul pang mga bagay an nabasa kan sakuyang ama na panungod sa Jerusalem --- na dapat ining runuton kairiba an mga tawo kaini; kadakul an dapat na magkagaradan sa espada, asin kadakul man an magin mga preso na dadarahon sa lugar nin Babiloniya.

14 Asin ini nangyaring naglipas na kan an sakuyang ama nagbasa asin kadakul an saiyang mga nahiling na darakula asin makangangalas na mga bagay, ipinagkurahaw niya an kadakul na mga bagay sa Diyos; arog kan: Marhayon asin makangalas-ngalas an saimong mga gibo, O Kagurangnan Diyos na Pinakamakakamhan! An saimong trono mas halangkaw sa kalangitan, asin an saimong kapangyarihan, asin karahayan, asin pagkaherak na nakasabwag sa gabos na mga tawo sa kinaban; ta ika pano nin pagkaherak, habo mong itugot na an gabos na nagdudulok saimo mapapahamak.

15 Arog kaini an ipinagboses kan sakuyang ama sa pagpapamuraway sa saiyang Diyos; ta an bilog niyang puso napano, nin mga bagay na saiya nang nahiling, iyo, na ipinahiling saiya nin Kagurangnan.

16 Asin ngonian, Ako, si Nephi, bakong gayong naginibo ko an kabilugang estorya nin mga bagay na sinurat kan sakong ama, ta kadakul na bagay an saiyang naisurat na saiya mismong nahiling sa mga bisyon asin mga pangiturugan; asin kadakul man siyang sinurat na mga bagay na saiyang ipinapahayag asin ibinabalangibog sa saiyang mga kaakian, na dae kong gayo maisasaysay an bilog na estorya.

17 Alagad ako masurat kan mga bagay na sakuyang naginibohan sa panahon kan mga aldaw ko. Hilnga, nagsurat man ako nin halipot na kasuratan manungod sa rekord kan sakuyang ama, sa mga laminang ginibo kan sakuya mismong mga kamot; kun kaya, pagkatapos maisurat an estorya kan sakuyang ama, saka ko ginibong suraton an mapanungod man sa sakuyang sadireng estorya nin buhay.

18 Mapadapit sa mga bagay na ini, ako naggibo kaini tanganing kamo man makaaram, na pagkatapos na maipahiling nin Diyos an kadakul-dakul na makangangalas na mga bagay sa sakong ama, si Lehi, iyo, mapanungod sa pagrunot nin Jerusalem, uya nagduman siya sa atubangan nin mga tawo, asin pinagpoonan niyang ipahayag an ma bagay na ini asin pinagbalangibog niya sainda an mapadapit sa mga bagay na saiya mismong nahiling asin nadangog.

19 Asin ini nangyaring naglipas na an mga Judio pinagtutuya-tuya siya tungkol sa mga bagay na saiyang pinagbabareta sa mga tawo; ta sinabi niyang talaga an katotoohan kan saindang mga karaotan asin kan saindang pag-uulog-ulog; asin sinabi niya na an mga bagay na ining saiyang nahiling asin nadangog, asin an mga bagay man na saiyang nabasa sa libro, rimpos na nagpapatunay sa pag-abot nin sarong Mesiyas, asin man an talaan na pagbalukat kan kinaban.

20 Kan madangog kan mga Judio an mga bagay na ini, nagka-aranggot sinda saiya; iyo, maski sa mga gurang na mga propeta, na saindang pinaharale, pinaggarapo, asin pinaggaradan; asin sinda man naghanged laban sa buhay niya, na gusto siya nindang gadanon. Pero hilnga, Ako, si Nephi, ipapahiling sainda na an mamumut-on na mga pagkaherak nin Kagurangnan sa gabos na mga makusog para magkakaigwa nin kapangyarihan na makaligtas.

1 NEPHI TSAPTER 2

Pinagdara ni Lehi an saiyang pamilya duman sa kaparangan na harani sa Pulang Dagat --- Binarayaan ninda an saindang mga pagsasadire --- Nagdulot si Lehi nin sakripisyo sa Kagurangnan asin tinurukdoan niya an saiyang mga kaakiang lalaki na magsunod sa mga kasugoan --- si Laman asin si Lemuel naggurumod-gumod laban sa saindang ama --- si Nephi naging masinurunod-sunod asin may pagtubod na nangangadyi; An Kagurangnan nagtaram saiya, asin pinili siyang lider urog sa saiyang mga katugangan.

Uya hilnga, nangyari na an Kagurangnan nagtaram sa sakuyang ama, iyo, maski sa pangiturugan, asin nagsabi saiya: Paladan ka Lehi, dahil sa mga bagay na saimo nang naginibo; asin ta ika matinubod-tubod asin ta pinagbalangibog mo sa mga tawong ini an mga bagay na pinagsugo ko saimo, asin ta hilnga gusto nindang kuahon an saimong buhay.

2 Asin nangyari na sinugo nin Kagurangnan an sakuyang ama, sa paagi nin pangiturog, na kuahon niya an saiyang pamilya asin maghale pasiring sa kaparangan.

3 Asin nangyari na dinangog niya an tataramon nin Kagurangnan, kun saen saiyang ginibo an pagsugo nin Kagurangnan saiya.

4 Asin nangyari na siya naghale pagduman sa kaparangan. Asin binayaan niya an saiyang harong, asin an lugar kan saiyang pinaggikanan, asin an saiyang bulawan, asin mga plata, an saiyang makantidad na mga bagay-bagay asin mayo siyang dinararang saiya, laen lang kan saiyang pamilya, asin mga balon, asin mga tolda, asin nagharale pagduman sa kaparangan.

5. Asin siya nag-abot sa may pag-ultanan harani sa Pulang Dagat; asin nagpadagos sindang naglakaw sa kaparangan sa pag-ultanan na haranihon na sa Pulang Dagat; asin siya mismo naglakaw na kairiba an saiyang pamilya, na kairiba an ina, si Sariah, asin an sakuyang mga matuang tugang na sinda Laman, Lemuel, asin Sam.

6 Asin nangyari na naglakaw sinda sa laog nin tulong aldaw sa lugar nin kaparangan, tinugdok niya an saiyang tolda sa sarong bukidnon na harani sa gilid kan salog nin tubig.

7 Asin nangyari na naggibo siya nin altar nin mga gapo, asin naghimo nin sarong pagdulot para sa Kagurangnan, asin nagtao nin pasasalamat sa Kagurangnan na satong Diyos.

8 Asin nangyari na inapud niya an salog nin tubig sa ngaran na Laman, asin nag-uula pasiring sa Pulang Dagat; asin an burobukid-bukid na yaon na gayo sa mga pag-ultanan na harani sa may bunganga kaini.

9 Kan mahiling nin sakuyang ama na an mga tubig nin sapa nag-uula pasiring sa kabuhusan nin Pulang Dagat siya nagtaram ki Laman, na nagsasabi: O Ika magin kapareho laman sa salog na ini, na padagos na nasusupay sa kabubunan nin gabos na karahayan!

10 Asin sinabi niya ki Lemuel: O Ika magin arog ka laman sa burobukid na ini, makusog asin matibay, asin dae magbabago sa pagsunod kan mga Kasugoan nin Kagurangnan.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

11 Ngonian sinabi niya man an mga ini dahil sa katisoan kan mga liog ni Laman asin Lemuel; ta hilnga sinda mismo naggugurumod-gumod sa kadakul na bagay laban sa saindang ama, nin huli ta siya sarong bisyonaryong tao, asin sinda pinamayuhan sa luwas kan lugar nin Jerusalem, binayaan an daga kan saindang pinagkagirikanan, asin an saindang bulawan, an saindang plata, an saindang makantidad na mga bagay, tanganing mapara sa kaparangan. Asin an bagay na ini sinabi pa ninda naggibo niya nin huli sa mga hangal na mga imahinasyon kan saiyang puso.

12 Asin ta sinda Laman asin Lemuel, bilang mga matua, naggugurumod-gumod kontra sa saindang ama, kaya arog sinda kaini ta dae sinda nag-aaram kan mga bagay na ginibo kan saindang Diyos na iyo an naglalang sinda.

13 Ni magtubod sinda na an Jerusalem, an bantog na siyudad, marurunot sabi pa kan mga tataramon kan mga propeta. Asin sinda naa-arog man sa mga Judio na yaon sa Jerusalem, na nagmamawot na paraon an buhay kan saindang ama.

14 Asin nangyari na an sakong ama nakipag-olay sinda sa burobukid nin Lemuel, may kapangyarihan, naririmpos nin Espiritu, hanggan sa an saindang mga hawak nangungubog-kubog sa atubangan niya. Asin sinda saiyang pigribong, kaya sinda daeng gayo nagka-igwa nin kusog nin buot na makapagtaram kontra saiya; kumbaga sinda suminunod kun ano an ipinagsugo sinda.

15 Asin an sakong ama nag-eestar sa sarong tolda.

16 Asin ini nangyaring naglipas, na ako, si Nephi, na hoben pang gayo, alagad may dakulang panghawakon, asin mas may dakulang kamawotan na maaraman an mga misteryo nin Diyos, kun kaya, nangangapudan ako sa Kagurangnan; asin hilnga ako saiyang binisita, asin pinalumoy an sakuyang puso asin ako nagtubod sa gabos na tataramon na ipinagsabi sako kan sakuyang ama; kun kaya, dae ako nagrebelde laban saiya na arog kan ginigibo kan mga tugang ko.

17 Asin ako nakipag-olay ki Sam, asin sakuyang ipinaaram saiya an gabos na bagay na an Kagurangnan pinaghimo sakuya sa paagi kan saiyang Banal na Espiritu. Asin nangyari na siya naniwala sa mga tataramon ko.

18 Pero, hilnga, si Laman asin si Lemuel habo naggad na magdangog sa sakuyang mga tataramon; asin nagkukulog an saindang mga buot sa dahilan na matatagas an saindang mga puso asin ako nangapudan sa Kagurangnan para sinda.

19 Asin nangyari naglipas na an Kagurangnan nakipag-olay sa sakuya na an sabi: Paladan ka, Nephi, nin huli sa saimong pagtubod, ta ikaw nagmamawot sakuya nin may kahigosan, asin may mapagpakumbabang puso.

20 Asin ta ika padagos na nag-uutob kan sakuyang mga pinagsusugo, ikaw mag-uuswag, asin dadarahon sa dagang pangako; iyo, sa daga na sakuyang pinag-andam para sa saimo; iyo, sa daga na mas piniling labi pa sa gabos na mga kadagaan.

21 Asin ta habang an saimong mga tugang magrebelde kontra sa saimo, sinda wawaraon sa atubangan nin Kagurangnan.

22 Asin ta ika padagos na mag-uutob kan sakuyang mga kasugoan, ika gigibohon kong tagapamayo asin sarong paratukdo labaw sa saimong mga tugang.

23 Ta hilnga, sa aldaw na sinda magrebelde laban sakuya, isusumpa ko sinda nin sarong makuring sumpa, asin sinda mayong kapangyarihan sa saimong banhi puwera lang kun sinda man magrebelde kontra sakuya.

24 Asin kun mangyayari man na magrebelde sinda laban sa sakuya, sinda magsisirbeng

latigo kan saimong banhi, tanganing sinda man maghihingohang makamangno sa mga dalan nin pagkagiromdom.

1 NEPHI TSAPTER 3

An mga aking lalaki ni Lehi nagbalik sa Jerusalem tanganing kuahon an mga laminang bronse --- si Laban nagsayuma na itao an mga ini --- si Nephi nagpapagirumdom asin pinapakusog an saiyang mga tugang --- Inaragaw ni Laban an saindang dara-darang pagsadire asin gusto sindang garadanon --- si Laman asin si Lemuel pinakulgan si Nephi asin sinda sinaway nin sarong anghel.

Asin ta nangyari na Ako, si Nephi, nagbalik hale sa pakikipag-olay sa Kagurangnan, pasiring sa tolda kan sakong ama.

2 Asin ta nangyari na siya nakipag-olay sakuya, na nagsasabi: Hilnga ako nangiturugan nin sarong pangiturog, na ako sinugo nin Kagurangnan na ika asin an saimong mga tugang dapat na magbalik sa Jerusalem.

3 Ta hilnga, yaon ki Laban an kasaysayan kan mga Judio asin an listahan nin kapag-arakian kan sakuyang mga ninuno, asin an mga ini naka-ukit sa bronseng lamina.

4 Kaya, an Kagurangnan nagsugo sakuya na ika asin an saimong mga tugang dapat na magduman sa harong ni Laban, asin hagian an mga rekord, asin darahon an mga ini digde sa lugar nin kalantadan.

5 Kaya ngonian, hilnga an saimong mga tugang na nagngungurob-ngurob, nagsasabi na nadepisilan na gayo sinda sa mga bagay na sakuyang hinahagad sinda; pero hilnga bakong ako an naghahagad sinda kan mga bagay na ini, kundi ini kasugoan nin Kagurangnan.

6 Kaya lakaw, aki ko, asin saimo an pabor nin Kagurangnan, ta ika dae nagugumod-gumod.

7 Asin ta nangyari na Ako, si Nephi, nagsabi sa sakong ama: Maduman ako asin gigibohon ko an mga bagay na ipinagsusugo nin Kagurangnan, ta aram ko na an Kagurangnan dae man nagsusugo sa mga aki nin tawo, kun dae niya pinag-andaman nin sarong dalan para sinda na tanganing mahaman ninda an mga bagay na saiyang pinapagibo.

8 Asin nangyari na kan madangog niya an mga tataramon na ini nag-ogma siyang gayo, ta aram na niya na ako ginibong paladan nin Kagurangnan.

9 Asin Ako, si Nephi, asin as sakong mga tugang nagpahumale sa kaparangan, na dara an samong tolda, ta mapaduman sa daga nin Jerusalem.

10 Asin nangyari na kami nag-abot na sa lugar nin Jerusalem, ako asin an sakong mga tugang nagka-igwa nin konsultasyon sa lambang saro sa saro.

11 Asin kami nagburunutan --- kun siisay samuya an madman asin maglaog sa harong ni Laban. Asin ta nangyari na si Laman an nakabunot na magduman; asin si Laman naglaog sa harong ni Laban, asin saiya ining kina-olay habang nakatukaw sa laog kan saiyang harong.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 12 Asin saiyang hinagad na makua ki Laban an mga rekords na naka-ukit sa mga bronseng lamina, na may laman kan kasaysayan kan sakuyang ama.
- 13 Asin uya, nangyari na naanggot si Laban, asin pinalayas siya sa saiyang atubangan; asin habo na mapapasaiya an mga rekords. Pagkatapos, sinabi niya saiya: Hilnga ika sarong parahabon, asin ta gagadanon taka.
- 14 Pero nagdulag si Laman sa atubangan niya, asin isinabi nya samuya an gabos na bagay na ginibo saiya ni Laban. Asin nagpoon kaming nagin mamundoong marhay, asin an sakong mga tugang mabaralik na kuta na sa samuyang ama sa kaparangan.
- 15 Alagad hilnga nagsabi ako sainda na: Habang an Kagurangnan buhay, asin kita man mga buhay, dae kita magbalik sa satuyang ama sa kaparangan hanggan satuyang mahaman an bagay na pinagsusugo nin Kagurangnan satuya.
- 16 Kaya, dapat kitang pano nin pagtubod sa pagsunod kan mga kasugoan nin Kagurangnan, ngonian maduman kita sa daga na pinaggikanan kan satuyang ama, ta hilnga binayaan niya an bulawan asin plata, asin an gabos na klaseng mga kayamanan. Asin an gabos na ini ginibo niya tanganing magsunod sana sa Kagurangnan.
- 17 Ta naaraman niyang gayo na an Jerusalem dapat na runuton, nin huli sa karaotan nin mga tawo.
- 18 Ta hilnga, sinda mismo an nagsasayuma sa mga tataramon kan mga propeta. Kaya, kun an sakong ama dapat na mag-estar sa dagang ini pagkatapos na siya sinugong maghale paluwas sa daga, uya, siya man mapapara. Kaya, dapat lang na maghale siya paluwas sa Jerusalem.
- 19 Asin uya dangoga, ini kadunungan nin Diyos na dapat tang makua an mga talaan, tanganing maipreserba nyatong maipamana sa satuyang mga kaakian an lenguwaha kan satuyang mga ama;
- 20 Asin man satuyang maipreserba sa sainda an mga tataramon na pinagsarabi kan mga nguso nin mga banal na propeta, na saindang ipinagbalangibog sa mga tawo sa balaog nin Expiritu asin kapangyarihan nin Diyos, bago pa man an kinaban, hanggan sa mga presenteng panahon.
- 21 Asin nangyari na sa pagkatapos kan arog kaining manera nin lenguwaha na sakuyang nakumbinsi an mga tugang ko na sinda magka-igwa nin pagtubod na hamanon an mga pinagsugo nin Diyos.
- 22 Asin nangyari na kami nagpaduman sa lugar kan samuyang pinaggikanan asin tiniripon niamo an mga bulawan, an samuyang mga plata, asin an samuyang makantidad na kagamitan.
- 23 Asin pagkatapos ming matipon ining gabos na mga bagay, nagbalik kami giraray sa harong ni Laban.
- 24 Asin nangyari na kami naglaog ki Laban, asin samuyang hinagad saiya na itao niya samuya an mga rekords na naka-ukit sa mga bronseng lamina, na bilang karibay itatao niamo saiya an samuyang mga bulawan, an samuyang mga plata, asin an gabos niamong makantidad na kagamitan.
- 25 Asin nangyari na kan mahiling ni Laban an samuyang mga propiedad, asin ta ini kadakul na marhay, nasilaw siya sa mga ini, ta pinalayas kami gabos, asin pinalalamag kami kan saiyang mga surugoon tanganing garadanon, asin mapasaiya na an gabos na bagay na samuyang dinara.
- 26 Asin nangyari na kami nagdurulag sa atubangan kan mga surugoon ni Laban, asin na-

obligar kaming maghale na walat an samuyang mga dara-darang mga propiedad, asin an mga idto napaduman sa mga kamot ni Laban.

27 Asin nangyari na kami nagdurulag pasiring sa kaparangan, asin an mga surugoon ni Laban dae nakalamag samuya, asin itinago mi an samuyang mga sadire sa lungib nin sarong gapo.

28 Asin nangyari na naanggot na gayo si Laman sakuya, asin sa sakong ama; asin iyo man si Lemuel, ta nagdadangog siya sa mga tataramon ni Laman. Kaya si Laman asin Lemuel nakapagtaram nin magagabat na mga tataramon samuya, na mga nguhod nindang mga tugang, asin sinda nagpakulog samuya na gamit an sarong panukod.

29 Asin nangyari talagang pinakol ninda kami nin panukod, uya, hilnga, sarong anghel nin Kagurangnan an nag-abot asin nakatindog sa samuyang atubangan, asin nagtaram sinda na nagsasabi: Tadaw baya ta saindong pinapakulgan an mga nguhod nindong tugang nin panukod? Aram daw nindo na pinili siya nin Kagurangnan para magin tapapamayo nindo, asin ini nin huli sa saindong mga mararaot na gibo? Uya pinapatanidan kamo na magduman sa Jerusalem giraray, asin an Kagurangnan itatao sa saindong mga kamot is Laban.

30 Asin pagkatapos na anghel makapagtaram samuya, siya naghale na.

31 Asin pagkatapos na naghale na an anghel, si Laman asin Lemuel giraray nagpoon na maggurumod-gumod, na nagsasabi: Paano daw magigin possible na itatao sa satuyang mga kamot si Laban? Uya hilnga, siya makapangyarihan na tawo, asin puwede siyang makapagsugo nin singkuwenta, iyo, maski manggagadan nin singkuwenta man; tapos kita pa kaya?

1NEPHI TSAPTER 4

Ginadan ni Nephi si Laban na uyon sa kasugoan nin Kagurangnan asin kinua an mga laminang bulawan sa paagi nin pakana --- Ginusto ni Zoram na mag-iba na sana sa pamilya ni Lehi sa kaparangan.

Asin ini nangyaring naglipas na ako nakipag-olay sa sakong mga tugang, na nagsasabi: Maduman giraray kita sa Jerusalem, asin kita magin totoo sa pagsunod kan mga isinugo nin Kagurangnan; ta hilnga baya, siya an mas labing makapangyarihan kesa gabos sa kinaban, asin paano naging bakong makusog kesa ki Laban asin kan saiyang singkuwenta katao, iyo, o maski ngani sa sampulong kagatusan?

2 Kaya magpasiring na kita duman; dapat kitang mas makusog arog ki Moises; ta siya totoo naggad na nagtaram sa mga tubig nin Pulang Dagat asin sinda nagkabaranga digde asin duman, asin an satuyang mga ama nakabalyong naglalakaw sa marang daga gikan sa pagkabihag, asin an hukbo ni Paraoh na nagsusunod sinda nagkaralamos sa tubig nin Pulang Dagat.

3 Ngonian hilnga aram nindong totoo ini asin kamo man nagkakaaram ta sarong anghel

An Simbahan ni Jesukristo nin Mga Banal sa Huring-aldaw 20
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an nagsabi sa saindo; ngonian, tadaw baya ta may duda pa kamo? Magduman na kita; an Kagurangnan kaya kitang iligtas, na arog kan sa satuyang mga ama, asin ta daogon si Laban, na arog kan mga taga-Ehipto.

4 Ngonian kan ako magtaram kan mga tataramong ini, sinda may kaanggutan pa man, asin giraray padagos na nagugurumod-gumod; maski pa man, sinda nagsurunod man giraray sakuya sagkud na kami makaabot sa luwas kan mga pader nin Jerusalem.

5 Asin banggi kaidto, asin sinda sakuyang pinapagtago sa luwas kan mga pader. Asin pagkatapos na sinda makapagtago na, ako, si Nephi, kuminamang palaog sa siyudad asin nagdiretso pasiring sa harong ni Laban.

6 Asin ako pinag-antabayanan nin Espiritu, na sa pagpoon dae ko pa man ngani naaraman pa an mga bagay na dapat kong gibohon.

7 Maski arog kaidto, ako nagpadagos, asin habang ako parani na sa harong ni Laban may nahiling ako nin sarong tawo, asin siya nakahigda sa daga sa atubangan ko, ta siya nasa kaburatang gayo nin arak.

8 Asin kan ako magrani saiya, nabisto kong siya si Laban.

9 Asin namansayan ko an saiyang espada, asin sakong pigbunot sa sarongan kaini; asin an puluhan kaini gibo nin lansay na bulawan, asin an pagkagibo kaini pulido, asin sakong nahiling na an tarom kaini gibo nin pambihirang asero.

10 Asin nangyari na ako pinirit kan Espiritu na dapat kong gadanon si Laban; alagad ako nagsasabi sa sakuyang puso: Maski noarin dae pa ako nakapagpabulos nin dugo nin tawo. Asin ako nag-aalangan asin minawot ko na dae ko siya gadanon.

11 Asin an Espiritu nagsabi giraray sako: Uya an Kagurangnan ipinagtao siya sa saimong mga kamot. Iyo, asin aram ko man na minamawot niyang kuahon an sadire kong buhay; iyo asin habo niyang dangogon an mga kasugoan nin Kagurangnan; asin saiya man na Inaragaw an samuyang mga pagsasadire.

12 Asin nangyari na an Espiritu nagsabi sako giraray: Gadana siya, ta an Kagurangnan tinao siya sa saimong mga kamot;

13 Hilnga ginagadan nin Kagurangnan an mga mararaot tanganing magibo an saiyang mga banal na katuyuhan. Mas marhay na an sarong tawo magadan kesa an sarong nasyon padagos nang magluya asin mapara sa daeng kamanungdanan na paniniwala.

14 Asin ngonian, kan ako, si Nephi, nakadangog sa mga tataramong ini, nagirumduman ko an mga tataramon nin Kagurangnan na sinabi niya sako sa kaparangan, na nagsasabi: Habang an saimong mga banhi nasusunod sa sakuyang kasugoan, sinda mag-uuswag sa dagang promise.

15 Iyo, asin ako nag-isip na dae ninda kayang magsunod sa mga kasugoan nin Kagurangnan na uyon sa mga ley ni Moises, puwera sana kun nasa sainda an mga ley.

16 Asin ako nag-aaram na an ley naka-ukit sa ibabaw kan mga laminang bronse.

17 Asin giraray, ako nag-aaram na ipinagtao si Laban sa sakong mga kamot para sa kausang ini --- tanganing mapasakuya an mga rekords uyon sa saiyang kasugoan.

18 Kun kaya, ako nagsunod sa boses kan Espiritu, asin kinaputan ko si Laban sa paagi kan saiyang mga buhok sa payo, asin tinigbas ko an saiyang payo na gamit an sadire niya mismong espada.

19 Asin pagkatapos kong pinutol an saiyang payo kan sadire niyang espada; kinurua ko an mga bado ni Laban asin sinul-ot ko sa sakong hawak; iyo, maski an mga saradit na bagay; asin ibinugkos ko an saiyang baluti sa sakong habayan.

- 20 Asin pagkatapos kong mahimo ini, nagduman ako sa kinamumugtakan kan kayamanan ni Laban. Asin kan ako pasiring na sa bugtakan-yaman ni Laban, uya, nahiling ko an katiwala ni Laban na may kapot kan mga susi kan tresoreriya. Asin sinugo ko siya sa boses ni Laban, na dapat siyang magsunod sako duman sa tresoreriya.
- 21 Asin ako saiyang napagkamalan bilang an saiyang among, si Laban, ta saiyang nahiling an mga bado ko asin man an espada na nakasukbit sa sakong habayan.
- 22 Asin siya nakipag-olay sakuya manungod sa mga gurang nin mga Judio, ta siya nag-aaram na an saiyang among, si Laban, nagluwas kan bangging idto na kairiba ninda.
- 23 Asin ako nagtaram saiya na garo man sanang si Laban.
- 24 Asin ako nagtaram saiya na sakuyang dadarahon an mga laminang bronse na may mga naka-ukit, sa atubang kan mga tugang kong gurang, na yaraon sa luwan kan mga dingding na pader.
- 25 Asin ako man nagsabi saiya na magsunod sa sakuya.
- 26 Asin siya, sa paghuna na ako nagpapanungod sa mga tugang nin Simbahan, asin ta ako an tunay na si Laban na sakuya nang ginadan, kaya suminunod siya sa sakuya.
- 27 Asin siya nagpaparataram sakuya sa kadakul na beses tungkol sa mga gurangan kan mga Judio, habang ako naglalakaw pasiring sa sakuyang mga tugang, na yaraon sa luwan kan pader.
- 28 Asin nangyari na kan mahiling ako ni Laman grabeng gayo an saiyang pagkatakot, asin si Lemuel man asin si Sam. Asin nagdurulag sinda parayo sakuya; ta naghuna sinda na ako naman naggad si Laban, asin ginadan na niya ako asin gusto man sindang barawian nin mga buhay.
- 29 Asin nangyari na inarapud ko sinda, asin nadangog ninda ako; kaya dae ninda ipinadagos an pagdulag sa atubangan kan presensiya ko.
- 30 Asin nangyari na kan an katiwala ni Laban nahiling an sakuyang mga tugang nangubog-kubog siya, asin madulag na kuta na gikan sa atubangan ko asin pagbalik pasiring sa siyudad nin Jerusalem.
- 31 Asin ngonian, ako, si Nephi, bilang sarong tawo na dakulaon an panghawakon, asin man nakaresibe nin pambihirang kusog gikan sa Kagurangnan, bigla kong kinaputan an katiwala ni Laban; asin pinugulan ko siya, na tanganing dae siya makadulag.
- 32 Asin nangyari na ako nakipag-olay saiya, na kun siya magdangog sa mga tataramon ko, habang buhay an Kagurangnan, asin nabubuhay ako, ta kun dangogon niya an sakong sasabihon, papabayaon mi siyang mabuhay.
- 33 Asin ako nagsabi sa saiya, na may sinumpaon, na dae siya dapat na matakot; na siya man magin sarong libreng tawo na arog samuya kun siya mag-iba samuya sa lugar nin kaparangan.
- 34 Asin ako nagtaram saiya, na nagsasabi: Siniseguro mi na an Kagurangnan nagsusugo samuya na gibohon an bagay na ini; asin dapat baya na kami dae magin mahigos sa pagsunod sa mga kasugoan nin Kagurangnan? Kun iyo ini, kun ika mag-iba duman sa kaparangan na kairiba kan sakong ama ika igwang lugar sa kairibahan mi.
- 35 Asin nangyari na si Zoram nagka-igwa nin kusog nin buot sa mga tataramon na sakong sinabi. Ngonian, si Zoram iyo an pangaran nin surugoon; asin siya nagpromisa na maiba sa kaparangan sa sakuyang ama. Iyo, siya man nagsumpa sa atubangan niamo na siya magigin kaiba mi na magpoon sa panahon na idto.
- 36 Ngonian samuyang pigmamawot na siya samuya nang makakaiba sa katuyuhan, na

tanganing dae na maaraman pa kan mga Judio an tungkol sa samuyang paghale paduman sa kaparangan, ta baka na kami ralamagon asin garadanon.

37 Asin nangyari na si Zoram nagsumpa samuya, kaya an samuyang mga takot nawara na mapanungod sa saiya.

38 Asin nangyari na samuya nang dara-dara an laminang bronse asin an katiwala ni Laban, asin nagharale pasiring sa kaparangan, asin nagpaduman sa tolda kan samuyang ama.

1 NEPHI TSAPTER 5

Si Sariah nagreklamo laban ki Lehi --- Parehong nag-ogma sa pagbalik kan saindang mga aki --- Nagdulot sinda nin mga sakripisyo --- An bronseng lamina may laman kan mga sinurat ni Moises asin kan mga propeta --- Saindang nabisto na si Lehi bilang herensiya ni Joseph --- si Lehi nagpropesiya mapanungod sa saiyang banhi asin an pagpreserba kan mga lamina.

Asin nangyaring naglipas na pagkatapos ming mag-abot sa kaparangan paduman sa samuyang ama, hilnga, siya napano nin kaogmahan, asin man an sakong ina, si Sariah, na grabe an kaogmahan, ta totoo talagang siya nagmundo nin huli sa samuya.

2 Ta siya naghuna na kami nagkaparara na sa kaparangan; asin siya man nagreklamo laban sa samuyang ama, na nagsasabi na sarong bisyonaryong tawo, na nagsasabi: Hilnga ika an namamayo samo sa paghale gikan sa samuyang dagang tinubuan, asin an sakuyang mga aki, marayo na, asin kita man mapapara sa kaparangan.

3 Asin sa arog kaining manera nin lenguwaha na an sakong ina nagreklamo laban sa sakong ama.

4 Asin nangyaring naglipas na an sakong ama nakipag-olay sa saiya, na nagsasabi: Aram kong ako sarong bisyonaryong tawo; ta kun dae ko nahiling an mga bagay nin Diyos sa sarong bisyon dae ko kuta na maaraman an karahayan nin Diyos, alagad yaon pa kuta na ako sa Jerusalem, asin nawara kuta na kairiba kan mga tugang ko.

5 Alagad hilnga, ako nakakua nin dagang pangako, kun saen sa mga bagay na ini ako nag-oogma; iyo, asin aram ko na an Kagurangan iyo an maligtas sa sakuyang mga aki sa mga kamot ni Laban, asin darahon sinda giraray satuya digde sa kaparangan.

6 Asin sa arog kaining manera nin tataramon, an nasabi kan sakuyang ama, si Lehi, na nakapagpatuninong sa sakuyang ina, si Sariah, manungod samuya, habang kami naglalakaw sa kaparangan pasiring duman sa daga nin Jerusalem, tanganing kuahon an mga rekord kan mga Judio.

7 Asin kan kami makabalik na sa tolda kan samuyang ama, hilnga napano sinda nin kaogmahan, asin an samuyang ina nagin matuninong.

8 Asin nagtaram na nagsasabi: Ngonian ako nag-aaram nang gayo sa katotoohan na an Kagurangan pinagsugo an sakuyang agom tanganing maligtas digde sa kaparangan; iyo, asin ako man nag-aaram na an Kagurangan nagtao nin proteksiyon sa sakuyang mga aki, asin nagligtas sa sainda sa mga kamot ni Laban, asin nagtao sainda nin kapangyarihan

An Simbahan ni Jesukristo nin Mga Banal sa Huring-aldaw

23

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

tanganing saindang mahimo an mga bagay na ipinagsusugo sainda nin Kagurangnan. Asin sa arog kainang manera nin pagtaram siya nagsasabi.

9 Asin nangyaring naglipas na sinda nagin maogmahon na marhay, asin Nagdulot nin sakripisyo asin sinunog na mga dulot para sa Kagurangnan; asin sinda nagtao nin pasasalamat sa Diyos nin Israel.

10 Asin pagkatapos nindang makapagdulot nin pasasalamat sa Diyos nin Israel, an sakuyang ama, si Lehi, kinua an mga rekord na naka-ukit sa bronseng lamina asin saiyang binasa an mga ini magpoon sa kapinunan.

11 Asin saiyang naaraman na an mga ini naglalaman nin limang mga libro ni Moises, na nagtatao nin kasaysayan manungod sa paglalang nin kinaban, asin man ki Adan asin si Eba, na iyo an enot nyatong mga magurang;

12 Asin man kan mga rekord kan mga Judio magpoon sa kapinunan, kairiba na ngani pati na an pagpoon kan paghahade ni Hadeng Zedekiah, hade nin Judah;

13 Asin man kan mga pahayag kan mga banal na propeta, magpoon sa kapinunan, magin sa pagpoon kan paghahade ni Hadeng Zedekiah; asin man kan kadakul na pahayag na naggigikan mismo sa nguso ni Jeremiah.

14 Asin nangyari na an sakong ama, si Lehi, nanagboan niya man sa bronseng lamina an sarong listahan nin kapag-arakian kan mga ama; kun saen saiyang napag-araman na siya sarong kapag-arakian ni Joseph; iyo, si Joseph na sarong aki ni Jacob, na ipinabakal duman sa Ehipto, asin siya man pigligtas kan kamot nin Kagurangnan, na siya magdadaray sa saiyang ama, si Jacob, asin an gabos na saiyang kagharongan na mapapara kan gutom.

15 Asin sinda man pinangenotan na makaluwas sa pagkasakop asin luwas sa daga nin Ehipto, kan kapareho man sanang Diyos na iyo an nagligtas sainda.

16 Asin sa bagay na ini an sakuyang ama, si Lehi, nakadiskubre sa listahan nin kapag-arakian kan saiyang mga ama. Asin si Laban man sarong kapag-arakian nin Joseph, kaya siya asin an mga ama man ipinagtago an mga rekord.

17 Asin ngonian kan an sakuyang ama nahiling an gabos na mga bagay na ini, siya napano nin Espiritu, asin nagpoon na magpahayag mapanungod sa saiyang banhi.

18 Na ining mga bronseng lamina dapat na magluwas para sa gabos na mga nasyon, mga lahi, mga lenguwaha, asin mga tawo na saiyang mga banhi.

19 Kun saen, sinabi niya na an mga bronseng lamina dapat na dae mapapara; ni an mga ini dae naggad madidikloman kan mga panahon. Asin siya nagpahayag nin kadakul na mga bagay mapanungod sa saiyang banhi.

20 Asin nangyaring naglipas na ako asin an sakong ama padagos na nag-uutob sa mga kasugoan na pinapagibo samuya nin Kagurangnan.

21 Asin samuyang nakua an mga rekord na pinagsugo samuya nin Kagurangnan, asin samuyang binasa asin samuyang namangnuhan na an mga ini marahay-rahay; iyo, an mga ini nagin mahalaga samuya, kun kaya puwede mismong padagos na mautob an kasugoan nin Kagurangnan sa samuyang mga kaakian.

22 Kaya man, an mga ini kadunungan nin Kagurangnan na samuya ining pagdaradarahon, habang kami naglalakbay sa kaparangan pasiring duman sa daga nin pangako.

1 NEPHI TSAPTER 6

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Sinurat ni Nephi an mga bagay nin Diyos --- An saiyang pigmamawot iyo na saiyang mapangapudan an mga tawo na magdulok sa Diyos ni Abraham asin maligtas. Mga 600-592 B.C.

Asin ngonian, ako, si Nephi, dae nagtatao nin rekord kan angkan kan sakuyang mga ninuno sa parteng ini; ni sa anumang panahon na sakuyang maitao an mga ini sa mga laminang sakong sinusurat; ta ini itinao na sa rekord na tinago kan sakuyang ama; kun saen, dae ko Isinurat sa gibo kong ini.

2 Ta tama na para sakuya na magtaram na kami mga kapag-arakian ni Joseph.

3 Asin bakong mahalaga sako kun ako masusing magtatao nin kabilugan na rekord sa gabos na mga bagay nin sakong ama, ta dae man ini maisusurat sa mga lamina, ta ako nagmamawot nin sarong kuwarto na tanganing ako makapagsurat nin mga bagay nin Diyos.

4 Para sa kabilugan kan sakong kamawotan na ako makapangapudan sa mga tawo na magdulok sa Diyos ni Abraham, asin Diyos nin Isaac, asin Diyos ni Jacob, asin maligtas.

5 Kun saen, an mga bagay na marhay para sa kinaban dae ko pinagsusurat, alagad an mga bagay na marhayon para sa Diyos asin para sa gabos na bako para sa kinaban na ini.

6 Kun saen, ako magtatao nin kasugoan para sa sakuyang mga banhi, na dae sinda magsusurat sa mga laminang ini nin tungkol sa mga bagay na mayong kahalagahan para sa kapag-arakian nin mga tawo.

1 NEPHI TSAPTER 7

An mga aki ni Lehi nagbalik sa Jerusalem asin pinag-imbataran si Ishmael asin an saiyang kagharongan na mag-iba na sa sainda sa paglalakaw --- si Laman asin an iba pa nagrerebelde --- si Nephi nagpapagirumdom sa saiyang mga tugang na magka-igwa nin pagtubod sa Kagurangnan --- Ginapos siya nin lubid asin pinagplanuhan na gadanon --- Siya nakaligtas sa paagi nin kapangyarihan nin pagtubod --- Naghagad tawad an saiyang mga tugang --- si Lehi asin an saiyang pag-iriba Nagdulot nin sakripisyo asin sinunog na mga dulot.

Asin ngonian gigibohon ko tanganing makaaram, na pagkatapos kan sakuyang ama, si Lehi, na magtapos na kan saiyang Pagpropesiya manungod sa saiyang mga banhi, nangyari na an Kagurangnan naki-olay giraray saiya, na nagsasabi na bakong marhay para sa saiya, si Lehi, na an saiya sanang pamilya an magduman sa kaparangan; kundi an saiyang mga kaakian magdarara nin mga babaeng daraga para aragumon, na tanganing magka-igwa nin mga banhing padarakulaon para sa Kagurangnan sa daga nin pangako.

2 Asin nangyari na an Kagurangnan nagsugo saiya na ako, si Nephi, asin an mga tugang ko, na dapat na bumalik giraray sa daga nin Jerusalem, asin darahon si Ishmael asin an saiyang pamilya paduman sa kaparangan.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Asin nangyari na ako, si Nephi, ginibo giraray, na kairiba an sakong mga tugang, na mapaduman sa kaparangan pasiring sa Jerusalem.

4 Asin nangyari na nagduman kami sa harong ni Ishmael, asin nakakua kami nin karahayan sa paghiling ni Ishmael, na tanganing samuya siyang maka-olay sa tataramon nin Kagurangnan.

5 Asin nangyari na an Kagurangnan ginibong mahuyo an puso ni Ishmael, asin man an saiyang mga kasarong sa harong, na tanganing sinda nag-iriba sa samuyang paglakaw pasiring sa kaparangan sa tolda kan sakuyang ama.

6 Asin nangyari na habang kami naglalakaw sa kaparangan, uya, si Laman asin Lemuel, asin duwa sa mga aking babae ni Ishmael, asin duwa sa mga aking lalaki ni Ishmael asin an saindang mga pamilya, nagrebelde kontra sa samuya; iyo, laban samuya; iyo laban sakuya, si Nephi, asin Sam, asin an saindang ama, si Ishmael, asin an saiyang agom na babae, asin an tulo pa nyang ibang aking babae.

7 Asin nangyari na sa nasabing pagrebelde, sinda nagmawot na bumalik duman sa daga nin Jerusalem.

8 Asin ngonian, ako, si Nephi, na nagin mamundo sa dahilan kan katagasan kan saindang mga puso, kaya ako nagtaram sainda, na nagsasabi, iyo, maski kina Laman asin Lemuel: Uya kamo an mga matua kong tugang, asin pano ta kamo nagin matatagas an saindang mga puso, asin mga buta sa saindang isip, na kamo igwa nin kaipuhan na ako, an nguhod nindong tugang, dapat na makitusay saindo, iyo, asin maghimo nin sarong Halimbawa para saindo?

9 Paano nangyari na kamo dae nagdadangog sa mga tataramon nin Kagurangnan?

10 Paano nangyari na kamo makalingaw na kamo mismo nakahiling nin sarong anghel nin Kagurangnan?

11 Iyo, paano nangyari na kamo makalingaw kun anong mga darakulang bagay an ginibo nin Kagurangnan para satuya, sa pigligtas satuya sa mga kamot ni Laban, asin man na kita an nakakua sa mga rekord?

12 Iyo, asin paano nangyari na kamo makalingaw na an Kagurangnan kayang magibo an gabos na mga bagay na sunod sa saiyang kamawotan, para sa mga aki nin tawo, kun tunay na ginagamit ninda an saindang pagtubod sa saiya? Kun kaya, dapat na kita magin totoo sa saiya.

13 Asin kun mangyari na kita magin totoo sa saiya, makakamtan nyato an daga nin pangako; asin ikaw makakaaram sa maabot na mga panahon na an tataramon nin Kagurangnan magin totoo manungod sa pagrunot kan Jerusalem; para sa gabos na mga bagay na an Kagurangnan nagtaram manungod sa pagrunot kan Jerusalem dapat na mangyayari.

14 Ta uya, an Espiritu nin Kagurangnan sa dae mahaloy na panahon mapundo sa pag-iba sa sainda; ta uya, saindang pinagbalewala an mga propeta, asin si Jeremiah saindang pinakulong sa presohan. Asin saindang pinagmawot na kuahon an buhay kan sakuyang ama, na tanganing saindang pinahale siya sa luwas nin daga.

15 Ngonian hilnga, ako nagtataram sa saindo na kun kamo makabalik giraray sa Jerusalem kaiba kamo nindang mapapara. Asin ngonian, kun kamo may pagpipilian, magduman kamo, asin giromdoma an sakong mga tataramon na sakuyang pinagsasabi saindo, na kun kamo magduman kamo man mapapara; ta ako pinagpupugulan kan Espiritu nin Kagurangnan na saindo ako magtataram.

16 Asin nangyaring naglipas na kan ako, si Nephi, nakapagtaram na kan mga tataramon na ini sa sakuyang mga tugang, nagka-aranggot sinda sa sakuya. Asin nangyari na pinakulgan ninda ako kan saindang mga kamot, ta hilnga, grabe an saindang pagka-anggot, asin sinda akong ginapos nin lubid, ta gusto ninda akong gadanon, na pwedeng iwalat ninda ako sa kaparangan tanganing kakakanon nin mga layas na mga hayop.

17 Pero nangyari na ako nagpangadye sa Kagurangnan, na nagsasabi: O Kagurangnan, sa sakuyang pagtubod na yaon sa saimo, iligtas mo po ako sa mga kamot kan sakuyang mga tugang; iyo, asin tawi man ako nin kusog na sakuyang magkapurutol ining pagkagapos sakuya.

18 Asin nangyari naglipas na kan ako makapagtaram kan mga tataramong ini, uya, an mga gapos nagkakarale sa sakuyang mga kamot asin mga bitis, asin ako nagtindog sa atubangan kan sakuyang mga tugang, asin ako nagtaram giraray sa sinda.

19 Asin nangyari na sinda nagka-aranggot giraray sa sakuya, asin gusto na naman akong pakulgan kan saindang mga kamot; pero uya, sarong sa mga aking babae ni Ishmael, iyo, asin an saiyang ina, asin sarong sa mga aking lalaki ni Ishmael, nakimaherak sa sakuyang mga tugang, na kun kaya nakapagpalumoy sa saindang mga puso; asin sinda nag-untok sa paghingoha na ako ninda gadanon.

20 Asin nangyaring naglipas na sinda napano nin kamundoan, dahilan kan saindang maraot na gibo, na kun kaya sinda nagduruko sa sakuyang atubangan, asin naki-olay sakuya na sinda sakong patawadon kan bagay na saindang ginibo laban sakuya.

21 Asin nangyaring naglipas na ako prangkahan na pinatawad sinda gabos kan mga ginibo ninda sakuya, asin sakuya sindang pinagirumdom na sinda magpangadye sa Kagurangnan saindang Diyos para sa saindang kapatawadan. Asin nangyari na sinda ining ginibo. Asin pagkatapos na sinda nakapagpangadye na sa Kagurangnan kami giraray nagpadagos sa samuyang paglakaw pasiring sa tolda kan samuyang ama.

22 Asin nangyaring naglipas na kami nagbaba palaog sa tolda kan samuyang ama. Asin pagkatapos na ako asin an sakuyang mga tugang asin an gabos na kagharong ni Ishmael nagduman sa tolda kan sakong ama, sinda nagpasalamat sa Kagurangnan nindang Diyos; asin sinda Nagdulot nin sakripisyo asin nagsunog nin mga dulot para sa saiya.

1 NEPHI TSAPTER 8

Si Lehi nakahiling nin sarong bisyon kan kahoy nin buhay --- Siya nagkakan nin prutas kaini asin nagmawot na gibohon man ini kan saiyang pamilya --- Nakahiling siya nin sarong giyang-lansang, sarong pikiti asin hayakpit na dalan, asin nin madag-umon na kadikloman na minapatos sa mga tawo --- Si Sariah, si Nephi, asin Sam nagkakan nin prutas, alagad si Laman asin si Lemuel naghabo.

Asin nangyaring naglipas na kami nagtiripon nin manlaen-laen na pisog sa kada klase, mga banhi sa kada grupo, asin kan mga pisog nin mga prutas sa kada grupo man.

An Simbahan ni Jesukristo nin Mga Banal sa Huring-aldaw 27
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Asin nangyaring naglipas na habang nag-eestar an sakuyang ama sa kaparangan siya nakipag-olay sa samuya na nagsasabi: Hilnga, ako nangiturugan nin sarong pangiturugan; o sa ibang tataramon, ako nakahiling nin sarong bisyon.

3 Asin uya, dahil sa bagay na ining sakuyang nahiling, nagka-igwa ako nin rason na mag-omaw sa Kagurangnan dahil ki Nephi asin ki Sam; ta igwa ako nin pagtubod na sinda, asin man kan gabos nindang aki, maliligtas.

4 Pero hilnga, si Laman asin si Lemuel, grabe an sakuyang pagkatakot para sa sinda; ta hilnga, sa sakuyang pag-iisip ako nakahiling sa sakuyang pangiturugan, sarong madiklom asin makatakot na kaparangan.

5 Asin nangyaring naglipas na ako nakahiling nin sarong lalake, asin siya nababadoan nin sarong mapution na roba; asin siya nagdulok asin nagtindog sa atubangan ko.

6 Asin nangyaring naglipas na siya nagtaram sakuya, asin ako saiyang sinabihan na magsunod saiya.

7 Asin nangyari na habang ako nagsusunod saiya nahiling ko an sakong sadire na ako yaon sa sarong diklom asin mapungaw na kamugtakan.

8 Asin pagkatapos na ako naglakaw nin kadakul na oras sa kadikloman, nagpoon akong magpangadye sa Kagurangnan na ako saiyang kaherakan, yon sa kadakulaan kan saiyang mamut-on na mga pagkaherak.

9 Asin nangyaring naglipas na pagkatapos na ako magpangadye sa Kagurangnan ako nakahiling nin sarong dakulaon asin mahiwas na kadagaan.

10 Asin nangyari na ako nakahiling nin sarong kahoy, na an prutas iyo an pigmamawot tanganing an sarong tawo magin maogma.

11 Asin nangyaring naglipas na ako nagdulok asin nagkakan nin prutas kaini: asin namatean ko na ini an pinakamahamison sa mahamis, labaw sa gabos na sakuya nang nanamitan. Iyo, asin nahiling ko na an prutas kaini mapution, na mas labaw pa sa gabos na mga kaputian na sakuya nang nahiling.

12 Asin habang ako nagkakakan nin prutas, pinapano an sakuyang kalag nin sobra kadakulaan na kaogmahan, kun saen, ako nagpoon na magmawot na an sakuyang pamilya kaipuhan man na makakakan kaini; ta naaraman ko na ini mas magugustuhan labaw pa sa ibang prutas.

13 Asin habang ako nagsalingoy kan sakuyang mga mata sa palibot, na baka laman mahiling ko man an sakuyang pamilya, ako nakahiling nin sarong salog nin tubig; asin ini nag-aagos, asin harani sa kahoy kun saen naggikan an kinakakan kong prutas.

14 Asin ako nagmasid tanganing mahiling ko an pinaggigikanan kaini; asin namasdan ko an pinakapuro na bako man gayong harayo; asin mismong sa kapuro-purohi nahiling ko an saindong ina, si Sariah, asin si Sam, asin Nephi; asin sinda nakatindog na garo dae ninda aram kun saen sinda paduman.

15 Asin nangyaring naglipas na ako nagpara-apud sa sinda; asin ako nagtataram na nagkukurahaw nin sarong dakulang boses na sinda magdulok sa sakuyang kinamumugtakan, asin magkakan nin prutas, na mas magugustuhan ninda labaw pa sa ibang prutas.

16 Asin nangyaring naglipas na sinda nadurulok sakuya asin nagkakan man nin prutas.

17 Asin nangyaring naglipas na ako nagmamawot na sinda Laman asin Lemuel magdulok asin magkakan man nin prutas; kun kaya ako nagsalingoy kan sakuyang mga mata sa pinakapuro nin salog, na baka laman mahiling ko sinda.

18 Asin nangyari naglipas na nahiling ko sinda, kaya lang, habo nindang magdulok sakuya asin magkakan nin prutas.

19 Asin ako nakahiling nin sarong tinubong-lansang, asin ini palaba na naka-antabay sa gilid nin salog, asin pasiring sa kahoy kun saen ako nakatindog.

20 Asin nakahiling man ako nin sarong pikiti asin hayakpit na agihan, sa kalawigan nin tinubong-lansang, magin sa kahoy kun saen ako nakatindog; asin pasiring man ini sa puro nin burabod, pasiring sa dakulaon asin mahiwas na kadagaan, na an kamugtakan kaini iyo an mundo.

21 Asin namasdan ko an aripumpon nin dae mabilang na mga tawo, kadakul sainda an padagos na paglalakaw, tanging sinda man managboan an dalan pasiring sa kahoy kun saen ako nakatindog.

22 Asin nangyaring naglipas na sinda nag-arabutan, asin nagpoon na magralakaw sa dalan pasiring sa kahoy.

23 Asin nangyari na may nagtungang sarong balumbon nin kadikloman; iyo, magin sarong pinakadakulang na balumbon nin kadikloman, tangani na sinda na nagpoon na maglalakaw sa dalan nagkawarara sa saindang aagihan; na sinda nagkawaratak-watak asin nagkawararaan.

24 Asin nangyaring naglipas na ako nakahiling sa ibang padagos na nagrarakaw, asin sinda nag-arabot asin nagkakarapot sa puro nin tinubong-lansang; asin sinda padagos na naglalakaw sa tahaw nin balumbon nin kadikloman, na nagkakarapot sa tinubong-lansang, magin hanggan sa sinda naka-abot asin nagkakan nin prutas kan kahoy.

25 Asin pagkatapos na sinda nakakakan na kan prutas nin kahoy saindang ipinagkalag-kalag an saindang mga mata sa palibot na garo sinda nasusupog.

26 Asin ako man nangalag-kalag sa sakuyang palibot, asin nakahiling, sa balyong lado kan salog nin tubig, sarong dakulaon asin mahiwas na pagharongon; asin nakatindog ini sa tahaw nin paros, angat na halangkaw sa daga.

27 Asin idto panoon nin mga tawo, may gurang asin hoben, mga lalake asin babae; asin an saindang mga bado grabeng magagayon; asin sinda yaon sa ugali nin pagkantiyaw asin nagturu-turoan kan saindang mga muro sa mga tawo na nag-arabot-abot asin nagkakarakan kan prutas.

28 Asin pagkatapos nindang magkaranamitan an prutas sinda nagkasurupog, nin huli sa mga tawo na yaon sa ibong na nagkakarantiyaw sainda; asin sinda nagkahurulog sa pinapangalad na dalan asin nagkawarara.

29 Asin ngonian, ako, si Nephi, dae nagtataram kan gabos na mga tataramon nin sakuyang ama.

30 Pero, tanging mapahalipot an pagkasurat, uya, siya nakahiling kan iba man na kadakul na tawo na naglalakaw; asin sinda nag-arabot asin nakakapot sa puro nin tinubong-lansang; asin sinda nagturulakan na padagos na nagrarakaw, alagad padagos na makusog na nakanguyapit sa tinubong-lansang, hanggan sinda naka-abot asin nagkaturumba asin nagkakan nin prutas kan kahoy.

31 Asin nahiling niya man an iba pang kadakul na mga tawo na naghihimati kan saindang dalan pasiring sa dakulaon asin mahiwas na pagharongon.

32 Asin ini nangyaring naglipas na kadakul an nagkaralamos sa kahararuman nin burabod; asin kadakul an nagkawarara sa saiyang paghiling, nagkakarapa-kapa sa mga estrangherong dalan.

33 Asin kadakul-dakul na mga tawo an nagkaralaog sa makangangalas na pagharonon. Asin pagkatapos nindang makaralaog sa pagharonon na idto sainda akong pinagparaturo kan saindang mga muro sa pagkantiyaw sakuya asin sa ibang nagkakarakan nin prutas; pero dae mi sinda pigdarangog.

34 Iyo ini an mga tataramon kan sakuyang ama: Habang kadakul-dakul an mga nagdarangog sainda, sinda man nagkawararang nagkahurulog.

35 Asin si Laman asin si Lemuel dae nagkarakan nin prutas, sinabi kan sakuyang ama.

36 Asin nangyari na pagkatapos na an sakuyang ama nakapagtaram na kan gabos na ining mga tataramon kan saiyang pangiturugan or bisyon, na kadakulon na marhay, sinabi niya samuya, dahilan sa mga bagay na ini na saiyang nagkahiriling sa bisyon, siya grabe an katakutan para ki Laman asin Lemuel; iyo, siya natatakot na baka sinda wawaraon gikan sa atubangan nin Kagurangnan.

37 Asin siya nagpagiromdom sa mga bagay na ini na may udok na pagmamati nin sarong mamumut-on na magurang, na sinda magdangog kan saiyang mga tataramon, na baka laman an Kagurangnan magigin maheherakon sainda, asin dae sinda wawaraon; iyo, an sakuyang ama nagtukdo sa sainda.

38 Asin pagkatapos niyang magtukdo sa sainda, asin man magpropesiya sa sainda nin kadakul na mga bagay, nakiolay siya sainda na magsunod sa mga kasugoan nin Kagurangnan; asin siya nag-untok nang maki-olay sa sainda.

1 NEPHI TSAPTER 9

Si Nephi naggibo nin duwang klaseng mga rekord --- An lambang saro pinag-apud na mga lamina ni Nephi --- An daradakulaon na lamina igwa nin laman sa secular na kasaysayan; an mga sararadit nagpapahayag na marhay tungkol sa mga sagradong mga bagay.

Asin an gabos na ining mga bagay na nagkahiriling kan sakuyang ama, asin nagkadarangog, asin nagkatararam,, habang siya naka-estar sa tolda, sa bukid nin Lemuel, asin man sa kadakul-dakul na mga bagay, na dae kayang suraton sa mga laminang ini.

2 Asin ngonian, arog kan mga sinabi ko na manungod sa mga laminang ini, uya sinda bakong mga lamina na kun saen sakuyang Isinurat an kumpletong pangyayari kan kasaysayan nin sakuyang banwaan; ta an mga lamina kun saen sakuyang ginibo an kumpletong kasaysayan kan sakuyang banwaan na inapud kong Nephi; kun kaya, sinda inapud na mga lamina ni Nephi, na gikan sa pangaran ko; asin an mga lamina mang ini pinag-apud na lamina ni Nephi.

3 Siring man, ako nagresibe nin kasugoan nin Kagurangnan na dapat kong gibohon an mga laminang ini, para sa sarong espesyal na katuyuhan nada pat igwa nin sarong inukit na kasaysayan na mapanungod sa ministryo nin sakyhang banwaan.

4 Sa iba man na mga lamina dapat man na igwa nin inukit na kasaysayan mapanungod sa mga pagpapamahala nin mga hade, asin an mga giyera asin pag-iiriwal kan sakuyang

An Simbahan ni Jesukristo nin Mga Banal sa Huring-aldaw

30

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga banwaan; kun kaya ining mga lamina mapanungod an haros gabos na parte kan ministeryo; asin an iba man na mga lamina mapanungod an haros gabos na parte kan paghade nin mga hade asin an mga giyera asin pag-iiriwal kan sakuyang banwaan.
5 Kun kaya, an Kagurangnan pinagsugo sakuya an paghimo kaining mga lamina para sa sarong madunong na katuyuhan sa saiya, na an katuyuhan na ini ako daeng pagkaaram.
6 Pero an Kagurangnan nag-aaram kan gabos na mga bagay magpoon sa kapinunan; kun kaya, siya naghimo nin sarong dalan tanganing magibo an gabos niyang trabaho para sa gabos na mga aki nin tawo; ta hilnga, siya igwa nin gabos na kapangyarihan para sa kaggibohan nin gabos niyang mga tataramon. Asin iyo na ini. Amen.

1 NEPHI TSAPTER 10

*Pinaghula ni Lehi an pagkasakop nin mga Judio kan mga taga-Babilonya ---
Ipinagbalangibog niya man an pag-abot nin sarong Mesiyas gikan sa mga Judio, sarong Tagapagligtas, sarong Paratubos --- Saiya man na ipinagbalangibog an pag-abot nin sarong tawo na iyo an mabunyang sa kordero nin Diyos --- si Lehi nagsabi man manungod sa pagkagadan asin pagkabuhay-liwat kan Mesiyas --- Saiya man na ipinag-aarog an pagkaralat asin pagkasararo nin Israel sa sarong olibong kahoy --- si Nephi nagtaram mapanungod sa Aki nin Diyos, sa regalo nin Espiritu Santo, asin sa pangangaipo para sa katanosan.*

Asin ngonian ako, si Nephi, padagos na nagtatao nin kasaysayan sa mga laminang ini kan sakuyang mga nagingibohan, asin an sakuyang paghade asin an ministeryo; kun kaya, sa pagpadagos kan sakuyang estorya, ako dapat na magtaram na arog kan mga bagay nin sakuyang ama, asin man kan sakuyang mga tugang.

2 Ta uya hilnga, nangyari na pagkatapos na an sakuyang ama nakapagtapos na sa saiyang pagtaram mapanungod sa saiyang pangiturugan, asin man sa pagkulibat sainda sa gabos na paghingoha, siya nagtaram sa sainda manungod sa mga Judio ---

3 Na pagkatapos na sinda dapat na madestroso, magin na ngani idtong Bantog na siyudad nin Jerusalem, asin kadakul an magkakadaraog na parayong darahon sa Babiloniya, uyong sa nakatalaan na oras nin Kagurangnan, na sinda giraray makabalik, iyo, maski na sinda darahon pagbalik gikan sa pagkasakop; asin pagkatapos na sinda darahon pagbalik gikan sa pagkasakop, sainda man dapat na masadire giraray an daga na saindang kamanahan.

4 Iyo, magin anom na gatos na taon gikan sa panahon na an sakuyang ama naghale sa Jerusalem, sarong propeta an ipapadara nin Kagurangnan Diyos na maggigikan sa mga Judio --- magin sarong Mesiyas, o, sa ibang tataramon, sarong Tagapagligtas nin kinaban.

5 Asin siya man nagtaram manungod sa mga propeta, kun paano kadakul an numero ninda na nagtestigo kan mga bagay na ini, mapanungod kaining Mesiyas, na saiyang nabanggit, o, ining Paratubos nin kinaban.

6 Kun kaya, an gabos na mga katawohan na yaon sa pagkakawarara asin sa pagkakahulog na kamugtakan, asin maliligtas lang kun sinda maglaom sa Paratubos na ini.

An Simbahan ni Jesukristo nin Mga Banal sa Huring-aldaw

31

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Asin siya man nagtaram manungod sa sarong propeta na maabot enot sa Mesiyas, tanganing mag-andam kan dalan nin Kagurangnan.

8 Iyo, magin siya man dapat na maglalakaw asin magkukurahaw sa kaparangan: Mag-andam kamo kan dalan nin Kagurangnan, asin gibohon nindo an matanos niyang dalan; ta igwang nagtitindog sa kaibahan nindo na dae nindo namimidbid; asin siya mas makapangyarihan sa sakuya, na magin an mga sintas kan saiyang sandalyas ako bakong angay na maghubad kaiyan. Asin kadakul pang pinagtaram an sakuyang ama dapit sa mga bagay na ini.

9 Asin an sakuyang ama nagsabi: Siya magbubunyag sa Bethabara, sa enotan nin Jordan; asin siya man dapat na magbubunyag sa paagi nin tubig; magin na siya ngani iyo an magbubunyag sa Mesiyas nin tubig.

10 Asin pagkatapos niyang mabunyagan an Mesiyas nin tubig, saiyang mahihiling asin patotohanan na siya nagbunyag sa Kordero nin Diyos, na iyo an magpapara sa mga kasalan nin kinaban.

11 Asin ini nangyaring naglipas na pagkatapos na makapagtaram an sakuyang ama sa mga tataramon na ini, siya nagsabi sa sakuyang mga tugang manungod sa ebanghelyo na dapat na itukdo sa mga Judio, asin man manungod sa pagluluya kan mga Judio na daeng pagtubod. Asin pagkatapos na saindang gadanon an Mesiyas, na dapat mag-abot, asin pagkatapos na siya ginadan na, siya dapat na magbuhat gikan sa kagadanan, asin dapat na maghimo niyang maipahiling sa paagi nin Espiritu Santo, sa mga Hentil.

12 Iyo, magin an sakuyang ama nagtaram man nin kadakul manungod sa mga Hentil, asin man manungod sa harong nin Israel, na dapat sindang iarog sa sarong kahoy nin olibo, na an mga kasangahan dapat na magkapurutol asin dapat na maikaralat sa gabos na lugar nin mundo.

13 Kun kaya, saiyang sinabi na kaipuhan na marhay na dapat kitang pangengenotan nin sarong kasundoan pasiring sa daga nin pangako, para magkaigwa nin katotohanan an tataramon nin Kagurangnan, na dapat kitang maikaralat sa gabos na lugar nin mundo.

14 Asin pagkatapos na an harong nin Israel maikaralat na, dapat man sindang pagkasararoon na tiponon giraray; o, karahayan, pagkatapos na ang mga Hentil nakamtan na an kabilugan nin Ebanghelyo, an mga natural na mga sanga kan kahoy na olibo, o an mga tada sa harong nin Israel, dapat na maisugpon, o magkaabot naman sa kaaraman manungod sa tunay na Mesiyas, an saindang Kagurangnan asin saindang Paratubos.

15 Asin pagkatapos s arog kaining manera nin lenguwaha an sakuyang ama nagpropesiya asin nagsabi sa sakuyang mga tugang, asin man kadakul-dakul na mga bagay pa na dae ko man naisurat sa librong ini; ta sakuya nang naisurat an kadaklan kaini, na sa pagmawot ko na may kapakinabangan, sa saro ko pang libro.

16 Asin an gabos na ining mga bagay, na sakuya nang naitaram, nangyari habang an sakuyang ama naka-estar pa sa sarong tolda, sa bukid nin Lemuel.

17 Asin nangyari na pagkatapos na ako, si Nephi, na iyo an nakadangog sa gabos na tataramon kan sakuyang ama, manungod sa mga bagay na saiyang nahiling sa sarong bisyon, asin man mga bagay na saiyang naitaram sa kapangyarihan nin Espiritu Santo, na an kapangyarihan na ini saiyang nakamtan sa paagi nin pagtubod sa Aki nin Diyos --- asin na an Aki nin Diyos iyo mismo an Mesiyas na dapat na mag-abot --- Ako, si Nephi, nagmamawot man na ako makahiling, asin makadangog, asin makaaram sa mga bagay na ini, sa paagi nin kapangyarihan nin Espiritu Santo, na iyo an regalo nin Diyos sa gabos na

naghingoha sa paghanap saiya, arog sa mga lumang panahon hanggan sa panahon na siya mismo makapahiling sa mga aki nin tawo.

18 Ta siya iyo man giraray maski kaidto, ngonian, asin sa daeng kasagkuran; asin an dalan andam na para sa gabos na katawohan gikan pa sa kapinunan nin kinaban, alagad kun mangyari na sinda magsosolsol asin magdulok sa saiya.

19 Ta siya na naghingoha sa paghahanap makakasumpong; asin an mga misteryo nin Diyos mabubuksan sa atubangan ninda, sa kapangyarihan nin Espiritu Santo, arog sa mga panahon na ini na arog sa mga lumang panahon, asin arog sa mga lumang panahon na arog sa mga panahon na maabot; kun kaya, an kadunungan nin Kagurangnan iyo an sarong daeng kasagkuran na pag-ikot.

20 Kaya giromdoma, o tawo, na an gabos mong mga kagibohan dadarahon mo sa panahon nin paghuhukom.

21 Kun kaya, na kun ginusto mo na magibo nin kabalisngagan sa mga aldaw nin saimong pagsubok, asin na ikaw nahiling na maation sa atubangan sa tukawan nin paghukom nin Diyos; asin mayong maation na bagay na makakaibahan an Diyos; kun kaya, ika papahaleon sa atubangan niya sagkud pa man.

22 Asin an Espiritu Santo nagtao sakuya nin autoridad na dapat kong sabihon an mga bagay na ini, asin dae ko naggad pwedeng ibalewala.

1 NEPHI TSAPTER 11

Si Nephi nahiling an Espiritu nin Kagurangnan asin ipinahiling man saiya an kahoy nin buhay --- Saiya man na nahiling an ina kan Aki ni Diyos asin nanudan niya an pagpakumbaba nin Diyos --- Nahiling niya an pagkapabunyag, ministeryo, asin an pagkapako sa krus nin Kordero nin Diyos --- Nahiling niya man an pangapudan asin ministeryo kan doseng Apostol kan Kordero.

Ta nangyaring naglipas na pagkatapos na ako nagmawot na makaaram sa mga bagay na nahiling kan sakuyang ama, asin igwa ako nin pagtubod na an Kagurangnan mahihimong ipaaram an mga ini sakuya, habang ako nakatukaw na nagmamawot sa sakuyang puso, ako napasa-Espiritu nin Kagurangnan, iyo, dinara ako sa sarong pinakahalangkawon na bukid, na dae ko pa nahiling kaidto, asin na dae ko pa man kaidto natutungtungan kan sakuyang mga bitis.

2 Asin an Espiritu nagtaram sakuya: Uya, ano baya an pinagmamawot mo?

3 Asin ako nagsabi: Ako nagmamawot na mahiling an mga bagay na nahiling kan sakuyang ama.

4 Asin an Espiritu nagsabi sakuya: Nagtutubod ka na an saimong ama nahiling an kahoy na saiyang pinagsasabi?

5 Asin ako nagsabi: Iyo po, aram mo po na ako nagtutubod sa gabos na mga tataramon kan sakuyang ama.

6 Asin kan ako nakapagtaram na kan mga tataramon na ini; an Espiritu nagkurahaw nin sarong makusog na boses na nagsasabi: Pag-omawon an Kagurangnan, an

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Pinakahalangkaw na Diyos; ta siya an Diyos sa bilog na kinaban, iyo, an pinakahalangkaw sa gabos. Asin pinagpaurog ka, Nephi, ta ikaw bulanos an saimong pagtubod sa Aki nin Pinakahalangkaw na Diyos; kun kaya, ika makakahiling sa mga bagay na saimong marhay na pinagmamawot.

7 Asin uya an bagay na ini itatao saimo bilang sarong senyal, na pagkatapos mong mahiling an kahoy na nagbubunga nin prutas na nanamitan kan saimong ama, ika man makakahiling nin sarong tawo na maghihiling paluwas sa langit, asin saiya ika magigin saksi; asin pagkatapos na ika makapagsaksi saiya, saimong patotohanan na siya iyo an Aki nin Diyos.

8 Asin nangyari na an Espiritu nagsabi sakuya: Masdan mo baya! Asin ako nagmasid asin nahiling ko an sarong kahoy; asin idto arog sa kahoy na nahiling kan sakuyang ama; asin an kagayunan kaini ibahon na marhay, iyo, mas sobra pa sa gabos na kagayunan; asin an kaputian kaini mas pang minasobra sa kaputian nin mga nakalatag na niyebe.

9 Asin nangyaring naglipas na pagkatapos na nahiling ko an kahoy, ako nagtaram sa Espiritu: Ako uya saimong pinahilngan kan kahoy na mas pinakamagayunon sa gabos.

10 Asin siya nagsabi sa sakuya: Ano pa an pinagmamawot mo?

11 Asin ako nagsabi saiya: Mawot kong maaraman an interpretasyon kan mga ini --- ta ako nakikipag-olay saiya na siring sa sarong tawong nagtaram; ta sakuyang nahihiling na siya yaon sa porma nin sarong tawo; pero maski na ngani, ako nag-aaram na idto iyo an Espiritu nin Kagurangnan; asin siya nagtaram sa sakuya bilang sarong tawo na nakikipag-olay-olay man sa kapwa tawo.

12 Asin nangyari na siya nagsabi sa sakuya: Masdan mo baya! Asin ako nagmasid na garo maghihiling sa saiya, asin dae ko siya nahihiling; ta siya nawara sa sakuyang atubangan.

13 Asin nangyaring naglipas na ako nagmasid asin nahiling an Bantog na siyudad nin Jerusalem, asin man an iba pang mga siyudad. Asin nahiling ko an siyudad nin Nazaret; asin sa laog nin siyudad nin Nazaret nahiling ko an sarong birhen, asin siya sobra an kagayunan asin maputi.

14 Asin nangyaring naglipas na nahiling ko na buminukas an mga kalangitan; asin sarong anghel an nagbaba asin nagtindog sa atubangan ko; asin sinabi niya sa sakuya; Nephi, ano an saimong nahihiling?

15 Asin ako nagsabi saiya: Sarong birhen, sobra an kagayunan asin man magayunon labaw pa sa ibang mga birhen.

16 Asin nagsabi siya sakuya: Nakakaaram ka daw sa pagpapakumbaba nin Diyos?

17 Asin ako nagsabi saiya: Aram ko na siya nagmumuot sa mga kaakian niya; kaya lang, dae ako nag-aaram sa boot ipasabot kan gabos na ining bagay.

18 Asin nagsabi siya sakuya: Uya, an birhen na saimong nahihiling iyo an ina kan Aki nin Diyos na pagkatapos yaon sa manera nin laman.

19 Asin nangyari na nahiling ko na an birhen pinagdadara nin Espiritu; asin pagkatapos siyang darahon kan Espiritu sa laog nin sarong panahon, an anghel nagtaram sa sakuya na nagsasabi: Masdan mo baya!

20 Asin ako nagmasid asin nahiling ko liwat an birhen, may dara-dara nin sarong aki sa saiyang mga takyag.

21 Asin an anghel nagtaram sa sakuya: Hilnga an Kordero nin Diyos, iyo, ini an Aki nin Daeng Kasagkuran na Ama! Nag-aaram ka daw sa boot sabihon kan kahoy na nahiling

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kan saimong ama?

22 Asin ako nagsimbag saiya, na nagsasabi: Iyo po, an pagkamuot nin Diyos, na pinapahiling na ipinapamate sa mga puso kan mga kaakian nin mga tawo; kun kaya, ini an mas sobrang pinagmamawot labaw pa sa gabos na mga bagay.

23 Asin siya nagtaram sa sakuya, na nagsasabi: Iyong gayo, asin iyo an mas na makapagpa-ogma sa kalag.

24 Asin pagkatapos niyang maisabi an mga tataramon na ini, nagsabi siya sa sakuya: Masdan mo baya! Asin ako nagmasid, asin nahiling ko an Aki nin Diyos na kairiba-iba kan mga kaakian nin mga tawo; asin nahiling ko na kadakul an nagruluhod sa saindang mga bitis asin nagsamba saiya.

25 Asin nangyaring naglipas na ako nakahiling kan sarong tinubong-lansang, na iyo man an nahiling kan sakuyang ama, na iyo an tataramon nin Diyos, na naka-antabay pasiring sa burabod nin buhay na tubig, o pasiring sa kahoy nin buhay; na an mga tubig iyo an sarong representasyon kan pagkamuot nin Diyos; asin nahiling ko man an kahoy nin buhay na sarong representasyon kan pagkamuot nin Diyos.

26 Asin an anghel nagsabi giraray sa sakuya: Masdan mo asin hilngon an pagpapakumbaba nin Diyos!

27 Asin ako nagmasid asin nahiling ko an Paratubos nin kinaban, na iyo ngani an pinagsasabi kan sakuyang ama; asin nahiling ko man an propeta na iyo an dapat na mag-aandam kan dalan bago pa man siya mag-abot. Asin an Kordero nin Diyos padagos na naglalakaw asin saiyang binunyagan; asin pagkatapos na mabunyagan, nahiling ko na nagbukas an mga kalangitan, asin an Espiritu Santo nagbaba paluwas sa langit asin nag-aantabay sa ibabaw niya na yaon sa porma nin sarong salampati.

28 Asin nahiling ko na padagos siyang nagmiministryo sa mga katawohan, na may kapangyarihan asin dakulang kamurawayan; asin an kadakul-dakul na mga tawo pinagtiriripon na nagkasararo tanganing dangogon siya; asin nahiling ko na pinapahale siya gikan sa kairibahan nin mga tawo.

29 Asin nahiling ko man an doseng iba pa na nagsusurunod sa saiya. Asin nangyari na sinda pinagdarara kan Espiritu gikan sa atubangan kan sakuyang lalawgon, asin dae ko na sinda nagkahiriling pa.

30 Asin nangyari na an anghel nagtaram giraray sa sakuya na nagsasabi: Masdan mo baya! Asin ako nagmasid, asin nahiling ko na an mga kalangitan buminukas giraray, asin ako nakahiling nin mga anghel na naghihirilig sa ibabaw kan mga kaakian nin mga tawo; asin naglilingkod sa sainda.

31 Asin siya nagtaram sakuya giraray na nagsasabi: Masdan mo baya! Asin ako nagmasid, asin nahiling ko an kordero ni Diyos na padagos na kairiba-iba kan mga kaakian nin mga tawo. Asin ako nakahiling nin kadakul-dakul na mga katawohan na may mga kamatean, asin sinda nagsasakit nin gabos na manlaenlaen na mga hilang, asin igwa man nin nasasapian nin mga demonyo asin maaating mga espiritu; asin an anghel nagtaram asin ipinahiling niya an gabos na ining mga bagay sa sakuya. Asin sinda pinagburulong sa paagi nin kapangyarihan kan kordero nin Diyos; asin an mga demonyo asin an mga maaating mga espiritu pinagpaharale.

32 Asin nangyaring naglipas na an anghel nagtaram giraray sa sakuya na nagsasabi: Masdan mo baya! Asin ako nagmasid asin nahiling ko an kordero nin Diyos, na dinarakop kan mga tawo; iyo, an Aki nin Daeng Katapusan na Diyos pinaghuhukuman

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kan kinaban; asin nahiling ko asin magpapatotoo kaini.

33 Asin Ako, si Nephi, namasdan na siya pinagpataas sa ibabaw nin krus asin ginadan para sa mga kasalan nin kinaban.

34 Asin pagkatapos na siya ginadan, nahiling ko an kadaklan na tawo sa kinaban, na sinda iribahan na pinagtiripon-tipon tanganing makikiwal laban sa mga apostoles kan kordero; kaya an dose inarapud kan anghel nin Kagurangnan.

35 Asin an kadakul-dakul na mga tawo kan kinaban sararong nagkatiripon-tipon; asin nahiling ko na sinda yaon sa laog nin sarong dakulaon asin mahiwas na pagharongon, arog kan pagharongon na nahiling kan sakuyang ama. Asin an anghel nin Kagurangnan nagtaram giraray sa sakuya na nagsasabi: Hilnga baya an mundo asin an kadunungan kaini; iyo, hilnga an harong nin Israel na nagkasararong nagtiripon para makikiwal laban sa doseng apostoles kan kordero.

36 Asin nangyari na nahiling ko asin makapagpapatotoo, na an Bantog asin mahiwason na pagharongon iyo an pinagmamalaki nin kinaban; asin ini nagbagsak, asin an pagkahugmak kaini grabeng marhay kakusog. Asin an anghel nin Kagurangnan nagtaram giraray sa sakuya, na nagsasabi: Iyo man ini an pagkDESTROSO kan gabos na mga nasyon, lahi, mga lenguwaha, asin mga tawo, na makikiwal laban sa doseng apostoles kan Kordero.

1NEPHI TSAPTER 12

Si Nephi nakahiling nin sarong bisyon: an daga nin promise; an pagkamatanos, an pagkamakasalanon asin an pagkahulog kan mga tawo; an pag-abot kan Kordero nin Diyos sa sainda; kun paano an doseng desipulos asin an doseng apostoles maghuhusga sa Israel; asin an maka-ungis asin maation na kamugtakan kan mga tawong nagluluyang gayo na mayong pagtubod.

Asin nangyari na an anghel nagsabi sa sakuya: Masdan mo baya, asin hilnga an saimong banhi, asin man an banhi kan saimong mga tugang. Asin ako nagmasid asin nahiling an daga nin promise; asin ako nakahiling nin kadakul-dakul na mga tawo, iyo, na an kadakulan kan saindang numero naa-arog sa ma baybay nin dagat.

2 Asin nangyari na nakahiling ako nin kadakulon na mga tawo nagkakasararong nagtitiripon-tipon tanganing makigiyera, an sarong laban sa iba; asin ako nakahiling nin ralabanan, asin mga kariribokan nin ralabanan, asin mahiwas na garadanon nin espada sa sakuyang mga katawohan.

3 Asin nangyaring naglipas na ako nakahiling nin kadakul na mga henerasyon na naglipas, pagkatapos an manera nin mga giyera asin pag-iiriwal-iwal sa daga; asin ako nakahiling nin kadakul na mga siyudad, iyo, asin dae ko sinda nabibilang.

4 Asin nangyaring naglipas na ako nakahiling nin balumbon nin kadikloman sa ibabaw kan daga nin promise; asin nahiling ko an mga pagkikilat, asin nakadangog ako nin mga pagdaguldol, asin mga paglilinog, asin gabos na manlaen-laen na makabulingog na kariribokan; asin nahiling ko an kinaban asin an mga gapo, na nagkakabaraak; asin ako

An Simbahan ni Jesukristo nin Mga Banal sa Huring-aldaw

36

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nakahiling nin mga kabukidan na nagkahurogmak na nagin mga piri-pedaso; asin ako nakahiling nin mga kapatagan sa kinaban, na an mga ini nagkaparasapasa; asin nahiling ko an kadakul na mga siyudad na an mga ini nagkarulubog; asin ako nakahiling nin kadakul man sainda an nagkasurulo nin kalayo; asin ako nakahiling nin kadakul na nagkaturumba sa ibabaw nin daga, dahilan kan paglilinog kaini.

5 Asin nangyaring naglipas na pagkatapos kong nagkahiriling an mga bagay na ini, ako nakahiling nin mga panginuron nin kadikloman, na ini nagwawara gikan sa ibabaw nin kinaban; asin uya, ako nakahiling nin kadakulon na mga tawo na dae napahamak nin huli sa grabe asin teriblang mga paghuhukom nin Kagurangnan.

6 Asin nahihiling ko an mga kalangitan na nagkaburuksan, asin an Kordero nin Diyos nagbababa paluwas sa langit; asin siya nagbaba asin ipinahiling niya an saiyang sadire sainda.

7 Asin ako nakahiling man asin makapagpatotoo na an Espiritu Santo nagsanib sa doseng iba pa; asin sinda pinag-ordinahan nin Diyos asin mga pinirili.

8 Asin an anghel nagtaram sa sakuya, na nagsasabi: Hilnga an doseng desipulos kan Kordero, sinda an mga pinili na magpapamahala sa saimong banhi.

9 Asin nagsabi siya sa sakuya: Nagigiromdoman mo daw an doseng apostoles kan Kordero? Hilnga sinda iyo an maghuhusga sa doseng tribu nin Israel; kun kaya, an doseng tagapamahala kan saimong banhi iyo an saindong paghuhusgaran; ta ikaw kabilang sa harong nin Israel.

10 Asin ining doseng tagapamahala na saimong nahihiling iyo an mahusga sa saimong banhi. Asin, hilnga, sinda mga matanos sagkud pa man; dahil sa saindang pagtubod sa Kordero nin Diyos an saindang mga bado ginibong mapution kan saiyang dugo.

11 Asin an anghel nagsabi sa sakuya: Masdan mo baya! Asin ako nagmasid, asin nahiling kong nag-agi an ika-tulong henerasyon na yaon sa katanosan; asin an saindang mga bado mga mapution arog kan sa Kordero nin Diyos. Asin an anghel nagsabi sa sakuya: An mga ini ginibong mapution kan dugo nin Kordero, huli kan saindang pagtubod sa saiya.

12 Asin ako, si Nephi, nahiling man an kadakul na tawo sa ika-apat na henerasyon na nag-agi sa katanosan.

13 Asin nangyaring naglipas na ako nakahiling nin kadakul-dakul na tawo na yaon sa kinaban na nagkasararong nagkatiripon-tipon.

14 Asin an anghel nagsabi sa sakuya: Hilnga an saimong banhi, asin an banhi man kan saimong mga tugang.

15 Asin nangyaring naglipas na ako nagmasid asin nahiling an mga katawohan na sakuyang banhi nagkakararong nagkatiripon-tipon na kadakul laban sa banhi kan sakuyang mga tugang; asin sinda nagkasararong nagkatiripon tanganing makigiyera.

16 Asin an anghel nagtaram sa sakuya, na nagsasabi: Hilnga an burabod nin maition na tubig na iyo man an nahiling kan sakuyang ama; iyo, magin an salog na saiyang naisabi: asin an kairaroman kaini iyo an kairaroman kan impiyerno.

17 Asin an balumbon nin kadikloman iyo an mga tentasyon kan demonyo, na nakakabuta sa mga mata, asin nakapatagas nin mga puso kan mga kaakian nin mga tawo, asin nagdadara sa sainda paharayo pasiring sa mahiwas na mga dalan, na sinda mapapara asin magkakawarara.

18 Asin an dakulaon asin mahiwason na pagharongon, na nahiling kan saimong ama, iyo an mga daeng kamugtakan na imahinasyon asin an kapaabaw-abawan kan mga kaakian

nin mga tawo. Asin sarong dakulaon asin sarong teribleng katubigan an nagbabanga sa sinda; iyo, magin an tataramon nin hustisya kan Daeng Kasagkuran na Diyos, asin an Mesiyas na iyo an Kordero nin Diyos, na sa saiya nagpapatotoo an Espiritu Santo, gikan sa kapinunan nin kinaban hanggan sa panahon na ini, asin gikan sa panahon na ini na paabuton asin sagkud pa man.

19 Asin habang an anghel nagsasabi kan mga tataramon na ini, ako nakahiling asin namasdan na an banhi kan sakuyang mga tugang nakiiwal laban sa sakuyang banhi, uyon sa tataramon kan anghel; asin nin huli ta nagmamalaki an sakuyang banhi, asin an mga tentasyon nin demonyo, nahiling ko na an banhi nin sakuyang mga tugang iyo an nakadaog kan mga katawohan nin sakuyang banhi.

20 Asin nangyari na sakuyang nahiling, asin namasdan an katawohan kan banhi nin sakuyang mga tugang na sinda an nakadaog sa sakuyang banhi; asin sinda padagos na magin kadakul-dakul sa ibabaw nin daga.

21 Asin nahiling ko sinda nagkasararong nagtitiripon-tipon sa kadakulan; asin nahiling ko an mga giyera asin kariribokan nin mga ralabanan sa kaibahan ninda; asin sa giyera asin kariribokan nin mga ralabanan nahiling ko an kadakul na mga henerasyon na naglipas.

22 Asin an anghel nagtaram sa sakuya: Hilnga sinda paluhay-luhay na magdidikit nin huli ta daeng pagtubod.

23 Asin nangyari na sakuyang nahiling, pagkatapos sindang luhay-luhay na nagdidikit nin huli ta daeng pagtubod, sinda nagin mga maiitom, asin makangorongirhat, asin sarong maaration na mga katawohan, pano nin kahugakan asin gabos na manera nin daendatang mga gibo.

1 NEPHI TSAPTER 13

Nahiling ni Nephi sa bisyon: an simbahan nin diyablo na pinagmukna sa kaibahan nin mga hentil; an pagkadiskubre asin kolonisasyon kan Amerika; an pagkawarara nin kadakul na mga simple asin pinakamagayunon na mga parte kan Bibliya; an resultang kamugtakan nin apostasiya kan mga hentil; an pagbalik-liwat kan ebanghelyo, an pagluwas kan kasuratan nin mga huring aldaw, asin an pagtugdok kan Sion.

Asin nangyaring naglipas na an anghel nagtaram sa sakuya, na nagsasabi: Masdan mo baya! Asin ako nagmasid asin nakahiling nin kadakul na mga nasyon asin mga kahadean.

2 Asin an anghel nagtaram sa sakuya: Ano an saimong nahihiling? Asin ako nagsabi: Ako nakahiling nin kadakul na mga nasyon asin mga kahadean.

3 Asin nagtaram siya sa sakuya: Iyo ini an mga nasyon asin mga kahadean kan mga hentil.

4 Asin nangyaring naglipas na ako nakahiling sa mga nasyon kan mga hentil an pormasyon kan sarong dakulang simbahan.

5 Asin an anghel nagtaram sa sakuya: Hilnga an pormasyon kan sarong simbahan na iyo

An Simbahan ni Jesukristo nin Mga Banal sa Huring-aldaw

38

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an pinakamarumpot labaw sa gabos na mga simbahan, na iyo an nagparapagadan sa mga santos nin Diyos, asin nagparapasakit sainda asin patumbang pinagparagapos sinda, asin nagparapakuwintas sa sinda nin sarong kuwintas na lansang, asin pabagsak sindang dinarara sa pagkasakop.

6 Asin ini nangyaring naglipas na ako nakahiling sa dakulaon asin marumpot na simbahan; asin nahiling ko na an diyablo iyo an nagtugdok kaini.

7 Asin ako nakahiling man nin bulawan, asin plata, asin mga sida, asin mga eskarlota, asin an magagayon na mga telang lino, asin gabos na klaseng mamahalon na mga bado; asin nahiling ko an kadakul na mga prostituta.

8 Asin an anghel nagtaram sa sakuya, na nagsasabi: Hilnga an bulawan, asin an plata, asin an mga sida, an mga eskarlota, asin an magagayon na mga telang lino, asin an mamahalon na mga bado, asin an mga prostituta, iyo ini an mga kamawotan kaining dakulaon asin marumpot na simbahan.

9 Asin man para sa kaomawan kan kinaban kun kaya ninda pinagdedestroso an mga banal nin Diyos, asin darahon sinda pababa sa pagkasakop.

10 Asin ini nangyaring naglipas na ako nagmasid asin nakahiling nin mga katubigan; asin iyo ini an nagbabanga sa mga hentil asin sa banhi kan sakuyang mga tugang.

11 Asin ini nangyaring naglipas na an anghel nagsabi sa sakuya: Hilnga an kaanggutan nin Diyos yaon sa banhi kan sakuyang mga tugang.

12 Asin ako nagmasid asin nakahiling nin sarong tawo sa pag-iriba kan mga Hentil, na separado gikan sa banhi kan sakuyang mga tugang nin kadakul na mga katubigan; asin nahiling ko an Espiritu nin Diyos, na naghilig asin nagtugdon sa kaibabawan kan tawong ini; asin siya naglakbay sa kadakul na mga kadagatan, pasiring man sa banhi kan sakuyang mga tugang, na namumuhay sa pinangakong daga,

13 Asin ini nangyaring naglipas na sakuyang nahiling an Espiritu nin Diyos, na ini naglukob sa iba man na mga Hentil; asin sinda nagharale na paluwas sa pagkasakop, sa ibabaw nin kadakul na mga katubigan.

14 Asin ini nangyaring naglipas na nahiling ko an kadakul na mga katawohan nin mga Hentil na namumuhay sa daga nin promisa; asin nahiling ko an kaanggutan nin Diyos, na ini yaon sa mga banhi kan sakuyang mga tugang; asin sinda nagkasiriblag sa atubangan kan mga Hentil asin nagkapuruho.

15 Asin nahiling ko an Espiritu nin Kagurangnan, na ini yaon sa mga Hentil, asin sinda nagin progresibo asin nakamtan an daga na saindang kamanahan; asin nahiling ko na sinda mga maputi; asin sobrang magagayon, arog sa sakuyang mga katawohan bago pa man sinda ginaradan.

16 Asin ini nangyaring naglipas na ako, si Nephi, nahiling na an mga Hentil na nagharale paluwas sa pagkasakop nagpakumbaba sa saindang mga sadire sa atubangan nin Kagurangnan; asin an kapangyarihan nin Kagurangnan napasainda.

17 Asin nahiling ko na an inang mga hentil nagkasararong nagtiripon-tipon sa ibabaw nin mga katubigan, asin sa ibabaw man kan daga, tanganing makigiyera laban sainda.

18 Asin nahiling ko na an kapangyarihan nin Diyos yaon sa sainda, asin man an kaanggutan nin Diyos yaon sa ibabaw kan gabos na nagkasararong nagtiripon-tipon laban sainda tanganing makigiyera.

19 Asin ako, si Nephi, nakahiling na an mga Hentil na nagruluwas gikan sa pagkasakop nagkariligtas sa paagi nin kapangyarihan nin Diyos paluwas sa mga kamot kan gabos na

iba pang mga nasyon.

20 Asin ini nangyaring naglipas na ako, si Nephi, nakahiling na sinda nag-arasenso sa dagang ini; asin nahiling ko an sarong libro asin ini pirmeng dara-dara ninda.

21 Asin an anghel nagtaram sa sakuya: Naaraman mo daw an kahulugan kan libro?

22 Asin ako nagsabi sa saiya: Ako dae nakakaaram.

23 Asin siya nagsabi: Hilnga ini naggigikan sa nguso nin sarong Judio. Asin ako, si Nephi, nakahiling kaini; asin siya nagsabi sa sakuya: An libro na saimong nahihiling iyo an kasuratan nin mga Judio, na nakapalaman an mga tipan nin Kagurangnan, na saiyang ginibo sa laog kan harong nin Israel; asin nakapalaman man kaini an mga Propesiya kan mga banal na propeta; asin iyo ini an rekord na arog kan mga inukit na yaon sa ibabaw kan mga bronseng lamina, kaya lang bakong kadakul na marhay; kunbaya, nakapalaman sa sinda an mga tipan nin Kagurangnan, na saiyang pinaggiribo sa laog kan harong nin Israel; kun kaya, an mga ini dakulang marhay kahalaga sa mga Hentil.

24 Asin an anghel nin Kagurangnan nagtaram sa sakuya: Saimong nahiling na an libro naggikan mismo sa nguso nin sarong Judio; asin kun ini minagikan mismo sa nguso nin sarong Judio nakapalaman kaini an kabilugan kan ebanghelyo nin Kagurangnan, na iyo an pinapatotoohan kan doseng apostoles; asin sinda nagpapatotoo na uyon sa katotoohan na yaon sa Kordero nin Diyos.

25 Kun kaya, an mga bagay na ini minagikan sa mga Judio na malinig pasiring sa mga Hentil, na uyon sa katotoohan na yaon mismo sa Diyos.

26 Asin pagkatapos kaining mag-agi sa mga kamot kan doseng apostoles nin Kordero, gikan sa mga Judio paduman sa mga Hentil, saimong mahihiling an pormasyon kan dakulaon asin maka-oongis na simbahan, na iyo an pinakamaraot labaw pa sa gabos na ibang mga simbahan; ta hilnga baya, saindang hinarale gikan sa ebanghelyo kan Kordero an kadakul na mga parte na malinaw asin mas mahalaga; asin kadakul man na mga tipan nin Kagurangnan na saindang pinagharale.

27 Asin an gabos na ini saindang giniribo na tanganing mahurot nindang mailagalag an mga tamang dalan nin Kagurangnan, na mahurot nindang magkaburuta an mga mata asin pataragason an mga puso kan mga kaakian nin mga tawo.

28 Kun kaya, saimong namamasdan na pagkatapos na an lion nag-agi na sa paagi kan mga kamot nin dakulaon arin marumpot na simbahan, na kadakul na malinaw asin mahalagahong bagay na hinarale gikan mismo sa libro, na iyo an libro kan Kordero nin Diyos.

29 Asin pagkatapos na ining malinaw asin mahalagahong mga bagay nagkaharale na, ini nagpaduman sa gabos na mga nasyon kan mga Hentil; asin pagkatapos na ini nakapaduman na sa gabos na mga nasyon kan mga Hentil, iyo, maski ngani sa balyo nin mga katubigan na saimong nahiling na yaon sa mga Hentil na nakaruluwas na sa pagkasakop, saimong nahihiling --- huli ta an kadakul na malinaw asin mahalagahong na mga bagay na pinagharale sa libro, na mga malinaw para sa pagkasabot kan mga kaakian nin mga tawo, na uyon mismo sa kalinawan na yaon sa Kordero nin Diyos --- huli kan mga bagay na ini na pinagharale sa ebanghelyo nin Kordero, kadakul-dakul na marhay an nagkabalikugkugan na nagkaturumba, iyo, nin huli ta si Satanas igwa nin dakulang kapangyarihan na nangingibabaw sa sinda.

30 Kumbaga man, saimong nahihiling an mga Hentil na nakaruluwas na gikan sa pagkasakop, asin sinda pina-uog sa paagi nin kapangyarihan nin Diyos labaw sa gabos

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na ibang nasyon, na yaon sa ibabaw kan daga na pinili labaw pa sa gabos na ibang mga daga, na iyo an daga na an Kagurangnan Diyos nakipagtipan sa saimong ama na an saiyang banhi magkaigwa nin daga bilang saindang kamanahan; kun kaya, saimong namamasdan na an Kagurangnan Diyos dae nagtutugot na an mga Hentil basang sana nindang destrosohon an pagkahalo-halo kan saimong banhi, na yaon mismo pag-iriba kan saimong mga tugang.

31 Ni saiyang tutugutan na an mga Hentil raraoton an banhi kan saimong mga tugang.

32 Ni tutugutan nin Kagurangnan Diyos an mga Hentil na padagos sagkud pa man na yaon sa makangorongirhat na kamugtakan nin pagkabuhay, na saimong nahihiling na sinda nakalaog, huli ta an malinaw asin an mas pinakamahalagang mga parte nin ebanghelyo kan Kordero padagos na tinatago kan marumpot na simbahan, na an pormasyon saimong nahiling.

33 Kun kaya sinabi kan Kordero nin Diyos: Ako magigin maheherakon sa mga Hentil, sa saindang pagbibisita sa mga katadaan kan harong nin Israel sa dakulang paghuhukom.

34 Asin ini nangyari na an anghel nin Kagurangnan nagtaram, na nagsasabi: Hilnga, sabi kan Kordero nin Diyos, pagkatapos kung mabisita an katadaan kan harong nin Israel --- asin an tada na ini na sakuyang pinagsasabi iyo an banhi kan saimong ama --- kun kaya, pagkatapos ko sindang mabisita para sa paghuhukom, asin maperwisyo sinda sa paagi kan kamot nin mga Hentil, asin pagkatapos na an mga Hentil makusog na mabagsak, huli sa mas malinaw asin mahalagang mga parte kan ebanghelyo nin Kordero na padagos na pinagtatago kan marumpot na simbahan, na iyo an ina kan mga prostitute, sinabi kan Kordero --- Ako magigin maheherakon sa mga Hentil sa aldaw na iyan, na tangani na ako magdadara sa sinda, sa sakuyang sadireng kapangyarihan, an kagabsan kan sakuyang ebanghelyo, na magigin malinaw asin mahalaga, sabi kan Kordero.

35 Ta. uya, hilnga, sabi nin Kordero: Ipapahiling ko an sakuyang sadire sa saimong banhi, na tanganing sinda magsusurat nin kadakul na mga bagay na sakuyang itutukdo sa sinda, na an mga ini malinaw asin mahalaga; asin pagkatapos na destrosohon an saimong banhi, asin luhay na magbabawas sa daeng pagtubod; asin man an banhi kan saimong mga tugang, hilnga, an mga bagay na ini itatago, na tanganing magluwas sa mga Hentil, sa paagi nin regalo asin kapangyarihan nin Kordero.

36 Asin sa mga ini nakasurat an sakuyang ebanghelyo, sabi nin Kordero, asin an sakuyang gapo asin an sakuyang kaligtasan.

37 Asin paladan sinda na maghaharanap tanganing itugdok an sakuyang Sion sa aldaw na iyan, ta sinda magkakaigwa nin regalo asin kan kapangyarihan nin Espiritu Santo; asin kun sinda makakapagtagal hanggan sa katapusan sinda man itataas sa huring aldaw; asin maliligtas sa daeng katapusan na kahadean nin Kordero; asin kun siisay man an magbabalangibog nin katuninongan, iyo, mga bareta nin dakulang kaogmahan, gurano kagayon sinda sa kaibabawan nin mga kabukidan,

38 Asin ini nangyari na nahiling ko an katadaan kan banhi nin sakuyang mga tugang, asin man an libro kan Kordero nin Diyos, na nagluwas gikan sa nguso kan Hudiyo, na ini nagluwas gikan sa mga Hentil paduman sa katadaan kan banhi nin sakuyang mga tugang.

39 Asin pagkatapos na ini nagluwas gikan sa sinda, ako nakahiling nin ibang mga libro, na nagluwas sa paagi nin kapangyarihan kan Kordero, hale sa mga Hentil paduman sa sinda, para sa pagkukumbinsi kan mga Hentil asin sa katadaan kan banhi nin sakuyang

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga tugang, asin man sa mga Hudiyo na nagkawaratak-watak sa ibabaw nin bilog na kinaban, na an mga record kan mga propeta asin kan doseng mga apostoles kan Kordero gabos mga totoo.

40 Asin an anghel nagtaram sa sakuya, na nagsasabi: An mga huring kasuratan na ini, na saimong nahihiling na yaon sa mga Hentil, iyo an makapagpatotoo sa katotoohan kan naenot, na ginibo kan doseng apostoles kan Kordero, asin iyo an magbabalangibog kan malinaw asin mga mahalagang bagay na hinarale gikan sainda; asin iyo an magpapabantog sa gabos na mga lahi, mga lengywahe, asin katawohan, na an Kordero nin Diyos iyo an Aki nin Daeng Kasagkuran na Ama, asin iyo an Paraligtas kan kinaban; asin gabos na mga katawohan dapat na magdulok sa saiya, o sinda dae naggad maliligtas.

41 Asin sinda dapat na magdulok sa paagi ka mga tataramon na patotohanan an nguso nin Kordero; asin an mga tataramon kan Kordero magigin bantog sa mga kasuratan kan saimong banhi, asin man sa mga kasuratan kan doseng apostoles nin Kordero; kun kaya, sinda parehong patutunayan sa sarong; ta igwa sana nin sarong Diyos asin sarong Pastor sa bilog sa kinaban.

42 Asin an oras maabot na siya magpapahiling kan saiyang sadire sa gabos na mga nasyon, pareho sa mga Hudiyo asin man sa mga Hentil; asin pagkatapos niyang magpapahiling sa mga Hudiyo asin man sa mga Hentil, magpapahiling naman siya sa mga Hentil asin man sa mga Hudiyo, asin an huri iyo an maeenot, asin an enot iyo an mahuhuri.

1 NEPHI TSAPTER 14

Sarong anghel an nagsabi ki Nephi manungod sa mga biyaya asin mga sumpa na mangyayari sa mga Hentil --- Igwa lang nin duwang simbahan: An Simbahan kan Kordero nin Diyos asin an simbahan kan diyablo --- An mga banal nin Diyos sa gabos na mga nasyon pinagpersiger kan dakula asin marumpot na simbahan --- Si Apostol Juan magsusurat manungod sa katapusan nin kinaban.

Asin ini mangyayari, na kun an mga Hentil magdadangog sa Kordero nin Diyos sa aldaw na iyan na magpapahiling siya kan saiyang sadire sa sainda sa tataramon, asin man sa kapangyarihan, sa kada gibo, hanggan sa mahale sa sainda an mga sagabal na masisingkugan ---

2 Asin dae ninda patatagason an saindang mga puso laban sa Kordero nin Diyos, sinda ibibilang sa mga banhi kan saimong ama; iyo, sinda ibibilang sa laog kan harong nin Israel; asin sinda magigin mapalad na mga katawohan sa ibabaw nin pinangakong daga sagkud pa man; sinda dae na naggad dadarahon sa pagkasakop; asin an harong nin Israel dae naman naggad magkakaralagalag.

3 Asin an hararom na kalot, na pinagkalot para sa sainda kan dakulaon asin marumpot na simbahan, na iyo an pinagpundar kan diyablo asin an saiyang mga kaakian, na sa paghuna pwede nyang darahon paharayo an mga kalag nin mga tawo sa impiyerno ---

An Simbahan ni Jesukristo nin Mga Banal sa Huring-aldaw

42

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

iyo, yang hararom na kalot na kina lot para sa kapahamakan nin mga tawo mapapano kaidtong nagkaralot kaiyan, sa sainda man sanang kapahamakan, sabi kan Kordero nin Diyos; bako lang sa kapahamakan kan mga kalag kundi sa pagkapahamak kan mga ini palaog sa impiyerno na daeng katapusan.

4 Ta hilnga, ini nauuyon sa pagkasakop kan diyablo, asin nauyon man sa hustisya nin Diyos, sa gabos na mga naggigibo nin karaotan asin karumputan sa atubangan niya.

5 Asin ini nangyaring naglipas na an anghel nagtaram sa sakuya, si Nephi, na nagsasabi: Saimong nahiling na kun an mga Hentil magsosolsol ini makakarabay na gayo sainda; asin saimo man gayong naaraman an manungod sa mga tipan nin Kagurangnan sa laog mismo kan harong nin Israel; asin man saimong nadangog na maski siisay man na dae magsosolsol kaipuhan na mapapara.

6 Kaya, an kasakitan mapapasa-hentil kun mangyari na saindong patagason an saindang mga puso laban sa Kordero nin Diyos.

7 Ta maabot an oras, nagsabi an Kordero nin Diyos, na gigibohon ko an sarong dakulaon asin sarong makangangalas na gibo sa mga kaakian nin mga tawo; sarong gibo na magigin daeng kasagkuran, maski arin man na sarong parte nin kamot o sa ibong na parte --- sa ikapagkumbinsi ninda para sa katuninongan asin sa eternal na buhay, o sa ikaliligtas ninda na mga matatagas an saindang mga puso asin sa pagkabulag kan saindang mga isip na iyo an nagdara sa sainda pasiring sa pagkasakop, asin man pasiring sa kapahamakan, pareho sa temporal asin espirituwal, na uyon sa paagi nin pagkasakop kan diyablo na sakuyang sinabi.

8 Asin ini nangyaring naglipas na kan an anghel nakapagtaram na kan mga tataramon na ini, siya nagsabi sa sakuya: Nagigiromduman mo pa an mga tipan kan Ama sa laog kan harong nin Israel? Ako nagsabi sa saiya: Iyo po.

9 Asin ini nangyaring naglipas na siya nagsabi sa sakuya: Masdi daw, asin hilnga an dakulaon asin an pinakamarumpot na simbahan, na iyo an ina kan mga marurumpot, na an pundador iyo an diyablo.

10 Asin siya nagtaram sa sakuya: Hilnga magkakaigwa sana nin duwang simbahan; an sarong iyo an simbahan kan Kordero nin Diyos, asin an sarong iyo man an simbahan kan diyablo; kun kaya, an siirisay man an dae kaarayon sa simbahan kan Kordero nin Diyos kaarayon duman sa dakulang simbahan, na iyo an ina kan mga marurumpot; asin iyo an prostituta sa bilog na kinaban.

11 Asin ini nangyaring naglipas na ako nagmasid asin nahiling an prostituta sa bilog na kinaban, asin siya nakatukaw sa ibabaw kan kadakul na mga katubigan; asin siya an makapangyarihan sa ibabaw nin bilog na kinaban, sa gabos na mga nasyon, mga lahi, mga linguwahe, asin mga katawohan.

12 Asin ini nangyaring naglipas na nahiling ko an simbahan kan Kordero nin Diyos, asin an saindang bilang kadikiton sana, huli sa karaotan asin mga karumputan kan prostituta na nakatukaw sa ibabaw kan kadakul na mga katubigan; kumbaya, nahiling ko na an simbahan kan Kordero na iyo an mga banal nin Diyos, na yaraon man an gabos sa bilog nin kinaban; asin an saindang mga nasasakupan sa ibabaw nin kinaban dikiton sana, nin huli sa karaotan kan dakulaon na prostituta na nahiling ko.

13 Asin ini nangyaring naglipas na nahiling ko an bantugan na ina nin mga karumputan na nagkasararong nagkatiripon an kadaklan sa ibabaw nin bilog na kinaban, sa gabos na mga nasyon kan mga Hentil, tanganing makipag-iwal laban sa Kordero nin Diyos.

14 Asin ini nangyaring naglipas na ako, si Nephi, nakahiling sa kapangyarihan kan Kordero nin Diyos, na ini nag-abot asin napasa mga banal kan simbahan nin Kordero, asin sa mga piniling banwaan kan Kagurangnan, na nagkawaratak-watak sa ibabaw nin bilog na kinaban; asin sinda armado nin katanosan asin igwa nin kapangyarihan nin Diyos na yaon sa dakulang kamurawayan.

15 Asin ini nangyaring naglipas na nahiling ko na an makuring kaanggutan nin Diyos na ipinagbulos mismo sa dakula asin marumpot na simbahan, na tanganing magka-igwa nin mga giyera asin mga pabantog nin mga pagralaban-laban sa gabos na mga nasyon asin mga lahi nin kinaban.

16 Asin kan may mga pagpoon nin mga giyera asin mga pabantog nin mga pagralaban-laban sa gabos na mga nasyon na mga kaarayon sa ina nin mga karumputan, an anghel nagtaram sa sakuya, na nagsasabi: Hilnga, an makuring kaanggutan nin Diyos yaon sa ina nin mga prostituta; asin hilnga, ika an nakamasid sa gabos na ining mga bagay ---

17 Asin kun an aldaw mag-abot na an makuring kaanggutan nin Diyos maibulos na sa ina nin mga prostituta, na iyo an dakula asin an pinakamarumpot na simbahan sa bilog na kinaban, na an pundador iyo an diyablo, pagkatapos kaini, sa mismong aldaw na iyan, an gibo nin Ama magpopoon, para sa preparasyon kan dalan na tanganing mautob an saiayang mga tipan, na saiayang hinimo sa saiayang mga katawohan na yaon sa laog kan harong nin Israel.

18 Asin ini nangyaring naglipas na an anghel nagtaram sa sakuya, na nagsasabi: Masdan mo baya!

19 Asin ako nagmasid asin nakahiling nin sarong tawo, asin siya nababadoan nin sarong maputing roba.

20 Asin an anghel nagtaram sa sakuya: Hilnga an saro kan doseng apostoles kan Kordero.

21 Hilnga, siya makakahiling asin magsusurat kan katadaan kaining mga bagay; iyo, asin kadakul na mga bagay na nakaagi na.

22 Asin siya man magsusurat manunungod sa katapusan nin mundo.

23 Kun kaya, an mga bagay na saiyang susuraton makatarungan asin totoo; asin uya an mga ini naisurat sa libro na saimong nahihiling na naggigikan paluwas sa nguso nin Hudiyo; asin sa oras na an mga ini magluwas na sa nguso nin Hudiyo, an mga bagay na nasusurat malinaw asin puro, asin mas halangkaw an kahalagahan asin madalion na masasabutan kan gabos na mga tawo.

24 Asin hilnga, an mga bagay na ining apostol kan Kordero na iyo an magsusurat iyo an kadakul na mga bagay na saimo nang nagkahiriling; asin uya, an katadaan saimong mahihiling.

25 Pero an mga bagay na saimong mahihiling ngonian asin pagkatapos dae mo puwedeng ipagsurat; ta an Kagurangnan Diyos inordenahan an apostol kan Kordero nin Diyos na dapat niyang surat an mga ini.

26 Asin man sa iba na nabubuhay kaidto pa, na sa sainda ipinahiling an gabos na mga bagay, asin saimong ipinagsurat na an mga ini; asin an mga ini sinuelyuhan na tanganing magluwas na yaon sa seguradong kamugtakan, na uyon sa katotoohan na yaon sa Kordero, sa sadireng nakatalang oras nin Kagurangnan, sa laog kan harong nin Israel.

27 Asin ako, si Nephi, nakadangog asin nagpapatotoo, na an pangaran kan apostol nin Kordero, Juan, na sinabi sa tataramon kan anghel.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

28 Asin hilnga, ako, si Nephi, pinagbawalan na ako na magsusurat manungod sa katadaan kan mga bagay na sakuyang nahiling asin nadangog; kun kaya an mga bagay na sakuya nang naisurat husto na sakuya; asin ako nakapagsurat sana nin kadikit na parte kan mga bagay na sakuya nang nahiling.

29 Asin ako magpatotoo na nahiling ko an mga bagay na nahiling kan sakuyang ama, asin an anghel nin Kagurangnan iyo an naggibo kan mga ini na tanganing maaraman ko.

30 Asin ngonian tatapuson ko nang isaysay an manungod sa mga bagay na sakuyang nahiling habang ako dara-dara na yaon sa espiritu; asin kun an gabos na mga bagay na sakuyang nahiling dae ko nasusurat, an mga bagay na sakuya nang naisurat, an mga ini totoo. Asin kaya iyo ini. Amen.

1 NEPHI TSAPTER 15

An banhi ni Lehi nakatalaan na iyo an magresibe kan ebanghelyo na naggigikan sa mga Hentil sa huring mga aldaw --- An pagkatiripon-tipon nin Israel inaarog sa sarong kahoy na Olibo na an mga natural na mga sanga kaini isusugpon giraray --- si Nephi nag-interpret sa bisyon kan kahoy nin buhay asin nagtataram kan hustisya nin Diyos sa pagkabaranga kan mga makasalanon asin sa mga matatanos.

Asin nangyaring naglipas na pagkatapos ako, si Nephi, dinara-dara na yaon sa espiritu, asin nagkahiriling an gabos na mga bagay na ini, ako nagbalik sa tolda kan sakuyang ama.

2 Asin nangyaring naglipas na nahiling ko an sakuyang mga tugang, asin sinda nag-iiriwal-iwal an lambang saro sa saro manungod sa mga bagay na naisaysay kan sakuyang ama.

3 Ta siya tunay na nagtataram kan kadakul na mga darakulang bagay sa sinda, na depisilon na masasabutan, pwera lang kun an tawo maghapot sa Kagurangnan; asin sinda na matatagas an saindang mga puso, kaya sinda dae nagraran sa Kagurangnan na dapat kutanang gibohon ninda.

4 Asin ngonian, ako, si Nephi, nagkukulog na gayo an sakuyang boot huli sa katagasan kan saindang mga puso, asin man, huli sa mga bagay na sakuya nang nagkahiriling, asin naaraman na sa sinda dae puwedeng maiiwasan an mangyayaring malipas nin huli sa dakulang karaotan kan mga kaakian nin mga tawo.

5 Asin nangyaring naglipas na ako nadaog nin huli sa sakuyang mga kasakitan, ta an konsiderasyon ko sa sadire kong kasakitan grabe kadakula na labaw sa gabos, huli sa pagkadestroso kan sakuyang mga katawohan, ta sakuyang nahiling an saindang pagkapahamak.

6 Asin nangyaring naglipas na pagkatapos kong magresibe nin kakusugan ako nakapagtaram sa sakuyang mga tugang, pinagmamawot na maaraman ko an kausa kan saindang mga pag-iiriwal-iwal.

7 Asin sinabi ninda: Hilnga, kami dae nakakasabot sa mga tataramon na pinagsasabi kan satuyang ama manungod sa natural na mga sanga nin kahoy na Olibo, asin man manungod sa mga Hentil.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

8 Asin ako nagsabi sa sinda: Naghapot na kamo sa Kagurangnan?

9 Asin nagsabi sinda sakuya: Dae pa; ta an Kagurangnan dae man naggigibo nin bagay na tanganing kami makakaaram.

10 Hilnga, nagsabi ako sa sinda: Paanong nangyari na kamo dae nag-uutob sa mga kasugoan nin Kagurangnan? Paano ini na kamo mapapara, nin huli sa katagasan kan saindong mga puso.

11 Dae nindo nagigiromduman an mga bagay na an Kagurangnan an nagtaram? --- kun dae nindo pagpapatagason an saindong mga puso, asin maghapot sakuya na may pagtubod, maniniwala na kamo magkakamit, na may kahigosan sa pagsusunod sa sakuyang mga tugon, seguridad na an mga bagay na ini mahihimong maipapaaram sa saindo.

12 Hilnga, ako nagtataram sa saindo, na an harong nin Israel pinagkukumpara sa sarong kahoy na Olibo, sa paagi kan Espiritu nin Diyos na yaon sa satuyang ama; asin uya, bako daw na kita nasuhay gikan sa harong nin Israel, bako daw na kita man sarong sanga kan harong nin Israel?

13 Asin ngonian, an bagay na an satuyang ama nagpapasabot manungod sa pagsusugpon kan mga natural na mga sanga sa paagi nin kautuban sa mga Hentil, ini, sa laog nin mga huring aldaw, sa panahon na sa satuyang banhi magdidikit na sana nin huli sa daeng paniniwala, iyo, sa paglipas nin kadakul na mga taon, asin kadakul na mga henerasyon pagkatapos na an Mesiyas magpapahiling sa hawak na laman sa mga kaakian nin mga tawo, na mangyayari an kabilugan nin ebanghelyo kan Mesiyas magpapaduman sa mga Hentil, asin gikan sa mga Hentil paduman sa katadaan kan satuyang banhi ---

14 Asin sa aldaw na iyan na an katadaan kan satuyang banhi makakaaram na sinda kaarayon sa laog kan harong nin Israel, asin na sinda mga piniling katawohan nin Kagurangnan, asin pagkatapos na sinda makakaaram asin makakanuod sa kaaraman kan saindang mga ninuno, asin man sa kaaraman sa ebanghelyo kan saindang Paratubos, na iyo an pinagtutukdo sa saindang mga ama sa paagi niya; kun kaya, makakaaram sinda sa kadunungan kan saindang Paratubos asin an pinakapunto kan saiyang doktrina, na tanganing maaraman ninda kun paano magdulok sa saiya asin ta sinda maliligtas.

15 Asin na sa aldaw mismong iyan bako daw na magkaka-orogma sinda asin mag-oomaw sa saindang daeng kasagkuran na Diyos, an saindang gapo asin an saindang kaligtasan? Iyo, sa aldaw mismong iyan, bako daw na magkakamit sinda nin kusog asin kakanon na minagikan sa tunay na baging? Iyo, bako daw na magdudulok sinda sa tunay na pagmamato nin Diyos?

16 Hilnga, ako nagsasabi sa saindo, iyo, sinda makagiromdom giraray na kabilang sa harong nin Israel; sinda isusugpon, bilang sarong natural na sanga nin kahoy na Olibo, duman sa tunay na kahoy nin Olibo.

17 Asin iyo ini an guston kan satuyang ama na ipasabot; asin saiyang ipinapasabot na ini dae mangyayaring maglipas hanggan dae pa sinda pinagwaratak-watak sa paagi kan mga Hentil; asin siya magpapasabot na ini mangyayari sa paagi kan dalan nin mga Hentil, na an Kagurangnan maipapahiling an saiyang kapangyarihan sa mga Hentil, na iyo man ngani an nagin kausa na siya itatakwil an mga Hudiyo, o kan harong nin Israel.

18 Kun kaya, an satuyang ama dae nagtataram manungod sa satuyang banhi sana, kundi iyo man sa gabos na kabilang sa harong nin Israel, na tinutukdo an tipan na dapat na mangyayari sa laog kan mga huring aldaw; na an tipan na ini ginibo sa satuyang ama na

si Abrahan, na nagsasabi: Sa saimong banhi an gabos na lahi sa kinaban mabebendisyunan.

19 Asin ini nangyaring naglipas na ako, si Nephi, nagtaram nin kadakul manungod kaining mga bagay; iyo, ako nagtaram sa sinda manungod sa pagbabalik-giraray kan mga Hudiyo sa mga huring aldaw.

20 Asin sakuyang pinagkulibat sa sinda an mga tataramon ni Isaias, na iyo an nagtaram manungod sa pagbabalik-giraray kan mga Hudiyo, o kan harong nin Israel; asin pagkatapos na sinda maibalik-giraray dapat na sinda mayo na nin pagkakabaranga, na sinda dae na magkakawaratak-watak giraray. Asin ini nangyaring naglipas na ako nagtaram nin kadakul na mga tataramon sa sakuyang mga tugang, na sinda nagin matuninong asin nagpakumbaba sa saindang mga sadire sa atubangan nin Kagurangnan.

21 Asin ini nangyaring naglipas na sinda nagsabi sa sakuya giraray, na nagsasabi: Ano baya an kahulugan kan bagay na an satuyang ama nahiling sa saiyang pangiturugan? Ano an boot sabihon kan kahoy na saiyang nahiling?

22 Asin ako nagsabi sa sinda: Idto iyo an representasyon kan kahoy nin buhay.

23 Asin sinda nagsabi sa sakuya: ano an boot sabihon kan tinubong lansang na nahiling kan satuyang ama, na iyo an naggigiya pasireng sa kahoy?

24 Asin ako nagsabi sa sinda na iyo idto an tataramon nin Diyos; asin kun siirisay man an magdadangog sa tataramon nin Diyos, asin makusog na magkakapot kaini, sinda dae nanggad mapapahamak; ni an mga tentasyon asin an mga nagkakalayong pana kan mga kaiwal iyo an makakadaog sa sinda sa pagkabuhay, tanganing darahon sinda sa pagkapahamak.

25 Kun kaya, ako, si Nephi, nagpapagiromdom sa sinda na dapat sindang magdangog sa tataramon nin Kagurangnan; iyo, ako nagkulibat sa sinda sa gabos na kusog kan sakuyang kalag, asin sa gabos na kadunungan na sakuyang ñandú-an, na sinda man lugod maghihinanyog sa mga tataramon nin Diyos asin maggigiromdom na sunudon an saiyang kasugoan pirme sa gabos na mga bagay.

26 Asin sinda nagsabi sa sakuya: Ano an gustong ipasabot sa salog nin tubig na nahiling kan satuyang ama?

27 Asin ako nagsabi sa sinda na an tubig na nahiling kan sakuyang ama iyo an kaatian; asin sobra an pinag-iisip niya sa ibang mga bagay na kun kaya dae niya nahiling an kaatian nin tubig.

28 Asin ako nagsabi sa sinda na iyo idto an sarong makatakuton na katubigan, na iyo an naglaen sa mararaot asin sa kahoy nin buhay, asin man sa mga banal nin Diyos.

29 Asin ako nagsabi sa sinda na iyo idto an sarong representasyon kaidtong makatakuton na impierno, na an anghel nagtaram sa sakuya na pinag-andam para sa mga makasalanon.

30 Asin ako nagsabi sa sinda na an samuyang ama nakahiling man na an hustisya nin Diyos iyo man an nagbanga sa makasalanon asin mga matanuson; asin an kaliwanagan kaini arog sa kaliwanagan kan sarong nag-aagabaab na kalayo, na nagtataas pasiring sa Diyos na daeng kasagkuran, asin ta mayong katapusan.

31 Asin sinda nagsabi sa sakuya: Bako daw na iyo ini an boot sabihon na kasakitan kan hawak sa mga aldaw nin pagsubok, o bako daw na iyo ini an bot sabihon na pinakasagkud na kamugtakan nin kalag pagkatapos na magadan an temporal na hawak, o bako daw na ini nagtataram kan mga bagay na mga temporal?

32 Asin ini nangyaring naglipas na ako nagsabi sa sinda na iyo idto an sarong representasyon kan mga bagay na parehong temporal asin espirituwal; ta maabot an aldaw na sinda dapat na husgaran kan saindang mga gibo, iyo, magin an mga gibo na nahimo na kan temporal na hawak sa saindang mga aldaw nin pagsubok.

33 Kun kaya, kun sinda magkakagaradan na sa saindang sadireng kasalan dapat na sinda hahaleon man; tungkol sa mga bagay na espirituwal, na nagpapanungod sa katanusan; kun kaya, dapat sindang darahon tanganing magtindog sa atubangan nin Diyos, na huhusgaran kan saindang mga kagibohan; asin kun an saindang mga kagibohan iyo an mga kaatian dapat na sinda man magigin maati; asin kun sinda maati kaipuhan na daw sinda mabubuhay sa kahadean nin Diyos; ta kun iyo, kuntana an kahadean nin Diyos maation man.

34 Pero hilnga, ako nagtaram sa saindo, an kahadean nin Diyos bakong maati, asin mayong dae nalilinigan na bagay na makakalaog sa kahadean nin Diyos; kun kaya kaipuhan na marhay na igwa nin sarong lugar nin kaatian na pinag-andam para sa maati.

35 Asin igwa nin sarong lugar na pinaghanda, iyo, maski na ngani makangorongirhat na impiyerno na sakuyang nasabi na, asin an diyablo iyo an nag-andam kaini; kun kaya an kahuri-hurihing kamugtakan nin mga kalag nin mga tawo iyo na sinda maipamugtak sa laog kan kahadean nin Diyos, o sinda itatakwil nin huli sa hustisya na sakuya nang sinambit.

36 Kun kaya, an mga makasalanon pinaglaen man sa mga matatanos; asin man gikan sa kahoy na buhay, na an bunga mas mahalaga asin mas pinagmamawot labaw pa sa ibang mga prutas; iyo, asin iyo ini an mas paurog na gayo kesa sa gabos na regalo nin Diyos. Asin kaya ako nagtaram sa sakuyang mga tugang. Amen.

1 NEPHI TSAPTER 16

An mga makasalanon nag-ako nin katotohanan na may kadepisilan --- An mga akeng lalake ni Lehi nag-aragom sa mga kadaragahan ni Ishmael --- An Liahona iyo an naggigiya sa sinda sa kaparangan --- An mga mensahe gikan sa Kagurangnan nakasururat sa Liahona sa oras-oras --- Si Ishmael nagadan; an saiyang pamilya naggugurumod-gumod nin huli sa mga kasakitan.

Asin ngonian ini nangyaring naglipas na pagkatapos, ako, si Nephi, nagtapos na sa pagsaysay sa sakuyang mga tugang, hilnga sinda nagsabi sa sakuya: Ika nagsasaysay sa samuya nin mga depisilon na mga bagay, mas sobra pa sa samuyang makakayanan.

2 Asin ini nangyaring naglipas na ako nagsabi sa sinda na ako nakakaaram na an sakuyang pinagsasabi mga magagabat na mga bagay laban sa mga makasalanon, nauuyon sa katotohanan; asin an mga matatanos sakuyang tinaw-anan nin tultol na hustisya, asin nagpapatotoo na sinda dapat na ilangkaw sa huring aldaw; kun kaya, an may kasalan nasasakitan na akoon an katotoohan, ta ini minatadom sa sinda mismo sa saindang katabhawan.

3 Asin ngonian mga tugang ko, kun ika sarong matanos asin bulanos na magdadangog sa

An Simbahan ni Jesukristo nin Mga Banal sa Huring-aldaw 48
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katotoohan, asin taw-an nin pagkasabot an mga ini, na tanganing kamo puwedeng maglalakaw sa karahayan sa atubang nin Diyos, dapat na kamo dae magparagumod-gumod nin huli sa katotoohan, asin magsabi: Ika nagpaparataram nin matatagas na mga bagay laban sa samuya.

4 Asin ini nangyaring naglipas na ako, si Nephi, nagpagiromdom sa sakuyang mga tugang, na igwa nin bilog na paghingo, na pagsunodon an mga katugonan nin Kagurangnan.

5 Asin ini nangyaring naglipas na sinda naggad nagpakumbaba sa saindang mga sadire sa atubangan nin Kagurangnan; na tanganing ako nagin maogma asin may dakulang paglaom sa sinda, na sinda lugod maglakaw sa mga dalan nin pagkamatanos.

6 Ngonian, an gabos na mga bagay na ini naisabi ko na asin naggibo habang an sakuyang ama nag-eestar sa laog nin sarong tolda sa bukid na saiyang inapud na Lemuel.

7 Asin ini nangyaring naglipas na ako, si Nephi, nagkua sa sarong daraga ni Ishmael para agomon; asin man si Zoram kinua an pinakamatuang daraga ni Ishmael para agomon.

8 Asin kaya an sakuyang ama nag-utob sa gabos na mga katugonan nin Kagurangnan na itinao sa saiya. Asin man, ako, si Nephi, pinagbendisyon nin Kagurangnan nin sobra-sobra.

9 Asin ini nangyaring naglipas na an boses nin Kagurangnan nagtaram sa sakuyang ama sa pagkabanggi, asin pinagsugo siya na sa pagkaaga dapat na maglakbay na siya sa kaparangan.

10 Asin ini nangyaring naglipas na an sakuyang ama nagbuhat sa pagkaaga, asin nagpasiring sa pintuan kan tolda, na sa saiyang dakulang pagkasorpresa nahiling niya na yaon sa ibabaw nin daga an sarong bilogon na bola na pambihira an pagkagibo, asin ini himo sa purong bronse. Asin sa laog nin bola may duwang ikiran; asin may sarong nakaturo sa agihan kun saen kami dapat na mag-aagi sa kaparangan.

11 Asin ini nangyaring naglipas na kami nagkasararong nagtiripon-tipon kan mga bagay na samuyang dadarahon pasiring sa kaparangan, asin an gabos na tada kan samuyang mga kakanon na ipinagtao nin Kagurangnan sa samuya; asin kami nagdara nin banhi kan kada klase na puwede niamong madara sa kaparangan.

12 Asin ini nangyaring naglipas na samuyang kinurua an samuyang mga tolda asin nagharale na paduman sa kaparangan, sa balyong salog nin Laman.

13 Asin ini nangyaring naglipas na kami naglakbay sa laog nin apat na aldaw, haros sa parteng timog-timog sirangan an direksiyon, asin samuyang tinugdok giraray an samuyang mga tolda; asin inapud niamo an lugar na idto sa ngaran na Shazer.

14 Asin ini nangyaring naglipas na samuyang dinarara an mga bugso asin an samuyang mga pana, asin nagharanap kami sa kaparangan tanganing samuyang bunoon para sa pagkakan kan samuyang mga pamilya; asin pagkatapos na kami makakua nin bunoon para sa kakanon kan samuyang pamilya, kami nagbaralik giraray sa samuyang pamilya na nakapirme sa kaparangan, sa lugar nin Shazer. Asin kami nagbalik giraray paduman sa kaparangan, nagsusunod sa kaparehong direksiyon, na naka-antabay sana sa pinakamayaman na parte nin kaparangan, na harani mismo sa kasagkuran na harani sa Pulang Dagat.

15 Asin ini nangyaring naglipas na kami nagpadagos sa paglakbay sa laog nin kadakul na mga aldaw, nagbubuno nin kakanon habang yaon sa dalan, sa paagi kan samuyang mga

bugso asin samuyang mga pana asin kan samuyang mga gapo asin samuyang mga tirador.

16 Asin kami nagsusunod sa direksiyon kan bola, na nagdara samuya sa pinakamatabang mga parte nin kaparangan.

17 Asin pagkatapos na kami makapaglakbay sa laog nin kadakul na mga aldaw; pinagtugdok mi an samuyang mga tolda sa laog nin pirang panahon, na tanganing kami giraray makapagpahingalo asin makakua nin kakanon para sa samuyang mga pamilya.

18 Asin ini nangyaring naglipas na habang ako, si Nephi, naghale sa paghanap nin mabubunong kakanon, uya, nabari ko an sakuyang bugso, na ginibo sa purong lansang; asin pagkatapos mabari ko an sakuyang bugso, hilnga, an sakuyang mga tugang nagka-aranggot sa sakuya nin huli sa pagkawara kan sakuyang bugso, ta dae na kami nakakakua nin makakakan.

19 Asin ini nangyaring naglipas na kami nagbaralik na mayong pagkakan sa samuyang mga pamilya, asin dara nin sobrang kapagalan, nin huli sa saindang pagralakbay, sinda grabeng marhay an pagsakit sa pangangaipo nin makakakan.

20 Asin ini nangyaring naglipas na si Laman asin si Lemuel asin an mga akeng lalake ni Ishmael nagpoon nin sobrang paggugurumod-gumod, nin huli sa saindang mga pagdusa asin kasakitan sa kaparangan; asin man an sakuyang ama nagpoon sa paggugurumod-gumod laban sa Kagurangnan na saiyang Diyos; iyo, sinda gabos grabeng gayo an pagkamundo, na tanganing sinda naggumod-gumod laban sa Kagurangnan.

21 Ngonian ini nangyaring naglipas na ako, si Nephi, na nagsapo nin kasakitan sa kairiba an sakuyang mga tugang nin huli sa pagkabari kan sakuyang bugso, asin an saindang mga bugso nagkawararaan man nin mga pambinat, ini nagpoon sa paglalang gayo an kadepisilan, iyo, na tanganing mayo na kaming makukuang kakakanon.

22 Asin ini nangyaring naglipas na ako, si Nephi, nagtaram nin kadakul sa sakuyang mga tugang, nin huli ta pinatagas ninda giraray an saindang mga puso, magin hanggan sa pag-agrangay laban sa Kagurangnan saindang Diyos.

23 Asin ini nangyaring naglipas na ako, si Nephi, naghimo nin sarong kahoy na bugso, asin gikan sa sarong matanos na sanga, sarong pana; kun kaya, ako armado an sadire nin sarong bugso asin sarong pana, igwa nin sarong tirador asin mga gapo. Asin ako nagsabi sa sakuyang ama: Saen po ako mapaduman na tanganing makakua nin pagkakan?

24 Asin ini nangyaring naglipas na siya naghapot sa Kagurangnan, ta sinda nagpakumbaba kan saindang mga sadire nin huli sa sakuyang mga tataramon; ta ako nakapagtaram nin kadakul nin mga bagay sa sainda sa kakusugan nin sakuyang kalag.

25 Asin ini nangyaring naglipas na an boses nin Kagurangnan nag-abot sa sakuyang ama; asin siya man naggad totoong kinastigo nin huli sa saiyang paggugumod-gumod laban sa Kagurangnan, na tanganing siya dinara pababa paduman sa kairaroman kan saiyang kamondoan.

26 Asin ini nangyaring nangyaring naglipas na an boses nin Kagurangnan nagsabi sa saiya: Maghiling ka sa bola, asin masdan mo an mga bagay na nasusurat.

27 Asin ini nangyaring naglipas na kan mahiling kan sakuyang ama an mga bagay na nasusurat sa bola, siya natakot na gayo asin nangungubog-kubog nin sobra asin man an sakuyang mga tugang asin an mga akeng lalaki ni Ishmael asin an samuyang mga agom.

28 Asin ini nangyaring naglipas na ako, si Nephi, nahiling an mga panukod na yaon sa bola, na an mga ini naghiihiro na uyon sa pagtubod asin paghihingo asin pagsunod na

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

samuyang pinaggigibo sa mga ini.

29 Asin igwa nin nakasurat sa mga ini nin bagong tugon na malinaw na mababasa, na makapagtao samuya nin pagkasabot mapanungod sa mga paagi nin Kagurangnan; asin an mga ini nakasurat asin pirmeng nagbabago sa lambang panahon, na uyon sa pagtubod asin paghingoha na samuyang ginigibo sa mga ini. Asin kaya kami nakakahiling na maski sa saradit na mga paagi naggigibo nin Kagurangnan an mga darakulang bagay.

30 Asin ini nangyaring naglipas na ako, si Nephi, nagpaduman sa ibabaw nin sarong bukid, na uyon sa mga direksiyon na ipinagtao gikan sa bola.

31 Asin ini nangyaring naglipas na ako nakabuno nin sarong layas na hayop, na tanganing ako nakakua nin pagkakan para sa samuyang mga pamilya.

32 Asin ini nangyaring naglipas na ako nagbalik na sa samuyang mga tolda, na dara-dara an hayop na sakuyang ginadan; asin ngonian kan saindang nahiling na nakakua na ako nin kakanon, grabeng gayo an saindang kaogmahan! Asin ini nangyaring naglipas na sinda nagpakumbaba sa saindang mga sadire sa atubangan nin Kagurangnan, asin nagtao nin pasasalamat sa saiya.

33 Asin ini nangyaring naglipas na samuya giraray na pinagpadagos an samuyang paglalakbay, nagbibiyahing haros pareho man sanang direksiyon arog kan enot; asin pagkatapos kaming magbiyahe sa laog nin kadakul na mga aldaw tinugdok mi giraray an samuyang mga tolda, na kami nag-untok ngona sa laog nin kadikit na panahon.

34 Asin ini nangyaring naglipas na si Ishmael nagadan, asin inilubong sa lugar na inapud na Nahom.

35 Asin ini nangyaring naglipas na an mga anak na babae ni Ishmael nagmundong grabe, nin huli sa pagkagadan kan saindang ama, asin dahil man sa saindang mga kasakitan sa kaparangan; asin sinda naggugurumod-gumod laban sa sakuyang ama, nin huli ta siya an nagdara sinda paluwas sa daga nin Jerusalem, na nagsasabi: An samuyang ama gadan na; iyo, asin kami sobra nang nagparagala sa kaparangan, asin kami nagdusang marhay nin sobrang kasakitan, kagutuman, kapahaan, asin kapagalan; asin pagkatapos kaining gabos na mga pagsakit mapapara na sana kami sa kaparangan na yaon sa kagutuman.

36 Asin kaya sinda nagparagumod-gumod laban sa sakuyang ama, asin man laban sakuya; asin saindang pinagmamawot na makabalik giraray sa Jerusalem.

37 Asin si Laman nagsabi ki Lemuel asin man sa mga akeng lalaki ni Ishmael: Hilnga, satuyang gadanon an ama ta, asin an satuyang tugang na si Nephi, na nagdadara-dara sa saiyang sadire na magigin Tamayo ta asin satuyang paratukdo, na saiyang mga matuang tugang.

38 Ngonian, siya nagsabi na an Kagurangnan nakipag-olay sa saiya, asin man an mga anghel nagtukdo sa saiya. Pero uya, aram nyamo na siya nag-ootik sana samuya; asin sinasabi niya samuya an mga bagay na ini, asin siya naggibo nin kadakul na mga bagay sa paagi kan saiyang mga padayang arte, na puwede niyang madaya an samuyang mga mata, nag-isip na, kun sakali, puwede niya kaming madara paharayo paduman sa sarong estrangherong kaparangan; asin pagkatapos niya kaming madara paharayo, saiyang pinagplano na gibohon niyang hade an sadire niya asin iyo an mamamayo labaw samuya, tanganing magibo niya sa samuya an uyon sa sadire niyang kagustuhan asin kaogmahan. Asin pagkatapos sa arog kaining paagi ginibo kan sakuyang tugang na si Laman na pinurukaw niya an saindang mga puso sa kaanggutuan.

39 Asin ini nangyaring naglipas na an Kagurangnan yaon sa samuya, iyo, magin an boses

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin Kagurangnan nag-abot asin nagtaram nin kadakul na tataramon sa sainda, asin pinadusahan sinda nin sobra; asin pagkatapos nindang napadusahan sa paagi kan boses nin Diyos saindang hinarale an saindang mga kaanggutan, asin nagsosolsol kan saindang mga kasalan, na tanganing an Kagurangnan nagbendisyon samuya giraray nin pagkakan, na kami dae naggad mapapara.

1 NEPHI TSAPTER 17

Si Nephi sinugo na gumibo nin sarong barko --- Nagkontra an saiyang mga tugang --- Saiyang pinagiromdom sa sainda sa paagi nin pagbalik-saysay sa kasaysayan tungkol sa pakikipagkasundo nin Diyos sa Israel --- Siya napano nin kapangyarihan nin Diyos --- An saiyang mga tugang pinagbawalan na hiroon siya, ta baka sinda magigin arog sa dagang na tambo.

Asin ini nangyaring naglipas na kami giraray nagpadagos kan samuyang paglakbay sa kaparangan; asin kami naglakbay nin haros pasirangan magpoon sa panahon na idto. Asin kami naglakbay asin nagtios nin grabeng pagsakit sa kaparangan; asin an samuyang mga babae nag-araki nin mga kaakian sa kaparangan.

2 Asin grabeng marhay an mga biyaya nin Kagurangnan sa samuya, na habang kami namumuhay lang sa paagi nin hilaw na karne, an samuyang mga kababaehan nagtao nin saganang gatas para sa saindang mga kaakian, asin sinda mga makukusog, iyo, na garo arog sa mga darakulang tawo; asin sinda nagpoon na makayahan an saindang paglalakbay na mayong mga paggugurumod-gumod

3 Asin kaya samuyang nahihiling na an mga katugonan nin Diyos seguradong nasusunod. Asin kun ining mga kaakian nin mga tawo nagsusunod sa mga katugonan nin Diyos, saiyang Tinataw-an nin kakanon sinda, asin pinapakusog sinda, asin nagtatao nin paagi na tanganing magibo ninda an bagay na saiyang pinagsusugo sa sainda; kun kaya, siya nagtao nin mga paagi para samuya tanganing kami makapamuhay sa kaparangan.

4 Asin kami namumuhay sa laog nin kadakul na mga taon, iyo, na nag-abot nin walong taon na yaon sa kaparangan.

5 Asin kami nakaabot sa lugar na samuyang inapud na Masagana, nin huli sa kadakulan nin prutas asin man mga tangguli; asin an gabos na ining mga bagay pinag-andam nin Kagurangnan na tanganing dae kami mapapara. Asin samuyang nahiling an kadagatan, na samuyang inapud na Irreantum, na an boot sabihon, kadakulon na katubigan.

6 Asin ini nangyaring naglipas na kami nagtugdok kan samuyang mga tolda sa may baybayon; asin maski na ngani na kami nagtios nin kadakul na kasakitan asin sobrang pagdusa, iyo, grabe talaga na dae mi na masusurat sinda gabos, kami grabeng marhay an kaogmahan kan kami makaabot na sa may baybayon; asin inapud mi an lugar na Masagana, nin huli sa kadakulan nin prutas.

7 Asin ini nangyaring naglipas na pagkatapos na ako, si Nephi, nakapamuhay sa daga nin Masagana sa laog nin kadakul na mga aldaw, an tingog nin Kagurangnan nag-abot sakuya, na nagsasabi: Magbuhat ka, asin magduman ka sa kabukidan. Asin ini

An Simbahan ni Jesukristo nin Mga Banal sa Huring-aldaw

52

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nangyaring naglipas na ako nagbuhat asin nagpaduman sa kabukidan, asin nagmakimaherak sa Kagurangnan.

8 Asin ini nangyaring naglipas na an Kagurangnan nagtaram sa sakuya, na nagsasabi: Ika magibo nin sarong barko, sa disenyong ipapahiling ko saimo, na tanganing madara ko an saimong katawohan sa balyo kaining mga katubigan.

9 Asin ako nagsabi: Kagurangnan, saen po tabi ako maghahanap na ako makanagbo nin bakal na tutunawon, na tanganing makakagibo ako nin mga kagamitan sa paggibo nin barko sa disenyong ipinahiling mo sa sakuya?

10 Asin ini nangyaring naglipas na an Kagurangnan sinabi sakuya kun saen ako magduman na tanganing makakua ako nin bakal, na sakuyang gigibohon na mga kagamitan.

11 Asin ini nangyaring naglipas na ako, si Nephi, naggibo nin bulsang-panghayop nin kalayo, na himo nin kublit kan mga hayop; asin pagkatapos na ako makagibo nin bulsang-panghayop, na puwede kong magamit sa paghayop nin kalayo, pinagkiskis an duwang mga gapo na ako makapagmakot nin kalayo.

12 Ta an Kagurangnan dae nagtutugot na kami magmakot nin kadakul na kalayo, habang kami naglalakbay sa kaparangan; ta siya nagsabi: Ako maghihimo kan saindong kakanon na magigin mahamison, na kamo dae na kaini magluluto pa.

13 Asin Ako man magigin ilaw nindo sa kaparangan; asin Ako an mag-aandam kan dalan sa atubangan nindo, na kun ini mangyari na kamo magsusunod kan sakuyang mga katugonan; kun kaya, habang sinusunod nindo an sakuyang mga katugonan kamo dadarahon pasiring sa pinagpromisang daga; asin kamo makakaaram na sa paagi ko kamo pinagdara.

14 Iyo, asin an Kagurangnan nagsabi man na: Pagkatapos na kamo mag-abot na sa pinagpromisang daga, kamo makakaaram na Ako, an Kagurangnan, an Diyos; asin na Ako, an Kagurangnan, an naglightas sa saindo gikan sa pagkadestroso; iyo, na Ako an nagdara saindo paluwas sa daga nin Jerusalem.

15 Kun kaya, ako, si Nephi, naghingoha na makasunod sa mga katugonan nin Kagurangnan, asin na ako nagpagiromdom sa sakuyang mga tugang na main matinubod-tubod asin mahigos.

16 Asin ini nangyaring naglipas na ako naggibo nin mga kagamitan na bakal na sakuyang tinunaw gikan sa gapo.

17 Asin kan mahiling kan sakuyang mga tugang na ako magpopoon na sa paggibo nin sarong barko, sinda nagpoon na maggugurumod-gumod laban sakuya, na nagsasabi: An satuyang tugang saro nang hangal, ta saiyang pinag-iisip na makakagibo siya nin sarong barko; iyo, siya man nag-iisip na siya makakabalyo kaining dakulang mga katubigan.

18 Asin kaya an sakuyang mga tugang nag-agrangay laban sakuya, asin ginugusto nindang habong magtrabaho, ta sinda habong magtubod na ako makakagibo nin sarong barko; ni sinda makatubod na ako sinugo sana nin Kagurangnan.

19 Asin ngonian ini nangyaring naglipas na ako, si Nephi, sobrang marhay an kamundoan nin huli sa katagasan kan saindang mga puso; asin ngonian kan mahiling ninda akong nagin mamundoong sinda nagin maogmahon sa laog kan saindang mga puso, na tanganing sinda labaw an pagka-ogma sakuya, na nagsasabi: Kami nakakaaram na ikaw dae naggad makakagibo nin sarong barko, ta kami nakakaaram na ikaw nagkukulang sa kaaraman; kun kaya, ikaw dae naggad makakatapos sa arog kaiyan na

dakulaong trabaho.

20 Asin ika arog na gayo sa satuyang ama, na dinadara kan saiyang mga kalokohan na imahinasyon kan saiyang puso; iyo, siya an nagdara samuya paluwas sa daga nin Jerusalem, asin kami nagin lagalag sa kaparangan sa kadakul na mga taon; asin an satuyang mga kababaehan nagsakripisyo, maski na ngani sinda nagbabados nin aki; asin sinda nagmundag nin mga kaakian sa kaparangan asin nagdusa nin kadakul na mga bagay, puwera sana nin kagadanan; asin mas marhay pang sinda nagkagaradan na bago pa man sinda nagruluwas sa Jerusalem kesa magtios kaining mga kasakitan.

21 Hilnga, sa kadakul na mga taon na kami nagtios sa kaparangan, na sa panahon kuta nang ito kami nag-oogma sa mga bagay na samuyang mga pagsadire asin sa daga na samuyang kamanahan; iyo, asin kami kuta na nagin maogmahon.

22 Asin kami nakakaaram na an mga katawohan na yaon duman sa Jerusalem mga matatanos na mga katawohan; ta saindang sinusunod an mga patakaran asin mga hatol nin Kagurangnan, asin an gabos niyang mga katugonan, na uyon sa mga ley ni Moises; kun kaya, kami nag-aaram na sinda mga matatanos na mga katawohan; asin an satuyang ama an naghatol sainda, asin iyo man an nagdara satuya nin huli ta kita nagdadangog sa saiyang tataramon; iyo, an satuyang tugang arog na gayo sa saiya. Asin sa arog kaining mga tataramon na an sakuyang mga tugang naggugurumod-gumod asin nag-aagrangay laban samuya.

23 Asin ini nangyaring naglipas na ako, si Nephi, nagtaram sa sainda, na nagsasabi: May paniwala daw kamo na an satuyang mga ama, na mga kaarakian nin Israel, madara daw na makaluwas sa mga kamot nin mga taga-Ehipto kun sinda dae nagdangog sa mga tataramon nin Kagurangnan?

24 Iyo, sa paghuna daw nindo na madara daw na makaluwas sa pagkakagapos, kun an Kagurangnan dae nagsugo ki Moises na dapat na pangnotan niya sindang magluwas sa pagkasakop na kamugtakan?

25 Ngonian kamo nag-aaram na an mga kaakian nin Israel yaon kaidto sa pagkasakop na kamugtakan; asin kamo nag-aaram na sinda nabatad nin kadakul na mga trabahoon, na magabaton na maray na pagdarahon; kun kaya, kamo nag-aaram na ini kaipuhan para sa saindong karahayan, na sinda dapat na darahon paluwas sa pagkasakop na kamugtakan.

26 Ngonian kamo nag-aaram na si Moises pinagsugo nin Kagurangnan na gibohon idtong dakulaon na trabaho; asin kamo nag-aaram na sa saiyang tataramon an mga tubig kan Pulang Dagat nabanga digde asin duman, asin sinda nag-aragi sa katahawan nin lantad na daga.

27 Pero kamo nag-aaram na an mga taga-Ehipto nagkaralamos sa Pulang Dagat, sinda na mga hukbo nin Faraon.

28 Asin kamo man nag-aaram na sinda pinakakan nin manna sa kaparangan.

29 Iyo, asin kamo man nag-aaram na si Moises, na sa saiyang tataramon na gikan sa kapangyarihan nin Diyos, na yaon saiya, pinagrapado an gapo, asin nagparabulos an tubig, na an mga kaakian nin Israel matalingkas sa saindang kapahaan.

30 Asin maski na ngani na sinda nakaruluwas na, an Kagurangnan saindang Diyos, an saindang Paratubos, na kairibang nangenotan sainda, nag-aantabay sainda sa aldaw asin nagtata-ong liwanag sa sainda kun banggi, asin naggigibo nin gabos na mga bagay para sainda na sayon para sa tawo na maresibe, saindang pinapatagas an saindang mga puso asin binubulag an saindang mga kaisipan, asin nagin tampalasan laban ki Moises asin

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

laban sa tunay asin buhay na Diyos.

31 Asin ini nangyaring naglipas na uyon sa saiyang tataramon saiyang niradas sinda; asin uyon sa saiyang tataramon saiyang pinangenotan sinda; asin uyon sa saiyang tataramon saiyang ginibo an gabos na mga bagay para sainda; asin mayo nin ano man na bagay na saiyang ginibo na dae ini nagtigikan sa saiyang tataramon.

32 Asin pagkatapos sinda nakabalyo na sa salog nin Jordan saiya sindang ginibong makusog na tanganing mapaharale an mga kaakian kan daga, iyo, na sinda nagkawatatak-watak sa pagkDESTROSO.

33 Asin ngonian, kamo naghuhuna na an mga kaakian sa dagang ini, na gikan sa daga nin promisa, na pinaruluwas kan satuyang mga ama, kamo naghuhuna na sinda mga matatanos? Hilnga, ako nagtataram sa saindo, Dae.

34 Kamo naghuhuna na an satuyang mga ama mas pinili kutana kesa sainda kun sinda kutana naging mga matatanos? Ako nagtataram sa saindo, Dae.

35 Hilnga, an Kagurangan nagmamawot sa gabos na laman na magkasararo; siya na sarong matanos iyo an pinapa-urog nin Diyos. Pero hilnga, an mga katawohan na ini pinaghaboan an kada tataramon nin Diyos, asin sinda hinog-hinog na sa kadaendatahan; asin an kabilugan kan kaanggutan nin Diyos iyo an nangingibabaw sainda; asin an Kagurangan pinagsumpa an daga laban sainda, asin benindisyunan ini para sas satuyang mga ama; iyo, saiya man naggad sinumpa ini laban sainda para sa sainda man sanang kapahamakan, asin saiya man naggad na benindisyunan ini para sa satuyang mga ama na sinda magkaka-igwa nin kapangyarihan sa ibabaw kaini.

36 Hilnga, an Kagurangan minukna an kinaban na ini dapat na pamumuhayan; asin siya naglalang kan saiyang mga kaakian na tanganing sinda an dapat na magin kagsadire kaini.

37 Asin siya nag-iitaas na maglangkaw an sarong matanos na nasyon, asin dinedestroso nya an mga nasyon nin mga makasalanon.

38 Asin saiyang inaantabayanan parayo an mga matatanos pasiring duman sa mas masaganang mga kadagaan, asin an makasalanon saiyang dinedestroso, asin sinusumpa an daga sa sainda para sa sainda man sana.

39 Siya naghahade sa kaitaan nin mga kalangitan, ta ini an saiyang trono, asin ining kinaban iyo man an saiyang tinutungtungan.

40 Asin saiyang kinamumutan sinda na nag-aako saiya bilang saindang Diyos. Hilnga, siya namuot sa satuyang mga ama, asin siya nakipagtipan sa sainda, iyo, magin ki Abraham, ki Isaac, asin ki Jacob; asin siya nakakagiromdom sa mga tipan na saiyang hinimo; kun kaya, siya an nagdara sa sainda paluwas sa daga nin Ehipto.

41 Asin siya an nagpatultol sainda sa kaparangan sa paagi kan saiyang pamakol; ta saindang pinatagas an saindang mga puso, arog kan saindong ginigibo; asin an Kagurangan pinapatultol sinda nin huli sa saindang mga kadaendatahan. Siya nagpadara nin mga nagkagalayong mga halas na naglulupad sa sainda; asin pagkatapos sindang kinaragat siya nag-andam nin sarong paagi na sinda puwedeng mabulong; asin an gigibohon ninda sana na maghimo sindang maghanap; asin nin huli kan pagkasimple sanang paagi; o an pagkamadalion kaini, igwa nin kadakul na nagkagaradan.

42 Asin pinapatagas ninda an saindang mga puso paminsan-minsan, asin nagtataram sinda nin maraot laban ki Moises, asin man laban sa Diyos; maski na ngani kaini, kamo nag-aaram na sinda tinarabangan sa paagi kan saiyang daeng kapantay na kapangyarihan

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pasiring duman sa dagang pinagpromisa.

43 Asin ngonian, pagkatapos ka gabos na ining mga bagay, an panahon nag-abot na sinda nagin mga makasalanon, iyo, harani na haros sa pagkahinog; asin ako dae nag-aaram pero sinda sa aldaw na ini madalion nang raradason; ta ako nag-aaram na an aldaw seguradong maabot na sinda kaipuhan nang rumpagon, puwera sa nagkapira sana, na dadarahon sa harayo paduman sa pagkasakop.

44 Kun kaya, an Kagurangnan nagsugo sa sakuyang am na dapat siyang maghale paduman sa kaparangan; asin ta an mga Hudiyo man may planong siya hahalean nin saiyang buhay; iyo, asin kamo man may planong hahalean siya nin saiyang buhay; kun kaya, kamo mga paragadan sa laog kan saindong mga puso asin na kamo naa-arog man sa sainda.

45 Kamo madalion sana gumibo nin kadaendatahan pero maluya na maggiromdom sa Kagurangnan na saindong Diyos. Kamo nakahiling nin sarong anghel, asin siya nakipag-olay sa saindo; iyo, nadadangog nindo an saiyang boses paminsan-minsan; asin na siya nakipag-olay sa saindo sa banayad na sadit na boses, pero kamo lipas an saindong pagkamate, na dae nindo naggad namamatean an saiyang mga tataramon; kun kaya, siya nakikipag-olay sa saindo na arog kan boses nin daguldol, na nagpapatanyog sa kinaban na garo baga ini babaranga-bangaon.

46 Asin kamo man nakaka-aram na sa paagi kan saiyang makusog na makapangyarihan na tataramon siya puwedeng magkausa sa kinaban na ini palilipason; iyo, asin kamo nag-aaram na sa paagi kan siayang tataramon siya puwedeng magkausa na an mga lubak-lubak na lugar magin mga patag, asin an mga patag na lugar magkakaparasa-pasa. O, ngonian, tadaw ini, na kamo nagin matagason an saindong mga puso?

47 Hilnga, sa sakuyang kalag napapano nin kamundoan nin huli saindo, asin an sakuyang puso nagkukulog; ako man natatakot na baka kamo mapapara sagkud pa man. Uya, ako pano kan Espiritu nin Diyos, na tanganing an sakuyang kahawakan mayo na nin kusog.

48 Asin ini nangyaring naglipas na kan ako makapagtaram na kaining mga tataramon sinda nagka-aranggot sakuya, asin sinda nagmawot na iapon ako sa kairaroman nin dagat; asin kan sinda nagrarani tanganing pakulgan ako kan saindang mga kamot ako nagtaram sa sainda, na nagsasabi: Sa pangaran nin Makapangyarihan na Diyos, ako nagsusugo saindo na daw nindo ako pagdut-an, ta ako pano-pano nin kapangyarihan nin Diyos, magin hanggan sa pagkaubos kan sakuyang laman; asin siisay man na magduot kan saiyang mga kamot sa sakuya madadagang na magin arog sa sarong binalad na tambo; asin siya magigin daeng pakinabang sa atubangan kan kapangyarihan nin Diyos, ta an Diyos iyo an magrarapado saiya.

49 Asin ini nangyaring naglipas na ako, si Nephi, nagsabi pa sainda na sinda dapat na dae na maggugurumod-gumod laban sa saindang ama; ni ipagkait ninda an saindang mga trabaho sakya, ta sinugo ako nin Diyos na dapat akong maggibo nin sarong barko.

50 Asin ako nagtaram sa sainda: Kun an Diyos nagsugo sakuya na gumibo nin gabos na bagay ako makakahimo kan mga ini. Kun siya magsusugo sakuya na ako dapat na magsabi sa tubig na ini, ika magigin daga, iyan dapat na magigin daga; asin kun ako magsasabi kaini, iyan dapat na mangyayari.

51 Asin ngonian, kun an Kagurangnan igwa kaining makusog na kapangyarihan, asin siya nakakagibo nin grabe kadakul na mga milagro sa mga kaakian nin mga tawo, paanong nangyari na siya dae makapagtukdo sakuya, na ako dapat na makakagibo nin

sarong barko?

52 Asin ini nangyaring naglipas na ako, si Nephi, nakapagtaram na nin kadakul na mga bagay sa sakuyang mga tugang, na tanganing sinda nagkaralawgaw asin dae na nakipagdiskusyunan laban sakuya; ni gibohon nindang makakapot an saindang mga kamot sa sakuya o dut-an ako kan saindang mga muro, magin sa laog nin kadakul na mga aldaw. Ngonian sinda dae naggad nakagibo kaini na baka sinda magkaruluyos sa atubangan ko, ta grabe kakusog na gayo an Espiritu nin Diyos; asin kaya ini iyo an mapangyari sa sinda.

53 Asin ini nangyaring naglipas na an Kagurangnan nagtaram sa sakuya: Unaton mo an saimong kamot giraray atubang sa saimong mga tugang, asin sinda dae maluluyos sa atubangan mo, pero gigibohon kong magkikimig-kimig sinda, sabi nin Kagurangnan, asin ini gigibohon ko, na tanganing sinda makakaaram na Ako an Kagurangnan nindang Diyos.

54 Asin ini nangyaring naglipas inunat ko an sakuyang kamot sa atubang kan sakuyang mga tugang, asin sinda dae man naggad nagkaruluyos sa atubangan ko; pero an Kagurangnan pinapakimig-kimig sinda, na uyon sa mga tataramon na saiyang pinagsabi.

55 Asin ngonian, sinda nagsabi: Kami nakakaaram na may kasegurohan na an Kagurangnan iyo an kaiba mo, ta aram nyamo na ini an kapangyarihan nin Kagurangnan na iyo an nagpakimig-kimig samuya. Asin sinda nagkaturumba mismo sa atubangan ko, asin haros magsaramba na sa sakuya, pero ako an nagpugol sinda, na nagsasabi: Ako an saindong tugang, iyo, an saindong nguhod na tugang; kun kaya, sambahon nindo an Kagurangnan Diyos, asin galangan an saindong ama asin an saindong ina, na tanganing an saindong mga aldaw magin halawig sa ibabaw nin daga na an Kagurangnan nindong Diyos iyo an magtatao saindo.

1 NEPHI TSAPTER 18

An barko natapos na --- An pagkamundag ninda Jacob asin Joseph nasambit --- An pag-iriba nagsarakay pasiring sa pinagpromisang daga --- An mga akeng lalaki ni Ishmael asin an saindang mga agom nag-ayon sa karerebokan asin pagrebelde --- Si Nephi ginarapos, asin an barko naglayag pabalik dara kan sarong teribleng bagyo --- Si Nephi binuhian, asin sa saiyang pagpangadye an bagyo naghupa --- Sinda nag-abot sa pinagpromisang daga.

Asin ini nangyaring naglipas na sinda nagsamba sa Kagurangnan, asin sinda nagpadagos sa pagtrabaho na kairiba ko; asin kami naghimo sa mga kahoy nin mga pambihirang mga porma. Asin an Kagurangnan itinutukdo niya sakuya paminsan-minsan sa anong promada na dapat kong himohon an mga kahoy kan barko.

2 Ngonian ako, si Nephi, dae naghimo sa mga kahoy na arog sa disenyo na nanudan nin mga katawohan; ni ginibo ko an barko arog sa mga pinaggigibo kan mga katawohan; pero ako naggibo kaini na uyon sa disenyo na an Kagurangnan ipinagtukdo sa sakuya; kun kaya, ini bakong arog sa mga ginibo nin mga katawohan.

An Simbahan ni Jesukristo nin Mga Banal sa Huring-aldaw 57
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Asin ako, si Nephi, pirmeng nagduduman sa bukid, asin ako nangangadye pirme sa Kagurangnan; kun kaya an Kagurangnan nagparapahiling sa sakuya nin kadakul na mga bagay.

4 Asin ini nangyaring naglipas na pagkatapos kong maggibo an barko, na uyon sa tataramon nin Kagurangnan, nahiling kan sakuyang mga tugang na ini marahay-rahay asin an pagkakagibo kaini sobra kahusay; kun kaya, sinda nagpakumbaba sa saindang mga sadire giraray sa atubangan nin Kagurangnan.

5 Asin ini nangyaring naglipas na an boses nin Kagurangnan nag-abot sa sakuyang ama, na dapat kaming magburuhat asin magsakay sa laog nin barko.

6 Asin ini nangyaring naglipas na noudmang pagkaaga, pagkatapos nyamong mai-andam an gabos na mga bagay, kadakul na mga prutas asin karne na gikan sa kakadlagan, asin tangguli na grabeng maray, asin mga panustos na uyon sa mga pangangaipo na an Kagurangnan ipinagsugo sa samuya, kami man naggad nagsarakay palaog sa barko, na dara an gabos nyamong mga kargamento asin an samuyang mga banhi, asin ano pa man na mga bagay na pinagdarara nyamo, an lambang saro na uyon sa saiyang edad; kun kaya, kami gabos nagsarakay palaog sa barko, na kairiba an samuyang mga agom asin samuyang mga kaarakian.

7 Asin ngonian, an sakuyang ama nagmundag para saiya nin duwang akeng lalake habang yaon sa kakadlagan; an matua inapud na Jacob asin an nguhod si Joseph.

8 Asin ini nangyaring naglipas na pagkatapos na kami gabos nakasarakay na sa laog nin barko, asin dara-dara na nyamo an mga panustos asin mga bagay na ipinagsugo sa samuya na ipinagbuntog nyamo paduman sa dagat asin kami naglayag sa paagi nin paros pasiring sa pinagpromisang daga.

9 Asin pagkatapos na kami pinaglalayag sa paagi nin paros sa laog nin kadakul na mga aldaw, hilnga, an sakuyang mga tugang asin an mga akeng lalake ni Ishmael asin man an saindang mga agom nagpoon na maggibo nin kaorogmahan sa saindang mga sadire, na tanganing nagporoon sindang magsarayaw, asin magkaranta, asin magparataram nin mga raway, iyo, magin na sinda nagkarilingaw na kun anong kapangyarihan na sinda pinagdarara duman; iyo, sinda gabos nagkadarara nang maray kan saindang sobrang karawayan.

10 Asin ako, si Nephi, nagpopon nang matakot nin sobra na baka an Kagurangnan maanggot samuya, asin radason kami nin huli sa samuyang kadaendatahan, na baka kami halonon kan kairaroman nin dagat; kun kaya, ako, si Nephi, nagpoon na magtaram sainda na may kapakumbabaan; pero hilnga sinda gabos nagka-aranggot pa sakuya, na nagsasabi: Kami nagtutugot na an samuyang nguhod na tugang iyo an magin pamayo labaw samuya.

11 Asin ini nangyaring naglipas na si Laman asin si Lemuel nagkarapot sakuya asin ginapos ako nin mga lubid, asin pinagtrato ninda ako nin sobrang pagpasakit, maski siring, an Kagurangnan nagtutugot na mangyayari ini na tanganing saiyang maipapahiling an saiyang kapangyarihan, para sa kautuban kan saiyang tataramon na pinagsasabi niya manungod sa mga makasalanon.

12 Asin ini nangyaring naglipas na pagkatapos sinda akong ginapos na tanganing dae ako makakahiro, an aguhon, na pinag-andam nin Kagurangnan, nagpundo sa paghiro.

13 Kun kaya, sinda dae na nakakaaram kun papaano ninda taw-an nin direksiyon an barko, na tanganing kun magka-igwa nin sarong makusog na bagyo, iyo, sarong dakula

asin teribleng bagyo, asin kami pinapadpad pabalik sa ibabaw nin mga tubig sa laog nin tulong aldaw; asin sinda nagpoon na magkatarakot nin sobra na baka sinda magkakaralamos sa dagat; maski na ngani arog kaini, dae ninda ako binuhian.

14 Asin sa ikaapat na aldaw, na kami pinapadpad pabalik, an bagyo nagpoon na magin makusogon na maray.

15 Asin ini nangyaring naglipas na kami haros hahalonon na kan kairaroman nin dagat. Asin pagkatapos na kami pinapadpad pabalik sa kaibabawan nin mga tubig sa laog nin apat na aldaw, an sakuyang mga tugang nagpoon nang makahiling na an mga paghuhukom nin Diyos yaon na na nangingibabaw sa sinda; asin na sinda mapapahamak kun dae sinda magsosolsol kan saindang mga daendatang kagibohan; kun kaya, nagdurulok sinda sa sakuya, asin hinarale an mga gapos na nakabugkos sa kabukohan kan sakuyang mga kamot, asin hilnga an mga ini grabe an pagkahurubag; asin man an kabukohan kan sakuyang mga bitis grabe man an paghurubag, asin grabeng maray an pagkukulog kan mga ini.

16 Maski na ngani arog kaini, ako naglaom sa sakuyang Diyos, asin ako nag-oomaw sa saiya sa halawig nin bilog na aldaw; asin ako dae naggugurumod-gumod laban sa Kagurangnan nin huli sa sakuyang mga kasakitan.

17 Ngonian an sakuyang ama, si Lehi, nagsabi nin kadakul na mga bagay sa sinda, asin man sa mga akeng lalake ni Ishmael; pero, hilnga, sinda nagtararam nin kadakul na pananakot laban sa kiisay man magtaram para sakuya; asin an sakuyang mga magurang na nagluluya na sa pag-agi nin mga taon, asin nagtios nin grabeng kakulugan nin boot nin huli sa saindang mga kaarakian, na dinara sinda sa pagkagurang, iyo, maski sa ibabaw kan saindang mga higdaan.

18 Nin huli sa saindang mga kakulugan nin boot, asin sobrang pagmumundo, asin an mga daendatang gawi kan sakuyang mga tugang, dinarara sinda sa kamugtakan na dikit pa sindang makipaghilingan sa saindang Diyos; iyo, an saindang ubanon nang mga buhok haros madara nang gayo pababa sa kinamumugtakan nin alpog; iyo, magin sinda man harani nang gayo mahulog sa kamundoan pasiring sa sarong matubig na lubungan.

19 Asin si Jacob asin Joseph man, na mga hoben pa, na nangangaipong gayo nin tamang pangangataman, nagmundong gayo nin huli sa mga kasakitan kan saindang ina; asin man an sakuyang agom na yaon na gayo sa paghihibi asin mga pagpapangadye, asin man an sakuyang mga kaarakian, dae ini nakapagpalumoy sa mga puso kan sakuyang mga tugang na sinda na akong buhian.

20 Asin mayong iba kundi puwera lang ining kapangyarihan nin Diyos, na nakapagpatakot sinda nin pagkapahamak, na iyo an nakapagpalumoy kan saindang mga puso; kun kaya, kan mahiling ninda na harani na sindang halonon nin kairaroman kan dagat, sinda nagsorolsol sa mga bagay na saindang nakaginibohan, na tanging sinda akong binuhian.

21 Asin ini nangyaring naglipas na pagkatapos nindang binuhian ako, hilnga, sakuyang kinua an aguhon, asin ini naghiro maski saen ko pinagmamawot ini. Asin nangyaring naglipas na ako nagparapangadye sa Kagurangnan; asin pagkatapos kong makapangadye an mga paros nagpundo, asin an bagyo naghupa, asin nagka-igwa nin sarong dakulang pagkalmada.

23 Asin ini nangyaring naglipas na ako, si Nephi, iyo an naggiya kan barko, na kami naglayag giraray paduman sa pinagpromisang daga; asin kami nagbaraba sa daga, asin

pinatugdok an samuyang mga tolda; asin samuyang inapud ini na pinagpromisang daga. 24 Asin ini nangyaring naglipas na kami nagpoon na magbungkal sa daga, asin nagpoon na magtaranom nin mga banhi; iyo, samuyang tinanom an mga banhi sa daga, na samuyang dinarara gikan pa sa daga nin Jerusalem. Asin ini nangyaring naglipas na an mga ini nagdarakulang nagturubo; kun kaya, kami benindisyunan nin kasaganaan.

25 Asin ini nangyaring naglipas na kami nakanagbo sa daga nin pangako, habang kami nagraralakaw-lakaw sa kakadlagan, na igwa palan nin mga hayop na yaon sa mga kakahuyan sa kada klase, arog kan baka asin an toro, asin an asno asin an kabayo, asin an kanding asin an layas na kanding, asin gabos na klaseng mga buhing mga kahayupan, na an gabos para magamit nin mga katawohan. Asin kami nakanagbo nin gabos na klaseng mga bakal, igwa nin bulawan, asin plata, asin bronse.

1 NEPHI TSAPTER 19

Si Nephi naghimo nin mga lamina nin bakal asin inukit an kasaysayan kan saiyang katawohan --- An Diyos nin Israel maabot sa laog nin anom na gatos na taon magpoon sa panahon na si Lehi naghale sa Jerusalem --- Si Nephi nagsabi kan gabos Niyang mga kasakitan asin pagkapako sa krus --- An mga Hudiyo pag-oorihan ain iwawaratak-watak hanggan sa mga huling aldaw, kun noarin sinda magbabalik sa Kagurangnan.

Asin ini nangyaring naglipas na an Kagurangnan nagsugo sakuya, kun kaya ako naggibo nin mga lamina sa bakal na ako puwedeng nakapag-ukit sa mga ini kan rekord kan sakuyang katawohan. Asin sa mga lamina na sakuyang ginibo sakuyang inukit an kasaysayan kan sakuyang ama, asin man an samuyang paglalakbay sa kakadlagan, asin an mga propesiya kan sakuyang ama; asin man an kadakul na sadire kong mga propesiya na sakuyang inukit sa mga ini.

2 Asin ako dae nag-aaram kan panahon na idto na habang ako naggibo kan mga ini na ako susugoon nin Kagurangnan na gumibo kaining mga lamina; kun kaya, an rekord kan sakuyang ama, an asin an tala-angkanan nin saiyang mga ama, asin an pinakadakul na parte kan gabos nyamong mga agi-agi sa kakadlagan naka-ukit sa mga enot na mga lamina kun saen iyo an sakuyang sinasabi; kun kaya, an mga bagay na nangyari na bago pa man ako naggibo kan mga laminang ini iyo, na sarong katotoohan, na mas pinapa-urog na sinasambit sa mga enot na lamina.

3 Asin pagkatapos na ako makapaggibo na kaining mga lamina sa paagi nin kasugoan, ako, si Nephi, naka-resibe nin sarong kasugoan na an ministeryo asin an mga propesiya, as mas maliwanag asin mga mahalagang parte kan mga ini; dapat na maisurat sa ibabaw kan mga laminang ini; asin na an mga bagay naisurat na dapat na pag-ingatan para sa kaaraman kan sakuyang mga katawohan, na dapat iyo an magsasadire sa mga kadagaan, asin man para sa iba pang madunong na mga katuyuhan, na an mga katuyuhan na ini naaaramang gayo in Kagurangnan.

4 Kun kaya, ako, si Nephi, naggibo man naggad nin sarong rekord sa ibabaw kaining mga laen na lamina, na nagtatao nin sarong kasaysayan, o na nagtatao nin sarong

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

dakulaon na kasaysayan kan mga giyera asin mga pag-iiriwal-iwal asin mga pagkadedestroso kan sakuyang mga katawohan. Asin kaini ako nakagibo, asin nagsugo s sakuyang mga katawohan na kun ano an saindang dapat na gigibohon pagktapos na ako mayo na; asin na ining mga lamina dapat na ipagtao gikan sa sarong henerasyon hanggan sa saro, o gikan sa sarong propeta hanggan sa saro man, hanggan sa iba pang mga katugonan nin Kagurangnan.

5 Asin an estorya kan sakuyang paggibo kaining mga lamina ihahayag ngonian pagkatapos, asin ngonian, hilnga, ako nagpadagos uyon kaini na sakuyang naitaram na; asin kaini ako naggibo nin kadakul na mga sagradong bagay na dapat na pag-iingatan para sa kaaraman kan sakuyang mga katawohan.

6 Maski na ngani, ako dae nagsusurat kan ano man na bagay sa mga lamina puwera lang na kun ini na sa sakuyang pag-iisip mga sagrado. Asin ngonian, kun ako napasala, maski na sinda may salang dati; bako na ako nagpapalibre sa sakuyang sadire nin huli sa ibang tawo, kundi nin hli sa kaluyahan na yaon sako, uyon sa laman, ako nagpapalibre para sa sakuya man sana.

7 Ta an mga bagay na an ibang tawo naghuhuna na mga mas mahalaga, pareho sa hawak asin kalag, an iba man pinaghimong daeng kamugtakan asin pinagtutungtungan sa irarom kan saindang mga bitis. Iyo, maski na ngani mismo an Diyos nin Israel na ginibo kan mga tawo na pinagtutungtungan sa irarom kan saindang mga bits; ako nakapagsabi na tinutungtungan sa irarom kan saindang mga bitis pero ako magtataram sa ibang mga tataramon --- sinda an naghimo sa saiya na mayong kamugtakan, asin dae nagdadarangog sa boses kan saiyang mga pagpapagiromdom.

8 Asin hilnga siya nag-abot, uyon sa mga tataramon kan anghel, sa anom na gatos na taon magpoon sa panahon na an sakuyang ama naghale sa Jerusalem.

9 Asin an kinaban, nin huli sa saindang mga karaotan, maghuhusga saiya bilang sarong bagay na mayong kamugtakan; kun kaya, pinasakitan siya, asin siya nagtios kaini; asin saindang hinampak siya, asin saiyang pinagtiosan ini. Iyo, saindang pinaglutaban siya, asin siya nag-agud, nin huli kan saiyang mamumuton na pagkaherak, asin kan saiyang halawig na kasakitan para sa mga kaakian nin mga tawo.

10 Asin an Diyos kan satuyang mga ama, na pinangenotan paluwas sa Ehipto, paluwas sa pagkasakop, asin man pinagpreserba niya sa kakadlagan, iyo, an Diyos ni Abraham, asin ni Isaac, an Diyos nin Jacob, na nagpahiling kan saiyang sadire, uyon sa mga tataramon kan anghel, bilang sarong tawo, pasiring sa mga kamot kan mga makasalanon na mga tawo, na tanganing ipaglangkaw, uyon sa mga tataramon nin Zenock, asin na tanganing ipako sa krus, uyon sa mga tataramon ni Neum, asin na tanganing ilubong sa lulubngan, uyon sa mga tataramon ni Zenos, na saiyang pinagsasabi manungod sa tulong aldaw nin kadikloman, na iyo mismo an senyal na itatao sa saiyang pagkagadan duman sa saindang mga namumuhay sa mga isla nin kadagatan, mas espesyal na itinao duman sa sainda na yaon sa harong nin Israel.

11 Ta kaya nagtaram an propeta: An Kagurangnan Diyos seguradong mabisita sa gabos na harong nin Israel sa aldaw na iyan, kadaklang iba sa paagi ni boses, nin huli sa saindang pagkamatanos, pasiring sa saindang dakulang kaogmahan asin kaligtasan, asin an iba sa paagi nin mga daguldol asin mga pagkikilat kan saiyang kapangyarihan, sa paagi nin bagyo, sa paagi nin kalayo, asin sa paagi nin asu, asin dampog nin kadikloman, asin sa paagi nin pagburuka nin daga, asin sa paagi nin mga kabukidan na dadarahon

paitaas.

12 Asin an gabos na ining mga bagay seguradong mangyayari, sinabi kan propetang si Zenos. Asin an mga kagapoan sa mundo magkakabaraak; asin nin huli sa mga pag-aagrangay nin kinaban, kadakul na mga hade sa mga isla nin kadagatan magsasabi sa paagi kan Espiritu nin Diyos, na nagkukururahaw: An Diyos nin pangkagabsan nagtitios.

13 Asin para sa sainda na yaon sa Jerusalem, sabi kan propeta, sinda hahampakon kan gabos na mga tawo, nin huli ta saindang ipinako sa krus an Diyos nin Israel, asin pinatalikod nindang laen an saindang mga puso, pinaghaboan an mga senyales asin mga kangalasan, asin an kapangyarihan asin kamurawayan kan Diyos nin Israel.

14 Asin nin huli ta saindang pinatalikod nin laen an saindang mga puso, sabi kan propeta, asin pinagpara-orihan an Sarong Pinakabanal nin Israel, sinda magpaparalakaw sa laman, asin mapapara, asin magigin sarong sagitsit na tataramon asin sarong estorya, asin kapupung-utan sa kairibahan kan gabos na mga nasyon.

15 Maski na kaini, kun an aldaw na iyan mag-abot, sabi kan propeta, na sinda dae na pinapatalikod nin laen an saindang mga puso laban sa Sarong Pinakabanal nin Israel, saka Siya makakagiromdom sa mga tipan na saiyang hinimo sa saindang mga ama.

16 Iyo, saka Siya makakagiromdom sa mga isla nin kadagatan, iyo, asin sa gabos na mga katawohan na yaon sa harong nin Israel, na sakuya sindang pagtiriponon, sabi nin Kagurangnan, uyon sa mga tataramon ni propeta Zenos, gikan sa apat na surok nin kinaban.

17 Iyo, asin an bilog na kinaban mahihiling an kaligtasan nin Kagurangnan, sabi kan propeta; sa lambang nasyon, lahi, dila asin an mga katawohan pagbebedisyunan.

18 Asin ako, si Nephi, ipinagsurat ining mga bagay sa sakuyang mga katawohan, na tanganing baka puwede kong hikayaton sinda na saindang dapat na giromdomon an Kagurangnan an saindang Paratubos.

19 Kun kaya, ako nagtataram sa gagos na harong nin Israel, na kun ini mangyari na sinda dapat na makakua kaining mga bagay.

20 Ta uya, ako igwa nin kagibohan sa espiritu, iyo an nakakapahandal sakuya maski na an gabos kong kaso-kasoan maluluya, para sa sainda na yaon sa Jerusalem; ta kun dae lang an Kagurangnan naging maherakon, na ipahiling sa sakuya an mapanungod sainda, maski na ngani igwa siyang mga propeta kan lumang panahon, ako kuta na napara na man.

21 Asin Siya bulanos na ipinahiling sa mga lumang propeta an gabos na mga bagay mapanungod sainda; asin man saiyang ipinahiling sa kadaklan an mapanungod samuya; kun kaya, ini kaipuhan na mangyari na ami makaaram manungod sainda ta an mga ini naisurat na sa mga laminang bronse.

22 Ngonian ini nangyaring naglipas na ako, si Nephi, ipinagtukdo sa sakuyang mga tugang an mga bagay na ini; asin ini nangyaring naglipas na sakuyang binasa an kadakul na mga bagay sa sainda' na inukit sa mga laminang bronse, na tanganing sinda makakaaram manungod sa mga nagkaginibohan na nin Kagurangnan sa ibang mga kadagaan, sa mga katawohan kaidto.

23 Asin ako nagbasa nin kadakul na mga bagay sa sainda na naisurat na sa mga libro ni Moises; pero tanganing mas bilog kong mahikayat sinda na magtubod sa Kagurangnan saindang Paratubos, ako nagbasa sa sainda kaidtong mga nasusurat kan propetang si Isaias; nin huli ta sakuyang ibinabaing an gabos na kasuratan sa samuya, na tanganing ini

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magkakaigwa para sa samuyang kapikinabangan asin pagkanuod.

24 Kun kaya ako nakapagtaram sa sinda, na nagsasabi: Magdangog kamo sa mga tataramon nin propeta, kamo na mga katadaan kan harong nin Israel, na sarong sanga na nabari; Magdangog kamo sa mga tataramon nin propeta, na naisurat para sa gabos na harong nin Israel, asin ibinabaing ko sinda arog sa saindo, na tanganing kamo man may paglaom asin man an saindong mga tugang na kun sane kamo naggigikan; ta pagkatapos na sa arog kaining paagi an mga propeta nagsurat.

1 NEPHI TSAPTER 20

An kagurangnan nagpahayag kan saiyang mga katuyuhan sa Israel --- Sinda mga pinili sa hurno nin pagtitios asin sinda maglalakaw gikan sa Babilonya --- Ikumpara sa Isaias 48.

Magdangog asin dangoga ini, o harong ni Jacob, na pinag-aapud sa paagi nin ngaran na Israel, asin nagruluwas na gikan sa mga tubig ni Judah, o gikan sa mga tubig nin pagbubunyang, na nagsumpa sa pangaran nin Kagurangnan, asin nakapagsambit sa Diyos nin Israel, kaya lang, sinda nagsurumpa bako sa katotoohan ni sa pagkamatanos.

2 Maski na kaini, saindang pinag-aapud an saindang mga sadire sa banal na siyudad, pero sinda dae nag-eerok sa saindang mga sadire sa Diyos nin Israel, na iyo an Kagurangnan nin mga Hukbo; iyo, Kagurangnan nin mga Hukbo an saiyang pangaran.

3 Hilnga, ako nagdeklara na an mga datiang mga bagay na gikan sa kapinunan; asin an mga ini nagruluwas sa sakuyang nguso, asin sakuyang ipinahiling sinda. Sakuyang ginibo na ipinahiling sa sinda nin madali.

4 Asin sakuyang ginibo ini nin huli ta ako nag-aaram na ika sutil, asin an saimong liog sarong litid na bakal, asin an saimong kiray tanso;

5 Asin sakuyang pinagdeklara maski sa kapinunan sa saindo; bago pa ini nangyaring naglipas sakuyang ipinahiling sinda saindo; asin sakuyang ipinahiling sinda na may pagkatakot na baka saimong sasabihon na --- An sakuyang idolo iyo an naggibo kan mga ini, asin an sakuyang mga inukit na imahen, asin an sakuyang binubong imahen iyo an nagsugo kan mga ini.

6 Saimong nahiling asin nadangog an gabos na ini; asin dae daw nindo ipinapahayag an mga ini? Asin na sakuyang ipinahiling saindo an mga bagong bagay magpoon ngonian na panahon, maski na ngani idtong mga natatagong bagay, asin kamo dae nakakaaram sa mga ini.

7 Sinda pinagmukna ngonian, asin bako gikan sa kapinunan, maski kaidtong aldaw na dae mo pa nadadangog an mga ini sinda ipinahayag na sa saindo, ta kun dae baka kamo magsasabi --- Uya ako nag-aaram sinda.

8 Iyo, asin ika dae pa nakakdangog; iyo, ika dae pa man nakakaaram; iyo, sa panahon na idto an saimong talinga bako pang bukas; ta ako nag-aaram na ika naggigibo na may tikas, asin pinag-aapud na sarong makasalanon magpoon pa sa tulak.

9 Maski na ngani kaini, para sa interes kan sakuyang pangaran sakuyang palilipason an

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sakuyang pagka-anggot, asin para sa kaomawan ko magpupugol ako laban saimo, na tanganing dae ta ka puputulon nin laen.

10 Ta hilnga, ako an nagpadalisay saimo, ako an nagpili saimo sa hurno nin kasakitan.

11 Para sa sakuyang sadireng interes, iyo, para sa sakuyang sadireng interes kaya naggibo ko ini, ta ako habong gayo na tugutan na an sakuyang pangaran magigin sa tampalasan, asin ako dae magtatao nin sakuyang kamurawayan duman sa iba.

12 Magdangog ka sako, o Jacob, asin Israel an sakong inapudan, ta ako iyo siya; ako an enot, asin ako man an huri.

13 An sakuyang kamot iyo man an nagbugtak kan pundasyon nin kinaban, asin an sakuyang toong kamot iyo an nagladlad kan mga kalangitan. Ako nag-apud sa sinda asin sinda nag-iribahan na nagtindog.

14 Gabos kamo, magtiripon sa sindong mga sadire, asin magdangog; siirisay sa sinda an nagpahayag kaining mga bagay sa sinda? An Kagurangnan namumuot sa saiya; iyo, asin siya maggigibo sa saiyang tataramon na saiyang naipahayag sa paagi ninda; asin saiyang gigibohon an nakakaogma sa saiya laban sa Babilonya, asin an saiyang mga braso mapapaduman sa mga Chaldeo.

15 Asin man, sabi nin Kagurangnan; Ako an Kagurangnan, iyo, Ako nakapagtaram na; iyo, Ako an nag-apud sa saiya para magpahayag, Ako an nagdara sa saiya, asin siya maggigibo kan saiyang dalan na mag-uswag.

16 Madya kamo na magrarani sa sakuya; ako dae makapagtaram nin patago; magpoon sa kapinunan, magpoon sa panahon na ini ipinapahayag an sakuyang naipagtaram na; asin an Kagurangnan Diyos, asin an saiyang Espiritu, iyo an nagpadara sakuya.

17 Asin kaya nagsabi an Kagurangnan, an saimong Paratubos, an Sarong Banal nin Israel; Ako an nagpadara saiya, an Kagurangnan saimong Diyos na iyo an nagtukdo saimo na tanganing ika makanuod, na iyo an nag-aantabay sa saimo sa dalan na saimong papadumanan; iyo an naggibo kaini.

18 O na ika man naggad nagdadangog sa sakuyang mga kasugoan, asin bako daw na an saimong katoninongan arog sa sarong salog, asin an saimong pagkamatanos arog sa mga lungso nin kadagatan.

19 An saimong banhi man nagin arog sa buhangin; an bunga kan saimong tulak nagin arog sa mga tipasi kaini; an saiyang pangaran dapat kuta nang dae maputol nin laen or madestroso gikan sa atubangan ko.

20 Magduman kamo padagos sa Babilonya, magdulag kamo sa mga Chaldeo, na may boses nin pagkanta, magpahayag kamo, sabiha ini, itaram sa katapusan nin kinaban; magsabi ka: An Kagurangnan iyo an nagtubos sa saiyang surugoon na si Jacob.

21 Asin sinda dae napapaha; saiya pinangenotan sinda sa paglakbay sa mga disyerto; saiyang ipinabulos an mga tubig na magluwas sa mga gapo para sa sinda; saiyang binaak man an gapo asin an mga tubig nagbulwak paluwas.

22 Asin maski na ngani na ini nangyari na saiyang ginibo an gabos na ini, asin mga darakula man, mayo nin katuninongan, sabi nin Kagurangnan, duman sa mga tampalasan.

1 NEPHI TSAPTER 21

*An Libro Ni Mormon (An Saro Pang Tipan ni Jesukristo)
The First Draft*

An Mesiyas iyo an magigin ilaw sa mga Hentil asin iyo an magbubuhi kan mga prisionero--- Israel magkakatiripon-tipon na may kapangyarihan sa mga huring aldaw --- An mga Hade iyo an saindang mga tagapamahalang ama --- Ikumpara sa Isaias 49.

Asin giraray: Magdangog, o ika na harong nin Israel, gabos kamo na nagkasuruhay na nabari, asin pinaharale nin huli sa mga karaotan kan mga pastor kan sakuyang katawohan; iyo, gabos kamo na nakasuruhay na nabari, na nagkaralat sa hararayo, na sakuyang mga katawohan, O harong nin Israel. Hinanyoga, o mga Isla, sa sakuya, asin magdangog kamong mga katawohan na gikan sa hararayo; an Kagurangnan nangangapudan sako gikan sa sinapupunan; gikan sa tulak kan sakuyang ina saiya nang inaapud an sakuyang pangaran.

2 Asin saiyang hinimo an sakuyang nguso na arog sa matarom na espada; sa anino kan siyang kamot itinago niya ako, asin hinimo niyang sarong matarom na pana; sa saiyang sangkuban itinago niya ako.

3 Asin nagsabi sa sakuya: Ika an sakuyang serbidor, O Israel, na kun kaya ako ipagrurukyaw.

4 Pagkatapos ako nagsabi, ako nagtrabaho sa daeng kamugtakan, ako naggamit nin sakuyang kusog para sa mayo asin daeng kamugtakan; seguridad na an sakuyang kahukuman yaon sa Kagurangnan, asin an sakuyang gibo yaon sa Diyos.

5 Asin ngonian, sinabi nin Kagurangnan --- na iyo an nagporma sako gikan sa sinapupunan na ako magin saiyang serbidor, na darahon si Jacob giraray sa saiya --- na maski na ngani dae an Israel magkakatiripon, pero ako mamurawayon sa mga mata nin Kagurangnan, asin an sakong Diyos iyo an sakuyang kusog.

6 Asin siya nagsabi: Ini sarong magian na bagay na ika an magin serbidor ko na tanganing ipaglangkaw an mga tribu ni Jacob, asin ibalik an mga natada nin Israel. Itatao ko man ika bilang sarong liwanag sa mga Hentil, na ikaw puwede na magin sakong kaligtasan sa mga kasagkuran nin kinaban.

7 Kaya sinabi nin Kagurangnan, an Paratubos nin Israel, an saiyang Banal na Saro, sa saiya na iyo an pinagtutuya-tuya, sa saiya na iyo an pinagkaka-anggot kan mga nasyon, na iyo an serbidor nin mga pamayo: An mga Hade makakahiling asin magtitindog, an mga prinsipal man magsasamba, nin huli sa Kagurangnan na iyo an maimbod.

8 Kaya nagsabi an Kagurangnan: Sa magaya-gayang panahon ako nagdangog saimo, O mga isla nin kadagatan, asin sa sarong aldaw nin kaligtasan ako nagtabang saimo; asin ako an nag-aataman saimo, asin itinao ta ka na sakong surugoon para sa sarong tipan kan mga katawohan, sa pagtugdas kan kinaban, na magkausa nin manahon kan mapungawon na mga pamana;

9 Na ika puwedeng magsabi sa mga prisionero: Magluwas kamo; sa saindo na mga nagtutukaw sa kadikloman: Ipahiling nin an saindong mga sadire. Sinda magkakakan sa mga dalan, asin an saindong pasabsaban yaon sa gabos na mga haralangkaw na lugar.

10 Sinda dae magugutom ni mapapaha, dae man maiinitan o an saldang maghahampak sa sainda; ta siya na igwa nin pagkaherak sa sainda iyo an mag-aantabay sainda, maski na ngani sa paagi nin mga burabod nin tubig siya maggigiya sainda.

11 Asin ako maggigibo sa gabos kong mga kabukidan nin sarong dalan, asin an sakuyang

An Simbahan ni Jesukristo nin Mga Banal sa Huring-aldaw

65

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga tinampo ipagrurukyaw.

12 Asin pagkatapos, O harong nin Israel, hilnga, an mga ini maarabot gikan sa harayo; asin uya, an mga ini gikan sa hiraga asin gikan sa sulnopan; asin an mga ini gikan sa daga nin Sinim.

13 Magkaranta, O mga kalangitan; asin magin maogma, O kinaban; ta an mga bitis kan gabos na yaon sa sirangan itutugdas; asin makusog na magkarantahan, O mga kabukidan; ta sinda dae na hahampakon; ta an Kagurangnan pinagraranga an saiyang katawohan, asin magkakaigwa nin pagkaherak sa gabos niyang nasasakitan.

14 Pero, hilnga, si Sion nagsabi: An kagurangnan nagpabaya sako, asin an sakuyang Kagurangnan nakalingaw sako --- pero siya magpapahiling naggad na dae.

15 Ta an babae daw makakalingaw sa saiyang nagsususong aki, na siya dae naggad magkakaigwa nin pagkaherak sa umboy kan saiyang sinapupunan? Iyo, sinda puwedeng makalingaw, pero ako daw dae makakalingaw saimo, O harong nin Israel.

16 Hilnga, ako an nag-ukit saimo sa ibabaw kan sakuyang mga palad nin sakuyang mga kamot; an saimong mga kudal padagos na yaon sa atubangan ko.

17 An saimong mga kaarakian maggigibo nin kasibutan laban sa saimong mga paradestroso; asin sinda na naggibo saimong basura maghaharale saimo.

18 Itingkalag mo an saimong mga mata sa palibot asin hilnga; ini gabos magkakatiripon sindang sararo, asin sinda magdudurulok saimo. Asin habang ako nabubuhay, sabi nin Kagurangnan, ika seguradong ibabado mo sinda gabos, na arog nin sarong samno, asin igagapos sinda na arog nin sarong babaeng-kakasalon.

19 Ta an saimong basura asin an saimong mapungawon na mga lugar, asin an daga kan saimong pagkarumpag, na maski ngonian mapioton nin huli kan saimong mga nag-eerok; asin sinda an naghalon saimo magin an yaraon sa harayo.

20 An mga kaakian na ikaw magkakaigwa, pagkatapos na ika mawawaraan kan enot, giraray sa saimong mga talinga masabi: An lugar grabe kapiot para sakuya; magtao nin lugar sako na tanganing ako puwedeng mag-erok.

21 Pagkatapos ika magsasabi sa saimong puso: Siisay an nagmundag sakuya kan mga ini, nahihiling na ako nawawaraan kan sakuyang kaarakiana, asin ako napupungaw, sarong nadakop, asin naghiihiro paduman asin padigde? Asin siisay an nagdara kan mga ini? Hilnga, ako binayaan na nagsosolo-solo; an mga ini, saen sinda naggigikan?

22 Kaya sabi nin Kagurangnan Diyos: Hilnga, ako magrurukyaw kan sakuyang kamot sa mga Hentil, asin ititindog ko an sakuyang bandera sa mga katawohan; asin sinda magdadara kan saimong umboy sa saindang mga takyag, asin an saimong mga akeng babae dadarahon sa ibabaw kan saindang mga abaga.

23 Asin mga hade iyo an saindang mga parabantay na ama, asin an saindang mga reyna iyo an saindang mga parabantay na ina; sinda magduduko sa sakuya na an saindang lalawgon naka-atubang sa daga, asin magdidila kan mga alpog kan sakuyang bitis; asin ikaw makakaaram na ako an Kagurangnan; ta sinda dae naggad masusupog na maghahalat para sakuya.

24 Ta an mga bihag magkakakurua daw gikan sa makukusog, o an mga nagkadarakop maliligtas?

25 Pero uya nagsabi an Kagurangnan, maski na an mga nagkadarakop kan makusog kukuahon parayo, asin an mga bihag kan terrible ililigtas; ta ako an makikilaban sa saiya na makikilaban sa saimo, asin ako an magliligtas kan saimong mga kaarakian.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

26 Asin ako an magpapakakan sinda na magdadaog-daog saimo kan saindang sadireng laman; sinda magkakabururat kan saindang sadireng dugo na arog kan mahamis na arak; asin an gabos na laman makakaaram na Ako, an Kagurangnan, Ako an saimong Paraligtas asin saimong Paratubos, an Solong Makapangyarihan ni Jacob.

1 NEPHI TSAPTER 22

An Israel magkakalat sa ibabaw nin bilog na kinaban --- An mga Hentil iyo an magbabantay asin mag-aataman sa Israel kaiba an ebanghelyo sa mga huring aldaw --- An Israel titiriponon na maliligtas, asin an mga makasalanon susuloon na garo panggatong na kahoy --- An kahadean nin diyablo marurumpag, asin si Satanas ikukulong.

Asin ngonian ini nangyaring naglipas na pagkatapos ako, si Nephi, nagkabarasa an mga bagay na ini na nagka-urukit sa laminang bronse, an sakuyang mga tugang nagdurulok sakuya ain nagsabi sa ako: Ano an boot sabihon kan mga bagay na ining saimong binarasa? Uya, dapat kaya sindang saboton uyon sa mga bagay na mga espirituwal, na puwedeng mangyayari uyon sa espiritu asin bakong sa laman?

2 Asin ako, si Nephi, nagsabi sa sinda: Hilnga sinda ipinapagibo sa propeta sa paagi nin boses kan Espiritu; ta sa paagi nin Espiritu an gabos na mga bagay ipinapaaram sa mga propeta, na maggigikan sa mga kaarakian nin mga tawo na uyon sa laman.

3 Kun kaya, an mga bagay na sakuyang binarasa iyo an mga bagay na manungod sa parehong mga bagay na temporal asin espirituwal; ta mangyaring nagluluwas na an harong nin Israel, sa madalion o mahaloy, ikakalat sa ibabaw nin bilog na kinaban, asin man sa gabos na mga nasyon.

4 Asin hilnga, igwa nang kadakul na nagkakawarara na gikan sa kaaraman kan iba na yaon sa Jerusalem. Iyo, an kadakul na parte kan gabos na mga tribu pinaharale na paharayo; asin sinda ikinalat na duman asin digde sa mga isla nin kadagatan; asin maski na mayo satuya an nakakaaram, puwera lang na kita nag-aaram na sinda pinaharale paharayo.

5 Asin ta sinda pinaharale paharayo, an mga bagay na ini pinagpropesiya na manungod sa sinda, asin man manungod sa gabos na magpoon ngonian makakalat asin malalawigaw, nin huli sa Solong Banal nin Israel; ta laban sa saiya magtataragas an saindang mga puso; kun kaya, sinda ikakalat sa gabos na mga nasyon asin kapupungotan kan gabos na tawo.

6 Maski na arog kaini, pagkatapos sindang pangatamanan kan mga Hentil, asin an Kagurangnan nagrukyaw na kan saiyang kamot sa mga Hentil asin naitugdok na sinda kan saindang bandera, asin an saindang mga kaarakian nagkadarara na sa saindang mga takyag, asin an saindang mga akeng babae nagkadarara na sa saindang mga abaga, uya ining mga bagay na naitaram na mga temporal; ta kaya iyo ini an mga tipan nin Kagurangnan sa satuyang mga ama; asin ini magpapasabot satuya sa maarabot na mga aldaw, asin man sa gabos nyatong katugangan na yaon sa laog kan harong nin Israel.

7 Asin ini mangangahulugan na maabot an panahon na pagkatapos an gabos na an harong

An Simbahan ni Jesukristo nin Mga Banal sa Huring-aldaw

67

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin Israel maikalat na asin mailawigaw, an Kagurangnang Diyos magrurukyaw nin sarong makusog na nasyon gikan sa mga Hentil, iyo, maski sa atubangan kaining daga; asin sa paagi ninda an satuyang banhi maikakalat.

8 Asin pagkatapos na an satuyang banhi maikalat na, an Kagurangnang Diyos magpapadagos na maggibo nin sarong makakangalas na kagggibohan sa mga Hentil, na mas grabe kahalaga para sa satuyang banhi; kun kaya, ini ibinabaing sa sainda na pinag-aataman kan mga Hentil asin pinagdarara sa saindang mga takyag asin sa ibabaw kan saindang mga abaga.

9 Asin ini igwa man nin kahalagahan para sa mga Hentil; asin bako lang sa mga Hentil kundi pati na sa gabos na harong nin Israel, na tanganing maibalangibog an mga tipan kan Ama nin langit ki Abraham, na nagsasabi: Sa saimong banhi an gabos na mga lahi nin kinaban mabebendisyunan.

10 Asin ako nagmamawot, mga katugangan ko, na kamo dapat makakaaram na an gabos na mga lahi nin kinaban dae mabebendisyunan pwera lang kun saiyang maipapahiling an saiyang takyag sa mga mata nin mga nasyon.

11 Kun kaya, an Kagurangnang Diyos mpagpapadagos na himohon na maipahiling an saiyang takyag sa mga mata nin gabos na mga nasyon, sa gibong pagpapatotoo kan saiyang mga tipan asin kan saiyang ebanghelyo duman sa gabos na yaon sa harong nin Israel.

12 Kun kaya, saiya sindang dadarahon giraray paluwas sa pagkasakop, asin sinda titiponon na magkakararo sa kadagaan na saindang mamanahon; asin sinda iluluwas gikan sa kalingawan asin paluwas sa kadikloman; asin sinda makakaaram na an Kagurangnan an saindang Tagapagligtas asin an saindang Paratubos, an Solong Makusog nin Israel.

13 Asin an dugo kan dakula asin marigsok na simbahan, na iyo an prostituta sa bilog na kinaban, maghihirilingan sinda sa sainda man sanang mga sadireng mga payo; ta sinda man sana an magraralaban-laban sa sadire ninda, asin an espada kan saindang mga sadireng kamot iyo an maghuhulog sa sadire man sana nindang mga payo, asin sinda magkakaburorat kan sadire nindang mga dugo.

14 Asin an lambang nasyon na makikigiyera laban saimo, O harong nin Israel, iyo man sana an maghihirilingan sa saro laban sa iba man, asin sinda man sana an mahuhulog sa hararom na kalot na saindang kinalot na tanganing mabiktima an katawohan nin Kagurangnan. Asin an gabos na makikiiwal laban sa Sion iyo an mapapahamak, asin an dakulang prostituta, na iyo an nagparalawigaw kan tamang mga dalan nin Kagurangnan, iyo, yan dakula asin marumpot na simbahan, iyo an marurumpag sa kaalpugan asin makusugon an pagkarampahog kaini.

15 Ta hilnga, nagsabi an propeta, an panahon maabot nin hidale na si Satanas dae na magkakaigwa nin kapangyarihan na mangingibabaw sa mga puso kan mga kaarakian nin mga tawo; ta an aldaw madali nang mag-abot na an gabos na mahambog asin sinda na naggigibo nin mga karaotan magigin arog sa igatong-na-kahoy; asin an aldaw maabot na sinda dapat nang suruloon.

16 Ta an panahon harani nang mag-abot na an kabilugan nin kaanggutan nin Diyos ipagpabulos sa ibabaw kan gabos na mga kaakian nin tawo; ta dae niya tutugutan na an mga mararaot iyo an magdedestroso sa mga matatanos.

17 Kun kaya, siya an magbabantay sa mga matatanos sa paagi nin saiyang

kapangyarihan, maski na ngani na kun ini mangyayari na an kabilugan kan saiyang kaanggutan mag-abot, asin an matatanos mapreserba, na tanganing madestroso an saindang mga kaiwal sa paagi nin kalayo. Kun kaya, an matatanos dae dapat na matakot; ta kaya nagsabi an propeta, sinda iyo an maliligtas, maski na ngani na kun ini mangyari sa paagi nin kalayo.

18 Hilnga, mga katugangan ko, ako nagtataram sa saindo, na an mga bagay na ini dapat haliputon na maabot; iyo, maski na an dugo, asin an kalayo, asin an singaw nin asu dapat mag-abot; asin ini nangangaipong gayo na mangyayari na sinda magtinagas-tagasan kan saindong mga puso laban sa Solong Banal nin Israel.

19 Ta hilnga, an matatanos dae naggad mapapara; ta an oras seguradong mag-abot na an gabos sa saindang mga nakikiwal laban sa Sion danay na mapapahamak.

20 Asin an Kagurangnan seguradong maghahanda nin sarong dalan para sa saiyang katawohan, na tanganing magkatotoo an mga tataramon ni Moises, na saiyang naitaram, na nagsasabi: Sarong propeta na an Kagurangnan saimong Diyos itataas gikan sa saimo, na kabaing sa sakuya; sa saiya kamo magdadangog kan gabos na mga bagay sa maski ano man na saiyang sasabihon sa saindo. Asin ini mangyayaring malipas na an gabos na siisay man na dae magdadangog sa propetang yan mapapahamak gikan sa mga katawohan.

21 Asin ngonian, ako, si Nephi, magdedeklara sa saindo, na ining propeta na sinasabi ni Moises iyo an Solong Banal nin Israel; kun kaya, siya maggigibo nin kahukuman sa pagkamatanos.

22 Asin an matatanos dae kaipuhan na matakot, ta sinda idtong gabos na dae magkakaralawigaw. Pero an kahadean nin diyablo, na iyo an maitutugdok sa kairiban kan mga kaarakian nin mga tawo, na an kahadean na ini iyo an naitugdas sa kairiba ninda na yaon sa laman ---

23 Ta an oras hidaling mag-aabot na an gabos na mga simbahan na nagkaturugdas na tanganing magkakaigwa nin ganada, asin an gabos na tinurugdas na tanganing magkakaigwa nin kapangyarihan sa ibabaw nin laman, asin idtong mga tinurugdas na tanganing magin bantog sa mga mata nin kinaban, asin idtong mga naghahanap nin pangangaipo sa laman asin an mga bagay kinabanon, asin maggigibo kan gabos na mga klase nin karigsokan; iyo, para maliwanag, an gabos idtong mga kabilang sa kahadean nin diyable iyo sinda an dapat na magkakatarakot, asin mangubog-kubog asin mayanig; sinda idtong dapat na dararahon sa ibaba nin mga alpog; sinda idtong dapat na magkaka-urubos na garo pangatong; asin ini uyon sa mga tataramon nin propeta.

24 Asin an oras maabot nin hidale na an matatanos dapat na arantabayanan bilang mga guya sa kuwadra, asin an Solong Banal nin Israel dapat na maghahade sa kagabsan, na may kusog, asin may kapangyarihan, asin may dakulang kamurawayan.

25 Asin saiyang tiniripon an saiyang mga kaarakian na gikan sa apat na surok nin kinaban; asin saiyang binirilang an saiyang mga karnero, asin siya nakakabisto sa saiya; asin magkakaigwa nin sarong katiriponan asin pastor; asin saiyang pakakaranon an saiyang mga karnero, asin sa saiya sinda makakanagbo nin sabsaban.

26 Asin nin huli sa pagkamatanos kan saiyang mga katawohan, si Satanas mayo nin kapangyarihan; kun kaya, siya dae mabubuhian sa laog nin kadakul na mga taon; ta siya mayo nin kapangyarihan na mangibabaw sa mga puso nin mga katawohan, ta sinda namumuhay sa pagkamatanos, asin ta an Solong Banal nin Israel iyo na naghahade.

27 Asin ngonian hilnga, ako, si Nephi, nagsasabi sa saindo na an gabos na ining mga bagay dapat na mangyari uyon sa laman.

28 Pero, hilnga, an gabos na mga nasyon, mga lahi, mga dila, asin mga katawohan mamumhay na matuninong sa Solong Banal nin Israel kun ini mangyari na sinda magsosolsol.

29 Asin ngonian ako, si Nephi, magtatapos na; ta ako dae na magtataram nin halawig na gayo manungod kaining mga bagay.

30 Kun kaya, mga katugangan ko, ako nagmamawot na tandaan nindong gayo na an mga bagay na nasurat sa ibabaw kan mga laminang bronse gabos totoo; asin sinda nagpapatotoo na an sarong tawo dapat na masinunod-sunod sa mga katugonan nin Diyos.

31 Kun kaya, ika dae kaipuhan na maghuhuna-huna na ako asin an sakuyang ama iyo sana an mga tawong nakapagpatotoo, asin man itinukdo sa sainda. Kun kaya, kun kamo magigin masinunod-sunod sa mga kasugoan, asin magmakusog hanggan sa katapusan, kamo maliligtas sa huring aldaw. Asin kaya iyo ini. Amen.

IKADUWANG LIBRO NI NEPHI

Sarong kasaysayan manungod sa pagkagadan ni Lehi. An mga tugang ni Nephi nagrebelde laban sa saiya. An Kagurangnan nagpatanid ki Nephi na maghale pasiring sa kaparangan. An saiyang mga paglalakbay sa kaparangan asin iba pa.

TSAPTER 1

Si Lehi nagpropesiya tungkol sa sarong daga nin libertad --- An saiyang banhi magigin kalat asin hahampakon kun saindang itatakwil an Solong Banal nin Israel --- Saiyang ipinapagiromdom sa saiyang mga akeng lalake na magsul-ot nin sanggalang nin pagkamatanos.

Asin ngonian ini nangyaring naglipas na pagkatapos na ako, si Nephi, nagtapos sa pagtutukdo sa sakuyang mga tugang, an samuyang ama, si Lehi, nagtaram man nin kadakul na bagay sa sainda, asin inotro giraray sa sainda, kun paano kadakula an mga bagay na an Kagurangnan naggibo sa sainda na sinda dinarara paluwas sa daga nin Jerusalem.

2 Asin siya nagtaram sa sainda mapanungod sa saindang mga pagrerebelde sa ibabaw nin mga katubigan, asin an mga pagkaherak nin Diyos na iyo an nagligtas kan saindang mga buhay, na tanganing sinda dae paghalunon nin dagat.

3 Asin siya man nagtaram sa sainda mapanungod s daga nin pangako, na saindang nakamit --- kun paano nagin pano-pano nin pagkaherak an Kagurangnan sa pagtao nin patanid satuya na dapat kitang magharale paluwas sa daga nin Jerusalem.

4 Ta, hilnga, nagsabi siya, ako nakahiling nin sarong bisyon, na kun saen ako nakakaaram na an Jerusalem narumpag; asin kun kita yaon man giraray sa Jerusalem kita man kuta na

An Simbahan ni Jesukristo nin Mga Banal sa Huring-aldaw

70

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

napahamak na.

5 Pero, nagsabi siya, maski na ngani sa satuyang mga pagsasakit, kita nagkaigwa nin daga nin pangako, sarong daga na pinili na mas labaw pa kesa gabos na ibang mga daga; sarong daga na an Kagurangnang Diyos ipinakupagtipan sa sakuya iyo na dapat na sarong daga para magin kamanahan nin sakuyang banhi. Iyo, an Kagurangnan nakipagtipan sakuya na an dagang ini para sakuya asin sa sakuyang mga kaarakian sa daeng kasagkuran, asin man sa gabos na inantabayanan paluwas sa ibang mga nasyon sa paagi kan mga kamot nin Kagurangnan.

6 Kun kaya, ako, si Lehi, nagpropesiya na uyon sa mga kagibohan kan Espiritu na yaon sa sakuya, na mayong makakaabot sa dagang ini pwersa lang kun sinda pinagdara sa paagi kan kamot nin Kagurangnan.

7 Kun kaya, an dagang ini magigin konsagrado sa tawo na saiyang dadarahon. Asin kun ini mangyayari na sinda magsiserbe saiya na uyon sa mga kasugoan na saiyang ipinagtao, ini magigin sarong daga nin libertad para sa sainda; kun kaya, sinda dae naggad dadarahon paibaba sa pagkasakop; kumbaga, iyan mangyayari nin huli sa karaotan; ta kun an karaotan magdadakul isusumpa an daga nin huli sa saindang kaggibohan, pero sa mga matatanos ini sarong biyaya na daeng kasagkuran.

8 Asin hilnga, ini sarong kadunungan na an dagang ini dapat ipagtagong gayo gikan sa kaaraman nin ibang mga nasyon; ta uya, kadakul na mga nasyon an gustong mag-agaw kan daga, na mayo nang gayong lugar para sa sarong pamana.

9 Kun kaya, ako, si Nephi, nagkaigwa nin sarong pangako, na samantalang igwa kaidtong mga tawo na an Kagurangnang Diyos dadarahon paluwas sa daga nin Jerusalem na nagsusurunod sa saiyang mga katugonan, sinda magigin sagana sa ibabaw kaining daga; asin sinda itatago gikan sa gabos na ibang mga nasyon, na saindang pagsadirehon an dagang ini na para sa sainda. Asin kun ini mangyari na sinda magsusunod sa saiyang mga kasugoan sinda bibiyayaan sa ibabaw kaining daga, asin dae magkakaigwa nin magmomolestiya sainda, ni igwa nin magkukua parayo sa daga na saindang kamanahan; asin sinda mamumuhay na matuninong sa daeng kasagkuran.

10 Pero hilnga, kun mag-abot an oras na sinda magluluya sa daeng pagtubod, pagkatapos nindang makaresibe nin sarong dakulaon na mga biyaya gikan sa kamot nin Kagurangnan---na may pagkaaram sa pagkamukna kaining kinaban, asin sa gabos na mga tawo, na may pagkaaram sa dakula asin makakangalas na mga kaggibohan nin Kagurangnan magpoon pa sa pagkamukna nin mundo; na igwa nin kapangyarihan na itinao sainda na tanganing maggibo kan gabos na mga bagay sa paagi nin pagtubod; na igwa nin gabos na mga katugonan magpoon pa sa kapinunan, asin na pinagdarara sa paagi kan saiyang daeng kasagkuran na karahayan pasiring digde sa mas mahalagang daga nin promisa---uya, ako nagtataram, kun an aldaw mag-abot na saindang pinaghaboan an Solong Banal nin Israel, an tunay na Mesiyas, an saindang Paratubos, asin an saindang Diyos, uya, an mga paghuhukom niya na husto iyo an mangingibabaw sa sainda.

11 Iyo, siya magdadara nin ibang mga nasyon paduman sa sainda, asin saiya sindang tataw-anan nin kapangyarihan, asin saiyang hahaleon gikan sainda an mga kadagaan na saindang mga pagsadire, asin saiyang hihimohon na sinda magkakaralat asin mahahampak.

12 Iyo, habang an sarong henerasyon minaagi hanggan sa sarong pa magkakaigwa naggad

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin pabulos nin dugo, asin dakulang pagpapadusa sa sainda; kun kaya, mga aki ko, sakuyang gigibohon na tanganing saindo man magigiromdoman; iyo, sakuyang gigibohon na tanganing kamo magdadangog sa sakuyang mga tataramon.

13 O na tanganing kamo magigimata; mapupukawan gikan sa hararom na pagturog, iyo, maski na ngani gikan sa pagturog sa impyerno, asin ipamagpag an makangirhat na mga kadena na saimong kinakagapusan, na an mg akadena na iyo mang gayo an naggagapos sa mga kaarakian nin mga tawo, na sinda dinadara pasiring sa pagkasakop pababa duman sa daeng kasagkuran na kamondoan asin kasakitan.

14 Magmata! Asin magbuhat gikan sa alpog, asin magdangog sa mga tataramon nin sarong nangungubog-kubog na magurang, na an mga tuhod saimong ihuhutad sa dae na mahaloy na panahon sa sarong malipot asin tuninong na lubongan, na kun sane mayong biyaherong makakabalik; sa dikit na sanang mga aldaw asin ako maduman na sa dalan nin bilog na kinaban.

15 Pero hilnga, an Kagurangnan iyo an nagtubos kan sakuyang gikan sa impyerno, sakuyang nahiling an saiyang kamurawayan, asin ako saiyng pinalibutan nin daeng sagkud sa mga takyag nin saiyang pagkamuot.

16 Asin ako nagmawot na dapat nindang giromdomon na saindang pagsunodon an mga katugonan asin an mga kahukuman nin Kagurangnan; hilnga, iyo ini an sayud na kahandalan kan sakuyang kalag magpoon sa kapinunan.

17 An sakuyang puso sayod na nagagabatan nin kamondoan sa paminsan-minsan, ta ako natakot, na sa katagasan kan saindang mga puso, an Kagurangnan saindang Diyos magluluwas nin bilog niyang kaanggutan sa saindo, na kamo hahampakon asin destrosohon sa daeng kasagkuran;

18 O, na sarong sumpa an dapat na mag-abot sa saimo sa laog nin kadakul na mga henerasyon; asin kamo papadusahan sa paagi nin espada, asin sa paagi nin taggutom, asin kamo kapupungotan, asin aantabayan uyon sa kagustuhan asin pagkasakop nin diyablo.

19 O mga aki ko, na tanganing an mga bagay na ini dae naggad mangyayari sa saindo, para na kamo magin sarong pinili asin sarong pinagpaboran na banwaan nin Kagurangnan. Pero uya, an saiyang kagustuhan an mangyayari; ta an saiyang mga dalan iyo an pagkamatanos na daeng kasagkuran.

20 Asin siya nagsabi na: Habang saindang sinusunod an sakuyang mga katugonan kamo magigin asensado sa daga; pero habang kamo dae nagsusurunod sa sakuyang mga katugonan kamo paparaon gikan sa sakuyang atubangan.

21 Asin ngonian na an sakuyang kalag magkakaigwa nin kaogmahan sa saindo, asin na an sakuyang puso mahale na sa kinaban na ini na may pagka-ogma nin huli sa saindo, na ako dae man naggad madadara paibaba na may kapaitan asin kamondoan pasiring sa lubongan, magbuhat kamo gikan sa alpog, mga aki ko, asin magpaka-lalake, asin determinado sa sarong kaisipan asin sarong puso, na may pagkasararo sa gabos na mga bagay, na tanganing kamo dae naggad mahuhulog sa pagkasakop;

22 Na tanganing kamo dae susumpaon nin sarong makakangirhat na sumpa; asin man, na tanganing kamo dae magkakaigwa nin anggot nin sarong makatarungan na Diyos sa saindo, pasiring sa pagkadestroso kan parehong kalag asin hawak.

23 Magmata kamo, mga aki ko; magsul-ot nin kasangkuban nin pagkamatanos. Ipamagpag nindo an mga kadena na saindang kinakagapusan, asin magruluwas kamo gikan sa diklom nin kalipungawan, asin magbangon gikan sa alpog.

- 24 Dae na kamo magrebelde laban sa saindong tugang, na an mga pananaw sayod na mamurawayon, na iyo an sayod na nagsusunod sa mga katugonan magpoon na kita maghale sa Jerusalem; asin iyo an sayod na nagin instrumento kan mga kamot nin Diyos; sa pagdadara satuya hanggan sa daga nin pangako; na kun bako siya, kita nagkagaradan na kuta na sa gutom sa kaparangan; maski na ngani kaini, kamo nagmawot na haleon an saiyang buhay; iyo, asin siya sayod na nagtitios nin grabeng kamondoan nin huli saindo.
- 25 Asin ako grabeng gayo an katakutan asin nangungubog-kubog nin huli saindo, na baka siya magtitios giraray; ta uya, kamo nagbebang saiya na siya nagmamawot nin kapangyarihan asin autoridad sa ibabaw nindo; pero ako nag-aaram na siya dae naggad nagmawot nin kapangyarihan o autoridad sa ibabaw nindo, pero siya sayod na nagmawot nin kamurawayan nin Diyos, asin sa saindong sadireng daeng sagkud na karahayan.
- 26 Asin kamo naggugurumod-gumod nin huli ta siya nagin tunay sa saindo. Kamo nagsabi na siya naggagamit nin katadungan; kamo nagsabi na siya sayod na may kaangguta sa saindo; pero hilnga, an saiyang katadunga iyo an katadungan nin kapangyarihan nin Tataramon nin Diyos, na yaon mismo saiya; asin na idtong saindong inapud na kaanggutan iyo an katotoohan, uyon kaidtong yaon sa Diyos, na dae niya mapupugulan, na pusog niyang ipinapahiling an manungod kan saindong mga kadaendatahan.
- 27 Asin ini kinakaipuhan na an kapangyarihan nin Diyos dapat na yaon saiya, na maski na ngani sa pagsusugo sa saindo na kamo dapat na magsunod. Pero hilnga, bako man siya, pero idto mismo an Espiritu nin Kagurangnan na yaon sa saiya, na iyo an nagbubukas kan saiyang nguso na makapagtaram na dae niya ngani kayang pundohon ini.
- 28 Asin ngonian aki ko, Laman, asin man Lemuel asin Sam, asin man an sakuyang mga aki na iyo an mga akeng lalake ni Ishmael, hilnga, kun kamo magdangog sana sa boses ni Nephi kamo dae mapapara. Asin kun kamo magdadangog sa saiya magwawalat sa saindo nin sarong bendisyon, iyo, maski na ngani an sakuyang enot na bendisyon.
- 29 Pero kun kamo dae magdadangog sa saiya hahaleon ko an enot kong bendisyon, iyo, maski na an sakuyang bendisyon, asin ini mangingibabaw sa saiya.
- 30 Asin ngonian, Zoram, ako nagtataram sa saimo: Hilnga, ika iyo an surogoon ni Laban; maski na ngani kaini ika man dinara paluwas sa daga nin Jerusalem, asin ako nag-aaram na ikaw sarong totoong amigo sa sakuyang aki, na si Nephi, sa daeng kasagkuran.
- 31 Kun kaya, nin huli ta ikaw nagin masinunod-sunod, an saimong banhi bebendisyanan kan saiyang banhi, na sinda mamumuhay nin halawig sa ibabaw nin bilog na kadagaan; asin mayo, pwera lang kun igwa nin kadaendatahan na minagikan sainda, nin mapahamak o madestorbo kan saindang kasaganaan sa ibabaw nin bilog kaining kadagaan sagkud sa daeng kasagkuran.
- 32 Kun kaya, kun kamo magsusunod sa mga katugonan nin Kagurangnan, an Kagurangnan iyo an magkokonsagra kaining kadagaan para sa seguridad kan saimong banhi na kaiba an banhi kan sakuyang aki.

2 NEPHI TSAPTER 2

*An Libro Ni Mormon (An Saro Pang Tipan ni Jesukristo)
The First Draft*

An pagtubos minagikan sa paagi nin Banal na Mesiyas --- An libreng pagpili iyo an pinaka-importante sa buhay asin sa pag-asenso --- Si Adan nahulog na tanganing an mga tawo magigin libre --- An mga tawo libre sa pagpipili nin libertad asin daeng kasagkurang buhay.

Asin ngonian, Jacob, ako nagtataram sa saimo: Ika iyo an sakuyang panganay sa mga aldaw kan sakuyang pagpapakasakit sa kaparangan. Asin hilnga, sa saimong pagka-aki ika nagtitios nang gayo nin mga kasakitan asin grabeng kamondoan, nin huli sa kadaendatahan kan saimong mga tugang.

2 Maski na arog kaini, Jacob, an sakuyang panganay sa kaparangan, ika nag-aaram na gayo sa kadakulaan nin Diyos; asin saiynag kokonsagrahon an saimong mga kasakitan para sa saimo man sanang kapakinabangan.

3 Kun kaya, an saimong kalag mabebendisyunan, asin ika mamumuhay nin ligtas kaiba an saimong tugang si Nephi; asin an saimong mga aldaw mangyayari na yaon sa pagserbisyo kan saimong Diyos. Kun kaya, ako nag-aaram na ika tinubos na, nin huli sa pagkamatanos kan saimong Paratubos; ta saimong mahihiling na sa kabilugan nin panahon siya maabot na dara-dara an kaligtasan nin mga katawohan.

4 Asin ikaw mismo nakahiling sa saimong pagkahoben an saiyang kamurawayan; kun kaya, ika mismo nagin paladan maski na ngani sinda kun saen siya magtutukdo mismo sa laman; ta an Espiritu pareho sana, kasoudma, ngonian, asin sa daeng kasagkuran. Asin an dalan pinag-andam na magpoon sa pagkahulog nin tawo, asin an kaligtasan libreng gayo.

5 Asin an mga tawo pinagtutukdoan nin bastante na tanganing sinda nakakaaram nin marhay gikan sa maraot. Asin an kasugoan ipinagtao sa mga katawohan. Asin sa paagi nin kasugoan mayong laman na magin mapang-abaw-abaw; o, sa paagi nin kasugoan an mga tawo ilalaen. Iyo, sa paagi nin temporal na kasugoan sinda nalalaen; asin man, sa paagi nin espirituwal na kasugoan sinda napahamak gikan sa mga bagay na marhay, asin nagin kaherak-herak na daeng kasagkuran.

6 Kun kaya, an pagtubos mag-aabot asin minagikan sa Banal na Mesiyas; ta siya pano-pano nin grasya asin katotoohan.

7 Hilnga, siya nagdudulot kan saiyang sadire bilang sakripisyo para sa kasalan, na tanganing magsimbag sa mga tapos nin katugonan, duman sa gabos na igwa nin mamundong puso asin nin sarong nagsosolsol na espiritu; asin duman pa sa iba na an mga tapos nin katugonan iyo mismo siya an makakapagsimbag.

8 Kun kaya, gurano kadakula an importansiya na tanganing gibohon ining mga bagay na magigin bantog sa mga namumuhay kaining kinaban, na tanganing sinda puwedeng makaaram na mayong laman an makapamuhay sa atubangan nin Diyos, puwera lang na ini sa paagi nin mga merito, asin pagkaherak, asin grasya nin Banal na Mesiyas, na iyo an nagtao kan saiyang buhay na uyon sa laman, asin nagkua kaini giraray sa paagi nin kapangyarihan nin Espiritu, na tanganing saiyang darahon na mangyayari an pagkabuhay-liwat nin gadan, bilang iyo an pinaka-enot na dapat na mabangon.

9 Kun kaya, siya an pinaka-enot sa mga prutas duman sa Diyos, na tanganing siya ang tagapagtahaw para sa gabos na mga kaarakian nin mga tawo; asin sinda na magtubod sa saiya maliligtas.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

10 Asin nin huli sa tagapagtahaw para sa gabos, an gabos na mga tawo magdudulok paduman sa Diyos; kun kaya, sinda magtitindog sa atubangan niya, na tanganing paghuhukuman niya uyon sa katotoohan asin kabanalan na yaon mismo saiyang. Kun kaya, an mga tapos nin katugonan na an Solong Banal iyo an nagtao, paduman sa pagagawad nin kapadusahan na katakod kaini, na an kapadusahan na nakatakod kaini iyo an minakontra kaidtong kaogmahan na katakod kaini, na iyo an magsisimbag sa mga kasayudan nin kapatawaran ---

11 Ta ini kaipuhan na mangyari, na igwa nin korontrahan sa gabos na mga bagay. Ta kun dae, panganay ko sa kaparangan, an pagkamatanos dae mapupuwedeng madara na mangyari, ni an kadaendataan, ni an kabanalan o kamundoan, marhay or maraot, kun kaya, an gabos na mga bagay kaipuhan na igwa nin sarong par-iribahan na sararo; kun kaya, kun ini dapat na sarong hawak, ini kaipuhan man giraray na arog nin gadan, mayong buhay nin kagadanan, kaogmahan o kamundoan, ni may panghimate o mayong panghimate.

12 Kun kaya, ini kaipuhan talagang mamukna para sa sarong bagay na mayong kamugtakan; kun kaya mayo kuta nang katuyuhan sa katapusan kaining pagkamukna. Kaya, an bagay na ini iyo an madestroso sa kadunungan nin Diyos asin an saiyang daeng kasagkuran na mga katuyuhan, asin man kan kapangyarihan, asin kan pagkaherak, asin kan hustisya nin Diyos.

13 Asin kun ika magsasabi na mayong katugonan, ika man makakapagsabi mayong kasalan. Kun ikaw magsasabi na mayong kasalan, ika man makakapagsabi na mayong pagkamatanos. Asin kun mayong pagkamatanos mayo man nin kaogmahan. Asin kun mayong pagkamatanos ni kaogmahan mayo man nin kapadusahan ni kasakitan. Asin kun an mga bagay na ini mayo, daeng Diyos. Asin kun daeng Diyos mayo man kita, ni an kinaban; ta mayo man kuta na nin pagkamukna nin mga bagay, ni maghimo o idtong hihimohon pa sana; kun kaya, an mga bagay kuta na nagkaparara na sa harayo.

14 Asin ngonian, mga aki ko, ako nagtataram sa saindo kaining mga bagay na tanganing para sa saindong kapangganahan asin pagkanuod; ta igwa nin Diyos, asin saiyang pinagmukna an gabos na mga bagay, pareho sa mga langit asin sa kinaban, asin an gabos na mga bagay na yaon sa sainda, parehong mga bagay na gigibohon asin mga bagay na gigibohon pa sana.

15 Asin dadarahon an manungod sa saiyang daeng kasagkuran na mga katuyuhan sa katapusan nin tawo, pagkatapos niyang mahimo an satuyang enot na mga magurang, asin an mga kahayupan sa kadagaan asin an mga gamgam sa paros, asin karahayan, an gabos na mga bagay na namukna na, ini kinakaipuhan na mangyari na igwa nin korontrahan; maski ngani an pinagbabawal na prutas kakontra kan kahoy nin buhay; an sarong mahamison asin an sarong mapaiton.

16 Kun kaya, an Kagurangan Diyos nagtao sa mga tawo na siya dapat na maghiro para sa saindang sadire. Kaya, an sarong tawo dae naggad makakahiro para sa saiyang sadire sana pwera lang kun siya nag-agda nin sarong o kan iba.

17 Asin, ako, si Lehi, uyon sa mga bagay na sakuyang nagkabarasa, kinakaipuhan pa daw na an sarong anghel nin Diyos, na uyon sa bagay na nagkasururat na, na nahulog gikan sa langit; kun kaya, siya nagin sarong diyablo, na nagmamawot kan bagay na maraot sa atubangan nin Diyos.

18 Asin nin huli ta siya nahulog gikan sa langit, asin nagin miserable na daeng

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kasagkuran, siya nagmamawot man nin kasakitan sa bilog na katawohan. Kun kaya, siya nagsabi ki Eba, iyo, idtong gurangan nang halas, na iyo an diyable, na iyo an ama nin gabos na kaputikan, kaya siya nagsabi: Magkakan ka nin pinagbabawal na prutas, asin ikaw dae magagadan, pero ika magigin arog sa Diyos, na nag-aaram nin marhay asin maraot.

19 Asin pagkatapos na sinda Adan asin Eba nagkakan nin pinagbabawal na prutas sinda pinaharale paluwas sa hardin nin Eden, tanganing magbungkal nin daga.

20 Asin sinda magmurundag nin mga kaarakian; iyo, maski na ngani an pamilya kan bilog na kinaban.

21 Asin an mga aldaw kan mga kaarakian nin mga tawo pinaharalawig, uyon sa kagustuhan nin Diyos, na tanganing sinda magsosolsol habang yaon sa laman; kun kaya, an saindang kamugtakan nagin sarong kamugtakan nin pagsubok, asin an saindang panahon pinahalaba, uyon sa mga kasugoan na an Kagurangnan Diyos nagtao sa mga kaarakian nin mga tawo. Ta siya nagtao nin kasugoan na an gabos na mga tawo dapat na magsosolsol; ta siya nagpahiling sa gabos na mga tawo na sinda nagkawarara, nin huli sa mga kalapasan kan saindang mga magurang.

22 Asin ngonian, hilnga, kun si Adan dae nakapaglapas dae kuta na siya mahuhulog, pero siya yaon kuta na giraray sa hardin nin Eden. Asin an gabos na mga bagay na pinagmukna na yaon man giraray sa kaparehong kamugtakan kaidto pagkatapos na sinda namukna na; asin sinda iyo pa man giraray hanggan sa daeng kasagkuran, asin mayong katapusan.

23 Asin sinda mayo man kuta na nin mga kaarakian; kun saen sinda man kuta na yaon pa man giraray sa kamugtakan nin pagka-inosente, mayong pagka-ogma, ta sinda daeng pagkaaram sa kasakitan; dae naggigibo nin marhay, ta sinda daeng pagkaaram sa kasalan.

24 Pero hilnga, an gabos na mga bagay ginibo sa kadunungan niya na iyo an mas na nakakaaram sa gabos na mga bagay.

25 Si Adab nahulog tanganing an mga tawo magin libre; asin an iyo man naggad an mga tawo, na tanganing sinda magkakaigwa nin kaogmahan.

26 Asin an Mesiyas maabot sa kabilugan nin panahon, na tanganing saiyang matabos an kaarakian nin mga tawo gikan sa pagkahulog. Asin nin huli ta sinda matatabos gikan sa pagkahulog sinda nagin libre sagkud pa man, na nag-aaram nin marhay asin maraot; na maghiro para sa saindang mga sadire asin bako na sinda pinapahiro, puwera lang na ini mangyari sa paagi nin padusa nin kasugoan sa kadakulaon asin huring aldaw, uyon sa mga kasugoan nin Diyos na iyo an nagtao.

27 Kun kaya, an mga tawo libre uyon sa laman; asin an gabos na mga bagay na itinao sa saina na igwa nin kapakinabangan sa tawo. Asin sinda libre na magpili nin libertad asin daeng kasagkuran na buhay, sa paagi nin bantog na Tagapagpatahaw kan gabos na mga tawo, o sa pagpili sa pagkasakop asin kagadanan, uyon sa kasakupan asin kapangyarihan nin diyablo; ta siya naghahanap na may pagmawot na an gabos na katawohan magigin miserable man na arog niya.

28 Asin ngonian, mga kaakian ko, ako nagmawot na dapat nindong hanapon an bantog na Tagapagpatahaw, asin magdangog sa saiyang dakulang mga katugonan; asin magin masinunod-sunod sa saiyang mga tataramon, asin pilion an buhay na daeng kasagkuran, uyon sa kagustuhan kan saiyang Banal naEspiritu;

29 Asin dae pagpilion an daeng sagkud na kagadanan, na uyon sa kagustuhan nin laman asin an maraot na katakod kaini, na nagtatao sa espiritu nin diyablo kapangyarihan sa pagsakop, na tanganing darahon kamo pababa sa impyerno, na siya an maghahade sa ibabaw nindo sa saiyang sadireng kahadean.

30 Ako nakapagtaram kainig kadikit na mga tataramon sa saindo gabos, mga kaakian ko, sa mga huring aldaw kan sakuyang pagsubok; asin ako nagpili nin marhay na parte, uyon sa mga tataramon nin propeta. Asin mayo na akong ibang katuyuhan kundi ini para sa daeng kasagkurang karahayan kan saindong mga kalag. Amen.

2 NEPHI TSAPTER 3

Si Joseph habang yaon sa Ehipto nahiling an mga Nephita sa saiyang bisyon --- Siya nagpropesiya ki Joseph Smith, an Tagakita sa huring aldaw; ki Moises, na iyo an magliligtas kan Israel; asin an manungod sa pagluwas kan Libro ni Mormon.

Asin ngonian ako nagtataram sa saimo, Joseph, an sakuyang bunso, ika ipinangaki sa kaparangan nin sakuyang mga kasakitan; iyo, sa mga aldaw kan sakuyang pinakadakulaon na kamundoan na nangyari na an saimong ina minundag ka.

2 Asin hagad ko sa Kagurangnan na konsagrahon man para saimo ining daga, na iyo an pinakamahalagang daga, para sa saimong kamanahan asin an pamana kan saimong mga banhi kaiba kan saimong mga tugang, para sa saindong seguridad sagkud pa man, kun ini mangyari na kamo magsusunod sa mga kasugoan nin Solong Banal nin Israel.

3 Asin ngonian, Joseph, sakong bunso, na iyo an sakuyang pinagdara paluwas sa kaparangan kan sakuyang mga kasakitan, hagad ko sa Kagurangnan na bendisyunan ka sagkod pa man, ta an saimong banhi dae man nanggad raraoton.

4 Ta hilnga, ika iyo an prutas kan sakuyang mga habayan; asin ako saro sa mga kamakapoan ni Joseph na nagin sakop duman sa Ehipto. Asin dakulaon na marhay an mga tipan nin Kagurangnan na saiyang hinimo para ki Joseph.

5 Kun kaya, si Joseph talagang nahiling niya an satuyang aldaw. Asin siya nagkaigwa nin sarong pangako gikan sa Kagurangnan, na maggikan sa prutas kan saiyang habayan an Kagurangnan Diyos magpapatulbo nin sarong matanoson na sanga duman sa harong nin Israel; bako an Mesiyas, pero sarong sanga na iyo an barbarion, na tangani, iyo an paggigiromdomon sa mga tipan nin Kagurangnan na an Mesiyas dapat gibohon na maipahiling sa sainda sa mga huring aldaw, sa espiritu nin kapangyarihan, hanggan sa pagdadara sa sainda paluwas sa kadikloman pasiring sa liwanag--- iyo, paluwas sa nakatagong kadikloman asin paluwas sa pagkasakop pasiring sa libreng kamugtakan,

6 Ta si Joseph tunay na nagpatotoo, na nagsasabi: Sarong Tagakita na an Kagurangnan sakong Diyos na saiyang ilalalangkaw, na iyo an magigin piniling Tagakita duman sa bunga kan sakuyang mga habayan.

7 Iyo, si Joseph totoong nagsabi: Kaya sinabi nin Kagurangnan sakuya: Sarong piniling Tagakita an sakuyang ipaglalangkaw gikan sa bunga kan saimong mga habayan; asin siya makusog na paririgonon gikan sa bunga kan saimong mga habayan. Asin sa saiya ako

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magtatao nin kasugoan na siya maghihimo nin sarong trabaho para sa bunga kan saimong mga habayan, an saiyang mga katugangan, na magigin mas mahalaga sa sainda, maski na pagdadara sa sainda pasiring sa kaaraman nin mga tipan na sakuyang hinimo sa saimong mga ama.

8 Asin ako magtatao sa saiya kan sakuyang katugonan na siya maggigibo nin daeng ibang gibohon, kundi an gibohon na sakuyang isusugo sa saiya. Asin sakuya siyang gigibohon na magin dakula sa sakuyang mga mata; ta saiyang gigibohon an sakuyang trabaho.

9 Asin siya magigin dakula na arog ki Moises, na sakuyang sinasabi na ipaglalangkaw ko gikan sa saindo, na tanganing iyo an magligtas kan sakuyang katawohan, o harong nin Israel.

10 Asin si Moises na sakuyang ipinaglangkaw, na iyo an magliligtas kan sakuyang katawohan paluwas sa daga nin Ehipto.

11 Pero sarong Tagakita na ipaglalangkaw ko gikan sa bunga kan saimong mga habayan; asin sa saiya ako magtatao nin kapangyarihan na darahon paluwas an sakuyang tataramon pasiring sa banhi kan saimong mga habayan --- asin bako lang na magdadara paluwas kan sakuyang tataramon, sabi nin Kagurangnan, pero para sa pagkukumbinse sa sainda kan sakuyang tataramon, na mapasainda na.

12 Kun kaya, an bunga kan saimong mga habayan magsusurat; asin an bunga kan mga habayan ni Judah magsusurat; asin idtong mga susuraton sa paagi kan bunga kan saimong mga habayan, asin man idtong mga susuraton sa paagi nin bunga kan mga habayan ni Judah, magkasabay na magtatalubo, paduman sa pagpapalawigaw kan mga palsong doktrina asin maghatol kan mga pag-iiriwal, asin pagtutugdas nin katuninongan sa mga bunga kan saimong mga habayan, asin an pagdadara sainda pasiring sa kaaraman kan saindang mga ama sa mga huring aldaw, asin man sa kaaraman kan sakuyang mga tipan, nagsabi an Kagurangnan.

13 Asin gikan sa kaluyahan gigibohon siyang magin makusog, sa aldaw na iyan na magpoon an sakuyang trabaho na magpopoon gikan sa gabos kong katawohan, pasiring sa pagbabalik-giraray, o harong nin Israel, sabi nin Kagurangnan.

14 Asin kaya pinagpropesiya ni Joseph, na nagsasabi: Hilnga, an Tagakita na bebendisyunan nin Kagurangnan; asin sinda na naghahanap na raoton siya malalawigaw; para kaining pangako, na sakuyang naguno gikan sa Kagurangnan, sa bunga kan sakuyang mga habayan, mangyayaring tunay. Hilnga, ako seguridad mismo sa mangyayaring katotoohan kaining pangako;

15 Asin an saiyang pangaran ipag-aapud na arog kan sakuya man; asin ini magigin arog man sa pangaran kan sa saiyang ama. Asin siya magigin arog ko; para sa bagay, na an Kagurangnan magdadara paluwas sa paagi kan saiyang kamot, sa paagi nin kapangyarihan nin Kagurangnan iyo an magdadara kan sakuyang katawohan pasiring sa kaligtasan.

16 Iyo, kaya iyo ini an pinagpropesiya ni Joseph: Ako seguridad gayo kaining bagay, arog na ako seguridad gayo kan pangako ki Moises; ta an Kagurangnan nagsabi sa sakuya, ako magpepreserba kan saimong banhi sagkud pa man.

17 Asin an Kagurangnan nagsabi: Ako magpapalangkaw nin sarong Moises; asin ako magtatao nin kapangyarihan sa saiya sa sarong tungkod; asin ako magtatao nin paghuhukom pasiring sa saiya sa paagi nin pagsusurat. Kaya lang dae ko puwedeng buhian an saiyang dila, na tanganing makapagtaram nin sobra, ta dae ko gigibohon siya

na magin matibay sa pagtataram. Pero ako magsusurat sa saiya kan sakuyang kasugoan, sa paagi kan muro nin sakuyang sadireng kamot; asin ako maggigibo nin sarong tagapagtaram para saiya.

18 Asin an Kagurangnan nagtataram man sa sakuya: Ako magpapalangkaw gikan sa prutas kan saimong mga habayan; asin ako maghihimo para saiya nin sarong tagapagtaram. Asin ako, hilnga, ako magtatao sa saiya na tanganing siya magsusurat kan mga susuraton gikan sa bunga kan saimong mga habayan, pasiring duman sa bunga kan saimong mga habayan; asin an tagapagtaram kan saimong mga habayan iyo mismo an magdedeklara kaini.

19 Asin an mga tataramon na saiyang isusurat iyo an mga tataramon na may kapakinabangan sa sakuyang kadunungan iyo an padagos na magduduman pasiring sa bunga kan saimong mga habayan. Asin ini mangyayari na kabaing sa bunga kan saimong mga habayan na nagkukurahaw para sa sainda na gikan sa alpog: ta Ako may pagkaaram kan saindang pagtubod.

20 Asin sinda magkukurahaw gikan sa alpog; iyo, maski na sa pagsosolsol mapanungod sa saindang mga katugangan, maski na ngani na matapos an kadakul na mga henerasyon na nag-agi sa paagi ninda. Asin ini mangyaring maglipas na an saindang kinurahaw minaagi, maski na ngani uyon sa kasimplehan kan saindang mga tataramon.

21 Nin huli ngani sa saindang pagtubod an saindang mga tataramon magpapadagos na magluluwas sa sakuyang nguso paduman sa saindang katugangan na iyo an bunga kan saimong habayan; asin an kaluyahan kan saindang mga tataramon iyo an sakuyang gigibohon na makusog sa saindang pagtubod, pasiring sa paggigiromdom kan sakuyang tipan na sakuyang hinimo duman sa saimong mga ama.

22 Asin ngonian, hilnga, aki kong Joseph, sa arog kaining paagi ginibo kan sakuyang ama an lumang propesiya.

23 Kun kaya, nin huli kaining tipan ika nagin paladan; ta an saimong banhi dae madedestroso, ta saindang dadangogon an mga tataramon kan libro.

24 Asin magkakaigwa nin mag-iitaas nin sarong makusogon na gikan sainda, na iyo an maggigibo nin kadakul na karahayan, pareho sa paagi nin tataramon asin nin gibo, bilang sarong instrumento kan mga kamot nin Diyos, na igwa nin sobrang pagtubod, na maggigibo nin mga makukusog na kangangalasan, asin maghihimo kaining bagay na banal sa paghiling nin Diyos, pasiring sa pagdadara na mangyayari nin kadakul na restorasyon duman sa harong nin Israel, asin duman sa banhi kan saimong katugangan.

25 Asin ngonian, paladan ka, Joseph. Hilnga, ika kadikiton sana; kun kaya, pagdangogon mo an mga tataramon kan saimong tugang, si Nephi, asin ini mangyaring gigibohon sa saimo na uyon sa mga tataramon na sakuya nang sinabi. Giromdoma baya an mga tataramon kan saimong naghihingalo nang ama. Amen.

2 NEPHI TSAPTER 4

Si Lehi nagpagiromdom asin nagbendisyon kan saiyang angkan --- Siya nagadan asin linubong --- Si Nephi nagpamuraway sa karahayan nin Diyos sa saiya --- Si Nephi ipinamugtak an bilog niyang tiwala sa Kagurangnan sagkud pa man.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

Asin ngonian, ako, si Nephi, nagtataram mapanungod sa mga propesiya na an sakuyang ama iyo an nagsabi, manunogd ki Joseph, na iyo an dinara duman sa Ehipto.

2 Ta hilnga, siya talaga nagpropesiya manungod sa gabos niyang banhi. Asin an mga propesiya na saiyang sinurat, igwa nin daeng dakul na makakalangkaw pa. Asin siya nagpropesiya tungkol satuya, asin an satuyang paabuton na mga henerasyon; asin an mga ini nasusurat sa mga laminang bronse.

3 Kun kaya, pagkatapos na an sakuyang ama nakagibo na kan saiyang pantapos na mga tataramon tungkol sa mga propesiya ni Joseph, saiyang inapud an mga kaarakian ni Laman, an saiyang mga akeng lalake, asin an saiyang mga akeng babae, asin nagtaram sa sainda: Hilnga, mga aki kong lalake, asin mga aki kong babae, na iyo an mga akeng lalake asin babae kan sakuyang panganay, ako maghihimo na tanganing kamo magtatao nin talinga sa sakuyang mga tataramon.

4 Ta an Kagurangnang Diyos iyo an nagtaram na: Habang kamo magkukuyog sa sakuyang mga kasugoan kamo mag-aasenso sa kadagaan; asin habang kamo dae nagkukuyog sa sakuyang mga kasugoan kamo tatakwilon gikan sa sakuyang atubangan.

5 Pero hilnga mga aki kong lalake asin babae, ako dae naggad makakaduman sa sakuyang lubongan sagkud na ako makakapagwalat nin sarong bendisyon sa saindo; ta hilnga, ako nakakaaram na kun kamo dadarahon paitaas sa dalan na dapat nindong padumanan kamo dae naggad minahale gikan dyan.

6 Kun kaya, kun kamo pinagsumpa, hilnga, ako magwawalat nin bendisyon sa saindo, na an sumpa mapupuwedeng hahaleon gikan saindo asin magin panimbagon sa ibabaw kan mga payo kan saindong mga magurang.

7 Kun kaya, nin huli kan sakuyang bendisyon an Kagurangnang Diyos dae nagtutugot na kamo mapapara; kun kaya, siya magigin maheherakon sa saindo asin sa saindong banhi sagkud pa man.

8 Asin ini nangyaring naglipas na pagkatapos na an sakuyang ama nakagibo na kan saiyang pantapos na pagtataram sa mga akeng lalake asin babae ni Laman, siya naggustong an mga akeng lalake asin babae ni Lemuel na man an darahon sa atubangan niya.

9 Asin siya nagtaram sa sainda, na nagsasabing: Hilnga, mga aki kong lalake asin mga babae, na iyo an mga akeng lalake asin babae kan sakuyang panduwang aki; hilnga, ako magwawalat sa saindo nin kaparehong bendisyon na sakuyang ipinagwalat sa mga akeng lalake asin babae ni Laman; kun kaya, kamo dae naggad basang na madestroso; pero sa katapusan an saindong banhi magigin paladan.

10 Asin ini nanagyaring naglipas na kan an sakuyang ama nakagibo na kan pantapos na pagtataram sa sainda, hilnga, siya nagtaram sa mga akeng lalake ni Ishmael, iyo, asin sa kagabsan kan saiyang pagharongon.

11 Asin pagkatapos na siya nakahimo na kan pantapos na pagtataram sa sainda, siya nagtaram ki Sam, na nagsasabi: Paladan ka asin an saimong banhi; ta ika iyo an magmamana kan daga kapantay kan saimong tugang na si Nephi. Asin an saimong banhi kaibahan na bibilangon kan saiyang banhi; asin ika magigin kapareho kan saimong tugang, asin an saimong banhi arog kan saiyang banhi; asin ika magigin mapalad sa kagabsan kan saimong mga aldaw.

12 Asin ini nangyaring naglipas pagkatapos kan sakuyang ama, si Lehi, nakapagtaram na sa bilog niyang pagharongon, uyon sa mga pagmate kan saiyang puso asin kan Espiritu nin Kagurangnan na yaon sa saiya, siya nagin gurangon na. Asin ini nangyaring naglipas na siya naggadan, asin inilubong.

13 Asin ini nangyaring naglipas na dae pa kadakul na mga aldaw pagkatapos niyang magadan, si Laman asin Lemuel asin an mga akeng lalake ni Ishmael nagka-aranggot sakuya nin huli sa mga pagpapagiromdom nin Kagurangnan.

14 Ta ako, si Nephi, napiritan na makipag-olay sa sainda, na uyon sa saiyang tataramon; ta ako nakapagtaram nin kadakul na mga bagay sa sainda; asin man an sakuyang ama, bago siya nagadan; kadakul kaining mga ipinagtaram nasusurat sa sakuyang ibang mga lamina; ta mas kadakul pang parte kan historiya na nasusurat na sa iba ko pa man na mga lamina.

15 Asin sa mga ini ako nagsurat nin mga bagay kan sakuyang kalag, asin kadakul sa mga kasuratan na nagka-urukit sa mga laminang bronse. Ta an sakuyang kalag nag-oogmang gayo sa mga kasuratan, asin an sakuyang puso naghohorop-horop sa sainda, asin sinurat an mga ini para sa pagkakanuod asin kapakinabangan kan sakuyang mga kaarakian.

16 Hilnga, an sakuyang kalag nag-oogmang gayo sa mga bagay nin Kagurangnan; asin an sakuyang puso naghohorop-horop nin dagos sa mga bagay na sakuyang nagkahiriling asin nagkadarangog.

17 Maski ngani arog pa man kaini, laen pa man sa dakulaon na karahayan nin Kagurangnan sa pagpapahiling niya sakuya kan saiyang dakulaon asin mga makangangalas na mga kagibohan, an sakuyang puso nagkukurahaw: O kaherak-herak kong nilalang! Iyo, an sakuyang puso nagmumundo nin huli kan sakuyang laman; an sakuyang kalag nasasakitan nin huli kan sakuyang mga karaotan.

18 Ako nakakulong nin huli sa mga tentasyon asin mga kasalan na iyo an madalion sanang nakabihag sakuya.

19 Asin kan ako nagmawot na magin maogma, an sakuyang puso nag-uungol nin huli kan sakuyang mga kasalan; maski na ngani, ako nag-aaram kun siisay ako nagtitiwala.

20 An sakuyang Diyos iyo mismo an nagin suporta ko; siya an nangengenotan sakuya na matapos na an sakuyang mga kasakitan sa kaparangan; asin siya an nagbantay sakuya sa ibabaw kan mga tubig nin dakulang kairaroman.

21 Siya mismo an nagpapano sakuya kan saiyang pagkamuot, maski na ngani sa pagkaubos kan sakuyang laman.

22 Siya an nagpalawigaw kan sakuyang mga kaiwal, na tanganing sinda nangungubog-kubog mismo sa atubangan ko.

23 Hilnga, siya nakakadangog kan sakuyang paghihibi kun aldaw, asin siya nagtatao sakuya nin kaaraman sa paagi nin mga bisyon sa oras nin kabanggihon.

24 Asin sa aldaw ako maigot na marhay na nagpapangadye sa atubangan niya; iyo, an sakuyang boses ipinapadara duman sa kaitaasan; asin an mga anghel nagbababa digde asin nagparatukdo sa sakuya.

25 Asin sa mga pakpak nin saiyang Espiritu an sakuyang hawak pinagdara duman sa mga kaibabawan nin haralangkaw na mga kabukidan. Asin an sakuyang mga mata nakahiling nin mga darakulang bagay, iyo, maski na idtong mas dakulaon pa para sa tawo; kaya ako pinakiolayan na ako dae naggad magsurat kan mga ini.

26 O pagkatapos, kun ako nakahiling nin mas mga dakulang bagay, kun an Kagurangnan

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sa saiyang kapakumbabaan sa mga kaarakian nin mga tawo nagbisita sa mga tawo na may dakulang pagkaherak, tadaw baya ta an sakuyang puso maghihibi asin an sakuyang kalag magwili sa bukid nin kamondoan, asin an sakuyang laman masasayang lamang, asin an sakuyang kusog pinanluluya nin huli kan sakuyang mga kasakitan?

27 Asin tadaw ta dapat akong magpadaog sa kasalan, nin huli kan sakuyang laman? Iyo, tadaw baya ta dapat akong magtao nin dalan sa mga tentasyon, na an sarong diyablo iyo an nagbugtak sa puso ko na tanganing iyo an magraot kan sakuyang katalingkasan asin nagpasakit kan sakuyang kalag? Tadaw baya ta ako nag-aanggot nin huli kan sakuyang kaiwal?

28 Magmata ka, kalag ko! Dae ka nanggad magluhod sa kasalan. Mag-ogma ka, O puso ko, asin dae ka nanggad magtao nin lugar para sa kalaban nin saimong kalag.

29 Dae na nanggad mag-anggot giraray nin huli kan sakuyang mga kaiwal. Dae na panluyahan an sakuyang kusog nin huli kan sakuyang mga kasakitan.

30 Mag-ogma ka, O puso ko, asin magkurahaw na ipanungod sa Kagurangnan, asin magsabi: O Kagurangnan, ako mag-oomaw saimo sagkud pa man; iyo, an sakuyang kalag mag-oogma saimo, Diyos ko, asin an gapo nin sakuyang kaligtasan.

31 O Kagurangnan, mapupuwede daw po na tabuson mo an sakuyang kalag?

Mapupuwede daw po na ililigtas mo ako paharayo sa mga kamot nin sakuyang mga kaiwal? Mapupuwede daw po na giboha sakuya na ako puwedeng matakot sa lalawgon nin kasalan?

32 Na an mga pintuan nin impyerno padagos na magin serado sa atubangan ko, nin huli ta an sakuyang puso nagpupukan asin an sakuyang espiritu yaon sa pagsosolsol! O Kagurangnan, dae mo po ipagsarado an mga pintuan kan saimong pagkamatanos sa atubangan ko, na ako makapaglakaw sa dalan nin hababang bukid, na ako pirmeng nasa patag na agihan.

33 O Kagurangnan, mapupuwede daw po na saimo akong patuson sa laog kan roba nin saimong pagkamatanos! O Kagurangnan, mapupuwede daw po na gibohon mo nin sarong dalan para ako makaligtas sa atubangan kan sakuyang mga kaiwal! Mapupuwede daw po na gibohon mo an sakuyang dalan na matanos sa atubangan ko! Mapupuwede daw po na dae mo pagbugtakan nin singkogan an sakuyang dalan --- pero ika po an maghawan kan dalan na yaon sa atubangan ko, asin dae mo po pag-abalahon an sakong aagihan, kundi an mga dalan kan sakuyang kaiwal.

34 O Kagurangnan, ako po bilog na nagtitiwala saimo, asin ako magtitiwala saimo sagkud pa man. Ako dae magbubugtak nin sakuyang tiwala sa takyag nin laman; ta ako nag-aaram na pinagsusumpa an siisay na nagbubugtak kan siyang tiwala sa takyag nin laman. Iyo, pinagsusumpa an siisay na nagbubugtak nin saiyang tiwala sa tawo o an paggibo kan laman na iyo an saiyang takyag.

35 Iyo, ako nag-aaram na an Diyos nagtatao nin sagana sa saiya na naghahagad. Iyo, an sakuyang Diyos magtatao sakuya, kun ako maghagad nin bakong sala'; kaya ako magpapaabot kan sakuyang boses saimo; iyo, ako magkurahaw sa saimo, sakong Diyos, an gapo nin sakuyang pagkamatanos. Hilnga, an boses ko sagkud pa man maglalangkaw paitaas sa saimo, sakong gapo asin an sakuyang daeng-kasagkuran na Diyos. Amen.

2 NEPHI TSAPTER 5

An mga Nephita pinaglaen an saindang mga sadire sa mga Lamanita, pinagsusunod an ley ni Moises, asin nagtugdok nin sarong tempo --- Nin huli kan saindang mayong paniwala, an mga Lamanita pinagsumpa, nagka-igwa nin onit na maitom, asin nagin sarong pamakol kan mga Nephita.

Hilnga, ini nangyaring naglipas na ako, si Nephi, grabeng gayo an sakuyang pakikimaherak sa Kagurangan sakong Diyos, nin huli sa kaanggutan kan sakuyang mga tugang.

2 Pero hilnga, an saindang kaanggutan mas lalong nagdadagdag laban sakuya, sagkud na saindang pinagmawot na kuahon dagos an sakuyang buhay.

3 Iyo, sinda naggugurumod-gumod laban sakuya, na nagsasabi: An satuyang nguhod na tugang nag-iisip na iyo an maghahade sa ibabaw nyato; asin kita nagkaigwa nin kadakul na mga pagsakit nin huli saiya; kun kaya, ngonian gadanon ta siya, na tanganing kita dae na magsasakit nin grabe nin huli kan saiyang mga tataramon. Ta hilnga, kita dae naggad magtutugot na siya an maghahade satuya; ta an siring pagsadire ta, na iyo an mga matuang tugang, na tanganing iyo an maghahade sa ibabaw kaining mga katawohan.

4 Ngonian ako dae nagsurat sa ibabaw kaining mga lamina kan gabos nindang mga tataramon na saindang mga pinaggugurumod-gumod laban sakuya. Pero tama lang na sakuyang sabihon, na sinda nagmawot na kuahon an sakuyang buhay.

5 Asin ini nangyaring naglipas na an Kagurangan nagpatanid sakuya, na ako, si Nephi, dapat na maghale gikan sainda asin magdulag duman sa kakadlagan, asin an gabos na gustong makiiba sa sakuya.

6 Kun kaya, ini nangyaring naglipas na ako, si Nephi, dinarara an sakong pamilya, asin si Sam, an sakuyang matuang tugang asin an saiyang pamilya, asin si Jacob asin Joseph, an mga nguhod kong tugang, asin man an mga tugang kong babae, asin an gabos na gustong makiiba sakuya. Asin an gabos na idtong nag-iriba sakuya iyo idtong mga may pagtubod sa mga patanid asin mga paghahayag nin Diyos; kun kaya, sinda nagdadarangog sa sakuyang mga tataramon.

7 Asin samuyang dinarara an samuyang mga tolda asin an anuman na mga bagay na puwede nyamong darahon, asin nagralakaw sa kaparangan sa laog nin kadakul na mga aldaw. Asin pagkatapos na kami nagralakaw sa laog nin kadakul na mga aldaw kami nag-andam na itugdok an samong mga tolda.

8 Asin an sakuyang katawohan naghagad na samuyang apudon nin ngaran an lugar na Nephi; kun kaya, samuyang inapud ini na Nephi.

9 Asin an gabos na kairibahan ko nagtugot na darahon ninda an saindang mga sadire an apud na banwaan ni Nephi.

10 Asin samuya man naggad na pinaghihingo na masunod an mga kahukuman, asin

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an mga patakarán, asin an mga kasugoan nin Kagurangnan sa gabos na mga bagay, na uyon sa mga ley ni Moises.

11 Asin an Kagurangnan yaon samuya; asin kami naggad nagin grabe an pag-asenso; ta kami nagtanom nin mga banhi, asin kami nag-aani giraray nin kadakulon. Asin kami nagpoon na mag-alaga nin mga karnero, asin mga baka, asin mga hayop sa kada klase.

12 Asin ako, si Nephi, dara-dara ko man an mga rekord na nakaukit sa ibabaw kan mga laminang bronse; asin man an bola, o aguhon, na ipinaghanda para sa sakong ama kan kamot nin Kagurangnan, na uyon sa mga bagay na nasusurat.

13 Asin ini nangyaring naglipas na kami nagpoon na mag-asensong gayo, asin nagparadacol sa daga.

14 Asin ako, si Nephi, dara-dara an espada ni Laban, asin arog sa hitsura kaini naggibo nin kadakul na mga espada, ta baka sa anuman na paagi an katawohan na ngonian inaapud na mga Lamanita magdigde samuya asin destrosohon kami; ta ako nakaaram na gayo kan saindang kapungotan sa sakuya asin ka sakong mga kaarakian asin idtong gabos na pinag-aapud na sakong kahimanwa.

15 Asin ako nagtukdo sa sakuyang mga katawohan sa pagtugdok nin mga kagharongon, asin sa kagibohan kan gabos na klase nin kahoy, asin nin bakal, asin nin tanso, asin nin bronse, asin nin asero, asin nin bulawan, asin nin plata, asin nin mahalón na mga lansang, na grabe kadakul.

16 Asin ako, si Nephi, nagtugdok nin sarong templo; asin sakuyang pinagtugdok ini na kapareho kan templo ni Solomon kaya lang bakong tinugdok na ginamitan nin kadakul na mga mahalón na mga bagay; ta dae ang mga ini mananagboan sa ibabaw nin kadagaan, kun kaya, ini bakong gayo arog sa pagkatugdok kan templo ni Solomon. Pero an manera nin konstruksiyon kapareho sa templo ni Solomon; asin an pagkakagibo kaini grabeng rayo kapulido.

17 Asin ini nangyaring naglipas na ako, si Nephi, naghorot na gayo sa sakuyang mga kahimanwa na magin mahigos, asin magtrabaho sa saindang sadireng mga kamot.

18 Asin ini nangyaring naglipas na sinda mismo nagmawot na ako dapat na mgain saindang hade. Pero ako, si Nephi, nagmamawot na gayo na dae sinda magkakaigwa nin sarong hade; alagad, ako naghimo para sainda na uyon kan mga ining yaon sa sakuyang kapangyarihan.

19 Asin hilnga, an mga tataramon nin Kagurangnan nangyayari na duman sa sakong mga tugang, na saiyang pinagsasabi manungod sainda, na ako an dapat nindang magin pamayo asin an saindang paratukdo, uyon sa mga kasugoan nin Kagurangnan, hanggan sa panahon na saindang pinagmawot na kuahon ninda an sakong buhay.

20 Kun kaya, an tataramon nin Kagurangnan nagkatotoo na saiyang pinagsabi sa sakuya, na nagsasabi na: Habang sinda dae nagdadangog sa saimong mga tataramon sinda tatakwilon gikan sa atubangan nin Kagurangnan. Asin hilnga, sinda man naggad pinagtakwil gikan sa saiyang atubangan.

21 Asin saiyang pinagpangyaring an sumpa mag-abot sa ibabaw ninda, iyo, ini sarong mangirhat na sumpa, nin huli sa saindang kadaendatahan. Ta hilnga, saindang pinatagas an saindang mga puso laban saiya, na sinda nagin arog sa sarong maitom na gapo; kun kaya, sinda dating mapuputi asin grabeng gayo an kagayunan asin makinison, na tanganing sinda bakong gayo bagay sa sakong mga kahimanwa, an Kagurangnan Diyos pinapangyaring magkaigwa sinda nin sarong maitom na onit na maghugpa sa sainda.

- 22 Asin kaya nagsabi an Kagurangnang Diyos: Ako maghihimo na sinda magin mga makangorongirhat sa saimong mga kahimanwa, laen lang kun sinda magsosolsol kan saindang mga kadaendatahan.
- 23 Asin isusumpa an banhi sa kiisay man na makikihalo sa saindaing banhi; ta sinda susumpaon nin kaparehong sumpa. Asin an Kagurangnan nagtaram kaini, asin ini pinagpangyari.
- 24 Asin ta nin huli kan saindang sumpa na yaon sa sinda, sinda nagin mga hugakon na mga katawohan, pano-pano nin kalokohan asin katusuhan, asin naghahanap sa kakadlagan nin mga hayop na madadakop.
- 25 Asin an Kagurangnang Diyos nagtaram sa sakuya: Sinda magigin pasakit sa saimong mga banhi, na tanganing iyo an pamukaw nin pagggiromdom sa sakuya; asin ta habang sinda dae makakagiromdom sakuya, asin magdangog sa sakuyang mga tataramon sinda an magpapasakit saindo sagkud na ngani sa kapahamakan.
- 26 Asin ini nangyaring naglipas na ako, si Nephi, pinagkonsagra sinda Jacob asin Joseph, na sinda dapat na magin mga padi asin mga paratukdo sa kadagaan nin sakuyang mga katawohan.
- 27 Asin ini nangyaring naglipas na kami namumuhay na gayo sa katiwasayan nin kaogmahan.
- 28 Asin treyntag taong gayo an naglipas magpoon na kami naghale sa Jerusalem.
- 29 Asin ako, si Nephi, padagos na gayo na nagtatago kan mga rekord sa sakuyang mga lamina, na sakuyang ginibo, tungkol sa sakuyang mga kahimanwa sa ngonian.
- 30 Asin ini nangyaring naglipas na an Kagurangnang Diyos nagsabi sa sakuya: Maggibo ka nin ibang mga lamina; asin ikaw mag-uukit sa mga ibabaw kaini tungkol sa kadakul na mga bagay na marhay sa sakuyang paghiling, para sa kapakinabangan kan saimong banwaan.
- 31 Kun kaya, ako, si Nephi, na nagin masinunod-sunod sa mga kasugoan nin Kagurangnan, naglakaw asin naggibo kaining mga lamina na sa ibabaw pinag-ukit ko ining mga bagay.
- 32 Asin sakong pinag-ukit idtong nagkakapa-ogma sa Diyos. Asin kun an sakong mga kahimanwa nagigin mga maogma sa mga bagay nin Diyos, sinda mag-oogmang gayo kan sakong mga inukit na yaon mismo kaining mga lamina.
- 33 Asin kun an sakong mga kahimanwa magmamawot na makaaram na gayo sa mga partikular na mga parte kan historya nin sakong banwaan dapat nindang basahon pa an iba ko pang mga lamina.
- 34 Asin ini tama lang sakuya na magtaram na kuwarentang taon na an naglipas, asin nag-agi an kadakul nang mga pakikigiya asin pakikipaglaban sa sakong mga tugang.

2 NEPHI TSAPTER 6

Si Jacob binalikan giraray an kasaysayan kan mga Judio. An saindang pagkabihag asin pagbalik gikan sa Babilonia; an ministeryo asin pagkapako sa krus kan Solong Banal nin Israel; an tabang na naresibe gikan sa mga Hentil; asin saindang huring-aldaw na restorasyon kun sinda may paniniwala sa Mesiya.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

An mga tataramon ni Jacob, an tugang ni Nephi, na saiyang binuyagyag sa mga katawohan ni Nephi:

2 Hilnga, mga namumutan kong mga tugang, ako, si Jacob, na inapudan nin Diyos, asin inordinahan kabaing sa manera kan saiyang banal na orden, asin pinagkonsagra kan sakuyang tugang na si Nephi, na gikan sa saiya na saindang minimidbid bilang sarong hade o sarong protektor, asin sa saiya na kamo nakasandig para sa kaligtasan, uya kamo nakakaaram na ako nagtaram sa saindo nin grabe kadakul na mga bagay.

3 Siring man kaini, ako nagtataram saindo giraray; ta ako nagmamawot para sa karahayan kan saindong mga kalag. Iyo, an sakuyang kahaditan grabe para saindo; asin kamo mismo sa saindong sadire nakakaaram na gayo kaini. Ta ako nagpapagiromdom saindo sa bilog na kahigosan; asin ako nagtukdo saindo kan mga tataramon nin sakong ama; asin ako nagtaram sa saindo manungod sa gabos na mga bagay na mga nasurat na, magpoon pa sa pagmukna nin kinaban.

4 Asin ngonian, hilnga, ako nagtataram sa saindo manungod kaining mga bagay na iyo ngonian, asin idtong paabuton pa sana; kun kaya, ako magbabasa saindo kan mga tataramon ni Isaias. Asin ini an mga tataramon na ginusto kan sakong tugang na mawot niyang itataram ko sa saindo. Asin ako nagtataram sa saindo para man sana sa saindong karahayan, na kamo makanuod asin magpamuraway sa pangaran kan saindong Diyos.

5 Asin ngonian, ang mga tataramon na sakuyang babasahon iyo idtong sinabi ni Isaias manungod sa gabos na harong nin Israel; kun kaya, sinda puwedeng maikabaing sa saindo, ta kamo kabilang sa harong nin Israel. Asin igwa nin kadakul na mga bagay na ipinagtaram na ni Isaias na maikabaing sa saindo, nin huli ta kamo kabilang sa harong nin Israel.

6 Asin ngonian, uya an saiyang mga tataramon; kaya nagsabi an Kagurangnan Diyos: Hilnga, sakuyang ipaglalongkaw an sakong kamot sa mga Hentil, asin ipamugtak ko an sakong bandera sa mga tawo; asin saindang dadarahon an saindong mga aking lalake sa saiyang mga takyag, asin an saindong mga aking babae kakargahon sas ibabaw kan saindong mga abaga.

7 Asin an mga hade iyo an saindong parabantay na ama, asin an saindang mga reyna iyo an magin mga parabantay na ina; sinda magduduko paibaba sa saindo na an saindang mga lalawgon nakadungog sa daga, asin magpapagpag nin alpog kan saindang mga bitis; asin ika makakaaram na Ako ang Kagurangnan; ta sinda dae masusupog na maghahalat para sakuya.

8 Asin ngonian ako, si Jacob, magtataram nin arog kaini manungod sa mga tataramon na ini. Ta hilnga, an Kagurangnan ipinapahiling sakuya na idtong mga yaon sa Jerusalem, kun saen kita naggikan, ginaradan asin dinarara paharayo bilang mga bihag.

9 Siring man, an Kagurangnan ipinahiling sa sakuya na dapat na sinda magbalik giraray. Asin siya man ipinahiling sakuya na an Kagurangnan Diyos, an Solong Banal nin Israel, dapat na magpahiling sainda sa laman; asin pagkatapos na siya magpahiling kan saiyang sadire sindang gayo nagtutuya-tuya saiya asin ipapako siya sa krus, na uyon sa mga tataramon nin anghel na iyo ang nagsabi kaini sa sakuya.

10 Asin pagkatapos na saindang pinatagas an saindang mga puso asin pinahukray an saindang mga liog laban sa Solong Banal nin Israel, hilnga, an mga kahukuman nin

Solong Banal nin Israel mangingibabaw sa sinda. Asin an aldaw maabot na sinda hahampakon asin pasasakitan.

11 Kun kaya, pagkatapos na sinda itutulak pasiring duman asin padigde, ta kaya sabi kan anghel, kadakul an masasakitan sa laman, asin dae itutugot na mapapara, nin huli sa mga pangadye nin paratubod; sinda ikakaralat, asin hahampakon, asin kapupungutan; siring man, an Kagurangnan magigin maheherakon sa sinda, na kun sinda mag-abot sa pagkaaram kan saindang Paratubos, sinda pagkakaasararoan na titiponon giraray sa mga kadagaan nin saindang kamanahan.

12 Asin paladan an mga Hentil, sinda na an mga propeta nagsurat ta hilnga, kun ini mangyari na sinda magsosolsol asin dae makilaban ki Sion, asin dae makisumaro an saindang mga sadire sa dakulaon asin makakangoro-ngirhat na simbahan, sina maliligtas; ta an Kagurangnan Diyos mismo an magpapatunay kan saiyang mga tipan na saiyang hinimo sa saiyang mga kaakian; asin sa kausang ini propeta nagsurat kaining mga bagay.

13 Kun kaya, sinda na nakikilaban sa Sion asin an pinagtipanan na mga katawohan nin Kagurangnan iyo an magpapagpag nin alpog sa saindong mga bitis; asin an banwaan nin Kagurangnan dae naggad masusupog. Ta an banwaan nin Kagurangnan iyo sinda na naghahalat para saiya; ta sinda naghahalat pa giraray sa pag-abot kan Mesiyas.

14 Asin hilnga, uyon sa mga tataramon nin propeta, an Mesiyas magpapamugtak kan sadire niya giraray sa ikaduwang pagkakataon na tanging bawion sinda; kun kaya, siya magpapahiling kan saiyang sadire sa sinda sa kapangyarihan asin dakulang kamurawayan, sa ikapapahamak kan saindang mga kaiwal, kun an aldaw na iyan mag-abot na sinda may paniniwala saiya; asin mayo siyang hahampakon sa mga may paniniwala saiya.

15 Asin sinda na mayong paniniwala saiya hahampakon, pareho sa paagi nin kalayo, asin nin bagyo, asin nin linog, asin nin pagbulos kan dugo, asin nin mga peste, asin nin taggutom. Asin sinda makakaaram na ang Kagurangnan iyo an Diyos, an Solong Banal nin Israel.

16 Ta an biktima makukua daw gikan saiya na makusog, o an talagang nasakop iyo an hahawason?

17 Pero kaya sinabi nin Kagurangnan: Maski na ngani an mga nasakop nin makusog dadarahon paharayo, asin an biktima kan terrible ihahawas; ta an Mapangyaring Diyos iyo an maghahawas kan saiyang pinagtipanang banwaan. Ta kaya sinabi nin Kagurangnan: Ako an makikilaban sa sinda na makikilaban sa sindo ---

18 Asin ako magbabahog sinda na nag-aapi sindo, nin sadire man sana nindang laman; asin sinda magkakabururat kan sadire man sana nindang mga dugo na arog kan mahamison na anak; asin an gabos na laman makakaaram na Ako an Kagurangnan iyo an saindong Tagapagligtas asin an saindong Paratubos, an Solong Mapangyari ni Jacob.

2 NEPHI TSAPTER 7

Si Isaias nagtaram na arog kan Mesiyas --- An Mesiyas magkakaigwa nin dila nin sarong may pagkanuod --- Saiyang itatao an likod niya sa mga parahampak --- Dae siya malalawigaw --- Ikumpara sa Isaias 50.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

Iyo, ta kaya nagsabi an Kagurangnan: Ipinamugtak ta daw na harayo, o ipinagtakwil taka sagkud pa man? Ta nagsabi an Kagurangnan: Haen na an surat nin pakipasuhayan kan saimong imo? Sa kiisay ko ika ipinamugtak na harayo, o arin sa mga nagpapautang sako na ipinabakal ko ika? Iyo, kiisay ko ikaw ipinabakal? Hilnga, ta an sadire mong kadaendatahan iyo an nakapagbakal kan sadire mo man sana, asin nin huli kan saimong mga kalapasan iyo an nagpaharayo nin kinamugtakan kan saimong ina.

2 Kun kaya, kan ako mag-abot, mayong tawo; kan ako mag-apud, iyo, mayo ni sarong na nagsimbag. O harong nin Israel, an kamot ko daw nagin halipot na tanganing dae makatubos o ako mayong kapangyarihan na tanganing magligtas? Hilnga, sa sakong pagsaway, pinadagang ko an dagat, ginibo ko na an saindang mga salog magin sarong kaparangan asin an saindang sira nagin mabataon nin huli ta an mga tubig nagin dagang na, asin sinda nagkagaradan nin huli sa kapahaan.

3 Ako ang nagbado kan mga kalangitan nin kaitoman, asin ako an naggibo nin badong sako na saindang pantahob.

4 An Kagurangnan Diyos nagtatao sako kan dila nin may pagkanuod, na tanganing ako dapat na makakaaram kun paano makapagtaram nin sarong tataramon sa tamang panahon, O harong nin Israel. Kun ika pinanaluluyahan siya nagmamata sa kada pagkaaga. Siya an nagpupukaw kan sakuyang talinga na tanganing magdangog arog nin may pagkanuod.

5 An Kagurangnan Diyos iyo an nagbukas kan sakuyang talinga, asin ako bakong nagsinutil, ni binirik ko an sakuyang likod.

6 Ako nagtao kan sakuyang likod sa parahampak, asin an sakuyang mga pisngi sa sainda na nambubunot nin barbas. Ako dae nagtago kan sakuyang lalawgon sa kasusupgan asin panlulutab.

7 Ta an Kagurangnan Diyos iyo an magtatabang sako, kaya ako dae naggad malalawigaw. Kaya ipinamugtak ko an sakuyang lalawgon na garo sarong gapo nin kiskisan, asin ako mag-aaram na ako dae dapat na masupog.

8 Asin an Kagurangnan harani sana, asin siya an nagbabantay sako. Siisay baya an makikilaban sako? Magtindog kitang nagkasararo. Siisay an sakong kaiwal? Pabayaeng magrani sako, asin ako an maghahampak saiya sa paagi nin kusog kan sakuyang nguso.

9 Ta an Kagurangnan Diyos iyo an magtatabang sakuya. Asin an gabos na magkokondena sako, hilnga, gabos sinda magluluma arog nin sarong yamit, asin an ipis iyo an magkakakan sainda.

10 Siisay sa saindo na may pagkatakot sa Kagurangnan, na nagsusunod sa boses kan saiyang surugoon, na naglalakaw sa kadikloman asin mayong liwanag? 11 Hilnga gabos kamo na nagsisindi nin kalayo, na nag-aantabay kan saindong mga sadire sa palibot nin silyab, maglakaw sa liwanag kan saindong kalayo asin sa silyab na saindong sinindihan. Iyo ini an saindaong makakamtan sa kamot ko--- kamo maghahigda sa kamondoan.

2 NEPHI TSAPTER 8

*An Libro Ni Mormon (An Saro Pang Tipan ni Jesukristo)
The First Draft*

Sa mga huring aldaw, an Kagurangnan maglilinga ki Sion asin titiponon an Israel --- An mga tinubos magpapaduman sa Sion sa tahaw nin dakulang kaogmahan. Ikumpara sa Isaias 51 asin 52:1-2.

Magdangog sa sakuya, kamo na nagsusunod sa pagkamatanos. Maghiling sa gapo kun saen ika naggikan, asin sa luho nin kalot kun saen ikaw kinalot.

2 Hilngon nindo si Abraham, an saindong ama, asin si Sarah, na iyo ang nagmundag saindo; ta Ako an nag-apud saiyang solo, asin an nagbendisyon saiya.

3 Ta an Kagurangnan an maglilinga ki Sion, siya an maglilinga kan gabos na saiyang raot na mga lugar; asin siya maghihimo kan saiyang kaparangan na arog kan Eden, asin kan saiyang disyerto arog kan hardin nin Kagurangnan. Kaogmahan asin kalingaan iyo an mananagboan duman, pagpapasalamat asin an boses nin lambing.

4 Magdangog sa sakuya, sakong banwaan; asin itao an talinga sa sako, O nasyon ko; ta sarong ley an maggigikan sa sakuya, asin ako maggigibo kan sakong paghuhukom na magin sarong liwanag para sa katawohan.

5 An sakong pagkamatanos harani sana; an sakong pagliligtas nagluwas na, asin an sakong takyag an maghuhukom sa mga katawohan. Ang mga isla maghahalat sa sakuya, asin sa sakong takyag sinda may pagtitiwala.

6 Itingkalag nindo an saindong mga mata sa mga kalangitan, asin hilngon nindo an kinaban sa ibaba; ta an mga kalangitan mawawarang gayo arog kan aso, asin an kinaban magluluma arog kan yanit; asin sinda na nag-eerok dyan magagadan sa arog kaining manera. Pero an sakong pagliligtas yaon sagkod pa man, asin an sakong pagkamatanos dae nanggad mawawara.

7 Magdangog sa sakuya, kamo na nag-aaram nin pagkamatanos, sa katawohan na sa saindang puso isinurat ko an sakuyang ley, dae kamo matakot sa kantiyaw nin mga tawo, ni kamo matakot kan saindang mga tuyaw.

8 Ta an ipis iyo an magkakakan sa sainda na arog kan sarong yamit, asin an ulod iyo an magkakakan sainda na arog kan barahibo nin karnero. Pero an sakong pagkamatanos yaon sagkod pa man, asin an sakong pagliligtas gikan sa henerasyon sagkod sa henerasyon.

9 Magmata, magmata! Magbugtak nin kusog, o takyag nin Kagurangnan; magmata arog kan mga lumang aldaw. Bako daw na ika nagputol sa Rahab, asin naglugad sa dragon?

10 Bako daw na ika an nagpapadagang nin dagat, an mga tubig nin dakulang kairaroman; na naggibo sa mga kanti kan dagat nin sarong dalan para sa mga nagkatarabos na mag-aragi?

11 Kaya, an mga nagkatarabos nin Kagurangnan magbabaralik, asin mag-aabot na nagkakarantahan paduman sa Sion; asin an daeng-katapusan na kaogmahan asin kabanalan magigin yaon sa saindang mga pamayuhan; asin sinda magkaka-igwa nin kalingaan asin kaogmahan; an kamondoan asin pagtatangis paharayo na mawawara.

12 Ako iyo Siya; iyo, Ako iyo Siya na maglilinga sa saindo. Hilnga, siisay ika, na ika dapat na matakot sa tawo, na magagadan, asin aking lalake nin tawo, na gigibohon na siring kan awot?

13 Asin grabe an kalingawan sa Kagurangnan saimong kaglalang, na iyo an naglatag nin

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kahiwasan nin mga kalangitan, asin iyo an nagtugdok kan mga pundasyon nin kinaban, asin iyo an padagos na natatakot sa aro-aldaw, nin huli sa kabagsikan kan para-api na garo handa para mandestroso? Asin haen man naggad an kabagsikan kan para-api?

14 An bihag na tapon naghihidali, na tanganing siya makabuhi, asin na siya dae magagadan sa kalot, ni an saiyang tinapay magkukulang.

15 Pero Ako an Kagurangnan saimong Diyos, na an mga lungso nag-aangil; an kagurangnan nin mga Hukbo an sakuyang pangaran.

16 Asin ako an nagbugtak kan sakuyang tataramon sa saimong nguso, asin iyo an nagtabon saimo sa anino kan sakuyang kamot, na tanganing maitanom ko an mga kalangitan asin maipamugtak an mga pundasyon nin kinaban, asin magtaram sa Sion: Hilnga, kamo an sakong mga katawohan.

17 Magmata, magmata, magtindog, O Jerusalem, na nagpaburat sa kamot nin Kagurangnan sa kopa kan saiyang kaanggutan --- ika na nag-inom kan turo sa kopa nin matinding katakutan ---

18 Asin mayong naggiya sa saiyang gikan sa mga aking lalake na saiyang iminundag; ni magkapot saiya sa paagi nin kamot, kan gabos na mga aking lalake na saiyang pinadakula.

19 Ining duwang aking lalake naggikan sa saimo, iyo an nagin mamondoan para saimo --- kan saimong kalipungawan asin pagkadestroso, asin an taggutom asin an espada --- asin kiisay ko ipalinga ika?

20 An saimong mga aking lalake pinanluluyahan, puwera kaining duwa; sinda naghihigda sa pamayuhan kan gabos na mga aagihan; bilang sarong layas na toro sa laog nin pukot, sinda napapano kan kabagsikan nin Kagurangnan, an pansagwi kan saimong Diyos.

21 Kaya dangoga ngonian ini, saimo na nasasakitan, asin naburat, asin bako nin arak:

22 Kaya nagsabi an saimong Kagurangnan, an Kagurangnan asin saimong Diyos na nakikimaherak sa kausa kan saiyang katawohan; hilnga, Ako an naghale sa saimong kamot kan kopa nin katakutan, an turo sa kopa kan sakuyang kaanggutan; na ikaw dae na naggad mag-inom kaini giraray.

23 Pero ako an magbububtak kaini sa kamot nindang iyo an nagpapasakit saimo; na iyo an nakapagtaram sa kalag mo na: Magduko ka, na tanganing kami makakaagi --- asin ika an naglatag kan saimong hawak bilang daga asin bilang agihan ninda na nag-aragi.

24 Magmata, magmata, magsul-ot kan saimong kusog, O Sion; magsul-ot kan saimong magayon na yamit, O Jerusalem, an banal na siyudad; ta ngonian asin sa maabot mayo nang maglalaog saimo na bako pang turi asin bakong malinigon. 25 Magpamagpag ka kan saimong sadire gikan sa alpog; magbuhat, magtukaw, O Jerusalem; buhian mo an saimong sadire gikan sa mga gapos kan saimong liog, O bihag na aking babae ni Sion.

2 NEPHI TSAPTER 9

An mg Judio titiriponon sa gabos na saindang mga kadagaan nin pangako --- Ang pagbabayad-sala iyo an magtatabos sa tawo gikan sa pagkahulog --- Ang mga hawak kan mga gadan maburuhat gikan sa mga lubongan, asin an saindang mga espiritu naggigikan sa impyerno asin sa paraiso --- Sinda paghuhukuman --- An pagbabayad-

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

sala magliligtas gikan sa kagadanan, impyerno, sa diyablo, asin sa daeng katapusan na kapadusahan --- An matatanos ililigtas sa kahadean nin Diyos --- Mga penalidad para sa mga kasalan tinugdas --- An Solong Banal nin Israel iyo an bantay kan pintuan.

Asin ngonian, sakuyang namumutan na mga tugang, ako nagbabasa kaining mga bagay na tanganing kamo makakaaram man sa mga tipan nin Kagurangnan na saiyang pinakipagtipanan sa gabos na harong nin Israel ---

2 Na siya nakipag-olay sa mga Judio, sa paagi kan mga nguso nin saiyang mga banal na propeta, maski na magpoon sa kapinunan hanggan ngonian, gikan sa henerasyon hanggan sa henerasyon, sagkud na an panahon mag-abot na sinda maipamugtak giraray sa tunay na simbahan asin sa kaibahan nin Diyos; kun noarin na sinda titiriponon na makabalik sa mga kadagaan na saindang kamanahan, asin maipamugtak sa gabos na saindang mga daga nin pangako.

3 Hilnga, sakong namumutan na mga tugang, ako nagtataram sa saindo kaining mga bagay na tanganing kamo puwedeng mag-orogma, asin ipaglangkaw an saindong mga payo sagkud pa man, nin huli sa mga bendisyon na an Kagurangnan Diyos ipapamugtak sa saindong mga kaakian.

4 Ta ako nakakaaram na kamo naglapigot sa paghahanap, kadakul saindo dapat na makakaaram sa mga bagay na maabot; kun kaya ako nakakaaram na kamo nag-aaram na an satuyang laman kaipuhan na magluluya asin magagadan; maski na siring, sa satuyang mga hawak mahihiling niyato an Diyos.

5 Iyo, ako nakakaaram na kamo nag-aaram na sa hawak siya magpapahiling kan saiyang sadire duman sa mga yaon sa Jerusalem, kun saen kita naggikan; ta ini sarong kapakinabangan na ini dapat na mangyari sa atubangan ninda; ta ini tinutugutan kan banal na Kaglalang na magtitios sa sadire na magin lingkod nin tawo sa laman, asin magadan para sa gabos na katawohan, na tanganing an gabos na katawohan puwedeng magin lingkod man sa saiya.

6 Ta an kagadanan minaagi sa gabos na katawohan, na tanganing magkatotoo an panongherak na plano nin banal na Kaglalang, igwa nin pangangaipo na may sarong kapangyarihan nin pagkabuhay-liwat, asin an pagkabuhay-liwat kaipuhan na mag-abot sa tawo nin huli sa pagkahulog; asin an pagkahulog nag-abot nin huli sa paglapas; asin ta nin huli na an tawo nahulog, sinda pinagtakwil gikan sa atubangan nin Kagurangnan.

7 Kun kaya, ini nangangaipong gayo nin sarong daeng kasagkuran na pagbabayad-sala --- puwera lang kun ini bakong sarong daeng kasagkuran na pagbabayad-sala, na ini dae naggad makakapagsul-ot nin mayong kalapaan. Kun kaya, an enot na paghuhukom na mag-abot sa tawo kaipuhan na magdadanay pasiring sa daeng katapusang panahon. Asin kung siring, ining laman kaipuhan na maghigda sa kalapaan asin mag-agnas pagbalik sa inang daga, na tanganing dae na naggad magbuhat pa.

8 O an kadunungan nin Diyos, an saiyang pagkaherak asin grasya! Ta hilnga, kun an laman dae na naggad magbuhat pa, an satuyang mga espiritu magigin uripon kan anghel na nahulog kaidto gikan sa atubangan nin Eternal na Diyos, asin nagin diyablo, na tanganing dae na naggad magbuhat pa.

9 Asin an satuyang mga espiritu magigin arog sa saiya, asin kita magigin mga diyablo,

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga anghel nin sarong diyablo, na pagsasaraduhan paluwas gikan sa atubangan kan satuyang Diyos, asin magdadanay na kaibahan kan ama nin mga kaputikan, nin kapaitan, arog kan saiyang sadire; iyo, sa nilalang na idto na iyo an nagdaya kan satuyang enot na mga magurang, na nagribay hitsura kan saiyang sadire haros pareho kan sarong anghel nin liwanag, asin iyo an nagtulak sa mga kaakian nin mga tawo na makanuod kan mga sikretong kombinasyon nin panggagadan, asin kan gabos na manera nin sikretong mga gibo nin kadikloman.

10 O ano daw kadakula an karahayan kan satuyang Diyos, na iyo an nag-aandam nin sarong dalan para kita makabuhi gikan sa pagkakapot kaining makangorongirhat na diyablo; iyo, yan diyablo, kagadanan asin impiyerno, na sakong inapud na kagadanan nin hawak, asin man an kagadanan nin espiritu.

11 Asin ini huli sa dalan nin pagliligtas kan satuyang Diyos, an Solong Banal nin Israel, ining kagadanan, na iyo an sakong pinagsasabi, na iyo an temporal, na magtatao kan saiyang mga gadan; na an kagadanan iyo an lubungan.

12 Asin ining kagadanan na sakuyang pinagsasabi, na iyo an espirituwal na kagadanan, na magpapaluwas kan saiyang mga gadan; na an espirituwal na kagadanan iyo an impiyerno; kun kaya, an kagadanan asin impiyerno kaipuhan na magluluwas kan saindang mga gadan, asin an impiyerno kaipuhan na magpaluwas kan saiyang mga bihag na espiritu, asin an lubungan kaipuhan na magpaluwas kan saiyang mga bihag na mga hawak, asin an mga hawak asin an mga espiritu nin katawohan maipamumugtak giraray an sarong sa lambang sarong; asin ini mangyayari sa paagi kan kapangyarihan nin pagkabuhay-liwat kan Solong Banal nin Israel.

13 O grabe kabanal an plano kan satuyang Diyos! Ta sa balyong lado, an paraiso nin Diyos kaipuhan na magpaluwas kan mga espiritung matatanos, asin an lubungan magpaluwas kan hawak nin matatanos; asin an espiritu asin an hawak maipamugtak giraray sa dati kaining kamugtakan, asin an gabos na katawohan magigin mayong kalapaan, asin mayong kagadanan, asin sinda mga buhay na mga kalag, na igwa nin sarong perpektong kaaraman na arog sa satuya na yaon sa laman, puwera lang mangyari na an satuyang kaaraman magigin perpekto.

14 Kun kaya, kita magkakaigwa nin sarong perpektong kaaraman kan gabos niyang mga kasalan, asin kan satuyang daeng pagkalinig, asin kan satuyang kahubaan; asin an matatanos magkakaigwa nin sarong perpektong kaaraman kan saindang pagkaogma, asin kan saindang pagkamatanos, na nababadoan nin puridad, iyo, maski na ngani kan roba nin pagkamatanos.

15 Asin ini nangyaring naglipas na kun an gabos na mga katawohan makaagi na gikan kaining enot na kagadanan hanggan sa pagkabuhay, habang sinda nagin mayong kagadanan, sinda kaipuhan na magpahiling sa atubangan kan tukawan nin paghuhukom kan Solong Banal nin Israel; asin pagkatapos maabot an paghuhukom, asin sinda kaipuhan na huhusgaran uyon sa banal na paghuhukom nin Diyos.

16 Asin tunay, habang an Kagurangnan nabubuhay, ta an Kagurangnan Diyos nagtaram kaini, asin iyo ini an saiyang eternal na tataramon, na dae puwedeng naglipas, na sinda na mga matatanos magpakamatanos pa, asin sinda na mga maaati magpakamaati pa; kun kaya, sinda na mga maaati iyo an diyablo asin an saiyang mga anghel; asin sinda magpapasiring duman sa kalayong daeng katapusan, na ipinag-andam para sa sinda; asin an saindang kapadusahan iyo an arog sa sarong danaw nin kalayo asin nag-aagabaab na

gapo, na an laad nag-iitaas sagkud sa daeng kasagkuran asin mayong katapusan.

17 O an kadakulaan asin an hustisya kan satuyang Diyos! Ta saiyang ginigibo an gabos niyang mga tataramon, asin an mga ini nagruluwas gikan sa saiyang nguso, asin an saiyang ley dapat na magpangyari.

18 Pero, hilnga, an matatanos, an mga santos kan Solong Banal nin Israel, sinda na nagtutubod sa Solong Banal nin Israel, sina na nakatagal sa mga krus nin kinaban, asin naanggot sa supog kaini, sinda an magmamana sa kahadean nin Diyos, na ipinag-andam na para sainda magpoon pa sa pundasyon kan mundo, asin an saindang kaogmahan magigin pano sagkud pa man.

19 O an kadakulaan kan pagkaherak nin satuyang Diyos, an Solong Banal nin Israel! Ta siya an magliligtas kan saiyang mga santos gikan sa makangorongirhat na diyablo na iyo an demonyo asin sa kagadanan, asin sa impiyerno, asin kan danaw nin kalayo asin nag-aagabaab na gapo, na iyo an mayong katapusan na kapadusahan.

20 O grabeng marhay kadakula an kabanalan kan satuyang Diyos! Ta siya an nakakaaram kan gabos na bagay, asin mayo nang iba pang bagay puwera na siya sana an nakakaaram kaini.

21 Asin siya nag-abot digde sa kinaban na tanganing saiyang maililigtas an gabos na katawohan kun sinda magdadangog kan saiyang boses; ta hilnga, siya an nagsapo nin mga kulog kan gabos na katawohan, iyo, an mga kulog kan lambang nabubuhay na nilalang, magin mga lalake, mga babae, asin mga kaakian, na kabala sa pamilya ni Adan.

22 Asin siya nagpakasakit kaini na tanganing an pagkabuhay-liwat mapupuwedeng mag-agi, sa gabos na katawohan, na an gabos puwedeng magtindog sa atubangan niya sa dakulang aldaw nin paghuhukom.

23 Asin siya nagsugo sa gabos na mga katawohan na kaipuhan na magsosolsol, asin magpabunyang sa saiyang pangaran, na igwa nin perpektong pagtubod sa Solong Banal nin Israel, o sinda dae naggad maliligtas sa kahadean nin Diyos.

24 Asin kun sinda dae magsosolsol asin maniwala sa saiyang pangaran, asin magpabunyang sa saiyang pangaran, asin magtagal hanggan sa katapusan, sinda dapat na kondenaron; ta an Kagurangnang Diyos, an Solong Banal nin Israel, iyo an nagtaram kaini.

25 Kun kaya, siya nagtao nin sarong ley; asin saen na mayong ley na itinao, mayong kapadusahan; asin saen na mayong kapadusahan mayo nin kondensasyon; asin saen na mayong kondensasyon an mga pagkaherak kan Solong Banal nin Israel iyo an may kagsadire sainda, nin huli sa pagbabayad-sala; ta sinda naligtas sa paagi kan kapangyarihan niya.

26 Ta an pagbabayad-sala naghuhustong gayo sa mga kinakaipuhan kan saiyang hustisya para sa gabos ninda na daeng ley na itinao sainda, na tanganing sinda maligtas gikan sa makangorongirhat na demonyo, sa kagadanan asin sa impiyerno, asin sa diyablo, asin sa danaw na kalayo asin nag-aagabaab na gapo, na iyo an daeng katapusan na kapadusahan; asin na sinda maipamugtak-liwat sa Diyos na iyo an kagtao sainda nin ginhawa, na iyo an Solong Banal nin Israel.

27 Pero herak man saiya na igwa nin leyng itinao, iyo, na igwa kan gabos na mga kasugoan nin Diyos, na arog satuya, asin nagbalga sainda, asin nagsayang sa mga aldaw kan saiyang pagsubok, ta mangirhat an saiyang kamugtakan.

28 O, yan an madayang plano kan maraot na saro! O an pagkamakasadire, asin an mga

kaluyahan, asin an mga kahangalan nin mga tawo! Kun sinda may pagkanuod sinda nag-iisip na sinda madudunong asin sinda dae nakakadangog sa mga patanid nin Diyos, ta saindang binabalewala, naghuhuna na sinda nakakaaram kan saindang sadire, kun kaya, an saindang kadunungan sarong kahangalan asin ini mayong kapakinabangan sainda.

Asin sinda mapapara.

29 Pero an may pagkanuod sarong marhay kun sinda nagdadangog sa mga pagirumdom nin Diyos.

30 Pero herak man sa mayayaman, ta sinda mayayaman sa mga bagay nin kinaban. Ta nin huli ta sinda mga mayayaman, saindang kinapupungotan an mga pobre, asin saindang hinahamak an mga maboboot, asin an saindang mga puso yaon sa saindang mga kayamanan; kun kaya, an saindang kayamanan iyo an saindang diyos. Asin hilnga, an saindang mga kayamanan mapapara na kaiba man ninda.

31 Asin herak man sa mga bungog na dae nakakadangog; ta sinda mapapara.

32 Herak man sa mga buta na dae nakakahiling; ta sinda mapapara man.

33 Herak man sa mga bakong tori an puso, ta an kaaraman kan saindang mga kadaendatahan iyo an magpapahamak sainda sa huring aldaw.

34 Herak man sa mga putikon, ta siya itatapok paibaba sa impiyerno.

35 Herak man sa mga paragadan na tuyong nanggadan, ta siya magagadan.

36 Herak man sainda na naggibo nin mga kaputahan, ta sinda itatapok paibaba sa impiyerno.

37 Iyo, herak man sainda na nagsasaramba sa mga rebulto, ta an diyablo kan mga diyablo nag-oogma sa sainda.

38 Asin sa simpleng tataramon, herak man sa gabos ninda na nagkagaradan sa saindang mga kasalan; ta sinda mabaralik sa Diyos, asin mahiling an saiyang lalawgon, asin magdadanay sa saindang mga kasalan.

39 O, sakong namumutan na mga tugang, giromdoma an makangorongirhat na paglalapas laban sa Banal na Diyos, asin man sa makangorongirhat na magpadara sa mga pag-aagda kaiyang tusong saro. Giromdoma, an magin makamundo sa pag-iisip sarong kagadanan, asin an magin espirituwal sa pag-iisip sarong eternal na buhay.

40 O, sakong namumutan na mga tugang, magtao nin talinga sa sakuyang mga tataramon. Giromdoma an kadakulaan kan Solong Banal nin Israel. Dae kamo magtaram na ako nakapagsabi nin makulog na mga bagay laban saindo; ta kun gigibohon nindo, kamo magtutuyaw laban sa katotoohan; ta ako nagtataram sa mga tataramon kan saindong Kaglalang. Aram ko na an mga tataramon nin katotoohan an makulog laban sa gabos na bakong malinig; pero an mga matatanos dae natatakot sa mga ini, ta sinda nagmumuot sa katotoohan asin dae natatanyog.

41 O kaya, sakong namumutan na mga tugang, magrani sa Kagurangnan, an Solong Banal. Giromdomon na an saiyang mga dalan mga matatanos. Hilnga, an dalan kan tawo hayakpit, pero ini nakalatag sa sarong tanos na paduman sa atubangan niya, asin an parabantay kan pintuan iyo an Solong Banal nin Israel; asin siya mayong katabang duman; asin mayo nin ibang dalan kundi iyo sana an laogan na ini; ta siya dae naggad madadaya, an Kagurangnang Diyos iyo an saiyang pangaran.

42 Asin siisay man an magtutoktok, sa saiya siya magbubukas; asin an madudunong, asin an may pagkanuod, asin sinda na mga mayayaman, na nagkakaburundat nin huli kan saindang pinag-adalan, asin an saindang mga kadunungan, asin an saindang mga

kayamanan --- iyo, sinda iyo an saiyan mga kinapupungutan; asin puwera lang kun saindang haraleon ining mga bagay paharay, asin akoon an saindang mga sadire na mga hangal sa atubangan nin Diyos, asin magdudulok na may dakulang kapakumbabaan, siya dae nanggad magbubukas kan pinto sainda.

43 Pero an mga bagay nin madudunong asin kan matitiyaga itatago gikan sainda sagkud pa man --- iyo, an kamurawayan na ipinag-andam para sa mga santos.

44 O, sakong namumutan na mga tugang, giromdoma an sakong mga tataramon. Hilnga, ako naghuba kan sakong mga yamit, asin sakong pinapagpag an mga ini sa atubangan nindo; ako nangangadyi sa Diyos kan sakuyang kaligtasan na saiya akong pagmasdan kan saiyan mapaghanap na mata; kun kaya, kamo makakaaram sa huring aldaw, noarin na an gabos na tawo huhusgaran kan saindang mga kagibohan, na an Diyos nin Israel iyo ang nagtestigo na ako namagpag kan saindong mga kadaendatahan gikan sa sakuyang kalag, asin na ako nagtindog na may kaputian sa atubangan niya, asin ako nahalean kan saindong dugo.

45 O, sakong namumutan na mga tugang, magrayo kamo sa saindong mga kasalan; ipagpag nindo an mga kadena niya na magtapos saindo nin hidale; magdulok sa Diyos na iyo an gapo kan saindong kaligtasan.

46 Ihanda nindo an saindong mga kalag para sa mamurawayon na aldaw na iyan na an hustisya iyo an mangingibabaw sa mga matatanos, maski na ngani an aldaw nin paghuhukom, na tanganing kamo dae manluluya na may makangorongirhat na katakutan; na tanganing kamo dae makagiromdom kan saindong makangorongirhat na kasalan sa kabilugan kaini, asin mapiritan na magkukurahaw: Banal, banal an gabos mong mga paghuhukom, O Kagurangnang Diyos na Makapangyarihan sa gabos --- pero aram ko an sakong kasalan; ako naglipas kan saimong ley, asin an sakuyang kalapasan yaon sako; asibn an diyablo iyo an nakakua sako, na ako sarong biktima kan saiyan makangorongirhat na kapaitan.

47 Pero hilnga, sakong mga tugang, bako daw na may kapakinabangan na ako dapat na magpukaw saindo sa makangorongirhat na katotohanan kaining mga bagay? Makukulgan ko daw an saindong mga kalag kun an saindong mga kaisipan malinigon? Puwede daw na ako magin maliwanag sa saindo uyon sa kaliwanagan kan katotoohan kun kamo binuhian gikan sa kasalanan?

48 Hilnga, kun kamo mga banal ako magtataram sa saindo nin kabanalan; pero bilang kamo bakong mga banal, asin kamo namimidbid sako bilang sarong paratukdo, ini kinakaipuhang gayo na ako magtutukdo saindo kan mga nakakamit nin kasalan.

49 Hilnga, an sakong kalag napupungot sa kasalan, asin an sakuyang puso nag-oogma sa pagkamatanos; asin ako mag-oomaw sa banal na pangaran kan sakong Diyos.

50 Madya, sakong mga tugang, sa lambang saro na napapaha, magdulok kamo sa mga tubig; asin siya na mayong kuwarta, maabot na nagbabakal asin nagkakan; iyo, maabot na nagbabakal nin arak asin gatas na mayong kuwarta asin mayong presyo.

51 Kun kaya, dae ka maggastos nin kuwarta para sa mga bagay na mga mayong halaga, ni an saimong kapagalan para sa mga bagay na dae naghuhustong gayo. Maghigos kang magdadangog sa sakuya, asin giromdoma an mga tataramon na sakong pinagsasabi; asin magdulok sa Solong Banal nin Israel, asin magpista sa mga bagay na dae napapara, ni malalapa, asin gibohon kan saimong kalag na magpapasasa sa katabaan.

52 Hilnga, sakong namumutan na mga tugang, giromdoma an mga tataramon kan

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

saimong Diyos; magpangadye ka saiya pirme sa pagka-aldaw, asin magtao nin pasasalamat sa saiyang banal na pangaran sa pagkabanggi. Gibohon na an saimong puso mag-ogmang gayo.

53 Asin hilnga kun ano kadakula an mga tipan nin Kagurangnan, asin kun ano kabanal an saiayang pagpapakumbaba sa mga kaakian nin mga tawo; asin nn huli sa saiyang kadakulaan, asin kan saiyang grasya asin pagkaherak, siya nagpangako satuya na ang satong banhi dae basang sanang mapapahamak, na uyon sa laman, pero saiyang pangangalagaan sinda; asin sa paabuton na mga henerasyon sinda magigin sarong matanos na sanga sa harong nin Israel.

54 Asin ngonian, mga tugang ko, ako magtataram sa saindo nin kadakul pa; pero sa pagkaaga na sana ako magpapadagos kan sakong pagtaram nin mga natada pang mga tataramon ko. Amen.

2 NEPHI TSAPTER 10

Ang mga Judio ang magpapako kan saindang Diyos ---- Sinda magkakaralat hanggan sinda magpoon nang magtubod saiya --- An Amerika iyo an magigin daga nin libertad kun saen mayong hade an maghahade --- Makipagbalikan sa Diyos asin magkamit nin kaligtasan sa paagi kan saiyang grasya.

Asin ngonian, ako, si Jacob, nagtataram sa saindo giraray, sakong namumutan na mga tugang, manungod kaining matanos na sanga na sako nang naisabi.

2 Ta hilnga, an mga pangako na satuya nang nakamtan iyo an mga promisa sa satuya na yon sa laman; kun kaya, bilang ini ipinahiling sa sakuya na kadakul kan satuyang mga kaakian mapapara sa paagi nin laman nin huli sa dae pagtubod, maski siring, an Diyos magigin pano nin pagkaherak sa kadaklan; asin an satong mga kaakian maipamumugtak giraray, na tangani na sinda madadara sa mga bagay na magtatao sainda kan tunay na kaaraman kan saindang Paratubos.

3 Kun kaya, arog kan sinabi ko na saindo, ini kinakaipuhan na marhay na may pakinabang na si Cristo --- ta kan nakaaging banggi an anghel nagtaram sa sakuya na iyo ini ang saiyang pangaran --- dapat na manggikan sa mga Judio, sa mga katawohan na iyo an pinakamakasalanon na parte kan mundo; asin sinda an magpapako sa krus saiya --- ta kaya ini pinagboot kan satuyang Diyos, asin mayo nang ibang nasyon sa kinaban na iyo an magpapako sa krus kan saindang Diyos.

4 Ta kun an makapangyarihan na mga milagro mangyayari sa mga nasyon sinda magsosolsol, asin makakaaram na Siya iyo an saindang Diyos.

5 Pero nin huli sa mga palsong pagkapadi asin sa mga kadaendatahan, sinda na yaon sa Jerusalem magtatagas kan saindang mga liog laban sa Saiya, na tanganing Siya mapapako sa krus.

6 Kun kaya, nin huli sa saindang mga kadaendatahan, mga destroso, mga taggutom, mga kapestehan, asin mga pagpapabulos nin dugo iyo an mag-aabot sa sainda; asin sinda na dae madedestroso magkakaralat sa gabos na mga nasyon.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Pero hilnga, kaya nagsabi an Kagurangnang Diyos: Kun an aldaw mag-abot na sinda magtutubod sa sakuya, na Ako an Cristo, pagkatapos na ako nakipagtipan sa saindang mga ama na sinda maipapamugtak giraray sa laman, sa ibabaw nin kinaban, duman sa mga kadagaan kan saindang kamanahan.

8 Asin ini nangyaring naglipas na sinda titiriponon gikan sa saindang haloy na pagkakawatak-watak, gikan sa mga isla nin dagat, asin gikan sa apat na mga parte kin kinaban; asin an mga nasyon kan mga Hentil magigin dakula sa mga mata ko, nagsabi an Diyos, sa pagdadara sa sinda duman sa mga kadagaan kan saindang kamanahan.

9 Iyo, an mga hade kan mga Hentil iyo an mga paramangnong ama sa sinda, asin an saindang mga reyna iyo an magin mga parabantay na ina; kun kaya, an mga pangako nin Kagurangnan iyo an dakula para sa mga Hentil, ta siya nagtaram kaini, asin siisay an puwedeng magkontra?

10 Pero hilnga, an dagang ini, sabi nin Diyos, iyo an magin sarong daga kan saimong kamanahan, asin an mga Hentil magigin paladan sa ibabaw kaining daga.

11 Asin an dagang ini iyo an magigin sarong daga nin libertad kan mga Hentil, asin mayo nin mga hade sa ibabaw nin daga, na iyo an magpapaitaas gikan sa mga Hentil.

12 Asin sakong pakukusugon an dagang ini laban sa gabos na mga nasyon.

13 Asin siya na makikiwal laban sa Sion mapapara, sabi nin Diyos.

14 Ta siya na mag-iitaas nin sarong hade laban sakuya mapapara, ta Ako, an Kagurangnan, an Hade nin Kalangitan, iyo an magin saindang hade, asin Ako an magigin sarong liwanag sa sinda sagkod pa man, na mga nagdarangog kan sakuyang mga tataramon.

15 Kun kaya, sa kausang ini, na an sakong mga tipan puwedeng mautob na sakuyang ginibo sa mga kaakian nin mga tawo, na ako maggigibo sa sinda habang sinda yaon pa sa laman, kaipuhan kong raoton an mga sikretong mga kagibohan nin kadikloman, asin ka mga paggaradan, asin kan mga karumputan.

16 Kun kaya, siya nakikiwal laban sa Sion, na parehong Judio asin Hentil, na parehong uripon asin libre, na parehong lalake asin babae, mapapara: ta sinda iyo an mga prostituta sa bilog na kinaban; ta sinda na bakong para sako iyo an mga laban sako, sinabi kan satuyang Diyos.

17 Ta Ako mag-uutob kan sakuyang mga promisa na sakong ginibo sa mga kaakian nin mga tawo, na Ako maggigibo sa sinda habang sinda yaon pa sa laman---

18 Kun kaya, sakong namumutan na mga tugang, kaya sinabi kan satong Diyos: Ako an magpapasakit kan saimong banhi sa paagi kan kamot nin mga Hentil; kun siring, Ako an magpapalumoy sa mga puso kan mga Hentil, na sinda magin arog sa sarong ama sinda; kun kaya, an mga Hentil magigin paladan asin nabibilang sa laog kan harong nin Israel.

19 Kun kaya, Ako an magkokonsagra sa dagang ini para sa saimong banhi, asin sa sinda na magigin kabilang sa saimong banhi, sagkod pa man, para sa saindang daga kan saindang kamanahan; ta ini sarong pinakapiling daga, an sabi nin Diyos ssa sakuya, na mangingibabaw sa gabos na ibang kadagaan, kun kaya ako maggigibo sa gabos na tawo na nag-eerok dyan na sinda magsamba sako, sabi nin Diyos.

20 Asin ngonian, sakong namumutan na mga tugang, sakong nahihiling na an satuyang Diyos pano nin pagkaherak na Diyos na iyo an nagtao satuya nin grabe kadakulang kaaraman manungod kan mga bagay na ini, dapat niyatong giromdomon siya, asin bayaan niyato sa gilid an satuyang mga kasalan, asin dae niyato iduko an satuyang mga

payo, ta kita bako man an itatakwil; kun siring, kita pinahale paluwas sa daga kan satuyang kamanahan; pero kita pinangenotan na dinara sa sarong mas marhay na daga, ta an Kagurangan ginibo na an dagat iyo an satuyang agihan, asin kita yaon sa sarong isla nin dagat.

21 Pero dakula an mga pangako nin Kagurangan sa saindo na nag-eerok sa mga isla nin dagat; kun kaya bilang ini sinabing mga isla, ini kinakaipuhan na igwa pang grabe kesa kaini, asin sinda man na-eerokan kan satuyang mga katugangan.

22 Ta hilnga, an Kagurangan Diyos igwa nin pinapaluwas paharayo sa panahon hanggan sa sarong panahon gikan sa harong nin Israel, uyon sa saiyang kagustuhan asin kaogmahan. Asin ngonian hilnga, an Kagurangan nakakagiromdom sa sainda gabos na nagkwaratak-watak, kun kaya siya nakagiromdom satuya giraray.

23 Kaya, paogmaha an saindong mga puso, asin giromdoma na ikaw libre na maggibo para sa saimong sadire--- na magpili sa dalan nin daeng katapusan na kagadanan o sa dalan nin eternal na buhay.

24 Kun kaya, sakong namumutan na mga tugang, makipag-ollian kamo sa kagustuhan nin Diyos, asin bako sa kagustuhan kan diyablo asin kan laman; asin giromdoma, pagkatapos mong makipag-ollian sa Diyos, na iyo sana ini asin sa paagi nin grasya nin Diyos na tanganing kamo maliligtas.

25 Kun kaya, an Diyos sana iyo an magbabangon saindo gikan sa kagadanan sa paagi nin kapangyarihan kan pagkabuhay-liwat, na tanganing kamo maaako duman sa eternal na kahadean nin Diyos, na tanganing kamo puwedeng mag-oomaw saiya sa paagi kan saiyang banal na grasya. Amen.

2 NEPHI TSAPTER 11

Nahiling ni Jacob an saiyang Paratubos --- An ley ni Moises iyo an nagsisimbulo ki Cristo asin nagpatunay na siya maabot.

Asin ngonian, si Jacob nin kadakul na mga bagay sa sakuyang mga katawohan sa panahon kaidto; maski siring iyo sana an mga bagay na ini ang pinaghingoha kong maisurat, ta an mga bagay na sakong naisurat na iyo an nakapakontento sako.

2 Asin ngonian ako, si Nephi, magsusurat nin kadakul pang mga tataramon ni Isaias, ta an sakong kalag nag-oogmang gayo sa saiyang mga tataramon. Ta ibabaing ko an saiyang mga tataramon sa sakuyang mga katawohan, asin ako an magpapadara sainda duman sa gabos kong mga kaakian, ta siya talagang tunay na nakahiling kan sakuyang Paratubos, maski na ngani ako nahiling na Siya.

3 Asin an sakong tugang, si Jacob, nahiling na man siya arog ka pagkahiling ko saiya; kun kaya, ako an magpapadara kan saindang mga tataramon pasring duman sa sakong mga kaakian tanganing patunayan sa sainda na an sakong mga tataramon totoo. Kun kaya, sa paagi nin mga tataramon kan tulo, an Diyos nagtaram, sakuyang itutugdas an sakong tataramon. Maski siring, an Diyos nagpadara nin kadagdagan na mga testigo, asin Siya mismo an nagpatunay kan saiyang mga tataramon.

An Simbahan ni Jesukristo nin Mga Banal sa Huring-aldaw 98
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

4 Hilnga, an sakong kalag nag-oogma sa pagpapatunay sa sakong mga katawohan an katotoohan kan pag-abot nin Cristo; ta siring na, ining katapusan na an ley ni Moises ipinagtao; asin an gabos na mga bagay na itinao kan Diyos magpoon sa kapinunan nin mundo, sa mga tawo, iyo an patunay na nagsisimbulo sa Saiya.

5 Asin man an sakong kalag nag-oogmang gayo sa mga tipan nin Kagurangnan na saiyang ginibo sa satuyang mga ama; iyo, an sakong kalag nag-oogmang gayo sa saiyang grasya, asin sa saiyang hustisya, asin kapangyarihan, asin an pagkaherak sa dakulaon asin eternal na plano nin pagliligtas gikan sa kagadanan.

6 Asin an sakong kalag nag-oogmang gayo sa pagpapatunay sa sakoang mga katawohan na puwera lang na an Cristo mag-abot an gabos na mga tawo kaipuhan na mapapara.

7 Ta kun mayo nin Cristo mayo man nin Diyos; asin kun mayo nin Diyos mayo man kita, ta mayo man kuta na nin paglalalang. Pero igwa nin sarong Diyos, asin siya iyo an Cristo, asin siya mag-aabot sa kapanoan kan saiyang sadireng panahon.

8 Asin ngonian ako magsusurat kan ibang mga tataramon ni Isaias, na kun siisay sa sakuyang mga katawohan an makakahiling kaining mga tataramon puwedeng ipaglalangkaw an saindang mga puso asin mag-oogmang gayo para sa gabos na mga tawo. Ngonian iyo ini an mga tataramon, asin puwede nindong ibaing sinda sa saindo asin sa gabos na mga tawo.

2 NEPHI TSAPTER 12

Si Isaias nahiling an huring aldaw na templo, an pagkatiripon nin Israel, asin an milenyal na paghuhukom asin katuninongan --- An mga mapaglangkaw asin mga mararaot dadarahon pababa sa Ikaduwang Pag-abot --- Ikumpara sa Isaias 2.

An tataramon ni Isaias, an aki ni Amos, an nakahiling manungod sa Judah asin Jerusalem:

2 Asin ini nangyaring naglipas sa huring mga aldaw, noarin na an kalangkawan kan pagharongon nin Kagurangnan maitutugdok na sa ibabaw kan mga kabukidan, asin makapamuraway na sa ibabaw kan mga bukid, asin an gabos na mga nasyon magdadaloy pasiring duman.

3 Asin kadakul na katawohan an magduduman asin magsasabi, Madya kamo, asin magpasiring kita duman sa itaas sa kabukidan nin Kagurangnan, sa harong kan Diyos ni Jacob; asin siya magtutukdo satuya kan saiyang mga dalan, asin kita maglalakaw sa saiyang mga agihan; ta gikan sa Sion magluluwas an ley, asin an tataramon nin Kagurangnan gikan sa Jerusalem.

4 Asin Siya maghuhusga sa mga nasyon, asin papatanidan an kadakul na mga tawo: asin saindang papandayon an saindang mga espada na magin pambungkal, asin an saindang mga pana na magin mga karit --- an sarong nasyon dae na mag-aalsa nin espada laban sa ibang nasyon, ni sinda makanuod pang makigiyera giraray.

5 O harong ni Jacob, madya kamo asin maglakaw kita sa liwanag nin Kagurangnan; iyo, madya, ta gabos kamo nawarang nagkaralawigaw, an lambang saro sa saiyang maraot na

An Simbahan ni Jesukristo nin Mga Banal sa Huring-aldaw

99

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga dalan.

6 Kaya, O Kagurangnan, saimo nang napabaya an saimong mga katawohan, an harong ni Jacob, nin huli ta sinda napanoan kan mga gikan sa sirangan, asin nagdangog sa mga manghuhula arog kan mga Filisteo, asin sinda nagpapa-ogma kan sadire ninda sa mga kaakian nin mga estranghero.

7 An saindang daga pano-pano man nin plata asin bulawan, ni magkakaigwa nin katapusan an saindang mga kayamanan; an saindang daga pano-pano man nin mga kabayo, ni magkakaigwa nin katapusan an saindang mga karo.

8 An saindang daga pano-pano man nin mga rebulto; sinda nagsasaramba sa gibo kan saindang mga sadireng kamot, idto na an saindang mga muro iyo an naggibo.

9 Asin an sarong hamak na tawo dae nagduduko paibaba, asin an sarong halangkaw na tawo dae nagpapakumbaba sa saiyang sadire, kaya, dae siya pinapatawad.

10 O kamo na mga mararaot, maglaog kamo sa gapo, asin magtago kamo sa alpog, ta an pagkatakot sa Kagurangnan asin an kamurawayan kan saiyang kamahalan iyo an maghahampak saindo.

11 Asin ini nangyaring naglipas na an mga haralangkaw na paghilingon kan tawo maibaba, asin an mapagmataas na mga tawo padudukoon, asin an Kagurangnan sana iyo an papamurawayon sa aldaw na iyan.

12 Ta an aldaw nin Kagurangnan nin mga Hukbo madalion nang mag-abot sa ibabaw kan gabos na mga nasyon, iyo, sa ibabaw kan lambang saro; iyo, sa ibabaw kan mga mapagmataas asin mapagpalangkaw, asin ibabaw kan lambang saro na pina-itaas, asin siya dadarahon paibaba.

13 Iyo, asin an aldaw nin Kagurangnan mag-aabot sa gabos na mga sedro nin Lebanon, ta sinda haralangkaw asin inalsa paitaas; asin sa ibabaw kan gabos na mga ensina kan Bashan;

14 Asin sa ibabaw kan gabos na mga haralangkaw na mga kabukidan, asin sa ibabaw kan gabos na mga bukid, asin sa ibabaw kan mga nasyon na inalsa paitaas, asin sa ibabaw kan lambang katawohan;

15 Asin sa ibabaw kan lambang haralangkaw na tore, asin sa ibabaw kan lambang kinudalan na pader;

16 Asin sa ibabaw kan gabos na mga barko nin dagat, asin sa ibabaw kan gabos na barko kan Tarsish, asin sa ibabaw kan gabos na marahay-rahay na mga ladawan.

17 Asin an kahalangkawan nin tayo iyo an padukoon pababa, asin an katanyagan nin mga tawo iyo an gigibohon na magbaba; asin an Kagurangnan sana iyo an magpapamuraway sa aldaw na iyan.

18 Asin an mga rebulto saiya na gayong wawaraon.

19 Asin sinda magpapasiring duman sa mga labot nin mga kagapoan, asin palaog sa mga kuweba nin kinaban, ta an pagkatakot sa Kagurangnan iyo an mag-aabot sa ibabaw ninda asin an kamurawayan kan saiyang kamahalan iyo an maghahampak sainda, sa saiyang pagbangon na tanganing teriblang tatanyugon an kinaban.

20 Sa aldaw na iyan an sarong tawo ipag-aapon niya an mga rebultong plata, asin an saiyang mga rebultong bulawan, na saiya mismong ginibo para sa saiyang pagsamba sa mga insekto asin sa mga kwaknit.

21 Na tanganing magpasiring duman sa mga gaak kan mga gapo, asin sa mga tuktok kan mga matarom na mga gapo, ta an pagkatakot sa Kagurangnan iyo an mag-aabot sa

ibabaw ninda asin an kamahalan kan saiyan kamurawayan iyo an maghahampak sainda, sa saiyan pagbangon na tanganing teribleng tatanyugon an kinaban.22 Magrayo kamo sa tawo, na an saiyan ginhawa yaon sa labot kan saiyan mga dungo; ta sa ano na siya dapat na pahahalagahan?

2 NEPHI TSAPTER 13

An Judah asin Jerusalem padudusahan nin huli kan saindang dae pagsunod --- An Kagurangnan nakikitusay asin maghuhusga kan saiyan mga katawohan --- An mga aking babae nin Sion pinagsumpa asin kinondena nin huli kan saindang kamunduhan. Ikumpara sa Isaias 3.

Ta hilnga, an Kagurangnan, ang Kagurangnan nin mga Hukbo, hahaleon nya gikan sa Jerusalem, asin Judah, an sinasarigan asin an sinasandigan, an bilog na sinasandigan na tinapay, asin an bilog na sinasarigan na tubig ---

2 An makusog na tawo, asin an tawo nin giyera, an hukom, asin an propeta, asin an matiyaga, asin an mga gurangan;

3 An kapitan nin singkuwenta, asin an honorableng tawo, asin an tagapamayo, asin an matibayon na salamangkero, asin an mahusay na orador.

4 Asin ako magtatao nin mga kaakian sainday para magin nindang mga prinsipe, asin mga umboy iyo an mamamayo na mangingibabaw ninda.

5 Asin an katawohan pagdadaog-daogon, an lambang sarong laban sa sarong, an lambang sarong kontra sa saiyan kataid-harong; an aki magigin baroga na magpapalangkaw kan saiyan sadire laban sa gurang, asin an hugakon laban sa ginagalangan.

6 Kapag an sarong tawo mangangaputan kan saiyan tugang na lalake sa harong kan saiyan ama, asin magsasabi: Ika igwa nin gubing na bado, iyo an magin pamayo nyamo, asin dae mo itugot na an kagabaan na ini mapapasa-irarom kan saimong kamot---

7 Sa aldaw na yan siya manunumpa, na magsasabi: Ako dae magigin sarong parabolong; ta sa sakuyang harong mayo nin tinapay o gubing; dae mo ako paggibohon na magin sarong pamayo nin mga katawohan.

8 Ta an Jerusalem nagkagaraba, asin an Judah nagkahurugnak, nin huli kan saindang mga dila asin kan saindang mga kaggibohan nagin laban sa Kagurangnan, nagtutulak na mag-anggot sa mga mata kan saiyan kamurawayan.

9 An ipinapahiling kan saindang itsura nagsasaksi laban sainda, asin nagdedeklara na an saindang mga kasalan kapantay kan Sodom, asin sinda dae makakapagtago kaiyan. Herak man kan saindang mga kalag, ta saindang pinagpepremyuhan nin maraot an sainda man sanang sadire!

10 Sabihan an matatanos na ini marhay sainda; ta saindang kakakanon an bunga kan saindang mga kaggibohan.

11 Herak man sa mga mararaot, ta sinda mapapara; ta an premyo kan saindang mga kamot iyo an mangingibabaw sainda.

12 Asin sa sakuyang mga katawohan, an mga kaakian iyo an saindang mga paradaog,

An Simbahan ni Jesukristo nin Mga Banal sa Huring-aldaw

101

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

asin mga babae an mamamayo sa ibabaw ninda. O sakong banwaan, sinda na iyo an namamayo saindo iyo an nagtutulak na kamo magkakarala asin magkararaot kan dalan na saindong mga aagihan.

13 An Kagurangnan magtitindog tanganing makikitusay, asin magtitindog tanganing maghusga sa mga katawohan.

14 An Kagurangnan malaog sa paghukom kaiba ang mga gurangan kan saiyang banwaan asin an mga prinsipeng kaini; ta kamo an nagkakarakan sa ubasan asin an mga tada para sa pobre yaon sa laog kan saindong mga harong.

15 Ano an boot sabihon nindo? Na kamo an magpapakol kan sakuyang mga katawohan na magin mga pirepedaso, asin maggigiling sa mga lalawgon kan mga dukha, sabi ni Kagurangnan Diyos nin mga Hukbo.

16 Laen pa digde, an Kagurangnan nagsabi: Nin huli ta an mga aking babae nin Sion mga arogante, asin naglalakaw na may tison mga liog asin pasurusiklap an mga mata, naglalakaw na pakendeng-kendeng habang sinda nagpapaduman, asin ginigibong patanugan an kaling-kaging na yaon sa saindang mga bitis ---

17 Kaya an Kagurangnan maghahampak nin mga kagan sa korona nin payo kan mga aking babae nin Sion, asin an Kagurangnan magdidiskubre kan saindang sikretong mga parte.

18 Sa aldaw na iyan an Kagurangnan iyo an maghahale sa kaisogan kan saindang kaling-kaging na mga samno, asin kan mga kopya asin mga bilogon na mga alahas an garo baga bulan;

19 Kan mga koro-kadena, asin kan mga pulseras, asin kan mga kapa;

20 Kan mga koro-kopya, asin mga samno sa bitis, asin kan mga laso sa buhok, asin kan mga kuwintas, asin mga hikaw;

21 Mga singsing, asin mga hikaw sa dungo;

22 Mga bulosan na magarbong mga gubing, asin mga pantahob, asin mga alikboy, asin mga makurokilyab na mga dekorasyon sa bado;

23 Mga salamin, asin mga pinong lino, asin mga turban, asin mga belo.

24 Asin ini mangyaring maglilipas, embes kan mahamison na hamot magkakaigwa nin bata; asin embes kan sarong paha, sarong lubid; asin embes kan husay na buhok, pagkapanot; asin embes kan sarong masamnong trahe, sarong trahe na sako; pagkakasulo embes na kagayunan.

25 An saimong mga tawohan mahuhulog sa paagi nin espada asin an saimong mga bayani sa giyera.

26 Asin an saiyang mga trangkahan mananambitan asin magmumundo; asin siya magpupungaw, asin magtutukaw sa ibabaw nin daga.

2 NEPHI TSAPTER 14

*Si Sion asin an saiyang mga aking babae tutubuson asin lilinigan sa aldaw nin milenyo
--- Ikumpara sa Isaias 4.*

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa
lenguwaheng Bikol)*

Asin sa aldaw na iyan, pitong babae an mamumugol sa sarong lalake, na magsasabi: Kami magkakakan kan sadire nyamong tinapay; asin magbabado kan sadire nyamong mga gubing; basta mangyari na apudon sana kami sa saimong pangaran na tanganing ipagrayo sa samuyang katuyawan.

2 Sa aldaw na iyan an sanga nin Kagurangnan magigin magayon asin mamurawayon; an bunga nin daga marahayon asin masiramon sa sainda na mga nakabuhi sa Israel.

3 Asin ini mangyayaring malipas, sinda na an nagkatarada sa Sion asin danay na yaon sa Jerusalem pag-aapudon na banal, an lambang saro na nasusurat sa mga nabubuhay sa Jerusalem---

4 Kun an Kagurangnan nakapaghugas na nin kaatian kan mga aking babae ni Sion, asin nakapaglinig na kan dugo nin Jerusalem gikan sa katahawan ninda sa paagi kan espiritu nin paghuhukom asin sa paagi kan espiritu nin pagkasunog.

5 Asin an Kagurangnan magtutugdas sa ibabaw kan lambang maeerokan sa bukid nin Sion, asin sa saiyang mga katiriponan, sarong panginoron asin aso sa pagka-aldaw asin nagliliwanag na sarong malaad na kalayo sa pagkabanggi; ta mangingibabaw an gabos na kamurawayan nin Sion na magigin sarong proteksiyon.

6 Asin magkakaigwa nin sarong tolda na maglilindong pag-aldaw laban sa init, asin para sa sarong lugar na paalawan, asin sarong pagtataguan laban sa bagyo asin laban sa uran.

2 NEPHI TSAPTER 15

An ubasan (Israel) nin Kagurangnan magigin mapungawon asin an saiyang katawohan magkakawaratakatak --- Mga makaheherak an maabot sainda sa saindang apostasya asin pagkaralawigaw na kamugtakan --- An Kagurangnan magpapaitaas nin sarong bandera asin titiriponon ang Israel --- Ikumpara sa Isaias 5.

Asin pagkatapos ako magkakanta sa sakuyang namumutang gayo nin sarong awit nin sakong pagkamuot, na manungod sa saiyang ubasan. An sakong namumutang gayo igwa nin sarong ubasan sa sarong mabinungang bulod.

2 Asin siya nagkukudal kaini, asin tinitipon paluwas an mga gapo kaini, asin tinanuman ini nin sarong pinakapiling ubas, asin pinatugdukan nin sarong torre sa katahawan kaini, asin man naggibo nin sarong ginikan sa laog kaini; asin siya maigot na nagbantay na tanganing ini magbubunga nin mga ubas, asin ini nagbunga nin layas na mga ubas.

3 Asin ngonian, O mga nag-eerok sa Jerusalem, asin mga tawo nin Judah, husgaran mo, Ako na nakikiolay sainda, Ako asin an sakuyang ubasan.

4 Ano pa daw an dapat na dagdag gibohon sa sakong ubasan na dae ko pa nahimo sa laog kaini? Kun kaya, kan ako magbantay na tanganing kuta na magbunga nin mga ubas ini

An Simbahan ni Jesukristo nin Mga Banal sa Huring-aldaw

103

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

lugod nagbunga nin layas na ubas.

5 Asin ngonian magduman ka; Ako an magsasabi saimo kun ano an sakuyang gigibohon sa sakong ubasan --- Ako an maghahale kan mga sagabal kaini, asin ta ini kakarakanon; asin Ako an magpapabagsak kan kudal kaini, asin ini patitimak-timakan;

6 Asin pababayaang kong ini magkakasarayang; ini dae pahahawanan ni ipapabungkal; pero magtatalubo digde an mga binit asin mga tunok; ako magsusugo sa mga panginoron na dae sinda magpabulos nin uran saiya.

7 Ta an ubasan nin Kagurangnan nin mga Hukbo iyo an harong nin Israel, asin an mga katawohan nin Judah iyo an marhay na pananom; asin siya naglalaom para sa paghuhukom, asin uya, pagdadaog-daogon; para sa pagkamatanos, pero uya, sarong inagrangay.

8 Herak man sainda na nagtatakin nin harong sa harong, hanggan maubusan nin lugar, na sinda puwedeng ipamumugtak na magsosolo-solo sa katahawan kan kinaban!

9 Sa sakuyang mga talinga, nagsabi an Kagurangnan nin mga Hukbo, sa katotoohan kadakul na mga pagharongon na magigin mapungaw, asin darakula asin magagayon na siyudad na mayong mag-eerok.

10 Iyo, an sampulong akreng ubasan magbubunga sana nin sarong bat, asin an banhi na sarong homer magbubunga sana nin sarong efa.

11 Herak man sainda na nagbubuhat nin amay sa pagka-aga, na tanganing sinda puwedeng makainom tulos nin maisog na inomon, na nagpapadagos sagkud sa pagkabanggi, asin an arak iyo an nakakapagpa-init sainda!

12 Asin an arpa, asin an kudyapi, an pandereta, asin plawta, asin an arak iyo an saindang pinagpepyestahan; pero sinda dae nagpapahalaga sa mga kaggibohan nin Kagurangnan, ni hinihiling man laman an mga gibo kan saiyang mga kamot.

13 Kaya, an sakuyang katawohan nagharale pasiring sa pagkasakop, nin huli ta sinda mayo nin kaaraman; asin an saindang mga honorableng mga tawo nagkagurutom, asin an kadakli sainda nagkadaragang sa kapahaan.

14 Kaya, an impiyerno nagpahiwas kan saiyang pagsadire, asin nagbukas kan saiyang nguso na mayong kasagkoran; asin an saindang kamurawayan, asin an saindang kadaklan, asin an saindang pagpapagarbo, asin siya na nag-oogma, mababa pasiring duman.

15 Asin an mga hamak na tawo dadarahon pababa, asin an makukusog na tawo magpapakumbaba, asin an mga mata kan mga mapagpalangkaw magpapakumbaba.

16 Pero an Kagurangnan nin mga Hukbo papamurawayon sa paghuhukom, asin an Diyos na Banal magigin sagrado sa pagkamatanos.

17 Pagkatapos an mga kordero magsasabsab siring na yaon sinda sa sadireng sabsaban, asin an sayang na mga lugar kan mga matataba iyo an pagkakakanan kan mga estranghero.

18 Herak man sainda na nagguguyod nin kadaendatahan na may mga gakot nin pagmamalaki, asin kasalan na arog kan sarong lubid sa kariton;

19 Na nagsasabi: Tugutan mo siya na magpaspas, hidalion an saiyang trabaho, na tanganing kita makakahiling kaiyan; asin tugutan na an hatol kan Solong Banal nin Israel darahon paharani asin mag-abot, na tanganing kita makaaram kaini.

20 Herak man sainda na inaapud an maraot na marahay, asin an marahay maraot, na nagbugtak nin kadikloman para sa liwanag, asin an liwanag para sa kadikloman, na

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagbugtak nin mapait para sa mahamis, asin an mahamis para sa mapait!

21 Herak man sainda na madudunong sa saindaing pansadereng mga mata asin sa matiyaga sa saidang sadireng paghiling!

22 Herak man sa makukusog mag-inom nin arak, asin mga tawong makukusog maghalo nin maiisog na inumon;

23 Na nagkakampi sa mararaot nin huli sa suhol, asin binale-wala an pagkamatanos nin mga matatanos gikan saiya.

24 kun kaya, habang an kalayo naglalaad kan pinag-anihan, asin an laad nag-uubos kan mga ipa, an saidang mga ugat iyo an kalapaan, asin an saidang mga pamumurak minpaitaas na garong alpog; nin huli ta saidang inapon paharayo an ley kan Kagurangnan nin mga hukbo, asin pinagtuya-tuya an tataramon kan Solong Banal nin Israel.

25 Kun kaya, an kaanggotan nin Kagurangnan nag-abot laban sa saiyang katawohan, asin saiyang pinaghunat an saiyang kamot laban sainda, asin hinampak sinda; asin an mga kabulodan naggad nangiribig-kibig, asin an saidang mga katulangan nagkasuruhay sa katahawan kan mga tinampo. Para sa gabos na ini an saiyang kaanggotan dae naggad naghupa, pero an saiyang kamot nakahunat pa man giraray.

26 Asin siya magpapa-itaas nin sarong bandera sa mga nasyon gikan sa harayo, asin mangangapudan sa sainda gikan sa katapusan nin daga; asin hilnga, sinda mag-aarabot na may makaskas kahidalean; mayong mapapagal ni masisingkog sa sainda.

27 Mayong matutungka ni matuturog; mayo nin pamugkos kan saidang mga habayan na mahahaluagan, ni an sintas kan saidang mga sapatos mapuputol;

28 Na an saidang mga pana magin mataromon, asin an gabos na saidang mga pamana asertado, asin an mga kuko kan saidang mga kabayo mabibilang arog kan gapong-kiskisan, asin an saidang mga gulong arog kan sarong ipu-ipo, an saidang mga atungal arog nin sarong leon.

29 Sinda mag-aatungal arog kan mga akionon pang leon; iyo, sinda mag-aatungal, asin sasakmalon an dakop, asin libheng dadarahon, asin mayong makaka-agaw.

30 Asin sa aldaw na iyan sinda mag-aatungal laban sainda na arog kan atungal nin dagat; asin kun sinda maghiling sa kadagaan, uya, kadikloman asin kamundoan, asin an liwanag madidikloman sa mga kalangaitan kaiyan.

2 NEPHI TSAPTER 16

Si Isaias nahiling an Kagurangnan --- An mga kasalan ni Isaias pinatawad --- Siya inapudan tanganing magpropesiya --- Siya nagpropesiya manungod sa de pag-ako kan mga Judio sa katukdoan ni Cristo --- Sarong katadaan magbabalik --- Ikumpara sa Isaias 6.

Sa taon na si Hadeng Uzziah nagadan, nahiling ko man an Kagurangnan na nagtutukaw sa sarong trono, halangakaw asin pina-itaas, asin an saiyang laylayan iyo an nakahapin sa templo.

An Simbahan ni Jesukristo nin Mga Banal sa Huring-aldaw 105
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Sa kaibabawan kaiyan nakatirindog an mga serapin; an lambang sarong may anom na mga pakpak; may duwa na saindang ipinagtatabon kan saindang lalawgon, asin may duwa saindang ipinagtatabon kan saindang bitis, asin may duwa pa sa saindang paglupad.

3 Asin an sarong nagkukurahaw sa sarong, asin nagsasabi: Banal, banal, banal, an Kagurangnan nin mga hukbo; an bilog na kinaban pano kan saiyang kamurawayan.

4 Asin an mga poste kan pinto naghiriro sa boses niya na nagkukurahaw, asin an kaharongon napano nin aso.

5 Pagkatapos nagsabi ako: Herak man sa sako! Ta ako daeng nahimo; nin huli ta ako sarong tawo na may maation na mga ngabil; asin ako nag-eerok sa katahawan kan sarong banwaan na maation an mga ngabil; ta an sakuyang mga mata nakapaghiling sa Hade, an Kagurangnan nin mga Hukbo.

6 Pagkatapos naglupad an sarong serapin pasiring sakuya, na may sarong nagbabagang uring sa saiyang kamot, na saiyang kinua sa paagi nin pang-ipit gikan sa altar.

7 Asin saiyang ining pinadukot sa ibabaw kan sakuyang nguso, asin nagsabi: Uya, ini nagdukot sa saimong mga ngabil; asin an saimong kadaendatahan pinagharale, asin an saimong kasalan nalinigan.

8 Nadangog ko man an boses nin Kagurangnan, na nagsasabi: Siisay an sakong ipapadara, asin siisay an maglalakaw para samuya? Pagkatapos ako nagsabi: Uya ako; ipadara ako.

9 Asin siya nagsabi: Lakaw asin sabihan ining mga katawohan --- Nadangog nindo nanggad, pero sinda dae nakakasabot; asin nahiling nindo nanggad, pero sinda dae naghuhuna-huna.

10 Giboha na an puso kaining katawohan magin matabaon asin giboha na an saindang mga talinga magin magabaton, asin pintoa an saindang mga mata --- ta baka sinda makahiling kan saindang mga mata, asin makadangog kan saindang mga talenga, asin makasabot kan saindang puso, asin magbalik an boot asin mabubulong.

11 Pagkatapos nagsabi ako: Kagurangnan, ano kahaloy? Asin siya nagsabi: Hanggan an mga siyudad masasayang na mayong para-erok, asin an mga harong mayong tawo, asin an daga magin grabeng kaalipungawan.

12 Asin an Kagurangnan iyo an nagpaharale kan mga tawo paharayo, ta magkaka-igwa nin sarong makuring pagsasakit sa katawohan nin daga.

13 Pero magkaka-igwa nin sarong kasampuloan, asin sinda magbabalik, asin kakakanon, arog sa sarong terebinto, asin arog sa sarong encina na an saiyang kahawakan iyo an walat kun sinda naghuhurulog kan saindang mga dahon; kun kaya an banal na banhi iyo an magin kahawakan kaini.

2 NEPHI TSAPTER 17

An Ephraim asin Syria makikigiyera laban sa Judah --- Si Cristo ipapangaki nin sarong birhen --- Ikumpara sa Isaias 7.

Asin ini nangyaring naglipas sa mga aldaw ni Ahaz na aki ni Jotham, na aki ni Uzziah,

An Simbahan ni Jesukristo nin Mga Banal sa Huring-aldaw

106

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

hade nin Judah, na si Rezin, hade nin Syria, asin si Pekah na aki ni Remaliah, hade nin Israel, nagduman pasiring sa Jerusalem na tanganing makigiya laban sainda, pero dae nanggana laban kaini.

2 Asin ini pinamareta sa pagharongon ni David, na nagsasabi: An Syria nakisabwatan sa Ephraim. Asin an saiyang puso naghiro, asin an puso kan saiyang katawohan, arog kan mga kahoy kan kadlagan na pinapahiro kan paros.

3 Pagkatapos nagsabi an Kagurangnan ki Isaias: Lakaw na ngonian na tanganing makiatubang ki Ahaz, ika asin si Shearjashub saimong aking lalake, sa puro kan pinag-aagasan nin tubig sa itaas kan languyan sa may agihan kan lugar na pinaglalabahan;

4 Asin magsabi ka saiya: Magdangog ka, asin magtuninong; dae ka matakot, ni panluyahan an saimong puso sa duwang ikog kaining nag-aasong mga karaba, nin huli sa makuring kaanggotan ni Rezin kan Syria, asin sa aking lalake ni Remaliah.

5 Nin huli ta an Syria, Ephraim, asin an aking lalake ni Remaliah, nagplano nin maraot na hatol laban saimo, nag nagsasabi:

6 Magduman kita laban sa Judah asin takoton ta ini, asin maghimo kita nin sarong laogan duman para satuya, asin magbugtak nin sarong hade sa katahawan ninda, iyo, an aking lalake ni Tabeal.

7 Kaya nagsabi an Kagurangnan Diyos: Ini dae makakatindog, ni ini mangyayaring maglipas.

8 Ta an payo nin Syria iyo an Damascus, asin an payo nin Damascus, Rezin; asin sa laog nin anom na pulo asin limang taon an Ephraim magkakawaratak-watak, asin ini dae magin sarong banwaan.

9 Asin an payo nin Ephraim iyo an Samaria, asin an payo nin Samaria iyo an aking lalake ni Remaliah. Kun ika dae maniniwala sigurado ikaw dae magin estabilisado.

10 Bilang kadagdagan, an Kagurangnan nagtaram giraray ki Ahaz, na nagsasabi:

11 Maghagad ka nin sarong senyal nin Kagurangnan saimong Diyos; hagadon mo ini maski hale sa mga kairaroman, o sa mga kahalangkawan sa ibabaw.

12 Pero si Ahaz nagsabi: Ako dae maghahagad, ni ako magtetentar sa Kagurangnan.

13 Asin siya nagsabi: Magdangog ka ngonian, O harong ni David; ini daw sarong sadit na bagay para saindo na pagalon an mga tawo, pero saindo man papagalon an sakuyang Diyos?

14 Kun kaya, an Kagurangnan mismo iyo an magtatao saimo nin sarong senyal --- Hilnga, sarong birhen ang maglililihi, asin magmumundag nin sarong aking lalake, asin aapudon an saiyang pangaran na Immanuel.

15 Mantikilya asin tangguli an saiyang kakakanon, na tanganing siya makanuod na magsayuma sa maraot asin magpili sa marahay.

16 Ta bago pa man an aki makakanuod na magsayuma sa maraot asin magpili nin marahay, an daga na saimong pinagkaka-ongisan mapapabayaon kan kapareho niyang mga hade.

17 Ang kagurangnan ang magdadara sa saimo, asin sa saimong katawohan, asin sa harong kan saimong ama, an mga aldaw na dae nag-abot gikan sa aldaw na an Ephraim nagsuhay gikan sa Judah, an hade nin Assyria.

18 Asin ini mangyayaring maglilipas sa aldaw na iyan na an Kagurangnan mag-aapud para sa langaw na yaon sa pinakapurong parte nin Ehipto, asin para sa libgos na yaon sa daga nin Assyria.

19 Asin maarabot sinda, asin sinda gabos magpapahingalo sa mapungaw na kabulodan, asin sa mga labot nin mga kagapoan, asin sa gabos na mga katunokan, asin sa gabos na mga kaawotan.

20 Sa kaparehong aldaw an Kagurangnan mag-aahit na igwa nin sarong labahang bayadan, sa paagi ninda na yaon sa balyong salog, sa paagi kan hade nin Assyria, an payo, asin an buhok kan bitis; asin ini man iyo an maghahale kan barabas.

21 Asin ini mangyayaring maglilipas sa aldaw na iyan, sarong tawo an magmamato sa sarong akionon na baka asin duwang karnero;

22 Asin ini mangyayaring maglilipas, ta sa kadakul na gatas sinda magtatao siya magkakakan nin mantikilya; ta an mantikilya asin an tangguli iyo an kakakanon kan lambang saro na iyo an nagkawaralat sa daga.

23 Asin ini mangyayaring maglilipas sa aldaw na iyan, an lambang lugar, kun saen yaon an sanribong ubas na yaon sa sanribong saradit na pilak, na para sa mga kadawagan asin mga katunokan.

24 Igwa nin mga pana asin igwa nin mga pamana an mga tawong maarabot digde, nin huli ta an gabos na kadagaan magigin mga kadawagan asin mga katunokan.

25 Asin an gabos na kabulodan na bubungkalon sa paagi nin asadol, dae mo madudumanan sa takot na ini mga kadawagan asin mga katunokan; pero ini para sa pasabsaban kan mga baka, asin sa pastulan kan mga maluluyang klase nin baka.

2 NEPHI TSAPTER 18

Si Cristo magigin sarong gapong singkogan asin sarong gapo na panbuwal – Hanapa an Kagurangnan, bako an mga parahula – Mag-aram kan ley asin kan mga testimonya para iyo an magin giya – Ikumpara sa Isaias 8.

Sa kadagdagan, an tataramon nin Kagurangnan nagsabi sa sakuya: Magkua ka nin sarong dakulang rolyo, asin magsurat sa ini kang sarong panurat nin tawo, mapanungod ki Maher-shalal-hash-baz.

2 Asin ako nagkua sa kaiba ko nin mga mapapaniwalaan na mga saksi na iyo an magrekord, si Uriah na padi, asin si Zachariah na akeng lalake ni Jeberechiah.

3 Asin ako nagduman sa propetisa; asin siya naglihi asin nagmundag nin sarong akeng lalake. Pagkatapos nagsabi an Kagurangnan sakuya: Apudon mo siya na Maher-shalal-hash-baz.

4 Ta uya, an ake dae makakanuod na magkurahaw, Ama ko, asin Ina ko, bago pa man na an mga kayamanan nin Damascus asin an sobra nin Samaria sasamsamon paharayo sa atubangan kan hade nin Assyria.

5 An Kagurangnan nagtaram man giraray sakuya, na nagsasabi:

6 Palibhasa ta ining mga tawo nagsikwal kan mga tubig nin Shiloah na dayaday na nag-aagos, asin nag-ogma sa Rezin asin sa mga akeng lalake ni Remaliah;

7 Kun kaya ngonian, hilnga, an Kagurangnan pinagdara paitaas sa ibabaw ninda an mga

An Simbahan ni Jesukristo nin Mga Banal sa Huring-aldaw

108

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

tubig nin salog, makusog asin kadakuyl, maski sa hade nin Assyria asin sa bilog niyang kamurawayan; asin siya mag-aabot paitaas na malantop sa gaos niyang mga kanal, asin magduduman sa ibabaw kan bilog niyang mga pangpang.

8 Asin siya mag-aagi sa dalan nin Judah; siya magbabaha asin maagi sa itaas, siya magtutugkad abot sa liog; asin an pagbibiklad paluwas kan saiyang mga pakpak na magpapano sa kahiwasan kan saimong kadagaan, O Immanuel.

9 Pagkasararoon nindo an saindong mga sadire, O kamong mga katawohan, asin kamo pagbabaranga-bangaon sa mga pedaso asin magdadangog kamo gabos na hararayong nasyon; patuson nindo an saindong mga sadire, asin kamo magkakabaranga sa mga pedaso; andama baya an saindong sadire, asin kamo pagbabaranga-bangaon sa mga pedaso.

10 Magkasararo kamong mag-oorolay, asin ini dae mangyayari; magsabi sa tataramon, asin ini dae makakatagal; ta an Diyos kairiba niyamo.

11 Ta an Kagurangnan nagsabi sa sakuya na igwa nin sarong makusogon na kamot, asin sinugo ako na dae maglakaw sa dalan kaining mga katawohan, na nagsasabi:

12 Dae ka magtaram, sarong Pag-iribahan, sa gabos na siisay na ining mga katawohan magsasabi na sarong Pag-iribahan; ni matakot kamo sa saindang pinagkakatakutan, ni pangirabuhan.

13 Pakapagpabanala an Kagurangnan nin mga Hukbo mismo, asin tuguti na siya an saimong pagkatakot, asin tuguti na siya iyo an saimong kasindakan.

14 Asin siya iyo an magigin sarong sanktuwaryo; alagad bilang sarong gapong singkogan, asin para magin sarong gapo nin padungkalan sa parehong mga harong nin Israel, sarong lit-ag asin silo sa mga katawohan nin Jerusalem.

15 Asin kadakul sa kairiba ninda masisingkog asin matutumba, asin nagkabaraak, asin mga nagkasirilo, asin nagigin mga nagkadarakop.

16 Pagkasararoon an patotoo, selyohi an ley sa mga kairiba kan sakuyang mga disipulos.

17 Asin ako maghahalat sa Kagurangnan, na ipinagtatago an saiyang lalawgon gikan sa harong ni Jacob, asin ako maghahanap saiya.

18 Hilnga, ako asin an mga kaarakian na an Kagurangnan iyo an nagtao sako iyo an mga senyales asin mga kangangalasan sa Israel na gikan sa Kagurangnan nin mga Hukbo, na nag-eerok sa Bukid Sion.

19 Asin kun sinda magsasabi sa saimo: Hanapa baya sinda na igwang pamilyar na espiritu, asin sa mga parahula nag naghuhuni asin naghihinghing --- di ba kanultulan sa tawo na maghapot sa saindang Diyos para an mga buhay makadangog gikan sa mga gadan?

20 Sa ley asin sa patoto; asin kun sinda magsasabi na bakong uyon kaining tataramon, ini nin huli ta mayong ilaw sa laog ninda.

21 Asin sinda mag-aagi paluwas kaini na pinanluluyahan asin nagugutom; asin ini mangyayaring malipas kung kaya sinda mga nagugutom, sinda man sana an magkaka-aranggotan sa sadire ninda, asin susumpaon an saindang hade asin an saindang Diyos, asin matingala paitaas.

22 Asin sinda magmamasid sa kinaban asin makakahiling nin kariribokan, asin kadikloman, an pagkadiklom nin kamondoan, asin itutulak sinda pasiring sa kadikloman.

2 NEPHI TSAPTER 19

Si Isaias nagtaram na arog kan sarong mesiyas --- An mga katawohan sa diklom makakahiling nin sarong dakulaong Liwanag --- Para sa satuya sarong ake an pinagmundag --- Siya magigin Prinsipe nin Katoninongan asin maghahade sa ibabaw kan trono ni David. Ikumpara sa Isaias 9.

Daeng pagkukulang, an pagkadiklom bakong magigin arog kan saiya man sanang kasakitan, kan sa enot saiyang magian na pinagpasakitan an daga nin Zebulon, asin an daga nin Naphtali, asin pagkatapos kaiyan hinimong mas makuri an pagpapasakit sa paagi nin dalan kan Pulang Dagat na lampas pa Jordan nin Galilea kan mga nasyon. 2 An katawohan na naglalakaw sa kadikloman nakahiling nin sarong dakulaong liwanag; Sinda na nag-eerok sa daga kan anino nin kagadanan, sa ibabaw ninda nangyari na an liwanag nagsubang.

3 Saimong pinadakul an nasyon, asin dinagdagan nin kaogmahan --- Sinda nag-orogma sa atubangan mo na uyon sa kaogmahan nin pag-ani, asin habang an mga tawo nag-oorogma kan saindang pinagbaranga-bangang mga sinamsam.

4 Ta saimong binaak an pamasan kan saiyang kagabatan, asin an pamakol kan saiyang abaga, an baston kan saiyang mananakop.

5 Ta sa lambang pakigiyera nin paralaban igwa nin nakakabulingog na kariribokan, an mga sul-ot na bado napapatos nin dugo; pero ini magigin kasulo asin panggatong sa kalayo.

6 Ta para sa satuya sarong ake an pinagmundag, para satuya sarong akeng lalake an itinao; asin an pan-gobyerno yaon nakaatang sa saiyang abaga; asin an saiyang pangaran aapudon na Makangangalas, Parahatol, An Makapangyarihang Diyos, An Ama na Mayong Kasagkoran, An Prinsipe nin Katoninongan.

7 An pag-asenso nin pan-gobyerno asin katoninongan na mayong katapusan, sa ibabaw kan trono ni David, asin sa kabilogan kan saiyang kahadean na tanganing mapakarhay ini, asin na tanganing tugdason ini na igwa nin paghuhukom asin igwa nin hustisya magpoon ngonian, sagkud sa daeng kasagkuran. Ang paghilingoha kan Kagurangan nin mga Hukbo iyo an maggigibo kaini.

8 An Kagurangan ipinadara an saiyang tataramon pasiring ki Jacob asin ini iyo an nagpaliwanag kan Israel.

9 Asin an gabos na katawohan makakaaram, maski an Ephraim asin an mga nag-eerok sa Samaria, na nagtaram sa kapaabaw-abawan asin kadakulaan nin puso.

10 An mga ladrilyo nagkahurulog sa ibaba, pero kita magtutugdok kan tinabasang mga gapo; an mga sikomoro pinurutol, pero kita magriribay sa sainda nin mga sedro.

11 Kun kaya an Kagurangan tuyong nagbugtak nin mga kalaban ni Rezin laba sa saiya, asin makibale sa saiyang mga kaiwal na pag-iiribahon.

12 An mga Seryano sa atubangan asin an mga Felisteo sa likod; asin sinda iyo an magpapasasa kan Israel sa paagi nin bukas na nguso. Para sa gabos na ini an saiyang kaanggutan dae naggad nawara, pero an saiyang kamot nakaunat man giraray.

13 Ta an katawohan dae naggad naghale sa saiya na mga nagpapasakit sa sainda, ni

An Simbahan ni Jesukristo nin Mga Banal sa Huring-aldaw

110

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sinda naghanap sa Kagurangnan nin mga Hukbo.

14 Kun kaya an Kagurangnan magpuputol gikan sa Israel nin payo asin ikog, sanga asin maghidali sa sarong aldaw.

15 An suanoy, siya na iyo an pamayo; asin an propeta na nagtutukdo nin mga kautikan, siya iyo an ikog.

16 Ta an mga pamayo kaining katawohan iyo an nagtulak sinda na mapasala; asin sinda na pinangenotan ninda iyo an mga nadeostro.

17 Kun kaya an Kagurangnan dae na-oogma sa saindang mga barobatang kalalakehan, ni magkaka-igwa nin pagkaherak sa saindang mga mayong ama asin mga balo; ta an lambang saro sa sinda epokrito asin mga naggigibo nin maraot, asin an lambang saro nagtataram nin kabulastugan. Ta gabos kaini dae nakakapahale kan saiyang kaanggutan, pero an saiyang kamot nakaunat man giraray.

18 Ta an kadaendataan magsusulo arog nin kalayo; iyo iyan an magpapasasa kan mga binit asin mga tunok, asin magsusuksok sa kadawagan nin mga kakahuyan, asin sinda bilog na mag-aaso paitaas arog kan pagpa-itaas nin aso.

19 Sa paagi kan kaanggutan nin Kagurangnan nin mga Hukbo na iyo an nagpapadiklom nin kadagaan, asin an katawohan naa-arog sa igatong na kinakalayuhan; mayong tawo na magpapatawad sa saiyang tugang na lalake.

20 Asin siya an mag-aagaw kan toong kamot asin magin gutom; asin siya magkakakan sa walang kamot asin sinda dae magigin kontento; sinda magkakakan lambang tawo sa laman kan saiyang sadireng kamot ---

21 Manasseh, Ephraim; asin Ephraim, Manasseh; sinda na nagkasararo laban ki Judah. Ta an gabos kaining kaanggutan dae naggad nagraray, pero an saiyang kamot nakaunat giraray.

2 NEPHI TSAPTER 20

An destroso kan Assyria iyo an sarong tipo nin pagkadeostro nin mararaot sa ikaduwang pagbabalik --- Kadikit sanang katawohan an matatada pagkatapos na an Kagurangnan magbalik giraray --- An katadaan nin Jacob iyo an magbabalik sa aldaw na iyan --- Ikumpara sa Isaias 10.

Herak man sinda na nadekrito nin mayong kanultolan na mga dekrito, asin nagsurat nin mga kasuwailan na saindang pinaghuhulit;

2 Iraray an nangangaipo gikan sa paghuhukom, asin iraray an tama gikan sa mga pobre nin sakuyang mga katawohan, na an mga balo iyo an saindang biktima, asin na sinda puwedeng manghabon sa mga mayong ama!

3 Asin ano an saimong gigibohon sa aldaw nin pagbisita, asin sa kaalipungawan na magdadangadang gikan sa harayo? Sa kiisay daw ika maghahagad nin tabang? Asin saen mo iwawalat an saimong kamurawayan?

4 Kun mayo ako sinda magduduko kairiba kan mga prisonero, asin sinda magkakaturumba na kairiba kan mga ginaradan. Para sa gabos na ini an saiyang

An Simbahan ni Jesukristo nin Mga Banal sa Huring-aldaw

111

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- kaanggutan dae naggad magrarayo, pero an saiyang kamot nakaunat man giraray.
- 5 O Aseryano, an pamakol kan sakuyang kaanggutan dae naggad magrarayo, pero an saiyang kamot nakaunat man giraray.
- 6 Ako an magpapadara saiya laban sa sarong nagsasagin-sagin na nasyon, asin laban sa katawohan nin sakuyang kapungutan itatao ko an pagpapamahala sa pagkua kan sinamsaman, asin an pagkua kan biktima, asin pagtuturongtungan sinda arog kan lapok kan mga agihan.
- 7 Pero bako iyan an boot niyang sabihon, ni bakong iyo an pinag-iisip kan saiyang puso; pero an yaon sa saiyang puso iyo an pagkakabaranga asin ang pagkakawararak kan bakong kadikit na mga nasyon.
- 8 Ta saiyang sinabi: Bako daw an sakuyang mga prinsipeng gabos magin mga hade?
- 9 Bako daw na an Calno arog kan Carchemish? Bako daw daw na an Hamath arog kan Arpad? Bako daw na an Samaria arog kan Damascus?
- 10 Arog kan sakuyang kamot na iyo an nagpundar kan mga kahadean nin mga idolo, asin kan saiyang inukit na mga imahen nagin grabeng gayo sainda na yaon sa Jerusalem asin sa Samaria;
- 11 Bako daw na arog kan ginibo ko duman sa Samaria asin sa saiyang mga idolo, gibohon ko man sa Jerusalem asin sa saiyang mga idolo?
- 12 Kun saen man ini mangyayaring minaagi na kun noarin an Kagurangnan maggigibo an mahihimo niyang bilog na trabaho sa ibabaw kan Bukid Sion asin sa Jerusalem, ako magpapadusa sa bunga kan matabang puso kan hade nin Assyria, asin an kamurawayan kan saiyang mga halangkaw na panhilingon.
- 13 Ta siya nagsabi: Sa kusog kan sakuyang kamot asin kan sakuyang kadunungan naggibo ko an mga bagay na ini; ta akjo matiyaga' asin hiniro ko an mga sagkuran nin mga katawohan, asin hinabon ko an saindang mga kayamanan, asin sakong tinurumba an mga nag-eerok arog kan sarong maisog na tawo;
- 14 Asin an sakong kamot nakanagbo bilang sarong erokan an mga kayamanan kan katawohan; asin arog kan sarong na nagtitipon nin mga itlog na nagkawaralat na sakuyang pinagtiripon sa kabilugan nin kinaban; asin mayong sarong na naghiro kan pakpak, o nagbukas kan nguso, o nagsirip.
- 15 An patok daw makakapaghambog sa sadire niya laban sa saiya na naggagamit kaini? An lagade daw makakapagpadakula kan sadire niya laban sa saiya na nagkakapot kaini? Arog kan pamakol na nagpapakusog kan sadire laban sainda na naggagamit kaini, o arog kan sugkod na nagbibitbit kan sadire na garo baga bako ining kahoy!
- 16 Kun kaya an Kagurangnan, an Kagurangnan nin mga Hukbo, magpapadara gikan sa saiyang pag-iriba na matataba, nin kaniwangan; asin sa lindong kan saiyang kamurawayan saiyang sisilyaban an sarong kasulo na arog kan laad nin sarong kalayo.
- 17 Asin an liwanag nin Israel iyo an magigin sarong kalayo, asin an saiyang Solong Banal iyo an laad, asin iyo an magsusulo asin iyo an magkakakan kan saiyang mga tunok asin kan saiyang mga binit sa laog kan saiyang aldaw;
- 18 Asin iyo an mag-uubos kan kamurawayan kan saiyang kakahuyan, asin kan saiyang mabinungang tanuman, pareho sa kalag asin hawak; asin sinda magigin arog kan sarong paradara nin bandera na pinanluluyahan.
- 19 Asin an katadaan kan mga kahoy kan saiyang kakahuyan magigin kadikit, na sarong ake an puwedeng magsurat sainda.

- 20 Asin ini mangyayaring maglipas na sa aldaw na iyan, an katadaan nin Israel, asin sinda na nakaligtas sa harong ni Jacob, dae na man giraray mag-eerok sa saiya na nagpadusa sinda, pero mag-eerok sa Kagurangnan, an Solong Banal nin Israel, sa katotoohan.
- 21 An katadaan magbabalik, iyo, sinda na katadaan ni Jacob, sa makapangyarihan na Diyos.
- 22 Ta maski na ngani na an saiyan katawohan na Israel magin arog kan baybay nin dagat, pero an sarong katadaan sinda magbabalik; an pinagtakda na pagka-ubos mangingibabaw sa pagkamatanos.
- 23 Ta an Kagurangnan Diyos nin mga Hukbo maggigibo talaga nin sarong kaubusan, na determinado sa bilog na kadagaan.
- 24 Kun kaya, igot na nagsabi an Kagurangnan Diyos nin mga Hukbo: O sakong katawohan na nag-eerok sa Sion, dae kamo matakot sa mga Aseryano; sinda magpapasakit saindo nin sarong pamakol, asin magbibingat kan saiyan sugkod laban saindo, arog sa manera kan Ehipto.
- 25 Pero sa sarong halipot na panahon sana, asin an pagdadaog-daog magpupundo sana, asin an sakuyang kaanggutan sa saindang pagkapahamak.
- 26 Asin an Kagurangnan kan mga Hukbo mag-aandam nin sarong pamakol para saiya na uyon sa pagkagaradan nin Midian sa lugar nin gapo nin Oreb; asin arog kan saiyan pamakol na yaon sa ibabaw kan dagat siya magpapa-itaas kaini sa manerang arog kan Ehipto.
- 27 Asin ini mangyayaring maglipas na sa aldaw na iyan an saiyan kagabatan hahaleon gikan sa ibabaw kan saiyan abaga, asin an saiyan sakal gikan sa saiyan liog, asin an sakal rurunoton nin huli kan paglalana.
- 28 Siya nag-abot sa Aiath, siya nag-agi sa may Migron; sa Michmach saiyan pinamugtak ang saiyan mga dara-dara.
- 29 Sinda nagbalyo na sa agihan; sinda nagkua kan saindang estaran sa Geba; si Ramath natakot; si Gibeah kan Saul nagdulag.
- 30 Ipaglangkaw mo an boses, O akeng babae ni Gallim; hinngohaon mong madadangog sa Laish, O pobreng si Anathoth.
- 31 Si Madmenah hinale; an mga nag-eerok sa Gebim nagkatiripon sinda sa pagdulag.
- 32 Pero habang siya nagpawalat sa Nob kan aldaw na iyan; siya makiki-abrasa kan saiyan kamot laban sa bukid kan mga akeng babae ni Sion, an buro-bukid kan Jerusalem.
- 33 Hilnga, an Kagurangnan, an Kagurangnan nin mga Hukbo magpuputol kan mga pangenot na sanga na may kangirhatan; asin an mga haralangkawon an tindog magkakaparalod paibaba; asin an mga nanlalabaw papakumbabaon.
- 34 Asin saiyan pupurutulon kan patok an mga marambong na mga kahoy sa mga kakahuyan, asin an Lebanon mapupukan sa paagi nin sarong makusogon na pagbagsak.

2 NEPHI TSAPTER 21

An sanga ni Jesse (Cristo) maghuhukom sas katanosan --- An pagkaaram sa Diyos maglalakop sa kinaban sa panahon nin milenyo --- An Kagurangnan magpapaitaas nin

An Simbahan ni Jesukristo nin Mga Banal sa Huring-aldaw

113

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sarong bandera asin ititipon an Israel --- Ikumpara sa Isaias 11.

Asin magkakaigwa nin sarong pamakol gikan sa pangenot na pungo ni Jesse, asin sarong sanga an magtatalubo gikan sa saiyang mga ugat.

2 Asin an Espiritu nin Kagurangnan maglilindong sa saiya, an espiritu nin kadunungan asin pagkasabot, an espiritu nin paghahatol asin kakusugan, an espiritu nin pagkaaram asin kan pagkatakot sa Kagurangnan;

3 Asin maghihimo saiya an madalion na pagkasabot sa pagkatakot sa Kagurangnan; asin siya dae maghuhukom susog kan nahihiling kan saiyang mga mata, ni magsasagwi susog kan nadadangog kan saiyang mga talenga.

4 Pero may pagkamatanos siyang maghuhukom sa mga pobre, asin magsasagwi na may kapusugan para sa mga masinunod-sunod kan kinaban; asin siya maghahampak kan kinaban sa pamakol kan saiyang nguso, asin sa hinangos kan saiyang mga ngabil mangagadan siya nin mga tampalasan.

5 Asin an katanosan iyo an magigin mga paha kan saiyang habayan, asin an pagkamatinubod-tubod iyo man an paha kan saiyang mga renda.

6 An lobo mag-eerok na kaiba an kordero, asin an leopardo maghihigda kaiba an sadit na kanding, asin an guya asin an sadit na leon asin an patabaon magka-iribahan; asin an sarong sadit na aki an mag-aantabay sainda.

7 Asin an baka asin an oso magsasabsab; an saindang mga ugbon magka-iribahan na magluluko; asin an leon magkakakan nin dagami siring kan baka.

8 Asin an nagsususong umboy magkakawat sa may labot kan rimoranon, asin an butas na ake magkuku-ot an saiyang kamot sa lungib kan kobra.

9 Sinda dae makukulugan ni mapapahamak sa kabilugan kan sakuyang banal na bukid, ta an kinaban magigin pano nin pagkaaram sa Kagurangnan, arog kan mga tubig na naglalakop sa kadagatan.

10 Asin sa aldaw na iyan magkakaigwa nin sarong gamot ni Jesse, na iyo an magtitindog bilang sarong tanda nin katawohan; sa Saiya an mga Hentil maghahanap; asin an Saiyang kapahingaloan magigin mamurawayon.

11 Asin ini mangyayari na maglipas sa aldaw na iyan na an Kagurangnan magdudotdot kan saiyang kamot giraray sa ikaduwang pagkakataon tanging babawion an tada kan saiyang katawohan na nagkawaralat, sa Assyria, asin sa Ehipto, asin sa Pathros, asin sa Cush, asin sa Elam, asin sa Shinar, asin sa Hamath, asin sa mga isla nin dagat.

12 Asin siya magtutugdok nin sarong bandera para sa gabos na mga nasyon, asin mag-aasembliya an mga nagkawararak nin Israel, asin magkakasararong titiriponon an mga nagkasuruway na taga-Judah gikan sa apat na gilid nin kinaban.

13 An pagka-uri nin Ephraim giraray mawawara, asin an mga kalaban nin Judah puputulon; si Ephraim dae mauuri ki Judah, asin si Judah dae mag-aara ki Ephraim.

14 Pero sinda maglulupad sa ibabaw kan mga abaga nin mga Felisteo pasiring sa sulnopan; sinda sarabay na mananalakat sa may sirangan na sararo; sinda magdudotdot kan saindang mga kamot sa lugar nin Edom asin Moab; asin an mga kaakian ni Ammon magkukuyog sainda.

15 Asin an Kagurangnan magtataram sa paghamak kan dila nin dagat kan Ehipto; asin sa

saiyang makusog na paros saiyang yuyugyugon kan saiyang kamot an kaibabawan nin salog, asin maghahampak kaini na magin pitong saradit na salog, asin gibohon na an mga tawo maglalakaw na may dagang na sandalyas.

16 Asin magkakaigwa nin sarong tinampo para sa katadaan kan saiyang mga katawohan na iyo an nagkakatarada, gikan sa Assyria, arog kan kaidto sa Israel kan aldaw na siya nag-abot paluwas sa daga nin Ehipto.

2 NEPHI TSAPTER 22

Sa aldaw nin milenyo an gabos na mga tawo mag-oogma sa Kagurangnan --- Siya mag-eerok sa kaibahan ninda --- Ikumpara sa Isaias 12.

Asin sa aldaw na iyan ika magsasabi: O Kagurangnan, ako mag-oomaw sa saimo; maski na ngani na ika anggot sa sakuya nin huli man sana sako na an saimong kaanggutan nagkulpa, asin ika an nagpararanga sa sakuya.

2 Hilnga, an Diyos iyo an sakong kaligtasan; ako magtitiwala, asin dae matatakot; ta an Kagurangnan JEHOVAH iyo an sakong kusog asin an sakong awit; siya man an sakong kaligtasan.

3 Kun kaya, may kaogmahan kamong magsasakdo nin tubig gikan sa mga burabod nin kaligtasan.

4 Asin sa aldaw na iyan ikaw magtataram: Omawon an Kagurangnan, mangapudan ka sa saiyang ngaran, ibalangibog mo an saiyang mga kagibohan sa gabos na mga katawohan, magsabi ka na an saiyang ngaran ipinapagpalangkaw.

5 Magkanta ka sa Kagurangnan; ta siya naggibo nin mga marhayon na mga bagay; ini mababantog sa bilog na kinaban.

6 Magkurahaw ka asin magbalangibog, ika na nag-eerok sa Sion; ta dakula an Solong Banal nin Israel na yaon sa katahawan mo.

2 NEPHI TSAPTER 23

An pagkarumpag nin Babilonya arog man sa tipo nin pagkarumpag sa Ikaduwang Pag-abot --- Iyan sarong aldaw nin makuring kasakitan asin pagbabalos --- An Babilonya (an kinaban) dagos na mahuhulog sagkod pa man --- Ikumpara sa Isaias 13.

An karga nin Babilonya, na si Isaias na akeng lalake ni Amos, iyo an nakahiling.

2 Magpatindog kamo nin sarong bandera sa ibabaw kan halangkaw na bukid, ipagpalangkaw mo an boses sa ibabaw ninda, magsenyas nin kamot, na sinda magduruman palaog sa mga trangkahan kan mga tawong noble.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

- 3 Ako nagsugo sa sakuyang mga pinabanal, ako man nangapudan sa sakuyang mga makukusog na surugoon, ta an sakong kaanggutan bako man sa sainda na nag-oogma sa sakuyang pagkahalangkaw.
- 4 An karibokan nin katiriponan sa mga kabukidan naa-arog baga sarong dakulon na mga katawohan, sarong nakakabulingog na karibokan kan mga kahadean nin mga nasyon na pinagkasararong tiniripon, an Kagurangnan nin mga Hukbo iyo an nagtipon nin mga hukbo sa pakikipaggiyera.
- 5 Sinda naggigikan sa sarong harayoon na nasyon, gikan sa katapusan nin kalangitan, iyo, an Kagurangnan, asin an mga armas kan saiyang kaanggutan, tanganing rumpagon an bilog na daga.
- 6 Mag-ungal kamo, ta an aldaw nin Kagurangnan harani na; iyan mag-aabot bilang sarong paghahampak gikan mismo sa pinakamakapangyarihan sa gabos.
- 7 Kun kaya an gabos na kamot manruruluya, an lambang puso nin tawo magkakaturunaw.
- 8 Asin sinda magkakatarakot; mga matinding kasakitan asin mga kamondoan iyo an magpupugol sa sainda; sa sainda magngangalas an lambang saro sa iba; an saindang mga lalawgon magigin mga malaadon.
- 9 Hilnga, an aldaw nin Kagurangnan nagdadangadang, malupiton na parehong igwa nin kapungutan asin makuring kaanggutan, tanganing pabaya-an daga na maalipungawon; asin siya an magpapahamak kan mga parakasala na yaon duman.
- 10 Ta an mga bitoon nin langit asin an mga konstelasyon kaini dae magtatao kan saindang liwanag; an aldaw magdidiklom sa saiyang pagsisirang, asin an bulan dae magtutugot na an saiyang liwanag magsisirang.
- 11 Asin ako magpapadusa sa kinaban nin huli sa karaotan, asin an mga tampalasan para sa saindang kadaendatahan; ako magpapangyari na an kaabahawa kan mga mapagpalangkaw mapupundo, asin ibaba ko an kapaabaw-abawan kan mga teriblang tawo.
- 12 Ako maggigibo kan sarong tawo na mas mahalaga kesa pinong bulawan; maski an sarong tawo kesa piling bulawang panbanga nin Ophir.
- 13 Kun kaya, ako ang magyuyugyog kan mga langit, asin an kinaban mahahale paluwas sa saiyang lugar, sa kapungotan kan Kagurangnan nin mga Hukbo, asin sa aldaw kan saiyang makuring kaanggutan.
- 14 Asin ini magigin arog sa sarong usa na pinaglalamag, asin arog kan sarong kordero na mayong tawo an nagkakagustong magkua, asin sinda sa lambang tawo magbubuwel-ta sa saiyang sadireng banwaan, asin magdudulag an lambang saro sa saiyang sadireng daga.
- 15 An lambang saro na mapang-abaw-abaw papanoan; iyo, an lambang saro na pinasalak sa mga tampalasan magagadan sa paagi nin espada.
- 16 An saindang mga kaarakian man peperidasuhon sa atubangan kan saindang mga mata; an saindang mga harong sasalakaton asin an saindang mga agom lulupigan.
- 17 Hilnga, ako an mampupukaw sa mga taga-Medes laban sainda, na dae nagpapahalaga sa plata asin bulawan, ni igwa sinda nin pagkasilaw sa mga ini.
- 18 An saindang mga pana man magtutusok sa mga barobata tanganing magin mga pedaso; asin sinda dae magkakaigwa nin pagkaherak sa bunga kan sinapupunan; an saindang mga mata magpapatawad sa kaarakian.
- 19 Asin an Babilonya, an kamurawayan kan mga kahadean, an kagayunan kan mga

kapang-abaw-abawan kan mga Caldeo, magigin siring kan pabagsakon nin Diyos an Sodom asin Gomorrah.

20 Ini dae na nanggad maestaran, ni maerokan pa ini sa maarabot na henerasyon kan mga henerasyon: ni an mga Arabiyano magtutugdok pa nin tolda dyan; ni an mga pastor magdadara pa kan saindang kawan dyan.

21 Pero an mga layas na mga hayop kan disyerto magluluko dyan; asin an saindang mga harong mapapano kan mga mamumundong mga hayop; asin an mga kuwago mag-eerok dyan, asin an mga tikbalang magbabarayle dyan.

22 Asin an mga layas na mga hayop nin mga isla mag-aatungal sa saindang maalipungawon na harong, asin an mga dragon sa saindang marahay-rahay na mga palasyo; ain an saiyang oras harani nang mag-abot, asin an saiyang aldaw dae na pahahaluyon. Ta ako an magdedestroso saiya nin madali; iyo, ta ako magigin maheherakon sa sakuyang mga katawohan, pero an mga tampalasan mapapahamak.

2 NEPHI TSAPTER 24

An Israel titiriponon asin magtatamasa nin kahingaloan sa milenyo --- si Lucifer pinalayas paluwas sa langit nin huli sa pagrerebelde --- Israel manggagana labaw sa Babilonya (an kinaban) --- Ikumpara sa Isaias 14.

Ta an Kagurangan magkakaigwa nin pagkaherak ki Jacob, asin pipilion giraray an Israel, asin ipapamugtak sa saindang sadireng daga; asin an mga estranghero makikihimanwa kairiba ninda, asin sinda iaayon sa harong ni Jacob.

2 Asin an katawohan iyo an magkukua sainda asin dadarahon sinda sa saindang lugar; iyo, gikan sa harayong mga puro nin kinaban; asin sinda magbabalik sa saindang mga daga nin promisa. Asin an harong nin Israel iyo an magsasadire sainda, asin an daga nin Kagurangan magin para sa mga serbidor asin mga serbidora; asin sinda mambibihag sa sainda na dati nindang parabihay; asin sinda magigin amo na mangingibabaw sa saindang mga parapasakit.

3 Asin ini mangyayaring maglipas sa aldaw na iyan na an Kagurangan magtatao saimo nin kahingaloan, hale sa saimong kamondoan, asin hale sa saimong pagkatakot, asin gikan sa magabat mong kauripnan kun saen ika ginibong makapagsirbe.

4 Asin ini mangyayaring maglipas sa aldaw na iyan, na saimong gagamiton an kasabihang ini laban sa hade nin Babilonya, asin magsasabi: Paano an parasakop napara, an magarbong siyudad nawara!

5 An Kagurangan iyo an nagbari kan sugkod nin mga mararaot, an mga setro kan mga tagapamahala.

6 Siya na iyo an naghampak kan mga tawo nin kasakitan na igwa nin sarong padagos na paghahampak, siya na iyo an nagpamahala kan mga nasyon sa kaanggutan, iyo an pinagpasakitan, asin mayo ini nin kaulangan.

7 An bilog na kinaban yaon sa kapahingaloan, asin ini matuninong; sinda biglang nagkakarantahan.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 8 Iyo, an mga kahoy nin sipres nag-ogma saimo, asin man an mga sedro nin Lebanon, na nagsasabi: Magpoon na ikaw nagpahingalo mayo nang paraputol na nagdulok laban sa samuya.
- 9 An impyerno sa kairaroman nahiriro para saimo tanganing sabaton ka sa saimong pag-abot; ini namurukaw kan mga gadan para saimo, maski na ngani sa gabos na mga tagapamayo nin kinaban; ini mismo an nakapagpatindog gikan sa saindang mga trono sa gabos na mga hade nin mga nasyon.
- 10 Gabos sinda magtataram asin magsasabi saimo: Bako daw na ikaw man nagin maluya arog samuya? Bako daw na ikaw nagin arog samuya?
- 11 An saimong kahambugan dinara pababa sa lubongan; an ribok kan saimong mga biola dae nadadangog; an ulod naglakop sa irarom mo, asin an mga ulod an magtatabon saimo.
- 12 Paano ka baya nahulog gikan sa langit, O Lucifer, ake nin kaomagahon! Bako daw na hinulog ka paibaba sa daga, iyo an nakapagpaluya sa mga nasyon!
- 13 Ta ika nakapagsabi sa saimong puso: Ako mapasiring paitaas sa langit, ako an magpapalangkaw kan sakuyang trono sa ibabaw kan mga bitoon nin Diyos; ako magtutukaw man sa kaitaasan nin kongregasyon, sa mga parte nin norte;
- 14 Ako magtataas sa kaibabawan nin mga kalangkawan nin panginuron; ako magigin arog kan Pinakahalangkaw.
- 15 Pero ikaw ipinahulog pababa sa impyerno, sa parte nin kairaroman nin bungaw.
- 16 Sinda naghihiling saimo pahapyaw na magmamasid saimo, asin tuturuhukan ka, asin magsasabi: Iyo ini an tawo na iyo an naggibo na an kinaban magtatanyog, na iyo an nagpatakot sa mga kahadean?
- 17 Asin iyo an naghimo na an mundo na magin sarong kaparangan, asin nagdestroso kan mga siyudad kaini, asin dae nagbukas kan harong nin saiyang mga prisonero?
- 18 An gabos na mga hade nin mga nasyon, iyo, gabos sinda, maogmang nagpapahingalo, an lambang saro sainda yaon sa saiyang sadireng harong.
- 19 Pero ika na inapon paluwas kan saimong lubungan na arog kan sarong marumpot na sanga, asin an tada ninda na nagkagaradan, na sinaraksak sa paagi nin sarong espada, na nagpasiring sa kaibabawan nin mga gapo nin bungaw; bilang sarong bangkay na tinimaktimakan kan irarom nin mga bitis.
- 20 Ika dae puwedeng ihalo sa saindang lulubngan, nin huli ta ika an nagdestroso kan saimong kadagaan asin nagpagadan kan saimong banwaan; an banhi kan mga paragibo nin maraot dae naggad bibistohon.
- 21 Handaon an paggagaradan kan saiyang mga kaarakian nin huli kan mga karaotan kan saindong mga ama, na sinda dae na makabuhat, ni magsasadire pa kan daga, ni magpapano pa kan lalawgon nin mundo kan mga siyudad.
- 22 Ta ako mabangon laban sainda, sabi nin Kagurangnan nin mga Hukbo, asin magpuputol gikan sa Babilonya kan pangaran, asin katadaan, asin akeng lalake, asin pamangkin na lalake, sabi nin Kagurangnan.
- 23 Ako maggigibo man na ini magin sarong pagsadire para sa mga layas na hayop, asin mga katiriponan nin tubig; asin ako magsisighid kaini nin sighid nin panrumpag, sabi nin Kagurangnan nin mga Hukbo.
- 24 An Kagurangnan nin mga Hukbo nagsumpa, na nagsasabi: Tunay na kun ano an sakuyang iniisip, iyo man ini an mangyayaring maglipas; asin kun ano an sakuyang katuyuhan, iyo man ini an magkatotoo ---

25 Na ako an magpadara kan mga Aseryano sa sakuyang kadagaan, asin sa kaitaasan kan sakuyang mga kabukidan, titimak-timakan ko siya sa irarom kan bitis; saka pa lamang mangyayari na an saiyang sakal mawawara sinda, asin an saiyang gabat mahale gikan sa saindang mga abaga.

26 Iyo ini an katuyuhan na iyo an pinagtuyo sa ibabaw kan bilog na kinaban; asin iyo ini an kamot na ibiningat sa ibabaw kan gabos na mga nasyon.

27 Ta an Kagurangnan nin mga Hukbo iyo an nagtuyo, asin siisay an puwedeng magbalga? Asin an saiyang kamot iyo an nagbingat, asin siisay an puwedeng kaining magbalik?

28 Sa taon na si Hadeng Ahaz nagadan iyo man an kapinunan nin propesiya.

29 Dae ka mag-ogma, bilog na Palestina, nin huli ta an saiyang sugkod na naghampak saimo nabari; nin huli ta gikan sa ugat nin halas magluluwa nin marigsok na kobra, asin an saiyang bunga magigin sarong naglalaad na halas na naglulupad.

30 Asin an panganay kan mga pobre magkakakan, asin an mga nangangaipo maghihigda sa kaligtasan, asin gagadanon ko an saimong ugat sa paagi nin taggutom asin siya an mangagadan kan saimong katadaan.

31 Maglamuyong ka, O trangkahan; Magkurahaw ka, O siyudad; ika, bilog na Palestina, na natatakot; ta igwang magikan sa norte nin sarong aso, ain mayong magsosolo-solo sa saiyang nakatalaan na mga panahon.

32 Ano ngonian an simbag kan mga mensahero nin mga nasyon? Na an Kagurangnan iyo an nagtugdok nin Sion, asin an kapobrehan kan saiyang katawohan iyo an magtitiwala kaini.

2 NEPHI TSAPTER 25

Si Nephi nag-ogma sa kalinawan --- An propesiya ni Isaias maiintindihan sa mga huring aldaw --- An mga Judio magbabalik gikan sa Babilonya, iyo an magpapako sa Mesiyas, asin sinda magkakawaratak-watak asin pasasakitan --- Sinda ibabalik giraray kun sinda magtubod sa mesiyas --- Siya enot na mag-abot anom na gatos na mga taon pagkatapos na si Lehi maghale sa Jerusalem --- An mga Nephita nagsusunod sa mga ley ni Moises asin nagtutubod ki Cristo, na iyo an Solong Banal nin Israel.

Ngonian ako, si Nephi, mismo nagtaram nin kadikit manungod sa mga tataramon na sakuyang naisurat, na itinaram sa paagi nin nguso ni Isaias. Ta hilnga, si Isaias nagtaram nin kadakul na mga bagay na masakiton na gayong maintindihan nin kadakul na mga kahimanwa ko; ta sinda dae nag-aaram manungod sa paagi nin pagpropesiya sa mga Judio.

2 Ta ako, si Nephi, dae pang gayo nakapagtukdo sinda nin kadakul na mga bagay manungod sa mga kaugalian nin mga Judio; ta an saindang mga gibo mga gibo nin kadikloman, asin ang saindang mga himo mga himo nin karigsokan.

3 Kun kaya, ako nagsurat sa sakuyang mga kahimanwa, sa gabos na magresibe sa pag-abot nin panahon kaining mga bagay na sakuyang pinagsurat, na tanganing sinda

An Simbahan ni Jesukristo nin Mga Banal sa Huring-aldaw

119

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

makakaaram kan mga paghusga nin Diyos, na tanganing sinda magdulok gikan sa gabos na mga nasyon, na uyon sa tataramon na saiyang tinaram.

4 Kun kaya, magdangog kamo, O mga kahimanwa ko, kamo na yaon sa laog kan harong nin Israel, asin itao nindo an saindong talenga sa sakuyang mga tataramon; nin huli ta an mga tataramon ni Isaias bakong malinaw sa saindo, na maski siring an mga ini malinaw sa gabos ninda na napano nin espiritu nin propesiya. Pero ako magtatao saindo nin sarong propesiya, na uyon sa espiritu na yaon sakuya; kun kaya ako mapropesiya na uyon sa kalinawan na yaon na sakuya magpoon kan oras na ako naghale paluwas sa Jerusalem na kaiba an sakuyang ama; ta hilnga baga an sakuyang kalag nagrurukyaw sa kalinawan para sa sakuyang mga kahimanwa, na tanganing sinda man makanuod.

5 Iyo, asin an sakuyang kalag nagrurukyaw sa mga tataramon ni Isaias, ta ako nagluwas gikan sa Jerusalem, asin an sakuyang mga mata nakahiling kan mga bagay nin mga Judio, asin aram ko na an mga Judio nakaka-intende sa mga bagay nin mga propeta, asin mayo nang ibang mga katawohan na nakaka-intende kan mga bagay na naitaram sa gabos na mga Judio na arog sa sainda, kundi kaining mga itinutukdo sainda na sa manera kan mga bagay nin mga Judio.

6 Pero hilnga kaya, ako, si Nephi, dae nagtukdo sa sakuyang kaakian na susog sa mga Judio; pero hilnga baya, ako, sa sakuyang sadire, nag-erok sa Jerusalem, kun saen aram ko an manungod sa mga rehiyon na nakapalibot; asin ako nag-estorya sa sakuyang mga kaakian manungod sa mga kahusgahan nin Diyos, na mangyayaring maglipas sa mga Judio, sa sakuyang mga kaakian, uyon sa gabos na Isaias mismo nagtaram, asin ako dae nagsurat kan mga ini.

7 Pero hilnga baya, ako nagpadagos kan sakuyang sadireng propesiya, na uyon sa sakuyang kalinawan; na sa mga ini arm ko mayong tao na magpapasala; maski siring, sa mga aldaw na an mga propesiya ni Isaias mauutob an mga tawo mismo makakaaram nin sarong kasegurohan, sa mga panahon noarin na an mga ini mangyayaring maglipas.

8 Kun kaya, an mga ini may kahalagahan sa mga kaakian nin mga tawso, asin siya na naghuhuna na sinda bakong mahalaga, sa sainda ako magpapanungod nin mga sasabihon, asin ibabagay an mga tataramon sa sakuyang sadireng mga kahimanwa; ta aram ko na an mga ini magkakaigwa nin dakulang kahalagahan sa sainda sa mga huring aldaw; ta sa aldaw na iyan sainda ining maiintindihan; kun kaya, para sa saindong karahayan ako nagsurat kan mga bagay na ini.

9 Asin habang an sarong henerasyon an napahamak sa mga Judio nin huli kan kadaendatahan, maski na ngani na sinda mapahamak gikan sa sarong henerasyon hanggan sa sarong henerasyon uyon sa saindang mga sadireng karigsokan; asin mayo ni saro man sainda an puwedeng mangyayaring mapahamak laen lang kun ini pinangenotan nang sabihon sainda kan mga propeta nin Kagurangnan.

10 Kun kaya, an mga bagay na ini sinabi na sainda an mapanungod sa paghampak na mangyayari sa sainda, mismo pagkatapos na an sakuyang ama maghale sa Jerusalem; na maski na ngani siring, pinatagas ninda an saindang mga puso; asin uyon sa sakuyang propesiya sinda napahamak, apwera lang sa sainda na dinarara paharayo bilang bihag pasiring sa Babilonya.

11 Asin ngonian ako nagtataram nin huli sa espiritu na yaon sako. Asin maski na ngani na sinda dinarara paharayo sinda mabalik man giraray, asin pagsadirehon an kadagaan nin Jerusalem; kun kaya, sinda ibabalik man sa dati giraray sa daga na saindang

kamanahan.

12 Pero, hilnga baya, sinda magkakaigwa nin mga giyera, asin alingawngaw nin mga giyera; asin noarin an aldaw na mag-abot an Bogtong na Pinili nin Ama, iyo, magin an Ama nin langit asin nin kinaban, na magpapahiling sinda sa laman, hilnga baya, sinda an magtatakwil saiya, nin huli kan saindang mga kadaendatahan, asin sa katagasan kan saindang mga puso, asin sa kalitidan kan saindang mga liog.

13 Hilnga baya, sinda siyang ipapako sa krus; asin pagkatapos na hinulid siya sa sarong lubungan sa laog nin tulong aldaw siya mabubuhay liwat gikan sa mga gadan, na igwa nin pagpapaomay sa saiyang mga pakpak; asin an gabos na magtutubod sa saiyang pangaran maliligtas sa kahadean nin Diyos. Kun kaya, an sakong kalag nagrurukyaw na magpropesiya manungod saiya, ta sakuyang nahiling an saiyang panahon, asin an sakuyang puso nanggad matanos na mag-oomaw sa saiyang banal na pangaran.

14 Asin hilnga ini mangyayaring maglipas na pagkatapos na an Mesiyas mabuhay liwat gikan sa pagkagadan, asin magpahiling kan saiyang sadire sa mga kahimanwa niya, sa labi kadakul na nagtutubod kan saiyang pangaran, hilnga, an Jerusalem hahampakon giraray na madestroso; ta herak man sinda na nakikiwal laban sa Diyos asin sa mga katawohan kan saiyang simbahan.

15 Kun kaya, an mga Judio magkakawararak-warak sa gabos na mga nasyon; iyo, asin man an Babilonya madestroso; kun kaya, an mga Judio magkakawararak sa paagi kan ibang mga nasyon.

16 Asin pagkatapos na sinda magkawararak na, asin an Kagurangnan Diyos pinakol sinda sa paagi kan ibang mga nasyon sa laog nin kadakul na mga henerasyon, iyo, magin sa masurunod-sunod na mga henerasyon hanggan sa sunod pang henerasyon hanggan sa sinda makagamiaws na magtubod ki Cristo, an Aki nin Diyos, asin an pagbayad-sala, na mayong katapusan nin kasagkoran para sa gabos na mga katawohan --- asin kung noarin na an aldaw na iyan mangyari na sinda magtutubod ki Cristo, asin magsamba sa Ama sa saiyang pangaran, na igwa nin bilog na mga puso asin malinig na mga kamot, asin dae na maghahanap nin iba pang Mesiyas, kaya, sa panahon na iyan, an aldaw maabot na ini kaipuhan na gayong mangyari sa kapakinabangan ninda na dapat magtubod sa mga bagay na ini.

17 Asin an Kagurangnan mag-uunat kan saiyang kamot giraray sa ikaduwang pagkakataon tanganing ibalik sa dati an saiyang banwaan gikan sa saindang pagkawara asin pagkahulog na kamugtakan. Kun kaya, siya magpapadagos na maggigibo kan sarong pambihirang trabaho asin sarong kangalasan sa mga kaakian nin mga tawo.

18 Kun kaya, saiyang ipapadara an saiyang mga tataramon sa sinda, mga tataramon na iyo mismo an maghuhusga sinda sa huring aldaw, ta ang mga ini itatao sinda para sa katuyuhan na makumbinsi sinda kan totoong Mesiyas, na iyo mismong hinaboan ninda; asin magpapakumbinsi sinda na dae nang gayong kaipuhan na maghahanap pa nin sarong Mesiyas na mag-abot, ta mayo nang maabot, laen lang kun ini sarong palsong mesiyas na magdadaya sa katawohan; ta igwa sanang sarong Mesiyas na pinagsasabi sa paagi kan mga propeta, asin an Mesiyas na iyan iyo an hinaboan kan mga Judio.

19 Ta uyon sa mga tataramon kan mga propeta, an Mesiyas maabot sa laog nin anom na gatos na taong magpoon sa panahon na an sakuyang ama maghale sa Jerusalem; asin uyon sa mga tataramon kan mga propeta, asin man sa tataramon kan anghel nin Diyos, an saiyang pangaran iyo mismo si JesuCristo, an Aki nin Diyos.

20 Asin ngonian, mga tugang ko, ako nagtataram nin malinaw na kamo dae mapasala. Asin habang an Kagurangnang Diyos nabubuhay na iyo an nagdara kan Israel paluwas sa daga nin Ehipto, asin nagtao ki Moises nin kapangyarihan na siya iyo an magtatao nin kaomayan kan mga nasyon pagkatapos na sinda makagat kan mga makamandag na hals, kun sinda maghihiling kan saindang mga mata sa halas na saiyang itinaas sa atubangan ninda, asin man tinawan siya nin kapangyarihan na saiyang dapat hampakon an gapo asin an tubig magbubulos; iyo, hilnga ako nagsasabi saindo, na habang ang mga bagay na ini totoo, asin habang an Kagurangnang Diyos nabubuhay, mayo nin ibang pangaran na itinao sa irarom nin langit laen lang na ini iyo si JesuCristo, na iyo an nasabi ko na, kun saen an tawo puwedeng mailigtas.

21 Kun kaya, nin huli sa kausang ini an kagurangnang Diyos nagpromisa sa sakuya na an mga bagay na ini na sakuyang sinusurat itatago asin iingatan, asin ipapasa-pasa sa sakuyang mga banhi, gikan sa sarong henerasyon hanggan sa sarong henerasyon, na an pangako puwedeng mautob ki Joseph, na an saiyang banhi dae naggad mapapara habang nakatindog an kinaban.

22 Kun kaya, an mga bagay na ini mapapaduman sa mga henerasyon hanggan sa saro pang henerasyon habang an kinaban nagtitindog pa; asin ini magpapadagos uyon sa kagustuhan asin kaogmahan nin Diyos; asin an mga nasyon na magsasadire kan mga ini huhusgaran sinda uyon sa mga tataramon na isinurat.

23 Ta kami nagmaigot na magsurat, tanganing hikayaton an satuyang kaakian, asin man an satuyang katugangan, na magtubod ki Cristo, asin makipag-olitan sa Diyos; ta satuyang naaraman na sa paagi nin grasya kita naligtas, pagkatapos kan gabos na puwede nyatong gibohon.

24 Asin, maski na ngani na kita nagtutubod ki Cristo, satuyang sinusunod an mga katugonan ni Moises, asin padagos kitang maghihiling na igwa nin kapusugan ki Cristo, hanggan an katugonan mautob.

25 Ta, nin huli kaini an katugonan itinao; kun kaya an katugunan nagin gadan sa satuya, asin kita ginibong mabuhay ki Cristo nin huli sa satuyang pagtubod; pero kita nagsusunod kan katugunan nin huli kan mga kasugoan.

26 Asin kita magtaram para ki Cristo, kita mag-ogma kaiba ni Cristo, kita mababalangibog para ki Cristo, kita magpopropesiya para ki Cristo, asin kita magsusurat uyon sa satuyang mga propesiya, na tanganing satuyang maakian puwedeng makakaaram kun san an gikanan kan saindang paghahanap para sa kapatawaran kan saindang mga kasalan.

27 Kun kaya, kita magtaram manungod sa katugonan na tanganing an satuyang kaakian puwedeng makaaram sa katapusan nin katugunan; asin sinda, sa paagi nin pagkaaram sa katapusan nin katugunan, puwedeng maghanap kan buhay na yaon ki Cristo, asin makaaram kun ano an dahilan ta an katugunan itinao. Asin pagkatapos na an katugunan nautob ki Cristo, sinda dae kaipuhan na magpatagas kan saindang mga puso laban sa saiya kun noarin na an katugunan dapat na mahale.

28 Asin ngonian hilnga, banwaan ko, kamo na mga matatagas an liog; kun kaya, ako nagtaram na malinaw sa saindo, na tanganing kamo dae mapasala sa pagka-intende. Asin an mga tataramon na sakuyang naisabi na magtitindog bilang sarong testimonya laban saindo; nin huli ta an mga ini tamang-tamang gayo na magtutukdo sa kiisay man na tawo kan tamang dalan; nin huli ta an tamang dalan iyo an magtubod ki Cristo asin dae siya

ipagbalewala; ta an pagbabale-wala saiya kamo man nagbabale-wala kan mga propeta asin kan mga katugunan.

29 Asin ngonian hilnga, ako masabi sa saindo na an tamang dalan iyo an magtubod ki Cristo, asin dae siya ipagbale-wala; asin si Cristo iyo an Solong Banal nin Israel; kun kaya kamo dapat na magluhod sa saiyang atubangan, sa isip, asin kusog, asin sa bilog nindong kalag; asin kun ini gigibohon nindo dae naggad mangyayari na kamo palalayason.

30 Asin, nin huli ta ini sa kapakinabangan, na kamo kaipuhang gayo na mag-utob sa pagsunod kan mga gibo asin mga ordinansa nin Diyos hanggan sa an katugunan mangyayaring mautob lalo na idtong mga itinao ki Moises.

2 NEPHI TSAPTER 26

Si Cristo magtutukdo sa mga Nephita --- Nahiling ni Nephi an pagkapahamak kan saiyang mga katawohan --- Sinda magtataram gikan sa mga alpog --- An mga hentil magtutugdok nin mga palsong simbahan asin mga sikretong kumbinasyon --- An Kagurangnan nangalad sa mga tawo na gumibo nin palsong pagkasacerdote. Mga 559-545 B.C.

Asin pagkatapos na si Cristo nabuhay liwat gikan sa pagkagadan magpapahiling siya sa saindo, mga kaarakian ko, asin mga namumutan kong mga tugang; asin an mga tataramon na saiyang isasabi sa saindo magigin katugunan na saindong gigibohon.
2 Ta hilnga, ako nagsasabi sa saindo na sakuyang nahiling na kadakul na mga henerasyon an mag-aagi, asin magkakaigwa nin darakulang paggigiya asin pagralaban-laban sa saindo na mga katawohan ko.

3 Asin pagkatapos na an Mesiyas mag-abot magkakaigwa nin mga senyales na itatao sa sakuyang mga katawohan manungod sa saiyang pagkamundag, asin man sa saiyang pagkagadan asin pagkabuhay liwat; asin magkangorongirhat asin teribleng gayo an aldaw na iyan para sa mga makasalanon, ta sinda mapapara; asin sinda mapapara nin huli ta sinda an nagpahale sa mga propeta, asin sa mga banal, asin saindang ginapo sinda, asin ginaradan sinda; kun kaya an kurahaw kan dugo nin mga banal nagsakat paitaas pasiring sa Diyos gikan sa daga laban sinda.

4 Kun kaya, gabos sinda na mga mapagpahalangkaw, asin naggigibo nin karigsokan, an aldaw maabot na magsusulo sinda, sabi nin Kagurangnan nin mga Hukbo, ta sinda magigin arog kan mga panggatong.

5 Asin sinda na nanggaradan sa mga propeta, asin sa mga banal, an mga kairaroman nin kinaban iyo an maghahalon sinda, sabi nin Kagurangnan nin mga Hukbo; asin an mga kabukidan magtatabon sinda, asin an mga ipu-ipo iyo an magbibitbit sinda paharayo, asin an mga paharongon magbabagsak sa sinda asin iyo an magdadat-og na magin mga pedaso asin maggigiling sinda na magin pinong pulbo.

6 Asin sinda bibisitahon nin mga nagdadaguldol, asin mga pakikilat, asin mga lino, asin gabos na klaseng mga pagdedestroso, ta an kalayo nin kaanggutan nin Kagurangnan

An Simbahan ni Jesukristo nin Mga Banal sa Huring-aldaw

123

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

maglalaad laban sainda, asin sinda magigin mga panggatong, asin an aldaw mag-aabot na mag-uubos sainda, sabi nin Kagurangnan nin mga Hukbo.

7 O an kulog, asin an kamondoan kan sakuyang kalag para sa mga napahamak na nagkagaradan na sakong mga kahimanwa! Ta ako, si Nephi, iyo an nakahiling kaini, asin ini haros iyo an nakapagtunaw sako sa atubangan nin Kagurangnan; pero ako dapat magpahayag sa sakuyang Diyos: An saimong mga paagi husto sana.

8 Pero hilnga, an matanos na nagdadangog sa mga tataramon nin mga propeta, asin sinda dae nadestroso, pero padagos na nagmamansay ki Cristo na may kakusugan para sa mga senyales na ipinagtao na, na maski na ngani kan gabos na persekusyon --- hilnga, iyo sinda an dae naggad mapapara.

9 Pero an Aki nin katanosan magpapahiling sa sainda; asin siya an magpapa-omay sainda, asin sinda magkakaigwa nin katoninongan sa kaibahan niya, sagkod sa tulong mga kapag-arakian an naglipas na, asin kadakul kan ikaapat na kapag-arakian an maglilipas sa katanusan.

10 Asin kun an mga bagay na ini maglipas na, sarong madaling pagkadestroso an maabot sa sakuyang mga katawohan; ta, maski na ngani sa mga nin sakong kalag, ako nakahiling kaini; kun kaya, ako nakaaram na ini mangyayaring malipas; asin sinda nagpabakal kan saindang mga sadire na mayong kinamugtakan; ta, an pabuya kan saindang kalangkawan asin kan saindang mga kalokohan sinda maggguguno nin destroso; nin juli ta sinda nagpadaog sa diyablo asin pinili an mga gibo nin kadikloman kaysa liwanag, kaya sinda dapat na magpasiring pababa sa impyerno.

11 Ta an espiritu nin Kagurangnan dae pirmeng naghahaloy sa tawo. Asin kun an Espiritu magpundo nang maghaloy sa tawo kun kaya maabot an hidalion na pagkadestroso, asin ini iyo an nagpapammundo kan sakuyang kalag.

12 Asin habang ako nagtataram manungod sa pagkukumbinsi kan mga Judio, na si Jesus iyo mismo an Cristo, ini kaipuhan na marhay na an mga Hentil dapat na makumbinsi man na si Jesus iyo an Cristo, an daeng kasagkoran na Diyos;

13 Asin na siya nagpapabisto kan saiyang sadire sa gabos na naniniwala saiya, sa paagi nin kapangyarihan kan Espiritu Santo; iyo, duman sa lambang nasyon, lahi, dila, asin katawohan, na naggigibo nin makukusog na mga milagro, senyales, asin mga kangalasan, sa mga kaarakian nin mga tawo na uyon sa saindang pagtubod.

14 Pero hilnga, ako mapropesiya sa saindo manungod sa mga huring aldaw; manungod sa mga aldaw kun noarin an Kagurangnan Diyos magdadara kan mga bagay na ini paluwas sa mga kaarakina nin mga tawo.

15 Pagkatapos na an sakuyang banhi asin an banhi kan sakuyang katugangan magluluya nin huli sa daeng pagtubod, asin hinampak kan mga Hentil; iyo, pagkatapos na an Kagurangnan Diyos nagkampo laban sainda sa palibot, asin maghahapa nin pag-atake laban sainda na igwa nin sarong pagrapado, asin magtugdok nin mga kuta laban sainda; asin pagkatapos na sinda marugmok pababa sa alpog, maski na ngani na sinda dae, pero an mga tataramon kan mga matatanos maisusurat, asin an mga pangadyeon kan mga paratubod madadangog, asin an gabos sainda na nagluya sa daeng pagtubod dae man malilingawan.

16 Nin huli ta an mga tawong hinarampak iyo an magtataram sainda gikan sa daga, asin an saindang mga pagtataram maluhay na paluwas gikan sa alpog, asin an saindang boses magin saro na igwa nin pamilyar na espiritu, nin huli ta an Kagurangnan Diyos

magtatao saiya nin kapangyarihan, na tanganing siya puwedeng makapaghinghing manungod sainda, magin ini minagikan paluwas sa daga, asin an saindang mga pagtataram maghiginghing paluwas sa alpog.

17 Nin huli ta nagsabi an Kagurangnang Diyos: Sinda magsusurat kan mga bagay na mangyayari sa sainda, asin an mga ini maisusurat asin maseselyuhan sa laog nin sarong libro, asin sinda na pinanluluyahan nin huli sa daeng pagtubod dae makakapot kaiyan, nin huli ta sinda nagmawot na rumpagon an mga bagay nin Diyos.

18 Kun kaya, habang sinda na nadeostroso madalion na nadeostroso; asin an kadakul sa saindang mga teriblang tawo magigin arog kan aligos na pinapadpad paharayo --- iyo, kaya sinabi nin Kagurangnang Diyos: Ini mangyayari nin biglaan, madalian ---

19 Asin ini mangyayaring maglipas, na sinda na naluya nin huli sa daeng pagtubod hahampakon sa paagi kan kamot nin mga Hentil.

20 Asin an mga Hentil ilalangkaw sa kapang-abaw-abawan nin saindaing mga mata, asin mapatumba, nin huli sa kadakulaan kan saindang singkogan, na sinda nakapagpatindog nin kadakul na mga simbahan; maski na ngani kaini, saindang ibinugtak pababa an kapangyarihan asin mga milagro nin Diyos, asin nagpabantog kan saindang mga sadire kan pansadire nindang kadunungan asin pansadire nindang kaaraman, na tanganing sinda makakakua nin ganada asin hamakon an lalawgon kan mga pobre.

21 Asin igwa nin kadakul na mga simbahan na pinagturugdok na iyo an pinagpupunan nin iringgitan, asin mga pag-iiriwal-iwal, asin malisyosong gawi.

22 Asin igwa man nin mga sikretong kombinasyon, magin arog kan mga lumang kapanahunan, na uyon sa mga kumbinasyon kan diyablo, nin huli ta siya iyo an pundador nin panggagadan, asin mga gibo nin kadikloman; iyo, asin siya an nagtutulak sainda sa paagi nin liog na igwa nin sarong pinong torsido, hanggan siya mabugkusan sinda kan siyang makusog na mga torsido sagkod pa man.

23 Ta baya hilnga, namumutan kong mga tugang, ako nagsasabi saindo na an Kagurangnang Diyos dae nagtatrabaho sa kadikloman.

24 Siya dae naggigibo nin anuman na bagay laen lang kun ini para sa karahayan nin mundo; ta siya nagmumuot sa mundo, na siyang ipinagdulot an siyang sadireng buhay na tanganing puwede niyang maparani an gabos na mga tawo sa saiya. Kun kaya, mayo siyang kasugoan na sinda dae puwedeng magkakaigwa nin parte kan siyang kaligtasan.

25 Hilnga, nagkukurahaw ba siya sa kiisay man, na nagsasabi: Magrayo kamo sako? Hilnga, ako nagsasabi saindo, Dae; pero siya nagsabi: Madya kamo paharani sako gabos kamong mga puro nin kinaban, magbakal nin gatas asin tangguli, na mayong kuwarta asin mayong presyo.

26 Hilnga, siya kaya nagsugo sa kiisay man na sinda dapat na magharale paluwas sa nga sinagoga, o paluwas sa mga harong nin pagsamba? Hilnga, ako nagsasabi saindo, Dae.

27 Siya kaya nagsugo sa kiisay man na sinda dae dapat makiparte sa siyang kaligtasan? Hilnga, ako nagsasabi saindo, Dae; pero siyang itinao ini nin libre para sa gabos na tawo; asin siyang pinagsugo an siyang mga katawohan na saindang hikayaton an gabos na mga tawo na magsolsol.

28 Hilnga, ginibo kaya nin Kagurangnan na magsugo sa kiisay man na sinda dae makiparte kan siyang karahayan? Hilnga ako nagsasabi saindo, Dae; pero an gabos na tawo may pribilihiyo sa saro sa lambang saro, asin mayo nin tawong pinagbawalan.

29 Siya nagsugo na dae dapat magkaigwa nin palsong mga pagkasacerdote; ta, hilnga, an

palsong pagkasacerdote iyo na an mga tawo magbabalangibog asin patindogon an saindang mga sadire bilang sarong liwanag kan mundo, na tanganing sinda makakakan nin ganada asin pag-oomaw kan kinaban; pero sinda dae naghihingoha sa kauswagan nin Sion.

30 Hilnga, an Kagurangnan iyo an nagbawal kan bagay na ini; kun kaya, an Kagurangnang Diyos nagtao nin sarong kasugoan na an gabos na tawo dapat igwa nin karahayan nin boot, na an karahayan nin boot iyo an pagkamoot. Asin laen lang na kun sinda may karahayan nin boot sinda mayo nin kamugtakan. Kun kaya, kun sinda magka-igwa nin marahay na boot sinda nanggad matugot na an trabahador sa Sion mapapahamak.

31 Pero an trabahador nin Sion dapat magtrabaho para sa Sion; ta kun sinda magtatrabaho nin huli sa kuwarta sinda nanggad mapapara.

32 Asin giraray, an Kagurangnang Diyos nagsugo na an mga tawo dae nanggad manggadan; na sinda dae nanggad magputik; na sinda dae nanggad manghabon; na sinda dae nanggad darahon an pangaran nin Kagurangnan saindang Diyos sa mayong kamugtakan; na sinda dae nanggad maara; na sinda dae nanggad magsuruhaysuhayan sa sa sarong laban sa sarong; na sinda dae nanggad gumibo nin mga karigsokan; asin na sinda dapat na dae nanggad maggibo kan mga bagay na ini; ta siisay man an gumibo kan mga ini mapapara.

33 Nin huli ta mayo kan mga kadaendatahan na ini naggikan sa Kagurangnan; nin huli ta siya naggigibo kan mga bagay na ikakarabay kan mga kaakian nin mga tawo; asin siya mayong ginibong mga bagay na dae nanggad puwedeng maintindihan kan mga kaakian nin tawo; asin siya nag-imbata sinda gabos na magrani saiya asin makiparte sa saiyang pagkamarahayon; asin siya mayong pinapalaen sa mga nagrarani saiya, itom asin puti; uripon asin libre, lalake asin babae; asin siya naggigiromdom sa mga tawong mangmang; asin an gabos pantay sa Diyos, pareho an Judio asin an Hentil.

2 NEPHI TSAPTER 27

Kadikloman asin apostasya iyo an magtatabon sa kinaban sa mga huring aldaw --- An Libro ni Mormon maipapahayag --- Tulong mga testigo magpapatotoo kan libro --- An may inadalan na tawo dae makakabasa kan selyadong libro --- An Kagurangnan maggigibo nin sarong pambihirang gibo asin ini makangangalas --- Ikumpara sa Isaias 29.

Pero, hilnga, sa mga huring aldaw, o sa mga aldaw kan mga Hentil --- iyo, hilnga gabos na mga nasyon kan mga Hentil asin man kan mga Judio, kairiba gabos na mag-aarabot sa dagang ini asin an gabos na yaraon sa ibang mga daga, iyo, magin sinda na yaraon sa gabos na mga daga kan kinaban, hilnga, sinda mabuburat nin kadaendatahan asin gabos na mga manera nin mga karigsokan ---

2 Asin kun an aldaw na iyan maabot sinda bibisitahon nin Kagurangnan nin mga Hukbo, na may darang daguldol asin may paglinog, asin may sarong makusugon na kariribokan,

An Simbahan ni Jesukristo nin Mga Banal sa Huring-aldaw

126

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

asin may pagbagyo, asin may makusog na huyop nin paros, asin may naglalaad na nakakasulong kalayo.

3 Asin an gabos na nasyon na nakikilaban sa Sion, asin sinda na nagpapahandal saiya, magigin arog sa sarong pangiturugan nin sarong bangging panhilingon; iyo, ini mangyayari sainda, magin arog sa sarong halop na tawo na nangingiturugan, asin hilnga siya nagkakakan pero siya nagimata asin an saiayang kalag mayong laman; o arog sa sarong napapaha na tawo na nangingiturugan, asin hilnga siya nag-iinom pero siya nagimata asin hilnga siya pinapanluyahan, asin an saiayang kalag may ganang kumakan; iyo, magin man sa kadaklan kan gabos na mga nasyon ini mangyayari sa sainda na nagkakalaban sa Bukid Sion.

4 Ta hilnga, gabos kamo na naggigibo nin kadaendatahan, mauuntok an saindong mga sadire asin magngangalas, nin huli ta kamo magkukurahaw, asin mahiribi, iyo, kamo mabuburat pero bako sa arak, maghahasay-hasay pero bako nin huli sa maisog na inomon.

5 Ta hilnga, an Kagurangnan nagpabulos paluwas sa saindo kan espiritu nin nanok na pagturog. Ta hilnga, saimong ipinirong an saimong mga mata, asin saimong isinikwal an mga propeta; asin an saindong mga tagapamayo, asin an mga tagapanhiling na saimong itinabon nin huli kan saimong kadaendatahan.

6 Asin ini mangyayaring maglipas na an Kagurangnan Diyos magpapaluwas sa saindo kan mga tataramon nin sarong libro, asin sinda an magigin mga tataramon ninda na nagtuturug.

7 Asin hilnga an libro dapat na selyado; asin yaon sa libro magigin iyo an kapahayagan gikan sa Diyos, gikan sa kapinunan nin kinaban hanggan sa katapusan kaini.

8 Kun kaya, nin huli kan mga bagay na pinaselyuhan, an mga bagay na pinagselyuhan dae ipapahayag sa aldaw nin pagkamaraot asin mga karigsokan nin mga tawo. Nin huli kaini an libro itatago hale sa sainda.

9 Pero an libro itatao sa sarong tawo, asin siya an magpapahayag kan mga tataramon kan libro, na iyo an mga tataramon ninda na nangiturog na sa alpog, asin siya magpapahayag kaining mga tataramon sa iba.

10 Pero an mga tataramon na selyado dae niya ipapahayag, nin saiayang itatao an libro. Nin huli ta an libro seselyuhan nin kapangyarihan nin Diyos, asin an kapahayagan na sinelyuhan itatago sa libro hanggan mag-abot an tamang panahon nin Kagurangnan, na an mga ini ipapahayag; nin huli ta hilnga, sinda magpapahayag kan gabos na mga bagay gikan pa sa pundasyon nin kinaban hanggan sa katapusan kaiyan.

11 Asin an aldaw mag-aabot na an mga tataramon kan libro na mga selyado babasahon sa ibabaw nin mga harong; asin sinda babasahon sa kapangyarihan ni Cristo; asin an gabos na mga bagay maipapahayag sa mga kaakian nin mga tawo magin maski arin man na mga kaarakian nin tawo, asin maski magin anuman hanggan sa pinakapuro nin kinaban.

12 Kun kaya, sa aldaw na iyan kun noarin an libro itatao sa tawo na sakuyang sinasabi, an librong iyan yaon sana sa taguan na dae mahihiling kan mga mata nin kinaban, mayong mga mata an makakahiling kaiyan pwera lang sa tulng mga testigo na iyo an makakahiling kaiyan, sa kapangyarihan nin Diyos, laen man saiya na iyo an pinagtaw-an kan libro; asin sinda magpapatotoo sa katotohanan kan libro asin kan mga bagay kaini.

13 Asin mayo nin iba man an puwedeng makakahiling kaiyan, laen lang kan nagkapira sa paagi nin kagustuhan nin Diyos, na tanganing iyo an magpatotoo kan saiayang tataramon

*An Libro Ni Mormon (An Saro Pang Tipan ni Jesukristo)
The First Draft*

sa mga kaakian nin mga tawo; nin huli ta an Kagurangnang Diyos iyo an nagtaram na an mga tataramon kan mga paratubod iyo an mga tataramon na garo hale mismo sa mga gadan.

14 Kun kaya, an Kagurangnang Diyos magpapadagos na paluwason an mga tataramon kan libro; asin sa mga nguso nin kadakul na mga testigo na hinuhuna niyang marhay siya magtutugdas kan saiyang tataramon; asin herak man saiya na nagsikwal sa tataramon nin Diyos!

15 Pero hilnga, ini mangyayaring maglipas na an Kagurangnang Diyos masabi saiya na iyo an pinagtaw-an kan libro: Daraha an mga tataramon na ini na bakong selyado asin ipahayag mo sinda sa iba, na saiyang ipahiling sinda sa may inadalan, na nagsasabi: Basaha ini, ako nakikiolay saimo. Asin an may inadalan magsasabi: Darahon mo digde an libro, asin ako ang mababasa sinda.

16 Asin ngonian, nin huli sa kamurawayan nin kinaban asin na tanganing makakua nin ganada sinda masabi kaini, asin bako para sa kamurawayan nin Diyos.

17 Asin an tawo magsasabi: Dae ko madadara an libro, nin huli t ini selyado.

18 Pagkatapos an may inadalan masabi: Ako dae makakabasa kaiyan.

19 Kun kaya ini mangyayaring maglipas, na an Kagurangnang Diyos itatao giraray an libro asin an mga tataramon kaini sa saiya na mayong inadalan; asin an tawo na mayong inadalan magsasabi: Ako dae nakapag-adal.

20 Pagkatapos an Kagurangnang Diyos magsasabi sa saiya: An may inadalan dae makakabasa sinda, nin huli ta sinda an nagsikwal sa mga ini, asin ako maninigo na gibohon an sadire kong trabaho; kun kaya, ika an magbabasa sa mga tataramon na sakuyang itatao sa saimo.

21 Dae mo paghiroon an mga bagay na selyado, nin huli t ako an magdadara kaiyan paluwas sa sakuyang pinagtakdang panahon; nin huli ta ipapahiling ko sa mga kaakian nin tawo na ako maninigo na gibohon an sadire kong trabaho.

22 Kun kaya, sa panahon na saimong binasa an mga tataramon na sakuyang isinusugo saimo, asin magkaigwa nin mga testigo na sakuyang ipinangako saimo, pagkatapos saimong seselyuhan an libro giraray, asin itatago ini para sakuya, na tanganing ako an magsasaray kan mga tataramon na dae mo pa nabasa, hanggan sakuyang mahihiling na maninigo sa sadire ko mismong kadunungan na ipahayag an gabos na mga bagay sa mga kaarakian nin mga tawo.

23 Ta hilnga, Ako an Diyos; asin Ako an Diyos nin mga milagro; asin Ako magpapahiling sa kinaban na Ako iyo man giraray kasuodma, ngonian, asin sagkod pa man; asin ako nagtatrabaho na bakong kairiba an mga kaakian nin mga tawo pwera lang kun inin mangyari na uyon sa saindang mga pagtubod.

24 Asin giraray ini mangyayaring maglipas na an Kagurnangnan magsasabi sa saiya na magbabasa kan mga tataramon na mangy ayayring itatao saiya:

25 Nin huli ta kadaklan kan mga tawong ini nagrarani sa sakuya sa paagi kan saindang mga nguso, asin sa paagi kan saindang mga ngabil inoomaw ako, pero hinali nindang paharayo an saindang mga puso sa sakuya, asin an saindang takot sa sakuya ipinagtutukdo sa paagi kan mga kaisipan nin mga tawo---

26 Kaya, Ako mapadagos na maggibo nin sarong pambihirang kaggibohan sa mga tawong ini, iyo, sarong pambihirang trabaho asin sarong makangangalas, nin huli ta sa kadunungan kan sindang madudunong, asin mga may inadalan mapapara, asin an pagka-

intende kan saindang mga matatalino mangyaring itatago.

27 Asin herak man sainda na naghanap nin kairaroman tanganing tagoon an saindang kaisipan sa Kagurangnan! Asin an saindang mga gibo yaon sa diklom; asin sinda masabi: Siisay an nakakahiling satuya asin siisay an nakakamidbid satuya? Asin sinda man masabi: Seguradong mangyayari na an pagbalintok mo kan mga bagay na binaliktad huhuna-hunaon bilang sarong pambihirang kaggibohan kan paragibo nin koron. Pero hilnga, ako an magpapahiling sa sainda, sinabi nin Kagurangnan nin mga Hukbo, na Ako nag-aaram kan gabos nindang mga gibo. Nin huli ta an gibo an magsasabi saiya na naggibo kaini, mayo siyang pagka-intende?

28 Pero hilnga, sabi nin Kagurangnan nin mga Hukbo: Ipapahiling ko sa mga kaarakian nin mga tawo na sa sarong dikit na panahon asin an Lebanon magigin sarong mabinungang tanoman; asin an mabinungang tanoman magigin sarong mahibugon na kakahuyan.

29 Asin sa aldaw na iyan an mga bungog makakadangog kan mga tataramon kan libro, asin an mga mata nin buta makakahiling gikan sa kawaraan asin gikan sa kadikloman,

30 Asin an mga mahuyo man magdadakul, asin an saindang kaogmahan magigin sa Kagurangnan, asin an kapobrehan sa mga tawo mag-oogma sa Solong Banal nin Israel.

31 Nin huli ta siniseguro na habang an Kagurangna nabubuhay saindang mahihiling na an mga teriblong tawo dadarahon sa pagkadaehon, asin an paratuya makukunsumo, asin an gabos na nagmamasid para sa kadaendatahan puputulon;

32 Asin sinda na nagtutulak sa sarong tawo na magin paralapas kan sarong tataramon, asin magbugtak nin sarong lit-ag para saiya na nagtutuyaw sa may trangkahan, asin ipinapalaen an husto para sa sarong bagay na mayong kamugtakan.

33 Kaya, ini sinabi nin Kagurangnan, na iyo an nagtubos ki Abraham, manungod sa pagharongon nin Jacob; si Jacob dae ngonian masusupog, ni an saiyang lalawgon ngonian magin maputla.

34 Pero kun mahihiling niya an saiyang mga kaarakian, an gibo kan sakuyang mga kamot, sa katahawan niya, saindang pababanalon an sakuyang pangaran, asin pababanalon an Solong Banal ni Jacob, asin katatakutan an Diyos nin Israel.³⁵ Sinda man na napapasala sa espiritu makakaguno nin pagka-intende, asin sinda na naggugurumod-gumod makakanuod nin doktrina.

2 NEPHI TSAPTER 28

Kadakul na mga palsong simbahan an matutugdas sa mga huring aldaw --- Sinda magtutukdo nin falso asin makasadire asin mga kalokohang doktrina --- An apostasya malakop nin huli sa mga palsong paratukdo --- An diyablo mag-aagaw kan mga puso nin katawohan --- Siya magtutukdo kan gabos na manera nin mga palsong doktrina.

Asin ngonian, hilnga, mga tugang ko, ako nakapagtaram na sa saindo, uyon sa pagpasabong kan Espiritu sa sakuya; kun kaya, aram ko na an mga ini segurado na mangyayaring maglipas.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Asin an mga bagay na maisusurat sa libro magigin sarong dakulang kapakinabangan sa mga kaarakian nin mga tawo, asin lalo na sa satuyang mga banhi, na iyo an katadaan sa pagharongon nin Israel.

3 Nin huli ta ini mangyayaring maglipas sa aldaw na iyan na an mga simbahan na itinurugdok, asin bako para sa Kagurangnan, kun noarin an sarong magsasabi sa sarong: Hilnga, ako yaon sa Kagurangnan; asin an iba magsasabi: Ako, ako yaon sa Kagurangnan; asin iyo ini an sasabihon kan gabos na nagturugdok kan mga simbahan, asin ta bako man para sa Kagurangnan---

4 Asin sinda magralaban-laban an sarong laban sa sarong; asin an saindang kapadean magralaban-laban an sarong laban sa sarong, asin sinda magtutukdo kan sadire nindang pagkanuod, asin isinikwal an Banal na Espiritu, na iyo an nagtatao nin mga kasabihan.

5 Asin sinda isinikwal an kapangyarihan nin Diyos, an Solong Banal nin Israel; asin sinda masabi sa katawohan: Magdangog kamo samuya, asin dangoga nindo an samuyang kaisipan; nin huli ta hilnga mayong Diyos ngonian, nin huli ta an Kagurangnan asin an Paratubos tinapos na an satuyang mga gibo, asin saiya nang itinao an kapangyarihan sa mga tawo;

6 Hilnga, magdangog kamo sa sakuyang kaisipan; kun sinda magsasabi na may sarong milagro na ipinapahiling sa paagi nin kamot nin Kagurangnan, dae kamo magtubod; nin huli ta sa aldaw na ini siya bako nang Diyos nin mga milagro; saiya nang tinapos an satuyang mga gibo.

7 Iyo, asin igwa nin kadakul na magsasabi: Magkakan, mag-inom, asin magin maogma, nin huli ta sa aga magagadan kita; asin ini magigin marhay satuya.

8 Asin igwa nin kadakul man na magsasabi: Magkakan, mag-inom, asin magin maogma; maski na ngani kaini, matakot sa Diyos --- satuyang patatawadon an naginibo nyatong dikit na kasalan; iyo, magputik ka nin dikit, samantalahan mo an sarong nin huli kan satuyang mga tataramon, magkalot ka nin hararom para sa saimong kapwa; bako man ining maraot; asin gibohon mo an gabos na ining mga bagay, nin huli ta sa aga kita magagadan; asin kun kaini kita magkasala, an Diyos magpapakol satuya nin kadikit na mga lata', asin sa pagkatapos kita maliligtas duman sa kahadean nin Diyos.

9 Iyo, asin igwa nin kadakul pa na magtutukdo sa arog kainang manera, palso asin makasadire asin mga kalokohang doktrina, asin magigin mapagpalangkaw an saindang mga puso, asin maghahanap nin kairaroman na tanganing itago an mga pagirumdom sinda gikan sa Kagurangnan; asin an saindang mga gibo magigin yaon sa diklom.

10 Asin an dugo nin mga banal magkukurahaw hale sa daga laban sinda.

11 Iyo, sinda nagralakaw paluwat sa dalan; sinda nagin mga makasalanon.

12 Nin huli sa kapaabaw-abawan, asin nin huli sa mga palsong paratukdo, asin palsong doktrina, an saindang mga simbahan nagin mga makasalanon, asin an saindang mga simbahan nagin mapagpalangkaw; nin huli sa kapaabaw-abawan sinda nagin mapagpalangkaw.

13 Saindang hinarabonan an kapobrehan nin huli kan saindang marahay na mga sanktuwaryo; saindang hinarabonan an kapobrehan nin huli kan saindang marahay na mga pagbabado; asin saindang pinasakitan an mga mahuhuyo asin maluluya an puso, nin huli kan saindang kapaabaw-abawan sinda nagin mga mapagpalangkaw.

14 Sinda igwa nin tinga sa liog asin halangkaw an saindang mga payo; iyo, asin nin huli sa kapaabaw-abawan, asin karaotan, asin mga karumputan, asin mga pagsasambay, sinda

An Simbahan ni Jesukristo nin Mga Banal sa Huring-aldaw

130

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

gabos nagkawaratak-watak laen lang kaini an kadikit, na mga mapagkumbaba na mga tagasunod ni Cristo; daeng pagkukulang, sinda pinagpapangenotan, na sa kadakul na pagkakataon sinda nakakagibo nin sala nin huli ta sinda pinagtutukdoan sa paagi kan mga kaisipan nin mga tawo.

15 O an madudunong, asin an mga may inadalan, asin an mayayaman, na pinapagpapalangkaw kan kapaabaw-abawan nin saindang mga puso, asin an gabos sainda na nagtutukdo nin mga palsong doktrina, asin an gabos sainda na naggigibo nin mga pananambay, asin pinagriribayan an tamang dalan nin Kagurangnan, makaheherak, makaheherak, makaheherak man sainda, an sabi nin Kagurangnang Diyos na Makapangyarihan, nin huli ta sinda isasapog pababa sa impyerno!

16 Makaheherak man sa sainda na pinagbalewala an kahustuhan para sa sarong bagay na daeng kamugtakan asin nagsudya laban sa bagay na marhay, asin nagsabi na ini mayong kahalagahan! Ta an aldaw mag-aabot na an Kagurangnang Diyos maghidingaling mabisita sa mga namamanwaan kan kinaban; asin sa aldaw na iyan na sinda hinog nang gayo sa kadaendatahan sinda nanggad mapapara.

17 Pero hilnga, kun an mga namamanwaan nin kinaban magsosolsol kan saindang mga karigsokan asin karumputan sinda dae nanggad madedestroso, an sabi nin Kagurangnan nin mga Hukbo.

18 Pero hilnga, an dakula asin an marumpot na simbahan, an parasambay kan bilog na kinaban, kaipuhan na magtumba sa daga, asin makusog na gayo an pagkahugmak kaini.

19 Nin huli ta an kahadean nin diyable kaipuhan na mayugyog, asin sinda na mga miyembro kaini kaipuhang gayo na mahikayat na magsosolsol, o an diyable an mangangaputan sainda sa paagi kan saiyang daeng kasagkoran na mga kadena, asin sinda mahikayat na magka-aranggot, asin mapara;

20 Nin huli ta hilnga, sa aldaw na iyan siya magwawalang gayo sa mga puso kan kaarakian nin mga tawo asin hikayaton sinda na magka-aranggot laban sa mga bagay na marahay.

21 Asin an iba man saiyang sasawayon, asin luhay-luhay sindang aakayon pasiring sa makamundong katiwasayan, na sinda magsasabi: Gabos marahayon sa Sion; iyo, an Sion nag-aasenso, gabos marahay --- asin sa arog kaining paagi an diyable nagdadaya kan saindang mga kalag, asin maingat sindang pinag-aakay paharayo na pababa sa impyerno.

22 Asin hilnga, an iba saiyang pinag-oomaw na gayo, asin sinasabi niya sainda na mayong impyerno; asin siya nagsasabi sa sainda: Ako bakong diyablo, nin huli ta mayo man kaiyan --- asin iyo ini an saiyang pinaghihinghing sa saindang mga talenga, hanggan sinda mapagpapangaputan niya sa paagi kan saiyaang makatakot na mga kadena, kun saen mayo nang makakabuhi.

23 Iyo, sinda makakaputan nin kagadanan, asin impyerno; asin an kagadanan, asin an impyerno, asin an diyablo, asin an gabos na nagkadarakop na iyan kaipuhang gayo na magtindog sa atubangan kan trono nin Diyos, asin huhusgaran uyon sa saindang mga nakaginibohan, na kun saen sinda mapasiring sa lugar na pinaghanda para sainda, magin sa sarong dagat-dagatan nin kalayo asin asupre, na iyo an daeng-katapusan na pasakit.

24 kaya, makaherak man saiya na pabaya sa Sion!

25 Makaherak man saiya na nagkukurahaw: Gabos marahayon!

26 Iyo, makaherak man saiya na nagdadangog kan mga kaisipan nin mga tawo, asin pinagsisikwal an kapangyarihan nin Diyos, asin an regalo kan Espiritu Santo!

27 Iyo, makaherak man saiya na nagsasabi: Kita nagresibe, asin kita mayo na nin mga pangangaipo!

28 Asin sa marhay, makaherak man sainda gabos na nangungubog-kubog, asin nagka-aranggot nin huli sa katotohanan nin Diyos! Nin huli ta hilnga, siya na pinagtugdok sa ibabaw nin gapo nagresibe kaini na may pagka-ogma; asin siya na pinagtugdok sa ibabaw nin sarong mabuhangin na pundasyon nangubog-kubog nin huli ta siya mahuhugmak.

29 Makaherak man saiya na nagsasabi: Naresibe na nyamo an tataramon nin Diyos, asin kami dae nang gayo nangangaipo kan tataramon nin Diyos, nin huli ta kami igwa na!

30 Nin huli ta hilnga, ini sinabi nin Kagurangnan Diyos: Ako magtatao sa mga kaarakian nin mga tawo, linya sa linya, kaisipan sa kaisipan, digde sarong kadikit asin duman sarong kadikit; asin paladan sinda na nagdangog sa sakuyang mga kaisipan, asin nagpasubli nin sarong talenga sa sakuyang pagpapagiromdom, nin huli ta sinda makakanuod nin kadunungan; nin huli ta sa saiya na nakaresibe Ako magtatao nin kadakul pa; asin gika sa sainda na magtataram, Kami igwa na, gikan sa sainda kukuahon paharayo magin idtong mga yaon na sainda.

31 Sumpaon siya na nagpapamugtak kan saiyang pagsarig sa tawo, o naggigibo kan laman na saiyang armas, o magdadangog sa mga kaisipan nin mga tawo, laen lang kun sinda mga kaisipan na ipinagtao sa paagi nin kapangyarihan kan Espiritu Santo.

32 Makaherak man sa mga Hentil, an sabi nin Kagurangnan Diyos nin mga Hukbo! Nin huli ta maski na ngani ako magdudupa kan sakuyang mga kamot sa sainda sa aro-aldaw, sinda magsisikwal sako; dae man magkukulang, Ako magigin maheherakon sa sainda, an sabi nin Kagurangnan Diyos, kun sinda magsosolsol asin magdulok sa sakuya; nin huli ta an sakong kamot haloy na magdudupa sa bilog na aldaw, an sabi nin Kagurangnan Diyos nin mga Hukbo.

2 NEPHI TSAPTER 29

*Kadakul na mga Hentil an magsisikwal kan Libro ni Mormon --- Saindang sasabihon:
Kami dae na nangangaipong gayo nin Bibliya --- An Kagurangnan nagtaram sa kadakul na mga nasyon --- Siya maghuhusga sa kinaban gikan sa mga librong nagkasururat na.*

Pero hilnga, igwa nin kadakul --- sa aldaw na iyan kun noaring ako magpapadagos na maggigibo nin sarong pambihirang gibo sa saindo, na ako puwedeng makagiromdom kan sakuyang mga tipan na sakuyang ginibo sa mga kaarakian nin mga tawo, na ako mapupuwedeng magduot kan sakong kamot giraray sa ikaduwang pagkakataon na tanganing mabawi ko an sakuyang mga katawohan, na yaon sa laog kan harong nin Israel;

2 Asin man, na ako mapupuwedeng makagiromdom sa mga promise na sakong ginibo sa saimo, Nephi, asin sa saimong ama, na ako makakagiromdom kan saimong banhi; asin na an mga tataramon kan saimong banhi kaipuhan maipadagos na magikan paluwas sa sakuyang nguso pasiring sa saimong banhi; asin an sakuyang mga tataramon maglalakop hanggan sa mga katapusan kan kinaban, na tanganing ini magin sarong panalmingan kan

An Simbahan ni Jesukristo nin Mga Banal sa Huring-aldaw

132

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sakuyang mga katawohan, na yaon sa laog kan harong nin Israel;

3 Asin nin huli ta an sakuyang mga tataramon maglalakop --- kadakul sa mga Hentil an magsasabi: An sarong Bibliya! An sarong Bibliya! Igwa na kita nin sarong Bibliya, asin mayo na nin iba pang Bibliya.

4 Pero mismo sinabi nin Kagurangnang Diyos: O mga hangal, sinda magkakaigwa nin sarong Bibliya; asin ini magdadagos gikan sa mga Judio, an sakuyang lumang pinagtipanan na mga katawohan. Asin ano ang ipagpapasalamat nindo sa mga Judio nin huli sa Bibliya na saindang naresibe gikan man sainda? Iyo, ano an boot sabihon kaini para sa mga Hentil? Sinda daw makakagiromdom kan mga kasakitan, asin mga pagtatrabaho, asin an mga kulog kan mga Judio, asin an saindang paghihingoha para sa sakuya, sa pagdara paluwas kan kaligtasan para sa mga Hentil?

5 O kamong mga Hentil, saindo daw nagigiromdoman an mga Judio, an sakuyang lumang pinagtipanan na mga katawohan? Dae; pero saindong isinusumpa sinda, asin nagin anggot sainda, asin dae nagmawot na baion sinda. Pero hilnga, Ako an magbabalik kan gabos na ining mga bagay sa ibabaw kan saindong mga sadireng mga payo; nin huli ta Ako an Kagurangnan dae nakakalingaw sa sakuyang mga katawohan.

6 Kamong mga hangal, na magsasabi: An sarong Bibliya, kami igwa na nin sarong Bibliya, asin kami dae na nangangaipo pa nin Bibliya. Magkakaigwa daw kamo nin sarong Bibliya kun ini bako nin huli sa paagi kan mga Judio?

7 Dae daw kamo nakakaaram na igwa nin kadakul na mga nasyon kesa sarong? Dae daw kamo nakakaaram na Ako, an Kagurangnan saimong Diyos, iyo an naghimo kan gabos na mga tawo, asin na Ako nakakagiromdom sainda na yaon sa mga isla nin kadagatan; asin na Ako an nangangaputan sa mga langit sa ibabaw asin sa kinaban sa ibaba; asin Ako an nagdadara paluwas kan sakong tataramon sa mga kaarakian nin mga tawo, iyo, magin sa gabos na mga nasyon kan kinaban?

8 Kun kaya kamo naggugurumod-gumod, nin huli ta kamo an nagresibe nin kadakul kan sakuyang tataramon? Dae daw kamo nakakaaram na an testimonya nin duwang mga nasyon iyo an sarong testigo para saindo na Ako an Diyos, na Ako nakakarigomdom nin sarong nasyon arog man sa iba? Kun kaya, Ako nagtataram nin kaparehong mga tataramon sa sarong nasyon arog man sa iba. Asin noarin na an duwang mga nasyon parehong magpapaluwas nin testimonya kan duwang mga nasyon na magpapaluwas nin kapareho man.

9 Asin Ako maggigibo kaini na ako an magpapatunay sa kadakul na Ako pareho kasuodma, ngonian, asin sa daeng kasagkoran; asin na Ako magtataram kan sakuyang mga tataramon na uyon sa sadire kong kaogmahan. Asin nin huli ta Ako nakapagtaram nin sarong tataramon ikaw dae na kaipuhan na maghuhuna na Ako dae na makakapagtaram nin iba man; nin dae man ini mangyayari sagkod sa katapusan nin tawo, ni dae minagikan sa panayhon magpoon ngonian asin sa daeng kasagkoran.

10 Kun kaya, nin huli ta ika igwa nin sarong Bibliya ika dae na kaipo na maghuhuna-huna na ini naglalaman na nin gabos kong mga tataramon; ni kaipong ika maghuhuna-huna na Ako dae naggibo nin kadakul na ma susurat.

11 Nin huli ta Ako nagsugo sa gabos na mga tawo, pareho idtong yaon sa sirangan asin sa sulnopan, asin sa norte, asin sa sur, asin sa mga isla sa kadagatan, na sinda magsusurat nin mga tataramon na sakong itinataram sa sainda; nin huli ta gikan sa mga libro na susurat Ako maghuhusga sa kinaban, an lambang tawo uyon sa saiyang mga gibo,

uyon sa mga bagay na naisurat na.

12 Nin huli ta hilnga, Ako magtataram sa mga Judio asin sinda magsusurat kaini; asin ako man magtataram sa mga Nephita asin sinda magsusurat kaini; asin Ako magtataram man sa iba pang mga tribu na yaon sa laog kan harong nin Israel, na sakuyang inalaw paharayo, asin sinda magsusurat kaini; asin Ako magtataram man sa gabos na mga nasyon nin kinaban asin sinda magsusurat kaini.

13 Asin ini mangyayaring maglipas na an mga Judio magkakaigwa nin mga tataramon kan mga Nephita, asin an mga Nephita magkakaigwa nin mga tataramon kan mga Judio; asin an mga Nephita asin an mga Judio magkakaigwa nin mga tataramon kan mga nawawarang mga tribu nin Israel; asin an mga nawawarang mga tribu nin Israel magkakaigwa nin mga tataramon kan mga Nephita asin mga Judio.

14 Asin ini mangyayaring maglipas na an sakong mga katawohan, na yaon sa laog kan harong nin Israel, titiriponon sa pagharongon na yaon sa mga daga na saindang mga pagsadire; asin an sakong mga tataramon man titiriponon na magin saro. Asin ako magpapahiling sainda na an pakikipaglaban kontra sa sakong tataramon asin kontra sa sakong mga katawohan, na yaon sa laog kan harong nin Israel, na Ako an Diyos, asin na Ako nakipagtipan ki Abraham na Ako maggigiromdom kan saiyang banhi sagkod pa man.

2 NEPHI TSAPTER 30

Napagbag-ong mga hentil ibibilang sa pinagtipanan na mga katawohan --- Kadakul na mga Lamanita asin mga Judio an magtutubod sa tataramon asin magigin sarong marahayon na katawohan --- an Israel ibabalik sa dati asin an mga mararaot madedestroso.

Asin ngonian, hilnga, sakong namumutan na katugangan, ako magtataram sa saindo; nin huli ta Ako, si Nephi, dae matugot na kamo maghuhuna-huna na mas matanos kamo kesa sa mga Hentil kuta na. Nin huli ta hilnga, laen lang na kamo magsusunod sa mga kasugoan nin Diyos kamo gabos man mapapara; asin nin huli sa mga tataramon na naitaram na kamo dae na kaipo pang maghuhuna-huna na an mga Hentil basang sanang madedestroso.

2 Nin huli ta hilnga, ako nagsasabi sainda na habang kadakul nin mga Hentil na magsosolsol magin mga pinagtipanan na katawohan nin Kagurangnan; asin habang kadakul na mga Judio na dae magsosolsol sinda mangyayaring palalayason; nin huli ta an Kagurangnan dae nakipagtipan laen lang na ini mangyari sainda na nagsosolsol asin nagtutubod sa saiyang Aki, na iyo an Solong Banal nin Israel.

3 Asin ngonian, ako mapropesiya na mas kadakul na mapanungod sa mga Judio asin mga Hentil. Nin huli ta pagkatapos na an libro na sakong ipinagsasabi na maihayag, asin mangyayaring suraton para sa mga Hentil, asin seselyuhan giraray para sa Kagurangnan, magkakaigwa nin kadakul na magtutubod sa mga tataramon na nasurat na; asin saindang dadarahon an mga ini pasiring sa katadaan kan satuyang banhi.

An Simbahan ni Jesukristo nin Mga Banal sa Huring-aldaw 134
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

4 Asin pagkatapos na an katadaan kan satuyang banhi makakaaram manungod satuya, na kun paano kita nagluwas gikan sa Jerusalem, asin na sinda mga kapag-arakian kan mga Judio.

5 Asin an ebanghelyo ni JesuCristo ipapahayag sa sinda; kun kaya, sinda ibabalik sa pagkanuod kan saindang mga ama, asin man sa pagkanuod ki JesuCristo, na aram nang gayo kan saindang mga ama.

6 Asin pagkatapos sinda mag-oogma; nin huli ta sinda makakaaram na ini sarong bendisyon para sinda na gikan sa mga kamot nin Diyos; asin an saindang mga tahob na kadikloman magpopoon na mahuhulog gikan sa saindang mga mata; asin kadakul na henerasyon na dae maglilipas sinda, laen lang na sinda magigin sarong pinili asin sarong marahayon na mga katawohan.

7 Asin ini mangyayaring maglipas na an mga Judio na nagkawaratak-watak magpoon naman na magtubod ki Cristo; asin sinda magpoon na magkakatiripon-tipon sa ibabaw nin daga; asin habang kadakul na gayo an magtutubod ki Cristo sinda magigin marahayon man na mga katawohan.

8 Asin ini mangyayaring maglipas na an Kagurangnang Diyos magpopoon kan saiyang gibo sa gabos na mga nasyon, mga lahi, mga dila, asin mga katawohan, tanganing ibiklad an mapanungod kan restorasyon kan saiyang mga katawohan sa ibabaw nin kinaban.

9 Asin may katanosan na an Kagurangnang Diyos maghuhusga sa pobre, asin sagwion na may kamanungdanan para sa mga maboboot nin kinaban. Asin siya maghahampak sa kinaban sa paagi kan pamakol kan saiyang nguso; asin sa hinangos kan saiyang mga ngabil siya manggagadan kan mga makasalanon.

10 Nin huli ta an panahon hidaling minaabot na an Kagurangnang Diyos mahimo nin sarong dakulang kabarangaan sa mga katawohan, asin an mga mararaot saiyang dedestrosohon; asin siya an magliligtas kan saiyang mga katawohan, iyo, magin kun ini mangyari na saiya nanggad dedestrosohon an mga mararaot sa paagi nin kalayo.

11 Asin an katanosan iyo an magigin samno kan saiyang habayan, asin an kabilugan nin pagtubod an samno kan saiyang mga renda.

12 Asin pagkatapos an layas na ayam makikihimanwa kaiba an kordero; asin an leopardo maghihigda kataning an sadit na kanding, asin an guya, asin an hoben na leon, asin an pinataba, magkaibang masabsab; asin sarong sadit na ake an mag-aakay sinda.

13 Asin an baka asin an oso magsasabsab; an saindang mga ugbon magkataraning-taning na maghihigda; asin an leon magkakakan nin dagami arog kan baka.

14 Asin an nagsususong ake magkakawat sa may lungga nin halas, asin an butas na ake magkukuot kan saiyang kamot sa taguan nin mga maiisog na mga halas.

15 Sinda dae magkukulog ni mandestroso sa gabos kong banal na kabukidan; nin huli ta an kinaban magigin pano nin pagkanuod nin Kagurangnan na arog nin mga katubigan na nagpapano sa dagat.

16 Kun kaya, an mga bagay sa gabos na mga nasyon mangyayaring gibohon na maipahayag; iyo, an gabos na mga bagay mangyayaring gibohon na maipahayag sa mga kaarakian nin mga tawo.

17 Mayo nin anuman na bagay na sikreto laen lang kun ini mangyaring maipahayag; mayo nin gibo nin kadikloman laen lang kun ini mangyaring maggigibo sa liwanag; asin mayo nin anuman na bagay na selyado sa ibabaw nin kinaban laen lang kun ini mangyaring biniklad.

18 Kun kaya, an gabos na mga bagay na ipinahayag na sa mga kaarakian nin mga tawo na mangyayari sa aldaw na iyan mahahayag; asin si Satanas mayo na nin kapangyarihan na mangingibabaw sa mga puso nin mga kaarakian nin mga tawo, sa halawig na panahon. Asin ngonian, sakong namumutan na mga tugang, ako mahimong matapos na kan sakuyang mga sasabihon.

2 NEPHI TSAPTER 31

Si Nephi nagsabi kun taano ta si Cristo binunyagan --- An mga tawo kaipuhan magsunod ki Cristo, magpabunyag, magresibe nin Espiritu Santo, asin magmakusog hanggan sa katapusan na tanganing maligtas --- An pagsosolsol asin an pagpapabunyag iyo an pintuan pasiring sa hayakpit asin sadit na dalan --- An daeng kasagkoran na buhay maabot sa sainda na nagsusunod sa mga kasugoan pagkatapos nin pagpapabunyag.

Asin ngonian ako, si Nephi, naghimong magtapos na kan sakuyang pagpropesiya para saindo, mga namumutan kong mga tugang, asin ako dae makaksurat pero kadikit sanang mga bagay, na aram ko seguridad man sanang mangyayaring maglipas; ni ako magsurat pero kadikit sanang mga tataramon kan sakuyang tugang na si Jacob.

2 Kun kaya, an mga bagay na sakuyang isinurat tama na sakuya, laen lang kun ini mangyaring kadikit na mga tataramon na sakuyang kaipuhan na itaram manungod sa doktrina ni Cristo; kun kaya, ako magsasabi sa saindo nin maliwanag, na uyon sa kaliwanagan kan sakuyang pagpropesiya.

3 Nin huli ta an sakuyang kalag nag-oogma sa kaliwanagan; nin huli ta sa arog kaining manera an Kagurangnang Diyos nagtatrabaho kairiba sa mga kaarakian nin mga tawo. Nin huli ta an Kagurangnang Diyos nagtatao nin ilaw para sa pagka-intende; nin huli ta siya nagtataram sa mga tawo na uyon sa saindang mga lengguwahe, para sa saindang pagkanuod.

4 Kun kaya, ako maggigibo na kamo kaipong makagiromdom na ako nagtaram sa saindo manungod sa propetang iyan na ipinahiling nin Kagurangnan sakuya, na iyo an magbunyag sa Kordero nin Diyos, na iyo an maghahale kan mga kasalan nin kinaban.

5 Asin ngonian, kun an Kordero nin Diyos, siya ngani na sarong banal, kaipuhan na gayong bunyagan sa paagi nin tubig, na tanganing mautob an gabos na katanosan, o pagkatapos, gurano pa daw kahalaga na mas kaipuhan na iyo man kita, na bakong mga banal, na mangyaring dapat na mabunyagan, iyo, magin sa paagi nin tubig!

6 Asin ngonian, ako maghahapot sa saindo, sakong namumutan na mga katugangan, bako daw na an kordero nin Diyos naghimong mautob an gabos na katanosan na mangyaring magbunyagan sa paagi nin tubig?

7 Dae daw kamo nakakaaram na siya sarong nang banal? Pero maski na ngani kaini na siya sarong banal, siya nagpahiling sa mga kaarakian nin mga tao na, uyon sa laman siya nagpakumbaba kan saiyang sadire sa atubangan nin Ama, asin nagpapatotoo sa Ama na siya magin masinunod-sunod sa saiyang pag-utob kan saiyang mga kasugoan.

8 Kun kaya, pagkatapos na siya nabunyagan nin tubig an Espiritu Santo nagbaba sa saiya

An Simbahan ni Jesukristo nin Mga Banal sa Huring-aldaw

136

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na yaon sa porma nin sarong salampati.

9 Asin giraray, ini nagpahiling sa mga kaarakian nin mga tawo an matanos na agihan, asin ang pagkasadit kan pintuan, sa paagi kaini sinda dapat na maglalaog, siya na tuyong nagin sarong halimbawa sa atubangan ninda.

10 Asin siya nagtaram sa mga kaarakian nin mga tawo: Magsunod kamo sakuya, kun kaya, sakong namumutan na mga tugang, kita daw makakasunod ki Jesus laen lang kun kita bulanos na magsusunod kan mga kasugoan kan Ama?

11 Asin an Ama nagtaram: Magsolsol kamo, magsolsol kamo, asin magpabunyag sa ngaran kan sakuyang Namumutan na Aki.

12 Asin man, an boses kan Ake nag-abot sa sakuya, na nagsasabi: Siya na nagpabunyag sa sakuyang pangaran, sa saiya an Ama magtatao nin Espiritu Santo, arog sa sakuya; kun kaya, magsunod sako, asin gibohon an mga bagay na saindong nahiling na ako naggibo.

13 Kun kaya, sakong namumutan na mga tugang, ako nakakaaram na kun kamo magsusunod sa Ake, na may bilog na katuyuhan sa puso, na naggigibo na mayong pagsagin-sagin asin mayong kadayaan sa atubangan nin Diyos, pero may tunay na kamawotan, magsosolsol kan saindang mga kasalanan, na nagsasaksi sa Ama na kamo bulanos na may kamawotan na darahon sa saindo an pangaran ni Cristo, sa paagi nin pagbubunyag --- iyo, sa paagi nin pagsunod sa saindong Kagurangnan asin an saindong Tagapagligtas pababa sa tubig, na uyon sa saiyang tataramon, hilnga, kamo magresibe kan Espiritu Santo; iyo, pagkatapos mag-aabot an pagbubunyag sa kalayo asin kan Espiritu Santo; asin kamo makakataram kan dila nin mga anghel, asin magkukurahaw nin kaomawan para sa Solong Banal nin Israel.

14 Pero, hilnga, sakong namumutan na mga tugang, kaya nag-abot an boses nin Ake sa sakuya, na nagsasabi: Pagkatapos mong makapagsolsol kan saimong mga kasalan, asin magsaksi sa Ama na ika bulanos na magsusunod kan sakuyang mga kasugoan, sa paagi nin pagbubunyag sa tubig, asin magresibe nin pagbubunyag sa kalayo asin kan Espiritu Santo, asin makapagtaram nin sarong bag-ong dila, iyo, magin an dila nin mga anghel, asin pagkatapos kaini magsisikwal sakuya, mas marhay pa saimo kaidto na ikaw dae nakakamidbid sakuya.

15 Asin ako nakadangog nin sarong boses gikan sa Ama, na nagsasabi: Iyo, an mga tataramon kan sakuyang Namumutan totoo asin masasarigan. Siya na nagpapakatatag hanggan sa katapusan, parehong mangyaring maliligtas.

16 Asin ngonian, sakong namumutan na mga tugang, ako nakakaaram na arog kaini na sagkod na an sarong tawo magin matatag hanggan katapusan, sa pagsunod sa halimbawa kan Ake nin buhay na Diyos, siya dae naggad maliligtas.

17 Kun kaya, gibohon nindo an mga bagay na sakuyang sinasabi saindo na nahiling ko na an saindong Kagurangnan asin an saindong Tagapagbawi an saiyang pinaggibo; nin huli ta sa arog kaining kausa sinda ipinahiling sakuya para saindo, na kamo makakaaram kan pintuan kun saen kamo malalaag. Nin huli ta an pintuan kun saen kamo makalaog iyo an pagsosolsol asin an pagbubunyag sa paagi nin tubig; asin pagkatapos maabot an kapatawadan kan saindong mga kasalanan sa paagi nin kalayo asin sa paagi nin Espiritu Santo.

18 Asin pagkatapos na kamo makalaog na sa hayakpit asin sadit na dalan na mag-aakay pasiring sa buhay na daeng kasagkoran; iyo, kamo nakalaog na sa paagi kaining pintuan; kamo nakapaggibo na uyon sa mga kasugoan kan Ama asin kan Ake; asin kamo

nagresibe na kan Espiritu Santo, na iyo an nagsasaksi kan Ama asin kan Ake, hanggan sa mangyayari na mauutob an promisa na saiyang ginibo, na kun kamo makalaog na sa paagi nin dalan kamo man maresibe.

19 Asin ngonian, sakong namumutan na mga tugang, pagkatapos na kamo makalaog na kaining hayakpit asin saditon na dalan, ako mahapot kun an gabos tapos na? Hilnga, ako mataram sa saindo, Dae pa; nin huli ta kamo dae pa haloy na makalaog laen lang kun ini sa paagi nin tataramon ni Cristo na igwa nin dae matatanyog na pagtubod saiya, nagsasarig nin bilog sa mga merito niya na iyo an makusog na magliligtas.

20 Kun kaya, kamo kaipuhan na makusog na magpapadagos sa pag-abante na igwa nin sarong kakusugan ki Cristo, na igwa nin sarong perpektong kaliwanagan na paglaom, asin sarong pagkamuot sa Diyos asin sa gabos na mga tawo. Kun kaya, kun kamo makusog na magpapadagos sa pag-abante, nagpipista sa tataramon ni Cristo, asin magin matatag hanggan sa katapusan, hilnga, maigot na sinasabi nin Ama: Kamo magkakaigwa nin buhay na daeng kasagkoran.

21 Asin ngonian, hilnga, sakuyang namumutan na mga tugang, iyo ini an dalan; asin mayo nang iba pang dalan ni pangaran na itinao sa irarom nin langit kun saen an tawo mapupuwedeng maligtas sa kahadean nin Diyos. Asin ngonian, hilnga, iyo ini an doktrina ni Cristo, asin iyo sana asin iyo man sana an tunay na doktrina kan Ama, asin kan Ake, asin kan Espiritu Santo, na iyo an sarong Diyos, na daeng katapusan. Amen.

2 NEPHI TSAPTER 32

An mga anghel nagtaram sa paagi nin kapangyarihan kan Espiritu Santo --- An mga tawo kaipuhan na magpangadye asin makanuod nin kaaraman para sa saindang mga sadire na gikan sa Espiritu Santo.

Asin ngonian, hilnga, sakuyang namumutan na mga tugang, ako naghuhuna-huna na kamo garo naghohorop-horop sa saindong mga puso manungod sa bagay na kamo kaipuhan maghiro pagkatapos na kamo makalaog sa paagi kaining dalan. Pero, hilnga, tadaw baya ta kamo naghohorop-horop kaining mga bagay sa saindong mga puso?
2 Dae daw kamo nakakagiromdom na ako an nagsabi sa saindo na pagkatapos na kamo magresibe nin Espiritu Santo kamo makakapagtaram sa dila nin mga anghel? Asin ngonian, paano daw kamo makakapagtaram sa dila nin mga anghel kun bakong sa paagi nin Espiritu Santo?

3 An mga anghel nagtataram sa paagi nin kapangyarihan kan Espiritu Santo; kun kaya, sinda nagtataram sa mga tataramon ni Cristo. Kun kaya, ako nagtataram sa saindo, pagpistahan nindo an mga tataramon ni Cristo na magsasabi saindo nin gabos na mga bagay na kun ano an saindong gigibohon.

4 Kun kaya, ngonian pagkatapos kong maitaram an mga tataramon na ini, kun kamo dae maka-intende kan mga bagay ini nangyari nin huli ta kamo dae naghagad, ni kamo naghimong magtuktok; kun kaya, kamo dae nadara pasiring sa liwanag, kundi magpapara sa diklom.

5 Nin huli ta hilnga, giraray ako magsasabi saindo na kun kamo maglalaog sa paagi kan

An Simbahan ni Jesukristo nin Mga Banal sa Huring-aldaw

138

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

dalan, asin magresibe nin Espiritu Santo, ini magpapahiling saindo kan gabos na mga bagay na saindong dapat na gigibohon.

6 Hilnga, iyo ini an doktrina ni Cristo, asin mayo nang iba pang doktrina na itinao hanggan sa siya mapahiling sa saindo sa laman. Asin sa panahon na siya magpapahiling kan saiyang sadire saindo sa laman, an mga bagay na saiyang sasabihon sa saindo iyo an dapat na obserbahan na saindong gigibohon.

7 Asin ngonian ako, si Nephi, dae na makakasabi pa nin dakul; an Espiritu iyo an nagpapapundo kan sakong mga sasabihon, asin ako mawalat na magmumundo nin huli sa daeng pagtubod, asin sa kasalan, asin an pagka-ignorante, asin an pagkatapos nin liog kan mga tawo; nin huli ta sinda habong maghanap nin kaaraman, ni maka-intende nin dakulang kaaraman, kun noarin ini itinao sa sainda nin malinaw, magin arog kalinaw kan tataramon na nanunudan.

8 Asin ngonian, sakuyang namumutan na mga tugang, ako naghehemate na kamo naghohorop-horop pa man giraray sa saindong mga puso; asin ini nakakapagmundo sakuya na tanganing ako magtaram manungod sa bagay na ini. Nin huli ta kun kamo magdadangog sa Espiritu na nagtutukdo sa sarong tawo na magpangadye ika mismo makakaaram na ika dapat na magpangadye; nin huli ta an maraot na espiritu dae nagtutukdo s sarong tawo na magpangadye, kundi nagtutukdo saiyang na siya dae dapat magpangadye.

9 Pero hilnga, ako magsasabi sa saindo na kamo dapat na pirmeng magpangadye, asin dae mapagal na kamo dae makapaggibo nin anuman na bagay para sa Kagurangnan laen lang na sa enot na pagkakataon na kamo magpangadye sa Ama sa pangaran ni Cristo, na saiyang ikonsagra an saimong nakaginibohan para saimo, na tanganing an saimong nagkaginibohan mangyayaring para sa karahayan kan saimong kalag.

2 NEPHI TSAPTER 33

An mga tataramon ni Nephi gabos totoo --- An mga ini nagpapatotoo ki Cristo --- Sinda na nagtubod ki Cristo nagtutubod sa mga tataramon ni Nephi --- Sinda magtitindog bilang sarong saksi sa atubangan nin kahusgaran.

Asin ngonian ako, si Nephi, dae makasurat kan gabos na mga bagay na itinukdo ko sa sakuyang mga katawohan; ni ako sarong matibay sa pagsusurat, na arog kan pagtataram; nin huli ta kun an sarong tawo magtataram sa kapangyarihan nin Espiritu Santo an kapangyarihan kan Espiritu Santo iyo an magdadara kaini pasiring sa mga puso kan mga kaakian nin mga tao.

2 Pero hilnga, igwa nin kadakul na nagpapatagas kan saindang mga puso kontra sa Espiritung Banal, na ini mayong lugar sa sainda; kun kaya, sinda nagtapok paharayo nin kadakul na mga bagay na naisurat na asin pinaghuhuna-huna an mga bagay na ini na mayo daang kamugtakan.

3 Pero ako, si Nephi, iyo an nagsurat kaining sakong naisurat, asin ako ginaganahan kaini na arog sa may dakulang halaga, asin lalo na sa sakuyang mga katawohan. Nin huli ta ako

An Simbahan ni Jesukristo nin Mga Banal sa Huring-aldaw

139

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nangangadye padagos para sainda sa aroaldaw, asin an sakuyang mga mata iyo an nagpapabasa kan sakuyang ulunan sa pagkabanggi, nin huli sa sainda; asin ako nag-aagrangay sa sakuyang Diyos na may pagsarig, asin ako nakakaaram na saiyang dadangogon an sakuyang mga inagrangay.

4 Asin ako nakakaaram na an Kagurangnang Diyos iyo an magkokonsagra kan sakuyang mga pangadye para sa ikakarahay kan sakuyang mga katawohan. Asin an mga tataramon na sakuyang naisurat sa kaluyahan mahihimong magin makusog sa sainda; nin huli ta ini iyo an magtutulak sainda na gumibo nin marahay; ini hinimong ipaaram sa sainda kan saindang mga ama; asin ini nagsasabi tungkol ki Jesus, asin magtutulak sainda na magtubod sa saiya, asin magin matatag hanggan sa katapusan, na iyo an buhay na daeng kasagkoran.

5 Asin ini nagtataram nin maisog laban sa kasalan, na uyon sa kalinawan nin katotohanan; kun kaya, mayong tawo na maaanggot sa mga tataramon na sakuyang naisurat laen lang kun siya igwa nin espiritu nin diyablo.

6 Ako mapamuraway sa kalinawan; ako mapamuraway sa katotohanan; ako mapamuraway sa sakuyang Jesus, nin huli ta saiyang binalukat an sakuyang kalag gikan sa impierno.

7 Ako igwa nin pagkamuot para sa sakuyang mga katawohan, asin may dakulang pagtubod ki Cristo na ako makakasumpong nin kadakul na mga kalag na mayong digta sa saiyang tukawan sa paghusga.

8 Ako igwa nin pagkamuot para sa Judio --- ako nagsabi na Judio, nin huli ta an boot kong sabihon sa sainda na kun saen ako naggikan.

9 Ako igwa man nin pagkamuot para sa mga Hentil. Pero hilnga, nin huli ta mayo sa sainda na ako puwedeng maglaom laen lang kun sinda mangyayaring makipagbalikan para ki Cristo, asin maglaog sa sadit na pintuan, asin maglakaw sa matanos na dalan pasiring sa buhay, asin magpadagos na maglakaw sa dalan hanggan sa katapusan kan aldaw nin probasyon.

10 Asin ngonian, sakuyang namumutan na mga tugang, asin man Judio; asin gabos kamong mga puro nin kinaban, magdangog sa mga tataramon na ini asin magtubod ki Cristo; asin kun kamo dae magtubod kaining mga tataramon, magtubod ki Cristo. Asin kun kamo magtutubod ki Cristo kamo magtutubod man kaining mga tataramon, asin siya an nagtao kaini sa sakuya; asin an mga ini an magtutukdo sa gabos na mga tawo na sinda dapat na gumibo nin karahayan.

11 Asin kun sinda bakong mga tataramon ni Cristo, maghusga kamo --- nin huli ta si Cristo iyo an magpapahiling sa saindo, na igwa nin kapangyarihan asin dakulang kamurawayan, na sinda saiya mismong mga tataramon, sa huring aldaw; asin kamo asin ako magtitindog lalawgon sa lalawgon sa atubangan niya; asin kamo makakaaram na ako isinusugo niya na magsurat kaining mga bagay, maski na ngani ako maluya.

12 Asin ako mapangadye sa Ama sa pangaran ni Cristo na kadakul satuya, kun bago gabos, mapupuwedeng mangyaring maligtas sa saiyang kahadean sa dakula asin huring aldaw na iyan.

13 Asin ngonian, sakuyang namumutan na mga tugang, idtong gabos na yaon sa laog nin harong kan Israel, asin gabos kamong mga puro nin kinaban, ako mataram sa saindo na arog sa boses nin saro na nagkukurahaw gikan sa alpog: Paaram hanggan sa dakulang aldaw na iyan mag-abot.

14 Asin kamo na habong makikisumaro sa karahayan nin Diyos, asin nagrespeto sa mga tataramon kan mga Judio, asin man sa sakuyang mga tataramon, asin sa mga tataramon na magluluwas gikan sa nguso kan Kordero nin Diyos, hilnga, ako nagpapaaram nin sarong daeng katapusan na pamamaaram, nin huli ta an mga tataramon na ini iyo an magkokondena sa saindo sa huring aldaw.

15 Nin huli ta kun ano an sakuyang sineselyuhan sa kinaban, iyo an magdadara laban saindo sa atubangan nin husgado; nin huli ta mismo an Kagurangnan an nagsugo sako, asin ako kaipong gayo na magsunod. Amen.

AN LIBRO NI JACOB TSAPTER 1

Tugang ni Nephi

An mga tataramon nin saiyang pagbabalangibog sa saiyang mga katugangan. Saiyang pinagribong an sarong tawo na boot na mangibabaw sa mga doktrina ni Cristo. Sarong kadikit na mga tataramon manungod sa estorya kan mga katawohan ni Nephi.

TSAPTER 1

Si Jacob asin si Joseph nagmawot na manhikayat sa mga tawo na magtubod ki Cristo asin magsunod sa saiyang mga kasugoan --- si Nephi nagadan --- an karatan nangingibabaw sa mga Nephita.

Nin huli ta hilnga, ini mangyayaring maglipas na singkuwenta asin limang taon an nakaagi magpoon sa panahon na si Lehi naghale sa Jerusalem; kun kaya, si Nephi iyo an nagtao sakuya, Jacob, nin sarong kasugoan mapanungod sa saradit na lamina, na kun saen an mga ini nakaukit.

2 Asin siya nagtao sakuya, Jacob, nin sarong kasugoan na ako dapat na magsurat sa mga laminang ini nin kadikit na mga bagay na sakuyang pinagkonsidera na mas mahalaga; na dae ako dapat magtukar, laen lang kun ini magian sana, manungod sa kasaysayan kaining mga katawohan na inaapud na katawohan ni Nephi.

3 Nin huli ta siya nagsabi na an kasaysayan kan saiyang mga katawohan dapat na iukit sa saiyang ibang mga lamina, asin na sakong itatago ining mga lamina asin itatao ko sa sakuyang banhi; gikan sa henerasyon hanggan sa sarong henerasyon.

4 Asin kun may mga pagtutukdo na sarong sagrado, o pagpapahayag na sarong dakula, o pagpropesiya, na sakong dapat na iukit an mga titulo kan mga ini sa mga lamina, asin tukaron sinda hanggan posible, alang-alang ki Cristo, asin alang-alang sa satuyang mga katawohan.

5 Nin huli ta sa pagtubod asin dakulang kahaditan, ini tunay man naggad na ipinahiling satuya an mapanungod sa satuyang mga katawohan, na kun anong mga bagay na dapat na mangyayari sa sainda.

An Simbahan ni Jesukristo nin Mga Banal sa Huring-aldaw 141
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

6 Asin kami man may kadakul na mga kapahayagan, asin an espiritu nin kadakul na pahayag; kun kaya, kami nag-aaram ki Cristo asin sa saiyang kahadean, na dapat na mag-abot.

7 Kun kaya kami naghilingohang magtrabahong gayo sa samuyang mga katawohan, na tanganing samuyang mahikayat sinda na magdulok ki Cristo, asin makisumaro sa karahayan nin Diyos, na tanganing sinda maglaog sa saiyang kapahingaloan ta kun dae sa kadakul na mga paagi siya dapat na magsumpa sa saiyang kapadusahan na sinda naggad dae dapat na makalaog dyan, na arog sa pagpapasuya sa mga aldaw nin tentasyon habang an mga kaarakian nin Israel nag-eerok pa sa kaparangan.

8 Kun kaya, kami naggigibo sa Diyos na kami manhihikayat sa gabos na mga tawo na dae naggad sinda magrebelde laban sa Diyos, na siya pasuyaon na tanganing maanggot, pero gibohon na an gabos na mga tawo magtubod ki Cristo, asin hilingon an saiyang kagadanan, asin pagpakasakit sa saiyang krus, asin darahon an kasupganan kan kinaban; kun kaya, ako, si Jacob, ibinugtak ini sa sakuyang sadire na mag-utob sa kasugoan kan sakuyang tugang na si Nephi.

9 Ngonian si Nephi nagpoon nang magin sarong gurang, asin saiyang nahihiling na siya sa madaling panahon magagadan; kun kaya, siya nagpili nin sarong tawo na magin sarong hade asin sarong tagapamayo para sa saiyang mga katawohan ngonian, na uyon sa pagpapamayo kan mga hade.

10 An mga tawo na nagmumuot ki Nephi na gayo, siya na nagin sarong dakulang tagapagbantay ninda, na nagwawasiwas nin espada ni Laban sa pagbabantay para sa saindang depensa, asin naghilingohang magtrabaho para sa gabos niyang mga aldaw para sa saindang kapakanan---

11 Kun kaya, an mga katawohan nagmawot na saindang darahon sa paggigiromdom an saiyang pangaran. Asin siisay an tagapamahala para sa saiyang katungkulan inaapud kan mga katawohan, na ikaduwang Nephi, ikatulong Nephi, asin sa masurunod, na uyon sa pagpapamahala kan mga hade; asin kaya sa arog kaini sinda inapud kan mga katawohan, maski na ngani sa anuman na kapangaranan sinda igwa.

12 Asin ini mangyayaring maglipas na si Nephi naggadan.

13 Ngonian an mga katawohan na bakong mga Lamanita inaapud na mga Nephita; daeng pagkukulang, sinda inaapud na mga Nephita, mga Jacobita, mga Josephita, mga Zoramita, mga Lamanita, mga Lemuelita, asin mga Ismaelita.

14 Pero ako, si Jacob, dae magpoon ngonian paglaen-laenon sinda sa mga arog kaining mga kapangaranan, pero ako mag-aapud sainda na mga Lamanita na nagmawot na destrosohon an mga katawohan ni Nephi, asin an mga nakiki-amigo ki Nephi sakuyang aapudon na mga Nephita, o an mga katawohan ni Nephi, na uyon sa pagpapamahala kan mga hade.

15 Asin ngonian ini nangyaring naglipas na an mga katawohan ni Nephi, na yaon sa pagpapamahala kan ikaduwang hade, nagpoon na nagdakula an katagasan kan saindang mga puso, asin nagumon an saindang mga sadire sa arog kan mararaot na mga gibo, na ini bagay nagin arog ki David sa lumang panahon na nagmamawot nin kadakul na mga agom asin mga kabit, asin man ki Solomon, an saiyang ake.

16 Iyo, asin sinda man nagpoon nang maghahanap nin kadakul na bulawan asin plata, asin nagpopoon na magin mapagpalangkaw pasiring sa kapaabaw-abawan.

17 Kun kaya, ako, si Jacob, nagtao sa sainda kaining mga tataramon na arog kan akong

An Simbahan ni Jesukristo nin Mga Banal sa Huring-aldaw

142

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

itinutukdo sainda sa templo, na nagin enot kong nakua ining kasibutan hale sa Kagurangnan.

18 Nin huli ta ako, si Jacob, asin an sakuyang tugang na si Joseph na konsagradong mga padi asin mga paratukdo kaining mga katawohan, sa paagi kan mga kamot ni Nephi.

19 Asin samuya man naggad pinaghingoha na magampanan an samuyang opisina para sa Kagurangnan, na dara-dara nyamo an responsibilidad, nagsisimbag sa mga kasalanan kan mga katawohan sa ibabaw kan samuyang mga sadireng payo kun kami dae nagtutukdo sainda sa tataramon nin Diyos na may bilog na paghilingoha; kun kaya, sa paagi nin pagtatrabaho sa bilog ming kusog na an saindang dugo puwedeng dae magmantsa sa samuyang mga bado; ta kun sa ibang paagi na an saindang dugo magmamantsa sa samuyang mga bado, asin kami dae naggad manumpungan na mayong digta sa huring aldaw.

JACOB TSAPTER 2

Si Jacob nagbalikos sa pagkamuot sa mga kayamanan, kapaabaw-abawan, asin karigsokan—An mga tawo dapat na maghanap nin mga kayamanan na tanganing makatabang sa saindang kapwa mga tawo --- Si Jacob nagsumpa sa dae tinutugutan na kaugalian na pag-agom nin kadakul --- An Kagurangnan nag-oogma sa kalinigan boot kan mga kababaehan.

An mga tataramon ni Jacob, na tugang ni Nephi, na saiyang itinaram sa mga katawohan ni Nephi, pagkatapos na magadan si Nephi:

2 Ngonian, sakong namumutan na mga tugang, ako, si Jacob, uyon sa responsibilidad na ako nalindongan nin Diyos, na tanganing maggibo kan sakuyang trabaho na igwa nin bilog na pagmamangno, asin na ako dapat na maglinig kan sakuyang mga bado kan saindong mga kasalanan, ako nagduman sa laog nin templo sa aldaw na ini na tanganing ako makapagdeklara sa saindo kan tataramon nin Diyos.

3 Asin kamo mismo nakakaaram na ako magpoon kaidto nagin masigasig sa apud kan sakuyang trabaho; pero ako sa aldaw na ini nagagabatan na gayo na may grabe pang pagmamawot asin kahaditan para sa karahayan kan saindong mga kalag kesa ako pa kaidto ngonian.

4 Nin huli ta hilnga, sa ngonian, kamo nagin masinunod-sunod sa mga tataramon nin Kagurangnan, na sakuyang ipinahayag sa saindo.

5 Pero hilnga, magdangog kamo sa sakuya, asin aramon na sa paagi kan tabang nin mas Makapangyarihan na Kaglalang nin langit asin daga ako makakapagsabi sa saindo mapanungod sa saindong mga iniisip, kun paano kamo nagpopoon na sa paggibo nin kasalan, an an kasalan na ini nagpapahiling nin grabeng karumputan sa sakuya, iyo, asin karumputan sa Diyos.

6 Iyo, ini nakakapagpamundo kan sakong kalag asin nagkakausa sakuya na mag-ulnok na may kasusupgan sa atubangan kan sakuyang Kaglalang, na ako kaipuhan na magpatotoo sa saindo mapanungod sa karigsokan kan saindong mga puso.

An Simbahan ni Jesukristo nin Mga Banal sa Huring-aldaw 143
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Asin man ini nakakapagpamundo sakuya na ako kaipuhan maggamit nin mas matarom na mga tataramon mapanungod saindo, sa atubangan kan saindong mga agom asin kan saindong mga kaarakian, na kadakul kan saindong mga namamatean sa boot maimbod pang gayo asin mahuyo asn maselan sa atubangan nin Diyos, na an bagay na ini sarong kaogmahan sa Diyos;

8 Asin ini sa pahuhuna-huna ko na sainda yaon digde sa pagdangog kan maogmang tataramon nin Diyos, iyo, an tataramon na nakakapagpa-omay sa nalulugadan na kalag.

9 Kun kaya, ini nakakapagpagabat sa sakuyang kalag na ako pinatanidan, nin huli sa estrikong kasugoan na sakuyang naresibe gikan sa Diyos, na tanganing ipagpapagiromdom saindo an saindong mga naginibohang mga krimen, na nakakapagpadakula sa mga lugad nin tawo na nalugadan na, imbes na sinda damayan asin bulungon an saindang mga lugad; asin sinda na dae pa nalulugadan, imbes na pagpistahan an maogmang tataramon nin Diyos nagkapot nin mga panaksak sa pagsaksak kan saindang mga kalag asin maglugad kan saindang maselan na mga isip.

10 Pero, maski na ngani kainng kadakulaan na gibohon, ako dapat gumibo na uyon sa estrikong mga kasugoan nin Diyos, asin magsabi saindo mapanungod kan saindong karigsokan asin mga karumputan, sa atubangan kan mga tunay an puso, asin sa nakulgan na puso, asin sa irarom nin nagmamatong maduluton na mata nin Makapangyarihang Diyos.

11 Kun kaya, ako dapat na magsabi saindo sa katotohanan uyon sa malinaw na tataramon ninDiyos. Nin huli ta hilnga, habang ako naghahapot sa Kagurangnan, kun kaya nag-abot an tataramon sakuya, na nagsasabi: Jacob, magtindog ka paduman sa templo sa pagkaaga, asin ideklara mo an tataramon na sakuyang itatao saimo para sa mga katawohan na ini.

12 Asin ngonian hilnga, mga tugang ko, iyo ini an tataramon na sakuyang pinagsasabi sa saindo, na kadakul saindo an nagpoon na sa paghanap nin bulawan, asin nin plata, asin nin anuman na mahalagang mga mina, kun saen an Kadagaan na ini, na iyo an daga nin promisa para saindo asin sa saindong mga banhi, na grabeng gayo ang kasaganaan.

13 Asin an kamot nin karahayan nangingisi sa saindong gayo na may grabeng kaogmahan, na kamo nagkaigwa nin kadakul na mga kayamanan; asin nin huli ta an iba saindo nagkamt nin mas kadakul pa kesa sa saindong katugangan kaya kamo nagralangkaw an kapaabaw-abawan kan saindong mga puso, asin nagsusul-ot nin tisong mga liog asin halangkaw na mga angog nin huli sa kamahalan kan saindong mga bado, asin nagpasakit sa saindong mga katugangan nin huli ta sa paghuna nindo na kamo na an mas marhay sainda.

14 Asin ngonian, mga tugang ko, kamo daw naghuhuna-huna na an Diyos makampi saindo sa bagay na ini? Hilnga, ako nagsasabi saindo, Dae. Pero, siya nagkokondena saindo, asin kun kamo nagpapadagos sa mga bagay na ini an saiyang paghusga maghidaling gayo na mag-abot saindo.

15 O na siya mismo mapahiling sa saindo na iyong gayo an magrurunot saindo, asin sa sarong hiling sana kan saiyang mata siya an mahampak saindo sa alpog.

16 O na siya mismo ang mahahale saindo gikan sa kadaendatahan asin karumputan na ini. Asin, O na kamo magdadangog sa tataramon kan saiyang mga kasugoan, asin dae nindo pagtutugutan na ining kapaabaw-abawan kan saindong mga puso iyo an magkapagpahamak kan saindong mga kalag!

17 Mag-isip kamo sa saindong mga katugangan arog kan pag-isip sa sadire nindo man

sana, asin magin pamilyar sa gabos asin magin libre sa saindong pagrugaring, na tanganing sind man magin mayaman na arog nindo.

18 Pero bago kamo maghanap nin mga kayamanan, hanapon ngona nindo an kahadean nin Diyos.

19 Asin pagkatapos na magkaigwa kamo nin paglaom ki Cristo kamo magkakaigwa nin mga kayamanan, kun saindong hanapon an mga ini; asin kamo maghahanap sa sainda para sa kaisipan na gumibo nin karahayan --- badoan an huba, asin pagpakakanon an nagugutom, asin palibrehon an napipriso, asin magtao nin kahinggianan sa may mga kamatean asin sa may makulog.

20 Asin ngonian, mga tugaang ko, ako nakapagtaram na saindo manungod sa kapaabaw-abawan; asin sa saindo na nakapagpakulog sa saindong mga kataraid-harong, asin nagpasakit sainda nin huli sa kapaabaw-abawan kan saindong mga puso, kan mga bagay na itinao saindo nin Diyos, ano baga an saindong masasabi kaini?

21 Bako daw na saindong huhuna-hunaon na an mga bagay na ini mga karumputa sa saiya na iyo an naglalang kan gabos na laman? Asin na an sarong nilalang arog kahalaga sa saiyang paghilingon man sa iba. Asin an gabos na laman gikan sa alpog; asin ta sa arog kaini man sanang katuyuhan kun kaya saiyang nilalang sinda, na tanganing saindang pagsusunudon an saiyang mga katugunan asin ipagpamuraway siya sagkod pa man.

22 Asin ngonian ako magtatapos na sa pagtaram sa saindo mapanungod kaining kapaabaw-abawan. Asin kun bagong ako nakapagtaram sa saindo mapanungod sa sarong grabeng krimen, an sakuyang puso mag-oogmang gayo nin huli saindo.

23 Pero an tataramon nin Diyos nagpagabat sakuya nin huli sa saindong grabeng mga krimen. Nin huli ta hilnga, sabi nin Kagurangnan: An mga katawohan na ini nagpopoon na sa paggibo nin kadaendatahan; sinda dae nakakasabot sa mga kasuratan, nin huli ta sind naghahanap nin dahilan sa saindang mga sadire sa paggibo nin mga karumputan, nin huli sa mga bagay na nasusurat manungod ki David, asin Solomon na saiyang ake.

24 Hilnga, si David asin Solomon sa katotohanan igwa nin kadakul na mga agom asin mga kabit, na an bagay na ini sarong marumpot na bagay sa atubangan ko, sabi nin Kagurangnan.

25 Kun kaya, ini sinasabi nin Kagurangnan, ako an nangengenotan sa mga katawohang ini paluwas sa daga nin Jerusalem, sa paagi kan kapangyarihan nin sakuyang takyag, na tanganing ako makapagpatubo para sakuya nin sarong matanos na sanga na gikan mismo sa bunga kan mga habayan ni Joseph.

26 Kun kaya, ako an Kagurangnan Diyos dae matugot na an mga katawohang ini maggigibo kan arog sainda sa lumang panahon.

27 Kun kaya, mga tugang ko, dangoga ako, asin magdangog sa tataramon nin Kagurangnan; nin huli ta maski siisay saindo dapat igwa sanang sarong agom; asin mga kabit siya dapat na mayo;

28 Nin huli ta Ako, an Kagurangnan Diyos, nag-oogma sa kalinigan nin boot kan mga babae. Asin an mga karumputan iyo an sarong karigsokan sa atubangan ko; ini sinabi nin Kagurangnan nin mga Hukbo.

29 Kun kaya, an mga katawohang ini magsusunod kan sakuyang mga kasugoan, an sabi nin Kagurangnan nin mga Hukbo, o susumpaon an kadagaan nin huli sa saindang kamugtakan.

30 Nin huli ta kun sakaong ipinagboot, sabi nin Kagurangnan nin mga Hukbo, na

magpatalubo nin banhi para sakuya, ako magsusugo sa sakuyang mga katawohan; ta kun dae sinda magdadangog sa mga bagay na ini.

31 Nin huli ta hilnga, Ako, an Kagurangnan, nakahiling nin kamundoan, asin nakadangog sa agrangay kan mga akeng daraga kan sakuyang mga katawohan sa daga nin Jerusalem, iyo, asin sa gabos na daga kan sakuyang mga katawohan, nin huli sa kadaendataan asin mga karigsokan kan saindang mga agom na lalake.

32 Asin ako dae matugot, sabi nin Kagurangnan nin mga Hukbo, na an mga agrangay kan mga magagayon na mga kababaehan kaining mga katawohan, na sakuyang pinapangenotan paluwas sa daga nin Jerusalem, magdudulok sa sakuya na laban sa mga kalalakehan kan sakuyang mga katawohan, sabi nin Kagurangnan nin mga Hukbo.

33 Nin huli ta dae ninda itutugot na mgin mga priso an mga kababaehan paharayo sa sakuyang mga katawohan nin huli sa saindang mga kabootan, laen lang na kun ini mangyayari na ako magbibisita sainda na may makangorongirhat na sumpa, magin sa saindang pagkadestrosong dagos; nin huli ta sinda dae dapat na gumibo nin karumputan, na arog sainda kaidtong mga lumang panahon, sabi nin Kagurangnan nin mga Hukbo.

34 Asin ngonian hilnga, mga tugang ko, kamo nakakaaram sa mga kasugoan na ini na itinao sa satuyang ama, si Lehi; kun kaya, kamo nakakaaram kaini kaidto; asin kamo nagkaigwa nin dakulang kondensasyon; nin huli ta ginibo nindo an mga bagay na ini na dapat kuta nang dae nindo ginibo.

35 Hilnga, kamo nakagibo nin grabeng mga kadaendataan kesa sa mga Lamanita, na mga tugang ta. Kamo nakapagpakulog sa mga maimbod na mga puso kan saindong mga agom na babae, asin nagpawara kan tiwala kan saindong mga kaarakian, nin huli sa maraot na gawi sa saindang atubangan; asin an pagnungoyngoy kan saindang mga puso nakaabot na paitaas sa Diyos laban sa saindo. Asin nin huli sa ka-estriktuhan kan mga tataramon nin Diyos, na mababa laban saindo, kadakul na mga puso an magagadan, madudulutan nin mga hararom na mga lugad.

JACOB TSAPTER 3

An tunay na puso maresibe nin marahayon na tataramon nin Diyos --- An katanosan kan mga Lamanita nagsobra pa kesa katanosan kan mga Nephita --- Si Jacob nagpatanid laban sa pangangalunya, kahalayan, asin lambang kasalan.

Pero hilnga, ako, si Jacob, magtataram sa saindo na may tunay na mga puso. Maghiling kamo sa Diyos na igwa nin kapusugan sa isip, asin magpangadye saiya na may bulanos pagtubod, asin siya magpapaomay saindo sa saindong mga kakulugan, asin siya maghahayag kan saindong kausa, asin magpapadara nin histisya pababa sainda na nagmamawot kan saindong pagkadestroso.

2 O gabos kamo na may tunay na puso, iitaas an saindong mga payo asin resibihon an marahayon na tataramon nin Diyos, asin magpista sa saiyang pagkamuot; nin huli ta kamo maggigibo kaini, kun an saindong mga isip pusog, sagkod pa man.

3 Pero, makaherak man, makaherak man, sa saindo na dae tunay an mga puso, na mga

An Simbahan ni Jesukristo nin Mga Banal sa Huring-aldaw

146

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

maaati sa aldaw na ini sa atubangan nin Diyos; nin huli ta laen lang na kun kamo magsosolsol an daga sinusumpa para sa saindong kamugtakan; asin an mga Lamanita, na bakong mararaot na arog nindo, maski na ngani na sinda pinagsumpa nin sarong marigsok na sumpa, iyo an magpapakol sa saindo magin hanggan sa pagkDESTROSO.

4 Asin an panahon hidaling mag-aabot, na laen lang kun kamo magsosolsol, sinda iyo an magsasadire kan daga na saindong kamanahan, asin an Kagurangnan Diyos iyo an maglalaen paharayo kan mga matatanos paluwas gikan man sana sa saindo.

5 Hilnga, an mga Lamanitang mga tugang nindo, na saindong ikinakaanggot nin huli kan saindang mga kadaendatahang mga gawi asin an sumpa na nag-abot sa saindang mga kublit, na iyo lugod an mas matanos kesa saindo; nin huli ta sinda dae nakakalingaw sa mga kasugoan nin Kagurangnan, na itinao sa satuyang mga ama--- na sinda magkakaigwa sana nin sarong agom na babae, asin mga kabit sinda dapat na mayo, asin mayo nin sarong maggibo nin mga karumputan sa sainda.

6 Asin ngonian, an kasugoan na ini saindang obserbadong sinusunod; kun kaya, nin huli kaining paggigibong pagsunod, sa pagmamato kaining kasugoan, an Kagurangnan Diyos dae sinda hahampakon, pero magin maheherakon sa sainda; asin sarong aldaw sinda magigin sarong banal na mga katawohan.

7 Hilnga, an saindang mga agom na lalake nagmumuot sa saindang mga agom na babae, an saindang mga agom na babae nagmumuot sa saindang mga agom na lalake; asin an mga agom na lalake asin mga agom na babe nagmumuot sa saindang mga kaarakian; asin an saindang daeng pagtubod asin an saindang kaanggutan sa saindo nagin iyo ta nin huli sa kadaendatahan kan saindang mga ama; kun kaya, gurano kamo karahay kesa sa sainda, sa paghilingon kan saindong marhay na Kaglalang?

8 O mga tugang ko, ako natatakot na laen lang na kamo magsosolsol kan saindang mga kasalan na an saindang mga kublit magigin mas maputi kesa saindo, kun kamo dadarahon kaiba ninda sa atubangan kan trono nin Diyos.

9 Kun kaya, sarong kasugoan ako matao saindo, na iyo an tataramon nin Diyos, na kamo dae na maki-iwal laban sa sainda nin huli sa kaitoman kan saindang mga kublit; ni maki-iwal kamo laban sainda nin huli kan saindong kadaendatahan; pero kamo mismo an maggiromdom kan saindo man sanang kadaendatahan, asin giromdoma baya na an saindang kadaendatahan nangyari nin huli man sana kan saindang mga ama.

10 Kun kaya, kamo maggigiromdom kan saindong mga kaarakian, kun paano nindo kinulpa an saindang mga puso nin huli sa ehemplo na saindong ipinahiling sa atubangan ninda; asin man, giromdoma na kamo man, nin huli sa saindong kadaendatahan, puwedeng magdara sa mga kaarakian nindo sa pagkapahamak, asin an saindang mga kasalan ipapatong sa saindong mga payo sa huring aldaw.

11 O mga tugang ko, dangoga baya an sakuyang mga tataramon; pukawa baya an mga kairaroman kan saindong mga kalag; yugyuga nindo an saindong mga sadire na kamo magimata gikan sa kinamumugtakan nindong kagadanan; asin buhian nindo an saindong mga sadire gikan sa mga kakulugan nin impyerno na kamo dae magin mga anghel nin diyablo, na ipag-aapon sa lawa nin kalayo asin nag-aagabaab na lapok na iyo an ikaduwang kagadanan.

12 Asin ngonian ako, si Jacob nagtataram nin kadakul pang mga bagay sa mga katawohan ni Nephi, nagpapatid sainda laban sa pangangalunya asin kahalayan, asin lambang klase nin kasalan, nagsasabi sainda nin makakangorongirhat na mga

kamumugtakan sa sainda.

13 Asin sarong sanggatoson na parte kan mga partiripon-tipon kaining mga katawohan, na ngonian nagpopoon na magin dakul, dae maisusurat sa mga laminang ini; pero kadakul kan saindang mga nakaginibohan an mga naisurat na sa mga darakulang lamina, manungod sa saindang mga pakikigiya, asin kan saindang pakikipaglaban, asin an mga paghahade kan saindang mga hade.

14 An mga laminang ini inapud na mga lamina ni Jacob, asin sinda ginibo sa paagi kan kamot ni Nephi. Asin ako magtatapos na sa pagsasabi kan mga tataramon na ini.

JACOB TSAPTER 4

An gabos na mga propeta nagsamba sa Ama sa pangaran ni Cristo --- An pagdulot ni Abraham ki Isaac sarong kapareho nin Diyos asin an saiyang Bugtong na Pinili --- An mga tawo dapat na makipag-olitan kan saindang mga sadire sa Diyos sa paagi nin pagbabayad-sala --- An mga Judio magsisikwal sa gapong pundasyon.

Ngonian hilnga, ini mangyayaring maglipas na ako, si Jacob, na nakapagtukdo nang gayo sa sakuyang mga katawohan sa paagi nin tataramon, (asin ako dae makakasurat pero sa kadikit na sakuyang mga tataramon, nin huli t asa kadepesilan kan pag-uukit kan satuyang mga tataramon sa mga lamina) asin aram nyamo na an mga bagay na samuyang isinusurat sa ibabaw nin mga lamina kaipuhan na yaon pirme;

2 Pero sa anuman na mga bagay na satuyang sinurat sa ibabaw nin arin man na bagay laen lang kun ini nakasurat sa mga lamina napapara nin kadikit na mga tataramon sa ibabaw kan mga lamina, na makakapagtao sa satuyang mga kaarakian, asin man sa satuyang namumutan na mga katugangan, nin sadit na grado nin kaaraman manungod satuya, o mapanungod sa saindang mga ama---

3 Ngonian sa bagay na kami nag-oogma; asin kami maigot na naghihingoha na iukit an mga tataramon ibabaw nin mga lamina, na naglalaom na an samuyang mga namumutan na katugangan asin an samuyang mga kaarakian magresibe sainda na may pagpapasalamat sa mga puso, asin magbasa sa sainda na tanganing sinda puwedeng makanuod na may kaogmahan asin bakong kamondoan; ni may paghamak, mapanungod sa saindang mga enot na kamagurangan.

4 Nin huli ta, para sa intension na ini kun kaya samuyang isinurat an mga bagay na ini, na tanganing sinda makaaram na kita nakakaaram ki Cristo, asin na kita may sarong paglaom sa saiyang kamurawayan sa kadakul na mananggatos na mga taon bago pa man siya mag-abot; asin bako sanang kita sa satuyang mga sadire na nagkaigwa nin sarong paglaom kan saiyang kamurawayan, kundi pati man an gabos na mga banal na propeta na mga naenot pa satuya.

5 Hilnga, sinda nagtutubod ki Cristo asin nagsamba sa Ama sa pangaran niya, asin man kita nagsamba sa Ama sa saiyang pangaran. Asin nin huli sa pagmamawot na ini satuyang sinusunod an ley ni Moises, na nagtutukdo sa satuyang mga kalag sa saiya; asin nin huli kaining kausa ini pinapabanal satuya para sa pagkamatanos, magin arog ini sa

An Simbahan ni Jesukristo nin Mga Banal sa Huring-aldaw

148

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pagkabilang ki Abraham sa kaparangan na nagin masinunod-sunod sa mga kasugoan nin Diyos sa pagdulot kan saiyang akeng si Isaac, na iyo an nagin kapareho sa gibo nin Diyos asin kan saiyang Bugtong na Piniling Ake.

6 Kun kaya, satuyang hinanap an mga propeta, asin nagkaigwa kita nin kadakul na kapahayagan asin kan espiritu nin pagpropesiya; asin sa pagkaigwa kaining gabos na mga patotoo nagkaigwa kita nin sarong paglaom, asin an satuyang pagtubod dae naggad matatanyog, sa kadaklan na mga bagay na ini na kita tunay na makakapagsugo sa pangaran ni Jesus asin maski na ngani mismo an mga kahoy nagtutubod satuya, o an mga kabukidan, o an mga balud sa dagat.

7 Dae magkukulang, an Kagurangnang Diyos iyo an nagpahiling satuya kan satuyang kaluyahan na tanganing kita puwedeng makaaram na ini nangyari sa paagi kan saiyang grasya, asin kan saiyang dakulaang pagpapakumbaba sa mga kaarakian nin mga tawo, na tanganing kita magkaigwa nin kapangyarihan na gumibo sa mga bagay na ini.

8 Hilnga, dakula asin makangangalas an mga gibo nin Kagurangnan. Gurano na dae matugkad an mga kairaroman kan mga misteryo niya; asin ini imposibleng gayo na an tawo makakaaram kan gabos niyang mga paagi. Asin mayong tawo na puwede sanang makakaaram kan saiyang mga paagi laen lang kun ini ipinapahayag sa saiya; kun kaya, mga tugang, dae nindo paghamakon an mga kapahayagan nin Diyos.

9 Nin huli ta hilnga, sa paagi kan kapangyarihan nin saiyang tataramon an tawo nag-abot sa lalawgon nin kinaban, na an kinaban na ini iyo an paglalang sa paagi kan kapangyarihan nin saiyang tataramon. Kun kaya, kun an Diyos na nagpuwedeng nagtaram asin nangyari sa mundo, asin nagtaram asin an tawo nalalang, o kaya, tadaw ta dae makapagsugo kan kinaban, o an kaggibohan kan saiyang mga kamot sa ibabaw kaini, na uyon sa saiyang pagboot asin kaogmahan?

10 Kun kaya, mga tugang, dae magmawot na tukdoan an Kagurangnan, kundi magresibe kan tukdo gikan sa saiyang kamot. Nin huli ta hilnga, kamo mismo sa saindong mga sadire nakakaaram na siya nagtutukdo sa kadunungan, asin sa hustisya, asin may dakulang pagkaherak, na nangingibabaw sa gabos na saiyang mga gibo.

11 Kun kaya, namumutan na mga tugang, makipagbalikan ka sa saiya sa paagi nin pagbayad-sala ni Cristo, an saiyang Bugtong na Piniling Ake, asin na kamo puwedeng magkaigwa nin sarong pagkabuhay-liwat, na uyon sa kapangyarihan kan pagkabuhay-liwat na yaon ki Cristo, asin mai-atubang bilang pang-enot na mga prutas ni Cristo sa Diyos, na may pagtubod, asin nagkaigwa nin sarong marhay na paglaom sa kamurawayan niya bago pa man siya nagpahiling kan saiyang sadire sa laman.

12 Asin ngonian, mga namumutan, dae kamo magngalas na ako magsasabi saindo kan mga bagay na ini; nin huli ta tadaw baya ta dae ako magtaram manungod sa pabayad-sala ni Cristo, asin makamtan an sarong perpektong kaaraman manungod saiya, arog kan makamtan an kaaraman manungod sa sarong pagkabuhay-liwat asin kan kinaban na maabot?

13 Hilnga, sakuyang mga tugang, siya na nagpropesiya, tugutan siyang magpropesiya para sa pagka-intende nin mga tawo; nin huli ta an Espiritu nagtataram sa katotohanan asin dae nagpuputik. Kun kaya ini nagtataram nin mga bagay na arog kan nahihiling ngonian, asin kan mga bagay na arog kan mahihiling sa maabot; kun kaya, an mga bagay na ini ipinapahiling sa satuya nin malinaw, para sa ikaliligtas kan satuyang mga kalag. Pero hilnga, bako sana kita an mga saksi kan mga bagay na ini; nin huli ta an Diyos

nagtaram man sa sainda na mga propeta kan lumang panahon.

14 Pero hilnga, an mga Judio iyo an may mga tisiong-liog na mga katawohan; asin saindang pinaghamak an mga tataramon na malinaw, asin pinaggagaradan an mga propeta, asin maghanap sa mga bagay na dae ninda pa maintendihan. Kun kaya, nin huli kan saindang pagkabuta, na na pagkabuta nag-abot sa paagi kan harayong paghilingon kan marka, kaya sinda nagkahurulog; nin huli ta an Diyos iyo mismo an naghale kan saiyang kalinawan gikan sainda, asin iyo an nagtao sainda nin kadakul na mga bagay na dae ninda maiintindihan, nin huli ta pinagmawot ninda ini. Asin ta sinda nagmawot kaini kaya an Diyos ginibo ini, na tanganing sinda magkaturumba.

15 Asin ngonian ako, si Jacob, pinag-aakay kan Espiritu na magpropesiya; nin huli ta sakuyang naiisip na paagi kan mga gibo kan Espiritu na yaon sakuya, na sa paagi kan pagkaturumba kan mga Judio saindang isisikwal an gapo na iyo kuta na an saindang magagamit sa pagtugdok asin magkaigwa nin ligtas na pundasyon.

16 Pero hilnga, uyon sa mga kasuratan, an gapong ini magigin dakula, asin an huri, asin an solong tunay na pundasyon, na kun saen an mga Judio puwedeng magtugdok.

17 Asin ngonian, sakong namumutan, paano ini magin posible na an mga ini, pagkatapos na saindang isinikwal an tunay na pundasyon, puwedeng makapagtugdok sa ibabaw kaini, na tanganing ini magin pamayo kan saindang gapong-pangilid?

18 Hilnga, sakuyang namumutan na mga tugang, ako an magbubukas kaining misteryo para saindo; ta kun ini dae ko gibohon, sa anuman na mga paagi, matatanyog ako gikan sa kapusugan kan Espiritu, asin matumba man nin huli kan sobra kong kahaditan para saindo.

JACOB TSAPTER 5

Si Jacob nagtaram para ki Zenos mapanungod sa talinghaga kan ataman asin layas na kahoy na Olibo --- Sinda siring sa kaagidan kan Israel asin kan mga hentil --- An pagkawaratak-watak asin pagkatiripon-tipon kan Israel ipinagladawan --- Mga palatandaan ginibo para sa mga Nephita asin mga Lamanita asin kan bilog na pagharongon nin Israel --- An mga hentil ihuhugpong sa Israel --- Mangyayari na an olibohan susuloon.

Hilnga, mga tugang ko, dae daw nindo nagigiromdoman an nabasa nang mga tataramon nin propetang si Zenos, na saiyang itinaram sa harong nin Israel, na nagsasabi:

2 Magdangog kamo, o harong nin Israel, asin dangoga an sakuyang mga tataramon, na sarong propeta nin Kagurangnan.

3 Nin huli ta hilnga, ini sinabi nin Kagurangnan, ipapareho ko kamo, o harong nin Israel, arog kan sarong ataman na kahoy na olibo, na kinua nin sarong tawo asin inataman niya sa saiyang tanoman; asin ini tuminalubo, asin nagin magurangon, asin nagpoon nang maglapa.

An Simbahan ni Jesukristo nin Mga Banal sa Huring-aldaw 150
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

4 Asin ini nangyaring naglipas na an Kagsadire kan tanoman nagpasiring duman, asin saiyang namasdan na an saiyang olibong kahoy nagpoon na sa pagkalapa; asin siya nagsabi: Ako an an magpupungos kaini, asin magkakalot sa palibot, asin abonohan ini, na sakali ini puwedeng magsupang nin bago asin lumbod na mga sanga, asin ini dae magagadan dagos.

5 Asin ini nangyaring naglipas na saiya ining pinagsagad, asin pinagkalutan ini sa palibot, asin inabonohan ini uyon kan saiyang ipinangako.

6 Asin ini nangyaring naglipas na pagkatapos nin kadakul na aldaw ini nagpoon nang magsupang nin garo sadit, bago asin lumbod na mga sanga; pero hilnga, an pinaka-ibabaw kaini nagpoon nang maglapa.

7 Asin ini nangyaring naglipas na an may Kagsadire kan tanoman nahiling ini, asin siya nagsabi sa saiyang surugoon: Nakakamundo para sakuya na ako mawawaraan kan kahoy na ini; kun kaya, lakaw asin mangalap nin mga sanga gikan sa sarong layas na kahoy na olibo, asin darahon mo digde sa sakuya; asin satuyang haharaleon idtong mga poon nin mga sanga na nagpopoon nang nagkakaaralang, asin satuya sindang isusugba sa kalayo na tanganing sinda magkakasurulo.

8 Asin hilnga, sinabi nin Kagurangnan kan tanuman, ako magdadara nin kadakul kaining mga bago asin lumbod na mga sanga, asin ako an maghuhugpong sinda na uyon sa anumang bagay na kagustuhan ko; asin ini mayo na ning halaga na kun ini kaipuhan mangyari na ang ugat kaining kahoy magadan, ako naghimong magsaray nin bunga kaini para sa sadire ko; kun kaya, ako magkukua kaining mga bago asin lumbod na mga sanga, asin ako an maghuhugpong sa arin man sinda na ginugusto ko.

9 Kuroahon mo an mg asanga kan layas na olibong kahoy, asin ihugpong mo sinda, bilang mga karibay kan mga ini; asin ining sakuyang hinarale isusugba ko sa kalayo asin suruloon sinda, na tanganing dae na sinda magtaralubo pa sa lugar kaining sakuyang tanuman.

10 Asin ini nangyaring naglipas na an surugoon nin Kagurangnan kan tanuman ginibo an uyon sa tataramon nin Kagurangnan kan tanuman; asin ipinaghugpong niya an mga sanga kan mga layas na olibong kahoy.

11 Asin an Kagurangnan nin tanuman nagsugo na ini ikalot sa palibot, asin pagpungusan, asin atamanon, na sinasabi sa saiyang surugoon: Ini makakakulog sa boot ko na mawawara sakuya an kahoy na ini; kun kaya, na baka laman sakuyang maipreserba an mga ugat kaini na tanganing sinda dae magagadan, na tanganing sakuya sindang maipreserba para sakuya, kaya ginibo ko an bagay na ini.

12 Kun kaya, maglakaw ka sa dalan; bantayan mo an kahoy, asin atamanon ini, na uyon sa sakuyang mga tataramon.

13 Asin an mga ini itatanom ko sa pinakapurong parte kan sakuyang olibohan sa arin man na parte na ginusto ko, ini mayong halaga para saimo; asin ako maggigibo kaini na tanganing maipreserba ko para sakuya an natural na mga sanga kan kahoy; asin man, na ako makapag-ani nin bunga kainin pag-abot nin anihan, para man sakuya; nin huli ta ini makakakulog sa boot ko na mawawara an kahoy na ini asin an saiyang mga bunga.

14 Asin ini nangyaring naglipas na an Kagurangnan nin olibohan nagpadagos kan saiyang naitaram, asin tinago an mga natural na mga sanga kan apamadong kahoy na olibo sa pinakapurong mga parte kan olibohan, an iba sa sarong asin an iba laen man, na uyon sa aiyang kagustuhan asin kaogmahan.

- 15 Asin ini nangyaring naglipas na sarong halabang panahon an uminagi, asin an Kagurangnan nin olibohan nagsabi sa saiyang surugoon: Madya, magduman kita sa olibohan, na tanganing magtrabaho kita sa olibohan.
- 16 Asin ini nangyaring naglipas na an Kagurangnan kan olibohan, asin man an surugoon, nagpasiring sa olibohan para magtrabaho. Asin ini nangyaring naglipas na an surugoon nagsabi sa saiyang amo: Hilnga, masdan mo digde; hilnga an kahoy.
- 17 Asin ini nangyaring naglipas na an Kagurangnan kan olibohan nagmasid asin nahiling an kahoy kun saen an mga sanga kan layas na olibo ipinaghugpong; asin ini nagin marambong asin nagpoon nang magbunga nin prutas. Asin saiyang nahiling na ini marahayon asin an bunga kaini naarog sa natural na prutas.
- 18 Asin siya nagsabi sa saiyang surugoon: Hilnga an mga sanga kan layas na kahoy iyo an nagpupugol kan hamog kan ugat kaini, na tanganing an ugat kaini iyo an nagtatao nin grabeng kakusugon; asin nin huli kan grabeng kakusugan kan ugat kaini an layas na mga sanga nagbunga nin marhay na bunga. Ngonian, kun dae ta ipinaghugpong an mga sangang ini, an kahoy kuta na nagadan na. Asin ngonian, hilnga, ako mag-aani nin kadakul na prutas, na an kahoy mismo iyo an nagbunga; asin an bunga mismo sakuyang sasarayon pagkatapos nin anihan, para sa sadire ko man sana.
- 19 Asin ini nangyaring naglipas na an Kagurangnan kan olibohan nagsabi sa saiyang surugoon: Madya, magduman kita sa pinakapurong parte kan olibohan, asin hilngon ta kun an mga natural na sanga kan kahoy dae man nagbunga nin kadakul na prutas, na tanganing ako magsasaray kan bunga kaini pagkatapos kan anihan, para sa sadire ko man sana.
- 20 Asin ini nangyaring naglipas na sinda nagpasiring duman sa lugar kun saen ipinagtao kan amo an mga natural na mga sanga kan kahoy, asin siya nagsabi sa surugoon: Hilnga an mga ini; asin saiyang nahiling an enot na ini nagbunga nin kadakul na prutas; asin saiya man nahiling na ini marhay. Asin siya nagsabi sa surugoon: Kuahon an prutas na iyan asin sarayon ini hanggan sa pagtapos nin anihan, na tanganing sakuyang maisaray an mga ini para sa sadire ko man sana; nin huli ta hilgan, an sabi nya, sa arog kaining haloy na panahon na sakuya ining inataman, asin ini nagbunga nin kadakul na prutas.
- 21 Asin ini nangyaring naglipas na an surugoon nagsabi sa saiyang amo: Paanong nangyari na naitanom mo an kahoy na ini digde, o an sangang ini kan kahoy? Nin huli ta hilnga, iyo ini an pinakamaluyang parteng lugar kan saimong olibohan.
- 22 Asin an Kagurangnan kan olibohan nagsabi sa saiya: Dae mo ako pagtukdoan; aram ko na iyo ini an sarong maluyang parte kan daga; kun kaya, ako nagsasabi saimo, ako an nag-ataman kaini sa haloy na panahon, asin saimong gayong nahihiling na ini nagbunga nin kadakul na prutas;
- 23 Asin ini nangyaring naglipas na an Kagurangnan kan olibohan nagsabi sa saiyang surugoon: Masdan mo digde; hilnga ako nagtanom pa man nin ibang sanga kan kahoy; asin ika nag-aaram na gayo na an lugar na ini iyo an maluya-luya kesa sa enot. Pero, hilnga an kahoy, ako an nag-ataman kaini sa haloy na panahon, asin ini nagbunga nin kadakul na prutas; kaya, tiripuna ini, asin saraya hanggan sa pagtapos kan anihan, na ako an puwedeng magpreserba kaini para sa sadire ko man sana.
- 24 Asin ini nangyaring naglipas na an Kagurangnan kan olibohan nagsabi giraray sa saiyang surugoon: Magmasid ka daw digde, asin hilnga an ibang sanga man, na sakuyang itinanom, hilnga na tanganing sakuya man ining maataman, asin ini nagbunga nin

kadakul na prutas.

25 Asin siya nagtaram sa surugoon: Magmasid ka digde asin hilnga an huri. Hilnga, ini an sakuyang itinanom sa marhay na lugar kan daga; asin ako an nag-ataman kaini sa haloy na panahon, asin sarong sanang parte kan kahoy an nagbunga nin inataman na prutas, asin an iba man na parte kan kahoy nagbunga nin layas na bunga; hilnga, ako an nag-ataman kaining kahoy arog man sa iba.

26 Asin ini nangyaring naglipas na an Kagurangnan kan olibohan nagsabi sa saiyang surugoon: Haraleon mo an mga sanga na dae nagbunga nin marhay na prutas, asin inarapon sinda sa kalayo.

27 Pero hilnga, an surugoon nagsabi sa saiyang amo: Purunguson ta ini, asin magkalot sa palibot kaini, asin atamanon ta ini sa sarong halipot na panahon na baka baya ini makapagbunga pa nin marhay na prutas para saimo, na tanganing maisaray mo sinda hanggan sa katapusan kan pag-ani.

28 Asin ini nangyaring naglipas na an Kagurangnan kan olibohan asin an surugoon nin Kagurangnan kan olibohan inataman an gabos na prutas kan olibohan.

29 Asin ini nangyaring naglipas na sarong halawig na panahon an nag-agi, asin an Kagurangnan kan olibohan nagsabi sa saiyang surugoon: Madya, magduman kita sa olibohan, na tanganing magtrabaho giraray sa olibohan. Nin huli ta hilnga, an oras nagraran na, asin an katapusan madali nang mag-abot; kun kaya, ako kaipuhan nang mag-ani sa panahon nin anihan, para sa sakuya mang sadire.

30 Asin ini nangyaring naglipas na an Kagurangnan sa olibohan asin an surugoon nagpasiring sa olibohan asin sinda nagduman sa kahoy na an natural na mga sanga pinagharale, asin sinalidahan kan mga layas na sanga na ipinaghugpong kaini; asin hilnga an gabos na klaseng mga bunga iyo an namurulupot sa kahoy.

31 Asin ini nangyaring naglipas na an Kagurangnan kan olibohan nagnamit kan prutas, lambang klase uyon kaining bilang. Asin an Kagurangnan nin olibohan nagsabi: Hilnga, sa halawig na panahon na ginibo tang atamanon an kahoy na ini, asin ako nakapagtipon para sa sadire hanggan sa katapusan kan tig-ani nin kadakul na prutas.

32 Pero hilnga, sa oras na ini nagbunga nin kadakul na prutas, asin mayo ni sarong kaini an marhay. Asin hilnga, nagka-igwa nin kadakul na klase nin bungang maraot; asin ini daeng pakinabang sakuya, maski na ngani kita naghingohang magtrabaho; aisin ngonian ako namumundong gayo nin huli ta kaipuhan na gayong mawawara sakuya an kahoy na ini.

33 Asin an Kagurangnan kan olibohan nagsabi sa surugoon: Ano an satuyang gigibohon sa kahoy na ini, na tanganing ako makapagsaray giraray nin marhay na bunga gikan kaini para sa sadire ko man sana?

34 Asin an surugoon nagsabi sa saiyang amo: Hilnga, nin huli ta saimong ipinaghugpong an mga sanga kan layas na olibong kahoy saindang napangatamanan an mga ugat kaini, na sinda nabuhay asin sinda dae napara; kun kaya ikaw mismo an nakapaghiling na sinda ngonian napamarhay.

35 Asin ini nangyaring naglipas na an Kagurangnan kan olibohan nagsabi sa saiyang surugoon: An kahoy daeng pakinabang sa sakuya, asin an mga ugat kaini daeng pakinabang sa sakuya habang ini nagbunga nin maraot na prutas.

36 Dae man nagkukulang, ako nag-aaram na an mga ugat marhay, asin para sa sakuyang pansadireng katuyuhan sakuya sindang naipreserba; asin nin huli ta sa saindang

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kakusugan sinda ngonian nagbunga gikan sa layas na mga sanga, nin marhay na prutas.
37 Pero hilnga, an mga layas na sanga nagdarakula asin nagsalida na sa mga ugat kaini; asin nin huli ta an mga layas na sanga iyo an nakapagsalida sa mga ugat kaini nagbunga nin kadakul na maraot na bunga; asin nin huli ta ini nagbunga nin kadakul na maraot na bunga saimo mismong nahihiling na ini nagpoon nang magagadan; asin ini sa madaliong panahon magigin mga hinog, na ini puwedeng maisugba sa kalayo, laen lang kun kita maghingohang gumibo nin anuman na bagay na tanganing ini puwedeng maipreserba.
38 Asin ini nangyaring naglipas na an Kagurangnan kan olibohan nagsabi sa saiyang surugoon: Magpasiring kita sa pinakapurong mga parte kan olibohan, asin hilngon ta kun an mga natural na mga sanga nagbunga man nin maraot na prutas.
39 Asin ini nangyaring naglipas na sinda nagpasiring duman sa pinakapurong mga parte kan olibohan. Asin ini nangyaring naglipas na saindang nahiling na an prutas kan natural na mga sanga nagin koraptu man; iyo, an enot asin an panduwa asin man an pinakahuri; asin sinda gabos nagin mga koraptu.
40 Asin an layas na bunga kan pinakahuri iyo an nakapagsalida kaidtong parte kan kahoy na nagbunga nin marhay na prutas, maski na ngani na an sanga nagin alang na asin nagadan.
41 Asin ini nangyaring naglipas na an Kagurangnan kan olibohan nagluha, asin nagsabi sa surugoon: Ano pa daw an sakuyang magiginibong iba para sa sakuyang tanuman?
42 Hilnga, kaidto ko pa aram na an gabos na bunga kan olibohan, laen lang kan mga ini, nagin mga maraot. Asin ngonian, an mga ini na kaidto nagbunga nin marahay-rahay na bunga nagin man mga maraot; asin ngonian an gabos na kahoy kan sakuyang tanuman dae nang pakinabang laen lang kun ini purutulon asin igatong sa kalayo.
43 Asin hilnga ining pinakahuri, na sanga nagin alang na, na ako mismo an nagtanom sa sarong magayon na parte nin daga; iyo, maski ini na iyo an sakuyang pinakapinili para sakuya na pinalaen sa gaobs na parte kan daga nin sakuyang tanuman.
44 Asin saimong nahiling na ako mismo an nagpurutol kaidtong nagpurungot na tanom sa lugar na ini, na tanganing maitanom ko an kahoy na ini bilang karibay.
45 Asin saimong nahihiling na an sarong parte kaini nagbunga nin marhay na bunga, asin an sarong parte kaini nagbunga man nin layas na prutas; asin nin huli ta dae ko hinawanan an mga sanga kaidto asin isusugba kuta na sa kalayo, hilnga, sinda an nagribay kan marhay na sanga na tanganing ini magka-aralang.
46 Asin ngonian, hilnga, maski na ngani sa gabos na pag-aataman na satuyang ginibo sa olibohan ko, an mga kahoy kaini nagin mga lapa, na tanganing sinda dae nagbunga nin marhay na prutas; asin an mga ini na piglaoman kong maipreserba, na tanganing makapagbunga nin prutas pag-abot nin tig-ani, para sa sakuyang sadire. Pero, hilnga, sinda nagin arog man kan mga layas na olibong kahoy, asin sinda dane mga pakinabang kundi paralubdon asin igatong sa kalayo; asin ini nakapagpamundo sakuya na mawawara sakuya sinda.
47 Pero ano pa daw an sakuyang magiginibong iba sa sakuyang tanuman? Nagpabaya daw an sakuyang kamot, na ako dae nakapag-ataman kaini? Dae, ako an nag-ataman kaini, asin ako an nagkalot sa palibot kaini, asin ako an naghawan kaini, asin ako an nag-abono kaini; asin sakuyang ipinagbingat an sakuyang kamot haros sa bilog na kalawigan nin aldaw, sakuyang kamot haros sa bilog na kalawigan nin aldaw, asin nin huli ta an katapusan naghaharani nang gayo. Asin ini nakapagpamundong gayo sakuya na dapat

kong purutulon an gabos na kahoy kan sakuyang tanuman, asin igatong sinda sa kalayo na tanganing sinda magksurulo. Siisya daw ining naggibo nin karaotan sa sakuyang tanuman?

48 Asin ini nangyaring naglipas na an surugoon nagsabi sa saiyang amo: Bako daw na sa kalangkawan kan samong olibohan --- an an mga sanga kaini iyo an nakapagribay kan mga ugat na marhay? Asin nin huli ta an mga sanga iyo an nagribay kaini; hilnga sinda nagdarakula nin mabilison kesa kakusugan kan mga ugat, kinukua an kusog na gikan man sana sinda. Hilnga, ako nagsasabi, bako daw na iyo ini an dahilan kun tadaw ta an mga kahoy kan saimong olibohan nangyaring nagin mga lapa?

49 Asin ini nangyaring naglipas na an Kagurangnan kan olibohan nagsabi sa saiyang surugoon: Madya magduman kita asin paraludon ta an mga kahoy kan olibohan asin igatong ta sa kalayo, na tanganing sinda dae makapagpurungot sa daga kan sakuyang tanuman, nin huli ta ako ang naggibo kan gabos. Ano pa da an sakuyang magiginibong iba para sa sakuyang tanuman?

50 Pero, hilnga, an surugoon nagsabi sa Kagurangnan kan olibohan: Pabayaan na nguna an mga ini sa kadikit na panahon.

51 Asin an Kagurangnan nagsabi: Sige, pabayaan ko nguna na an mga ini sa kadikit napanahon, nin huli ta makulog na marhay sa book ko na mawawara sakuya an mga kahoy sa sakuyang olibohan.

52 Kun kaya, magkua kita nin mga sanga kaining sakuyang itinanom sa mga pinakapurong parte kan sakuyang tanuman, asin satuya sindang ihugpong sa kahoy kun saen sinda naggikan; asin satuyang haleon sa kahoy idtong mga sanga na an prutas grabeng gayo an pait, asin ihugpong an mga natural na mga sanga kan kahoy bilang karibay kan mga ini.

53 Asin ini gigibohon ko na tanganing an kahoy dae magagadan, na kun sakali, sakuyang maipreserba para sa sakuyang sadire an mga ugat kaini para sa sakuyang sadireng katuyuhan.

54 Asin, hilnga, an mga ugat kan mga natural na sanga kan kahoy na sakuyang itinanom sa maski arin man lugar na ginusto kong tanuman uya gabos buhay; kun kaya, sakuya sinda man ipreserba para sa sakuyang pansadireng katuyuhan, ako magkukua nin mga sanga kan kahoy na ini, asin ako mismo an maghuhugpong kan mga ini sa sinda. Iyo, ako mismo an maghuhugpong sa sinda kan mga sanga sa sindang pinakamagurang na kahoy, na tanganing sakuyang maipreserba man an mga ugat para sa sakuyang pansadire, na kun sinda magigin mga makusog nang gayo baka laman na sinda puwedeng magbunga nin marhay na prutas para sakuya, asin ako puwedeng mapamuraway kan bunga nin sakuyang olibohan.

55 Asin ini nangyaring naglipas na sinda nagkua gikan sa natural na kahoy na nagin layas, asin ipinaghugpong ini sa mga natural na kayoy, na nagin man mga layas.

56 Asin sinda man nagkua gikan sa mga natural na mga kahoy na nagin layas, asin ipinaghugpong sa sindang pinakamagurang na kahoy.

57 Asin an Kagurangnan kan olibohan nagsabi sa surugoon: Dae mo pagharaleon an mga layas na mga sanga hale sa mga kahoy, laen lang kun an mga ini an pinakamapait; asin sa sinda saimong ihuhugpong uyon sa mga bagay na sakuyang isinabi.

58 Asin satuya giraray aatamanon an mga kahoy kan olibohan, asin satuyang kortehan an mga sanga kaini; asin haharaleon ta gikan sa mga kahoy idtong mga sanga na nagka-

aralang na, na kaipuhang gadanon, asin itapok sinda sa kalayo.

59 Asin ini an gibohon ko na , baka sakali, an mga ugat kaini puwedeng magkurusog nin huli ta sinda marahayon; asin nin huli sa pagribay kan mga sanga, na an marhay puwedeng iyo an magdaog kan maraot.

60 Asin nin huli ta ako nagpreserba kan mga natural na mga sanga asin mga ugat kaini, asin na ako an naghugpong giraray sa mga natural na mga sanga sa saindang pinakamagurang na kahoy, asin nagpreserba kan mga ugat kan saindang pinakamagurang na kahoy, na baka sakali, an mga kahoy kan sakuyang olibohan mapupuwedeng magbunga giraray nin marhay na prutas; asin na ako puwedeng mag-oogma giraray sa prutas kan sakuyang olibohan, asin baka sakali, na ako magpupuwedeng magka-igwa nin dakulang kaogmahan na sakuyang naipreserba an mga ugat asin mga sanga kan enot na prutas---

61 Kun kaya, magduman ka, asin mag-arapud nin mga katabang, na kita puwedeng magtrabaho nin maigot sa bilog tang kusog sa tanuman, na tanganing puwede tang mapakarkay an dalan, na tanganing puwede kong mapabunga giraray nin natural na prutas, na an natural na prutas na ini marhay asin iyo an pinagkamahalaga na nangingibabaw sa gabos na ibang mga prutas.

62 Kun kaya, magduman kita asin magtrabaho sa bilog tang kusog kaining huring pagkakataon, nin huli ta hilnga an katapusan naghaharani nang gayo, asin iyo na ini an pinakahuring panahon na ako magpupungos kan sakuyang olibohan.

63 Hala ihugpong an mga sanga; magpoon sa pinakahuri na tanganing sinda iyo an mangelotan, asin na an pinaka-enot iyo man an mahuhuri, asin magkalot sa palibot kan mga kahoy sa parehong gurang na asin ake pa, an enot asin an huri; asin an huri asin ang enot, na an gabos mapupuwedeng mapangatamanan giraray para sa pinakahuring pagkakataon.

64 Kun kaya, magkalot sa palibot ninda, asin pungusan sinda, asin abonohan man giraray, sa huring pagkakataon, nin huli ta an katapusan naghaharani nang gayo. Asin kun ini mangyayari na ining pinakahuring paghugpong magtatalubo, saka kamo maghahawan nin dalan para sainda, na tanganing sinda mapupuwedeng magtrabaho.

65 Asin habang sinda nagpopoon nang magtaralubo saka mo pupurutulon an mga sanga na nagbunga nin mapaiton na prutas, na uyon sa kakusugan kan marahayon asin kan kadakulaan kaini; asin dae mo pupurutulon tulos-tulos an mga mararaot sa sararorang paagi, baka kaya an mga ugat kaini grabeng gayo an pangungupot para sa kahugpungan, asin an inihugpong kaini puwedeng magadan, asin baka mawara pa sakuya an mga kahoy kan sakuyag olibohan.

66 Nin huli ta nagkukulog an boot ko na mawawara sakuya an mga kahoy kan sakuyang tanuman; kun kaya saimong hahawanon an mga mararaot habang an mga mararahay nagtatalubo na, na an ugat asin an ibabay igwa nin pararehong kakusugan, hanggan an marhay magdadaog kan mga maraot, asin an maraot pupurutulon asin itapok sa kalayo, na tanganing sinda dae na mangungurupot sa pagtatalubo sa daga kan sakuyang olibohan; asin ta ako an magsisighid kan mga mararaot paluwas sa sakuyang tanuman.

67 Asin an mga sanga kan natural na kahoy sakuya man ihuhugpong giraray sa natural na kahoy sakuya man ihuhugpong giraray sa natural na kahoy;

68 Asin an mga sanga kan natural na kahoy sakuya man ihuhugpong sa natural na mga sanga kan kahoy; asin ta sakuya sindang pagkasararoon giraray, na tanganing sinda

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magbubunga nin natural na prutas, asin sinda magigin sarong.

69 Asin an mararaot itatapok paharayo, iyo, duman sa luwas kan bilog na daga kan sakuyang tanuman; nin huli ta hilnga, iyo na sana ini na ako magpupungos kan sakuyang tanuman.

70 Asin ini nangyaring naglipas na an Kagurangnan kan tanuman ipinadara an saiyang surugoon; asin an surugoon nagduman asin naggibo kan bagay nin Kagurangnan na uyon sa isinugo sa saiya; asin nagdara pa nin iba pang mga katabang; asin sinda kadikit sana.

71 Asin an Kagurangnan kan tanuman nagsabi sa sinda: Magduman kamo, asin magtrabaho sa olibohan ko, sa bilog nindong kakusugan. Nin huli ta an katapusan harani nang marhay, asin an panahon madalio sanang minaabot; asin kun kamo magtrabaho sa bilog nindong kusog na kaiba ko, kamo magkakaigwa nin kaogmahan sa prutas na sakuyang ihahanda para sakuya laban sa panahon na haranihon nang mag-abot.

72 Asin ini nangyaring naglipas na an mga surugoon nagduruman asin nagtrabaho sa bilog nindang kakusugan; asin an Kagurangnan nin tanuman nagtrabaho man kaiba ninda; asin sindang pinagsusunod an mga kasugoan nin Kagurangnan kan tanuman sa gabos na mga bagay.

73 Asin nagpoon nang magkaigwa nin natural na prutas giraray sa olibohan; asin an natural na mga sanga nagpopoon nang magtaralubo asin namurungot na gayo; asin an mga layas na mga sanga pinunan nang pinagpurutol asin tanganing itatapok sa harayo; asin sinda man naggad iningatan an mga ugat asin an ibabaw kaini na magin pareho, uyon sa kakusugan kaini.

74 Asin kaya sinda nagtrabaho, sa bilog na kahigasan, na uyon sa mga kasugoan nin Kagurangnan kan olibohan, maski hanggan na an mararaot maitapok paluwas sa tanuman, asin an Kagurangnan nagpreserba para sa saiyang sadire na an mga kahoy nagbunga giraray nin natural na prutas; asin sinda nagin arog sa sarong sanang hawak; asin an mga prutas nagin pantay; asin an Kagurangnan kan tanuman nagsaray para sa saiyang sadire nin natural na prutas, na iyo an pinakamahalaga para sa saiya magpoon pa sa kapinunan.

75 Asin ini nangyaring naglipas na kan an Kagurangnan nin tanuman nahiling na an saiyang bunga marhay, asin na an saiyang olibohan bako nang maraot, saiyang inapud an saiyang mga surugoon, asin nagsabi sa sinda: Hilnga, para kainang huring pagkakataon na satuyang pinangatamanan an sakuyang olibohan; asin sinda mismong nahihiling na ako naggibo na uyon sa sakuyang kagustuhan; asin sakuyang naipreserba an natural na prutas, na ini marhay, na arog na gayo kaidto sa kapinunan. Asin paladan kamong gayo; nin huli ta kamo nagin mahigos sa pagtatrabaho na kaiba ko sa sakuyang tanuman, asin nagin masinunod-sunod sa sakuyang mga kasugoan, asin nagtarabang sa sakuya na tanganing mapabunga ko giraray nin natural na prutas, na naggibo na an sakuyang olibohan dae na nagin maraot, asin an mga mararaot itinatapok na sa harayo, hilnga kamo magkakaigwa nin kaogmahan kaiba ko nin huli sa prutas kan sakuyang olibohan.

76 Nin huli ta hilnga, sa halawig na panahon na ako nagguguno nin prutas sa sakuyang olibohan para sa sakuyang pansadire sa lambang tig-ani, na madalio gayong minaabot; asin sa huring pagkakataon na ako nangatman kan sakuyang olibohan asin nagparapampungos kaini, asin nagparakalot sa palibot kaini, asin nagpara-abono kaini; kun kaya ako magsasaray para sa sakuyang pansadire, para sa halawig na panahon, na uyon sa mga bagay na sakuyang ipinagtaram.

77 Asin sa panahon na maabot na an maraot na prutax magtaralubo giraray sa sakuyang tanuman kaya ako maggigibo na an marhay asin an maraot titiriponon; asin an marhay sakyang ipagpapalaen para sa sakuya, asin an mararaot sakuyang itatapok paharayo pabalik sa sadire nindang lugar. Asin maabot an tig-ani asin an katapusan; asin an sakuyang olibohan ipapasulo ko nin kalayo.

JACOB TSAPTER 6

An Kagurangnan iyo an magbabawi kan Israel sa mga huring aldaw --- Pagkatapos an mundo susuloon nin kalayo --- An mga tawo kaipuhan na magsuod ki Cristo na tanganing malikayan an danaw nin kalayo asin asupre.

Asin ngonian, hilnga, mga tugang ko, habang ako nagsasabi saindo na ako magpopropesiya, hilnga, iyo ini an sakuyang propesiya --- na an mga bagay na ining propetang si Zenos nagsabi, mapanungod sa harong nin Israel, na kun sane saiyang ipinag-arog sinda sa sarong ataman na olibong kahoy, kaipuhan na seguradong maglipas. 2 Asin an aldaw na saiyang ibibingat an saiyang kamot sa ikaduwang pagkakataon na tanganing mabawi niya an saiyang mga katawohan, iyo an aldaw, iyo, na sa huring pagkakataon, na an mga surugoon nin Kagurangnan nangengenotan sa saiyang kapangyarihan, na pangatamanan asin magpungos kan saiyang tanuman; asin pagkatapos kaiyan an katapusan magpapadagos na maabot.

3 Asin mas paladan kamo na nagtrabaho nin maigot sa sakuyang tanuman; asin mas grabe an sumpa sa sainda na itatapok paluwas sa saindang sadireng lugar! Asin an kinaban mangyayaring susuloon nin kalayo.

4 Asin gurano baya kamaherakon an satuyang Diyos para sa satuya, nin huli ta saiyang nagigiromdoman an harong nin Israel, magpoon pareho sa mga ugat asin mga sanga; asin saiyang pinagbingat an saiyang mga kamot para sa sainda sa bilog na kalawigan nin aldaw; asin sinda sarong tiso an liog asin sarong mapagpalangkaw na katawohan; pero habang may kadakul pa na dae pinatagas an saindang mga puso mangyayaring maliligtas pasiring sa kahadean nin Diyos.

5 Kun kaya, mga namumutan kong katugangan, ako nakikiolay saindo sa malumanay na tataramon na kamo magsolsol, asin magdulok na pano nin katuyuhan sa puso, asin mangaputan sa Diyos habang siya nangangaputan sa saindo. Asin habang an saiyang kamot nin pagkaherak nakaunat paatubang sa saindo sa kaliwanagan nin aldaw, dae nindo pagpatagason an saindong mga puso.

6 Iyo, ngonian, kun saimong madadangog an saiyang boses, dae nindo pagpatagason an saindong mga puso; nin huli ta ano baya an rason ta kamo magagadan?

7 Nin huli ta hilnga, pagkatapos na kamo pinangatamanan sa paagi kan marhay na tataramon nin Diyos sa bilog na kaliwanagan nin aldaw, kamo daw magbubunga nin mararaot na prutas, na tanganing kamo pupurutulon asin itatapok pasiring sa kalayo?

8 Hilnga, saindo daw isisikwal an mga tataramon na ini? Saindo daw isisikwal an mga tataramon kan mga propeta; asin saindo daw isisikwal an gabos na mga tataramon na

An Simbahan ni Jesukristo nin Mga Banal sa Huring-aldaw

158

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagsasabi manungod ki Cristo, pagkatapos nin mas kadakul na isinabi manungod saiya; asin ipagpasipara an marhay na tataramon ni Cristo, asin an kapangyarihan nin Diyos, asin an regalo nin Espiritu Santo, asin magkamit nin Banal na Espiritu, asin himohon an sarong pagtutuya-tuya sa dakulang plano nin kaligtasan na ipinagpahayag na para sa saindo?

9 Nakakaaram daw kamo na kun saindong gigibohon an mga bagay na ini, na an kapangyarihan nin kaligtasan asin kan pagkabuhay-liwat, na yaon ki Cristo, iyo an magdadara saindo na magtindog na igwa nin pagkasupog asin makangorongirhat na pagkakasala sa atubangan kan hukuman nin Diyos?

10 Asin uyon sa kapangyarihan nin hustiasya, nin huli ta an hustisya dae puwedeng maipagpasipara, kaipuhang gayo na kamo mapaduman pasiring sa danaw nin kalayo asin asupre, na kun saen an laad dae mapupundo, asin kun sane an aso minapaitaas nanggad na daeng sagkud asin kasagkuran, na an daw nin kalayo asin asupre iyo ang daeng tapos na kapadusahan.

11 O kaya, mga namumutan kong katugangan, magsolsol na kamo, asin maglaog sa hayakpit na pintuan; asin magdagos sa sarong dalan na sadit, hanggan sa kamo magkakaigwa nin buhay na daeng katapusan.

12 O dapat kamong magin madunong; ano pa daw an iba ko pang masasabi?

13 Sa pagtatapos ko, ako magpapaaram na saindo, hanggan sa kamo mahiling ko sa atubangan nin marahayon na hukuman nin Diyos, na kun saen an hukuman na ini iyo an maghahampak kan mga makasalanon na may makangorongirhat na pagkakilhag asin pagkatakot. Amen.

JACOB TSAPTER 7

Si Sherem nagpasipara ki Cristo, nakipagdiskusyunan ki Jacob, naghagad nin sarong senyal, asin pinadusahan nin Diyos --- An gabos na mga propeta nagparataram manungod ki Cristo asin kan saiyang pagbabayad-sala --- An mga Nephita namuhay kan saindang mga aldaw bilang mga lagalag, ipinangaki sa pagdudusa, asin kina-oongisan kan mga Lamanita.

Asin ngonian ini nangyaring naglipas pagkatapos nin nagkapirang mga taon an nagka-agi, igwa nin sarong tawo na gikan sa mga katawohan ni Nephi, na an pangaran iyo si Sherem.

2 Asin nangyaring naglipas na siya nagpoon na magtukdo sa mga katawohan, asin nagsasabi sa sainda na dapat mayong Cristo. Asin siya nagpahayag nin kadakul na mga bagay na nakakapaomaw pa sa mga katawohan; asin ini saiyang ginibo na tanganing malampasan niya an doktrina ni Cristo.

3 Asin nagtrabaho nin maigot na tanganing puwede niyang maiharayo an mga puso nin mga katawohan, na nangyari ngani na sa saiyang paggibo naiharayo an kadakul na mga puso; asin siya na nakakaaram sa sakuya, si Jacob, na nagtubod ki Cristo na dapat mag-

An Simbahan ni Jesukristo nin Mga Banal sa Huring-aldaw

159

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

abot, siya naghanap nin kadakul na oportunidad na siya puwedeng magdulok sakuya.

4 Asin siya may inadalan, na tanganing siya nagkaigwa nin perpektong kaaraman kan lenguwahe kan mga katawohan; kun kaya, siya nakakapaggibong gumamit nin kadakul na pamboboladas, asin mas na kapangyarihan nin pagtataram, na uyon sa kapangyarihan nin diyablo.

5 Asin naglaom na saiyang matatanyog ako gikan sa pagtubod, na maski na ngani sa kadakul na mga kapahayagan asin nin kadakul na mga bagay na sakuyang nasaksihan manungod sa mga bagay na ini; nin huli ta ako tunay na nakahiling nin mga anghel, asin sinda an nagtukdo sa sakuya. Asin man, ako nakadangog nin tingog kan Kagurangnan na nagsasabi sakuya sa saiya mismong tataramon, sa lambang oras-oras; kun kaya, ako dae naggad matatanyog.

6 Asin ini nangyaring naglipas na siya nagdulok sa sakuya, asin sa kadunungan ini siya nagtaram sa sakuya, na nagsasabi: Tugang na Jacob, ako naghahanap nin mas na oportunidad na tanganing ako mapupuwedeng makipag-olay saimo; nin huli ta sakuyang nadangog asin man nakaaram na ikaw nagpaparalakaw nin grabe sa palibot, nagbabalangibog kan saimong inaapud na ebanghelyo, o doktrina ni Cristo.

7 Asin saimong nadara an kadaklan kaining mga katawohan na tanganing saindang piglawigaw an tamang dalan nin Diyos, asin dae pinagsusunod an ley ni Moises na iyo an tamang dalan; asin pabagohon an ley ni Moises pasiring sa pagsamba sa sarong nilalang na saimong pinagsasabi na maabot sa kadakul na gatos na mga taon magpoon ngonian. Asin ngonian hilnga, ako, si Sherem nagdedeklara sa saimo na ini sarong blaspemiya; nin huli ta mayo nin tawo an nakakaaram sa mga arog kaining mga bagay; nin huli ta an tawo dae makakapagsabi nin mga bagay na paabuton pa sana. Asin sa arog kaining paagi si Sherem nakipagdiskusyonan laban sa sakuya.

8 Pero hilnga, an Kagurangnan Diyos nagpabulos sa sakuya nin saiyang Espiritu palaog sa sakuyang kalag, kumbaya iyo ini sakuya an naghimo na nagparibong saiya sa haros gabos niyang mga tataramon.

9 Asin ako naghapot sa saiya: Ipinapasipara mong gayo an Cristo na iyo an maabot? Asin siya nagsimbag: Kun igwa naggad nin sarong Cristo, ako dae magpapasipara saiya; pero ako nakakaaram na mayo nin Cristo, ni kaidto, ni maski noarin pa man.

10 Asin ako naghapot sa saiya: Nagtutubod ka sa mga kasuratan? Asin siya nagsimbag, Iyo.

11 Asin ako nagsabi sa saiya: Kaya ika dae nakakasabot sinda; nin huli ta sinda mismo an nagpapatunay manungod ki Cristo. Hilnga, ako nagsasabi saimo na mayo sa mga propeta an nakapagsurat, nakapagpropesiya, laen lang na sinda naggad nakapagtaram mapanungod sa Cristong ini.

12 Asin bako lang ini gabos --- ini mismo an ginibong ipinagpahiling sa sakuya, nin huli ta ako an nakadangog asin nakapaghiling; asin ini man ginibong ipinahiling sa sakuya sa paagi nin kapangyarihan kan Banal na Espiritu; kun kaya, ako nakakaaram na kun mayo talaga nin pagbabayad-sala na gigibohon para sa gabos an mga tawong nilalang mangyayayring magkakawarara.

13 Asin ini nangyaring naglipas na siya nagsabi sa sakuya: Magpahiling ka sakuya nin sarong senyal sa paagi kaining kapangyarihan nin Banal na Espiritu, na kun saen ika naggad mas grabe an pagkaaram.

14 Asin ako nagsabi sa saiya: Siisay man baya ako na iyo an magtentasyon sa Diyos na

tanganing maipapahiling ko sana saimo an sarong senyal kan bagay na ikaw mismo may mas naaaraman na ini talagang totoo? Pero ika an nagpapasipara kaini; nin huli ta ika gikan sa diyablo. Dae magkukulang, bako an sakuyang sadireng kagustuhan iyo an mapangyayari; pero kun an Diyos mismo an maghampak saimo, tugutan na iyo ini an sarong senyal sa saimo na siya an may kapangyarihan, pareho sa langit asin sa daga; asin man, na si Cristo maabot. Asin an saimong kagustuhan, O Kagurangnan, iyo an mangyayari, asin bako an sakuya.

15 Asin ini nangyaring naglipas na kan ako, si Jacob, nakapagtaram na kaining mga tataramon, an kapangyarihan nin Kagurangnan uminabot sa saiya, na iyo an dahilan na siya natumba sa daga. Asin ini nangyaring naglipas na siya inataman sa laog nin kadakul na mga aldaw.

16 Asin ini nangyaring naglipas na siya nagsabi sa mga katawohan: Magtiripon-tipon kamo sa pagkaaga, nin huli ta ako magagadanan na; kun kaya, ako nagmamawot na makipag-olay sa mga katawohan bago pa man ako magagadan.

17 Asin ini nangyaring naglipas na sa pagkaaga an kadaklan nagkatiripon-tipon; asin siya nagtaram nin malinaw sa sinda asin saiyang pinahimutikan an mga bagay na saiyang ipinagtutukdo sinda, asin ipinagkumpisal si Cristo, asin an kapangyarihan kan Espiritu Santo, asin an mga pagtutukdo kan mga anghel.

18 Asin siya nagtaram nin malinaw sinda, na siya nangyaring nadaya sa paagi nin kapangyarihan kan diyablo. Asin siya nagtaram manungod sa impyerno, asin kan eternidad, asin kan daeng katapusan na kapadusahan.

19 Asin siya nagsabi: Ako natatakot nin huli ta ako nakagibo nin daeng kapatawaran na kasalanan, nin huli ta ako nagputik sa Diyos; nin huli ta ako nagpasipara sa Cristo, asin nagsabi na ako nagtutubod sa mga kasuratan; asin sinda man naggad tunay na nagpapatotoo sa saiya. Asin nin huli ta ako talaga nagputik sa Diyos dakulang gayo an sakuyang katakutan na an mga nangyari sako magigin makakangorongirhat; pero ako nagkukumpisal sa Diyos.

20 Asin ini nangyaring naglipas na kan siya nakapagsabi na kan mga tataramon na ini siya dae na nakapagtaram nin kadakul pang iba, asin saiyang itinao paitaas an saiyang espiritu.

21 Asin kan an kadaklan nakapagsaksi na siya nagtaram kaining mga bagay habang bago pa man siya pinagbawian nin buhay, sinda grabeng gayo an pagkangalas; na kun kaya an kapangyarihan nin Diyos nagbaba sa sinda, asin sinda pinangibabawan na tanganing sinda nagkaturumba sa daga.

22 Ngonian, an bagay na ini nakakapagpaogma sa sakuya, si Jacob, nin huli ta ako an naghagad kaini sa sakuyang Ama na yaon sa langit; nin huli ta saiyang dinangog an sakuyang pag-apud asin sinimbar an sakuyang pangadyeon.

23 Asin ini nangyaring naglipas na an katuninongan asin an pagkamuot sa Diyos naibalik giraray sa mga katawohan; asin sinda nagparahanap gikan sa mga kasuratan, asin dae na nagdangog sa mga tataramon kaining makasalanon na tawo.

24 Asin ini nangyaring naglipas na kadakul na mga kapaagihan an giniribo na tanganing akoon giraray asin maibalik an mga Lamanita sa pagkakaaram kan katotohanan; pero an gabos na ini naging kasayangan, nin huli ta sinda na-oogma sa mga pakikigiya asin sa pagpapabulos nin dugo, asin ta sinda igwa nin daeng katapusan na kaongisan laban samuya, an saindang mga katugangan. Asin sinda nagmawot sa paagi nin kapangyarihan

An Simbahan ni Jesukristo nin Mga Banal sa Huring-aldaw

161

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kan saindang mga armas na kami destrosohon padagos.

25 Kun kaya, an mga katawohan ni Nephi naggibong magpakusog laban sainda na magkaigwa nin mga armas, asin magkaigwa nin bilog na saindang kusog, na may pagtitiwala sa Diyos asin iyo an gapo kan saindang kaligtasan; kun kaya, sinda sa ngonian, nagin mga mapangganang paralaban kan saindang mga kaiwal.

26 Asin ini nangyaring naglipas na ako, si Jacob, nagpoon nang magin kurang; asin an rekord kaining mga katawohan na pinag-iingatan sa ibang mga lamina ni Nephi, kun kaya, tatapuson ko ining rekord, magsasabi na ako nagsurat uyon sa karahayan kan sakuyang kaaraman, sa paagi nin pagsasabi na an panahon naglipas samuya, asin man an samuyang mga buhay naglipas na arog samuya nin sarong pangiturugan, na kami bilang sarong matuninong asin sarong relihiyosong mga katawohan, mga lagalag, na itinapok paluwas gikan sa Jerusalem, na ipinangaki sa makuniot na pagdudusa, sa sarong kaparangan, asin kinakaongisan kan samuyang mga katugangan, na iyo an nagkausa nin mga giyera asin mga pagralaban-laban; kun kaya, kami nagmumundong gayo sa samuyang mga aldaw.

27 Asin ako, si Jacob, nahiling na ako sa dae mahaloy mapasiring na man sa sakuyang lubungan; kun kaya, ako nagsasabi sa sakuyang akeng lalake na si Enos: Kuahon mo an mga laminang ini. Asin ako nagsabi saiya kan mga bagay na an sakuyang tugang na si Nephi ipinagsugo sakuya, asin siya nagpromisa na magin masinunod-sunod kan mga kasugoan. Asin ako nagtatapos kan sakuyang pagsusurat sa ibabaw kaining mga lamina, na an mga nasusurat kadikiton sana; asin sa mambabasa ako mapaaram na, naglalaom na kadakul sa sakuyang mga katugangan an mapupuwedeng makabasa kan sakuyang mga tataramon. Mga katugangan ko, adiyos.

AN LIBRO NI ENOS

Si Enos nagpangadye nin may kakusugan asin nagkamit nin kapatawadan kan saiyang mga kasalan --- An boses nin Kagurangnan nag-abot sa laog kan saiyang isip na nagpopromisa nin kaligtasan para sa mga Lamanita sa paabuton na aldaw --- An mga Nephita nagmawot na bawion an mga Lamanita sa saindang aldaw --- Si Enos nag-ogmang gayo sa saiyang Tagapagligtas.

Hilnga, ini nangyaring naglipas na ako, si Enos, nakakaaram na gayo na an sakuyang ama bilang sarong marhay na tawo --- nin huli ta saiya niya akong tinukdoan sa saiyang lengguwahe, asin man sa pangangataman asin pagpapagiromdom nin Kagurangnan --- asin bendisyunan man lugod an pangaran nin sakong Diyos para kaini ---

2 Asin sasabihon ko saindo an manungod sa pakikipaglapan na sakuyang ginibo sa atubangan nin Diyos, bago pa man ako nakaresibe nin kapatawaran kan sakuyang mga kasalan.

3 Hilnga, ako naglakaw na tanganing mangangaso nin mga layas na hayop sa mga kagubatan; asin an mga tataramon na pirme kong nadadangog sa tinataram kan sakuyang ama manungod sa buhay na daeng kasagkuran, asin an kaogmahan kan mga banal,

An Simbahan ni Jesukristo nin Mga Banal sa Huring-aldaw

162

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagsarumsom sa kairaroman kan sakuyang puso.

4 Asin an sakuyang kalag nagutom; asin ako nagluhod sa atubangan kan sakuyang Kaglalang, asin ako nangapudan sa saiya sa makusugon na pangadyeon asin paghahagad para sa sakuyang sadireng kalag; asin sa bilog na kahalawigan kan aldaw ako naggibong nagngangayo-ngayo sa saiya; iyo, asin kan an banggi nag-abot na ako padagos na ipinagkusog an sakuyang boses paitaas na ini nakaabot baya sa mga langit.

5 Asin nagkaigwa nin sarong boses na para sa sakuya, na nagsasabi: Enos, an saimong mga kasalanan pinatawad na saimo, asin ika mabebendisyanan.

6 Asin ako, si Enos, nakakaaram na gayo na an Diyos dae nagpuputik; kun kaya, an sakong pagkakasala pinara na.

7 Asin ako nagsabi: Kagurangnan, paano daw ini nangyari?

8 Asin siya nagsabi sa sakuya: Nin huli sa saimong pagtubod ki Cristo, na dae mo pa kaidto nadangog ni nahiling. Asin kadakul na mga taon an malipas bago pa man siya magpapahiling kan saiyang sadire sa laman; kun kaya, magduman ka na, an saimong pagtubod an naghimo saimo nin kapanoan.

9 Ngonain, ini nangyayring naglipas kan sakuyang madangog an mga tataramon na ini na ako nagpoon na makamate nin sarong pagmamawot para sa karahayan kan sakuyang mga katugangan, an mga Nephita; kun kaya, sakuyang ipinabulos na gayo an bilog kong kalag pasiring sa Diyos nin huli sainda.

10 Asin habang ako yaon sa paghilingoha sa espiritu, dangoga, an boses nin Kagurangnan naglaog sa sakuyang isip giraray, na nagsasabi: Ako magbibisita sa saimong mga katugangan na uyon sa saindang maigot na pagsunod sa sakuyang mga kasugoan. Ako an nagtao sa sainda kaining daga, asin ini sarong banal na daga; asin dae ko isinusumpa ini laen lang kun nangyaring ini igwa nin kadaendatahan; kun kaya, ako magbibisita sa saimong mga katugangan uyon sa sakuyang mga nasabi na; asin an saindang mga paglapas dadarahan ko nin pagkamundo sa ibabaw kan saindang mga sadireng mga payo.

11 Asin pagkatapos na ako, si Enos, nadangog an mga tataramon na ini, an sakuyang pagtubod nagpoon na magin marigon sa Kagurangnan; asin ako nagpangadye sa saiya na may kadakul na halawig na mga paghilingoha para sa sakuyang mga katugangan, an mga Lamanita.

12 Asin ini nangyaring naglipas na pagkatapos kong magpangadye asin pagtrabaho sa bilog na pagmamaigot, an Kagurangnan nagsabi sa sakuya: Ako magtatao saimo na uyon sa saimong mga pagmamawot, nin huli sa saimong pagtubod.

13 Asin ngonian hilnga, iyo ini an pagmamawot na sakong pinagmamawot saiya --- na kun ini puwedeng mangyayari, na an sakong mga katawohan, an mga Nephita, mahulog sa pagkakasala, asin sa anuman na paagi na sinda mangyayaring pagrurunuton, asin an mga Lamanita puwedeng mangyayari na dae pagrurunuton, na an Kagurangnan Diyos iyo an mag-iingat kan sarong rekord kan sakuyang mga katawohan, an mga Nephita; na kun ini mangyayari sa paagi nin kapangyarihan nin saiyang banal na kamot, na ini puwedeng mangyayari na ipapahayag sa ibang paabuton na aldaw para sa mga Lamanita, na, kun sakali, sinda puwedeng madara para sa kaligtasan ---

14 Nin huli ta sa presente an samuyang mga paghilingoha nagin mayong kamugtakan na sinda maibalik sa tunay na pagtubod. Asin sinda sa sadire nindang kapahamakan na, kun ini magin posible, saindang idedestroso an samuyang mga rekord asin kami, asin man an

gabos na mga tradisyon kan samuyang mga ama.

15 Kun kaya, ako na nakakaaram na an Kagurangnang Diyos nangyayring iyo an nakapagpreserba kan samuyang mga rekord, ako padagos na nagngangayo-ngayo saiya, nin huli ta siya nagsabi sa sakuya: An anumang na bagay na saimong hahagadon na may pagtubod, naniniwala na saimong makakamtan sa pangaran ni Cristo, ika magreteresibe kaini.

16 Asin ako may pagtubod, asin ako nagngangayo-ngayo sa Diyos na saiyang ipreserba an mga rekord; asin siya nakipagtipan sa sakuya na saiya ining dadarahon pasiring sa mga Lamanita sa saiyang sadireng tamang panahon.

17 Asin ako, si Enos, an nakakaaram na ini mangyayari na uyon sa tipan na saiyang ginibo; kun kaya an sakuyang kalag nakapagpahingalo.

18 Asin an Kagurangnan nagsabi sakuya: An saimong mga ama nagmawot man sakuya kaining bagay; asin ini mangyayaring magibo sa sinda na uyon sa saindang pagtubod; nin huli ta an saindang pagtubod nagin arog saimo.

19 Asin ngonian ini nangyaring naglipas na ako, si Enos, nagpasiring sa paglibot sa mga katawohan ni Nephi, nagparapropesiya kan mga bagay na maabot, asin nagparapatotoo kan mga bagay na sakuyang nadangog asin nahiling.

20 Asin ako mapatotoo kan rekord na an mga katawohan ni Nephi naghingoha nin maigot na maibalik an mga Lamanita pasiring sa tunay na pagtubod sa Diyos. Pero an samuyang pagtrabaho nagin mayong kamugtakan; an saindang kaanggutan dae nanggad matanyog, asin sinda pinapangengenotan sa paagi kan saindang maraot na natura na sinda nagin mga mababangis, asin nagin malupiton, asin sarong paha sa dugo na mga katawohan, pano-pano nin idolatriya asin kaatian; nagkakakan nin mga hayop na buhi; nag-eestar sa mga tolda, asin naglalagalag sa palibot nin kaparangan na igwa nin sarong halipot na bahag sa palibot kan saindang mga habayan asin an saindang mga payo inahitan; asin an saindang kakayahan sa pana, asin sa sibat, asin sa patok. Asin kadakul sinda dae nagkakakan kun bakong hilaw na karne; asin sinda padagos na nagmamawot na madestroso kami.

21 Asin ini nangyaring naglipas na an mga katawohan ni Nephi nagbungkal sa pag-oma kan daga, asin nagtanom nin manlaenlaen na semilyang banhi, asin nin prutas, asin mga kawan nin mga hayop, asin mga kawan nin gabos na kabakahan sa lambang klase, asin mga kanding, asin mga layas na kanding, asin man kadakul na mga kabayo.

22 Asin igwa nin kadakul na mga propeta na kairibahan nyamo. Asin an mga katawohan sarong tiso an liog na mga katawohan, masakit na intindihon.

23 Asin mayo nin ibang bagay kundi karahasan, pagtutukdo asin pagpropesiya nin mga pakikigiya, asin mga pagralaban-laban, asin mga pagdestroso, asin padagos na pagpapagiromdom sinda nin kagadanan, asin an lawig nin eternidad, asin an mga paghuhukom asin an kapangyarihan nin Diyos, asin gabos na ining mga bagay --- padagos na pinupukaw sinda na tanging pirmeng may pagkatakot sa Kagurangnan.

Ako nagsasabi na mayo nin nagkukulang sa mga bagay na ini, asin sa brabeng kalinawan nin pagtataram, iyo an nagtutulak sinda na magpasiring sa madalio na kapahamakan. Asin pagkatapos kaining manera na ako nagsurat mapanungod sinda.

24 Asin ako nakapagsaksi nin mga giyera sa tahaw nin mga Nephita asin mga Lamanita sa paagi kan sakuyang mga aldaw.

25 Asin ini nangyaring naglipas na ako nagpoon na sa paggurang, asin sanggatos asin sitenta asin siyam na taon an naglipas magpoon kan panahon na an samuyang ama na si

An Simbahan ni Jesukristo nin Mga Banal sa Huring-aldaw

164

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Lehi naghale sa Jerusalem.

26 Asin nahihiling ko na ako sa dae mahaloy na panahon mapasiring pababa sa sakuyang lubungan, na ako inatasan sa paagi nin kapangyarihan nin Diyos na ako kaipuhan na magtukdo asin magpropesiya sa mga katawohan na ini, asin ideklara an tataramon uyon sa katotohanan na yaon ki Cristo. Asin ako nagtukdo kaini sa gabos kong mga aldaw, asin nagin maogmahon kaini na labaw pa sa mga bagay nin mundo.

27 Asin ako sa dae mahaloy mapasiring na man sa lugar nin sakuyang pagpahingalo, na kun saen yaon an sakuyang Kagtubos; nin huli ta ako nakakaaram na sa saiya ako maghilingalo. Asin ako mag-oogma sa aldaw na an sakuyang pagigin mortal masusulotan nin immortalidad, asin magtitindog sa atubangan niya; pagkatapos mahihiling ko an saiyang lalawgon na may kaogmahan, asin siya magsasabi sa sakuya: Magdulok ka sakuya, ika na paladan, igwa nin sarong lugar na pinag-andam para saimo sa mga mansiyon kan sakuyaang Ama. Amen.

AN LIBRO NI JAROM

An mga Nephita padagos na nagsusunod sa mga ley ni Moises, naglalaom sa pag-abot ni Cristo, asin nag-asenso sa kadagaan --- Kadakul na mga propeta an nagtrabaho na tanganing padagos sindang yaon sa dalan nin katotohanan.

Ngonian hilnga, ako, si Jarom, nagsurat nin kadikit na tataramon na uyon sa mga isinugo kan sakuyang ama, si Enos, na an samuyang tala-angkanan mangyaring maingatan.

2 Asin habang an mga laminang ini mga saradit, asin habang an mga bagay na ini naisurat para sa katuyuhan na karahayan kan satuyang mga katugangan na mga Lamanita, kun kaya, ini kinakaipuhan na gayo na ako magsurat nin kadikit; pero ako dae magsusurat nin mga bagay kan sakuyang pagpopropesiya, nin kan sakuyang mga kapahayagan. Nin huli ta ano pa an maisusurat kong iba pa na mas labaw kan mga sinurat na kan sakuyang ama? Bako daw na sainda nang ipinahayag an plano nin kaligtasan? Ako nagsasabi sa saindo, iyo; asin ini tama na sakuya.

3 Hilnga, ini kapakipakinabang na igwa pang kadakul na dapat gibohon kairiba kaining mga katawohan, nin huli sa katagasan kan sindang mga puso, asin an kabungogan kan sindang mga talenga, asin an kabulagan kan sindang mga kaisipan, asin an katisoan kan sindang mga liog; dae magkukulang, na an Diyos grabe kapano-pano nin pagkamaherakon sa sainda, asin dae ginibo na sinda sighidon gikan sa lalawgon nin daga.

4 Asin igwa nin kadakul sa pag-iriba ta na igwa nin kadakul na mga kapahayagan, nin huli ta sinda bako gabos tiso an mga liog. Asin habang kadakul na bakong tiso an mga liog asin igwa nin pagtubod, igwa nin pakisumaro sa Espiritu Santo, na naghihimong magpapatotoo sa mga kaakian nin mga tawo, na uyon sa sindang pagtubod.

5 Asin ngonian, hilnga, duwang gatos na taon an naglipas na, an mga katawohan ni Nephi nagin mas makusog sa daga. Sainda iniingatan na masunod an mga ley ni Moises asin an aldaw nin pagpahingalo pinabanal para sa Kagurangnan. Asin dae ninda ini binabasang-

An Simbahan ni Jesukristo nin Mga Banal sa Huring-aldaw

165

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

basang; ni gumibo nin pagtuyaw. Asin an mga ley kan banwaan grabeng gayo an pagka-estrikto.

6 Asin sinda nagkawaratak-watak nin kadakul sa lalawgon nin daga, asin an mga Lamanita man. Asin sinda nagin mas kadakul an numero kesa kan sinda kairiba pa kan mga Nephita; asin sinda namuot sa pangagadan asin nag-iinom nin dugo kan mga hayop.

7 Asin ini nangyaring naglipas na sinda sa kadakul na pagkakataon nag-arabot laban samuya, an mga Nephita, na tanganing makigiyera. Pero an samuyang hade asin an samuyang mga tagapamayo mga makukusog na mga tawo na may pagtubod sa Kagurangnan; asin sinda nagtutukdo sa mga katawohan kan mga dalan nin Kagurangnan; kun kaya, kami nakipaglaban sa mga Lamanita asin pinalayas mi sinda paharayo sa samuyang kadagaan, asin nagpoon na nagpakusog kan samuyang mga siyudad, o sa arin man na lugar kan samuyang kamanahan.

8 Asin kami nagdakul nin grabeng gayo, asin naglakop sa ibabaw nin lalawgon kan daga, asin nagin mga mayayaman na gayo nin mga bulawan, asin mga plata, asin nin mga mahalagang mga bagay, asin nin pinong kaggibohan sa kahoy, sa mga pagharongon, asin nin mga makinarya, asin man nin bakal asin mga tanso, asin nin bronse asin lansang, naggigibo nin anuman na klaseng mga kagamitan, sa lambang gamit sa pagbungkal nin daga, asin mga armas nin pakikigiyera --- iyo, an matarom na puso nin pana, asin an kaaganan; asin an tusok, asin an sibat, asin an gabos na mga preparasyon para sa pakikigiyera.

9 Asin kaya nagin andam sa pagsabat kan mga Lamanita, sinda dae nagin mapanggana laban samuya. Pero an tataramon nin Kagurangnan pirmeng inaaram, na saiyang itinatarom sa samuyang mga ama, nagsasabi na: Nin huli ta hanbang kamo padagos na nagsusunod sa sakuyang mga kasugoan kamo magigin ma-asensuhon sa daga.

10 Asin ini nangyaring naglipas na an mga propeta nin Kagurangnan nagpapagiromdom sa mga katawohan ni Nephi, na uyon sa tataramon nin Diyos, na kun dae ninda susunodon an mga kasugoan, pero mahulog sa pagkakasala, sinda hahampakon na mawara sa lalawgon nin daga.

11 Kun kaya, an mga propeta, asin an mga padi, asin an mga paratukdo, nagtrabaho nin maigot, pirmeng nagpapagiromdom sa bilog na halabang pagpapakasakit na an mga katawohan magin mahigos; nagtutukdo nin ley ni Moises, asin an katuyuhan kun tadaw ta ini ipinagtao; hinihikayat sinda na maglaom sa pag-abot kan Mesiyas, asin magtubod sa saiya na mag-abot na arog baga na siya yaon na. Asin sa arog kaining paagi sinda nagtukdo sa sainda.

12 Asin ini nangyaring naglipas na sa paggibo kaini sainda sindang pinaharayo sa pagkakadestroso sa ibabaw kan lalawgon nin daga; nin huli ta sindang pinakusog an sindang mga puso sa tataramon, padagos na ipinagpagiromdom sainda pirme an pagsosolsol.

13 Asin ini nangyaring naglipas na duwang gatos asin treynta asin walong taon an nakaagi na --- pagkatapos nin kadakul na mga giyera, asin mga pakikipaglaban, asin mga dae pagkakaintindihan, sa haros kadakul na pagkakataon.

14 Asin ako, si Jarom, dae nagsurat na nin kadakul, nin huli ta an mga lamina saradit sana. Pero hilnga, sakong mga katugangan, kamo puwedeng magbasa sa ibang mga lamina ni Nephi; nin huli ta hilnga, isa ibabaw ninda an mga rekord kan satuyang pakikidigma nakaukit, na uyon sa mga pagsusurat kan mga hade, o sa sainda na

naghimong makapagsurat.

15 Asin ako nagtatao kaining mga lamina sa mga kamot kan sakuyang akeng lalake na si Omni, na tanganing sinda maingatan na uyon sa mga kasugoan kan sakuyang mga ama.

AN LIBRO NI OMNI

Omni, Amaron, Chemish, Abinadom, asin Amaleki, sa lambang turno, iyo an nag-iingat kan mga rekord --- Si Mosiah iyo an nakadiskubre kan mga katawohan nin Zarahemla na naggikan sa Jerusalem sa mga aldaw ni Zedekiah --- Siya iyo an hinimong hade na mamamahala sainda --- An mga Mulekita iyo an nakadiskubre ki Coriantumr, an pinakahuri kan mga Jaredita --- Si Hadeng Benjamin iyo an nagribay ki Mosiah --- An mga tawo dapat idulot an saindang mga kalag bilang sarong dulot para ki Cristo.

Hilnga, ini nangyaring naglipas na ako, si Omni, na sinusugo kan sakuyang ama, si Jarom, na ako magsurat nin anuman na bagay sa ibabaw kaining mga lamina, na tanganing ingatan an samuyang tala-angkanan ---

2 Kun kaya, sa sakuyang mga aldaw, ako maggigibo na kamo dapat makanuod na ako nakipaglaban na grabe sa paagi nin espada na tanganing protektahan an sakuyang mga katawohan, an mga Nephita, na mahulog sa mga kamot kan saindang mga kaiwal, an mga Lamanita. Pero hilnga, ako sa sakuyang sadire sarong makasalanon na tawo, asin ako dae nag-utob sa mga katugunan asin mga kasugoan nin Kagurangnan na dapat kuta sakuya mismong naggibo na.

3 Asin ini nangyaring naglipas na ang duwang gatos asin sitenta asin anom na taon an naglipas na, asin kami nagkaigwa nin kadakul na matuninong na panahon; asin kami nagkaigwa nin kadakul na seryosong mga pakikigiyera asin pagpabulos nin dugo. Iyo, asin sa marhay, duwang gatos asin otsenta asin duwang taon na naglipas na, asin ako an nag-ingat kaining mga lamina na uyon sa mga kasugoan kan sakong mga ama; asin ako an nagpamana kan mga ini sa sakuyang akeng lalake na si Amaron. Asin ako an naggibo kan pantapos.

4 Asin ngonian ako, si Amaron, nagsurat nin anuman na mga bagay na dapat kong suraton, na kadikiton sana, sa libro kan sakuyang ama.

5 Hilnga, ini nangyaring naglipas na tulong gatos asin beynteng taon an nakalipas, asin an mas makasalanon na parte kan mga Nephita nagkaderestroso na.

6 Nin huli ta an Kagurangnan dae nagtutugot, na pagkatapos niya sindang pig-akay paluwas sa daga kan Jerusalem asin binantayan asin pinag-ingatan sinda gikan sa pagkahulog sa mga kamot nin saindang mga kaiwal, iyo, siya dae nagtutugot na an mga tataramon dae mangyaring maaraman, na saiyang ipinagtaram sa satuyang mga ama, na nagsasabi na: Habang kamo dae nagsusunod sa sakuyang mga kasugoan kamo dae magin masagana sa daga.

7 Kun kaya, an Kagurangnan nagbisita sainda sa dakulang paghukom; dae magkukulang, saiyang pinagpalaen an matatanos na sinda dae mapapahamak; pero naggibong ilitas sinda paharayo sa mga kamot kan saindang mga kalaban.

An Simbahan ni Jesukristo nin Mga Banal sa Huring-aldaw 167
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

8 Asin ini nangyaring naglipas na sakuyang ginibong itao an mga lamina sa sakuyang tugang na si Chemish.

9 Ngonian ako, si Chemish, iyo an nagsurat kaining kadikit na mga bagay na sakong naisurat, sa parehong libro kan sakong tugang; nin huli ta hilnga, ako nakahiling sa huri na saiyang isinurat, na siya iyo an nagsurat kaini sa saiyang sadireng kamot; asin siya nagsurat kaiyan kan aldaw na siya an nagtao sainda sa sakuya. Asin pagkatapos kaining paagi samuyang iniingatan ang mga rekord, nin huli ta ini nangyaring uyon sa mga kasugoan kan satong mga ama. Asin ako naghimong magtapos.

10 Hilnga, ako, si Abinadom, iyo an akeng lalake ni Chemish. Hilnga, ini nangyaring naglipas na ako nakasaksi nin kadakul na giyera asin pagralaban-laban sa tahaw kan sakuyang katawohan, an mga Nephita, asin an mga Lamanita; asin ako, sa paagi kan sakong sadireng espada, naghimong manguhaan nin mga buhay kan kadakul na mga Lamanita sa pagdepensa kan sakuyang mga katugangan.

11 Asin hilnga, an rekord kaining katawohan naka-ukit sa ibabaw kan mga lamina na iniingatan na kan mga hade, uyon sa mga henerasyon; asin ako nakakaaram na mayong kapahayagan laen lang kaidtong mga naisurat na, ni mga propesiya; kun kaya, tama na an nasusurat. Asin ako an maghimong matapos na.

12 Hilnga, ako si Amaleki, an akeng lalake ni Abinadom. Hilnga, ako magtataram sa saindo nin mga bagay mapanungod ki Mosiah, na ginibong hade sa bilog na daga nin Zarahemla; nin huli ta hilnga, siya na pinapagiromdom nin Kagurangnan na siya dapat magdulag sa daga ni Nephi, asin habang sa kadakul na magdangog sa boses nin Kagurangnan na dapat man maghale paluwas kan daga na kaiba nya, pasiring sa kaparangan ---

13 Asin ini nangyaring naglipas na saiyang ginibo na uyon sa Kagurangnan na nagsugo saiya. Asin sinda naghale paluwas sa daga pasiring sa kaparangan, kairiba an kadakul na nagdangog sa boses nin Kagurangnan, asin sinda pig-akay sa paagi nin kadakul na mga pagtutukdo asin mga pagpropesiya. Asin sinda padagos na pinapagiromdom sa paagi nin tataramon nin Diyos; asin sinda pinag-aantabayanan sa paagi nin kapangyarihan kan saiyang kamot, sa lugar na kaparangan hanggan na sinda nakaabot sa daga na inapud na daga nin Zarahemla.

14 Asin sinda nakadiskubre nin sarong mga katawohan, na inapud na katawohan nin Zarahemla. Ngonian, nagkaigwa nin sarong dakulang kaogmahang grabe, nin huli ta an Kagurangnan ipinadara an katawohan ni Mosiah na dara an mga laminang bronse na may laman na rekord kan mga Hudiyo.

15 Hilnga, ini nangyaring naglipas na si Mosiah iyo an nakadiskubre na an mga katawohan nin Zarahemla nagluwas gikan sa Jerusalem sa panahon na si Zedekiah, an hade nin Judah, na dinara paharayo bilang bihag pasiring sa Babilonya.

16 Asin sinda nagparabiyah sa kaparangan, asin dinarara kan kamot nin Kagurangnan sa paglayag sa darakulang mga tubig, pasiring sa daga kun saen si Mosiah an nakadiskubre sainda; asin sinda nag-erok duman gikan kaidtong oras hanggan sa maabot.

17 Asin sa panahon na si Mosiah iyo an nakadiskubre sainda; sinda nagin grabe an kadakulaan na mga giyera asin seryosong pakipaglaban, asin an saindang mga lengguwahe nagin koraptado; asin mayong dara sa mga rekord ninda; asin sinda nagsikwal sa pagkatawo kan saindang Kaglalang; asin si Mosiah, ni an mga katawohan ni Mosiah, na nakasabot sa sainda.

18 Pero ini nangyaring naglipas na si Mosiah naghimo na sinda tukdoan kan saindang lengguwahe. Asin ini nangyaring naglipas na pagkatapos na sinda matukdoan sa lengguwahe ni Mosiah, si Zarahemla nagtao nin sarong tala-angkanan kan saiyan mga ama, uyon sa saiyan memorya; asin sinda nakasurat, pero bako sa mga laminang ini.

19 Asin ini nangyaring naglipas na an mga katawohan nin Zarahemla, asin nin Mosiah, nagin tinukahan na magin saindang hade.

20 Asin ini nangyaring naglipas sa mga aldaw ni Mosiah, na igwa nin sarong dakulaon na gapo na dinarara sa saiya na may mga inukitan sa ibabaw kaini; asin saiyan ginibong mainterpreta an mga nakaukit sa paagi nin regalo asin kapangyarihan nin Diyos.

21 Asin sinda nagtao nin sarong estorya manungod sa sarong Coriantumr, asin an pagkagaradan kan saiyan mga katawohan. Asin si Coriantumr nadiskubre sa paagi kan mga katawohan nin Zarahemla; asin siya nakipag-erok sa kaibahan ninda sa paglipas nin siyam na mga bulan.

22 Ini man nagsambit nin kadikit na mga tataramon mapanungod sa saiyan mga ama. Asin an saiyan naenot na mga magurang nagluwas gikan sa torre, kan panahon na an Kagurangnan pinagbaranga an lengguwahe kan mga katawohan; asin an saindang mga tulang nagkawaratak-watak sa daga pasiring sa hiraga.

23 Hilnga, ako, si Amaleki, ipinangaki sa mga alaw ni Mosiah; asin ako nabuhay na tanganing mahiling an saiyan kagadanan; asin si Benjamin, an saiyan akeng lalake, naghade bilang saiyan karibay.

24 Asin hilnga, ako nakahiling, sa mga aldaw ni hadeng Benjamin, nin seryosong pakikigiya asin grabeng pagpabulos nin dugo sa tahaw nin mga Nephita asin mga Lamanita. Pero hilnga, an mga Nephita nagin lamang na gayo kesa sinda; iyo, nin huli ta si hadeng Benjamin iyo an nakapagpahale sa sinda paluwas sa daga nin Zarahemla.

25 Asin ini nangyaring naglipas na ako nagpoon na magin sarong gurang; asin, mayo nin banhi, asin may pagkaaram ki hadeng Benjamin magin sarong hustong tawo sa atubangan nin Kagurangnan, kun kaya, ako an magtatao kaining mga lamina pasiring sa saiya, nagpapagiromdom sa gabos na mga tawo na magdulok sa Diyos, an Solong Banal nin Israel, asin nagtutubod sa pagpropesiya, asin sa mga kapahayagan, asin sa pagtutukdo kan mga anghel, asin sa regalo nin pagtataram nin mga dila, asin sa regalo kan pag-interpretata nin mga lengguwahe, asin sa gabos na mga bagay na anas marahay; nin huli ta mayo nin bagay na marahay laen lang kun ini minagikan sa Kagurangnan: asin an bagay na maraot minagikan sa diyablo.

26 Asin ngonian, namumutan kong mga tugang, ako naghimo na kamo dapat na magdulok ki Cristo, na iyo an Solong Banal nin Israel, asin makisumaro sa saiyan kaligtasan, asin an kapangyarihan kan saiyan pagtubos. Iyo, magdulok kamo sakuya, asin idulot an saindong bilog na kalag bilang regalo para sa saiya, asin ipagpadagos an pag-ayuno asin pagpangadye, asin magpakatag hanggan sa katapusan; asin habang an Kagurangnan buhay ikaw maliligtas.

27 Asin ngonian ako magsasabi nin mga bagay tungkol sa sarong nagkapirang numero na naglakaw pasiring sa kaparangan na tanganing magbalik sa daga ni Nephi; nin huli ta igwa na nin sarong dakulang numero na nagmamawot na masadire ninda an daga bilang saindang kamanahan.

28 Kun kaya, sinda nagralakaw pasiring sa kaparangan. Asin an saindang tagapamayo bilang sarong makusog asin maisog na tawo, asin sarong tiso an liog na tawo, kun kaya

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

siya an nagkausa nin pag-iriwal-iwal sa mga pag-iriba; asin sinda gabos nagkagaradan, puwera lang sa singkuwenta, na yaon sa kaparangan, asin sinda nagbalik giraray sa daga nin Zarahemla.

29 Asin ini nangyaring naglipas na sainda man na iniriba an kadakul na iba pa na igwa nin daradakulang numero, asin sinda nagksararong maglakaw giraray pasiring sa kaparangan.

30 Asin ako, si Amaleki, igwa nin sarong tugang, na nag-iba sa sainda; asin magpoon kaidto dae na akong pagkaaram manungod sainda. Asin ako harani nang gayo magpaduman sa sakuyang lubungan; asin an mga laminang ini napano na. Asin ako naghimo na nin katapusan kan sakuyang pagsasaysay.

AN MGA TATARAMON NI MORMON

Si Mormon an nagpahalipot kan saindang kasaysayan na inukit sa mga lamina ni Mormon--- Saiyang isiningit an mga lamina ni Nephi sa pagpahalipot na ini --- Si Hadeng Benjamin an nagmuntar nin katuninongan sa daga.

Asin ngonian ako, si Mormon, habng nag-aandam sa pagtao kan rekord na sakuyang ginigibo pasiring sa mga kamot kan sakuyang akeng lalake na si Moroni, hilnga ako nakapagsaksi nin haros gabos na pagkadestroso kan sakuyang mga katawohan, an mga Nephita.

2 Asin ini kadakul nang gatos na mga taon pagkatapos kan pag-abot ni Cristo na ako an nagtao kaining mga rekord pasiring sa mga kamot kan sakuyang akeng lalake; asin ini sa paghuna ko na siya an magsasaksi sa kabilugan kan pagkadestroso kan sakuyang mga katawohan. Pero tugutan lugod nin Diyos na makaligtas siya sa mga ini na tanganing siya puwedeng magsurat kan mga bagay manungod sainda, asin mga bagay na manunungod ki Cristo, na baka sakali laman sa pag-abot nin aldaw ini mapapakinabangan ninda.

3 Asin ngonian, ako nagsasaysay nin mga bagay manunungod kaining sakuyang isinusurat; nin huli ta sa pagkatapos na ako naghimo sa pagpahalipot gikan sa mga lamina ni Nephi, pababa hanggan sa paghahade kaining hadeng Benjamin, na iyo an pinagsasaysay ni Amaleki, ako naghanap sa mga rekord na ipinagtao sa sakuyang mga kamot, asin nanagboan ko an mga laminang ini, na naglalaman nin kadikit na estorya kan mga propeta, gikan ki Jacob pababa hanggan sa paghahade kaining hadeng Benjamin, asin man kadakul na mga tataramon ni Nephi.

4 An mga bagay na yaon sa ibabaw kaining mga lamina nakapagpaogma sakuya, nin huli sa mga propesiya kan pag-abot ni Cristo; asin an sakuyang mga ama na nag-aaram na kadakul sainda na nagka-urutob na; iyo, asin ako man nakakaaram na sa kadakul na mga bagay na ipinagpropesiya na manunungod samuya pababa hanggan sa aldaw na ini an nagkatotoo na, asin sa kadakul na makalampas sa aldaw na ini kaipuhan na seguradong mangyayaring maglipas man---

5 Kun kaya, ako an nagpili kaining mga bagay, sa pagtapos kan sakuyang rekord manunungod sainda, na sa katadaan kan sakuyang rekord amo magkukua gikan sa mga lamini ni Nephi; asin ako dae makakasurat sa gatos-gatos na parte nin mga bagay kan

An Simbahan ni Jesukristo nin Mga Banal sa Huring-aldaw

170

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sakuyang mga katawohan.

6 Pero hilnga, ako magkukua kaining mga lamina, na naglalaman kaining mga pinagpropesiya asin mga kapahayagan, asin ibinugtak sinda sa natatadang parte kan sakuyang rekord, asin nin huli ta sinda piniling parte para sakuya; asin ako nag-aaram na sinda man magigin pinili para sa sakuyang mga katugangan.

7 Asin ako naggibo kainin nin huli sa sarong madunong na katuyuhan, nin huli ta kaya ini naghihinghing sakuya, na uyon sa mga kaggibohan kan Espiritu nin Kagurangnan na yaon sakuya. Asin ngonian, ako dae nakakaaram kan gabos na mga bagay na maagot; kun kaya, siya nagtatrabaho sa sakuya sa paggibo uyon sa saiyang kagustuhan.

8 Asin an sakuyang pagpapangadye sa Diyos iyo an mapanungod sa sakuyang mga katugangan, na sinda mapupuwedeng sa sarong panahon giraray magdulok sa kaaraman nin Diyos, iyo, an pagtutubos ni Cristo; na tanganing sinda sa sarong pagkakataon giraray magin sarong marahayon na mga katawohan.

9 Asin ngonian ako, si Mormon, nagpadagos na tapuson an sakuyang rekord, na sakuyang ginuno gikan sa mga lamina ni Nephi; asin ako naghimo kaini na uyon sa kaaraman asin pagka-intende na an Diyos iyo an nagtao sakuya.

10 Kun kaya, ini nangyaring naglipas na pagkatapos na si Amaleki iyo an nagtao kaining mga lamina pasiring sa mga kamot ni hadeng Benjamin, saiya ining tinanggap asin ibinugtak sinda kairiba an iba pang mga lamina, na naglalaman nin mga rekord na ipinamana kan mga hade, gikan sa sarong henerasyon hanggan sa sarong pang henerasyon hanggan sa mga aldaw ni hadeng Benjamin.

11 Asin sinda ipinagtao gikan ki hadeng Benjamin, gikan sa sarong henerasyon hanggan sa sarong pang henerasyon hanggan an mga ini nag-abot sa sakuyang mga kamot. Asin ako, si Mormon, nagpangadye sa Diyos na sinda maiingatan magpoon sa panahon na ini hanggan sa paabuton pa. Asin ako nakakaaram na sinda talaga iingatan; nin huli ta igwa nin darakulang mga bagay naisurat sa ibabaw ninda, sa paagi kan mga ini an sakuyang mga katawohan asin an saindang mga katugangan huhusgaran sa dakulaon asin huring aldaw, na uyon sa tataramon nin Diyos na naisurat na.

12 Asin ngonian, mapanungod kaining hadeng Benjamin --- siya nagkaigwa nin garong mga pakipag-iriwal sa pag-iriba kan saiyang sadireng mga katawohan.

13 Asin ini nangyaring naglipas man na an mga armada nin mga Lamanita nagbaraba pasing sa daga ni Nephi, na tanganing makilaban sa saiyang mga katawohan. Pero hilnga, si hadeng Benjamin iyo an nagpatiripon kan saiyang mga armada, asin nakipaglaban sa sainda; asin siya nakipaglaban sa paagi kan saiyang sadireng mga kamot, na gamit an espada ni Laban.

14 Asin sa kusog nin Kagurangnan sinda nakipaglaban sa saindang mga kalaban, hanggan sa sinda nakagadan nin rinibong mga Lamanita. Asin ini nangyaring naglipas na sinda nakipaglaban sa mga Lamanita hanggan sa saindang napa-atras sinda paluwas sa bilog na daga na samuyang kamanahan.

15 Asin ini nangyaring naglipas na pagkatapos nagkaigwa nin mga palsong cristo, asin an saindang mga nguso pinagseraduhan, asin sinda pinadusahan na uyon sa saindang mga krimen;

16 Asin pagkatapos na nagkaigwa nin mga palsong propeta, asin mga palsong parabalangibog asin mga paratukdo na kairiba nin mga katawohan, asin gabos sinda pinadusahan uyon sa saindang mga krimen; asin pagkatapos na nagkaigwa nin grabeng

An Simbahan ni Jesukristo nin Mga Banal sa Huring-aldaw

171

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

ralabanan asin kadakul na pakikipaglapan na naglipas kontra sa mga Lamanita, hilnga, ini nangyaring naglipas na si hadeng Benjamin, sa pakipagtabangan kan mga banal na mga propeta na kairibahan kan saiyang mga katawohan---

17 Nin huli ta hilnga, si hadeng Benjamin sarong banal na tawo, asin siya naghade sa saiyang mga katawohan sa pagkamatanos; asin igwa nin kadakul na banal na tawo sa daga, asin sinda nagtataram kan tataramon nin Diyos na may kapangyarihan asin autoridad; asin sinda naggamit nin grabeng katadungan nin huli kan katisoan nin liog kan mga katawohan---

18 Kun kaya, sa tabang kan mga ini, si hadeng Benjamin, sa paagi nin pagtrabaho sa bilog na kusog kan saiyang hawak asin sa abilidad kan saiyang bilog na kalag, asin man an mga propeta, naghimo giraray nin sarong pagkakataon na magkaigwa nin katuninongan sa daga.

AN LIBRO NI MOSIAH TSAPTER 1

Si hadeng Benjamin nagparatukdo sa saiyang mga akeng lalake kan lengguwahe asin mga propesiya kan saindang mga ama --- An saindang relihiyon asin sibilisasyon napagingatan nin huli kan mga rekord na itinago sa mga lamina --- Si Mosiah iyo an napiling hade asin tinawan nin kustodya kan mga rekord asin kan iba pang mga bagay.

Asin ngonian mayo na nin pagralaban-laban sa daga nin pag-iriba ni Hadeng Benjamin, na tanganing si hadeng Benjamin nagpadagos na igwa nin katuninongan sa gabos na natatadang mga aldaw niya.

2 Asin ini nangyaring naglipas na siya nagkaigwa nin tulong akeng lalake; asin saiya sindang inapud sa pangaran na Mosiah, asin Helorum, asin Helaman. Asin siya naghimo na sinda dapat na matukdoan sa gabos na mga lengguwahe kan saiyang mga ama, na tanganing sa kahaluyan sinda magigin mga tawo nin pagkanuod; asin na sinda puwedeng makaaram manungod sa mga propesiya na ipinagsabi sa paagi kan mga nguso nin saindang mga ama, na ipinagtao sa sainda sa paagi kan kamot nin Kagurangan.

3 Asin siya man nagtukdo sainda manungod sa mga rekord na nakaukit sa mga plakeng bronse, na nagsasabi: Mga ake ko, ako maghihimo na tanganing kamo dapat makakagiromdom na kun bako sa mga plakeng ini, na naglalaman kaining mga rekord asin kaining mga kasugoan, kita kuta na yaon na sa kamumungan, maski na ngonian na panahon, na dae nag-aaram sa mga misteryo nin Diyos.

4 Nin huli ta ini bako kuta nang posible na an satuyang ama, si Lehi, makapaggiromdom kan gabos kaining mga bagay, na itinikdo sainda na saiyang mga kaakian, puwera lang kun ini nin huli sa tabang kaining mga plake; nin huli ta siya na tinukdoan sa lengguwahe kan mga Ehipsiyano na tanganing siya puwedeng makapagbasa kaining mga nakaukit, asin itukdo sainda na saiyang mga kaakian, na tanganing maitukdo man ninda sa saindang mga kaakian, asin ta mag-uutob kan mga kasugoan nin Diyos, maski ngani sa ngonian na presenteng panahon.

5 Ako nagsasabi sa saindo, mga ake ko, kun bako kaining mga bagay, na itinago asin

An Simbahan ni Jesukristo nin Mga Banal sa Huring-aldaw

172

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

iningatan sa paagi kan kamot nin Diyos, na tanganing kita puwedeng makakabasa asin makaka-intende kan saiyang mga misteryo, asin yaon an saiyang mga kasugoan pirmeng sa atubangan ka satuyang mga mata na maski ngani na an satuyang mga ama nagin kadikit sa daeng pagtubod, asin ta kita kuta na nagin arog sa satuyang mga tugang, an mga Lamanita, na dae nag-aaram manungod kaining mga bagay, o dae ngani naniniwala kaini kun ini ipinagtutukdo sainda, nin huli sa mga tradisyon kan saindang mga ama, na bako nganing tama.

6 O mga ake ko, ako maghihimo na kamo makakagiromdom na ining mga kasabihan gabos totoo, asin man ining mga rekord gabos totoo. Asin hilnga, an mga plake man ni Nephi, na naglalaman kan mga rekord asin kan mga kasabihan nin satuyang mga ama magpoon sa panahon na sinda naghale sa Jerusalem hanggan ngonian, asin sinda gabos totoo; asin kita an nakakaaram na may kasegurohan nin huli ta yaon sinda sa atubangan kan satuyang mga mata.

7 Asin ngonian, mga ake ko, ako maghihimo na kamo makakagiromdom na magbasa sainda nin maigot, na kamo makakapakinabang sa kahaluyan; asin ako maghihimo na mag-uutob kan mga kasugoan nin Diyos, na tanganing kamo puwedeng mag-asenso sa daga na uyon sa mga promisa nin Kagurangnan na hinimo sa satuyang mga ama.

8 Asin kadakul pang mga bagay an ginibo ni hadeng Benjamin sa pagtukdo sa saiyang mga ake, na dae naisurat sa librong ini.

9 Asin ini nangyaring naglipas na pagkatapos na si hadeng Benjamin naghimo nin pantapos na pagtutukdo sa saiyang mga akeng lalake, na siya naggugurang na, asin saiyang nahiling na siya sa dae mahaloy na panahon mapaduman na sa dalan kan gabos na daga; kun kaya, saiyang naisip na ini may kapakinabangan na dapat niyang iwalat an kahadean sa saro kan saiyang mga akeng lalake.

10 Kun kaya, siya naghimong si Mosiah darahon sa atubangan nya; asin iyo ini an saiyang mga tataramon na saiyang ipinagtaram sa saiya, na nagsasabing: Ake ko, ako maghihimo na ika dapat maggibo nin sarong proklamasyon pasiring sa bilog na ining daga para gabos na ining mga katawohan, o an mga katawohan sa Zarahemla, asin an mga katawohan ni Mosiah na nag-eerok sa daga, na tanganing sinda puwedeng magkasarong magtiripon; nin huli ta sa pagkaaga ako magbabalangibog sa gabos nyatong mga katawohan na maggigikan mismo sa sadire kong nguso na ikaw an magin sarong hade asin sarong tagapamahala kaining mga katawohan, na an Kagurangnan nyatong Diyos iyo an nagpamahala satuya.

11 Asin sa kadagdagan, ako magtatao sa mga katawohang ini nin sarong pangaran, na tanganing sa kahaluyan sinda puwedeng magin laen na mangingibabaw sa gabos na mga katawohan na an Kagurangnan Diyos iyo an nagdara paluwas sa daga nin Jerusalem; asin ini gigibohon ko nin huli ta sinda nagin sarong mahihigos na mga katawohan na nag-uutob kan mga kasugoan nin Kagurangnan.

12 Asin ako matao sainda nin sarong pangaran na dae naggad mapapara, puwera lang kun ini sa paagi nin sarong pagkakasala.

13 Iyo, asin sa kadagdagan ako nagsasabi sa saindo, na kun ining mas pina-urog na mga katawohan nin Kagurangnan mahuhulog sa pagkakasala, asin magin sarong makasalanon asin sarong marigsok na mga katawohan, na an Kagurangnan iyo an magliligtas sainda, na sa kahaluyan sinda magin maluya arog kan saindang mga katugangan; asin dae na siya mag-iingat sa sainda sa paagi kan saiyang daeng kapares asin makangangalas na

kapangyarihan, na magpoon pa kaidto siyang ipinaghimong mag-ingat sa satuyang mga ama.

14 Nin huli ta ako nagsasabi sa saimo, na kun siya dae nagbingat kan saiyang takyag sa pa-ingat kan satuyang mga kaamaan sinda nahulog na kuta na sa mga kamot kan mga Lamanita, asin nagin mga biktima kan saindang kaanggutan.

15 Asin ini nangyaring naglipas na pagkatapos na si hadeng Benjamin nagtapos kaining saiyang mga sasabihon sa saiyang akeng lalake, na siya iyo an nagtao kan saiyang mga gigibohon manungod sa gabos na pagpapamahala kan kahadean.

16 Asin sa kadagdagan, siya man itinao saiya an mga gigibohon manungod sa mga rekord na ipinag-ukit sa mga plakeng bronse; asin man an mga plake ni Nephi; asin man, an espada ni Laban, asin an bola o tagapagturo, na iyo an naggiya kan satuyang kamagurangan sa paglakaw sa kaparangan, na ipinag-andam kan kamot nin Kagurangnan na sa kahaluyan na sinda pinaggigiyahan, an lambang saro uyon sa ipinagpagibo asin kahigosan na saindang itinao sa saiya.

17 Kun kaya, habang sinda mga daeng pagtubod sinda dae nagin ma-asenso ni progresibo sa saindang paglalakaw, pero sinda pinaggigiyahan pabalik, asin nakamate kan kaongisan nin Diyos sa sinda; asin kaya sinda hinampak nin taggutom asin makuniot na mga kasakitan, na tanganing magpapagiromdom sinda kan saindang mga gigibohon.

18 Asin ngonian, ini nangyaring naglipas na si Mosiah nagpadagos asin ginibo kun ano an mga itinugon kan saiyang ama saiya, asin ipinagbalangibog sa gabos na mga katawohan na yaon sa daga nin Zarahemla na sa kahaluyan sinda magkakasararong magkakatiripon sa saindang mga sadire, na magpasiring sa templo na tanganing magdangog sa mga tataramon na itataram kan saiyang ama sinda.

MOSIAH TSAPTER 2

Si Hadeng Benjamin nagtaram sa saiyang mga katawohan---Saiyang pinaggiromdom an kapantayan, parehas, asin espirituwalidad kan saiyang paghahade---Siya naghulit sinda na pagsirbehan an saindang langitnon na Hade---Sinda na nagrebelde laban sa Diyos magsasapo nin makuniot na pagsakit siring sa daeng pagkaparong na kalayo. Mga ika-124 B.C.

ASIN ini nangyaring naglipas na pagkatapos ni Mosiah maggibo siring na an saiyang ama si nagsugo saiya, asin naghimo nin sarong proklamasyon sa kabilogan kan gabos na kadagaan, na tanganing an mga katawohan nagkatiripon kan saindang mga sadire na magkasararo sa kabilugan kan gabos na kadagaan, na tanganing sinda mapuwedeng magpaduman sa templo tanganing dangogon an mga tararamon na si hadeng Benjamin iyo ang magtataram sa sinda.

2 Asin nagkaigwa nin sarong dakulaon na bilang, na haros kadakolon na sinda dae na nagbilang sa mga ini; nin huli ta sinda nagparadagdag na gayo asin grabe kadakol sa kadagaan.

3 Asin sinda man nagdarara kan mga panganay kan saindang mga hayupan, na tanganing

An Simbahan ni Jesukristo nin Mga Banal sa Huring-aldaw

174

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sinda mapuwedeng makapagdulot nin sakripisyo asin pagsoloon an mga dulot na uyon sa ley ni Moises;

4 Asin man na tangani baya sinda mapuwedeng makapagtao nin pasasalamat sa Kagurangnan na saindang Diyos, na iyo an nagdara sinda paluwas sa kadagaan nin Jerusalem, asin iyo an nagligtas sinda paluwas sa mga kamot kan saindang mga kaiwal, asin an nagngaran nin mga hustong tawo na magigin saindang mga paratukdo, asin man sarong hustong tawo na magigin saindang hade, na iyo an nag-establisa nin katuninongan sa kadagaan nin Zarahemla, asin ta iyo an nagtukdo sinda na magsunod sa mga kasugoan nin Diyos, na tangani baya sinda mapuwedeng magrukyaw asin mapano nin pagkamoot sa Diyos asin sa gabos na mga tawo.

5 Asin ini nangyaring naglipas na kunsoarin na sinda nakaabot na sa may templo, sinda nagturugdok kan saindang mga tolda sa palibot, lambang tawo uyon sa saiyang pamilya, na kairibahan an saiyang agom na babaye, asin an saiyang mga akeng lalake, asin an saiyang mga akeng babaye, asin kan saindang mga akeng lalake, asin kan saindang mga akeng babaye, gikan sa pinakamatua pababa sa pinakanguhod, lambang pamilya na separado an saro sa iba.

6 Asin sinda nagtugdok kan saindang mga tolda sa palibot kan templo, lambang tawo na an saiyang told na may pintuan kaini naka-atubang sa templo, na tanganing sinda yaon sana sa saindang mga tolda asin magdangog kan mga tataramon na si hadeng Benjamin an magtataram sa sinda;

7 Nin huli ta an kadaklan grabe kadakol na tanganing si hadeng Benjamin dae makapagtukdo sinda gabos sa laog kan mga pader kan templo, kun kaya siya nagkausa na sarong torre an ipagtutugdok, na kun saen an saiyang mga katawohan mapuwedeng makapagdangog kan mga tataramon na saiyang pagtataramon sa sinda.

8 Asin ini nangyaring naglipas na siya nagpoon sa pagtaram sa saiyang mga katawohan gikan sa torre; asin sinda dae gabos makadangog kan saiyang mga tataramon nin huli sa kadakulaon na katiriponan; kun kaya siya nagkausa na an mga tataramon na saiyang ipagtataram dapat na pagsusuraton and ipagpadara sa mga pag-iriba ninda na dae abot kan tingog kan saiyang boses, na tangani sinda man baya makaresibe kan saiyang mga tataramon.

9 Asin ini ang mga tataramon na siya an nagtaram asin nagkausang ipagsurat, na nagsasabi: Sakuyang mga katugangan, gabos kamo na nag-assemblya kan saindong mga sadire na magkasararo, kamo na makakadangog kan saiyang mga tataramon na ako an magtataram sa sindo sa aldaw na ini; nin huli ta ako dae nagsugo sindo nag magdigde tanganing pagbasangon an mga tataramon na ako an nagtataram, kundi na kamo dapat na maghinanyog sa sako, asin bukasi an saindong mga talenga na tanganing kamo makadangog, asin an saindong mga puso na kamo makasabot, asin an saindong mga isip na tanganing an mga misteryo nin Diyos maipagbuyagyag sa saindong paghiling.

10 Ako dae nagsugo sindo na kamo magpadigde na kamo dapat na Matakot sako, o na kamo dapat na mag-isip na ako sa sadire ko mas halangkaw sa sarong mortal na tawo.

11 Pero ako pareho na siring sa saindong mga sadire, nalilindongan kan gabos na manera nin kaluyahan kan hawak asin isip; alagad ako pinagpili kaining mga katawohan, asin konsagrado kan sakuyang ama, asin pinagtugutan sa paagi kan kamot nin Kagurangnan na ako dapat na magin sarong tagapagpamahala asin sarong hade na mangingibabaw kaining mga katawohan; asin pinag-ingatan asin pinagpreserba sa paagi kan saiyang

daeng kapantay nakapangyarihan, tanganing magsirbe saindo sa bilog na kakayahan, isip asin kusog na an Kagurangnan an nagtao sa sakuya.

12 Ako nagsasabi sa saindo na siring na ako pinagtugutan na gastuson an sakuyang mga aldaw sa pagsirbe saindo, magin sagkod sa panahon na ini, asin dae naghagad nin bulawan o plata ni ibang manera nin mga kayamanan sa saindo;

13 Ni ako nagtugot na kamo pagkukunkunon sa mga kulungan, ni kamo dapat na humimong mga esklabo an sarong sa iba, ni na kamo dapat na manggadan, o manalakat, o manhabon, o makomiter nin adultery; ni ako baya nagtugot na kamo dapat na magkomiter nin anuman na manera nin karigsokan, asin nakapagtukdo saindo na kamo dapat na magsunod sa mga kasugoan nin Kagurangnan, sa gabos na mga bagay na siya an nagsugo saindo---

14 Asin maski ngani ako, sa sadire ko, nagtrabaho sa sakuyang sadireng mga kamot na tanganing ako mapuwedeng makapagsirbe saindo, asin na tangani kamo dae magabatan nin mga buwis, asin na mayong maggigikan sa saindo na bagay na grabeng gayo kagabat na pagdadarahon---asin sa gabos kaining mga bagay na ako an nakapagtaram, kamo sa saindong mga sadire an mga testigo sa aldaw na ini.

15 Alagad, sakuyang mga katugangan, ako dae nakapaggibo kaining mga bagay na tanganing ako makapaghambog, ni ako nakapagsabi kaining mga bagay na tangani baya ako mapag-akusar saindo; kundi ako nakapagsabi saindo kaining mga bagay na tanganing kamo mapuwedeng makaaram na ako makapagsimbag na may klaradong konsensiya sa atubangan nin Diyos sa aldaw na ini.

16 Hilnga, ako nagsasabi sa saindo na nin huli ta ako nagsabi sa saindo na ako naggastos kan sakuyang mga aldaw sa pagsirbe saindo, ako dae nagmawot na maghambog, nin huli ta ako yaon sana sa pagsirbe sa Diyos.

17 Asin hilnga, ako magsasabi kaining mga bagay na tanganing kamo mapuwedeng makanood nin kadunungan; na tanganing kamo mapuwedeng makanood na kunsoarin na kamo yaon sa pagsisirbe sa saindong kapwa tawo kamo yaon sana sa pagsisirbe sa saindong Diyos.

18 Hilnga, kamo an nag-apod sako na saindong hade; asin kun ako, na saindong pinag-apod na saindong hade, nagtrabaho sa pagsirbe saindo, bako daw na dapat sana na kamo magtrabaho tanganing makapagsirbe sa lambang sarong?

19 Asin hilnga man, kun ako, na saindong pinag-apod na hade, na naggastos kan saiyang mga aldaw sa pagsirbe saindo, asin alagad yaon sa pagsirbe sa Diyos, manigong magkaigwa nin merito sa anuman na mga pasasalamat gikan saindo, O gurano pa daw kanigo na magpasalamat kamo sa saindong langitnon na Hade!

20 Ako nagsasabi sa saindo, sakuyang mga katugangan, na kun kamo dapat na magtao nin gabos na pasasalamat asin mag-omaw na an saindong bilog na kalag igwa nin kapangyarihan kapot, pasiring sa Diyos na iyo an naglalang saindo, asin an nagbantay asin nagpreserba saindo, asin an nagkausa na kamo dapat na magrukyaw, asin an nagtao na kamo dapat na mamuhay sa katuninongan sa lambang sarong---

21 Ako nagsasabi sa saindo an kun kamo magsisirbe saiya na iyo an naglalang saindo gikan sa kapinunan, asin iyo an nagpepreserba saindo sa aro-aldaw, sa paagi nin pagpasubli saindo nin hinangos, na tanganing kamo mamuhay asin maghiro asin gumibo na uyon sa saindong sadireng kagustuhan, asin magin iyo an nagsusuporta saindo sa lambang momento---Ako masabi, kun kamo magsisirbe saiya sa gabos nindong

kabilogan nin mga kalag alagad kamo nagin mayong pakinabang na mga surugoon.

22 Asin hilnga, gabos na saiyang pinaghahagad sa saindo iyo na magsunod kan saiyang mga kasugoan; asin siya nagpromisa sa saindo na kun kamo magsusunod kan saiyang mga kasugoan kamo pagpapa-asenohon sa kadagaan; asin siya dae magbabari gikan sa bagay na siya an nagsabi; kun kaya, kun kamo magsunod kan saiyang mga kasugoan siya ang magbendisyon saindo asin magpapa-asenso saindo.

23 Asin ngonyan, sa enot na lugar, siya an naglalang saindo, asin an nagtao saindo kan saindong mga buhay, na kun saen baya kamo may kautangan sa saiya.

24 Asin pangaduwa, siya naghahagad na kamo dapat na gumibo siring sa siya an nagsugo saindo; na kun saen kun kamo gumibo, siya maggibo tulos na pagbendisyunan kamo; asin kun kaya siya nakapagbayad saindo. Asin kamo nagkakautang pa sa saiya, asin dagos, asin magigin iyo, sa daeng kasagkoran; kun kaya, sa ano baya kamo makapaghambog?

25 Asin ngonyan ako mahapot, makakapagsabi daw kamo nin anuman na bagay sa saindong mga sadire? Ako masimbag saindo, Dae. Kamo dae makakapagsabi na kamo mas sobra pa sa alpog nin kinaban; alagad kamo pinaglalang sa alpog kan kinaban; pero hilnga, ini pagsasadire niya na iyo an naglalang saindo.

26 Asin ako, maski ako, na saindong pinag-apod na hade, bakong marahayon kesa sa saindong mga sadire; nin huli ta ako man gikan sa alpog. Asin kamo nakapaghiling na ako gurangon na, asin haranihon nang magsuko kaining mortal na kahawakan pasiring sa inang daga.

27 Kun kaya, siring sa ako nagsabi sa saindo na ako nakapagsirbe na saindo, na naglalakaw na may sarong klaradong konsensiya sa atubangan nin Diyos, sa arog kaini ako sa panahon na ini nagkausa na kamo dapat na mag-assemblya kan saindong mga sadire na magkasararo, na tanganing ako puwedeng managboan na mayong kabasolan, asin na an saindong dugo dae magdugta sakuya, kunsoarin na ako magtitindog tanganing paghukuman nin Diyos kan mga bagay na kun saen siya an nagsugo sakuya sa mapanungod saindo.

28 Ako nagsasabi sa saindo an ako nagkausa na kamo dapat na mag-assemblya sa saindong mga sadire na magkasararo na tanganing ako makapaglinig kan sakuyang mga bado kan saindong dugo, sa peryodong ini nin panahon kunsoarin na ako haranihon nang magbababa pasiring sa sakuyang lubungan, na tanganing ako mapuwedeng magpasiring pababa na may katuninongan, asin an sakuyang immortal na espiritu mapuwedeng mag-ayon sa mga parakanta sa itaas sa pagkakanta nin mga pag-omaw sa sarong hustong Diyos.

29 Asin sa katapusi, ako nagsasabi sa saindo na ako nagkausa na kamo dapat na mag-assemblya kan saindong mga sadire na magkasararo, na tanganing ako makapagdeklara sa saindo na ako dae na makaagod na magigin saindong paratukdo, ni an saindong hade;

30 Nin huli ta magin sa panahon na ini, an sakuyang bilog na kahawakan nangungubog-kubog nang gayo habang pinaghingohang magtaram sa saindo; pero an Kagurangnang Diyos iyo an nagsuporta sako, asin an nagtugot sako na ako dapat na makapagtaram sa saindo, asin an nagsugo sako na ako dapat na magdeklara sa saindo sa aldaw na ini, na an sakuyang akeng lalake na si Mosiah iyo an hade asin sarong tagapagpamahalang mangingibabaw sa saindo.

31 Asin ngonyan, sakuyang mga katugangan, ako nagmawot na kamo dapat na gumibo siring sa saindong pinaggibo ngonyan. Siring na kamo nakapagsunod sa sakuyang mga

kasugoan, asin man sa mga kasugoan nin sakuyang ama, asin nag-asenso, asin pinagbantayan harayo sa pagkakahulog pasiring sa mga kamot kan saindong mga kaiwal, sa arog kaini kun kamo magsusunod sa mga kasugoan kan sakuyang akeng lalake, o sa mga kasugoan nin Diyos na ipagbubuyagyag sa saindo sa paagi niya, kamo mag-aasenso sa kadagaan, asin an saindong mga kaiwal dae magkakaigwa nin kapangyarihan na mangingibabaw saindo.

32 Pero, O sakuyang mga katawohan, mag-ingat baya ta baka magkakaigwa nin mga kariribokan sa pag-iriba nindo, asin kamo mailista na nagsusunod sa maraot na espiritu, na pinagsasabi kan sakuyang ama na si Mosiah.

33 Nin huli ta hilnga, igwa nin sarong kapahamakan na pinagbuyagyag sa saiya na nakalista na nagsusunod sa espiritung iyan, nin huli ta kun siya nakalista na nagsusunod saiya, asin dagos asin naggadan sa saiyang mga kasalan, iyo man sana an nag-iinom nin damnasyon sa saiyang sadireng kalag; nin huli ta siya nagresibe para sa saiyang kabayaran an sarong daeng katapusan na kapadusahan, na nakabalga sa ley nin Diyos na kontraryo sa saiyang kaaraman.

34 Ako nagsasabi sa saindo, na dae magkakaigwa sa kiisay na pag-iriba nindo, laen lang na ini yaon sa saindong saradit na mga kaarakian na dae napagtukdoan mapapanungod kaining mga bagay, kundi anong pagkakaaram na kamo eternal na may pagkakautang sa saindong langitnon na Ama, tanganing ipagtao saiya an gabos na kamo magkakaigwa asin su yaon na; asin man pinagtukdoan mapapanungod sa mga rekord na naglalaman nin mga propesiya na pinagtaram na kan banal na mga propeta, magin sagkod sa panahon nin satuyang ama, si Lehi, na naghale sa Jerusalem.

35 Asin man, gabos na naipagtaram na kan satuyang mga ama hanggan ngonyan. Asin hilnga, baya man, sinda nakapagtaram kan bagan na pinagsudo sainda nin Kagurangnan; kun kaya, sinda husto asin tunay.

36 Asin ngonyan, ako nagsasabi sa saindo, sakuyang mga katugangan, na pagkatapos na kamo makaaram asin pinagtukdoan na kan gabos na ining mga bagay, kun kamo magbabalga asin maglakaw na kontraryo sa bagay na pinagtaram na, na tanganing kamo magrayo kan saindong mga sadire gikan sa Espiritu nin Kagurangnan, na tanganing ini dae magkaigwa nin lugar sa saindo tanganing giyahan kamo sa mga dalan nin kadunungan na tanganing kamo mapuwedeng pagbendisyanan, pagpa-asensohon, asin pagpreserbaron---

37 Ako nagsasabi sa saindo, na an tawong naggigibo kaini, iyo man sana an minaluwas na lantad sa pagrebelde laban sa Diyos; kun kaya siya nakalista na magsunod sa maraot na espiritu, asin magigin sarong kaiwal kan gabos na pagkamatanos; kun kaya, an Kagurangnan dae magkaigwa nin lugar saiya, nin huli ta siya dae nag-eerok sa bakong banal na mga templo.

38 Kung kaya kun an tawong iyan dae magsosolsol, asin dagos asin naggadan na sarong kaiwal nin Diyos, an mga kahagadan kan banal na hustisya iyo an maggibong makapagpamata kan saiyang immortal na kalag pasiring sa buhay na pagmangno kan saiyang sadireng kasalan, na iyo an magkakausa saiya na magsaradit gikan sa presensiya nin Kagurangnan, asin iyo an magpapano kan saiyang daghan nin kasalan, asin kulog, asin kuniot na pagsakit, na kaarog baga nin sarong daeng kagadanan na kalayo, na an laad minapaitaas sa daeng kasagkoran.

39 Asin ngonyan ako nagsasabi sa saindo, na an pagkaherak mayong kaakoan sa tawong

iyang; kun kaya an saiyang pinal na kapahamakan iyo an magtios sa sarong daeng katapusan na pagsakit.

40 O, gabos kamong mga gurangon na tawo, asin man kamong mga hoben na mga tawo, asin kamong saraditon na mga kaarakian na nakakasabot kan sakuyang mga tataramon, nin huli ta ako nakapagtaram nin yano sa saindo na tanganing kamo makapagsabot, ako nangangadye an kamo magimata sa sarong kagiromdoman kan mga mangirhat na sitwasyon ninda na nagkahurulog pasiring sa kabalgahan.

41 Asin sa katapusi, ako nagmamawot na kamo magkonsidera na yaon sa paladan asin maogmahon na estado kaiba ninda na nagsusunod sa mga kasugoan nin Diyos. Nin huli ta hilnga, sinda bendisyunado sa gabos na mga bagay, pareho sa temporal asin espirituwal; asin kun sinda minaluwas na matapat hanggan sa katapusan sinda pagresibihon sa langit, na kun saen sinda mag-eerok kaiba an Diyos sa sarong estado nin daeng katapusan na kaogmahan. O giromdoma baya, giromdoma na an mga bagay na ini tunay; nin huli ta an Kagurangnan Diyos an nagtaram kaini.

MOSIAH TSAPTER 3

Si Hadeng Benjamin nagpadagos kan saiyang pagtataram --- An Kagurangnan na makapangyarihan iyo an maserbisyo sa mga tawo sa tabernakulong lapok --- An dugo mabulos gikan sa lambang labot kan saiyang kublit habang siya nagbabayad-sala para sa mga kasalan nin kinaban --- Siya iyo sana an pangaran kun saen an kaligtasan maggigikan --- An mga tawo puwedeng hubaon an natural na pagkatawo asin magin banal sa paagi nin pagbabayad-sala --- An pagpasakit kan mararaot magigin arog sa sarong danaw nin kalayo asin asupre.

Asin giraray mga katugangan ko, ako nag-aapud kan saindong atensiyon, nin huli ta igwa ako nin kadakul pang tataramon sa saindo; nin huli ta hilnga, ako igwa nin mga bagay na isasabi saindo manungod kaining mga paabuton.

2 Asin an mga bagay na sakuyang sasabihon saindo iyo idtong hinimong ipaaram sakuya sa paagi kan sarong anghel na gikan sa Diyos. Asin siya nagsabi sa sakuya: Magmata ka; asin ako nagmata, asin hilnga siya nakatindog sa atubangan ko.

3 Asin siya nagsabi sa sakuya: Magmata ka, asin dangoga an mga tataramon na sakuyang sasabihon saimo; nin huli ta hilnga, ako nagpadigde sa pagbalangibog sa saimo kan mga marhay na bareta nin dakulang kaogmahan.

4 Nin huli ta an Kagurangnan nakadangog kan saindong mga pangadyeon, asin naghugsa kan saindong pagkamatanos, asin iyo an nagpadara sakuya na magbalangibog sa saindo na tanganing kamo puwede na magin maogmahon; asin na kamo puwedeng magbalangibog sa saindong mga katawohan, na tanganing sinda man magin pano nin kaogmahan.

5 Nin huli ta hilnga, an oras nag-aabot, asin dae na gayong harayo, na may kapangyarihan, an Kagurangnan na makapangyarihan na iyo an naghahade, na iyo an dati, asin iyo na gikan sa bilog na mayong kasagkoran hanggan sa bilog na mayong

An Simbahan ni Jesukristo nin Mga Banal sa Huring-aldaw

179

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kasagkoran, na iyo an magbababa gikan sa langit na kaibahan sa mga kaakian nin mga tawo, asin mag-eerok sa tabernakulong lapok, asin padagos na maglalakaw na kaibahan nin mga tawo, nagtatrabaho nin mapusog na mga milagro, arog kan pagbubulong sa mga may helang, magbuhay-liwat nin gadan, naghimong makalakaw an pilay, an mga buta makaresibe kan saindang panheling, asin an bungog makakadangog, asin magpaparahay nin gabos na manera nin mga kahelangan.

6 Asin siya magpapalayas nin mga diyablo, o mga mararaot na espiritu na nag-eerok sa mga puso nin mga kaakian nin mga tawo.

7 Asin uya, siya magsasapo nin mga tentasyon, asin kulog nin hawak, pagkagutom, pagka-uhaw, asin kapagalan, na mas sobra pa sa sarong tawo na puwedeng magsapo, puwera lang kun ini magin sa kagadanan; nin huli ta hilnga, an dugo nagbubulos gikan sa lambang labot kan kublit, grabe kadakula an magigin kapaitan niya para sa mga parakasala asin mga karigsokan kan saiyang mga katawohan.

8 Asin siya aapudon na JesuCristo, an Ake nin Diyos, an Ama kan langit asin daga, an Paralalang kan gabos na mga bagay magpoon pa sa kapinunan; asin an saiyang ina aapudon na Maria.

9 Asin uya, siya maabot sa saiyang sadire, na an kaligtasan puwedeng mag-abot sa kaakian nin mga tawo maski ngani sa paagi nin pagtubod sa saiyang pangaran; asin maski na ngani pagkatapos kan bilog na ini sainda siyang ituturng bilang sarong tawo, asin siya masabi na siya igwa nin sarong diyablo, asin hahampakon siya, asin ipapako siya sa krus.

10 Asin siya mabangon sa ikatulong aldaw gikan sa mga gadan; asin hilnga, siya matindog sa paghusga sa kinaban; asin hilnga, an gabos na ining mga bagay ginibo na tanganing an sarong matanos na paghusga puwedeng mag-abot sa mga kaakian nin mga tawo.

11 Nin huli ta hilnga, asin man an saiyang dugo magbabayad-sala para sa mga kasalan ninda na nagkahurulog sa paagi nin paglapas ni Adan, na nagadan na dae nag-aaram sa karahayang boot nin Diyos manungod sainda, o kun siisay baya an mayo sa boot na nagkasala.

12 Pero herak man, herak man saiya na nag-aaram na siya nagrerebelde laban sa Diyos! Nin huli ta an kaligtasan dae minaabot laen lang kun ini sa paagi nin pagsosolsol asin pagtubod sa Kagurangnan na si JesuCristo.

13 Asin an Kagurangnan Diyos nagpadara kan saiyang mga banal na propeta na kaibahan kan gabos na kaakian nin mga tawo, na tanganing magbalangibog kaining mga bagay sa lambang lahi, nasyon, asin dila, na tanganing sa kahaluyan an siisay man an magtubod ki Cristo magdulok, tanganing siya puwedeng magresibe nin kapatawadan kan saiyang mga kasalanan, asin mag-ogma na may sobrang kadakulaan nin kaogmahan, mas na ngani habang siya nag-abot na sa kaibahan ninda.

14 Maski na ngani an Kagurangnan Diyos nakakahiling na an saiyang katawohan sarong tiso an liog na mga katawohan, asin siya nagsurat para sainda nin sarong ley, na iyo na ngani an ley ni Moises.

15 Asin kadakul na mga senyales, asin mga kangangalasan, asin mga tipo, asin mga anino na ipinahiling niya sainda, manungod kan saiyang pag-abot; asin maski na ngani kaini saindang pinatagas an saindang mga puso, asin dae nakakasabot na an ley ni Moises mayong maitatao laen lang kun ini sa paagi kan pagbabayad-sala nin saiyang dugo.

16 Asin kun maski na ngani na posibleng an saradit na kaakian magkakasala sinda dae

nanggad makakaligtas; pero ako nagsasabi saindo na sinda paladan; nin huli ta hilnga, arog ki Adan, o sa paagi nin natura, sinda nagkahurulog, maski na ngani kaiyan an dugo ni Cristo iyo an nagbayad para sa saindang mga kasalan.

17 Asin sa kadagdagan, ako nagsasabi sa saindo, na dae na magkakaigwa pa nin ibang pangaran na itatao nin ibang dalan, ni sa paagi kun saen an kaligtasan mag-aabot sa mga kaakian nin mga tawo, kundi siya sana asin sa paagi kan pangaran ni Cristo, an Kagurangnan na Makapangyarihan.

18 Nin huli ta hilnga siya maghuhusga, asin an saiyang paghuhusga husto sana; asin an mga umboy dae mapapara kun magadan na sadit pa; pero an mga tawong nag-iinom nin kondensasyon sa saiyang sadire man sanang mga kalag laen lang kun sinda nagin mapakumbaba kan mga sadire ninda asin magin arog sa saradit na mga kaakian, asin magtutubod sa kaligtasan kaidto, asin ngonian, asin sa maabot pa, sa laog asin sa paagi nin pagbabayad-sala kan dugo ni Cristo, an Kagurangnan na Makapangyarihan.

19 Nin huli ta an natural na pagkatawo sarong kaiwal nin Diyos, asin nagpoon pa gikan sa pagkahulog ni Adan, asin magigin iyo sa maarabot, sagkod sa kasagkoran, laen lang kun siya nagsuko sa mga pag-aagda kan Banal na Espiritu, asin naghuba kan natural na pagkatawo asin nagin sarong banal sa paagi kan pagbabayad-sala ni Cristo na Kagurangnan, asin nagin arog nin sarong aki... masinunod-sunod, mahuyo, mapakumbaba, matinios, pano nin pagkamoot, andam na magpasakop sa gabos na bagay na sa paghiling nin Kagurangnan tama para saiya, na arog kan sarong ake na nagpapasakop sa saiyang ama.

20 Asin bilang kadagdagan, ako nagsasabi sa saindo, na an panahon maabot noarin na sa pagkaaram sa Paraligtas maglalakop sa kabilugan kan lambang nasyon, lahi, dila, asin mga katawohan.

21 Asin hilnga, kun an panahon na iyan mag-abot, mayong mahihiling na malinigon sa atubangan nin Diyos, laen lang an saradit na mga kaakian, sa paagi sana nin pagsosolsol asin pagtubod sa pangaran nin Kagurangnan Diyos na Makapangyarihan.

22 Asin maski na ngani sa panahon na ini, kun noarin saindong tinutukdoan an saindong mga katawohan nin mga bagay na an Kagurangnan saindong Diyos iyo an nagsugo saindo, maski kaidto pa sinda dae na nanagboan na mayong kabasolan sa panhiling nin Diyos, lamang uyon sa mga tataramon na sakuyang itinaram na saindo.

23 Asin ngonian ako nagtataram kan mga tataramon na an Kagurangnan Diyos iyo an nagsugo sakuya.

24 Asin iyo ini an sabi nin Kagurangnan: Sinda magtitindog bilang sarong malinaw na testimonya laban sa mga katawohan na ini, sa aldaw nin paghuhukom; kun saen sinda huhusgaran, an lambang tawo uyon sa saiyang mga kaggibohan, kun sinda nagin marhay, o kun sinda nagin maraot.

25 Asin kun sinda nagin maraot sinda mapapamugtak sa sarong makangorongirhat na hilingon kan saindang sadireng pagkakasala asin mga karigsokan, na iyo an nagbulid sinda na tanganing manaradit gikan sa presensiya nin Kagurangnan paduman sa sarong kamugtakan na pagtitios asin daeng katapusan na kapadusahan, na kun saen dae na nanggad sinda makakabalik pa; kun kaya sinda nag-inom nin kondensasyon sa saindang sadireng mga kalag.

26 Kun kaya, sinda nakainom na gikan sa baso nin kaanggutan nin Diyos, na an hustisya dae na makakapagtago pa sa sinda na arog kaini na puwedeng magtago na si Adan dapat

na mahulog nin huli kan saiyang pagkakan nin pinagbabawal na prutas; kumn kaya, an pagkaherak dae na kuta na makakapagpabalik sa sainda sagkod pa man.
27 Asin an saindang kapadusahan iyo an sarong danaw nin kalayo asin asupre, na an mga laad dae nanggad napaparong, asin an aso minapaitaas sagkod sa kasagkoran. Kaya iyo ini an isinugo nin Kagurangnan sakuya. Amen.

MOSIAH TSAPTER 4

Si Hadeng Benjamin nagpadagos sa saiyang diskurso --- An kaligtasan maabot nin huli sa pagbabayad-sala --- Magtubod sa Diyos tanganing makakaligtas --- Ipagpadagos an kapatawadan kan saindong mga kasalan sa paagi nin bilog na pagtubod --- Ihiras an saindong mga kabuhayan sa mga kapobrehan --- Gibohon an gabos na bagay sa kadunungan asin kaayusan.

Asin ngonian, ini nangyaring naglipas na kan si hadeng Benjamin naghimong tapuson na an saiyang pagdiskurso kan mga tataramon na ipinagtao saiya sa paagi kan anghel nin Kagurangnan, kan saiyang igala ang saiyang mga mata sa kapalibutan kan mga tawo, asin nahiling nya na sinda nagruluhod sa daga, nin huli ta an pagkatakot sa Kagurangnan iyo an nag-abot sa sainda.

2 Asin sinda nakahiling sa saindang mga sadire na yaon sa pansadireng karnal na kamugtakan, na hababaon pang gayo kesa alpog nin kinaban. Asin sinda nakururahaw nin makusog na igwa nin sarong boses, na nagsasabi: O kaheraki kami, asin himoa an pagbabayad-sala kan dugo ni Cristo na tanganing puwede nyamong maresibe an kapatawaran kan samuyang mga kasalan, asin an samuyang mga puso magin purong gayo; nin huli ta kami may pagtubod ki JesuCristo, an Ake nin Diyos, na iyo an naglalang kan langit asin daga, asin kan gabos na mga bagay; na iyo an mapadigde kairiba kan mga kaakian nin mga tawo.

3 Asin ini nangyaring naglipas kan pagkatapos na sinda nakapagtaram na kaining mga tataramon an Espiritu nin Kagurangnan nangibabaw sainda, asin sinda napano nin kaogmahan, nin huli ta naresibe ninda an kapatawaran kan saindang mga kasalan; asin nagkaigwa nin katuninongan sa kunsiyensiya, nin huli ta kan makusog na pagtubod na igwa sinda ki JesuCristo na iyo an mapadigde, na uyon sa mga tataramon, na si hadeng Benjamin iyo an nagtaram sa sainda.

4 Asin si hadeng Benjamin giraray nagbuka kan saiyang nguso asin nagpoon sa pagtaram sainda, na nagsasabi: Mga amigo ko asin sakong mga katugangan, sakuyang lahi asin mga katawohan, ako giraray mag-aapud saindo kan saindong pansin, na tanganing puwede nindong madangog asin maintidihan an natatada ko pang mga tataramon na sakuyang itataram sa saindo.

5 Nin huli ta hilnga, kun an kaaraman sa karahayan nin Diyos sa oras na ini iyo an nakapukaw saindo sa pagmangno kan saindong kadaehan, asin sa saindong pagkamayong kahalagahan asin nahulog na kamugtakan ---

6 Ako nagsasabi sa saindo, kun kamo nag-abot sa sarong kaaraman sa karahayan nin

An Simbahan ni Jesukristo nin Mga Banal sa Huring-aldaw

182

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Diyos, asin sa saiyang daeng katampad na kapangyarihan, asin an saiyang kadunungan, asin an saiyang pasensiya, asin an saiyang halawigon na pagtitios para sa mga kaakian nin mga tawo; asin man, an pagbabayad-sala na ipinaghanda na magpoon pa sa kapinunan nin kinaban, na tanging an kaligtasan mag-abot saiya na magpuputong kan saiyang patitiwala sa Kagurangnan, asin naghihingo sa pagsunod kan saiyang mga kasugoan, asin magpadagos sa pagtubod hanggan sa katapusan kan saiyang buhay, an boot kong sabihon an buhay kan mortal na hawak ---

7 Ako nagsasabi, na iyo ini an tawo na maresibe nin kaligtasan, sa paagi nin pagbabayad-sala na inandam na magpoon pa sa kapinunan nin mundo para sa bilog na mga katawohan, na iyo na bago pa man an pagkahulog ni Adan, o siisay pa man sa ngonian, o siisay pa man sa maabot, maski na hanggan sa katapusan nin mundo.

8 Asin iyo ini an paagi kun saen an kaligtasan makakamtan. Asin mayo nang iba pang kaligtasan puwera lang kaining mga ipinagtataram ko na; ni ini igwa nin anuman na mga kondisyon kun saen an tawo puwedeng maligtas laen lang kan mga kondisyon na sakuyang ipinagsaysay na sa saindo.

9 Matubod kamo sa Diyos; magtubod kamo na siya iyo talaga, asin na saiyang piglalang an gabos na bagay, pareho sa langit asin sa kinaban; magtubod na igwa siya kan bilog na kadunungan, an bilog na kapangyarihan, pareho sa langit asin sa kinaban; magtubod kamo na an tawo dae makaka-intende kan gabos na mga bagay na an Kagurangnan sana iyo an makaka-intende.

10 Asin giraray, magtubod kamo na kamo dapat magsosolsol kan saindong mga kasalan asin talikudan an mga ini, asin magpakumbaba kan saindong mga sadire sa atubangan nin Diyos; asin hagadon na udok sa puso na siya magpatawad saindo; asin ngonian, kun kamo nagtutubod sa gabos na ining mga bagay hingohaon nindo na gibohon an mga ini.

11 Asin giraray ako nagsasabi sa saindo na arog kan nasabi ko na, na habang kamo nakakanuod nin kaaraman sa kamurawayan nin Diyos, o kun kamo nakakaaram na kan saiyang pagkamarahayon asin nanamitan na an saiyang pagkamoot, asin nakaresibe na nin kapatawadan kan saindong mga kasalan, na iyo an nakakapagtao nin sobrang gayong kaogmahan sa sadire nindong mga kalag, maski na ngani kaini ako maghihimo na kamo puwedeng makakagiromdom, asin pirmeng yaon sa paggigiromdom, an kadakulaon nin Diyos, asin an saindong sadireng kadaehan, asin an saiyang pagkamarahayon asin halawigon na pagtitios para sa saindo, mayong halagang mga nilalang, asin magpakumbaba kamo maski hanggan sa mga kairaroman kan saindong kapakumbabaan, mag-aapud sa pangaran nin Kagurangnan sa aroaldaw, asin magtitindog na pusog an pagtubod sa saiya na mapadigde, na iyo an ipinagsasabi sa paagi nin ngabil kan anghel.

12 Asin hilnga, ako nagsasabi sa saindo na kun kamo maggibo kaini kamo pirme sanang mag-oogma, asin magin pano nin pagkamoot nin Diyos, asin pirmeng yaon an kapatawaran kan saindong mga kasalan; asin kamo magtatalubo sa pagkanuod kan kamurawayan niya na naglalang saindo, o sa pagkanuod kaining husto asin totoo.

13 Asin dae kamo makakaisip na pagpakulgan an lambang saro, pero mamumuhay na may katuninongan, asin magheheras sa lambang tawo uyon sa maninigo sa saiya.

14 Asin dae nindo tutugutan an saindong mga kaakian na sinda magugutom, o huba; ni kamo magtutugot na sinda maglalapas sa mga leyes nin Diyos, asin makipaglaban asin makipag-iwal sa lambang saro, asin magsirbe sa diyablo, na iyo an amo nin kasalan, o iyo an maraot na espiritu na iyo an pinagtataram kan satuyang mga ama, siya na iyo an

kalaban kan gabos na pagkamatanos.

15 Pero kamo magtutukdo sainda na maglakaw sa mga dalan nin katotoohan asin kahubyaan; kamo magtutukdo sainda na magminuotan sa lambang saro, asin magsirge sa lambang saro.

16 Asin man, kamo sa saindong mga sadire magtatabang sainda na matindog sa pangangaipo kan saindong tabang; kamo an mamamahala kan saindong kabuhayan sa sainda na nangangaipo; asin dae kamo magtugot na an parapakilimos na naghahagad kan saiyang pangangaipo saimo magin daeng kamugtakan, asin pababayaon siya na tanganing magadan.

17 Baka saindong sasabihon: An tawong yan nagdara sa saiyang sadire kan saiya man sanang kasasakitan; kun kaya ako magpapamugtak kan sakuyang kamot, asin dae magtatao sa saiya nin sakuyang kakanon, ni ipagheras sa saiya an sakuyang kabuhayan na tanganing siya dae magtios, nin huli ta an saiyang mga padusa husto sana ---

18 Pero ako magsasabi sa saindo, o tawo, an siisay man an naggigibo kaini siya igwa nin dakulang kausa para magsosolsol; asin laeng lang na siya nagsolsol kan saiyang mga ginibo siya magagadan sagkod pa man, asin mayong interes sa kahadean nin Diyos.

19 Nin huli ta hilnga, bako daw na kita gabos mga parapakilimos? Bako daw na kita gabos minadepende sa pareho man sanang Persona, na iyo ngani an Diyos, para sa bilog na kabuhayan na igwa kita, pareho para sa pagkakan asin pagbabado, asin para sa bilog na mga kayamanan na igwa kita sa kada hitsura.

20 Asin hilnga, maski sa oras na ini, kamo nag-aapud kan saiyang pangaran, asin nakikilimos para sa kapatawadan kan saindong mga kasalan. Asin daw nagtugot na kamo nakikilimos sa daeng kamanungdanan? Dae; Siya iyo an nagpabulos kan saiyang Espiritu sa saindo, asin naghimo na an saindong mga puso mapapano nin may kaogmahan, asin iyo an naghimo na an saindong mga nguso dapat na mag-untok na tanganing dae kamo makanagbo nin mga tataramon, magin grabeng gayo an magigin nindong pagkaogma.

21 Asin ngonian, kun an Diyos, na iyo an naglalang saindok, na sa saiya ika minadepende kan saindong mga buhay asin para sa gabos na igwa ka asin yaon, na iyo an mapaubaya sa saindo nin anuman na bagay na saindong pinaghahagad na tama, may pagtubod, naniniwala na saindong mareresibe, o kun kaya, ano daw ta kaipuhan na kamo maghiras kan kabuhayan na igwa kamo sa lambang saro.

22 Asin kun kamo maghusga sa tawo na naghahagad kan saiyang pangangaipo saindo para sa saimong kabuhayan na tanganing dae siya magagadan, asin kondenahon siya, gurano pa daw kagrabeng husto an saindong magigin kondensasyon nin huli kan pagsayuma nindo kan saindong kabuhayan, na bako man nganing pagsadire nindo kundi sa Diyos, na sa saiya maan ngani an saindong buhay nasasadirehan; asin ngani kamo dae man naghagad, ni magsosolsol kan bagay na saindong naginibohan.

23 Ako nagsasabi sa saindo, herak man sa tawong yan, nin huli ta an saiyang sadireng kabuhayan mawawara kaiba niya; asin ngonian, ako nagsasabi kaining mga bagay sa sainda na mayayaman lalo na manungod sa mga bagay kaining mundo.

24 Asin giraray, ako nagsasabi sa mga kapobrehan, kamo na mayo pero igwa nin awad-awad, na tanganing kamo iyo man giraray sa aroaldaw; ako nagpapasabot sa gabos saindo na nagsayuma sa parapakilimos, nin huli ta mayo kamo; ako magtutugot na kamo masabi sa saindong mga puso na: Ako dae nagtao nin huli ta ako mayo man, pero kun ako igwa ako nanggad matao.

25 Asin ngonian, kun kamo masabi sa saindong mga puso na kamo pirmeng mayong kasalan, ta kun bako kamo kondenado; asin an saindong kondenasyon husto sana nin huli ta kamo nango-ahan kan bagay na kamo dae nagresibe.

26 Asin ngonian, nin huli sa mga bagay na ini na sakuyang naitaram na saindo --- ini iyo, nin huli sa pirmeng kapatawadan kan saindong mga kasalan sa aroaldaw, na tanganing kamo puwedeng maglakaw na mayong kasalan sa atubangan nin Diyos --- Ako magtutugot na kamo dapat maghiras kan saindong kabuhayan sa mga kapobrehan, an kada tawo na uyon sa bagay na igwa na siya, arog kan pagpapakakan sa mga nagugutom, pagpapabado sa mga huba, an pagbibisita kan igwa nin kahelangan asin an pagpapamahala kan saindang kaomayan, pareho sa pan-espirituwal asin pan-temporal, na uyon sa saindang mga pangangaipuhan.

27 Asin pagmaan baya na an gabos kaining mga bagay ginibo na may kadunungan asin may kamumugtakan; nin huli ta dae kaipuhan na an sarong tawo magdadalagan nin mabilison kesa sa saiyang kusog. Asin giraray, ini sarong kapakinabangan na siya dapat maghigos, na tanganing sa kahaluyan siya puwedeng manggana nin premyo; kun kaya, an gabos na mga bagay dapat gibohon na may kamumugtakan.

28 Asin ako magtutugot na kamo makakagiromdom, na siisay man saindo na magsusubli sa saiyang kataid-harong dapat na iyo an magbalik kan bagay na saiyang sinublian, uyon sa napagkasundoan, ta kun bako, kamo nagkakasala; asin ta baka saindong gibohon na an kataid-harong nindo magkasala man.

29 Asin sa kahurihi, ako dae makakasabi saindo kan gabos na bagay kun saen kamo puwedeng makagibo nin kasalan; nin huli ta igwa nin kadakul na mga paagi asin pamumugtakan, maski ngani na kadakul-dakul na ako dae kayang bilangon sinda.

30 Pero iyo ini an grabeng masabi ko saindo, na kun kamo dae mapagmangno sa saindong mga sadire, asin kan saindong mga kaisipan, asin kan saindong mga tataramon, asin kan saindong mga gibo, asin obserbahan an mga kasuguan nin Diyos, asin padagos sa pagtubod sa kun ano an saindong nagkadarangog mapanungod sa pag-abot nin satuyang Kagurangan, maski sa katapusan kan saindong mga buhay, kamo kaipuhan na magadan. Asin ngonian, o tawo, giromdoma baya, asin dae ka magadan.

MOSIAH TSAPTER 5

An mga banal magin mga akeng lalake asin mga akeng babae ni Cristo sa paagi nin pagtubod --- Sinda sa kahaluyan pag-aapudon sa pangaran ni Cristo --- Si Hadeng Benjamin otrong nagpagiromdom sainda na magin matatag asin dae matitinag sa marhay na mga gibo.

Asin ngonian, ini nangyaring naglipas kan si hadeng Benjamin natapos nang magtaram sa saiyang mga katawohan, siya naghapot sa sainda, na may pagmamawot na maaraman gikan sa saiyang mga katawohan kun sinda nagtutubod sa mga tataramon na saiyang naitaram na sa sainda.

2 Asin sinda gabos nagkururahaw na may sarong boses, na nagsasabi: Iyo, kami

An Simbahan ni Jesukristo nin Mga Banal sa Huring-aldaw 185
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagtutubod sa gabos na mga tataramon na saimong naitaram sa samuya; asin man, kami nakakaaram na may kaseguruhan asin katotoohan, nin huli sa Espiritu nin Kagurangnan na Makapangyayari, na iyo an nagdara nin dakulang pagbabago sa laog nyamo, o sa samuyang mga puso, na tanganing kami nawaraan na nin disposisyon na gumibo pa nin maraot, kundi gumibo na sana nin padagos na karahayan.

3 Asin kami, sa samuyang mga sadire man, sa paagi kan daeng kasagkoran na pagkamarahay nin Diyos, asin sa mga paggibo kan saiyang Espiritu, nagkaigwa nin kadakul na mga pananaw sa mga bagay na paabuton pa sana; asin ini may kapakinabangan, na kami nakakapagpropesiya sa gabos na mga bagay.

4 Asin ini nin huli sa pagtubod na yaon na samuya sa mga bagay na an samuyang hade naitaram samuya na iyo an nagdara samo kaining dakulang kaaraman, kun saen kami nahimong mag-ogma na may dakula na gayong kaogmahan.

5 Asin kami nawili na maglaog sa sarong tipan sa samuyang Diyos na gumibo kan saiyang kagustuhan, asin magin masinunod-sunod sa saiyang mga kasugoan sa gabos na mga bagay na saiyang isusugo samuya, sa bilog na katadaan kan samuyang mga aldaw, na tanganing kami dae naggad magdara para sa samuyang mga sadire nin sarong daeng-tapos na tormento, arog kan itinaram kan anghel, na tanganing kami dae naggad mag-inom gikan sa kopa nin kaanggutan nin Diyos.

6 Asin ngonian, iyo ini an mga tataramon na si hadeng Benjamin nagmawot na madangog sainda; asin kun kaya siya nagsabi sa sainda: Kao nakapagtaram nin mga tataramon na sakuyang pinagmawot; asin an tipan na saindong ginibo sarong matanos na tipan.

7 Asin ngonian, nin huli sa tipan na saindong naggibo kamo aapudon na mga kaakian ni Cristo, an saiyang mga akeng lalake, asin saiyang mga akeng babae; nin huli ta hilnga, sa aldaw na ini siya may espirituwalidad na nagpili saindo; nin huli ta kamo nagsabi na an saindong mga puso nagbago sa paagi nin pagtubod kan saiyang pangaran; kun kaya, kamo inake sa saiya asin nagin mga ake nyang lalake asin mga ake niyang babae.

8 Asin sa irarom kaining pamayo kamo hinimong mga libre, asin mayo nang ibang pamayo kun saen kamo mahimong mga libre. Mayo na nin ibang pangaran na itinao kun saen an kaligtasan mag-aabot; kun kaya, ako maggigibo na kamo dapat na magdadara kan pangaran ni Cristo, gabos kamo na naglaog sa tipan sa Diyos na tanganing kamo magin masinunod-sunod hanggan sa katapusan kan saindong mga buhay.

9 Asin ini nangyaring naglipas na an siisay man na naggigibo kaini mananagboan sa tuong kamot nin Diyos, nin huli ta siya makakaaram nin pangaran kun saen siya pinapangapudan; nin huli ta siya pangangapudan sa paagi kan pangaran ni Cristo.

10 Asin ngonian ini nangyaring naglipas, na an siisay man na dae nagdara para sa saiya kan pangaran ni Cristo kaipuhan na gayong apudon sa ibang ngaran; kun kaya, mananagboan nya an saiyang sadire na yaon sa walang kamot nin Diyos.

11 Asin ako maghihimo na kamo dapat na makakagiromdom man, na iyo ini an pangaran na sakuyang itinaram na itatao sa saindo na dae naggad puwedeng paraon, laen lang kun sa paagi nin paglapas; kun kaya, gibohon nin na dae makagibo nin kalapasan, na tanganing ining pangaran dae naggad mapapara sa saindong mga puso.

12 Ako nagsasabi sa saindo, ako maghihimo na kamo dapat makagiromdom na pirmeng an pangaran na ini nakasurat sa saindong mga puso, na tanganing dae kamo mananagboan na yaon sa walang kamot nin Diyos, pero na kamo makadangog asin

makaaram kan boses kun saen kamo pinapangapudan, asin man, an pangaran na kun saen siya mag-aapud saindo.

13 Nin huli ta paano dae maaraman nin sarong tawo an amo na dae pa niya nasirbehan, asin na siya sarong estranghero pa saiya, asin ini harayo sa mga kaisipan asin intensiyon kan saiyang puso?

14 Asin giraray, gibohon daw nin sarong tawo na manguhaan nin sarong asno na pagsasadire kan kataid niya, asin tagoon ini? Ako nagsasabi saindo, Dae; ni dae niya ngani pagtutugutan na ini makaibahan sa pagsasabsab kan saiyang mga alagang hayop, pero bubugawon niya paharayo, asin iapon paluwas. Ako nagsasabi saindo, na mski na ngani kaini na magin saro sa saindo kun kamo dae nakakaaram kan pangaran kun saen kamo pinapangapudan.

15 Kun kaya, ako maghihimo na kamo magigin matatag asin dae mahihiro, pirmeng may kapanoan nin marhay na mga gibo, na si Cristo, an Kagurangnang Diyos na Mapangyayari, na iyo an magseselyo saindo saiya, na tanganing kamo madadara sa langit, na tanganing kamo magkaigwa nin daeng katapusan na kaligtasan asin daeng kasagkoran na buhay, sa paagi nin kadunungan, asin kapangyarihan, asin hustisya, asin pagkaherak niya na iyo an naglalang kan gabos na mga bagay, sa langit asin sa kinaban, na iyo an Diyos labaw sa gabos. Amen.

MOSIAH TSAPTER 6

Si Hadeng Benjamin naglista kan mga pangaran kan mga katawohan asin nagngaran nin mga kapadean na iyo an magtutukdo sainda --- Si Mosiah naghade na sarong matanos na hade.

Asin ngonian, si hadeng Benjamin nakapag-isip na ini sarong kapakinabangan, pagkatapos nyang makapagtaram sa mga katawohan, na saiyang dapat na ilista an mga pangaran kan gabos na naglaog sa sarong tipan sa Diyos na tanganing magsunod sa saiyang mga kasugoan.

2 Asin ini nangyaring naglipas na mayo ni sarong kalag, laen lang kan mga saradit na kaakian, pero naglaog mismo sa tipan asin dinara sa saindang sadire an pangaran ni Cristo.

3 Asin giraray, ini nangyaring naglipas na kan si hadeng Benjamin naghimong matapos na an gabos kaining mga bagay, asin saiya nang pinagkonsagra an saiyang akeng lalake na si Mosiah na tanganing magin sarong tagapamahala asin sarong hade sa bilog na saiyang mga katawohan, asin ipinagtao sa saiya an gabos na kapamahalaan mapanungod sa kahadean, asin man nagngaran nin mga kapadean na tanganing iyo an magtutukdo sa mga katawohan, na tanganing sa kahaluyan puwede nindang madadangog asin maaraman an mga kasugoan nin Diyos, asin sa pagpagibo sainda na makagiromdom kan saindang panunumpa na saindang ginibo, saiyang pina-uruli na an grabe kadakul na mga katawohan, asin sinda nagbaralik na, an lambang saro, na uyon sa saindang mga kapamilya, pasiriring sa saindang mga sadireng mga pagharongon.

An Simbahan ni Jesukristo nin Mga Banal sa Huring-aldaw 187
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

4 Asin si Mosiah nagpoon na sa paghade bilang karibay kan saiyang ama. Asin siya nagpoon sa paghade isa ika-trentang taon kan saiyang edad, na sa kabilugan, maabot sa apat na gatos asin sitenta may anom na taon magpoon sa panahon na si Lehi naghale sa Jerusalem.

5 Asin si hadeng Benjamin nabuhay pa nin tulong taon asin siya nagadan.

6 Asin ini nangyaring naglipas na si hadeng Mosiah naglakaw sa mga dalan nin Kagurangnan, asin naggibong magsunod sa saiyang mga kahusgahan asin sa saiyang mga patakaran, asin naghimo kan saiyang mga kasugoan sa gabos na mga bagay na sa anuman na saiyang mga isinusugo saiya.

7 Asin si hadeng Mosiah nagsugo sa saiyang mga katawohan na magbungkal nin daga. Asin siya man, sa saiyang sadire, nagbungkal man nin daga, na tanganing sa kahaluyan dae siya magin pagabat sa saiyang mga katawohan, na siya puwedeng gumibo arog kan mga bagay na an saiyang ama nakagibo sa gabos na mga bagay. Asin mayo ni sarong pag-iiriwal-iwal sa gabos na saiyang mga katawohan sa laog nin tulong taon.

MOSIAH TSAPTER 7

Si Ammon an nakatagbo kan daga nin Lehi-Nephi kun saen si Limhi iyo an hade --- An mga katawohan ni Limhi yaon sa pagka-uripon kan mga Lamanita --- Si Limhi nagkulibat kan saindang kasaysayan --- Sarong propeta (Abinadi) nagtestimonya na si Cristo sarong Diyos asin Ama kan gabos na mga bagay --- An siisay an nagtanom nin kadaendatahan nag-aani nin arimpos na paros, asin an siisay man na nagbugtak kan saiyang tiwala sa Kagurangnan maliligtas.

Asin ngonian, ini nangyaring naglipas na pagkatapos na si hadeng Mosiah nagkaigwa nin padagos na katuninongan sa laog nin tulong taon, siya nagmawot na maaaraman an mapanungod sa mga katawohan na nagharale tanganing mag-erok sa daga nin Lehi-Nephi, o sa siyudad nin Lehi-Nephi; nin huli ta an saiyang mga katawohan dae na ning nadandangog manungod sinda magpoon sa panahon kan sinda pahumalion sa daga nin Zarahemla; kun kaya, sinda an nagpahandal sa saiya sa paagi kan saindang mga karantiyawan.

2 Asin ini nangyaring naglipas na si hadeng Mosiah nagtugot sa desisais kan saindang makukusog na mga tawo na magpasiring sa daga nin Lehi-Nephi, na tanganing aramon an mapanungod sa saindang katugangan.

3 Asin ini nangyaring naglipas na sa pagkaaga sinda nagpoon na magpahumalion, na yaon sa pag-iriba ninda iyo an sarong Ammon, siya bilang sarong makusog asin mapusog na tawo, asin sarong mako-apo ni Zarahemla; asin siya man an saindang tagapamayo.

4 Asin ngonian, sinda dae nakakaaram kan dalan na dapat nindang pagtahakon sa kaparangan pasiring sa daga nin Lehi-Nephi; kun kaya sinda nagparalakaw nin kadakul na mga aldaw sa kaparangan, sa laog nin kwarantang aldaw sinda nagralakaw.

5 Asin kan sinda nagparalakaw nin kwarantang aldaw sinda nakaabot sa sarong bulod, na yaon sa norteng parte kan daga nin Shilom, asin duman sinda nagturogdok kan saindang

An Simbahan ni Jesukristo nin Mga Banal sa Huring-aldaw

188

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga tolda.

6 Asin si Ammon nagpaiba sa tulo nindang katugangan, asin an saindang mga pangaran iyo si Amaleki, Helem, asin Hem, asin sinda nagpasiring duman sa daga nin Nephi.

7 Asin hilnga, saindang nakahilingan an hade nin mga katawohan na yaon sa daga nin Nephi, asin sa daga nin Shilom; asin sinda pinalibutan kan mga guwardiya nin hade, asin dinarara, asin ginarapos, asin pinagparalaog sa prisohan.

8 Asin ini nangyaring naglipas kan sinda yaon na sa laog kan prisohan nin duwang aldaw saka sinda dinarara sa atubangan nin hade, asin an saindang mga gapos hinurubad; asin sinda nagtindog sa atubangan nin hade, asin pinagtugutan, o ngani sinugo, na sinda dapat magsimbag sa mga kahaputan na saiyang ihahapot sa sinda.

9 Asin siya nagsabi sa sinda: Hilnga, Ako si Limhi, an akeng lalake ni Noah, na akeng lalake ni Zeniff, na naggikan pa sa daga nin Zarahemla na tanganing iyo an magmamana kaining daga, na iyo an kadagaan kan saindang mga ama, na iyo an hinimong hade sa paagi nin boses nin mga katawohan.

10 Asin ngonian, ako nagmamawot na maaraman an dahilan kun tadaw baya ta kamo makukusog an mga boot na magrani sa mga dingdding kaining siyudad, na kun noarin ako, sa sakuyang sadire, yaon sa pag-iriba kan sakuyang mga guwardiya sa luwas kan trangkahan?

11 Asin ngonian, nin huli sa kausang ini ako nagtugot na kamo buhayon, na tanganing ako puwedeng manghaputan sa saindo, o ta kun dae ako kuta na nagkausa na an sakuyang mga guwardiya iyo mismo an nagpmugtak saindo sa kagadanan. Kamo tinutugutan kong magtaram.

12 Asin ngonian, kan si Ammon nahiling na siya tinugutan na magtaram, naglakad siya nin paenotan asin nagduko kan saiyang sadire sa atubangan kan hade; asin sa pagbuhat giraray siya nagsabi: O hade, ako nagpapasalamat na gayo sa atubangan nin Diyos sa aldaw na ini na ako buhay pa, asin na ako tinutugutan na magtaram; asin ako maghihingoha na magtaram na may kaisogan;

13 Nin huli ta ako may kaseguruhan na kun ikaw nakamidbid sako ika dae kuta na nagtugot na ako dapat na magsul-ot kaining mga gapos. Nin huli ta ako si Ammon, asin ako an mako-apo ni Zarahemla, asin nagpadigde sa daga nin Zarahemla na tanganing manghaputan mapanungod sa samuyang mga katugangan, na si Zeniff iyo an nagdara paluwas sa dagang idto.

14 Asin ngonian, ini nangyaring naglipas na pagkatapos na si Limhi nakadangog sa mga tataramon ni Ammon, siya nagin maogmahong marhay, asin nagsabi: Ngonian, ako nakakaaram na may kasegurohan na an sakuyang mga katugangan na yaon sa daga nin Zarahemla mga buhay pa. Asin ngonian, ako mag-oogma; asin sa pagkaaga ako maghihimo na an sakuyang mga katawohan mag-oogma man.

15 Nin huli ta hilnga, kami yaon sa pagka-uripon nin mga Lamanita, asin kami pinagbubuwisan nin sarong buwis na magabat na gayo na pinagbabayadan. Asin ngonian, hilnga, an samuyang mga katugangan iyo mismo an magliligtas samuya paluwas sa samuyang pagka-uripon, o paluwas sa mga kamot kan mga Lamanita, asin kami magigin mga uripon ninda; nin huli ta ini marahay na kami magigin mga uripon kan mga Nephita kesa na magbabayad nin kagalangan sa hade kan mga Lamanita.

16 Asin ngonian, si hadeng Limhi nagsugo sa saiyang mga guwardiya na dapat na dae na ninda paggapuson pa si Ammon ni an saiyang mga katugangan, pero himoon na sinda

dapat na magpaduman sa sarong bulod na yaon sa norte kan Shilom, asin darahon an saindang mga katugangan palaog sa siyudad, na sa kahaluyan sinda puwedeng magkakakan, asin mag-iinom, asin makapagpahingalo kan saindang mga sadire gikan sa mga kapagalan kan saindang paglakbay; nin huli ta sinda nagtios nin kadakul na mga bagay; sinda nagtios nin kagutuman, pagkapaha, asin kakulugan nin hawak.

17 Asin ngonian, ini nangyaring naglipas na kinaagahan na si hadeng Limhi nagpadara nin sarong proklamasyon sa gabos niyang mga katawohan, na tanganing sa kahaluyan sinda puwedeng magkakatiripon kan saindang mga sadire na magkasararo sa templo, na magdangog kan mga tataramon na saiyang itataram sa sinda.

18 Asin ini nangyaring naglipas na kan sinda nagkatiripon-tipon na kan saindang mga sadire na magkasararo na tanganing siya makakapagtaram sa sinda kaining kadunungan, na nagsasabi: O kamo, mga katawohan ko, itaas an saindong mga payo asin magin maaling; nin huli ta hilnga, an oras harani na, o ini dae na gayong harayo, na kita dae na masasakupan kan satuyang mga kaiwal, maski na ngani sa satuyang kadakul na pakikipaglaban, na ngani nagin mayong kamugtakan; pero ako may tiwala na igwa pang natatada na sarong pakikipaglaban na kaipuhan na gibohon.

19 Kun kaya, iangat an saindong mga payo, asin mag-ogma, asin ibugtak nin an pagtitiwala sa Diyos, na sa Diyos na iyo an Diyos ni Abraham, asin ni Isaac, asin ni Jacob; asin man, na an Diyos na iyo an nagdara kan mga kaakian nin Israel paluwas sa daga nin Ehipto, asin nagkausa na sinda maglakaw sa katahawan nin Pulang Dagat sa dagang na daga, asin nagpakakan sinda nin manna na tanganing sinda dae magkakagaradan sa kaparangan; asin kadakul pang mga bagay na saiyang ginibo para sa sinda.

20 Asin giraray, iyo man giraray na Diyos na iyo an nagdara kan satuyang mga ama paluwas sa daga nin Jerusalem, asin iyo an nagbantay asin nag-ingat sa saiyang mga katawohan maski ngani ngonian; asin hilnga, ini nangyari nin huli kan satuyang mga kadaendatahan asin mga karigsokan, na siya an nagdara satuya kaining pagkasakop.

21 Asin kamo gabos an mga testigo sa aldaw na ini, na si Zeniff, na iyo an ginibong hade sa mga katawohan na ini, siya bilang sobrang gayo an karahayan na tanganing manahon an daga kan saiyang mga ama, kun kaya bilang nalinlang sa paagi katusohan asin pandadaya ni hadeng Laman, na iyo na pagkatapos na maglaog sa sarong kasunduan ki hadeng Zeniff, asin bilang nagpaubaya sa saiyang mga kamot na pagsadirehon an sarong parte nin daga, o maski ngani sa siyudad ni Lehi-Nephi, asin an siyudad nin Shilom; asin an kadagaan sa palibot---

22 Asin an gabos na ini saiyang ginibo, nin huli ta sa sarong bugtong na katuyuhan na darahon ining mga katawohan sa pagkalupig asin sa pagkasakop. Asin hilnga, kita sa oras na ini nagbayad nin kagalangan sa hade nin mga Lamanita, sa kantidad na sarong kabanga kan satuyang mais, asin kan satuyang sepada, asin maski ngani an gabos nyatong anihon sa lambang klase, asin sarong kabanga para sa pagdakula kan satuyang mga hayop asin kan satuyang pasabsaban; asin maski na ngani sarong kabanga kan gabos nyatong kaigwahan o pagsadirehon an hade nin mga Lamanita na iyo an naghahagad satuya, o kan satuyang mga buhay.

23 Asin ngonian, bako daw na ini magabat na pasanon? Asin bako ini, na an satuyang kasakitan, grabe? Ngonian hilnga, sa paanong dakulang rason na tanganing kita magmumundo.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

24 Iyo, ako nagsasabi sa saindo, dakulang gayo an mga rason na kita dapat na magmundo; nin huli ta hilnga pira baya sa satuyang mga katugangan an nagkagaradan na asin an saindang mga dugo nagbulos na mayong kamanungdanan, asin an gabos nin huli sa kadaendatahan.

25 Nin huli ta kun an mga katawohan na ini dae nahulog sa kalapasan an Kagurangnan kuta na dae nagtugot na ining dakulang karaotan nag-abot sa sainda. Pero hilnga, sinda habong magdangog sa saiyang mga tataramon; pero may mga pag-iiriwal-iwal na yaon sa sainda, maski na ngani grabe na sindang pinnaghimong magpabulos nin dugo na sinda-sinda man sana.

26 Asin sarong propeta nin Kagurangnan an saindang ginadan; iyo, sarong tawong pinili nin Diyos, na iyo an nagsabi kan saindang karaotan asin mga karigsokan, asin nagpropesiya nin kadakul na mga bagay na paabuton pa sana, iyo, maski ngani an pag-abot ni Cristo.

27 Asin nin huli ta siya nagsabi sa sainda na si Cristo iyo sarong Diyos, an Ama nin gabos na mga bagay, asin nagsabi na siya magdadara sa saiyang sadire kan imahe nin sarong tawo, asin ini magin sarong imahe na arog sa sarong tawo na piglalang sa kapinunan pa; o sa ibang mga tataramon, siya nagsabi na an tawo piglalang arog sa imahe nin Diyos, asin na an Diyos kaipuhan na gayong magbaba sa kairiba kan mga kaarakian nin mga tawo, asin magdadara sa saiyang sadire nin laman asin dugo, asin maglalakaw sa ibabaw kan lalawgon nin mundo---

28 Asin ngonian, nin huli ta siya nagsabi kaini, sainda siyang ginadan; asin kadakul pang mga bagay an saindang giniribo na iyo an nagdara nin kaanggutan nin Diyos laban sa sainda. Kun kaya, siisya pa man baya an magngangalas kun tadaw ta sinda yaon sa pagka-uripon, asin ta sinda hinampak nin mga makuring kasakitan?

29 Nin huli ta hilnga, an Kagurangnan nakapagsabi: Dae ko dadangogon an sakuyang mga katawohan sa aldaw kan saindang kalapasan; pero ako magbubugtak nin kaulangan sa saindang mga dalan na tangaaning sinda dae magin asensado; asin an sainda man sanang kaggibohan iyo an magigin sarong pantumbang singkogan sa atubangan man sana ninda.

30 Asin giraray, siya nagsasabi: Kun an sakuyang mga katawohan magtatanom nin kadaendatahan sinda mag-aani nin ata kaiyan na yaon sa arimpos na paros; asin an epekto kaiyan iyo an panhilo.

31 Asin giraray siya nagsasabi: Kun an sakuyang mga katawohan magtatanom nin kadaendatahan sinda mag-aani nin paros gikan sa sirangan, na nagdadara nin madalion na pagkapahamak.

32 Asin ngonian, hilnga, an promisa nin Kagurangnan nautob na, asin kamo hinampak asin sinasakitan.

33 Pero kun kamo magbalik sa Kagurangnan na may kapanoan nin puso, asin magbugtak kan saindong pagtitiwala sa saiya, asin pagsibehan siya sa bilog na kaigotan nin isip, kun kamo gumibo kaini, siya maghimo, na uyon sa sadire nyang kagustuhan asin kaogmahan, ililigtas kamo paluwas sa pagka-uripon.

MOSIAH TSAPTER 8

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

***An Libro Ni Mormon (An Saro Pang Tipan ni Jesukristo)
The First Draft***

Si Ammon nagtukdo sa mga katawohan ni Limhi --- Saiyang napag-araman an biyente kuwatrong lamina kan mga Jaredita --- An mga sinaunang mga rekord puwedeng isalin nin mga Tagapagkita --- An regalo nin pagigin Tagapagkita minalabaw sa gabos na iba pa.

Asin ini nangyaring naglipas na pagkatapos na si hadeng Limhi nagtapos na sa pagtataran sa saiyang mga katawohan, nin huli ta siya nagtaram nin kadakul na mga bagay sa sinda asin kadikit sana sa sinda an sakuyang naisurat sa librong ini, saiyang pinagsabihan an saiyang mga katawohan kan gabos na mga bagay mapanungod sa sindang mga katugangan na yaraon sa daga nin Zarahemla.

2 Asin saiyang hinimo na si Ammon magtindog sa atubangan nin kadakulan na mga katawohan, asin pinag-otro giraray na sinasabi sinda an gabos na mga pangyayari kan sindang mga katugangan magpoon sa panahon na si Zeniff naghale paluwas sa daga maski hanggan sa panahon na siya sa saiyang sadire makaabot sa kadagaan na ini.

3 Asin siya man nag-otro giraray na sabihon sinda an huring mga tataramon ni haden Benjamin na itinukdo sinda, asin ipinaliwanag sa sinda para sa mga katawohan ni hadeng Limhi, na tanganing sinda puwedeng makasabot kan gabos na mga tataramon na saiya nang naitaram.

4 Asin ini nangyaring naglipas na pagkatapos siya nakagibo na kan gabos na ini, na si hadeng Limhi nagpauli na sa kadaklan na mga katawohan, asin nagsasabi na sinda puwede nang mag-uruli sa lambang saro nindang pagsasadireng mga harong.

5 Asin ini nangyaring naglipas na saiyang pinakua an mga lamina na igwang laman na rekord kan saiyang mga katawohan magpoon pa sa panahon na sinda naghale sa daga nin Zarahemla, na ini darahon sa atubangan ni Ammon, na tanganing saiyang basahon an mga ini.

6 Ngonian, habang hinihiling ni Ammon an mga rekord, an hade naghapot saiya na tanganing makaaram kun puwede siyang magsalin nin mga lengguwahe, asin si Ammon nagtaram saiya na siya dae makakagibo kaini.

7 Asin an hade nagsa sa saiya: Bilang nagagabatan kan mga kasaktan kan sakuyang mga katawohan, ako magsusugo nin kuwarenta asin tulo kan sakuyang mga katawohan na maglakaw pasiring sa kaparangan na tanganing sa kakahuyan puwede nindang managboan an daga nin Zarahemla, na kami puwedeng magpatabang sa satuyang mga katugangan na iligtas kita paluwas sa kauripan.

8 Asin sinda nagkawarara sa kaparangan sa laog nin kadakul na mga aldaw, pero sinda nagin maigot, asin nakatagbo bako an daga nin Zarahemla kundi nagbalik sa dagang ini, nakapagbiyahe sinda sa sarong kadagaan na yaon sa kadakul na katubigan, nakadiskubre nin sarong kadagaan na pinagkaralatan nin mga tolang nin mga tawo, asin nin mga hayop, asin ini man nakokoberan nin mga raot na mga pagharongon sa lambang klase, nakadiskubre nin sarong kadagaan na pinag-eerokan nin sarong mga katawohan na grabe kadakul arog kan mga hukbo nin Israel.

9 Asin ta para igwa sinda nin sarong testimonya na an mga bagay na sindang sinasabi totoo sindang pinagdara an beinte kuwatrong lamina na napapano nin mga ukit, asin an mga ini purong bulawan.

An Simbahan ni Jesukristo nin Mga Banal sa Huring-aldaw 192
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

10 Asin hilnga, man, sinda nakapagdara nin mga baluti sa daghan, na mga darakula, asin sinda himo sa bronse asin sa tanso, asin yaon sa marhay na kamugtakan.

11 Asin giraray, sinda nakapagdara nin mga espada, na an mga kaputan kaini mayo na, asin an mga tarom kaini napapatos na nin kalawang; asin mayo ni saro sa daga na puwedeng makapagsalin kan lengguwahe o sa mga nagka-urukit na yaon sa mga lamina. Kun kaya ako naghapot sa sainda: Dae ka nakakapagsalin?

12 Asin ako nagsasabi sa saindo giraray: Nakakamidbid ka daw nin siisay man na puwedeng magsalin? Nin huli ta ako nagmamawot na an mga talaan na ini kaipuhan na maisalin sa samuyang lengguwahe; nin huli ta, baka, sinda magtatao samuya nin sarong kaaraman sa sarong katadaan nin mga katawohan na nadestroso na, kun saen ining mga rekord naggikan; o, baya, sinda magtatao nin sarong kaaraman kaining mga katawohan mismo na nadestroso na; asin ako nagmamawot na maaraman kun ano an dahilan kan saindang pagkadestroso.

13 Ngonian si Ammon nagsabi sa saiya: Ako may kaseguruhan na magsasabi saimo, o hade, kan sarong tawo na makapagsalin kan mga rekord; nin huli ta siya sa sa arin man na lugar an puwedeng maghiling, asin magsalin nin gabos na mga rekord na gikan sa lumang panahon; asin ini sarong regalo gikan sa Diyos. Asin sinda pinag-aapod na Tagapagsalin, asin mayong tawo na makakahiling sa mga ini laen lang kun siya sinugo, ta baka siya maghiling kan mga bagay na dapat niyang mabasa asin siya mapapahamak.

Asin an siisay man na sinugo na magbasa kan mga nin, siya pinag-aapud na Tagapagkita.

14 Asin hilnga, an hade nin mga katawohan na yaon sa daga nin Zarahemla iyo an tawo na pinagsugo na tanganing iyo an gumibo kaining mga bagay, asin na siya sana an igwa kaining pinakahalangkaw na regalo gikan sa Diyos.

15 Asin an hade nagsabi na an sarong Tagapagkita mas halangkaw kesa sarong propeta.

16 Asin si Ammon nagsabi na an sarong Tagapagkita iyo an sarong Tagapagpahayag asin sarong propeta man; asin sarong regalo na mas pinakahalangkaw na puwedeng mayong tawo an igawa kaini, laen lang kun siya may kapot na kapangyarihan na gikan sa Diyos, na mayong tawo an makakagibo; pero an sarong tawo puwedeng magkaigwa nin makusog na kapangyarihan na itinao saiya gikan sa Diyos.

17 Pero an sarong Tagapagkita makakaaram nin mga bagay na nangyari sa lumang panahon, asin man nin mga bagay na mangyayari sa paabot pa sanang panahon, asin sa paagi ninda an gabos na mga bagay maipapahayag, o, ngani, na an sikretong mga bagay mahihimong magigibo, asin an nakatagong mga bagay mailuluwas sa liwanag, asin an mga bagay na dae pa naaraman mahihimong maipapaaram sa paagi ninda lalo na idtong dae pa kuta na puwedeng mapag-araman.

18 Asin ngonian, kan si Ammon naghimo nang magtapos kan pagtaram kaining mga tataramon an hade nag-ogmang gayo, asin nagtao nin kapasalamatan sa Diyos, na nagsasabi: Mayong duda na may sarong mysteryo an nakapalaman sa laog kaining mga lamina, asin an mga Tagapagsalin na ini mayong duda na preparado para sa katuyuhan nin pagbukas kan gabos kaining mga mysteryo sa mga kaarakian nin mga tawo.

20 O gurano daw baya kamakangangalas an mga gibo nin Kagurangnan, asin gurano daw baya kalawig na siya kairiba kan saiyang mga katawoha; iyo, asin gurano daw kabuta asin dae marurup an mga kaisipan nin mga kaarakian nin mga tawo; nin huli ta sinda dae naghahanap nin kadunungan, nin gumibo sindang pagmawoton na siya an mangingibabaw sainda.

An Simbahan ni Jesukristo nin Mga Banal sa Huring-aldaw

193

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

21 Iyo, sinda an arog sa layas na hayop na nagsuhay gikan sa pastor, asin nagkawaratak-watak, asin pinaralayas, asin nagin mga pagkakan nin mga marigsok na hayop nin kakahuyan.

MOSIAH TSAPTER 9

An rekord ni Zeniff --- Sarong kasaysayan kan saiyang mga katawohan, gikan pa sa panahon na sinda naghale sa daga nin Zarahemla hanggan sa panahon na sinda pinagligtas paluwas sa mga kamot nin mga Lamanita. Komponido nin mga Tsapter 9 hanggan 22 inklusibo.

Si Zeniff iyo an pamayo kan sarong grupo na gikan sa Zarahemla na tanganing sadirehon an kadagaan nin Lehi-Nephi --- An Lamanitang hade iyo an nagtugot na manahon ninda an kadagaan --- Nagkaigwa nin sarong giyera sa tahaw kan mga Lamanita asin mga katawohan ni Zeniff.

Ako, si Zeniff, na tinukdoan nin gabos na lengguwahe kan mga Nephita, asin nagkaigwa nin sarong kaaraman kan daga nin Nephi, o kan daga nin enot na kamanahan kan samuyang ama, asin ipinadara bilang sarong espiya sa mga Lamanita na ako puwedeng mag-espiya kan saindang mga puwersa, na tanganing an samuyang armada puwedeng makilaban sinda asin idestroso sinda --- pero kan ako makahiling na igwa nin marhay sa sinda ako nagkaigwa nin pagmawot na dae na sana sinda pagdestrosohon.

2 Kun kaya, ako nakipagbingkilan sa sakuyang mga katugangan sa may kaparangan, nin huli ta ako nagboot na an samuyang tagapamahala kaipuhang gayo na gumibo nin sarong tratado sa sinda; pero siya bilang sarong maisog asin sarong tawong paha sa dugo nagsugo na ako dapat na gadanon; pero ako tinabangan sa paagi nin pagdanak nin kadakul na dugo; nin huli ta an ama nakipaglaban sa ama, asin an tugang nakipaglaban sa tugang, hanggan sa an kadaklan kan samuyang armada nadeostro sa kaparangan; asin kami nagbalik kairiba an iba man na nakaligtas, pasiring sa daga nin Zarahemla, na tanganing maisabi an estoryang nangyari sa saindang mga agom asin mga kaakian.

3 Asin dae naghaloy, ako na grabeng gayo an paghuhugop-hugop na manahon an kadagaan kan samuyang mga ama, nagtiripon nin kadakul na mga tawo na nagmamawot na magpasiring tanganing pagsadirehon an daga, asin nagpoon giraray sa samuyang paglakbay sa kaparangan pasiringon duman sa kadagaan; pero kami hinampak nin taggutom asin makuniot na mga kasakitan; nin huli ta kami nagin maluya na maggiromdom sa Kagurangnan samuyang Diyos.

4 Maski na ngani kaini, pagkatapos nin kadakul na mga aldaw na paglakbay sa kaparangan samuyang itinugdok an samuyang ng tolda sa lugar ken saen an satuyang katugangan ginaradan, na kaidto harani sa daga nin satuyang mga ama.

5 Asin ini nangyaring naglipas na ako nagpasiring giraray na kaiba nin apat kong mga tawo paduman sa siyudad, naglaog paduman sa hade, na tanganing ako puwedeng makaaram kan disposisyon nin hade, asin na ako puwedeng makaaram kun ako

An Simbahan ni Jesukristo nin Mga Banal sa Huring-aldaw

194

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

puwedeng makalaog na kaiba an sakong katawohan asin pagsadirehon an daga sa matuninong na paagi.

6 Asin ako nagpasiring paduman sa hade, asin siya nakipagtipan sakuya na ako puwedeng magsadire kan daga nin Lehi-Nephi, asin an daga nin Shilom.

7 Asin siya man nagmando na an saiyang mga katawohan kaipuhan, na maghale paluwas sa kadagaan, asin ako asin an sakuyang mga katawohan nagpasiring sa kadagaan na idto na tanganing pagsadirehon ini.

8 Asin kami nagpoon sa pagtugdok nin mga pagharongon, asin sa paghirahay kan mga dingding kan siyudad nin Lehi-Nephi, asin kan siyudad nin Shilom.

9 Asin kami nagpoon sa pagbungkal nin daga, iyo, igwa kami nin gabos na klaseng mga pisog, may mga pisog nin mais, asin nin trigo, asin sebada, asin nin neas, asin nin seum, asin nin mga banhi nin gabos na klaseng nagbunga na mga kahoy; asin kami nagpoon sa pagdakul asin sa pag-asenso sa dagang ini.

10 Ngonian iyo ini an katusuhan asin kadayaan ni hadeng Laman, na darahon an sakuyang mga katawohan sa pagka-uripon, na saiyang ipinahunod an daga na tanganing kami iyo an puwedeng makapagsadire kaini.

11 Kun kaya ini nangyaring naglipas, na pagkatapos na kami nakapag-erok na sa daga sa laog nin doseng taon an hade nagpoon na sa paghandal, nin huli ta sa maski anuman na paagi an sakuyang mga katawohan puwedeng magigin makusog sa kadagaan, asin na sinda dae puwedeng mangingibabaw sinda asin darahon sinda pasiring sa pagka-uripon.

12 Ngonian sinda sarong hugakon asin sarong mga katawohan na nagsasamba nin mga rebulto; kun kaya sinda nagin mapagmawot na darahon kami sa pagka-uripon, na tanganing sinda magpakabundat sa saindang mga sadire kan mga kapagalan kan samuyang mga kamot; iyo, na tanganing sinda puwedeng magpista sa saindang mga sadire kan mga alaga ming mga hayop sa samuyang mga pasabsaban.

13 Kun kaya ini nangyaring naglipas na si hadeng Laman nagpoon sa pag-estira kan saiyang mga katawohan na tanganing sinda puwede nang makipaglaban sa sakuyang mga katawohan; kun kaya nagkaigwa nin pagpoon nin mga giyera asin pagralaban-laban sa laog nin kadagaan na ini.

14 Nin huli ta, sa ika-treseng taon kan sakuyang paghahade sa daga nin Nephi, asin sa harayong sur na parte nin daga nin Shilom, kan an sakuyang mga katawohan nagpapa-inom asin nagpapasabsab kan saindang mga alagang hayop, asin nagbungkal kan saindang daga, sarong kadakul na numero nin mga Lamanita an nag-arabot sa sinda asin nagpoon sa paggaradan sinda, asin sa pagkurua kan saindang mga hayop, asin kan mga mais kan saindang omahan.

15 Iyo, asin ini nangyaring naglipas na sinda nadurulag, an gabos na dae naperwisyo, maski na ngani idtong yaraon sa siyudad nin Nephi, asin nag-apud sakuya para sa paghagad nin proteksiyon.

16 Asin ini nangyaring naglipas na ako nag-armas sinda nin mga busog, asin mga pana; may mga espada, asin mga pantusok, asin mga pamakol, may mga tirador, asin may gabos na manera nin armas na samuyang na-imbento, asin ako ain an sakuyang mga katawohan nagluwas ssa pakipaglaban sa mga Lamanita sa pakigiyera.

17 Iyo, sa kakusugan nin Kagurangnan kami nagluwas sa pakipaglaban sa mga Lamanita; nin huli ta ako asin an sakuyang mga katawohan nagtangis nin makusog sa Kagurangnan na siya an magliligtas samuya paluwas sa mga kamot nin samuyang mga kaiwal, nin huli

ta kami namuklat sa sarong pagkarigomdom kan iligtas an samuyang mga ama.

18 Asin an Diyos nakadangog sa samuyang mga pagtatangis asin sinimbag an samuyang mga pangadyeon; asin kami nagruluwas sa paagi kan saiyang kusog; iyo, kami naggad nagluwas laban sa mga Lamanita, asin sa sarong aldaw asin sarong banggi kami nakagadan nin tulong ribo asin kuwarenta asin tres; samuya sindang ginaradan maski ngani hanggan sa an nakapagpaluwas sainda gikan sa samuyang daga.

19 Asin ako, an sadire ko, sa paagi kan sadire kong mga kamot, nakapagtabang na sainda sa paglubong kan saindang mga bagay. Asin hilnga, sa samuyang dakulang pagkamundo asin pagtatangis, duwang gatos asin sitenta asin nuebe kan an satuyang mga katugangan na ginaradan.

MOSIAH TSAPTER 10

Si hadeng Laman nagadan --- An saiyang mga katawohan nagin mga mabangison asin malupiton asin nagtutubod sa mga palsong tradisyon --- Si Zeniff asin an saiyang mga katawohan iyo an nagin mapanggana laban sa sainda.

Asin ini nangyaring naglipas na kami giraray nagpoon sa pagtugdok nin kahadean asin kami giraray nagpoon na masadire an daga sa matuninong na paagi. Asin ako naghimo na dapat na magkaigwa nin mga armas na pangiyera na gibohon manlaen-laen na klase, na tanganing sa kahaluyan ako puwedeng magkaigwa nin mga armas para sa sakuyang mga katawohan laban sa panahon na an mga Lamanita maotrong mag-abot giraray sa pakikigiyera laban sa sakuyang mga katawohan.

2 Asin ako nagbugtak nin mga guwardiya sa kapalibutan nin kadagaan, na tanganing an mga Lamanita dae tulos makadulok samuya giraray na daeng pagkamangno asin destrosohon kami; asin kaya ako nagbantay sa sakuyang mga katawohan asin kan sakuyang mga alagang hayop, asin irayo sinda gikan sa pagkahulog pasiring sa mga kamot kan samuyang mga kaiwal.

3 Asin ini nangyaring naglipas na kami an nagmana sa kadagaan kan samuyang mga ama sa kadakul na mga taon, iyo, sa laog nin beynte asin duwang taon.

4 Asin ako naggibo na an mga tawo puwedeng magbungkal nin daga, asin magtanom nin gabos na klaseng pananom asin gabos na klaseng prutas sa lambang klase.

5 Asin ako naggibo na an mga kababaehan dapat na magkidkid, asin maghingoha, asin magtrabaho, asin maghimo nin gabos na manera nin pinong lino, iyo, asin yamit sa lambang klase, na tanganing samuyang magubingan an samuyang kahubaan; asin kaya kami nag-asenso sa dagang ini --- kaya kami nagkaigwa nin padagos na katuninongan sa daga sa laog nin beynte dos na mga taon.

6 Asin ini nangyaring naglipas na si hadeng Laman nagadan na asin an saiyang akeng lalake nagpoon sa paghade bilang saiyang karibay. Asin siya nagpoon sa pagpukaw kan saiyang mga katawohan na magrebelde laban sa sakuyang mga katawohan; kun kaya sinda nagpoon sa paghahanda para sa giyera, asin naglusob sa pakigiyera laban sa sakuyang mga katawohan.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Pero ako nagkapagpadara kan sakuyang mga espiya sa paglibot kan daga nin Shemlon, na tanganing sakong madiskubre an saindang mga preparasyon, na tanganing puwede kong mapagbantayan an laban sa sinda, na tanganing sinda dae na sana maglusob laban sa sakuyang mga katawohan asin destrosohon sinda.

8 Asin ini nangyaring naglipas na sinda naglusob sa norteng parte kan daga ni Shilom, na may kadakul na bilang nin mga hukbo, mga tawong armado nin mga busog, asin may mga pana, asin may mga espada, asin may mga pantusok, asin may mga gapo, asin may mga tirador; asin sinda nagpakalbo kan saindang mga payo na ini magin malinig; asin sinda nagugubingan nin mga bahag na nakasalikop sa saindang mga habayan.

9 Asin ini nangyaring naglipas na ako naghimo na an mga babae asin mga kaakian kan sakuyang mga katawohan kaipuhan na itago sa may kaparangan; asin ako man naghimo na an gabos na samuyang mga gurang na tawo na puwedeng magkapot nin mga armas, asin man an gabos na hoben na mga tawo na may kakayahan na magkapot nin mga armas, dapat na magtiripon kan saindang mga sadire na magkasararo na tanganing makilaban sa giyera kontra sa mga Lamanita; asin ipinamugtak ko sinda sa saindang mga hukbo, an lambang tawo uyon sa saindang mga edad.

10 Asin ini nangyaring naglipas na kami nakilaban kontra sa mga Lamanita; asin ako, maski ako, sa sakuyang kagurangan, nakilaban man kontra sa mga Lamanita. Asin ini nangyaring naglipas na kami nakilaban sa kusog nin Kagurangnan.

11 Ngonian, an mga Lamanita daeng pagkaaram manungod sa Kagurangnan, kun kaya sinda nagsarig sa sadire sana nindang kusog. Pero sinda makukusog na mga katawohan, na arog sa kusog nin mga tawo.

12 Sinda mga maisog, asin malupiton, asin mga paha sa dugo nin katawohan, na nagtutubod sa tradisyon kan saindang mga ama, na iyo ini --- Nagtutubod na sinda pinahale paluwas sa daga nin Jerusalem nin huli kan mga karaotan kan saindang mga ama, asin na sinda pigloko sa kaparangan kan saindang mga katugangan, asin na sinda man pigloko habang naglayag sa kadagatan;

13 Asin giraray, na sinda pigloko habang yaon sa daga kan saindang enot na kamanahan, pagkatapos na sinda nakaduong na gikan sa kadagatan, asin an gabos ini nin huli ta si Nephi iyo an may makusog na pagtubod sa pagsunod sa mga kasugoan nin Kagurangnan --- kun kaya siya an napaboran nin Kagurangnan, nin huli ta an Kagurangnan nadangog an saiyang mga pangadyeon asin nagsimbag sinda, asin siya an nangenotan sa saindang paglakbay sa kaparangan.

14 Asin an saiyang mga katugangan nag-anggot saiya nin huli ta sinda dae nakasabot sa mga kaggibohan nin Kagurangnan; sinda man nag-anggot sa saiya habang yaon sa kadagatan nin huli ta saindang pinatagas an saindang mga puso kontra sa Kagurangnan.

15 Asin giraray, sinda nag-anggot saiya kan sinda nagduong na sa ipinangakong daga, nin huli ta saiyang pinag-agaw an pagmamato kan mga katawohan gikan sa saindang mga kamot; asin sinda nagmawot na gadanon siya.

16 Asin giraray, sinda nag-anggot saiya nin huli ta siya naghale pasiring sa kaparangan na an Kagurangnan iyo an ipinagsugo saiya, asin dinara an mga rekord na ipinag-ukit sa mga lamina na bronse, nin huli ta sinda nagsabi na saiyang hinabon an mga ini.

17 Asin kaya sinda nagtukdo sa saindang mga kaakian na sinda dapat na mag-anggot sa sinda, asin na sinda dapat na garadanon ninda, asin sinda kaipuhan na habonan asin aragawon ninda, asin gibohon an gabos nindang kakayahan na tanganing destrosohon

sinda; kun kaya sinda nagkaigwa nin daeng katapusan na kaanggutan sa mga kaakian ni Nephi.

18 Nin huli kaini mismong kausa na si hadeng Laman, sa paagi kan saiyang katusuhan, asin kaputikan na kadayaan, asin kan saiyang magayonon na mga promise, iyo an nakadaya sako, na tanganing sakong madara ining sakong mga katawohan sa dagang ini, na sinda puwedeng magdestroso sainda; iyo, asin kami nagtios kaining kadakul na mga taon sa dagang ini.

19 Asin ngonian ako, si Zeniff, pagkatapos na sakuyang maisaysay an gabos na ining mga bagay sa sakuyang mga katawohan manungod sa mga Lamanita, ako naghimong pakusugon sinda na makigiya sa bilog nindang kakayahan, na ibugtak ninda an saindang pagtitiwala sa Kagurangnan; kun kaya, kami nakilaban sainda, nin harap-harapan.

20 Asin ini nangyaring naglipas na naggibo nyamong padulagon giraray sinda paluwas sa samuyang kadagaan; asin samuyang ginaraan sinda sa sarong dakulang garadanan, grabe kadakul an bilang na kami daeng gayo makapagbilang sa sainda.

21 Asin ini nangyaring naglipas na kami nagbaralik giraray sa samuyang sadireng daga, asin an sakuyang mga katawohan nagpoon naman sa pag-aalaga kan saindang mga hayupan, asin sa pagbungkal kan saindang mga omahan.

22 Asin ngonian ako, na gurang na, nagwalat kan kahadean sa sarong sakuyang mga akeng lalake; kun kaya, ako mayo nang masasabi. Asin hagad ko an Kagurangnan iyo an magbendisyon sa sakong mga katawohan. Amen.

MOSIAH TSAPTER 11

Si hadeng Noah naghade sa kadaendataan --- Siya naoogma sa maribok na pamumuhay na kairiba an saiyang mga agom asin mga kalunya --- Si Abinadi nagpropesiya na an mga katawohan dadarahon sa pagka-uripon --- An saiyang buhay pinagmawotan na tigbakon ni hadeng Noah.

Asin ngonian ini nangyaring naglipas na si Zeniff ipinagwalat an kahadean ki Noah, na sarong sakuyang mga akeng lalake; kun kaya si Noah nagpoon sa paghade bilang saiyang karibay; asin siya dae naglakaw sa mga dalan kan saiyang ama.

2 Nin huli ta hilnga, siya dae nagsunod sa mga kasugoan nin Diyos, pero siya naglakaw sa mga kamawotan kan saiyang sadireng puso. Asin siya igwa nin kadakul na mga agom asin kalunya. Asin siya an nagtulak sa saiyang mga katawohan na magkasala, asin gumibo nin mga bagay na marigsok sa paghilingon nin Kagurangnan. Iyo, asin sinda naggiribo nin mga pagpapatutot asin gabos na manera nin kadaendataan.

3 Asin siya nagpamugtak nin sarong pagbubuwis na ikalimang parte sa gabos na saindang mga pagsasadire, mga plata, asin ikalimang parte kan saindang ziff, asin kan

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

saindang tumbaga, asin kan saindang bronse asin saindang lansang; asin ikalimang parte kan saindang mga patabaon na hayop; asin man ikalimang parte kan gabos nindang banhi.

4 Asin an gabos na ini saiyang kinukua na tanganing suportaran an saiyang sadire, asin an saiyang mga agom asin an saiyang mga kalunya; asin man an saiyang mga kapadean, asin an saindang mga agom asin an saindang mga kalunya; kaya siya an nagbago kan mga pagpapalakaw kan kahadean.

5 Nin huli ta saiyang pinaharale an gabos na mga kapadean na konsagrado sa paagi kan saiyang ama, asin nagkonsagra nin mga bagong iba bilang saindang mga karibay, an mga ini ipinalangkaw nin kapaabaw-abawan kan saindang mga puso.

6 Iyo, asin kaya sinda nagin suportado sa saindang kahugakan, sa saindang idolatriya, asin sa saindang mga patutot, sa paagi kan mga buwis na si hadeng Noah iyo an nagbugtak sa saiyang mga katawohan; kaya an mga katawohan grabe an paghingoha sa pagtrabaho tanganing suportahan an kadaendatahan.

7 Iyo, asin sinda man nagin mapagsamba sa rebulto, nin huli ta sinda pinagdaya sa paagi nin daeng kamugtakan asin pamboladas na mga tataramon kan hade asin mga kapadean; nin huli ta sinda man nanggad nagpaparataram nin mga pamboladas na mga bagay sa sainda.

8 Asin ini nangyaring naglipas na si hadeng Noah nagparapatugdok nin kadakul na elegante asin mga mahihiwas na mga paghararongon; asin saiya sindang pig-adornohan nin pinong gibo sa kahoy, asin nin gabos na manera nin mahahalagang mga bagay, nin bulawan, asin nin plata, asin nin lansang, asin bronse, asin nin Ziff, asin nin tumbaga.

9 Asin siya man nagpatugdok nin saiyang sarong mahiwason na palasyo, asin sarong trono sa tahaw kaiyan, an gabos kaini gibo sa pinong kahoy asin pinag-adornohan nin bulawan asin plata asin may mahalagang mga bagay.

10 Asin siya man naghimo na an saiyang mga paratrabaho kaipuhan na magtrabaho nin gabos na manera nin pinong trabaho sa laog mismo kan dingding kan templo, nin pinong kahoy, asin nin tumbaga, asin nin bronse.

11 Asin an mga tukawan na dulot na pinagpalaen para sa mga halangkaw na mga kapadean, na mas halangkaw kesa gabos na ibang mga tukawan, na saiyang pinag-adornohan nin purong bulawan; asin saiyang pinaghimo an sarong pasamanong handigan na itutugdok sa atubangan ninda, na tanganing sinda puwedeng maipahingalo an saindang mga hawak asin saindang mga takyag habang sinda nagtatararam nin kahambugan asin raway na mga tataramon sa saiyang mga katawohan.

12 Asin ini nangyaring naglipas na siya nagtugdok nin sarong torre na harani sa may templo; iyo, sarong grabe kalangkaw na torre, grabe kalangkaw na siya puwedeng makatingodg sa may ibabaw kaini asin tinatanaw an daga nin Shilom, asin man an daga nin Shemlon, na pagsasadire kan mga Lamanita; asin ngani saiyang puwedeng matanaw an kabilugan kan daga na nakapalibot.

13 Asin ini nangyaring naglipas na saiyang pinaghimo an kadakul na mga pahararongon na itutugdok sa daga nin Shilom; asin saiyang pinaghimo na an sarong dakulang torre itutugdok sa may bulod sa norteng parte kan daga nin Shilom, na iyo an sarong lugar na paaayahayan kan mga kaakian ni Nephi kan panahon na sinda nagparadulag paluwas sa daga; asin kaya siya naghimong gamiton an mga kayamanan na saiyang nagkakakurua gikan sa pagbubuwis sa saiyang mga katawohan.

14 Asin ini nangyaring naglipas na siya an nagpamugtak kan saiyang puso sa saiyang mga kayamanan, asin siya naggastos kan saiyang oras sa maribok na pamumuhay kairiba an saiyang mga agom asin saiyang mga kalunya; asin iyo man an saiyang mga kapadean naggastos kan saindang oras kairiba an mga pakawalang mga kababaehan.

15 Asin ini nangyaring naglipas na siya nagtanom nin mga ubasan sa palibot nin daga; asin siya nagtugdok nin mga pisaan nin ubas, asin naghimo kan arak na maabunda; asin kun kaya siya nagin sarong buratsero, asin man an saiyang mga katawohan.

16 Asin ini nangyaring naglipas na an mga Lamanita nagpoon na magdulok sa saiyang mga katawohan, sa sadit sanang mga bilang, asin garadanon sinda sa saindang mga kadagaan, asin habang sinda nagbabantay kan saindang mga alagang hayop.

17 Asin si hadeng Noah nagpadara kan saiyang mga guwardiya sa palibot nin kadagaan na tanganing dae sinda makalaog; pero dae siya nagpadara nin sarong awad-awad na bilang, asin an mga Lamanita nag-ataki sinda asin ginaradan sinda, asin iyo ini an nagtulak sa kadakul nindang mga alagang hayop paluwas sa kadagaan; kaya ang mga Lamanita nagpoon sa pagdestroso sinda, asin na tanganing gibohon an saindang kaanggutan laban sa sinda.

18 Asin ini nangyaring naglipas na si hadeng Noah nagpadara kan saiyang mga hukbo laban sinda, asin sinda nag-aratras pabalik, o sinda tinulak pabalik pansamantala; kun kaya, sinda nagbaralik na pinag-orogmahan an saindang nagkakurulimbat.

19 Asin ngonian, nin huli kaining dakulang kapangganahan sinda pinalangkaw sa kapaabaw-abawan kan saindang mga puso; sinda nagparahambog kan saindang sadireng mga kusog, na nagsasabi na an saindang singkuwenta puwedeng makipaglaban kontra sa rinibong mga Lamanita; asin kaya sinda naggad nagharambog, asin nagin maogma kan dugo, asin sa pagpabulos kan dugo nin saindang mga katugangan, asin kaya ini nin huli sa kadaendatahan nin saindang hade asin mga kapadean.

20 Asin ini nangyaring naglipas na igwa nin sarong tawo sinda na an pangaran iyo si Abinadi; asin siya nagdulok sa kairibahan ninda, asin nagpoon sa pagpropesiya, na nagsasabi: Hilnga baya sabi nin Kagurangnan, asin kaya siya an nagsugo sakuya, na nagsasabi: Lakaw, asin sabihon sa mga katawohang ini, kaya sabi nin Kagurangnan --- Herak man sa mga katawohang ini, nin huli ta ako nakamasid kan saindang mga karigsokan, asin kan saindang mga karaotan, asin kan saindang mga patutot, asin laen lang kun sinda magsosolsol ako an magpapadusa sinda sa sakuyang kaanggutan.

21 Asin laen lang kun sinda magsosolsol asin magbaralik sa Kagurangnan saindang Diyos, hilnga, ako ang magliligtas sinda sa mga kamot kan saindang mga kaiwal; iyo, asin sinda dadarahon pasiring sa kauripnan; asin sinda nasasakitan sa kamot kan saindang mga kaiwal.

22 Asin ini mangyayaring maglipas na sinda makakaaram na Ako an Kagurangnan saindang Diyos, asin ako sarong selosong Diyos, na nagpapadusa sa mga kadaendatahan kan sakuyang mga katawohan.

23 Asin ini mangyayaring maglipas na laen lang kun ining mga katawohan magsosolsol asin magbaralik pasiring sa Kagurangnan saindang Diyos, sin dadarahon pasing sa kauripnan; asin mayong magliligtas sinda, laen lang kun ini iyo an Kagurangnan an Makapangyarihang Diyos.

24 Iyo, asin ini mangyayaring maglipas na sa panahon na sinda magkukururahaw sa pag-apud sakuya Ako magigin maluya sa pagdangog kan saindang mga kinurahaw; iyo, asin

ako magtutugot sinda na sinda ramutakan kan saindang mga kaiwal.

25 Asin laen lang kun sinda magsosolsol na sul-ot an sakong-bado asin may alpog, asin magkurahaw nin makusog sa Kagurangnan saindang Diyos, ako dae magdadangog kan saindang mga pangadyeon, ni ako an magliligtas sinda paluwas sa saindang mga kasakitan; asin kaya ini sinabi nin Kagurangnan, asin kaya siya an nagsugo sakuya.

26 Ngonian ini nangyaring naglipas na kan si Abinadi nakapagtaram na kan mga tataramon na ini sa sinda sinda nagka-aranggot sa saiya, asin nagmawot na halean siya nin buhay; alagad an Kagurangnan an nagligtas saiya paluwas sa saindang mga kamot.

27 Ngonian kan si hadeng Noah nakadangog kaining mga tataramon na sinabi ni Abinadi sa mga katawohan, siya man naanggot; asin siya nagsabi: Siisay si Abinadi, na ako asin an sakuyang mga katawohan paghuhusgaran niya, o siisay an Kagurangnan, na iyo an magdadara sa sakuyang mga katawohan nin arog kagrabeng kasakitan?

28 Ako nagsusugo saindo na darahon si Abinadi digde, na ako an puwedeng gumadan saiya, nin huli ta sinabi nya an mga bagay na ini para magin maribok an sakuyang mga katawohan na tanganing mag-anggot an lambang sarong laban sa sarong, asin tanganing humimo nin pag-iirwal-iwal sa sakuyang mga katawohan; kun kaya ako an magadan saiya.

29 Ngonian an mga mata kan mga katawohan nagkaburulag; kun kaya pinatagas ninda an saindang mga puso laban sa mga tataramon ni Abinadi, asin sinda nagmawot magpoon sa oras na idto hanggan pa sa gadanon siya. Asin si hadeng Noah nagpatagas kan saiyang puso laban sa tataramon nin Kagurangnan; asin siya dae nagsolsol kan saiyang maraot na mga kaggibohan.

MOSIAH TSAPTER 12

Si Abinadi kinulong nin huli sa pagpropesiya manungod sa kapahamakan kan mga katawohan asin kan kagadanan ni hadeng Noah --- An mga pangsang kapadean pinagbasa an mga kasuratan asin nagsagin-sagin na nagsusunod sa ley ni Moises --- Si Abinadi nagpoon sa pagtukdo sinda kan sampulong katugonan.

Asin ini nangyaring naglipas na pagkatapos nin duwang taon na si Abinadi nagdulok sa sinda na nakabalatkayo, na tanganing dae siya mabisto; asin nagpoon sa pagpropesiya sa sinda, na nagsasabi: kaya an Kagurangnan iyo an nagsugo sakuya, na sinasabi --- Abinadi, lakaw asin magpropesiya ka kaining sakuyang mga katawohan, nin huli ta pinatagas ninda an saindang mga puso laban sa sakuyang mga tataramon; sinda dae naggad nagsosolsol kan saindang mga mararaot na mga kaggibohan; kun kaya, Ako magpapadusa sinda sa sakuyang kaanggutan, iyo, sa sakuyang makuring kaanggutan

An Simbahan ni Jesukristo nin Mga Banal sa Huring-aldaw

201

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magpapadusa ako sainda sa saindang mga kadaendatahan asin mga karigsokan.

2 Iyo, herak man sa henerasyong ini! Asin an Kagurangnan nagsabi sakuya: Ibingat mo an saimong kamot asin magpropesiya ka na magsasabing: Kaya sabi nin Kagurangnan, ini mangyayaring maglipas na an henerasyong ini, nin huli kan saindang mga kadaendatahan, dadarahon sa pagka-uripon, asin sasampalingon sa pisngi; iyo, asin pahahaleon nin mga tawo, asin gagaradanon; asin an mga buwitre sa kahanginan, asin an mga ayam, iyo, asin an mga mababangis na mga hayop, iyo ang magkakakan kan saindang mga laman.

3 Asin ini mangyayaring maglipas na an buhay ni hadeng Noah tatawan nin halaga na arog nin sarong bado na yaon sa laog nin sarong horno; nin huli ta maaaraman niya na ako an Kagurangnan.

4 Asin ini mangyayaring maglipas ako maghahampak kaining sakuyang mga katawohan nin makuniot na mga kasakitan, iyo, nin taggutom asin nin mga peste; asin ako an maghihimo na sinda magtatangis sa bilog na lawig nin aldaw.

5 Iyo, asin ako maghihimo na sinda magdadara nin mga kagabatan sa saindang mga likod; asin sinda pahahaleon arog kaidto na siring sa sarong hangal na asno.

6 Asin ini mangyayaring maglipas na ako magpapauran nin yelo sa sainda, asin ini maghahampak sainda; asin sinda hahampakon man nin hangin gikan sa may sirangan; asin an mga insekto iyo an magpepeste man kan saindang daga, asin iyo an magkakakan kan saindang mga pananom.

7 Asin sinda hahampakon nin sarong dakulang salot --- asin an gabos na ini gigibohon ko nin huli kan saindang mga kadaendatahan asin mga karigsokan.

8 Asin ini mangyayaring maglipas na laen lang kun sinda magsosolsol ako mismo an magdedestroso sainda gikan sa lalawgon nin kinaban; alagad sinda magwawalat nin sarong rekord ninda, asin ako an mag-iingat kaiyan para sa ibang mga nasyon na iyo an magsasadire kan daga; iyo, maski ngani kaini ako maggigibo na ako an magbabalangibog kan mga karigsokan kaining mga katawohan sa ibang mga nasyon. Asin kadakul na mga bagay na si Abinadi iyo an nagpropesiya laban kaining mga katawohan.

9 Asin ini nangyaring naglipas na sinda naanggot saiya; asin dinakop ninda siya asin dinara siyang nakagapos sa atubangan nin hade, asin nagsabi sa hade: Hilnga, kami nagdara nin sarong tawo sa atubangan mo na iyo an nagpropesiya nin maraot manungod kan saimong mga katawohan, asin nagsabi na an Diyos iyo an madedestroso sainda.

10 Asin siya man nagpropesiya nin maraot manungod kan saimong buhay, asin nagsabi na an saimong buhay magigin arog kan sarong bado na yaon sa laog kan horno nin kalayo.

11 Asin giraray, siya nagsabi na ika magigin arog nin sarong pungo, magin arog nin sarong alang na pungo nin kabukidan, na nadalaganan nin mga hayop asin natimaktimakan sa irarom kan mga bitis.

12 Asin giraray, siya nagsabi na ika magigin arog kan mga burak nin sarong binit, na, kan ini hinog nang gayo, kun an paros maghuyop, ini minahulog sa lalawgon nin daga. Asin siya nagsagin-sagin na an Kagurangnan iyo an nagtaram kaini. Asin siya nagtaram na an gabos na ini mangyayari saimo laen lang kun ika magsosolsol, asin ini nin huli kan saimong mga kadaendatahan.

13 Asin ngonian, O hade, ano baya an dakulang karaotan an saimong naginibohan; o ano baya an dakulang mga kasalan an ginibo kan saimong mga katawohan, na tanganing kita

An Simbahan ni Jesukristo nin Mga Banal sa Huring-aldaw

202

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kokondenahon nin Diyos o paghusgaran kan tawong ini?

14 Asin ngonian, O hade, hilnga kita mayo nin mga kasalanan, asin ika, O hade, dae nagkasala; kun kaya, an tawong ini nagputik manungod saimo, asin siya nagpropesiya nin daeng kamanungdanan.

15 Asin hilnga, kita mga makukusog, kita dae dapat na mahulog sa kauripnan, o darahon bilang nasakupan kan satuyang mga kalaban; iyo, asin ika nag-unlad sa kadagaan, asin ikaw mag-aasenso pa.

16 Hilnga, uya an tawo, kami an nagdara saiya sa saimong mga kamot; ika puwedeng gumibo sa saiya na sa saimong paghuna marhay.

17 Asin ini nangyaring naglipas na si hade Noah naghimo na si Abinadi ipinakulong sa prisohan; asin siya nagsugo na an mga kapadean magkasararong magtiripon-tipon an saindang mga sadire na tanganing siya puwedeng gumibo nin sarong konseho kairiba ninda kun ano an saiyang gigibohon sa saiya.

18 Asin ini nangyaring naglipas na sinda nagsabi sa hade: Daraha siya digde na tanganing kita puwedeng maghapot saiya; asin an hade nagsugo na siya darahon sa atubangan ninda.

19 Asin sinda nagpoon sa paghapot saiya, na tanganing puwede nindang bulatlaton siya, na sa kahaluyan magkakaigwa sinda nin rason sa pag-akusar saiya; alagad siya nagsimbag sinda nin may kaisogan, asin bilog na nanindugan sa gabos nindang mga kahaputan, iyo, na sinda nagngaralas; nin huli ta siya naninindugan sinda sa gabos nindang mga kahaputan, asin nagkabaralanggo sinda sa gabos nindang mga tataramon.

20 Asin ini nangyaring naglipas na sarong sinda an nagsabi saiya: Ano an kahaluyan kan mga tataramon na nasurat, asin itinukdo kan satuyang mga ama, na nagsasabi:

21 Gurano kagayon sa ibabaw nin mga bukid an mga bitis niya na nagdara nin marahay na mga bareta; na nagpapahayag nin katuninongan; na nagdadara nin marhay na bareta nin karahayan; na nagpapahayag nin kaligtasan; na nagsasabi sa Sion, an Saimong Diyos naghahade;

22 An saimong mga tagamato itataas an boses; sa boses na ini sa kabilugan sinda magkakanta, nin huli ta sinda makakahiling mata sa mata sa panahon na an Kagurangnan dadarahon giraray an Sion;

23 Magkururahaw sa kaogmahan; magkaranta nin bilog ika na nasayang na mga lugar nin Jerusalem; nin huli ta an Kagurangnan iyo an naglinga kan saiyang mga katawohan, saiyang tinubos an Jerusalem;

24 An Kagurangnan hinimong lantad an saiyang banal na kamot sa mga mata kan gabos na mga nasyon, asin an gabos na mga katapusan nin kinaban makakahiling kan kaligtasan nin satuyang Diyos?

25 Asin ngonian si Abinadi nagsabi sa sinda: Bako daw na mga kapadean kamo, asin nagsagin-sagin na nagtutukdo kaining mga katawohan, asin sa pag-intende kan espiritu nin pagpropesiya, alagad nagmawot na makaaram sa sakuya kun ano an boot sabihon kan mga bagay na ini?

26 Ako nagsasabi sa sindo, herak man sa sindo nagpalawigaw kan mga dalan nin Kagurangnan! Nin huli ta kun kamo nakaka-intende sa mga bagay na ini kamo dae magtutukdo kaini; kun kaya, kamo an nagpalawigaw kan mga dalan nin Kagurangnan.

27 Kamo dae naggibo sa sindong mga puso na makasabot; kun kaya, kamo dae naging madunong. Kun kaya, ano an itinutukdo nindo sa mga katawohan na ini?

An Simbahan ni Jesukristo nin Mga Banal sa Huring-aldaw

203

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

28 Asin sinda nagsabi: Kami nagtutukdo kan ley ni Moises.

29 Asin giraray siya nagsabi sa sinda: Kun kamo nagtutukdo kan ley ni Moises tadaw baya ta dae nindo ini sinusunod? Tadaw baya ta ipinapamugtak nindo an saindong mga puso sa mga kayamanan? Tadaw baya ta naggigibo kamo nin mga pagpapatutot asin pinaggastos nindo an saindong mga kusog sa mga puta, iyo, asin naghimo na an mga katawohan na ini magkasala, na an Kagurangnan nagkausa na ipadara ako na tanganing magpropesiya laban kaining mga katawohan, iyo, ngani sarong dakulang karaotan kontra kaining mga katawohan?

30 Dae daw kamo nakakaaram na ako nagtataram nin katotohanan? Iyo, kamo nakakaaram na ako nagtataram nin katotohanan; asin kamo dapat na magnugbog-kubog sa atubangan nin Diyos.

31 Asin ini mangyayaring maglipas na kamo hahampakon nin huli kan saindong mga kadaendatahan, nin huli ta kamo nagsabi na kamo nagtutukdo kan ley ni Moises. Asin ano baya an saindong naaraman manungod sa ley ni Moises? Minaabot daw an kaligtasan sa paagi nin ley ni Moises? Ano tabi an masasabi nindo?

32 Asin sinda nagsimbag asin nagsabi na an kaligtasan minaabot sa paagi kan ley ni Moises.

33 Pero ngonian si Abinadi nagsabi sa sinda: Ako nakakaaram na kun kamo nagsusunod kan mga kasugoan nin Diyos kamo makakaligtas; iyo, kun kamo magsusunod kan mga kasugoan na an Kagurangnan iyo an nagtao ki Moises sa bukid nin Sinai, na nagsasabi:

34 Ako an Kagurangnan an saindong Diyos, na iyo an nagdara saindo paluwas sa daga nin Ehipto, paluwas sa harong nin kauripnan.

35 Dae kamo magkaigwa nin ibang Diyos sa atubangan ko.

36 Dae maggibo sa saindo nin anuman na rebultong imahen, o anuman na kapareho kan mga bagay na yaon sa langit nin kaitaasan, o mga bagay na yaon sa kairaroman nin kinaban.

37 Ngonian si Abinadi nagsabi sa sinda, ginibo daw nindo an gabos na ini? Ako nagsasabi sa saindo, Dae, kamo dae naggigibo kaini. Asin kamo nagtukdo kaining mga katawohan na sinda gumibo kan gabos na ining mga bagay? Ako nagsasabi sa saindo, Dae, kamo dae nagigibo kaini.

MOSIAH TSAPTER 13

Si Abinadi prinotektahan sa paagi nin banal na kapangyarihan --- Siya nagtukdo nin Sampulong Katugonan --- An kaligtasan dae minaabot sa paagi lang kan ley ni Moises --- An Diyos mismo sa saiyang sadire an maggibo nin pagbabayad-sala asin magtutubos sa saiyang mga katawohan.

Asin ngonian kan an hade nakadangog kaining kapadean: Irayo an tawong ini, asin gadanon siya; nin huli ta ano baya an satuyang gigibohon saiya, nin huli ta siya naboboa.
2 Asin sinda nagtirindog asin nag-amba na karaputan siya kan saindang mga kamot; alagad siya nagsagwi sinda, asin nagsabi sa sinda:

An Simbahan ni Jesukristo nin Mga Banal sa Huring-aldaw 204
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Dae nindo ako pagdut-an, nin huli ta an Diyos an maghahampak saindo kun kamo magduot kan saindong mga kamot sa sakuya, nin huli ta dae ko pa naipahayag an mensahe na an Kagurangnan iyo an nagpadara sakuya tanganing maipahayag; ni ako nakapagbuyagyag na saindo kan bagay na saindong pinaghagad na sakuyang ibubuyagyag; kun kaya, an Diyos dae nagtutugot na ako mahahampak sa ngonian na pagkakataon.

4 Pero ako kaipuhang gayo na utubon an mga kasugoan kun saen an Diyos iyo an nagsugo sako; asin nin huli ta ako nakapagsabi na saindo nin katotohanan kamo nagka-aranggot na sako. Asin giraray, nin huli ta ako nakapagtaram na kan tataramon nin Diyos kamo naghusgar sako na ako naboboa.

5 Ngonian ini nangyaring naglipas pagkatapos na si Abinadi nakapagtaram na kaining mga tataramon na an mga katawohan ni hadeng Noah dae nakapagtingkog kan saindong mga kamot sa saiya, nin huli ta an Espiritu nin Kagurangnan yaon sa saiya; asin an saiyang lalawgon nagliwanag na may pambihirang kalaadan, na arog sa ki Moises na nangyari habang yaon sa bukid nin Sinai, habang nakikipag-olay sa Kagurangnan.

6 Asin siya nagtaram na may kapangyarihan asin autoridad na gikan sa Diyos; asin siya nagpadagos sa saiyang mga tataramon, na nagsasabi:

7 Kamo nakahiling na kamo daeng kapangyarihan na manggagadan sako, kun kaya ako an nagtapos kan sakong mensahe. Iyo, asin ako naghuhuna na ini tuminaros saindo sa saindong mga puso nin huli ta ako nagsasabi nin katotohanan manungod kan saindong mga kadaendatahan.

8 Iyo, asin an sakong mga tataramon iyo an nagpano sa saindo na may kangalasan asin paghanga, asin may kaanggutan.

9 Pero ako nagtapos na kan sakong mensahe; asin dae nang kahalagahan kun ako maghale, kun ini naggad mangyari na ako maligtas.

10 Pero ini an grabeng sasabihon ko saindo, kun ano an saindong gigibohon sako, pagkatapos kaini, magigin sarong tipo asin saong anino kan mga bagay na maabot pa sana.

11 Asin ngonian ako magbabasa sa saindo an katadaan kan mga katugunan nin Diyos, nin huli ta pinaghuna ko na dae ini nakasurat sa saindong mga puso; ako naghuna na kamo nag-aradal na asin nagtukdo nin kadaendatahan sa bilog na parte kan saindong mga buhay.

12 Asin ngonian, kamo makagiromdom daw na ako nagtaram sa saindo: Dae kamo maggibo sa saindo nin mga rebultong imahen, o anuman kaparehokan mga bagay na yaon sa langit nin kaitaasan, o mga bagay na yaon sa katubigan sa irarom nin kinaban.

13 Asin giraray: Dae kamo magduko kan saindong mga sadire sa sainda, ni magsirbe sainda; nin huli ta Ako an Kagurangnan saindong Diyos sarong selosong Diyos, nagpapadusa kan mga kadaendatahan kan mga ama sa mga kaakian, hanggan sa ikatulo asin ikaapat na mga henerasyon nindang may anggot sako;

14 Asin nagpapahiling nin pagkaherak sa mga rinibo ninda na nagmumuot sako ain nagsusunod kan sakuyang mga kasugoan.

15 Dae nindo dapat na gigibohong darahon an pangaran nin Kagurangnan saindong Diyos sa daeng kamanungdanan; nin huli ta an Kagurangnan dae siya pupugulan na mayong kasalanon sa saiya na angdara kan saiyang ngaran sa daeng kamanungdanan.

16 Giromdoma baya an aldaw nin sabbath, na tanganing ini padagos na pakabanalon.

- 17 Anom na aldaw na ikaw magtatrabaho, asin gumibo nin gabos mong trabaho;
- 18 Alagad sa ikapitong aldaw, an sabbath nin Kagurangnan saindong Diyos, dae ka gumibo nin anuman na trabaho, ika, ni an saimong akeng lalake, ni an saimong akeng babae, an saimong mga katabang na lalake, ni an saimong katabang na babae, ni an saimong mga baka, ni an estranghero na yaon sa laog kan saimong mga trangkahan;
- 19 Nin huli ta anom na aldaw an Kagurangnan ginibo an langit asin daga, asin an kadagatan, asin an gabos na yaon sa sainda; kun saen an Kagurangnan benindisyunan an aldaw nin sabbath, asin pinagbanal ini.
- 20 Igalang an saindong mga ama asin an saindong ina, na tanganing an saindong mga aldaw maglawig sa ibabaw nin daga na an Kagurangnan saindong Diyos iyo an nagtao saindo.
- 21 Dae kamo manggadan.
- 22 Dae kamo maggibo nin pangangalunya. Dae kamo manghabon.
- 23 Dae kamo magtestigo nin putik laban sa saindong kataid.
- 24 Dae kamo mainggit sa harong kan saindong kataid, dae kamo mainggit sa agom kan saindong kataid, ni an saiyang katabang na lalake, ni sa saiyang katabang na babae, ni sa saiyang baka, ni sa saiyang asno, ni anuman na bagay na pagsasadire kan saindong kataid.
- 25 Asin ini nangyairng naglipas na pagkatapos na si Abinadi nagtapos na kaining mga sinasabi na saiyang sinabi sa sainda: Itinukdo daw nindo sa mga katawohang ini na sinda dapat na mag-oberba sa paggibo kan gabos kaining mga bagay nin huli sa pagsunod kaining mga kasugoan.
- 26 Ako nagsasabi saindo, Dae; nin huli ta kun ginibo nindo, an Kagurangnan dae kuta na naghimo sako na magpadigde asin tanganing magpropesiya nin maraot manungod kaining mga katawohan.
- 27 Asin ngonian kamo nagsabi na an kaligtasan naggigikan sa ley ni Moises. Ako nagsasabi saindo na ini kapakipakinabang na kamo magsunod sa ley ni Moises sa ngonian, alagad ako nagsasabi sa saindo, na an panahon mag-aabot na dae na gayong kapki-pakinabang na magsunod sa ley ni Moises.
- 28 Asin sa katapos-tapusi, ako nagsasabi sa saindo, na an kaligtasan dae minagikan sa paagi nin ley sana; asin kun dae kuta na sa pagbabayad-sala, na an Diyos mismo sa saiyang sadire naghimo nin huli sa mga kasalan asin kadaendatahan kan saiyang mga katawohan, na sinda daeng paltos kuta nang mapapara, maski na ngani igwa pa nin ley ni Moises.
- 29 Asin ngonian ako nagsasabi sa saindo na idto kapakinabangan na dapat igwa talaga nin sarong ley na itinao sa mga kaarakian nin Israel, iyo, maski ngani sarong grabe ka-estriktong ley; nin huli ta sinda sarong tiso an liog na mga katawohan, madalion na gumibo nin kadaendatahan, asin maluya sa paggiromdom sa Kagurangnan saindang Diyos;
- 30 Kun kaya igwa nin sarong ley na itinao sa sainda, iyo, sarong ley nin mga paggigibo asin nin mga ordinansa, sarong ley na saindong estriktong inoobserbahan sa aro-aldaw, na tanganing pirme sindang makakapaggiromdom sa Diyos asin an saindang katungdan sa saiya.
- 31 Pero hilnga, ako nagsasabi sa saindo, na gabos kaining mga bagay iyo an mga tipo nin mga bagay na maabot pa sana.

32 Asin ngonian, naggibo daw nindang masabutan an ley? Ako nagsasabi sa saindo, Dae, sinda dae gabos nakakasabot kan ley; asin ini nin huli sa katagasan kan saindang mga puso; nin huli ta sinda dae nakakasabot na mayo nin anuman na tawo na puwedeng magliligtas laen lang kun ini sa paagi nin pagtutubos nin Diyos.

33 Nin huli ta hilnga, bako daw na si Moises nagpropesiya sa sainda manungod sa pag-abot kan Mesiyas, asin ta an Diyos iyo an magtutubos kan saiyang mga katawohan? Iyo, asin maski na ngani an gabos na mga prupeta na iyo an magpropesiya maski kaidto pa sa pagpoon nin mundo --- bako daw na itinaram na ninda na daeng kulang o sobra an manungod kaining mga bagay?

34 Bako daw na dae ninda sinabi na an Diyos sa saiya mismong sadire dapat na magbaba kaiba an mga kaarakian nin mga tawo, asin darahon niya an sadire sa porma nin tawo, asin maglalakbay na may makusog na kapangyarihan sa ibabaw nin lalawgon kan kinaban?

35 Iyo, asin bako daw na dae man ninda sinabi na siya iyo an magdadara na tanganing mag-agi an pagkabuhay-liwat kan gadan, asin ta siya, sa saiyang sadire, kaipuhan na daog-daogon asin pasakitan?

MOSIAH TSAPTER 14

Si Isaias nagtaram sa tono nin sarong Mesiyas --- An kasupganan asin pagsakit kan Mesiyas ipinaghula nang enot --- Saiyang ginibo na an saiyang kalag iyo an magin sarong dulot para sa kasalan asin naggibo na iyo an tagapagpatahaw para sa mga paralapas --- Ikumpara sa Isaias 53.

Iyo, bako daw na si Isaias nagsabi: Siisay baya an magtubod kan satuyang sumbong, asin sa kiisay daw an takyag nin Kagurangnan maipahayag?

2 Nin huli ta siya magtatalubo sa atubangan niya na siring sa sarong minatubo pa sanang tanom, asin siring sa sarong ugat na paluwas sa alang na daga; siya mayong porma ni kaayahayan; asin sa panahon na kita maghihilang sa saiya mayo nin kagayunan na kita magmamawot saiya.

3 Siya hinamak asin ipinagtakwil nin mga tawo; sarong tawo nin mga kamundoan, asin tuodan sa pagpakasakit; asin kita nagtago na siring na an satuyang mga lalawgon paharayo saiya; siya pinaghamak, asin kita dae nakidumamay saiya.

4 Tunay na saiyang pinagpasan an satuyang mga kasakitan asin iyo an magdara kan satuyang mga kamundoan; alagad kita iyo an nagtulod saiya na padusahan, pinahampak nin Diyos, asin pinasakitan.

5 Pero siya nalugadan nin huli kan satuyang mga kalapasan, siya nabugbog nin huli kan satuyang mga kadaendatahan; an padusa kan satuyang katuninongan yaon sa saiya; asin sa paagi kan saiyang mga lata kita nabulong.

6 Gabos kita, siring sa karnero, nagkawarara; tinugutan nyato na an lambang saro pasiring ssa saiyang sadireng padumanan; asin an Kagurangnan ipinatong sa saiya an mga kadaendatahan nyato gabos.

An Simbahan ni Jesukristo nin Mga Banal sa Huring-aldaw 207
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Siya pinag-api, asin siya pinagsakitan, alagad siya dae nagbukas kan saiyang nguso; siya dinara na arog kan sarong kordero pasiring sa bonoan, asin siring sa sarong karnero sa atubangan kan saiyang paragupit nagin pula kun kaya siya dae nagbubukas kan saiyang nguso.

8 Siya kinua gikan sa prisohan asin gikan sa hukuman; asin siisay baya an magpapahayag sa saiyang henerasyon? Nin huli ta siya pinalaen paluwas sa daga kan mga buhay; nin huli kan mga kalapasan kan sakuyang mga katawohan kun kaya siya pinadusahan.

9 Asin saiyang ginibo an saiyang lubungan kaiba an mga makasalanon, asin kaiba an mayaman sa saiyang kagadanon; nin huli ta siya dae naggibo nin maraot, ni igwa nin anuman na padaya sa saiyang nguso.

10 Alagad ini ikinaogma nin Kagurangnan na mabugbog siya; siya ipinamugtak niya sa kasakitan; kun ikaw saimong gigibohon an saimong kalag bilang sarong dulot para sa kasalan saiyang mahihiling an saiyang banhi; saiyang palalawigon an saiyang mga aldaw, asin an kaogmahan nin Kagurangnan mag-aasenso sa saiyang kamot.

11 Siya nakakahiling sa kakulugan kan saiyang kalag, asin magigin kontentado; sa paagi kan saiyang kaaraman an sakuyang marahayon na serbidor maninindugan para sa kadaklan; nin huli ta siya an magpapasan kan saindang mga kadaendatahan.

12 Kun kaya ako magbabanga nin sarong porsyon kaiba an kadaklan, asin saiyang babangaon an sobra kaiba an makukusog; nin huli ta saiyang ipinabulos paluwas an saiyang kalag hanggan sa kagadanon; asin siya ibinilang kaiba sa mga paralapas; asin siya an nagpasan kan mga kasalan nin kadaklan, asin naghimong magtagapagpatahaw para sa mga paralapas.

MOSIAH TSAPTER 15

Paano si Cristo nagin parehong an Ama asin an Ake --- Siya maghihimong magtagapagpatahaw asin magpapasan kan mga kalapasan kan saiyang mga katawohan --- Sinda asin an gabos na mga banal na propeta iyo an saiyang banhi --- Siya an nagdara na mag-abot an pagkabuhay-liwat --- An saradit na mga kaakian igwa nin buhay na daeng kasagkoran.

Asin ngonian si Abinadi nagsabi sa sinda: Ako nagmamawot na kamo makakasabot na an Diyos mismo mababa na kaibahan kan mga ake nin tawo, asin iyo an matubos kan saiyang mga katawohan.

2 Asin nin huli ta siya mag-eerok sa laman siya pag-aapudon na Ake nin Diyos asin ipinasakop an laman sa kamawotan kan Ama, kaya nagin an Ama asin an Ake ---

3 An Ama, nin huli ta pinaglihi sa paagi kan kapangyarihan nin Diyos; asin an Ake, nin huli kan laman; kun kaya nagin an Ama asin Ake ---

4 Asin sinda sarong Diyos, iyo, an iyo man sanang gayong Ama na Daeng Kasagkoran nin kalangitan asin kan kinaban.

5 Asin kaya an laman nagin yaon sa kamawotan nin Espiritu, o an Ake sa Ama, bilang sarong Diyos, na magtitios sa mga tentasyon, asin dae nagpadara sa tentasyon, alagad

An Simbahan ni Jesukristo nin Mga Banal sa Huring-aldaw

208

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagtios sa saiyang sadire mismo na pagparatuya-tuyaon, asin pagparapakulan, asin pinalaen paluwas, asin dae pinag-ako kan saiyang mga katawohan.

6 Asin pagkatapos kaini gabos, pagkatapos na maggibo nin kadakul na darakulang mga milagro sa mga kaakian nin mga tawo, siya dadarahon, iyo, magin arog sa sinabi ni Isaias, bilang sarong karnero sa atubangan nin paragupit na dae naggigirong, kaya dae niya binubuka an saiyang nguso.

7 Iyo, sa arog kaini siya dadarahon, ipapako sa krus, asin gagadanon, an laman na ipinatunod duman sa kagadanan, an kamawotan kan Ake na pinangingibabawan kan kamawotan kan Ama.

8 Asin kaya an Diyos iyo an nagbaak kan mga gapos nin kagadanan, nagkamit nin kapangganahan na iyo an mangibabaw sa kagadanan; ipinagtao sa Ake an kapangyarihan na magin tagapagpatahaw para sa mga kaakian nin mga tawo---

9 Bilang naipagpalangkaw na sa langit, na igawa nin mga kalamnan nin pagkaherak; bilang may kapanoan nin pagkamaherakon para sa mga kaakian nin mga tawo; magtitindog sa katahawan ninda akin kan hustisya; bilang iyo an nakapagbaak kan mga gapos nin kagadanan, nagdara sa saiyang sadire kan saindang kadaendataan asin kan saindang mga kalapasan, bilang iyo an nagtubos sinda, asin iyo an nakapagpakontento kan mga pangangaipuhan kan hustisya.

10 Asin ngonian ako mataram sa saindo, siisay baya ang magdedeklara kan saiyang henerasyon? Hilnga, ako mataram sa saindo, na kun an saiyang kalag iyo an ginibo bilang sarong dulot para sa kasalan saiyang mahihiling an saiyang banhi. Asing ngonyan ano an saindong masasabi? Asin siisay an magigin banhi niya?

11 Hilnga ako mataram saindo, na an siisay man saindo an nakadangog kan mga tataramon nin mga propeta, iyo, an gabos na banal na mga propeta na iyo an nagpropesiya mapanungod sa pag-abot nin Kagurangnan --- ako mataram sa saindo, na an gabos saindo na nakapagdangog na sa saindang mga tataramon, asin nagtubod na an Kagurangnan iyo an magtutubos kan saiyang mga katawohan, asin nagmawot na sa pag-abot kan aldaw na iyan para sa sarong kapatawadan kan saindang mga kasalanan, ako masabi sa saindo, na iyo ini an saiyang mga banhi, o sinda iyo an mga tagapagmana kan kahadean nin Diyos.

12 Nin huli ta iyo ini sinda na an mga kasalan saiyang pinagpasan; iyo ini sinda na para sinda siya nagpakagadan, tanganing tubuson sinda gikan sa saindang mga kalapasan. Asin ngonian, bako daw na sinda iyo an saiyang banhi?

13 Iyo, asin bako daw na an mga propeta, an lambang saro na nagbuka kan saindang mga nguso tanganing magpropesiya, na dae nahulog pasiring sa kalapasan, an boot kong sabihon an gabos na banal na mga propeta maski kaidtong an mundo nagpoon? Ako masabi sa saindo na sinda iyo an saiyang banhi.

14 Asin iyo ini sinda na iyo an nagbalangibog nin katuninongan, iyo an nagdara nin marhay na mga baretang marhay, iyo an nagbalangibog nin kaligtasan; asin nagsabi sa Sion: An saimong Diyos iyo an naghade.

15 Asin O ano daw kagayon sa ibabaw nin mga kabukidan an saindang mga bitis!

16 Asin giraray, ano daw kagayon sa ibabaw nin mga kabukidan an mga bitis ninda na iyo sana an sigeng nagparabalangibog nin katuninongan!

17 Asin giraray, ano daw kagayon sa ibabaw nin mga kabukidan an mga bitis ninda na iyo ngonian asin sa paabuton pa an nagharubay nin katuninongan, iyo, magpoon ngonyan

An Simbahan ni Jesukristo nin Mga Banal sa Huring-aldaw

209

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na panahon na paabuton pa sana asin sagkod pa man.

18 Asin hilnga, ako masabi sa saindo, bako lang ini gabos. Nin huli ta o ano daw kagayon sa ibabaw nin mga kabukidan an mga bitis niya na nagparadara nin marhay na mga bareta, na iyo an pundador nin katuninongan, iyo, maski an Kagurangnan, na iyo an nagtubos kan saiyang mga katawohan; iyo, siya na iyo an nagregalo nin kaligtasan sa saiyang mga katawohan;

19 Nin huli ta kun bako sa pagtubos na saiyang ginibo para sa saiyang mga katawohan, na iyo an pinag-andam gikan pa sa pundasyon kan kinaban, ako masabi sa saindo, kun bako nin huli kaini, an bilog kuta nang lahi nin mga tawo napahamak na.

20 Pero hilnga, an mga gapos nin kagadanan huhubadon, asin an Ake maghahade, asin igawa nin kapangyarihan labaw pa sa mga gadan; kun kaya, siya an naghimo na mangyari an pagkabuhay-liwat kan mga gadan.

21 Asin magkakaigwa nin pagkabuhay-liwat, maski sarong enot na pagkabuhay-liwat; iyo, maski sarong pagkabuhay-liwat ninda na kaidto, asin sinda ngonian, asin sinda magigin iyo, maski hanggan sa pagkabuhay-liwat ni Cristo --- nin huli ta sa arog kaini siya pag-aapudon.

22 Asin ngonian, an pagkabuhay-liwat kan gabos na mga propeta, asin an gabos na nagtutubod kan saindang mga tataramon, o gabos sainda na nagsunod sa mga kasugoan nin Diyos, iyo an mabarangon sa enot na pagkabuhay-liwat; kun kaya, sinda an enot na pagkabuhay-liwat.

23 Sinda binangon na tanganing mag-erok na kaiba an Diyos na iyo an nagtubos sainda; kaya sinda igwa nin buhay na daeng kasagkoran sa paagi ni Cristo, na iyo an naghubad kan mga gapos nin kagadanan.

24 Asin iyo ini sinda na nagin parte kan enot na pagkabuhay-liwat; asin iyo ini sinda na nagkagaradan bago pa man mag-abot si Cristo, na yaon sa saindang ignoransiya, mayo pang kaligtasan an ipinapahayag sainda. Asin kaya an Kagurangnan an nagdara manungod sa restorasyon kan mga ini; asin sinda igwa nin parte sa enot na pagkabuhay-liwat, o magkakaigwa nin buhay na daeng kasagkoran, bilang iyo an mga tinubos nin Kagurangnan.

25 Asin an saradit na kaarakian man igwa nin buhay na daeng kasagkoran.

26 Pero hilnga, asin an pagkatakot, asin an pangubog-kubog sa atubangan nin Diyos, nin huli ta kamo kaipong mangubog-kubog; nin huli ta an Kagurangnan dae nagtutubos sainda na nagrebelde laban sa iya asin nagadan sa saindang mga kasalanan; iyo, maski na ngani an gabos sainda na nagkaharamak na yaon sa saindang sadireng mga kasalan magpoon pa kaidtong kapinunan nin kinaban, na ginustong magrebelde laban sa Diyos, na nakakaaram sa mga kasugoan nin Diyos, asin habo nindang magsunod; iyo ini sinda na mayong parte sa enot na pagkabuhay-liwat.

27 Kun kaya bako daw na maninigo na kamo mangubog-kubog? Nin huli ta an kaligtasan dae minaabot sa mga arog kaini; nin huli ta an Kagurangnan dae tinubos an mga arog kaini; iyo, ni an Kagurangnan makatubos sa mga arog kaini; nin huli ta siya dae makakakontra sa saiyang sadire man sana; nin huli ta siya dae makasayuma nin hustisya kun ini igwa nin pangangaipuhan.

28 Asin ngonian ako masabi sa saindo na an panahon maabot na an kaligtasan nin Kagurangnan ipapahayag sa lambang nasyon, lahi, dila, asin mga katawohan.

29 Iyo, an Kagurangnan, an saindong mga tagapagbantay maglalangkaw kan saindang

An Simbahan ni Jesukristo nin Mga Banal sa Huring-aldaw

210

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

bores; may boses na iribahan sa saindang pagkakanta; nin huli ta saindang mahihiling mata sa mata, sa panahon na an Kagurangnan dadarahon giraray an Sion.

30 Makururahaw kamo sa kaogmahan, iribahan sa pagkaranta, kamo na mga wasak na lugar kan Jerusalem; nin huli ta an Kagurangnan iyo an nakidumamay sa saiyang mga katawohan, siya iyo an nagtubos kan Jerusalem.

31 An Kagurangnan iyo an naghimong iwakat an saiyang banal na kamot sa mga mata kan gabos na mga nasyon; asin an gabos na mga katapusan nin kinaban iyo an makakahiling kan kaligtasan nin satuyang Diyos.

MOSIAH TSAPTER 16

An Diyos iyo an nagtubos sa mga tawo gikan sa saindang pagkawara asin pagkahulog na kamugtakan --- Sinda na mga makamundo siring man giraray na garo man sanang mayong pagtubos --- Si Cristo iyo an naghimo na mangyari an sarong pagkabuhay-liwat hanggan sa daeng katapusan na buhay o sa mayong katapusan na kapahamakan.

Asin ngonian, ini nangyaring naglipas na pagkatapos na si Abinadi nakapagtaram na kaining mga tataramon saiyang ibiningat an saiyang kamot asin nagsabi: An panahon mag-aabot noarin na an gabos makakahiling sa kaligtasan nin Kagurangnan; noarin na an lambang nasyon, lahi, dila, asin mga katawohan makakahiling mata sa mata asin magkukumpisal sa atubangan nin Diyos na an saiyang mga paghuhukom husto sana.

2 Asin masunod na an mga mararaot itatapok paluwas, asin sinda mangyayaring mag-aalulong, asin maghihibi, asin magkukurahaw, asin magraragot an saindang mga ngipon; asin ini nin huli ta sinda habong magdangog sa boses nin Kagurangnan; kun kaya an Kagurangnan dae sainda magtutubos.

3 Nin huli ta sinda makamundo asin maka-diyablo, asin an diyablo igwa nin kapangyarihan na mangingibabaw sainda; iyo, maski ngani na an pinakagurang na halas na iyo an nagdaya sa satuyang enot na magurang, na iyo kaidto an nagkausa kan saindang pagkahulog; na iyo kaidto an nagkausa sa bilog na sangkatauhan na magin makamundo, makalaman, maka-diyablo, na nakakaaram nin maraot gikan sa marhay, nagpadara kan saindang mga sadire sa diyablo.

4 Kaya an bilog na sangkatauhan nagkawarara; asin hilnga, sinda kuta na yaon sa daeng katapusan na pagkawarara kun bako na an Diyos an nagtubos kan saiyang mga katawohan gikan sa saindang pagkawara asin pagkahulog na kamugtakan.

5 Pero giromdoma baya na siya na padagos na yaon sa saiyang sadireng makamundong natura, asin nagpasiring sa mga dalan nin kasalanan asin pagrerebelde kontra sa Diyos, magigin siring man giraray na yaon sa saiyang pagkahulog na kamugtakan asin an diyablo igwa nin bilog na kapangyarihan na mangingibabaw saiya. Kun kaya siya magin arog sa mayo man sanang pagtubos na ginibo, bilang sarong kalaban nin Diyos; asin man an diyablo sarong kalaban sa Diyos.

6 Asin ngonian kan si Cristo dae nagdigde sa mundo, magtataram nin mga bagay na mag-

An Simbahan ni Jesukristo nin Mga Banal sa Huring-aldaw

211

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

aabot bilang arog sainda na nag-abot na, mayo man kuta na nin pagtutubos.

7 Asin kun si Cristo dae nabuhay-liwat gikan sa mga gadan, o iyo an nagbaak kan mga gapos nin kagadanan na tanganing an mga lubungan magin mayo nin kapangganahan, asin na an kagadanan magin mayo nin tibo, mayo kuta na ning pagkabuhay-liwat.

8 Alagad igwa nin pagkabuhay-liwat, kun kaya an lubungan mayong kapangganahan, asin an tibo nin kagadanan pinaghalon na ki Cristo.

9 Siya iyo an liwanag asin an buhay kan mundo; iyo, sarong liwanag na mayong katapusan, na dae naggad magin madiklomon; iyo, asin man an sarong buhay na mayong katapusan, na tanganing dae na magkaigwang gayo nin kagadanan.

10 Maski na ngani ining mortal puwedeng pagbabadoan nin immortalidad, asin ining kalapaan puwedeng pagbabadoan nin daeng kalapaan, asin puwedeng pagdadarahon na magtindog sa atubangan nin hukuman nin Diyos, na tanganing iyo an paghuhusgaran niya na uyon sa saindang mga nakaginibohan kumbaga sinda nagin marhay o kumbaga sinda nagin maraot ---

11 Kun sinda naggad nagin marhay, pasiring sa pagkabuhay-liwat sa daeng katapusan na buhay asin kaogmahan; asin kun sinda nagin maraot, pasiring sa pagkabuhay-liwat sa daeng katapusan na kapahamakan, bilang ipinatunod pasiring sa diyablo, na iyo an nagpdara sainda, na iyo ngani an kapahamakan ---

12 Habang napasunod uyon sa saindaing sadireng makamundong mga kagustuhan asin mga kamawotan; habang dae naggad nangapudan sa Kagurangnan habang an mga kamot nin pagkaherak ipinagbingat para sainda; nin huli ta an mga kamot nin pagkaherak nakabingat para sainda, asin sinda naghabo naggad; sinda na pinatanidan kan saindang mga kadaendatahan alagad sinda dae naggad naghale gikan sa mga ini; asin sinda sinugo na magsolsol alagad sinda habong magsolsol.

13 Asin ngonian, bako daw na kamo mangungubog-kubog asin magsosolsol kan saindong mga kasalanan, asin maggiromdom na sa saiya sana asin sa paagi sana ni Cristo kamo puwedeng magin ligtas?

14 Kun kaya, kun kamo nagtutukdo nin ley ni Moises, nagtutukdo man na iyo ini an sarong anino kan mga bagay na maabot pa sana ---

15 Tukdoi sinda na an pagtutubos minaabot sa paagi ni Cristo an Kagurangnan, na iyo nganing gayo an Daeng Kasagkoran na Ama. Amen.

MOSIAH TSAPTER 17

Si Alma nagtubod asin isinurat an mga tataramon ni Abinadi --- Si Abinadi nagtios na magadan sa paagi nin kalayo --- Siya nagpropesiya nin helang asin kagadanan sa paagi nin kalayo para sa saiyang mga paragadan.

Asin ngonian ini nangyaring naglipas na kan si Abinadi nakapagtapos na sa mga sinasabing ini, na an hade nagsugo na an mga kapadean iyo an dapat na magkua saiya asin gibohon na siya dapat na gadanon.

2 Alagad igwa nin sarong sa kairibahan ninda na an pangaran Alma, siya man mismo

An Simbahan ni Jesukristo nin Mga Banal sa Huring-aldaw

212

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sarong gikan sa lahi ni Nephi. Asin siya sarong hoben na lalake, asin siya nagtutubod sa mga tataramon na si Abinadi iyo an nagsabi, nin huli ta siya mismo nakakaaram manungod sa kadaendatahan na si Abinadi iyo an nagbuyagyag laban sinda; kun kaya siya nagpoon sa pagngayo-ngayo sa hade na siya dae magin anggot ki Abinadi, pero tugutan na siya puwedeng maghale sa katuninongan.

3 Alagad an hade nagin mas grabe an kaanggutan, asin nagsugo na si Alma dapat pahaleon paluwas gikan sa kairibahan ninda, asin ipinadara an saiyang mga surugoon sa saiya na tanganing sinda iyo an maggadan saiya.

4 Alagad siya nagdulag gikan sa atubangan ninda asin itinago an saiyang sadire na tanganing siya dae managboan. Asin siya habang nakatago sa laog nin kadakul na mga aldaw nagsurat kan gabos na mga tataramon na si Abinadi iyo an nakapagtaram.

5 Asin ini nangyaring naglipas na an hade nagsugo sa saiyang mga guwardiya na parilibutan si Abinadi asin dakopon; asin saindang gaposon siya asin bitbiton siya pasiring sa kulungan.

6 Asin sa pagkatapos nin tulong aldaw, habang nakapaghagad na nin kaisipan gikan sa saiyang mga kapadean, siya nagsugo na siya dapat darahon giraray sa saiyang atubangan.

7 Asin siya nagsabi sa saiya: Abinadi, kami nakanagbo nin sarong akusasyon laban saimo, asin ika maninigo sa kagadanon.

8 Nin huli ta ika mismo an nagsabi na an Diyos mismo sa saiyang sadire an mababa sa kairibahan kan mga kaarakian nin mga tawo; asin ngonian, nin huli sa kadahilanan na ini ikaw maninigong gadanon puwera lang kun ika magbawi kan gabos na mga tataramon na saimong ipinagtaram na karaotan manungod sakuya asin sa sakuyang mga katawohan.

9 Ngonian si Abinadi nagsabi sa saiya: Ako mataram sa saimo, ako dae naggad mabawi nin mga tataramon na sakuyang naitaram na saimo manungod kaining mga katawohan, nin huli ta ini totoo; asin tanganing ikaw makakaaram sa saindang katotohanan kaya ako nagtios sa sakuyang sadire na ako nagpahulog pasiring sa saindong mga kamot.

10 Iyo, asin ako magtitios magin hanggan sa kagadanan, asin ako dae naggad mabawi kan sakong mga tataramon, asin sinda masirbeng pusog na testimonya laban saimong. Asin kun kamo an magadan sakuya kamo magpapabulos nin inosenteng dugo, asin ini magtitindog bilang sarong testimonya laban saimong sa huring aldaw.

11 Asin ngonian si hadeng Noah boot na kuta nang buhian siya, nin huli ta siya natakot sa saiyang tataramon; nin huli ta siya natakot na an mga paghuhukom nin Diyos baka naggad mag-abot sa saiya.

12 Alagad an mga kapadean nagkururahaw kan saindang mga boses laban saiya, asin nagpoon na mag-akusar saiya, na nagsasabi: Saiyang pinagbasangan an hade. Kun kaya an hade nagsulwak sa kaanggutan laban saiya, asin saiya siyang pinadakop na tanganing siya puwede nang gadanon.

13 Asin ini nangyaring naglipas na sinda siyang dinakop asin ginapos siya, asin hinampak an saiyang kublit nin mga kahoy na panggatong, iyo, hanggan sa kagadanan.

14 Asin ngonian kan an mga laad nin kalayo nagpoon na sa pagsulo saiya, siya nagkurahaw sa sinda, na nagsasabi:

15 Hilnga, maski ini saindong ginibo sa sakuya, iyo man ini an mangyayaring naglipas na an saindong mga banhi magkakausa na kadakul magsasapo nin mga kakulugan na sakuyang pinagtiosang makamit, maski arog kan kakulugan nin kagadanan sa paagi nin kalayo; asin ini nin huli ta sinda nagtubod sa kaligtasan nin Kagurangnan nyatong Diyos.

16 Asin ini nangyaring naglipas na kamo magsasapo nin gabos na manera nin mga kahelangan nin huli man kan saindong mga kadaendatahan.

17 Iyo, asin kamo hahampakon sa lambang kamot, asin itataboy asin magkakaralat paduman asin padigde, na arog sa sarong layas na mga hayop na nilalamag kan mga layas asin maisog man na mga hayop.

18 Asin sa aldaw na iyan kamo paghahanapon, asin kamo magtitios, arog kan tinios kong ini, an mga kakulugan nin kagadanan sa paagi nin kalayo.

19 Kaya an Diyos iyo an nagbabalos sa sainda na iyo an nandestroso kan saiyang mga katawohan. O Diyos ko, resibeha baya an sakong kalag.

20 Asin ngonian, kan si Abinadi nakapagtaram na kaining mga tataramon, siya natumba, habang nagtitios nin kagadanan sa paagi nin kalayo; iyo, ipinatunod sa kagadanan nin huli ta siya habong ipagpadaog an mga kasugoan nin Diyos, na pinagselyuhan an katotohanan kan saiyang mga tataramon sa paagi kan saiyang kagadanan.

MOSIAH TSAPTER 18

Si Alma patago na nagtutukdo --- Saiyang pinagtukdo an tipan nin pagbubunyag asin nagparabunyag sa may tubig nin Mormon --- Saiyang pinag-organisa an Simbahan ni Cristo asin nag-ordina nin mga kapadean --- Sinda nagsurosuportaran sa saindang mga sadire asin nagparatukdo sa mga katawohan --- Si Alma asin an saiyang mga katawohan nadurulag gikan ki hadeng Noah pasiring sa kaparangan.

Asin ngonian, ini nangyaring naglipas na si Alma, na nakadulag gikan sa mga surugoon ni hadeng Noah, nagsolsol kan saiyang mga kasalanan asin kadaendatahan, asin patagong nakisumaro sa kairibahan nin mga katawohan, asin nagpoon sa pagtukdo nin mga tataramon ni Abinadi ---

2 Iyo, idtong manungod sa bagay na maabot pa sana, asin man idtong manungod sa pagkabuhay-liwat kan mga gadan, asin an pagtutubos kan mga katawohan, na iyo dapat na pagdarahon na mangyari sa paagi nin kapangyarihan, asin mga kasakitan, asin kagadanan ni Cristo, asin an saiyang pagkabuhay-liwat asin an pagpa-itaas pasiring sa langit.

3 Asin habang kadakul na gayo an gustong magdangog kan saiyang tataramon siya naggad nagtutukdo. Asin siya patagong nagtutukdo sainda, na tanganing dae makaabot sa kaaraman kan hade. Asin kadakul an nagtubod sa saiyang mga tataramon.

4 Asin ini nangyaring naglipas na habang kadakul an mga nagtutubod sa saiya nagpaduman sinda sa sarong lugar na inaapud na Mormon, nakaresibe kaining pangaran gikan sa hade, habang ini yaon sa mga pag-ultanan nin daga na pinagkatiriponan, sa pagagi nin mga panahon o sa kapanahunan, nin mga layas na mga hayop.

5 Ngonian, igwa kaidto sa Mormon nin sarong kaburabodan nin purong tubig, asin si Alma duman nagpasiriring, duman sa harani sa tubig na may sarong patanuman nin saradit na mga kahoy, kun saen saiyang itinago an saiyang sadire kun aldaw gikan sa mga pinagpaharanap kan hade.

An Simbahan ni Jesukristo nin Mga Banal sa Huring-aldaw 214
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

6 Asin ini nangyaring naglipas na habang kadakul an nagtutubod sa saiya nagpasiriring duman tanganing dangogon an saiyang mga tataramon.

7 Asin ini nangyaring naglipas na pagkatapos nin kadakul na mga aldaw igwa na nin awad-awad na bilang na nagkasararong nagtitiripon sa may lugar na Mormon, na tanganing dangogon an mga tataramon ni Alma. Iyo, an gabos nagkasararong nagkatiripon sa nagtutubod sa saiyang mga tataramon, sa pagdangog saiya. Asin siya naggad nagtukdo sainda, asin nagpahayag sa sainda nin pagsosolsol, asin pagtutubos, asin pagtubod sa Kagurangnan.

8 Asin ini nangyaring naglipas na siya nagsabi sa sainda: Hilnga, uya an mga tubig nin Mormon, (nin huli ta iyo ini an kaapudan kaini) asin ngonian, ta kamo nagmamawot na magdulok pasiring sa pangangataman nin Diyos, asin aapudon na saiyang mga katawohan, asin may kagustuhan na magdadara nin mga kagabatan nin sarong sa lambang sarong, na tanganing sinda magin mga liwanag;

9 Iyo, asin may kagustuhan na makimondo sa sainda na mga nagmumundo; iyo, asin makidumamay sa sainda na nagtitindog sa pangangaipo nin pakidumamay, asin manindugan bilang mga testigo nin Diyos sa gabos na mga panahon asin sa gabos na mga bagay, asin sa gabos na mga lugar na tanganing sinda puwedeng makalaog, maski hanggan sa kagadanan, na kamo puwedeng tubuson nin Diyos, asin magin kabilang sa sainda sa enot na pagkabuhay-liwat, na tanganing kamo puwedeng magkamit nin buhay na daeng kasagkoran ---

10 Ngonian ako masabi sa saindo, kun iyo ini an magin kamawotan kan saindong mga puso, ano baya an makapagpugol na tanganing mabunyagan sa pangaran nin Kagurangnan, bilang sarong testigo sa atubangan niya na tanganing kamo makalaog na sa sarong tipan sa saiya, na tanganing kamo magsiserbe saiya asin magsunod sa saiyang mga kasuguan, na tanganing saiyang maipabulos an saiyang Espiritu na may sobrang kasaganaan para sa saindo?

11 Asin ngonian kan an mga katawohan nadangog an mga tataramon na ini, sinda nagparalakpak kan saindang mga kamot sa kaogmahan, asin nagkururahaw: Iyo ini an kamawotan kan samuyang mga puso.

12 Asin ngonian ini nangyaring naglipas na si Alma nagkua ki Helam, siya bilang sarong sa maenot, asin nagpaduman asin nagtindo sa tubig, asin nagkurahaw, na nagsasabi: O Kagurangnan, pabulusa an saimong Espiritu sa saimong surugoon, na tanganing saiyang mahimo an gibong ini na may bilog na kabanalan nin puso.

13 Asin kan siya nakapagtaram na kaining mga tataramon, an Espiritu nin Kagurangnan napasaiya, asin siya nagsabi: Helam, ako magbubunyang saimo, na may autoridad gikan sa Makapangyarihan na Diyos, bilang sarong testimonya na ika naglaog sa sarong tipan na magsirbe saiya hanggan sa ikaw magadan bilang sarong mortal sa hawak; asin na lugod an Espiritu nin Kagurangnan maipabulos sa saimo; asin lugod siya an magawad saimo nin buhay na daeng kasagkoran, sa paagi nin pagtubos ni Cristo, na iyo siya an nag-andam magpoon pa sa pundasyon nin kinaban.

14 Asin pagkatapos na si Alma makapagtaram kaining mga tataramon, sabay si Alma asin si Helam na naglublob pairarom sa tubig; asin sinda naghawas asin nagbuhat paluwas sa tubig na nag-oogma, nin huli sa kapanoan nin Espiritu.

15 Asin giraray, si Alma nagkua nin sarong man, asin nagpaduman sa ikaduwang pagkakataon sa may tubig, kaya lang siya dae naglublob kan saiyang sadire giraray sa

tubig.

16 Asin sa arog kaining manera siya nagbunyag sa lambang sarong na nagpasiriring duman sa lugar nin Mormon; asin sinda nagbilang nin dos siyentos asin apat na mga kalag; iyo, asin sinda binunyagan sa mga tubig nin Mormon, asin napanong gayo nin grasya nin Diyos.

17 Asin sinda inapud na Simbahan nin Diyos, o an Simbahan ni Cristo, magpoon sa panahon na idot sagkod pa man. Asin ini nangyaring naglipas na siirisay man an nabunyagan sa paagi nin kapangyarihan asin autoridad nin Diyos idinadagdag sa saiyang simbahan.

18 Asin ini nangyaring naglipas na si Alma, na igwa nin autoridad gikan sa Diyos, nagordina nin mga kapadean; maski sarong pade sa lambang singkuwentang bilang naggibo niyang ordinahan na tanganing magbalangibog sa sainda, asin tanganing magtukdo sainda manungod sa mga bagay na tungkol sa kahadean nin Diyos.

19 Asin asiya nagsugo sainda na dapat mayo sindang itutukdo kundi an mga bagay sana na saiyang itinukdo, asin idtong mga itinaram sa paagi nin mga nguso kan mga banal na propeta.

20 Iyo, siya nagsugo pa sainda na mayo sindang ipapahayag kundi idto sanang tungkol sa pagsosolsol asin an pagtubod sa Kagurangan, na iyo an nagtubos sa saiyang mga katawohan.

21 Asin siya nagsugo sainda na dapat mayong pag-iiriwal-iwal sa lambang sarong sainda, alagad dapat maghiling sinda sa paabuton pa sana na igwa nin sarong mata, igwa nin sarong pagtubod asin sarong bunyag, na an mga puso ninda binurogkos nin pagkasararo asin may pagkamoot an sarong sa lambang sarong.

22 Asin kaya siya nagsugo sainda na magbalangibog. Asin kaya sinda nagin mga kaarakian nin Diyos.

23 Asin siya nagsugo sainda na dapat nindang obserbaran an aldaw nin sabbath, asin gibohon ining banal, asin man kada aldaw dapat sindang magpasalamat sa Kagurangan saindang Diyos.

24 Asin siya nagsugo sainda na an mga kapadean na saiyang inordinahan dapat na magtrabaho gamit an saindang sadireng mga kamot para sa saindang sadireng suporta.

25 Asin nagkaigwa nin sarong aldaw sa lambang semana na pinalaen na tanganing sinda dapat na magkatiripon-tipon kan saindang mga sadire tanganing magtukdo sa mga katawohan, asin tanganing magsamba sa Kagurangan saindang Diyos, asin man, pirme sana na uyon sa saindang kakayahan, na mag-assemblya kan saindang mga sadire sa pagtitiripon-tipon.

26 Asin an mga kapadean dae mag-aasa sana sa mga katawohan para sa saindang mga pangangaipo; alagad sa saindang kapagalan sinda makakaresibe nin Grasya nin Diyos, na sinda magin mga makukusog sa Espiritu, na igwa nin kaaraman sa Diyos, na tanganing sinda puwedeng magtukdo na may kapangyarihan asin autoridad gikan sa Diyos.

27 Asin giraray si Alma nagsugo na an mga katawohan nin simbahan dapat na matinao-taohan kan saindang mga pagsasadire, an lambang sarong uyon sa saindang kaigwahan; kun siya igwa nin mas na kasaganaan siya dapat na magtao nin mas na kasaganaan; asin sa saiya na may kadikit sana, kadikit man an hahagadon saiya, asin sa saiya na mayo talaga dapat na tawan.

28 Asin kaya sinda dapat na magtao kan saindang mga pagsadire sa saindang sadireng

libreng kagustuhan asin marhay na pagmamawot para sa Diyos, asin sa mga kapadean na nangangaipong gayo, iyo, asin sa lambang nangangaipo, na hubang kalag.

29 Asin ini an saiyang sinabi sinda, bilang sinugo nin Diyos; asin sinda nagralakaw sa katanusan sa atubangan nin Diyos, nagpatinao-taohan sa lambang saro pareho sa temporal asin espirituwal na paagi na uyon sa saindang mga pangangaipo asin saindang mga kaipuhanan.

30 Asin ngonian ini nangyaring naglipas na gabos na ini ginibo sa Mormon, iyo, sa paagi kan tubig nin Mormon, sa kakahuyan na harani sa mga tubig nin Mormon; iyo, an lugar nin Mormon, an mga tubig nin Mormon, an kakahuyan nin Mormon, anong gayon ninda sa mga mata ninda na iyo an nagmuklat sa kaaraman kan saindang Paratubos; iyo, asin gurano kapalad sinda, nin huli ta sinda magkakanta sa saiyang kaomawan sagkod pa man.

31 Asin an mga bagay na ini nangyari sa may hangganan nin kadagaan, na tanganing sinda puwedeng dae makaabot sa kaaraman kan hade.

32 Alagad hilnga, ini nangyaring naglipas na an hade, na nakaaram na tungkol sa sarong mobemiyento sa kairibahan nin mga katawohan, nagpadara kan saiyang mga surugoon sa pagmasid sinda. Kun kaya sa kaaldawan na sinda mag-assemblya kan saindang mga sadire sa patiripon na tanganing magdangog kan tataramon nin Kagurangnan sinda nadiskubre na nin hade.

33 Asin ngonian an hade nagsabi na si Alma pinupukaw an mga katawohan sa pagrebelde laban saiya; kun kaya saiyang ipinadara an sayang hukbo tanganing destrosohon sinda.

34 Asin ini nangyaring naglipas na si Alma asin an mga katawohan nin Kagurangnan binaretaan manungod sa paabuton na mga hukbo nin hade; kun kaya saindang iniripos an saindang mga tolda asin an saindang mga tolda asin an saindang mga pamilya asin pagharale pasiring sa kaparangan.

35 Asin sinda igwa nin bilang na mga apat na gatos asin singkuwentang mga kalag.

MOSIAH TSAPTER 19

Si Gideon nagbalak na gadanon si Hadeng Noah --- An mga Lamanita sinakop an kadagaan --- Si Hadeng Noah nagsapo nin kagadanan sa paagi nin kalayo --- Si Limhi iyo an naghade bilang sarong hade na nagbabayad nin buwis.

Asin ini nangyaring naglipas na an hukbo kan hade nagbalik, pagkatapos na hinanap sa mayong kamugtakan an mga katawohan nin Kagurangnan.

2 Asin ngonian hilnga, an mga puwersa kan hade nagin dikit sana, pagkatapos na mabawasan, asin nagkaigwa nin sarong pagkakabaranga sa kairibahan kan mga natadang mga katawohan.

3 Asin an mga saradit na parte nagpoon na magtaram nin mga panakot laban sa hade, asin nagkaigwa nin dakulang pag-iriwal sa kairibahan ninda.

4 Asin ngonian may nagtungang sarong tawo sa kairibahan ninda an an pangaran Gideon, asin siya bilang sarong makusugon na tawo asin sarong kalaban nin hade, kun kaya siya nagbunot kan saiyang espada, asin nanumpa sa saiyang kaanggutan na siya an magadan

An Simbahan ni Jesukristo nin Mga Banal sa Huring-aldaw 217
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sa hade.

5 Asin ini nangyaring naglipas na siya nakilaban sa hade; asin kan mahiling nin hade na siya madali nang makadaog saiya, siya nagdulag asin nagdalagan asin nakaabot sa may torre na harani sa templo.

6 Asin si Gideon naglamag saiya asin haros madali nang makasakat sa torre tanganing gadanon an hade, asin an hade naghiling kan saiya mata sa palibot hanggan sa may daga nin Shemlon, asin hilnga, an hukbo nin mga Lamanita nakalaog na sa mga sagkogan nin daga.

7 Asin ngonian an hade nagkurahaw nin makusog sa kapaitan kan saiya kalag, na nagsasabi: Gideon, dae mo ako paggadanon, nin huli ta an mga Lamanita nakapalibot na satuya, asin sainda kitang dedestrosohon; iyo, saindang dedestrosohon an sakuyang mga katawohan.

8 Asin ngonian an hade bako man talagang gayo nagmamakulog sa saiya mga katawohan kundi sa saiya sadireng buhay; sa daeng pagkukulang, dae na siya ginadan ni Gideon.

9 Asin an hade nagsugo sa mga katawohan na sinda dapat na magdurulag na bago mag-arabot an mga Lamanita, asin siya sa saiya sadire nagdulag na kairiba ninda, asin sinda man naggad nagdurulag pasiring sa kaparangan, na kairiba an saindang mga kababaehan asin an saindang mga kaarakian.

10 Asin ini nangyaring naglipas na an mga Lamanita pinaglamag sinda, asin inarabutan sinda, asin nagpoon na garadanon sinda.

11 Ngonian ini nangyaring naglipas na an hade nagsugo sainda na an gabos na mga lalake kaipuhan na magbaya kan saindang mga agom asin saindang mga kaarakian, asin magdulag sa mga Lamanita.

12 Ngonian igwa nin kadakul na habong magbaya sainda, alagad pinili na mag-untok asin magpagadan na sana kairiba sinda. Asin an iba man binayaan an saindang mga agom asin mga kaarakian asin nagdurulag.

13 Asin ini nangyaring naglipas na sinda na nagpawaralat sa kairibahan kan saindang mga agom asin saindang mga kaarakian guminibo na patindogon an saindang mga magagayon na daraga asin mag-iba sa mga Lamanita na tanganing sinda dae na paggaradanon ninda.

14 Asin ini nangyaring naglipas na an mga Lamanita nagkamate nin pagkaherak sa sainda, nin huli ta sinda nabihag kan kagayunan kan saindang mga kababaehan.

15 Kun kaya an mga Lamanita dae ginaradan an saindang mga buhay, asin dinarara sinda bilang mga bihag asin ibinalik sinda sa daga nin Nephi, asin tinurugutan sinda na pagsadirehon ninda an daga, sa kundisyon na saindang itatao si hadeng Noah sa mga kamot nin mga Lamanita, asin itao an saindang mga pagsadire, magin an kabanga kan gabos nindang pagrurugaring, kabanga kan saindang mga bulawan, asin saindang mga plata, asin kan gabos nindang mamahalon na mga bagay, asin kaya sinda magbabayad nin buwis sa hade nin mga Lamanita sa taon-taon.

16 Asin ngonian igwa nin sarong sa mga akeng lalake kan hade sa kairibahan ninda na nagkabirihag, na an pangaran iyo si Limhi.

17 Asin ngonian si Limhi nagmamawot na an saiya ama dae dapat na magadan; daeng pagkukulang, si Limhi dae nagin ignorante sa mga kadaendatahan kan saiya ama, na siya sa saiya sadire sarong hustong tawo.

18 Asin ini nangyaring naglipas na si Gideon patagong nagpadara nin mga tawo pasiring sa kaparangan, na tanganing iyo an maghanap sa hade asin sainda na kairiba niya. Asin ini nangyaring naglipas na saindang nanagboan an mga katawohan sa kaparangan, gabos puwera sa hade asin an saiyang mga kapadean.

19 Ngonian sinda nanumpa sa saindang mga puso na sinda mabalik sa daga nin Nephi, asin kun an saindang mga agom asin saindang mga kaarakian ginaradan, asin man sinda na nagpawaralat sa kaibahan ninda, sinda nagmamawot na magbalos, asin man magadan na kairiba sinda.

20 Asin an hade nagsugo sainda na dae na sinda magbaralik pa; asin sinda nagka-aranggot sa hade, asin ginibo na siya pasakitan, magin hanggan sa kagadanan sa paagi nin kalayo.

21 Asin sinda nagpoon na kuta nang kuruahon man an mga kapadean asin sinda garadanon man, asin sinda nagdurulagan sa atubangan ninda.

22 Asin ini nangyaring naglipas na sinda kuta na pasiriring na pabalik sa daga nin Nephi, asin kan sinda nagkanaragboan kan mga tawo ni Gideon. Asin an mga tawo ni Gideon nagsabi sainda kan gabos na nangyari sa saindang mga agom asin sa saindang mga kaarakian; asin na an mga Lamanita nagtugot sa sainda na sinda an puwedeng magsadire sa daga kun magbabayad nin buwis sa mga Lamanita nin kabanga kan gabos nindang pagrurugaring.

23 Asin an mga katawohan nagsabi sa mga tawo ni Gideon na saindang ginadan an hade, asin an saiyang mga kapadean nakadulag sainda paharayo pasiring sa kaparangan.

24 Asin ini nangyaring naglipas na pagkatapos na sinda nagtapos na sa seremonya, na sinda nagbaralik sa daga nin Nephi, na may kaogmahan, nin huli ta an saindang mga agom asin saindang mga kaarakian dae ginaradan; asin saindang sinabi ki Gideon kun ano an saindang ginibo sa hade.

25 Asin ini nangyaring naglipas na an hade nin mga Lamanita nanumpa sa sainda, na an saiyang mga katawohan dae na manggagadan sainda.

26 Asin man si Limhi, bilang ake nin hade, habang an kahadean ipinagkatiwala saiya kan mga katawohan nanumpa sa hade nin mga Lamanita na an saiyang mga katawohan magbabayad nin buwis sa saiya, magin ini kabanga kan gabos nindang pagrurugaring.

27 Asin ini nangyaring naglipas na si Limhi nagpoon sa pag-establisa kan kahadean asin nag-establisa nin katuninongan sa kairibahan kan saiyang mga katawohan.

28 Asin an hade kan mga Lamanita nagbugtak nin mga guwardiya sa kapalibutan kan daga, na tanganing saiyang mabantayan an mga katawohan ni Limhi sa laog kan daga, na tanganing sinda dae makakadulag pasiring sa kaparangan; asin saiya man naggad sinuportahan an saiyang mga guwardiya gikan sa buwis na saiyang nareresibe sa mga Nephita.

29 Asin ngonian si hadeng Limhi nagkaigwa nin padagos na katuninongan sa laog kan saiyang kahadean sa laog nin duwang taon, na an mga Lamanita dae na nagmolestiya sainda ni magmawot na destrosohon sinda.

MOSIAH TSAPTER 20

An mga kadaragahang Lamanita dinurukot kan mga kapadean ni Noah --- An mga Lamanita nakigiyera laban kina Limhi asin sa saiyang mga katawohan --- Sinda pina-atras asin napahubya.

Ngonian igwa nin sarong lugar sa Shemlon kun saen an mga kadaragahan nin mga Lamanita nagkakatiripon-tipon kan saindang mga sadire na sarabay na nagkakarantahan, asin nagsasarayaw, asin gibohong magin maogmahon an saindang mga sadire.

2 Asin ini nangyaring naglipas na igwa nin sarong aldaw na kadikit sanang bilang sinda na nagkatiripon-tipon sa pagkaranta asin sa pagsarayaw.

3 Asin ngonian an mga kapadean ni Noah, na nagkasurupog na magbaralik sa siyudad nin Nephi, iyo, asin man natatakot na baka an mga katawohan iyo an maggaradan sainda, kun kaya sinda habo nang magbaralik sa saindang mga agom asin saindang mga kaarakian.

4 Asin habang naghaloy sa kaparangan, asin nakapagdiskubre nin kadaragahan kan mga Lamanita, sinda nag-abang asin nagmamasid sainda;

5 Asin kan nagkaigwa sana nin kadikiton sainda na sararong nagkatiripon-tipon sa pagsayaw, sinda nagruluwas hale sa saindang mga pinagtataguan na lugar asin dinarakop sinda asin dinarara sinda pasiring sa kaparangan; iyo, beinte asin apat na mga kadaragahan kan mga Lamanita an saindang dinarara pasiring sa kaparangan.

6 Asin ini nangyaring naglipas na kan an mga Lamanita makaaram na an saindang mga kadaragahan nagkawarara, sinda nagka-aranggot sa mga katawohan ni Limhi, nin huli ta sa kaisipan ninda iyo na idto mga katawohan ni Limhi.

7 Kun kaya saindang ipinadara an saindang mga hukbo; iyo, magin an hade mismo nakiiba sa saiyang mga katawohan; asin sinda nagpasiriring sa daga nin Nephi na tanganing destrosohon an mga katawohan ni Limhi.

8 Asin ngonian si Limhi an nakadiskubre sainda gikan sa torre, magin an gabos nindang preparasyon sa pakigiyera saiyang nadiskubre; kun kaya saiyang tiniripon an saiyang mga katawohan na magkasararo, asin nag-arabang sinda sa mga kahiwasan asin sa mga kakahuyan.

9 Asin ini nangyaring naglipas na kan an mga Lamanita mina-aratake na, an mga katawohan ni Limhi nagpoon na magpatihulog sa kaibabawan ninda gikan sa mga lugar na arabangan, asin nagpoon sa paggaradan sainda.

10 Asin ini nangyaring naglipas na an ralabanan nagin grabeng gayo, nin huli ta sinda nakilaban na garong mga lion para sa saindang mga biktima.

11 Asin ini nangyaring naglipas na an mga katawohan ni Limhi nagpoon na padurulagon an mga Lamanita gikan sa atubangan ninda; alagad bako ngani sindang kabanga sa bilang nin mga Lamanita. Pero sinda nakilaban para sa saindang mga buhay, asin para sa saindang mga agom, asin para sa saindang mga kaarakian; kun kaya sinda naghingohang gayo para sa saindang mga sadire asin arog kan mga dragon sinda nakilaban.

An Simbahan ni Jesukristo nin Mga Banal sa Huring-aldaw 220
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

12 Asin ini nangyaring naglipas na saindang nanagboan an hade nin mga Lamanita na kairiba sa bilang nin mga gadan; alagad bako man nganing gadan, kundi may lugad sana asin pinabayaan sanang nakahandusay sa daga, grabe kadaling gayo an pangyayari kan saiyang mga katawohan.

13 Asin kinurua siya asin binugkusan an saiyang mga lugad, asin dinara siya sa atubangan ni Limhi, asin nagsabi: Hilnga, uya an hade kan mga Lamanita, siya na igwa nganin nin lugad nahulog na kairiba kan saindang mga gadan, asin sainda siyang binayaan; asin hilnga, samuya siyang dinara sa atubangan mo; asin ngonian gadanon ta siya.

14 Alagad si Limhi nagsabi sa sainda: Kamo dae maggadan saiya, pero darha siya digde na tanganing ako makahiling saiya. Asin saindang dinara siya. Asin si Limhi nagsabi sa saiya: Ano baya an dahilan ta kamo nagpasiring sa pakigiyera laban sa sakong mga katawohan? Hilnga, an sakuyang mga katawohan dae naggad nagbalga sa pangako na sakong ginibo sa saimo; kun kaya, tadaw baya ta saimong binalga an pangako na saimong ginibo sa atubangan kan sakuyang mga katawohan?

15 Asin ngonian an hade nagsabi: Ako nagbalga sa pangako nin huli ta an saimong mga katawohan dinurukot an kadaragahan kan sakuyang mga katawohan; kun kaya, sa sakong kaanggutan ako naghimo na an sakong mga katawohan nagpadigde sa pakigiyera laban sa saimong mga katawohan.

16 Asin ngonian si Limhi dae nakadangog manungod sa bagay na ini; kun kaya siya nagsabi: Ako maghahanap sa kairiba kan sakong mga katawohan asin an siisay man an nakagibo kan bagay na ini magagadan. Kun kaya siya naghimo nin sarong paghahanap na gigibohon sa kairibahan kan saiyang mga katawohan.

17 Ngonian kan si Gideon nakadangog kaining mga bagay, siya bilang kapitan nin hade, siya nagdulok asin nagsabi sa hade: Ako minahagad saimo ginagalangan, na dae mo paghanapan ining sakong mga katawohan, asin dae mo ipagpatong ining bagay na saindang kabasolan.

18 Nin huli ta dae mo daw nagiromdoman an mga kapadean kan saimong ama, na iyo an hinanap kan mga katawohang ini tanganing destrosohon? Asin bako daw na yaraon sinda sa kaparangan? Asin bako daw na iyo sinda an nagharabon kan mga kadaragahan nin mga Lamanita?

19 Asin ngonian, hilnga, asin sabiha sa hade an mga bagay na ini, na tanganing siya an magsabi sa saiyang mga katawohan na sinda puwedeng maghubya sa satuya; nin huli ta hilnga sinda nag-arandam na naman sa pag-atake laban satuya; asin hilnga man igawa na sana kitang kadikit na pag-iriba.

20 Asin hilnga, sinda mag-aatake na naman kairiba an kadakul na hukbo; asin laen lang kun an hade iyo an magpahubya sainda laban satuya kita magagadan.

21 Nin huli ta bako daw na an mga tataramon ni Abinadi nautob na, na saiyang pinagpropesiya laban sa satuya --- asin an gabos na ini nangyari nin huli ta dae kita nagdangog kan mga tataramon nin Kagurangnan, asin bayaan an satuyang mga kadaendatahan?

22 Asin ngonian satuyang pahubyaon an hade, asin satuyang utubon an pangako na satuyang ginibo sa saiya; nin huli ta marhay pa na kita magin yaon sa kauripnan kisa madadaog kita kan satuyang mga buhay; kun kaya, gibohon ta na matapos na an pagpapabulos nin grabeng dugo.

23 Asin ngonian si Limhi nagsabi sa hade kan gabos na mga gabay mapanungod sa saiyang ama, asin sa mga kapadean na nagdurulag pasiring sa kaparangan, asin ipinagsahot an pandukot kan saindang mga kadaragahan sa sainda.

24 Asin ini nangyaring naglipas na an hade nagpahubya laban sa saiyang mga katawohan; asin siya nagsabi sa sainda: Mag-iriba kita sa pagsabat sa sakuyang mga katawohan, na mayong darang mga armas; asin ako minasumpa sa saindo nin sarong pangako na an sakuyang mga katawohan dae mangagadan kan saimong mga katawohan.

25 Asin ini nangyaring naglipas na sinda nagsurunod sa hade, asin nagpasarabat na mayong darang mga armas sa mga Lamanita. Asin ini nangyaring naglipas na saindang naka-aratubangan an mga Lamanita; asin an hade man naggad kan mga Lamanita nagduko kan saiyang sadire sa atubangan ninda, asin naki-olay sa ngaran kan mga katawohan ni Limhi.

26 Asin kan an mga Lamanita nahiling an mga katawohan ni Limhi, na mayo sindang darang mga armas, sinda nagkaigwa nin pagkaherak sa sainda asin naghubya sa sainda, asin nagbaralik kairiba an saindang hade na matuninong pasiring sa saindang sadireng daga.

MOSIAH TSAPTER 21

An mga katawohan ni Limhi hinampak asin dinaog kan mga Lamanita --- Saindang nanagboan si Ammon asin napagbag-o --- Saindang sinabi ki Ammon an manungod sa beinte-kuwatrong lamina nin Jaredita.

Asin ini nangyaring naglipas na si Limhi asin an saiyang mga katawohan nagbalik sa siyudad nin Nephi, asin nagpoon sa pag-erok liwat sa daga na may katuninongan.

2 Asin ini nangyaring naglipas na pagkatapos nin kadakul na mga aldaw an mga Lamanita nagpoon naman giraray na magka-aranggot laban sa mga Nephita, asin sinda nagpoon na magpasiriring sa mga sagkudan kan daga sa palibot.

3 Ngonian sinda dae nanggagadan sainda, nin huli sa pangako na an saindang hade naghimo ki Limhi; alagad sainda sindang sinasampaling sa saindang mga pisngi, asin pinaggigibo an autoridad na mangingibabaw laban sainda; asin nagpoon na magbugtak nin magagabat na dadarahon sa ibabaw kan saindang mga likod, asin pinagbabasang-basang sinda na arog sa sarong daeng-girong na asno ---

4 Iyo, gabos ini nangyari na tanganing an tataramon nin Kagurangnan puwedeng mauutob.

5 Asin ngonian an mga kasakitan kan mga Nephita dakulang gayo, asin mayong paagi na sinda makakaligtas pa kan saindang mga sadire paluwas sa saindang mga kamot, nin huli ta an mga Lamanita nakapalibot na sainda sa kada parte.

6 Asin ini nangyaring naglipas na an mga tawo nagpoon na paggugurumod-gumod laban sa hade nin huli sa saindang mga kasakitan; asin sinda nagpoon na magmamawot na makilaban sa sainda sa giyera. Asin sainda man naggad napasakitang gayo an hade kan saindang mga reklamo; kun kaya siya nagtugot sa sainda na dapat nindang gibohon an

An Simbahan ni Jesukristo nin Mga Banal sa Huring-aldaw

222

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

uyon sa saindang mga kamawotan.

7 Asin sinda nagkatiripon-tipon kan saindang mga sadire na nagkasararo giraray, asin nagsul-ot kan saindang mga baluti, asin nakilaban sa mga Lamanita tanganing paharaleon sinda paluwas sa saindang daga.

8 Asin ini nangyaring naglipas na an mga Lamanita an nakadaog sainda, asin nagtulak sainda pabalik, asin nakagadan nin kadakul sainda.

9 Asin ngonian nagkaigwa nin dakulang kamondoan asin pagtatangis sa kairibahan nin mga katawohan ni Limhi, an balang babae nagmumundo para sa saiyang agom, an akeng lalake asin an akeng babae nagmumundo para sa saindang ama, asin an mga tugang na lalake para sa saindang mga katugangan.

10 Ngonian nagkaigwa nin kadakul na mga balong babae sa daga, asin sinda makusog na nagtatarangis sa aro-aldaw, nin huli ta sarong dakulang pagkatakot sa mga Lamanita an namamatean ninda.

11 Asin ini nangyaring naglipas na an saindang padagos na mga pagtatangis iyo an nakapagpapukaw sa katadaan na mga katawohan ni Limhi na magka-aranggot laban sa mga Lamanita; asin sinda giraray nakigiyera, alagad sinda nagbaralik man giraray, nag nagsapo nin grabeng kadaogan.

12 Iyo, sinda nakilaban giraray sa ikatulong pagkakataon, asin nagsapo nin kaparehong pagkadaog; asin sinda na dae nakagaradan nagbaralik giraray sa siyudad nin Nephi.

13 Asin sinda nagpakumbabang gayo sa saindang mga sadire magin sa kaabtan nin alpog, ipinapatunod an saindang mga sadire sa pasanon nin pagkauripon, ipinagdudulot an saindang mga sadire na tanganing pagparapakulgan, asin tanganing pagparatulakon padigde asin paduman, asin pinapagabatan, uyon sa mga kagustuhan kan saindang mga kalaban.

14 Asin sinda nagpakubabang gayo sa saindang mga sadire magin sa bot nin mga kairaroman nin pagkapakumbabaan; asin sinda makusugon na nagtatangis sa Diyos; iyo, magin sa bilog na lawig nin aldaw sinda nagtatangis sa saindang Diyos na tanganing saiya sindang ililigtas paluwas sa saindang mga makuniot na kasakitan.

15 Asin ngonian an Kagurangnan nagluya sa pagdangog kan saindang pagtatangis nin huli kan saindang mga kadaendatahan; daeng pagkukulang na an Kagurangnan nakadangog kan saindang mga tangis, asin nagpoon na palumuyon an mga puso nin mga Lamanita na sinda nagpoon na pagianon an saindang mga kagabatan; alagad an Kagurangnan dae pa nahihiling na sinda maninigo na pahawason paluwas sa kauripnan.

16 Asin ini nangyaring naglipas na nagpoon sindang padikit-dikit na mag-assenso sa kadagaan, asin nagpoon sindang mangataman nin haros kadakul nang gayong mga banhi, asin mga kakarnerohan, asin mga kabakahan, na sinda dae nagtitios nin pagkagutom.

17 Ngonian nagkaigwa nin sarong dakulang bilang nin mga kababaehan, na mas sobra pa kesa mga kalalakehan; kun kaya si hadeng Limhi nagsugo sa lambang lalake na dapat sindang magheras tanganing isuporta sa mga balo asin sa saindang mga kaarakian, na tanganing dae sinda magkakagaradan sa pagkagutom; asin ini saindang ginibo nin huli sa kadakul na gayong bilang sainda an nagkagaradan.

18 Ngonian an mga katawohan ni Limhi pirmeng nakakatiripon-tipon na garo sarong hawak sa haros posibleng pagkakataon, asin saindang binabantayan an saindang mga banhi asin an saindang mga kakarnerohan;

19 Asin an hade mismo sa saiyang sadire dae nagtiwala sa saiyang kakayahan sa luwas

kan mga dingding nin siyudad, laen lang kun siya may dara-darang mga guwardiya niya, natatakot na baka siya sa anuman na paagi puwedeng mahulog sa mga kamot kan mga Lamanita.

20 Asin siya naghimo na an saiyang mga katawohan kaipuhan na magbantay sa palibot nin kadagaan, na baka sa anuman na pagkakataon saindang masumpungan, na iyo an nagdurukot sa mga kadaragahan kan mga Lamanita, asin ta iyo ngani an nagkausa sa sarong labi-labing kadestrosohan na nag-abot sa sainda.

21 Nin huli ta sinda may kamawotan na madakop sinda na tanganing puwede nindang mapadusahan sinda; nin huli ta sinda minapaduman sa kadagaan nin Nephi kun banggi, asin hinahabon an saindang banhi asin kadakul na saindang mga mahahalagang mga bagay; kun kaya sinda nagbabantay na naghahalat sa sainda.

22 Asin ini nangyaring naglipas na mayo na nin kadisturbuhan sa tahaw kan mga Lamanita asin sa mga katawohan ni Limhi, maskin hanggan sa panahon na sinda Ammon asin an saiyang mga katugangan nag-arabot sa kadagaan.

23 Asin an hade habang yaon sa luwas kan mga trangkahan nin siyudad na kairiba an saiyang mga guwardiya, iyo an nakadiskubre kina Ammon asin sa saiyang mga katugangan; asin naghuhuna sainda na iyo an mga kapadean ni Noah kun kaya siya nagsugo na sinda darakupon, asin garapuson, asin ikunkon sa prisohan. Asin kun sinda kuta na an mga kapadean nin Noah saiya na kuta nang ipinagsugo na sinda gagaradanon.

24 Alagan kan saiyang napag-araman na sinda bako man, alagad ta sinda saiyang mga katugangan, asin ta sinda naggikan sa kadagaan nin Zarahemla; siya napano nin grabeng gayong kaogmahan.

25 Ngonian si hadeng Limhi nakapagpadara na, bago pa man an pag-arabot ni Ammon, sarong sadit na bilang nin mga tawo tanganing paghanapon an kadagaan nin Zarahemla; pero sinda dae nakapanagb kaini, asin sinda nagkawarara sa kaparangan.

26 Sa daeng pagkukulang, sinda nakanagbo nin sarong kadagaan na pinag-eerokan nin mga katawohan; iyo, sarong kadagaan na pinaghutadan nin mga alang na tulang; iyo, sarong kadagaan na pinag-eerokan nin mga tawo asin man nagkaderestroso; asin sinda, naghuna na iyo na idto an kadagaan nin Zarahemla, nagbaralik na sana sa kadagaan nin Nephi, habang nakaabot sa mga kasagkoran nin kadagaan sa dae pa kadakul na mga aldaw bago pa man an pag-arabot ni Ammon.

27 Asin sinda may dara-darang sarong rekord sa pag-iriba ninda, magin sarong talaan nin mga katawohan na an mga tulang saindang nanagboan; asin idto pinag-ukit sa mga lamina nin inang-mina.

28 Asin ngonian si Limhi giraray napano nin kaogmahan kan makaaram gikan mism sa nguso ni Ammon na si hadeng Mosiah nagkaigwa nin sarong regalo gikan sa Diyos, kun saen siya puwedeng mag-interpretar kaining mga nagka-urukit; iyo, asin si Ammon man naogma.

29 Pero si Ammon asin an saiyang mga katugangan napano nin kamondoan nin huli sa kadakul sa saindang mga katugangan an nagkagaradan;

30 Asin man na si hadeng Noah asin an saiyang mga kapadean naghimo na an mga katawohan makagibo nin kadakul na mga kasalanan asin mga kadaendataan laban sa Diyos; asin sinda man nagmundo para sa pagkagadan ni Abinadi; asin man para sa paghale ni Alma asin an mga katawohan na nagharale kaiba niya, na iyo an nagporma nin sarong simbahan nin Diyos sa paagi nin kusog asin kapangyarihan nin Diyos, asin sa

pagtubod kan mga tataramon na pinagtaram ni Abinadi.

31 Iyo, sinda man naggad nagmundo para sa saindang pagharale, nin huli ta dae ninda aram kun saen sinda mapasiring. Ngonian sinda may pagkaogma kuta nang makibale sa sinda, nin huli ta sinda man sa saindang mga sadire naglaog sa sarong tipan nin Diyos na magsirbe saiya asin magsusunod sa saiyang mga kasugoan.

32 Asin ngonian magpoon kan pag-abot ni Amoon, si hadeng Limhi naglaog man sa sarong tipan sa Diyos, asin man an kadakul niyang mga katawohan, na magsisirbe saiya asin magsusunod kan saiyang mga kasugoan.

33 Asin ini nangyaring naglipas na si hadeng Limhi asin an kadakul niyang mga katawohan nagmawot na sinda mabunyagan; alagad mayo ni sarong sa kadagaang idto na may autoridad na gikan sa Diyos. Asin si Ammon nagsayuma na gibohon an bagay na ini, na sa paghiling kan saiyang sadire na bako siyang sarong maninigong tagapagsirbe.

34 Kun kaya sinda sa panahon na idto dae nagporma sa saindang mga sadire na magin sarong simbahan, na naghahalat sa pag-abot kan Espiritu nin Kagurangnan. Ngonian sinda nagmamawot na magin arog ki Alma asin kan saiyang mga katugangan, na nagdurulag pasiriring sa kaparangan.

35 Sinda nagmamawot na mabunyagan bilang sarong saksi asin sarong testimonya na sinda bilog an boot na masirbe sa Diyos sa bilog nindang mga puso; mayong pagkukulang na sinda an nagpalawig kan panahon; asin an rekord kan saindang pagpapabunyag itatao pagkatapos kaining mga minasurunod.

36 Asin ngonian an gabos na pag-aadal ni Ammon asin kan saiyang mga katawohan, asin ni hadeng Limhi asin kan saiyang mga katawohan, asin ni hadeng Limhi asin kan saiyang mga katawohan, iyo, na kun pano ninda maililigtas an saindang mga sadire gikan sa mga kamot kan mga Lamanita asin gikan sa kauripnan.

MOSIAH TSAPTER 22

May mga planong giniribo na tanganing an mga katawohan maka-eskapo gikan sa kauripnan nin mga Lamanita --- Ang mga Lamanita binururat --- An mga katawohan naka-eskapo, nagbaralik sa Zarahemla, asin nagin sakop ni Hadeng Mosiah.

Asin ngonian ini nangyaring naglipas na si Ammon asin si hadeng Limhi nagpoon makikunsulta sa mga katawohan kun pano sinda dapat makaligtas kan saindang mga sadire paluwas sa pagka-uripon; asin sinda mismong ginibo na an gabos na mga katawohan dapat na magkasararong magtiripon-tipon kan saindang mga sadire; asin ini saindang ginibo na tanganing saindang makukua an boses nin mga katawohan manungod kaining bagay.

2 Asin ini nangyaring naglipas na sinda dae nakahanap nin paagi na mailigtas ninda an saindang mga sadire paluwas sa pagka-uripon, laen lang an bagay na saindang dararahon an saindang mga kababaehan asin mga kaakian, asin an saindang mga karnero, asin an saindang mga kabakahan, asin an saindang mga tolda, asin magharale pasiriring sa kaparangan; nin huli ta an mga Lamanita sa kadakulan kan bilang, magin imposibleng

An Simbahan ni Jesukristo nin Mga Banal sa Huring-aldaw

225

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

gayo para sa mga katawohan ni Limhi na makipaglaban sinda, sa pag-isip na iligtas an saindang mga sadire paluwas sa kauripnan sa paagi nin espada.

3 Ngonian ini nangyaring naglipas na si Gideon naglakaw asin nagtindog sa atubangan nin hade, asin nagsabi sa saiya: Ngonian O hade, ika na maski kaidto nagdangog kan sakuyang mga tataramon sa kadakul na pagkakataon kan kita nakikipaglabanan pa sa satuyang mga katugangan, an mga Lamanita.

4 Asin ngonian O hade, kun ika kaidto dae nakanagbo sakuya na sarong daeng pakinabang na tagapagsirbe, O kun ika magpoon ngonian magdangog sa sakuyang mga tataramon sa pagkakataon na ini, asin ako magigin saimong tagapagsirbe asin magligtas kaining mga katawohan paluwas sa pagka-uripon.

5 Asin an hade nagtugot sa saiya na siya puwedeng makapagtaram. Asin si Gideon nagsabi sa saiya:

6 Hilnga an likod na agihan, paluwas sa may likod nin dingding, sa may likod na parte kan siyudad. Ang mga Lamanita, o mga guwardiya kan mga Lamanita, na kun banggi bururat; kun kaya ipaabot nyato sa mga katawohan na ini na saindang tiripon-tiponon na magkasararo an saindang mga karnero asin mga kabakahan, na saindang alawon sinda na magpasiriring sa kaparangan kun banggi na.

7 Asin ako mapaduman uyon sa saimong kabutan asin magbayad kan huring buwis na arak sa mga Lamanita, asin sinda бага magigin mga burat; asin kita mag-aragi sa tagong agihan sa may walang parte kan saindang kampo sa pagkakataon na sinda bururat asin tururog na.

8 Kaya maralarga kita kairiba an satuyang mga kababaehan asin an satuyang mga kaarakian, an satuyang mga kakarneroan, an satuyang mga kabakahan pasiring sa kaparangan; asin kita maglalakaw sa palibot nin kadagaan nin Shilom.

9 Asin ini nangyaring naglipas na an hade nagdangog sa mga tataramon ni Gideon.

10 Asin si hadeng Limhi nagsugo na an saiyang mga katawohan kaipuhan na tiriponon an saindang mga kakarneroan na magkasararo; asin saiyang ipinadara an buwis na arak sa mga Lamanita; asin siya man nagpadara nin grabe pang arak, bilang sarong regalo para sinda; asin sinda nag-irinom nin libre kan arak na si hadeng Limhi iyo an nagpadara sa sinda.

11 Asin ini nangyaring naglipas na an mga katawohan ni hadeng Limhi nagralarga pagkabanggi pasiring sa kaparangan kairiba an saindang mga kakarneroan asin an saindang mga kabakahan, asin sinda nagparalakaw sa palibot kan daga nin Shilom sa kaparangan, asin nagsiko kan saindang direksiyon paduman sa daga nin Zarahemla, na pinangengenotan ni Ammon asin kan saiyang mga katugangan.

12 Asin saindang dinarara an gabos nindang mga bulawan, asin mga plata, asin an saindang mga mahalagang bagay, na puwede nindang madara, asin an saindang mga pagkakan na para sinda, pasiring sa kaparangan; asin sinda nagpadagos sa saindang paglakbay.

13 Asin naglipas nin kadakul na mga aldaw na yaon sa kaparangan sinda nakaabot sa daga nin Zarahemla, asin nagbale sa mga katawohan ni Mosiah, asin nagin saiyang mga nasasakupan.

14 Asin ini nangyaring naglipas na si Mosiah nag-ako sinda na may kaogmahan; asin siya man na naresibe an saindang mga rekord, asin man an mga talaan na nanagboan kan mga katawohan ni Limhi.

15 Asin ngonian ini nangyaring naglipas na kan an mga Lamanita nakaaram na an mga katawohan ni Limhi nakaralarga na paluwas sa kadagaan sa paagi nin banggi, na saindang ipinadara an sarong hukbo pasiring sa kaparangan na tanganing ralamagon sinda;

16 Asin pagkatapos na sinda nagralamag sinda nin duwang aldaw, sinda dae na naggad nakasunod kan saindang mga pinag-aragihan; kun kaya, sinda nagkawarara sa kaparangan.

MOSIAH TSAPTER 23

Sarong kasaysayan manungod ki Alma asin kan mga katawohan nin Kagurangnan; na napaharale pasiring sa kaparangan kan mga katawohan ni hadeng Noah. Kumponido kan mga Mosiah Tsapter 23 asin 24.

Si Alma Nagsayuma na magin hade --- Siya nagsirbe bilang halangkaw na pade --- An Kagurangnan nagpadusa sa saiyang mga katawohan, asin an mga Lamanita sinakop an kadagaan nin Helam --- Amulon, lider kan mga mararaot na kapadean ni Hadeng Noah, naghade bilang tagasunod kan monarkiya nin Lamanita.

Ngonian si Alma, na pinatanidan nin Kagurangnan na an mga hukbo ni hadeng Noah pasiriring sa sinda, asin ta saiyang ipinaaram sa saiyang mga katawohan, kun kaya saindang tiniripon na magkasararo an saindang mga kakarnerohan, asin dinarara an saindang bagas, asin nagralarga pasiring sa kaparangan bago pa man mag-abot an mga hukbo ni hadeng Noah.

2 Asin an Kagurangnan an nagpakusog sa sinda, na tanganing an mga katawohan ni hadeng Noah dae makaabot sinda tanganing pagdestrosohon sinda.

3 Asin sinda nagdurulag nin walong aldaw na pagralakbay pasiring sa kaparangan.

4 Asin sinda nakaabot sa sarong kadagaan, iyo, magin sarong gayong magayon asin marahay-rahay na kadagaan, sarong kadagaan nin purong tubig.

5 Asin saindang itinurugdok an saindang mga tolda, asin nagpoon sa pagbungkal nin daga, asin nagpoon na magturugdok nin mga pagharongon; iyo, sinda mahihigos, asin nagtrabahong gayo.

6 Asin an mga katawohan nagmarawot na si Alma an dapat nindang magin hade, nin huli ta siya namumutan kan saiyang mga katawohan.

7 Alagad siya nagsabi sinda: Hilnga, ini bakong kapakinabangan na kita magkaigwa nin sarong hade; nin huli ta kaya nagsabi an Kagurangnan: Kamo dae maghimo na an sarong laman mangingibabaw sa iba, o an sarong tawo dae dapat mag-isip na an saiyang sadire

halangkaw sa iba; kun kaya ako nagsasabi saindo na ini bakong kapakinabangan na kamo dapat na may sarong hade.

8 Daeng pagkukulang, kun ini sarong posible na kamo pirmeng magkaigwa nin mga hustong mga tawo na tanganing magin saindong mga hade ini naggad marhay para saindo na magkaigwa nin sarong hade.

9 Alagad giromdoma na an kadaendatahan ni hadeng Noah asin kan saiyang mga kapadean; asin ako mismo sa sakuyang sadire nadakop sa sarong patibong, asin nakagibo nin kadakul na mga bagay na karaksutan sa paghilingon nin Kagurangnan, na iyo an nagkausa sakuya nin mapait na pagsosolsol;

10 Daeng pagkukulang, pagkatapos nin grabeng pagsubok, an Kagurangnan nadangog an sakuyang pagtatangis, asin sinimbag an sakuyang mga pangadye, asin ginibo akong sarong instrumento sa saiyang mga kamot sa pagdara sa kadakul na gayo saindo pasiring sa sarong kaaraman kan saiyang katotoohan.

11 Daeng pagkukulang, dahil kaini ako dae nagpamuraway, nin huli ta ako bakong maninigo na magpamuray, nin huli ta ako bakong maninigo na magpamuraway kan sakong sadire.

12 Asin ngonian ako nagsasabi sa saindo, kamo pinasakitang gayo ni hadeng Noah, asin nagin yaon sa kauripnan sa saiya asin kan saiyang mga kapadean, asin pinaghikayat ninda pasiring sa kadaendatahan; kun kaya kamo ginapos nin mga lubid nin kadaendatahan.

13 Asin ngonian habang kamo pinagligtas sa paagi kan kapangyarihan nin Diyos paluwas kaining mga bugkos; iyo, magin paluwas sa mga kamot ni hadeng Noah asin kan saiyang mga katawohan, asin man gikan sa mga bugkos nin kadaendatahan, maski na ngani kaini ako nagmamawot na kamo dapat na magtindog nin pusog kaining libertad kun saen kamo ginibong ligtas, asin na kamo dae magtiwala sa kiisay mang tawo na magin sarong hade na mangingibabaw saindo.

14 Asin man dae kamo magtiwala sa kiisay man na magin nindong paratukdo ni saindong ministro, laen lang kun siya magin sarong tawo nin Diyos, naglalakaw sa saiyang mga dalan asin nagsusunod kan saiyang mga kasugoan.

15 Kaya arog kaini si Alma na nagtutukdo sa saiyang mga katawohan, na an lambang tawo dapat na mamuot sa saiyang kataid arog sa saiyang sadire, na dapat daeng pag-iiriwal-iwal sa kairibahan ninda.

16 Asin ngonian, si Alma iyo an saindang halangkaw na pade, siya bilang iyo an pundador kan saindang simbahan.

17 Asin ini nangyaring naglipas na mayong nagresibe nin autoridad na magbabalangibog o magtukdo laen lang kun ini sa paagi niya gikan sa Diyos. Kun kaya saiyang pinagkonsagra an gabos nindang mga kapadean asin an gabos nindang mga paratukdo; asin mayong pinagkonsagra laen lang kun sinda naggad hustong mga tawo.

18 Kun kaya sinda naggad iyo an nagbabantay sa saindang mga katawohan, asin naggibong pangataman sinda nin mga bagay mapanungod sa katanosan.

19 Asin ini nangyaring naglipas na sinda nagpoon sa pag-asenso nin grabeng gayo sa kadagaan; asin saindang pinag-apud an kadagaan na idto nin Helam.

20 Asin ini nangyaring naglipas na sinda nagparadakul asin nag-asensong grabe sa kadagaan nin Helam; asin sinda nagtugdok nin sarong siyudad, na saindang inapud na siyudad nin Helam.

21 Daeng pagkukulang an Kagurangnan nahiling na maninigo na pakulan an saiyang mga

katawohan; iyo, saiyang pinagprobaran an saindang pasensiya asin an saindang pagtubod.
22 Daeng pagkukulang – an siisay man nagpamugtak kan saindang pagtubod sa saiya iyo man itataas sa huring aldaw. Iyo, asin kaya iyo idto an nangyari sa saiyang mga katawohan.

23 Nin huli ta hilnga, ako may ipahiling saindo na sinda ipinadara pasiring sa kauripnan, asin mayong puwedeng magligtas sainda kundi an Kagurangnan saindang Diyos, iyo, magin an Diyos ni Abraham asin Isaac asin ni Jacob.

24 Asin ini nangyaring naglipas na siya man nanggad an nagligtas sainda, asin saiya man nanggad ipinahiling an saiyang makusugon na kapangyarihan sa sainda, asin dakulang gayo an nagin saindang mga kaogmahan.

25 Nin huli ta hilnga, ini nangyaring naglipas na habang yaon sinda sa kadagaan nin Helam, iyo, sa laog kan siyudad nin Helam, habang nagbubungkal nin daga sa palibot, hilnga sarong hukbo nin mga Lamanita an yaon sa mga sagkodaan nin kadagaan.

26 Ngonian ini nangyaring naglipas na an mga katugangan ni Alma nagdurulag gikan sa saindang mga kaomahan, asin tiniripon an saindang mga sadire na magkasararo sa laog kan siyudad nin Helam; asin sinda grabeng gayo an katakutan nin sa mga panghitsuahon kan mga Lamanita.

27 Pero si Alma naglakaw asin nagtindog sa kairibahan ninda, asin nagpagiromdom sainda na sinda dae dapat na magkatarakot, kundi dapat maggiromdom sa Kagurangnan saindang Diyos asin saiyang ililigtas sinda.

28 Kun kaya saindang ipinaghangos paluwas an saindang mga pagkatakot, asin nagpoon sa pagkurahaw panungod sa Kagurangnan na saiyang pagpalumuyon an mga puso nin mga Lamanita, na saindang paligtason sinda, asin an saindang mga agom, asin an saindang mga kaarakian.

29 Asin ini nangyaring naglipas na an Kagurangnan pinalumoy an mga puso nin mga Lamanita. Asin si Alma asin an saiyang mga katugangan nagruluwas asin ipinahunod an saindang mga sadire pasiring sa saindang mga kamot; asin an mga Lamanita iyo an nagsadire kan kadagaan nin Helam.

30 Ngonian an mga hukbo nin mga Lamanita, na naghaharanap kan mga katawohan ni hadeng Limhi, nagkawarara sa kaparangan sa kadakul na mga aldaw.

31 Asin hilnga, saindang nanagboan idtong mga kapadean ni hadeng Noah, sa sarong lugar na saindang inapud na Amulon; asin sinda nagpoon na sadirehon an daga nin Amulon asin nagpoon na magbungkal nin daga.

32 Ngonian an pangaran kan pamayo kaidtong mga kapadean iyo si Amulon.

33 Asin ini nangyaring naglipas na si Amulon nakimaherak sa mga Lamanita; asin sainda man ipinadara an saindang mga agom, na dating kadaragahan kan mga Lamanita, sa pagmakimaherak sa saindang mga katugangan, na dae pagdestrosohon an saindang mga agom.

34 Asin an mga Lamanita nagkaigwa nin pagkaherak ki Amulon asin sa saiyang mga katugangan, asin dae pinagdestroso sinda, nin huli kan saindang mga agom.

35 Asin si Amulon asin an saiyang mga katugangan nakipagsaro na sa mga Lamanita, asin sinda nagralakbay sa kaparangan sa paghanap kan daga nin Nephi kan saindang madiskubre an daga nin Helam, na pinagsadirehan ni Alma asin kan saiyang mga katugangan.

36 Asin ini nangyaring naglipas na an mga Lamanita nagpangako ki Alma asin sa saiyang

mga katugangan, na kun saindang maitukdo an dalan na magpapasiring sa kadagaan nin Nephi saindang ipapaubaya sainda an saindang mga buhay asin an saindang libertad.
37 Alagad pagkatapos ni Alma maitukdo sainda an dalan na pasiringon sa kadagaan nin Nephi an mga Lamanita habong mag-utob kan saindang pangako; kundi sinda nagbugtak nin mga guwardiya sa palibot kan kadagaan nin Helam, na magbabantay ki Alma asin kan saiyang mga katugangan.

38 Asin an katadaang iba sa sainda nagralakbay pasiring sa kadagaan nin Nephi; asin sarong parte man sainda an nagpasiring sa kadagaan nin Helam, asin man dinarara kairiba ninda an mga agom asin mga kaarakian kan mga guwardiya na ipinawalat sa kadagaang idto.

39 Asin an hade nin mga Lamanita ipinatao ki Amulon na siya dapat an magin hade asin tagapamayo na mangingibabaw sa saiyang mga katawohan, na yaraon sa kadagaan nin Helam; daeng pagkukulang na siya dapat mayong kapangyarihan na gumibo nin anuman na bagay kontra sa kagustuhan kan hade nin mga Lamanita.

MOSIAH TSAPTER 24

Si Amulon an nagpursige ki Alma asin sa saiyang mga katawohan --- Sinda gagaradanon kun sinda mangangadye --- An Kagurangnan naghimo na an saindang mga papasanon magin magianon --- Saiya sindang pinagligtas gikan sa pagka-uripon, asin sinda nagbaralik sa Zarahemla.

Asin ini nangyaring naglipas na si Amulon nakakua nin pabor sa mga mata kan hade nin mga Lamanita; kun kaya, an hade nin mga Lamanita nagtao nin pagtugot sa saiya asin sa saiyang mga katugangan na sinda dapat na magin mga patatukdo sa saiyang mga katawohan, iyo, magin iyo an mangingibabaw sa mga katawohan na yaraon sa kadagaan nin Shemlon, asin sa kadagaan nin Shilom, asin sa kadagaan nin Amulon.

2 Nin huli ta an mga Lamanita iyo an nag-akong pagsadirehon an gabos na ining mga kadagaan; kun kaya, an hade nin mga Lamanita nagbugtak nin mga hade na mangingibabaw sa gabos kaining mga kadagaan.

3 Asin ngonian an pangaran kan hade nin mga Lamanita, Laman, na hinango sa pangaran kan saiyang ama; asin kun kaya siya inapud na hadeng Laman. Asin siya an hade na mangingibabaw sa kadakul na bilang na mga katawohan.

4 Asin siya nagngaran nin mga paratukdo sa mga katugangan ni Amulon sa kada kadagaan na pagsasadire kan saiyang mga katawohan; asin kaya an lenguwahe ni Nephi nagpoon ipinagtutukdo sa kairibahan kan gabos na mga katawohan kan mga Lamanita.

5 Asin sinda an sarong katawohan na mainamigohon an saro sa lambang saro; daeng pagkukulang na sinda dae nakakamidbid sa Diyos; ni an mga katugangan ni Amulon nagtukdo sainda nin anuman na bagay mapanungod sa Kagurangnan saindang Diyos, ni sa ley ni Moises; ni itukdo sainda an mga tataramon ni Abinadi;

6 Pero sinda nagtutukdo sainda na kaipuhan nindang magtago nin talaan, asin na sinda baka puwedeng magsurat sa saro sa lambang saro.

An Simbahan ni Jesukristo nin Mga Banal sa Huring-aldaw 230
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Asin kaya an mga Lamanita nagpoon sa magdaragdag sa mga kayamanan, asin nagpoon na makipagnegosyo an sarong lambang sarong asin nagdakul na gayo, asin nagpoon na nagin matuso asin sarong madudunong na mga katawohan, arog kan kadunungan nin kinaban, iyo, sarong pambihira na gayong mga katawohan, na naoogma sa gabos na manerang karigsokan asin panhahabon, laen lang kun ini nangyari sana sa kairibahan man nindang mga katugangan.

8 Asin ngonian ini nangyaring naglipas na si Amulon nagpoon na maggibo na may autoridad na nangingibabaw ki Alma asin sa saiyang mga katugangan, asin nagpoon na persigeron sinda, asin nagtugot na an saiyang mga kaarakian dapat na magpersige man kan saindang mga kaarakian.

9 Nin huli ta si Amulon mismo nakakabisto ki Alma, na siya nagin sarong sa mga kapadean kan hade, asin ta siya sana an nagtubod sa mga tataramon ni Abinadi asin pinalayas paluwas sa atubangan kan hade, asin kun kaya siy anggot sa saiya; nin huli ta siya nagin sakop ni hadeng Laman, alagad siya naggigibong may autoridad na nangingibabaw sa sinda, asin iyo an nagbubugtak nin mga gibohon sa sinda, asin nagbugtak nin mga among tagapaglingkod na nangingibabaw sinda.

10 Asin ini nangyaring naglipas na grabeng gayo an saindang mga kasakitan na sinda nagpoon na magkururahaw nin makusog sa Diyos.

11 Asin si Amulon nagsugo sinda na sinda dapat na mag-untok sa saindang mga pagkukurahaw asin siya nagbugtak nin mga bantay na nangingibabaw sinda na tanganing magmamasid sinda, na an siisay man na managboan na nag-aapud sa Dios dapat na gagadanon.

12 Asin Alma asin an saiyang mga katawohan dae pinalangkaw an saindang mga boses sa Kagurangnan saindang Diyos, pero naggibong bolanos na pabuluson an saindang mga puso saiyang; asin siya man naggad nakaaram sa mga kaisipan kan saindang mga puso.

13 Asin ini nangyaring naglipas na an boses nin Kagurangnan nag-abot sinda sa saindang mga kasakitan, na nagsasabi: Ipaglangkaw nindo an saindang mga payo asin magkaigwa nin marhay na kalingaan, nin huli ta Ako nakaaram kan tipan na saindang ginibo sa sakuya; asin Ako nakikipagtipan sa sakuyang mga katawohan asin ililigtas ko sinda paluwas sa pagka-uripon.

14 Asin Ako an magpapagian kan mga pasanon na ibinugtak sa ibabaw kan saindang mga abaga, na magin dae nindo mamatean an mga ini sa ibabaw kan saindang mga likod, maski na ngani kamo yaon pa sa kauripnan; asin ini sakong gigibohon na tanganing kamo magtitindog bilang mga testigo para sakuya ngonian asin sa paabuton, asin ta kamo puwedeng makaaram na may kaseguruhan na Ako, an Kagurangnan Diyos, naghihimong bisitahon an sakuyang mga katawohan sa saindang mga kasakitan.

15 Asin ngonian ini nangyaring naglipas na an mga pasanon na ipinatong kina Alma asin sa saiyang mga katugangan nahimong magian; iyo, an Kagurangnan naghimong mapakusog sinda na tanganing saindang madadara an saindang mga pasanon na may kaganaan, asin sinda nagpahinunod na may kaogmahan asin may kapasensiyahan sa bilog na kagustuhan nin Kagurangnan.

16 Asin ini nangyaring naglipas na grabeng gayo an saindang pagtubod asin an saindang pasensiya na an boses nin Kagurangnan nag-abot sa sinda giraray, na nagsasabi: Magkaigwa kamo nin marhay na kalingaan, nin huli ta sa pagkaaga Ako an magliligtas sinda paluwas sa pagka-uripon.

17 Asin siya nagsabi ki Alma: Mangenotan ka sa atubang kaining mga katawohan, asin Ako maglalakaw kaiba mo asin magliligtas kaining mga katawohan paluwas sa pagkauripon.

18 Ngonian ini nangyaring naglipas na si Alma asin an saiyang mga katawohan kun banggi pinagtitiyon-tiyon an saindang mga kakarnerohan na magkasararo, asin man an saindang bagas; iyo, magin sa bilog na pagkabanggi sinda nagtitiripon-tiyon kan saindang mga kakarnerohan na magkasararo.

19 Asin sa pagkaaga an Kagurangnan naghimo nin sarong hararom na pagturog na nag-abot sa mga Lamanita, iyo, asin an gabos nindang among na tagapaglingkod yaraon sa sarong nanok na pagturog.

20 Asin si Alma asin an saiyang mga katawohan nagharale pasiring sa kaparangan; asin kan sinda nakapagralakaw na sa bilog na aldaw sinda nagpatindog kan saindang mga tolda sa sarong buro-bukid, asin saindang inapud an buro-bukid na Alma, nin huli ta saiyang pinangenotan an saindang dalan sa kaparangan.

21 Iyo, asin sa buro-bukid nin Alma sinda nagpabulos paluwas kan saindang mga pasasalamat sa Diyos nin huli ta siya nagin pano nin pagkaherak sa sinda, asin iyo an nagpagian kan saindang mga pasanon, asin iyo an nagligtas sinda paluwas sa kauripnan; nin huli ta sinda yaon kaidto sa pagka-uripon, asin mayong ibang makakaligtas sinda kundi ini iyo sana an Kagurangnan saindang Diyos.

22 Asin sinda nagtara-o nin mga pasasalamat sa Diyos, iyo, an gabos nindang mga tawo asin an gabos nindang mga kababaehan asin an gabos nindang mga kaarakian na nakapagtaram ipinag-itaas an saindang boses sa mga pag-oomaw sa saindang Diyos.

23 Asin ngonian an Kagurangnan nagsabi ki Alma: Maghidale ka asin daraha an sadire mo asin an mga katawohan ini paluwas sa dagang ini, nin huli ta ang mga Lamanita nagimata na asin nagraralamag na saindo; kun kaya daraha an saindong mga sadire paluwas sa dagang ini, asin ako an magpapa-untok sa mga Lamanita sa buro-bukid na ini na tanganing dae na sinda makaabot sa paglamag kaining mga katawohan.

24 Asin ini nangyaring naglipas na sinda nagharale paluwas sa buro-bukid, asin nagralakaw sinda pasiring sa kaparangan.

25 Asin pagkatapos na yaraon sinda sa kaparangan sa laog nin doseng aldaw sinda nakaabot sa kadagaan nin Zarahemla; asin si hadeng Mosiah iyo man an nagtanggap sinda na may kaogmahan.

MOSIAH TSAPTER 25

Ang mga katawohan (Mga Mulekita) nin Zarahemla nagin mga Nephita --- Saindang naaraman an mga katawohan ni Alma asin ni Zeniff --- Si Alma an nagbunyag ki Limhi asin sa gabos nyang mga katawohan --- Si Mosiah nagtao nin autoridad ki Alma na organisaron an Simbahan nin Diyos.

Asin ngonian si hadeng Mosiah naghimo na an gabos na mga katawohan dapat na magkatiripon-tiyon na magkasararo.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

2 Ngonian bakong kadakul na gayo an mga kaarakian nin Nephi, o kadakul na gayo sa sainda na mga kapag-arakian nin Nephi, na arog man kan mga katawohan nin Zarahemla, na mga kapag-arakian ni Mulek, asin idtong nag-iriba saiya pasiring sa kaparangan.

3 Asin bakong kadakul na gayo an mga katawohan nin Nephi asin kan mga katawohan nin Zarahemla na arog kan mga Lamanita; iyo, sinda dae nganing gayo nangabangaan an numero.

4 Asin ngonian an gabos na mga katawohan nin Nephi nagkasararo nang nagkatiripon-tipon, asin man an gabos na mga katawohan nin Zarahemla, asin sinda nagkatiripon-tipon na nagkasararo sa duwang grupo.

5 Asin ini nangyaring naglipas na si Mosiah nagbasa, asin naghimong magbabasa, kan mga talaan ni Zeniff sa saiya mga katawohan; iyo, saiya binasa an mga talaan kan mga katawohan ni Zeniff, gikan sa panahon na sinda nagharale sa daga nin Zarahemla hanggan sinda nagbaralik giraray.

6 Asin saiya mang binasa an kasaysayan ni Alma asin kan saiya mga katawohan, asin an gabos nindang mga kasakitan, magpoon pa sa panahon na sinda nagharale sa kadagaan nin Zarahemla hanggan sa panahon na sinda nagbaralik giraray.

7 Asin ngonian, kan si Mosiah natapos na sa pagbasa kan mga talaan, an saiya mga katawohan na nagpawaralat sa daga nakamate nin kangalasan asin pagkatulala.

8 Nin huli ta dae ninda maaram-araman kun ano an saindang iisipon; nin huli ta kan saindang mahiling sinda na nakaligtas paluwas sa pagka-uripon sinda napanong gayo nin grabeng kaogmahan.

9 Asin giraray, kan saindang napag-isip-isipan an saindang mga katugangan na ginaradan kan mga Lamanita sinda nagkaparano nin kamondoan, asin ngani nagkahiribi nin kadakul na luha nin kamondoan.

10 Asin giraray, kan sainda man napag-isip-isipan an kaipuhan gayong karahayan nin Diyos, asin an saiya kapangyarihan sa pagliligtas ki Alma asin kan saiya mga katugangan paluwas sa mga kamot nin mga Lamanita asin kan kauripnan, sinda nagkururahaw kan saindang mga boses asin nagtao nin mga pasasalamat sa Diyos.

11 Asin giraray, kan saindang mapag-isip-isipan an mga Lamanita, na sainda man nganing mga katugangan, sa saindang pano nin kasalan asin mararaot na kamugtakan, sinda nagkaparano nin kulog asin kapaitan para sa karahayan kan saindang mga kalag.

12 Asin ini nangyaring naglipas na sinda na mga kaarakian ni Amulon asin kan saiya mga katugangan, na iyo an nag-aragom kan mga dating kadaragahan nin mga Lamanita, dae nagkagurustuhan an mga ugali kan saindang mga ama, kun kaya saindang dinarara sa saindang mga sadire an pangaran ni Nephi, na tanganing sinda pag-aapudon na mga kaarakian ni Nephi asin magin kabilang sa sainda na mga inaapud na mga Nephita.

13 Asin ngonian an gabos na mga katawohan nin Zarahemla ibinilang na mga Nephita, asin ini nin huli ta an kahadean ipinagputong sa daeng iba kundi sainda na mga kapag-arakian ni Nephi.

14 Asin ngonian ini nangyaring naglipas na kan si Mosiah nagtapos na kan pagtataram asin kan pagbabasa sa mga katawohan, siya nagmawot na si Alma naman an dapat na magtaram sa mga katawohan.

15 Asin si Alma nagtaram sa sainda, kan sinda nagkatiripon-tipon nang nagkasararo sa sarong dakulang mga hawak, asin siya naglakaw gikan sa sarong hawak hanggan sa saro man, nagbabalangibog sa mga katawohan nin pagsosolsol asin pagtubod sa Kagurangan.

16 Asin siya nagpagiromdom sa mga katawohan ni Limhi asin sa saiyang mga katugangan, an gabos na nailigtas paluwas sa kauripnan, na sinda dapat na giromdomon na an Kagurangnan iyo an nagligtas sinda.

17 Asin ini nangyaring naglipas na pagkatapos na si Alma nakapagtukdo na sa mga katawohan nin kadakul na mga bagay, asin nagtapos na na makapagtaram sinda, na si hadeng Limhi nagmawot na siya man kun puwedeng mabunyagan; asin an gabos niyang mga katawohan nagmawot na sinda kun puwedeng mabunyagan man.

18 Kun kaya, si Alma nagpaduman sa tubig asin nagbunyag sinda; iyo, saiyang binunyagan sinda arog kan manera na saiyang ginibo sa saiyang mga katugangan habang yaon sa mga tubig nin Mormon; iyo, asin grabe kadakul an saiyang binunyagan na nagin kabale sa Simbahan nin Diyos, asin ini nin huli sa saindang paniniwala sa mga tataramon ni Alma.

19 Asin ini nangyaring naglipas na si hadeng Mosiah nagtugot ki Alma na siya puwedeng mag-establisa nin mga simbahan sa gabos na kabilugan nin kadagaan nin Zarahemla; asin nagtao saiya nin kapangyarihan na mag-ordina nin mga kapadean asin mga paratukdo na mangingibabaw sa lambang simbahan.

20 Ngonian ini ginibo nin huli ta grabeng gayo kadakul an mga katawohan na sinda daeng gayo gabos maimaneho kan sarong paratukdo sana; nin makakadangog sinda gabos nin tataramon nin Diyos sa pangkasararong sanang tiriponan.

21 Kun kaya sinda nagkasararong nagkatiripon sa manlaen-laen na mga hawak, na inaarapud na mga simbahan; an lambang simbahan igwa sindang mga kapadean asin saindang mga paratukdo, asin an kada pade na nagbabalangibog nin tataramon uyon sa arog na gayo kan ini ipinagtaram saiya sa paagi kan nguso ni Alma.

22 Asin kaya, maski na ngani na nagkaigwa na nin kadakul na mga simbahan sinda gabos sarong sanang simbahan, iyo, magin an simbahan nin Diyos; nin huli ta mayong ibang ipinagtutukdo sa gabos na mga simbahan kundi ini sanang pagsosolsol asin pagtubod sa Diyos.

23 Asin ngonian nagkaigwa nin pitong simbahan sa kadagaan nin Zarahemla. Asin ini nangyaring naglipas na siirisa man an nagmamawot na darahon niya sa saiyang sadire an pangaran ni Cristo, o kan Diyos, sinda nag-uyon sa mga simbahan nin Diyos.

24 Asin sinda inapud na mga katawohan nin Diyos. Asin an Kagurangnan ipinabulos an saiyang Espiritu sa sinda, asin sinda benendisyonan, asin nag-asenso sa kadagaan.

MOSIAH TSAPTER 26

Kadakul na mga miyembro kan simbahan nadara sa kasalanan kan mga daeng pagtubod --- Si Alma pinangakuan nin buhay na daeng kasagkoran --- Sinda na nagsosolsol asin nagpabunyag nakagana nin kapatawadan --- Mga miyembro nin simbahan na nabulid sa kasalanan na nagsolsol asin nagkumpisal ki Alma asin sa Kagurangnan patatawadon; o kun dae sinda magin ekskomunikado.

Ngonian ini nangyaring naglipas na nagkaigwa nin kadakul nin mga nagdadarakulang

An Simbahan ni Jesukristo nin Mga Banal sa Huring-aldaw

234

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- henerasyon na dae nakakasabot sa mga tataramon ni hadeng Benjamin, bilang mga saradit pa sanang mga kaarakian kan panahon na siya nagtaram sa saiyang mga katawohan; asin sinda dae nagtutubod sa tradisyon kan saindang mga ama.
- 2 Sinda dae nagtutubod kun ano man naggad an pinagsasabi manungod sa pagkabuhay-liwat kan mga gadan, ni naniniwala sinda manungod sa pag-abot ni Cristo.
- 3 Asin ngonian nin huli kan saindang daeng paniniwala sinda dae naggad makakaintende kan tataramon nin Diyos; asin an saindang mga puso pinataragas.
- 4 Asin sinda habong magpabunyag; ni sinda maki-ayon sa simbahan. Asin sinda sarong naglalaen-laen na mga katawohan na arog kan saindang pagtubod, asin nagin arog kaini hanggan sa paglipas, magin sa saindang karnal asin pano nin kasalang kamugtakan; nin huli ta sinda habong mag-apud sa Kagurangnan saindang Diyos.
- 5 Asin ngonian sa paghahade ni Mosiah sinda bakong nangabangaan an numero arog kan mga katawohan nin Diyos; alagad nin huli kan pagbibiringkilan sa pag-iriba nin mga katugangan sinda nagin kadakul an bilang.
- 6 Nin huli ta ini nangyaring naglipas na sinda nakapandadaya nin kadakul sa paagi kan saindang mga pambuladas na mga tataramon, na yaraon sa laog nin simbahan, asin nagkausa sinda na makagibo nin kadakul na mga kasalanan; kun kaya ini nagin kapakinabangan sa sinda na nakagibo nin kasalanan, na yaraon sa laog kan simbahan, dapat na pagpagiromdomon sa paagi kan simbahan.
- 7 Asin ini nangyaring naglipas na sinda pinagdara sa atubangan nin mga kapadean, asin pinagpahiling sa mga kapadean kan mga paratukdo; asin an mga kapadean iyo an nagdara sinda sa atubangan ni Alma, na iyo an halangkaw na pade.
- 8 Ngonian si hadeng Mosiah nakapagtao na ki Alma nin autoridad sa bilog na simbahan.
- 9 Asin ini nangyaring naglipas na si Alma dae nakakaaram manungod sinda; pero nagkaigwa nin kadakul na mga testigo laban sinda; iyo, an mga katawohan nanindugan asin nagtestigo kan saindang kadakul na kadaendatahan.
- 10 Ngonian dae pa nagkaigwa nin anuman kaining bagay na nangyari kaidto sa laog kan simbahan; kun kaya si Alma napurisaw kan saiyang espiritu, asin siya nagkausa na sinda padat na darahon sa atubangan nin hade.
- 11 Asin siya nagsabi sa hade: Hilnga, uya an kadakul sinda na samuyang pinagdara sa atubangan mo, na akusado kan saindang mga katugangan; iyo, asin sinda dinarakop nin huli sa manlaen-laen na mga kadaendatahan. Asin sinda dae nagsosolsol kan saindang mga kadaendatahan; kun kaya samuya sindang dinarara sa atubangan mo, na tanganing ika mismo an maghuhusga sinda na uyon sa saindang mga krimen.
- 12 Alagad si hadeng Mosiah nagsabi ki Alma: Hilnga, ako dae maghuhusga sinda; kun kaya sakuya sindang ipaubaya sa saimong mga kamot na tanganing paghuhusgaran.
- 13 Asin ngonian an espiritu ni Alma napurisaw giraray; asin siya nagdulok asin naghapot sa Kagurangnan kun ano an saiyang dapat na gigibohon manungod sa mga bagay na ini, nin huli ta siya natakot na baka makagibo nin sala sa paghilingon nin Diyos.
- 14 Asin ini nangyaring naglipas na pagkatapos na saiyang maipabulos paluwas an saiyang bilog na kalag sa Diyos, an tingog nin Kagurangnan nag-abot sa iya, na nagsasabi:
- 15 Paladan ka, Alma, asin paladan sinda na binunyagan sa mga katubigan nin Mormon. Ika paladan nin huli kan saimong labi-labing pagtubod sana kan mga tataramon kan sakuyang surugoon na si Abinadi.

16 Asin paladan sinda nin huli kan saindang labi-labing pagtubod sa mga tataramon sana na saimong ipinagtaram sa sinda.

17 Asin paladan ka nin huli ta saimong itinugdok an sarong simbahan sa tahaw kaining mga katawohan; asin sinda papagdanayon, asin sinda magigin sakuyang mga katawohan.

18 Iyo, paladan ining mga katawohan na bolanos na dinadara an sakuyang pangaran; nin huli ta sa sakuyang pangaran sinda pag-aapudon; asin sinda sakuya.

19 Asin nin huli ta ikaw naghapot sakuya manungod sa parakasala, ika paladan.

20 Ika an sakuyang tagapaglingkod; asin ako makipagtipan sa saimo na ikaw magkakaigwa nin buhay na daeng kasagkoran; asin ika maglilingkod sakuya asin maglalakaw sa pangaran ko, asin magtitipon na magkakararo an sakuyang mga karnero.

21 Asin siya na magdadangog kan sakuyang boses iyo an magigin karnero ko; asin siya an saimong tatanggapon palaog sa simbahan, asin saiya ako man magtatanggap.

22 Nin huli ta hilnga, iyo ini an sakuyang simbahan; an siirisay man na mabunyagan binubunyagan pasiring sa pagsosolsol. Asin kun siirisay man an saimong pinagtatanggap magtutubod sa sakuyang pangaran; asin saiya ako bolanos na magpapatawad.

23 Nin huli ta iyo ini ako na nagpapasan sa sakuyang sadire kan mga kasalanan nin kinaban; nin huli ta iyo ini ako na naglalang sinda; asin iyo ini ako na nagtatao sa sinda na magtutubod hanggan sa katapusan nin sarong lugar sa sakuyang toong kamot.

24 Nin huli ta hilnga, sa sakuyang pangaran sinda inapud; asin kun sinda nakakabisto sakuya sinda magdudulok, asin magkakaigwa nin sarong daeng kasagkorang lugar sa sakuyang toong kamot.

25 Asin ini mangyayaring malipas na kan an ikaduwang trumpa magtutunog kaya sinda na dae naggad nakakabisto sakuya magdudulok asin magtitindog sa atubangan ko.

26 Asin kaya sinda makakaaram na Ako an Kagurangnan an saindang Paratubos; pero sinda dae naggad tutubuson.

27 Asin kaya ako magkukumpisal sa sinda na ako dae naggad nakamidbid sinda; asin sinda mapasiring duman sa daeng katapusang kalayo na ipinaghanda para sa diyablo asin sa saiyang mga anghel.

28 Kun kaya ako nagsasabi sa saimo, na siya na habong magdadangog sa sakuyang boses, iyo man an dae mo pagtatanggapon sa sakuyang simbahan, nin huli ta sa saiya Ako dae mag-aako sa huring aldaw.

29 Kun kaya Ako nagsasabi sa saimo, Lakaw; asin siirisay man an naglalapas laban sakuya, iyo siya an saimong paghuhusgaran uyon sa mga kasalanan na saiyang nagkaginibohan; asin kun siya magkukumpisal kan saiyang mga kasalanan sa atubangan mo asin sa sakuya, asin nagsosolsol nin udok sa boot sa saiyang puso, iyo siya an saimong patatawadon, asin Ako magpapatawad man saiya.

30 Iyo, asin kun sa kadakul napagkakataon an sakuyang mga katawohan magsosolsol Ako magpapatawad sinda kan saindang mga kalapasan laban sakuya.

31 Asin kamo magpapatawad man an sarong lambang sarong kan saindong mga kalapasan; nin huli ta sa katotohanan Ako nagsasabi sa saimo, siya na dae magpapatawad kan mga kalapasan nin saiyang mga kataraning sa panahon na siya magsasabi na siya nagsosolsol, iyo man sana siya sa saiyang sadire an nagdara sa irarom nin kondensasyon.

32 Ngonian Ako nagsasabi sa saimo, Lakaw; asin an siirisay man habong magsosolsol kan saindang mga kasalanan iyo man sana an dae mapapabilang sa pag-iriba kan

sakuyang mga katawohan; asin ini an paggigibohon magpoon ngonian na panahon hanggan sa maarabot.

33 Asin ini nangyaring naglipas na kan si Alma nadangog ining mga tataramon saiya isinurat an mga ini na tanganing saiya ining magigiromdoman, asin na tanganing siya puwedeng maghuhusga sa mga katawohan kaidtong simbahan na uyon sa mga kasugoan nin Diyos.

34 Asin ini nangyaring naglipas na si Alma nagpadagos sa paglakaw asin sa paghusga sa sainda na dinarakop nin huli sa kadaendatahan, na uyon sa tataramon nin Kagurangnan.

35 Asin an siirisay man an nagsosolsol kan saindang mga kasalan asin ipinagkumpisal an mga ini, iyo sinda an saiyang ibinibilang na pag-iriba sa mga katawohan kan simbahan;

36 Asin sainda na habong magkukumpisal kan saindang mga kasalanan asin magsosolsol kan saindang kadaendatahan, iyo man an dae ibinibilang na pag-iriba nin mga katawohan kan simbahan, asin an saindang mga pangaran pinagpupura.

37 Asin ini nangyaring naglipas na si Alma iyo an nagpapasunod sa gabos na mga gibohon kan simbahan; asin sinda nagpoon man giraray na magkaigwa nin katuninongan asin mag-asensong gayo sa mga gibohon kan simbahan, naglalakaw na nagigiyahan sa atubangan nin Diyos, nagtatanggap nin kadakul, asin nagbubunyag nin kadakul.

38 Asin ngonian an gabos kaining mga bagay iyo an naginibohan ni Alma asin kan saiyang kapwa mga trabahador na naggigibo sinda sa laog kan simbahan, na naglalakaw sa bilog na kahigosan, nagtutukdo sa tataramon nin Diyos sa gabos na mga bagay, nagtitios sa gabos na manerang mga kasakitan, pinipersige kan gabos ninda na bakong kabale sa simbahan nin Diyos.

39 Asin sinda nagpagiromdom sa saindang mga katugangan; asin sinda man pinapagiromdoman, an lambang sarong sa paagi nin tataramon nin Diyos, na uyon sa saindang nakaginibohan, bilang sinugo nin Diyos na magpangadye na mayong kapunduhan, asin magtao nin mga pasasalamat sa gabos na mga bagay.

MOSIAH TSAPTER 27

Si Mosiah an nagbawal kan pagpersige asin ipinagpagiromdom an pagkapantay-pantay--- Si Almang hoben asin an apat na mga akeng lalake ni Mosiah nagmawot na destrosohon an Simbahan --- Sarong anghel an nagpahiling asin nagsugo na pundohon an maraot nindang mga gibo--- Si Alma ginibong pola --- An bilog na mga katawohan kaipuhan na mamundag giraray na tanganing makamtan an kaligtasan --- Si Alma asin an mga akeng lalake ni Mosiah nagpahayag kan marhay na bareta.

Asin ngonian ini nangyaring naglipas na an mga pagpepersige na ipinamate sa simbahan kan mga mayong pagtubod nagin lakop na tangani an simbahan nagpoon sa paggugurumod-gumod, asin nagreklamo sa saindang mga pamayo manungod kaining mga bagay; asin sinda naggad nagreklamo ki Alma. Asin si Alma ipinagpaabot an kaso sa atubangan kan saindang hade, si Mosiah. Asin si Mosiah nagkonsulta sa saiyang mga kapadean.

An Simbahan ni Jesukristo nin Mga Banal sa Huring-aldaw 237
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Asin ini nangyaring naglipas na si hadeng Mosiah nagpadara nin sarong proklamasyon sa bilog na kapalibutan nin kadagaan na mayo nin siisay man na mayong pagtubod na iyo an magpersige sa kiisay sainda na kaayon sa simbahan nin Diyos.

3 Asin nagkaigwa nin sarong estriktong kasugoan sa kabilugan kan gabos sa kairibahan ninda, na dapat magkakaigwa nin pagkapantay-pantay sa kairibahan kan gabos na mga tawo;

4 Na sinda dapat mayo nin kapaabaw-abawan ni panghahamak na iyo an magdisturbo sa saindang katuninongan; na an lambang tawo dapat na magpahalaga kan saiyang kataraid arog kan saiyang sadire, nagtatrabaho na gamit an saiyang mga kamot para sa pansadireng supporta.

5 Iyo, asin an gabos nindang mga kapadean asin mga paratukdo kaipuhang maghingoha na gamit an saindang mga kamot para sa pansadireng supporta, sa gabos na mga pangyayari laen lang kun ini may sakit, o yaon sa makuniot na pangangaipo; asin sa paggibo kaining mga bagay, sinda naggad nagkaigwa nin kadakul na grasya nin Diyos.

6 Asin nagkaigwa nin pagpoon nin grabeng katuninongan giraray sa kadagaan; asin an mga katawohan nagpoon na magin grabe kadakul an numero, asin nagpoon na magkawararak sa harayo sa lalawgon kan kinaban, iyo, sa may norte asin sa may sur, sa may sirangan asin sa may sulnopan, nagtutugdok nin darakulang mga siyudad asin mga baryo sa gabos na kuwatro-kanto nin kadagaan.

7 Asin an Kagurangnan naggad nagbisita sainda asin pina-asenso sinda, asin sinda nagin sarong dakula asin mayamanon na mga katawohan.

8 Ngonian an mga akeng lalake ni Mosiah kaayon sa numero kan mga mayong pagtubod; asin man sarong lalake ni Alma kabilang sa pag-iriba nida, siya bilang inaapud na Alma, kapangaran kan saiyang ama; daeng pagkukulang, siya nagin sarong grabe karaot asin sarong tawong parasamba sa mga diyos-diyusan. Asin siya sarong tawo na may kadakul na mga tataramon, asin nakakapagtaram nin grabeng boladas sa mga katawohan; kun kaya saiyang napapangenotan an kadakul na mga katawohan na gumibo kan arog sa manera nin saiyang mga kadaendatahan.

9 Asin siya nagin sarong dakulang alang sa pag-asenso kan simbahan nin Diyos; hinahabon paharayo an mga puso kan mga katawohan; na nagkakausa nin grabeng pag-iiriwal-iwal sa pag-iriba nin mga katawohan; na nakapagtao nin sarong pagkakataon para sa mga kaiwal nin Diyos na maghimo kan saiyang kapangyarihan na mangingibabaw sainda.

10 Asin ngonian ini nangyaring naglipas na habang siya yaon sa paglibot tanganing destrosohon an simbahan nin Diyos, nin huli ta siya naggad naglakaw nin pahilom sa kairiba an mga akeng lalake ni Mosiah sa pagmamawot na destrosohon an simbahan, asin mangenotan na warakon an mga katawohan nin Kagurangnan, na laban sa mga kasugoan nin Diyos, o maski kan hade ---

11 Asin habang ako nagsasabi sainda, habang sinda nagparalakaw sa kapalibutan na nagrerebelde laban sa Diyos, hilnga, an anghel nin Kagurangnan nagpahiling sa sainda; asin siya nagbaba na garo baga nakasangkay sa panginuron; asin siya nagtataram na arog na ini na may sarong boses nin daguldol, na nagkausa sa kinaban na magyugyog sa lugar na sinda nagtitindog;

12 Asin grabeng gayo an saindang kangalasan, na sinda nagkaturumba sa daga, asin dae nakakasabot sa mga tataramon na saiyang pinagtataram sa sainda.

13 Daeng pagkukulang na siya nagkurahaw giraray, na nagsasabi: Alma, magbuhat ka asin magtindog, nin huli ta tadaw baya ta saimong pinagpersige an simbahan nin Diyos? Ta an Kagurangnan nagsabi: Iyo ini an sakong simbahan, asin Ako an magtutugdok kaini; asin mayong makakadaog kaini, laen lang kun ini iyo an kalapasan kan sakuyang mga katawohan.

14 Asin giraray, ang anghel nagsabi: Hilnga, an Kagurangnan nakadangog kan mga pangadyeon kan saiyang mga katawohan, asin man an mga pangadyeon kan saiyang surugoon, si Alma, na iyo an saimong ama; nin huli ta siya nagpangadye na may grabeng pagtubod na mapanungod saimo na ikaw mapupuwedeng darahon sa kaaraman nin katotoohan; kun kaya, sa arog kaining katuyuhan na nganing ako nag-abot sa pagkumbinese saimo kan kapangyarihan asin autoridad nin Diyos, na an mga pangadyeon kan saiyang mga surugoon puwedeng simbagon uyon sa saindang pagtubod.

15 Asin ngonian hilnga, kaya mo daw kalabanon an kapangyarihan nin Diyos? Nin huli ta hilnga, bako daw na an sakong boses nakakapagpayugyog sa kinaban? Asin kaya mo man daw na dae mo ako nahihiling sa atubangan mo? Asin ako ipinadara gikan sa Diyos.

16 Ngonian ako nagsasabi sa saimo: Lakaw, asin giromdoma an kauripnan kan saimong mga ama sa kadagaan nin Helam, asin sa daga nin Nephi; asin giromdoma kun gurano kadakula an mga bagay na saiyang nakaginibohan para sainda; nin huli ta sinda kaidto yaon sa pagka-uripon, asin siya iyo an nagligtas sainda. Asin ngonian ako nagsasabi sa saimo, Alma, lakaw sa saimong dalan, asin dae mo na pagmawoton pa na destrosohon an simbahan, na an saindang mga pangadyeon mapupuwedeng simbagon, asin kaini ngani na maski ika nagmawot sa sadire na itakwil.

17 Asin ngonian ini nangyaring naglipas na iyo ini an mga panhuring mga tataramon na an anghel iyo an nagtaram ki Alma, asin siya naghale.

18 Asin ngonian si Alma asin sinda na pag-iriba niya nagkaturumba giraray sa daga, nin huli ta grabeng gayo an saindang kangalasan; nin huli ta sa saindang sadireng mga mata sinda nakahiling nin sarong anghel nin Kagurangnan; asin an saiyang boses kaarog nin daguldo, na nakapagpayugyog sa kinaban; asin sinda nakaaram na mayong bagay laen lang kun ini kapangyarihan nin Diyos na iyo an makakapagpayugyog kan kinaban asin nagkausa kaini na mangunguyakoy na garo бага ini magkakabaranga-banga.

19 Asin ngonian an kangalasan ni Alma grabeng gayo na tanganing siya nagin pola, na siya dae na makakabukas kan saiyang nguso; iyo, asin siya nagin maluya, na maski na siya dae na nakakahiro kan saiyang mga kamot; kun kaya sina dinarara ninda na pag-iriba niya, asin dinara na kaherak-herak, na maski na hanggan sa siya ibinugtak sa atubangan kan saiyang ama.

20 Asin sinda nagpaliwanag sa saiyang ama sa gabos na nangyari sa sainda; asin an saiyang ama nag-ogma, nin huli ta siya nakaaram na idto iyo an kapangyarihan nin Diyos.

21 Asin siya nagkausa na an kadaklan dapat na magtiripon-tipon na magkasararo na tanganing sinda magin saksi kun ano ginibo nin Kagurangnan para sa saiyang akeng lalake, asin man para sainda na kairiba niya.

22 Asin siya nagkausa na an mga kapadean dapat na mag-assemblya kan saindang mga sadire na magkasararo; asin sinda nagpoon sa pag-ayuno, asin nagpangadye sa Kagurangnan saindang Diyos na tanganing saiyang bubukasan an nguso ni Alma, na tanganing siya makakapagtaram, asin man tanganing an saiyang mga kaso-kasoan

magkaigwa nin kusog --- na tanganing an mga mata nin mga katawohan puwedeng magin bukas sa paghiling asin sa pagkaaram kan karahayan asin kamurawayan nin Diyos.

23 Asin ini nangyaring naglipas na pagkatapos na sinda nag-ayuno asin nagpangadye sa laog nin duwang aldaw asin duwang banggi, an mga kaso-kasoan ni Alma nagkaigwa nin kusog, asin siya nagtindog asin nagpoon na magtaram sa sinda, nagsasabi sinda na magkaigwa nin marhay na pagkaogma.

24 Nin huli ta, nagsabi siya, ako nakapagsolsol na kan sakong mga kasalanan, asin pinagtubos nin Kagurangnan; hilnga ako iminundag sa Espiritu.

25 Asin an Kagurangnan nagsabi sa sakuya: Dae ka magngalas na an bilog na sangkatauhan, iyo, mga kalalakehan asin mga kababaehan, an gabos na mga nasyon, mga lahi, mga dila asin mga katawohan, kaipuhan na mamundag giraray; iyo, mamundag sa Diyos, mapagbago gikan sa saindang karnal asin nahulog na kamugtakan, pasiring sa sarong kamugtakan nin pagkamatanos, bilang tinubos nin Diyos, na magigin saiyang mga akeng lalake asin mga akeng babae;

26 Asin kaya sinda nagin mga baong mga nilalang; asin laen lang kun sinda gumibo kaini, sinda daeng pagduwa-duwang magmamana sa kahadean nin Diyos.

27 Ako nagsasabi sa sindo, laen lang kun ini iyo an mangyari, sinda kaipuhan na itatakwil; asin ako kaini nakaaram, nin huli ta ako nagin arog man sa ipinagtakwil.

28 Daeng pagkukulang, pagkatapos na nakamate nin grabeng tribulasyon, nagsosolsol na haros harani na sa kagadanan, an Kagurangnan sa pagkaherak nakahiling na maninigo iyo an nag-agaw sako paluwas sa daeng kauntukan na kasuloan, asin ako namundag sa Diyos.

29 An sakuyang kalag pinagtubos gikan sa tundag nin kapaitan asin sa mga gapos nin kadaendatahan. Ako kaidto naggikan sa pinakamadiklom na kairaroman; alagad ngonian ako nakahiling sa makangangalas na liwanag nin Diyos. An sakuyang kalag kaidto pinasakitan nin daeng kasagkoran na pagpasakit; pero ako inagaw, asin an sakuyang kalag dae na nakulgan.

30 Pinagtakwil ko an sakuyang Paratubos, asin naghabo kaidtong mga itinaram kan satuyang mga ama; alagad ngonian ta saindang pangenot na nahihiling na siya maabot, asin ta siya nakakapaggiromdom sa lambang nilalang kan saiyang paglalang, saiyang hihimohon sa saiyang sadire na makakapaghiling sa kagabsan.

31 Iyo, an lambang tuhod magluluhod, asin an lambang dila magkukumpisal sa atubangan nya. Iyo, magin sa huring aldaw, sa panahon na an gabos na mga tawo magtitindog na tanganing paghuhusgaran niya, pagkatapos sinda magkukumpisal na siya Diyos; pagkatapos na sinda makapagkumpisal, siisay baya an mabubuhay na mayong Diyos sa mundo, na an paghukom kan daeng tapos na pagpapadusa iyo an magpapasainda; asin sinda magkukubog-kubog, asin mangunguyakoy, asin mag-uulnok paibaba sa putitok kan saiyang bilog-na-mapaghanap na mata.

32 Asin ngonian ini nangyaring naglipas na si Alma nagpoon sa panahon na ini paabante na magtukdo sa mga katawohan, asin sinda na kairiba ni Alma sa panahon na an anghel nagpahiling sa sinda, naglakaw sa bilog na palibot nin kadagaan, ipinagbabalangibog sa gabos na mga katawohan an mga bagay na saindang nadangog asin nahiling, asin nagpaparahayag kan tataramon nin Diyos sa lapigot na tribulasyon, habang pinagpepersige ninda na mayong mga pagtubod, habang pinapakulgan nin kadaklan sinda.

33 Alagad maski na ngani sa gabos kaini, sinda nakapagheras nin grabeng konsolasyon sa simbahan, pinagkukumpirma an saindang pagtubod, asin ipinag-ootrong ipagpagiromdom sinda na may halawig na pagtitios asin grabeng pagsakit na tanganing maotob an mga kasugoan nin Diyos.

34 Asin an apat sinda iyo an mga akeng lalake ni Mosiah; asin an saindang mga pangaran iyo sinda Ammon, asin Aaron, asin Omner, asin Himni; iyo an mga ini an pangaran kan mga akeng lalake ni Mosiah.

35 Asin sinda nagparabaklay sa bilog na kapalibutan kan kadagaan nin Zarahemla, asin sa pag-iriba kan gabos na mga katawohan na yaon sa irarom kan paghahade ni hadeng Mosiah, masigasig na pinaghihingoha na mapakarhay an gabos na mga kakulugan na saindang nagkaginibohan laban sa simbahan, nagkukumpisal kan gabos nindang mga kasalanan, asin ipoinagbabalangibog an gabos na mga bagay na saindang nahiling, asin nagpapaliwanag sa mga propesiya asin sa mga kasuratan sa gabos na nagmawot na madangog sinda.

36 Asin kaya sinda mga instrumento sa mga kamot nin Diyos sa pagdara nin kadakul pasiring sa pagkaaram nin katotohanan, iyo, pasiring sa pagkaaram kan saindang Paratubos.

37 Asin gurano nagin mapalad sinda! Nin huli ta sinda nagpapahayag nin katuninongan; sinda nagpapahayag nin marhay na bareta nin karahayan; asin saindang ipinagdeklara sa mga katawohan na an Kagurangnan naghahade.

MOSIAH TSAPTER 28

An mga akeng lalake ni Mosiah magkakaigwa nin buhay na daeng kasagkoran --- Sinda nagpasiriring sa pagpapahayag sa mga Lamanita --- Si Mosiah iyo an nagsalin sa mga lamina nin Jaredita na gamit an duwang gapo nin Tagapaghiling.

Ngonian ini nangyaring naglipas na pagkatapos na an mga akeng lalake ni Mosiah naggibo na an mga bagay na ini, sinda nag-iba nin sarong dikit na numero sa pag-iriba ninda asin nagbaralik sa saindang ama, an hade, asin pinagmawot saiya na tugutan niya sinda na kun mapupuwede, sa pag-iriba ninda na saindang mga pinili, na magpasiring duman sa kadagaan nin Nephi na tanganing puwede nindang maipagbalangibog an mga bagay na saindang nagkadarangog, asin tanganing puwede nindang maipagpahayag an tataramon nin Diyos sa saindang mga katugangan, an mga Lamanita ---

2 Na kun sakali puwede nindang madara sinda pasiring sa pagkaaram sa Kagurangnan na saindang Diyos, asin kumbinsihon sinda kan mga kadaendatahan kan saindang mga ama; asin tangani kun sakali saindang mabubulong sinda kan saindang kaanggutan laban sa

An Simbahan ni Jesukristo nin Mga Banal sa Huring-aldaw

241

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga Nephita, na tanganing sinda puwedeng madara man na magin maogma sa Kagurangnan na saindang Diyos, na tanganing sinda puwede na magin mainamigo sa lambang saro, asin tanganing mawara na dapat an pag-iiriwal-iwal sa bilog na kadagaan na an Kagurangnan saindang Diyos iyo an nagtao kaini sainda.

3 Ngonian sinda nagin mapagwot na an kaligtasan dapat na maideklara sa lambang nilalang, nin huli ta dae ninda makakayahang maako na arin ma sa mga kalag nin tawo dapat na mapara; iyo, maski ngani sa grabeng pag-iisip sana na an arin man kalag dapat na magtios na gayo sa daeng katapusan na kasakitan iyo an nagkausa sainda na mangubog-kubog asin manguyakoy.

4 Asin kaya an Espiritu nin Kagurangnan iyo an nagpapahiro sainda, nin huli ta sainda kaidto an mga pinakamarao na mga parakasala. Asin an Kagurangnan iyo an nakahiling na maninigo sa saiyang bolanos na pagkaherak kaya pinaligtas sinda; daeng pagkukulang na sinda nakamate nin grabeng pagsakit sa kalag nin huli sa saindang mga kadaendatahan, nagsakit nin grabe asin natakot na sinda dapat magin mga takwil sagkod pa man.

5 Asin ini nangyaring naglipas na sinda nakihumagad sa saindang ama sa kadakul na mga aldaw na tanganing tugutan na magpasiring duman sa kadagaan nin Nephi.

6 Asin si hadeng Mosiah nagdulok asin naghapot sa Kagurangnan kun saiyang dapat na tugutan an saiyang mga akeng lalake na magpasiring sa mga pag-iribahan kan mga Lamanita tanganing magbalangibog kan tataramon.

7 Asin an Kagurangnan nagsabi ki Mosiah: Tugutan mo sinda na magpaduman, nin huli ta kadakul an magtutubod sa saindang mga tataramon, asin sinda magkakaigwa nin buhaya na daeng katapusan; asin ako an magliligtas sa saimong mga akeng lalake paluwas sa mga kamot kan mga Lamanita.

8 Asin ini nangyaring naglipas na si Mosiah nagtugot na sinda puwedeng magpaduman asin gibohon an uyon sa saindang mga kahagadan.

9 Asin sinda naglakbay pasiring sa kaparangan na magpasiring sa pagbabalangibog kan tataramon sa pag-iriba kan mga Lamanita; asin ako an magtatao kan kasaysayan nin saindang mga nagkaginibohan ngonian pagkatapos.

10 Ngonian si hadeng Mosiah dae nagkaigwa nin sarong tawo na pagkatiwalaan kan kahadean, nin huli ta mayo ni saro sa saiyang mga akeng lalake na nagkagustong akseptaron an kahadean.

11 Kun kaya saiyang kinurua an mga talaan na nagka-urukit sa mga laminang bronse, asin man an mga lamina ni Nephi, asin an gabos na mga bagay na saiyang itinago asin binantayan uyon sa mga kasugoan nin Diyos, pagkatapos na saiyang maisalin asin nagkausa na maisurat an mga talaan na yaraon sa mga laminang bulawan na nagkanaragboan kan mga katawohan ni Limhi, na ipinagtao saiya sa paagi kan kamot ni Limhi;

12 Asin ini saiyang ginibo nin huli sa dakulang kahaditan kan saiyang mga katawohan; nin huli ta sinda nagin mapagmawot na daeng sukol na magkaaramanan an mapanungod kaidtong mga katawohan na nagkaderestroso.

13 Asin ngonian saiyang maipagsalin an mga ini sa paagi kaining duwang gapo na nakagakot sa duwang mga rima nin sarong busog.

14 Ngonian an mga bagay na ini ipinaghanda magpoon pa sa kapinunan, asin ipinagpamana gikan sa sarong henerasyon hanggan sa sarong henerasyon, para sa

katuyuhan na interpretaron an mga lenguwaha;

15 Asin sinda ipinagtatago asin pinagbantayan sa paagi kan kamot nin Kagurangnan, na tanganing saiyang pagdiskubrehon sa lambang linalang kun siisay an puwedeng magsadire nin kadagaaan an mga kadaendatahan asin mga karigsokan kan saiyang mga katawohan;

16 Asin an siisay man na igwa kaining mga bagay iyo an inaapud na tagapaghiling, arog sa manera kan mga lumang panahon.

17 Ngonian pagkatapos na si Mosiah nakapagtapos na maisalin ining mga talaan, hilnga, ini nakapagtao nin sarong kasaysayan nin mga katawohan na nagkaderestroso, magpoon sa panahon na sinda nagkaderestroso pabalik sa pagtutugdok kan dakulang torre, sa panahon na an Kagurangnan nagpalawigaw kan lenguwaha nin mga katawohan asin sinda nagkawaratak-watak sa hararayong lugar sa lalawgon kaining bilog na kinaban, iyo, asin ngani magin sa panahon pabalik sagkod sa paglalang ki Adan.

18 Ngonian ining kasaysayan nagkausa sa mga katawohan ni Mosiah nin grabeng pagkamundo, iyo, sinda nagkaparano nin kamondoan; daeng pagkukulang na ini nakapagtao sinda nin kadakul na kaaraman, na sa paagi kaini sinda nagka-orogma.

19 Asin ining kasaysayan masusurat magpoon ngonian sagkod pa man; nin huli ta hilnga, ini nagin kapakinabangan na an gabos na mga katawohan dapat na makaaram sa mga bagay na naisurat kaining kasaysayan.

20 Asin ngonian, arog kan sinabi ko saindo, na pagkatapos na si hadeng Mosiah nagkagiribo na an mga bagay na ini, saiyang kinua an laminang bronse, asin gabos na mga bagay na saiyang ipinagtago, asin ipinagkatiwala an mga ini ki Alma, na iyo an akeng lalake ni Alma; iyo, an gabos na mga talaan, asin man an mga interpretador, asin ipinagkatiwala an mga ini sa saiya, asin pinagsugo siya na saiyang dapat na ipagtago asin pagbantayan an mga ini, asin man magtago nin sarong talaan kan mga katawohan, ipagpamana an mga ini magpoon sa sarong henerasyon hanggan sa saro, arog kan an mga ini ipinagpamana gikan sa panahon na si Lehi naghale sa Jerusalem.

MOSIAH TSAPTER 29

Si Mosiah nagsuhestiyon na mga huwes an pirilion karibay kan sarong hade --- An mga bakong matanos na hade iyo an nangengenot sa saindang mga katawohan na magkasala --- Si Alma na hoben iyo an piniling pinakapamayong huwes sa paagi nin boses nin mga katawohan --- Siya man an halangkaw na pade sa bilog na Simbahan --- Si Alma na kurang asin si Mosiah nagkagaradan na.

Ngonian kan si Mosiah nakapaggibo na kaini saiyang ipinaabot sa bilog na kapalibuyan nin kadagaan, sa gabos na pag-iriba nin mga katawohan, nagmamawot na maaraman an saindang kagustuhan manungod sa kun siisay an dapat nindang magin hade.

2 Asin ini nangyaring naglipas na an boses nin mga katawohan nag-abot, na nagsasabi: Kami nagmamawot na si Aaron an saimong akeng lalake iyo an dapat nyamong magin hade asin an samuyang tagapagpamahala.

An Simbahan ni Jesukristo nin Mga Banal sa Huring-aldaw 243
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Ngonian ta si Aaron naghale pasiring sa kadagaan nin Nephi, kun kaya an hade dae makapagpatiwala kan kahadean sa saiya; ni habo ngani ni Aaron na mag-ako sa saiya sadire kan kahadean; ni mayo sa arin man sa mga akeng lalake ni Mosiah an magustong pangaputan sa saindang mga sadire an kahadean.

4 Kun kaya si hadeng Mosiah nagpaabot giraray sa pag-iriba kan mga katawohan; iyo, magin sa paagi nin sarong sinurat na tataramon siya nagpaabot sa mga katawohan. Asin iyo ini an mga tataramon na nasusurat na nagsasabi:

5 Hilnga, O kamo na sakong mga katawohan, o sakong mga katugangan, nin huli ta ako nagpapahalaga sa saindang gayo, ako nagmawot na dapat ninedong ikonsidera an kausa na kun kaya kamo pinapangaputan na iyo an magkonsidera --- nin huli ta kamo nagmamawot na gayo na magkaigwa nin sarong hade.

6 Ngonian ako nagdedeklara sa saindo siya na iyo an may diretso na mangaputan kan kahadean tabi nagsayuma, asin habo niyang pangaputan an kahadean.

7 Asin ngonian kun magkaigwa man nin iba na ibubugtak na karibay niya, hilnga ako natatakot na baka magkaigwa nin pag-alsa nin pag-iiriwal-iwal sa pag-iriba nindo. Asin iyo nakakaaram na kun ano an sakuyang akeng lalake, na saiya an kahadean dapat na pangaputan, na magin maanggot asin magtutulak sa sarong parte kaining mga katawohan laban sa saiya, na mapupuwedeng magkausa nin mga giyera asin pagralaban-laban sa pagka-iribahan nindo, na iyo an magkakausa sa pagdanak nin grabeng dugo asin iyo an makapagpapalintok kan dalan nin Kagurangan, iyo, asin an magdestroso nin mga kalag nin kadakul na mga katawohan.

8 Ngonian ako nagsasabi sa saindo magin madunong kita asin ikonsidera an mga bagay na ini, nin huli ta mayo kitang karapatan na destrosohon an sakuyang akeng lalake, ni magkaigwa kita nin anuman na karapatan na mandestrosohan sa iba kun siya puwedeng ipamugtak bilang saiya karibay.

9 Asin kun an sakuyang akeng lalake magbalik sa dati niyang kapaabaw-abawan asin mga daendatang mga bagay puwede niya gayud maromdoman an mga bagay na saiya pinagsabi na asin panindugan an saiya karapatan sa kahadean, na mapupuwedeng magkausa saiya asin man sa mga katawohan nin grabeng kasalan.

10 Asin ngonian magin madunong kita asin hilingon an maabot sa mga bagay na ini, asin gibohon idtong maghihimo para sa katuninongan kaining mga katawohan.

11 Kun kaya ako an magigin saindang hade sa sakuyang mga natatada pang mga aldaw; daeng pagkukulang, kaipuhang magngaran kita nin mga huwes, na tanganing maghusga kaining mga katawohan na uyon sa satuyang ley; asin satuyang baguhon an pagpapakarhay sa mga kamugtakan kaining mga katawohan, nin huli ta kita an manganganan nin mga madudunong na mga tawo na magin mga huwes, na iyo an maghuhusga kaining mga katawohan na uyon sa mga kasugoan nin Diyos.

12 Ngonian ini marhay na an sarong tawo dapat na paghuhusgaran nin Diyos kesa kan tawo, nin huli ta an mga paghuhukom nin Diyos pirme sanang husto, alagad an mga paghuhukom nin tawo bako pirmeng husto.

13 Kun kaya, kun an mga ini posible na kamo magkaigwa nin hustong mga tawo na magin nindong mga hade, na iyo an magpapasunod sa mga ley nin Diyos, asin maghuhusga kaining mga katawohan na uyon sa saiya mga kasugoan, iyo, kun kamo magkakaigwa nin mga tawo para magin hade nindo na maggigibo nin kaarog kan sakuyang ama na si Benjamin na naggibo para kaining mga katawohan --- ako nagsasabi

sa saindo, kun iyo ini pirme an mangyayari kun kaya ini magigin kapakinabangan na kamo dapat talagang pirmeng may hade na iyo an magpapamahala na mangingibabaw sa saindo.

14 Asin ngani maski ako sa sakuyang sadire nagtatrabaho sa bilog kong kapangyarihan asin kakayahan na sakuyang nakakaputan, na magtukdo saindo sa mga kasugoan nin Diyos, asin ipamugtak an katuninongan sa bilog na kadagaan, na dapat mayong mga giyera ni mga pag-iiriwal-iwal, mayong harabonan, ni pananambang, ni panggagadan, ni anumang na manera nin kadaendatahan.

15 Asin an siisay man an nakagibo nin kadaendatahan, siya sakuyang pinagpapadusahan uyon sa mga krimen na saiyang nagginibohan, uyon sa ley na ipinagtao satuya kan satong mga ama.

16 Ngonian ako nagsasabi sa saindo, na nin huli ta an gabos na mga tawo bakong husto ini bakong kapakinabangan na kamo dapat magkakaigwa nin sarong hade o mga hade na iyo an magtagapagpapamahala na mangingibabaw sa saindo.

17 Nin huli ta hilnga, gurano daw kadaendata an magiginibohan kan sarong marigsok na hade na puwede niyang maggibo, iyo, asin ano baya kadakula an destroso!

18 Iyo, giromdoma si hadeng Noah, an saiyang karigsokan asin an saiyang mga karumputan, asin man an karigsokan asin mga karumputan kan saiyang mga katawohan. Hilnga ano bayang dakulang destroso an uminabot sa sainda; asin man nin huli kan saindang mga kadaendatahan sinda pinagdara pasiring sa pagka-uripon.

19 Asin kun bako sa pagpapatahaw kan saindong may bilog na kadunungan na Kaglalang, asin nin huli kan saindang udok sa boot na pagsosolsol, sinda kuta na yaraon pa sa pagka-uripon hanggan sa ngonian.

20 Pero hilnga, saiyang pigligtas sinda nin huli ta sinda nagpakumbaba sa saindang mga sadire sa atubangan niya; asin nin huli ta sinda makusog na nagkukurahaw sa saiya siya an nagligtas sinda paluwas sa pagka-uripon; asin kaya an Kagurangnan naggibo na an saiyang kapangyarihan sa gabos na pagkakataon sa mga kaakian nin mga tawo, ipinapagpaabot an takyag nin pagkaherak para sa sainda na nagbugtak kan saindang tiwala sa saiya.

21 Asin hilnga, ngonian ako nagsasabi sa saindo, kamo dae makapaghale sa sarong maraooton na hade laen lang kun ini sa paagi nin grabeng pag-iiriwal-iwal, asin an pagpabulos nin grabeng dugo.

22 Nin huli ta hilnga, kairiba niya an saiyang mga ka-amigo sa kadaendatahan, asin siya nagbugtak kan saiyang mga guwardiya sa palibot niya; asin saiyang pinaggigisi an mga ley kaidto ninda na nagtagapagpapamahala sa pagkatamatanos sa atubangan niya; asin saiyang pinagtimak-timakan sa irarom kan saiyang mga bitis an mga kasugoan nin Diyos;

23 Asin siya naggibo nin mga ley, asin saiya ining ipinadara sa saiyang mga tawo, iyo, mga ley na arog sa manera kan saiyang sadireng karigsokan; asin an siisay man an dae magsusunod kan saiyang mga ley saiyang pinagkausang garadanon; asin an siisay an gumibong magrebelde laban sa saiya siya magpapadara kan saiyang mga hukbo laban sainda na tanganing makigiya, asin kun sinda mapupuwedeng pagdedestrosohon ninda; asin kaya an sarong bakong matanos na hade naggigibo na pagbaliktaron an mga dalan kan bilog na katanosan.

24 Asin ngonian hilnga ako nagsasabi sa saindo, ini bakong kapakinabangan na an arog kaining mga karigsokan dapat na mag-abot saindo.

An Simbahan ni Jesukristo nin Mga Banal sa Huring-aldaw

245

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

25 Kun kaya, magpili kamo sa paagi kan boses nin mga katawohan, nin mga huwes, na tanganing kamo mapupuwedeng paghuhusgaran na uyon sa mga ley na ipinagtao saindo kan satuyang mga ama, na tama, asin ta ipinagtao sainda sa paagi kan kamot nin Kagurangnan.

26 Ngonian ini bakong ordinaryo na an boses nin mga katawohan nagmamawot nin anuman na bagay na kontra sa bagay na tama; pero ini natural para sa dikit na parte nin mga katawohan na nagmamawot kaidtong mga bagay na bakong tama; kun kaya ini iyo an saindong obserbaran asin himohon ining saindong ley --- na gibohon an bagay-bagay sa paagi kan boses nin mga katawohan.

27 Asin kun an panahon mag-abot na an boses nin mga katawohan nagpili nin kadaendatahan, iyo man yan an panahon na an mga paghuhukol nin Diyos minaabot sa saindo; iyo, yan an panahon na siya magbibisita saindo na may dakulang destruksiyon na maski na ngani kaidto pa nagbisita kaining kadagaan.

28 Asin ngonian kun kamo magkaigwa nin mga huwes, asin sinda dae naghuhusga saindo uyon sa ley na ipinagtao, kamo puwedeng magkausa na sinda paghuhusgaran nin sarong horohalangkaw na huwes.

29 Kun an saindong horohalangkaw na huwes dae naghuhusga nin matanos na mga paghuhukom, saindong gibohon na an sarong dikit na numero nin saindong horohababang mga huwes magkasararong magtiripon, asin sinda an maghuhukom kan saindong horohalangkaw na mga huwes, na uyon sa boses nin mga katawohan.

30 Asin ako nagsusugo saindo na gibohon an mga bagay na ini na may pagkatakot sa Kagurangnan; asin ako nagsusugo saindo na gibohon an mga bagay na ini, asin ta kamo dae magkaigwa nin hade; na kun ining mga katawohan makagibo nin mga kasalanan asin mga kadaendatahan sinda maninimbagan kan sainda man sanang sadireng mga payo.

31 Nin huli ta hilnga ako nagsasabi sa saindo, an mga kasalanan nin kadakul na mga katawohan nangyari sa paagi kan mga kadaendatahan kan saindang mga hade; kun kaya an saindang mga kadaendatahan pinaninimbagan kan mga payo kan saindang mga hade.

32 Asin ngonian ako nagmamawot na ining dae pagkakapantay-pantay dapat na haleon sa dagang ini, lalo na sa pag-iriba kaining sakuyang mga katawohan; alagad ako nagmamawot na an kadagaang ini magin sarong kadagaan nin libertad, asin an lambang tawo puwedeng magtamasa kan saiyang mga karapatan asin mga pribilihiyo na magkapara-parareho, habang an Kagurangnan sa lawig nin panahon pinaghihiling na tama na kita mabubuhay asin magmamana kaining kadagaan, iyo, maski na ngani habang an arin man sa satuyang mga kapag-arakian mamumuhay sa ibabaw kan lalawgon nin kadagaan.

33 Asin kadakul pang mga bagay na ginibong suraton ni hadeng Mosiah para sainda, pinagbuksan sainda an gabos na mga pagsubok asin mga problema kan sarong matanos na hade, iyo, an gabos na mga kasakitan nin kalag para sa saindang mga katawohan, asin man an gabos na mga pagugurumod-gumod nin mga katawohan nin saindang hade; asin saiya ini gabos ipinaliwanag sa sainda.

34 Asin saiyang sinabi sainda na an mga bagay na ini dapat dae mangyari; pero an pasanon dapat na mapasagabos na mga katawohan, na an lambang tawo puwedeng magdara kan saiyang parte.

35 Asin saiya man ipinagbukas sa sainda an gabos na bakong karahayan na saindaang nakaginibohan kaidto, na nagkaigwa nin sarong bakong matanos na hade na iyo an

nagtagapamahala na nangibabaw sinda;

36 Iyo, an gabos niyang mga kadaendatahan asin mga karumputan, asin an gabos na mga giyera, asin mga pag-iriwal-iwal, asin pagpabulos nin dugo, asin an paghaharabonan, asin an pagtatarambangan, asin an paggigiribo nin mga kalaswaan, asin an gabos na manera nin mga kadaendatahan na dae na mabibilang --- pinagsasabihan sinda na an mga bagay na ini dae dapat na mangyayari, na an mga ini lantadang minasalungat sa mga kasugoan nin Diyos.

37 Asin ngonian ini nangyaring naglipas, pagkatapos na si hadeng Mosiah nakapagpadara na kaining mga bagay sa pag-iriba kan saiyang mga katawohan sinda nagkakurumbinse sa katotoohan kan saiyang mga tataramon.

38 Kun kaya saindang binayaan an saindang mga pagmamawot nin sarong hade, asin nagin grabe an pagmamawot na an lambang tawo magkakaigwa nin pantay na pagkakataon sa bilog na parte nin kadagaan; iyo, asin an lambang tawo nagpahayag nin sarong kamawotan na manimbagan kan saiyang sadireng mga kasalanan.

39 Kun kaya, ini nangyaring naglipas na sinda nag-assemblya nganing magkatiripon-tipon sa mga sadire nindang mga hawak sa bilog na kadagaan, na tanganing maipahayag an saindang mga boses mapanungod sa kun siisay an dapat na magigin mga huwes ninda, na tanganing maghuhukom sinda uyon sa ley na ipinagtao sinda; asin sinda grabeng gayo an pagka-orogma nin huli sa libertad na ipinagtao sa sinda.

40 Asin sinda nagkaigwa nin kapusugan na pagkamuot ki Mosiah; iyo, sinda siyang pinaghahangaan nin sobra kesa arin pa man na ibang tao; nin huli ta dae ninda pinaghihiling siya na sarong malupiton na pamayo na an pinagmamawot sadireng kapakinabangan sana, iyo, nin huli ta an kaginhawaan na ini iyo man sana an nakakapagkorapto sa kalag; nin huli ta dae siya nangamkam nin mga kayamanan ninda, ni siya nag-ogma sa pagpapabulos nin dugo; alagad siya an nagpamugtak nin katuninongan sa kadagaan, asin saiyang ipinagputong sa saiyang mga katawohan na sinda dapat na maliligtas gikan sa gabos na manera nin pagka-uripon; kun kaya sinda naghanga saiya, iyo, grabeng gayo, dae masusukol.

41 Asin ini nangyaring naglipas na sinda nagngaran nin mga huwes na iyo an magtagapamahala na mangingibabaw sinda, o iyo an maghuhusga sinda uyon sa ley; asin ini saindang ginibo sa bilog na rona nin kadagaan.

42 Asin ini nangyaring naglipas na si Alma pinangngaranan bilang iyo an pinaka-enot na pamayong huwes, siya man bilang iyo an pinakahalangkaw na pade, na an saiyang ama iyo an nagkatiwala kan opisina sa saiya, asin ipinagpaniwala saiya an pamamahala kan bilog na mga kalakawan kan simbahan.

43 Asin ngonian ini nangyaring naglipas na si Alma naglakaw sa mga dalan nin kagurangnan, asin siya nagsunod kan saiyang mga kasugoan, asin siya naghusga nin matanos na mga paghuhukom; asin nagkaigwa nin padagos na katuninongan sa bilog na kadagaan.

44 Asin kaya nagpoon an pamamahala kan mga huwes sa bilog na rona nin Zarahemla, sa pag-iriba nin gabos na mga katawohan na inaapud na mga Nephita; asin si Alma iyo an pinaka-enot asin pamayong huwes.

45 Asin ngonian ini nangyaring naglipas na an saiyang ama nagadan, bilang otsenta asin duwang taon an edad, na namumuhay sa pag-utob kan mga kasugoan nin Diyos.

46 Asin ini nangyaring naglipas na si Mosiah nagadan man, sa ikaw trenta asin tulong

An Simbahan ni Jesukristo nin Mga Banal sa Huring-aldaw

247

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

taon na saiyang paghahade, bilang sesenta asin tulong taon an edad; na nahihimo sa kabilugan, limang gatos asin siyam na taong magpoon sa panahon na si Lehi naghale sa Jerusalem.

47 Asin kaya nagtapos an paghahade kan mga hade na nangingibabaw sa mga katawohan ni Nephi; asin kaya nagtapos an mga aldaw ni Alma, na iyo an pundador kan saindang simbahan.

AN LIBRO NI ALMA

Ang Akeng Lalake ni Alma

An kasaysayan ni Alma, na iyo an akeng lalake ni Alma, an enot asin pamayong huwes na nangingibabaw sa mga katawohan ni Nephi, asin man iyo an halangkaw na pade kan Simbahan. Sarong kasaysayan kan pagpapahamak nin mga huwes, asin mga giyera asin pag-iiriwal-iwal kan mga katawohan. Asin man sarong kasaysayan nin sarong giyera sa pag-ultanan nin mga Nephita asin mga Lamanita, uyon sa rekord ni Alma, an enot asin pamayong huwes.

TSAPTER 1

Si Nehor nagparatukdo nin mga palsong doktrina, nagtugdok nin sarong simbahan, nagpoon nin palsong pagkasaserdote, asin ginadan si Gideon --- Binitay siya nin huli kan saiyang mga krimen --- An palsong pagkasaserdote asin an mga pagpersige naglakop sa pag-iriba nin mga katawohan --- An mga pade nagsuporta kan saindang mga sadire, an mga katawohan nagmato para sa mga pobre, asin an Simbahan nagdakula.

Ngonian ini nangyaring naglipas na sa enot na taon nin pagpapamahala nin mga huwes na nangibabaw sa mga katawohan nin Nephi, nagpoon ngonian na taon asin paabante, si hadeng Mosiah na nag-agi na sa dalan kan bilog na kinaban, na nakipaggiyera na nin sarong marhay na pakikipaggiyera, na naglalakaw na matanos sa atubangan nin Diyos, dae nagwalat na tanganing iyo an karibay niya; daeng pagkukulang siya nakapag-establisa nin mga ley, asin an mga ini minimidbid kan mga tawo; kun kaya sinda na-obliga na magsunod sa paagi nin mga ley na saiyang pinaggiribo.

2 Asin ini nangyaring naglipas na sa enot na taon kan pagpapamahala ni Alma sa tukawan nin paghuhukom, igwa nin sarong tawo na pinagdara sa saiyang atubangan na tanganing paghusgaran, sarong tawo na dakulaon, asin bantog kan saiyang grabeng kusog.

3 Asin siya nagparalakaw sa palibot na kairibahan nin mga katawohan, nagbabalangibog sainda na sa sabi niya tataramon nin Diyos, na nanhihimutik laban sa simbahan;

An Simbahan ni Jesukristo nin Mga Banal sa Huring-aldaw

248

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagdedeklara sa mga katawohan na an lambang pade asin paratukdo kaipuhan na magin popular; asin na sinda dae na kaipuhan na magtrabaho na gamit an saindang mga kamot, pero kaipuhan na suportaran sinda kan mga katawohan.

4 Asin siya man nagtestigo sa mga katawohan na an gabos na sangkatawohan dapat na magin ligtas sa huring aldaw, asin ta sinda dae dapat matakot ni mangubog-kubog, alagad kaipuhang gayo na ipaglangkaw an saindang mga payo asin mag-orogma; nin huli ta an Kagurangnan iyo an naglalang kan gabos na mga tawo, asin iyo man an nagtubos kan gabos na mga tawo; asin, sa katapos-tapusi, an gabos na mga katawohan dapat na magkaigwa nin buhay na daeng kasagkoran.

5 Asin ini nangyaring naglipas na siya naggad nagtukdo kaining mga bagay nin maigot na tanganing kadakul an nagturubod sa saiyang mga tataramon, nagin grabe kadakul na sinda nagpoon sa pagsuporta saiya asin nagtatao saiya nin kuwarta.

6 Asin siya nagpoon na maipaglangkaw sa kapa-abaw-abawan kan saiyang puso, asin nagsusul-ot nin grabe kamahal na pagbabado, iyo, asin maski ngani nagpoon na magtugdok nin sarong simbahan na uyon sa manera kan saiyang pagbabalangibog.

7 Asin ini nangyaring naglipas na habang siya naggigibo kaini, na magbalangibog sa sinda na nagtutubod kan saiyang tataramon, siya nakanagbo nin sarong tawo na miyembro kan simbahan nin Diyos, iyo, sarong ngani kan saindang mga paratukdo; asin siya nagpoon na makipagbingkilan nin matarom sa saiya, na tanganing saiyang maiparayo an mga katawohan sa simbahan; alagad an tawong ini nakibingkilan saiya, na nagpapagiromdom saiya nin mga tataramon nin Diyos.

8 Ngonian an pangaran kan tawong ini iyo si Gideon; asin iyo ini siya na nagin instrumento kan mga kamot nin Diyos sa pagligtas kan mga katawohan ni Limhi paluwas sa pagka-uripon.

9 Ngonian, nin huli ta si Gideon nakipagbingkilan saiya kan mga tataramon nin Diyos siya naanggot ki Gideon, asin nagbunot kan saiyang espada asin nagpoon na taga-on siya. Ngonian si Gideon dara kan kagurangon nin kadakul na mga taon, kun kaya siya dae nakayanan an saiyang mga pagtaga, kun kaya siya ginadan sa paagi nin espada.

10 Asin an tawong iyo an nanggadan saiya dinakop kan mga katawohan nin simbahan, asin dinara sa atubangan ni Alma, na tanganing paghuhusgaran na uyon sa mga krimen na saiyang nagkaginibohan.

11 Asin ini nangyaring naglipas na siya nagtindog sa atubangan ni Alma asin nanindugan para sa saiyang sadire na may grabeng kapusogan.

12 Pero si Alma nagsabi sa saiya: Hilnga, iyo ini an pinaka-enot na pagkakataon na an palsong pagkasacerdote ipinahayag sa atubangan kaining mga katawohan. Asin hilnga, bako ka sanang nagkasala sa pagigin huwad na pagkasaserdote, alagad naghingohang ipautob ini sa paagi kan espada; asin kun an palsong pagkasaserdote iyo an ipapasunod sa pag-iribahan kaining mga katawohan iyo man sana ini an magpapatunay kan saindang bilog na pagkapahamakan.

13 Asin ika nakapagpabulos nin dugo kan sarong matanos na tawo, iyo, sarong tawo na nakagibo nin grabeng karahayan sa pag-iriba kaining mga katawohan; asin kun ika samuyang pababaya an saiyang dugo mapapasamuya para sa kabalusan.

14 Kun kaya ika kinondenang gadanon, na uyon sa ley na ipinagtao samuya ni Mosiah, an satuyang huring hade; asin ini iyo an ipinapasunod sa paagi kaining mga katawohan; kun kaya an mga katawohan ini kaipuhang gayo na magsusunod sa paagi kan ley.

15 Asin ini nangyaring naglipas na saindang kinurua siya; asin an saiyang pangaran iyo si Nehor; asin sainda siyang dinarara sa ibabaw kan burol Manti, asin duman siya pinagkausa, o ipinagpaamin, sa mga katahawan nin mga langit asin kinaban, na kun ano an saiyang ipinagtukdo sa mga katawohan ini kontra sa tataramon nin Diyos; asin duman siya nagsapo nin sarong makasupog-supog na kagadanan.

16 Daeng pagkukulang, na ini dae nakapagbugtak nin sarong katapusan para sa padagos na paglakop nin palsong pagkasaserdote sa bilog na kadagaan; nin huli ta igwa nin kadakul na nagmumuot sa mga daendatang mga bagay kan mundo, asin sinda nagpadagos na magparabalangibog nin mga palsong doktrina; asin ini saindang ginigibo nin huli sa mga kayamanan asin kapa-abaw-abawan.

17 Daeng pagkukulang, sinda dae nangahas na magputik, kun ini maaaraman, nin huli sa katakutan sa ley, dahil sa an mga putikon pinapadusahan; kun kaya sinda nagsasagin-sagin na nagbabalangibog na uyon sa saindang mga paniniwala; asin ngonian an ley puwedeng dae magkaigwa nin kapangyarihan sa kiisay man na tawo para sa saiyang sadireng paniniwala.

18 Asin sinda dae nangahas na maghabon, dahil sa katakutan sa ley, nin huli ta ini pinapadusahan; ni mangahas sindang manalakat, ni manggadan, nin huli ta siya na nanggagadan pinapadusahan nin kagadanan.

19 Pero ini nangyaring naglipas na an siisay man na bakong kabale sa simbahan nin Diyos nagpoon sa pagpersige sa sainda na kabale sa simbahan nin Diyos, asin dinadara ninda an pangaran ni Cristo.

20 Iyo, saindang pinirsige sinda, asin pinapakulgan sinda nin gabos na manera nin mga tataramon, asin ini nin huli kan saindang kapakumbabaan; nin huli ta sinda bakong mapagpalangkaw sa sadire nindang mga mata, asin nin huli ta sinda nagheheras nin tataramon nin Diyos, saro sa lambang saro, nin mayong kuwarta asin mayong presyo.

21 Ngonian nagkaigwa nin sarong estriktong ley sa pag-iriba kan mga katawohan nin simbahan, na dapat mayo nin siisay na tawo, na kabale kan simbahan, na mag-alsa asin persigiron sinda na bakong kabale sa simbahan, asin ta dapat na mayong persekusyon sa pag-iriba kan saindang mga sadire.

22 Daeng pagkukulang, nagkaigwa nin kadakul sa pag-iriba ninda na nagpoon na magin mapagpalangkaw asin nagpoon na makipag-iwal nin mainitan sa saindang mga kalaban, magin hanggan sa mga pakipagkulugan; iyo, sinda nakikipagkulugan sa lambang saro sa paagi kan saindang mga kamao.

23 Ngonian ini nangyari sa ikaduwang taon na pagpapamahala ni Alma, asin ini nagkausa nin grabeng kakulugan sa simbahan; iyo, ini iyo an nagkausa nin grabeng pagsubok sa simbahan.

24 Nin huli ta an mga puso nin kadakul nagin matagason, asin an saindang mga pangaran pinara na, na tanganing sinda dae na paggigiromdomon na pag-iriba pa nin mga katawohan nin Diyos. Asin man kadakul nang naglilikay kan saindang mga sadire gikan sa pag-iriba ninda.

25 Ngonian ini an sarong pagsubok sa sainda na nagin mapusog sa pagtubod; daeng pagkukulang, sinda nagin mapusog asin dae nababago sa pagsunod kan mga kasugoan nin Diyos, asin saindang pinaninindugan na may pasensiya an mga persekusyon na ipinagputong sa sainda.

26 Asin kun an mga kapadean binabayaan an saindang mga trabaho na tanganing

makapagheras kan tataramon nin Diyos sa mga katawohan, an mga katawohan man binabayaan an saindang mga trabaho sa pagdangog kan tataramon nin Diyos. Asin kun an pade nakapagheras na sa sainda kan tataramon nin Diyos sinda gabos minabarak tulos na may kaigotan sa saindang mga trabaho; asin an pade, dae ipinapamugtak an sadire na halangkaw sa saiyang mga paradangog; nin huli ta an parabalangibog bakong marhay labase kesa sa paradangog, ni an paratukdo mas marhay kesa sa estudyante; asin kaya sinda gabos pantay-pantay, asin sinda naggibo nin gabos na trabaho, an lambang tawo na uyon sa saiyang kusog.

27 Asin saindang ipinagheheras an saindang mga kabuhayan, an lambang tawo uyon sa saiyang pagsadire, sa pobre, asin sa nangangaipo, sa may helang, asin sa nakulgan; asin sinda dae nagsusul-ot nin grabe kamahal na mga bado, alagad sinda malinigon asin kaakit-akit.

28 Asin kaya sinda nagpamugtak kan mga gibohon kan simbahan; asin kaya sinda nagkaigwa nin padagos na katuninongan giraray, maski na ngani sa gabos nindang mga persekusyon,

29 Asin ngonian, nin huli sa katatagan nin simbahan sinda nagpoon na magin mayamanon na marhay, igwa nin abunda sa gabos na mga bagay na anuman na saindang pangangaipo --- abunda nin mga kakarnerohan asin kabakahan, asin mga patabaon na mga hayop sa lambang klase, asin man abunda sa butil, asin kan bulawan, asin kan plata, asin kan mamahalon na mga bagay, asin abunda nin sutla asin marhay na hinabing lino, asin nin gabos na manera nin marhay na panharong na pagbabado.

30 Asin kaya sa saindang ma-asensong kamugtakan, sinda dae nagtataboy nin siisay man na huba, o kaya sinda gutom, o kaya napapaha, o na sinda may kamatean, o idtong dae napapangataman; asin sinda dae ninda ipinapamugtak an saindang mga puso sa mga kayamanan; kun kaya sinda nagin matinao-tao sa gabos, gurang man o hoben, uripon man o malaya, lalake man o babae, magin sa luwas man nin simbahan o sa laog nin simbahan, mayong pinipiling mga tawo lalo na sa sainda na mga nangangaipo.

31 Asin kaya sinda nag-asenso asin nagin mga mayamanon labi kesa sa sainda na bakong kabale kan saindang simbahan.

32 Nin huli ta sinda na bakong kabale sa saindang simbahan pinalayaw an saindang mga sadire sa mga pagkakaraw, asin sa idolatriya o kahugakan, asin sa mga pagpapakaraot, asin sa mga pang-uuri asin pakikipag-iwalan; nagsusul-ot nin mga mamahalon na pagbabado; nadara paitaas kan kapa-abaw-abawan kan saindang mga sadireng mga mata; nagpepersige, nagpuputik, naghahabon, nananalakat, naggigibo nin mga pamumuta, asin nanggagaradan, asin gabos na manera nin karumputan; daeng pagkukulang, an ley maigot na ipinapasunod para sa sainda gabos na naggigibo nin kalapasan kaini, habang ini posible pa.

33 Asin ini nangyaring naglipas na kaya sa paagi kan pagpapasunod kan ley sa sainda, an lambang tawo nagdudusa uyon sa saindang nagkaginibohan, sinda nagin matuninong na marhay, asin dae gayo nakakagibo nin anuman na karumputan kun ini napapabantog; kun kaya, nagkaigwa nin grabeng katuninongan sa pag-iriba nin mga katawohan ni Nephi hanggan sa ikalimang taon na pagpapamahala nin mga huwes.

ALMA TSAPTER 2

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Si Amlici nagmawot na magin hade asin pinaghaboan sa paagi nin boses nin mga katawohan --- An saiyang mga parasunod iyo an naggibo na magin hade siya --- An mga Amlicita nakipaggiyera sa mga Nephita asin dinaraog --- An mga Lamanita asin mga Amlicita nagkasararo an mga puwersa asin dinaraog --- Si Alma iyo an naggadan ki Amlici.

Asin ini nangyaring naglipas sa pagpoon kan ikalimang taon kan saindang pagpapamahala na nagkaigwa nin sarong pag-iiriwal-iwal sa pag-iriba kan mga katawohan; nin huli kan sarong tawo, na pinag-aapud na Amlici, siya bilang sarong napakatusong tawo, iyo, sarong madunong na tawo sa kadunungan kan mundo, siya bilang parasunod sa katukdoan kan tawong naggadan ki Gideon sa paagi nin espada, na hinatulan nin kagadanan uyon sa ley---

2 Ngonian ining Amlici naggibo, sa paagi kan saiyang katusuhan, na mapalawigaw an kadakul na mga katawohan na tanganing magsunod saiya; grabe kadakul na sinda nagpoon na magin grabeng gayo an kapangyarihan; asin sinda nagpoon sa paghingoha na maipamugtak si Amlici na magin sarong hade na mangingibabaw sa mga katawohan.

3 Ngonian ini nakapagpa-alarma sa mga katawohan kan simbahan, asin man sa gabos na dae nagpadarang maparayo sa mga pangangagda ni Amlici; nin huli ta sinda nakakaaram na uyon sa saindang ley na an mga arog kaining mga bagay dapat na ipagpamugtak sa paagi kan boses nin mga katawohan.

4 Kun kaya, kun ini magin posible na si Amlici dapat na ganahon an boses kan mga katawohan, siya, na bistadong sarong maraot na tawo, na puwedeng magkait sainda kan saindang mga karapatan asin mga pribilihiyo kan simbahan; nin huli ta ini kaidto pa an intensiyon niya na destrosohon an simbahan nin Diyos.

5 Asin ini nangyaring naglipas na an mga katawohan nag-asembliya kan saindang mga sadire na magkatiripon-tipon sa gabos na bilog na kadagaan, an lambang tawo sa saiyang sadireng kaisipan, kun sinda uyon o dae ki Amlici, sa separadaong mga kahawakan, na nagkaigwa nin grabeng kontrahan na pag-oorolay-olay asin grabeng makangalason na pag-iiriwal-iwal sa lambang sarong sa sarong.

6 Asin kaya sinda naggad nag-asembliya kan saindang mga sadire na tanganing maipahayag an saindang mga boses manungod sa mga bagay-bagay; asin sinda dinara sa atubangan kan mga huwes.

7 Asin ini nangyaring naglipas na an boses kan mga katawohan nagluwas na kontra ki Amlici; na siya dae ginibong hade na mangingibabaw sa mga katawohan.

8 Ngonian ini nakapagkausa nin grabeng kaogmahan sa mga puso ninda na kontra sa saiyang; alagad ki Amlici naggibong pukawon sinda na pabor saiyang na magka-aranggot sainda na bakong pabor sa saiyang.

9 Asin ini nangyaring naglipas na sinda nagtiripon kan saindang mga sadire na magkasararo, asin kinonsagra si Amlici na magin saindang hade.

10 Ngonian kan si Amlici na naggibo nang hade siya nagsugo sainda na sinda dapat na magkapot nin mga armas kontra sa saindang mga katugangan; asin ini saiyang ginibo na tanganing sakopon niya sinda.

11 Ngonian an mga katawohan ni Amlici pinagbibisto sa paagi nin pangaran ni Amlici,

na pinag-apud na mga Amlicita; asin an katadaan pinag-aapud na mga Nephita, o an mga katawohan nin Diyos.

12 Kun kaya an mga katawohan kan mga Nephita nakakaaram na gayo kan intensiyon kan mga Amlicita, asin kun kaya sinda naghanda sa pakikipag-atubang sinda; iyo, sinda nag-armas kan saindang mga sadire nin mga espada, asin mga sibat, asin mga busog, asin mga pana, asin mga gapo, asin mga tirador, asin nin gabos na manera nin mga armas pangiyera, sa lambang klase.

13 Asin kaya sinda nakapaghanda na na atubangon an mga Amlicita sa panahon na sinda mag-atake. Asin nagkaigwa nin mga kapitan, asin halangkaw na mga kapitan, asin mga pamayong kapitan, na uyon kan saindang mga kabilangan.

14 Asin ini nangyaring naglipas na si Amlici nag-armas kan saiyang mga tawo nin gabos na manera nin armas pangiyera sa lambang klase; asin siya man nangngaran nin mga tagapamahala asin mga lider na mangingibabaw sa saiyang mga katawohan, na pangengenotan sinda sa pakigiyera kontra sa saindang mga katugangan.

15 Asin ini nangyaring naglipas na an mga Amlicita nag-arabot sa ibabaw nin burokid-bukid na Amnihu, na yaon sa sirangan kan salog Sidon, na nagdadaloy sa kadagaan nin Zarahemla, asin duman sinda nagpoon sa pakipaggiyera laban sa mga Nephita.

16 Ngonian si Alma, bilang iyo an pamayong huwes asin gobernador kan mga katawohan nin Nephi, kun kaya siya naghanduyog sa saiyang mga katawohan, iyo, sa pag-iriba kan saiyang mga kapitan, asin mga pamayong kapitan, iyo, na yaon sa pamayuhan kan saiyang mga hukbo, laban sa mga Amlicita sa pakipaggiyera.

17 Asin sinda nagpoon sa paggaradan kan mga Amlicita sa may buro-bukid na sirangang parte kan Sidon. Asin an mga Amlicita nakipaglaban na gayo sa mga Nephita na may grabeng kakusugan, na tanganing kadakul sa mga Nephita an nagkaturumba sa atubangan kan mga Amlicita.

18 Daeng pagkukulang na an Kagurangnan an nagpakusog kan kamot nin mga Nephita, na tanganing saindang pinagparagadan an mga Amlicita sa dakulang pagbuno, na tanganing sinda nagpoon na magparadulag sa atubangan ninda.

19 Asin ini nangyaring naglipas na an mga Nephita nagralamag sa mga Amlicita sa bilog kaidtong aldaw, asin pinaggaradan sinda sa dakulang pagbuno, na tanganing nagkaigwa nin mga gadan sa mga Nephita na may bilang na sais mil kinyentos sais siyenta asin duwang mga kalag.

20 Asin ini nangyaring naglipas na kan si Alma dae na makakalamag sa mga Amlicita siya nagkausa na an saiyang mga katawohan dapat na magtugdok kan saindang mga tolda sa bukid nin Gideon, an bukid na pinag-apud sa ngaran ni Gideon na nagadan sa kamot ni Nehor sa paagi nin espada; asin sa bukid na ini an mga Nephita nagtugdok kan saindang mga tolda para sa pagkabanggi.

21 Asin si Alma nagpadara nin mga espiya na iyo an magsunod sa mga Amlicita, na tanganing siya puwedeng makaaram kan saindang mga plano asin kan saindang mga gigibohon, kun saen siya puwedeng makapagbantay kan saiyang sadire laban sinda, na tanganing saiyang mapagbantayan an saiyang mga katawohan laban sa pagkadastro.

22 Ngonian sinda na saiyang pinadara tanganing magmasid sa kampo kan mga Amlicita pinag-apud na sinda si Zerem, asin Amnor, asin Manti, asin Limherl iyo ini sinda na iyo an nagpasiring kairiba an saindang mga tawo sa pagmasid sa kampo nin mga Amlicita.

23 Asin ini nangyaring naglipas na kinaagahan sinda nagbaralik sa kampo kan mga

Nephita na nasa grabeng kahidalian, na yaon sa dakulang kangangalasan, asin pano-pano nin grabeng pagkatakot, na nagsasabi:

24 Hilnga, samuyang sinundad sa kampo an mga Amlicita, asin sa samuyang dakulang pagkangalas, sa daga nin Minon, sa ibabaw kan daga nin Zarahemla, pasiring sa dalan paduman sa daga nin Nephi, nakahiling kami nin grabe kadakul na bilang na hukbo nin mga Lamanita; asin hilnga, an mga Amlicita nakibale na sainda;

25 Asin pinag-ambahan na lusubon an satuyang mga katugangan na yaraon sa dagang idto; asin sinda nagdudurulag sa atubangan ninda na kairiba an saindang mga kakarnerohan, asin saindang mga agom, asin saindang mga kaarakian, pasiriring sa satuyang siyudad; asin laen lang kun kita maghihidali baka mapapasainda an satuyang siyudad, asin an satuyang mga ama, asin an satuyang mga agom, asin an satuyang mga kaarakian gagaradanon.

26 Asin ini nangyaring naglipas na an mga katawohan nin Nephi pinagsararay an saindang mga tolda, asin nagharale sa bukid nin Gideon pasiring sa saindang siyudad, na iyo an siyudad nin Zarahemla.

27 Asin hilnga, habang sinda nagbabalyo sa salog nin Sidon, an mga Lamanita asin mga Amlicita, na grabeng gayo kadakul an bilang, na arog kaidto pa, na siring sa mga buhangin nin kadagatan, nag-aratake sainda na tanganing destrosohon sinda.

28 Daengpagkukulang, ang mga Nephita na pinakusog kan kamot nin Kagurangnan, na nagparangadye nin may kakusugan sa saiya na saiyang ililigtas sinda paluwas sa mga kamot kan saindang mga kalaban, kun kaya an Kagurangnan nadangog an saindang mga kinurahaw, asin naggad pinakusog sinda, asin an mga Lamanita asin an mga Amlicita nagkaturumba sa atubangan ninda.

29 Asin ini nangyaring naglipas na si Alma nakipaglaban ki Amlicita sa espada, lalawgon sa lalawgon; asin sinda naggad nagralabanan nin may kakusugan, an sarong laban sa sarong.

30 Asin ini nangyaring naglipas na si Alma, bilang sarong tawo nin Diyos, na nakapaghimo nin may grabeng pagtubod, nagkurahaw, na nagsasabi: O Kagurangnan, kaheraki asin iligtas an sakuyang buhay, na tanganing ako an magin instrumento kan saimong mga kamot sa pagligtas asin mai-preserba ining mga katawohan.

31 Ngonian kan si Alma nakapagsabi na kaining mga tataramon siya nakipaglaban giraray ki Amlici; asin siya pinakusog, na tanganing saiya mismong nagadan si Amlici kan saiyang espada.

32 Asin siya nakipaglaban man sa hade kan mga Lamanita; pero an hade kan mga Lamanita nagdulag paharayo ki Alma asin isinubol an saiyang mga guwardiya na iyo an makilaban ki Alma.

33 Alagad si Alma, kairiba an saiyang mga guwardiya, nakipaglaban sa mga guwardiya kan hade nin mga Lamanita hanggan saiyang magadan asin maitulak sinda pabalik.

34 Asin kaya saiyang pinagrillinig an lugar, o an tampi, na yaon sa sulnopan kan salog nin Sidon, pinag-arapon an mga hawak nin mga Lamanita na nagkagaradan pasiring sa mga tubig nin Sidon, na tanganing an saiyang mga katawohan magka-igwa nin lugar na mabalyuhan asin makipaglaban sa mga Lamanita asin mga Amlicita na yaraon sa sulnopang parte kan salog Sidon.

35 Asin ini nangyaring naglipas na kan sinda nakabalyo na gabos sa salog Sidon na an mga Lamanita asin mga Amlicita nagporoon sa pagdurulag paharayo sainda, na maski na ngani na sinda grabe pang gayo an numero na sinda ngani dae pa kayang bilangon.

An Simbahan ni Jesukristo nin Mga Banal sa Huring-aldaw

254

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

36 Asin sinda nagdurulag sa atubangan kan mga Nephita pasiriring sa kadawagan na yaon sa may sulnopan asin norte, paharayo lampas sa mga kasagkoran nin kadagaan; asin an mga Nephita nagralamag sainda na may grabe sindang kakusugan, asin sinda naggad pinaggaradan.

37 Iyo, sinda nagkanaragboan kan lambang kamot, asin ginaradan asin nagdurulagan, hanggan sinda nagkawatatak-watak sa may sulnopan, asin sa may norte hanggan sinda nagka-arabot sa may kaparangan, na pinag-aarapud na Hermounts; asin iyo ini an parte kan kaparangan na pinamumuhayan kan mga layas asin masibang mga hayop.

38 Asin ini nangyaring naglipas na kadakul an nagkagaradan sa may kaparangan kan saindang mga lugad, asin pinagkarakan kaidtong mga hayop asin man kan mga buwitre nin hangin; asin an saindang mga tulang nagkanaragboan, asin pinagtiripon-tipon sa ibabaw nin daga.

ALMA TSAPTER 3

An mga Amlicita nagmarka kan saindang mga sadire susog sa napropesiyang tataramon --- An mga Lamanita pinagsumpa nin huli kan saindang pagrebelde --- An mga tawo nagdadara kan sadire man sana nindang mga sumpa na nangingibabaw sa saindang mga sadire --- An mga Nephita nadaog an ibang hukbo nin mga Lamanita.

Asin ini nangyaring naglipas na an mga Nephita na dae nagkagaradan kan mga armas nin giyera, pagkatapos na sainda nang nailubong idtong mga nagkagaradan --- ngonian an numero kan mga nagkagaradan dae mabilang, nin huli sa kadakulaan kan saindang bilang --- pagkatapos na nakatapos na sa paglubong kan saindang mga gadan sinda gabos nagbaralik sa saindang mga kadagaan, asin sa saindang mga harong, asin sa saindang mga agom na babae asin sa saindang mga kaarakian.

2 Ngonian kadakul na mga babae asin mga kaarakian an nagkagaradan sa paagi nin espada, asin man kadakul kan saindang mga kakarnerohan asin kan saindang mga kabakahan; asin man kan saindang mga kaomahan nin butil na nagkaderestroso, nin huli ta sinda nagkatirimak-timakan nin kadakul na grupo nin mga tawo.

3 Asin ngonian habang kadakul kan mga Lamanita asin mga Amlicita na nagkagaradan sa may tampi nin salog Sidon na ipinag-arapon sa tubig nin Sidon; asin hilnga an saindang mga tulang yaraon sa mga kairaroman nin dagat, asin sinda kadakul na gayo.

4 Asin an mga Amlicita mahihiling na laen man sa mga Nephita, nin huli ta sinda nagmarka kan saindang mga sadire nin pula sa saindang mga angog na arog kan manera nin mga Lamanita; daeng pagkukulang na sinda dae nag-ahit kan saindang mga payo arog kan mga Lamanita.

5 Ngonian an mga payo kan mga Lamanita pinag-ahitan; asin sinda mga huba, laen lang kan bahag na nakahagkos sa saindang mga habayan; asin man kan saindang baluti, na nakasul-ot sa palibot ninda, asin an saindang mga busog, asin an saindang mga pana, asin an saindang mga gapo, asin an saindang mga tirador, asin iba pa.

6 Asin an mga onit kan mga Lamanita mairitom, na susog sa mga marka na

An Simbahan ni Jesukristo nin Mga Banal sa Huring-aldaw 255
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

ipinagpamugtak kan saindang mga ama, na iyo an sarong sumpa sa sainda nin huli kan saindang mga kalapasan asin kan saindang pagrebelde laban sa saindang mga katugangan, na sinda Nephi, Jacob, asin Joseph, asin Sam, na mga husto asin banal na mga tawo.

7 Asin an saindang mga katugangan nagmawot na destrosohon sinda, kun kaya sinda isinumpa; asin an Kagurangnan nagbugtak nin marka sa sainda, iyo, kina Laman asin Lemuel, asin man sa akeng lalake ni Ishamael, asin Ishmaelista na mga kababaehan.

8 Asin ini ginibo na tanganing an saindang mga banhi mabistong laen sa mga banhi kan saindang mga katugangan, na mangyari na an Kagurangnang Diyos iyo an magpreserba kan saiyang mga katawohan, na tanganing sinda dae makahalobilo asin magtubod sa mga salang tradisyon na iyo an makapagpapatotoo kan saindang kapahamakan.

9 Asin ini nangyaring naglipas na an siirisay man na nakihalo kan saiyang banhi sa mga Lamanita ini nagdara nin kaparehong sumpa sa saiyang banhi.

10 Kun kaya, an siirisay man na nagtugot kan saiyang sadire na madara kan mga Lamanita pinag-apud na yaon sa irarom kan pamayo ninda, asin igwa nin sarong marka na ipinagpamugtak sainda.

11 Asin ini nangyaring naglipas na an siirisay man an dae nagtutubod sa tradisyon kan mga Lamanita, alagad nagtutubod sa mga talaan na dinara paluwas sa daga nin Jerusalem, asin man sa tradisyon kan saindang mga ama, na ngani tama, na nagtubod sa mga kasugoan nin Diyos asin pinaggigibo an mga ini, iyo an pinag-aapud na mga Nephita, o an mga katawohan ni Nephi, magpoon sa panahon na idto hanggan pa man---

12 Asin iyo sinda an nagtago kan mga talaan na mga totoo na panungod kan saindang mga katawohan, asin man kan mga katawohan nin mga Lamanita.

13 Ngonian mabalik giraray kita sa mga Amlicita, nin huli ta nagkaigwa man sindang marka na ipinagbugtak sainda; iyo, sinda na nagpamugtak kan sainda man sanang marka para sa sadire ninda, iyo, magin sarong markang pula na ibinugtak sa saindang mga angog.

14 Kaya an tataramon nin Diyos nautob na, nin huli ta iyo ini an saiyang mga tataramon na sinabi niya ki Nephi: Hilnga, an mga Lamanita sakuyang isinumpa, asin ako magbubugtak nin sarong marka sainda na tanganing sinda asin an saindang banhi puwedeng separado sa saimo asin kan saimong banhi, magpoon ngonian na panahon na paabuton asin sa daeng kasagkoran, laen lang kun sinda magsosolsol kan saindang mga kasalanan asin magbalik sa sako na tanganing ako magkaigwa nin pagkaherak sa sainda.

15 Asin giraray: Ako magbubugtak nin sarong marka sa saiya na nakihalo an saiyang banhi sa saimong mga katugangan, na tanganing sinda man isusumpa.

16 Asin giraray: Ako magbubugtak nin sarong marka sa saiya na nakikilaban kontra saimo asin sa saimong banhi.

17 Asin giraray, Ako nagsasabi: Siya na nagharayo gikan saimo bako nang pag-aapudon na saimong banhi; asin ako magbebendisyon saimo, asin sa kiirisay man na pag-aapudon na saimong banhi, ngonian asin sa daeng kasagkoran; asin sa saiyang banhi.

18 Ngonian an mga Amlicita dae nag-aaram na sinda nag-uutob na sa mga tataramon nin Diyos kan sinda nagpoon sa pagmarka kan saindang mga sadire sa saindang mga angog; daeng pagkukulang na sinda nagluluwas na yaon sa bukas na pagrerebelde kontra sa Diyos; kun kaya ini kapakinabangan na an sumpa dapat na mapasainda man sana.

19 Ngonian ako maggigibo na tanganing kamo makahiling na sinda nagdara sa sadire

ninda kan sumpa; asin maski kami naggibo na an tawo na pinagsumpa nagdara sa sadire niya kan saiyang sadireng kondensasyon.

20 Ngonian ini nangyaring naglipas na dae pa kadakul na mga aldaw pagkatapos an giyera na ipinaglaban sa daga nin Zarahemla, kontra sa mga Lamanita asin mga Amlicita, na nagkaigwa pa nin iba pang hukbo kan mga Lamanita na nag-atake sa mga katawohan nin Nephi, sa kaparehong lugar kun saen an pinaka-enot na hukbo naki-atubang sa mga Amlicita.

21 Asin ini nangyaring naglipas na igwa nin sarong hukbo na ipinadara na tanganing labanan sinda paluwas sa saindang kadagaan.

22 Ngonian si Alma sa saiyang sadire na nagsapo nin sarong lugar dae nag-iba sa pakigiyera sa panahon na ini kontra sa mga Lamanita;

23 Alagad nagpadara nin sarong dakulang numero kan hukbo laban sa sinda; asin sinda nagpaduman pinaggaradan an kadakul na mga Lamanita asin itinaboy an katadaan sinda paluwas sa mga sagkodon kan saindang mga kadagaan.

24 Asin pagkatapos sinda nagbaralik giraray asin nagpoon na maghimo sa katuninongan sa kadagaan, na dae na pag-istorbohon sa laog nin sarong panahon kan saindang mga kaiwal.

25 Ngonian an gabos na bagay na ini pinangyari, iyo, an gabos na ining mga pakigiyera asin pakipaglaban pinupunan asin tinatapos sa ika-limang taon kan pagpapamahala nin mga huwes.

26 Asin sa sarong taon rinibo asin manampulong mga ribo na mga kalag an naipadara sa daeng kasagkoran na kinaban, na tanganing sinda may-aani kan saindang mga pabuya na uyon sa saindang mga nakaginibohan, na kumbaga sinda marhay o kumbaga sinda maraot, na tanganing mag-aani nin daeng katapusan na kaogmahan o daeng katapusan na kasakitan, uyon sa espiritu na sinda ipinaglista na magsusunod, kumbaga ini nagin sarong marhay na espiritu o sarong maraot.

27 Nin huli ta an lambang tawo nagresibe nin mga kabayaran sa saiya na iyo an naglista para sa pagsunod, asin mangyaring uyon sa mga tataramon kan espiritu nin propesiya; kun kaya mangyari man lugod na ini uyon sa katotohanan. Asin dyan nagtapos an ika-limang taon kan pagpapamahala nin mga huwes.

ALMA TSAPTER 4

Si Alma nagbunyag nin rinibong mga nagbarag-ong mga tawo --- An kadaendataan naglaog sa Simbahan, asin an pagprogreso kan simbahan na-antala --- Si Nephihah iyo an pinanggaran na pamayong huwes --- Si Alma, bilang pinakahalangkaw na pade, ipinagdulot an sadire para sa ministryo.

Ngonian ini nangyaring naglipas na sa ika-anom na taon kan pagpapamahala nin mga huwes na nangibabaw sa mga katawohan nin Nephi, mayo nin mga ralabanan o mga pakigiyera sa kadagaan nin Zarahemla.

An Simbahan ni Jesukristo nin Mga Banal sa Huring-aldaw 257
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Pero an mga katawohan nagmundo, iyo, nagmundong gayo sa pagkawara kan saindang mga katugangan, asin man sa pagkawara kan saindang mga kakarnerohan asin mga kabakahan, asin man sa pagkawara kan saindang omahan nin mga butil, na pinagtirimak-timakan sa irarom kan mga bitis asin pinagderestroso kan mga Lamanita.

3 Asin grabeng gayo an saindang mga kamondoan na an lambang kalag naggibong magmundo; asin sinda nagtutubod na ini iyo an mga kahukuman nin Diyos na ipinadara sinda nin huli kan saindang mga karigsokan asin kan saindang mga karumputan; kun kaya sinda nagmuklat sa sarong kagiromdoman kan saindang katalagahan.

4 Asin sinda nagpoon sa pag-establisa kan simbahan na may bilog na pagmawot; iyo, asin kadakul an nabunyagan sa mga tubig kan Sidon asin nagin kabale sa simbahan nin Diyos; iyo, sinda pinagbunyagan sa paagi kan kamot ni Alma, na iyo an kinonsagrang halangkaw na pade na mangingibabaw sa mga katawohan kan simbahan, sa paagi kan kamot nin saiyang ama na si Alma.

5 Asin ini nangyaring naglipas na sa ikapitong taon kan pagpapamahala kan mga huwes nagkaigwa nin labi sa tres mil kinyentos na mga kalag na nakisumaro kan saindang mga sadire sa simbahan nin Diyos asin nagkaburunyagan na. Asin kaya natapos an ikapitong taon na pagpapamahala kan mga huwes sa pangngibabaw sa mga katawohan ni Nephi; asin nagkaigwa nin padagos na katuninongan sa bilog kaidtong panahon.

6 Asin ini nangyaring naglipas na sa ikawalong taon kan pagpapamahala nin mga huwes, na an mga katawohan nin simbahan nagpoon na magin mapang-abaw-abaw, nin huli sa nagsosobra nindang mga kayamanan, asin an saindang pinong mga sutla, asin an saindang hinabing na lino, asin nin huli kan saindang kadakul na mga kakarnerohan asin mga kabakahan, asin an saindang mga bulawan asin an saindang mga plata, asin an gabos na manera nin mga mahahalagang mga bagay, na saindang nagkakurua sa paagi kan saindang paghigos; asin sa kaining mga bagay na nakapaglangkaw sa kapa-abaw-abawan kan saindang mga mata, nin huli ta sinda nagpoon na na magsul-ot nin grabe kamahal na mga pagbabado.

7 Ngonian iyo ini ang nagkausa nin grabeng kahaditan ki Alma, iyo, asin sa kadakul na mga tawo na si Alma an nagkonsagra sa magin mga paratukdo, asin mga pade, asin mga elder nin simbahan; iyo, kadakul sinda an grabe an pagkamundo nin huli kan karigsokan na saindang namansayan na nagpoon nang gayong nagin yaon sa pag-iriba kan saindang mga katawohan.

8 Nin huli ta saindang nahihiling asin namamansayan na may dakulang pagkamundo na an mga katawohan nin simbahan nagpoon na nagpapalangkaw sa kapa-abaw-abawan kan saindang mga mata, asin ipinapamugtak an saindang mga puso sa mga kayamanan asin sa mga mayong kamugtakan na mga bagay sa kinaban, na sinda nagpoon na magin mga paralibak, an sarong kontra sa sarong, asin sinda nagpoon na magpersige sa iba na dae nagtutubod uyon sa saindang mga pansadireng pagboot asin kaogmahan.

9 Asin kaya, kaining ikawalong taon kan pagpapamahala nin mga huwes, nagkaigwa nin pagpopoon nin magin dakulang pag-iirwal-iwal sa pag-iriba nin mga tawo kan simbahan; iyo, nagkaigwa nin mga iringgitan, asin sirimbagan, asin malisya, asin mga pagpersige, asin kapa-abaw-abawan, asin maski ngani minasobra pa sa sinda na bakong mga kabale sa simbahan nin Diyos.

10 Asin kaya natapos an ikawalong taon kan pagpapamahala nin mga huwes; asin an karigsokan kan simbahan iyo an sarong dakulang kaulangan para sinda na bakong

kabale sa simbahan; asin kaya an simbahan nagpoon na maghulog sa pagigin progresibo kaini.

11 Asin ini nangyaring naglipas na sa pagpoon kan ikasiyam na taon, si Alma nakamasid sa karigsokan nin simbahan, asin saiya man nahihiling na an ehemplo kan simbahan nagpopoon na mag-akit sa iba na mga kayong pagtubod na gumibo gikan sa sarong pedasong kadaendatahan pasiring sa sarong pa, kaya iyo an nakapagdara nin kapahamakan sa mga katawohan.

12 Iyo, saiya nahihiling an bakong pantay na kamugtakan nin mga katawohan, an iba nagpapalangkaw kan saindaang mga sadire sa kapa-abaw-abawan, pinaghahamak an iba, tinatalikod an saindaang mga likod sa mga may pangangaipo asin mga huba asin sa sainda na mga gutom na, asin sa sainda na mga napapaha, asin sa sainda na may kahelangan asin may kasakitan.

13 Ngonian iyo ini an nagkausa nin dakulang mga pagtatangis sa pag-iriba nin mga katawohan, habang an iba ipinapababa an saindaang mga sadire, nagtatabang sa iba na nangangaipong gayo kan saindaang katabangan, halimbawa baga sa pagheheras kan saindaang mga pagsadire sa mga pobre asin sa mga nangangaipo, pinapakakan an mga gutom, asin nakakamate nin gabos na mga manera nin kasakitan, sa ngaran ni Cristo, na maabot uyon sa espiritu nin pagpropesiya;

14 Pinaghihiling na gayo an pag-abot kan aldaw na idto, kun kaya pinapaurog an kapatawaran kan saindaang mga kasalanan; napapano nin dakulang kaogmahan nin huli sa pagkabuhay-liwat nin mga gadan, na uyon sa kagustuhan asin kapangyarihan asin pagliligtas ni Jesu Cristo gikan sa mga gapos nin kagadanan.

15 Asin ngonian ini nangyaring naglipas na si Alma, na iyo an nakakahiling sa mga kasakitan kan mga mapagpakumbabang parasunod ni Diyos, asin mga pagpepersige na ipinapamate sainda kan katadaan nin saiyaang mga katawohan, asin nakamasid kan gabos nin saindaang dae pagkapantay-pantay, nagpoon na magin mamondo na gayo; daeng pagkukulang na an Espiritu nin Kagurangnan dae nagpabaya saiya.

16 Asin siya nagpili nin sarong madunong na tawo na yaon sa pag-iriba kan mga elders nin simbahan, asin nagtao saiya nin kapangyarihan na uyon sa boses nin mga katawohan, na tanganing siya magkaigwa nin kapangyarihan na magpasar nin mga leyes na uyon sa mga leyes na itinao na, asin ipamugtak ini sainda na may kakusugan na uyon sa nagkaginibohang karigsokan asin mga krimen nin mga katawohan.

17 Ngonian an kapangaranan kan tawong ini iyo si Nephiah, asin siya pinangaranan na pinakapamayong huwes; asin siya nagtutukaw sa tukawan nin paghuhukom na tanganing maghuhukom asin iyo an magtagapamahala nin mga katawohan.

18 Ngonian si Alma dae niya ipinagpaubaya sa saiya an opisina na magin halangkaw na pade na mangingibabaw sa simbahan, alagad saiyaang itinada an opisina nin halangkaw na pade sa saiyaang sadire; pero saiyaang ipagpaubaya an tukawan nin paghuhukom ki Nephiah.

19 Asin ini saiyaang ginibo na tanganing siya sa saiyaang sadire puwedeng magpaduman sa pag-iriba kan saiyaang mga katawohan, o sa pag-iriba kan mga katawohan ni Nephi, na tanganing siya makapagbalangibog nin tataramon nin Diyos sa sainda na tanganing pamukawan sinda sa paggiromdom kan saindaang katungdan, asin tanganing siya puwedeng mahila pababa, sa paagi kan tataramon nin Diyos, an bilog na kapa-abaw-abawan asin katusuhan asin an gabos na mga pag-iiriwal-iwal na yaraon sa pag-iriba kan

saiyang mga katawohan, nahiling na mayong ibang dalan na puwede sindang mabawi kundi iyo na darahon sinda sa sarong tunay na testimonya na laban man sana sa sinda. 20 Asin kaya sa pagpoon kan ikasiyam na taon nin pagpapamahala nin mga huwes na nangingibabaw sa mga katawohan nin Nephi, si Alma iyo an nagpaubayang itao an tukawan nin paghuhukom ki Nephihah, asin ipinagpamugtak niya an saiyang sadire na magin halangkaw na pade sa banal na orden nin Diyos, para sa testimonya kan tataramon, na uyon sa espiritu nin paghahayag asin propesiya.

ALMA TSAPTER 5

An mga tataramon ni Alma, an Halangkaw na Padi uyon sa banal na orden nin Diyos, na ipinagbalangibog sa mga katawohan sa sindang mga siyudad asin mga erokan sa bilog na kadagaan. Binibilog nin Tsapter 5.

Tanganing makaguno nin kaligtasan, an mga tawo kaipuhan na magsosolsol asin magsunod sa mga kasugoan, magin bagong mundag giraray, paglinigan an sindang mga bado sa paagi kan dugo ni Cristo, magin mapagpakumbaba asin hubaon an sindang mga sadire gikan sa kapa-abaw-abawan asin pagka-inggit, asin gibohon an mga trabaho nin pagkamatanos --- An marhayon na Pastor pinag-aapud an saiyang mga katawohan --- Sinda na naggigibo nin mararaot na gibo mga ake nin diyablo --- Si Alma nagtestigo sa katotoohan kan saiyang doktrina asin nagsugo sa mga tawo na magsolsol --- An mga pangaran nin mga matatanos isusurat sa libro nin buhay.

Ngonian ini nangyaring naglipas na si Alma nagpoon na magbalangibog kan mga tataramon nin Diyos sa mga katawohan, enot sa daga nin Zarahemla, asin gikan duman pasiring sa kabilugan nin bilog na kadagaan.

2 Asin iyo ini an mga tataramon na saiyang ipinagsabi sa mga katawohan nin simbahan na ipinag-establisa sa siyudad nin Zarahemla, uyon sa saiyang sadireng talaan, na nagsasabi:

3 Ako, si Alma, ipinagkonsagra kan sakuyang ama, si Alma, na magin sarong halangkaw na padi sa bilog na simbahan nin Diyos, siya na igwang kapangyarihan asin autoridad na gikan sa Diyos na iyo an naggibo kan mga bagay na ini, hilnga, ako nagsasabi sa saindo na siya nagpoon na mag-establisa nin sarong simbahan sa daga na yaon sa mga kasagkoran nin Nephi; iyo, sa daga na pinag-apud na Daga nin Mormon; iyo, asin siya nagbunyang kan saiyang mga katugangan sa katubigan nin Mormon.

4 Asin hilnga, ako nagsasabi sa saindo, na sinda pinagligtas paluwas sa mga kamot nin mga katawohan ni Hadeng Noah, sa paagi kan pagkaherak asin kapangyarihan nin Diyos.

5 Asin hilnga, pagkatapos kaiyan, sinda pinagdara sa pagka-uripon sa paagi kan mga kamot nin mga Lamanita duman sa kaparangan; iyo, ako nagsasabi sa saindo, sinda yaon sa pagkasakop, asin giraray an Kagurangnan iyo an nagligtas sainda paluwas sa pagka-uripon sa paagi nin kapangyarihan kan saiyang mga tataramon; asin kami pinagdara sa

An Simbahan ni Jesukristo nin Mga Banal sa Huring-aldaw

260

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kadagaang ini, asin digde kami nagpoon na pinag-establisa an simbahan nin Diyos sa kabilugan kaining bilog man na kadagaan.

6 Asin ngonian hilnga, ako nagsasabi sa saindo, sakuyang mga katugangan, kamo na kabale kaiming simbahan, saindo daw gayong naitanom sa paggiromdom sa pagkasakop kan saindong mga ama? Iyo, asin saindo daw gayong naitanom an paggiromdom kan saiyang pagkaherak asin haloy ng pagtios para sa sainda? Asin labi pa dyan, saindo daw gayong naitanom an paggiromdom na siyang pinagligtas an saindang mga kalag gikan sa impiyerno?

7 Hilnga, saiyang binago an saindang mga puso; iyo, saiyang pinukaw sinda gikan sa nanok na pagturog, asin sinda nagimata pasiring sa Diyos. Hilnga, yaraon sinda kaidto sa tahaw nin kadikloman; daeng pagkukulang, an saindang mga kalag nagkariliwanagan sa paagi kan liwanag nin daeng katapusan na tataramon; iyo, sinda napalibutang gayo sa paagi kan mga gapos nin kagadanan, asin kan mga kadena nin impiyerno, asin an daeng katapusan na kapahamakan iyo an naghahalat sainda.

8 Asin ngonian ako naghahapot sa saindo, sakuyang mga katugangan, sindaw daw napahamak? Hilnga, ako nagsasabi sa saindo, Dae, sin dae naggad.

9 Asin giraray ako mahapot, an mga gapos daw nin kagadanan nahubad, asin an mga kadena nin impiyerno na nakapalibot sa saindang gayo, sinda daw pinabinuhian? Ako nagsasabi sa saindo, Iyo, sinda pinabuhian, asin an saindang mga kalag nagka-orogma, asin sinda nagkaranta nin mga awit nin mapagtubos na pagkamuo. Asin ako nagsasabi sa saindo na sinda nakaligtas.

10 Asin ngonian ako maghahapot saindo sa anong kondisyon na sinda nakaligtas? Iyo, sa anong kamugtakan baya na sinda kaipuhang mag-asa nin kaligtasan? Sa anong kausa na sinda binuhian gikan sa mga gapos nin kagadanan, iyo, asin man sa mga kadena nin impiyerno?

11 Hilnga, ako makakapagsabi saindo --- bako daw na an sakuyang ama na si Alma nagtubod sa mga tataramon na ipinagbalangibog sa paagi kan nguso ni Abinadi? Asin bako daw na siya sarong banal na prupeta? Bako daw na ginibo niyang magtaram nin mga tataramon nin Diyos, asin an sakong ama na si Alma nagtubod kaini?

12 Asin uyon sa saiyang pagtubod nagkaigwa nin sarong dakulaon na pagbabago na nahimo sa saiyang puso. Hilnga ako nagsasabi sa saindo na ini gabos katotoohan.

13 Asin hilnga, siya nagparabalangibog nin tataramon sa saindong mga ama, asin sarong dakulaon na pagbabago an nahimo sa saindang mga puso, asin sinda nagpakumbaba sa saindang mga sadire asin ipinamugtak an saindang tiwala sa totoo asin buhay na Diyos. Asin hilnga, sinda nagin pano nin pagtubod hanggan sa katapusan; kun kaya sinda naligtas.

14 Asin ngonian hilnga, ako maghahapot sa saindo, sakuyang mga katugangan sa simbahan, kamo daw gayud sa espirituwalidad namundag na sa Diyos? Saindo bagang naresibe na an saiyang imahen sa saindong mga lalawgon? Saindo na daw kayang namatean ining makusog na pagbabago sa saindong mga puso?

15 Saindo na kayang pinag-ehersisyo an pagtubod sa pagtubos niya na iyo an naglalang saindo? Kamo kaya nagtataw na may mata nin pagtubod, asin nahihiling ining mortal na hawak na binuhay-liwat sa immortalidad, asin ining kalapaan na magin mayong kalapaan, na magtitindog sa atubangan nin Diyos tanging paghukuman uyon sa mga nakaginibohan na ginibo sa mortal na hawak?

16 Ako nagsasabi sa saindo, kaya daw nindong imahinaron sa saindong mga sadire na saindong nadangog an boses nin Kagurangnan, na nagsasabi saindo, sa aldaw na iyan: Magdulok kamo sakuya kamong mga pinabanal, nin huli ta hilnga, an saindong mga gibo iyo an mga gibo nin pagkamatanos sa lalawgon kaining kinaban?

17 O saindo kayang imahinaron sa saindong mga sadire na kamo makapagputik pa sa Kagurangnan sa aldaw na iyan, asin makapagsabi --- Kagurangnan, an samuyang mga gibo mga matatanos na gibo sa lalawgon kaining kinaban --- asin kaiyan Siya ang magliligtas saindog?

18 O sa ibang paagi, maiisip nindo daw sa saindong mga sadire na darahon sa atubangan nin hukuman nin Diyos na an saindong mga kalag napano nin kasalanan asin kamondoan, iyo, sarong perpektong paggigiromdom sa gabos nindong karigsokan, iyo, sarong paggigiromdom na kamo nagpamugtak na lapason an mga kasugoan nin Diyos?

19 Ako nagsasabi sa saindo, makakahiling daw kamo sa Diyos sa aldaw na iyan na igwa nin tunay na puso asin malinigon na mga kamot? Ako nagsasabi sa saindo, makakatangad daw kamo sa itaas, na igwa nin imahen nin Diyos na ipinag-ukit sa saindong mga panhituresahon.

20 Ako nagsasabi sa saindo, makakaisip daw kamo na maliligtas sa panahon na kamo nagpadara kan saindong mga sadire na magin mga sakop nin diyablo?

21 Ako nagsasabi sa saindo, kamo makakaaram sa aldaw na iyan na kamo dae naggad maliligtas; nin huli ta mayong tawo na maliligtas laen lang kun an saiyang mga bado pinaglabahan na magin puti; iyo, an saiyang mga bado kaipuhan na papution hanggan sinda malinigan gikan sa gabos na mga dugta, sa paagi kan dugo niya na iyo an pinagsasabi kan satuyang mga ama, na iyo an mapadigde tanganing tubuson an saiyang mga katawohan gikan sa saindang mga pagkakasala.

22 Asin ngonian ako maghahapot sa saindo, sakuyang mga katugangan, ano daw kun an siisya saindo an mamamatean, kun kamo magtitindog sa atubangan nin hukuman nin Diyos, na an saindong mga bado nadugtaan nin dugo asin gabos na manera nin kaatian? Hilnga, anow daw an mga bagay na ini na maipahayag laban saindo?

23 Hilnga bako daw na an mga ini magpapahayag na kamo mga paragadan, iyo, asin man na kamo nagkasala nin gabos na manera nin kadaendatahan?

24 Hilnga, sakuyang mga katugangan, sa paghuna daw nindo na an arog kaining tawo makakatukaw sa kahadean nin Diyos, kairiba ni Abraham, kairiba ni Isaac, asin kairiba ni Jacob, asin man kan gabos na mga banal na propeta, na igwa nin badong malinigon asin mayong digta, tunay asin maputi?

25 Ako nagsasabi sa saindo, Dae; laen lang kun ginibo niya na an satuyang Kaglalang sarong putikon magpoon pa sa kapinunan, o naghuna na siya sarong putikon magpoon pa sa kapinunan, kamo dae naggad maghuhuna na an arog kaini igwa nin lugar sa kahadean nin kalangitan; pero sinda ipag-aapon paluwas nin huli ta sinda mga kaakian nin kahadean kan diyablo.

26 Asin ngonian hilnga, ako nagsasabi sa saindo, sakuyang mga katugangan, kun kamo maka-eksperiyensiya nin sarong pagbabago nin puso, asin kun kamo makakamate na magkanta nin awit nin matinubos-tubos na pagkamoot, ako mahapot, nakakamate na daw kamo ngonian?

27 Kamo daw nakapaglakaw na, binabantayan an saindong mga sadire na mayong kakundian sa atubangan nin Diyos? Kamo daw makapagsabi, na kun kamo apudon na

magagadan sa oras na ini, sa laog kan saindong mga sadire, na kamo nagka-igwa nin kapanoan nin kapakumbabaan? Na an saindong mga bado pinaglinigan na asin ginibong mapution sa paagi kan dugo ni Cristo, na mapadigde tanganing tubuson an saiyang mga katawohan gikan sa saindang mga pagkakasala?

28 Hilnga, kamo daw nahubaan na nin kapa-abaw-abawan? Ako nagsasabi sa saindo, kun kamo dae pa, kamo dae preparado sa pag-atubang sa Diyos. Hilnga kamo kaipuhan gayong maghanda nin madali; nin huli ta an kahadean nin langit harani nang gayo, asin an arog kaining tawo mayong buhay na daeng kasagkoran.

29 Hilnga, ako nagsasabi, igwa daw saindo na dae nahubaan nin pagka-ori? Ako nagsasabi sa saindo, na an arog kaining tawo dae preparado; asin ako nagmamawot na tanganing siya dapat maghanda nin madali, nin huli ta an oras harani nang gayo, asin siya dae nakakaaram kun noarin an panahon maabot; nin huli ta an arog kaining tawo dae mananagboan na mayong kasalanan.

30 Asin giraray ako nagsasabi sa saindo, igwa daw sa pag-iriba nindo na naggigibo na pagtuya-tuyaon an saiyang tugang, o nag-aatang sa saiya nin mga persekusyon?

31 Herak man sa tawong iyan, nin huli ta siya bako pang preparado, asin an panahon harani nang gayo na siya kaipuhan na magsosolsol o siya dae makakaligtas!

32 Iyo, magin saindo gabos na mga trabahador nin kadaendatahan; magsolsol, magsolsol, nin huli ta an Diyos iyo an nagtaram kaini!

33 Hilnga, siya nagpadara nin imbitasyon sa gabos na mga tawo, nin huli ta an mga kamot nin pagkaherak nakabiklad para sa sainda, asin siya nagsabi: Magsolsol, asin ako mag-aako saindo.

34 Iyo, siya nagsabi: Magdulok kamo sa sakuya asin kamo magkakakan nin prutas kan kahoy nin buhay; iyo, kamo magkakakan asin mag-iinom nin libreng tinapay asin mga tubig nin buhay;

35 Iyo, magdulok kamo sakuya asin magdarang gayo nin mga gibo nin pagkamatanos, asin kamo dae ipag-aapon pababa asin igagatong pasiring sa kalayo---

36 Nin huli ta hilnga, an panahon yaon nang gayo na an siriisay man na dae makapagdarang gayo nin marhay na prutas, o an siirisay man an dae naggigibo nin mga gibo nin pagkamatanos, iyo man sana siya an nagkausa na magtatangis asin magmumundo.

37 O kamong mga trabahador nin kadaendatahan; kamo na mga nagpapalangkaw sa mga daeng kamugtakang bagay nin mundo, kamo na mga nagpabantog na nakaaram na kan mga dalan nin pagkamatanos daeng pagkukulang na nagpasiriring sa kawaraan; bilang karnero na mayong pastor, na maski na nganing igwa nin sarong pastor na nag-apud saindo asin padagos pang nag-aapud saindo, alagad kamo habong magdarangog sa saiyang boses!

38 Hilnga, ako nagsasabi sa saindo, na an marhay na pastor nag-aapud saindo; iyo, asin sa saiyang sadireng pangaran siya nag-aapud saindo, na iyo an pangaran ni Cristo; asin kun kamo habong magdadangog sa boses nin marhay na pastor, sa pangaran na kun saen kamo pinag-aapudan, hilnga, kamo bakong karnero kan marhay na pastor.

39 Asin ngonian kun kamo bakong karnero kan marhay na pastor, sa anong pag-iriba kamo? Hilnga, ako nagsasabi sa saindo, na an diyablo iyo an saindong pastor, asin kamo yaon sa saiyang kawan; asin ngonian, siisay baya an mag-sasayuma kaini? Hilnga, ako nagsasabi sa saindo, an siirisay man an nagsasayuma kaini sarong putikon asin sarong

ake nin diyablo.

40 Nin huli ta ako nagsasabi sa saindo na an siirisay man na marhay naaggigikan sa Diyos, an siirisay man na maraot naggigikan sa diyablo,

41 Kun kaya, kun an sarong tawo nagdadara paluwas nin marhay na gibo siya nagdadangog sa boses kan marhay na pastor, asin siya nagsusunod saiya; alagad an siirisay man na nagdadara paluwas nin mararaot na mga gibo, siya man nagigin sarong ake nin diyablo, nin huli ta siya nagdadangog sa saiyang boses, asin nagsusunod saiya.

42 Asin an siirisay an naggigibo kaini kaipuhan na magresibe kan saiyang kabayaran saiya; kun kaya, para sa saiyang kabayaran iyo an magresibe nin kagadanan, sa mga bagay manunungod sa pagkamatanos, bilang gadan sa gabos nin mga marhay na mga gibo.

43 Asin ngonian, sakuyang mga katugangan, ako nagmamawot na kamo dapat magdadangog sakuya, nin huli ta ako nagtaram sa enerhiya kan sakuyang kalag; nin huli ta hilnga, ako nakapagtaram sa saindo nin yano na tanganing kamo dae mapapasala, o nakapagtaram uyon sa mga kasugoan nin Diyos.

44 Nin huli ta ako inapud na magtaram sa arog kaining manera, na uyon sa banal na orden nin Diyos, na yaon ki Cristo Jesu; iyo, ako sinugo na magtindog asin magpatotoo sa mga katawohang ini nin mga bagay na ipinagtaram na kan satuyang mga ama manunungod sa mga bagay na mag-aarabot.

45 Asin bako sana ini gabos. Dae dae kamo naghuhuna-huna na ako nakaaaram kaining mga bagay sa sakong sadire? Hilnga, ako nagpapatotoo sa saindo na ako naggad nakakaaram na an mga bagay na ini kun saen ako nakapagtaram naggad totoo. Asin paano daw nindo pighuhuna-huna na ako saindo nakakaseguro?

46 Hilnga, ako nagsasabi sa saindo sinda ipinagpaaram sa sakuya sa paagi kan Espiritu Santo nin Diyos. Hilnga, ako nag-ayuno asin nagpangadye nin kadakul na mga aldaw na tanganing ako naggad makaaram kaining mga bagay sa sakuyang sadire. Asin ngonian ako may pagkaaram sa sakuyang sadire na sinda totoo; nin huli ta an Kagurangnang Diyos iyo an nagtukdo kan mga ini sa sakuya sa paagi kan saiyang Espiritu Santo; asin ini iyo an espiritu nin kapahayagan na yaon sa sakuya.

47 Asin dagdag pa kaini, ako nagsasabi sa saindo na ini kaya ipinahayag sa sakuya, na an mga tataramon na ipinagtaram sa paagi kan satuyang mga ama naggad totoo, magin pa ini uyon sa espiritu nin propesiya na yaon sa sakuya, na iyo man baya sa paagi ninpagpapaaram kan Espiritu nin Diyos.

48 Ako nagsasabi sa saindo, na ako nakakaaram kan sadire ko na an anuman baya na sakuyang ipagsasabi sa saindo, manungod sa saiya na maabot, naggad totoo; asin ako nagsasabi sa saindo, na ako nakakaaram na si Cristo Jesus maabot, iyo, an Ake, an Bugtong na Pinipi kan Ama, pano nin grasya, asin pagkaherak, asin katotoohan. Asin hilnga, iyo ini siya na maabot sa paghale kan mga kasalan nin mundo; iyo, an mga kasalanan kan lambang tawo na may pusog na pagtutubod sa saiyang pangaran.

49 Asin ngonian ako nagsasabi sa saindo na iyo ini an orden na tanganing ako pinag-apud, iyo, na tanganing magbalangibog sa sakuyang mga namumutan na mga katugangan, iyo, asin an lambang saro na nag-eerok sa kadagaan; iyo, na tanganing magbalangibog para sa gabos, sa gurang na asin hoben, sa uripon asin libre; iyo, ako nagsasabi sa saindo na mga may edad na, asin man sa may katahawan pa sana an edad, asin sa paabuton pa sanang henerasyon; iyo, na tanganing magkukurahaw sa saindo na

sinda kaipuhang magsolsol asin magin bagong mundag giraray.

50 Iyo, kaya nagsabi an Espiritu: Magsolsol, kamo gabos na mga katapusan kan kinaban, nin huli ta an kahadean nin langit harani nang gayo; iyo, an Ake nin Diyos maabot sa saiyang kamurawayan, sa saiyang kakusugan, kamahalan, kapangyarihan, asin pagpapamahala. Iyo, sakuyang namumutan na mga katugangan, ako nagsasabi sa saindo, na an Espiritu nagsabi: Hilnga an kamurawayan kan Hade sa bilog na kinaban; asin man an Hade nin langit na magsisirang sa lalong madaling panahon sa pag-iriba kan gabos na mga kaarakian nin mga tawo.

51 Asin man an Espiritu nagsabi sa sakuya, iyo, nagkukurahaw sa sakuya na may makusog na boses, na nagsasabi: Maglakaw ka asin magsabi sa mga katawohang ini --- Magsolsol, nin huli ta laen lang kun kamo magsosolsol kamo nanggad dae magmamana nin kahadean nin langit.

52 Asin giraray ako nagsasabi sa saindo, an Espiritu nagsabi: Hilnga, an panti-ok naka-amba na sa ugat kan kahoy; kun kaya an lambang kahoy na dae nagbubunga nin marhay na prutas itutumba asin igatong pasiring sa kalayo, iyo, an kalayo na dae nanggad nauubos, magin ini bakong napaparong na kalayo. Hilnga, asin giromdoma, an Solong Banal iyo an nagtaram kaini.

53 Asin ngonian sakuyang namumutan na mga katugangan, ako nagsasabi sa saindo, kamo daw kayang makakatagal kaining mga kasabihan; iyo, kamo daw kayang ipaggilid an mga bagay na ini, asin turutungan an Solong Banal sa irarom kan saindong mga bitis; iyo, kamo daw kayang magpalangkaw sa kapaabaw-abawan kan saindong mga puso; iyo, kamo daw padagos pa man giraray sa pagsusul-ot nin mga mamahalon na bado asin ipagpamugtak an saindong mga puso sa mga daeng kamugtakan na mga bagay kan mundo, kan saindong mga kayamanan?

54 Iyo, kamo daw magpapadagos sa paghuhuna na kamo mas marhay kesa sa iba; iyo, kamo daw magpapadagos sa pagpepersiger kan saindong mga katugangan, na iyo an nagpakumbaba kan saindang mga sadire asin naggibong maglakaw sa pagsunod kan banal na orden nin Diyos, na kun saen sinda pinagdara pasiring kaining simbahan, na ipinagpabanal sa paagi kan Espiritu Santo, asin sinda nakapaghimong gumibo nin mga gibong uyon para sa pagsosolsol---

55 Iyo, asin kamo daw magpapadagos sa pagtalikod kan saindong mga likod sa kapobrehan, asin sa mga nangangaipo, asin sa pagtatago kan saindong mga kabuhayan sa sinda?

56 Asin sa panghuri, kamo gabos na nagpapadagos kan saindong mga karigsokan, ako nagsasabi sa saindo na an mga ini iyo an mga itutumba asin igatong pasiring sa kalayo laen lang kun sinda hidaleng magsosolsol.

57 Asin ngonian ako nagsasabi sa saindo, kamo gabos na nagmamawot na magsunod sa boses nin marhay na pastor, magdulok kamo paluwas gikan sa saindong karigsokan, asin magin kamo separado, asin dae kamo magdutdot kan saindang bakong malinig na mga bagay; asin hilnga, an saindang mga pangaran pupuraon, na tanganing an mga pangaran kan mga mararaot dae maibibilang sa mga pangaran kan mga matatanos, na tanganing an tataramon nin Diyos mapupuwedeng mautob, na nagsasabi: An mga pangaran nin mga mararaot dae maihalo sa mga pangaran kan sakuyang mga katawohan;

58 Nin huli ta an mga pangaran kan mga matatanos isusurat sa libro nin buhay, asin sa sinda ako magtatao nin pamana sa sakong tuong kamot. Asin ngonian, sakuyang mga

katugangan, ano daw an saindong maisasabi laban kaini? Ako nagsasabi sa saindo, kun kamo magtataram laban kaini, ini daeng halaga, nin huli ta an tataramon nin Diyos kaipuhang mautob.

59 Nin huli ta ano bayang pastor an yaon sa saindo na igwa nin kadakul na karnero na habong magbantay sa sainda, na tanganing an mga lobo dae makalaog asin karakanon an saiyang kawan? Asin hilnga, kun an sarong lobo nakalaog sa kawan bako daw na saiyang bubugawon ini paluwas? Iyo, asin sa huri, kun kaya niya, saiyang gagadanon ini.

60 Asin ngonian ao nagsasabi sa saindo na an marhay na pastor nag-aapud sa saindo; asin kun kamo makakadangog sa saiyang boses saiya kamong dadarahon palaog sa saiyang kawan, asin kamo magigin karnero niya; asin siya magsusugo saindo na kamo dae magtugot na makalaog an marumpot na lobo sa pag-iriba nindo, na tanganing kamo dae mapahamak.

61 Asin ngonian ako, si Alma, naghimong magsugo saindo sa lenguwaha niya na iyo an nagsugo sakuya, na kamo mag-obsorbang gibohon an mga tataramon na sakuyang ipinagsasabi sa saindo.

62 Ako nagtataram sa paagi nin pagsugo sa saindo na kabale nin simbahan; asin sa iba na bakong kabale sa simbahan ako nagtataram sa paagi nin imbitasyon, na nagsasabi: Madya asin magpabunyang pasiring sa pagsosolsol, na tanganing kamo man magin kaparte kan prutas nin kahoy nin buhay.

ALMA TSAPTER 6

An Simbahan sa Zarahemla nalinigan asin naipamugtak sa karahayan --- Si Alma nagpaduman sa Gideon na tanganing magbalangibog.

Asin ngonian ini nangyaring naglipas na pagkatapos na si Alma nahimong matapos na sa pagtataram sa mga katawohan nin Simbahan, na pinag-establisa sa siyudad nin Zarahemla, siya nag-ordina nin mga kapadean asin mga elders, sa paagi nin pagpatong nin mga kamot sa uyon sa orden nin Diyos, na tanganing iyo an mamamahala asin an magbantay kan simbahan.

2 Asin ini nangyaring naglipas na an siirisay man na bakong kabale kan simbahan na nagsosolsol kan saiyang mga kasalanan nabunyagan pasiring sa pagsolsol, asin pinagresibe sa laog nin simbahan.

3 Asin ini nangyaring naglipas na an siirisay na nagin kabale nin simbahan na dae nagsosolsol kan saindang mga karigsokan asin magpakumbaba kan saindang mga sadire sa atubangan nin Diyos --- An boot kong sabihon idtong nagpalangkaw sa kapa-abaw-abawan kan saindang mga puso --- sinda man pinagsayumahan, asin an saindang mga pangaran pinagpura, na tanganing an saindang mga pangaran dae na maibilang sa pag-iriba kaidtong mga matatanos.

4 Asin kaya sinda nagpoon na mag-establisa nin orden kan simbahan na yaon sa siyudad nin Zarahemla.

5 Ngonian ako nagmamawot na kamo gayud makasabot na an tataramon nin Diyos

An Simbahan ni Jesukristo nin Mga Banal sa Huring-aldaw 266
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

haluwag para sa gabos, na mayong pinagpupugolan an pribilihiyo na magtiripon-tipon kan saindang mga sadire na magkasararo na tanganing magdangog sa tataramon nin Diyos.

6 Daeng pagkukulang na an mga kaakian nin Diyos pinagsugo na sinda dapat magkatiripon-tipon an saindang mga sadire na magkasararo pirme, asin makibale sa pag-aayuno asin sa makusog na pagpapangadye para sa marhay na kamugtakan nin mga kalag ninda na dae pa nakakaaram sa Diyos.

7 Asin ngonian ini nangyaring naglipas na kan si Alma nakagibo na kaining mga regulasyon siya naghale gikan sainda, iyo, gikan sa simbahan na yaon sa siyudad nin Zarahemla, asin nagpaduman pasiring sa sirangan kan salog Sidon, pasiring sa bukid nin Gideon, duman na nagkaigwa nin pagtugdok nin siyudad, na pinag-apud na siyudad na Gideon, na yaon sa bukid na inapud na Gideon, na pinag-apud sa ngaran nin tawong iyo an ginadan sa paagi kan kamot ni Nehor na igwa nin espada.

8 Asin si Alma nagpaduman asin nagpoon sa pagdeklara nin tataramon nin Diyos sa simbahan na pinag-establisa sa bukid nin Gideon, na uyon sa paghahayag nin katotoohan kan tataramon na ipinagtaram na sa paagi kan saindang mga ama, asin uyon sa espiritu nin propesiya na yaon saiya, uyon sa patotoo ni Cristo Jesus, an Ake nin Diyos, na iyo dapat an magsabot sa pagtubos kan saiyang mga katawohan gikan sa saindang mga kasalanan, asin sa banal na orden na kun saen siya pinag-apud. Asin kaya ini isinurat. Amen.

ALMA TSAPTER 7

An mga tataramon ni Alma na saiyang pinagbalangibog sa mga katawohan nin Gideon, na uyon sa saiyang sadireng talaan.

Si Cristo imumundag ni Maria--- Saiyang palulu-agon an mga gapos nin kagadanan asin darahon an mga kasalanan kan saiyang mga katawohan --- Sinda na nagsolsol, binunyagan, asin magsusunod sa mga kasugoan magkakaigwa nin daeng kasagkorang buhay --- An kaatian dae makakamana nin kahadean nin Diyos --- Kapakumbabaan, pagtubod, paglaom, asin pagkamoot iyo an mga kaipo.

Hilnga sakuyang namumutan na mga katugangan, nahihiling nindo na ako pinagtugutan na magpadigde sa saindo, kun kaya ako naghingoha na makipag-olay sa saindo sa sakuyang lengguwahe; iyo, sa paagi kan sakuyang sadireng nguso, nahihiling na iyo ini an pinaka-enot na pangyayari na ako makapagtaram sa saindo sa paagi kan mga tataramon nin sakuyang nguso, ako na sa kabilugan yaon sana sa tukawan nin paghuhukom, na grabeng gayo an mga pinagigibo na tanganing ako mayo nang panahon na makapagdulok sa saindo.

2 Asin kuta na dae ako makapagpadigde sa panahon na ini kun bako na sakuyang ipinagtao an tukawan nin paghuhukom sa iba, na iyo an magtagapamahala bilang karibay ko; asin an Kagurangnan sa sobrang pagkaherak nagtugot na ako dapat na gayong

An Simbahan ni Jesukristo nin Mga Banal sa Huring-aldaw 267
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magpadigde sa saindo.

3 Asin hilnga, ako nakapagpadigde na igwa nin dakulang mga paglaom asin grabeng pagmamawot na ako makanagbo na kamo nakapagpakumbaba kan saindong mga sadire sa atubangan nin Diyos, asin na kamo nagpapadagos sa paghahagad kan saiyang grasya, na managboan ko kamo na mayong kakundian sa atubangan niya, na ako makanagbo na kamo mayo sa makangorongirhat na kamugtakan na arog sa satuyang mga katugangan na yaon sa Zarahemla.

4 Alagad mabendisyunan lugod an pangaran nin Diyos, na saiyang ipinagtao sakuya na makaaram, iyo, ipinagtao sakuya an grabe kasobrang kaogmahan sa kaaraman na sinda na na-establisa giraray sa dalan kan saiyang pagkamatanos.

5 Asin ako nagtitiwala, uyon sa Espiritu nin Diyos na yaon sakuya, na ako magkaigwa man nin kaogmahan gikan saindo; daeng pagkukulag na ako mayong kamawotan na an sakuyang kaogmahan sa saindo dapat na maggikan sa grabeng mga kasakitan asin kamondoan na sakuyang namatean para sa mga katugangan na yaon sa Zarahemla, nin huli ta hilnga, an sakuyang kaogmahan nag-abot na nangibabaw para sainda pagkatapos na makapaglinig na gayo nin grabeng kasakitan asin kamondoan.

6 Pero hilnga, ako nagtitiwala na kamo bako man na yaon sa kamugtakan nin sobrang daeng pagtubod na arog kan saindong mga katugangan; ako nagtitiwala na kamo dae man ipinagpalangkaw nin kapa-abaw-abawan kan saindong mga puso; iyo, ako nagtitiwala na kamo dae ipinagpamugtak an saindong mga puso sa mga kayamanan asin sa mga daeng kamugtakang mga bagay nin kinaban; iyo, ako nagtitiwala na kamo dae nagsasamba sa mga idolo, pero na kamo naggigibong magsamba sa tunay asin nabubuhay na Diyos, asin na kamo naglalaom para sa kapatawaran kan saindong mga kasalanan, na igwa nin daeng katapusang pagtubod, sa saiya na maabot.

7 Nin huli ta hilnga, ako nagsasabi sa saindo na magkakaigwa nin kadakul na mga bagay an maabot; asin hilnga, igwa nin sarong bagay na iyo an mas na may importansiya kesa sa sainda gabos --- nin huli ta hilnga, an panahon dae nang gayo harayo an distansiya na an Paratubos mamumuhay asin magdudulok sa pag-iriba kan saiyang mga katawohan.

8 Hilnga, ako dae nagsasabi na siya magdudulok sa pag-iriba niyato sa panahon kan saiyang pag-eerok sa laog kan saiyang mortal na hawak; nin huli ta, an Espiritu dae nakapagsabi kaini sakuya na arog kaini an magin kaso. Ngonian arog sa bagay na ini ako daeng pagkaaram; pero iyo ini an may grabe akong pagkaaram, na an Kagurangnang Diyos may kapangyarihan na gigibohon an gabos na mga bagay na uyon sa saiyang tataramon.

9 Alagad hilnga, an Espiritu nakapagsabing gayo kaini sa sakuya, na nagsasabi: Magkurahaw ka sa mga katawohang ini, na nagsasabi--- Magsolsol kamo, asin andamon an dalan nin Kagurangnan, asin maglakaw sa saiyang mga dalan, na matanos; nin huli ta hilnga, an kahadean nin langit harani na, asin an Ake nin Diyos maabot sa ibabaw nin lalawgon kan kinaban.

10 Asin hilnga, siya imumundag ki Maria, sa Jerusalem na iyo an daga kan satuyang mga ninuno, siya na sarong birhen, an presiyosa asin piniling erokan, siya na malilindongan asin maglilihi sa paagi kan kapangyarihan nin Banal na Espiritu, asin mangangaki nin sarong akeng lalake, iyo, na iyo na ngani an Ake nin Diyos.

11 Asin siya maglalakaw, magtitios nin mga kulog asin mga kasakitan asin mga tentasyon nin lambang klase; asin iyo na tanganing an tataramon puwedeng mautob na

nagsasabi na siya an magdadara sa sadire niya kan mga kulog asin mga kahelangan kan saiyang mga katawohan.

12 Asin siya magsasapo sa sadire niya nin kagadanan, na tanganing saiyang mahubad an mga gapos nin kagadanan na iyo an nakakagapos kan saiyang mga katawohan; asin siya an magdadara sa sadire niya kan saindang mga kaluyahan, na tanganing an saiyang hinangos mapapano nin pagkaherak, uyon sa laman, na tanganing saiyang maaaraman uyon sa laman kun paano matatabangan an saiyang mga katawohan na uyon sa sainda mismong mga kaluyahan.

13 Ngonian an Espiritu iyo an nakakaaram sa gabos na mga bagay; daeng pagkukulang na an Ake nin Diyos magtitios uyon sa laman na tanganing mapupuwede niyang darahon sa sadire an mga kasalanan kan saiyang mga katawohan, na tanganing mapupuwede niyang paraon an saindang mga kalapaan uyon sa kapangyarihan kan saiyang pagliligtas; asin ngonian hilnga, iyo ini an patotoo na yaon sa sakuya.

14 Ngonian ako nagsasabi sa saindo na kamo kaipuhan na magsolsol, asin magin bagong mundag giraray; nin huli ta an Espiritu nagsasabi na kun kamo bakong minundag giraray dae kamo makakapagmana nin kahadean nin langit; kun kaya madya asin magpabunyag pasiring sa pagsosolsol, na tanganing kamo mapupuwedeng mahugasan gikan sa saindong mga kasalanan, na tanganing kamo mapupuwedeng magkaigwa nin pagtubod sa Kordero nin Diyos, na iyo an naghahale kan mga kasalanan nin mundo, na iyo an makapangyarihan sa pagliligtas asin paghuhugas gikan sa gabos na daeng pagkamatanos.

15 Iyo, ako nagsasabi sa saindo madya asin dae matakot, asin iwalat an lambang kasalanan, na iyo an yanong nagpapasakit sa saindo, na iyo an naggagapos saindo sa kapahamakan, iyo, madya asin magpaduman, asin ipahiling sa saindong Diyos na kamo may bolanos na pagsosolsol kan saindong mga kasalanan asin maglaog pasiring sa sarong tipan na kaiba niya na magsusunod sa saiyang mga kasugoan, asin iyan patutunayan mo saiya sa paagi nin mga tubig nin pagbubunyag.

16 Asin an siirisay man an naggigibo kaini, asin magsusunod sa mga kasugoan nin Diyos magpoon ngonian asin sa maabot pa, iyo man sana an makakagiromdom na ako nagsasabi sa saiya, iyo, siya makakagiromdom na ako nagsabi sa saiya, na siya magkakaigwa nin buhay na daeng kasagkoran, uyon sa patotoo kan Espiritu Santo, na iyo an nagpapatotoo sa daghan ko.

17 Asin ngonian sakuyang namumutan na mga katugangan, kamo daw nagtutubod kaining mga bagay? Hilnga, ako nagsasabi sa saindo, iyo, ako nakakaaram na kamo nagtutubod kaini; asin an paagi na ako makaaram na kamo nagtutubod kaini iyo sa paagi kan manipestasyon kan Espiritu na yaon sa sakuya. Asin ngonian nin huli ta an saindong pagtubod makusog manungod kaini, iyo, manungod sa mga bagay na sakong naisabi na, dakulang gayo an sakuyang kaogmahan.

18 Nin huli ta arog kan naisabi ko na saindo magpoon sa kapinunan, na ako nagkaigwa nin grabeng pagmamawot na kamo dae man lugod yaon sa estado nin kasakitan na arog kan saindong mga katugangan, sa arog kaini nanagboan ko na an sakuyang mga kamawotan lugod iyo an naipagpasalamat ko.

19 Nin huli ta sakong napag-isip-isip na kamo yaon sa mga dalan nin pagkamatanos; sakong napag-isip-isip na kamo yaon sa dalan na mangengenotan saindo pasiring sa kahadean nin Diyos; iyo, sakong napag-isip-isip na saindong ginigibo na an saiyang mga dalan matanos.

20 Sakong napag-isip-isip na ini ipinagpaaram na sa saindo, sa paagi kan testimonya kan saiyang tataramon, na siya dae makapaglakaw sa malikoon na mga dalan; ni gumibo siyang magbago gikan sa saiya mismong ipinagsabi; ni magkaigwa siya nin sarong anino na magliliko gikan sa too pasiring sa wala, o gikan sa bagay na iyo an katanosan pasiring sa bagay na iyo an kasalaan; kun kaya, an saiyang padumanan iyo an sarong daeng kasagkorang pag-ikot.

21 Asin ginigibo niyang dae mag-eerok sa bakong banal na mga templo; ni an kaatian o an anuman na bagay na bakong malinigon aakoon pasiring sa kahadena nin Diyos; kun kaya ako nagsasabi sa saindo na maabot an panahon, iyo, asin ini mangyayari sa huring aldaw, na siya na maation yaon man giraray sa saiyang kaatian.

22 Asin ngonian sakuyang namumutan na katugangan, ako nakapagsasabi kaining mga bagay sa saindo na tanganing mapukawan ko kamo pasiring sa sarong pagpapahalaga kan saindong katungdan sa Diyos, na tanganing kamo mapupuwedeng maglalakaw na mayong kakundian sa atubangan niya, na tanganing kamo mapupuwedeng maglalakaw na uyon sa banal na orden nin Diyos, na sa arog kaini kamo pinagresibe.

23 Asin ngonian ako nagmamawot na kamo dapat magin mapagkumbaba, asin magin masinunod-sunod asin mahuyo; madalion paki-olayan; pano nin pagpasensiya asin halawig na matinius; magin mahinahon sa gabos na mga bagay; magin mahingohaon sa pagsunod sa mga kasugoan nin Diyos sa gabos na panahon; naghahagad nin anuman na mga bagay na saindong kinakaipo, pareho sa espirituwal asin temporal; pirmeng ibinabalik an mga pasasalamat sa Diyos sa anuman na mga bagay na saindong naresibe.

24 Asin hilingon nindo na igwa kamong pagtubod, paglaom, asin pagkamoot, asin pagkatapos kamo pirmo sanang pano nin pag-andam sa marhay na mga gibo.

25 Asin lugod an Kagurangnan magbendisyon saindo, asin ingatan an saindong mga bado na mayong dugta, na tanganing kamo mapupuwedeng darahon sa katapos-tapusi na makipagtukaw na kaiba si Abraham, Isaac, asin Jacob, asin an mga banal na propeta na iyo na ngani magpoon pa na an mundo nagpoon, sa paghingoha na an saindong mga bado mayo nin dugta siring na an saindong mga bado mayo nin kadugtaan, pasiring sa kahadean nin langit asin dae na magluluwas.

26 Asin ngonian sakuyang namumutan na mga katugangan, ako nakapagtaram kaining mga tataramon sa saindo na uyon sa Espiritu na iyo an nagpatotoo sa laog ko; asin an sakuyang kalag naggibong magin maogmahon na gayo, nin huli kan nagsosobrang paghingoha asin pagdangog na saindong ipinagtao sa sakuyang tataramon.

27 Asin ngonian, lugod an katuninongan nin Diyos mapapasaindo, asin sa saindong mga harong asin mga kadagaan, asin sa saindong mga kakarnerohan asin mga kabakahan, asin sa gabos nindong pagrugaring, sa saindong mga kababaehan asin sa saindong mga kaarakian, na uyon sa saindong pagtubod asin marhay na mga gibo, magpoon ngonian na panahon asin sa maabot pa asin sa daeng kasagkoran. Asin kaya ako nakapagtaram na. Amen.

ALMA TSAPTER 8

Si Alma nagparabalangibog asin nagparabunyag sa Melek --- Siya isinisikwal sa Ammonihah asin naghale --- Sarong anghel an nagsugo saiya na bumalik ain magkurahaw nin pagsosolsol sa mga katawohan --- Siya pinagresibe ni Amulek, asin

An Simbahan ni Jesukristo nin Mga Banal sa Huring-aldaw

270

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sindang duwa an nagparabalangibog sa Ammonihah.

Asin ngonian ini nangyaring naglipas na si Alma nagbalik gikan sa kadagaan nin Gideon, pagkatapos na makapagtukdo sa mga katawohan nin Gideon nin kadakul na mga bagay na dae kayang isurat, na-establisa niya an orden kan simbahan, na uyon sa saiyang pagkagibo sa kadagaan nin Zarahemla, iyo, siya nagbalik sa saiyang sadireng harong sa Zarahemla tanganing magpahingalo sa saiyang sadire gikan sa pagtrabaho na saiyang nakaginibohan.

2 Asin kaya nagtapos an ika-siyam na taon nin pagpapamahala kan mga huwes na nangibabaw sa mga katawohan nin Nephi.

3 Asin ini nangyaring naglipas na sa pagpoon kan ika-sampung taon nin pagpapamahala kan mga huwes na nangingibabaw sa mga katawohan nin Nephi, na si Alma naghale gikan duman asin naglakaw pasiring sa kadagaan nin Melek, na yaon sa sulnopan nin salog Sidon, sa may sulnopan harani sa mga kasagkoran kan kaparangan.

4 Asin siya nagpoon sa pagtukdo sa mga katawohan na yaon sa kadagaan nin Melek na uyon sa banal na orden nin Diyos, na kun saen siya pinag-apud; asin siya nagpoon na magtukdo sa mga katawohan sa kabilugan kan gabos na kadagaan nin Melek.

5 Asin ini nangyaring naglipas na an mga katawohan nagdurulok saiya na gikan sa kabilugan kan gabos na mga kasagkoran nin kadagaan na yaon sa may parteng kaparangan. Asin sinda pinagburunyagan sa kabilugan kan gabos na kadagaan;

6 Na kun kaya kan siya nagtapos na kan saiyang trabaho sa Melek siya naghale duman, asin nagbiyahe nin tulong aldaw paglakaw pasiring sa may norte kan kadagaan nin Melek; asin siya nakaabot sa sarong siyudad na pinag-apud na Ammonihah.

7 Ngonian ini sarong kustombre kan mga katawohan nin Nephi na pag-apudon an saindang mga kadagaan, asin an saindang mga siyudad, asin an saindang mga baryo, na susog sa pangaran niya na iyo an pinaka-enot na kagsadire kan mga ini; asin kaya iyo iyan sa kadagaan nin Ammonihah.

8 Asin ini nangyaring naglipas na kan si Alma nakaabot sa siyudad nin Ammonihah siya nagpoon na magbalangibog kan tataramon nin Diyos sa sainda.

9 Ngonian si Satanas iyo an makusog na nangangaputan sa mga puso nin mga katawohan sa siyudad nin Ammonihah; kun kaya sinda dae nagdadangog sa mga tataramon ni Alma.

10 Daeng pagkukulang na si Alma nagtrabahong gayo sa espiritu, makipaglapigutan na kaiba an Diyos sa makusugon na pangadyeon, na tanganing saiyang papagbuluson an saiyang Espiritu na mangingibabaw sa mga katawohan na yaraon sa siyudad; na saiyang pagtugutan man na siya puwedeng makapagbunyang sainda pasiring sa pagsosolsol.

11 Daeng pagkukulang, sinda nagpatagas kan saindang mga puso, na nagsasabi sa saiya: Hilnga, kami nakakaaram na ika si Alma; asin kami nakakaaram na ika halangkaw na pade nin simbahan na saimong ipinagtugdok sa kadakul na mga parte nin kadagaan, na uyon sa saimong tradisyon; asin kami bakong kabale sa saimong simbahan, asin kami dae nagtutubod sa mga kalokohan na mga tradisyon.

12 Asin ngonian kami nakakaaram na nin huli ta kami bakong kabale sa saimong simbahan kami nakakaaram na ikaw mayong kapangyarihan na mangingibabaw samuya; asin saimong ipinagtao an tukawan nin paghuhukom ki Nephihah; kun kaya ika bakong

iyo an pamayong huwes na mangingibabaw samuya.

13 Ngonian kan an mga katawohan nakapagsabi na kaini, asin nakipagkontrahan sa gabos niyang mga tataramon, asin pinagtutuya-tuya na siya, asin pinagdudura-duraan na siya, asin nagkausa na siya dapat na itapok paluwas sa saindang siyudad na pinag-apud na Aaron.

14 Asin ini nangyaring naglipas na habang siya naglalakaw pasiring duman, na nagagabatan nin kamondoan, naglalakaw na grabeng gayo an kakulugan nin boot asin pagtatangis nin kalag, nin huli sa karigsokan nin mga katawohan na yaraon sa siyudad nin Ammonihah, ini nangyaring naglipas habang si Alma nagagabatan pa nin kamondoan, hilnga sarong anghel nin Kagurangnan an nagpahiling sa saiya, na nagsasabi:

15 Paladan ka, Alma; kun kaya, ipaglangkaw mo an saimong payo asin mag-ogma, nin huli ta ikaw nagkaigwa nin dakulang dahilan na mag-ogma; nin huli ta ikaw nagin matinubod-tubod sa pagsusunod kan mga kasugoan nin Diyos magpoon pa sa panahon na saimong naresibe an saiyang pinaka-enot na mensahe gikan saiya. Hilnga, ako iyo an nagtatao kaini sa saimo.

16 Asin hilnga, ako ipinadara na tanganing sugoon ka na ikaw bumalik pasiring sa siyudad nin Ammonihah, asin magbalangibog giraray sa mga katawohan nin siyudad; iyo, magbalangibog ka sa sainda. Iyo, sabihon mo sainda, laen lang kun sinda magsosolsol an Kagurangnan Diyos iyo an magdedestroso sainda.

17 Nin huli ta hilnga, sinda naggigibong mag-adal sa panahon na ini na saindang madestroso an libertad kan saimong mga katawohan, (nin huli ta kaya sinabi nin Kagurangnan) na ini kontra sa mga katugonan, asin mga paghuhukom, asin mga kasugoan na saiyang ipinagtao sa saiyang mga katawohan.

18 Ngonian ini nangyaring naglipas na pagkatapos na si Alma maresibe an saiyang mensahe gikan sa anghel nin Kagurangnan siya nagbalik nin hidale pasiring sa kadagaan nin Ammonihah. Asin siya naglaog sa siyudad sa paagi nin ibang dalan, iyo, sa paagi nin dalan na yaon sa sur kan siyudad nin Ammonihah.

19 Asin habang siya palaog sa siyudad siya nagugutom, asin siya nagsabi sa sarong tawo: Makakapagtao ka daw sa sarong mapagpakumbabang surugoon nin Diyos nin anuman na pagkakan?

20 Asin an tawo nagsabi sa saiya: Ako sarong Nephita, asin ako nakakaaram na ika sarong banal na propeta nin Diyos, nin huli ta ika an tawo na an sarong anghel nagsabi sa sarong bisyon: Saimo siyang padagoson. Kun kaya, madya sa kaiba ko pasiring sa sakuyang harong asin ako magtatao sa saimo kan sakuyang kakakanon; asin ako nakakaaram na ikaw sarong bendisyon sa sakuya asin sa sakuyang harong.

21 Asin ini nangyaring naglipas na an tawo nagresibe saiya pasiring sa harong niya; asin an tawo pinag-aapud na Amulek; asin siya nagdara paluwas nin tinapay asin karne asin ipinagpuwesto sa atubangan ni Alma.

22 Asin ini nangyaring naglipas na si Alma nagkakan nin tinapay asin nabasog; asin siya nagbendisyon ki Amulek asin sa saiyang harong, asin siya nagtao nin pasasalamat sa Diyos.

23 Asin pagkatapos na siya nakapagkakan na asin nabasog siya nagsabi ki Amulek: Ako si Alma, asin ako an halangkaw na pade kan simbahan nin Diyos sa kabilugan nin kadagaan.

24 Asin hilnga, ako pinag-apud na tanganing magbalangibog nin tataramon nin Diyos sa pag-iriba kan gabos na ining mga katawohan, na uyon sa espiritu nin paghahayag asin propesiya; asin ako gikan na sa dagang ini asin sinda habong magresibe sakuya, pero sainda akong itinapok paluwas asin kuta na ipinamugtak ko an sakuyang likod paharayo sa dang ini sagkod pa man.

25 Alagad hilnga, ako pinagsugo na ako dapat na magbalik giraray asin magpropesiya sa mga katawohang ini, iyo, asin magpatotoo laban sainda manungod kan saindang mga kadaendatahan.

26 Asin ngonian, Amulek, nin huli ta ika iyo an nagpakakan sakuya asin nagpadagos sakuya, ika paladan; nin huli ta ako sarong nagugutom, nin huli ta ako nag-ayuno nin kadakul na mga aldaw.

27 Asin si Alma naki-erok sa kadakul na mga aldaw kaiba ni Amulek bago pa man siya nagpoon sa pagbalangibog sa mga katawohan.

28 Asin ini nangyaring naglipas na an mga katawohan mas lalong nagin malala sa saindang mga kadaendatahan.

29 Asin an tataramon nag-abot ki Alma, na nagsasabi: Lakaw; asin man magsabi ka sa sakuyang surugoon na si Amulek, mag-iba ka asin magpropesiya sa mga katawohang ini, sabihon mo--- Magsolsol kamo, nin huli ta iyo ini an sabi nin Kagurangnan, laen lang na kun kamo magsosolsol ako magbibisita sa mga katawohang ini sa sakuyang kaanggotan; iyo, asin dae ko palilipason an sakuyang makuring kaanggutan.

30 Asin si Alma naglakaw, asin man si Amulek, pasiring sa mga katawohan, na tanganing magpahayag kan mga tataramon nin Diyos sa sainda; asin sinda napano nin Espiritu Santo.

31 Asin sinda nagkaigwa nin kapangyarihan na ipinagtao sa sainda, na tanganing sinda dae maikunkon sa mga kulungan; ni posible na an siisay na tawo puwedeng iyo an manggadanan sainda; daeng pagkukulang dae ninda ginamit an saindang kapangyarihan hanggan pinaggapos nin mga lubid asin ipinagkunkon sa prisohan. Ngonian, ini ipinagpangyari na tanganing ipahiling nin Kagurangnan an saiyang kapangyarihan sa paagi ninda.

32 Asin ini nangyaring naglipas na sinda nakaluwas asin nagpoon sa pagbabalangibog asin sa pagpropesiya sa mga katawohan, na uyon sa espiritu asin kapangyarihan na an Kagurangnan iyo an nagtao sainda.

ALMA TSAPTER 9

An mga tataramon ni Alma, asin man an mga tataramon ni Amulek, na ipinagpahayag sa mga katawohan na yaraon sa kadagaan nin Ammonihah. Asin man sinda ipinagkunkun sa prisohan, asin pinagligtas sa paagi nin milagrosong kapangyarihan nin Diyos na yaon sainda, na uyon sa talaan ni Alma. Komponido ini kan Tsapter 9 hanggan 14 inklusibo.

Si Alma nagsugo sa mga katawohan nin Ammonihah na magsorolsol --- An Kagurangnan magigin maherakon sa mga Lamanita sa mga huring aldaw --- Kun an mga Nephita naghabo sa liwanag, sinda dedestrosohon kan mga Lamanita --- An Ake nin
An Simbahan ni Jesukristo nin Mga Banal sa Huring-aldaw 273
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Diyos madali nang mag-abot --- Saiyang tutubuson sinda nagsosolsol asing nagpabunyag asin nagkaigwa nin pagtubod sa saiyang pangaran.

Asin giraray, ako, si Alma, na pinagsugo nin Diyos na sakuyang ibahon si Amulek asin maglakaw asin magbalangibog giraray sa mga katawohang ini, o an mga katawohan na yaon sa laog kan siyudad nin Ammonihah, ini nangyaring naglipas na habang ako nagbabalangibog sa sinda, sinda nagpoon sa pagkontra sa sakuya, na nagsasabi:
2 Siisay ka man baya? Naghuhuna ka na kami magtutubod sa patotoo nin sarong tawo, na maski na ngani na siya dapat na magbalangibog sa samuya na an kinaban malipas sana?
3 Ngonian sinda dae man nakakasabot kan saindang mga tataramon na pinagsasabi; nin huli ta sinda dae nakakaaram na an kinaban minalipas sana?
4 Asin sinda nagsabi man: Kami dae makakatubod sa saimong mga tataramon kun saimong ipinagpropesiya na ining bantog na siyudad dapat na destrosohon sa laog nin sarong aldaw.
5 Ngonian sinda dae nakakaaram na an Diyos makakagibo kaining makangangalas na mga gibo, nin huli ta sinda may matagas na mga puso asin tiso an liog na mga katawohan.
6 Asin sinda nagsabi: Siisay an Diyos, na nagpadara nin bakong dakul na autoridad kundi sarong tawo sana sa pag-iriba kaining mga katawohan, sa pagdeklara sa sinda nin katotoohan kaining dakula asin makangangalas na gma bagay?
7 Asin sinda nagtirindog na tanganing ibugtak an saindang mga kamot sakuya; pero hilnga, dae ninda naggibo. Asin ako nagtindog na may pusog sa pagdeklara sa sinda, iyo, ako may pusog na nagpatotoo sa sinda, na nagsasabi:
8 Hilnga, O kamo na marigsok asin balinsot na henerasyon, paano daw nindo nagkarilingawan an tradisyon kan saindong mga ama; iyo, paano kadale na kamo nagkarilingaw sa mga kasugoan nin Diyos.
9 Dae kamo nakakagiromdom na an satuyang ama, si Lehi, dinara paluwas sa Jerusalem sa paagi nin kamot nin Diyos? Dae daw nindo nagiriromdoman na sinda gabos pinangenotan niya na magpasiring sa kaparangan?
10 Asin kamo dae madalion sanang nagpanlingaw na nagkapirang beses na siya an nagligtas sa satuyang mga ama paluwas sa mga kamot kan saindang mga kaiwal, asin nagpangalaga sinda gikan sa pagkadestroso, maski sa mga kamot kan saindang sadireng mga katugangan?
11 Iyo, asin kun bako nin huli kan saiyang daeng katampad na kapangyarihan, asin kan saiyang pagkaherak, asin kan saiyang halawig na pagtitios para sa satuya, kita kuta na dae na nakalikaw na mapahamak gikan sa lalawgon kaining kinaban kaidto pang mga nakalipas na ining peryodong panahon, asin baka yaon pa ngonian sa sarong estado nin daeng katapusan na kasakitan asin pagtatangis.
12 Hilnga, ngonian ako nagsasabi sa saindo na siya nagsugo saindo na magsolsol; asin laen lang kun kamo magsolsol, kamo dae makakapagmana nin kahadean nin Diyos. Pero hilnga, bako lang ini gabos --- siya nagsugo saindo na magsolsol, o siya makuring magdedestroso sa saindo gikan sa lalawgon kaining kinaban; iyo, siya magbibisita saindo sa saiyang kaanggutan, asin sa saiyang makangorongirhat na kaanggutan siya dae

maghaharayo.

13 Hilnga, kamo daw daw nakakagiromdom sa mga tataramon na saiyang ipinagtaram ki Lehi, nagsasabi na: Habang kamo magsusunod sa sakuyang mga kasugoan, kamo mag-aasenso sa kadagaan? Asin giraray ini sinabi pa na: Habang kamo dae magsusunod sa sakuyang mga kasugoan kamo itatapok gikan sa presensiya nin Kagurangnan.

14 Ngonian ako nagmamawot na kamo dapat na makagiromdom, na habang an mga Lamanita dae nakapagsunod sa mga kasugoan nin Diyos, sinda itinapok gikan sa presensiya nin Kagurangnan. Ngonian satuyang mahihiling na an tataramon nin Kagurangnan napag-araman na sa arog kaining bagay, asin an mga Lamanita ipinagsikwal gikan sa saiyang presensiya, magpoon pa sa kapinunan kan saindang mga kalapasan sa kadagaan.

15 Daeng pagkukulang na ako nagsasabi sa saindo, na ini mas na pinapabaya para sainda sa aldaw nin paghuhukom kesa para saindo, kun kamo magpapadagos sa saindong kasalanan, iyo, asin mas pang ipinagpabaya para sainda sa buhay na ini kesa para saindo, laen lang kun kamo magsosolsol.

16 Nin huli ta may kadakul na mga promisa an ipinagtao sa mga Lamanita; ini nin huli sa mga tradisyon kan saindang mga ama na iyo an nagkausa sainda na magin yaon sana sa saindang estado na pagka-ignorante; kun kaya an Kagurangnan magigin pano nin pagkaherak sa sainda asin ipinagpalawig an saindang pagkabuhay sa kadagaan.

17 Asin sa paabuton na mga panahon sinda dadarahon na makapagtubod sa saiyang tataramon, asin tanganing makaaram kan salang mga tradisyon kan saindang mga ama; asin kadakul sainda an maliligtas, nin huli ta an Kagurangnan magigin maheherakon sa gabos na mag-aapud sa saiyang pangaran.

18 Alagad hilnga, ako nagsasabi sa saindo na kun kamo magpapadagos sa saindong kadaendatahan na tanganing an saindong mga aldaw dae na magin halawig sa kadagaan, nin huli ta an mga Lamanita ipapadara digde saindo; asin kun kamo dae magsosolsol sinda mag-aabot sa sarong panahon na kamo daeng gayo nag-aaram, asin kamo pagbibisitahon na may seguradong kapahamakan; asin ini magigin pangyayari na uyon sa makuring kaanggutan nin Kagurangnan.

19 Nin huli ta siya dae magtutugot na kamo mamumuhay sa saindong mga kadaendatahan, sa pagdestroso kan saiyang mga katawohan. Ako nagsasabi sa saindo, Dae; saiya pang tutugutan na an mga Lamanita iyo an madedestroso kan gabos niyang mga katawohan na iyo an pinag-aapud na mga katawohan nin Nephi, kun ini man naggad posible na sinda magkahurulog pasiring sa mga kasalanan asin mga kalapasan, pagkatapos na magkaigwa nin grabeng liwanag asin sobrang gayong pagkanuod na itinao sa sainda nin Kagurangnan na saindang Diyos;

20 Iyo, pagkatapos na magin saro sa mga pinagtaw-an nin halangkaw na pabor na mga katawohan nin Kagurangnan; iyo, pagkatapos na pinagtaw-an nin pabor na mas halangkaw kesa lambang ibang nasyon, lahi, dila, o katawohan; pagkatapos ipinagtao an gabos na mga bagay na ginibong maaraman sa sainda, na uyon sa saindang mga pagmamawot, asin sa saindang pagtubod, asin mga pangadyeon, kan mga bagay na nakaagi na, asin ini ngonian, asin ining paabuton pa sana;

21 Bilang pinagbisita sa paagi nin Espiritu nin Diyos; bilang nakipag-olay sa mga anghel, asin bilang nakapagtaram na sa paagi nin boses nin Kagurangnan; asin bilang igwa nin espiritu nin propesiya, asin nin espiritu nin pagpapahayag, asin man nin kadakul na mga

An Simbahan ni Jesukristo nin Mga Banal sa Huring-aldaw

275

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

regalo, an regalo nin pagtataram nin mga dila, asin nin regalo kan pagbabalangibog, asin kan regalo nin Espiritu Santo, asin nin regalo nin pagsalin;

22 Iyo, asin pagkatapos na iniligtas nin Diyos paluwas sa daga nin Jerusalem, sa paagi kan kamot nin Kagurangnan; na iniligtas gikan sa taggutom, asin gikan sa kahelangan, asin kan gabos na manera nin mga helang sa lambang klase; asin sinda na nagin makusog sa pakigiya, na tanganing sinda dae naggad madedestroso; na ipinagdara paluwas sa pagka-uripon sa pana-panahon, asin na ipinagtago asin pinag-ingatan hanggan ngonian; asin sinda pinagpa-asenso hanggan sinda nagin mayayaman sa gabos na manera nin mga bagay---

23 Asin ngonian hilnga ako nagsasabi sa saindo, na kun an mga katawohang ini, na nakapagresibe nin kadakul nga mga biyaya gikan sa kamot nin Kagurangnan, gumibong maglapas konta sa liwanag asin pagkanuod na saindang naggibong makamtan, ako nagsasabi sa saindo na kun iyo ini an magin kaso, na kun sinda magkahurulog pasiring sa kalapasan, ini magigin harayong gayo na pababayaan para sa mga Lamanita kesa sa sainda.

24 Nin huli ta hilnga, an mga promisa nin Kagurangnan ipinagtao man sa mga Lamanita, pero bako sindang para sa saindo kun kamo maglalapas; nin huli ta bako daw na an Kagurangnan makusog na nagpahayag nin promisa asin pusog na ipinagtugon, na kun kamo magrebelde laban saiya na kamo seguradong madedestroso gikan sa lalawgon kan kinaban?

25 Asin ngonian sa sarog kaining kausa, na kamo dae pagdestrosohon, an Kagurangnan nagpadara kan saiyang anghel na magbisita sa kadakul niyang mga katawohan, ipinagpapahayag sa sainda na kaipuhang magpaduman sinda asin makusog na magkururahaw sa mga katawohang ini, na nagsasabi: Magsolsol kamo, nin huli ta an kahadeaan nin langit yaon na sa harani;

26 Asin sa dae na kadakul na mga aldaw magpoon ngonian an Ake nin Diyos magpapadigde sa saiyang kamurawayan; asin an saiyang kamurawayan iyo an magigin kamurawayan kan Solong Pinili nin Ama, na pano nin grasya, hustisya, asin katotoohan, pano nin pasensiya, pagkaherak, asin halawig na pagtitios, madalion na makadangog kan mga kinurahaw kan saiyang mga katawohan asin sa pagsimbag kan saindang mga pangadyeon.

27 Asin hilnga, siya mapadigde sa pagtubos sa sainda na nagpabunyag pasiring sa pagsosolsol, sa paagi nin pagtubod sa saiyang pangaran.

28 Kun kaya, andama nindo an dalan nin Kagurangnan, nin huli ta an panahon harani nang gayo na an gabos na mga tawo magguguno nin sarong pabuya kan saindang mga kaggibohan, uyon sa bagay na sainda nahimo --- kun sinda nagin matanos sinda magguguno nin kaligtasan sa saindang mga kalag, na susog sa kapangyarihan asin pagliligtas ni Jesu Cristo; asin kun sinda nagin maraot sinda magguguno nin kondensasyon sa saindang mga kalag, susog sa kapangyarihan asin pagkasakop kan diyablo.

29 Ngonian hilnga, iyo ini an boses nin anghel, na nagkukurahaw sa mga katawohan.

30 Asin ngonian, sakuyang namumutan na mga katugangan, nin huli ta kamo sakuyang mga katugangan, asin kamo kaipuhan na kamumutan, asin kamo kaipuhan na magpaluwas nin mga gibo na maninigo para sa pagsosolsol, habang nahihiling na an saindong mga puso grabeng pinatagas laban sa tataramon nin Diyos, asin nahihiling na kamo sarong nagkawarara asin nagkahurulog na mga katawohan.

31 Ngonian ini nangyaring naglipas na kan ako, si Alma, nakapagtaram na kaining mga tataramon, hilnga, an mga katawohan nagka-aranggot sakuya nin huli ta ako nagsabi sa sainda na sinda sarong matatagas an puso asin sarong tiso an liog na mga katawohan.

32 Asin man nin huli ta ako nagsabi sa sainda na sinda sarong nagkawarara asin sarong nagkahurulog na mga katawohan sinda nagka-aranggot sakuya, asin nagmawot na maiabot an saindang mga kamot sa sakuya, na tanganing sinda puwedeng makapagpakunkun sako pasiring sa prisohan.

33 Alagad ini nangyaring naglipas na an Kagurangnan dae nagtugot sainda na saindang madara ako sa panahon na idot asin ipagkunkun ako pasiring sa prisohan.

34 Asin ini nangyaring naglipas na si Amulek nagdulok asin nagtindog sa atubangan, asin nagpoon man sa pagbalangibog sa sainda. Asin ngonian an mga tataramon ni Amulek dae gabos naisurat; daeng pagkukulang na an sarong parte kan saiyang mga tataramon naisurat sa librong ini.

ALMA TSAPTER 10

Si Lehi naggikan ki Manasseh --- Ipinag-estorya ni Amulek an garo anghel na pagsugo na atamanon niya si Alma --- An mga pangadyeon nin mga matatanos nagkakausa sa mga katawohan na maliligtas --- An mga bakong matatanos na abogado asin mga huwes iyo an nagpamugtak nin pundasyon nin kadestrosohan kan mga katawohan.

Ngonian iyo ini an mga tataramon na ipinagbalangibog ni Amulek sa mga katawohan na yaraon sa kadagaan nin Ammonihah, na nagsasabi:

2 Ako si Amulek; ako an akeng lalake ni Giddonah, na iyo an akeng lalake ni Ishmael, na iyo an mako-apo ni Aminadi; asin iyo man sanang Aminadi na interpretador kan mga isinurat sa paagi kan muro nin Diyos.

3 Asin si Aminadi iyo an sarong mako-apo ni Nephi, na iyo an ake ni Lehi, na naghale paluwas sa kadagaan nin Jerusalem, na sarong mako-apo ni Manasseh, na iyo an akeng lalake ni Joseph na ipinabakal na nagpasiring sa Ehipto sa paagi kan mga kamot kan saiyang mga katugangan.

4 Asin hilnga, ako sarong mang tawo na bakong sadit an reputasyon sa gabos ninda na nakakamidbid sako; iyo, asin hilnga, ako igwa nin kadakul na mga kalahi asin mga amigo, asin ako nagkaigwa nin grabeng kayamanan sa paagi nin kamot kan sakuyang paghihigos.

5 Daeng pagkukulang, pagkatapos kan gabos na ini, ako dae na nakanuod nin gayo sa mga dalan nin Kagurangnan, asin kan saiyang mga misteryo asin makangangalas na kapangyarihan. Ako nagsasabi na ako mayong gayong pagkaaram kan mga bagay na ini; alagad hilnga, ako napasala, nin huli ta ako nakahiling na gayo kan saiyang mga misteryo asin kan saiyang makangangalas na kapangyarihan; iyo, magin an pag-iingat sa mga buhay kaining mga katawohan.

6 Daeng pagkukulang, ako nagpatagas kan sakuyang puso, nin huli ta ako inapudan nin kadakul na pagkakataon asin ako habong magdangog; kun kaya ako nakaaram na mapanungod sa mga bagay na ini, alagad ako habong makakanuod; kun kaya ako nagpadagos na nagrerebelde laban sa Diyos, sa karigsokan kan sakuyang puso, magin hanggan sa ikaapat na aldaw kaining ikapitong bulan, sa ikasampungulong taon na nagpapamahala kan mga huwes.

7 Habang ako naglalakaw na tanganing maghiling sa sarong harani na gayong kalahi, hilnga sarong anghel nin Kagurangnan an nagpahiling sakuya asin nagsabi: Amulek, magbalik ka sa sadire mong harong, nin huli ta ika magpapakakan nin sarong propeta nin Kagurangnan; iyo, sarong banal na tawo, na sarong piniling tawo nin Diyos; nin huli ta siya nag-ayuno nin kadakul na aldaw nin huli sa mga kasalanan nin mga katawohan, asin siya sarong nagugutom, asin saimo siyang padadaguson sa saimong harong asin pakakanon siya, asin saiyang bebendisyunan ka asin an saimong harong; asin an biyaya nin Kagurangnan mapapasaimo asin sa saimong harong.

8 Asin ini nangyaring naglipas na ako nagsunod sa boses kan anghel, asin naglakaw pabalik sa sakuyang harong. Asin habang ako naglalakaw paharani sakong nanagboan an tawo na an anghel ipinagtugon sa sakuya: Saimong padadaguson sa saimong harong --- asin hilnga ini iyo man sana an tawong nagpaparataram sa saindo mapanungod sa mga bagay nin Diyos.

9 Asin an anghel nagtaram sa sakuya siya sarong banal na tawo nin huli ta sinabi sa paagi nin sarong anghel nin Diyos.

10 Asin giraray, ako nakaaram na an mga bagay kun saen siya nagpatunay na totoong gayo; nin huli ta hilnga ako nagsasabi sa saindo, na habang an Kagurangnan nabubuhay, na magin siya nagpadara kan saiyang anghel na maghimo na an mga bagay na ini maipahiling sa sakuya; asin ini saiyang ginibo habang ining Alma yaon nag-eerok sa sakuyang harong.

11 Nin huli ta hilnga, saiyang benindisyunan an sakuyang harong, saiyang benindisyunan ako, asin an sakuyang mga kababaehan, asin an sakuyang mga kaakean, asin an sakuyang ama asin an sakuyang mga kaanak; iyo, magin an bilog kong kalahi saiyang benindisyunan, asin an biyaya nin Kagurangnan napasamuya na uyon sa mga tataramon na saiyang ipinagtaram.

12 Asin ngonian, kan si Amulek nakapagtaram na sa mga tataramon na ini an mga katawohan nagpoon sa pagkangalas, nahihiling na nagkaigwa nin sobra sa sarong testigo na nagpatunay kan mga bagay kun saen sinda inakusaran, asin man kan mga bagay na paabuton pa sana, na uyon sa espiritu kan propesiya na yaraon sa sainda.

13 Daeng pagkukulang, nagkaigwa nin iba man sa pag-iriba ninda na nakaisip na maghapot sainda, na sa paagi kan saindang mga padayang mga paagi sinda mapupuwede nindang madakop sa saindang mga tataramon, na tanganing makanagbo nin testigo laban sainda, na tanganing puwedeng maipadara sinda sa saindang mga huwes na tanganing mapupuwede sindang paghuhusgaran na uyon sa ley, asin na tanganing sinda mapupuwedeng paggagaradanon o ikunkon sa prisohan, na uyon sa krimen na saindang magibong maipahiling o maipantestigo laban sainda.

14 Ngonian iyo idto an mga tawo na gustong destrosohon sinda, na mga abogado, na pinag-upahan o pinangngaranan sa paagi nin mga katawohan na iyo an magpasunod kan

ley sa mga pagkakataon kan saindang mga pagdadangog, o sa mga pagdadangog kan mga krimen nin mga katawohan sa atubangan kan mga huwes.

15 Ngonian an mga abogadong ini may pagkanuod sa gabos na mga arte asin padaya kan mga katawohan; asin ini nangyari na tanganing sinda magin bihasa sa saindang trabaho.

16 Asin ini nangyaring naglipas na sinda nagpoon sa paghapot ki Amulek, na sa paggibo sinda puwedeng maibaranggo an saiyang mga tataramon, o magkorontraan an mga tataramon sa dapat niyang sasabihon.

17 Ngonian sinda dae pa nakaaram na si Amulek puwedeng nakaaram na gayo kan saindang paribong na mga disenyo. Pero ini nangyaring naglipas habang sinda nagpoon sa paghapot saiya, saiyang napag-isip an saindang mga kaisipan, asin siya nagsabi sa sinda: O kamo na maririgsok asin baralinsot na henerasyon, kamong mga abogado asin mga hipokrito, nin huli ta kamo an nagpapamugtak kan mga pundasyon nin diyablo; nin huli ta kamo nagpapamugtak nin mga silo asin mga patibong na tanganing pagdarakopon an mga banal nin Diyos.

18 Kamo an nagpapamugtak nin mga plano sa pagbaliktad kan mga dalan nin pagkamatanos, asin magdadara pababa nin kaanggutan nin Diyos sa ibabaw kan saindong mga payo, magin pasiring sa seguradong pagkadedestroso kaining mga katawohan.

19 Iyo, marhay na si Mosiah nagsabi, na iyo an satuyang huring hade, kan saiya na kuta nang ipagbalyo an kahadean, na mayo nin saro na puwedeng ipag-atang ini, na nagin kausa kun tadaw ta ining mga katawohan dapat na pagpapamahalaan sa paagi kan saindong sadireng mga boses --- iyo, marhay na siya nagsabi na kun an panahon mag-abot na an boses kaining mga katawohan iyo an pagpili nin kadaendataan, iyo ini, na kun an panahon mag-abot na ining mga katawohan magpatihulog pasiring sa kalapasan, sinda magigin hinog nang gayo para sa kapahamakan.

20 Asin ngonian ako nagsasabi sa saindo na marhay na gibohon nin Kagurangnan na maghusga kan saindong mga kadaendataan; marhay na gibohon niyang magpapahayag sa mga katawohang ini, sa paagi kan boses nin saiyang mga anghel: Magsolsol kamo, magsolsol, nin huli ta an kahadean nin langit yaon na.

21 Iyo, marhay na gibohon niyang magpapahayag sa paagi kan boses nin saiyang mga anghel na: Ako magbababa sa pag-iriba kan sakuyang mga katawohan, na igwa nin katarungan asin hustisya sa sakuyang mga kamot.

22 Iyo, asin ako nagsasabi sa saindo na kun bako sa mga pangadyeon kan mga matatanos, na yaon ngonian sa kadagaan, na kamo kuta na sa ngonian pinagbibisita nin seguradong kapahamakan; pero ini bako sa paagi nin pagbaha, na arog kan nangyari sa mga aldaw ni Noah, alagad nin mangyayari sa paagi nin mga peste, asin kan espada.

23 Alagad iyo ini sa paagi kan matatanos na kamo pinagligtas; ngonian kun kaya, kun kamo magsisikwal kan mga matatanos gikan sa pag-iriba nindo kaya an Kagurangnan dae magpupugol kan saiyang kamot; pero sa saiyang makuring pagka-anggot siya mag-aabot laban saindo; kaya kamo hahampakon sa paagi nin taggutom, asin sa paagi nin peste, asin sa paagi nin espada; asin an panahon harani nang gayo laen lang na kamo magsosolsol.

24 Asin ngonian ini nangyaring naglipas na an mga katawohan nagin grabe an kaanggutan ki Amulek, asin sinda nakururahaw, na nagsasabi: An tawong ini naggibong pagbabasang-basang laban sa satuyang ley na husto, asin sa satuyang mga abugado na satuyang pinirili.

25 Alagad si Amulek pinagbingat an saiyang kamot, asin nagkurahaw nin grabe kakusog sa sinda, nag nagsasabi: O kamo na mga maririgsok asin baliskad na henerasyon, tadaw baya ta nangyari na si Satanas nagkaigwa nin grabe na gayong pamumugol sa sindong mga puso? Tadaw baya ta kamo nagpadara kan sindong mga sadire sa saiya na tanganing siya magka-igwa nin kapangyarihan na mangingibabaw sa sindo, na tanganing bulagon an sindong mga mata, na kamo dae makakasabot sa mga tataramon na pinagtataram, na uyon sa sindang katotoohan.

26 Nin huli ta hilnga, bako daw na ako nagpatotoo laban sa sindong ley? Kamo dae nakakasabot; kamo nagsasabi na ako nakapagtaram kontra sa sindong ley; alagad dae ko ngani ginibo, pero ako nakapagsabi na pabor sa sindong ley, pasiring sa sindong kondensasyon.

27 Asin ngonian hilnga, ako nagsasabi sa sindo, na an pundasyon kan kapahamakan kaining mga katawohan iyo na pinagpoonan na ipinaglalatag sa paagi kan daeng katanosan kan sindong mga abugado asin kan sindong mga huwes.

28 Asin ngonian ini nangyaring naglipas na kan si Amulek nakapagtaram kaining mga tataramon an mga katawohan nagkururahaw laban sa saiya, na nagsasabi: Ngonian kami nakakaaram na an tawong ini sarong ake nin diyablo, nin huli ta siya nagpuputik sa satuya; nin huli ta siya nagkapagtaram nin kontra sa satuyang ley. Asin ngonian siya nagsasabi na siya dae nakapagsabi laban kaini.

29 Asin giraray, siya nagbasang-basang na kontra sa satuyang mga abudado, asin sa satuyang mga huwes.

30 Asin ini nangyaring naglipas na an mga abugado nagbugtak kaini sa sindang mga puso na tanganing sindang pagpagiromdomon kan mga bagay na ini laban saiya.

31 Asin igwa nin sarong sa sinda na an pangaran na iyo si Zeezrom. Ngonian siya iyo an nangenotan na akusaran si Amulek asin si Alma, siya bilang sarong sa mga mas eksperto sa pag-iriba ninda, na nagkaigwa nin grabe kadakul na kaggibohan sa pag-iriba kan mga katawohan.

32 Ngonian an obheto kaining mga abugado iyo na makakua nin kapakinabangan; asin sinda nagkikita na uyon sa sindang kaipuhan.

ALMA TSAPTER 11

An mga Nephita nagmuntar nin paagi sa pananalapi --- Si Amulek nakipagdiskusyunan ki Zeezrom --- Si Cristo dae magliligtas sa mga katawohan na yaon sa sindang mga pagkakasala --- Sinda sana na magmamana sa kahadean nin langit ang maliligtas --- An gabos na tawo magbabangon sa immortalidad --- Mayo na nin kagadanan pagkatapos nin pagkabuhay-liwat.

Ngonian ini yaon sa ley ni Mosiah na an lambang tawo na sarong huwes nin ley, o sinda na pinagtalaga na magin mga huwes, dapat na makakaresibe nin mga kabayaran na uyon sa panahon na sinda nagtatrabaho sa paghuhusga sa sinda na pinagdara sa atubangan ninda para paghusgaran.

An Simbahan ni Jesukristo nin Mga Banal sa Huring-aldaw 280
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Ngonian kun an sarong tawo may utang sa iba, asin siya habong magbayad kan saiyang inutang, siya pinagreklamo sa huwes; asin an huwes iyo an mapasunod sa autoridad, asin iyo an mapadara nin mga paradakop na tanganing an tawo dapat na darahon sa atubangan niya; asin siya an maghuhusga sa tawo uyon sa ley asin sa mga ebidensiya na ipinadara laban saiya; asin kaya an tawo napipiritang magbayad kan saiyang nutang, o paghuhubaan, o palalayason gikan sa pag-iriba nin mga katawohan bilang sarong parahabon asin sarong tulisan.

3 Asin an huwes magresibe kan saiyang kabayaran uyon sa saiyang panahon--- sarong senine nin bulawan para sa sarong aldaw, o sarong senum nin plata, na katampad nin sarong senine nin bulawan; asin ini uyon sa ley na pinagtao.

4 Ngonian iyo ini an mga pangaran kan manlaen-laen na pedaso kan saindang bulawan, asin kan saindang plata, na uyon sa saindang kantidad. Asin an mga pangaran pinagtao kan mga Nephita, nin huli ta dae ninda pinagkukuwenta na arog sa manera nin mga Hudiyo na yaon sa Jerusalem; nin gibohon nindang kapareho an manera nin pagsukol kan mga Hudiyo; alagad saindang pinagbago an saindang pagkukuwenta asin kan saindang pagsusukol, na uyon sa mga kaisipan asin mga sirkumstansiya kan mga katawohan, sa lambang henerasyon, hanggan sa pagpapamahala kan mga huwes, sinda na ipinagpamugtak sa paagi ni hadeng Mosiah.

5 Ngonian an pagkukuwenta iyo ini--- an sarong senine nin bulawan, sarong seon nin bulawan, sarong shum nin bulawan, asin sarong limnah nin bulawan.

6 Sarong senum nin plata, saring amnos nin plata, sarong ezrom nin plata, asin sarong onti nin plata.

7 Sarong senum nin plata katampad nin sarong senine nin bulawan, asin maski sa arin sa duwa para sa sarong sebada, asin man para sa sarong sukol kan lambang klase nin butil.

8 Ngonian an kantidad nin sarong seon nin bulawan iyo na doble sa kantidad nin sarong senine.

9 Asin an sarong shum nin bulawan iyo na doble sa kantidad nin sarong seon.

10 Asin an sarong limnah nin bulawan iyo an kantidad kan sainda gabos.

11 Asin an sarong amno nin plata iyo na ini parehong kantidad kan duwang senum.

12 Asin an sarong ezrom nin plata iyo na ini parehong kantidad kan apat na senum.

13 Asin an sarong onti iyo na ini pareho an kantidad ninda gabos.

14 Ngonian iyo ini an kantidad kan mas hababa an mga numero kan saindang pagkukuwenta---

15 An sarong shiblon iyo na ini kabanga nin sarong senum; kun kaya, an sarong shiblon para sa kabanga nin sarong sukol nin sebada.

16 Asin an sarong shiblum iyo na ini kabanga nin sarong shiblon.

17 Asin an sarong Leah iyo an kabanga nin sarong shiblum.

18 Ngonian iyo ini an saindang numero, na uyon sa saindang pagkukuwenta.

19 Ngonian an sarong antion nin bulawan iyo na ini kapareho sa tulong shiblon.

20 Ngonian, ini nangyari nin huli sa sarong katuyuhan na makakua nin kapakinabangan, nin huli ta sinda nagresibe kan saindang mga kabayaran na uyon sa saindang kaupahan, kun kaya, saindang pinurukaw an mga katawohan na gumibo nin mga kariribokan, asin nin gabos na manera nin mga panribok asin karigsokan, na tanganing sinda puwedeng magkaigwa nin kadakul na para-upa, na sinda puwedeng kumita nin kuwarta na uyon sa mga akusasyon na pinagdadara sa atubangan ninda; kun kaya saindang pinurukawan an

mga katawohan laban kina Alma asin Amulek.

21 Asin ining Zeezrom nagpoon na maghapot ki Amulek, na nagsasabi: Puwede ka daw makasimbag sakuya sa dikit na mga kahaputan na sakuyang ihahapot saimo? Ngonian si Zeezrom iyo an sarong tawo na eksperto sa mga padaya nin diyablo, na tanganing saiyang hamakon an bagay na marhay; kun kaya, siya nagsabi ki Amulek: Puwede ka daw magsimbag sa mga kahaputan na sakuyang ihahapot saimo?

22 Asin si Amulek nagsabi sa saiya: Iyo, kun ini magin uyon sa Espiritu nin Kagurangnan, na yaon sako; nin huli ta ako mayong sasabihon na kontraryo sa Espiritu nin Kagurangnan. Asin si Zeezrom nagsabi sa saiya: Hilnga, uya may anom na onti nin plata, asin an gabos na ini sakuyang itatao saimo kun saimong ipagsikwal an pagkakaigwa nin sarong Pinakahalangkaw na Pagkatawo.

23 Ngonian si Amulek nagsabi: O ika na ake nin impiyerno, tadaw baya ta pinagtetentaran mo ako? Nakakaaram ka daw na an mga matatanos dae nadadara sa arog na mga tentasyon?

24 Nagtutubod ka daw na mayong Diyos? Ako nagsasabi sa saimo, Dae, ika mismo nakakaaram na igwa nin sarong Diyos, alagad ikaw mas namomoot kaining kaluhoan sobra kesa saiya.

25 Asin ngonian ika nagpuputik sa atubangan nin Diyos sa sakuya. Ika nakapagsabi sa sakuya--- Hilnga ining anom na onti, na igwa nin dakulang kantidad, sakuyang itatao sa saimo --- alagad yaon ini sa saimong puso na dae mo sinda itatao sakuya; asin iyo sana ini an saimong kamawotan na ako dapat magsikwal sa tunay asin nabubuhay na Diyos, na tanganing ika magpupuwede kuta nang magkausa na tanganing madestroso ako. Asin ngonian hilnga, para sa arog kaining dakulang karatan ikaw magkakaigwa nin saimong pabuya.

26 Asin si Zeezrom nagsabi sa saiya: Ika pusog na nagsasabi na igwa nin sarong tunay asin nabubuhay na Diyos?

27 Asin si Amulek nagsabi: Iyo, igwa talaga nin sarong tunay asin nabubuhay na Diyos.

28 Ngonian si Zeezrom nagsabi: Igwa daw nin sobra sa sarong Diyos?

29 Asin siya nagsimbag, Mayo.

30 Ngonian si Zeezrom nagsabi sa saiya giraray: Paano mo daw naaaraman an mga bagay na ini?

31 Asin siya nagsabi: Sarong anghel an naghimong ipaaram sinda sa sakuya.

32 Asin si Zeezrom nagsabi giraray: Siisay siya na mag-aabot? Iyo daw ini an Ake nin Diyos?

33 Asin siya nagsabi sa saiya, Iyo.

34 Asin si Zeezrom nagsabi giraray: Siya daw magliligtas kan saiyang mga katawohan na yaon sa saindang mga pagkakasala? Asin si Amulek nagsimbag asin nagsabi sa saiya: Ako nagsasabi sa saimo na siya dae, nin huli ta ini imposible para saiya na tanganing isikwal an saiyang tataramon.

35 Ngonian si Zeezrom nagsabi sa mga katawohan: Masdan nindo na kamo makakagiromdom kaining mga bagay; nin huli ta siya nagsabi na igwa sanang sarong Diyos; alagad siya nakapagsabi na an Ake nin Diyos mag-aabot, alagad siya dae magliligtas kan saiyang mga katawohan--- na garo бага siya nagkaigwa na nin autoridad na magsugo sa Diyos.

36 Ngonian si Amulek nagsabi giraray sa saiya: Hilnga ikaw nagputik na, nin huli ta ikaw

nakapagsabi na ako nagtaram na garo baga ako nagkaigwa na nin autoridad na magsugo sa Diyos nin huli ta ako nagsabi na siya dae magliligtas sa saiyang mga katawohan na yaon sa saindang mga pagkakasala.

37 Asin ako nagsasabi sa saimo giraray na siya dae kayang magliligtas sa sainda na yaon sa saindang mga kasalanan; nin huli ta ako dae makapagsikwal kan saiyang mga tataramon, asin siya nagsabi na mayong maating bagay na makakapagmana sa kahadean nin langit; kun kaya, paano kamo magin ligtas, laen lang na kamo makakapagmana sa kahadean nin langit? Kun kaya, kamo dae makakaligtas na yaon sa saindong mga pagkakasala.

38 Ngonian si Zeezrom nagsabi giraray sa saiya: Totoo daw na an Ake nin Diyos iyo man sana an Ama na Daeng Kasagkoran?

39 Asin si Amulek nagsabi sa saiya: Iyo, siya iyo man sana an Ama na Daeng Kasagkoran kan langit asin kan daga, asin kan gabos na mga bagay na yaon sainda man sana; siya an kapinunan asin an katapusan, an enot asin an huri;

40 Asin siya mag-aabot sa kinaban na tanging tubuson an saiyang mga katawohan; asin saiyang dadarahon sa saiyang sadire an mga kalapasan ninda na nagtutubod sa saiyang pangaran; asin iyo ini sinda na magkakaigwa nin buhay na daeng kasagkoran, asin an kaligtasan maabot sa mayo nang iba pa.

41 Kun kaya an mga marigsok iyo man sana na arog baga na dae nagkaigwa nin pagtubos na ginibo, laen lang na ini pinagbabadbadan kan mga gapos nin kagadanan; nin huli ta hilnga, an aldaw maabot na an gabos magbabangon gikan sa kagadanan asin magtitindog sa atubangan nin Diyos, asin paghuhusgaran uyon sa saindang mga gibo.

42 Ngonian, igwa nin sarong kagadanan na pinag-aapud na sarong temporal na kagadanan; asin an pagkagadan ni Cristo iyo an maghuhuhad kan mga gapos kaining temporal na kagadanan, na tanging an gabos magbabangon gikan kaining temporal na kagadanan.

43 An espiritu asin an hawak magkakasararo giraray sa saiyang perpektong kamugtakan; pareho an mga takyag asin mga kasu-kasuan na maibabalik sa tamang kamumugtakan, maski na ngani ngonian na kita iyo man sana sa panahong ini; asin kita dadarahon na magtitindog sa atubangan nin Diyos, nakakaaram maski ngani ngonian na kita nakakaaram, asin igwa nin sarong malinaw na pagkamangno kan gabos nyatong mga pagkakasala.

44 Ngonian, ining pagbabalik-liwat may-aabot sa gabos, pareho sa guran asin hoben, pareho sa uripon asin libre, pareho sa lalake asin babe, pareho sa maririgsok asin mga matatanos; asin magin mayo ni saro sa saindang mga buhok an mawawara; alagad an lambang bagay ibabalik-liwat sa perpekto kaining kamugtakan, na arog kaini ngonian, o yaon sa hawak, asin pagdadarahon asin huhukuman sa atubangan nin korte ni Cristo an Ake, asin Diyos Ama, asin an Banal na Espiritu, na sarong Daeng Kasagkoran na Diyos, na tanging paghuhukuman uyon sa saindang mga gibo, maski nagin sindang marhay o maski nagin sindang maraot.

45 Ngonian, hilnga, ako nakapagtaram na sa saindo mapanungod sa kagadanan nin mortal na hawak, asin man mapanungod sa pagkabuhay-liwat kan mortal na hawak. Ako nagsasabi sa saindo na an mortal na hawak na ini magbabangon pasiring sa sarong immortal na hawak, na gikan sa kagadanan, magin gikan sa enot na kagadanan pasiring sa pagkabuhay-liwat, na tanging sinda dae na naggad magagadan pa; an saindang mga

espiritu kaiba an saindang mga hawak, na dae na nanggad masusuhay pa; kaya an kabilugan magigin espirituwal asin immortal, na tanganing sinda dae na nanggad makakahiling pa nin kalapaan.

46 Ngonian, kan si Amulek nakapagtapos na kaining mga tataramon an mga katawohan nagpoon giraray na magkangaralas, asin man si Zeezrom nagpoon na pagtakigan. Asin kaya nagtapos an mga tataramon ni Amulek, o iyo sana ini an gabos kong naisurat.

ALMA TSAPTER 12

Si Alma nakipagdiskusyon ki Zeezrom --- An mga misteryo nin Diyos maitatao sana sa mga napano nin pagtubod --- An mga tawo paghuhusgaran sa paagi kan saindang mga kaisipan, paniniwala, mga tataramon, asin mga gibo --- An maririgsok magsasapo nin sarong espirituwal na kagadanan --- Ining mortal na buhay sarong pagsubok na kamugtakan --- An plano nin pagtutubos nagdadara na mangyari an pagkabuhay-liwat asin, sa paagi nin pagtubod, an kapatawaran nin mga kasalanan --- Ang nagsosolsol igwa nin makukuang pagkaherak sa paagi kan Solong Piniling Ake.

Ngonian si Alma, nahihiling na an mga tataramon ni Amulek iyo an nakapagpatoninong ki Zeezrom, nin huli ta nahiling niya si Amulek an nakadakop saiya sa saiyang pamumutik asin pandadaya sa pagdestroso saiya, asin nahihiling na siya nagpoon sa pagtatakig sa irarom kan sarong pagkamangno nin saiyang pagkakasala, siya nagbukas kan saiyang nguso asin nagpoon sa pagtaram sa saiya, asin tanganing pakusugon an mga tataramon ni Amulek, asin tanganing mas pang maipaliwanag an mg abagay, o na tanganing mas pang mabubuksan an mga eskritura na ipinagpaliwanag ni Amulek.

2 Ngonian an mga tataramon na si Alma iyo an nagtaram ki Zeezrom nagkadarangog kan mga katawohan na yaraon sa palibot; nin huli ta an kadaklan grabe, asin siya nagtaram sa arog kaining kadunungan:

3 Ngonian Zeezrom, nahihiling mo na ika napatotohanan sa saimong pagpuputik asin kadayaan, nin huli ta ika bako sanang nagpuputik sa mga tawo kundi iyo man na ikaw nagpuputik sa Diyos; nin huli ta hilnga, siya nakakaaram na an saimong mga kaisipan ipinagpapaaram sa samuya sa paagi kan saiyang Espiritu.

4 Asin saimong napagmamasdan na kami nakakaaram na an saimong planong sarong napakatusong plano; na arog kan pagkatuso nin diyablo, nin huli ta sa pamumutik asin sa pagdadaya kaining mga katawohan na saimo sindang maipapamugtak na sinda magigin laban samuya, na tanganing isikwal kami asin tanganing maisika kami paluwas---

5 Ngonian iyo ini an plano kan saimong kaiwal, asin saiyang pinaggigibo an saiyang kapangyarihan sa paagi mo. Ngonian ako nagmamawot na saimong magiromdoman na anuman na sakuyang maisasabi sa saimo sakuyang sasabihon para sa gabos.

6 Asin hilnga ako nagsasabi sa saindo gabos ini sarong pakana kan kaiwal, na saiyang ipinagpahayag tanganing madakop ining mga katawohan, na tanganing saiyang madara kamo sa pagkasakop niya, na tanganing kamo saiyang mapalibutang maikadena pasiring sa daeng katapusan na kapahamakan, na uyon sa kapangyarihan kan saiyang pananakop.

An Simbahan ni Jesukristo nin Mga Banal sa Huring-aldaw

284

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Ngonian kan si Alma nakapagtaram na kaining mga tataramon, si Zeezrom nagpoon na pagtakigan nin sobrang gayo, nin huli ta siya nakumbinseng sobra-sobra sa kapangyarihan nin Diyos; asin siya man kumbinsido na si Alma asin Amulek igwa nin pagkaaram sa mga kaisipan asin intensiyon kan saiyang puso; nin huli ta an kapangyarihan ipinagtao sinda na tanganing sinda puwedeng makanuod sa mga bagay na ini na uyon sa espiritu nin propesiya.

8 Asin si Zeezrom nagpoon na maghapot sinda na may kaigotan, na tanganing siya puwedeng makaaram nin iba pa mapanungod sa pagkabuhay-liwat kan mga gadan, pareho an mga husto asin ang mga bakong husto, asin pagdarahon na magtitindog sa atubangan nin Diyos na tanganing paghuhusgaran uyon sa saindang mga gibo?

9 Asin ngonian si Alma nagpoon na ipagpaliwanag ining mga bagay sa saiya, na nagsasabi: Ini ipinagtao sa kadaklan na tanganing makakaaram sa mga misteryo nin Diyos; daeng pagkukulang sinda ipinahayag sa irarom kan sarong estriktong pagsugo na dae ninda ipagheras sana uyon sa parte kan saiyang tataramon na saiyang ipinagtao sa mga kaakian nin mga tawo, uyon sa pagdadangog asin pag-iigot na saindang itinao sa saiya.

10 Asin kun kaya, siya na magpapatagas kan saiyang puso, iyo man sana an makakaresibe nin kadikiton sanang parte kan tataramon; asin siya na dae nagpapatagas kan saiyang puso, sa saiya ipinagtatao an pinakadakulang parte kan tataramon, magin hanggan ini itatao sa saiya na makakaaram sa mga misyteryo nin Diyos hanggan saiyang maaraman an mga ini sa kabilugan.

11 Asin sinda na magpapatagas kan saindang mga puso, sa sinda itinatao an kadikitong parte kan tataramon sagkod na sinda dae nang pagkaaram mapanungod sa saiyang mga misteryo; asin ta pagkatapos sinda dadarahon sa pagkasakop kan diyablo, asin pangengenotan sa paagi kan saiyang kagustuhan pababa pasiring sa kapahamakan. Ngonian iyo ini an boot sabihon kan mga kadena nin impiyerno.

12 Asin si Amulek nakapagtaram nin malinaw mapanungod sa kagadanan, asin sa pagbabaghon gikan kaining mortalidad pasiring sa sarong kamugtakan na immortalidad, asin pagdadarahon sa atubangan kan korte nin Diyos, na tanganing paghuhusgaran uyon sa satuyang mga gibo.

13 Pagkatapos na kun an satuyang mga puso pinatagas na, iyo, kun satuyang pinatagas na an satuyang mga puso laban sa tataramon, na sa pagkaarog kaini na ini dae na mananagboan sa laog nyato, kaya an satuyang kamumugtakan magin makangorongirhat, nin huli ta sa pagkatapos kita magigin kondenado.

14 Nin huli ta an satuyang mga tataramon iyo an magkokondena satuya; iyo, an gabos nyatong mga gibo iyo an magkokondena satuya; asin sa laog kan makangorongirhat na kamugtakang ini kita dae makakapagpangahas na makapaghiling sa satuyang Diyos; asin kita mag-oogma kan satuyang masugo an mga gapo asin an mga kabukidan na magtatabon sa satuya na tanganing itago kita gikan sa saiyang presensiya.

15 Alagad ini dae dapat mangyayari; kita kaipuhang gayo na magdulok asin magtindog sa atubangan niya sa saiyang kamurawayan, asin sa saiyang kapangyarihan, asin sa saiyang kakusganan, kamahalan, asin kasakupan, asin makapagmangno sa satuyang daeng katapusan na pagkasupog na an gabos na saiyang mga paghuhukom husto; na siya husto sa gabos niyang mga gibo, asin na siya pano nin pagkaherak sa mga kaakian nin mga tawo, asin na siya igwa kan bilog na kapangyarihan na magliligtas sa lambang tawo

na naniniwala sa saiyang pangaran asin magbubunga nin prutas na managboan para sa pagsosolsol.

16 Asin ngonian hilnga, ako nagsasabi sa saindo na pagkatapos na mag-abot an sarong kagadanan, magin sa sarong panduwang kagadanan, na iyo ngani an espirituwal na kagadanan; pagkatapos iyo iyan an panahon na an siirisay man na magkakagaradan sa saiyang mga pagkakasala, arog sa sarong temporal na kagadanan; iyo, siya magagadan arog sa mga bagay na mapanunungod sa pagkamatanos.

17 Pagkatapos iyo iyan an panahon kun noarin an saindang mga kasakitan magigin arog sa sarong danaw nin kalayo asin asupre na an laad minapaitaas sagkod sa daeng kasagkoran; asin pagkatapos iyo iyan an panahon na sinda kakadenahan pababa pasiring sa daeng katapusan na kapahamakan, uyon sa kapangyarihan asin pagkasakop ni Satanas, siya an nakapagsakop sainda na uyon sa saiyang kagustuhan.

18 Pagkatapos, ako nagsasabi sa saindo, sinda magigin arog sana na dae nagkaigwa nin pagtubos na nahimo; nin huli ta sinda dae naggad matutubos uyon sa hustisya nin Diyos; asin sinda dae naggad magagadan, na mahihiling na mayo na naggad nin kalapaan.

19 Ngonian ini nangyaring naglipas na kan si Alma nakapagtapos na sa saiyang pagtaram kaining mga tataramon, an mga katawohan nagpoon na mas lalo pang nagkangaralas;

20 Alagad igwa nin sarong Antionah, na iyo an pinakapamayong tagapagpamahala sa pag-iriba ninda, nagdulok asin nagsabi sa saiya: Ano ining saimong pinagsasabi, na an tawo magbabangon gikan sa pagkagadan asin mababago gikan kaining mortal pasiring sa sarong immortal na kamugtakan, na an kalag dae na magagadan?

21 Ano baya an ipinapasabot kan eskritura, na nagsasabi na an Diyos nagbugtak nin kerubin asin sarong naglalaad na espada sa sirangan kan harden nin Eden, ta kun dae an satuyang mga enot na mga magurang makakalaog asin magkakakan nin prutas kan kahoy nin buhay, asin mabubuhay sagkod pa man? Asin kaya samuyang nahihiling na mayong posibleng pagkakataon na sinda mabubuhay sagkod pa man.

22 Ngonian si Alma nagsabi sa saiya: Iyo ini an bagay na sakuya na kuta nang ipagpapaliwanag. Ngonian satuyang nahiling na si Adan nahulog sa paagi nin pagkakakan kan pinagbabawal na prutas, uyon sa tataramon nin Diyos; asin kaya satuyang nahihiling, na sa paagi kan saiyang pagkahulog, an bilog na tawong nilalang nagin sarong nagkawarara asin nagkahurulog na mga katawohan.

23 Asin ngonian hilnga, ako nagsasabi sa saindo na kun ini nangyaring nagin posible para ki Adan na makakakan nin prutas kan kahoy nin buhay sa panahon na idto, dae na kuta na nagkaigwa nin kagadanan, asin an tataramon kuta na mayong kamanungdanan, na ginigibong an Diyos sarong putikon, nin huli ta siya nagsabi: Kun ika magkakan ika seguradong magagadan.

24 Asin satuyang nahihiling na an kagadanan minaabot sa tawong nilalang, iyo, an kagadanan na ipinagtaram na ni Amulek, na iyo an temporal na kagadanan; daeng pagkukulang na nagkaigwa nin sarong panahon na ipinagtao sa tawo na siya puwedeng magsosolsol; kun kaya an buhay na ini nagin sarong pagsubok na kamugtakan; sarong panahon nin pag-aandam na tanganing maka-atubang an Diyos; sarong panahon nin pag-aandam para kaining daeng katapusang kamugtakan na ipinagtaram na nyamo na iyo ini an mangyayari pagkatapos nin pagkabuhay-liwat kan mga gadan.

25 Ngonian, kun ini bako para sa plano nin pagtutubos, na ipinapahayag gikan pa sa

pundasyon kan mundo, dae kuta na nagkaigwa nin pagkabuhay-liwat kan mga gadan; alagad nagkaigwa nin plano nin pagtutubos na ipinahayag, na iyo an magdadara na mangyari an pagkabuhay-liwat kan mga gadan, na iyo na ngani an ipinagtaram na. 26 Asin ngonian hilnga, kun ini nagin posible lamang na an satuyang enot na mga magurang nakapaglakaw asin nakakakan kan kahoy nin buhay sinda kuta na nagin daeng kasagkoran an pagigin miserable, na yaon sa daeng pag-aandaman na kamugtakan; asin kaya an plano nin pagtutubos nagi kuta nang mayong kahulugan, asin an tataramon nin Diyos nagin mayong kamanungdanan, na nagin mayong epekto.

27 Pero hilnga, bako ini an nangyari; pero ini ipinangyari sa mga tawo na sinda kaipuhan na magadan; asin pagkatapos nin kagadanan, sinda magpapasiring sa paghuhukom, magin an iyo man sanang paghuhukom na samuyang ipinagtaram na, na iyo an katapusan.

28 Asin pagkatapos na an Diyos nakapagpangyayari na an mga bagay na ini dapat na mag-abot sa tawo, hilnga, pagkatapos na saiyang nahiling na ini kapakinabangan na an tawo dapat na makaaram mapanungod sa mga bagay na kun saen saiyang ipinagpangyayari sa sainda;

29 Kun kaya siya nagpadara nin mga anghel na tanganing makikipag-olay sainda, na iyo an nagkausa sa tawo na masaksihan an saiyang kamurawayan.

30 Asin sinda magpoon kaidtong panahon nag-aapud sa saiyang pangaran; kun kaya an Diyos nakipag-olay sa mga tawo, asin naghimong ipagpapaaram sa sainda an plano nin pagtutubos, na ipinaghanda na gikan pa sa pundasyon kan mundo; asin ini saiyang ipinagpaaram sa sainda uyon sa saindang pagtubod asin pagsosolsol asin an saindang banal na mga gibo.

31 Kun saen baga, siya nagtao nin mga kasugoan sa mga tawo, sinda na enot na naglapas sa enot na mga kasugoan arog sa mga bagay na mga tempora, asin nagin arog sa mga Diyos, na nakakaaram nin marhay hale sa maraot, ipinamumugtak an saindang mga sadire sa sarong kamugtakan na maghiro, o ipinamugtak sa sarong kamugtakan na maghiro uyon sa saindang mga kagustuhan asin mga kaogmahan, na kun gumibo nin maraot o gumibo nin marhay---

32 Kun kaya an Diyos nagtao sa sainda nin mga kasugoan, pagkatapos na saiyang ipinagpaaram sa sainda an plano nin pagtutubos, na tanganing sinda dae dapat na makagibo nin maraot, an penalidad kaini iyo an sarong ikaduwang kagadanan, na iyo an daeng katapusan na kagadanan sa mga bagay na manungod kan pagkamatanos; nin huli sa paagi kan plano nin pagtutubos dae kuta na nagkaigwa nin kapangyarihan, nin huli ta an mga gibo nin hustisya dae naggad mapupuwede na madestroso, na uyon sa pinakahalangkaw na karahayan nin Diyos.

33 Alagad an Diys nag-apud sa mga tawo, sa pangaran kan saiyang Ake, (ini bilang iyo an plano nin pagtutubos na ipinagpahayag) na nagsasabi: Kun kamo magsosolsol, asin dae pagpatagason an saindong mga puso, kaya ako magkakaigwa nin pagkaherak sa saindo, sa paagi kan sakuyang Solong Piniling Ake;

34 Kun kaya, an siirisay man an nagsosolsol, asin dae pinatagas an saiyang puso, siya mag-aako nin pagkaerak sa paagi kan sakuyang Solong Piniling Ake, pasiring sa sarong kapatawaran kan saiyang mga pagkakasala; asin an mga ini makakalaog pasiring sa sakuyang kapahingaloan.

35 Asin an siirisay man na magpapatagas kan saiyang puso asin guminibo nin

kadaendatahan, hilnga ako minasumpa sa sakuyang kaanggutan na siya dae makakalaog pasiring sa sakuyang kapahingaloan.

36 Asin ngonian, sakuyang namumutan na mga katugangan, hilnga ako nagsasabi sa saindo, na kun kamo magpapatagas kan saindong mga puso kamo dae makakalaog pasiring sa kapahingaloan nin Kagurangnan; kun kaya an saindong kadaendatahan iyo an magtutulak saiya na ipadara niya pababa an saiyang kaanggutan sa saindo na arog sa enot na pagpapa-anggot, iyo, uyon sa saiyang tataramon sa panhuring pagpapa-anggot na siring man sa enot, paduman sa daeng katapusan na kapahamakan kan saindong mga kalag; kun kaya, uyon sa saiyang tataramon, pasiring sa panhuring kagadanan, na siring man sa enot.

37 Asin ngonian, sakuyang mga katugangan, nagpapahiling na kami nakakaaram sa mga bagay na ini, asin sinda totoo, magsolsol kita, asin dae ta pagpatagason an satuyang mga puso, na dae ta mapa-anggot an Kagurangnan satuyang Diyos na butungon na pababa an saiyang kaanggutan sa satuya kan mga ini an saiyang ikaduwang mga kasugoan na saiyang ipinagtao sa satuya; alagad maglaog kita pasiring sa kapahingaloan nin Diyos, na ipinag-andam na uyon sa saiyang tataramon.

ALMA TSAPTER 13

An mga tawo pinag-apud bilang halangkaw na mga pade nin huli kan saindang sobrang pagtubod asin marhay na mga gibo --- Sinda an magtutukdo kan mga kasugoan --- Sa paagi nin pagkamatanos sinda pinagpabanal asin makakalaog pasiring sa kapahingaloan nin Kagurangnan --- Si Melchizedek iyo kaidto an sarong mga ini --- An mga anghel an nagbalangibog nin marhay na bareta sa bilog na kadagaan --- Sinda an magpapahayag sa tunay na pag-abot ni Cristo.

Asin giraray, sakuyang mga katugangan, ako nagmamawot na sabihon sa saindong mga isip pa-abante sa panahon kan an Kagurangnan Diyos nagtao kaining mga kasugoan sa saiyang mga kaarakian; asin ako nagmamawot na kamo dapat makapaggiromdom na an Kagurangnan Diyos nag-ordina nin mga kapadean, susog sa saiyang banal na orden, na susog man sa orden kan saiyang Ake, na tanganing makakapagtukdo kan mga bagay na ini sa mga katawohan.

2 Asin idtong mga kapadean inordinahan na susog sa orden kan saiyang Ake, sa sarong manera na kun paano an mga katawohan puwedeng makakaaram sa paanong manera na tanganing mag-aasa sa saiyang Ake para sa pagtutubos.

3 Asin iyo ini an manera kun paano sinda pinag-ordinahan--- bilang pinag-aapud asin pinag-aandam gikan sa pundasyon kan mundo uyon sa pangenot na kaaraman nin Diyos, sa paagi kan saindang sobrang pagtubod asin marhay na mga gibo; na sa kapinunan pa sana ipinaubaya na magpipili sa marhay o maraot; kun kaya sinda na nagkapagpili nin marhay, asin pinaghihimong gayo an dakulang pagtubod, inaapud na may sarong banal na pangapudan, iyo, sa arog kaining banal na pangapudan na ipinag-andam na, asin uya sa sarong kaandaman nin pagtutubos para kaini.

An Simbahan ni Jesukristo nin Mga Banal sa Huring-aldaw 288
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

4 Asin kaya sinda pinag-apudan kaining banal na pangapudan nin huli kan saindang pagtubod, habang an iba pinagsisikwal an Espiritu nin Diyos nin huli sa katagasan kan saindang mga puso asin sa pagkabuta kan saindang mga isip, habang, kun bako kuta na kaini sinda puwedeng nagkaigwa nin dakulang pribilihiyo na arog kan saindang mga katugangan.

5 O sa halipot na sabihon, sa enot pa sanang lugar sinda kapareho nin tindog sa saindang mga katugangan; kaya ining banal na pangapudan na ipinaghanda na gikan pa sa pundasyon kan mundo para kaini na arog sa dae pagpatagas kan saindang mga puso, bilang yaon sa laog asin sa paagi kan pagbabayad-sala kan Bugtong na Piniling Ake, na ipinag-andam---

6 Asin kaya bilang inapudan sa paagi kaining banal na pangapudan, asin pinag-ordinahan para sa halangkaw na pagkasaserdote kan banal na orden nin Diyos, na tanganing makapagtukdo kan saiyang mga kasugoan sa mga kaarakian nin mga tawo, na tanganing sinda man puwedeng makalaog pasiring sa saiyang kapahingaloan---

7 Ining halangkaw na pagkasaserdote bilang susog sa orden kan saiyang Ake, na iyo ngani an orden na gikan pa sa pundasyon kan mundo; o sa ibang tataramon, bilang mayong kapinunan nin mga aldaw o katapusan nin mga taon, bilang ipinaghanda gikan pa sa eternidad sagkod sa gabos na eternidad, na uyon sa saiyang pangenot na kaaraman sa gabos na mga bagay---

8 Ngonian sinda pinag-ordinahan sa arog kaining manera--- bilang inapudan nin sarong banal na pangapudan, asin pinag-ordinahan nin sarong banal na ordinansa, asin inako sa saindang sadire an halangkaw na pagkasaserdote kan banal na orden, na an pangapudan, asin ordinansa, asin halangkaw na pagkasaserdote, na mayong kapinunan o katapusan---

9 Kaya sinda nagin halangkaw na mga kapadean sagkod pa man, susog sa orden kan Ake, an Bugtong na Pinili kan Ama, na iyo an mayong kapinunan nin mga aldaw o katapusan nin mga taon, na iyo an pano nin grasya, katarungan, asin katotoohan. Asin kaya iyo ini. Amen.

10 Ngonian, arog kan sakong sinabi manungod sa banal na orden, o kaining halangkaw na pagkasaserdote, nagkaigwa nin kadakul na pinag-ordinahan na asin nagin halangkaw na mga kapadean nin Diyos; sinda na nagpili na magsolsol asin magtrabaho sa pagkamatanos kesa mapahamak;

11 Kun kaya sinda pinangapudan susog kaining banal na orden, asin pinabanal, asin an saindang mga bado pinaglabhan na magin mapution sa paagi kan dugo nin Kordero.

12 Ngonian sinda, pagkatapos na pakabanalon sa paagi nin Espiritu Santo, na an saindong mga bado pinaghimong magin mapution, bilang tunay asin mayong dugta sa atubangan nin Diyos, dae makakapahiling sa kasalan laen lang kun ini may kapungotan; asin nagkaigwa nin kadakul, sobrang gayo kadakul, na pinaghimong tunay asin nakapaglaog pasiring sa kapahingaloan nin Kagurangan saindang Diyos.

13 Asin ngonian, sakuyang mga katugangan, ako nagmamawot na kamo dapat na magpakumbaba sa saindong mga sadire sa atubangan nin Diyos, asin magdara nin bungang pan-andam para sa pagsosolsol, na tanganing kamo puwede man makalaog pasiring kaiyang kapahingaloan.

14 Iyo, magpakumbaba sa saindong mga sadire magin arog sa mga katawohan kan mga aldaw ni Melchizedek, na saro man na halangkaw na pade na susog sa kaparehong orden na sakuya nang naitaram, na nag-ako man sa saiya na halangkaw na pagkasaserdote

sagkod pa man.

15 Asin iyo man sana ini kaidto na Melchizedek na si Abraham nagbayad nin mga ikapu; iyo, magin an satuyang ama na si Abraham nagbayad nin mga ikapu na ikasampunglong parte kan gabos niyang pagsadire.

16 Ngonian ining mga ordinansa ipinagtao sa arog kaining manera, na tanganing kun saen an mga katawohan puwedeng maglaom sa Ake nin Diyos, ini bilang sarong tipo kan saiyang orden, o ini bilang saiyang orden, asin ini na tanganing sinda puwedeng maglaom sa saiya para sa sarong kapatawaran kan saindang mga pagkakasala, na tanganing sinda puwedeng makalaog pasiring sa kapahingalohan nin Kagurangnan.

17 Ngoning ining Melchizedek na ini sarong hade sa bilog na daga nin Salem; asin an saiyang mga katawohan nagin makusugon sa kadaendatahan asin karumputan; iyo, sinda naggad gabos nagkaparara; sinda napano kan gabos na manera nin karigsokan;

18 Pero si Melchizedek habang may makusog na pagtubod, asin nakaresibe kan opisina nin halangkaw na pagkasaserdote na uyon sa banal na orden nin Diyos, nagparabalangibog nin pagsosolsol sa saiyang mga katawohan. Asin hilnga, sinda naggad nagsorolsol; asin si Melchizedek iyo an nag-establisa nin katuninongan, nin huli ta siya iyo an hade kan Salem; asin siya naghade sa irarom kan saiyang ama.

19 Ngonian, nagkaigwa nin kadakul sa pagkatapos nya, pero mayo ni sarong an nagin katampad; kun kaya, sa saiya sinda mas pirmeng nahihimong masambitan.

20 Ngonian ako dae kaipong gayo na otrohon pa an mga bagay; kun ano an sakuyang nasabi tama na gayud. Hilnga, an mga eskritura yaon sa saindong atubangan; kun kamo magpabaya sinda ini iyo an magdadara pasiring sa saindong sadireng kapahamakan.

21 Asin ngonian ini nangyaring naglipas na kan si Alma nakapagsabi na kaining mga tataramon sa sinda, saiyang ibiningat an saiyang kamot sa sinda asin nagkurahaw sa sarong makusugon na boses, na nagsasabi: Ngonian iyo an panahon sa pagsosolsol, nin huli ta an aldaw nin kaligtasan naghaharani nang gayo;

22 Iyo, asin an boses nin Kagurangnan, sa paagi kan nguso nin mga anghel, iyo mismo an nagdeklara kaini sa gabos na mga nasyon; iyo, naggibong maideklara ini, na tanganing sinda puwedeng magkaigwa nin marhay na bareta nin dakulang kaogmahan; iyo, asin siya naggibong ibandelyo ining mga marhay na bareta sa gabos na saiyang mga katawohan, iyo, maski sinda na nagkawararak sa harayo sa lalawgon kan kinaban; kumbaga sinda an nagdulok sa satuya.

23 Asin an mga ini ipinagpaaram sa satuya sa malinaw na termino, na tanganing kita puwedeng makasabot, na tanganing kita dae mapapasala; asin ini nin huli kan satuyang pagiging mga paralakbay sa sarong estrangherong kadagaan; kun kaya, kita may halangkaw na pabor, nin huli ta kita nagkaigwa kaining mga marhay na bareta na naipagdeklara sa satuya sa bilog na parte kan satuyang ubasan.

24 Nin huli ta hilnga, mga anghel nagdedeklara kaini sa kadaklan sa panahon ngonian sa satuyang kadagaan; asin ini nin huli sa katuyuhan na andamon an mga puso nin kaarakian nin mga tawo na tanganing tanggapon an saiyang tataramon sa panahon kan saiyang pag-aabot sa saiyang kamurawayan.

25 Asin ngonian na kita naghahalat sana sa pagdangog kan maogmahon na mga baretang pinagdeklara sa satuya sa paagi kan nguso nin mga anghel, sa saiyang pag-aabot; nin huli ta an panahon mag-aabot, kita dae sana nakakaaram kun ano na kaharani. Pinagmawot kaya nin Diyos na ini mapupuwedeng mangyayari sa sakuyang aldaw; alagad pabayae na

ini magharani o maghorohaloy pa, sa laog kaini ako mag-oogma.

26 Asin ini hihimohon na maipaaram sa husto asin banal na mga tawo, sa paagi kan nguso nin mga anghel, sa panahon kan saiyang pag-aabot, na an mga tataramon kan satuyang mga ama puwedeng mautob, uyon sa mga bagay na saindang ipinagtaram manungod saiya, na idto uyon sa espiritu nin propesiya na yaon sa laog ninda.

27 Asin ngonian, sakuyang mga katugangan, ako nangingiturugan gikan sa pinakalaog na parte kan sakuyang puso, iyo, na may dakulang kahandalan pasiring sa kakulugan, na tanganing kamo magdadangog sa sakuyang mga tataramon, asin itapok an saindong mga pagkakasala, asin dae magpaliman-liman sa aldaw kan saindong pagsosolsol;

28 Alagad na tanganing kamo magpapakumbaba kan saindong mga sadire sa atubangan nin Kagurangnan, asin mag-apud sa saiyang banal na pangaran, asin magbantay asi magpangadye pirme, na tanganing kamo dae puwedeng matentaran nin sobra kan saindong makakayanan, asin kaya mapangenotan kan Banal na Espiritu, na magin magpakumbaba, mahuyo, masinunod-sunod, may pasensiya, pano nin pagkamoot asin bilog sa halawig na matiniason;

29 Igwang pagtubod sa Kagurangnan; igwa nin sarong paglaom na tanganing kamo makakatanggap nin buhay na daeng kasagkoran; na igwa kan pagkamoot nin Diyos pirme sa saindong mga puso, na tanganing kamo puwedeng maipagpalangkaw sa huring aldaw asin maglaog sa saiyang kapahingaloan.

30 Asin lugod an Kagurangnan maipaubaya sa saindo an pagsosolsol, na tanganing kamo dae makapagdara paibaba kan saiyang kaanggutan sa saindo, na tanganing kamo dae maigapos pababa sa paagi nin mga kadena nin impiyerno, na tanganing kamo dae magkapagsapo nin ikaduwang kagadanan.

31 Asin si Alma nakapagtaram nin kadakul pang gayong mga tataramon sa mga katawohan, na daeng gayo naisurat sa librong ini.

ALMA TSAPTER 14

Si Alma asin si Amulek ipinagkunkon sa prisohan asin pinasakitan--- An mga paratubod asin an saindang mga banal na eskritura pinagsurulo nin kalayo--- An mga martir na ini pinagtanggap nin Kagurangnan sa kamurawayan--- An mga muralya nin prisohan nagkararaot asin nagkahurugmok--- Si Alma asin si Amulek iniligtas asin an saindang mga persigidor nagkagaradan.

Asin ini nangyaring naglipas na pagkatapos na siya nakapagtaram na nin tapos sa mga katawohan kadakul sainda an nagtubod sa saiyang mga tataramon, asin nagpoon na magsosolsol, asin sa pagsaliksik sa mga eskritura.

2 Alagad an mas kadakul na parte sainda nagmamawot na saindang madestroso sinda Alma asin Amulek; nin huli ta sinda nagka-aranggot ki Alma, nin huli sa kalinawan kan saiyang mga tataramon ki Zeezrom; asin sinda man nagsabi na si Amulek nakapagputik sa sainda, asin nakapagbasang-basang laban sa saindang ley asin man laban sa saindang mga abugado asin mga huwes.

An Simbahan ni Jesukristo nin Mga Banal sa Huring-aldaw

291

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Asin sinda man nagka-aranggot kina Alma asin Amulek; asin nin huli ta sinda nakapagpatotoo nin yanong kapaliwanagan laban sa saindang mga karigsokan, sinda nagplanong garadanon sinda nin patago.

4 Alagad ini nangyaring naglipas na sinda dae nakagibo, pero sinda pinagdara sinda asin ginarapos sinda nin makukusog na mga pangapos, asin pinagdara sinda sa atubangan kan pinakapamayong huwes kan daga.

5 Asin an mga katawohan nagduruman asin nagterestigo laban sa sinda--- nagparapatotoo na sinda nagbasang-basang laban sa ley, asin kan saindang mga abugado asin mga huwes nin kadagaan, asin man sa gabos na mga katawohan na yaraon sa kadagaan; asin man nagpatotoo na igwang Diyos alagad saro sana, asin na tanganing saiyang ipadara an saiyang Ake sa mga katawohan, alagad siya dae dapat na magliligtas sinda; asin kadakul kaining mga bagay na ipinagpatotoo kan mga katawohan laban kina Alma asin Amulek. Ngonian ini ginibo sa atubangan mismo kan pinakapamayong huwes nin kadagaan.

6 Asin ini nangyaring naglipas na si Zeezrom nagngalas sa mga tataramon na saiya nang ipinagtaram; asin siya man nakaaram na manungod sa pagkabulag kan mga isip, na saiyang pinagkausa sa mga katawohan sa paagi kan saiyang kaputikang mga tataramon; asin an saiyang kalag nagpoon na malugadan sa irarom nin sarong pagkaaram kan saiyang sadireng kasalanan; iyo, siya nagpoon na mapalibutan sa paagi kan mga kasakitan nin impiyerno.

7 Asin ini nangyaring naglipas na siya nagpoon sa pagkurahaw sa mga katawohan, na nagsasabi: Hilnga, ako nagkasala, asin an mga tawong ini mayong kadugtaan sa atubangan nin Diyos. Asin siya nagpoon sa pagpapakiolay para sinda magpoon sa panahon na idto sagkud pa man; alagad saindang sinikwal siya, na nagsasabi: Bako daw na ika man nalulukuban nin diyablo? Asin sinda nagtupga nin laway sa saiya, asin pinaghaboan siya gikan sa pag-iriba ninda, asin man an gabos na nagtubod sa mga tataramon na ipinagtaram na ni Alma asin Amulek; asin sinda sindang pinagtabuyan paluwas, asin nagpadara nin mga tawo na tanganing gapoon sinda.

8 Asin saindang pinagdara an saindang mga agom na babae asin mga kaakian na magkasararo, asin an siirisay na nagtubod o natukdoan na magtubod sa tataramon nin Dios saindang pinaggibo na sinda maisapog pasiring sa kalayo; asin sinda man dinarara an saindang mga talaan na naglalaman kan banal na kasuratan, asin pinag-apon man sinda pasiring sa kalayo, na tanganing an mga ini masulo asin madestroso sa paagi nin kalayo.

9 Asin ini nangyaring naglipas na saindang dinakop si Alma asin si Amulek, asin dinarara sinda pasiring sa lugar nin pagkamartir, na tanganing saindang masaksihan an kapahamakan ninda na pinagkukunsumo nin kalayo.

10 Asin kan si Amulek nahiling an mga kasakitan kan mga kababaehan asin mga kaarakian na nagkasurulo nin kalayo, siya man nakulugan; asin siya nagsabi ki Alma: Paano daw kita makapagsaksi kaining makangorongirhat na eksena? Kun kaya kaipuhan tang ibingat an satuyang mga kamot, asin ipahiling an kapangyarihan nin Diyos na yaon satuya, asin iligtas sinda gikan sa mga laad.

11 Pero si Alma nagsabi sa saiya: An Espiritu nagpupugol sakuya na dae ko ipagbingat an sakuyang kamot; nin huli ta an kagurangnan an magtatanggap sinda sa itaas pasiring sa saiyang sadire, sa kamurawayan; asin siya nahimong magtugot na an bagay na ini mangyari, o na an mga katawohan maggibo kaining bagay sa sinda, uyon sa pagkatagas

kan saindang mga puso, na tanganing an mga paghuhukom na saiyang gigibohon sa sainda sa saiyang kaanggutan puwedeng magin husto; asin an dugo kan mga inosente magtitindog bilang sarong testigo laban sainda, iyo, asin magkukurahaw nin makusugon laban sainda sa huring aldaw.

12 Ngonian si Amulek nagsabi ki Alma: Hilnga baka saindang susuloon man kita.

13 Asin si Alma nagsabi: Pabayaang tang mangyari iyan uyon sa kagustuhan nin Kagurangnan. Alagad, hilnga, an satuyang trabaho dae pa tapos; kun kaya dae ninda kita susuloon.

14 Ngonian ini nangyaring naglipas na kan an mga hawak kaidtong pinag-arapon pasiring sa kalayo nagkaturupok na, asin man an mga talaan na ipinagsapog sa kairibahan ninda, an pinakapamayong huwes nin kadagaan nag-abot asin nagtindog sa atubangan ni Alma asin ni Amulek, habang sinda nakagapos; asin saiya sindang sinampaling kan saiyang kamot sa saindang mga pisngi, asin nagsabi sa sainda: Pagkatapos kaining saindong nasaksihan, magbabalangibog pa kamo giraray sa mga katawohang ini, na sinda ipagtatapok pasiring sa sarong danaw nin kalayo asin asupre?

15 Hilnga, nahihiling nindo na mayo kamong kapangyarihan sa pagligtas sa sainda na ipinagsapog pasiring sa kalayo; ni an Diyos iyo an nagligtas sainda nin huli ta sinda yaon sa saindong pagtubod. Asin an huwes pinagsampaling giraray sinda sa saindang mga pisngi, asin naghapot: Ano an masasabi nindo sa saindong mga sadire?

16 Ngonian an huwes na ini sarong nasususog kan orden asin pagtubod ni Nehor, na iyo an guminadan ki Gideon.

17 Asin ini nangyaring naglipas na si Alma asin si Amulek mayong isinimbang saiya; asin saiya giraray pinakulgan sinda, asin ipinagtao sa mga opisyal sinda na tanganing kulungon sa prisohan.

18 Asin kan sinda kinulong sa prisohan nin tulong aldaw, nag-arabot-abot an kadakul na mga abugado, asin mga huwes, asin mga kapadean, asin mga paratukdo, na yaon sa propesiya ni Nehor; asin sinda nagpasiriring sa laog kan prisohan na mahiling sinda, asin sinda nagharapot sainda manungod sa kadakul na mga tataramon; alagad sinda dae nagsimbag sainda.

19 Asin ini nangyaring naglipas na an huwes nagtindog sa atubangan ninda, asin nagsabi: Tada ta habo nindong pagsimbagon an mga kahaputan kaining mga katawohan? Dae kamo nakakaaram na ako igwa nin kapangyarihan na ipagsapog kamo pasiring sa mga laad? Asin saiya sindang sinugo na magtaram; alagad sinda dae nagsimbag.

20 Asin ini nangyaring naglipas na sinda nagharale asin nagpaduman sa kaniya-kaniyang mga dalan, alagad nagbaralik giraray sa pagkaaga; asin an huwes giraray pinagsampaling sinda sa saindang mga pisngi. Asin kadakul an nag-arabot giraray, asin pinagkulgan sinda, na nagsasabi: Makapagtindog kamo giraray asin paghusgaran ining mga katawohan, asin kondenaron an samuyang ley? Kun kamo igwang gayo nin sobrang kapangyarihan tadaw ta dae nindo ipinagliligtas an saindong mga sadire?

21 Asin kadakul pang mga bagay na arog kaini an saindang isinabi sa sainda, pinaparagot an saindang mga ngipon sa sainda, asin nagtitipga nin laway sa sainda, asin nagsasabi: Ano an samuyang hitsura kun kami kondenado?

22 Asin kadakul pang mga bagay na arog kaini, iyo, gabos na manera nin arog kaining mga bagay na saindang pinagsabi sa sainda; asin kaya saindang pinagtuya-tuya sinda sa laog nin kadakul na mga aldaw. Asin dae sinda pinagtatawanan nin pagkakan na

tanganing sinda magkakagurutom, asin tubig na tanganing sinda magkakaparaha; asin saind man sindang hinalean kan saindang mga bado na tanganing sinda nakahuba sana; asin kaya sinda nagagapusan nin makukusog na mga panggapos, asin ikinunkon sa laog nin prisohan.

23 Asin ini nangyaring naglipas pagkatapos na sinda nagtios sa laog nin kadakul na mga aldaw, (asin yaon kaidto sa ikadosing aldaw, sa ikasampung bulan, sa ikasampung taon kan pagpapamahala nin mga huwes sa mga katawohan nin Nephi) na an pinakapamayong huwes sa bilog na kadagaan nin Ammonihah asin kadakul sa saindang mga paratukdo asin saindang mga abugado nagpasiriring sa prisohan kun saen si Alma asin si Amulek nagkagarapos nin mga panggapos.

24 Asin an pinakapamayong huwes nagtindog sa atubangan ninda, asin nagpakulg sainda giraray, asin nagsabi sa sainda: Kun kamo igwa nin kapangyarihan nin Diyos iligtas an saindang mga sadire gikan kaining mga pagkakagapos, asin pagkatapos kami maniniwala na an Kagurangnan dedestrosohon ining mga katawohan na uyon sa saindang mga tataramon.

25 Asin ini nangyaring naglipas na sinda gabos nagdurulok asin pinakulgan sinda, na nagsasabi nin arog man sanang mga tataramon, magin hanggan sa pinakahuri; asin kan an pinakahuri nakapagtaram na sa sainda an kapangyarihan nin Diyos nag-abot kina Alma asin Amulek asin sinda nagburuhat asin nagtirindog sa saindang mga bitis.

26 Asin si Alma nagkurahaw, na nagsasabi: Ano kahaloy na kami magsasapo kaining dakulang mga kasakitan, O Kagurangnan? O Kagurangnan, tawan mo kami nin kusog uyon sa samuyang pagtubod na yaon ki Cristo, magin hanggan sa samuyang kaligtasan. Asin saindang nagkapurutol an mga gapos na nakagapos sa sainda; asin kan magkahiriling nin mga katawohan ini, sinda nagpoon na magdurulagan, nin huli kan pagkatakot sa kapahamakan na nag-abot sa sainda.

27 Asin ini nangyaring naglipas na grabeng gayo an saindang katakutan na tanganing sinda nakaturumba sa daga, asin dae nagkakurua an paluwas na pinto kan prisohan; asin an daga naglinog nin makusog, asin an mga muralya nin prisohan nagkabaranga sa duwa, na tanganing nagkaturumba sinda sa daga; asin an pinakapamayong huwes, asin an mga abugado, asin an mga kapadean, asin an mga paratukdo, na iyo an nagpakulog kina Alma asin Amulek, nagkagaradan sa paagi kan pagkadat-og kan mga ini.

28 Asin si Alma asin si Amulek nakaruluwas sa prisohan, asin sinda dae nakulgan; nin huli ta an Kagurangnan nagtao sa sainda nin kapangyarihan, na uyon sa saindang pagtubod na yaon ki Cristo. Asin sinda diretsong nagkaruluwas sa prisohan; asin sinda nagkahurubadan na kan saindang mga gapos; asin an prisohan naghugnak na sa daga, asin an lambang kalag na yaon sa mga muralya kaini, laen lang kina Alma asin Amulek, nagkagaradan; asin sinda diretsong nagpasiring sa siyudad.

29 Ngonian an mga katawohan na nakadangog nin dakulang kariribokan nakadalan na nag-arabot-abot na nagkatiripong gayo an kadaklan na tanganing aramon an kausa kaini; asin kan mahiling ninda si Alma asin Amulek na nagruruluwas gikan sa prisohan, asin an mga muralya kaini nagkaturumba sa daga, sinda inabutan nin dakulang pagkatakot, asin nagdurulag gikan sa presensiya ni Alma asin ni Amulek na baga arog sa sarong kanding na nagdudurulag kairiba an saindang mga ake paharayo sa duwang leon; asin kaya sinda nagdurulag gikan sa presensiya ninda Alma asin Amulek.

ALMA TSAPTER 15

*Si Alma asin si Amulek nagpaduman sa Sidom asin nag-establisa nin sarong simbahan---
Si Alma an nagbulong ki Zeezrom, na naki-ayon na sa simbahan--- Kadakul an
nagkaburunyagan asin an Simbahan nag-asenso--- Si Alma asin si Amulek nagpasiring
sa Zarahemla.*

Asin ini nangyaring naglipas na si Alma asin Amulek sinugo na maghale paluwas sa siyudad; asin sinda naghale, asin nagpaduman pasiring sa kadagaan nin Sidom; asin hilnga, duman saindang nagkanaragboan an gabos na mga katawohan na nagharale paluwas sa kadagaan nin Ammonihah, na pinagpaharale paluwas asin pinaggarapo, nin huli ta sinda naturubod sa mga tataramon ni Alma.

2 Asin saindang ipinag-estorya sa sainda an gabos na pangyayari sa saindang mga agom na babae asin mga kaakian, asin man an manungod sa sainda, asin kan saindang kapangyarihan nin kaligtasan.

3 Asin man si Zeezrom nakahigda sa kahelangan sa Sidom, igwa nin matinding kalentura, na nagin kausa kan dakulang mga kasakitan nin saiyang isip mapanungod sa saiyang karigsokan, nin huli ta saiyang pighuhuna na si Alma asin Amulek mayo na; asin saiyang pighuhuna na sinda ginaradan na nin huli kan saiyang kadaendatahan. Asin ining dakulaon na pagkakasala, asin an saiyang kadakul pang mga kasalanan, iyo an nagpakulog sa saiyang isip hanggan ini nagin malala-on nang gayo, na dae nang kaligtasan; kun kaya siya pinunan na magkaigwa nin matinding init.

4 Ngonian, kan saiyang madangog na si Alma asin Amulek yaon sa kadagaan nin Sidom, an saiyang puso nagpoon na magkaigwa nin kusog-boot; asin siya nagpadara nin sarong mensahe sa sainda, na nagmamawot sainda na magpasiring sa saiya.

5 Asin ini nangyaring naglipas na sinda nagpaduman tulos-tulos, na nagsusunod sa mensahe na saiyang ipinadara sa sainda; asin sinda naglaog sa harong sagkud ki Zeezrom; asin sainda siysng nanagboan sa saiyang higdaan, may helang, na pinaluluyahang gayo na may matinding kalentura; asin an saiyang isip man sobrang gayo an kasakitan nin huli kan saiyang mga kadaendatahan; asin kan saiyang mahiling sinda saiyang ibiningat an saiyang kamot, asin nakiolay sainda na saindang bulungon siya.

6 Asin ini nangyaring naglipas na si Alma nagsabi sa saiya, na kinakaputan an saiyang kamot: Nagtutubod ka sa kapangyarihan ni Cristo pasiring sa kaligtasan?

7 Asin siya nagsimbag asin nagsabi: Iyo, ako may pagtubod sa gabos na mga tataramon na saimong pinagtutukdo.

8 Asin si Alma nagsabi: Kun ikaw nagtutubod sa pagtutubos ni Cristo ika mararahay.

9 Asin siya nagsabi: Iyo, ako nagtutubod uyon sa saimong mga tataramon.

10 Asin pagkatapos si Alma nagngayo-ngayo sa Kagurangnan, na nagsasabi: O Kagurangnan samuyang Diyos, kaheraki an tawong ini, asin bulungon mo po siya uyon sa saiyang pagtubod na yaon ki Cristo.

11 Asin kan si Alma nakapagsabi na kaining mga tataramon, si Zeezrom nagbuhat sa pagtindog sa saiyang mga bitis, asin nagpoon sa paglakaw; asin ini pinagpangyari na may dakulang kangalasan sa bilog na mga katawohan; asin an pagkaaram kaini kuminalat sa

An Simbahan ni Jesukristo nin Mga Banal sa Huring-aldaw

295

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kabilugan nin gabos na kadagaan nin Sidom.

12 Asin si Alma an nagbunyag ki Zeezrom sa pangaran nin Kagurangnan; asin siya nagpoon sa panahon na idto na magbalangibog sa mga katawohan.

13 Asin si Alma nag-establisa nin simbahan sa kadagaan nin Sidom, asin nagparakonsagra nin mga kapadean asin mga paratukdo sa kadagaan, nagparabunyag sa pangaran nin Kagurangnan sa kiirisay man na nagmamawot na mabunyagan.

14 Asin ini nangyaring naglipas na sinda nagdakul; nin huli ta sinda nag-arabot sa pagtiripon gikan sa gabos na rehiyon sa palibot kan Sidom, asin binurunyagan.

15 Alagad sa mga katawohan na yaraon sa kadagaan nin Ammonihah, sinda giraray sarong pinatagas na puso asin sarong tiso an liog na mga katawohan; asin sinda dae nagsosolsol kan saindang mga pagkakasala, na pinapanungod an bilog na kapangyarihan ni Alma asin Amulek na gikan sa diyablo; nin huli ta sinda yaon sa propesyon ni Nehor, asin dae nagtuturubod sa pagsosolsol kan saindang mga kasalanan.

16 Asin ini nangyaring naglipas na si Alma asin Amulek, si Amulek na nagpabaya na kan gabos niyang bulawan, asin plata, asin sa saiyang mga makantidad an mga bagay, na nagkawaralat sa daga nin Ammonihah, nin huli sa tataramon nin Diyos, siya bilang pinagsikwal na ninda na saiyang dating mga amigo asin man kan saiyang ama asin saiyang mga kalahi;

17 Kun kaya, pagkatapos ni Alma na makapag-establisa nin simbahan sa Sidom, nahihiling na an mga katawohan pinagsiyasat susog sa kapaabaw-abawan kan saindang mga puso, asin nagpoon na magpakumbaba sa atubangan nin Diyos, asin nagpoon na mag-assemblya kan saindang mga sadire na magkatiripon-tipon sa saindang mga sanktuwaryo para sa pagsamba sa Diyos sa atubangan nin altar, nagbantay asin nagpapangadye pirme, na tanganing sinda mailigtas gikan ki Satanas, asin sa kagadanan, asin gikan sa kapahamakan---

18 Ngonian arog kan sinabi ko na, si Alma na nahihiling an gabos na ining mga bagay, kun kaya saiyang pinag-iba si Amulekasin nagpaduman pasiring sa kadagaan nin Zarahemla, asin dinara siya sa saiyang sadireng harong, asin nagpatabang siya sa saiyang mga pagtitios, asin pinakusog siya sa Kagurangnan.

19 Asin kaya nagtapos an ikasampung taon kan pagpapamahala kan mga huwes sa bilog na katawohan nin Nephi.

ALMA TSAPTER 16

An mga Lamanita dinestroso an mga katawohan nin Ammonihah--- Si Zoram iyo an nagpamayo sa mga Nephita sa kapangganahan laban sa mga Lamanita--- Si Alma asin Amulek asin kadakul pang iba nagbalangibog nin tataramon--- Sinda nagparatukdo na pagkatapos sa saiyang pagkabuhay-liwat si Cristo magpapahiling sa mga Nephita.

Asin ini nangyaring naglipas sa ika-onseng taon nin pagpapamahala kan mga huwes sa bilog na katawohan nin Nephi, sa ikalimang aldaw kan ikaduwang bulan, na nagkaigwa nin grabeng katuninongan sa kadagaan nin Zarahemla, na dae nagkaigwa nin mga giyera

An Simbahan ni Jesukristo nin Mga Banal sa Huring-aldaw 296
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

o pagralaban-laban sa laog nin nagkapirang mga taon, magin hanggan sa ikalimang aldaw kan ikaduwang bulan sa ika-onseng taon, nagkaigwa nin sarong pagkururahaw nin giyera na nadangog sa bilog na kadagaan.

2 Nin huli ta hilnga, an mga kasundaluhan kan mga Lamanita nag-arabot sa may kaparangang parte, pasiriring sa mga kasagkoran nin kadagaan, magin hanggan sa siyudad nin Ammoniha, asin nagpoon sa panggagadan sa mga katawohan asin dinestroso an siyudad.

3 Asin ngonian ini nangyaring naglipas, bago pa man makapagtipon nin maninigong mga paralaban na tanganing sinda paaratrason paluwas sa kadagaan, sainda nang nadeostro an mga katawohan na yaraon sa laog kan siyudad nin Ammonihah, asin sa iba man na yaraon sa mga kasagkoran nin Noah, asin dinarara an iba bilang mga bihag pasiring sa kaparangan.

4 Asin ngonian ini nangyaring naglipas na an mga Nephita nagmarawot na mabawi sinda na nagkadarara paharayo bilang bihag pasiring sa kaparangan.

5 Kun kaya, siya bilang pingngaranan na pinakapamayong kapitan kan bilog na kasundaluhan kan mga Nephita, (asin an saiyang pangaran iyo si Zoram, asin siya igwa nin duwang akeng lalake, si Lehi asin Aha)--- ngonian si Zoram asin an saiyang duwang akeng lalake, na nakakaaram na si Alma iyo an halangkaw na pade sa bilog na simbahan, asin nakadangog na siya igwa nin espiritu kan propesiya, kun kaya sinda nagpaduman sa saiya asin nagmawot sa saiya na maaraman kun an Kagurangnan nagtutugot na sinda magpasiriring sa kaparangan na tanganing haranapon an saindang mga katugangan, na pinagdarara bilang bihag kan mga Lamanita.

6 Asin ini nangyaring naglipas na si Alma naghapot sa Kagurangnan mapanungod kaining bagay. Asin si Alma nagbalik asin nagsabi sa sainda: Hilnga, an mga Lamanita magbabalyo sa salog nin Sidon sa may sur na parte nin kaparangan, paharayo paitaas lampas sa mga kasagkoran kan daga nin Manti. Asin hilnga duman nindo sinda mananagboan, sa may sirangang parte kan salog nin Sidon, asin duman an Kagurangnan iyo an magtatao sa saindo kan saindong mga katugangan na nagkadarara bilang bihag kan mga Lamanita.

7 Asin ini nangyaring naglipas na si Zoram asin an saiyang mga akeng lalake nagbalyo sa salog Sidon, kairiba an saindang mga kasundaluhan, asin nagralakbay paharayo lampas sa mga kasagkoran nin Manti pasiring sa sur na parte nin kaparangan, na yaon sa sirangang parte kan salog nin Sidon.

8 Asin saindang nagka-arabutan an mga paralaban kan mga Lamanita, asin an mga Lamanita nagkawararak asin nag-aratras pasiring sa kaparangan; asin saindang nagkabarawi an saindang mga katugangan na nagkadarara bilang mga bihag nin mga Lamanita, asin mayo ni saro sa mga kalag an nawara sa mga nagkabirihag. Asin sinda pinagdarara kan saindang mga katugangan na tanganing pagsadirehon an saindang mga kadagaan.

9 Asin kaya nagtapos an ika-onseng taon kan mga huwes, an mga Lamanita na pina-aratras paluwas sa kadagaan, asin an mga katawohan nin Ammonihah nagkaderestroso; iyo, an lambang nabubuhay na kalag nin mga Ammonihita nagkaderestroso, asin man an saindang bantog na siyudad, na saindang pinagsasabi na maski an Diyos dae kayang destrosohon ini, nin huli kan kadakulaan kaini.

10 Pero hilnga, sa sarong aldaw binayaan na mayong tawo; asin an mga bangkay

pinagkakarakan nin mga ayam asin mga layas na mga hayop nin kaparangan.

11 Daeng pagkukulang, pagkatapos nin kadakul na mga aldaw an saindang garadan na mga hawak pinagparatong-patong sa lalawgon kan kinaban, asin an mga ini pinagtarambunan nin sarong hababawon na lulubngan. Asin ngonian grabeng gayo an parong kan mga ini na tanganing an mga katawohan dae kayang magpaduman tanganing pagsadirehon an kadagaan nin Ammonihah sa laog nin kadakul na mga taon. Asin ini pinag-aapud na an lugar nin kapahamakan kan mga Nehor; nin huli ta sinda yaon sa propesyon ni Nehor, na nagkagaradan; asin an saindang mga kadagaan nagin yaon sa pagkahamak.

12 Asin an mga Lamanita dae na giraray nag-abot sa pagkipaggiyera laban sa mga Nephita hanggan sa ika-katorseng taon nin pagpapamahala kan mga huwes sa bilog na katawohan nin Nephi. Asin kaya sa laog nin tulong taon na an mga katawohan nin Nephi nagkaigwa nin padagos na katuninongan sa bilog na kadagaan.

13 Asin si Alma asin Amulek nagpadagos sa pagbabalangibog nin pagsosolsol sa mga katawohan sa saindang mga templo, asin sa saindang mga sanktuwaryo, asin man sa saindang mga sinagoga, na ipinagtugdok na arog na gayo sa manera kan mga Hudiyo.

14 Asin habang kadakul na gayo an nakadangog kan saindang mga tataramon, sa sinda sinda nagheras kan tataramon nin Diyos, na mayong pinipiling mga persona, sa pirmeng pagkakataon.

15 Asin kaya iyo ini an padagos na ginibo ni Alma asin Amulek, asin man kan kadakul pang iba na pinili para sa pagtrabaho, na tanganing magbalangibog nin tataramon sa kabilugan nin kadagaan. Asin an pagkatugdas nin simbahan nagin bantog sa kabilugan nin kadagaan, sa gabos na rehiyon sa palibot, sa gabos na mga katawohan nin mga Nephita.

16 Asin mayo nin daeng pagkapararehas sa kairibahan ninda; an Kagurangnan pinagpabulos an saiyang Espiritu sa bilog na lalawgon nin kadagaan na tanganing ipag-andam an mga isip nin mga kaarakian nin mga tawo, o na tanganing ipag-andam an saindang mga puso sa pagtanggap nin tataramon na dapat na ipagtukdo sa pag-iriba ninda sa panahon kan saiyang pag-abot---

17 Na tanganing sinda dae puwedeng magtinagas laban sa tataramon, na tanganing sinda dae puwedeng magin daeng paniniwala, asin magpasiring sa kapahamakan, kundi na tanganing sinda puwedeng tanggapon an tataramon na may pagka-ogma, asin bilang sarong sanga na maisugpon sa tunay na puno nin ubas, na tanganing sinda puwedeng makalaog pasiring sa kapahingaloan nin Kagurangnan saindang Diyos.

18 Ngonian ining mga kapadean na nagpaduman sa mga katawohan nagbalangibog laban sa gabos na mga kaputikan, asin sa mga darayaan asin sa mga iringgitan, asin sa mga iriwal-iwal, asin sa mga malisya, asin sa mga karantiyawan, asin harabonan, pananalakat, pandarambong, panggagadan, pakikiapid, asin sa gabos na manera nin kahalayan, nagtutukdo na an mga bagay na ini dae dapat na mangyayari---

19 Pinapakusog an mga bagay na harani nang gayong mag-abot; iyo, pinapakusog na itinutukdo an pag-abot kan Ake nin Diyos, an saiyang mga pagpapakasakit asin kagadanan, asin man pagkabuhay-liwat nin mga gadan.

20 Asin kadakul sa mga katawohan an nagharapot manungod sa lugar na kun saen an Ake nin Diyos mag-aabot; asin sinda nagtukdo na siya magpapahiling sa sinda pagkatapos na siya mabuhay-liwat; asin kaini an mga katawohan nakadangog na may

dakulang kaogmahan asin pagka-ogma.

21 Asin ngonian pagkatapos na an simbahan naitugdas na sa bilog na kapalibutan nin kadagaan--- na nagkaigwa nin kapangganahan kontra sa diyablo, asin an tataramon nin Diyos ipinagbalangibog sa tunay na katotohanan kaini sa bilog na kadagaan, asin an Kagurangnan nagpabulos kan saiyang mga biyaya sa mga katawohan--- kaya nagtapos an ika-katorseng taon kan pagpapamahala nin mga huwes sa bilog na katawohan nin Nephi.

ALMA TSAPTER 17

Sarong talaan kan mga ake ni Mosiah, na nagsayuma kan saindang mga karapatan sa kahadean nin huli kan tataramon nin Diyos, asin nagpasiriring sa kadagaan nin Nephi tanganing magbaralangibog sa mga Lamanita; an saindang mga kasakitan asin kaligtasan--- Na uyon sa talaan ni Alma. Komponido kan mga Tsapter 17 hanggan 26, inklusibo.

An mga akeng lalake ni Mosiah igwa nin espiritu nin propesiya asin kan pagpapahayag--- Sinda nagralakaw sa saindang mga sadireng mga dalan tanganing ideklara an tataramon sa mga Lamanita--- Si Ammon naglakbay pasiring sa kadagaan nin Ishamael asin nagin surugoon ni Hadeng Lamoni--- Si Ammon an nagligtas kan mga kakarnerohan kan hade asin pinaggaradan niya an saiyang mga kaiwal sa mga katubigan nin Sebus.

Asin ngonian ini nangyaring naglipas na habang si Alma naglalakbay gikan sa daga nin Gideon pasiring sa timog na parte, harayo pasiring sa daga nin Manti, hilnga, sa saiyang kangangalasan, saiyang nagkanaragboan an mga akeng lalake ni Mosiah na naglalakbay pasiring sa kadagaan nin Zarahemla.

2 Ngonian an mga akeng lalake na ini ni Mosiah yaon sa pag-iriba ni Alma kan panahon na an anghel enot na nagpahiling sa saiya; kun kaya si Alma nag-ogmang gayo na magkahiriling an saiyang mga katugangan; asin an nakadagdag pa sa saiyang kaogmahan, iyo na sinda mga tugang niya pa man sa Kagurangnan; iyo, asin sinda nagin makusog sa pagkaaram nin katotohanan nin huli ta sinda mga tawo na igwa nin sarong pagkasabot asin sinda nagsaliksik sa mga eskritura na may kaigotan, na tanganing sinda puwedeng makakaaram sa tataramon nin Diyos.

3 Alagad bako lang ini gabos; sinda nagtao kan saindang mga sadire nin grabeng pangadyeon, asin pag-ayuno; kun kaya sinda nagkaigwa nin espiritu nin propesiya, asin kan espiritu nin pagpapahayag, asin kun sinda nagtutukdo, sinda nagtutukdo na may kapangyarihan asin autoridad nin Diyos.

4 Asin sinda nagtutukdo kan tataramon nin Diyos sa laog nin katorseng taon sa pag-iriba kan mga Lamanita, nagkaigwa nin grabeng trayumpo sa pagdara nin kadakul pasiring sa pagkaaram kan katotohanan; iyo, sa paagi nin kapangyarihan kan saindang mga tataramon

An Simbahan ni Jesukristo nin Mga Banal sa Huring-aldaw

299

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kadakul na nagkadarara sa atubangan nin altar kan Diyos, sa pag-aapud kan saiyang pangaran asin magkumpisal kan saindang mga kasalanan sa atubangan niya.

5 Ngonian iyo ini an mga sirkumstansiya na saindang nagkanarabatan sa saindang mga paglalakbay, nin huli ta sinda nagkaigwa nin kadakul na mga kasakitan; sinda naggad nagsakit nin gayo, pareho sa hawak asin sa isip, arog kan pagkagutom, pagkapaha asin kulog nin hawak, asin man nin grabeng trabaho sa espiritu.

6 Ngonian iyo ini an saindang mga paglalakbay: Pagkatapos na binayaan an saindang ama, na si Mosiah, sa enot na taon kan mga huwes; pagkatapos na hinaboan an kahadean na an saindang ama nagmawot na itatao sa sinda, asin man iyo ini an mga kaisipan kan mga katawohan;

7 Daeng pagkukulang na sinda nagharale paluwas sa kadagaan nin Zarahemla, asin dara an saindang mga espada, asin an saindang mga sibat, asin an saindang mga busog, asin an saindang mga pana, asin an saindang mga tirador; asin an bagay na ini saindang ginibo na tanganing mapupuwede sindang makakua nin pagkakan para sa saindang mga sadire habang yaon sa kaparangan.

8 Asin kaya sinda nagharale pasiriring sa kaparangan kairiba an mga nagkapira na saindang mga pinili, na tanganing magpasiriring sa kadagaan nin Nephi, sa pagbalangibog kan tataramon nin Diyos sa mga Lamanita.

9 Asin ini nangyaring naglipas na sinda nagpara lakbay sa kdakul na mga aldaw sa kaparangan, asin sinda pirmeng nag-aayuno asin pirmeng nangangadye na tanganing an Kagurangnan magtatao sinda nin sarong parte kan saiyang Expiritu na mag-iba sinda, asin mag-antabay sinda, na tanganing sinda magin instrumento sa mga kamot nin Diyos na iyo an magdadara, kun ini posible, na an saindang mga katugangan, an mga Lamanita, sa pagkakaaram nin katotoohan, sa pagkakaaram kan basehan nin mga tradisyon nin sindaing mga ama, na bakong mga tama.

10 Asin ini nangyaring naglipas na an Kagurangnan nagbisita sinda sa paagi kan saiyang Espiritu, asin nagsabi sa sinda: Malinga kamo. Asin sinda nalinga.

11 Asin an Kagurangnan nagsabi man sinda: Lakaw kamo sa mga Lamanita, an saindong mga katugangan, asin establisaron an sakuyang tataramon; alagad dapat kamo na magin mapagpasensiya sa halawig na pagtitios asin mga kasakitan, na tanganing maipapahiling nindo an marhay na mga ehemplo sa sinda para sakuya, asin ako maghihimo nin sarong instrumento sa sinda sa sakuyang mga kamot pasiring sa kaligtasan nin kadakul na mga kalag.

12 Asin ini nangyaring naglipas na an mga puso kan mga akeng lalake ni Mosiah, asin man an mga kairiba ninda, nagkaigwa nin kusog boot na magpasiriring sa mga Lamanita na tanganing ideklara sa sinda an tataramon nin Diyos.

13 Asin ini nangyaring naglipas na kan sinda nakaabot na sa mga kasagkoran kan kadagaan nin mga Lamanita, na sinda nagkaniya-kaniya kan saindang mga sadire asin nagharale sa lambang saro sa saro, na may pagtitiwala sa Kagurangnan na sinda puwedeng magkahirilingan giraray matapos kan saindang pag-aani; nin huli ta sinda naghuna na dakulang gayo an trabaho na saindang ginigibo.

14 Asin tunay na ini marhay, nin huli ta sinda nakagibong magbabalangibog kan tataramon nin Diyos sa sarong mabangison asin sarong pinatagas asin sarong malupiton na mga katawohan; sarong katawohan na naoogma sa panggagadan kan mga Nephta, asin pinagsasalakatan asin pinagdarambongan sinda; asin an saindang mga puso yaon sa

mga kayamanan, o sa bulawan asin plata, asin makantidad na mga alahas; alagad sinda nagmamawot na magkaigwa kaining mga bagay sa paagi nin panggagadan asin pandadarambong, na tanganing sinda puwedeng dae maghingoha para sa mga ini na gamit an saindang sadireng mga kamot.

15 Kaya sinda sarong mahuhugak na gayong mga katawohan, kadakul sainda an nagsasamba sa mga diyus-diyosan, asin an sumpa nin Diyos nahulog sainda nin mga tradisyon kan saindang mga ama; maski na ngani sa mga promisa nin Kagurangnan nakahaya sa sainda sa mga kondisyon na magsosolsol sana.

16 Kun kaya, iyo ini an kausa na tanganing ang mga akeng lalake ni Mosiah naggibo kaining trabaho, na baka laman sinda puwede nindang madara pasiring sa pagsosolsol; na baka laman sinda puwede nindang madara sa pagkaaram kan plano nin pagtutubos.

17 Kun kaya sinda nagkaniya-kaniya an lambang saro sa saro, asin nagpasiriring sa kairiba ninda, an lambang solong tawo, na uyon sa tataramon asin kapangyarihan nin Diyos na ipinagtao sa sainda.

18 Ngonian si Ammon bilang iyo an pinakapamayo sa pag-iriba ninda, o kaya siya iyo an nagmaneho sa sainda, asin siya naghale gikan sainda, pagkatapos na nagbendisyon sinda uyon sa saindang nagkapirang mga estasyon, bilang nagheras kan tataramon nin Diyos sa sainda, o nagmaneho sa sainda bago pa man kan saiyang paghale; asin kaya saindang hinimong makapaggibo nin nagkapirang pagralakbay sa kabilugan nin kadagaan.

19 Asin si Ammon nagpaduman sa kadagaan nin Ishmael, an kadagaan na pinag-aapud na arog sa mga akeng lalake ni Ishmael, na iyo man sanang nagin mga Lamanita.

20 Asin habang si Ammon minapasiring palaog sa daga nin Ishmael, an mga Lamanita iyo an nagdakop saiya asin ginapos siya, na arog sa saindang kustombre na ginagapos an gabos na mga Nephita na nahulog sa saindang mga kamot, asin dinadara an mga ini sa atubangan kan hade; asin kaya ini ipinabaya na sana sa kagustuhan kan hade na gadanon sinda, o magin sindang yaon sa pagka-uripon, o ipagkunkon sinda pasiring sa prisohan, o buhian sinda paluwas sa saiyang kadagaan, na uyon sa saiyang pagboot asin kagustuhan.

21 Asin kaya si Ammon dinara sa atubangan kan hade na naghahade sa kadagaan nin Ishmael; asin an saiyang pangaran iyo si Lamoni; asin siya saro sa mga kalahi ni Ishmael.

22 Asin an hade naghapot ki Ammon na kun iyo an saiyang pagmawot na makipag-erok sa kadagaan na kairiba kan mga Lamanita, o kan saiyang mga katawohan.

23 Asin si Ammon nagsabi sa saiya: Iyo po, ako nagmamawot na makiki-erok sa kairiba kaining mga katawohan para sa sarong panahon; iyo, asin baka hanggan sa aldaw na ako magadan.

24 Asin ini nangyaring naglipas na si hadeng Lamoni naogmang gayo ki Ammon, asin nagsugo na an saiyang mga gapos haleon; asin siya nagboot na si Ammon dapat magkua nin saro sa saiyang mga akeng daraga na magin agom.

25 Pero si Ammon nagsabi sa saiya: Dae po, alagad ako nagmawot na magin saimong surugoon. Kun kaya si Ammon nagin sarong surugoon ni hadeng Lamoni. Asin ini nangyaring naglipas na siya ipinamugtak sa kairibang mga surugoon na magbantay sa mga kakarneroan ni Lamoni, na uyon sa kustombre kan mga Lamanita.

26 Asin pagkatapos na siya nagsisirbe sa hade sa laog nin tulong aldaw, habang siya yaon sa pag-iriba kan mga surugoon nin mga Lamanita na nagpapasiriring kairiba an saindang mga kakarneroan sa lugar nin tubig, na pinag-apud na tubig nin Sebus, asin an gabos na mga Lamanita pinagdadara an saindang mga kakarneroan digde, na tanganing mag-

inom nin tubig---

27 Kun kaya, habang si Ammon asin an mga surugoon kan hade pinag-aantabayanan an saindang mga kakarnerohan pasiring sa lugar nin tubig, hilnga, may sarong numero nin mga Lamanita, na yaon sa pag-iriba kan saindang mga karnero tanganing mag-inom, nagtindog asinpinagbubugaw ang mga kakarnerohan ni Ammon asin kan mga surugoon nin hade, asin saindang pinagbuburugaw an mga ini kun kaya nagdurulagan sa kadakul na mga dalan.

28 Ngonian an mga surugoon kan hade nagpoon sa paghadit, na nagsasabi: Ngonian an hade iyo an maggagadan satuya, arog kan saiyang ginibo sa satuyang mga katugangan nin huli ta an saindang mga kakarnerohan nagkawaratak-watak sa kaggibohan kan mga tawong ini. Asin sinda nagpoon sa pagbarangkay nin makusog, na nagsasabi: Hilnga, an satuyang mga kakarnerohan nagkawaratak-watak na.

29 Ngonian sinda naghihiribi nin huli sa katakutan na paggagaradanon. Ngonian kan si Ammon nakamasid kaini an saiyang puso nag-oogmang gayo sa laog niya; nin huli ta, sabi niya, ako makapagpapahiling na kan sakuyang kapangyarihan sa pag-iriba kong kapwa-surugoon, o an kapangyarihan na yaon sa sakuya, sa pagpapabaralik kaining mga kakarnerohan para sa hade, na ako mapupuwedeng ganahon an mga puso kaining sakuyang mga kapwa-surugoon, na tanganing ako puwedeng mapangenotan sinda na magtubod sa sakuyang mga tataramon.

30 Asin ngonian, iyo an mga ini an yaon sa mga kaisipan ni Ammon, kan saiyang mapagmasdan an mga kasakitan ninda na saiyang pinag-aapud na magin saiyang mga katugangan.

31 Asin ini nangyaring naglipas na saiya sindang pinaglinya kan saiyang mga tataramon, na nagsasabi: Mga katugangan ko, magin maogma kamo asin maghiro kita sa paghanap sa mga karnero, asin satuyang titiriponon sinda na magkakasararo asin darahon an mga ini pabalik sa lugar nin tubig; asin kaya satuyang mapapangatamanan an mga karnero para sa hade asin dae niya kita gagaradanon.

32 Asin ini nangyaring naglipas na sinda nagralakaw sa paghahanap kan mga karnero, asin sind nagsunod ki Ammon, asin sinda naghidaling nagralakaw na may kabilisan asin pinagtiripon an mga karnero kan hade, asin pinagtiripon an mga ini na magkasararo giraray pasiriring sa lugar nin tubig.

33 Asin idtong mga tawo giraray nagtirindog na tanganing waratak-watakon an saindang mga karnero; pero si Ammon nagsabi sa saiyang mga katugangan: Paikotan an mga karnero sa palibot na sinda dae magdurulag; asin ako mapaduman asi maki-atubang kaining mga tawo na iyo an nagbuburugaw sa pagwatak kan satuyang mga karnero.

34 Kun kaya, saindang ginibo arog kan sinugo ni Ammon sainda; asin siya naghale asin nagtindog sa pakipaglaban sa mga ini na nagtitindog sa may tubig nin Sebus; asin an saindang bilang bakong kadikit sana.

35 Kun kaya sinda dae natakot ki Ammon, nin huli ta sinda naghuhuna na an sarong saindang mga tawo kayang gadanon nsiya na uyon sa saindang kagustuhan, nin huli ta sinda daeng pagkaaram na an Kagurangnan nagpangako ki Mosiah na saiyang ililigtas an saiyang mga akeng lalake paluwas sa saindang mga kamot; ni sinda may pagkaaram kan anuman na bagay manungod sa Kagurangnan; kun kaya sinda nag-oogma sa kapahamakan kan saindang mga katugangan; asin nin huli kaining dahilan sinda nagtirindog sa pagwaratak-watak kan mga karnero nin hade.

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

36 Alagad si Ammon nagtindog sa atubangan asin nagpoon sa panggapo sainda sa paagi kan saiyang tirador; iyo, may makusog na kapangyarihan na siya nagparatirador nin mga gapo sa pag-iriba ninda; asin kaya siya nakagadan nin nagkapirang numero sainda na iyo ngani an dahilan na sinda nagpoon sa pagngangaralas sa saiyang kapangyarihan; daeng pagkukulang na sinda nagka-aranggot nin huli kan pagkagadan kan iba nindang mga katugangan; asin sinda determinado na siya dapat na patumbahon; kun kaya, sa pagmasid na sinda dae makakapatama sa saiya kan saindang mga gapo, sinda nag-aratake na dara an saindang mga pamangkol sa paggadan saiya.

37 Pero hilnga, an lambang tawo na nagbingat kan saiyang pamangkol na tanganing hampakon si Ammon, saiyang pinagtaga an saindang mga takyag kan saiyang espada; nin huli kaini siya nakayahan an saindang mga paghampak sa paagi kan pagtaga kan saindang mga kamot sa tarom kan saiyang espada, na sa pangyayaring ini sinda nagpoon na nagngangaralas, asin nagpoon na magdurulagan gikan sa atubangan niya; iyo, asin sinda bako sanang kadikit an numero; asin siya nagkausa sainda na magdurulag sa paagi nin kusog kan saiyang kamot.

38 Ngonian anom sa sainda na nagkaturumba sa paagi nin tirador, alagad mayo siyang ginadan laen sa saindang pamayo na may darang espada; asin saiyang pinagpurutol an kadakul na saindang mga takyag na nagtaas sa paghampak saiya, asin bako sana sindang kadikit.

39 Asin kan saiya nang pinadurulag sinda paharayo, siya nagbalik asin saindang pina-inom nin tubig an saindang mga kakarneroan asin pinagpabaralik an mga ini sa pasabsaban kan hade, asin sinda nagpasiriring paduman sa hade, na dara-dara an mga takyag nin kamot na nagkapurutol sa paagi nin espada ni Ammon, kan mga tawong nagmamawot na gadanon siya; asin an mga ini dinarara pasiring sa hade bilang sarong patotoo kan mga bagay na saindang giniribo.

ALMA TSAPTER 18

Si hadeng Lamoni naghuhuna na si Ammon iyo an Bantugang Espiritu --- si Ammon nagtutukdo sa hade nin tungkol sa paglalang, an pakikipagrelasyon nin Diyos sa mga tawo, asin kan pagtutubos na minagikan mismo sa paagi ni Cristo --- Si Lamoni nagtubod asin natumba sa daga na garo bagang nagadan.

Asin ini nangyaring naglipas na si hadeng Lamoni ipinagpaapud an saiyang mga surugoon sa pagtindog sa atubangan asin magsaksi sa gabos na bagay na saindang nahiling manungod kan pangyayari.

2 Asin kan sinda naggibo nang magsaksi sa gabos na bagay na saindang nahiling, asin saiyang napag-araman an pagkamatapaton ni Ammon sa pagpreserba kan saiyang kakarneroan, asin man kan saiyang dakulaon na kapangyarihan sa pakikipaglaban konta sa mga tawong nagmawot na gadanon siya, siya nagngalas na gayo, asin nagsabi: Sa katunayan, ini sobra pa sa sarong tawo. Hilnga, bako daw na iyo ini an Bantugang Espiritu na iyo an nagpadara kaining sobra kadakulang mga pagpadusa sa mga

An Simbahan ni Jesukristo nin Mga Banal sa Huring-aldaw

303

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katawohang ini, nin huli kan saindang mga panggagadan?

3 Asin sinda nagsimbag sa hade, asin nagsabi: Maski iyo na naggad siya an Bantugang Espiritu o saro sanang tawo, kami dae pong pagkaaram; pero iyo po ini an sobra nyamong pagkaaram, na siya dae kayang gadanon kan mga kaiwal nin hade; ni kaya nindang pagwaratak-watakon an mga karnero nin hade kun siya samuyang kaiba, nin huli kan saiyang pagigin eksperto asin dakulang kusog; kun kaya, kami po nakakaaram na siya sarong amigo kan hade. Asin ngonian, o hade, kami po dae makapagtubod na an sarong tawo magkaigwa nin grabeng gayong kapangyarihan, nin huli ta kami nakakaaram na siya dae kayang gadanon.

4 Asin ngonian, kan an hade madangog an mga tataramong ini, siya nagsabi sa sainda: Ngonian ako nakakaaram na iyo ini an Bantugang Espiritu; asin siya nagbaba sa panahong ini na tanganing preserbaron an saindong mga buhay, na tanganing dae ko kamo gagaradanon arog kan sakong ginibo sa saindong mga katugangan. Ngonian iyo ini an Bantugang Espiritu na iyo an pinagsasabi kan satuyang mga ama,

5 Ngonian iyo ini an tradisyon ni Lamoni, na saiyang naresibe gikan sa saiyang ama, na igwa nin sarong Bantugang Espiritu. Maski na ngani na dae sinda nagtutubod sa sarong Bantugang Espiritu, sinda naghuhuna-huna na an anuman na saindang ginigibo tama; daeng pagkukulang, si Lamoni nagpoon na matakot nin sobra, may pagkatakot sa saiyang nakaginibohang pagkakasala sa panggadanan kan saiyang mga surugoon;

6 Nin huli ta siya naggadan nin kadakul sainda nin huli ta an saindang mga katugangan iyo an nagwaratak-watak kan saindang mga karnero sa lugar kan tubig; asin kaya, nin huli ta sainda nang ginibo na an saindang mga karnero nagkawaratak-watak sinda ginaradan.

7 Ngonian iyo ini an ginigibo kan mga Lamanitang ini na magtindog sa may mga tubig kan Sebus na tanganing pagwaratak-watakon an mga karnero kan mga katawohan, na sa arog kaini sinda puwedeng burugawon paharayo an kadakul na nagkawaratak-watak pasiring sa saindang sadireng kadagaan, ini bilang saro sa mga gibo nindang pang-aagaw sa mga kairiba ninda.

8 Asin ini nangyaring naglipas na si hadeng Lamoni naghapot sa saiyang mga surugoon, na nagsasabi: Haen an tawong ini na igwa nin sobra kadakulang kapangyarihan?

9 Asin sinda nagsabi sa siaya: Hilnga, siya nagbabahog kan saimong mga kabayo. Ngonian an hade nagsugo sa saiyang mga surugoon, bago pa man sa panahon kan pagpapatubig kan saiyang mga kakarnerohan, na dapat nindang pag-andamon an saiyang mga kabayo asin mga karwahe, asin ihatod siya sa kadagaan nin Nephi; nin huli ta nagkaigwa nin sarong dakulang piyesta na pinaggigibo sa kadagaan nin Nephi, sa paagi kan ama ni Lamoni, na iyo kaidto an hade sa bilog na kadagaan.

10 Ngonian kan si hadeng Lamoni nadangog na si Ammon pinag-aandam an saiyang mga kabayo asin an saiyang mga karwahe siyang gayo nagnangangalas, nin huli sa katapatan ni ammon, na nagsasabi: Sa katunayan dae nagkaigwa nin arin man na mga surugoon sa pag-iriba kan gabos kong mga surugon na nagin grabeng gayo an pagkatotoo na arog kan tawong ini; nin huli ta siya nakakagiromdom kan gabos kong mga kasuguan na tanganing saiyang pagsunudon an mga ini.

11 Ngonian ako nakakasegurong nakakaaram na iyo ini an Bantugang Espiritu, asin ako nagmamawot siaya na siya magdulok sako digde, pero habo kong gibohon.

12 Asin ini nangyaring naglipas na kan si Ammon naipag-andam na an mga kabayo asin

an mga karwahe para sa hade asin sa saiyang mga surugoon, siya nagduman palaog pasiring sa hade, asin saiyang nahiling na an hitsura kan hade nagbago; kun kaya siya mabalik kuta na paluwas sa saiyang presensiya.

13 Asin an sarong sa mga surugoon kan hade nagsabi sa saiya: Rabbanah, na iyo na, sa interpretasyon, pano nin kapangyarihan o bantog na hade, na pinagkokonsidera an saindang mga hade na pano nin kapangyarihan; asin kaya siya nagsabi sa saiya: Rabbanah, an hade nagmawot saimo na maki-atubang ka.

14 Kun kaya si Ammon ibinalik an saiyang sadire sa paki-atubang sa hade, asin nagsabi sa saiya: Ano po baya an saimong kabutan na dapat kong gibohon para saimo, o hade? Asin an hade dae nakasimbag saiya sa laog nin sarong oras, na uyon sa saindang panahon, nin huli ta dae niya maaaraman kun ano baya an saiyang dapat na sabihon sa saiya.

15 Asin ini nangyaring naglipas na si Ammon nagsabi sa saiya giraray: Ano po baya an saimong pinagmamawot sa sakuya? Alagad an hade dae nagsimbag saiya.

16 Asin ini nangyaring naglipas na si Ammon, bilang napapano kan Espiritu nin Diyos, kun kaya saiyang naiisipan an mga kaisipan kan hade. Asin siya nagsabi sa saiya: Bako daw nin huli ta saimong nadangog na sakuyang dinepensahan an saimong mga surugoon asin an saimong mga kakarnerohan, asin nakagadan kan pito sa saindang mga katugangan sa paagi nin tirador asin kan espada, asin pinurutol ko an mga takyag kan iba pa, na tanganing maidepensa an saimong mga kakarnerohan asin an saimong mga surugoon; hilnga, bako daw na iyo ini an nagkakausa kan saimong mga pagngangalas?

17 Ako nagsasabi sa saimo, ano baya ini, na tanganing an saimong mga pagngangals dakulaon na gayo? Hilnga, ako sarong tawo, asin ako an saimong surugoon; kun kaya, an anuman na saimong pinagmamawot na tama, iyo an mawot kong gibohon.

18 Ngonian kan an hade nadangog an mga tataramong ini, siya nagngalas giraray, nin huli ta saiyang napagmasdan na si Ammon kayang makaaram kan saiyang mga kaisipan; pero maski na ngani kaini, si hadeng Lamoni nagbuka kan saiyang nguso, asin nagsagi sa saiya: Siisay ka baga? Bako daw na ika an Bantugang Espiritu, na nakakaaram kan gabos na mga bagay?

19 Si Ammon nagsimbag asin nagsabi saiya: Bako po ako.

20 Asin an hade nagsabi: Paano mo naaraman an mga kaisipan kan sakuyang puso? Ika puwedeng makapagtaram nin may kapusugan, asin sabihon sako an manungod sa mga bagay na ini; asin man sabihan daw sako na sa anong kapangyarihan na saimong nagadan asin pinagpurutol-putol an mga takyag kan sakuyang mga katugangan na nambubulabog kan sakuyang mga karnero---

21 Asin ngonian, kun saimong pagmawoton na sabihon sako an manungod kan mga bagay na ini, an anuman na saimong pagmamawoton itatao ko saimo; asin kun kinakaipo, ako magpapabantay saimo kan sakuyang mga soldados; pero ako nakakaaram na iaw mas pano pa an kapangyarihan kesa sa gabos sainda; daeng pagkukulang, na an anuman na saimong pagmamawoton gikan sakuya ako magtatao kaini sa saimo.

22 Ngonian si Ammon nagin madunong, alagad bakong maraot, siya nagsabi ki Lamoni: Puwede ka daw pong magdangog sa sakuyang mga tataramon, kun ako magsasabi saimo sa anong kapangyarihan na ako nakakapaggibo kan mga bagay na ini? Asin iyo ini an bagay na ako po nagmamawot sa saimo.

23 Asin an hade nagsimbag saiya, asin nagsabi: Iyo, ako maniniwala kan gabos mong

mga tataramon. Asin kaya siya nadakop na may kadayaan.

24 Asin si Ammon nagpoon sa pagtaram sa saiya na may kapusugan, asin nagsabi sa saiya: Nagtutubod ka daw na igwang sarong Diyos?

25 Asin siya nagsimbag, asin nagsabi sa saiya: Ako mayong kaaraman kun ano an boot sabihon kaiyan.

26 Asin pagkatapos si Ammon nagsabi: Nagtutubod ka daw na igwa nin sarong Bantugang Espiritu?

27 Asin siya nagsabi, iyo.

28 Asin si Ammon nagsabi: Iyo ini an Diyos. Asin si Ammon nagsabi sa saiya giraray: Nagtutubod ka daw na ining Bantugang Espiritu na iyo an Diyos, iyo an naglalang kan gabos na mga bagay na yaon sa langit asin yaon sa kinaban?

29 Asin siya nagsabi: Iyo, ako nagtutubod na siya an naglalang kan gabos na mga bagay na yaon sa kinaban; pero ako daeng pagkaaram sa mga langit.

30 Asin si Ammon nagsabi sa saiya: An mga langit iyo an lugar kun saen an Diyos nag-eerok asin gabos niyang banal na mga anghel.

31 Asin si hadeng Lamoni nagsabi: Bako daw na ini halangkaw sa kinaban?

32 Asin si Ammon nagsabi: Iyo po, asin siya naghihiling sa ibaba sa gabos na mga kaakian nin mga tawo; asin siya nakakaaram kan gabos na mga kaisipan asin mga katuyuhan kan puso; nin huli ta sa paagi kan saiyang kamot sinda gabos pinaglalang gikan pa sa kapinunan.

33 Asin si hadeng Lamoni nagsabi: Ako nagtutubod kan gabos na mga bagay na ini na saimong pinagsasabi. Bako daw na ika ipinadara gikan sa Diyos?

34 Si Ammon nagsabi sa saiya: Ako sarong tawo; asin an tawo sa kapinunan piglalang susog sa imahen nin Diyos, asin ako pinag-apud sa paagi kan saiyang Banal na Espiritu na tanganing magtukdo kaining mga bagay sa katawohang ini, na tanganing sinda puwedeng madara pasiring sa sarong kaaraman na husto asin totoo;

35 Asin an sarong parte kan Espiritu nag-eerok sa laog ko, na iyo an nagtatao sakuya nin kaaraman, asin man kapangyarihan na uyon sa sakuyang pagtubod asin mga pagmamawot na yaon sa Diyos.

36 Ngonian kan si Ammon nakapagtaram na kaining mga tataramon, siya nagpoon sa paglalang kan mundo, asin man an paglalang ki Adan, asin nagsabi saiya kan gabos na mga bagay manungod sa pagkahulog nin tawo, asin ipinagpahayag asin ipinaliwanag sa atubangan niya an mga talaan asin an banal na mga kasuratan nin mga katawohan, na ipinagtaram sa paagi kan mga propeta, magin hanggan sa panahon na an saindang ama, si Lehi, naghale sa Jerusalem.

37 Asin siya man nagpahayag sa sainda (nin huli ta idto para sa hade asin sa saiyang mga surugoon) an gabos na pagralarakbay kan saindang mga ama sa kaparangan, asin ka gabos nindang mga pagtitios nin pagkagutom asin pagkapaha, asin sa saindang kasakitan, asin iba pa.

38 Asin siya man nagpahayag sa sainda manungod sa mga pagrerebelde ninda Laman asin Lemuel, asin kan mga akeng lalake ni Ishmael, iyo, an gabos nindang pagrerebelde saiyang ipinagsagi sa sainda; asin siya nagpaliwanag pang gayo sa sainda kan gabos na mga talaan asin mga eskritura magpoon sa panahon na si Lehi naghale sa Jerusalem hanggan sa presenteng panahon.

39 Pero bako lang ini gabos; nin huli ta siya nagpaliwanag pang gayo sa sainda an plano

An Simbahan ni Jesukristo nin Mga Banal sa Huring-aldaw

306

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin pagtutubos, na ipinag-andam gikan pa sa pundasyon kan mundo; asin saiya man ipinagpaaram sa sainda an manungod sa pag-abot ni Cristo, asin an gabos na mga gibo nin Kagurangnan saiyang hinimong maipaaram sa sainda.

40 Asin ini nangyaring naglipas na pagkatapos na siya nakapagsabi na kan gabos kaining mga bagay, asin ipinagpaliwanag na gayo an mga ini sa hade, na an hade nagtubod sa gabos niyang mga tataramon.

41 Asin siya nagpoon sa pagngayo-ngayo sa Kagurangnan, na nagsasabi: O Kagurangnan, kaheraki baya; na uyon sa saimong abundang pagkaherak na saimong pinangangaputan para sa mga katawohan nin Nephi, magkaigwa man lugod ako, asin an sakuyang mga katawohan.

42 Asin ngonian, kan siya nakapagsabi na kaini, siya natumba sa daga, na garo bagang siya gadan na.

43 Asin ini nangyaring naglipas na an saiyang mga surugoon pinag-alsa siya asin pinagdara siya pasiring sa saiyang agom, asin ipinamugtak siya sa sarong higdaan; asin siya nakahigda na garo baga siya gadan na sa laog nin duwang aldaw asin duwang banggi; asin an saiyang agom, asin an saiyang mga akeng lalake, asin an saiyang mga akeng babae nagparamundo para sa saiya, na arog sa manera kan mga Lamanita, grabeng gayo an pagmumundo sa saiyang pagkawara.

ALMA TSAPTER 19

Si Lamoni nakaresibe nin liwanag kan daeng kasagkoran na buhay asin nahiling an Paratubos ---- An saiyang bilog na pagharongon nahulog sa sarong daeng pagkamangno, asin an iba nakahiling nin mga anghel--- Si Ammon milagrosong pinagpreserba--- Siya nagbunyag nin kadakul asin nag-establisa nin sarong simbahan sa pag-iriba ninda.

Asin ini nangyaring naglipas na sa pagkatapos nin duwang aldaw asin duwang banggi na sainda na kuta nang dadarahon an saiyang hawak asin ilubong na sa sarong lulubngan, na saindang pinaghimo para sa katuyuhan na paglulubngan kan saindang mga gadan.

2 Ngonian an reyna na nakadangog sa kabantugan ni Ammon, kun kaya siya nagpadara asin nagmawot na siya magdulok sa saiya.

3 Asin ini nangyaring naglipas na si Ammon naggibo susog sa pagkasugo saiya, asin nagpasiring palaog sa pagdulok sa reyna, asin nagmawot na maaraman kun ano an gusto niya na saiyang dapat na gibohon.

4 Asin siya nagsabi sa saiya: An mga surugoon kan sakuyang agom iyo an nagpaaram kaini sa sakuya na ika sarong propeta nin sarong banal na Diyos, asin na ika may kapangyarihan na gumibo nin kadakul na mga darakulang kaggibohan sa saiyang pangaran;

5 Kun kaya, kun iyo ini an kaso, ako nagmamawot na dapat kang magpasiring sa laog asin hilngon an sakuyang agom, nin huli ta siya nakahigda sa saiyang higdaan sa laog nin duwang aldaw asin duwang banggi; asin an iba nagsasabi na siya bako pang gadan, pero

An Simbahan ni Jesukristo nin Mga Banal sa Huring-aldaw

307

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an iba man nagsasabi na siya gadan na asin na siya namamarong na, asin na siya dapat nang ilaog sa lulubngan; pero para sa sadire ko, na sa sakuya siya dae man nagbabata. 6 Ngonian, iyo ini na si Ammon an nagmawot, nin huli ta siya nakaaram na si hadeng Lamoni yaon sa laog kan kapangyarihan nin Diyos; siya nakaaram na an madiklom na talukbong nin daeng pagtubod iyo an ipinag-apon sa harayo gikan sa saiyang isip, asin an liwanag na iyong gayo an nakapagpa-ilaw sa saiyang isip, na iyo an liwanag kan kamurawayan nin Diyos, na iyo an sarong makangangalas na liwanag kan saiyang karahayan--- iyo, an liwanag na ini nakapagtao nin grabeng kaogmahan sa saiyang kalag, an panginuron nin kadikloman nagkapururak, asin an liwanag nin daeng kasagkoran na buhay an naglalaad sa saiyang kalag, iyo, siya nakakaaram na iyo ini an nakadaog sa saiyang natural na kamugtakan, asin siya pinagdara pasiring sa Diyos---

7 Kun kaya, kun ano an pinagmawot kan reyna sa saiya iyo man sana an saiyang minawot. Kun kaya siya nagduman palaog na tanganing hilingon an hade uyon sa kagustuhan kan reyna saiya; asin saiyang nahiling an hade, asin siya nakakaaram na siya bako pang gadan.

8 Asin siya nagsabi sa reyna: Siya bako pang gadan, pero siya nagtuturog sa Diyos, asin sa pagkaaga siya magbubuhat giraray; kun kaya dae nindo siya ipaglubong.

9 Asin si Ammon nagsabi sa saiya: Nagtutubod ka kaini? Asin siya nagsabi sa saiya: Ako mayong ibang saksi kundi an saimong tataramon, asin an tataramon kan samuyang mga surugoon; daeng pagkukulang na ako nagtutubod na ini mangyayari uyon sa saimong ipinagsabi.

10 Asin si Ammon nagsabi sa saiya: Paladan ka nin huli kan saimong nagsosobrang gayong pagtubod, ako nagsasabi sa saimo, babae, mayo pang arog kaining pagtubod sa pag-iriba kan bilog na katawohan nin mga Nephita.

11 Asin ini nangyaring naglipas na siya nagbantay sa may higdaan kan saiyang agom, magpoon sa oras na idto hanggan sa oras kan pagkaaga na si Ammon iyo an nagtermino na siya magbubuhat.

12 Asin ini nangyaring naglipas na siya nagbuhat, uyon sa mga tataramon ni Ammon; asin habang siya nagbubuhat, saiyang ipinag-abot an saiyang kamot sa babae, asin nagsabi: Bendisyunan man lugod an pangaran nin Diyos, asin paladan ka.

13 Nin huli ta seguradong ikaw nabubuhay pa, hilnga, nahiling ko an sakuyang Paratubos; asin siya maabot, asin ipapangaki nin sarong babae, asin saiyang tutubuson an bilog na nilalang na tawo na nagtutubod sa saiyang pangaran. Ngonian, kan saiya nang naisabi an mga tataramong ini, an siyang puso nagdakula sa laog niya, asin siya pinanluyahan giraray na may kaogmahan; asin an reyna man pinanluyahan, bilang nadaog sa paagi kan Espiritu.

14 Ngonian si Ammon na nakamasid na an Espiritu nin Kagurangnan nagbulos uyon sa saiyang mga pangadyeon sa mga Lamanita, saiyang mga katugangan, na iyo an nagkausa nin grabeng pagmumundo sa pag-iriba kan mga Nephita, o sa pag-iriba kan bilog na katawohan nin Diyos nin huli kan saindang mga kadaendatahan asin saindang mga tradisyon, siya nagluhod, asin nagpoon na magpabulos kan saiyang kalag sa pagpangadye asin pagpapasalamat sa Diyos nin huli kan saiyang naginibohan sa saiyang mga katugangan; asin siya man nadadaog na may kaogmahan; asin kaya sinda gabos na tulo napalugmok sa daga.

15 Ngonian, kan an mga surugoon kan hade nakasaksi na sinda nagkaturumba sinda man

nagpoon sa pag-apud sa Diyos, nin huli ta an pagkatakot sa Kagurangnan nag-abot man sa sainda, nin huli ta sinda iyo an nagtindog sa atubangan nin hade asin nagsaksi sa saiya manungod sa makusog na kapangyarihan ni Ammon.

16 Asin ini nangyaring naglipas na sinda nag-apud sa pangaran nin kagurangnan, sa abot kan saindang kusog, maski hanggan sinda gabos nagkaturumba sa daga, laen kan sarong sa mga babaeng Lamanita, na an pangaran iyo si Abish, siya na napagbago na nin boot sa Kagurangnan sa kadakul nang taon, nin huli kan sarong pambihirang bisyon kan saiyang ama---

17 Kaya, bilang napagbago na nin boot sa Kagurangnan, asin dae pa lamang niya ini ipinagpaaram, kun kaya, kan saiyang nasaksihan na an gabos na mga surugoon ni Lamoni nagkaturumba sa daga, asin man an saiyang amang, an reyna, asin an hade, asin si Ammon na nakadapa sa daga, siya nakakaaram na idto nangyari nin huli sa kapanagyarihan nin Diyos; asin naghuhuna na an oportunidad na ini, sa paagi kan paghimong ipaaram sa mga katawohan kun ano talaga an nangyari sa pag-iriba ninda, na sa paagi nin pagsasaksi kaining eksena ini magkakausa sa sainda na magtubod sa kapangyarihan nin Diyos, kun kaya siya nagparadalagan sa harong-harong, pinaghihimo ining maipaaram sa mga katawohan.

18 Asin sinda nagpoon na mag-assemblya kan saindang mga sadire sa laog kan harong nin hade. Asin nag-arabot an kadakul, asin sa saindang pagkangalas, saindang nahiling an hade, asin an reyna, asin an saindang mga surugoon na nakaturumba sa daga, asin sinda gabos nagkahirigda na garo baga sinda garadan na; asin sainda man nahiling si Ammon, asin hilnga, siya sarong Nephita.

19 Asin ngonian an mga katawohan nagpoon sa paggugurumod-gumod sa saindang mga sadire; an iba nagsasabi na idto sarong dakulang karaotan na nag-abot sa sainda, o sa hade asin sa saiyang harong, nin huli ta siya nagtugot na an sarong Nephita mag-erok sa kadagaan.

20 Alagad an iba pinagsaway sinda, na nagsasabi: An hade iyo an nagdara kaining karaotan sa saiyang harong, nin huli ta ginadan niya an saiyang mga surugoon na iyo an nagwaratak-watak kan saindang mga kakarnerohan sa may tubig nin Sebus.

21 Asin sinda man pinagsabihan kaidtong mga tawo na nagtindog sa tubig nin Sebus asin iyo an nagwaratak-watak sa mga kakarnerohan na pagsadire kan hade, nin huli ta anggot sinda ki Ammon nin huli kan numerong saiyang nagkagaradan na saindang mga katugangan sa may tubig nin Sebus, habang pinagdependensahan an mga kakarnerohan nin hade.

22 Ngonian, an sarong sainda, na an tugang na lalake nagadan kan espada ni Ammon, bilang grabeng gayo an kanggutan ki Ammon, nagubnot kan siyang espada asin nagdulok na tanganing saiyang itaga ki Ammon, sa paggadan saiya; asin habang saiyang pinagtataas an espada sa pagtaga saiya, hilnga, siya natumbang gadan.

23 Ngonian satuyang nasaksihan na si Ammon dae kayang gadanon, nin huli ta an Kagurangnan nagsabi ki Mosiah, an saiyang ama: Ako an magliligtas saiya, asin ini mangyayari saiya na uyon sa saimong pagtubod--- kun kaya, si Mosiah ipinagkatiwala siya sa Kagurangnan.

24 Asin ini nangyaring naglipas na kan an kadaklang tawo nakasaksi na an tawo natumbang gadan, na iyo an nagtaas kan espada sa paggadan kuta na ki Ammon, an pagkatakot an nag-abot sa sainda gabos, asin sinda dae na nagbingat pa kan saindang mga

kamot na magduta saiya o sa kiisay man sainda na nagkaturumba; asin sinda nagpoon na magngalas giraray sa pag-iriba kan saindang mga sadire na kun ano man naggad an nagkausa kaining dakulaon na kapangyarihan, o kun ano an boot sabihon kan gabos na ining mga bagay.

25 Asin ini nangyaring naglipas na an kadaklan sa sainda na nagsabi na si Ammon iyo an Bantugang Espiritu, asin an iba man nagsabi na siya ipinadara kan Bantugang Espiritu;
26 Alagad an iba nagsabi sa sainda gabos, na nagsasabi na siya sarong halimaw, o ipinadara gikan sa mga Nephita na tanganing padusahan sinda.

27 Asin igwang iba na nagsabi na si Ammon iyo an ipinadara kan Bantugang Espiritu sa pagpasakit sainda nin huli kan saindang mga kadaendatahan; asin na an Bantugang Espiritu iyo an pirmeng nagbabantay sa mga Nephita, na iyong gayo an nagliligtas sainda paluwas sa saindang mga kamot; asin sinda nagsabi na iyo ini an Bantugang Espiritu na iyo an naderestroso nin kadakul na gayo na saindang mga katugangan, an mga Lamanita.

28 Asin kaya an pag-iiriwal-iwal nagpoon na magin mataromon na gayo sa pag-iriba ninda. Asin habang sinda nagkakadireskusyunan, an babaeng surugoon na iyo an nagkausa kan kadaklang-tawo na magkasararong magtiripon nag-abot, asin kan saiyang nahiling an pag-iiriwal-iwal na nangyari sa pag-iriba nin kadaklang-tawo siya napano nin grabeng gayong kamundoan, magin hanggan sa pagluha.

29 Asin ini nangyaring naglipas na siya nagdulok asin kinaputan an reyna sa kamot, na baka laman siya puwedeng mapabuhat gikan sa daga; asin habang saiyang nadutaan an kamot siya nagbuhat asin nagtindog sa saiyang mga bitis, asin nagkurahaw nin sarong dakulaong boses, na nagsasabi: O banal na Jesus, na iyo an nagligtas sakuya gikan sa makangorongirhat na impiyerno! O banal na Diyos, na igwa nin pagkaherak kaining mga katawohan!

30 Asin kan siya nakapagsabi kaini, saiyang pinagdaop an saiyang mga kamot, na napapano nin kaogmahan, nagtataram nin kadakul na mga tataramon na dae naiintindihan; asin kan saiya nang naggibo ini, saiyang kinua an hade, si Lamoni, sa paagi nin kamot, asin hilnga siya nagbuhat man asin nagtindog sa saiyang mga bitis.

31 Asin siya, tulos-tulos, na nahihiling an pag-iiriwal-iwal sa pag-iriba kan saiyang mga katawohan, nagpaduman asin nagpoon sa pagsaway sainda, asin sa pagtukdo sainda nin mga tataramon na saiyang nadangog gikan sa nguso ni Ammon; asin habang kadakul an nakadangog kan saiyang mga tataramon na nagtutubod, asin napagbago an boot sa Kagurangnan.

32 Alagad igwa nin kadakul sa pag-iriba ninda na habong magdangog sa saiyang mga tataramon; kun kaya sinda nagharale pasiring sa saindang sadireng dalan.

33 Asin ini nangyaring naglipas na kan si Ammon nagbuhat naman siya man nagtukdo sa sainda, asin man an gabos na mga surugon ni Lamoni; asin sinda gabos nagpahayag sa mga katawohan nin kaparehong bagay--- na tanganing an saindang mga puso nagkabarago; na tanganing sinda nawaraan na nin pagmawot na gumibo pa nin maraot.

34 Asin hilnga, kadakul an nagdeklara sa mga katawohan na tanganing sinda nakahiling nin mga anghel asin nakipag-olay-olay sainda; asin kaya sinda nagtaram sainda nin mga bagay nin Diyos, asin kan saiyang pagkamatanos.

35 Asin ini nangyaring naglipas na igwa nin kadakul na nagtutubod sa saindang mga tataramon; asin an kadakul na nagtubod binurunyagan; asin sinda nagin sarong matanos na mga katawohan, asin sinda nagtugdok nin sarong simbahan sa pag-iriba ninda.

An Simbahan ni Jesukristo nin Mga Banal sa Huring-aldaw

310

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

36 Asin kaya an gibo nin Kagurangnan naggad nagpoon sa pag-iriba kan mga Lamanita; kaya an nagpoon na pabuluson an saiayang Espiritu sa sainda; asin samuyang nasaksihan na an saiayang takyag nakaunat sa gabos na mga katawohan na magsosolsol asin magtutubod sa saiayang pangaran.

ALMA TSAPTER 20

An Kagurangnan an nagpadara ki Ammon pasiring sa Middoni na tanganng iligtas an saiayang nagkapririsong mga katugangan--- Si Ammon asin Lamoni nakipaghilingan sa ama ni Lamoni, na iyo an hade kan bilog na kadagaan--- Si Ammon an nagpirit sa gurang na hade na tugutan an pagbuhi kan saiayang mga katugangan.

Asin ini nangyaring naglipas na kan sainda nang ma-establisa an simbahan sa dagang ini, na si hadeng Lamoni nagmawot na si Ammon mag-iba saiya na magpaduman sa kadagaan nin Nephi, na tanganing saiyang maipahiling siya sa saiyang ama.

2 Asin an boses nin Kagurangnan nag-abot ki Ammon, na nagsasabi: Dae ka magpaduman sa kadagaan nin Nephi, nin huli ta hilnga, an hade magmamawot ka saimong buhay; alagad ika magpapasiring sa kadagaan nin Middoni; ni huli ta hilnga, an saimong tugang na si Aaron, asin man si Muloki asin Ammah yaon sa prisohan.

3 Ngonian ini nangyaring naglipas na kan si Ammon nadangog ini, siya nagsabi ki Lamoni: Hilnga, an sakuyang tugang asin mga katugangan yaraon sa prisohan sa Middoni, asin ako mapaduman na ako puwedeng magligtas sainda.

4 Ngonian si Lamoni nagsabi ki Ammon: Aram ko, sa kusog nin Kagurangnan ika nakakagibo kan gabos na mga bagay. Alagad hilnga, ako maiba saimo pasiring sa kadagaan nin Middoni; nin huli ta an hade kan kadagaan nin Middoni, na an pangaran iyo si Antiomno, sarong amigo ko; kun kaya ako mapaduman sa kadagaan nin Middoni, na tanganing ako an puwedeng maogmang makipag-olay sa hade kan kadagaan, asin saiyang paluluwason an saimong mga katugangan sa prisohan. Ngonian si Lamoni nagsabi sa saiya: Siisay an nagtaram saimo na an saimong mga katugangan yaon sa prisohan?

5 Asin si Ammon nagsabi sa saiya: Mayong saro na nakapagsabi sakuya, laen lang na iyo an Diyos; asin siya nagsabi sa sakuya--- Lakaw asin iligtas mo an saimong mga katugangan, nin huli ta sinda yaon sa prisohan sa kadagaan nin Middoni.

6 Ngonian kan si Lamoni nakadangog kaini siya nagsugo sa saiyang mga surugoon na dapat na andamon an saiyang mga kabayo asin mga karwahe.

7 Asin siya nagsabi ki Ammon: Madya baya, ako maiba saimo pasiring sa kadagaan nin Middoni, asin duman ako an makikipag-olay sa hade na saiyang buhian an saimong mga katugangan paluwas sa prisohan.

8 Asin ini nangyaring naglipas na habang si Ammon asin Lamoni naglalakbay pasiring duman, saindang nasabatan an ama ni Lamoni, na iyo an hade sa bilog na kadagaan.

An Simbahan ni Jesukristo nin Mga Banal sa Huring-aldaw

311

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 9 Asin hilnga, an ama ni Lamoni nagsabi sa saiya: Tadaw baya ta dae ka nag-abot sa piyesta kan dakulang kaaldawan kan ako naghimo nin sarong piyesta para sa sakuyang mga akeng lalake, asin sa sakuyang mga katawohan?
- 10 Asin siya man nagsabi: Mas pinili mo pang makaiba an Nephitang ini, na iyo an saro sa mga kaakian nin sarong paraputik?
- 11 Asin ini nangyaring naglipas na si Lamoni nagsabi sa saiya kun saen siya mapasiring, nin huli ta siya natakot na mapakulgan an boot niya.
- 12 Asin siya nag-estorya saiya kan gabos na dahilan kan saiyang pagka-abala sa sadire niyang kahadean, na iyo an dahilan kun tadaw ta dae siya nakapasiring sa piyesta na saiyang pinag-andam.
- 13 Asin ngonian kan si Lamoni nakapagsabi sa saiya kan gabos na ining mga bagay, hilnga, sa saiyang pagkangalas, an saiyang ama naanggot saiya, asin nagsabi: Lamoni, saimong inililigtas an mga Nephitang ini, na mga akeng lalake kan sarong putikon. Hilnga, saiyang pinagsalakatan an satuyang mga ama; asin ngonian an saiyang mga kaakian nag-arabot man sa pag-iriba na tanganing saindang mapupuwedeng madaya kita sa paagi kan saindang mga padaya asin kan saindang mga pamumutik, na tanganing sainda giraray masasalakatan kita kan satuyang pagsadire.
- 14 Ngonian an ama ni Lamoni nagsugo saiya na gadanon niya si Ammon kan saiyang espada. Asin saiya man siyang sinugo na siya dae dapat na magpaduman sa kadagaan nin Middoni, alagad na siya dapat na bumalik kaiba niya sa kadagaan nin Ishmael.
- 15 Pero si Lamoni nagsabi sa saiya: Dae ko gagadanon si Ammon, ni ako mabalik sa kadagaan nin Ishmael, alagad ako mapaduman sa kadagaan nin Middoni na tanganing sakong mapaluwas an mga katugangan ni Ammon, nin huli ta aram ko na sinda mga hustong tawo asin banal na mga propeta nin tunay na Diyos.
- 16 Ngonian kan an saiyang ama nadangog an mga tataramong ini, siya nag-anggot saiya, asin saiyang binunot an saiyang espada na tanganing saiyang tagaon patumba sa daga.
- 17 Alagad si Ammon nagtindog sa enotan asin nagsabi sa saiya: Hilnga, dae mo paggadanon an saimong akeng lalake; daeng pagkukulang, na ini marhay pang siya an dapat na mahulog kesa saimo, nin huli ta hilnga, siya nakapagsolsol na kan saiyang mga kasalanan; alagad kun ika na dapat mahulog sa panahon na ini, sa saimong kaanggotan, an saimong kalag dae maliligtas.
- 18 Asin giraray, ini kapakinabangan na ika dapat na magpugol sa sadire; nin huli ta kun saimong gagadanon an saimong akeng lalake, siya bilang sarong inosenteng tawo, an saiyang dugo magkukurahaw gikan sa daga pasiring sa Kagurangnan na saiyang Diyos, nin huli ta an kabalusan mapapasaimo; asin ta baka na saimong maiwawara an saimong kalag.
- 19 Ngonian kan si Ammon nakapagsabi na kaining mga tataramon sa saiya, siya nagsimbag saiya, na nagsasabi: Ako nakakaaram na kun sakuyang gagadanon an sakuyang akeng lalake, na ako magpapabulos nin inosenteng dugo; nin huli ta ika an nagmawo na madestroso siya.
- 20 Asin saiyang ibiningat an saiyang kamot sa paggadan ki Ammon. Alagad si Ammon iyo an nagsangga kan saiyang mga pananaga, asin man tinaga niya an saiyang takyag na tanganing dae niya na ini magagamit pa.
- 21 Ngonian kan mahiling kan hade na puwedeng magagadan siya ni Ammon, siya nagpoon sa pakikimaherak ki Ammon na saiyang paligtason an buhay niya.

- 22 Pero si Ammon ipinapaitaas an saiyang espada, asin nagsabi sa saiya: Hilnga, ako maghahampak saimo laen lang kun saimong ipagtao sakuya na an sakuyang mga katugangan puwedeng paluluwason sa prisohan.
- 23 Ngonian an hade, sa takot na siya mawaraan kan saiyang buhay, nagsabi: Kun saimo akong paliligtason ipagtatao ko sa saimo an anuman na saimong hahagadon, magin an kabanga nin kahadean.
- 24 Ngonian kan mahiling ni Ammon na saiya nang naggibo an gusto niya sa gurang na hade na uyon sa saiyang pinagmamawot, siya nagsabi sa saiya: Kun saimong ipaggagawad na an sakuyang mga katugangan puwede nang makaluwas sa prisohan, asin man na si Lamoni mapasaiya an saiyang kahadean, asin na ikaw dae nang pagka-anggot saiya, pero ipaggawad na puwede niyang gigibohon an uyon sa saiyang sadireng mga pagmamawot sa anuman na bagay na saiyang pinag-iisip, pagkatapos sakuya ta kang paliligtason; ta kun dae hahampakon ta ka pasiring sa daga.
- 25 Ngonian kan si Ammon nakapagtaram na kaining mga tataramon, an hade nagpoon na maogma nin huli kan saiyang buhay.
- 26 Asin kan saiyang mahiling na si Ammon mayo nang pagmawot na destrosohon siya, asin kan saiya nang mahiling an kadakulang pagkamoot na igwa siya para sa saiyang akeng lalake na si Lamoni, siya nagngalas na grabeng gayo, asin nagsabi: Nin huli ta iyo ini an gabos na saimong pinagmamawot, na sakuyang paluluwason an saimong mga katugangan, asin magtugot na an sakuyang akeng lalake na si Lamoni na mapasaiya man giraray an kahadean, hilnga, ako maggagawad sa saimo na an sakuyang akeng lalake mapasaiya giraray an saiyang kahadean magpoon ngonian na panahon asin sagkod pa man; asin dae ko na siya maski noarin pa man pagbubutan---
- 27 Asin sakuya man igagawad sa saimo na an saimong mga katugangan puwede nang makaluwas sa prisohan, asin ikaw asin an saimong mga katugangan puwedeng magdulok sakuya, sa sakuyang kahadean; nin huli ta ako nagmamawot nin dakulang gayo na mahihiling ta ka. Nin huli ta an hade dakulang gayo an pagkangalas sa mga tataramon na saiyang pinagtaram na, asin man sa mga tataramon na pinagtaram na kan saiyang akeng lalakeng si Lamoni, kun kaya sina nagmamawot na gayo na manunudan an mga ini.
- 28 Asin ini nangyaring naglipas na si Ammon asin si Lamoni nagpadagos kan saindang paglalakbay paduman sa kadagaan nin Middoni. Asin si Lamoni nakakua nin pabor sa mga mata kan hade nin kadagaan; kun kaya an mga katugangan ni Ammon pinagdara paluwas sa prisohan.
- 29 Asin kan si Ammon magkahiriling sinda siya nagin grabeng gayo an pagkamundo, nin huli ta hilnga sinda mga huba, asin an saindang mga kublit grabeng gayo an pagkagasag nin huli kan pagkagapos nin makusog na mga lubid. Asin sinda man nagsapo nin kagutuman, pagkapaha, asin kan gabos na klaseng mga kasakitan; daeng pagkukulang na sinda nagin mapagpasensiya sa gabos nindang mga pagtitios.
- 30 Asin, habang ini nangyari, iyo idto an saindang palad na magkahurulog sa mga kamot kan sarong grabe katagas asin sarong grabe katisong mga liog na mga katawohan; kun kaya siya habong magdadangog kan saindang mga tataramon, asin sainda sindang pinag-apon paluwas, asin pinaghampak sinda, asin pinagpapalayas sinda sa harong-harong, asin gikan sa sarong lugar pasiring sa sarong lugar, magin hanggan sinda nakaabot sa kadagaan kan Middoni; asin duman sinda dinarakop asin ipinagkunkun sa prisohan, asin

ipinaggapos nin makusog na mga lubid, asin pinagloom sa prisohan sa kadakul na mga aldaw, asin pinagligtas sa paagi ni Lamoni asin Ammon.

ALMA TSAPTER 21

Si Aaron nagtutukdo sa mga Amalekita mapanungod ki Cristo asin kan saiyang pagbabayad-sala --- Si Aaron asin an saiyang mga katugangan napriso sa Middoni --- Pagkatapos kan saindang pagkaligtas sinda nagtukdo sa mga sinagoga asin nakahimo nin kadakul na mga nagbalik-boot --- Si Lamoni naggawad nin relihiyosong kalayaan sa mga katawohan sa kadagaan nin Ishmael.

Ngonian kan si Ammon asin an saiyang mga katugangan nageparado kan saindang mga sadire sa may mga kasagkoran kan kadagaan nin mga Lamanita, hilnga si Aaron pinili an saiyang paglakbay pasiring sa kadagaan na pinag-apud kan mga Lamanita, na Jerusalem, na pinag-aapud ini susog sa kadagaan na ginikanan kan saindang mga ama; asin idto kaidto harani sa mga kasagkoran nin Mormon.

2 Ngonian an mga Lamanita asin mga Amalekita asin an mga katawohan nin Amulon nagtugdok nin sarong dakulang siyudad, na pinag-aapud na Jerusalem.

3 Ngonian an mga Lamanita sa sainda man sana ngana nang gayo an pagkatagas, pero an mga Amalekita asin an mga Amulonita iyo man kangana an pagkatagas; kun kaya sinda an nagkausa sa mga Lamanita na dapat magpatagas kan saindang mga puso, na sinda grabe kakusog an karigsokan asin an saindang mga karumputan.

4 Asin ini nangyaring naglipas na si Aaron nag-abot sa siyudad nin Jerusalem, asin enot nagpoon na magbalangibog sa mga Amalekita. Asin siya nagpoon na magbalangibog sainda sa saindang mga sinagoga, nin huli ta sinda nagtugdok nin mga sinagoga na susog sa orden nin mga Nehor; nin huli ta kadakul sa mga Amalekita asin mga Amulonita na nagsususog sa orden nin mga Nehor.

5 Kun kaya, habang si Aaron naglaog sa sarong sinagoga ninda na tanganing magbalangibog sa mga katawohan, asin habang siya nagtataram sa sainda, hilnga igwa nin sarong Amalekita na nagtindog asin nagpoon na makipagdiskusyon sa siya, na nagsasabi: Ano iyang saimong pinagtetestigo? Nakahiling ka na daw nin sarong anghel? Tadaaw ta an mga anghel habong magpahiling sa samuya? Hilnga bako daw na an mga katawohan ini sarong marhay arog kan saimong mga katawohan?

6 Ika man nagsasabi, laen lang na kun kami magsosolsol kami mapapara. Paano mong gayo nagkakaaraman na kami bakong sarong matanos na mga katawohan? Hilnga, kami nagtugdok nin mga sanktuwaryo, asin kami pinag-aassemblya nyamo an samuyang mga sadire na magkatiripon sa pagsamba sa Diyos. Kami nagtutubod na an Diyos iyo an magliligtas sa gabos na mga tawo.

7 Ngonian si Aaron nagsabi sa sainda: Nagtutubod daw kamo na an Ake nin Diyos mapadigde sa pagtubos sa bilog na mga katawohan gikan sa saindang mga pagkakasala?

8 Asin si tawo nagsabi sa siya: Kami dae nagtutubod na ika nakakaaram na gayo kan anuman kaining bagay. Kami dae nagtutubod kaining mga kalokohang tradisyon. Kami

An Simbahan ni Jesukristo nin Mga Banal sa Huring-aldaw

314

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- dae nagtutubod na ikaw nakakaaram na gayo kan mga bagay na maarabot, ni kami nagtutubod na an saimong mga ama asin man na an samuyang mga ama nakaaram manungod sa mga bagay na saindang ipinagtataram, kan mga bagay na maarabot.
- 9 Ngonian si Aaron nagpoon na buklaton an mga eskritura para sa sainda manungod sa pagpadigde ni Cristo, asin man manungod sa pagkabuhay-liwat nin mga gadan, asin na dae magkakaigwa nin pagtubos sa bilog na katawohan laen lang kun ini sa paagi nin kagadanan asin mga kasakitan ni Cristo, asin an pagbabayad-sala kan saiyang dugo.
- 10 Asin ini nangyaring naglipas habang siya nagpapaliwanag kaining mga bagay para sainda sinda nagka-aranggot sa saiya, asin nagpoon na pagparatuya-tuyaon siya; asin sinda habong magdangog sa mga tataramon na saiyang pinagtataram.
- 11 Kun kaya, kan saiya nang nahiling na sinda habo nang magdadangog kan saiyang mga tataramon, siya naghale paluwas sa saindang sinagoga, asin nakaabot sa sarong baryo na pinag-aapud na Ani-Anti, asin duman saiyang nanagboan si Muloki na nagbabalangibog nin tataramon para sa sainda; asin man Ammah asin an saiyang mga katugangan. Asin sinda nakipaglaban sa kadakul mapanungod sa tataramon.
- 12 Asin ini nangyaring naglipas na saindang nahiling na an mga katawohan pinagpapatagas an saindang mga puso, kun kaya sinda nagharale asin nagpaduman pasiring sa kadagaan nin Middoni. Asin sinda nagbalangibog nin tataramon para sa kadaklan, asin nagkapira sana an nagtubod sa mga tataramon na saindang pinagtutukdo.
- 13 Daeng pagkukulang, si Aaron asin nagkapirang numero kan saiyang mga katugangan dinarakop asin ipinagkunkun sa prisohan, asin an tada sainda nakadurulang paluwas sa kadagaan nin Middoni pasiriring sa mga rehiyon sa palibot.
- 14 Asin sinda na nakunkun sa prisohan nagsakit nin kadakul na mga bagay, asin sinda ipinagligtas sa paagi kan kamot ni Lamoni asin Ammon, asin sinda pinakakan asin binadoan.
- 15 Asin sinda nagpadagos giraray sa pagdeklara nin tataramon, asin kaya sinda iniligtas sa enot na pagkakataon paluwas sa prisohan; asin kaya sinda nagsakit.
- 16 Asin sinda nagpaduman sa manlaen-laen na lugar kun saen sinda pinagsusugo kan Espiritu nin Kagurangnan, nagpaparabalangibog nin tataramon nin Diyos sa kada sinagoga kan mga Amalekita, o sa kada asembliya kan mga Lamanita kun saen sinda inaako.
- 17 Asin ini nangyaring naglipas na an Kagurangnan nagpoon sa pagbendisyon sainda, nin huli kaini kadakul sindang nadara sa kaaraman nin katotoohan; iyo, sinda nakapagkumbinse sa kadaklan kan saindang mga kasalanan, asin kan mga tradisyon kan saindaing mga ama, na anas bakong tama.
- 18 Asin ini nangyaring naglipas na si Ammon asin Lamoni nagbalik gikan sa kadagaan nin Middoni pasiring sa kadagaan nin Ishameal, na iyo an kadagaan na saindang kamanahan.
- 19 Asin si hadeng Lamoni habong magtugot na si Ammon magsirbe saiya, o magi niyang surugoon.
- 20 Pero siya nagkausa na dapat na magkaigwa nin mga sinagogang itutugdok sa kadagaan nin Ishmael; asin siya nagkausa na an saiyang mga katawohan, o an mga katawohan na saiyang nasasakupan, na dapat mag-asembliya sinda kan saindang mga sadire na magkasararo.
- 21 Asin siya nag-ogmang gayo para sainda, asin siya nagtukdo sainda nin kadakul na

mga bagay. Asin siya man nagdeklara sa sainda na sinda an sarong katawohan na nasasakupan niya, asin na sinda sarong libreng mga katawohan, na sinda libre na gikan sa pagkasakop kan hade, saiyang ama; nin huli kaini an ama niya iginawad na sa saiya na siya sana an puwedeng magsakop sa mga katawohan na nag-eerok sa kadagaan nin Ishmael, asin sa bilog na kadagaan sa palibot.

22 Asin saiya man ipinagdeklara sainda na sinda puwedeng igwa nin libertad sa pagsasamba sa Kagurangnan saindang Diyos na uyon sa saindang mga pagmamawot, sa arin man na lugar na yaon sinda, kun ini baga yaon pa sa kadagaan na nasasakupan ni hadeng Lamoni.

23 Asin si Ammon nagparabalangibog para sa mga katawohan ni hadeng Lamoni; asin ini nangyaring naglipas na siya nagtukdo sainda kan gabos na mga bagay manungod sa mga bagay na panungod sa pagkamatanos. Asin saiya sindang pinapagiromdoman aro-aldaw, na may bilog na kaigotan; asin sinda nagtao nin pagdangog sa saiyang tataramon, asin sinda nagin mahingoha sa pag-utob sa mga kasugoan nin Diyos.

ALMA TSAPTER 22

Si Aaron nagtukdo sa ama ni Lamoni mapanungod sa paglalang, an pagkahulog ni Adan, asin an plano nin pagtutubos sa paagi ni Cristo --- An hade asin an bilog niyang kapamilya nagkabarago an boot --- Paano an kadagaan nagkabaranga sa mga Nephita asin sa mga Lamanita.

Ngonian, habang si Ammon nagpadagos sa pagparatukdo sa mga katawohan ni Lamoni, mabalki kita sa talaan ni Aaron asin kan saiyang mga katugangan; nin huli ta pagkatapos na siya naghale gikan sa kadagaan nin Middoni siya pinagsugo kan Espiritu pasiring sa kadagaan ni Nephi, magin duman sa harong kan hade sa bilog na kadagaan laen lang idtong kadagaan nin Ishmael; asin siya an ama ni Lamoni.

2 Asin ini nangyaring naglipas na siya nagduman palaog pasiring sa palasyo kan hade, kairiba an saiyang mga katugangan, asin nagduko kan saiyang sadire sa atubangan nin hade, asin nagsabi sa saiya: Hilnga, O hade, kami po an mga katugangan ni Ammon, na saimong iniligtas paluwas sa prisohan.

3 Asin ngonian, O hade, kun saimong ipagboot na paliligtason an samuyang mga buhay, kami po an magigin saimong mga surugoon. Asin an hade nagsabi sa sainda: Tindog, nin huli ta ako an maggagawad sa saindo kan saindong mga buhay, asin ako habong magtugot na kamo magigin mga surugoon ko; pero sakuyang iginigiit na kamo magtukdo sa sakuya; nin huli ta ako garo bagang nariribusaw sa pag-iisip nin huli kan kagayunan nin boot asin an kadakulaan kan mga tataramon kan saimong tugang na si Ammon; asin ako nagmamawot na maaraman an dahilan kun tadaw ta siya dae nakapagpadigde sa Middoni na kaimo nindo.

4 Asin si Aaron nagsabi sa hade: Hilnga, an Espiritu nin Kagurangnan nag-apud saiya sa ibang padudumanan; siya nagpasiring sa kadagaan nin Ishmael, na tanganing magtukdo sa mga katawohan ni Lamoni.

An Simbahan ni Jesukristo nin Mga Banal sa Huring-aldaw 316
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

5 Ngonian an hade nagsabi sa sainda: Ano baya ini na saimong pinagsasabi manungod sa Espiritu nin Kagurangnan? Hilnga, iyo an bagay na nakapagpaparibusaw sakuya.

6 Asin man, ano baya ining pinagsasabi ni Ammon--- kun ika magsosolsol ika makakaligtas, asin kun ika dae magsosolsol, ika ipagpapatunod paharayo sa huring aldaw?

7 Asin si Aaron nagsimbag saiya asin nagsabi sa saiya: Nagtutubod ka daw na may sarong Diyos? Asin an hade nagsabi: Ako nakaaram na an mga Amalekita nagsasabi na igwa nin sarong Diyos, asin ako naggawad sa sainda na sinda dapat na magtugdok nin mga sanktuwaryo, na tanganing sinda puwedeng makapag-assemblya kan saindang mga sadire na magkasararo sa pagsamba saiya. Asin kun ngonian ika nagsasabi na may sarong Diyos, hilnga ako nagtutubod.

8 Asin ngonian kan si Aaron madangog ini, an saiyang puso nagpoon sa pagpamuraway, asin siya nagsabi: Hilnga, may kaseguruhan habang ika nabubuhay, O hade, na igwa nin sarong Diyos.

9 Asin an hade nagsabi: Bako daw na an Diyos iyo ining Bantugang Espiritu na iyo an nagdara paluwas kan satuyang mga ama gikan sa kadagaan nin Jerusalem?

10 Asin si Aaron nagsabi sa saiya: Iyo po, siya iyo an Bantugang Espiritu, asin siya an naglalang kan gabos na mga bagay pareho sa langit asin sa daga. Nagtutubod ka kaini?

11 Asin siya nagsabi: Iyo, ako nagtutubod na an Bantugang Espiritu iyo an naglalang kan gabos na mga bagay, asin ako nagmamawot na saimong isabi sakuya an manungod kan gabos kaining mga bagay, asin ako magtutubod sa saimong mga tataramon.

12 Asin ini nangyaring naglipas na kan si Aaron nahiling na an hade magtutubod sa saiyang mga tataramon, siya nagpoon sa paglalang ki Adan, pinagbabasa an mga eskritura para sa hade--- kun paano na an Diyos naglalang nin tawo na susog sa saiyang sadidreng imahe, asin na an Diyos nagtao saiya nin mga kasugoan, asin ta nin huli sa paglapas, an tawo nahulog.

13 Asin si Aaron nagpaliwanag para saiya an mga eskritura sa kapinunan kan paglalang ni Adan, na ipinahayag an pagkahulog nin tawo sa atubangan niya, asin an saindang karnal na kamugtakan asin man an plano nin pagtutubos, na ipinag-andam gikan pa sa pundasyon kan mundo, sa paagi ni Cristo, para sa gabos na siisay man na magtubod sa saiyang pangaran.

14 Asin kan an tawo nahulog siya dae kayang magkaigwa nin merito sa anumang bagay para sa sadire niya; alagad sa mga kasakitan asin kagadanan ni Cristo na nagbayad-sala para sa saindang mga kasalanan, sa paagi nin pagtubod asin pagsosolsol, asin iba pa; asin na saiyang pinagbaak an mga gapos nin kagadanan, na tanganing an lubungan dae magkakaigwa nin kapangganahan, asin an tunok nin kagadanan hahalunon nin mga paglaom nin kamurawayan; asin si Aaron nagpaliwanag kan gabos kaining mga bagay para sa hade.

15 Asin ini nangyaring naglipas na pagkatapos na si Aaron nakapagpaliwanag na kaining mga bagay para sa saiya, an hade nagsabi: Ano baya an sakuyang gigibohon na tanganing puwede akong magkaigwa kaining daeng kasagkoran na buhay na saimong ipinagsabi na? Iyo, ano baya an sakuyang gigibohon na tanganing ako puwedeng mamundag sa Diyos, na ining maraot na espiritu mapaluwas sa sakuyang daghan, asin resibihon an saiyang Espiritu, na tanganing ako mapapano nin kaogmahan, na tanganing ako dae ipagtunod sa huring aldaw? Hilnga, siya nagsabi, sakuyang itatao an gabos na sakuyang

pagsasadire, iyo, sakuyang ipagpapaubaya an sakuyang kahadean, na tanganing ako makaresibe kaining dakulang kaogmahan.

16 Alagad si Aaron nagsabi sa saiya: Kun ika nagmamawot na gayo kaining bagay, kun ika magduduko pababa sa atubangan nin Diyos, iyo, kun ika magsosolsol kan gabos mong mga kasalanan, asin magduduko pababa sa atubangan nin Diyos, asin mag-apud sa saiyang pangaran na may pagtubod, naniniwala na ika magresesibe, kaya ika makakaresibe nin paglaom kan saimong pinagmamawot na gayo.

17 Asin ini nangyaring naglipas na kan si Aaron nakapagsabi na kaining mga tataramon, an hade nagduko paibaba sa atubangan nin kagurangnan, sa saiyang mga tuhod; iyo, magin saiyang ipinagdapa an saiyang sadire sa daga, asin nagkurahaw nin makusog, na nagsasabi:

18 O Diyos, si Aaron nagsabi sakuya na igwang sarong Diyos; asin kun igwa man naggad nin sarong Diyos, asin kun ika man naggad Diyos, puwede mo daw maiparam an saimong sadire sa sakuya, asin sakuyang babayaan an gabos na sakuyang kasalanan na tanganing mabisto taka sana, asin na ako puwedeng buhayon giraray gikan sa mga gadan, asin magin ligtas sa huring aldaw. Asin ngonian kan an hade nakapagsabi na kaining mga tataramon, siya tinamaan na garo baga siya gadan na.

19 Asin ini nangyaring naglipas na an saiyang mga surugoon nagdaralagan asin nagsabi sa reyna kan gabos na nangyari sa hade. Asin siya naglaog pasiring sa hade; asin kan saiyang nahiling na nakabulagta na garo baga gadan, asin man si Aaron asin an saiyang katugangan na nagkatirindog na garo baga sinda iyo an nagkausa na siya mahulog, siya nagin anggot sa sinda, asin nagsugo na an saindang mga surugoon, o an mga surugoon kan hade, dapat na pagkuahon ninda sin garadanon sinda.

20 Ngonian an mga surugoon nahiling an kausa kan pagkatumba nin hade, kun kaya dae ninda pinagdoot an saindang mga kamot kina Aaron asin sa saiyang mga katugangan; asin sinda naki-olay sa reyna na nagsasabi: Tadaw ta sinusugo mo kami na dapat nyamong garadanon an mga tawong ini, kun kasoarin baya nahiling mo na an sarong sinda mas makapangyayari kesa satuya gabos? Kun kaya kami magkakaturumba sa atubangan ninda.

21 Ngonian kan mahiling nin reyna an pagkatakot nin mga surugoon siya man nagpoon na matakot na grabeng gayo, kun baya baka may maraot na mangyari sa saiya. Asin siya nagsugo sa saiyang mga surugoon na sinda maghumali asin apudon an mga katawohan, na tanganing baya sinda an puwedeng gumadan kina Aaron asin kan saiyang mga katugangan.

22 Ngonian kan mahiling ni Aaron an determinasyon kan reyna, siya na nakakaaram man sa katagasan kan mga puso nin mga katawohan, natakot na baka an bilog na kadaklan mag-assemblyang magkasararo kan saindang mga sadire, asin magkakaigwa nin sarong dakulang pag-iiriwal-iwal asin sarong pagkariribok sa pag-iriba ninda; kun kaya saiyang pinagbingat an saiyang kamot asin pinabuhat an hade gikan sa pagkatumba sa daga, asin nagsabi sa saiya: Magtindog ka. Asin siya nagtindog sa saiyang mga bitis, nagresesibe kan saiyang kusog.

23 Ngonian ini ginibo sa presensiya kan reyna asin sa kadakul na mga surugoon. Asin kan saindang mahiling ini dakulang gayo an saindang pagkangalas, asin nagpoon na magkatarakot. Asin an hade nagtindog, asin nagpoon na magtukdo sa sinda. Asin siya man naggad nagparatukdo sa sinda, na tanganing an saiyang bilog na pagharongon

nagbago an boot sa Kagurangnan.

24 Ngonian nagkaigwa nin bilog na kadaklan na nagkasararong nagkatiripon-tipon nin huli sa kasugoan nin reyna, asin nagkaigwa nin pagporoon nin sarong dakulang mga paggugurumod-gumodan sa pag-iriba ninda nin huli ki Aaron asin sa saiyang mga katugangan.

25 Alagad an hade nagtindog sa atubangan ninda asin pinagpahubya sinda. Asin sinda naghubya laban kina Aaron asin sa sinda na kairiba niya.

26 Asin ini nangyaring naglipas na kan an hade nahiling na an mga katawohan naghubya, siya nagkausa na si Aaron asin an saiyang mga katugangan na magtindog sa pagtahawan kan bilog na kadaklan, asin na sinda magbalangibog nin tataramon sa sinda.

27 Asin ini nangyaring naglipas na an hade nagpadara nin sarong proklamasyon sa kabilugan nin gabos na kadagaan, sa bilog niyang mga katawohan na yaon sa gabos niyang kadagaan, na yaraon sa gabos na mga rehiyon sa nakapalibot, na kinakasagkoran magin hanggan sa may dagat, sa may sirangan asin sa may sulnopan, asin iyo an nagbabanga gikan sa daga nin Zarahemla sa paagi nin sarong hayakpitan na lugar nin kaparangan, na minasagkod gikan sa dagat pasirangan magin hanggan sa dagat pasulnopan, asin sa palibot nin mga kasagkoran kan baybayon, asin an mga kasagkoran nin kaparangan na yaon sa may norte kan daga nin Zarahemla, pasiring sa mga kasagkoran nin Manti, sa may pamayuhan kan salog na Sidon, na nagdadaluydoy gikan sa sirangan pasiring sa sulnopan --- asin kaya iyo ini na an mga Lamanita asin an mga Nephita nagkabaranga.

28 Ngonian, an mas hugakon na parte kan mga Lamanita nag-eerok sa may kaparangan, asin naka-estar sa mga tolda; asin sinda nakakalat pasiring sa may kaparangan pasulnopan, sa kadagaan nin Nephi; iyo, asin man pasulnopan sa kadagaan nin Zarahemla, sa may mga kasagkoran nin baybayon, asin sa may sulnopan nin kadagaan nin Nephi, sa lugar na enot na kamanahan nin saindang mga ama, asin kaya nasasagkoran sa paagi kan baybayon.

29 Asin man igwa nin kadakul na mga Lamanita sa may sirangang parte nin baybayon, kun saen an mga Nephita iyo an nagpaharale sinda. Asin kaya an mga Nephita dikit pang gayo mapalibutan kan mga Lamanita; daeng pagkukulang na an mga Nephita iyo an nakapagsadire kan gabos na norteng parte nin kadagaan na nasasagkodan nin kaparangan, sa may pamayuhan kan salog nin Sidon, gikan sa sirangan pasiring sa sulnopan, na nakapalibot sa may parteng kaparangan; sa may norte, magin hanggan sinda makaabot sa kadagaan na saindang pinag-aapud na Masagana.

30 Asin ini nasasagkoran nin kadagaan na saindang pinag-aapud na kaalipungawan, ini bilang grabe an kaharayoan sa may panorteng parte na tanganing ini minapasiring sa kadagaan na pinag-erokan nin mga katawohan asin nagkaderestroso, na an saindang mga tulang samuyang naitaram na, na nadiskubre kan mga katawohan nin Zarahemla, ini bilang iyo an lugar kan saindang enot na inabutan.

31 Asin sinda nakaabot gikan duman paitaas pasiring sa may timog nin kaparangan. Kaya an kadagaan sa may norteng parte pinag-apud na kaalipungawan, asin an kadagaan sa may timog na parte pinag-aapud na Masagana, ini bilang iyo an kaparangan na pano nin gabos na manera nin layas na mga hayop sa lambang klase, an sarong parte kaini naggigikan pa sa kadagaan sa may norteng parte para sa pagkakan.

32 Asin ngonian, ini sana nagdistansiya nin sarong aldaw asin kabanga nin paglalakaw

An Simbahan ni Jesukristo nin Mga Banal sa Huring-aldaw

319

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

para sa sarong Nephita, sa may linyada kan Masagana asin sa kadagaan nin kaalipungawan gikan sa sirangan pasiring sa may sulnopang dagat; asin kaya an kadagaan nin Nephi asin an kadagaan nin Zarahemla haros napapalibutan nin katubigan, iyan bilang sarong sadit na liog nin kadagaan sa tahaw nin kadagaan panorteng parte asin nin kadagaan patimog na parte.

33 Asin ini nangyaring naglipas na an mga Nephita nag-erok sa kadagaan nin Masagana, magin gikan sa sirangan pasiring sa sulnopang dagat, asin kaya an mga Nephita sa saindang kadunungan, kairiba an saindang mga guwardiya asin mga soldados, iyo an nakaabang sa mga Lamanita sa may timog, na tanganing sinda dae na nawaraan na nin pagsasadire sa may norte, na tanganing sinda dae na makapag-agaw pa sa kadagaan panorteng parte.

34 Kun kaya an mga Lamanita dae na nagkaigwa nin mga pagsasadire laen sana idtong yaon sa kadagaan nin Nephi, asin an kaparangan na nakapalibot. Ngonian iyo ini an kadunungan kan mga Nephita--- habang an mga Lamanita bilang kaiwal para sainda, sinda habong magtugot na magsapo nin mga kasakitan sa lambang kamot, asin man na sinda magkaigwa nin sarong nasyon kun saen sinda puwedeng makapagdalan, uyon sa saindang mga kagustuhan.

35 Asin ngonian ako, pagkatapos na sabihon ini, nagbalik giraray sa talaan ni Ammon asin Aaron, Omner asin Himni, asin an saindang mga katugangan.

ALMA TSAPTER 23

An relihiyosong kalayaan ipinagproklama--- An mga Lamanita na yaon sa pitong mga kadagaan asin mga siyudad nagkabarago--- Saindang pinag-apud an saindang mga sadire na Anti-Nephi-Lehies asin nagin libre gikan sa sumpa--- An mga Amalekita asin mga Amulonita nagsikwal sa katotoohan.

Hilnga, ngonian ini nangyaring naglipas na an hade kan mga Lamanita nagpadara nin sarong proklamasyon sa gabos na saiyang mga katawohamn, na sinda dae ipagdoot an saindang mga kamot ki Ammon, o ki Aaron, o ki Omner, o ki Himni, ni maski sa saindang mga katugangan na magraralakaw sa pagbabalangibog sa tataramon nin Diyos, sa arin man na lugar na sinda makapagduman, sa aring parte kan saindang kadagaan.

2 Iyo, siya nagpadara nin sarong dekrito sa pag-iriba ninda, na sinda dae dapat na ipagdoot an saindang mga kamot sainda sa paggapos sainda, o ipagkunkun sinda pasiring sa prisohan; ni sinda magdura sa sainda, ni pakulgan sinda, ni ipagtulakan sinda paluwas sa saindang mga sinagoga, ni pakulan sinda; ni sinda manggapoan sainda, alagad sinda magkaigwa nin libreng paglaog sa saindang mga kaharongan, asin man sa saindang mga templo, asin sa saindang mga sanktuwaryo.

3 Asin kaya sinda puwedeng magralakaw asin magbalangibog nin tataramon na uyon sa saindang mga pinagmamawot, nin huli ta an hade napagbago sa Kagurangnan, asin an gabos niyang pagharongon; kun kaya saiyang ipinadara an saiyang proklamasyon sa kabilugan na kadagaan sa saiyang mga katawohan, na tanganing an tataramon nin Diyos

An Simbahan ni Jesukristo nin Mga Banal sa Huring-aldaw

320

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

puwedeng dae magkaigwa nin kaulangan, alagad na tanganing ini maipaabot sa kabilugan nin gabos na kadagaan, na an saiya katawohan puwedeng makumbinse manungod sa marigsok na mga tradisyon kan saindang mga ama, asin na tanganing sinda puwedeng makumbinse na sinda gabos katurugangan, asin na tanganing sinda dae na naggad manggagadan, ni manalakat, ni manghabon, ni makagibo nin pangangalunya, ni makagibo nin anuman na manera nin karigsokan.

4 Asin ngonian ini nangyaring naglipas na kan an hade nakapagpadara na kan saiya proklamasyon, na si Aaron asin an saiya mga katugangan nagpaduruman gikan sa sarong siyudad pasiring sa sarong siyudad, asin gikan sa sarong harong nin pagsasamba pasiring sa sarong pa, nag-eestablisa nin mga simbahan, asin nagkokonsagra nin mga kapadean asin mga paratukdo sa kabilugan nin kadagaan sa pag-iriba kan mga Lamanita, sa pagbalangibog asin sa pagtukdo kan tataramon nin Diyos sa pag-iriba ninda; asin kaya sinda nagpoon na magkaigwa nin dakulang trayumpo.

5 Asin rinibo-ribo an nadara sa kaaraman nin Kagurangnan, iyo, rinibo-ribo an nadara na magtubod sa mga tradisyon kan mga Nephta; asin sinda pinagtukdoan kan mga talaan asin mga propesiya na ipinagkatiwala magin hanggan sa presenting panahon.

6 Asin habang an Kagurangnan nabubuhay, may kasegurohan habang kadakul an nagtutubod, o habang kadakul an nadara sa kaaraman nin katotoohan, sa paagi kan pagbabalangibog ni Ammon asin kan saiya mga katugangan, na uyon sa espiritu nin kapahayagan asin kan propesiya, asin an kapangyarihan nin Diyos iyo an maggigibo nin mga milagro sainda--- iyo, ako nagsasabi sa sainda, habang an Kagurangnan nabubuhay, habang kadakul sa mga Lamanita an nagtutubod sa saindang pagbabalangibog, asin nagkabarago sa Kagurangnan, dae naggad mangyayari an pagpapaharayo.

7 Nin huli ta sinda nagin sarong matatanos na mga katawohan; saindang ipinagbaba an mga armas kan saindang pagrerebelde, na tanganing sinda dae na nakapaglaban kontra sa Diyos, ni kontra sa arin man na saindang mga katugangan.

8 Ngonian, iyo ini sinda na nagkabarago sa Kagurangnan;

9 An mga katawohan nin mga Lamanita na yaraon sa kadagaan nin Ishmael;

10 Asin man an mga katawohan kan mga Lamanita na yaraon sa kadagaan nin Middoni;

11 Asin man an mga katawohan kan mga Lamanita na yaraon sa siyudad nin Nephi;

12 Asin man an mga katawohan kan mga Lamanita na yaraon sa kadagaan nin Shilom, asin sinda na yaraon sa kadagaan nin Shemlon, asin yaraon sa siyudad nin Lemuel, asin yaraon sa siyudad nin shimnilom.

13 Asin iyo ini an mga pangaran kan mga siyudad kan mga Lamanita na nagkabarago sa Kagurangnan; asin iyo ini sinda na nagbaraba kan mga armas nin sainda pagrerebelde, iyo, an gabos nindang mga armas panggiyera; asin sinda gabos mga Lamanita.

14 Asin an mga Amalekita dae napagbago, puwera sana sa sarong; ni an arin man na mga Amulonita, pero sinda nagpatagas kan saindang mga puso, asin man an mga puso kan mga Lamanita duman sa parte kan kadagaan kun saen sinda nag-eerok, iyo, asin sa gabos nindang banwaan asin gabos nindang mga siyudad.

15 Kun kaya, samuyang pinangngaranan an gabos na siyudad kan mga Lamanita kun saen sinda nagsosolsol asin nagdulok sa kaaraman nin katotoohan, asin nagkabarago.

16 Asin ngonian ini nangyaring naglipas na an hade asin sinda na nagkabarago nagmawot na sinda magkaigwa nin sarong pangaran, na tanganing pagkatapos sinda puwedeng mabibisto na lean sa saindang mga katugangan; kun kaya an hade nagkonsulta ki Aaron

asin sa kadakul nindang mga kapadean, manungod sa pangaran na saindang pagdadarahon sa sadire ninda, na tanganing sinda puwedeng mabibisto man.

17 Asin ini nangyaring naglipas na saindang pinag-apud an saindang pangaran na Anti-Nephi-Lehies; asin sinda pinag-apud sa paagi kaining pangaran asin dae na naggad pinag-apud na mga Lamanita.

18 Asin sinda nagpoon na magin mahihigos na mga katawohan; iyo, asin sinda nagin ma-inamigo sa mga Nephita; kun kaya, sinda nagbukas nin sarong pakikipagsurat sa sinda, asin an sumpa nin Diyos dae na naggad nagsunod pa sinda.

ALMA TSAPTER 24

Ang mga Lamanita nag-abot sa pakipaglaban kontra sa mga katawohan nin Diyos --- An mga Anti-Nephi-Lehies nag-orogma ki Cristo asin pinagbisita kan mga anghel --- Sinda nagpili na magsapo nin kagadanan kesa idepensa an saindang mga sadire --- Kadakul pang mga Lamanita an nagkabarag-o.

Asin ini nangyaring naglipas na an mga Amalekita asin an mga Amulonita asin an mga Lamanita na yaraon sa kadagaan nin Amulon, asin man sa kadagaan nin Helam, asin idtong yaraon sa kadagaan nin Jerusalem, asin sa madaling sabi, yaraon sa gabos na kadagaan na nakapalibot, na dae nagkabarag-o asin dae ninda dinara an pangaran na Anti-Nephi-Lehi, pinurukaw kan mga Amalekita asin kan mga Amulonita na magka-aranggot kontra sa saindang mga katugangan.

2 Asin an saindang pagka-anggot nagin grabeng gayo laban sinda, magin hanggan sa sinda nagpoon na magrebelde kontra sa saindang hade, grabeng gayo na sinda habo na na siya pa an saindang hade; kun kaya, sinda nagkarapot nin armas laban sa mga katawohan kan Anti-Nephi-Lehi.

3 Ngonian iginawad kan hade an kahadean sa saiyang akeng lalake, asin saiya siyang pinag-apud sa pangaran na Anti-Nephi-Lehi.

4 Asin an hade nagadan sa taon man sanang idto na an mga Lamanita nagpoon sa paghimo nin mga preparasyon para sa pakigiyera laban sa mga katawohan nin Diyos.

5 Ngonian kan si Ammon asin an saiyang mga katugangan asin an gabos na nag-iriba saiya nahiling an mga preparasyon kan mga Lamanita sa pagdestroso kan saindang mga katugangan, sinda nagpaduman sa kadagaan nin Midian, asin duman si Ammon nakipaghilingan sa gabos niyang mga katugangan; asin magpoon duman sinda nagpaduman sa kadagaan nin Ishmael na tanganing magkaigwa nin sarong konseho kaiba ni Lamoni asin man kaiba an saiyang tugang na lalake na si Anti-Nephi-Lehi, na kun ano an saindang gigibohon sa pagdepensa kan saindang mga sadire kontra sa mga Lamanita.

6 Ngonian mayo lamang ni sarong kalag sa kairibahan nin gabos na mga katawohan na nagkabarag-o na sa Kagurangnan na nagkagustong kumapot nin armas kontra sa saindang mga katugangan; Dae, sinda habo ngani na maghimo nin anuman na mga preparasyon para sa pakigiyera; iyo, asin man an saindang hade nagsugo sinda na sinda dae dapat.

7 Ngonian, iyo ini an mga tataramon na saiyang pinagsabi sa mga katawohan manungod kaining bagay: Ako nagpapasalamat sa sakuyang Diyos, sakuyang namumutan na mga

An Simbahan ni Jesukristo nin Mga Banal sa Huring-aldaw

322

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katawohan, na an satuyang mabanalong Diyos igwa nin karahayan na ipinadara sa satuyang mga katugangan, an mga Nephita, pasiring sa satuya na tanganing magbalangibog satuya, asin na kumbinsihon kita sa mga tradisyon kan satuyang mga maraot na ama.

8 Asin hilnga, ako nagpapasalamat sa sakuyang mabanalon na Diyos na siya nanaohan satuya nin sarong parte kan saiyang Espiritu na tanganing magpalumoy kan satuyang mga puso, na kita makapagbukas nin sarong pakipagsuratan kaining mga katugangan, an mga Nephita.

9 Asin hilnga, ako man nagpapasalamat sa sakuyang Diyos na sa paagi kaining pakikipagsuratan kita nagkakurumbinsi kan satuyang mga kasalanan, asin kan kadakul na mga panggagadan na satuyang nagkaginiribohan.

10 Asin man ako nagpapasalamat sa sakuyang Diyos, iyo, an sakuyang mabanalong Diyos, na saiyang iginawad sa satuya na kita makapagsolsol pa kaining mga bagay, asin man na saiyang pinatawad kita sa satuyang kadakul na mga kasalanan asin mga panggagadan na satuyang nagkaginiribohan, asin pinaghale paharayo an pagkakasalagikan sa satuyang mga puso, sa paagi kan mga merito kan saiyang Ake.

11 Asin ngonian hilnga, sakuyang mga katugangan, magpoon na ini gabos satuya nang nagkagiribo, (habang kita iyong gayo an nagkawarara sa gabos na tawong nilalang) na magsolsol kan gabos niyatong mga kasalanan asin sa kadakul na panggagadan na satuyang nagkagirinibohan, asin an pagdulok sa Diyos na tanganing kuahon paharayo gikan sa satuyang mga puso, nin huli ta iyo lang ini an gabos na satuyang magigibo na tanganing magsolsol na gayo na magin husto sa atubangan nin Diyos na saiyang haleon paharayo an satuyang digta---

12 Ngonian, sakuyang marahayon na namumutan na mga katugangan, magpoon na an Diyos an naghale kan satuyang mga digta, asin an satuyang mga espada nagin malinigon, kaya dae ta na pagtugutan na madidigtaan pa an satuyang mga espada kan dugo nin satuyang mga katugangan.

13 Hilnga, ako nagsasabi sa saindo, Dae na, tugutan ta na an satuyang mga espada na sinda dae na madigtaan kan dugo nin satuyang mga katugangan; nin huli ta baka, kun satuyang pagdidigtaan an satuyang mga espada giraray dae na ini mahuhugasan pa nin malinigon sa paagi kan dugo nin Ake kan satuyang mabanalong Diyos, na ipagpapabulos para sa pagbabayad-sala kan satuyang mga kasalanan.

14 Asin an mabanalong Diyos magkakaigwa nin pagkaherak sa satuya, asin gibohon an mga bagay na ini na magkaararaman nyato na tanganing kita dae nanggad mapapara; iyo, asin saiyang ginibo an mga bagay na ini na magkaararaman nyato bago pa man, nin huli ta siya nagmumoot sa satuyang mga kalag siring man siya nagmumuot sa satuyang mga kaakian; kun kaya, sa saiyang pagkaherak saiyang ginibong bisitahon kita kan saiyang mga anghel, na tanganing an plano nin kaligtasan puwedeng maipagpaaram sa satuya asin man sa maarabot pang mga henerasyon.

15 Oh, gurano na pano nin pagkaherak an satuyang Diyos! Asin ngonian hilnga, magpoon na nangyari ini habang naghingoha na kita makakagibo na satuyang mahale an kadigtaan paharayo satuya, asin an satuyang mga espada hinimong malinigon, tugutan nyatong itago sinda na tanganing sinda pirme sanang malinigon, bilang sarong testimonya sa satuyang Diyos sa huring aldaw, o sa aldaw na kita dadarahon na magtindog sa atubangan niya tanganing paghukuman, na dae nyato pinagdigtaan an

satuyang mga espada kan dugo nin satuyang mga katugangan magpoon pa kan pinagpamahagi an saiyang tataramon sa satuya asin naghimo kitang malinig ini magpoon kaidto pa.

16 Asin ngonian, sakuyang mga katugangan, kun an satuyang mga katugangan nagmawot na destrosohon kita, hilnga, satuyang itatago an satuyang mga espada, iyo, magin satuyang ipaglubong an mga ini sa irarom nin daga, na tanganing an mga ini pirme sanang malinigon, bilang sarong testimonya na dae ta na ini pinaggagamit pa, sa huring aldaw; asin kun an satuyang mga katugangan an madestroso satuya, hilnga, kita mapaduman sa satuyang Diyos asin magigin ligtas.

17 Asin ngonian ini nangyaring naglipas na kan an hade nagtapos na kaining mga pinagsasabi, asin an gabos na mga katawohan nag-assemblya na magkasararo, saindang kinurua an saindang mga espada, asin an gabos na mga armas na pinaggagamit para sa pagpapabulos nin dugo nin tawo, asin saindang pinaglubong an mga ini sa irarom nin daga.

18 Asin iyo ini an saindang ginibo, ini bilang iyo sa saindang kaisipan sarong testimonya sa Diyos, asin man sa mga tawo, na sinda dae na naggad magamit nin mga armas giraray para sa pagbulos nin dugo nin tawo; asin ini an saindang ginibo, nagpapatotoo asin nakikipagtipan sa Diyos, na embes na magpabulos nin dugo kan saindang mga katugangan saindang ipagtatao an saindang sadireng mga buhay; asin embes na pagkuahon gikan sa sarong tugang na lalake sinda an manauhan sa saiya; asin embes na gastuson an saindang mga aldaw na daeng gibohon sinda maigot na magtatrabaho gamit saindang mga kamot.

19 Asin kaya satuyang nahihiling na, ining mga Lamanita kan sinda dinara para magtubod asin makaaram nin katotohanan, sinda nagin marigon, asin nagsapo magin hanggan kagadanan kesa makagibo nin kasalan; asin kaya satuyang nahihiling na saindang ipinaglubong an saindang mga armas nin katuninongan, o saindang ipinaglubong an mga armas panggiyera, para sa katuninongan.

20 Asin ini nangyaring naglipas na an saindang mga katugangan, an mga Lamanita, naghimo nin mga preparasyon para sa pakigiya, asin nag-atake sa kadagaan nin Nephi nin huli sa katuyuhan na destrosohon an hade, asin magbugtak nin iba bilang saiyang karibay, asin man destrosohon an mga katawohan nin Anti-Nephi-Lehi paluwas sa kadagaan.

21 Ngonian kan an mga katawohan nahiling na sinda maarabot laban sa sinda sinda nagruluwas sa pagsabat sinda, asin ipinagpabaya an saindang mga sadire sa atubangan ninda sa daga, asin nagpoon na mangapudan sa pangaran nin Kagurangnan; asin kaya iyo ini an saindang nagin ugali kan an mga Lamanita nagpoon sa pag-atake sinda, asin nagpoon sa panggadanan sinda sa paagi nin espada.

22 Asin kaya dae nakasabat nin anuman na paglaban, sinda nakagadan nin sarong ribo asin lima sinda; asin satuyang naaraman na sinda nagin mapalad, nin huli ta sinda nagpagadan sa pag-erok na kaiba an saindang Diyos.

23 Ngonian kan an mga Lamanita nahiling na an saindang mga katugangan dae nagdudurulag sa paglikay gikan sa espada, ni magliko pasiring sa tuong parte o pasiring sa wala, alagad pinili na sinda maghigda asin mapara, asin nagpamuraway sa Diyos magin sa aktong gayo na magkaparara sa paagi nin espada---

24 Ngonian kan mahiling nin mga Lamanita ini sinda napa-untok sa panggadanan

sainda; asin nagkaigwa nin kadakul na an mga puso nagtaralubo sa pagkaherak sa laog ninda para sa saindang mga katugangan na nagkagaradan sa paagi nin espada, nin huli ta sinda nagsorolsol kan mga bagay na saindang nagkaginiribohan.

25 Asin ini nangyaring naglipas na saindang ipinagtapok an saindang mga armas panggiyera, asin sinda habo nang kaputan giraray an mga ini, nin huli ta sinda nagkatirikbalo kan mga panggagadan na saindaang nagkagiribohan; asin sinda nagbaraba magin sa pagdulok sa saindang mga katugangan, nagtitiwala lamang sa mga pagkaherak ninda na an mga armas ipinag-itaas sa paggadan sainda.

26 Asin ini nangyaring naglipas na an mga katawohan nin Diyos pinagdamayan sa aldaw na iyan nin sobra pa sa numero na nagkagaradan na; asin an mga nagkagaradan na mga matatanos na katawohan, kun kaya mayo kitang rason na magduda na ano baya ta sinda maliligtas.

27 Asin dae nagkaigwa nin saroman lamang maraot na tawo na ginadan sa pag-iriba ninda; pero nagkaigwa nin katotohanan; kaya satuyang nahihiling na an Kagurangnan nagtatrabaho sa kadakul na paagi na tanganing maililigtas an saiyang mga katawohan.

28 Ngonian an pinakadakulang numero sa pag-iriba kan mga Lamanita na naggadan sa kadakul nindang mga katugangan iyo an an mga Amalekita asin Amulonita, an pinakadakulang numero sainda nagsusunod sa orden kan mga Nehor.

29 Ngonian, sa pag-iriba ninda na nag-iriba na sa mga katawohan nin Kagurangnan, mayong mga Amalekita o mga Amulonita, o dating nagsusunod kan orden ni Nehor, alagad sinda naggad totoong mga kamako-apoan ninda Laman asin Lemuel.

30 Asin kaya satuyang malinaw na magagamiawan, na pagkatapos na an sarong katawohan minsan nagin naliwanagan sa paagi kan Espiritu nin Diyos, asin nagkaigwa nin dakulang pagkanuod sa mga bagay mapanungod sa pagkamatanos, asin sa pagkatapos nahulog pasiring sa pagkakasala asin kalapasan, sinda nagigin mas pang pinatagas, asin kaya an saindang kamugtakan nagin mas pang maraot kesa kaidtong sinda dae pang pagkaaram sa mga bagay na ini.

ALMA TSAPTER 25

An pang-aatake nin mga Lamanita kuminalat--- An banhi kan mga kapadean ni Noah nagkaparara segun sa propesiya ni Abinadi --- Kadakul na mga Lamanita an nagkabarag-o asin naki-ayon sa mga katawohan nin Anti-Nephi-Lehi --- Sinda nagtutubod ki Cristo asin nagsusunod sa ley ni Moises.

Asin hilnga, ngonian ini nangyaring naglipas na idtong mga Lamanita nagka-aranggot nin huli ta saindang pinaggaradan an saindang mga katugangan; kun kaya sinda nangako nin pagbalos laban sa mga Nephita; asin sinda dae na nagmawot pang garadanon an mga katawohan nin Anti-Nephi-Lehi sa panahon na idto.

2 Alagad sainda pinagdara an saindang mga soldados asin nagpasiring sa mga kasagkoran nin kadagaan kan Zarahemla, asin uminatake laban sa mga katawohan na nag-eerok sa kadagaan nin Ammonihah asin pinagdestroso sinda.

3 Asin pagkatapos kaini, nagkaigwa sinda nin kadakul na pakipaglaban kontra sa mga

An Simbahan ni Jesukristo nin Mga Banal sa Huring-aldaw

325

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Nephita, kun saen sinda nag-atras asin nagkagaradan.

4 Asin sa pag-iriba nin mga Lamanita na nagkagaradan iyo an haros gabos na banhi ni Amulon asin kan saiyang mga katugangan, na iyo ngani an mga kapadean ni Noah, asin sinda nagkagaradan sa paagi kan mga kamot nin mga Nephita;

5 Asin an katadaan, na nakadurulag pasiring sa sirangan nin kaparangan, asin nakapaggamit nin kapangyarihan asin autoridad na nangingibabaw sa mga Lamanita, nagkausa na kadakul kan mga Lamanita dapat na magkaparara sa paagi nin kalayo nin huli kan saindang paniniwala---

6 Nin huli ta kadakul sainda, pagkatapos na magsapo nin grabeng kadaogan asin nin grabe kadakul na mga kasakitan, nagpoon na magka purukawan sa pagiromdom kan mga tataramon na si Aaron asin an saiyang mga katugangan nagparabalangibog sainda sa saindang kadagaan, kun kaya sinda nagpoon na dae magpaniwala sa mga tradisyon kan saindang mga ama, asin na magtubod sa Kagurangnan, asin na siya nagtao nin dakulang kapangyarihan sa mga Nephita; asin kaya nagkaigwa nin kadakul sainda na nagkabarag-o habang yaraon sa kaparangan.

7 Asin ini nangyaring naglipas na idtong mga tagapagpamahala na iyo an katadaan kan mga kaakian ni Amulon nagkausa na sinda ipatunod sa kagadanan, iyo, an gabos ninda na naniwala sa mga bagay na ini.

8 Ngonian ining pagpapakasakit nagkausa na kadakul kan saindang mga katugangan dapat na pukawan na magka-aranggot; asin nagkaigwa nin pagpoon nin pag-iiriwal-iwal sa may kaparangan; asin an mga Lamanita nagpoon sa paghanap kan banhi ni Amulon asin sa saiyang mga katugangan asin nagpoon na garadanon sinda; asin sinda nagdurulag pasiring sa sirangan nin kaparangan.

9 Asin hilnga sinda pinaghahanap sagkod sa aldaw na ini kan mga Lamanita kaya an mga tataramon ni Abinadi pinapangyaring maglipas na saiyang sinabi manungod sa banhi kan mga kapadean na iyo an nagkausa na siya magsapo nin kagadanan sa paagi nin kalayo.

10 Nin huli ta siya nagsabi sa sainda: Kun ano baya an saindong gigibohon sa sakuya iyo man an tipo nin mga bagay na mangyayari.

11 Asin ngonian si Abinadi iyo an pinaka-enot na nagsapo nin kagadanan sa paagi nin kalayo nin huli kan saiyang paniniwala sa Diyso; ngonian iyo ini baya ang saiyang boot ipasabot, na kadakul an magsasapo nin kagadanan sa paagi nin kalayo, uyon sa saiyang sinapo.

12 Asin siya nagsabi sa mga kapadean ni Noah na an saindang banhi magkakausa nin kadakul na ipapatunod sa kagadanan, sa arog na manera na nangyari saiya, asin na sinda magkakaralat s harayo asin magkakagaradan, magin arog sa saroang karnero na mayong parapastol na napadulag asin nagkagaradan nin mga layas na hayop; asin ngonian, hilnga, an mga tataramon na ini nagkatorotoo, nin huli ta sinda napadulag kan mga Lamanita, asin sinda pinaghaharanap, asin sinda nagkaparahamak.

13 Asin ini nangyaring naglipas na kan an mga Lamanita nahiling na sinda dae kayang makapanggana sa mga Nephita sinda nagbaralik giraray sa saindang sadireng kadagaan; asin kadakul sainda nag-arabot-abot na maki-erok sa kadagaan nin Ishmael asin sa kadagaan nin Nephi, asin nag-ayon kan saindang mga sadire sa mga katawohan nin Diyos, na iyo an mga katawohan nin Anti-Nephi-Lehi.

14 Asin saindang pinagrulubong an saindang mga armas panggiyera, uyon sa ginibo na kan saindang mga katugangan, asin sinda nagpoon na magin matatanos na mga

An Simbahan ni Jesukristo nin Mga Banal sa Huring-aldaw

326

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katawohan; asin sinda man naggad naglakaw sa mga dalan nin Kagurangnan, asin nag-
obserba na magsunod kan saiyang mga kasugoan asin sa saiyang mga patakaran.

15 Iyo, asin sinda nagsunod sa ley ni Moises; nin huli ta ini kapakinabangan na sinda
dapat na magsusunod sa ley ni Moises sa panahon na ini, nin huli ta ini dae pa man gabos
nagka-urutob. Pero maski na ngani kaining ley ni Moises, sinda naglalaom sa pag-abot ni
Cristo, habang ipinagpamugtak an an ley ni Moises na iyo an sarong tipo kan saiyang
pag-abot, asin nagtutubod na sinda kaipong magsunod kaidtong panluwas na mga
kaggibohan hanggan sa panahon na siya dapat na maipahayag sa sinda.

16 Ngonian sinda dae naghuhuna na an kaligtasan minagikan sa paagi kan ley ni Moises;
alagad an ley ni Moises nagsirbeng pampakusog kan saindang pagtubod ki Cristo; asin
kaya sinda nakapagsaray nin sarong paglaom sa paagi nin pagtubod, pasiring sa daeng
kasagkoran na kaligtasan, nangangaputan sa espiritu nin propesiya, na iyo an
nagpapahayag kaidtong mga bagay na maarabot.

17 Asin ngonian hilnga, si Ammon, asin si Aaron, asin si Omner, asin si Himni, asin an
saindang mga katugangan nag-ogmang gayo, nin huli sa trayumpo na saindang nakamtan
sa pag-iriba nin mga Lamanita, nahihiling na an Kagurangnan naggawad sa sinda nin
uyon sa saindang mga pangadyeon, asin na saiyang napatunayan an saiyang tataramon sa
sinda sa kada partikular.

ALMA TSAPTER 26

*Si Ammon nagpamuraway sa Kagurangnan --- An mga pano nin pagtubod pinakusog nin
Kagurangnan asin pinagtawanan nin pagkaaram --- Sa paagi nin pagtubod an mga tawo
makakapagdara nin rinibong mga kalag pasiring sa pagsosolsol --- An Diyos igwa nin
bilog na kapangyarihan asin nakakasabot sa gabos na mga bagay.*

Asin ngonian, iyo ini an mga tataramon ni Ammon para sa saiyang mga katugangan, na
iyo ini an sinasabi: Sa mga tugang kong mga lalake asin sa sakuyang mga katugangan,
hilnga ako nagsasabi sa saindo, gurano daw kadakula an dahilan na igwa kita para mag-
ogma; nin huli ta satuya daw kayang paghuna-hunaon na kan kita nagpoon gikan sa
kadagaan nin Zarahemla na an Diyos iyo an naggawad sa satuya kaining dakulaon na
gayong mga biyaya?

2 Asin ngonian, ako mahapot, ano kadakula an mga biyaya na saiyang ipinagbariwas sa
satuya? Makakasabi daw kamo?

3 Hilnga, ako an masimbag para saindo; para sa satuyang mga katugangan, an mga
Lamanita, na yaraon kaidto sa kadikloman, iyo, magin yaon sa pinaka-irarom nin
karurukan nin pagkadiklom, pero hilnga, gurano kadakul sinda an nagkadarara na
tanganing makahiling sa mapangyayaring liwanag nin Diyos! Asin iyo ini an biyaya na
kaidto pa ipinagtao sa satuya, na kita hinimong magin mga instrumento kan mga kamot
nin Diyos na tanganing magdara manungod kaining mabanalong gibo.

4 Hilnga, rinibo-ribo sinda an nagka-orogma, asin ipinagdarara pasiring sa
pangangataman nin Diyos.

An Simbahan ni Jesukristo nin Mga Banal sa Huring-aldaw 327
*(Pasabot: An translasyon na ini bakong sanksyon kan Simbahang nasambit asin boluntad
na trabaho ini ni Geopoet para sa gabos na interesadong magbasa kan libro sa
lenguwaheng Bikol)*

5 Hilnga, an omahan hinog na, asin paladan kamo, nin huli ta kamo naggapas nin pangapos, asin nag-ani sa bilog mong kusog, iyo, sa bilog na aldaw kamo nagtrabaho; asin hilnga an numero kan saimong mga tambak! Asin an mga ini pagtitiriponon pasiring sa mga kamalig, na tanganing sinda dae magkakasarayang.

6 Iyo, sinda dae paghahampakon sa paagi nin bagyo sa huring aldaw; iyo, ni sinda pagbibiritbiton paitaas kan mga ipo-ipo; pero sa panahon na mag-abot an bagyo sinda pagtitiriponon na magkasararo sa saindang lugar, na tanganing an bagyo dae makakalaog pasiring sinda; iyo, ni sinda papadpadon nin makusugon na paros maski saen na an kaiwal naglista sa pagdara sinda.

7 Alagad hilnga, sinda yaraon sa mga kamot nin Kagurangnan nin pag-ani, asin sinda saiya; asin saiya sindang pabubuhaton sa huring aldaw.

8 Bendisyunan lugod an pangaran nin satuyang Diyos; magkaranta kita para sa saiyang kaomawan, iyo, magtao kita nin mga pasasalamat sa saiyang banal na pangaran, nin huli ta siya naggigibo nin pagkamatanos, sagkod pa man.

9 Nin huli ta kun kita dae nagharale paluwas sa kadagaan nin Zarahemla, an mga ini na satuyang mga mahalon na namumutan na mga katugangan, na iyo man na mahalon na nagmumuot satuya, na maski kuta na nagkukuno na may kaanggutan laban satuya, iyo, asin sinda kuta na mga estranghero man sa Diyos.

10 Asin ini nangyaring naglipas na kan si Ammon nakapagtaram na kaining mga tataramon, an saiyang tugang na si Aaron nagsagwi saiya, na nagsasabi: Ammon, ako natatakot na sa saimong kaogmahan iyo an magdadara saimo pasiring sa kahambugan.

11 Pero si Ammon nagsabi sa saiya: Ako dae makapaghahambog sa sadire kong kusong, ni sa sakuyang sadireng kadunungan; alagad hilnga, an sakuyang kaogmahan pano, iyo, an sakuyang puso nasasagkoda nin may kaogmahan, asin ako mag-oogma sa sakuyang Diyos.

12 Iyo, ako nakakaaram na ako mayong-mayo; susog sa sakuyang kusog ako maluya; kun kaya ako dae makapaghambog sa sakuyang sadire, pero ako maghahambog para sa sakuyang Diyos, nin huli ta sa saiyang kusog ako makakagibo nin gabos na mga bagay; iyo, hilnga, kadakul na darakulang mga milagro na satuyang nakaginibohan sa kadagaang ini, nin huli kaini kita mag-oomaw sa saiyang pangaran sagkod pa man.

13 Hilnga, gurano kadakul na rinibo-ribo sa satuyang mga katugangan na saiyang pinagbuhian gikan sa mga kakulugan nin impiyerno; asin sinda pinagdara na magkaranta nin pantubos na pagkamuot, asin ini nin huli kan kapangyarihan nin saiyang tataramon na yaon satuya, kun kaya bako daw na igwa kita nin dakulang dahilan na mag-oogma?

14 Iyo, kita igwa nin dahilan tanganing mag-omaw saiya sagkod pa man, nin huli ta siya iyo an Mas Halangkaw na Diyos, asin iyo an nagbuhi sa satuyang mga katugangan gikan sa mga kadena nin impiyerno.

15 Iyo, sinda kaidto napapalibutan nin daeng kasagkoran na kadikloman asin kapahamakan; pero hilnga, saiya sindang dinarara pasiring sa saiyang daeng kasagkoran na liwanag, iyo, pasiring sa daeng kasagkoran na kaligtasan; asin sinda napalibutan nin may daeng katampad na kasaganaan kan saiyang pagkamoot; iyo, asin kita an nagin mga instrumento kan saiyang mga kamot nin paggigibo kaining dakulaon asin makahangaon na gibo.

16 Kun kaya, magmamuraway kita, iyo, kita magpamuraway sa Kagurangnan; iyo, kita mag-orongma, nin huli ta an satuyang pagka-ogma pano; iyo, kita mag-oomaw sa satuyang

Diyos sagkod pa man. Hilnga, siisay baya an makapagpamuraway nin sobra para sa Kagurangnan? Iyo, siisay baya an makakapagsabi nin sobra kan saiyang dakulang kapangyarihan, asin kan saiyang pagkaherak, asin kan saiyang halawig-na-pagtitios para sa kaarakian nin mga tawo? Hilnga, ako nagsasabi sa saindo, ako dae makakapagsabi kan pinakasadit na parte na sakong namamatean.

17 Siisay baya nakakapaghuna na an satuyang Diyos nagin grabeng gayo an pagkaherak na iyo an nakapag-agaw satuya gikan sa satuyang makangorongirhat, pano nin kasalanan, asin maating kamugtakana?

18 Hilnga, kita nagpaduman magin sa kaanggutan, na may dakulang pagkatakot na destrosohon an saiyang simbahan.

19 Oh kaya man, tadaw ta dae niya kita ipinagbulid pasiring sa sarong makangorongirhat na kapahamakan, iyo, tadaw dae niya pinagtugutan an espada kan saiyang hustisya na bumagsak satuya, asin ipaubaya kita pasiring sa daeng kasagkoran na pagkamundo?

20 Oh, sakuyang kalag, haros pareho man kaidto, na nagdudulag sa mga paghuhuna.

Hilnga, siya dae makapag-ehersisyo kan saiyang hustisya sa satuya, pero sa saiyang dakulang pagkaherak na nagdara satuya sa ibabaw kaining daeng kasagkoran na gulpo nin kagadanan asin pagkamundo, magin hanggan sa kaligtasan nin satuyang mga kalag.

21 Asin ngonian hilnga, sakuyang mga katugangan, ano baya an natural na tawo na igwa nin kaaraman kaining mga bagay? Ako nagsasabi sa saindo, mayo sa nakakaaram kaining mga bagay, laen lang kun ini nagpenitensiya.

22 Iyo, siya na nagsosolsol asin nag-ehersisyo nin pagtubod, asin nagdara nin marahay na mga gibo, asin nagpapangadye nin padagos na daeng pag-untok--- sa mga arog kaini ipinagtao na tanganing maaraman an mga misteryo nin Diyos; iyo, sa arog kaini ini ipinagtatao na tanganing maipahayag an mga bagay na dae pa kaidto naipahayag; iyo, asin ini ipinagtatao sa arog kaini na tanganing darahon an mga rinibo-ribong mga kalag pasiring sa pagsosolsol, magin arog kaidtong ipinagtao sa satuya na tanganing darahon ining satuyang mga katugangan pasiring sa pagsosolsol.

23 Ngonian saindo dae magiromdoman, sakuyang mga katugangan, na satuyang sinabi sa satuyang mga katugangan sa kadagaan nin Zarahemla, kita nagpaduman sa kadagaan nin Nephi, na tanganing magbalangibog sa satuyang mga katugangan, an mga Lamanita, asin sinda nagnirit satuya sa pangungutya?

24 Nin huli ta sinda nagsasabi satuya: Kamo daw naghuhuna na saindong madadara an mga Lamanita pasiring sa kaaraman nin katotohanan? Kamo daw naghuhuna n saindong makukumbinse an mga Lamanita kan bakong matanos na mga tradisyon kan saindang mga ama, bilang tiso an liog na mga katawohan na arog saind; na an mga puso naoogma sa pagpapabulos nin dugo; na an mga aldaw ipinaggastos sa pinakagrabeng kadaendatahan; na an mga dalan iyo an mga dalan nin sarong paralapas gikan pa sa kapinunan? Ngonian sakuyang mga katugangan, kamo nakakagiromdom na iyo ini an dati nindong lengguwahe.

25 Asin sa kadagdagan sinda nagsasabi: Bitbiton ta an satuyang mga armas laban sainda, na tanganing satuyang destrosohon sinda asin an saindang kadaendatahan paluwas nin kadagaan, baka sainda kitang pagdaogon asin saindang destrosohon.

26 Pero hilnga, sakuyang namumutan na mga katugangan, kita nagpadigde sa kaparangan bako na may intensiyon kitang destrosohon an satuyang mga katugangan, pero may katuyuhan na baka laman satuyang mailigtas an kadikit na saindang mga kalag.

An Simbahan ni Jesukristo nin Mga Banal sa Huring-aldaw

329

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

27 Ngonian kan an satuyang mga puso nagmundo, asin kita mabaralik na kuta na, hilnga, an Kagurangnan iyo an naglinga satuya, asin nagsabi: Lakaw sa mga kairibahan nin saindong mga katugangan, an mga Lamanita, asin darahon na may pasensiya an saindong mga kasakitan, asin ako an magtatao saindo nin trayumpo.

28 Asin ngonian hilnga, kita nakapagduman, asin naka-ibahan ninda; asin kita nagin mapagpasensiya sa satuyang mga kasakitan, asin kita nagsapo nin lambang pan-aabuso; iyo, kita nakapaglibot gikan sa sarong harong hanggan sa sarong harong, nagtitiwala sa mga pagkaherak nin mundo--- bako sanang sa mga pagkaherak nin mundo kundi sa mga pagkaherak nin Diyos.

29 Asin kita nakaralaog sa saindang mga harong asin nagtukdo sainda, asin kita nakapagtukdo sainda sa saindang mga katinampuhan; iyo, asin kita nakapagtukdo sainda sa saindang mga kabukid-bukidan; asin kita man nakapaglaog sa saindang mga templo asin sa saindang mga sinagoga asin nagtukdo sainda; asin kita pinagparalayas paluwas, asin pinagtuya-tuya, asin pinagrulutaban, asin pinagsampaling sa satuyang mga pisngi; asin kita pinaggarapo, asin dinarakop asin pinaggapos nin makusugon na mga lubid, asin pinagkunkon sa prisohan; asin sa paagi nin kapangyarihan asin kadunungan nin Diyos kita nagkariligtas giraray.

30 Asin kita nagsapo nin gabos na manera nin mga kasakitan, asin an gabos na ini, na baka laman kita an magigin mga dahilan sa pagliligtas nin nagkapirang kalag; asin kita naghuhuna na an satuyang kaogmahan magigin pano kun baga kita an magigin mga dahilan kan pagliligtas nin nagkapira sana.

31 Ngonian hilnga, kita makapaghiling pabalik asin hilingon an mga prutas kan satuyang mga kapagalan; asin bako da na kadikit sana? Ako nagsasabi sa saindo, Dae, sinda kadakulon; iyo, asin kita an makapagtestigo kan saindang sinseridad, nin huli kan saindang pagkamoot sa saindang mga katugangan asin man sa satuya.

32 Nin huli ta hilnga, saindang ipinagsakripisyo an saindang mga buhay kesa pagkuahon an buhan kan saindang kalaban; asin saindang pinaglubong an saindang mga armas panggiyera sa irarom nin daga, nin huli sa saindang pagkamoot sa saindang mga katugangan.

33 Asin ngonian hilnga ako nagsasabi sa saindo, nagkaigwa na daw nin grabe kadakulang pagkamoot sa bilog na daga? Hilnga, ako nagsasabi sa saindo, Dae pa, dae naggad nagkaigwa, magin sa pag-iriba kan mga Nephita.

34 Nin huli ta hilnga, sinda minakurua nin mga armas sa pakipaglaban sa saindang mga katugangan; sinda dae naggad minatugot na magsapo kan saindang mga sadire na paggagaradanon. Pero hilnga gurano daw kadakul sa mga ini an nagmakimangadan kan saindang mga buhay; asin kita nakakaaram na sinda minadulok sa saindang Diyos, nin huli sa saindang pagkamoot asin kan saindang kaanggutan sa kasalanan.

35 Ngonian dae daw kita magkaigwa nin rason para mag-orogma? Iyo, ako nagsasabi sa saindo, dae nagkaigwa nin mga tawo na may kadakulaon na rason para mag-ogma na arog ta, poon pa sa kapinunan nin mundo; iyo, asin an sakuyang pagkaogma nadara paharayo, magin hanggan sa paghahambog para sa sakuyang Diyos; nin huli ta siya an may bilog na kapangyarihan, bilog na kadunungan, asin bilog na pagkakasabot; siya nakakasabot sa gabos na mga bagay, asin siya sarong maherakon na Nilalang, magin hanggan sa kaligtasan, para sa sainda na nagsosolsol asin naniniwala sa saiyang pangaran.

36 Ngonian kun ini panhahambog, maski kaini ako mahambog; nin huli ta iyo ini an sakuyang buhay asin an sakuyang liwanag, an sakuyang kaogmahan asin an sakuyang kaligtasan, asin an sakuyang katubusan gikan sa daeng kasagkoran na kapighatian. Iyo, bendisyunan lugod an pangaran nin sakuyang Diyos, na mapagmato kaining mga katawohan, na iyo an sarong sanga kan kahoy nin Israel, asin nagkawarara gikan kaining kahawakan nin sarong estrangherong kadagaan; iyo, ako masabi, bendisyunan lugad an pangaran kan sakuyang Diyos, na iyo an nagmato satuya, mga lalag sa sarong estrangherong kadagaan.

37 Ngonian sakuyang mga katugangan, satuyang napagmasdan na an Diyos pano nin pagmamato sa lambang mga katawohan, maski sa arin man na kadagaan na sinda nag-eerok; iyo, saiyang pinagbibilang an saiyang mga katawohan, asin an saiyang mga kaaganan nin pagkaherak yaon sa bilog na kinaban. Ngonian iyo ini an sakuyang kaogmahan, asin an sakuyang dakulang pasasalamat; iyo, asin ako magtatao nin pasasalamat sa sakuyang Diyos sagkod pa man. Amen.

ALMA TSAPTER 27

An Kagurangnan nagsugo ki Ammon na pangenotan an mga katawohan nin Anti-Nephi-Lehi pasiring sa kaligtasan--- Sa pakipaghilingan ki Alma, an kaogmahan ni Ammon iyo an nakaubos kan saiyang kusog--- An mga Nephita ipinagtao sinda an kadagaan nin Jershon--- Sinda pinag-apoud na mga katawohan ni Ammon.

Ngonian ini nangyaring naglipas na kan ining mga Lamanita na nakigiyera kontra sa mga Nephita nakanagbo, pagkatapos kan saindang pakipaglapan na tanganing destrosohon sinda, na mayong kamugtakan an pagmawot kan saindang kapahamakan, sinda nagbaralik giraray sa kadagaan nin Nephi.

2 Asin ini nangyaring naglipas na an mga Amalekita, nin huli kan saindang kadaugan grabeng gayo an kaanggutan. Asin kan saindang nahiling na dae ninda makakayanan an pagbalos laban sa mga Nephita, sinda nagpoon na pukawon an mga katawohan na maanggot laban sa saindang mga katugangan, an mga katawohan nin Anti-Nephi-Lehi; kun kaya sinda nagpoon giraray na destrosohon sinda.

3 Ngonian ining mga katawohan giraray nagsayuma na kuahon an saindang mga armas, asin sinda nagsapo sa saindang mga sadire na paggaradanon na uyon sa mga pagmamawot kan saindang mga kaiwal.

4 Ngonian kan si Amaron asin an saiyang mga katugangan nasaksihan ining gibo nin kapahamakan sa pag-iriba ninda na saindang gayong kinamumutan, asin sa pag-iriba ninda na nagmumuot nin gayo sinda--- nin huli ta sinda pinagtrato bilang garo bagang mga anghel na ipinadara gikan sa Diyos na tanganing iligtas sinda gikan sa daeng katapusan na kapahamakan--- kun kaya, kan si Ammon asin an saiyang mga katugangan nahiling ining dakulang gibo nin kapahamakan, sinda nadara na may pagdamay, asin sinda nagsabi sa hade:

5 Tugutan pong pagtiriponon na magkasararo ining mga katawohan nin Kagurangnan,

An Simbahan ni Jesukristo nin Mga Banal sa Huring-aldaw

331

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

asin magpasiring kita sa kadagaan nin Zarahemla sa satuyang mga katugangan an mga Nephita, asin magdulag paharayo sa mga kamot nin satuyang mga kalaban, na tanganing kita dae madestroso.

6 Alagad an hade nagsabi sa sainda: Hilnga, an mga Nephita iyo an magdedestroso satuya, nin huli kan kadakul na mga paggadan asin mga kasalanan na satuyang naginibohan laban sainda.

7 Asin si Ammon nagsabi: Ako mapaduman asin mahapot sa Kagurangnan, asin kun siya masabi sa satuya, magpaduman pasiring sa satuyang mga katugangan, maduruman daw kamo?

8 Asin an hade nagsabi sa sainda: Iyo, kun an Kagurangnan masabi sa samuya na magpaduman, kami mapaduman sa samuyang mga katugangan, asin kami magigin mga urupon ninda hanggan samuyang mahirahay sa sainda an kadakul na mga panggagadan asin mga kasalanan na samuyang nagkaginibohan laban sa sainda.

9 Alabad si Ammon nagsabi sa saiya: Ini kontra sa ley kan satuyang mga katugangan, na pinag-establisa sa paagi kan sakuyang ama, na magkaigwa nin anuman na mga uripon sa pag-iriba ninda; kun kaya kita mapaduman asin magtiwala na sana sa mga pagkaherak kan satuyang mga katugangan.

10 Alagad an hade nagsabi sa saiya: Ihapot mo sa Kagurangnan, asin kun siya magsabi sa satuya na magduman, kami maduruman; kun dae man kami mapapara sa kadagaan.

11 Asin ini nangyaring naglipas na si Ammon naghale asin naghapot sa Kagurangnan, asin an Kagurangnan nagsabi sa saiya:

12 Darahon mo ining mga katawohan paluwas kaining kadagaan, na tanganing sinda dae mapapara; nin huli ta si Satanas igwa nin grabeng pagkapot sa mga puso kan mga Amalekita, na iyo an nagparapukaw sa mga Lamanita na magka-aranggot laban sa saindang mga katugangan na tanganing garadanon sinda; kun kaya magruluwas kamo kaining kadagaan; asin paladan ining mga katawohan kaining henerasyon, nin huli ta ako an mag-iingat sainda,

13 Asin ngonian ini nangyaring naglipas na si Ammon nagduman asin sinabi sa hade an gabos na mga tataramon na an Kagurangnan ipinagsabi sa saiya.

14 Asin saindang pinagtiripon na magkasararo an gabos nindang mga katawohan, iyo, an gabos na mga katawohan nin Kagurangnan, asin pinagtipon na magkasararo an gabos nindang mga kakarnerohan asin mga kabakahan, asin naghale paluwas sa kadagaan, asin nakaabot sa may kaparangan na iyo an nagbabanga kan kadagaan nin Nephi gikan sa kadagaan nin Zarahemla, asin nakaabot sa harani kan mga kasagkoran nin kadagaan.

15 Asin ini nangyaring naglipas na si Ammon nagsabi sa sainda: Hilnga, ako asin an sakuyang mga katugangan mapaduman pasiring sa kadagaan nin Zarahemla, asin kamo digde sana ngona hanggan sa samuyang pagbalik; asin samuyang susubukan an mga puso kan samuyang mga katugangan, na kun baya gusto ninda na kamo pagpasiriring sa saindang kadagaan.

16 Asin ini nangyaring naglipas na habang si Ammon nagpasiring na sa kadagaan, na tanganing siya asin an saiyang mga katugangan nakipaghiligan ki Alma, sa may lugar na nasambit; asin hilnga, iyo idto an pano nin kaogmahan na pagkahirilingan.

17 Ngonian an kaogmahan ni Ammon grabeng gayo na tanganing magin siya napano; iyo, siya nahalon sa kaogmahan kan saiyang Diyos, magin hanggan sa pagkaubos kan saiyang kusog; asin siya natumba giraray sa daga.

18 Ngonian bako daw na iyo ini an sobrang gayong kaogmahan? Hilnga, iyo ini an kaogmahan na dae namatean laen lang s mga tunay na nagpenitensiya asin mga mapagkumbabang parahanap nin kaogmahan.

19 Ngonian an kaogmahan ni Alma kan magkahilingan kan saiyang mga katugangan tunay talagang totoo, asin man an kaogmahan ni Aaron, ni Omner, asin ni Himni; pero hilnga an saindang kaogmahan bako na minasobra sa saindang kusog.

20 Asin ngonian ini nangyaring naglipas na si Alma iyo an nangenotan sa saiyang mga katugangan pabalik sa kadagaan nin Zarahemla; magin pasiring sa saiyang sadireng harong. Asin sinda nagduman asin ipinagsabi sa pamayong huwes an gabos na mga bagay na nangyari sa sinda sa kadagaan nin Nephi, sa pag-iriba kan saindang mga katugangan, an mga Lamanita.

21 Asin ini nangyaring naglipas na an pamayong huwes nagpadara nin sarong proklamasyon sa kabilugan kan gabos na kadagaan, na nagmamawot sa boses kan mga katawohan manungod sa pagtatanggap kan saindang mga katugangan, na iyo ngani an mga katawohan nin Anti-Nephi-Lehi.

22 Asin ini nangyaring naglipas na an boses nin mga katawohan nag-abot, na nagsasabi: Hilnga, samuyang itatao an kadagaan nin Jershon, na yaon sa may sirangan sa may dagat, na nagtatakin sa kadagaan nin Masagana, na yaon sa may timog na kadagaan nin Masagana; asin an kadagaang ini nin Jershon iyo an kadagaan na samuyang itatao sa samuyang mga katugangan para magin kamanahan.

23 Asin hilnga, samuyang ipapamugtak an satuyang mga kasoldaduhan sa katahawan nin kadagaan nin Jershon asin sa kadagaan nin Nephi, na tanganing samuyang maprotektahan an satuyang mga katugangan na yaraon sa kadagaan nin Jershon; asin ini satuyang gibohon para sa satuyang mga katugangan, sa kadahilanan kan saindang pagkatakot na magkapot nin mga armas sa pakipaglaban sa saindang mga katugangan na baka baya sinda makagibo nin kasalanan; asin iyo ini an saindang dakulaon na katakutan na nag-abot nin huli kan saindang makuniot na pagsosolsol na sinda nang nagibo, sa kadahilanan kan saindang kadakul na panggagadan asin kan saindang makangirhat na kadaendatahan.

24 Asin ngonian hilnga, iyo ini an satuyang gigibohon sa satuyang mga katugangan, na tanganing saindang manahon an kadagaan nin Jershon; asin satuyang babantayan sinda gikan sa saindang mga kaiwal sa paagi kan satuyang mga kasoldaduhan, sa kondisyon na sinda magtatao satuya nin sarong parte kan saindang kabuhayan na magtatabang satuya na tanganing mamanteniron nyato an satuyang kasoldaduhan.

25 Ngonian, ini nangyaring naglipas na kan si Ammon nadangog ini, siya nagbalik sa mga katawohan ni Anti-Nephi-Lehi, asin man kaiba niya si Alma, pasiring sa kaparangan, kun saen saindang ipinatindog an saindang mga tolda, asin ipinagbalangibog sa sinda an gabos kaining mga bagay. Asin si Alma man ipinag-estorya sa sinda an saiyang pagbago, kaiba si Ammon asin si Aaron, asin an saiyang mga katugangan.

26 Asin ini nangyaring naglipas na ini nagkausa nin kadakulang kaogmahan sa pag-iriba ninda. Asin sinda nagpaduruman pasiring sa kadagaan nin Jershon, asin pinagkuang pagsadirehon an kadagaan nin Jershon; asin sinda pinag-apud kan mga Nephita na mga katawohan ni Ammon; kun kaya sinda pinaglaen sa paagi kaining pangaran magpoon kaidto.

27 Asin sinda nasa pag-iriba nin mga katawohan kan Nephi, asin man napabilang sa pag-

iriba nin mga katawohan na yaraon sa simbahan nin Diyos. Asin sinda man napalaen nin huli kan saindang pagpapakatotoo mapanungod sa Diyos, asin man mapanungod sa mga tawo; nin huli ta sinda may pagkaperpekto na gayong honesto asin pagkamatanos sa gabos na mga bagay; asin sinda mapusog sa pagtubod ki Cristo, magin hanggan sa katapusan.

28 Asin saindang pinaghiling na an pagpapabulos nin dugo kan saindang mga katugangan bilang sarong pinakadakulang kaongisan; asin sinda naggad dae mapipirit na magkapot nin mga armas laban sa saindang mga katugangan; asin sinda dae naghihiling sa kagadanan na may anuman sikdo nin pagkatakot, nin huli kan saindang paglaom asin mga paniniwala ki Cristo asin an pagkabuhay-liwat; kun kaya an kagadanan pinaghalon na sa sinda sa paagi nin kapangganahan ni Cristo sa ibabaw kaini.

29 Kun kaya, sinda magsasapo nin kagadanan sa pinakamagabaton asin pinakamamondo na manera na puwedeng ipaghatol sa paagi kan saindang mga katugangan, bago pa man mangyari na kumapot nin espada o panusok sa paghampak sinda.

30 Asin kaya sinda nagin sarong makatotohanan asin namumutan na mga katawohan, sarong mas na pinaurog na mga katawohan nin Kagurangnan.

ALMA TSAPTER 28

An mga Lamanita nagkadaraog sa sarong dakulang ralabanan--- Mga makasampung manribo-ribo an nagkagaradan--- An makasalanon nagpasiring sa sarong estado nin daeng katapusan na pagtatangis; an mga matatanos nakaguno nin daeng-tapos na pagka-ogma.

Asin ngonian ini nangyaring naglipas na pagkatapos na mapamugtak na an mga katawohan ni Ammon sa kadagaan nin Jershon, asin may simbahan man na ipinagtugdok sa kadagaan nin Jershon, asin an mga kasoldaduhan kan mga Nephita ipinamugtak sa palibot kan kadagaan nin Jershon, iyo, sa gabos na mga sagkod sa palibot kan kadagaan nin Zarahemla; hilnga an mga kasoldaduhan kan mga Lamanita nagsunod sa saindang mga katugangan pasiring sa kaparangan.

2 Asin kaya nagkaigwa nin sarong dakulang ralabanan; iyo, magin ini an sarong dae pa naggad napabantog sa gabos na mga katawohan sa kadagaan magpoon pa sa panahon na si Lehi naghale sa Jerusalem; iyo, asin makasampung manribo-ribo kan mga Lamanita an nagkagaradan asin nagkawaratak-watak paharayo.

3 Iyo, asin man nagkaigwa nin sarong dakulang paggagaradan sa pag-iriba nin mga katawohan nin Nephi; daeng pagkukulang, an mga Lamanita nagdurulagan asin nagkawaratak-watak, asin an mga katawohan nin Nephi nagbaralik giraray sa saindang mga kadagaan.

4 Asin ngonian iyo ini an sarong panahon na nagkaigwa nin sarong dakulang pagkamundo asin pagtatangis na madadangog sa kabilugan kan gabos na kadagaan, sa pag-iriba kan gabos na mga katawohan nin Nephi---

An Simbahan ni Jesukristo nin Mga Banal sa Huring-aldaw 334
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

5 Iyo, an paghiribi kan mga balo na nagmumundo para sa saindang mga agom na lalake, asin man kan mga ama na nagmumundo para sa saindang mga akeng lalake, asin an mga kadaraghan para sa saindang mga tugang na lalake, iyo, an tugang na lalake para sa ama; asin kaya an paghibi nin pagmumundo nadangog sa pag-iriba ninda gabos, pagmumundo para sa saindang mga kalahi na nagkagaradan na.

6 Asin ngonian may kaseguruhan na iyo ini an sarong makamondo na aldaw; iyo, sarong panahon nin solemnidad, asin sarong panahon nin mas pang pag-aayuno asin pagpapangadye.

7 Asin kaya nagtapos an ika-kinseng taon nin pagpapamahala kan mga huwes sa mga katawohan nin Nephi;

8 Asin iyo ini an talaan ni Ammon asin kan saiyang mga katugangan, an saindang mga paglalakbay sa kadagaan nin Nephi, an saindang mga kasakitan sa kadagaan, an saindang mga kamondoan, asin saindang mga pagtitios, asin an saindang dae masasabutan na kaogmahan, asin pag-ako asin an kaligtasan kan mga katugangan sa kadagaan nin Jerushon. Asin ngonian lugod an Kagurangnan, an Paratubos nin gabos na mga tawo, magbendisyon kan saindang mga kalag sagkod pa man.

9 Asin iyo ini an talaan kan mga giyera asin mga pag-iiriwal-iwal sa mga pag-iriba kan mga Nephita asin kan mga Lamanita; asin an ika-kinseng taon kan pagpapamahala nin mga huwes nagtapos.

10 Asin magpoon sa enot na taon hanggan sa ika-kinse nagdara sa paglipas nin kapahamakan sa kadakul na rinibong buhay; iyo, iyo ini an nagdara na maglipas an sarong pano ni makangorongirhat na eksena nin pagbulos kan dugo.

11 Asin an mga hawak nin kadakul na mga rinibo nakahutad na gayo sa ibabaw nin daga, habang ang mga hawak nin kadakul na mga rinibo nagkaparatong-patong sa ibabaw nin lalawgon kan daga; iyo, asin kadakul na rinibo an nagmumundo para sa pagkawara kan saindang kalahi, nin huli ta sinda igwa nin rason na matakot, uyon sa mga pangako nin Kagurangnan, na sinda mapaduman sa sarong estado nin daeng katapusan na pagtatangis.

12 Habang an kadakul na mga rinibo kan mga iba man totoo naggad na nagmundo para sa kawaraan kan saindang mga kalahi, alagad sinda nag-oogma asin nagpapamuraway sa paglaom, asin nagin maaram, uyon sa mga pangako nin Kagurangnan, na sinda mabuhay-liwat tanganing mag-eerok sa may toong kamot nin Diyos, na yaon sa sarong estado nin mayong katapusan na kaogmahan.

13 Asin kaya satuyang mahihiling kun gurano kadakula an daeng pagkapantay-pantay nin tawo nin huli kan kasalanan asin kalapasan, asin an kapangyarihan kan diyablo, na minaabot sa paagi kan padayang mga plano na saiyang pinaggigibo tanganing siloon an mga puso nin mga tawo.

14 Asin kaya satuyang mahihiling an dakulang pangapudan nin pagmaigot nin mga tawo na magtrabaho sa mga ubasan nin Kagurangnan; asin kaya satuyang mahihiling an dakulang rason nin pagkamundo, asin man nin pagka-orogma--- pagkamondo nin huli kan kagadanan asin kapahamakan sa pag-iriba nin mga tawo, asin kaogmahan nin huli kan liwanag ni Cristo sa buhay.

ALMA TSAPTER 29

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

Si Alma nagmawot na magkurahaw nin pagsosolsol na may pagkapatotoo na arog kan anghel--- An kagurangnan nagtao nin mga paratukdo para sa gabos na mga nasyon--- Si Alma nagpamuraway sa gibo nin Kagurangnan asin sa trayumpo ni Ammon asin kan saiyang mga katugangan.

O na ako kuta na sarong anghel, asin kuta na igwa nin pagmamawot sa sakuyang puso, na ako mapaduman asin magtaram na may trumpa nin Diyos, may sarong boses na makapagpayugyog nin kinaban, asin magkurahaw nin pagsosolsol sa lambang katawohan!

2 Iyo, ako magdedeklara sa lambang kalag, na may arog sa boses nin daguldol, pagsosolsol asin an plano nin pagtutubos, na tanganing sinda magsosolsol asin magdulok sa satuyang Diyos, na tanganing dae na magkakaigwa pa nin dagdag na pagkamundo sa kabilugan na lalawgon kan kinaban.

3 Pero hilnga, ako sarong tawo, asin nakakagibo nin kasalanan sa sakuyang pagmamawot; nin huli ta ako dapat na magin kontento sa mga bagay na an Kagurangnan iyo an nagpalaen para sakuya.

4 Ako dae dapat na ipaggiit an sakuyang mga kamawotan, an pusog na dekritito nin sarong hustong Diyos, nin huli ta ako nakakaaram na saiyang pinagtatao sa mga tawo an uyon sa saindang kamawotan, magin ini mangyari na pasiring sa kagadanan o pasiring sa buhay; iyo, ako nakakaaram na saiyang pinagpapalaen sa mga tawo, iyo, nagsugo sa sainda nin mga dekritito na dae mababago, na uyon sa saindang mga kagustuhan, magin an mga ini mangyari pasiring sa kaligtasan o pasiring sa kapahamakan.

5 Iyo, asin ako nakakaaram na an marhay asin maraot nag-abot sa atubangan nin gabos na mga tawo; siya na dae nakakaaram nin marhay gikan sa maraot daeng kabasolan; pero siya na nakakaaram nin marhay asin maraot, saiya itinatao an uyon sa saiyang mga kamawotan, magin saiyang ipinagmamawot an marhay o an maraot, buhay o kagadanan, kaogmahan o kaguyakuyan nin konsensiya.

6 Ngonian, nahihiling na ako nakakaaram kaining mga bagay, tadaw ta dapat pa akong magmawot nin mas pa na tanganing gibohon an trabaho na kun saen ako pinag-apudan?

7 Tadaw ta dapat pa akong magmawot na ako kuta na dapat sarong anghel, na tanganing ako makapagtaram sa gabos na mga puro nin kinaban?

8 Nin huli ta hilnga, an Kagurangnan an naggigibong itao sa gabos na mga nasyon, sa saindang sadireng nasyon asin dila, na tanganing magtukdo kan saiyang mga tataramon, iyo, na yaon sa kadunungan, an gabos na saiyang nahihiling na maninigo na sinda dapat na magkaigwa; kun kaya satuyang mahihiling na an Kagurangnan naggigibong magpahayag na may kadunungan, na uyon sa kahustuhan asin katotoohan.

9 Ako nakakaaram kaidtong bagay na an Kagurangnan iyo an nagsugo sakuya, asin ako nagpamuraway kaini. Ako dae nagpamuraway para sa sakuyang sadire, pero ako nagpamuraway sa mga bagay na an Kagurangnan iyo an pinagsusugo sakuya; iyo, asin iyo ini an sakuyang kamurawayan, na baka ako puwedeng magin sarong instrumento sa mga kamot nin Diyos na tanganing magdara nin mga kalag pasiring sa pagsosolsol; asin iyo ini an sakuyang kaogmahan.

10 Asin hilnga, kan ako makahiling nin kadakul kong mga katugangan na tunay na

An Simbahan ni Jesukristo nin Mga Banal sa Huring-aldaw 336
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagpenitensiya, asin nagdudulok sa Kagurangnan na saindang Diyos, saka pa lamang ako nakagiromdom kun ano baya an naginibohan nin Kagurangnan para sakuya, iyo, na saiyang nadangog an sakuyang pangadyeon; iyo, saka pa lamang ako nakagiromdom kan saiyang maheherakon na takyag na saiyang ipinag-unat pasiring sakuya.

11 Iyo, asin ako man nakagiromdom sa pagkasakop kan sakuyang mga ama; nin huli ta ako nakakasegurong may pagkaaram na an Kagurangnan naghimong iligtas sinda paluwas sa pagka-uripon, asin sa paaging ini pinag-establisa an saiyang simbahan; iyo, an Kagurangnan Diyos, an Diyos ni Abraham, an Diyos ni Isaac, asin an Diyos ni Jacob, iyo an nagligtas sinda paluwas sa pagka-uripon.

12 Iyo, sakuya pirmeng nagigiromdoman an pagkasakop kan sakuyang mga ama; asin iyo man sanang Diyos an nagligtas sinda paluwas sa mga kamot kan mga Ehipsiyano an nagligtas sinda paluwas sa pagka-uripon.

13 Iyo, asin an iyo man sanang Diyos an nag-establisa kan saiyang simbahan sa pag-iriba ninda; iyo, asin na iyo man sanang Diyos an nag-apud sakuya sa paagi nin sarong banal na pangangapudan, na tanganing magbalangibog nin tataramon para kaining mga katawohan, asin ngani iyo an nakapagtao sakuya nin grabeng trayumpo, na kun saen an sakuyang kaogmahan napano.

14 Pero ako dae nag-oogma sa sadire ko man sanang trayumpo, pero an sakuyang kaogmahan mas lalong napanoan nin huli kan trayumpo kan sakuyang mga katugangan, na naggikan pa sa kadagaan nin Nephi.

15 Hilnga, sinda nagtrabahong gayo, asin nakapagdara nin kadakul na mga bunga; asin gurano daw kadakula an magi nindang premyo!

16 Ngonian, kan ako makapaghorop-horop na kan trayumpo kaining sakuyang mga katugangan an sakuyang kalag dinara paharayo, magin hanggan sa pagseparar kaini gikan sa hawak, arog kaidto, grabeng gayo an sakuyang kaogmahan.

17 Asin ngonian lugod an Diyos iyo an magtatao sinda, na sakuyang mga katugangan, na tanganing sinda puwedeng magtukaw sa kahadean nin Diyos; iyo, asin man an gabos sinda na iyo an bunga kan saindang mga pagtrabaho na sinda dae magpasiring sa luwas, pero na sinda puwedeng mag-omaw saiyang sagkod pa man. Asin lugod an Diyos maggawad na ini puwedeng mangyayari na uyon sa sakuyang mga tataramon, magin habang ako nagtataram pa sana. Amen.

ALMA TSAPTER 30

Si Korihor, an anti-Cristo, pinagbasang-basang si Cristo, an pagbabayad-sala, asin an espiritu nin propesiya--- Siya nagtutukdo na mayong Diyos, mayong pagkahulog nin tawo, mayong kabayadan an kasalanan, asin mayong Cristo--- Si Alma nagpatotoo na si Cristo maabot asin an gabos na mga bagay nagpapatunay na igwa nin sarong Diyos--- Si Korihor naghagad nin senyal asin nagin pola--- An diyablo nagpahiling ki Korihor

An Simbahan ni Jesukristo nin Mga Banal sa Huring-aldaw

337

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

bilang sarong anghel asin tinukdoan siya kun ano an mga sasabihon--- Siya pinagturungtungan asin nagadan.

Hilnga, ngonian ini nangyaring naglipas na pagkatapos na an mga katawohan ni Ammon naipamugtak na sa kadagaan nin Jershon, iyo, asin man pagkatapos na an mga Lamanita napadulag na paluwas sa kadagaan, asin an saindang mga gadan pinagrulubong na kan mga katawohan nin kadagaan---

2 Ngonian an saindang mga gadan dae mabilang nin huli sa kagulpihan kan saindang mga numero; ni an mga gadan na Nephita binilang--- pero ini nangyaring naglipas pagkatapos na saindang pinaglubong na an saindang mga gadan, asin man sa pagkatapos kan mga aldaw nin pag-aayuno, asin pagmumundo, asin pagpapangadye, (asin idto nangyari kan ika-desisais na taon kan pagpapamahala kan mga huwes sa mga katawohan nin Nephi) na nagpoon na magkaigwa nin katuninongan sa kabilugan kan gabos na kadagaan.

3 Iyo, asin an mga katawohan nag-observa na pagsunudon an mga kasugoan nin Kagurangnan; asin sinda nagin estriktong gayo sa pag-utob kan mga ordinansa nin Diyos, na uyon sa ley ni Moises; nin huli ta sinda pinagtukdoan na magsunod sa ley ni Moises hanggan sa ini nangyaring mautob.

4 Asin kaya an mga katawohan dae nagkaigwa nin kariribokan sa kabilugan nin ika-desisais na taon nin pagpapamahala kan mga huwes sa mga katawohan nin Nephi.

5 Asin ini nangyaring naglipas na sa pagpoon kan ikaw desisiyeteng taon nin pagpapamahala kan mga huwes, nagkaigwa nin padagos na katuninongan.

6 Pero ini nangyaring naglipas na sa pinakahuring parte kan ika-desisiyeteng taon, igwa nin sarong tawo na nag-abot sa kadagaan nin Zarahemla, asin siya iyo an Anti-Cristo, nin huli ta siya nagpoon na magbalangibog sa mga katawohan kontra sa mga propesiya na ipinagtararam kan mga propeta, manungod sa pag-abot ni Cristo.

7 Ngonian mayo nin sarong ley na nagbabawal sa sarong paniniwala nin tawo; nin huli ta ini estriktong kontra sa mga kasugoan nin Diyos na magkaigwa nin sarong ley na magdadara sa mga tawo pasiring sa bakong pantay na mga kamugtakan.

8 Nin huli ta kaya nagsabi an kasuratan: Magpili kamo ngonian na aldaw, kun kiisay kamo gustong magsirbe.

9 Ngonian kun an sarong tawo nagmamawot na magsirbe sa Diyos, ini iyo an saiyang pribilihiyo; o kun baya, kun siya nagtutubod sa Diyos ini iyo an saiyang pribilihiyo na magsirbe saiya; pero kun siya daeng paniniwala sa saiya mayong ley na magpapadusa saiya.

10 Pero kun siya manggagadan siya padudusahan nin kagadanan; asin kun siya mananalakat siya man padudusahan; asin kun siya manhabon siya man padudusahan; asin kun siya nakagibo nin adulteryo siya man padudusahan; iyo, nin huli kan gabos na ining kadaendatahan sinda pinagpapadusahan.

11 Nin huli ta igwa nin sarong ley na an mga tawo dapat na paghukuman na uyon sa saiyang mga krimen. Daeng pagkukulang, mayong ley kontra sa pagtubod nin sarong tawo; kun kaya, an sarong tawo pinagpapadusahan sana nin huli kan mga krimen na saiyang nakaginibohan; kun kaya an gabos na mga tawo may pantay na kamugtakan.

12 Asin ining Anti-Cristo, na an pangaran iyo si Korihor, (asin an ley mayong kakusganan sa saiya) nagpoon na magbalangibog sa mga katawohan na dae

magkakaigwa nin Cristo. Asin sa arog kaining manera siya nagbabalangibog na nagsasabi:

13 O kamo na nagkagapos sa irarom nin sarong kalokohan asin sarong daeng kamugtakan na paglaom, tadaw ta pinapagabatan nindo an saindong mga sadire nin arog kaining kalokohang mga bagay? Tadaw ta kamo naghahanap nin sarong Cristo? Nin huli ta mayong tawo an nakakaaram nin anuman na bagay na paabuton pa sana.

14 Hilnga, ining mga bagay na saindang pinag-aapud na mga propesiya, na saindong pinagsasabi na ipinagpasa-pasa sa paagi nin banal na mga propeta, hilnga, sinda mga kalokohang mga tradisyon kan saindong mga ama.

15 Paano daw nindo maaaraman an saindang katotoohan? Hilnga, kamo dae makakaaram nin mga bagay na dae nindo nahihiling; kun kaya kamo dae makakaaram na magkakaigwa nin sarong Cristo.

16 Kamo naghiling na naglalaom asin nagsasabi na kamo makakahiling nin sarong kapatawaran kan saindong mga kasalanan. Pero hilnga, ini sarong epekto nin sarong napupurisaw na kaisipan; asin ining karibongan kan saindong mga isip nangyari nin huli kan mga tradisyon nin saindong mga ama, na iyo an nagdadara saindo paharayo pasiring sa sarong paniniwala kan mga bagay na bako man dapat.

17 Asin kadakul pang gayong mga bagay na saiyang sinabi sa sainda, nagsasabe sainda na dae puwedeng magkakaigwa nin sarong pagbabayad-sala na gigibohon para sa mga kasalanan nin mga tawo, pero an lambang tawo namumuhay sa buhay na ini na uyon sa pagmamaneho kan pinaglalang; kun kaya an lambang tawo mina-asenso na uyon sa saiyang kahenyuhan, asin ta an lambang tawo nadadaog na uyon sa saiyang kusog; asin an anuman na ginigibo nin sarong tawo bakong krimen.

18 Asin kaya siya nagbabalangibog sa sainda, pinagpapangenotan na mairayo an mga puso nin kadaklan, na nagkakausa sainda na magpapalangkaw kan saindang mga payo sa saindang kadaendatahan, iyo, pinagpapangenotan na mairayo an kadakul na mga babae, asin man kalalakihan, na gumibo nin mga karumputan--- sinasabi sainda na kun an sarong tawo gadan na, iyo na an katapusan niya.

19 Ngonian an tawong ini nagpasiring man sa kadagaan nin Jershon, na tanganing ipagbalangibog an mga bagay na ini sa kairibahan kan mga katawohan ni Ammon, na kaidto nagin mga katawohan kan mga Lamanita.

20 Pero hilnga sinda mas madunong pa kesa sa kadakul na mga Nephita; nin huli ta sainda siyang dinakop, asin ginarapos siya, asin pinagdara siya sa atubangan ni Ammon, na sarong halangkaw na pade kaining mga katawohan.

21 Asin ini nangyaring naglipas na siya nagkausa na siya dapat na darahon paluwas nin kadagaan. Asin siya nagpasiring sa kadagaan nin Gideon, asin nagpoon na magbalangibog man sa sainda; asin digde dae siyang gayo nagin matrayumpo, nin huli ta siya dinarakop asin ginarapos asin dinara sa atubangan nin halangkaw na pade, asin man sa pinakapamayong huwes nin kadagaan.

22 Asin ini nangyaring naglipas na an halangkaw na pade nagsabi sa saiya: Tadaw baya ta ika nagparalibot sa paglalawgaw kan mga dalan nin Kagurangnan? Tadaw baya ta ikaw nagtutukdo kaining mga katawohan na dae magkakaigwa nin Cristo, na tanganing risgohon an saindang mga pag-oorogma? Tadaw baya ta ikaw nagtataram nin kontra sa gabos na mga propesiya kan banal na mga propeta?

23 Ngonian an halangkaw na pade may pangaran na Giddonah. Asin si Korihor nagsabi

An Simbahan ni Jesukristo nin Mga Banal sa Huring-aldaw

339

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sa saiya: Nin huli ta ako dae nagtutukdo kan mga kalokohang tradisyon nin saindong mga ama, asin nin huli ta ako dae nagtutukdo kaining mga katawohan na igapos an saindang mga sadire sa irarom nin kalokohan na mga ordinansa asin mga paggigibo na ipinagtaong pamana kan suanoy na mga kapadean, na tanganing magkaramkam nin kapangyarihan asin awtoridad na mangingibabaw sainda, na tanganing sinda yaon sana sa pagin-ignorante, na sinda puwedeng dae magpalangkaw kan saindang mga payo, pero dadarahon pababa na uyon sa saimong mga tataramon.

24 Ika nagsasabi na ining mga katawohan sarong libreng mga katawohan. Hilnga, ako nagsasabi na sinda yaon sa pagka-uripon. Ika nagsasabi na ining suanoy na mga propesiya totoo. Hilnga, ako nagsasabi na ikaw mismo dae nakakaaram na an mga ini totoo.

25 Ika nagsasabi na ining mga katawohan sarong nagkasala asin sarong nahulog na mga katawohan, nin huli kan kalapasan nin sarong magurang. Hilnga, ako nagsasabi na an sarong ake bakong nagkasala nin huli kaining mga magurang.

26 Asin ika man nagsasabi na si Cristo maabot. Pero hilnga, ako nagsasabi na ika dae nakakaaram na magkakaigwa nin sarong Cristo. Asin ikaw nagsasabi man na siya gagadanon nin huli kan mga kasalanan nin mundo---

27 Asin kaya ikaw nangengenotan na iharayo ining mga katawohan susog sa kalokohang mga tradisyon nin saindong mga ama, asin uyon sa saimong sadireng mga kawamotan; asin saimo sindang pinupugulan pababa, na arog baga na ini yaon sa pagka-uripon, na ikaw puwedeng magpabundat kan saindong mga sadire kan mga pinagpagalan kan saindong mga kamot, na sinda dae makapaghiling paitaas na may kaisogan, asin na sinda dae magtatamasa kan saindang mga karapatan asin mga pribilihiyo.

28 Iyo, sinda dae naggibong magamit an saindang mga pagsadire na baka na saindang mapakulgan boot an saindang mga kapadean, na iyo an naggibong pagpagabat sainda na uyon sa saindang mga kamawotan, asin nagdara sainda na maniwala, sa paagi kan saindang mga tradisyon asin kan saindang mga pangiturugan asin kan saindang mga kagustuhan asin kan saindang mga bisyon asin kan saindang sagin-sagin na mga misteryo, na sinda dapat, kun sinda dae naggibo na uyon sa saindang mga tataramon, makapagpakulog bot kan iba na bakong bantog na nilalang, na saindang pinagsasabi na iyo an Diyos--- sarong nilalang na dae pa lamang nahiling o namidbidan, na iyo an bako na maski noarin dae magigin iyo.

29 Ngonian kan an mga halangkaw na pade asin an pamayong huwes nahiling an katagasan kan saiyang puso, iyo, kan saindang mahiling na siya nagbabasang-basang na magin kontra sa Diyos, sinda habong humimong magsimbag nin anuman sa saiyang mga tataramon; pero sinda nagkausa na siya dapat na gapuson; asin sainda siyang ipinagtao pasiring sa mga kamot kan mga opisyal, asin ipinadara siya pasiring sa kadagaan nin Zarahemla, na tanganing siya puwedeng madara sa atubangan ni Alma, asin an pamayong huwes iyo an gobernador sa bilog na kadagaan.

30 Asin ini nangyaring naglipas na kan siya pinagdara sa atubangan ni Alma asin sa pamayong huwes, siya naggad naghimo sa kaparehong manera na arog kan saiyang ginibo sa kadagaan nin Gideon; iyo, siya naggigo nin kabasangan.

31 Asin siya nagtindog na may dakulang kalangkawan na mga tataramon sa atubangan ni Alma, asin nagtuya-tuya laban sa mga kapadean asin mga paratukdo, inaakusaran sinda na pinagdadara paharayo an mga katawohan sa mga kalokohang tradisyon kan saindang

mga ama, para lamang sa pagpakabasog gikan sa mga kapagalan nin mga katawohan.

32 Ngonian si Alma nagsabi sa saiya: Ika mismo nakakaaram na dae kami nagpakabasog kan samuyang mga sadire gikan sa mga kapagalan kaining mga katawohan; nin huli ta hilnga ako nagtrabaho magin magpoon pa kan pagpoon nin pagpapamahala nin mga huwes hanggan ngonian, na gamit an sadireng mga kamot para sa sakuyang suporta, na maski na ngani ako nagbibiyaha nin kadakul na beses sa palibot kaining kadagaan na tanganing ideklara an tataramon nin Diyos sa sakuyang mga katawohan.

33 Asin maski na ngani sa kadakul na pagpapagal na sakuyang pinaggibo sa laog nin simbahan, ako dae lamang nakaresibe nin grabe nin sarong senine para sa sakuyang kapagalan; ni sa kiisay na sakuyang mga katugangan, laen lang idtong itinao sa tukawan nin paghuhukom; asin pagkatapos kami nakaresibe lamang idtong uyon sa ley para sa samuyang panahon.

34 Asin ngonian, kun kami dae magresibe nin anuman na bagay para sa samuyang pagpapagal sa simbahan, ano man baya an kapakinabangan samuya na tanganing magtrabaho sa laog kan simbahan kundi an pagdeklara nin katotoohan, na bayga kami magkakaigwa nin mga kaogmahan sa kaogmahan kan samuyang mga katugangan?

35 Pagkatapos ngonian tadaw ta nagsasabi ka na kami nagparabalangibog sa mga katawohang ini na tanganing kami mahinggianan, na kun baya ika, sa saimong saidre mismo, nakakaaram na gayo na kami dae nakakaresibe nin ganada? Asin ngonian, nagtutubod kang gayo na kami an nandadaya kaining mga katawohan, na iyo an nagkausa nin kaogmahang gayo sa saindang mga puso?

36 Asin si Korihor nagsimba saiya, Iyo.

37 Asin pagkatapos si Alma nagsabi sa saiya: Nagtutubod ka daw nin gayo na igwa nin sarong Diyos?

38 Asin siya nagsimbag, Dae.

39 Ngonian si Alma nagsabi sa saiya: Magsumbikal ka man giraray na igwa nin sarong Diyos, asin man magsikwal ki Cristo? Nin huli ta hilnga, ako nagsasabi sa saimo, ako nakakaaram na igwa nin sarong Diyos, asin man na si Cristo maabot.

40 Asin ngonian ano bayang ebidensiya na igwa ka na mayong Diyos, o na si Cristo dae maabot? Ako nagsasabi sa saimo na mayo ka, laen lang na ini saimo sanang tataramon.

41 Pero hilnga, ako igwa nin gabos na mga bagay bilang sarong patotoo na an mga bagay na ini katotohanan; asin ikaw man igwa nin gabos na mga bagay bilang sarong patotoo sa saimo na an mg aini katotoohan; asin ikaw magsisikwal kan mga ini?

42 Hilnga, ako nakakaaram na ikaw nagtutubod na gayo, pero ika nasasaniban nin sarong nagpuputik na espiritu, asin saimong pinabayaan an Espiritu nin Diyos na tanganing ini mayong kamumugtakan sa sadire mo; alagad an diyablo igwa nin kapangyarihan na mangingibabaw saimo, asin siya an nagdadara sa saimo sa paglibot, naggigibo nin mga kagamitan na tanganing saiyang madedestroso an mga kaakian nin Diyos.

43 Asin ngonian si Korihor nagsabi ki Alma: Kun ika makapaghiling sakuya nin sarong tanda, na tanganing ako puwedeng makumbinse na igwa nin sarong Diyos, iyo, ipagpahiling mo sakuya na siya may kapangyarihan, asin pagkatapos ako mangyaring makukumbinse kan katotoohan kan saimong mga tataramon.

44 Alagad si Alma nagsabi sa saiya: Ika nagkaigwa nang gayo nin mga senyales; saimo pang tetentaran an saimong Diyos? Ta ika nagsasabi, magpahiling sa saimo nin sarong

tanda, na ika ngani igwa nin patotoo kan bilog kaini na saimong mga katugangan, asin man kan gabos na banal na mga propeta? An mga kasuratan nakalatag na sa atubangan mo, iyo, asin an gabos na mga bagay nagpapatunay na igwa nin sarong Diyos; iyo, magin an kinaban, asin an gabos na mga bagay na yaraon sa lalawgon kaini, iyo, asin an paghiro kaini, iyo, asin man an gabos na mga planeta na naghihiro sa saindang regular na porma naggibong magtestigo na igwa nin sarong Supremong Kaglalang.

45 Asin alagad ika naglakaw sa paglibot, pinagdadaya an mga puso kaining mga katawohan, nagtetestimonya sa sainda na mayong Diyos? Asin alagad ika mismo magsisikwal laban sa gabos na ining mga testigo? Asin siya nagsabi: Iyo, ako magsisikwal, laen lang kun ika makapagpahiling sakuya nin sarong tanda.

46 Asin ngonian ini nangyaring naglipas na si Alma nagsabi sa saiya: Hilnga, ako nakukulgan nin huli kan katagasan nin saimong puso, iyo, na ikaw giraray makipagkontra sa espiritu nin katotoohan, na tanganing an saimong kalag puwedeng madestroso.

47 Pero hilnga, ini marhay na an saimong kalag dapat na mawara kesa na ika an magigin paagi na pagdarahon an kadakul na mga kalag pababa sa kapahamakan, sa paagi kan saimong pagpuputik asin sa paagi kan saimong pambobolang mga tataramon; kun kaya kun saimong ipagsikwal giraray, hilnga an Diyos maghahampak saimo, na tanganing ika magin pola, na tanganing ika dae na makapagbukaw pa kan saimong nguso, na tanganing ika dae na makapagdaya pa kaining mga katawohan.

48 Ngonian si Korihor nagsabi sa saiya: Ako dae nagsisikwal sa pagkakaigwa nin sarong Diyos, pero ako dae naniniwala na igwa nin sarong Diyos; asin ako nagsasabi man, na ika dae nakakaaram na igwa nin sarong Diyos; asin laen lang kun ika makapagpapahiling sakuya nin sarong tanda, ako dae maniniwala.

49 Ngonian si Alma nagsabi sa saiya: Iyo ini ako magtatao sa saimo para magin sarong tanda, na ika hahampakon na magin pola, na uyon sa sakuyang mga tataramon; asin ako nagsasabi, na sa pangaran nin Diyos, ika hahampakon na magin pola, na tanganing ika dae na makapagtaram pa.

50 Ngonian kan si Alma makapagsabi na kaining mga tataramon, si Korihor hinampak na magin pola, na siya dae makapagtaram na, uyon sa mga tataramon ni Alma.

51 Asin ngonian kan an pamayong huwes nahiling ini, saiyang ginamit an kamot niya asin nagsurat ki Korihor, na nagsasabi: Kumbinsido ka na sa kapangyarihan nin Diyos? Sa paagi niya ika nagmawot na si Alma makapagpahiling kan saiyang tanda?

Makapaghuna ka daw na siya makapagpasakit sa iba man, na tanganing maipahiling saimo nin sarong tanda; asin ngonian makapagkontra ka pa daw nin iba?

52 Asi si Korihor ginamit an saiyang kamot asin nagsurat, na nagsasabi: Ako nakakaaram na ako pola, nin huli ta ako dae na makapagtaram; asin ako nakakaaram na mayo nang iba kundi bakong sa kapangyarihan nin Diyos na madara ini sa atubangan ko; iyo, asin ako pirmeng nakakaaram na igwa nin sarong Diyos.

53 Pero hilnga, an diyablo an nagdaya sakuya; nin huli ta siya nagpahiling sa sakuya sa porma nin sarong anghel, asin nagsabi sa sakuya: Lakaw asin bawia ining mga katawohan, nin huli ta sinda gabos nagkaralawigaw sa pagsunod nin sarong dae nabibistong Diyos. Asin siya nagsabi sa sakuya: Mayong Diyos; iyo, asin siya an nagtukdo sakuya kaidtong sakuyang ipinagsabi na. Asin ako nakapagtukdo kan saiyang mga tataramon; asin ako nakapagtukdo kan mga ini nin huli ta an mga ini marahay-rahay

An Simbahan ni Jesukristo nin Mga Banal sa Huring-aldaw

342

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sa karnal na isip; asin ako nakapagtukdo kan mga ini, magin hanggan sa ako nagkaigwa nin gulping trayumpo, na grabeng gayo sa pagtubod ko na sinda katotoohan; asin nin huli kaining dahilan ako nanindugan sa katotoohan, magin hanggan sa sakuyang nadara ining dakulang sumpa sa sakuya.

54 Ngonian kan saiyang naisabi ini, siya nakiolay na si Alma magpangadye sa Diyos, na tanganing an sumpa puwedeng mawara gikan saiya.

55 Pero si Alma nagsabi sa saiya: Kun ining sumpa dapat na haleon gikan saimo ika puwede man giraray na makapagdara paharayo kan mga puso kaining mga katawohan; kun kaya, ini mapapasaimo magin hanggan sa an Kagurangnan magusto pa.

56 Asin ini nangyaring naglipas na an sumpa dae naggad hinale ki Korihor; pero siya pinagpahale, asin nagpaduman sa palibot gikan sa harong pasiring sa sarong harong na nagpapalimos para sa saiyang kakanon.

57 Ngonian an pagkaaram na kun ano an nangyari ki Korihor tulos na ipinagpabantog sa kabilugan nin gabos na kadagaan; iyo, an proklamasyon ipinadara sa paagi kan pamayong huwes pasiring sa gabos na mga katawohan nin kadagaan, nagpapahayag sa sainda na nakapagtubod sa mga tataramon ni Korihor na sinda kaipuhang gayo na hidaling magsosolsol, na baka kaparehong kahukuman an mag-abot sa sainda.

58 Asin ini nangyaring naglipas na sinda gabos nakumbinse sa kadaendatahan ni Korihor; kun kaya sinda gabos nagkabarag-o giraray para sa Kagurangnan; asin ini an nakapagpa-untok sa pandadaya na susog sa manera ni Korihor. Asin si Korihor naglakaw sa palibot gikan sa sarong harong pasiring sa sarong harong, nagpapakilimos nin kakanon para sa saiyang suporta.

59 Asin ini nangyaring naglipas na habang siya nagpapapakilimos sa mga katawohan, iyo, sa pag-iriba nin sarong katawohan na naglaen kan saindang mga sadire sa mga Nephita asin pinag-apud an saindang mga sadire na mga Zoramita, bilang pinapamayuhan ni sarong tawo na an pangaran iyo si Zoram--- asin habang siya nakikipag-ibahan sa sainda, hilnga, siya nasagasaan asin nagkaturong-tungan, magin hanggan siya nagadan.

60 Asin kaya satuyang nahiling an katapusan niya na nagpapalawigaw kan mga dalan nin Kagurangnan; asin kaya satuyang nahiling na an diyablo dae nagsusuporta kan saiyang kaakian sa huring aldaw, alagad hidaling gibohon na kalakkadon sinda pababa pasiring sa impiyerno.

ALMA TSAPTER 31

Si Alma nagpamayo sa sarong misyon na tanganing bawion an mga Zoramita na nagtalikod sa katotoohan--- An mga Zoramita nagsikwal ki Cristo, naniwala sa sarong palsong konsepto nin pagpipili, asin an pagsamba na may nakatakda nang mga pangadyeon--- An mga misyonero napano nin Banal na Espiritu--- An saindang mga pagpapakasakit hinalon nin kaogmahan ki Cristo.

Ngonian ini nangyaring naglipas na pagkatapos nin kagadanan ni Korihor, si Alma na *An Simbahan ni Jesukristo nin Mga Banal sa Huring-aldaw* 343
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nakaresibe nin mga bareta na an mga Zoramita pinagpapalawigaw an mga dalan nin Kagurangnan, asin ta si Zoram, na iyo an saindang lider, iyo an nangengenotan sa mga puso nin mga katawohan na magduko sa mga bungog na mga diyos-diyusan, an saiyaing puso giraray nagpoon na makulugan nin huli kan kadaendatahan nin mga katawohan.

2 Nin huli ta ini iyo an nagkausa nin dakulang kamondoan ki Alma na maaraman an daendatahan sa pag-iriba kan saiyaing mga katawohan; kun kaya an saiyaing puso grabeng gayo an pagkamondo nin huli sa pagpalaen kan mga Zoramita sa mga Nephita.

3 Ngonian an mga Zoramita nagkatiripon kan saindang mga sadire na magkasararo sa sarong kadagaan na saindang pinag-apud na Antionum, na yaon sa may sirangan nin kadagaan kan Zarahemla, na yaon sa may haraning parte sa may kasagkoran nin baybayon, na yaon sa may timog nin kadagaan kan Jerushon, na iyo man an nagsasagkod sa may timog na parte nin kaparangan, na an kaparangan na ini pano-pano nin mga Lamanita.

4 Ngonian an mga Nephita dakula an pagkatakot na an mga Zoramita puwedeng lumalaog sa sarong kasundoan sa mga Lamanita, asin na ini an magigin sarong paagi nin dakulang pagkawara sa parte kan mga Nephita.

5 Asin ngonian, habang an pagbabalangibog nin tataramon nagkaigwa nin sarong dakulang pagkakataon na makapag-akay sa mga katawohan na gumibo nin bagay na husto--- iyo, ini nagkaigwa nin mas grabeng makapangyarihan na epekto sa mga isip nin mga katawohan kesa sa espada, o ano pa mang bagay, na nangyari na sa sainda--- kun kaya si Alma naka-isip na ini kapakinabangan na sinda dapat na subukon an birtud kan tataramon nin Diyos.

6 Kun kaya saiyaing piang-iba si Ammon, asin si Aaron, asin si Omner; asin si Himni an saiyaing ipinawalat sa simbahan sa Zarahemla; pero an tulo iyo an pinag-iba niya, asin man si Amulek asin Zeezrom, na kaidto yaon sa Melek; asin saiya man pinag-iba an duwa niyang akeng lalake.

7 Ngonian an pinakamatua kan saiyaing akeng lalake an dae niya pinag-iba, asin an saiyaing pangaran iyo si Helaman; alagad an pangaran ninda na saiyaing pinag-iba iyo sinda Shiblun asin Corianton; asin iyo ini an mga pangaran ninda na nag-iriba saiya pasiring sa mga Zoramita, na tanganing magbalangibog sa sainda nin tataramon.

8 Ngonian an mga Zoramita iyo an mga paratiwalag gikan sa mga Nephita; kun kaya sinda nagkaigwa nin tataramon nin Diyos na ipinagtukdo sa sainda.

9 Pero sinda nagkahurulog pasiring sa darakulang mga kasuwailan, nin huli ta sinda habong mag-oberba na magsunod sa mga kasugoan nin Diyos, asin kan saiyaing mga patakaran, na uyon sa ley ni Moises.

10 Ni magustong mag-oberba na gumibo kan mga gigibohon sa simbahan, na magpadagos sa pagpapangadye asin paghahagad sa Diyos sa aro-aldaw, na tanganing sinda dae puwedeng makalaog pasiring sa tentasyon.

11 Iyo, sa halipot na tataramon, saindang pinaglawigaw an mga dalan nin Kagurangnan sa grabe kadakul na mga pagkakataon; kun kaya, sa kadahilanang ini, si Alma asin an saiyaing mga katugangan nagpasiring duman sa kadagaan na tanganing magbalangibog nin tataramon sa sainda.

12 Ngonian, kan sinda nakaabot na sa kadagaan, hilnga, sa saindang kangangalasan nanagboan ninda na an mga Zoramita nagturugdok nin mga sinagoga, asin na sinda nagtitiripon-tipon kan saindang mga sadire na magkasararo sa sarong aldaw nin semana,

na an aldaw na idto saindang pinag-apud na aldaw nin Kagurangnan; asin sinda naggad nagsasamba susog sa sarong manera na si Alma asin an saiyang mga katugangan dae pa nakahiling;

13 Nin huli ta sinda nagkaigwa nin sarong lugar na ipinagtugdok sa tahaw kan saindang sinagoga, sarong lugar para sa pagtitindog, na halangkaw sa kaibabawan nin payo; asin an itaas kaini makapagpalaog sana nin sarong persona.

14 Kun kaya, an siisay man an nagmawot na magsamba kaipuhan na maglaog asin magtindog sa itaas kaini, asin ipag-unat an saiyang mga kamot pasiring sa kalangitan, asin magkukurahaw na may makusog na boses, na nagsasabi:

15 Banal, banal na Diyos, kami nagtutubod na ika Diyos, asin kami nagtutubod na ika banal, asin na ika dating sarong espiritu, asin na ika naggad sarong espiritu, asin na ikaw magigin sarong espiritu sagkod pa man.

16 Banal na Diyos, kami nagtutubod na saimo kaming pinalaen sa samuyang mga katugangan; asin kami daeng pagtubod sa tradisyon kan samuyang mga katugangan, na ipinagpamana sainda sa paagi nin kaisipang pan-ake kan saindang mga ama; alagad kami nagtutubod na ika an nagpili samuya na magin saimong banal na kaakian; asin man saimong hinimo na ini mapabantog sa samuya na dae naggad magkaigwa nin Cristo.

17 Alagad iyo man sana kasuodma, ngonian, asin sagkod pa man; asin saimo kaming pinili na tanganing kami makakaligtas, habang an gabos na nakapalibot samuya iyo an mga pinili na magsapo nin saimong kaanggutan pababa pasiring sa impiyerno; nin huli kaiming kabanalan, O Diyos, kami nagpapasalamat saimo; asin kami man nagpapasalamat saimo na saimo kaming pinili, na tanganing kami dae puwedeng pangenotan paharayo susog sa kalokohang mga tradisyon kan samuyang mga katugangan, na iyo an nakapaggapos sainda pasiring sa sarong pagtubod ki Cristo, na iyo an nangengenot sa saindang mga puso na malagalag paharayo saimo na samuyang Diyos.

18 Asin giraray kami nagpapasalamat, O Diyos, na kami sarong pinili asin sarong banal na katawohan. Amen.

19 Ngonian ini nangyaring naglipas na pagkatapos na si Alma asin an saiyang mga katugangan asin an saiyang mga akeng lalake nakadangog kaining mga pangadyeon, sinda napagngalas na gayo na mayong kasukulan.

20 Nin huli ta hilnga, an lambang tawo naggad minapaduman asin nagdudulot paitaas kaining kaparehong mga pangadyeon.

21 Ngonian an lugar pinag-apud ninda na Rameumpton, na kun interpretaron, iyo an banal na pagtindog.

22 Ngonian, gikan kaining pagtindog sinda naggad nagdudulot paitaas, an lambang tawo, sa kaparehong pangadyeon sa Diyos, pinapasalamatan an saindang Diyos na sinda pinagpili niya, asin na siya dae nagtugot na pangenotan sinda paharayo susog sa tradisyon kan saindang mga katugangan, asin na an saindang mga puso dae nahabon paharayo na magtubod sa mga bagay na paabuton pa sana, na sinda dae ngani nakakaaram kun ano.

23 Ngonian, pagkatapos na an mga katawohan gabos nang nakapagdulot paitaas nin mga pasasalamat sa arog kaining manera, sinda nagbaralik sa saindang mga harong, na dae nagtataram pa manungod sa saindang Diyos hanggan sa sinda mag-assemblya kan saindang mga sadire na magkasararo giraray sa atubangan nin banal na pagtindog, na tanganing magdulot paitaas nin mga pasasalamat sa arog kan saindang manera.

24 Ngonian kan si Alma nakamasid kaini an saiyang puso nakukulugan; nin huli ta

saiyang nahiling na sinda sarong maririgsok asin sarong nalawigaw na mga katawohan; iyo, saiyang nahihiling na an saindang mga puso nakapamugtak sa bulawan, asin sa plata, asin sa gabos na manera nin magagayon na mga bagay.

25 Iyo, asin saiya man napagmasdan na an saindang mga puso naipagpalangkaw pasiring sa grabeng paghahambog, sa saindang kapa-abaw-abawan.

26 Asin siya nagpalangkaw kan saiyang boses pasiring sa kalangitan, asin nagkurahaw, na nagsasabi: O, gurano daw kalawig, O Kagurangnan, na ikaw magtutugot na an saimong mga surugoon mag-eerok digde sa ibaba na yaon sa laman, na tanganing mahiling ining grabeng karigsokan sa pag-iriba nin kaarakian nin mga tawo?

27 Hilnga, O Diyos, sinda nagngangayo-ngayo sa saimo, alagad an saindang mga puso hinalon na kan saindang kapa-abaw-abawan. Hilnga, O Diyos, sinda nagngangayo-ngayo saimo kan saindang mga nguso, habang sinda mapagpalangkaw, magin hanggan sa kasobrahan, sa daeng kamugtakan na mga bagay nin mundo.

28 Hilnga, O sakuyang Diyos, an saindang mga mamahalon na bado, asin an saindang mga kasingsingan, asin an saindang mga kapulserasan, asin an saindang mga ornamentong bulawan, asin an gabos nindang mamahalon na mga bagay na sinda ornamentadong nagugubingan; asin hilnga, an saindang mga puso na naipamugtak na sa mga ini, asin alagad sinda nagngangayo-ngayo sa saimo asin nagsasabi--- kami nagpapasalamat saimo, O Diyos, nin huli ta kami sarong pinling katawohan sa saimo, habang an iba mapapahamak.

29 Iyo, asin sinda nagsasabi na ika mismo an naghimong maipabantog sa sinda na dae naggad magkakaigwa nin Cristo.

30 O Kagurangnan Diyos, gurano daw kahaloy na ika magtutugot sa arog kaining karumputan asin kapasaluiban na iyo an yaon kaining mga katawohan? O Kagurangnan, itao mo sakuya an kusog, na ako puwedeng makatagal sa sakuyang mga kaluyahan. Nin huli ta ako maluya, asin an arog kaining karumputan sa pag-iriba kaining mga katawohan iyo an nakapagpapakulog kan sakuyang kalag.

31 O Kagurangnan, an sakuyang puso grabeng gayo an kamondoan; lingaon mo an sakuyang kalag ki Cristo. O Kagurangnan, igawad mo sakuya na ako magkaigwa nin kusog, na ako puwedeng magtios na may pagpasensiya kaining mga kasakitan na mag-aabot sa sakuya, nin huli sa kadaendatahan kaining mga katawohan.

32 O Kagurangnan, lingaon mo an sakuyang kalag, asin tawan ao nin trayumpo, asin man an sakuyang mga pag-iribang mga trabahador na kairiba ko--- iyo, si Ammon, asin si Aaron, asin si Omner, asin man si Amulek asin Zeezrom, asin man an sakuyang akeng lalake--- iyo, magin sindga gabos saimong paglingaon, O Kagurangnan. Iyo, lingaon mo an saindang mga kalag ki Cristo.

33 Itao mo sa sinda na tanganing sinda magkaigwa nin kusog, na saindang mapasan an saindang mga kasakitan na mag-aabot sa sinda nin huli sa mga kadaendatahan kaining mga katawohan.

34 O Kagurangnan, igawad mo sinda na kami magkaigwa nin trayumpo sa pagdadara sinda giraray pabalik saimo sa paagi ki Cristo.

35 Hilnga, O Kagurangnan, an saindang mga kalag mahalagahon, asin kadakul sinda na samuyang mga katugangan; kun kaya, itao mo samuya, O Kagurangnan, an kapangyarihan asin an kadunungan na tanganing samuyang madara an mga ini, an samuyang mga katugangan, giraray pasiring saimo.

An Simbahan ni Jesukristo nin Mga Banal sa Huring-aldaw

346

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

36 Ngonian ini nangyaring nagipas na kan si Alma nakapagtaram na kaining mga tataramon, na siya nagpalakpak kan saiyang mga kamot sa gabos ninda na pag-iriba niya. Asin hilnga, habang siya nagpapalakpak kan saiyang mga kamot sa sinda, sinda napano nin Banal na Espiritu.

37 Asin pagkatapos kaiyan sinda nagralaen-laen na kan saindang mga sadire sa lambang saro, na mayong kaisipan para sa sadire kun ano an saindang pagkakanon, o kun ano an pag-iinumon, o kun ano an saindang paggugubingon.

38 Asin an Kagurangnan iyo an nagtatao para sinda na tanganing sinda dae magkakagurutom, ni sinda magkakaparaha; iyo, asin Siya man nagtao sinda nin kusog, na tanganing sinda dae makakamate nin anuman na manera nin mga kasakitan, laen lang na ini pinaghalon na sa kaogmahan ki Cristo. Ngonian ini uyon sa pagpapangadye ni Alma; asin ini nin huli ta siya nagpangadye na may pagtubod.

ALMA TSAPTER 32

Si Alma nagparatukdo sa mga pobre na an mga kasakitan iyo an nagpakumbaba sinda--- An pagtubod iyo an sarong paglaom sa bagay na dae nahihiling alagad totoo--- Si Alma nagpatotoo na an mga anghel nagtutukdo sa mga kalalakehan, kababaehan, asin mga kaakian--- Si Alma ikinumpara an tataramon sa sarong pisog--- Ini dapat na ipagtanom asin pangatamanan--- Pagkatapos ini minatalubo na magin sarong kahoy kun saen an prutas nin daeng kasagkorang buhay makukua.

Asin ini nangyaring naglipas na sinda nagralakaw, asin nagpoon na magbalangibog nin tataramon nin Diyos sa mga katawohan, nagraralag pasiring sa saindang mga sinagoga, asin sa saindang mga kaharongan; iyo, asin sinda nagparabalangibog nin tataramon magin sa saindang mga katinampuhan.

2 Asin ini nangyaring naglipas na pagkatapos nin grabeng pagtrabaho sa kairibahan ninda, sinda nagpoon na magkaigwa nin trayumpo sa kairibahan nin mga pobreng klase na mga katawohan; nin huli ta hilnga, sinda ipinagpahale paluwas kan mga sinagoga nin huli kan kaharaphapan kan saindang mga bado---

3 Kun kaya sinda dae pinagtutugutan na maglaog pasiring sa saindang mga sinagoga na tanganing makapagsamba sa Diyos, bilang pinaghiling na maaati; kun kaya sinda mga pobre; iyo, sinda pinaghiling kan saindang mga katugangan bilang drosa; kun kaya sinda mga pobre sa mga bagay nin mundo; asin man sinda mga pobre sa puso.

4 Nognian, habang si Alma nagtutukdo asin nagtataram sa mga katawohan sa ibabaw nin buro-bukid na an apud Onidah, igwang nag-arabot nin sarong dakulaon na numero nin tawo sa saiya, na iyo idto sinda na samuyang pinagsasabi, na iyo sinda na mga pobre an puso, nin huli kan saindang kadaehon sa mga bagay nin mundo.

5 Asin sinda nagdurulok ki Alma; asin an saro na iyo an nangengenot sinda nagsabi saiya: Hilnga, ano baya an gigibohon kaining sakuyang mga katugangan, nin huli ta sinda kinakauyaman kan gabos na mga tawo nin huli kan saindang katiosan, iyo, asin mas lalo na kan samuyang mga kapadean; nin huli sinda kaming pinapagpahale paluwas sa

An Simbahan ni Jesukristo nin Mga Banal sa Huring-aldaw

347

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

samuyang mga sinagoga na samuyang pinaglapigotang gayo na itugdok sa paagi kan samuyang mga kamot; asin sainda kaming pinagpahale paluwas nin huli kan samuyang grabeng katiosan; asin kami mayo nang lugar na magsamba sa samuyang Diyos; asin hilnga, ano baya an samuyang gigibohon?

6 Asin ngonian kan si Alma makadangog kaini, siya nag-ikot paatubang saiya, an saiyang lalawgon tulos-tulos naka-atubang saiya, asin saiyang nahihiling na may dakulang kaogmahan; nin huli ta saiyang napagmasdan na an saindang mga kasakitan iyo an tunay na nakapakumbaba sainda, asin na sinda yaon sa preparasyon na magdangog nin tataramon.

7 Kun kaya siya dae na nagsabi pa sa ibang kadakul na tawo; alagad saiyang pinag-unat an saiyang kamot, asin nagkurahaw sa sainda na saiyang nahiling na tunay na gayong penitensiyado, asin nagsabi sa sainda:

8 Nahihiling ko na kamo yaon sa kaluyahan nin puso; asin kun iyo ini naggad, paladan kamo.

9 Hilnga an saindong tugang na lalake nagsabi, Ano baya an samuyang gigibohon?--- nin huli baya ta kami pinagpahale paluwas sa samuyang mga sinagoga, na tanganing kami dae makakapagsamba sa samuyang Diyos.

10 Hilnga ako nagsasabi sa saindo, pinaghuhuna nindo na kamo dae makakapagsamba sa Diyos kun bako ini sa laog kan saindong mga sinagoga lang?

11 Asin sa kadagdagan pa, ako maghahapot, pinaghuhuna nindo na kamo bako lang magsasamba sa Diyos ninsarong beses sa sarong semana?

12 Ako nagsasabi sa saindo, ini marahay na kamo pinagpapaluwas sa saindong mga sinagoga, na tanganing kamo magin mapagpakumbaba, asin na kamo makanuod nin kadunungan; nin huli ta ini kinakaipuhan na tanganing kamo dapat makanuod nin kadunungan; nin huli baya kaini na kamo pinagpaluwas, na tanganing kamo kinakauyaman kan saindong mga katugangan nin huli kan saindong grabeng katiosan, na tanganing kamo pinagdara sa sarong kababaan nin puso; nin huli ta kamo kinakaipong gayon na darahon na magin mapagpakumbaba.

13 Asing ngonian, nin huli ta kamo napiritan na magpakumbaba paladan kamo; nin huli ta an sarong tawo minsan, kun siya napipiritan na magin magpakumbaba, naghahanap nin paagi nin pagsosolsol; asin ngonian may kaseguruhan, an siisay man na nagsosolsol makakanagbo nin pagkaherak; asin siya na nakasumpong nin pagkaherak asin nagpapakatag hanggan sa katapusan iyo man sana an makakaligtas.

14 Asin ngonian, habang ako nagsasabi sa saindo, na nin huli ta kamo napiritan na magpakumbaba kamo pinagbendisyunan, dae dae nin mahuna-huna na sinda mas paladan kun tunay na nagpakumbaba sa saindang mga sadire nin huli kan tataramon?

15 Iyo, siya na tunay na nagpakumbaba sa saiyang sadire, asin nagsosolsol kan saiyang mga kasalanan, asin nagpakatag hanggan sa katapusan, iyo man sana an magin mapalad--- iyo, mas grabe an kapaladan kesa sainda na napiritan sana na magin mapagpakumbaba nin huli kan saindang makuniot na katiosan.

16 Kun kaya, paladan sinda na nagpakumbaba kan saindang mga sadire na dae pinagpirit na magin mapakumbaba; o baya sa ibang mga tataramon, paladan siya na nagtutubod na gayo sa tataramon nin Diyos, asin pinagbubunyagan na mayong kasumbikalan sa puso, iyo, na dae na ngani pinagdara na tanganing makaaram nin tataramon, o magin napiritan na tanganing makaaram, bago pa man sinda makapagtubod.

17 Iyo, igwa nin kadakul na nagsasabi: Kun ika makapagpapahiling sa samuya nin sarong tanda gikan sa langit; baka kami makakaaram na may sarong kaseguruhan; saka pa kami makakapagtubod.

18 Ngonian ako mahapot, iyo daw ini an pagtubod? Hilnga, ako nagsasabi sa saindo, Dae; nin huli ta kun an sarong tawo nakakaaram na gayo nin sarong bagay siya mayong dahilan na magtubod, nin huli ta siya nakakaaram na kaini.

19 Asin ngonian, gurano daw mas kagrabe an sumpa saiya na nakakaaram na sa kagustuhan nin Diyos asin ini dae ginigibo, kesa sa saiya na nagtutubod sana, o baya nakausang magtubod sana, asin nahulog pasiring sa kalapasan?

20 Ngonian sa bagay na ini kamo an maghuhusga. Hilnga, ako nagsasabi sa saindo, na ini yaon sa sarong kamot magin siring ini yaon man sa balyo; asin ini mapapaduman sa lambang tawo na uyon sa saiyang gibo.

21 Asin ngonian habang ako nagsasabi manungod sa pagtubod--- an pagtubod bako idtong igwa ka nin sarong perpektong kaaraman sa mga bagay; kun kaya kun ika igwa nin pagtubod ika naglalaom para sa mga bagay na dae nahihiling, alagad totoo.

22 Asin ngonian, hilnga, ako nagsasabi sa saindo, asin ako maghihimo na kamo dapat na makakagiromdom, na an Diyos pano nin pagkaherak sa gabos na naniniwala sa saiyang pangaran; kun kaya siya nagmamawot na gayo, sa enot na lugar, na kamo dapat na maniwala, iyo, magin sa saiyang tataramon.

23 Asin ngonian, saiyang ipinaghihiras an tataramon niya sa paagi kan mga anghel para sa mga tawo, iyo, bako lang s mga kalalakehan kundi sa mga kababaehan man. Ngonian bako lang ini gabos; an mga saradit na kaakian nagkaigwa nin mga tataramon na ipinagtao sa sainda sa kadakul na panahon, na iyo an nakapagparibong sa madudunong asin kan may pinag-adalan.

24 Asin ngonian, sakuyang namumutan na mga katugangan, na habang kamo igwa nin pagmamawot na makaaram sakuya kun ano an saindong gigibohon nin huli ta kamo nasasakitan asin pinag-apon sa luwas--- ngonian ako dae nagmamawot na kamo dapat na maghuna na an boot kong ipasabot na maghusga kamo sana uyon sa bagay na totoo---

25 Nin huli ta dae ko boot sabihon na kamo gabos pinagpiritan na magpakumbaba sa saindong mga sadire; nin huli ta ako katotoohan na nagtutubod na igwang nagkapira saindo na magpapakumbaba sa saindong mga sadire, tuguti sinda na mangyaring sa anuman na mga sirkumstansiya na yaon sainda.

26 Ngonian, habang ako nagsasabi manungod sa pagtubod--- na bako ining sarong perpektong kaaraman--- maski na ngani kaini yaon sa sakuyang mga tataramon. Kamo dae nakakaaram kan saindang kaseguruhan sa enot pa, pasiring sa perpeksiyon, an anuman na mas pa kesa sa pagtubod iyo an sarong perpektong kaaraman.

27 Pero hilnga, kun kamo magmumuklat asin pupukawon an saindong mga kaisipan, magin sa pag-eksperimento kan sakuyang mga tataramon, asin gumamit nin kadikit na pagtudo, iyo, magin kun kamo dae nagkaigwa nin pagmawot na magtubod, tuguti na ining kamawotan magtrabaho sa laog nindo, magin hanggan sa kamo magtubod sa sarong manera na kamo makapagtao nin lugar para sa sarong porsiyon kan sakuyang mga tataramon.

28 Ngonian, satuyang ikumpara an tataramon sa sarong pisog. Ngonian, kun ika matao nin lugar, na tanganing an sarong pisog puwedeng maitanom sa saindong puso, hilnga, kun ini tunay na pisog, o sarong marhay na pisog, kun dae nindo ipag-apon ini paluwas sa

paagi kan saindong daeng pagtubod, na kamo makikontrahan sa Espiritu nin Kagurangnan, hilnga, ini magpopoon na magtatalubo sa laog kan saindong mga daghan; asin sa saindong paghimate kaining pagtatalubong mga paghiro, kamo magpopoon na magtataram sa laog kan saindong mga sadire--- Ini kinakaipuhan gayong mangyari na ini sarong marhay na pisog, o na an tataramon marhay, nin huli ta ini nagpoon na magdakula sa sakuyang kalag; iyo, ini nagpopoon na magliwanag sa sakuyang pagka-intende, iyo, ini nagpopoon na magin manamiton sa sakuya.

29 Ngonian hilnga, bako daw na iyo ini an nagpapadagdag sa saindong pagtubod? Ako nagsasabi sa saindo, Iyo; daeng pagkukulang na ini nagtalubo na magin sarong perpektong kaaraman.

30 Pero hilnga, habang an pisog nagdadakula asin namumukadkad, asin nagpopoon na magtalubo, kaya kamo kaipuhang gayo na an pisog marhay; nin huli ta hilnga ini nagdadakula, asin namumukadkad, asin nagpopoon na magtalubo. Asin ngonian, hilnga, bako daw na ini an nagpapakusog kan saindong pagtubod? Iyo, ini makakapagpapakusog kan saindong pagtubod: nin huli ta kamo magsasabi ako nakakaaram na ini sarong marhay na pisog; nin huli ta hilnga ini namumukadkad asin nagpopoon na magtatalubo.

31 Asin ngonian, hilnga, kamo daw nakakaseguro na ini sarong marhay na pisog? Ako nagsasabi sa saindo, Iyo; nin huli ta sa lambang pisog nagbubunga kan saiya man sanang sadireng kaagid.

32 Kun kaya, kun an sarong pisog minatalubo ini marhay, pero kun ini dae nagtatalubo, hilnga ini bakong marhay, kun kaya ini ipinag-aapon paharayo.

33 Asin ngonian, hilnga, nin huli ta kamo nagsubok na mag-eksperimento, asin pinagtanom an pisog, asin ini nagdadakula asin namumukadkad, asin nagpopoon na magtalubo, kamo kinakaipong gayo na makaaram na an pisog marahayon.

34 Asin ngonian, hilnga, bako daw na an saindong kaaraman perpekto? Iyo, an saindong kaaraman perpekto kaining bagay, asin an saindong pagtubod daeng pagtalubo; asin ini nin huli ta kamo nakakaaram, nin huli ta kamo nakakaaram na an tataramon nagpapatalubo kan saindong mga kalag, asin kamo man nakakaaram na ini namumukadkad, na tanganing an saindong pagkasabot mahimong magpoon na magin tagapagpaliwanag, asin an saindong kaisipan mahimong magpoon na maglawig.

35 O sa pagkatapos, bako daw na ini tunay? Ako nagsasabi sa saindo, Iyo, nin huli ta ini liwanag; asin an anuman na liwanag, marahayon, nin huli ta ini nagagamiaw, kun kaya kamo nakakaaram na gayo na ini marahayon; asin ngonian hilnga, pagkatapos nindong manamitan ining liwanag bako daw na an saindong kaaraman perpekto?

36 Hilnga ako nagsasabi sa saindo, Dae; ni kaipo nindong ipagbalewala an saindong pagtubod, nin huli ta saindo sanang pinag-ehersisyo an saindong pagtubod na magtanom nin pisog na tanganing kamo puwedeng magsubok na mag-eksperimento na tanganing makaaram kun an pisog nanggad marahayon.

37 Asin hilnga, habang an kahoy nagpopoon na magtatalubo, kamo magsasabi: Tugutan nyatong atamanon ini na may dakulang pag-iingat, na tanganing ini puwedeng magka-ugat, na tanganing ini puwedeng magtalubo na magdakula, asin magbunga nin prutas para satuya. Asin ngonian hilnga, kun saindo ining atamanon nin may sobrang pag-iingat ini nanggad magkaka-ugat, asin magtatalubong magdakula, asin mamunga nin prutas.

38 Alagad kun saindong pababaya an kahoy, asin dae nag-iisip para sa pag-aalaga kaini, hilnga ini dae nin anuman na magkaka-ugat, asin sa pag-abot kan init nin saldang

asin tututungon ini, nin huli ta ini daeng ugat ini magluluyos, asin saiando ining pagbubunton asin ini ipag-aapon.

39 Ngonian, ini bako man nin huli ta an pisog bakong marahayon, ni ini nin huli kan prutas kaini bakong magigin kamawot-mawot; pero ini iyo nin huli kan saindong tanuman madagangon, asin kamo habong mangangataman kan kahoy, kun kaya kamo dae magkakaigwa nin prutas kaini.

40 Asin kaya, kun dae nindo pinangatamanan an tataramon, naglalaom na may mata nin pagtubod sa prutas kaini, kamo dae naggad makakaguno nin prutas sa kahoy nin buhay.

41 Alagad kun saindong pangangatamanan an tataramon, iyo, pinangatamanan an kahoy na tanganing ini magpopoon na magtatalubo, sa paagi kan saindong pagtubod na may dakulang kaigotan, asin may pasensiya, naglalaom sa prutas kaini, ini magkaka-ugat; asin hilnga ini magigin sarong kayoy na mamumunga hanggan sa daeng katapusang buhay.

42 Asin nin huli kan saindong kaigotan asin kan saindong pagtubod asin kan saindong pasensiya na may tataramon sa pagpangataman kaini, na tanganing ini magkaka-ugat sa laog nindo, hilnga, sa dae mahaloy kamo magguguno nin prutas kaini, na mas pa kapresyosa, na mahamison labaw pa sa gabos na mahahamis, asin na ini mapution labaw pa sa gabos na mapuputi, iyo, asin puro labaw pa sa gabos na puro; asin kamo magpipista sa prutas kaini magin hanggan sa kamo mapano, na tanganing kamo dae na magugutom, ni kamo mapapaha.

43 Pagkatapos, sakuyang mga katugangan, kamo mag-aani kan mga pabuya kan saindong pagtubod, asin kan saindong kaigotan, asin pasensiya, asin halawig na pagtitios, naghahalat sa kahoy na mamunga nin prutas sa saindo.

ALMA TSAPTER 33

Si Zenos nagtukdo na an mga tawo dapat na magpangadye asin magsamba sa gabos na mga lugar, asin na an mga paghuhukom ipinagwaksi nin huli sa Ake--- Si Zenock nagtukdo na an pagkaherak ipinaggagawad nin huli sa Ake--- Si Moises ipinaglangkaw sa kaparangan na siring sa sarong tipo kan Ake nin Diyos.

Ngonian pagkatapos na si Alma nakapagtaram na kaining mga tataramon, sinda nagpaabot sa saiya na may kamawotan na makaaram kun sinda dapat na magtubod sa sarong Diyos, na tanganing saindang maguno ining prutas na saiyang pinagsasabi, o kun paano ninda dapat itanom an pisog, o an tataramon na saiyang pinagsasabi na, na saiyang pinagsabi na kaipuhang itanom sa saindang mga puso; o sa anong manera ninda dapat na poonan na ipag-ehersisyo an saindang pagtubod.

2 Asin si Alma nagsabi sa sainda: Hilnga, kamo nakapagsabi na na kamo dae makakapagsamba sa saindong Diyos nin huli ta kamo pinag-apon paluwas sa saindong mga sinagoga. Pero hilnga, ako nagsasabi sa saindo, kun saindong pinaghuhuna-huna na kamo dae makakapagsamba sa Diyos, kamo napapasalang gayo, asin kamo dapat na

An Simbahan ni Jesukristo nin Mga Banal sa Huring-aldaw

351

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

maghanap sa mga kasuratan; kun kamo naghuhuna-huna na sinda nakapagtukdo na saindo kaini, kamo dae nakasabot sa mga ini.

3 Kamo daw nakakagiromdom na saindo nang nabasa kun ano baya si Zenos, an propetang luma, na nakapagsabi manungod sa pagpangadye asin pagsamba?

4 Nin huli ta siya nagsabi: Ika pano nin pagkaherak, O Diyos, nin huli ta saimong nadangog an sakuyang pangadyeon, maski ngani ako yaon kaidto sa may kaparangan; iyo, ika nanggad pano nin pagkaherak kan ako maagpangadye manungod sainda na sakuyang mga kaiwal, asin saindo sindang pinagpatunod pasiring sakuya.

5 Iyo, O Diyos, asin ika nanggad pano nin pagkaherak sa sakuya kan ako magkurahaw sa saimo sa sakuyang patanuman; kan ako nagtangis sa saimo sa sakuyang pagpapangadye, asin ika nanggad nakadangog sakuya.

6 Asin giraray, O Diyos, kan ako nagpasiring sa sakuyang harong ika nanggad nakadangog sakuya sa sakuyang pangadyeon.

7 Asin kan ako naglaog sa sakuyang kuwarto, O Kagurangnan, asin nagpangadye sa saimo, ika nanggad nakadangog sakuya.

8 Iyo, ika pano-pano nin pagkaherak sa saimong mga kaakian kan sinda nagtatangis sa saimo, na tanganing madangog mo sinda asin bako kan mga tawo, asin ika nanggad nagdadangog sainda.

9 Iyo, O Diyos, ika nanggad maheherakon sa sakuya, asin nakadangog kan sakuyang mga pagkukurahaw sa tahaw kan saimong mga kongregasyon.

10 Iyo, asin ika nakadangog man sakuya kan ako pinag-apon paluwas asin pinagtutuya-tuya kan sakuyang mga kaiwal; iyo, ika nanggad nadangog an sakuyang mga kinurahaw, asin naanggot sa sakuyang mga kaiwal, asin saimo nanggad sindang binisita sa saimong kaanggutan na may hidaling kapahamakan.

11 Asin saimong nadangog ako nin huli kan sakuyang mga kasakitan asin kan sakuyang sinseridad; asin ini nin huli kan saimong Ake na ika nagin maheherakon sakuya, kun kaya ako magkukurahaw sa saimo sa gabos kong mga kasakitan, nin huli ta sa saimo ako nag-oogma; nin huli ta saimong ipinagharayo an saimong mga paghuhukom sa sakuya, nin huli kan saimong Ake.

12 Asin ngonian si Alma nagsabi sa sainda: Kamo daw nagtutubod kaining mga kasuratan na pinagsurat nindang mga kaggurang?

13 Hilnga, kun kamo maggigibo, kamo dapat na magtubod kun ano an pinagsasabi ni Zenoz; nin huli ta, hilnga siya nagsabi: Saimong ipinagharayo an saimong mga paghuhukom nin huli kan saimong Ake.

14 Ngonian hilnga, sakuyang mga katugangan, ako maghahapot kun kamo baya nagbabasa nin mga kasuratan? Kun iyo, paano baya kamo daeng pagtubod sa Ake nin Diyos?

15 Nin huli ta ini dae nasusurat na si Zenos sana an nagtaram kaining mga bagay, pero si Zenock man baya nagtaram kaining mga bagay---

16 Nin huli ta hilnga, siya nagsabi: Ika nanggad anggot, O Kagurangnan, sa katawohang ini, nin huli ta sinda dae makaka-intende sa saimong mga pagkaherak na saimong ipinaggawad na sa sainda nin huli kan saimong Ake.

17 Asin ngonian, sakuyang mga katugangan, saindong nahihiling an sarong ikaduwang propeta na kaggurang na iyo an nagsaksi kan Ake nin Diyos, asin nin huli ta an mga katawohan habong makasabot sa saiyang mga tataramon sinda pinaggapo siya hanggan

magadan.

18 Pero hilnga, bako lang ini gabos; bako lang ini sinda an nagparataram manungod sa Ake nin Diyos.

19 Hilnga, siya pinagtaram ni Moises; iyo, asin hilnga sarong tipo an ipinaglangkaw sa kaparangan, na an siisay man an maghiling kaini puwedeng mabubuhay. Asin kadakul an naghiriling asin nabuhay.

20 Alagad kadikit an nakaka-intende sa kahulugan kaining mga bagay, asin ini nin huli sa katagasan kan saindang mga puso. Pero igwa nin kadakul na pinatagas talaga na tanganing sinda habong maghiling, kun kaya sinda nagkaparara. Ngonian an rason kun tadaw ta habo nindang maghiling iyo na nin huli ta sinda habong maniwala na ini dae magbubulong sa sainda.

21 O sakuyang mga katugangan, kun kamo mararahay sa paagi sana sa pagputitok kan saindong mga mata na tanganing kamo mararahay, kamo daw habong maghiling tulos-tulos, o saindo daw baya pagpapatagason an saindong mga puso sa daeng pagtutubod, asin magin hugakon, na tanganing kamo dae ipagputitok an saindong mga mata, na tanganing kamo mapapara?

22 Kun iyo ini, an pagsakit mag-aabot sa saimo; pero kun bako, kaya ipaghiling mo sa palibot an saimong mga mata asin magpoon na magtubod sa Ake nin Diyos, na siya mapadigde sa pagtubos kan saiyang mga katawohan; asin ta siya magtitios asin magagadan sa pagbabayad-sala para sa saindang mga kasalanan; asin ta siya mabubuhay giraray gikan sa mga gadan, na tanganing darahon na mangyari an pagkabuhay-liwat, na tanganing an gabos na mga tawo magtitindog sa atubangan niya, na tanganing paghuhusgaran sa pinakahuri asin aldaw nin paghuhukom, na uyon sa saindang mga nakaginibohan.

23 Asin ngonian, sakuyang mga katugangan, ako nagmamawot na kamo magtanom kaining tataramon sa saindong mga puso, asin habang ini nagpopoon na magdakula magin dapat na pangatamanan ini sa paagi kan saindong pagtubod. Asin hilnga, ini magigin sarong kahoy, na nagtatalubong magdadakula sa laog nindo sa daeng katapusang buhay. Asin sa pagkatapos lugod an Diyos maggagawad sa saindo na tanganing an saindong mga kagabatan puwedeng magigin magi-anon, sa paagi sa kaogmahan kan saiyang Ake. Asin magin an gabos na ini maggigibo nindo kun saindong pagmamawoton. Amen.

ALMA TSAPTER 34

Si Amulek nagpatotoo na an tataramon yaon ki Cristo pasiring sa kaligtasan--- Sagkod na mayong sarong pagbabayad-sala an maginibo, an bilog na katawohan mapapahamak--- An bilog na ley ni Moises nagpapanungod sa sakripisyo kan Ake nin Diyos--- An daeng kasagkorang plano nin pagtubos nakatugmad sa pagtubod asin pagsosolsol--- Magpangadye para sa temporal asin espirituwal na mga biyaya--- An buhay na ini iyo an panahon para sa mga tawo na mag-andam na mahiling an Diyos--- Gibohon an saimong kaligtasan na may pagkatakot asin pangubog-kubog.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Asin ngonian ini nangyaring naglipas na pagkatapos na si Alma nakapagtaram kaining mga tataramon sa sainda siya nagtukaw sa daga, asin si Amulek nagbuhat asin nagpoon sa pagtukdo sainda, na nagsasabi:

2 Sakuyang mga katugangan, ako nag-iisip na ini imposible na kamo magin ignorante kan mga bagay na ipinagtaram na mapanungod sa pag-abot ni Cristo, na samuyang pinagtukdo na iyo an Ake nin Diyos; iyo, ako nakakaaram na an mga bagay na ini pinagtukdo na sa saindong gayo bago pa man an saindong pakikipag-iwal laban sa samuya.

3 Asin habang kamo nagkaigwa nin pagmawot sa sakuyang namumutan na tugang na lalake na saiyang gibohon na maipaaram sa saindo kun ano an dapat nindong gibohon, nin huli kan saindong mga kasakitan; asin siya nakapagtaram nin ano бага sa saindo na maihanda an saindong mga isip; iyo, asin saiyang naikulibat saindo pasiring sa pagtubod asin sa pagpasensiya---

4 Iyo, maski na ngani kamo nagkaigwa na nin grabeng pagtubod na maski sa pagtanom nin tataramon sa saindong mga puso, na tanganing kamo mapupuwedeng mag-eksperimento kaining karahayan.

5 Asin samuyang nahiling na an dakulang kahaputan na yaon sa saindong mga isip iyo na kun бага an tataramon yaon sa Ake nin Diyos, o kun бага dae magkakaigwa nin Cristo.

6 Asin saindo man na nahiling na an sakuyang tugang na lalake an nagpatotoo sa saindo, na kadakul na mga pagkakataon, na an tataramon yaon ki Cristo pasiring sa kaligtasan.

7 An sakuyang tugang na lalake nangapudan sa mga tataramon ni Zenos, na an pagtubos maabot sa paagi kan Ake nin Diyos, asin man sa mga tataramon ni Zenock; asin man siya nag-apela ki Moises, tanganing magpatotoo na an mga bagay na ini katotoohan.

8 Asin ngonian, hilnga, ako magpapatotoo sa saindo kan sakuyang sadire na an mga bagay na ini katotoohan. Hilnga, ako nagsasabi sa saindo, na ako nakakaaram na si Cristo maabot sa pag-iriba nin mga kaakian nin mga tawo, na tanganing darahon niya sa saiyang sadire an mga kalapasan kan saiyang mga katawohan; asin na siya an magbabayad kan mga kasalan nin mundo; nin huli ta an Kagurangnang Diyos iyo an nagtaram kaini.

9 Nin huli ta ini kapakinabangan na an sarong pagbabayad-sala dapat na gibohon; nin huli ta uyon sa banal na plano kan Daeng Kasagkorang Diyos dapat na magkaigwa nin arong pababayad-salang mangyari, o kun dae an bilog na katawohan dae malikayan na mapahamak; iyo, an gabos pinatagas; iyo, an gabos nagkahurulog asin nagkawarara, asin kaipuhan na mapahamak laen lang kun ini sa paagi kan pagbabayad-sala na sarong kapakinabangan na dapat na mangyari.

10 Nin huli ta ini sarong kapakinabangan na dapat na magkaigwa nin sarong banal asin huring sakripisyo; iyo, bako na sarong sakripisyo nin tawo, nin hayop, ni kan anuman na klase nin gamgam; nin huli ta ini bakong sarong sakripisyo kan nilalang; pero ini dapat na magin sarong dae mabilang asin daeng kasagkorang sakripisyo.

11 Ngonian mayo nin siisay man na tawo na makakapagsakripisyo kan saiyang sadireng dugo naiyo an magbabayad-sala para sa amga kasalanan nin iba. Ngonian, kun an sarong tawo nakapaggadan, hilnga an satuyang ley, na sarong husto, iyo an mangnuhon kan buhay kan saiyang tugang na lalake? Ako nagsasabi sa saindo, Dae.

12 Alagad an ley nangangaipo sa buhay niya na iyo an nakagadan; kun kaya mayo nin iba man na sarong halipot na daeng sukol na pagbabayad-sala na puwedeng magin maninigo

para sa mga kasalan kan kinaban.

13 Kun kaya, ini sarong kapakinabangan na dapat magkaigwa nin sarong dakula asin pinakahuring sakripisyo, asin pagkatapos na magkaigwa, o ini sarong kapakinabangan na dapat magkakaigwa, na mapa-untok sa pagpapabulos nin dugo; pagkatapos na an ley ni Moises mautob na; iyo, ini gabos mauutob na, an kada nasusurat asin naguguhit, asin mayo na malipas sana.

14 Asin hilnga, iyo ini an bilog na kahulugan kan ley, an kada panukdo nagpupuntok kaining dakula asin pinakahuring sakripisyo; asin na ining dakula asin pinakahuring sakripisyo iyo mismo an Ake nin Diyos, iyo, daeng sukol asin daeng kasagkoran.

15 Asin kaya siya magdadara nin kaligtasan sa sainda gabos na nagtutubod sa saiyang pangaran; ini baga iyo an pinaka-intensiyon kaining pinakahuring sakripisyo, na darahon paluwas an pinakatagong-rurok nin pagkaherak, na iyo an pinakamakapangyarihan sa hustisya, asin magbubuyagyag nin mga paagi sa mga tawo na tanganing sinda puwedeng magkaigwa nin pagtubod pasiring sa pagsosolsol.

16 Asin kaya an pagkaherak iyo an makakapano sa mga kahagadan nin hustisya, asin iyo an maghuhugas sainda kan mga kamot nin kaligtasan, habang siya na naggigibo na mayong pagtubod pasiring sa pagsosolsol iyo an nakalantad sa bilog na ley kan mga kahagadan nin hustisya; kun kaya sa saiya sana na may pagtubod pasiring sa pagsosolsol iyo an pagdadarahon mapanungod sa dakula asin daeng kasagkoran na plano nin pagtubos.

17 Kun kaya lugod an Diyos magtatao sa saindo, sakong mga katugangan, na tanganing kamo mapupuwedeng makapagpoon na mag-eehersisyo kan saindong pagtubod pasiring sa pagsosolsol, na tanganing kamo makapagpoon na mangapudan sa saiyang banal na pangaran, na tanganing siya magkakaigwa nin pagkaherak sa saindo;

18 Iyo, mangapudan sa saiya para sa pagkaherak; nin huli ta siya iyo an makapangyarihan sa pagligtas.

19 Iyo, magpakumbaba kamo sa saindong mga sadire, asin magpadagos sa pagpapangadye sa saiya.

20 Mangapudan sa saiya kun kamo yaon sa saindong mga pasabsaban, iyo, para sa bilog nindong mga alagang hayop.

21 Mangapudan sa saiya sa laog kan saindong mga kaharongan, iyo, para sa bilog nindong pagharongon, sa pagka-aga, pagka-udto, asin pagkabanggi.

22 Iyo, mangapudan sa saiya laban sa diyablo, na iyo an kaiwal sa gabos na pagkamatanos.

24 Mangapudan sa saiya para sa mga pananom kan saindong mga kaomahan, na tanganing kamo puwedeng magin masagana kan mga ini.

25 Mangapudan para sa mga alagang hayop kan saindong mgaa kabukidan, na tanganing sinda magdakul.

26 Pero bako sana ini gabos; kamo kaipong magpabulos kan saindong mga kalag sa laog kan saindong mga kuwarto, asin sa saindong mga tagong lugar, asin sa saindong mga kaparangan.

27 Iyo, asin kun kamo dae mangangapudan sa Kagurangnan, gibohon nindong panoon an saindong mga puso, na padagos na mapaharani sa pangadyeon sa saiya para sa saindong karahayan, asin man para sa karahayan nindang nakapalibot sa saindo.

28 Asin ngonian hilnga, sakong namumutan na mga katugangan, ako nagsasabi sa saindo,

An Simbahan ni Jesukristo nin Mga Banal sa Huring-aldaw

355

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

dae kamo manghuhuna-huna na iyo sana ini gabos; nin huli ta pagkatapos na kamo makapaggibo kan gabos na ining mga bagay, kun kamo matalikod sa mga nangangaipo, asin sa mga huba, asin dae nagbibisita sa mga may kamatean asin nakukulugan, asin manaohan kan saindong kabuhatan, kun kamo igwa, sa sainda na may kaipuhan--- ako nagsasabi sa saindo, kun kamo dae naggigibo kan arin man kaining mga bagay, hilnga, an saindong pangadyeon daeng kamugtakan, asin magtatao saindo nin mgayo, asin kamo naaarog sa mga hipokrito na naggibong magsikwal sa pagtubod.

29 Kun kaya, kun kamo dae nakagiromdom na mgin mamumut-on, kamo naaarog sa kalawang nin bakal, na pinaglalaen kan mga paratunaw, (ini bilang mayong halaga) asin ini pinagtuturungtungan kan bitis nin mga tawo.

30 Asin ngonian, sakong mga katugangan, ako naghisingoha na, pagkatapos na kamo makaresibe nin kadakul na mga pagsasaksi, nakapaghiling na an mga banal na kasuratan nagpapatotoo kaining mga bagay, kamo magdigde asin magdara nin prutas pasiring sa pagsosolsol.

31 Iyo, ako maghisingoha na kamo magdigde asin dae na magparapatagas kan saindong mga puso; nin huli ta hilnga, ngonian iyo an oras asin an aldaw kan saindong kaligtasan; asin kaya, kun kamo magsosolsol asin dae magparapatagas kan saindong mga puso, tulos-tulos an dakulang plano nin pagtubos dadarahon pasiring sa saindo.

32 Nin huli ta hilnga, an buhay na ini iyo an panahon para sa mga tawo na mag-andam na mahiling an Diyos; iyo, hilnga an aldaw kaining buhay iyo an aldaw para sa mga tawo na gumibo kan saindang mga trabaho.

33 Asin ngonian, arog kan sinabi ko sa saindo kaidto, arog na kamo nagkaigwa nin grabe kadakul na mga pagsasaksi, kun kaya, ako nakikiolay sa saindo na kamo dae maghiningugak-hugak sa aldaw kan saindong pagsosolsol hanggan sa katapusan; nin huli ta pagkatapos kaining aldaw nin buhay, na ipinagtao satuya tanganing makapag-andam para sa eternidad, hilnga, kun kita dae mag-asenso sa satuyang panahon habang yaon sa buhay na ini, maabot tulos an banggi nin kadikloman kun saen dae magkakaigwa nin trabahong maginibohan.

34 Dae kamo makapagsabi, kun kamo pagdarahon pasiring sa makangorongirhat na krisis, na ako magsosolsol, na ako mapaduman pabalik sa sakuyang Diyos. Dae, kamo dae makapagsabi kaini; nin huli ta an iyo giraray na espiritu na iyo an may kagsadire kan saindong mga hawak sa panahon na kamo mapahaleon na sa buhay na ini, na an iyo giraray na espiritu magkakaigwa nin kapangyarihan na pagsadirehon an saindong hawak duman sa daeng kasagkoran na kinaban.

35 Nin huli ta hilnga, kun kamo nagpaliman-liman kan aldaw nin saindong pasosolsol magin hanggan sa kagadanan, hilnga, kamo magigin sakop nin espiritu kan diyablo, asin kamo seselyuhan na saiya; kun kaya, an Espiritu nin Kagurangnan mahale gikan saimo, asin mayo nin lugar sa laog mo, asin an diyablo magkakaigwa nin bilog na kapangyarihan na mangingibabaw saimo; asin iyo ini an pinakasagkod na estado kan mga mararaot.

36 Asin kami ako nakaaram, nin huli ta an Kagurangnan nakapagsabi na siya dae nag-eerok sa bakong banal na mga templo, alagad sa mga puso kan mga matatanos siya naggad nag-eerok; iyo, asin siya man nagsabi na an matatanos magtutukaw sa saiyang kahadean, na tanganing dae na magluluwas maski noarin; alagad an saindang mga buring hingohaon na magibong mapution sa paagi nin dugo kan kordero.

37 Asin ngonian, sakong namumutan na katugangan, ako nagmamawot na kamo maghingohang makagiromdom kaining mga bagay, asin na kamo maghingohang magtrabaho para sa saindong kaligtasan na may pagkatakot sa atubangan nin Diyos, asin na kamo maghingohang dae naggad na magsikwal sa pag-aabot ni Cristo.

38 Na kamo dae na makilaban kontra sa Banal na Espiritu, kundi na kamo mag-ako kaini, asin darahon sa saindo an pangaran ni Cristo; na kamo magpakumbaba kan saindong mga sadire magin sagkod sa alpog, asin magsamba sa Diyos, sa arin man na lugar na kamo nag-eerok, sa espiritu asin sa katotohanan; asin na kamo mamumuhay sa pasasalamat sa aro-aldaw, nin huli ta kadakul na mga pagkaherak asin mga bendisyon na saiyang ipinagtatao sa saindo.

39 Iyo, asin ako giraray mapagiromdom saindo, sakong mga katugangan, na kamo magin mapagmasid sa padagos na pangadyeon, na kamo dae puwedeng madara paharayo sa paagi nin mga tentasyon kan diyablo, na siya dae puwedeng mas makusog labaw saindo, na kamo dae puwedeng magin saiyang nasasakupan sa huring aldaw; nin huli ta hilnga, siya nagpapabuya saindo nin bakong marhay na bagay.

40 Asin ngonian sakong namumutan na mga katugangan, ako maghihingohang maipagiromdom saindo na magkaigwa nin pasensiya, asin na kamo magkarga kan gabos na manera nin mga pagpapakasakit; na kamo dae magtanom nin kaanggutan kontra sainda na naggibo nin pagsikwal saindo nin huli kan saindong sobra-sobrang pagtitios, nin huli ta baka kamo magigin mga parakasala na arog ninda;

41 Alagad ta kamo igwa nin pasensiya, asin nagkarga kaining mga kasakitan, na may sarong makusog na paglaom na kamo sa pag-abot nin sarong aldaw makapagpahingalo gikan sa gabos nindong mga kasakitan.

ALMA TSAPTER 35

An pagbabalangibog kan tataramon nakapagpadestroso sa katusuhan kan mga Zoramita--- Saindang pinaharale an mga nagbalik-loob, na dagos nag-ayon sa katawohan ni Ammon na yaon sa Jerashon--- Si Alma nagmundo nin huli sa kadaendatahan kan mga katawohan.

Ngonian ini nangyaring naglipas na pagkatapos na si Amulek naghimo na nin pagtatapos kaining mga tataramon, sinda nagharale kan saindang mga sadire gikan sa kadaklan asin nagpasiring sa daga nin Jerashon.

2 Iyo, asin an ibang mga katugangan, pagkatapos na sinda nagparatukdo kan tataramon sa mga Zoramita, nagpasiring man duman sa daga nin Jerashon.

3 Asin ini nangyaring naglipas na pagkatapos na an mas bantog na parte kan mga Zoramita nagkaigwa nin konsultasyon sa pagtiripon ninda mapanungod sa mga tataramon na ipinagbalangibog sa sinda, sinda nagka-aranggot nin huli kan tataramon, nin huli ta ini nakapagdestroso kan saindang katusuhan; kun kaya sinda dae nagdadarangog sa mga tataramon.

4 Asin sinda nagpadara asin nagkasararong nagtiripon sa kagabsang bilog na daga an

An Simbahan ni Jesukristo nin Mga Banal sa Huring-aldaw 357
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

gabos na mga katawohan, asin kinunsulta sinda mapanungod sa mga tataramon na ipinagsambit sinda.

5 Ngonian an saindang mga tagapamahala asin an saindang mga kapadean asin an saindang mga paratukdo dae ginibong maipaaram sa mga katawohan an mapanungod kan saindang pinagmamawot; kun kaya saindang hilom na naaaraman an mga kaisipan kan gabos na mga katawohan.

6 Asin ini nangyaring naglipas na pagkatapos na sindang nagkaararaman an mga kaisipan kan gabos na mga katawohan, mga tawong pabor sa mga tataramon na ipinagtaram ni Alma asin kan saiyang mga katugangan pinaharale paluwas sa kadagaan; asin sinda kadakul; asin sinda nagpasiriring man sa kadagaan nin Jershon.

7 Asin ini nangyaring naglipas na si Alma asin an saiyang mga katugangan nagparatukdo sa sinda.

8 Ngonian an mga katawohan nin mga Zoramita nagka-aranggot sa mga katawohan ni Ammon na yaraon sa Jershon, asin an pinakapamayo kan tagapamahala kan mga Zoramita, bilang sarong grabe karaot na tawo, nagpadara nin pasabot sa mga katawohan ni Ammon na saindang pinagmamawot na dapat na magruluwas sa saindang kadagaan an gabos na nag-arayon sa sinda pasiring man sa saindang sadireng kadagaan.

9 Asin siya nagparataram nin kadakul na mga patakot kontra sinda. Asin ngonian an mga katawohan ni Ammon dae nagkatarakot sa saindang mga tataramon; kun kaya dae ninda sinda napahale paluwas, pero saindang pinagtanggap an gabos na kapobrehan kan mga Zoramita na nagduruman sa sinda; asin sinda pinakarakan ninda, asin pinagbadoan ninda, asin nagparatao sinda nin mga daga para sa saindang kamanahan; asin sinda pinagtarabangan ninda uyon sa saindang mga pangangaipo.

10 Ngonian ini mas lalong nakapagpa-anggot sa mga Zoramita konta sa katawohan nin Ammon, asin sinda nagporoon na makihalobilo sa mga Lamanita asin na tanganing sinda man magka-aranggot kontra sinda.

11 Asin kaya an mga Zoramita asin an mga Lamanita nagpoon na gumibo nin mga pag-aandam para sa pakigiyera kontra sa mga katawohan ni Ammon, asin man kontra sa mga Nephita.

12 Asin kaya nagtapos an ika-disesiyeteng taon kan pagpapamahala nin mga huwes sa mga katawohan ni Nephi.

13 Asin an mga katawohan ni Ammon nagralakbay paluwas sa kadagaan nin Jershon, asin naka-abot sa kadagaan nin Melek, ain ipinagtao an lugar ni Jershon para sa mga paralaban kan mga Nephita, na tanganing sinda puwedeng makikipaglaban sa mga paralaban kan mga Lamanita asin mga paralaban kan mga Zoramita; asin kaya nagpoon an sarong giyera sa tahaw kan mga Lamanita asin mga Nephita, sa ika-desiotsong taon kan pagpapamahala nin mga huwes; asin sarong kasaysayan an itatao kan saindang mga giyera ngonian hanggan sa pagtapos.

14 Asin si Alma, asin si Ammon, asin an saindang mga katugangan, asin man an duwang akeng lalake ni Alma nagbaralik pasiring sa kadagaan nin Zarahemla, pagkatapos na nagin mga instrumento nin mga kamot nin Diyos na nagdara sa kadakul na mga Zoramita pasiring sa pagsosolsol na pinagpaharale paluwas sa saindang kadagaan; pero sinda nagkaigwa nin mga kadagaan para sa saindang kamanahan sa laog kan daga nin Jershon, asin sinda nagkarapot nin mga armas tanganing idepensa an saindang mga sadire, asin an saindang mga agom, asin an saindang mga kaakian, asin an saindang mga kadagaan.

15 Ngonian si Alma, na nagmumundo nin huli sa kadaendatahan kan saiyang katawohan, iyo nin huli kan mga giyera, asin an mga pagpapabulos nin dugo, asin an mga pag-iiriwal-iwal sa laog kan pag-iriba ninda; asin bilang nakapagdeklara na kan tataramon, o ipinadara tanganing magpahayag nin tataramon, sa pag-iriba kan gaobs na mga katawohan sa lambang siyudad; asin nakapaghiling na an mga puso kan mga katawohan nagpopoon na magin matagason, asin sinda nagpopoon na magkakurulugan nin huli sa kaestriktuhan kan tataramon, an saiyang puso nagin sobrang gayo an pagkamundo.
16 Kun kaya, saiyang ipinaapod an saiyang mga akeng lalake na sararong magkatiripon, na tanganing maitao sa lambang sarong sainda an saindaang mga gigibohon, na ralaen-laen, mapanungod sa mga bagay tungkol sa pagkamatanos. Asin kami igwa nin talaan kan saiyang mga kasugoan, na saiyang ipinagtao sainda na uyon sa saiyang sadireng rekord.

ALMA TSAPTER 36

An mga kasugoan ni Alma sa saiyang akeng lalake na si Helaman. Kumpunido nin mga tsapter 26 and 37.

Si Alma nagpatotoo ki Helaman tungkol sa saiyang pagbabalik-loob sa paagi nin sarong anghel--- Siya nagsapo nin mga kakulugan nin sarong kondenadong kalag; siya nagapod sa pangaran ni Jesus; asin ipinangaki sa Diyos--- Mahamis na kaogmahan an nakapano sa saiyang kalag--- Siya nakahiling nin katiriponan nin mga anghel na nagpapamuraway an Diyos--- An saiyang napabalik-loob nakanamit asin nakahiling na arog niya.

Ake ko, magdangog an saimong talinga sa sakuyang mga tataramon; nin huli ta ako minasumpa sa saimo, na habang ika magsusunod sa mga kasugoan nin Diyos ika mag-uuswag sa kadagaan.

2 Ako naghingoha na ika gumibo arog kan sakong naginibohan, sa paggigiromdom kan pagkasakop nin satuyang mga ama; nin huli ta sinda yaon sa kauripnan, asin mayo nin puwedeng makapagligtas sainda kundi iyo idtong Diyos ni Abraham, asin an Diyos ni Isaac, asin an Diyos ni Jacob; asin siya seguradong ginibo an pagligtas sainda sa saindang mga kasakitan.

3 Asin ngonian, O sakong ake Helaman, hilnga, ika yaon pa sa saimong pagkahoben, asin kun kaya, ako nakikiolay sa saimo na ika magdangog sa sakuyang mga tataramon asin makanuod sakuya; nin huli ta ako na nakakaaram na siisay man an magbubugtak kan saindang tiwala sa Diyos magigin suportado sa saiyang mga pagsubok, asin saindang mga kakundian, asin sa saindang mga kasakitan, asin itataas sa huring aldaw.

4 Asin ako naghingoha na ika makapag-isip na ako nakakaaram sa sakuyang sadire— bako sa temporal kundi sa espirituwal, bako sa makamundong kaisipan kundi sa Diyos.,

5 Ngonian, hilnga, ako nagsasabi sa saim, kun ako dae ipinangaki sa Diyos ako kuta na

An Simbahan ni Jesukristo nin Mga Banal sa Huring-aldaw 359
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

daeng pagkaaram kaining mga bagay; pero an Diyos nagtugot, sa paagi kan nguso nin saiyang anghel, naghimong an mga bagay na ini maipaaram sa sakuya, bako sa animan na pagigin maninigo kan sakuyang sadire;

6 Nin huli ta ako nagparalakaw kairiba an mga akeng lalake ni Mosiah, nagmamawot na destrosohon an simbahan nin Diyos; pero hilnga, an Diyos nagpadara kan saiyang banal na anghel na tanganing pundahon kami habang naglalakaw sa dalan.

7 Asin hilnga, siya nagtaram sa samuya, na ini naaarog sa boses nin daguldol, asin an bilog na daga nagyuyugyog sa irarom kan samuyang mga bitis; asin kan gabos nagruluhod sa daga, nin huli sa pagkatakot sa Kagurangnan an nag-abot sa samuya.

8 Pero hilnga, an boses nagsabi sa sakuya: Tindog. Asin ako nagbuhat asin nagtindog, asin nakahiling nin anghel.

9 Asin siya nagsabi sa sakuya: Kun ika nagmawot na magpagadan sa sadire mo, dae mo na pagmamawoton pa na destrosohon an simbahan nin Diyos.

10 Asin ini nangyaring naglipas na ako natumba sa daga; asin ini nangyari sa laog nin tulong aldaw asin tulong banggi na ako dae makapagbukas nin sakuyang nguso, ni ako makagamit kan sakong mga bitis.

11 Asin an anghel nagparasabi nin kadakul pang mga bagay sa sakuya, na nagkakadarangog man kan sakuyang mga katurugangan, pero dae ko nadandangog an mga ini; nin huli ta kan madangog ko an mga tataramon--- kun ika nagmawot na magpagadan sa sadire mo, dae mo na pagmamawoton pa na destrosohon an simbahan nin Diyos—Ako nakamate nin dakulang pagkatakot asin pagkangalas na baka baya ako magagadan, na ako natumba sa daga asin ako dae na nakadangog.

12 Pero ako pinaglamuyuan nin daeng kasagkorang karibongan, nin huli ta an sakuyang kalag nakukulugan hanggan sa pinakamatinding kulog asin pinaglamuyuan kan gabos kong mga kasalan.

13 Iyo, ako nakagiromdom kan gabos kong kasalanan asin mga kadaendatahan, nin huli kaini ako pinagpasakitan kan mga kulog nin impiyerno; iyo, ako nakahiling na ako nagrebelde kontra sa sakuyang Diyos, asin ta ako dae nag-utob sa saiyang banal na mga kasuguan.

14 Iyo, asin ako nakapaggadan nin kadakul niyang mga kaakian, o pinagpangenotan sinda na magpasiring sa kagadanan; iyo, asin sa madaling sabi nagin dakulang gayo an naginibohan kong mga kadaendatahan, na sa grabeng paghuhuna-huna na makabalik pasiring sa presensiya kan sakuyang Diyos iyo an nakapagpalamuyo kan sakuyang kalag nin dae masasabing katakutan.

15 Oh, sa isip ko, na ako mapupuwedeng mawara asin mapara pareho sa kalag asin hawak, na tanganing ako dae maipadara na magtindog sa presensiya kan sakuyang Diyos, na paghusgaran kan sakuyang mga naginibohan.

16 Asin ngonian, sa tulong aldaw asin sa tulong banggi na ako nalamuyuan, magin sa mga kakulugan nin sarong kondenadong kalag.

17 Asin ini nangyaring naglipas na habang ako nakakamate nin kasakitan, habang ako nakukulugan sa paagi nin memoriya kan sakuyang kadakul na mga kasalanan, hilnga, ako nakagiromdom man na nakapagdangog sa sakuyang ama na nagpropesiya sa mga katawohan mapanungod sa pag-abot nin sarong Cristo Jesus, an Ake nin Diyos, na tanganing magbayad-sala para sa mga kasalan nin mundo.

18 Ngonian, habang an sakuyang isip yaon sa paghorop-horop kaining kaisipan, ako

nagkurahaw sa irarom kan sakuyang puso: O Jesus, ika Ake nin Diyos, kaheraki ako, ako na yaon sa tulak nin kapaitan, asin ako na napapalibutan nin daeng katapusan na mga kadena nin kagadanan.

19 Asin ngonian, hilnga, kan ako makapag-isip kaini, ako dae na nakapaggiromdom kan sakuyang mga sakit; iyo, ako dae na nakulugan sa paagi kan memoriya nin sakuyang mga kasalan.

20 Asin oh, anong kaogmahan, asin ano baya kangalas na liwanag an sakuyang namasdan; iyo, an sakuyang kalag napano nin kaogmahan arog kasobra siring sa sakuyang kulog!

21 Iyo, ako nagsasabi sa saimo, ake ko, na dae pa nagkakaigwa nin orog kahapdi asin sobrang kapaitan arog kan sakuyang mga kasakitan. Iyo, asin giraray ako nagsasabi sa saimo, ake ko, na sa laeng parte, na dae pa nagkaigwa nin orog kadahom asin kahamison an arog kan sakuyang kaogmahan.

22 Iyo, naghuna-huna ako nahiling ko, na arog na gayo kan ama nyatong si Lehi an nahiling, an Diyos na nakatukaw sa saiyang trono, napapalibutan nin dae mabibilang na mga pag-iriba kan mga anghel, na yaon sa atitud na nagkakarantahan asin nag-ooromaw sa saindang Diyos; iyo, asin an sakuyang kalag nagmawot na makaduman.

23 Pero hilnga, an sakuyang mga bitis nakaresibe kan saindang kakusugan giraray, asin ako nagtindog sa sakuyang mga bitis, asin naghiling sa mga katawohan na ako ipinangaki na sa Diyos.

24 Iyo, asin ta pagpoon kaidtong mga panahon magin sagkod ngonian, ako nagtatrabaho nin mayong pag-untok, na ako puwedeng makapagdara nin mga kalag pasiring sa pagsosolsol; na ako puwedeng magdara sainda na tanganing magnamit man kan labi-labing kaogmahan na sakuyang nanamitan; na sinda puwede man na mamundag sa Diyos, asin mapano nin Espiritu Santo.

25 Iyo, asin ngonian hilnga, o sakuyang ake, an Kagurangnan naghimong maitao sakuya an sobra kadakulang kaogmahan na prutas kan sakuyang pagtatrabaho;

26 Nin huli ta an dahilan kan tataramon na saiyang ipinagheras sa sakuya, hilnga, kadakul na an minundad sa Diyos, asin nakanamit arog kan sakuyang nanamitan, asin nakahiling mata sa mata arog kan sakuyang nahiling; kun kaya sinda naggad nakaaram kaining mga bagay na sakuya nang naitaram, arog na ako naggad nakaaram; asin an kaaraman na yaon sakuya gikan sa Diyos.

27 Asin ako suportado habang yaon sa pagsubok asin mga kakundian sa lambang klase, iyo, asin sa gabos na manera nin mga kasakitan; iyo, an Diyos iyo an nagligtas sakuya gikan sa prisohan, asin gikan sa mga gapos, asin gikan sa kagadanan; iyo, asin ako naggad naggibo na ipamugtak an pagtitiwala ko sa saiya, asin siya sa padagos na magliligtas sakuya.

28 Asin ako nakakaaram na saiya akong bubuhayon sa huring aldaw, tanganing mag-erok kaiba niya sa kamurawayan; iyo, asin ako mag-oomaw saiya sagkod pa man, nin huli ta siya an nagdara kan satuyang mga ama paluwas sa Ehipto, asin siya an naghalon sa mga Ehpsiyo sa Pulang Dagat; asin siya an nangenota sainda sa paagi kan saiyang kapangyarihan pasiring sa pinagpromisang kadagaan; iyo, asin siya iyo an nagligtas sainda paluwas sa pagka-uripon asin pagkasakop sa pana-panahon.

29 Iyo, asin siya man an nagdara sa satuyang mga ama paluwas sa kadagaan nin Jerusalem; asin siya man, sa paagi kan saiyang daeng katapusan na kapangyarihan, an

nagligtas sainda paluwas sa pagka-uripon asin pagkasakop, sa pana-panahon magin hanggan ngonian na mga aldaw; asin ako pirmeng maisa-isip an panggigiromdom kan saindang pagkasakop; iyo, asin ika man kaipuhan na isaisip an panggigiromdom, arog kan sakong ginibo, an saindang pagkasakop.

30 Pero hilnga, ake ko, bako lang ini gabos; nin huli ta ikaw kaipuhan na makaaram arog kan sakong naaraman, na habang ika nag-uutob sa mga kasugoan nin Diyos ika mag-aasenso sa kadagaan; asin ika kaipuhan na makaaram man, na habang ika dae nag-uutob sa mga kasugoan nin Diyos ikaw isisikwal gikan sa saiyang presensiya. Ngonian iyo ini an uyon sa saiyang tataramon.

ALMA TSAPTER 37

An mga laminang bronse asin an ibang mga kasuratan pinag-ingatan na tanganing magdara nin mga kalag sa kaligtasan--- An mga Jaredita nadeostro nin huli kan saindang mga kasalan--- An saindang mga sikretong panunumpa asin mga tipan kaipuhan na itao gikan sa mga katawohan--- Makipag-olayan sa Kagurangnan sa gabos mong mga gigibohon--- Habang an liahona naggigiya sa mga Nephi, iyo man an tataramon ni Cristo mag-aakay sa mga tawo pasiring sa daeng kasagkorang buhay.

Asin ngonian, Helaman ake ko, ako nagsusugo saimo na daraha an mga rekord na ipinagkatiwala sa sakuya;

2 Asin ako man nagsusugo saimo na ikaw magtago nin sarong rekord kaining mga katawohan, uyon sa sakong ginigibo, na yaon sa mga lamina ni Nephi, asin tagoon an gabos na ining mga bagay na sagrado na sakuyang tinatago, na arog kan sakuyang pag-iingat kan mga ini; nin huli ta ini para sa sarong madunong na katuyuhan na an mga ini iniingatan.

3 Asin an mga laminang bronseng ini, na igwa kaining mga inukit, na igwa kan mga talaan nin mga banal na kasuratan na yaon sa sainda, na igwa nin tala-anakan nin satuyang mga ninun, magin gikan pa sa kapinunan---

4 Hilnga, ipinagpropesiya kan satuyang mga ama, na sinda hingohaon na pag-ingatan asin ipagtao gikan sa sarong henerasyon hanggan sa iba pa, asin ini pag-ingatan asin ipreserba sa paagi kan kamot nin Kagurangnan magin hanggan an mga ini makaabot duman sa lambang nasyon, lahi, dila, asin katawohan, na sinda makakaaram kan mga misteryo na nakapalaman kaini.

5 Asin ngonian hilnga, kun sinda maitatago sinda kaipuhan na retenido an saindang pagkikinang; iyo, asin sinda retenido an saindang pagkikinang; iyo, asin man an gabos na mga lamina na igwa nin laman na iyo an banal na rito.

6 Ngonian ika puwedeng naghuhuna-huna na ini sarong kalokohan sa sako; pero hilnga ako nagsasabi sa saimo, na sa paagi nin saradit asin simpleng mga bagay na an mga darakulang bagay nahihimong maglipas; asin an saradit nangangahulugan sa kadakul na mga pagkakataon an nakapagparibong sa madudunong.

7 Asin an Kagurangnang Diyos naggigibo nin mga paagi tanganing darahon sa kagabsan

An Simbahan ni Jesukristo nin Mga Banal sa Huring-aldaw

362

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an saiyang dakula asin daeng kasagkoran na mga katuyuhan; asin sa paagi nin saraditon na gayong mga paagi an Kagurangnan naghihimong maribongan an mga madudunong asin pinagdada an kaligtasan nin kadakul na mga kalag.

8 Asin ngonian, ini sa kapinunan pa sana iyo an kadunungan nin Diyos na an mga bagay na ini dapat na ipreserba; nin huli ta hilnga, saindang pinalawig an memoriya kaining mga katawohan, iyo, asin nakapagkumbinsi sa kadakul kan sala nin saindang mga gawi, asin nagdara sinda sa kaaraman kan saindang Diyos pasiring sa kaligtasan kan saindang mga kalag.

9 Iyo, ako nagsasabi saimo, kun bako sa mga bagay na ini na an mga rekord iyo an naglalaman, na yaraon sa mga laminang ini, si Ammon asin an saiyang mga katugangan dae kuta na nakapagkumbinsi sa kadakul na ribo-ribong mga Lamanita kan salang tradisyon nin saindang mga ama; iyo, an mga talaan na ini asin an saindang mga tataramon iyo an nagdara sinda pasiring sa pagsosolsol; iyo ini, sa saindang pinagdara sinda sa kaaraman nin Kagurangnan saindang Diyos, asin ta mag-orogma ki Cristo Jesus na saindang Paratubos.

10 Asin siisay baya an nakakaaram na sinda an magigin paagi na tanganing pagdarahon an kadakul na ribo-ribo sinda, iyo, asin man an kadakul na ribo-ribo na satuyang tiso an liog na mga katugangan, an mga Nephita, na ngonian pinapatagas an saindang mga puso sa kasalan asin mga kadaendatahan, pasiring sa kaaraman kan saindang Paratubos?

11 Ngonian ining mga mysteryo dae pang gayo hinihimong maipaaram sa sakuya; kun kaya ako mamumugol.

12 Asin ini puwedeng tama sana kun ako lang an magsasabi na ini sinda ipinagpreserba para sa sarong madunong na katuyuhan, na an katuyuhan iyo an yaon sa Diyos; nin huli ta siya nagpapagiromdom nin kadunungan sa bilog niyang mga gibo, asin an saiyang mga agihan gabos matatanos, asin an saiyang kurso sarong daeng kasagkoran na pag-ikot.

13 O giromdoma, giromdoma, Helaman ake ko, kun gurano ka-estrikto an mga kasugoan nin Diyos. Asin siya nagsabi: Kun ika magsusunod sa sakuyang mga kasugoan ika mananagana sa kadagaan--- pero kun ika dae magsusunod sa saiyang mga kasugoan ika ipagsisikwal gikan sa saiyang presensiya.

14 Asin ngonian giromdoma, ake ko, na an Diyos iyo an nakatiwala saimo kaining mga bagay, na mga sagrado, na saiyang iningatang pinapasagrado, asin man an saiyang iingatan asin pinipreserba para sa sarong madunong na katuyuhan na yaon saiya, na saiyang magibong maipapahiling an saiyang kapangyarihan sa maarabot na mga henerasyon.

15 Asin ngonian hilnga, ako nagtataram sa paagi kan espiritu nin propesiya, na kun ika maglalapas sa mga kasugoan nin Diyos, hilnga, ining mga bagay na sagrado kukuahon paharayo gikan saimo sa paagi nin kapangyarihan nin Diyos, asin ika maipapatunod pasiring ki Satanas, na tanganing ika sasaraon niya na arog kan ata na dara-dara nin paros.

16 Pero kun saimong pinagsusunod an mga kasugoan nin Diyos, asin gibohon ining mga bagay na mga sagrado na uyon sa bagay nin Kagurangnan na ipinagsusugo saimo, (nin huli ta kaipuhan na ika mangapudan sa Kagurangnan para sa gabos na mga bagay na saimong kaipuhan na gigibohon sa sinda) hilnga, mayo nin kapangyarihan sa kinaban o impiyerno na puwedeng makakua sinda gikan saimo, nin huli ta an Diyos iyo an mas makapangyarihan na tanganing mauutob an gabos niyang mga tataramon.

17 Nin huli ta saiyang uutobon an gabos niyang mga promisa na saiyang hihimoon sa saimo; nin huli ta saiyang inutob an saiyang mga promisa na saiyang ginibo sa satuyang mga ama.

18 Nin huli ta siya nagpromisa sa sainda na saiyang ipepreserba an mga bagay na ini para sa sarong madunong na katuyuhan na yaon saiya, na saiyang kaipuhan na maipahiling sa gabos an saiyang kapangyarihan sa maarabot na mga henerasyon.

19 Asin ngonian hilnga, an sarong katuyuhan na saiyang inutob, magin sa restorasyon kan kadakul na ribo-ribong mga Lamanita pasiring sa kaaraman nin katotoohan; asin saiyang ipinahiling an saiyang kapangyarihan sa sainda, asin saiya man giraray ipapahiling an saiyang kapangyarihan sa sainda sa maarabot na mga henerasyon; kun kaya sinda ipepreserba.

20 Kun kaya ako nagsusugo saimo, ake kong Helaman, na ika magin mahigos sa pag-uutob kan gabos kong mga tataramon, asin na ika magin mahigos sa pagsusunod sa mga kasugoan nin Diyos arog kan mga nasusurat na.

21 Asin ngonian, ako magtataram sa saimo mapanungod sa bente-kuwatrong lamina, na saimong iingatan sinda, na an mga misteryo asin mga gibo nin kadikloman, asin an saindang mga pasaluib na gibo, o an mga sikreto nindang mga katawohan na nadestroso, puwedeng mahimong mangyari kaining mga katawohan; iyo, an gabos nindang mga panggagadanan, mga pangungulimat, asin an saindang mga paghaharabon, asin an gabos nindang kadaendatahan asin karumputan, puwedeng mahimong mangyari kaining mga katawohan; iyo, asin saimong ipreserba ining mga interpretador.

22 Nin huli ta hilnga, an Kagurangan an nakahiling na an saiyang mga katawohan nagpoon na magtrabaho sa kadikloman, iyo, naggigibo nin sikretong panggagadanan asin mga karigsokan; kun kaya an Kagurangan nagsabi, kun sinda dae nagsosolsol sinda dapat na destrosohon gikan sa lalawgon nin kinaban.

23 Asin an kagurangan nagsabi: Ako an mag-aandam sa sakuyang surugoon na si Gazelem, sarong gapo, na magbabangraw sa kadikloman na magliliwanag, na ako puwedeng makadiskubre sa sakuyang mga katawohan na nagsisirbe sakuya, na ako puwedeng makadiskubre sa sainda an mga gibo kan saindang mga katugangan, iyo, an saindang mga pasaluib na gibo, an saindang mga gibo sa kadikloman, asin an saindang mga kadaendatahan asin mga karigsokan.

24 Asin ngonian, ake ko, ining mga interpretador pinag-andam na an tataramon nin Diyos mapupuwedeng mautob, na saiyang pinagtaram, na nagsasabi:

25 Ako magdadara paluwas sa kadikloman pasiring sa liwanag kan gabos nindang mga pasaluib na gibo asin kan saindang mga karigsokan; asin laen lang kun sinda magsosolsol ako an magdedestroso sainda gikan sa lalawgon kan kinaban; asin ako an magdadara pasiring sa liwanag kan gabos nindang mga sikreto asin karigsokan, paduman sa lambang nasyon na iyo magpoon ngonian an magsasadire sa kadagaan,

26 Asin ngonian, ake ko, satuyang nahihiling na sinda dae nagsosolsol; kun kaya sinda pinagdestroso, asin kaya sa kahaluyi an tataramon nin Diyos nautob na; iyo, an saindang sikretong mga karigsokan pinagbubuyagyag paluwas gikan sa kadikloman asin hinimong maipabantog sa satuya.

27 Asin ngonian, ake ko, ako nagsusugo saimo na saimong giromdomon an gabos nindang panunumpa, an saindang mga tipan, asin an saindang mga kasundoan sa saindang mga sikretong karigsokan; iyo, asin an gabos nindang senyales asin kan

saindang mga kangalasan na saimong iingatan gikan kaining katawohan, na sinda dae ninda maaaraman, nin huli ta baka baya sinda magkakahurulog pasiring sa kadikloman man asin mapahamak.

28 Nin huli ta hilnga, igwa nin sarong sumpa sa ibabaw kaining bilog na kadagaan, na kapahamakan an maabot sa gabos na mga trabahador nin kadikloman, na uyon sa kapangyarihan nin Diyos, sa panahon na sinda hinog nang gayo; kun kaya ako nagmamawot na ining mga katawohan mapuuwedeng dae kuta na mapahamak.

29 Kun kaya saimong pagtagoon ining mga sikreto nindang mga panunumpa asin an saindang mga tipan gikan sa katawohang ini, asin an sainda sanang mga kadaendatahan asin an saindang mga panggagadanan asin an saindang mga karigsokan saimong maipabantog sa sainda; asin saimong tutukdoan sinda na mag-anggot sa arog na kadaendatahan asin mga karigsokan asin mga panggagadanan; asin saimo man tutukdoan sinda na an mga katawohang ini napahamak nin huli sa saindang kadaendatahan asin mga karigsokan asin kan saindang mga panggagadanan.

30 Nin huli ta hilnga, saindang pinaggagaradan an gabos na mga propeta nin Kagurangnan na nagruluwas sa pag-iriba ninda tanganing ipahayag sa sainda an mapanungod sa saindang mga kadaendatahan; asin an dugo ninda na saindang ginaradan na nagkukurahaw sa Kagurangnan saindang Diyos para sa kabalusan sa sainda na iyo an saindang mga paragadan; asin kaya an mga kahukuman nin Diyos nag-abot sa mga trabahador nin kadikloman asin mga sikretong kumbinasyon.

31 Iyo, asin an sumpa magin yaon sa kadagaan sagkod pa man asin magigin yaon sa saindang mga trabahador nin kadikloman asin mga sikretong kumbinasyon, magin hanggan sa kapahamakan, laen lang kun sinda magsosolsol bago pa man na sinda mahinog nang gayo.

32 Asin ngonian, ake ko, giromdoma baya an mga tataramon na sakuyang isinabi sa saimo; dae ka magtiwala sa mga sikretong plano kaining mga katawohan, alagad tukdoi sinda nin daeng kasagkoran na kaanggutan kontra sa kasalanan asin kadaendatahan.

33 Ipahayag sa sainda an pagsosolsol, asin pagtubod sa Kagurangnanang JesuCristo; tukdoi sinda na magpakumbaba ka saindang mga sadire asin na magin mahuyo asin mapagpakumbaba an puso; tukdoi sinda na labanan an kada tentasyon kan diyablo, sa paagi kan saindang pagtubod sa Kagurangnanang JesuCristo.

34 Tukdoi sinda na dae nanggad mapagal sa mararahay na mga gibo, alagad magin mahuyo asin mapagpakumbaba an puso; nin huli kaini makakanumpong nin kapahingaloan an saindang mga kalag.

35 O, giromdoma, ake ko, asin makanuod nin kadunungan sa saimong kahobenan; iyo, makanuod sa saimong kahobenan na magsunod sa mga kasugoan nin Diyos.

36 Iyo, asin maghagad sa Diyos para sa gabos mong suporta; iyo, giboha na an gabos mong kagibohan para sa Kagurangnan, asin maski saen ka pa man mapaduman giboha ini magin para sa Kagurangnan; iyo, giboha na an gabos mong mga kaisipan magin diretso para sa Kagurangnan; iyo, giboha na an gabos na pagkamateon kan saimong puso magin mapamugtak para sa Kagurangnan sagkod pa man.

37 Makipagsanggunian sa Kagurangnan sa gabos mong mga gigibohon, asin siya magtutukdo saimo para sa karahayan; iyo, sa panahon na ika maghihigda sa pagkabanggi maghigda ka sa Kagurangnan, na tanganing siya an puwedeng magbabantay saimo sa saimong pagkaturog; asin sa panahon na ika magbubuhat sa pagkaaga giboha na an

saimong puso mapano nin kapasalamatan para sa Diyos; asin kun ika maggigibo kaining mga bagay, ika ipagpapalangkaw sa huring aldaw.

38 Asin ngonian, ake ko, ako igwang maisasabi mapanungod sa bagay na an satuyang mga ama pinag-apud na sarong bola, o tagatukdo--- o an satuyang mga pinag-aapud ini na Liahona, na iyo ngani, bilang interpretado, sarong kumpas; asin an Kagurangnan iyo an nagprepara kaini.

39 Asin hilnga, dae kaini nagkaigwa nin anuman na manera nin grabe kapulidong kaggibohan. Asin hilnga, idto pinaghanda na maipahiling sa satuyang mga ama an kurso na saindang lalakbayon sa may kaparangan.

40 Asin ini nakatabang sa sinda na uyon sa saindang pagtubod sa Diyos!; kun kaya, kun sinda nagka-igwa na nin pagtubod sa paniniwala na an Diyos puwedeng magkakausa na idtong mga espundilyamagtutukdo na dalan na saindang padudumananm, hilnga, idto nangyari na; kun kaya sinda nagkaigwa kaining milagro, asin man kadakul na iba pang mga milagro na pinagpangyari sa paagi nin kapangyarihan nin Diyos, sa pang-aroaldaw.

41 Mayong pagkukulang, nin huli kaidtong mga milagro na ginibo sa sadit na paagi na ini nakapagpahiling sa sinda nin makangangalas na mga kaggibohan. Sinda nagin mga hugakon, asin nakarilingaw na ehersisyo an saindang pagtubod asin kahigosan asin pagkatapos idtong mga makangangalas na kaggibohan nag-untok; asin sinda dae nagin progresibo sa saindang paglalakbay;

42 Kun kaya, sinda nag-erero sa kaparangan, o dae naglakbay nin diretsong padumanan, asin nagkamate nin kagutuman asin pagkapah, nin huli kan saindang mga kalapasan.

43 Asin ngonian, ake ko, ako naghingoha na saimong maiintindihan na an mga bagay na ini dae puwedeng mayo nin sarong anino; nin huli ta habang an satuyang mga ama nagin mga mahinugak na magtao nin pagsunod sa kumpas na ini (ngonian an mga bagay na ini temporal) sinda dae n-asenso; magin ngani ini igwa nin mga bagay na espirituwal.

44 Nin huli ta hilnga, ini arog kasayon na magtao nin pagsunod sa tataramon ni Cristo, na iyo an magtutukdo saimong sa sarong diretsong padumanan pasiring sa daeng kasagkorang kaogmahan, arog kaidto na an satuyang mga ama nagtao nin pagsunod sa kompas na ini, na iyo an nagtutukdo sa sinda nin sarong tanos na dalan pasiring sa promisang daga.

45 Asin ngonian ako nagsasabi, bako daw na mayo nin sarong kapareho an bagay na ini? Nin huli ta arog kaini kaseguro an ining direktoriuo an nagdara satuyang mga ama, sa paagi nin pagsunod sa itinutukdo kaini, pasiring sa promisang daga, mangyari na an mga tataramon ni Cristo, kun kita magsusunod sa mga katukdoan kaini, iyo an magdadara satuya sa balyo kaining belo nin kamondoan pasiring pa duman sa mas harayong marahayon na daga nin promisa.

46 O ake ko, dae mo ipagtugot na magin mga hugakon kita nin huli kan masayunon na dalan; nin huli ta iyo kaidto an nangyari sa satuyang mga ama; nin huli ta arog kaidto ini ipinag-andam para sinda, na kun saindang paghilingog sinda puwedeng mabubuhay; magin ini man maaarog sa satuya. An dalan pinag-andam na, asin kun kita maghiling kita mamumuhay sa daeng kasagkoran.

47 Asin ngonian, ake ko, hilingon na saimong maaalagaan ining mga sagradong bagay, iyo, hingohaon mo na ika maghiling sa Diyos asin mabuhay. Magduman ka sa mga katawohang ini asin ipagpahayag an tataramon, asin magin mahinahon. Ake ko, paaram.

ALMA TSAPTER 38

An mga kasugoan ni Alma sa saiyang akeng lalake na si Shiblon.

Si Shiblon persigido nin huli sana sa katanosan--- An kaligtasan yaon ki Cristo, na iyo an buhay asin liwanag kan mundo--- Pugulon an gabos na pasyon nin laman.

Ake ko, magtao ka nin talenga sa sakuyang mga tataramon, nin huli ta ako masabi sa saimo, arog kan sakong ipinagsabi ki Helaman, na habang ika nagsusunod sa mga kasugoan nin Diyos ika mag-aasenso sa kadagaan; asin habang ika dae nagsusunod sa mga kasugoan nin Diyos ika isisikwal gikan sa saiyang presensiya.

2 Asin ngonian, ake ko, ako may tiwala na ako magkakaigwa nin dakulaon na kaogmahan saimo, nin huli kan saimong panindugan asin kan saimong kapanoan nin pagtubod sa Diyos; nin huli ta arog kan saimong pinagpoon habang hoben ka pa na maghihiling sa Kagurangnan na saimong Diyos, magin ngani kaini ako naglalaom na ika magpapadagos na magsusunod sa saiyang mga kasugoan; nin huli ta paladan siya na makatagal hanggan sa katapusan.

3 Ako nagsasabi saimo, ake ko, na ako nagkaigwa na nin dakulaon na kaogmahan sa saimo, nin huli kan saimong kapanoan nin pagtubod asin kan saimong kahigosan, asin kan saimong pasensiya asin kan saimong halawig na pagkamatinius sa kairibahan nin katawohan nin mga Zoramita.

4 Nin huli ta ako nakakaaram na ika kaidto nagagapos; iyo, asin ako man nakakaaram na ika kaidto pinaggarapo nin huli sana sa tataramon; asin saimong nakayang pagdarahon sa gabos na ining mga bagay na may pasensiya nin huli ta an Kagurangnan yaon sa saimo; asin ngonian ika nakakaaram na gayo na an Kagurangnan iyo an nagligtas saimo.

5 Asin ngonian ake ko, Shiblon, ako naghihingoha na saimong magigiromdoman, na habang bilog kang magtitiwala sa Diyos na magin ika maliligtas paluwas sa saimong mga pagsubok, asin sa saimong mga problema, asin sa saimong mga kasakitan; asin ika ipagpapalangkaw sa huring aldaw.

6 Ngonian, ake ko, ako dae naghihingoha na saimong pag-isipon na ako nakakaaram sa mga bagay na ini sa sadire ko, pero an Espiritu nin Diyos na yaon sakuya iyo an naghihimo na an mga bagay na ini maipaaram sa sakuya; nin huli ta kun ako bako man ipinangaki para sa Diyos dae ko kuta na nagkaaraman ining mga bagay.

7 Pero hilnga, an Kagurangnan sa saiyang dakulang pagkaherak nagpadara kan saiyang anghel tanganing ipagpahayag sa sakuya na kaipuhan kong gayo na punduhon an gibo nin kapahamakan sa pag-iriba nin saiyang mga katawohan, iyo, asin ako nakahiling na nin sarong anghel lalawgon sa lalawgon, asin siya nakipag-olay sako, asin an saiyang boses naa-arog sa sarong daguldol, asin ini nakapagpayugyog sa bilog na daga.

8 Asin ini nangyaring naglipas na ako kaidto may tulong aldaw asin tulong banggi na yaon sa grabe kakuring kakulugan asin kapaitan nin kalag; asin dae naggad, hanggan sa ako nanggangayo-ngayo sa Kagurangnan Jesu Cristo para kaherakan, nakaresibe nin kapatawaran kan sakuyang mga kasalan. Pero hilnga, ako naggad nanggangayo-ngayo sa saiya asin ako nakanagbo nin katuninongan sa sakuyang kalag.

An Simbahan ni Jesukristo nin Mga Banal sa Huring-aldaw

367

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

9 Asin ngonian, ake ko, ako nagsasabi sa saimo kaini na tanganing ika puwedeng makanuod nin kadunungan, na ika puwedeng makanuod sakuya na mayo nang ibang dalan o mga paagi kun saen an tawo makaligtas, sa laog niya asin sa paagi sana ni Cristo. Hilnga, siya iyo an buhay asin an liwanag nin mundo. Hilnga, siya an tataramon nin katotohanan asin pagkamatanos.

10 Asin ngonian, habang ika nakapagpoon na magtukdo nin tataramon magin ako naghilingoha na ika padagos na makapagtukdo; asin ako naghilingoha na ika magin mahigason asin mapagpasensiya sa gabos na mga bagay.

11 Hilngon mo baya na ika dae maipagpalangkaw pasiring sa kapaabaw-abawan; iyo, hilngon mo na ika dae maghambog sa sadire mong kadunungan, ni sa saimong grabeng kusog.

12 Gamiton mo an kaisogan, pero bakong sa kasobrahan; asin man hilngon mo baya na mapugulan an gabos mong pasyon sa laman, na tanganing ika puwedeng mapapano nin pagkamoot; hilngon baya na ika maglilikay gikan sa pagkamahugak.

13 Dae ka magpangadye na arog sa ginigibo nin mga Zoramita, nin huli ta saimong nahiling na sinda nagpapangadye na tanganing madangog nin mga tawo, asin tanganing pag-oomawon nin huli kan saindang kadunungan.

14 Dae ka magsabi: O Diyos, ako nagpapasalamat saimo na kami mas marahay kesa samuyang mga katugangan; pero baya sabiha: O Kagurangnan, patawada an sakong dae-pagkamaninigo, asin giromdoma an sakuyang mga katugangan na may pagkaherak--- iyo, ako an saimong dae-pagkamaninigo sa atubangan nin Diyos sa gabos na mga panahon.

15 Asin ta lugod an Kagurangnan an magbendisyon sa saimong kalag, asin iyo an magresibe saimo sa huring aldaw pasiring sa saiyang kahadean, na tanganing magtukaw sa katuninongan. Ngonian lakaw, ake ko, asin itukdo an tataramon sa mga katawohang ini. Magin mapagpasensiya. Ake ko, paaram.

ALMA TSAPTER 39

An mga kasugoan ni Alma sa saiyang akeng lalake na si Corianton. (Kumponido nin tsapter 39 hanggan 42 inklusibo).

An sekswal na kasalan sarong karumputan--- an mga kasalan ni Corianton iyo an nakapagpapugol sa mga Zoramita na magresibe sa tataramon--- An pagtubos ni Cristo may bisa sa nakaagi sa pagliligtas sa mga may kapanoan nin pagtubod na nagka-erenot kaini.

Asin ngonian, ake ko, ako igwa nin kadakul pang mga bagay na isasabi sa saimo kesa sakong naisabi na sa saimong tugang; nin huli ta hilnga, dae mo daw na-oberbaran an paninindugan kan saimong tugang, an saiyang kapanoan nin pagtubod, asin an saiyang pagkamahigos sa pagsusunod sa mga kasugoan nin Diyos? Hilnga, bako daw na siya nakapagpahiling nin sarong marahayon na halimbawa para saimo?

2 Nin huli ta ika daeng gayo nakapagtao nin grabeng pagdangog sa sakuyang mga tataramon na arog kan ginibo kan saimong tugang, sa pag-iriba kan mga katawohan nin

An Simbahan ni Jesukristo nin Mga Banal sa Huring-aldaw

368

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga Zoramita. Ngonian iyo ini an igwa ako laban saimo; ika padagos na ginigibo an panhahambog kan saimong kusog asin kan saimong kadunungan.

3 Asin bako lang ini gabos, ake ko. Ika padagos na naggigibo nin bagay na nakapagpagabat sa sakuya; nin huli ta ika padagos na nagpapabaya sa ministeryo, asin nagpaduman pasiring sa laog nin kadagaan nin Siron na yaon sa pag-iriba kan mga Lamanita, na an katuyuhan iyo an harot na si Isabel.

4 Iyo, siya iyo an naghabor paharayo kan mga puso nin kadakul; pero ini bakong dispensa para saimo, ake ko. Ika dapat na naggibong pangatamanan an ministeryo kun saen ika an pinagkakatiwalaan.

5 Dae mo daw naaraman, ake ko, na an mga bagay na ini sarong karumputan sa paghilingon nin Kagurangan; iyo, mas pang marumpot labaw pa sa gabos na mga kasalanan laen pa na ini makakapagpabulos nin inosenteng dugo o paninikwal sa Espiritu Santo?

6 Nin huli ta hilnga, kun saimong isisikwal an Espiritu Santo na kaidto minsan nagkaigwa na nin lugar sa laog mo, asin ta ika nakakaaram na saimong isinikwal ini, hilnga, ini sarong kasalanan na mayong kapatawaran; iyo, asin an siirisay na manggagadanan kontra sa liwanag asin kaaraman sa Diyos, ini bakong masayunon para sa iya na makakua nin kapatawaran; iyo, ako nagsasabi sa saimo, ake ko, na ini bakong masayunon para sa iya na makikua nin sarong kapatawaran.

7 Asin ngonian, ake ko, ako naghingoha para sa Diyos na ika dae kaidto nagkasala nin sarong dakulaon na krimen. Ako habong maki-erok sa saimong mga krimen, na tanganing pasakitan an saimong kalag, kun ini bako man para sa saimong karahayan.

8 Pero hilnga, ika dae makakapagtago kan saimong mga krimen sa Diyos; asin laen lang na ika magsosolsol an mga ini iyo an magtitindog bilang sarong testimonya laban saimo sa huring aldaw.

9 Ngonian ake ko, ako naghingoha na ika dapat na magsosolsol asin talikudan an saimong mga kasalanan, asin dae na magpadara pa sa mga makamundong pagmamawot nin saimong mga mata, alagad mamugulan sa saimong sadire sa gabos kaining mga bagay; nin huli ta laen lang na ika gumibo kaini ika daeng pagdududa makapagmana nin kahadean nin Diyos. O, giromdoma, asin darahon mo ini sa saimo, asin mamugulan ka sa saimong sadire kaining mga bagay.

10 Asin ako nagsusugo saimo na daraha baya ini na tanganing ika makikipagsanggunian sa mga matua mong mga tugang sa saimong mga gigibohon; nin huli ta hilnga, ika yaon pa sa saimong kahobenan, asin ika kaipo pang yaon sa pangangataman kan saimong mga tugang. Asin magtao nin pagdangog sa saindang mga pagpapagiromdom.

11 Dae mo pagtugutan an saimong sadire na madara kang mangengenotan paharayo sa paagi nin anuman na mayong kamugtakan o kahangalang bagay; dae ka magtugot na an diyablo iyo an magdara paharayo giraray kan saimong puso paduman sa makasalanon na mga harot. Hilnga, o ake ko, gurano daw kadakula an kadaendataan na saimong dinara sa mga Zoramita; nin huli ta kun saindang mahiling an saimong gibo sinda dae magtutubod sa sakuyang mga tataramon.

12 Asin ngonian an Espiritu nin Kagurangan iyo an nagsasabi sa sakuya: Sugoan saimong mga kaakian na tanganing gumibo nin karahayan, ta kun dae baka saindang madadara paharayo an mga puso nin kadakul na katawohan pasiring sa kapahamakan; kun kaya ako nagsusugo saimo, ake ko, na may pagkatakot sa Diyos, na ika maglikay

An Simbahan ni Jesukristo nin Mga Banal sa Huring-aldaw

369

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

gikan sa saimong mga kadaendatahan.

13 Na ika magbaling sa Kagurangnan sa bilog mong pag-isip, kakayahan, asin kusog; na tanganing dae mo na ipagharayo an mga puso na gumibo pa nin pagkakasala; kundi bumalik sa sainda, asin akoon an saimong mga kasalanan asin an mga pagkakamali na saimong nagkagirinibohan.

14 Dae ka maghanap nin mga kayamanan ni an mga daeng kamugtakan na mga bagay kaining mundo; nin huli ta hilnga, dae mo sinda madadara na kaiba mo.

15 Asin ngonian, ake ko, ako naghihingoha nin mga bagay sa saimo mapanungod sa pag-abot ni Cristo. Hilnga, ako nagsasabi sa saimo, na iyo siya an seguradong maabot sa paghale paharayo kan mga kasalan nin mundo; iyo, siya maabot sa pagpahayag nin marhay na bareta nin kaligtasan sa saiyang katawohan.

16 Asin ngonian, ake ko, iyo ini kaya kaidto an ministeryo kun saen ika pinapangapudan, na tanganing maipahayag ining marhay na bareta pasiring kaining mga katawohan, na tanganing pag-andamon an saindang mga pag-iisip; o kaya an kaligtasan mapupuwedeng mapapasainda, na tanganing saindang mai-andam an mga pag-iisip kan saindang mga kaakian na magdangog sa tataramon sa panahon kan saiyang pag-abot.

17 Asin ngonian ako kumbaga magpapasayon kan saimong pag-iisip manungod sa temang ini. Hilnga, ika nagngangalas kun tadaw ta an mga bagay na ini kaipong maipagpaaram sa kahaluyan bap pa man mangyari. Hilnga, ako nagsasabi sa saimo, bako daw na an sarong kalag sa panahon na ini mahalaga para sa Diyos arog kan sarong kalag na magin iyo sa panahon kan saiyang pag-abot?

18 Bako daw na ini arog na kaipo na tanganing an plano nin pagtutubos dapat na mahimong maipaaram sa mga katawohang ini siring man sa saindang mga kaakian?

19 Bako daw na ini masayunan sa panahong ini para sa Kagurangnan na ipadara an saiyang anghel tanganing maipabalangibog ining marhay na bareta sa satuya siring man sa satuyang mga kaakian, o sa pagkatapos na kan panahon kan saiyang pag-abot?

ALMA TSAPTER 40

Si Cristo an mapangyari na umabot an pagkabuhay-liwat kan gabos na mga tawo--- An matanos na nagadan mapasiring sa paraiso asin an mararaot mapasiring sa luwas na kadikloman sa paghalat kan aldaw kan saindang pagkabuhay-liwat--- An gabos na mga bagay ibabalik sa tama asin sa perpektong kamugtakan sa pagkabuhay-liwat.

Ngonian ake ko, uya pa baga an kadakul ko pang sasabihon sa saimo; nin huli ta sakuyang napag-isipan na an saimong kaisipan naghahadit manungod sa pagkabuhay-liwat nin mga gadan.

2 Hilnga, ako nagsasabi sa saimo, na mayo nin pagkabuhay-liwat--- o, an boot kong sabihon, sa ibang mga tataramon, na ining mortal dae maipapamugtak sa immortalidad, ining may kalapaan dae maipapamugtak sa mayong kalapaan--- hanggan sa pagkatapos na mag-abot si Cristo.

3 Hilnga, siya an magdadara na mapangyari an pagkabuhay-liwat kan mga gadan. Pero

An Simbahan ni Jesukristo nin Mga Banal sa Huring-aldaw

370

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

hilnga, ake ko, an pagkabuhay-liwat mayo pa. Ngonian, ako magbubukas sa saimo nin sarong misteryo; daeng pagkukulang, na mayo ni saroman an nakakaaram kan mga ini laen lang an Diyos mismo sa saiyang sadire. Pero ako magpapahiling saimo nin sarong bagay na sakuya nang ipinaghapot na may kahigosan sa Diyos na tanganing ako puwedeng makaaram--- na ini mapanungod na gayo sa pagkabuhay-liwat.

4 Hilnga, igwa nin sarong panahon na pinagtakda na tanganing an gabos magburuhat gikan sa pagkagadan. Ngonian kun noarin an panahon na ini mag-abot mayong nakakaaram; pero an Diyos an nakakaaram sa panahon na ining pinagtakda.

5 Ngonian, maski nagka-igwa nin enot na pagkakataon, o ikaduwang pagkakataon, o ikatulong pagkakataon, na an mga tawo mabubuhay-liwat sa mga gadan, ini bakong importante; nin huli ta an Diyos iyo an nakakaaram kan gabos na ining mga bagay; asin ini tama na para sa sakuya na maaraman na iyo ini an kaso--- na igwa talagang sarong panahon na pinagtakda na an gabos mabubuhay-liwat gikan sa mga gadan.

6 Ngonian dapat na magkakaigwa nin sarong espasyo sa katahawan nin panahon nin kagadanan asin an panahon nin pagkabuhay-liwat.

7 Asin ngonian ako maghilingohang maghahapot sa kun ano an mangyayari sa mga kalag nin tawo magpoon ngonian na panahon nin kagadanan hanggan sa panahon na ipinagtakda para sa pagkabuhay-liwat?

8 Ngonian maski na magkaigwa nin sobra sa sarong pagkakataon na pinagtakda para sa mga tawo na magbuhat ini bako nang importante; nin huli ta an gabos dae nagagadan nin saroman sana, asin ini bakong importante: an gabos igwa nin sarong aldaw kaiba nin Diyos, asin an panahon sana an pinagsusukol para sa mga tawo.

9 Kun kaya, igwa nin sarong panahon an pinagtakda para sa mga tawo na sinda magbubuhat gikan sa mga gadan; asin igwa nin sarong espasyo sa tahaw nin panahon nin kagadanan asin an pagkabuhay-liwat. Asin ngonian, mapanungod kaining espasyo nin panahon, ano baya an mangyayari sa mga kalag nin mga tawo iyo an bagay na sakuyang pinaghapot na may kahigosan sa Kagurangnan na tanganing maaraman; asin iyo ini an bagay na sakuyang naaraman.

10 Asin sa panahon na maabot na an gabos magbubuhat, saka na ninda maaraman na an Diyos nakakaaram sa gabos na mga panahon na ipinagtakda sa mga tawo.

11 Ngonian, mapanungod sa estado nin kalag sa tahaw nin kagadanan asin an pagkabuhay-liwat --- Hilnga, ini ginibong ipinagpaaram sa sakuya sa paagi nin sarong anghel, na an mga espiritu nin gabos na mga tawo, habang sa dae naghahaloy sinda mahale na gikan kaining mortal na hawak; iyo, an mga espiritu nin gabos na mga tawo, magin sinda marhay o maraot, pinagdadara pabalik sa Diyos na iyo an nagtao nin saindang buhay.

12 Asin pagkatapos na ini mangyayaring maglipas, na an mga espiritu ninda na mga matatanos reresibihon duman sa sarong estado nin kaogmahan, na inaapud na paraiso, sarong estado nin pagkapahingalo, sarong estado nin katuninongan, na kung saen sinda magpapahingalo gikan sa gabos nindang mga problema asin gikan sa gabos na pagpapangataman, asin kamondoan.

13 Asin pagkatapos na ini mangyayaring maglipas, na an mga espiritu nin mga makasalanon, iyo, na mga mararaot--- nin huli ta hilnga, sinda mayo nin parte ni porsiyon kan Espiritu nin Kagurangnan; nin huli ta hilnga, sinda an nagpili nin mararaot na mga gibo kesa marhay; kun kaya an espiritu kan diyablo iyo an naglaog sa sinda, asin iyo an

nagsasadire kan saindang harong--- asin an mga ini an itatapok paluwas pasiring sa panluwas na kadikloman; duman nagkakaigwa nin pagtatangis, asin mga kinurahaw, asin pagraragot nin mga ngipon, asin ini iyo nin huli kan saindang sadireng kadaendataan, bilang nadarang nadakop baya sa paagi nin kagustuhan kan diyablo.

14 Ngonian iyo ini an estado kan mga kalag nin mga makasalanon, iyo duman sa kadikloman, asin sa sarong estadong makangorongirhat, na pano nin pagkatakot na nahihiling nin huli sa nagkakalayong indignasyon kan kaanggutan nin Diyos sa sinda; kaya sinda yaon man giraray sa estadong ini, asin man siring man sa mga matatanos sa paraiso, hanggan sa panahon kan saindang pagkabuhay-liwat.

15 Ngonian, igwa nin iba na igwa nin pagkasabot na ining estado nin kaogmahan asin ining estado nin kasakitan kan mga kalag, bago pa man an pagkabuhay-liwat, iyo kaidto an enot na pagkabuhay-liwat. Iyo, ako nag-aako na puwede man naggad ining pag-aapudon na sarong pagkabuhay-liwat, an pagpapabuhay nin espiritu o nin kalag asin an saindang padudumanan na kaogmahan o kasakitan, uyon sa mga tataramon na pinagsambit na.

16 Asin hilnga, giraray ini pinagsambit na, na igwa nin sarong enot na pagkabuhay-liwat, sarong pagkabuhay-liwat kan gabos nindang nakalipas na, o sinda ngonian, o sinda na maarabot pa sana, hanggan sa pagkabuhay-liwat ni Cristo gikan sa pagkagadan.

17 Ngonian, dae nyato pinaghuhuna-huna na ining enot na pagkabuhay-liwat, na pinagsambit sa arog kaining manera, magigin iyo man an pagkabuhay-liwat kan mga kalag asin an saindang papadumanan na kaogmahan o kasakitan. Ika dae puwedeng maghuhuna-huna na iyo na ini an boot na pagkahulugan.

18 Hilnga, ako nagsasabi sa saimo, Bako; pero ini nangangahulugan nin pagkakasararo kan kalag na igwa nin hawak, kaidto sinda na gikan pa sa mga aldaw ni Adan hanggan sa pagkabuhay-liwat ni Cristo.

19 Ngonian, maski na ngani an mga kalag asin an mga hawak ninda na iyo an pinagsasambit na an gabos na ini magigin magkakasararo tulos-tulos, an makasalanon siring man an mga matatanos, ako dae makapagsasabi; tuguti na ini sana, na ako masabi na sinda gabos mabubuhay; o sa ibang tataramon, an saindang pagkabuhay-liwat mangyayaring malipas nguna bago pa man an pagkabuhay-liwat ninda na nagkagaradan pagkatapos nin pagkabuhay-liwat ni Cristo.

20 Ngonian, ake ko, ako dae nagsasabi na an saindang pagkabuhay-liwat maabot mismo sa pagkabuhay-liwat ni Cristo; pero hilnga, ako nagtatao kaini bilang opinyon ko, na an mga kalag asin an mga hawak magkakasararo giraray, sa mga matatanos, sa panahon nin pagkabuhay-liwat ni Cristo, asin sa saiyang pagsakat pasiring sa langit.

21 Pero maski ngani ini mangyayari sa saiyang pagkabuhay-liwat o pagkatapos, ako mayong masasabi; pero iyo sanang gayo an sakong masasabi, na igwa nin sarong espasyo sa katahawan nin kagadanan asin an pagkabuhay-liwat kan hawak, asin an sarong estado nin kalag sa kaogmahan o sa kasakitan hanggan sa panahon na pinagtakda nin Diyos na an gadan magkakaburuhay, asin magin kasararo giraray, pareho sa kalag asin hawak, asin pagdadarahon na magtitindog sa atubangan nin Diyos, asin paghuhusgaran uyon sa saindang mga gibo.

22 Iyo, iyo ini an magdadara kan restorasyon kaidtong mga bagay na pinagsambit na sa paagi kan mga nguso nin mga propeta.

23 An kalag ibabalik giraray sa hawak, asin an hawak sa kalag; iyo, asin an lambang

kalami-as asin kasu-kasuan ibabalik giraray sa hawak kaini; iyo, magin an sarong buhok sa payo dae naggad mawawara; pero an gabos na mga bagay ibabalik giraray sa saindang kamumugtakan asin perpektong kapormahan.

24 Asin ngonian, ake ko, iyo ini an restorasyon na pinagsambit na sa paagi kan mga nguso nin mga propeta---

25 Asin pagkatapos an matatanos magsisirang sa kahadean nin Diyos.

26 Pero hilnga, sarong makangorongirhat na kagadanan an maabot sa mga makasalanon; nin huli ta sinda nagadan arog sa mga bagay na manunungod sa pagkamatanuson; nin huli ta sinda bakong malinigon, asin mayong bakong malinig na bagay an makakamana sa kahadean nin Diyos; pero sinda pinagtapok, asin pinagpamugtak na makiparte sa mga prutas kan saindang mga trabaho o kan saindang mga kagibohan, na mararaot; asin sinda mag-iinom sa mga lagod kan sarong mapait na kopa.

ALMA TSAPTER 41

Sa pagkabuhay-liwat an mga tawo mabubuhay sa sarong estado nin daeng katapusan na kaogmahan o daeng katapusan na kasakitan--- An karaotan dae maski noarin magin kaogmahan--- An makamundong tao mayo nin Diyos sa mundo--- An kada tawo makakaresibe giraray sa pagbabalik nin mga pag-uugali asin mga katangian na nakua na sa mortalidad.

Asin ngonian, ake ko, ako igwa nin mga bagay na sasabihon mapanungod sa restorasyon na nasambit na; nin huli ta hilnga, sa iba baya pinagkurumo-kumo an mga kasuratan, asin nagkawarara sa harayo nin huli kaining bagay. Asin sakong pinaghuhuna-huna na an sakuyang kaisipan nagin mamondoan man mapanungod kaining bagay. Pero hilnga, ako nagpapaliwanag kaini sa saimo.

2 Ako nagsasabi sa saimo, ake ko, na an plano nin restorasyon sarong bagay na kinakaipo kan hustisya nin Diyos; nin huli ta ini kaipuhan na an gabos na mga bagay dapat na maibalik sa dati nindang kinamugtakan. Hilnga, iyo ini an kinakaipo asin husto, na uyon sa kapangyarihan asin pagkabuhay-liwat ni Cristo, na an kalag nin tawo dapat na maibalik sa hawak kaini, asin na an lambang parte kan hawak dapat na maibalik sa sadire kaini.

3 Asin ini kinakaipuhan na magkaigwa nin hustisya an Diyos na an mga tawo dapat na paghusgaran uyon sa saindang mga gibo; asin kun an saindang mga gibo marahayon sa buhay na ini, asin an mga kamawotan kan saindang mga puso marahayon, na sinda man dapat, sa huring aldaw, na maibalik sa dati na marahayon na.

4 Asin kun an saindang mga gibo mararaot an mga ini gigibohong maibalik sa sinda nin maraot. Kun kaya, an gabos na mga bagay ibabalik sa dati nindang kamugtakan, an lambang bagay sa saindang natural na kapormahan--- an mortalidad bubuhayon pasiring sa immortalidad, an kalapaan pasiring sa daeng kalapaan--- bubuhayon sa daeng katapusan na kaogmahan na magmamana nin kahadean nin Diyos, o pasiring sa daeng katapusan na kasakitan na magmamana nin kahadean kan diyablo, an saro sa sarong

An Simbahan ni Jesukristo nin Mga Banal sa Huring-aldaw

373

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kamugtakan, an iba sa iba man---

5 An sarong bubuhayon pasiring sa kaogmahan uyon sa saiyang mga kamawotan na kaogmahan, o an marahayon uyon sa saiyang kamawotan na karahayan; asin an iba pasiring sa maraot uyon sa saiyang mga kamawotan na maraot; nin huli ta habang siya nagmamawot na gumibo nin maraot sa bilog nin kahaluyan nin aldaw iyo man makukua niya sa saiyang pabuyang maraoton sa pag-abot nin pagkabanggi.

6 Asin iyo ini an yaon sa ibong na kamugtakan, kun siya nakapagsolsol kan saiyang mga kasalan, asin nagmawot nin pagkamatanuson hanggan sa katapusan nin saiyang mga aldaw, magin arog man kaini siya mapapabuyaanan nin pagkamatanuson.

7 Iyo ini sinda na pinagtubos nin Kagurangna; iyo, iyo ini sinda na pinagkurua paluwas, na pinagligtas gikan sa daeng katapusang banggi nin kadikloman; asin kaya sinda magtitindog o magkahurulog; nin huli ta hilnga, sinda iyo an sinda man sanang mga huwes, kun baya an gumibo nin marahay o an gumibo nin maraot.

8 Ngonian, an mga dekriton nin Diyos dae mababago; kun kaya, an dalan pinag-andam na tanganing an siisay man na magusto puwedeng maglakaw sa laog kaini asin magigin ligtas.

9 Asin ngonian hilnga, ake ko, dae ka makipagsapalaran pa nin sarong pang paglapas kontra sa saimong Diyos sa mga puntong ini kan doktrina, na saimo kaidtong pinakipagsapalaran na tanganing makabigo nin kasalan.

10 Dae mo paghuhuna-hunaon, na nin huli ta ini pinagsambit na mapanungod sa restorasyon, na ika puwedeng maibalik gikan sa kasalan pasiring sa kaogmahan. Hilnga, ako nagsasabi sa saimo, na an kasalanan dae naggad magigin kaogmahan.

11 Asin ngonian, ake ko, an gabos na tawo na yaon sa sarong estado nin makamundong kamugtakan, o sakuyang sasabihon, yaon sa karnal na estado, iyo an yaon sa pinakamatinding kapaitan asin yaon sa mga gapos nin kadaendatahan; sinda mayong Diyos sa mundo, asin sinda nangyaring nagin kontraryo sa natura nin Diyos; kun kaya, sinda yaon sa sarong estado na kontraryo sa natura nin kaogmahan.

12 Asin ngonian hilnga, bako daw na an kahulugan kan tataramon na restorasyon iyo an magdadara sa sarong bagay na natural na estado asin mapamugtak kaini sa sarong bakong natural na estado, o ipamugtak kaini sa sarong bakong natural na estado, o ipamugtak ini sa sarong estado na magkokontra sa natura kaini?

13 O, ake ko, bako ini an kaso; pero an kahulugan kan tataramon na restorasyon iyo an magdadara pabalik giraray nin maraot para sa maraot, o karnal para sa karnal, o makadiyablo para sa makadiyablo--- an marahay para sa bagay na marahay; an pagkamatanos para sa bagay na pagkamatanos; husto para sa bagay na husto; pano pagkaherak para sa bagay na pano nin pagkaherak.

14 Kun kaya, ake ko, hilngon mo baya na ika pano nin pagkaherak sa saimong mga katugangan; maki-iba ka nin may kahustuhan, maghusga nin may pagkamatanos, asin padagos na gumibo nin karahayan; asin kun saimong gigibohon an gabos na bagay na ini saka mo mareresibe an saimong pabuya; iyo, ika magkakaigwa nin herak na maibalik sa saimo giraray; ika magkakaigwa nin hustisya na maibalik sa saimo giraray; ika magkakaigwa nin sarong matanos na huramento na maibalik sa saimo giraray; asin ika magkakaigwa nin marahay na ipagpapabuya sa saimo giraray.

15 Para sa bagay na saimong ginigibong maipadara paluwas maibabalik sa saimo giraray,

asin gibohon na maibalik; kun kaya, an tataramon na restorasyon bilog na gayong nagkokondena sa makasalanon, asin daeng gayo siya matawanan nin katwiran.

ALMA TSAPTER 42

An mortalidad sarong probisyonaryon panahon na tanganing an tawo makapagsosolsol asin makapagserbisyo sa Diyos--- An pagkahulog nagdara nin temporal asin espirituwal na kagadanan sa bilog na sangkatawohan--- An pagtububos minaabot sa paagi nin pagsosolsol--- An Diyos mismo iyo an nagbayad-sala para sa mga kasalanan nin mundo--- An gabos pang iba mapapa-irarom sa hustisya nin Diyos--- An pagkaherak minaabot nin huli kan pagbabayad-sala--- An tunay na nagsosolsol sana an makakaligtas.

Asin ngonian, ake ko, ako naghuhuna-huna na igwa nin iba pang bagay na iyo an nakapagpapamundo sa saimong kaisipan, na dae mong gayo maintindihan--- na iyo an mapanungod sa hustisya nin Diyos sa pagpapadusa sa parakasala; nin huli ta pinipirit mong paghuhuna-hunaon na ini inhustisya na an parakasala dapat na ipamugtak sa sarong estado nin kasakitan.

2 Ngonian hilnga, ake ko, ako an magpapaliwanag kaining mga bagay sa saimo. Nin huli ta hilnga, pagkatapos na an Kagurangnang Diyos nagpadara sa satuyang mga enot na mga magurang paluwas gikan sa hardin nin Eden, na tanganing magbungkal nin daga, asin kun saen sinda pinagkua--- iyo, saiyang pinahale an tawo, asin saiyang pinagbugtak sa sirangang puro kan hardin nin Eden, kerubin, asin sarong nagkakalayong espada na nag-iikot, tanganing ingatan an kahoy nin buhay---

3 Ngonian, satuyang nahihiling na an tawo nagin arog sa Diyos, nakakaaram nin marhay asin maraot; asin baka saiyang iabot an saiyang kamot, asin kumua man sa kahoy nin buhay, asin magkakan asin mabuhay sagkod pa man, an Kagurangnang Diyos nagbugtak nin mga kerubin asin an nag-aagabaab na espada, na siya dae dapat kumakan nin prutas---

4 Asin kaya satuyang nahihiling, na igwa nin sarong panahon na ipinagtao sa tawo tanganing magsosolsol, iyo, sarong probisyonaryong panahon, sarong panahon tanganing magsolsol asin magserbisyo sa Diyos.

5 Nin huli ta hilnga, kun si Adan nakapagkua kan saiyang kamot tulos, asin nakapagkakan kan kahoy nin buhay, siya kuta na namumuhay sagkod pa man, na uyon sa tataramon nin Diyos, mayo nin anuman na espasyon para magsosolsol; iyo, asin man an tataramon nin Diyos kuta na mayong kamanungdanan, asin an dakulang plano nin kaligtasan kuta na dae nangyari.

6 Pero hilnga, ini ipinagtalaan sa tawo an magadan--- kun kaya, habang sinda isinikwal paharayo sa lalawgon kan kinaban--- asin an tawo magigin wara sagkod pa man, iyo, sinda nagin nagkahurulog na tawo.

7 Asin ngonian, saimong mahihiling sa paagi kaini na an satuyang mga enot na mga magurang ipinagsikwal pareho sa paagi nin temporal asin espirituwal gikan sa atubangan

An Simbahan ni Jesukristo nin Mga Banal sa Huring-aldaw

375

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin Kagurangnan; asin kaya satuyang mahihiling sinda na nagin mga parasunod tanganing magsurunod sa saindang sadireng kagustuhan.

8 Ngonian hilnga, ini bakong kapakinabangan na an tawo dapat matubos gikan kaining temporal na kagadanan, nin huli ta ini makakapagdestroso sa dakulang plano nin kaogmahan.

9 Kun kaya, habang an kalag dae naggad magagadan, asin an pagkahulog an magdara sa bilog na katawohan nin sarong espirituwal na kagadanan asin man kan temporal, na iyo ini, sinda ipinagsikwal gikan sa presensiya nin Kagurangnan, ini kapakinabangan na an katawohan dapat na tubuson gikan kaining espirituwal na kagadanan.

10 Kun kaya, habang sinda nagigin karnal, sensuwal, asin makadiyablo, sa paagi nin natura, ining probisyonyong estado magigin sarong estado para sinda na tanganing mag-andam; ini nagigin sarong pangangandam na estado.

11 Asin ngonian giromdoma, ake ko, kun ini bako sa plano nin pagtubos, (ibalewala ini) habang sinda gadan, an saindang mga kalag magsasakit, bilang isinikwal gikan sa presensiya nin Kagurangnan.

12 Asin ngonian, dae nagkaigwa nin paagi na tanganing matubos an mga tawo gikan kaining pagkahulog na estado, na an tawo nakapagdara mismo sa saiyang sadire nin huli kan saiya man sana mismong sadireng kasutilan;

13 Kun kaya, uyon sa hustisya, an plano nin pagtutubos dae kuta na magibong mangyayari, sa paagi sana kan mga kondisyon nin pagsosolsol nin mga tawo sa probisyonyong estadong ini, iyo, ining pangangandam na estado; nin huli ta laen lang na an mga ini para kaining mga kondisyon, an pagkaherak dae kuta na magin epektibo laen lang na ini hustisya dae puwedeng madedestroso; ta kun iyo, an Diyos magpupundo na magin Diyos.

14 Asin kaya satuyang mahihiling na an bilog na katawohan nagkahurulog, asin sinda yaon sa pangangaputan kan hustisya, iyo, an hustisya nin Diyos, na nagmumugtak sinda sagkod pa man na pinagsikwal gikan sa saiyang presensiya.

15 Asin ngonian, an plano nin pagkaherak dae puwedeng maipangyari laen lang kun an pagbabayad-sala dae magibong mangyari; kun kaya an Diyos mismo na sadire niya iyo an nagbayad-sala para sa mga kasalanan kan mundo, na tanganing darahon na mangyari an plano nin pagkaherak, na tanganing mangyari an mga pangangaipo nin hustisya, na an Diyos magigin sarong perpekto, hustong Diyos, asin sarong maheherakong Diyos man.

16 Ngonian, an pagsosolsol dae puwedeng mag-abot sa tawo laen lang kun igwa nin pagpapadusa, na iyo man an sarong eternal arog na an buhay kan kalag dapat na magin iyo, na nakadugtong kaatbang kan plano nin kaogmahan, na baya eternal man arog kan buhay kan kalag.

17 Ngonian, paano baya an sarong tawo magsosolsol laen lang na siya igwa nin kasalan? Paano baya siya magkakasala kun mayong ley? Paano baya magkakaigwa nin sarong ley laen lang kun igwa nin sarong pagpapadusa?

18 Ngonian, igwa nin sarong pagpapadusa na nakadukot, asin sarong hustong ley an itinao, na makapagdara nin kamondoan nin kunsensiya sa tawo.

19 Ngonian, kun mayo nin sarong ley na itinao--- kun an sarong tawo naggadan siya dapat na gadanon--- mangyayari daw na siya matakot kun siya gagadanon kun siya naggadan?

20 Asin man, kun mayo nin sarong ley na itinao laban sa kasalan an mga tawo dae

An Simbahan ni Jesukristo nin Mga Banal sa Huring-aldaw

376

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

matatakot na magkasala.

21 Asin kun mayo nin ley na ipinagtao, kun an mga tawo nagkasala, ano baya an magiginibo kan hustisya, o baya an pagkaherak, nin huli ta sinda dae magkakaigwa nin karapatan sa nilalang.

22 Alagad igwa nin sarong ley na ipinagtao, asin sarong padusang nakatakod, asin sarong pagsosolsol na ipinagtao; na sa pagsosolsol, an pagkaherak an nag-aako; kundi sa iba man, an hustisya an nag-aako sa nilalang asin iyo an nagpapasunod kan ley, asin an ley iyo an nagpapataw nin padusa; kun bako kaya, an mga gibo kan hustisya madedestroso, asin an Diyos mag-uuntok na magin Diyos.

23 Pero an Diyos dae mag-uuntok na magin Diyos, asin an pagkaherak iyo an nag-aako sa sarong penitensiyadong, asin an pagkaherak minaabot nin huli kan pagbabayad-sala; asin an pagbabayad-sala iyo an nagdadara na mangyayari sa pagkabuhay-liwat nin mga gadan; asin an pagkabuhay-liwat kan mga gadan nagdadara pabalik kan mga tawo pasiring sa presensiya nin Diyos; asin kaya sinda naibalik pasiring sa saiyang atubangan, na tanganing paghuhusgaran uyon sa saindang mga gibo, uyon sa ley asin hustisya.

24 Nin huli ta hilnga, an hustisya nag-eehersisyo sa gabos niyang mga kinakaipuhan, asin man an pagkaherak nag-aako kan gabos na saiyang pagsasadire; asin kaya, mayong iba kundi an tunay penitensiyado an maliligtas.

25 Ano baya, saimo daw na pinaghuhuna-huna na an pagkaherak makapaghabon nin hustisya? Ako nagsasabi sa saimo, Dae; dae maski sarong kurit. Ta kun iyo, an Diyos mag-uuntok na magin Diyos.

26 Asin kaya an Diyos an nagdadara kan saiyang dakula asin eternal na katuyuhan, na ipinag-andam na gikan pa sa pundasyon kan kinaban. Asin kaya minaabot an kaligtasan asin an pagtutubos kan mga tawo, asin man kan saindang kapahamakan asin kasakitan.

27 Kun kaya, o ake ko, an siirisay man an mag-abot puwedeng mag-abot asin makiparte kan mga tubig nin buhay na libre; asin an siirisay man na dae mag-abot sinda dae pinagpipirit na mag-abot; alagad sa huring aldaw ini ibabalik sa saiya uyon sa saiyang mga nakaginibohan.

28 kun siya nagmawot na gumibo nin maraot, asin dae nagsosolsol sa saiyang mga kaaldawan, hilnga, karaotan an mangyayari sa saiya, uyon sa restorasyon nin Diyos.

29 Asin ngonian, ake ko, ako nagmamawot na ika dapat na magtugot na ining mga bagay dae na naggad makapagrinsal sa saimo, asin tuguti sana na an saimong mga kasalan iyo an magparinsal saimo, an parinsal na ini iyo an magdadara saimo pababa pasiring sa pagsosolsol.

30 O ake ko, ako nagmamawot na ika dae na magsikwal kan hustisya nin Diyos. Dae ka maghingoha na taw-an nin dahilan an saimong sadire an pinakasadit na punto nin huli kan saimong mga kasalanan, sa paagi nin pagsikwal sa hustisya nin Diyos; pero gibohon na saimong tugutan an hustisya nin Diyos, asin an saiyang pagkaherak, asin an saiyang halawig na pagtitios magkaigwa nin bilog na kamumugtakan sa laog kan saimong puso; asin tuguti ini na magdara saimo pababa pasring sa alpog nin kapakumbabaan.

31 Asin ngonian, o ake ko, ika pinapangapudan nin Diyos na magbalangibog kan tataramon para kaining mga katawohan. Asin ngonian, ake ko, lakaw sa saimong dalan, ideklara an tataramon na may katotohanan asin kahinahunan, na ikaw bilog na makadara nin mga kalag pasiring sa pagsosolsol, na an dakulang plano nin pagkaherak magkaigwa

nin karapatan na mag-aako sainda. Asin lugod an Diyos magtatao sa saimo nin kapantay na uyon sa sakuyang mga tataramon. Amen.

ALMA TSAPTER 43

Si Alma asin an saiyang mga akeng lalake nagbalangibog kan tataramon--- An mga Zoramita asin ibang mga paribok na Nephita nagin mga Lamanita--- An mga Lamanita nag-abot kontra sa mga Nephita sa pakigiyera--- Inarmasan ni Moroni an mga Nephita nin pananggalang na baluti--- An Kagurangnan nagpahayag ki Alma kun ano an estratehiya kan mga Lamanita--- An mga Nephita ipinagdependa an saindang mga kaharongan, mga libertad, mga pamilya, asin relihiyon--- An mga soldaods ni Moroni asin Lehi pinasalikupan an mga Lamanita.

Asin ngonian ini nangyaring naglipas na an mga akeng lalake ni Alma nagpaduman sa pag-iriba nin mga tawo, na tanganing magdeklara kan tataramon sa sainda. Asin si Alma, man, sa saiyang sadire, dae makapagpahingalo, asin siya man nagpaduman, 2 Ngonian kita mayo nang masasabi mapanungod sa saindang pagbabalangibog, laen lang na sinda nagbalangibog kan tataramon, asin an katotohanan, na uyon sa espiritu nin propesiya asin kapahayagan; asin sinda nagbalangibog sa paagi nin banal na orden nin Diyos kun saen sinda inapudan.

3 Asin ngonian ako minabalik sa estorya nin mga giyera sa tahaw kan mga Nephita asin mga Lamanita, sa ika-desiotsong taon kan pagpapamahala nin mga huwes.

4 Nin huli ta hilnga, ini nangyaring naglipas na an mga Zoramita nagin mga Lamanita; kun kaya, sa pagpopoon kan ika-desiotsong taon an mga katawohan nin mga Nephita nahiling na an mga Lamanita pasiriring sa sainda; kun kaya, sinda nag-arandam para sa giyera; iyo, saindang pinagtiripon na magkasararo an saindang mga soldados sa daga nin Jershon.

5 Asin ini nangyaring naglipas na an mga Lamanita nag-arabot kairiba an saindang karibohan; asin sinda nag-arabot sa laog kan daga nin Antionum, na iyo an kadagaan nin mga Zoramita; asin sarong lalake na an ngaran Zerahemnah iyo an saindang lider.

6 Asin ngonian, arog kan mga Amelekita na may urog karaot asin mapanggadan na disposisyon kesa sa mga Lamanita kaidto, sa laog asin kan saindang mga sadire, kun kaya si Zerahemnah nag-apud nin pangenot na mga pamayo na mangelotan sa mga Lamanita, asin sinda gabos mga Amalekita asin Zoramita.

7 Ngonian ini saiyang ginibo na tanganing saiyang mapangatamanan an saindang pagka-anggot kontra sa mga Nephita, na tanganing saiyang maidara sinda pasiring sa pagka-uripon na iyo an kadagusan kan saiyang mga kamawotan.

8 Nin huli ta hilnga, an saiyang kamawotan iyo an pukawon an mga Lamanita sa kaanggutan kontra sa mga Nephita; ini saiyang ginibo na tanganing saiyang puwedeng pangaputan an makusog na kapangyarihan na mangingibabaw sainda, asin man na siya puwedeng makaguno nin kapangyarihan na mangingibabaw sa mga Nephita sa paagi nin pagdadara sa sainda pasiring sa pagka-uripon.

An Simbahan ni Jesukristo nin Mga Banal sa Huring-aldaw

378

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 9 Asin ngonian an desinyo kan mga Nephita iyo an pagsusuporta kan saindang mga kadagaan, asin an saindang mga kaharongan, asin an saindang mga agom, asin an saindang mga kaakian, na sinda puwedeng mapangatamanan ninda gikan sa mga kamot kan saindang mga kaiwal; asin man na tanganing saindang mapangatamanan an saindang mga karapatan asin an saindang mga pribilihiyo, iyo, asin man an saindang libertad, na sinda puwedeng magsamba sa Diyos na uyon sa saindang mga kamawotan.
- 10 Nin huli ta sinda nakakaaram na kun sinda mahuhulog pasiring sa mga kamot kan mga Lamanita, na an siisay man na magsasamba sa Diyos sa espiritu asin sa katotoohan, an tunay asin nabubuhay na Diyos, an mga Lamanita iyo an manggagadan.
- 11 Iyo, asin sinda man nakakaaram sa grabeng kaanggutan kan mga Lamanita sa saindang mga katugangan, na iyo an mga katawohan kan Anti-Nephi-Lehi, na iyo an pinag-apud na katawohan ni Ammon--- asin sinda habong magkarapot nin mga armas, iyo, sinda naglaog sa sarong tipan asin sinda habong pagraoton ini--- kun kaya, kun sinda mahuhulog sa mga kamot kan mga Lamanita sinda magkakagaradan.
- 12 Asin an mga Nephita dae magtutugot na sinda magkakagaradan; kun kaya sinda nagatarao sinda ning mga kadagaan para iyo an saindang kamanahan.
- 13 Asin an mga katawohan ni Ammon nagtarao sa mga Nephita nin sarong dakulaon na parte kan saindang pagsasadire tanganing magsuporta kan saindang mga paralaban; asin kaya an mga Nephita napiritan, na magsosolo, sa pakipaglabanan kontra sa mga Lamanita, na iyo an sarong pag-iriba ni Laman asin Lemuel, asin kan mga akeng lalake ni Ishmael, asin kan gabos ninda na paribok na gikan sa mga Nephita, na iyo an mga Amalekita asin mga Zoramita, asin an mga kaggikanan kan mga kapadean ni Noah.
- 14 Ngonian ining mga kaggikanan kadakul na gayo an numero, haros, arog kan mga Nephita; asin kaya an mga Nephita na-obliga na makipaglaban sa saindang mga katugangan, magin hanggan sa kabulusan nin dugo.
- 15 Asin ini nangyaring naglipas habang an mga paralaban kan mga Lamanita nagkasararong magtiripon sa kadagaan nin Antionum, hilnga, an mga paralaban kan mga Nephita nakapag-andam na sabaton sinda sa kadagaan nin Jershon.
- 16 Ngonian, an lider kan mga Nephita, o an lalake na iyo an pinangngaranan na iyo an pangenot na kapitan sa mga Nephita--- ngonian an pangenot na kapitan iyo an nagkapot nin kapangyarihan kan gabos na mga paralaban kan mga Nephita--- asin an saiyang pangaran iyo si Moroni;
- 17 Asin si Moroni pinagkaputan an pankagabsan na kapangyarihan, asin an gobyerno kan saindang mga pakigiyera. Asin siya beynte asin singkong taon an edad kan siya pinangngaranan na iyo an pinakapamayong kapitan na mangingibabaw sa mga paralaban kan Nephita.
- 18 Asin ini nangyaring naglipas na saiyang nakanagboan an mga Lamanita sa mga kasagkoran kan Jershon, asin an saiyang mga katawohan may armas nin mga espada, asin may mga panusok, asin gabos na manera kan mga armas na panggiyera.
- 19 Asin kan an mga paralaban kan mga Lamanita nahiling na an mga katawohan ni Nephi, o ni Moroni, nakapag-andam kan saiyang mga katawohan na magkaigwa nin mga baluti asin may mga panagga sa kamot, iyo, asin man mga panangga na nagtatahob kan saindang mga payo, asin man sinda nakabado nin mga makapalon na panggubing---
- 20 Ngonian an paralaban ni Zarahemnah dae nakapag-andam kan arog kaining bagay; sinda igwa sana kan saindang mga espada asin kan saindang mga panusok, kan saindang

mga pangatbig asin kan saindang mga pana, kan saindang mga gapo asin kan saindang mga tirador; asin sinda huruba, apwedra lang kan sarong balat na nakabahag sa palibot kan saindang mga habayan; iyo, gabos nakahuruba, apwera lang kan mga Zoramita asin kan mga Amalekita;

21 Pero dae sinda armado nin mga baluti, ni mga panangga--- kun kaya, sinda nagkatarakot na gayo sa mga paralaban kan mga Nephita nin huli kan saindang mga armor, masku na ngani na an saindang bilang mas pa kadakul kesa sa mga Nephita.

22 Hilnga, ngonian ini nangyaring naglipas na sinda dae nag-arabot laban sa mga Nephita sa may kasagkoran kan Jerushon; kun kaya sinda nagharale paluwas sa kadagaan nin Antionum pasiring sa kaparangan, asin nagpaduman sa saindang paglakbay sa palibot nin kaparangan, paharayo sa pamayuhan kan salog Sidon, na tanganing sinda puwedeng makaabot pasiring sa daga nin Manti asin pagsadirehon an daga; nin huli ta sinda dae naghuhuna-huna na an mga paralaban ni Moroni makakaaram kun saen sinda nakaabot.

23 Pero ini nangyaring naglipas, habang dae pa sana naghaloy na sinda nagharale pasiring sa kaparangan si Moroni nagpadara nin mga espiya pasiring sa kaparangan tanganing magmanman sa saindang kampo; asin si Moroni, man, nakakaaram sa mga propesiya ni Alma, nangpadara nin mga tawo sa saiya, pinagmamawot saiya na siya dapat maghapot sa Kagurangnan kun baga an mga paralaban kan mga Nephita dapat na magpasiring tanganing depensahan an saindang mga sadire kontra sa mga Lamanita.

24 Asin ini nangyaring naglipas na an tataramon nin Kagurangnan nag-abot ki Alma, asin si Alma an nagpaaram sa mga mensahero ni Moroni, na an mga paralaban kan mga Lamanita nagmamartsa sa palibot nin kaparangan, na sinda puwedeng makaabot pasiring sa daga nin Manti, na sinda puwedeng makapagpoon sa pag-atake sa may maluyang parte kan mga katawohan. Asin an mga mensaherong ini nagpaduman asin pinagdara an mensahe ki Moroni.

25 Ngonian si Moroni, nagpawalat nin sarong parte kan saiyang paralaban sa kadagaan nin Jerushon, baka sa anuman na paagi sarong parte kan mga Lamanita puwedeng magpasiring palaog sa daga asin pagsadirehon an siyudad, dinara and katadaan kan saiyang paralaban asin nagmartsa pasiring sa kadagaan nin Manti.

26 Asin saiyang pinaghurot na an gabos na mga katawohan sa parteng idto nin kadagaan dapaat na magkasarong magtiripon kan saindang mga sadire tanganing makilaban kontra sa mga Lamanita, tanganing depensahan an saindang mga kadagaan asin an saindang mga libertad; kun kaya sinda nagin preparado laban sa panahon kan pag-abot nin mga Lamanita.

27 Asin ini nangyaring naglipas na si Moroni naghorot na an saiyang paralaban tagong maipadara sa bukid na harani sa gilid kan salog Sidon, na yaon sa sulnupan kan salog Sidon sa may kaparangan.

28 Asin si Moroni nagbugtak nin mga espiya sa palibot, na tanganing siya puwedeng makakaaram kun noarin an mga kampo nin mga Lamanita mag-abot.

29 Asin ngonian, habang si Moroni nakakaaram sa mga intensiyon kan mga Lamanita, na ini an saindang intensiyon na destrosohon an saindang mga katugangan, o sakopon sinda asin darahon sinda sa kauripnan na sinda puwedeng makapagtugdok nin sarong kahadean para sa saindang mga sadire sa bilog ng kadagaan;

30 Asin siya man nag-aaram na ini sana an pinagmamawot kan mga Nephita na maipreserba an saindang mga kadagaan, asin an saindang libertad, asin an saindang

simbahan, kun kaya siya nag-isip na ini bakong kasalanan na saiyang idepensa an mga ini sa paagi nin marahay na estratehiya; kun kaya, saiyang napag-araman sa paagi kan saiyang mga espiya kun ano an mga plano kan mga Lamanita na gigibohon.

31 Kun kaya, saiyang pinagbanga an saiyang mga paralaban asin pinadara an sarong parte pasiring sa bukid, asin pinatarago sinda sa may sirangan, asin sa may timog kan buro-bukid Riplah;

32 Asin an katadaan saiyang pinatarago sa may sulnupan kan bukid, sa may sulnupan kan salog Sido, asin pababa pasiring sa mga kasagkoran kan daga nin Manti.

33 Asin kaya pagkatapos na maipamugtak na niya an saiyang paralaban uyon sa saiyang kamawotan, siya preparado nang makisabatan sainda.

34 Asin ini nangyaring naglipas na an mga Lamanita nag-arabot sa may hiragang parte kan bukid, kun saen sarong parte kan paralaban ni Moroni nakatarago.

35 Asin habang an mga Lamanita nag-agi sa buro-bukid Riplah, asin paduman pasiring sa bukid, asin nagpoon na magbalyo sa salog Sidon, an mga paralaban na nakatarago sa timog kan buro-bukid, na pinapangenotan kan sarong lalake na an pangaran Lehi, asin siya nangenot sa saiyang paralaban asin pinalibutan an mga Lamanita sa may sirangan kan saindang likdo.

36 Asin ini nangyaring naglipas an an mga Lamanita, kan saindang nahiling an mga Nephita na paralusob sa sainda sa may likudan, nagpirihit sinda asin nagpoon na makilaban sa paralaban ni Lehi.

37 Asin an trabaho nin kagadanan nagpoon sa parehong mga grupo, pero idto mas na makangorongirhat sa parte kan mga Lamanita, nin huli kan saindang kahubaan nalantad sa makusog na mga hampak kan mga Nephita na armado kan saindang mga espada asin kan saindang mga panusok, na iyo an nagdara nin kagadanan sa haros lambang bughos.

38 Habang sa ibong na parte, igwa ngonian asin aban-aban nin sarong tawo na nagagadan sa pag-iriba nin mga Nephita, sa paagi kan saindang mga espada asin bulos nin dugo, sinda na nasasagangan kan haros na delikadong parte kan saindang hawak, o an haros na delikadong parte kan hawak nasasagangan gikan sa mga bughos kan mga Lamanita, sa paagi kan saindang mga baluti, asin kan saindang mga sangga sa kamot, asin kan saindang mga tahob sa payo; asin kaya an mga Nephita nagpadagos sa pagtrabaho nin kagadanan sa pag-iriba kan mga Lamanita.

39 Asin ini nangyaring naglipas na an mga Lamanita nagkatarakot, nin huli sa dakulang kapahamakan sa mga pag-iriba ninda, magin hanggan sinda nagpoon na magdurulagan pasiring sa salog Sidon.

40 Asin sinda pinagralamag ninda Lehi asin mga tauhan niya; asin sinda napadurulag ninda Lehi pasiring sa mga tubig kan Sidon, asin sinda nagbaralyo sa mga tubig kan Sidon. Asin pina-untok ni Lehi an saiyang mga paralaban sa may gilid kan salog Sidon na sinda dae na dapat na magbalyo.

41 Asin ini nangyaring naglipas na si Moroni asin an saiyang paralaban nanagboan an mga Lamanita sa may bukid, sa may ibong na parte kan salog Sidon, asin nagpoon sa paglusob sainda asin sa paggadan sainda.

42 Asin an mga Lamanita nagdurulag giraray sa atubangan ninda, pasiring sa kadagaan nin Manti; asin sinda sinarabat giraray kan mga paralaban ni Moroni.

43 Ngonian sa kasong ini an mga Lamanita lapigot na gayong nakilaban; iyo, dae pa kaidto an mga Lamanita nabantog na makilaban nin arog kaini kalapigot na may

dakulang kusog asin kaisogan, dae, bakong gayo magin sa kapinunan.

44 Asin sinda inspirado kan mga Zoramita asin mga Amalekita, na iyo an saindang mga pamayong kapitan asin mga lider, asin ni Zarahemnah, an iyo an saindang pinakapamayong kapitan, o an saindang pinakapamayong lider asin kumander; iyo, sinda nakilaban na arog sa mga dragon, asin kadakul kan mga Nephita an nagkagaradan sa paagi kan saindang mga kamot, iyo, nin huli ta saindang pinataramaan na mabanga sa duwa an kadakul nindang pantahog sa payo, asin saindang nataduman an kadakul na saindang panangga sa daghan, asin saindang nagkapurutol an kadakul nindang mga takyag; asin kaya an mga Lamanita nakagibo kaini dara nin makuri nindang kaanggutan.

45 Daeng pagkukulang, an mga Nephita inspirado kan sarong marahay na katuyuhan, nin huli ta sinda dae nakilaban para makapanghade ni kapangyarihan pero sinda nakikipaglapan para sa saindang mga harong, asin kan saindang mga libertad, kan saindang mga agom, asin kan saindang mga kaakian, asin kan sinda gabos, iyo, para sa saindang mga rito kan pagsamba asin kan saindang simbahan.

46 Asin saindang ginigibo an bagay na sa pagmate ninda iyo an saindang katungdan na utang ninda sa saindang Diyos; nin huli ta an Kagurangnan nagsabi sa sinda, asin man sa saindang mga ama, na: Habang kamo bako man an may kasalan sa enot na pag-atake, ni sa panduwa, kamo dae magtutugot sa saindong mga sadire na paggagaradanon kan mga kamot nin saindong mga kaiwal.

47 Asin giraray, an Kagurangnan nagsabi na: Kamo an magdedepensa kan saindong mga pamilya magin hanggan sa pagpapabulos nin dugo. Kun kaya para sa kausang ini an mga Nephita nakilaban sa mga Lamanita, sa pagdepensa kan saindang mga sadire, asin kan saindang mga pamilya, asin kan saindang mga kadagaan, an saindang nasyon, asin kan saindang mga karapatan, asin kan saindang relihiyon.

48 Asin ini nangyaring nagipas na kan an mga tauhan ni Moroni nasaksihan an kalamuyuan asin an kaanggutan kan mga Lamanita, sinda kuta na pinanruluyahan asin magdurulag sinda. Asin si Moroni, nabasa an saindang kaisipan, nagpadangog asin pinakusog an saindang mga puso kaining mga pagromdom--- iyo, an mga kaisipan kan saindang mga kadagaan, kan saindang libertad, iyo, kan saindang kalayaan sa kauripnan.

49 Asin ini nangyaring naglipas na sinda pinagbuweltahan an mga Lamanita, asin sinda nagkururahaw na may sarong boses sa Kagurangnan nindang Diyos, para sa saindang libertad asin sa saindang kalayaan sa kauripnan.

50 Asin sinda nagpoon na magtindog kontra sa mga Lamanita na may kapangyarihan; asin sa oras man sanang idto sinda nagkururahaw para sa Kagurangnan para sa saindang kalayaan, an mga Lamanita nagpoon na magdurulag gikan sa atubangan ninda; asin sinda nagdurulag pasiring sa mga tubig nin Sidon.

51 Ngonian, an mga Lamanita mas kadakul an bilang, iyo, mas sobra sa dobleng bilang kan mga Nephita; daeng pagkukulang, sinda napadurulag na tanganing sinda nagkasararong nagkatiripon sa sarong hawak sa may bukid, sa may gilid kan salog Sidon.

52 Kun kaya an mga paralaban ni Moroni napalibutan na sinda, iyo, magin sa kaparehong ibong kan salog, nin huli ta hilnga, sa may sirangan iyo an mga tauhan ni Lehi.

53 Kun kaya kan si Zarahemnah nahiling an mga tauhan ni Lehi sa may sirangan kan salog Sidon, asin an mga paralaban ni Moroni sa may sulnupan kan salog Sidon, na sinda naparilibutan na kan mga Nephita, sinda inabtan nin pagkatakot.

54 Ngonian si Moroni, kan mahiling niya an saindang pagkatarakot, nagsugo sa saiyang mga tauhan na sinda dapat nang mag-untok sa pagpapabulos kan saindang dugo.

ALMA TSAPTER 44

Si Moroni nagsugo na an mga Lamanita makipagsundo nin sarong tipan nin katuninongan o mapahamak--- Si Zarahemnah dae nag-uyon sa inalok, asin an giyera nagpoon giraray--- An mga paralaban ni Moroni dinaraog an mga Lamanita.

Asin ini nangyaring naglipas na sinda nag-untok asin si Moroni nagsabi ki Zarahemnah: Hilnga, Zarahemnah, na kami dae nagmawot na mgin mga malupiton na tawo. Ika nakakaaram na ika yaon sa samuyang mga kamot, alagad kami habong nagmawot na garadanon kamo.

2 Hilnga, kami dae nagruluwas tanganing makilaban kontra saindo na tanganing samuyang puwedeng pabuluson an saindong dugo para sa kapangyarihan; ni kami nagmawot na darahon an siisay man saindo pasiring sa renda nin pagka-uripon. Pero ini iyo an pinaka-kausa kun tadaw kamo nag-arabot kontra samuya; iyo, asin kamo anggot sa samuya nin huli kan samuyang relihiyon.

3 Hilnga ngonian, ika nakahiling na an Kagurangnan yaon samuya; asin saimong nasaksihan na siya an nagtao saindo pasiring sa samuyang mga kamot. Asin ngonian ako mahimo na kamo dapat makasabot na ini pinaggibo sa samuya nin huli kan samuyang relihiyon asin kan samuyang pagtubod ki Cristo. Asin ngonian saimong nahihiling na kamo dae makadestroso kaining samuyang pagtubod.

4 Ngonian saimong nahihiling na ini iyo an tunay na pagtubod sa Diyos; iyo, saimong nahihiling na an Diyos minasuporta; asin nagbabantay, asin minapreserba samuya, sagkod na kami pano nin pagtubod saiya, asin sa samuyang pagtubod, asin sa samuyang relihiyon; asin dae naggad an Kagurangnan matugot na kami mapapahamak laen lang kun kami mahuhulog pasiring sa kalapasan asin isikwal an samuyang pagtubod.

5 Asin ngonian, Zarahemnah, ako nagsusugo saimo, sa pangaran kan makapangyarihan sa gabos na Diyos, na iyo an nagpakusog sa samuyang mga armas na tanganing kami makaguno nin kapangyarihan na mangibabaw saindo, sa paagi kan samuyang pagtubod, sa paagi kan samuyang relihiyon, asin sa paagi kan samuyang mga rito nin pagsasamba, asin sa paagi kan samuyang simbahan, asin sa paagi nin sagradong suporta na samuyang nakua gikan sa samuyang mga agom asin samuyang mga kaakian, sa paagi kan libertad na nagbubugkos samuya sa samuyang mga kadagaan asin sa samuyang nasyon; iyo, asin man sa paagi kan pagsusunod kan sagradong tataramon nin Diyos, kun saen iyo an pinagkakautangan kan bilog nyamong kaogmahan; asin sas paagi kan gabos na iyo an mas mahalaga sa samuya---

6 Iyo, asin bako lang ini gabos; ako nagsusugo saimo sa paagi kan bilog mong pinagmamawot na igwa ka sa buhay, na saindong isuko ang mga armas panggiyera nindo sa samuya, asin dae nyamo pagmamawoton an saindong dugo, pero samuya kamong bubuhayon, kun kamo mapasiring sa sadire nindong dalan asin dae na naggad

An Simbahan ni Jesukristo nin Mga Banal sa Huring-aldaw 383
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

makigiyera pa kontra samuya.

7 Asin ngonian, kun dae nindo gigibohon ini, hilnga, kamo yaon sa samuyang mga kamot, asin ako magsusugo sa sakuyang mga tauhan na atakehon kamo, asin itao an mga lugad nin kagadanan sa mga hawak nindo, na tanganing kamo magkaparara; asin pagkatapos mahihiling ta kun siisay talaga an igwa nin kapangyarihan na mangingibabaw kaining mga katawohan; iyo, mahihiling nyato kun siisay talaga an madadara pasiring sa kauripnan.

8 Asin ngonian ini nangyaring naglipas na kan si Zerahemnah nadangog an mga sinabing ini siya nangenot asin ipinagtao an saiyang espada asin saiyang panusok, asin an saiyang pangatlig sa mga kamot ni Moroni, asin nagsabi sa saiya: Hilnga, uya an samuyang mga armas panggiyera; samuya ining itatao sa saindo, pero kami dae matugot sa sadire nyamo an magsumpa sa saindo, na sa samuyang pagkaaram malalapas lang nyamo, asin kan samuyang mga kaakian; pero kuaha an samuyang mga armas panggiyera, asin tuguti na kami puwedeng makahale pasiring sa kaparangan; ta kun dae samuyang kukuahon giraray an samuyang mga espada, asin kami magkakagaradan o magsasakop.

9 Hilnga, kami bakong kaiba nindo sa pagtubod; kami mayong pagtubod na an Diyos iyo an nagtao samuya pasiring sa saindong mga kamot; pero kami nagtutubod na an pambihira nindong kakayahan iyo an nagpreserba saindo gikan sa samuyang mga espada. Hilnga, an saindong pantahob sa daghan asin an saindong mga panangga iyo an nagpreserba saindo.

10 Asin ngonian kan si Zerahemnah nagtapos na sa pagtataram kaining mga tataramon, ibinalik ni Moroni an espada asin mga armas panggiyera, na saiyang naresibe, pasiring ki Zerahemnah, na nagsasabi: Hilnga, satuyang tatapuson an ralabanan.

11 Ngonian ako dae makakagiromdom kan mga tataramon na sakuyang naisabi na, kun kaya habang an Kagurangna nabubuhay, kamo dae makakahale laen lang na kamo mahale na may panunumpa na kamo dae na magbabalik giraray kontra samuya tanganing makigiyera. Ngonian habang kamo yaon sa samuyang mga kamot samuyang patuturoon an saindong dugo sa daga, o kamo mag-uyon sa mga kondisyon na sakuyang ipinagpahayag na.

12 Asin ngonian kan si Moroni nakapagsabi na kaining mga tataramon, si Zerahemnah kinua an saiyang espada, asin siya nag-anggot ki Moroni, asin siya nagruso paabante na tanganing magadan niya si Moroni; pero habang ipinagtaas niya an saiyang espada, hilnga, saro sa mga soldados ni Moroni pinagsangga ini paibaba sa daga, asin ini naputol sa may puluhan; asin saiyang pinagtagpas si Zerahemnah na tanganing matigpas an saiyang bumbunan asin ini nahulog sa daga. Asin si Zerahemnah napaatras sa sainda pasiring sa pag-iriba kan saiyang mga soldados.

13 Asin ini nangyaring naglipas na an soldado na nakatindog na iyo an nakatigpas kan bumbunan ni Zerahemnah, kinua paitaas gikan sa daga sa paagi nin buhok, asin sinukbit ini sa puro kan saiyang espada, asin ipinagpahiling ini sa sainda, na nagsasabi sa sainda na may dakulang boses:

14 Magin habang an bumbunan na ini nahulog pasiring sa daga, na iyo an bumbunan kan saindang pinakapamayo, iyo man kamo na magkakaturumba sa daga laen lang na kamo ipagtatao an saindong mga armas panggiyera asin magharale na igwa nin tipan nin katuninongan.

15 Ngonian igwa sa kadaklan, kan madangog an mga tataramon na ini asin nahiling an

An Simbahan ni Jesukristo nin Mga Banal sa Huring-aldaw

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

bumbunan na yaon sa puro kan espada, na inabutan nin pagkatakot; asin kadakul an nangenota asin ipinaghulog an saindang armas panggiyera sa pamitisan ni Moroni, asin naglaog sa sarong tipan nin katuninongan. Asin habang kadakul-dakul an nagralaog sa sarong tipan sinda tinugutan na makahale pasiring sa kaparangan.

16 Ngonian ini nangyaring naglipas na si Zarahemnah grabeng gayo an pagka-anggot, asin saiyang pinag-init an mga natatada pa niyang mga soldados na magka-aranggot, na tanganing makilaban pa sa bilog na kakusugan kontra sa mga Nephita.

17 Asin ngonian si Moroni naanggot, nin huli sa kasutilan kan mga Lamanita; kun kaya siya nagsugo sa saiyang mga katawohan na atakihon sinda sin garadanon sinda. Asin ini nangyaring naglipas na sinda nagpoon sa paggaradan sinda; iyo, asin an mga Lamanita nakilaban sa paagi kan saindang mga espada asin kan saindang kusog;

18 Pero hilnga, an saindang hubang mga unit asin an saindang lantad na mga payo nakayagyag sa matarom na mga espada kan mga Nephita; iyo, hilnga sinda nagkaturusok asin tinaduman, iyo, asin nagkapurukan sa mas hidaling panahon sa mga espada kan mga Nephita; asin sinda nagkaproon na maubos, magin arog sa pinagpropesiya kan soldado ni Moroni.

19 Ngonian si Zarahemnah, kan saiyang nahiling na madalion na sindang madestroso, nagkurahaw nin makusog ki Moroni, nagpopromisa na siya na makikipagtipan na asin man an saiyang mga katawohan sa sinda, kun saindang pabayaang ligtas an katadaan kan saindang mga buhay, na sinda dae na nanggaad mag-abot sa pakigiyera giraray kontra sinda.

20 Asin ini nangyaring naglipas na si Moroni nagkausa na an gibo nin kagadanan dapat na mag-untok giraray sa pag-iriba nin mga katawohan. Asin saiyang kinurua an mga armas panggiyera gikan sa mga Lamanita; asin pagkatapos na sinda nagralaog sa sarong tipan nin katuninongan sa saiya pinagtugutan na magharale pasiring sa kaparangan.

21 Ngonian an numero kan saindang mga gadan dae mabilang nin huli sa kadakulan nin numero; iyo, an numero kan saindang mga gadan grabeng gayo, pareho sa parte kan mga Nephita asin kan mga Lamanita.

22 Asin ini nangyaring naglipas na saindang ipinatapok an saindang mga gadan pasiring sa mga tubig nin Sidon, asin sinda nagka-aranod asin nagkarulubong sa mga kairaroman nin dagat.

23 Asin an mga paralaban kan mga Nephita, o ni Moroni, nabaralik asin nag-uruli sa saindang mga harong asin sa saindang mga kadagaan.

24 Asin kaya natapos an ika-desiotsong taon na pagpapamahala kan mga huwes sa mga katawohan nin Nephi. Asin kay natapos an talaan ni Alma, na isinurat sa mga lamina ni Nephi.

ALMA TSAPTER 45

An kasaysayan kan mga katawohan nin Nephi, asin an saindang pakikipaggiyera asin pag-iiriwal-iwal, sa mga aldaw ni Helaman, na uyon sa rekord ni Helaman, na saiyang pinaggibo sa saiyang mga aldaw. Kompunido kan Tsapter 45 hanggan 62 inklusibo.

Si Helaman nagtutubod sa mga tataramon ni Alma--- Si Alma nagpropesiya sa

An Simbahan ni Jesukristo nin Mga Banal sa Huring-aldaw

385

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

kapahamakan kan mga Nephita--- Siya nagbendisyon asin nagsumpa kan daga--- Si Alma pinagkua kan Espiritu, magin arog ki Moises--- Iriwalan nagtalubo sa laog kan Simbahan.

Hilnga, ngonian ini nangyaring naglipas na an mga katawohan nin Nephi grabeng gayo an kaogmahan, nin huli ta an Kagurangnan an nagligtas giraray sinda paluwas sa mga kamot kan saindang mga kaiwal; kun kaya sinda nagtao nin mga pasasalamat sa Kagurangnan na saindang Diyos; iyo, asin sinda nag-ayunong gayo asin nagpangadyeng gayo, asin sinda nagsamba sa Diyos na may dakulaon na gayong pagka-orma.

2 Asin ini nangyaring naglipas na ika-desinuwebeng taon kan pagpapamahala kan mga huwes sa mga katawohan nin Nephi, na si Alma nagdulok sa saiyang akeng lalake na si Helaman asin nagsabi sa saiya: Nagtutubod ka daw sa mga tataramon na sakuyang pinagsasabi sa saimo manungod sa mga talaan na haloy nang pinagtatago?

3 Asin si Helaman nagsabi sa saiya: Iyo po, ako nagtutubod.

4 Asin si Alma nagsabi giraray: Nagtutubod ka daw ki JesuCristo, na maabot?

5 Asin siya nagsabi: Iyo po, ako nagtutubod sa gabos na mga tataramon na saimong pinagsabi na.

6 Asin si Alma nagsabi sa saiya giraray: Magsusunod ka daw sa sakuyang mga kasugoan?

7 Asin siya nagsabi: Iyo po, ako magsusunod sa saimong mga kasugoan sa bilog kong puso.

8 Pagkatapos na si Alma nagsabi sa saiya: Paladan ka; asin an Kagurangnan magpapasenso saimo digde sa daga.

9 Pero hilnga, ako igwa nin garo baga propesiya sa saimo; pero kun ano an sakuyang ipinagpropesiya sa saimo dae mo ipagpabantog; iyo, an anuman na sakong ipinagpropesiya sa saimo dae dapat na ipagpabantog, magin hanggan an propesiya mautob; kun kaya surata an mga tataramon na sakong pinagsasabi.

10 Asin iyo ini an mga tataramon: Hilnga, sakuyang nababanaag na ini mismong mga katawohan, an mga Nephita, uyon sa espiritu nin kapahayagan na yaon sa sakuya, sa apat na gatos na taon magpoon sa panahon na si JesuCristo makapagpahiling na sa sinda, magluluhay-luhay na mawawara na daeng paniniwala.

11 Iyo, asin pagkatapos siya makakahiling nin mga giyera asin mga kapestehan, iyo, mga taggutom asin pagpapabulos nin dugo, magin hanggan an mga katawohan nin Nephi magkakaparara---

12 Iyo, asin ini mangyayari nin huli kan saindang mayong paniniwala asin magkakahurulog pasiring sa mga gibo nin kadikloman, asin kalaswaan, asin gabos na manera nin kadaendatahan; iyo, ako nagsasabi sa saimo, na nin huli ta sinda magkakasala kontra sa grabe kadakulaong liwanag asin kaaraman, iyo, ako nagsasabi sa saimo, na sa aldaw na idto, magin sa ikaapat na henerasyon dae naggad gabos maagi bago pa man ining dakulaon na kadaendatahan na mangyari na.

13 Asin kun an aldaw na idto maabot na, hilnga, an panahon madalion nang mag-abot na sinda na iyo ngonian, o an banhi ninda na iyo ngonian kabilang sa pag-iriba nin mga katawohan nin Nephi, dae na maibibilang pa sa pag-iriba nin mga katawohan nin Nephi.

An Simbahan ni Jesukristo nin Mga Banal sa Huring-aldaw 386
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

14 Pero an siisay man na natatada, asin dae nadeostroso sa aldaw na yan na dakula asin makangorongirhat na aldaw, mabibilang sa pag-iriba nin mga Lamanita, asin magigin arog sa sainda, gabos, laen lang kaining kadikit na pag-aapudon na mga disipulos nin Kagurangnan; asin sinda an raralamagon kan mga Lamanita magin hanggan na sinda magkakaparara. Asin ngonian, nin huli kan kadaendatahan, ining propesiya mauutob.

15 Asin ngonian ini nangyaring naglipas na pagkatapos ni Alma makapagsabi na kaining mga bagay ki Helaman, saiyang pinagbendisyunan siya, asin man an saiyang ibang akeng lalake; asin saiya man pinagbendisyunan an daga para sa matanos na kamugtakan.

16 Asin siya nagsabi: Kaya sinabi nin Kagurangnanang Diyos--- An sumpa mapasa-daga, iyo, ining daga, pasiring sa lambang nasyon, lahi, dila, asin mga katawohan, pasiring sa kapahamakan, sa sainda na naggigibo nin kalapasan, sa panahon na sinda hinog nang bilog; asin habang sakong pinagtataram ini mangyayari; nin huli ta iyo ini an kasumpaanan asin kabendisyunan nin Diyos sa ibabaw nin daga, nin huli ta an Kagurangnan dae makapaghiling sa kasalanan sa pinakasadit kaining kinamumugtakan.

17 Asin ngonian, kan si Alma nakapagsabi na kaining mga tataramon saiyang pinagbendisyunan an simbahan, iyo, an gabos ninda na maninindugan para sa pagtubod nagpoon kan panahon na idto hanggan sa maabot pa.

18 Asin kan si Alma nagibo na ini siya naghale paluwas sa daga nin Zarahemla, na kumbaga pasiring sa daga nin Melek. Asin ini nangyaring naglipas na siya dae na nadangog pa giraray; manungod sa saiyang kagadanan o kinalubungan kami mayo nang pagkaaram.

19 Hilnga, iyo ini an samuyang aram, na siya sarong matunuson na tawo; asin an kasabihang ini napabantog sa simbahan na siya pinagkua kan Espiritu, o inilubong kan kamot nin Kagurangnan, na garo baga arog ki Moises. Pero hilnga, an mga kasuratan nagsasabi na an Kagurangnan pinagkua si Moises sa saiya mismong sadire; asin samuyang pinaghuhuna na saiya man naresibe si Alma sa espiritu, pasiring sa sadire niya; kun kaya, nin huli kaining dahilan kami mayong pagkaaram manungod sa saiyang kagadanan asin kinalubungan.

20 Asin ngonian ini nangyaring naglipas sa pagpopoon kan ika-desinuwebeng taon kan pagpapamahala kan mga huwes sa mga katawohan nin Nephi, na si Helaman naglakaw sa pag-iriba kan mga katawohan tanganing ideklara an tataramon sa sainda.

21 Nin huli ta hilnga, nin huli kan saindang pakikipaggiyera sa mga Lamanita asin sa kadakul na saradit na mga beringkilan asin mga kadisturbuhan na yaon sa pag-iriba kan mga katawohan, ini nagin kapakinabangan na an tataramon nin Diyos dapat na ipagdeklara sa pag-iriba ninda, iyo, asin na an regulasyon dapat na mahihimo sa kabilugan nin simbahan.

22 Kun kaya, si Helaman asin an saiyang mga katugangan nagralakaw sa pag-establisa nin simbahan giraray sa bilog na kadagaan, iyo, sa lambang siyudad sa kabilugan nin daga na pagsasadire kan mga katawohan ni Nephi. Asin ini nangyaring naglipas na sinda nagngaran nin mga kapadean asin mga paratukdo sa kabilugan nin daga, sa kabilugan nin gabos na mga simbahan.

23 Asin ngonian ini nangyaring naglipas na pagkatapos ni Helaman asin kan saiyang mga katugangan nakapagngaran nin mga kapadean asin mga paratukdo sa kabilugan nin mga simbahan na nagkaigwa nin beringkilan sa mga pag-iriba ninda, asin sinda habong magsurunod sa mga tataramon ni Helaman asin kan saiyang mga katugangan.

24 Pero sinda nagtaralubo sa kapaabaw-abawan, na pinagpalangkaw sa laog kan saindang mga puso, nin huli sa grabe na garyong kayamanan; kun kaya sinda nagtaralubong mayayaman sa saindang sadireng mga mata, asin habong magdadangog sa saindang mga tataramon, na tanganing magralakaw na may katanusan sa atubangan nin Diyos.

ALMA TSAPTER 46

Si Amalickiah nakipagkasundo na iyo an magin hade--- Si Moroni ipinagtaas an titulo nin Libertad--- Saiyang tiniripon an mga katawohan na tanganing idepensa an saindang relihiyon--- An mga tunay na paratubod pinag-apud na mga kristiyano--- Sarong katadaan ni Joseph dapat na mapreserba--- Si Amalickiah asin an mga paribok nagdurulag pasiring sa daga nin Nephi--- Sinda na habong magsuporta sa kausa nin kalayaan gagaradanon.

Asin ini nangyaring naglipas na habang kadakul na habong maghinanyog sa mga tataramon ni Helaman asin kan saiyang mga katugangan an nagkasarong nagkatiripon-tipon kontra sa saindang mga katugangan.

2 Asin ngonian hilnga, sinda nagin grabeng gayo an pagka-anggot, na tanganing sinda determinadong gagaradanon sinda.

3 Ngonian an lider ninda na nagka-aranggot kontra sa saindang mga katugangan iyo an sarong sa dakula asin sarong makusugon na tawo; asin an saiyang pangaran iyo si Amalickiah.

4 Asin si Amalickiah nagin mapagmawot na magin sarong hade; asin sindang mga katawohan na nagka-aranggot nagin mapagmawot man na siya an dapat na magin nindang hade; asin sinda an pinakadakulang parte sa sinda na mga hababang mga huwes nin daga, asin sinda nagmamawot nin kapangyarihan.

5 Asin sinda nagkadarara sa paagi kan mga boladas ni Amalickiah, na kun sinda magsusuporta sa siya asin patindugon siya na magin nindang hade na tanganing saiyang gigibohon sindang mga tagapagpamahala na mangingibabaw sa mga katawohan.

6 Kaya sinda nagkadarara ni Amalickiah pasiring sa mga karibokan, maski na ngani sa pagparabalangibog ni Helaman asin kan saiyang mga katugangan, iyo, maski na ngani sa saindang sobra na gayong pangangataman sa bilog na simbahan, nin huli ta sinda mga haralangkaw na kapadean sa bilog na simbahan.

7 Asin nagkaigwa nin kadakul na yaon sa simbahan na nagtutubod sa mga boladas na mga tataramon ni Amalickiah, kun kaya sinda nakipagsuhayan magin sa mga taga-simbahan; asin kaya an mga kalakawan kan mga katawohan nin Nephi nagin sobra nang gayong mapangahason asin makatakuton, maski na ngani sa saindang dakulaon na kapangganahan na saindang nakamtan kontra sa mga Lamanita, asin an saindang dakulaon na mga kaogmahan na saindang namatean nin huli kan saindang pagkaligtas sa paagi kan kamot nin Kagurangnan.

8 Kaya satuyang mahihiling kun gurano kadali na an mga kaakian nin mga tawo nahimong makalingaw tulos sa Kagurangnan nindang Diyos, iyo, kun gurano kadali makagibo nin kadaendataan, asin nagin nagkadarara kan sarong maraoton.

An Simbahan ni Jesukristo nin Mga Banal sa Huring-aldaw

388

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

9 Iyo, asin satuya mang mahihiling an dakulang karigsokan na an sarong maraoton na gayong tawo iyo an magkausa na mangyari sa pag-iriba kan mga kaarakian nin mga tawo.

10 Iyo, satuyang mahihiling na si Amalickiah, nin huli ta siya sarong tawo na may pambihirang kakayahan asin sarong tawo na may kadakulon na pamboboladas na mga tataramon, na tanganing saiyang magkadarara an mga puso nin kadakul na mga katawohan na gumibo nin mararaot; iyo, asin naghangad na destrosohon an simbahan nin Diyos, asin tanganing destrosohon an pundasyon nin libertad na an Diyos an nagtao sa sainda, o an bendisyon nin Dios na iyo an nagdara sa ibabaw nin lalawgon kan daga para sa mga matatanos an kamugtakan.

11 Asin ngonian ini nangyaring naglipas na kan si Moroni, na iyo an pinakapamayong kumander kan mga paralaban kan mga Nephita, nakapagdangog kaining mga kariribokan, siya nagin anggot ki Amalickiah.

12 Asin ini nangyaring naglipas na saiyang ginisi an saiyang talukbong; asin siya kuminua nin pedaso gikan kaini, asin sinuratan ini--- Sa kagiromdoman kan satuyang Diyos, kan satuyang relihiyon, kan satuyang mga kaagoman, asin kan satuyang mga kaarakian--- asin saiyang iginakot ini sa puro nin sarong kahoy.

13 Asin saiya ining iginakot sa saiyang panangga sa payo, asin sa saiyang panangga sa daghan, asin sa saiyang mga panangga, asin saiyang hinugkos an saiyang baluti sa saiyang habayan; asin saiyang dinara an kahoy, na sa puro kaini yaon an ginising talukbong, (asin saiya ining pinag-apud na titulo nin libertad) asin siya nagluhod kan saiyang sadire sa daga, asin siya nagpangadye nin makusugon sa saiyang Diyos para sa mga bendisyon nin libertad na mapasaiyang mga katugangan, habang igwa pa nin sarong pag-iribang mga kristiyano na natatada na iyo an magsasadire kan daga---

14 Nin huli ta kaya sinda gabos mga tunay na paratubod ni Cristo, na kairiba sa simbahan nin Diyos, na pinag-apud ninda na bakong kairiba kan simbahan.

15 Asin sinda na kairiba sa simbahan naggad pano nin pagtubod; iyo, an gabos sainda na iyo an mga tunay na paratubod ki Cristo nagdara sa saindang sadire, na may pagkaogma, an pangaran ni Cristo, o mga kristiyano na sinda pinag-aapud, nin huli kan saindang paniniwala ki Cristo na maabuton pa.

16 Asin kun kaya, sa panahong ini, si Moroni nagpangadye na an kausa kan mga kristiyano, asin an kalayaan kan daga dapat iyo an matawanan nin pabor.

17 Asin nangyaring naglipas na kan saiyang ipinagpabulos an saiyang kalag sa Diyos, saiyang pinangngaranan an bilog na kadagaan na yaon sa may timog kan daga nin Kalipungawan, iyo, asin sa madaliong taramon, an bilog na daga, pareho na yaon sa may norte asin sa may sur--- Sarong piniling daga, asin an daga nin libertad.

18 Asin siya nagsabi: Tunay na an Diyos dae magtutugot na kita, na kina-anggutan nin huli ta satuyang pinagdadara an pangaran ni Cristo, pagtatarapak-tapakan asin pagdedestrosohon, hanggan satuyang ipagpatong ini sa satuyang mga sadire sa paagi kan satuyang mga kalapasan.

19 Asin kan si Moroni nakapagsabi na kaining mga tataramon, siya nagpasiring sa pag-iriba kan mga katawohan, na ipinagwagayway an ginising parte kan saiyang yamit sa ere, na tanganing an gabos puwedeng mahiling an nasusurat na saiyang isinurat sa may ginising parte, asin magkukurahaw na may sarong makusugon na boses, na nagsasabi:

20 Hilnga, an siisay man na maninindugan kaining titulo sa ibabaw kan daga, magdulok

sinda sa kusog nin Kagurangnan, asin maglaog sa sarong tipan na sinda maninindugan kan saindang mga karapatan, asin sa saindang relihiyon, na tanganing an Kagurangnan Diyos puwedeng magbebendisyon sinda.

21 Asin ini nangyaring naglipas na kan si Moroni nakapagproklama na kaining mga tataramon, hilnga, an mga katawohan nagdaralagan sa pagdulok na an saindang baluti nakagakot sa saindang mga habayan, pinaggirisi an saindang mga yamit bilang palatandaan, o bilang sarong tipan, na sinda dae naggad matalikod sa Kagurangnan nindang Diyos; o, sa ibang tataramon, kun sinda makapaglapas sa mga kasugoan nin Diyos, o mahulog pasiring sa kalapasan, asin magin masusupgon sinda sa pagdara kan pangaran ni Cristo, an Kagurangnan iyo an magwawasak sinda na arog kan saindang paggisi kan saindang mga yamit.

22 Ngonian iyo ini an tipan na saindang ginibo, asin saindang pinag-iritsa an saindang mga yamit sa may pamitisan ni Moroni, na nagsasabi: Kami nakikipagtipan sa samuyang Diyos, na kami madedestroso, magin arog kan samuyang mga katugangan sa daga pasiring norte kun kami magkakahurulog pasiring sa kalapasan; iyo, puwede niya kaming ipatunod sa pamitisan kan samuyang mga kaiwal, na magin arog kan samuyang pag-itsa kan samuyang mga yamit sa saimong pamitisan na tanganing pagtarapak-tapakan sa irarom kan bitis, kun kami magkakahurulog pasiring sa kalapasan.

23 Si Moroni nagsabi sa sinda: Hilnga, kita iyo an katadaan kan banhi ni Jacob; iyo, kita iyo an katadaan kan banhi ni Joseph, na an kapa pinaggisi kan saiyang mga katugangan sa kadakul na mga pedaso; iyo, asin ngonian hilnga, kaipuhan tang giromdomon na magsusunod sa mga kasugoan nin Diyos, o an satuyang mga yamit gigirision kan satuyang mga katugangan, asin kita ipagkukunkon pasiring sa prisohan, o ipagpabakal, o gagaradanon.

24 Iyo, kaipuhan tang maipreserba an satuyang libertad bilang sarong katadaan ni Joseph; iyo, kaipuhan giromdomon an mga tataramon ni Jacob, bago an saiyang kagadanon, nin huli ta hilnga, saiyang nahiling na an sarong parte kan katadaan kan kapa ni Joseph pinagpreserba asin dae naglapa. Asin siya nagsabi--- Magin arog kaining katadaan kan yamit kan sakuyang akeng lalake na pinagpreserba, iyo man an sarong katadaan kan banhi kan sakuyang akeng lalake na ipreserba sa paagi kan kamot nin Diyos, asin dadarahon sa saiyang sadire mismo, habang an natatada kan banhi ni Joseph mapapara, na magin arog sa katadaan kan saiyang yamit.

25 Ngonian hilnga, ini nakapagtao sa sakuyang kalag nin kamondan; daeng pagkukulang, an sakuyang kalag nagkaigwa nin kaogmahan sa sakuyang akeng lalake, nin huli kaidtong parte kan saiyang banhi na dadarahon pasiring sa Diyos.

26 Ngonian hilnga, iyo ini an lengguwahe ni Jacob.

27 Asin ngonian siisay an nakakaaram kun arin an katadaan kan banhi ni Joseph, na iyo an mapapara arog kan saiyang yamit, bako daw na iyo sinda na nagpaparibok sa satuya? Iyo, asin magin ining satuyang mga sadire kun kita dae magtindog nin pusog sa pagtubod ki Cristo.

28 Asin ngonian ini nangyaring naglipas na kan si Moroni nakapagsabi na kaining mga tataramon siya nagpadagos, asin man nagpasugo sa bilog na mga parte kan daga kun saen may mga kariribokan, asin pinagtitiripon na magkasararo an gabos na mga katawohan na nagmamawot na imantine an saindang libertad, na magtitindog kontra ki Amalickiah asin sa iba na nagpaparibok, na pinag-apud na Amalikhita.

An Simbahan ni Jesukristo nin Mga Banal sa Huring-aldaw

390

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

29 Asin ini nangyaring naglipas na kan si Amalickiah nahiling na an mga katawohan ni Moroni mas grabe an bilang kesa sa mga Amalikhita--- asin saiya man nahiling na an saiyaing mga katawohan pano ninn pagdududa manungod sa hustisya kan kausa na saindang pinagtataguyod--- kun kaya, may pagkatakot na siya dae makagana sa punto, saiyaing pinagdara sinda na saiyaing mga katawohan na may gusto asin nagharale na pasiring sa kadagaan nin Nephi.

30 Ngonian si Moroni nakapag-isip-isip na ini bakong kapakinabangan na an mga Lamanita magkakaigwa pa nin kusog; kun kaya saiyaing naisip na harangon an katawohan ni Amalickiah, o kuahon sinda asin darahon sinda pabalik, asin si Amalickiah gadanon; iyo, nin huli ta siya nakakaaram na siya an puwedeng makapag-enganyar kan mga Lamanita na magka-aranggot kontra sainda, asin magkausa sainda na mag-abot sa pakigiyaer kontra sainda; asin ini saiyaing naaraman na gigibohon ni Amalickiah na tanganing saiyaing makua an saiyaing mga katuyuhan.

31 Kun kaya si Moroni nakapag-isip-isip naini kapakinabangan na saiyaing darahon an saiyaing mga paralaban, nag nagkasararong nagkatiripon, asin armasana sinda, asin pinalaog sa sarong tipan sa pagmantine nin katalingkasan--- asin ini nangyaring naglipas na saiyaing kinurua an saiyaing paralaban asin nagmartsa paluwas kaiba an saiyaing mga tolda pasiring sa kaparangan, tanganing harangon an hukbo ni Amalickiah sa may kaparangan.

32 Asin ini nangyaring naglipas na saiyaing ginibo an uyon sa saiyaing mga minamawot, asin nagmartsa pasiring sa kaparangan, asin pinag-enotan an mga paralaban ni Amalickiah.

33 Asin ini nangyaring naglipas na si Amalickiah nagdulag kaiba an dikit na numero kan saiyaing mga tawohan, asin an natada napaduman sa mga kamot ni Moroni asin dinarara pabalik pasiring sa kadagaan nin Zarahemnah.

34 Ngonian, si Moroni bilang sarong tawo na pinanggaran kan mga pinakapamayong mga huwes asin nin boses nin mga katawohan, kun kaya siya igwa nin kapangyarihan na uyon sa saiyaing kagustuhan sa mga paralaban kan mga Nephita, na tanganing mag-establisa asin tanganing mag-ehersisyo nin autoridad na mangingibabaw sainda.

35 Asin ini nangyaring naglipas na an siisay man sa mga Amalickiah na habong maglalaog sa sarong tipan na magsusuporta sa kausa nin kalayaan, na tanganing sinda makapagmantine nin sarong malayong gobyerno, siya gagadanon;

36 Asin ini nangyaring naglipas man, na saiyaing ipinagsugo na an titulo nin libertad ipagbandera sa ibabaw kan lambang tore na yaraon sa bilog na kadagaan, na pagsasadire kan mga Nephita; asin kaya si Moroni pinagtanom an bandera kan libertad sa pag-iribang mga Nephita.

37 Asin sinda nagpoon na magkaigwa nin katuninongan giraray sa daga; asin kaya sinda an nagmantine nin katuninongan sa daga hanggan haros sa ipagtapos kan ika-desinuwebeng taon kan pagpapamahala kan mga huwes.

38 Asin si Helaman asin an mga haralangkaw na mga kapadean nagmantine man nin kahusayan sa laog nin simbahan; iyo, magin sa laog nin apat na taon sinda nagkaigwa nin sobrang katuninongan asin kaogmahan sa laog kan simbahan.

39 Asin ini nangyaring naglipas na nagkaigwa nin kadakul na nagkagaradan, pusog na nagtuturubod na an saindang mga kalag pinagtutubos sa paagi nin Kagurangnang Jesu Cristo; kaya sinda nagruluwas sa kinaban na nag-oorogma.

40 Asin nagkaigwa nin iba na nagkagaradan na may mga kalintura, na sa kapanahunan kan taon pirme sana yaon sa daga--- pero bako mang gayo sa mga kalintura, nin huli kan pinakamarahay na mga kalidad nin kadakul na mga pananom asin mga ugat na an Diyos iyo an nag-andam tanganing haraleon an kausa kan mga kahelangan, na kun saen iyo an nagpapasa-irarom sa mga tawo sa paagi kan natura nin klima---

41 Pero nagkaigwa nin kadakul na nagkagaradan sa pagkagurang; asin sinda na nagkagaradan sa pagtubod ki Cristo nagin maogmahon na kaiba niya, arog kan kaipuhan nyatong gayo na paghuhuna-hunaon.

ALMA TSAPTER 47

Si Amalickiah naggagamit nin katrayduran, panggagadan, asin intriga tanganing magin hade kan mga Lamanita--- An mga Nephitang mga paribok mas grabe an karaotan asin kabangisan kesa sa mga Lamanita.

Ngonian kita mabalik sa satuyang rekord ki Amalickiah asin sa sinda na nagdurulag kaiba niya pasiring sa kaparangan; nin huli ta hilnga, saiyang pinagpa-iriba an mga tawong nagharale na kaiba niya, asin nagpaduman sa kadagaan nin Nephi na pag-iriba kan mga Lamanita, asin naggad pinagpa-init an mga Lamanita na magka-aranggot kontra sa katawohan ni Nephi, na kaya an hade kan mga Lamanita nagpadara nin sarong proklamasyon sa kabilugan nin gabos na kadagaan, sa gabos na saiyang mga katawohan, na sinda dapat na magkasararong magkatiripon kan saindang mga sadire giraray sa pakikipaggiyera kontra sa mga Nephita.

2 Asin ini nangyaring naglipas na kan an proklamasyon nakaabot sa pag-iriba ninda nagkatarakot na gayo sinda; iyo, sinda nagkatarakot na mapa-anggot an hade, asin sinda man nagkatarakot na magpasiring sa pakigiyera kontra sa mga Nephita ta baka sinda magkawararaan kan saindang mga buhay. Asin ini nanyaring naglipas na sinda harabo, o an kadakul na parte sinda nagharabo, na magsunod sa mga kasugoan kan hade.

3 Asin ngonian ini nangyaring naglipas na an hade nag-anggot nin huli kan saindang pagsarayuma; kun kaya saiyang pinagtao ki Amelickiah an pagpapamahala kan parte kan saiyang paralaban na magsurunod sa saiyang mga kasugoan, asin pinagsugo siya na magduman asin piriton sinda na mag-armas.

4 Ngonian hilnga, iyo ini an pagmamawot ni Amalickiah; nin huli ta siya bilang sarong matusuhon na tawo sa paggibo nin karaotan kun kaya siya naglatag nin plano sa saiyang puso na haleon sa trono an hade kan mga Lamanita.

5 Asin ngonian siya nagkaigwa kan pagpapamahala kaidtong mga parte kan mga Lamanita na pabor sa hade; asin siya naghanap na makua an pabor ninda na bakong masinunod-sunod; kun kaya siya nag-abante pasiring sa lugar na pinag-aapud na Onidah, nin huli ta duman an gabos na mga Lamanita nagkadurulag; nin huli ta saindang napag-araman na an paralaban maarabot, asin, naghuhuna na sinda maarabot sa pagdestroso sinda, kun kaya sinda nagdurulag pasiring sa Onidah, pasiring sa lugar kan mga armas.

6 Asin sinda nagngaran nin sarong tawo na magin sarong hade asin sarong lider na

An Simbahan ni Jesukristo nin Mga Banal sa Huring-aldaw

392

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mangingibabaw sainda, nagbilog sa saindang mga isip nin sarong determinadong resolusyon na sinda dae nanggad mapasa-irarom sa sugo na makigiyera kontra sa mga Nephita.

7 Asin ini nangyaring naglipas na sinda nagkatiripon-tipon kan saindang mga sadire na magkasararo sa ibabaw kan bukid na pinag-apud na Antipas, para sa preparasyon sa pakigiyera.

8 Ngonian ini bako sa intensiyon ni Amalickiah magduman sainda sa pakigiyera kundi uyon sa mga kasugoan kan hade; pero hilnga, ini iyo an saiyang intensiyon na ganahon an pabor kan mga paralaban kan mga Lamanita, na tanganing saiyang puwedeng maipamugtak an sadire niya na magin nindang pamayo asin haleon sa trono an hade asin kuahon an kahadean.

9 Asin hilnga, ini nangyaring naglipas na saiyang pinagsugo an saiyang mga paralaban na itugdok an saindang mga tolda sa buro-bukid na haranihon sa bukid nin Antipas.

10 Asin ini nangyaring naglipas na kan banggi na siya nagpadara nin sarong sikretong mensahero paduman sa bukid Antipas, nagmamawot na an lider ninda na yaraon sa bukid, na an pangaran Lehonti, na magbaba siya sa pamitisan kan bukid, nin huli ta siya nagmamawot na makaolay siya.

11 Asin ini nangyaring naglipas na kan si Lehonti naresibe an mensahe siya habong magbaba sa pamitisan kan bukid. Asin ini nangyaring naglipas na si Amalickiah nagpadara giraray sa ikaduwang pagkakataon, pinagmamawot siyang bumaba. Asin ini nangyaring naglipas na si Lehonti habo; asin siya nagpadara giraray sa ikatulong pagkakataon.

12 Asin ini nangyaring naglipas na kan si Amalickiah nanagboan na dae niya makuang mapababa si Lehonti paluwas gikan sa bukid, siya nagpasiring paitaas sa bukid, haros harani na sa kampo ni Lehonti; asin siya nagpadara giraray sa ikaapat na pagkakataon kan saiyang mensahe ki Lehonti, nagmamawot na siya magbaba, asin saiyang darahon an saiyang mga guwardiya na kaiba niya.

13 Asin ini nangyaring naglipas na kan si Lehonti nagbaba kaiba an saiyang mga guwardiya pasiring ki Amalickiah, na tanganing si Amalickiah nagmawot saiya na magbaba kaiba an saiyang paralaban sa oras nin banggi, asin palibutan idtong mga tawohan na yaon sa saindang mga kampo na ipinagtao saiya kan hade para pamahalaan, asin ta saiyang ipapatunod sinda pasiring sa mga kamot ni Lehonti, kun siya gigibohon siyang (Amalickiah) ikaduwang lider sa kabilugan kan mga paralaban.

14 Asin ini nangyaring naglipas na si Lehonti nagbaba kaiba an saiyang mga tauhan asin pinarilibutan an mga tauhan ni Amalickiah, kaya bago pa man sinda nagmarata sa pagbuka kan aldaw sinda nagkaparilibutan na kan mga paralaban ni Lehonti.

15 Asin ini nangyaring naglipas na kan saindang namansayan na sinda nakaparilibutan na, sinda nakiolay ki Amalickiah na saiya sindang tugutan na makiiba na lang sa saindang mga katugangan, na tanganing sinda puwedeng dae magkaderestroso. Ngonian iyo ini nanggad an bagay na si Amalickiah nagmawot.

16 Asin ini nangyaring naglipas na saiyang ipinatunod an saiyang mga tauhan, na kontraryo sa mga isinugo kan hade. Ngonian iyo ini an bagay na si Amalickiah nagmawot, na tanganing saiyang mapagpangyari an saiyang mga disenyo na haleon sa trono an hade.

17 Ngonian ini iyo an sarong kustombre kan mga Lamanita, kun an saindang

An Simbahan ni Jesukristo nin Mga Banal sa Huring-aldaw

393

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pinakapamayong lider nagadan, na pangaranan an ikaduwang lider na magin an saindang pinakapamayong lider.

18 Asin ini nangyaring naglipas na si Amalickiah nagkausa na sarong sa sayang mga surugoon dapat na gibohong hiluhon nin paluhay-luhay si Lehonti, na tanganing siya magadan.

19 Ngonian, kan si Lehonti nagadan, an mga Lamanita pinangaranan si Amalickiah na iyo an magin nindang lider asin an saindang pinakapamayong kumander.

20 Asin ini nangyaring naglipas na si Amalickiah nagmartsa kaiba an sayang mga paralaban (nin huli ta nakua na niya an sayang mga kamawotan) pasiring sa daga nin Nephi, paduman sa siyudad nin Nephi, na iyo an pinakapamayong siyudad.

21 Asin an hade nagluwas sa pagsabat saiya kaiba an sayang mga guwardiya, nin huli ta sayang pinaghuhuna-huna na si Amalickiah nakagibo na kan sayang mga isinugo, asin ta si Amalickiah pinagtiripon nang magkasararo an grabe na gayong mga paralaban tanganing makilaban sa mga Nephita sa pakigiya.

22 Pero hilnga, habang an hade nagluwas pasabat saiya si Amalickiah nagsugo sa sayang mga surugoon na mangenotan sa pagsabat sa hade. Asin sinda nagduruman asin nagduko kan saindang mga sadire sa atubangan nin hade, kumbaga pinanggalang siya nin huli kan sayang kadakulaan.

23 Asin ini nangyaring naglipas na an hade ipinagbingat an sayang kamot sa pagkaway sainda, na siring sa kustombre nin mga Lamanita, bilang palatandaan nin katuninongan, na an kustombreng ini saindang kinua pa gikan sa mga Nephita.

24 Asin ini nangyaring naglipas na kan siya enot na nagbuhat gikan sa daga, hilnga sayang sinaksak an hade sa may puso; asin siya natumba sa daga.

25 Ngonian an mga surugoon kan hade nagdurulag; asin an mga surugoon ni Amalickiah makusog na nagkururahaw na nagsasabi:

26 Hilnga, an mga surugoon kan hade an nagsaksak saiya sa may puso, asin siya natumba asin sinda nadurulag; hilnga, madya asin hilngon.

27 Asin ini nangyaring naglipas na si Amalickiah nagsugo na an sayang mga paralaban magpadagos sa pagmartsa asin hilngon kun ano na an nangyari sa hade; asin kan sinda nakaabot na sa lugar, asin nanagboan an hade na nakalagmak na sa sayang sadireng dugo, si Amalickiah nagsagin-sagin na naanggot, asin nagsabi: Siisay man na namomoot sa hade, tugutan sindang mangenotan, asin ralamagon an sayang mga surugoon na tanganing sinda paggaradanon.

28 Asin ini nangyaring naglipas na sinda gabos na nagmomoot sa hade, kan saindang nadangog ining mga tataramon, nangenot asin niralamag an mga surugoon kan hade.

29 Ngonian kan an mga surugoon kan hade nahiling na may mga paralaban na naglalamag sainda, sinda nagkatarakot giraray, asin nagdurulag pasiring sa kaparangan, asin nakaabot sa kadagaan pasiring sa Zarahemla asin suminalak sa mga katawohan ni Ammon.

30 Asin an mga paralaban na nagralamag sainda nagbaralik, na bigo sa pagralamag sainda; asin kaya si Amalickiah, sa paagi kan sayang padaya, nakua an mga puso nin mga katawohan.

31 Asin ini nangyaring naglipas sa pagkaaga siya naglaog sa siyudad nin Nephi kairiba an sayang paralaban, asin kinua an pagsasadire kan siyudad.

32 Asin ngonian ini nangyaring naglipas na an reyna, kan sayang nadangog na an hade

ginadan --- nin huli ta si Amalickiah nagpadara nin mensahero pasiring sa reyna na nagpasabot saiya na an hade pinaggadan kan saiya mga surugoon, na saiya ipinalamag sinda kan saiya mga paralaban, pero ini nabigo, asin sinda nakahimong mag-eskapo---

33 Kun kaya, kan an reyna naresibe ining mensahe siya nagpadara ki Amalickiah, pinagmamaot saiya na paligtason an mga katawohan kan siyudad; asin siya man nagmawot saiya na siya magdulok sa saiya; asin siya man nagmawot saiya na siya an dapat na magdara nin pagsasaksi sa kaiba niya na magpapatotoo manungod sa pagkagadan kan hade.

34 Asin ini nangyaring naglipas na si Amalickiah pinag-iba an iyo man sanang mga surugoon na guminadan sa hade, asin an gabos nindang kairiba, asin nagpaduman sa reyna, duman sa lugar kun saen siya nakatukaw; asin sinda gabos nagpatotoo saiya na an hade ginadan kan saiya man sanang mga surugoon; asin sinda nagsabi man: Sinda nakadulag; bako daw na iyo ini patotoo kontra sainda? Asin kaya saindang napatubod an reyna manungod sa pagkagadan kan hade.

35 Asin ini nangyaring naglipas na si Amalickiah naghagad nin pabor sa reyna, asin nagpakasal siya na magin agom niya; asin kaya sa paagi kan saiya padaya, asin sa paagi kan tabang nin saiya mga pambihirang surugoon, saiya nakamtan an kahadean; iyo, siya pinagmidbid na hade sa kabilugan kan daga, magin sa bilog na mga katawohan kan mga Lamanita, na komponido kan mga Lamanita asin mga Lemuelita, asin mga Ishmaelita, asin gabos na paribok na mga Nephita, magpoon sa pagpapamahala ni Nephi sagkod sa presenteng panahon.

36 Ngonian ining mga paribok, na igwa nin kaparehong instruksiyon asin kaparehong impormasyon kan mga Nephita, iyo, bilang nakapag-adal nin kaparehong pagkanuod sa Kagurangnan, daeng pagkukulang, ini sarong makakangalas na pagsabihon, dae pa sana nahahaloy pagkatapos kan saindang pagpaparibok sinda nagin grabe an pagkamatagason asin impenitente, asin man pakawala, maraot asin mabangison kesa sa mga Lamanita--- nakikipag-inuman sa tradisyon kan mga Lamanita; nagpapadara sa kahugakan, asin gabos na manera nin kalaswaan; iyo, bilog na nakakalingaw na sa Kagurangnan nindang Diyos.

ALMA TSAPTER 48

Si Amalickiah pinagpukaw an mga Lamanita kontra sa mga Nephita--- Si Moroni pinag-andam an saiya mga katawohan na ipaglaban an kausa kan mga kristiyano--- Siya nag-ogma sa libertad asin kalayaan asin nagin sarong pusog na tawo nin Diyos.

Asin ngonian ini nangyaring naglipas na habang dae pa sana naghahaloy na si Amalickiah nagkapot kan kahadean niya nagpoon na pukawon an mga puso kan mga Lamanita kontra sa mga katawohan nin Nephi; iyo, siya nagngaran nin mga tawo na magtaram sa mga Lamanita gikan sa saindang mga tore, kontra sa mga Nephita.
2 Asin kaya saiya pinukawan an saindang mga puso kontra sa mga Nephita, na tanganing sa huring parte kan ika-desinuwebeng taon kan pagpapamahala kan mga

An Simbahan ni Jesukristo nin Mga Banal sa Huring-aldaw 395
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

huwes, siya bilang nakagibo na kan saiyang mga desinyo sa dae pa sana naghahaloy, iyo, bilang ginibong hade kan mga Lamanita, siya nagmawot pa man na maghade sa bilog na daga, iyo, asin sa gabos na mga katawohan na yaon sa laog nin daga, an mga Nephita asin man an mga Lamanita.

3 Kun kaya saiyang nagibo na an saiyang desinyo, nin huli ta saiyang pinatagas an mga puso kan mga Lamanita asin binilog an saindang mga kaisipan, asin pinagpukaw sinda hanggan sa pagka-anggot, na sa arog kaini saiyang pinagtiripon na nagkasararo sa sarong kadakulaon na hukbo sa pakikipaggiyera kontra sa mga Nephita.

4 Nin huli ta siya determinado, nin huli kan kadakulaan nin numero kan saiyang mga katawohan, na tanganing daugon an mga Nephita asin darahon sinda pasiring sa kauripnan.

5 Asin kaya siya nagngaran nin pinakapamayong mga kapitan kan mga Zoramita, sinda bilang iyo an mas nakakaaram sa kusog kan mga Nephita, asin kan saindang mga lugar na pinagtiriponan, asin sa pinakamaluyang mga parte kan saindang mga siyudad; kun kaya saiya sindang pinagngaranan na mga pinakapamayong mga kapitan kan saiyang mga paralaban.

6 Asin ini nangyaring naglipas na saindang sinarakop an saindang mga kampo, asin naghiro pasiring sa kadagaan nin Zarahemla sa may kaparangan.

7 Ngonian ini nangyaring naglipas na habang si Amalickiah padagos na nakakamit nin kapangyarihan sa paagi nin padaya asin panlilinlang, si Moroni, sa balyong lado, pinag-aandam an mga kaisipan kan mga katawohan na magin pano nin pagtubod sa Kagurangnan nindang Diyos.

8 Iyo, saiyang pinapakusog na gayo an mga paralaban kan mga Nephita, asin nagtuturogdok nin saradit na mga kuta, o mga lugar nin pattitiriponan; pinagpapalangkaw an mga gilid nin daga sa palibot na tanganing pananggalang kan saiyang mga paralaban, asin man nagtuturogdok nin mga pader na gapo na magsisirkulo sinda sa palibot, sa palibot kan saindang mga siyudad asin sa mga kasagkoran kan saindang kadagaan; iyo, sa bilog na palibot kan daga.

9 Asin sa saindang pinakamaluyang parte kan saindang mga pinagkukutaan siya nagbugtak nin mas dakulaon na numero nin mga tawo; asin kaya saiyang pigkutaan asin pinakusog an kadagaan na pagsasadire kan mga Nephita.

10 Asin kaya siya nag-aandam tanganing suportahan an saindang libertad, an saindang kadagaan, an saindang katuninongan, asin ta sinda puwedeng mamuhay sa Kagurangnan saindang Diyos, asin ta sinda puwedeng mamamahala kan bagay na pinag-aapud kan saindang mga kaiwal na kausan kan mga kristiyano.

11 Asin si Moroni sarong makusugon asin sarong dakulaon na tawo; siya idtong sarong tawo na may perpektong pagka-intende; iyo, sarong tawo na dae na-oogma sa garadanan; sarong tawo na an kalag nag-oogma sa libertad asin sa kalayaan kan saiyang banwaan, asin kan saiyang mga katugangan gikan sa kauripnan asin pagka-uripon;

12 Iyo, sarong tawo na an puso nagdakula na may pasasalamat sa saiyang Diyos; para sa kadakul na mga pribilihiyo asin mga bendisyon na saiyang ipinagputong sa saiyang mga katawohan; sarong tawo na nagtrabahong gayo para sa kapakanan asin kaligtasan kan saiyang mga katawohan.

13 Iyo, asin siya idtong sarong tawo na pusog sa pagtubod ki Cristo, asin siya nangako nin sarong panunumpa na bantayan an saiyang mga katawohan, an saiyang mga

karapatan, asin an saiyang banwaan, asin an saiyang relihiyon, magin hanggan sa pagpapabulos kan saiyang dugo.

14 Ngonian an mga Nephita tinurukdoan sa pagdepensa kan saindang mga sadire kontra sa saindang mga kaiwal, magin hanggan sa pagpapabulos nin dugo kun ini kinakaipuhan; iyo, asin sinda man pinagtukdoan na dae nanggad magtao nin opena, iyo, asin dae nanggad itaas an espada laen lang kun ini kontra sa sarong kaiwal, laen lang kun ini para sa pagpreserba kan saindang mga buhay.

15 Asin iyo ini an saindang pagtubod, na sa paggigibo an Diyos iyo an mapa-asenso sainda sa kadagaan, o sa ibang mga tataramon, kun sinda pano nin pagtubod sa pagsusunod sa mga kasugoan kan Diyos na saiyang papa-asensuhon sinda sa kadagaan; iyo, inabisuhan sinda na magdulag, o mag-andam para sa pakigiyera, uyon sa saindang kadelikaduhan;

16 Asin man, na an Diyos iyo an magpapasabot kaini sa sainda kumbaga sinda dapat na magdepensa para sa mga sadire ninda kontra sa saindang mga kaiwal, asin sa paggigibo, an Kagurangnan iyo an magliligtas sainda; asin iyo ini an pagtubod ni Moroni, asin an saiyang puso nagpamuraway kaini; bako sa pagpapabulos nin dugo kundi sa paggigibo nin marhay, sa pagpreserba kan saiyang mga katawohan, iyo, sa pagsusunod sa mga kasugoan nin Diyos, iyo, asin sa pakipagkontraan sa kadaendataan.

17 Iyo, katotohanan, katotohanan ako nagsasabi sa saindo, kun an gabos na tawo kaidto, asin nagin iyo, asin magigin iyo, na arog ki Moroni, hilnga, an mga kapangyarihan nin impiyerno iyo man sana an matatanyog sagkod pa man; iyo, an diyablo dae kuta na magkaigwa nin kapangyarihan na mangingibabaw sa mga puso kan mga kaakian nin mga tawo.

18 Hilnga, siya sarong tawo na arog ki Ammon, an aki ni Mosiah, iyo, asin magin sa ibang mga akeng lalake ni Mosiah, iyo, asin man ki Alma asin kan saiyang mga akeng lalake, nin huli ta sinda gabos mga tawo nin Diyos.

19 Ngonian hilnga, si Helaman asin an saiyang mga katugangan daeng kakulangan sa pagseserbisyo sa mga katawohan kesa ki Moroni; nin huli ta sinda nagbabalangibog nin tataramon nin Diyos, asin sinda nagbubunyag pasiring sa pagsosolsol sa gabos na mga tawo na siisay man na magdadangog sa saindang mga tataramon.

20 Asin kaya sinda nagpadagos, asin an mga katawohan nagpakumbaba kan saindang mga sadire nin huli kan saindang mga tataramon, na tanganing sinda iyo an nagin mas pinaboran nin Kagurangnan, asin kaya sinda nagin libre sa mga pakigiyera asin pagralaban-laban sa pag-iriba kan saindang mga sadire, iyo, magin sa laog nin apat na taon.

21 Pero, arog kan sakong nasabi na, sa hinapos na parte kan ika-desinuwebeng taon, iyo, maski na ngani sa saindang katuninongan sa pag-iriba man sana nindang mga sadire, sinda napipiritan na may pagduduwa-duwa na makilaban sa saindang mga katugangan, an mga Lamanita.

22 Iyo, asin sa madaling tataramon, an saindang mga pakigiyera dae nanggad nag-untok sa laog nin kadakul na mga taon kontra sa mga Lamanita, maski na ngani kan saindang grabeng pagduduwa-duwa.

23 Ngonian, sinda nagmumundo na kumapot nin mga armas kontra sa mga Lamanita, nin huli ta sinda dae na-oogma sa pagpapabulos nin dugo; iyo, asin ini bako sana gabos---sinda nagmumundo na magin mga dahilan sa pagpapadara sa kadakulon nindang mga

katugangan paluwas sa mundong ini pasiring sa daeng kasagkoran na mundo, na dae pa preparado para atubangon an saindang Diyos.

24 Daeng pagkukulang, sinda dae makapagtugot na pababaya an saindang buhay, an saindang mga agom, asin an saindang mga kaakian na gagaradanon sa paagi nin barbarong kalupitan ninda na kaidto saindang mga katugangan, iyo, asin nagparibok sa saindang simbahan., asin nagbaya sinda asin nagrayo sa pagdestroso sinda sa paagi nin pakipag-ayon sa mga Lamanita.

25 Iyo, sinda dae naggad makapagtugot na an saindang mga katugangan mag-oogma sa dugo kan mga Nephita, hanggan habang igwa pa nin siisay na magsusunod sa mga kasugoan nin Diyos, nin huli ta an promisa nin Kagurangnan iyo ini, kun sinda magsusunod sa saiyang mga kasugoan sinda mag-aasenso sa kadagaan.

ALMA TSAPTER 49

An nag-atakeng mga Lamanita dae nakayanan na makua an mga nakukutaan na mga siyudad nin Ammonihah asin Noah--- Si Amalickiah pinagsumpa an Diyos asin nangako na iinumon an dugo ni Moroni--- Si Helaman asin an saiyang mga katugangan nagpadagos sa pagpapakusog kan Simbahan.

Asin ngonian ini nangyaring naglipas sa ika-onseng bulan kan ika-desinuwebeng taon, sa ika-sampung aldaw kan bulan, an mga paralaban kan mga Lamanita nahiling na paharani pasiring sa daga kan Ammonihah.

2 Asin hilnga, an siyudad pinagtugdok giraray, asin si Moroni nag-estasyon nin paralaban sa mga kasagkoran kan siyudad, asin sinda nagkaralot nin daga asin pinagtambak sa palibot tanganing magsirbeng sangga ninda laban sa mga pana asin mga gapo kan mga Lamanita; nin huli ta hilnga, sinda nakipaglaban sa paagi nin mga bato asin sa paagi nin mga pana.

3 Hilnga, ako nagsasabi na an siyudad nin Ammonihah pinagtugdok giraray. Ako nagsasabi saindo, iyo, na an sarong parte kaini naggad pinagtugdok giraray; asin nin huli sa mga Lamanita pinagdestroso ini minsan nin huli kan kadaendatahan nin mga katawohan, saindang pinaghuhuna-huna na ini puwede giraray na magin masayunon na dakop para sinda.

4 Pero hilnga, gurano kadakula an saindang pagkadismaya; nin huli ta hilnga, an mga Nephita nagkalot nin mga tambak nin daga na nakapalibot sinda, na grabeng kalangkaw na tanganing an mga Lamanita dae makapagpaturon kan saindang mga gapo asin kan saindang mga pana na magin epektibo, ni dae sinda makadulok sa sinda laen lang ini sa paagi kan saindang lugar na pinaglalaogan.

5 Ngonian sa panahon na ini an mga pinakapamayong mga kapitan kan mga Lamanita grabeng gayo an kangangalasan, nin huli sa kadunungan kan mga Nephita sa pagpara-

andam kan saindang mga lugar nin seguridad.

6 Ngonian an mga lider kan mga Lamanita naghuhuna-huna, nin huli kan kadakulaan kan saindang mga bilang, iyo, sinda naghuhuna-huna na sinda dapat nagkaigwa nin pribilihiyo na makadulok sinda arog kaidtong saindang nagibo na; iyo, asin sinda man nag-andam kan saindang mga sadire nin mga panangga, asin nin mga pantahob sa daghan; asin sinda man nakapag-andam kan saindang mga sadire nin mga balat na gubing, iyo, grabe kahibog na mga gubing na magtatahob kan saindang kahubaan.

7 Asin kaya nakapag-andam sinda na naghuhuna-huna na saindang masayunon na madaog asin maipamugtak an saindang mga katugangan pasiring sa paningkaw nin pagkasakop, o garadanon asin puhoon sinda na uyon sa saindang mga kagustuhan.

8 Pero hilnga, sa saindang dakulang gayong pagkangalas, sinda preparado laban sa sinda, sa sarong manera na dae pa napag-aramang gayo kaidto kan mga kaakian ni Lehi. Ngonian sinda nagin preparado para sa mga Lamanita, sa pakikigiya na uyon sa manera kan mga instruksiyon ni Moroni.

9 Asin ini nangyaring naglipas na an mga Lamanita, o an mga Amalikiyahita, grabeng gayo an pagkangalas sa saindang manera nin preparasyon para sa giyera.

10 Ngonian, kun si hadeng Amalickiah nag-iba sa kadagaan nin Nephi, nasa pagpangenotkan saiyang mga paralaban, kuta na saiyang pinagkausa na atakehon kan mga Lamanita an mga Nephita na yaman sa siyudad kan Ammonihah; nin huli ta hilnga, siya daeng pakiaman para sa dugo kan saiyang mga katawohan.

11 Pero hilnga, si Amalickiah dae nag-iba kan saiyang sadire sa pakigiya. Asin hilnga, an saiyang pinakapamayong mga kapitan dae pinag-atake an mga Nephita sa siyudad kan Ammonihah, nin huli ta pinagbag-o ni Moroni an manehamento kan palakaw sa pag-iriba nin mga Nephita, na iyong gayo na an mga Lamanita pinanluyahan sa mga lugar nin pag-atras asin sinda dae nakapagdulok sa sinda.

12 Kun kaya sinda nag-atras pasiring sa kaparangan, asin dinarara an saindang mga kampo asin nagmartsa pasiring sa kadagaan nin Noah, na naghuhuna-huna na iyo an magin sunod na marhay na lugar para sa sinda na mag-abot kontra sa mga Nephita.

13 Nin huli ta sinda dae nakaaram na si Moroni iyo an nagpakusog kaini, o nakapagtugdok na nin mga kuta nin seguridad, para sa gabos na siyudad sa bilog na kapalibutan nin daga; kun kaya, sinda nagmartsa paabante pasiring sa kadagaan nin Noah na may pusog na determinasyon; iyo, an saindang mga pinakapamayong mga kapitan nagpangenot asin nakitipan na saindang destrosohon an mga katawohan kan siyudad.

14 Pero hilnga, sa saindang kangangalasan, an siyudad nin Noah, na kaidto sarong maluyang lugar, na ngonian, sa paagi ni Moroni, nagin makusog, iyo, magin sobra an kusog pa sa siyudad nin Ammonihah.

15 Asin ngonian, hilnga, iyo ini an kadunungan ni Moroni; nin huli ta siya naghuhuna-huna na sinda magkatarakot sa siyudad nin Ammonihah; asin arog kan siyudad nin Noah na iyo kaidto an pinakamaluyang lugar nin daga, kun kaya sinda nagmartsa pasiring duman sa pakigiya; asin kaya iyo an uyon kan saiyang kamawotan.

16 Asin hilnga, si Moroni iyo an nanggaran ki Lehi na iyo an magin pinakapamayong kapitan sa mga tawo sa siyudad na idto; asin iyo ini man giraray an Lehi na iyo an nakipaglaban sa mga Lamanita sa may buro-bukid sa may sirangan kan salog Sidon.

17 Asin ngonian hilnga ini nangyaring naglipas, na kan an mga Lamanita makanagbo na si Lehi iyo an tagapagpamahala sa siyudad sinda giraray pinanluyahan, nin huli ta sinda

natatakot ki Lehi na gayo; daeng pagkukulang na an saindang mga pinakapamayong mga kapitan nakapagpanumpa na nin sarong tipan na atakehon an siyudad; kun kaya, saindang pinagdarara paitaas an saindang mga paralaban.

18 Ngonian hilnga, an mga Lamanita dae nakakalaog sa saindang mga kuta nin seguriri sa maski anong paagi kundi sa may pintuan sana, nin huli sa pagkalangkaw kan mga paraharong-gilid na pinaghimong palangkawon, asin sa kaharumon kan kinalutan na pinagkalot sa palibot, laen lang ini sa paagi kan pintuan.

19 Asin kaya an mga Nephita nagin preparado sa pagdedestroso sa gabos na maghingoha na magsakat sa paglaog sa kuta sa anuman na agihan, sa paagi nin paggapo asin nagpana sinda.

20 Kaya sinda preparado, iyo, sarong kawan kan saindang mga pinakamakukusog na mga tawo, na may mga espada asin may mga tirador, tanganing sugpoon an gabos na siisay na magprubar na maglaog pasiring sa saindang lupa nin seguridad sa may lugar kan pintuan; asin kaya sinda preparado na idepensa an saindang mga sadire kontra sa mga Lamanita.

21 Asin ini nangyaring naglipas na an mga kapitan kan mga Lamanita pinagdarara an saindang mga paralaban sa may atubangan kan pintuan, asin nagpoon sa pakipaglaban sa mga Nephita, na tanganing makalaog sa lugar kan saindang seguridad; pero hilnga, sinda pinapa-atras sa kada atake, na tanganing sinda magkagaradan nin sarong dakulaon na kagaradanan.

22 Ngonian kan saindang nanagboan na sinda dae makakua nin kapangyarihan na mangingibabaw sa mga Nephita sa paagi kan pintuan, sinda nagpoonna magkaralot kan saindang mga kahanggilidad na daga na tanganing makagibo nin agihan para sa saindang mga paralaban, na sinda puwedeng magkaigwa nin kaparehong pagkakataon sa pakikipaglaban; pero hilnga, sa mga pagprubar ninda sinda nagkasirighid sa paagi kan mga gapo asin mga pana na pinapatama sinda; asin embes baga na tambakan an mga kinalutan sa paagi nin pagpaguho kan mga kahanggilidad na daga, an mga ini nagkatarambakan kan saindang mga gadan asin nagkarulugadan na mga hawak.

23 Kaya an mga Nephita nagkamit nin bilog na kapangyarihan na nangibabaw sa saindang mga kaiwal; asin kaya an mga Lamanita nagprubar na destrosohon an mga Nephita hanggan sa an saindang pinakapamayong mga kapitan gabos nagkagaradan; iyo, asin sobra sa sarong ribo kan mga Lamanita an nagkagaradan; habang sa balyong lado, mayo ni saro man na kalag kan mga Nephita an nagadan.

24 Igwa seguro nin mga singkuwenta an nagkarulugadan, na nakalantad sa mga pana kan mga Lamanita sa may parteng pintuan, pero sinda natabunan kan saindang mga panangga, asin kan saindang pantahob sa daghan, asin kan saindang mga pangopya sa payo, na tanganing an saindang mga lugad yaraon sa saindang mga bitis, na kadakul kaini malalang gayo.

25 Asin ini nangyaring naglipas, na kan magkahiriling kan mga Lamanita na an saindang pinakapamayong mga kapitan gabos nagkagaradan na sinda nagdurulag pasiring sa kaparangan. Asin ini nangyaring naglipas na sinda nagbaralik pasiring sa kadagaan nin Nephi, tanganing paaramon an saindang hade, si Amalickiah, na sarong Nephita sa paagi nin kamundagan, manungod kan saindang dakulang kawaraan.

26 Asin ini nangyaring naglipas na siya grabeng gayo an kaanggutan sa saiyang mga katawohan, nin huli ta dae niya nakamtan an saiyang mga kamawotan sa mga Nephita;

dae niya sinda naipamugtak sa paningkaw nin kauripnan.

27 Iyo, siya na grabeng gayo an pagka-anggot, asin saiyang pinagsumpa an Diyos, asin man si Moroni, nanunumpa nin sarong tipan na saiyang iinumon an saiyang dugo; asin ini nin huli ta si Moroni nagsunod sa mga kasugoan nin Diyos sa pag-andam para sa kaligtasan kan saiyang mga katawohan.

28 Asin ini nangyaring naglipas, na sa balyong lado, an mga katawohan nin Nephi nagpasalamat sa Kagurangnan na saindang Diyos, nin huli sa daeng katampad na kapangyarihan na pagliligtas sainda gikan sa mga kamot kan saindang mga kaiwal.

29 Asin kaya nagtapos an ika-desinuwebeng taon nin pagpapamahala kan mga huwes sa mga katawohan nin Nephi.

30 Iyo, asin nagkaigwa nin padagos na katuninongan sa pag-iriba ninda, asin grabeng gayo kadakulang kasaganaan sa simbahan nin huli kan saindang pagdangog asin kahigosan na saindang ipinagtao sa tataramon nin Diyos, na ipinagdeklara sa sainda ninda ni Helaman, asin Shiblón, asin Corianton, asin Ammon asin kan saiyang mga katugangan, iyo, asin sa paagi kan gabos ninda na pinag-ordinahan kan banal na orden nin Diyos, na nagkaburunyagan pasiring sa pagsosolsol, asin ipinadara sa pagbalangibog sa mga katawohan.

ALMA TSAPTER 50

Si Moroni an nagpakusog sa mga kadagaan kan mga Nephita--- Sinda nagtugdok nin kadakul na mga bagong siyudad--- Mga giyera asin mga kadeostosohan iyo an nagpahulog sa mga Nephita sa mga aldaw kan saindang karaotan asin mga karigsokan--- Si Morianton asin an saiyang mga paribok nadaog ni Teancum--- Si Nephiah nagadan asin an saiyang akeng lalake na si Pahoran iyo an nagribay sa tukawan nin paghuhukom.

Asin ngonian ini nangyaring naglipas na si Moroni nag-untok sa paghimo nin mga preparasyon para sa giyera, o sa pagdepensa kan saiyang mga katawohan kontra sa mga Lamanita; nin huli ta saiyang pinagkausa na an saiyang mga paralaban dapat na magpoon sa pagpopoon kan ika-byenteng taon sa pagpapamahala kan mga huwes, na sinda dapat na magpoon sa pagkakalot nin mga katyag nin daga sa palibot kan gabos na mga siyudad, sa gabos na kabilugan nin kadagaan na pagsasadire kan mga Nephita.

2 Asin sa ibabaw kaining mga tambak nin daga saiyang pinagkausa na dapat igwa nin mga troso, iyo, an mga gibong troso na ipinagtugdok arog kalangkaw nin sarong tawo, na nakapalibot sa mga siyudad.

3 Asin saiyang pinagkausa na sa ibabaw kaining mga gibong troso na dapat na magkaigwa nin saroang porma nin panusok na ipinamugtak sa ibabaw kan mga troso sa palibot; asin an mga ini makukusog asin haralangkaw.

4 Asin siya nagkausa na may mga tore na patindugon na magmamansay kaidtong mga gibong panusok, asin siya nagkausa nin mga lugar kan seguridad na ititugdok sa ibabaw kaining mga tore, na an mga gapo asin mga pana kan mga Lamanita dae makakatama

An Simbahan ni Jesukristo nin Mga Banal sa Huring-aldaw 401
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sainda.

5 Asin sinda nagprepara na sinda puwedeng mag-apon nin mga gapo gikan sa ibabaw kaini, na uyon sa saindang kagustuhan asin kan saindang kusog, asin gadanon sinda na magprubar na magdulok parani sa mga pader kan siyudad.

6 Kaya si Moroni iyo an nag-andam kan pwersang-depensa kontra sa pag-abot kan saindang mga kaiwal, sa palibot kan lambang siyudad sa gabos na kadagaan.

7 Asin ini nangyaring naglipas na si Moroni nagkausa na an saiyang paralaban dapat na magpasiring sa sirangan nin kaparangan; iyo, asin sinda nagpaduman asin pinadurulag an gabos na mga Lamanita na yaon sa may sirangan nin kaparangan sa laog kan saindang mga sadireng kadagaan, na yaon sa may sur kan daga nin Zarahemla.

8 Asin an daga nin Nephi may hangganan na patanos gikan sa may sirangan nin kadagatan pasiring sa may sulnupan.

9 Asin ini nangyaring naglipas na kan si Moroni napadurulag an mga Lamanita paluwas sa may sirangan nin kaparangan, na sa may norte nin kadagaan na saindang mga pagsasadire, siya nagkausa na an mga nag-erok na yaon sa daga nin Zarahemla asin sa daga sa palibot dapat na magpaduman pasiring sa may sirangan nin kaparangan, magin sagkod sa mga kasagkoran sa may baybayon, asin pinagsadire an daga.

10 Asin siya man nagbugtak nin mga paralaban sa may timog, sa mga kasagkoran kan saindang mga pagsasadire, asin nagkausa sainda na magpatindog nin mga kutaan na tanganing saindang mapaseguro an saindang mga paralaban asin an saindang mga katawohan gikan sa mga kamot kan saindang mga kaiwal.

11 Asin kaya saiyang pinagharale an gabos na mga kuta kan mga Lamanita sa may sirangang parte nin kaparangan, iyo, asin man sa may sulnupan, pinapakusog na gayo an linya sa tahaw kan mga Nephita asin mga Lamanita, sa tahaw nin kadagaan kan Zarahemla asin kadagaan kan Nephi, gikan sa may sulnopang dagat, na nagdadalayday sa paagi nin payo kan salog na Sidon---an mga Nephita iyo an nagkakasadire kan bilog na kadagaan pa-norteng parte, iyo, magin an gabos na kadagaan na yaon sa norteng parte nin kadagaan na Masagana, na uyon kan saindang kagustuhan.

12 Kaya si Moroni, kairiba an saiyang mga soldados, na nagdadagdag aro-aldaw nin huli sa asegurasyon nin proteksiyon na an saiyang mga gibo iyo an nagdadara sa sainda, nagmawot na bawasan an kusog asin kapangyarihan kan mga Lamanita paharayo gikan sa mga kadagaan na saindang mga pagsasadire, na tanganing sinda mayong kapangyarihan na mangingibabaw sa mga kadagaan na saindang pagsasadire.

13 Asin ini nangyaring naglipas na an mga Nephita nagpoon kan pundasyon nin sarong siyudad, asin saindang inapud an pangaran kan siyudad na Moroni; asin ini yaon sa may sirangan kan dagat; asin ini yaon sa may timog na linya kan mga pagsasadire kan mga Lamanita.

14 Asin sainda man pinun-an an sarong pundasyon para sa sarong siyudad sa tahaw kan siyudad nin Moroni asin kan siyudad nin Aaron, na magdudugtong sa mga kasagkoran kan Aaron asin Moroni; asin saindang pinag-apud an pangaran kan siyudad, o an kadagaan, Nephiah.

15 Asin sinda man nagpoon sa kaparehong taon na magtugdok nin kadakul na mga siyudad sa may norte, na sarong sa partikular na manera na saindang pinag-aapud na Lehi, na yaon sa norte sa may mga kasagkoran kan baybayon.

16 Asin kaya nagtapos an ika-beynteng taon.

17 Asin sa katahawan kaining ma-asensong mga sirkumstansiya iyo an katawohan nin Nephi sa pagpoon kan pagpapamahala kan mga huwes sa mga katawohan kan Nephi.

18 Asin sinda nag-asensong gayo, asin sinda nagin mayamanong gayo; iyo, asin sinda nagdakul asin nagin makusugon sa kadagaan.

19 Asin kaya satuyang nahihiling kun paano nagin pano-pano nin pagkaherak asin husto and gabos na kalakawan nin Kagurangnan, sa pag-utob sa gabos niyang mga tataramon sa mga kaakian nin mga tawo; iyo, satuyang mahihiling na an saiyang mga tataramon beripikado, magin sa ngonian na panahon, na saiyang itinaram ki Lehi, na nagsasabi:

20 Paladan nanggad ika asin an saimong mga kaakian; asin sinda pagbebensiyunan, sagkod na sinda nagsusunod kan sakuyang mga kasugoan sinda mag-aasenso sa kadagaan. Pero giromdoma, habang sinda dae magsusunod kan sakuyang mga kasugoan sinda isisikwal gikan sa presensiya nin Kagurangnan.

21 Asin satuyang nahihiling na ining mga promisa nangyaring beripikado sa katawohan nin Nephi; nin huli ta an saindang mga pag-iiriwalan asin an saindang mga pagralaraban, iyo, an saindang mga paggaradanan, asin an saindang mga panghahaya, an saindang idolatriya, an saindang mga patutot, asin an saindang mga karigsokan, na yaraon sa pag-iriba ninda, iyo nagdara sa sainda kan saindang mga giyera asin kan saindang mga kadeostosohan.

22 Asin sinda na pano-pano nin pagtubod sa pagsunod kan mga kasugoan nin Kagurangnan iyo an nakakaligtas sa gabos na pagkakataon, habang rinibo kan saindang mga mararaot na mga katugangan nagkatiripon-tipon sa pagka-uripon, o nagkagaradan sa paagi nin espada, o pinanluluyahan sa daeng pagtutubod, asin nakihalo na sa mga Lamanita.

23 Pero hilnga dae nagkaigwa kaidto nin sarong panahon nin kaogmahan sa pag-iriba nin katawohan kan Nephi, magpoon pa sa mga aldaw ni Nephi, kesa sa mga aldaw ni Moroni, iyo, magin hanggan ngonian, na ika-beynte-unong taon kan pagpapamahala kan mga huwes.

24 Asin ini nangyaring naglipas na an ika-beynte-dos na taon kan pagpapamahala nin mga huwes natapos man na matuninong; iyo, asin an ika-beynte tres na taon.

25 Asin ini nangyaring naglipas na sa pagpopoon kan ika-beynteng-kuwatrong taon kan pagpapamahala nin mga huwes, nagkaigwa man nin katuninongan sa pag-iriba nin mga katawohan nin Nephi kun bako sana sa sarong pagralaban na nangyari sa katahawan ninda manungod sa kadagaan nin Lehi, asin an kadagaan nin Morianton, na nagdudugtong sa mga kasagkoran kan Lehi; na parehong yaon sa mga kasagkoran sa paagi nin baybayon.

26 Nin huli ta hilnga, an mga katawohan na nagsasadire nin kadagaan kan Morianton nag-ako nin sarong parte kan kadagaan nin Lehi; kun kaya nagkaigwa nin pagpoon nin sarong mainiton na pagralaban-laban sa tahaw ninda, na iyo man an nangyari na an mga katawohan nin Morianton buminitbit nin mga armas kontra sa saindang mga katugangan, asin sinda determinado sa paagi nin espada na garadanon sinda.

27 Pero hilnga, an katawohan na kagsadire nin kadagaan nin Lehi nagdurulag pasiring sa kampo ni Moroni, asin naghagad sa saiya nin ayuda; nin huli ta hilnga sinda bako man an yaon sa kasalaan.

28 Asin ini nangyaring naglipas na kan an katawohan nin Morianton, na pinapamayuhan nin sarong tawo na an pangaran Morianton, nakaaram na an mga katawohan nin Lehi

An Simbahan ni Jesukristo nin Mga Banal sa Huring-aldaw

403

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagdurulag pasiring sa kampo nin Moroni, sinda napano nin pagkatakot na gayo na baka an mga soldados ni Moroni maglusob sainda asin destrosohon sinda.

29 Kun kaya, si Morianton nagpaliwanag kaini sa saindang mga puso na sinda dapat na magdurulag pasiring sa kadagaan na yaon sa may norteng parte, na napapalibutan nin dakulaon na hawak nin tubig, asin pagsadirehon an kadagaan na yaon sa may norteng parte.

30 Asin hilnga, sainda kuta nang naggibo an planong ini na mangyari, (na iyo kuta na an magkausa nin pagtrangis) pero hilnga, sa Morianton bilang sarong tawo na may kadakul na hilig, kun kaya siya na-anggot sa sarong kan saiyang mga surugoon na babae, asin kinulgan niya ini asin grabe ining nabugbog.

31 Asin ini nangyaring naglipas na siya nakadulag, asin nakaabot sa kampo ni Moroni, asin pinagsumbong ki Moroni an gabos na mga bagay manunungod sa nangyari, asin man manunungod kan saindang mga intensiyon na magdurulag pasiring sa kadagaan sa norteng parte.

32 Ngonian hilnga, an mga katawohan na yaon sa kadagaan nin Masagana, o baya ki Moroni, nagkatarakot na sinda magdarangog sa mga tataramon ni Morianton asin nagkasararo kan saiyang mga katawohan, asin kaya saiyang kuahon na pagsadirehon an parteng idto kan kadagaan, na puwedeng magpamugtak nin sarong pundasyon nin seryosong mga katibaadan sa pag-iriba nin mga katawohan kan Nephi, iyo, na an mga katibaadang ini iyo an magtutulak tanganing sakupon an saindang libertad.

33 Kun kaya si Moroni nagpadara nin mga hukbo, kairiba an saindang kampo, na pangenotan an mga katawohan ni Morianton, tanganing punduhon an saindang pagpasiring sa kadagaan nin norteng parte.

34 Asin ini nangyaring naglipas na dae ninda napangenotan sinda hanggan sa sinda nakaabot sa mga kasagkoran kan daga nin Kaalipungawan; asin duman naggad sinda naka-enot sainda, sa paagi nin sarong makipot na agihan na maagi sa may dagat pasiring sa kadagaan pa-norteng parte, iyo, sa may dagat, pasulnupan asin pasirangan.

35 Asin ini nangyaring naglipas na an hukbo na ipinadara ni Moroni na pinapamayuhan nin sarong lalake na an pangaran Teancum, nanagboan an mga katawohan ni Morianton; asin grabe kasutil an mga katawohan ni Morianton, (na inspirado kan saiyang karaotan asin kan saiyang mabulatsing na mga tataramon) na tanganing sarong ralabanan an nagpoon sa tahaw ninda, kun saen si Teancum an nakagadan ki Morianton asin duminaog kan saiyang hukbo, asin ginibo sindang mga prisonero, asin nagbaralik sa kampo ni Moroni. Asin kaya natapos an ika-beynte-kuwatrong taon kan pagpapamahala nin mga huwes sa mga katawohan kan Nephi.

36 Asin kairiba man an mga katawohan ni Morianton na dinarara pabalik. Asin sa saindang pakikipagtipan na padanayon an katuninongan sinda ibinaralik sa kadagaan nin Morianton, asin an pagkasararo nangyari sa tahaw nindsa asin kan mga katawohan ni Lehi; asin sinda man nakabalik sa saindang mga kadagaan.

37 Asin ini nangyaring naglipas na sa kaparehong taon na an mga katawohan ni Nephi nagkaigwa nin katuninongan na ibinalik sa sainda, na si Nephiah, an ikaduwang pangenot na huwes, nagadan, bilang nakapagtukaw sa tukawan nin paghuhukom na may perpektong katanusan sa atubangan nin Diyos.

38 Daeng pagkukulang, siya nagsayuma ki Alma na pangaputan an mga rekord asin ining mga bagay na pinapangalagaan ni Alma asin kan saiyang mga ama na sagradong gayo;

kun kaya si Alma an nagtao kaini sa saiyang ake na si Helaman.

39 Hilnga, ini nangyaring naglipas na an akeng lalake ni Nephihah iyo an pigngaranan na magtukaw sa tukawan nin paghuhukom, karibay kan saiyang ama; iyo, pinagngaranan na pangenot na huwes asin gobernador kan mga katawohan, na may panunumpa asin sagradong ordinansa na maghuhukom sa katanusan, asin magpapadanay nin katuninongan asin kalayaan nin mga katawohan, asin na magtatao sa sainda nin sagradong mga pribilihiyo na magsamba sa Kagurangnan saindang Diyos, iyo, an magsuporta asin mantiniron an kausa nin Diyos sa gabos niyang mga aldaw, asin darahon an parakasala sa hustisya uyon sa saindang mga krimen.

40 Ngonian hilnga, an saiyang pangaran iyo si Pahoran. Asin si Pahoran naggad iyo an nagtukaw sa puwesto kan saiyang ama, asin nagpoon kan saiyang pamamahala sa paghinapos kan ika-beynte-kuwatrong taon, sa mga katawohan nin Nephi.

ALMA TSAPTER 51

An mga tawo kan hade nagmawot na ribayan an ley asin magbugtak nin sarong hade--- Pahoran asin an mga libredong tawo suportado sa paagi nin boses nin mga katawohan--- Si Moroni nagpirit sa mga tawo kan hade na idepensa an saindang libertad o ipapagadan—Si Amalickiah asin an mga Lamanita nasakop an kadakul na nakukutaang mga siyudad--- Teancum an nagsupil sa pananakop kan mga Lamanita asin an naggadan ki Amalickiah sa laog kan saiyang tolda.

Asin ngonian ini nangyaring naglipas na pagpoon kan ika-beynte singkong taon kan pagpapamahala kan mga huwes sa mga katawohan kan Nephi, sinda na nag-establisa nin katuninongan sa tahaw nin katawohan nin Lehi asin katawohan nin Morianton manungod kan saindang mga kadagaan, asin nakapagpoon kan ika-beynte singkong taon sa katuninongan;

2 Daeng pagkukulang, sinda dae naghaloy sa pagmantine an kabilugan na katuninongan sa kadagaan, nin huli ta nagkaigwa nin pagpoon nin arong pagralabanan sa pag-iriba nin mga katawohan manungod sa pamayong huwes na si Pahoran; nin huli ta hilnga, igwa nin sarong parte sa mga katawohan na nagmamawot na may sarong partikular na mga punto kan ley na dapat na bag-uhon.

3 Pero hilnga, si Pahoran habong magtugot na bag-uhon ni tugutan an ley na pagbag-uhon; kun kaya, siya dae nagdangog sa sainda na nagpadara kan saindang mga boses sa paagi kan saindang mga petisyon manunungod sa pagbabago kan ley.

4 Kun kaya, sinda na nagmamawot na an ley dapat na bag-uhon nagka-aranggot sa saiya, asin namamawot na siya dapat na bako na an magigin pamayong huwes sa bilog na kadagaan; kun kaya nagkaigwa nin sarong mainit na siltikan manunungod kaining bagay; pero bako man nagsagkod sa pagpapabulos nin dugo.

5 Asin ini nangyaring naglipas na idtong mga nagmamawot na si Pahoran dapat na paghalion gikan sa tukawan nin paghuhusga pinag-apud na mga tawo kan hade, nin huli ta sinda nagmamawot na an ley dapat na bag-uhon sa sarong manera na magsasalida kan

An Simbahan ni Jesukristo nin Mga Banal sa Huring-aldaw

405

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

libreng pangobyerno asin mag-eestablisa nin sarong hade sa bilog na kadagaan.

6 Asin sinda na nagmamawot na si Pahoran dapat na padagos na pamayong huwes sa bilog na kadagaan nagkua sa pag-iriba ninda nin pangaran na libredong mga katawohan na nagsumpa o nakipagtipan na mantinon an saindang mga deretso asin mga pribilihiyo kan saindang relihiyon sa paagi nin sarong libreng gobyerno.

7 Asin ini nangyaring naglipas na an bagay na ini kan saindang pagralaraban-laban na resolbaran sa paagi nin boses nin mga katawohan. Asin ini nangyaring naglipas na an boses nin nagluwas na pabor kan libreng mga katawohan, asin si Pahoran retinido sa tukawan nin paghuhukom, na nagkausa nin grabeng kaogmahan sa pag-iriba nin mga katugangan ni Pahoran asin man kadakul kan mga katawohan nin libertad, na iyo man an nakapabugtak sa mga katawohan kan hade na magsilensiyo, na sinda dae naggad nagkontra pero obligado na magmantine sa kausa nin libertad.

8 Ngonian sinda na pabor sa mga hade iyo idtong yaon sa halangkaw an kamundagan, asin sinda nagmarawot na magin mga hade; asin sinda suportado kan mga tawong nagmamawot nin kapangyarihan asin autoridad sa mga katawohan.

9 Pero hilnga, iyo ini an sarong kritikal na panahon para sa arog na mga pagralaraban-laban na madanay sa pag-iriba nin mga katawohan nin Nephi; nin huli ta hilnga, si Amalickiah giraray nagparasunon sa mga puso kan mga katawohan na Lamanita laban sa mga katawohan nin mga Nephita, asin siya an nagtiripon na magkasararo an mga soldados na gikan sa bilog na mga parte kan saiyang kadagaan, asin inarmanan sinda, asin nagpreparasyon para sa giyera sa bilog na kahigosan; nin huli ta siya nagsumpa na iinumon niya an dugo ni Moroni.

10 Pero hilnga, satuyang mahihiling an saiyang promisang ginibo niya na sarong sagin-sagin; daeng pagkukulang, saiyang pinag-andam an saiyang sadire asin an saiyang mga hukbo na makilaban kontra sa mga Nephita.

11 Ngonian an saiyang mga hukbo bakong dakul na arog sinda kaidto, nin huli ta kadakul na ribo sinda an nagkagaradan na sa paagi kan mga kamot nin mga Nephita; pero maski na ngani kaining saindang dakulang kadaogan, si Amalickiah nakapagtipan na magkasararo nin sarong makangalason na dakulang hukbo, na kung kaya isya dae natakot na magduman sa kadagaan kan Zarahemla.

12 Iyo, magin si Amalickiah mismo nag-iba, na yaon sa pamayuhan kan mga Lamanita. Asin ini kaidto yaon sa ika-beynte singkong taon na pagpapamahala kan mga huwes; asin ini kaidto yaon sa kaparehong panahon na sinda nagpoon na tanganing husayon an mga bagay-bagay kan saindang pagralaraban-laban manungod sa pamayong huwes, si Pahoran.

13 Asin ini nangyaring naglipas na kan an mga tawo na pinag-aapud na mga tawo kan hade nakadangog na an mga Lamanita maarabot sa pakigiyera kontra sinda, sinda nagka-orogma sa saindang mga puso; asin sinda nagsayuma na magkapot nin mga armas, nin huli ta sinda anggot na gayo sa pamayong huwes, asin man sa mga katawohan kan libertad, na sinda habong magkarapot nin mga armas tanganing i-depensa an saindang nasyon.

14 Asin ini nangyaring naglipas na kan si Moroni nahiling ini, asin man nahiling an mga Lamanita na nag-aarabot na pasiring sa mga kasagkoran nin kadagaan, siya nag-anggot na gayo nin huli sa kasutilan kan mga katawohan na saiyang pinaghingohan na may grabeng paghigos na maipreserba; iyo, siya nag-anggot na gayo; an saiyang kalag napano

nin kanggutan kontra sainda.

15 Asin ini nangyaring naglipas na siya nagpadara nin sarong petisyon, pasiring sa gobernador nin kadagaan, nagmamawot na dapat niyang mabasa ini, asin itao saiya (Moroni) an sarong kapangyarihan na piriton an mga nagsinutil na i-depensa an saindang nasyon o kun dae sinda paggaradanan.

16 Nin huli ta ini iyo an saiyang enot na mapakarhay na maipamugtak sa ka-untokan an arog kaining mga pagralaraban-laban asin mga pagkakabarangan-banga sa pag-iiriba-iba kan mga katawohan; nin huli ta hilnga, iyo ini kaidto an dahilan kan gabos nindang pagkakadestroso. Asin ini nangyaring naglipas na ini ipinagtao na uyon sa boses kan mga katawohan.

17 Asin ini nangyaring naglipas na si Moroni nagsugo na an saiyang hukbo dapat magpaduman kontra sa mga tawo kan hade, tanganing butungon pababa an saindang kapa-abaw-abawan asin an saindang kahalangkawan asin ipantay sinda sa daga, o sinda dapat na magkarapot nin mga armas asin magsuporta sa kausa kan libertad.

18 Asin ini nangyaring naglipas na an mga hukbo nagmartsa pa-abante kontra sainda; asin saindang ibinaba an saindang kapaabaw-abawan asin an saindang kalangkawan, na tanganing sinda nagkarapot kan saindang mga armas panggiyera tanganing makipaglaban kontra sa mga tawo ni Moroni sinda pinabarsak sa ibaba asin nagkaparantay sa daga.

19 Asin ini nangyaring naglipas na igwa nin kuwatro mil sa mga nagsurutil an pinatumba pababa sa paagi nin espada; asin sinda na saindang mga lider na dae ginaradan sa giyera dinarakop asin ikinunkon sa prisohan, nin huli ta dae pang oras para sa pagdangog kan saindang kaso sa panahon na ini.

20 Asin an katadaan kaidtong mga nagsinutil, embes na harampakon pababa sa daga sa paagi nin espada, nagsuko sa bandera nin libertad, asin nagkapiriritan na itaas an titulo kan libertad sa saindang mga tore, asin sa saindang mga siyudad, asin makarapot na nin mga armas sa pagdepensa kan saindang nasyon.

21 Asin kaya si Moroni iyo an nagtapos kaidtong mga katawohan kan hade, na dae na naggad sinda nadadangog-dangog na mga apilado kan mga katawohan kan hade; asin kaya siya an nagtapos kan kasutilan asin kan kapaabaw-abawan nin mga katawohan na iyo an nagpapabantog na may dugong maharlika; pero sinda dinarara pababa sa kababaan kan saindang mga sadire na arog kan saindang mga katugangan, asin maisog na makikilaban para sa saindang kalayaan gikan sa kauripnan.

22 Hilnga, ini nangyaring naglipas habang si Moroni iyo baya an nagpapapundo kan mga giyera asin mga pagralaban-laban sa pag-iriba kan sadire niyang mga katawohan, asin ipinagpamugtak sinda sa katuninongan asin sibilisasyon, asin naggigibo nin mga regulasyon sa pag-andam para sa giyera kontra sa mga Lamanita, hilnga, an mga Lamanita nag-arabot sa kadagaan nin Moroni, na yaon sa mga kasagkoran na sa may baybayon.

23 Asin ini nangyaring naglipas na an mga Nephita bako gayong mapusugon sa siyudad nin Moroni; kun kaya si Amalickiah an nag-atake sainda, nagkagaradan an kadakul. Asin ini nangyaring naglipas na si Amalickiah an nagkapot kan siyudad, iyo, kinaputan an gabos nindang mga kuta.

24 Asin sinda na nagdurulag paluwas sa siyudad kan Moroni nag-abot sa siyudad kan Nephiah; asin man an mga katawohan kan siyudad kan Lehi nagkatiripon na magkasararo an saindang mga sadire, asin naghimong mag-arandam asin naging preparado

sa pag-atubang sa mga Lamanita sa pakipaglabanan.

25 Pero ini nangyaring naglipas na si Amalickiah habong magtugot sa mga Lamanita na magpaduman kontra sa siyudad kan Nephihah sa pakipaglabanan, pero pina-untok sinda sa may kababaan sa may baybayon, pinagwaralatan nin mga tawo an kada siyudad tanganing mantinero asin i-depensa ini.

26 Asin kaya siya nagpadagos, sa pagsakop nin kadakul na mga siyudad, an siyudad nin Nephihah, asin an siyudad nin Lehi, asin an siyudad nin Morianton, asin an siyudad nin Omner, asin an siyudad nin Gid, asin an siyudad nin Mulek, an gabos na ini yaon sa may sirangang kasagkoran sa may baybayon.

27 Asin kaya nagkakurua ini kan mga Lamanita, sa paagi kan mga padaya ni Amalickiah, grabe kadakul na mga siyudad, sa dae mabilang na mga hukbo, an gabos na ini makukusog na pinagkukutaan arog sa manera kan mga kuta ni Moroni; an gabos na ini nakapagtao nin pusog na depensa para sa mga Lamanita.

28 Asin ini nangyaring naglipas na sinda nagmartsa paduman sa mga kasagkoran nin kadagaan nin Masagana, nakasagupa an mga Nephitang na naka-atubang ninda asin pinaggaradan an kadakul.

29 Pero ini nangyaring naglipas na sinda nakasagupa ni Teancum, na iyo an nakagadan ki Morianton asin iyo an nagpamayo kan saiyang mga katawohan sa saiyang pakipaglaban.

30 Asin ini nangyaring naglipas na saiya man ininotan si Amalickiah, habang ini abanteng nagmamartsa kairiba an saiyang kadakulon na hukbo na tanganing saiyang sakupon an kadagaan nin Masagana, asin man an mga kadagaan panorteng parte.

31 Pero hilnga siya nakanagbo nin sarong kaluyahan sa paagi nin pakipagsagupaan ni Teancum asin mga tauhan kaini, nin huli ta sinda mga makukusog na mga paralaban; nin huli ta sa tawo ni Teancum mas sobra sa mga Lamanita kan saindang kusog asin kan saindang abilidad sa pakigiyera, nin huli kaini sinda nakagana nin bentahe na nangibabaw kontra sa mga Lamanita.

32 Asin ini nangyaring naglipas na saindang pinag-atake sinda, kun kaya saindang pinaggaradan sinda magin hanggan sa pagdiklom. Asin ini nangyaring naglipas na si Teancum asin an saiyang mga tauhan nagturu dok kan saindang mga tolda sa mga kasagkoran nin kadagaan kan Masagana; asin si Amalickiah nagturu dok kan saiyang mga tolda sa may mga kasagkoran sa may gilid nin baybayon, asin sa arog kaining manera na sinda pinag-aratake.

33 Asin ini nangyaring naglipas na kan an bangga nag-abot na, si Teancum asin an saiyang surugoon patagong nagralakaw asin nagruluwas sa pagkabanggi, asin nagpasiriring sa laog kan kampo ni Amalickiah; asin hilnga, an pagturog iyo an nangibabaw sinda nin huli sa sobrang kapagalan, na kausa nin mga patrabaho asin init kan aldaw.

34 Asin ini nangyaring naglipas na si Teancum pahilom na nakalaog sa tolda kan hade, asin sinaksak nin sarong panusok an saiyang puso; asin siya an kausa nin kagadanan kan hade nin hidali na tanganing dae niya mapagimata an saiyang mga surugoon.

35 Asin siya nagbalik nin patago sa saiyang sadireng kampo, asin hilnga, an saiyang mga tauhan turorog, asin saiyang pinurukaw sinda asin sinabi sinda an gabos na mga bagay na saiyang naginibohan.

36 Asin saiyang pinagkausa na an saiyang mga hukbo dapat na magtindog sa ka-andaman, ta baka an mga Lamanita magimata asin mag-aratake sinda.

An Simbahan ni Jesukristo nin Mga Banal sa Huring-aldaw

408

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

37 Asin kaya natapos an ika-beynte singkong taon nin pagpapamahala kan mga huwes na nangibabaw sa mga katawohan kan Nephi; asin kaya natapos an mga aldaw ni Amalickiah.

ALMA TSAPTER 52

Si Ammoron an nagsunod ki Amalickiah bilang hade kan mga Lamanita--- Si Moroni, Teancum, asin Lehi iyo an mga nagpamayo sa mga Nephita sa sarong mapangganang pakipaggiyera kontra sa mga Lamanita--- An siyudad nin Mulek nabawi, asin si Jacob na Lamanita nagadan.

Asin ngonian, ini nangyaring naglipas na sa ika-beynte-sais na taon kan pagpapamahala kan mga huwes sa mga katawohan nin Nephi, hilnga, kan an mga Lamanita nagkamata sa enot na pagkaaga kan enot na bulan, hilnga, saindang nanagboan si Amalickiah na gadan na sa laog kan saiyang tolda; asin sainda man nahiling na si Teancum nakahanda na tanganing itao sainda an pakigiya sa aldaw na idto.

2 Asin ngonian, kan an mga Lamanita nagkahiriling ini sinda nagkatarakot; asin saindang inabandona an saindang plano na magmartsa pasiring sa kadagaan sa may norteng parte, asin nag-atras an bilog na saindang hukbo pasiring sa siyudad nin Mulek, asin naghagad nin proteksiyon sa saindang mga kuta.

3 Asin ini nangyaring naglipas na an tugang ni Amalickiah iyo an pinangngaranan na hade kan mga katawohan; asin an saiyang pangaran Ammoron; kaya si hadeng Ammoron, an tugang ni hadeng Amalickiah, iyo an pinangngaranan na maghade karibay niya.

4 Asin ini nangyaring naglipas na siya nagsugo na an saiyang mga katawohan dapat na imantine ining mga siyudad, na saindang nagkakurua sa paagi nin pagpabulos nin dugo; nin huli ta dae ninda nakukua an arin man na mga siyudad kun sinda dae naggad napagbulusan nin grabeng dugo.

5 Asin ngonian, si Teancum nahihiling na an mga Lamanita determinadong imantine ining mga siyudad na saindang nagkakurua, asin idtong mga parte nin daga na saindang nagkakarapatan na; asin man sa nahihiling na kadakulaan kan saindang numero, si Teancum nakapag-isip na idto bakong kapakinabangan na saiyang probaran na atakehon sinda sa saindang mga kuta.

6 Pero saiya sanang pinabaya an saiyang mga tawo na maghiriro sa palibot, na garo baga naghihimo in mga pag-aandam para sa giyera; iyo, asin sa katunayan siya nag-aandam na idepensa an sadire kontra sainda, sa paagi nin pagtutugdok nin mga muralya sa palibot asin nag-aandam nin mga lugar na taguan.

7 Asin ini nangyaring naglipas na saiyang pinagpadagos an pag-aandam para sa pakigiya hanggan si Moroni nagpadara nin sarong dakulang numero nin mga tawo tanganing pakusugon an saiyang hukbo.

8 Asin si Moroni nagpadara nin mga kasugoan saiya na saiyang dapat na i-retine an gabos na mga prisonero na nagkahurulog sa saindang mga kamot; nin huli ta arog kan mga Lamanita na nakadakop nin kadakul na mga prisonero, na siya dapat na magretine

An Simbahan ni Jesukristo nin Mga Banal sa Huring-aldaw

409

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin gabos na prisonerong Lamanita bilang karibay para sainda na nagkadarakop kan mga Lamanita.

9 Asin siya man nagpadara nin mga kasugoan saiya na pakusugon niya an kadagaan nin Masagana, asin ipaseguro an saditon na agihan na paduman sa kadagaan panorteng parte, na baka an mga Lamanita kuahon an lugar na idto asin magkaigwa nin kapangyarihan tanganing mangrisgo sainda sa magkaibong na parte.

10 Asin si Moroni an nagpadara sa saiya; minamawot siya na siya dapat na magin matapat sa pagmantine kaidtong ikaapat na parte nin kadagaan, asin na siya maghanap nin lambang oportunidad na tanganing mapasakitan an mga Lamanita sa parteng idto, habang kaya pa kan saiya kapangyarihan, na tanganing baka puwede niyang mabawi giraray sa paagi kan estratehiya o sa iba man na paagi idtong mga siyudad na kinurua gikan sa saindang mga kamot; asin na saiya man napagkutaan asin mapakusog an mga siyudad sa palibot, na dae pa nagkahurulog sa mga kamot kan mga Lamanita.

11 Asin siya man nagsabi sa saiya, ako maabot sa saimo, pero hilnga, an mga Lamanita yaon sa satuya sa mga kasagkoran kan kadagaan sa may sulnupang parte nin dagat; asin hilnga, ako nakilaban kontra sainda, kun kaya dae ako makakadyan sa saimo.

12 Ngonian, an hade (si Ammoron) naghale paluwas sa kadagaan nin Zarahemla, asin nagpasabi sa reyna manungod sa pagkagadan kan saiya tugang na lalake, asin nakapagtipon nin sarong dakulaon na numero nin mga tawo, asin nagmartsa pa-abante kontra sa mga Nephita sa mga kasagkoran sa may sulnupang parte nin dagat.

13 Asin kaya siya naghihingohang ipagharas an mga Nephita, asin padurulagon paharayo an sarong parte kan saindang mga puwersa na yaon sa parteng idto nin kadagaan, habang saiya man pinagsugo an iba na saiya binayaan na sadirihon an mga siyudad na saiya nang nasakop, na saindang dapat na harason man an mga Nephita na yaon sa mga kasagkoran kan sirangang parte nin dagat, asin dapat magsakop kan saindang mga kadagaan habang kaya pa kan saindang kapangyarihan, na uyon sa kapangyarihan kan saindang mga hukbo.

14 Asin kaya an mga Nephita yaon sa delikadong mga sirkumstansiya sa paghinapos kan ika-beynte-sais na taon kan pagpapamahala kan mga huwes sa mga katawohan nin nephi.

15 Pero hilnga, ini nangyaring naglipas sa ika-beynte-siyeteng taon kan pagpapamahala kan mga huwes, na si Teancum, sa paagi nin kasugoan ni Moroni--- na iyo an nagbilog nin hukbo para sa proteksiyon kan timog asin sulnupang mga kasagkoran nin kadagaan, asin pinunan niyang magmartsa paduman sa kadagaan nin Masagana, na tanganing saiya maayudahan si Teancum kairiba an saiya mga tauhan sa pagkua giraray kan mga siyudad na saindang napabayaan---

16 Asin ini nangyaring naglipas na si Teancum nakaresibe nin mga orden na gumibo nin sarong pag-atake sa siyudad nin Mulek, asin sakopon giraray pabalik kun ini posible.

17 Asin ini nangyaring naglipas na si Teancum naghimo nin mga preparasyon para sa pag-atake sa siyudad nin Mulek, asin nagmartsa kairiba kan saiya hukbo kontra sa mga Lamanita; pero saiya nahiling na ini impossible na saiya madaog sinda habang sinda yaraon lang sa saindang mga kuta; kun kaya saiya pinag-abandona an saiya mga plano asin nagbaralik giraray sa siyudad nin Masagana, tanganing halaton an pag-abot ni Moroni, na tanganing makaresibe pa nin kusog kan saiya hukbo.

18 Asin ini nangyaring naglipas na si Moroni nag-abot kairiba an saiya hukbo sa kadagaan nin Masagana, sa paghihinapos nin ika-beynte-siyeteng taon kan

pagpapamahala kan mga huwes sa mga katawohan nin Nephi.

19 Asin sa pagpopoon kan ika-beynte-otsong taon, si Moroni asin Teancum asin kadakul nindang mga pamayong kapitan nagkatipon-tipon sa konseho nin giyera--- ano baya an saindang gigibohon na magkausa sa mga Lamanita na makilaban kontra sainda sa pakigiyera; o na sinda naggad puwede sa ibang paagi na napaluwas sa saindang mga pinagkukutaan, na tanganing sinda puwedeng makalamang sainda asin makua giraray an siyudad nin Mulek.

20 Asin ini nangyaring naglipas na sinda nagpadara nin mensahero sa hukbo kan mga Lamanita, na nagpoprotekta sa siyudad nin Mulek, sa saindang mga lider, na an pangaran Jacob, pinagmamawot siya na magluwas kairiba an saiyang mga hukbo na makipaghilingan sainda sa mga patag sa tahaw kan duwang siyudad. Pero hilnga, si Jacob, na sarong Zoramita, habong magluwas na kairiba an saiyang hukbo na tanganing makipaghilingan sainda sa may kapatagan.

21 Asin ini nangyaring naglipas na si Moroni, na nawaraan nin paglaom na makasagupa sinda sa sarong pantay na mga lugar, kun kaya, siya nagresolba sa paagi nin sarong plano na saiya puwedeng malinlang an mga Lamanita na magluwas sa saindang mga pinagkukutaan.

22 Kun kaya siya nagsugo ki Teancum na magdara nin sarong sadit na numero nin mga tawo asin magmartsa pababa harani sa may baybayon; asin si Moroni asin an saiyang hukbo, sa paagi nin banggi, magmamartsa pasiring sa may kadawagan sa may sulnupan nin siyudad kan Mulek; asin kaya, sa pagkaaga, matapos na an mga guwardiya nin mga Lamanita madiskubre sinda Teancum, sinda nagdalagan asin nagsumbong kaini ki Jacob, an saindang lider.

23 Asin ini nangyaring naglipas na an mga hukbo kan mga Lamanita nagmartsa paluwas kontra ki Teancum, na naghuhuna na sa paagi kan saindang kadakulan kayang daogon si Teancum nin huli sa kasaditan kan sayang numero. Asin habang si Teancum nahiling an mga hukbo kan mga Lamanita padagusong nagruluwas kontra saiya siya nagpoon na mag-atras pababa sa paagi nin baybayon, panorte.

24 Asin ini nangyaring naglipas na kan an mga Lamanita nahiling na siya nagpoon sa pagdulag, sinda nagkusog an boot asin pinagralamag sinda na may paghihidali. Asin habang si Teancum nangenot sa pagrayo sa mga Lamanita na naghahabol sainda sa mayong kamanungdanan, hilnga, si Moroni nagsugo na an sarong parte kan saiyang hukbo na kairiba niya dapat na magmartsa pa-abante pasiring sa siyudad, asin sakopon ini.

25 Asin kaya saindang nagibo, asin pinaggaradan an gabos sinda na nagkawaralat tanganing protektahan an siyudad, iyo, gabos sinda na dae nagbaba kan saindang mga armas na panggiyera.

26 Asin kaya si Moroni nasakop an siyudad nin Mulek kan sarong parte kan saiyang hukbo, habang siya nagmamartsa kairiba an katadaan tanganing atubangon an mga Lamanita kun sinda pabalik na gikan sa paglamag ki Teancum.

27 Asin ini nangyaring naglipas na an mga Lamanita hinabol si Teancum hanggan sinda nakaabot na sa harani sa siyudad nin Masagana, asin pagkatapos sinda nilabanan ni Lehi asin kan sadit na hukbo, na iyo an nawalat tanganing protektahan an siyudad nin Masagana.

28 Asin ngonian hilnga, kan an mga pinakapamayong kapitan kan mga Lamanita nahiling

An Simbahan ni Jesukristo nin Mga Banal sa Huring-aldaw

411

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

si Lehi na kairiba an saiyang hukbo na padaguso kontra sa sainda, sinda nagdurulag sa grabeng pagkaribong, na baka sinda baya dae na makabalik sa siyudad nin Mulek bago pa man si Lehi puwedeng makaabot sainda; nin huli ta sinda naghadit nin hulii kan saindang martsa, asin an mga tauhan ni Lehi gabos pang mga makukusog.

29 Ngonian an mga Lamanita daeng pagkaara na si Moroni nakabuntot man sana sa saindang likudan kairiba an saiyang hukbo; asin gabos na sainda sanang nakatakutan iyo si Lehi asin an saiyang mga tauhan.

30 Ngonian si Lehi dae nagmawot na makasagupa sinda hanggan sa magkanagboan nguna sinda ni Moroni asin an saiyang hukbo.

31 Asin ini nangyaring naglipas na bago pa man an mga Lamanita naka-atras paharayo sinda nakarilibutan na kan mga Nephita, kan mga tauhan ni Moroni sa may sarong parte, asin kan mga tauhan ni Lehi sa may ibong, gabos naggad sinda anas pang makukusog asin pano pa nin puwersa; pero an mga Lamanita paragal pang gayo nin huli kan saindang halawigon na pagmamartsa.

32 Asin si Moroni nagpasugo sa saiyang mga tauhan na sinda dapat na radason ninda hanggan sa sinda magsuko kan saindang mga armas panggiyera.

33 Asin ini nangyaring naglipas na si Jacob, bilang saindang lider, bilang sarong mang Zoramita, asin may daeng-nagpapadaog na espiritu, siya nangenot sa mga Lamanita sa pakipaglabanan na may sobrang kabagsikan kontra ki Moroni.

34 Si Moroni bilang yaon sa saindang pagmamartsa, kun kaya si Jacob determinadong gayo na radason sinda asin pumasada palusot pasiring sa siyudad nin Mulek. Pero hilnga, si Moroni asin an saiyang mga tauhan mas grabe pa an puwersa; kun kaya sinda dae nagtao nin pagkakataon sa atubangan kan mga Lamanita.

35 Asin ini nangyaring naglipas na sinda nakilaban sa magka-ibong na parte na may grabeng kabagsikan; asin nagkaigwa nin kadakul na nagkagaradan sa ambos lado; iyo, asin si Moroni nalugadan asin si Jacob nagadan.

36 Asin si Lehi nakisagupa sa may likudan ninda na may kaisogan kairiba an saiyang makukusog na mga tauhan, na tanganing an mga Lamanita na yaon sa may hurihan nagsuruko kan saindang mga armas panggiyera; asin an nagkatarada sainda, na yaon sa grabeng pagkaribong, dae makaaram kun magdulag o mag-atake.

37 Ngonian si Moroni na nakahiling sa saindang pagkakaribong, siya nagsabi sa sainda: Kun saindong darahon an saindong mga armas panggiyera asin isuko, hilnga dae nyamo pabubuluson an saindong dugo.

38 Asin ini nangyaring naglipas na kan an mga Lamanita nakadangog kaining mga tataramon, an saindang mga pamayong kapitan, gabos sinda na dae nagkagaradan, nagdurulok asin pinag-apon an saindang mga armas panggiyera sa may pamitisan ni Moroni, asin man nagsugo sa saindang mga tauhan na gibohon man ini.

39 Pero hilnga, igwa nin kadakul na habo; asin sinda na habong magsuko kan saindang mga espada dinarakop asin ginarapos, asin an saindang mga armas panggiyera kinurua sainda, asin sinda nagkapiriritan na magmartsa kaiba an saindang mga katugangan pa-abante pasiring sa kadagaan nin Masagana.

40 Asin ngonian an numero kan mga prisonero na dinarara grabe kasobra kesa numero ninda na nagkagaradan na, iyo, sobrang gayo sainda na nagkagaradan sa ambos lado.

ALMA TSAPTER 53

An mga prisonerong mga Lamanita ginaramit para pakusugon an siyudad nin Masagana--- An pagkakabaranga sa pag-iiribahan kan mga Nephita iyo an nakapagdara sa mga Lamanita sa kapangganahan--- Si Helaman iyo an nagpamayo sa duwang ribo na mga hoben pang mga kalalakehan na mga ake kan mga tawo ni Ammon.

Asin ini nangyaring naglipas na sinda nagtoka nin mga guwardiya sa mga prisonerong mga Lamanita, asin pinirit sinda na magduman asin ilubong an saindang mga gadan, iyo, asin man an mga gadan kan mga Nephita na nagkagaradan na; asin si Moroni nagtoka nin mga tauhan na iyo an magbabantay sinda habang sinda naggigibo kan saindang mga trabaho.

2 Asin si Moroni nagduman sa siyudad nin Mulek na kaiba ni Lehi, asin kinua an pagpapamahala kan siyudad asin itinao ki Lehi. Ngonian hilnga, ining si Lehi na sarong lalake na kaidto pa pirmeng kaiba ni Moroni sa grabeng parte kan gabos niyang pakipaglabanan; asin siya saroman na tawo na arog na gayo ki Moroni, asin sinda nag-oogma sa kanya-kanya nindang pagkakaligtas; iyo, sinda uguson sa lambang sarong, asin man namumutan kan gabos na mga katawohan nin Nephi.

3 Asin ini nangyaring naglipas na pagkatapos na an mga Lamanita nakapagtapos na sa paglulubong kan saindang mga gadan asin man kan mga gadan na mga Nephita, sinda pinagpamartsa pabalik pasiring sa kadagaan nin Masagana; asin si Teancum sa paagi kan mga orden ni Moroni, nagkausa na sinda dapat na magpoon kan saindang pagtatrabaho nin pagkakalot nin pamangbang sa palibot nin kadagaan, o sa siyudad, Masagana.

4 Asin siya nagkausa na sinda dapat na magtugdok nin kudal na troso sa laog kan pangpang nin pamangbang; asin sinda nagtambak nin daga sa kinalutan sa ibabaw kan kudal na troso; asin kaya sinda nagkausa sa mga Lamanita an magtrabaho hanggan sinda nang napalibutan na an siyudad nin Masagana kan sarong makusugon na kudal na mga troso asin daga, sagkod sa pinakataas na langkaw.

5 Asin an siyudad na ini iyo an nagin pinakamakusog na kuta magpoon kaidto; asin sa siyudad na ini sinda nagbantay kan mga prisonerong mga Lamanita; iyo, magin sa laog kan kudal na saindang pinaggibo sinda tugdokan sa paagi kan saindang mga sadireng mga kamot. Ngonian si Moroni napiritan na isugo na an mga Lamanita an magtrabaho, nin huli ta mas masayunon na magbabantay sinda habang sinda nagtatrabaho; asin siya nagmawot sa gabos niyang mga puwersa kun noarin niya dapat na atakehon an mga Lamanita.

6 Asin ini nangyaring naglipas na si Moroni nakagana nin sarong kapangganahan na nangibabaw sa sarong sa mga pinakadakulang hukbo kan mga Lamanita, asin nakuang pangaputan an siyudad nin Mulek, na iyo an sarong sa mga makukusog na pinagkkukutaan kan mga Lamanita sa kadagaan nin Nephi; asin kaya siya man nagtugdok nin sarong kuta sa pagretine kan saiyang mga prisonero.

7 Asin ini nangyaring naglipas na siya dae nang gayo nagbuyo pa sa sarong pakipaglaban kontra sa mga Lamanita sa taon na idto; pero saiyang pinatrabaho an saiyang mga tauhan sa pag-aandam para sa pakigiyera, iyo, asin sa pagpapagibo nin mga pagkukutaan

An Simbahan ni Jesukristo nin Mga Banal sa Huring-aldaw

413

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

tanganing magbantay kontra sa mga Lamanita; iyo, asin man sa pagliligtas kan saindang mga kababaehan asin an saindang mga kaarakian gikan sa taggutom asin kasakitan, asin sa pagtatao nin pagkakan para sa saindang mga hukbo.

8 Asin ngonian ini nangyaring naglipas na an mga hukbo kan mga Lamanita, sa may sulnupang dagat, timog, habang mayo si Moroni nin huli kan mga intriga sa mga pag-iriba kan mga Nephita, na nagkausa nin pagkakabaranga-banga sa pag-iriba ninda, nakagana nin nagkapirang lugar nin mga Nephita, iyo, kun kaya ngani sida nagkuang pangaputan an nagkapirang numero kan saindang mga siyudad sa parteng idto nin kadagaan.

9 Asin kaya nin huli kan karigsokan na yaon sa saindang mga sadire, iyo, nin huli kan pagkakabaranga-banga asin intriga sa pag-iriba ninda napamugtak sinda sa pinakadelikadong mga sirkumstansiya.

10 Asin ngonian hilnga, ako igwa nin nagkakapirang tataramon mapanungod sa mga katawohan nin Ammon, na, sa kapinunan, mga Lamanita; pero sa paagi ni Ammon asin an saiyang mga katugangan, o baya sa paagi nin kapangyarihan asin tataramon nin Diyos, sinda nagkabarag-o sa Kagurangnan; asin sinda pinagdara pababa pasiring sa kadagaan nin Zarahemla; asin magpoon kaidto protektado kan mga Nephita.

11 Asin nin huli kan saindang panunumpa sinda pinagbawalan na magkapot nin mga armas kontra sa saindang mga katugangan; nin huli ta sinda nagsumpa na sinda dae na naggad magpapabulos pa nin dugo; asin uyon sa saindang panunumpa sinda kuta na napahamak; iyo, sinda kuta na nagtugot sa saindang mga sadire na magkahurulog sa mga kamot kan saindang mga katugangan kun ini baya bako sana sa para sa pagkaherak asin sa sobrang pagkamoot na si Ammon asin an saiyang mga katugangan igwa para sainda.

12 Asin in huli kaining dahilan sinda pinagdara pababa pasiring sa kadagaan nin Zarahemla; asin sinda magpoon kaidto nagin protektado na kan mga Nephita.

13 Pero ini nangyaring naglipas na kan saindang mahiling na delikado, asin sa kadakul na mga kasakitan asin mga pagdusa na an mga Nephita iyo an nagsapo para sa sainda, sinda napasa an mga boot sa pagkaherak asin nagmarawot na magkapot na sana nin mga armas sa pagdepensa kan saindang banwaan.

14 Pero hilnga, habang sinda kuta na magkarapot na kan saindang mga armas na panggiyera, sinda nagkadaraog kan mga paghikayat ni Helaman asin kan saiyang mga katugangan, nin huli ta sinda kuta na mabalga na sa panunumpa na saindang nahimo.

15 Asin si Helaman natakot na baka baya sa paggibo kaini sinda lugod magkaparara an mga kalag; kun kaya gabos sainda na naglaog sa tipan na ini napiritan na sana na maghiling kan saindang mga katugangan na magtios kan saindang mga kasakitan, sa saindang pinakadelikadong mga sirkumstansiya sa panahon na ini.

16 Pero hilnga, ini nangyaring naglipas na sinda igwa nin kadakul na mga akeng lalake, na dae pa naglaog sa tipan na sinda dae naggad magkakapot kan saindang mga armas panggiyera tanganing idepensa an saindang mga sadire kontra sa saindang mga kaiwal; kun kaya sinda nagkatipon kan saindang mga sadire na magkasararo sa oras na ini, na kadakul sainda na puwede nang magkapot nin mga armas, asin saindang pinag-apud an mga sadire ninda na mga Nephita.

17 Asin sinda naglaog sa sarong tipan na makikilaban para sa libertad kan mga Nephita, iyo, na protektahan an kadagaan sagkud na idusay man an saindang mga buhay; iyo, magin ngani sinda nakipagtipan na sinda dae naggad pagpabaya an saindang libertad,

pero sinda makikilaban sa gabos na panahon tanganing protektahan an mga Nephita asin an saindang mga sadire kontra sa kauripnan.

18 Ngonian hilnga, igwa nin dos mill sa saindang mga hobenon na mga kalalakehan, na nagralaog sa tipan na ini, asin nagkapot kan saindang mga armas panggiyera tanganing idepensa an saindang nasyon.

19 Asin ngonian hilnga, ta sinda dae naggad nagin sarong pagabat sa mga Nephita, sinda nagin ngonian sa panahon na ini saroman na dakulaon na suporta; nin huli ta sinda nagkapot kan saindang mga armas panggiyera asin sinda nagtugot na si Helaman iyo an saindang lider.

20 Asin sinda gabos mga hobenon na mga kalalakehan asin sinda grabe na gayong mahitikon para sa kaisogan, asin man sa kusog asin gibohon; pero hilnga, bako sana ini gabos--- sinda mga kalalakehan na totoo sa gabos na mga panahon sa anumang bagay na sa sainda ipinagkatiwala.

21 Iyo, sinda mga kalalakehan nin katotoohan asin kabootan, nin huli ta sinda pinagtukdoan na magsunod sa mga kasugoan nin Diyos asin maglalakaw nin matanos sa atubangan niya.

22 Asin ngonian ini nangyaring naglipas na si Helaman nagmartsa sa enotan kan saiyang dos mill na mga hobenon na soldados, sa pagsuporta sa mga katawohan na yaon sa mga kasagkoran nin kadagaan sa may timog na parte kan sulnupang dagat.

23 Asin kaya nag-untok an ika-beynte asin walong taon kan pagpapamahala kan mga huwes sa mga katawohan nin Nephi.

ALMA TSAPTER 54

*Si Ammoron asin Moroni nakipagnegosasyon para sa pakiribayan nin mga prisonero---
Si Moroni nagpahayag nin kahagadan na an mga Lamanita mag-atras asin mag-untok
kan saindang mgapanggadan na mga atake--- Si Ammoron nagpahayag nin kahagadan
na an mga Nephita magsuko kan saindang mga armas asin magpasa-irarom sa
pamamahala kan mga Lamanita.*

Asin ngonian ini nangyaring naglipas na sa pagpoon kan ika-beynte asin siyam na taon na pagpapamahala kan mga huwes, na si Ammoron nagpadara nin pasabot ki Moroni na nagmamawot na siya gustong makiribayan nin mga prisonero.

2 Asin ini nangyaring naglipas na si Moroni nakamate nin grabeng kaogmahan sa kahagadan na ini, nin huli ta siya nagmawot na an mga probisyon na ipinagtatao para sa suporta kan mga Lamanitang prisonero maitatao nang mga suporta para sa sadire niyang mga katawohan; asin siya man nagmamawot kan saiyang mga katawohan para sa pagpapahakusog kan saiyang hukbo.

3 Ngonian an mga Lamanita nakadakop nin kadakul na mga kababaehan asin mga kaarakian, asin mayo ni sarong babae o sarong ake sa pag-iriba kan gabos na mga prisonero ni Moroni, o mga prisonero ni Moroni na nagkadarakop; kun kaya si Moroni nagplano nin sarong estratehiya na makakua nin kadakul na mga prisonerong Nephita

An Simbahan ni Jesukristo nin Mga Banal sa Huring-aldaw

415

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

gikan sa mga Lamanita habang ini posible pa.

4 Kun kaya siya nagsurat nin sarong surat, asin ipinabasa ini sa surugoon ni Ammoron, na iyo man sana an nagdara nin surat para ki Moroni. Ngonian iyo ini an mga tataramon na saiyang sinurat para ki Ammoron, na nagsasabi:

5 Hilnga, Ammoron, ako nagsurat saimo sa arog baga kaini mapanungod kaining giyera na saimong binandera kontra sa sakong mga katawohan, o baya an saimong tugang na lalake iyo an nagbandera kontra sainda, asin baya ika an pirmeng determinado na maipagpadagos pagkatapos kan saiyang kagadanan.

6 Hilnga, ako magsasabi saimo na arog baga kaini manungod sa hustisya nin Diyos, asin an espada kan saiyang makusog na kaanggutan, na iyo an naka-amba sa saimo laen lang kun magsosolsol asin pa-atrason mo an saimong mga hukbo pasiring sa sadire mong kadagaan, o sa kadagaan kan saindong pagsadire, na iyo an daga kan Nephi.

7 Iyo, sakong sasabihon saimo an mga bagay na ini kun ika kapable na magdadangog sa sainda; iyo, ako magsasabi saimo manungod kaining makatakot na impiyerno na naghahalat na maresibe an mga arog kaining mga paragadan na arog mo asin an saimong mga tugang na iyo man, laen lang na ika magsosolsol asin haleon an saimong panggagadan na mga katuyuhan, asin bumalik na kaiba an saimong mga soldados pasiring sa sadire nindong mga kadagaan.

8 Pero habang saimo na minsan pinagsayumahan an mga bagay na ini, asin nakipaglaban kontra sa mga katawoha nin Kagurangnan, maski na ngani kaiyan ako naghuhuna na saimong gigibohon ini giraray.

9 Asin ngonian hilnga, kami preparado na magresibe saimo; iyo, asin laen lang na kun saimong haleon an mga katuyuhan mo, hilnga, saimong hihilahon pababa an kaanggutan kaining Diyos na saimo na minsang pinagsikwal sa sadire mo, magin hanggan sa saimong sadireng kapahamakan.

10 Pero, habang an Kagurangnan nabubuhay, an samuyang armada maglulusob saimo laen lang kun ika ma-atras, asin ika sa dae maghaloy bibisitahon nin kagadanan, nin huli ta samuyang iretine an saimong mga siyudad asin an samong mga kadagaan; iyo, asin samong imamantine an samuyang relihiyon asin an kausa kan samuyang Diyos.

11 Pero hilnga, ini pinaghuhuna-huna ko na ako nagsasabi saimo manungod sa mga bagay na ini sa daeng kamugtakan; o ini pinaghuhuna-huna ko na ika sarong ake nin impiyerno; kun kaya ako magsasarado kan sakong surat sa paagi nin pagsasabi saimo na ako dae makikiribay nin mga prisonero, laen lang kun ini yaon sa mga kondisyon na ika magbubuhi nin sarong tawo asin an saiyang agom asin an saiyang mga kaarakian, para sa sarong prisonero; kun iyo ini an kaso na saimong gigibohon, ako makikiribay.

12 Asin hilnga, kun ika dae gibohon ini, ako malusog laban saimo kairiba an sakong armada; iyo, magin ako magpapa-arms sa mga kababaehan asin kan sakong mga kaarakian, asin ako maglulusog kontra saimo, ako magsusunod saimo magin hanggan sa sadire mong kadagaan, na iyo an kadagaan kan enong ming kamanahan; iyo, asin ini magigin dugo para sa dugo, iyo, buhay para sa buhay; asin ako magtatao saimo nin pakigiyera magin hanggan sa ika madestroso gikan sa lalawgon kaining kinaban.

13 Hilnga, ako yaon sa sakong kaanggutan, asin man an sakong mga katawoha; ika naghanap nin samuyang kagadanan, asin kami sna naghanap na maidepensa an samuyang mga sadire. Pero hilnga, kun ika naghahanap na madestroso mi kamo; iyo, asin samuyang hahanapon an samong kadagaan, an kadagaan kan samong enot na kamanahan.

14 Ngonian ako masarado kan sakong surat. Ako si Moroni; ako sarong lider kan mga katawohan nin mga Nephita.

15 Ngonian ini nangyaring naglipas na si Ammoron, akn saiyang naresibe ining surat, naanggot; asin siya nagsurat nin ibang surat para ki Moroni, asin iyo ini an mga tataramon na saiyang sinurat, na nagsasabi:

16 Ako si Ammoron, an hade nin mga Lamanita; ako an tugang ni Amalickiah na saimog nagadan. Hilnga, ako maganti kan saiyang dugo sa saimo, iyo, asin ako malusob sa saimo kaiba an sakong armada nin huli ta ako dae natatakot kan saimong mga patakot.

17 Nin huli ta hilnga, an saimong mga ama nagkasala sa saindang mga katugangan, na kumbaga saindang hinabon an saindang deretso sa pangogobyerno kun saen ini dapat lang na pinagkakaputan kuta na ninda.

18 Asin ngonian hilnga, kun saindong ibaba an saindong mga armas, asin ihunod an saindong mga sadire na mapamahalaan ninda na iyo an mas may deretso sa pangogobyerno, baka pa na sakong ipagkausa sa mga katawohan ko na ibaba an saindang mga armas asin dae na naggad makigiya.

19 Hilnga, ika nagbuga paluwas nin kadakul na mga patakot laban sakuya asin sa sakong mga katawohan; pero hilnga, kami dae natatakot sa saimong mga patakot.

20 Daeng pagkukulang, ako minatugot na makiribay nin mga prisonero na uyon sa saimong paki-olay, na may pagka-ogma, na tanganing puwede kong maipreserba an sakong kakanon para sa sakong mga tawong panggiya; asin kami makikilaban sa giyera na ini magigin daeng kasagkoran, maski arin sa pagsakop sa mga Nephita sa samuyang autoridad o sa saindang daeng kasagkoran na pagkadestroso.

21 Asin manungod sa Diyos na saimong sinabi na samong pinagsikwal, hilnga, kami daeng pagkaaram na igwa nin arog kaining nilalang; ni maski kamo; poero kun ipamugtak na igwa nin arog kaining nilalang, kami daeng pagkaaram laen lang na saiya kaming pighimo asin man kamo.

22 Asin kun ini iyo man naggad na igwa nin sarong diyablo asin sarong impiyerno, hilnga dae daw niya ipapadara duman tanganing maka-estar na kaiba an sakuyang tugang na saimong pinaggadan, na saimo nganing pinasabot na siya paduman sa lugar na idto? Pero hilnga an mga bagay na ini bakong mahalaga.

23 Ako si Ammoron, asin saro sa mako-apo ni Zoram, na pinaggigipit kan saindong mga ama asin pinag-iba paluwas sa Jerusalem.

24 Asin hilnga ngonian, ako sarong maisog na Lamanita; hilnga, an giyerang ini pinaggigibo tanganing ipagbalos an saindang mga kamalean, asoin imantine asin kuahon an saindang deretso sa pangogobyerno; asin sakong sinasara an sakong surat para ki Moroni.

ALMA TSAPTER 55

Si Moroni nagsayuma sa pakipagribay nin mga prisonero--- An mga Lamanitang guwardiya pinag-akit na maburat, asin an mga Nephitang prisonero pinadurulag--- An siyudad nin Gid pinagkua na mayong dugong pinabulos.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Ngonian ini nangyaring naglipas na kan si Moroni naresibe an surat siya mas lalong naanggot, nin huli ta aram niya na si Ammoron igwa nin perpektong kaaraman kan saiyang kadayaan; iyo, siya nakaaram na si Ammoron nakaaram na ini bakong sarong hustong kausa na iyo an nagkausa saiya na tanganing makigiyera kontra sa mga katawohan ni Nephi.

2 Asin siya nagsabi: Hilnga, ako dae makipagribay nin mga prisonero ki Ammoron laen lang kun saiyang iatras an saiyang katuyuhan, segun sa sakong sinabi sa sakong surat; nin huli ta ako dae matugot sa saiya na siya magkakaigwa pa nin kadagdagan na kapangyarihan kesa sa anuman na igwa na siya.

3 Hilnga, ako nakakaaram sa lugar kun saen an mga Lamanita nagbabantay sa sakuyang mga katawohan na saindang pinagkuruang mga prisonero; asin habang si Ammoron dae minatugot sa sakuya sa sakong surat, hilnga, ako magtatao saiya uyon sa sakong mga tataramon; iyo, ako maghahanap nin kagadanan sa pag-iriba ninda sagkod na sinda magsusuyo para sa katuninongan.

4 Asin ngonian ini nangyaring naglipas na kan si Moroni nakapagtaram kaining mga tataramon, siya nagkausa na sarong paghahanap dapat na magibo sa pag-iriba kan saiyang mga tauhan, na baka baya siya puwedeng makanagbo nin sarong tawo na kaparyente ni Laman sa pag-iriba ninda.

5 Asin ini nangyaring naglipas na sinda nakanagbo nin saro, na an pangaran Laman; asin siya dating daro sa mga surugoon kan hade na ginadan ni Amalickiah.

6 Ngonian si Moroni nagkausa na si Laman asin sarong kadikit na numero kan saiyang mga tauhan na magpaduman sa mga guwardiya na nagbabantay sa mga Nephita.

7 Ngonian an mga Nephita nababantayan sa laog kan siyudad nin Gid; kun kaya si Moroni pinangngaranan si Laman asin nagkausa na sarong dikit na numero kan mga tawo iyo an mag-iba saiya.

8 Asin kan idto banggi na si Laman nagpaduman sa mga guwardiya na nagbabantay sa mga Nephita, asin hilnga, sinda nahiling siyang paranihon asin sinda pinag-apud siya; pero siya nagsabi sainda: Dae kamo matakot, hilnga, ako sarong Lamanita. Hilnga kami naka-eskapo gikan sa mga Nephita, asin sinda nakaturog; asin hilnga kami nakakua kan saindang arak asin nagdarara kami.

9 Ngonian kan an mga Lamanita nadangog an mga tataramon na ini sinda nagtanggap saiya na may kaogmahan; asin sinda nagsabi saiya: Itao mo samuya an saimong arak, na kami puwedeng makainom; kami nag-oogma na ika nakakua nin arak na dinara mo ta kami baya paragal na.

10 Pero si Laman nagsabi sa sainda: Dapat nyatong tagoon an satuyang arak sagkod na kita maglusob laban sa mga Nephita sa pakigiyera. Pero an tataramon na ini nakapaghimo sana sainda na mas lalong nagmamawot na mag-inom kan arak;

11 Nin huli ta, nagsabi sinda: Kami paragal na kun kaya tugutan mo kami na mag-inom nin arak, asin oro-atyan na kami makakaresibe nin arak para sa samuyang rasyon, na iyo an nagpapakusog samuya maglusob kontra sa mga Nephita.

12 Asin si Laman nagsabi sainda: Kamo puwedeng gumibo uyon sa saindong mga pagmamawot.

13 Asin ini nangyaring naglipas na sinda nag-irinom nin arak na libre; asin ini masiramom sa saindang pagnamit, kun kaya sinda nag-irinom pa kaini na mas libre; asin ini

maisugon, baya pinag-andam sa saiyang kakusugan.

14 Asin ini nangyaring naglipas na sinda nag-irinumang asin maogmahon, asin aro-atasan sinda gabos nagkabururat na.

15 Asin ngonian kan si Laman asin an saiyang mga tauhan nahiling na sinda nagkabururat na, asin yaon na sa hararomon na pagkaturog, sinda nagbaralik ki Moroni asin pinagsumbong saiya an gabos na mga bagay na nangyari.

16 Asin ngonian ini uyon sa mga disenyo ni Moroni. Asin si Moroni nagprepara kan saiyang mga tauhan nin mga armas panggiyera; asin siya nagpaduman sa siyudad nin Gid, habang an mga Lamanita yaon pa sa hararomon na pagturog asin pagkaburat, asin pinagtao an mga armas panggiyera sa mga prisonero, na tanganing baya sinda gabos armado na;

17 Iyo, magin sa saindang mga kababaehan, asin an gabos na saindang mga kaarakian, habang kadakul na puwedeng gumamit nin armas nin pakigiya, kan si Moroni nakapag-armas na kan gabos nindang mga prisonero; asin an gabos na ining bagay ginibo sa sarong matuninong na silensiyo.

18 Pero kun saindang napamata an mga Lamanita, hilnga sinda bururat asin an mga Nephita kuta na puwede nang gadanon sinda.

19 Pero hilnga, ini bako an minamawot ni Moroni; siya dae naogma sa panggadanan o pagpapabulos nin dugo, pero siya naogma sa pagligtas kan saiyang mga katawohan gikan sa kapahamakan; asin nin huli kaining kausa siya dae boot na magdara nin inhustisya, siya habong maghampak sa mga Lamanita asin destrosohon sinda sa saindang kabururan.

20 Pero saiyang nakamtan an saiyang mga kamawotan; nin huli ta saiyang inarman an mga prisonero na mga Nephita na yaon sa laog kan pader nin siyudad, asin itinao sinda an kapangyarihan na magkakurua an gabos na pagsadire kaidtong mga parte sa laog kan mga pader.

21 Asin saiyang pinagkausa sa mga tauhan na kairiba niya na mag-atras nin sarong distansiya gikan sinda, asin pinalibutan an mga soldados kan mga Lamanita.

22 Ngonian hilnga ini pinaggibo sa oras nin banggi; tanganing kan an mga Lamanita nagimata sa kaagahan saindang nahiling na sinda napalibutan na kan mga Nephita sa luwas, asin na an saindang mga prisonero armado na sa laog.

23 Asin kaya saindang nahiling na an mga Nephita may kapangyarihan na nangingibabaw sinda; asin sa arog kaining sirkumstansiya saindang nanagboan na ini bakong kapakinabangan na sinda dapat na makilaban pa sa mga Nephita; kun kaya an saindang pinakapamayong mga kapitan pinaghagad an saindang mga armas panggiyera, asin saindang pinagdara sa atubangan asin pinag-apon sinda sa mga pamitisan kan mga Nephita, naghahagad nin pagkaherak.

24 Ngonian hilnga, iyo ini an pinagmawot ni Moroni. Saiya sindang pinagkuang prisonero nin giyera, asin sinakop an siyudad, asin nagkausa na an gabos na mga prisonero dapat na buhian, na mga Nephita; asin sinda nagbarali na sa mga paralaban ni Moroni, asin nagin dakulang kusog kan saiyang mga armada.

25 Asin ini nangyaring naglipas na siya nagkausa sa mga Lamanita, na saiyang pinagkuang mga prisoner, na sinda dapat na magpoon na magtrabaho sa pagpapakusog sa mga portipikasyon sa palibot nin siyudad nin Gid.

26 Asin ini nangyaring naglipas na kan saiyang pinagpakusog an siyudad nin Gid, uyon

sa saiyang mga pagmamawot, siya nagkausa na an saiyang mga prisonero dararahon sa siyudad nin Masagana; asin saiya man pinabantayan idtong siyudad na may grabeng gayo kakusog na puwersa.

27 Asin ini nangyaring naglipas na saindang ginibo, maski na ngani sa gabos na mga intriga kan mga Lamanita, na tagoon asin prinotektahan an gabos na mga prisonero na saindang dinarara, asin man pinagmantine an gabos na lugar asin an bentahe na saindang nakamtan otro.

28 Asin ini nangyaring naglipas na an mga Nephita nagpoon giraray na magin mapanggana, asin giraray nakamtan an saindang mga deretso asin an saindang mga pribilihiyo.

29 Kadakul na beses na an mga Lamanita nagprubar na palibutan sinda sa pagkabanggi, pero sa mga pagprubar na ini sinda nagkaralagasan sana nin kadakul na mga prisonero.

30 Asin kadakul na beses na sinda nagprubar na taw-an kan saindang arak an mga Nephita, na saindang madestroso sinda sa paagi nin hilo o pagkaburat.

31 Pero hilnga, an mga Nephita dae nagin maluya sa paggiromdom sa Kagurangnan nindang Diyos kaining oras nin kasakitan. Sinda dae nagpapadara kan saindang mga kantiyaw; iyo, sinda dae nakipag-inuman kan saindang arak, sagkod na sinda enot na magtao sa ibang mga Lamanitang prisonero.

32 Asin sinda nagin maingat na mayong hilo an puwedeng maitao sa pag-iriba ninda; nin huli ta kun an saindang arak makapaghilo nin sarong Lamanita ini man puwedeng makapaghilo nin sarong Nephita; asin kaya saindang pinagprobaran an gabos nindang mga arak.

33 Asin ngonian ini nangyaring naglipas na ini kapakinanbangan para ki Moroni na gumibo nin mga preparasyon tanganing lusubon an siyudad nin Morianton; nin huli ta hilnga, an mga Lamanita, sa paagi kan saindang pagtrabaho, pinakusog an siyudad nin Morianton hanggan ini nagin grabeng gayo kakusog na kampo.

34 Asin sinda nagpadagos na magdara nin mga bag-ong puwersa palaog sa siyudad na idto, asin man mga bag-ong mga suplay nin mga pagkakan.

35 Asin kaya nagtapos an ika-beynte asin siyam na taon kan pagpapamahala nin mga huwes kan mga katawohan nin Nephi.

ALMA TSAPTER 56

Si Helaman nagpadara nin surat ki Moroni na nagpapahayag kan estado nin giyera kontra sa mga Lamanita--- Antipus asin Helaman nakagana nin sarong dakulang kapangganahan kontra sa mga Lamanita--- An dos mil na kahobenan na tauhan ni Helaman nakipaglaban na may milagrosong kapangyarihan asin mayo saindang nagadan.

Asin ngonian ini nangyaring naglipas na sa pagpoon kan ika-trentang taon kan pagpapamahala kan mga huwes, sa ikaduwang aldaw sa enot na bulan, si Moroni nakaresibe nin sarong surat hale ki Helaman, nagpapasabot sa mga nangyari sa mga

An Simbahan ni Jesukristo nin Mga Banal sa Huring-aldaw 420
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katawohan sa ika-apat na parteng idto nin kadagaan.

2 Asin iyo ini an mga tataramon na saiyang sinurat, na nagsasabi: Sakong namumutan na tugang, Moroni; bilang karahayan nin Kagurangnan sa mga tribulasyon kan satuyang pakikipaglabanan; hilnga, sakong namumutan na tugang, ako igwa bayang isasabi saimo mapanungod sa satuyang pakikipaglabanan sa parteng ini nin kadagaan.

3 Hilnga, dos mil na mga hoben na akeng lalake kaidtong mga tauhan ni Ammon iyo an nagdara paluwas nin kadagaan nin Nephi--- ngonian saimong naaraman na an mga ini mga kalahi ni Laman, na iyo an pinakamatuang ake kan satuyang ama na si Lehi;

4 Ngonian ako habo nang mag-oro-otro saimo mapanungod kan saindang mga tradisyon o kan saindang dae pagtubod, nin huli ta ika mas nakakaaram mapanungod kaining mga bagay---

5 Kun kaya ini nakapakuntento sakuya na sakong sasabihon saimo na an dos mil kaining mga hoben na mga tawo nagkarapot nin mga armas na panggiyera, asin gusto na ako an magin lider ninda; asin samuyang nagibong idepensa an satuyang nasyon;

6 Asin ngonian ika man nakakaaram manungod sa tipan na ginibo kan saindang mga ama, na sinda habo nang magkapot nin saindang armas na panggiyera kontra sa saindang mga katugangan tanging magpabulos nin dugo.

7 Pero sa ika beynte asin anom na taon, kan saindang nahiling an satuyang mga kasakitan asin an satuyang mga tribulasyon para sinda, sinda mapoon na kuta nang raoton an tipan na saindang pinangaputan asin magkapot na kan saindang mga armas na panggiyera para sa satuyang depensa.

8 Pero ako dae nagtugot na raoton ninda an tipan na saindang pinapangaputan, sa paghuhuna-huna na an Diyos iyo an nagpapakusog satuya, na tanging sa kamugtakan na ini kita dae na magsasapong gayo nin huli lang sa pagsunod sa pangako na saindang pinapangaputan.

9 Pero hilnga, uya an sarong bagay na kita puwedeng magkaigwa nin dakulang kaogmahan. Nin huli ta hilnga, sa ika-beynte asin anom na taon, ako si Helaman, nagmartsa sa enotan kaining dos mil na mga hobenes pasiring sa siyudad nin Judea, tanging tabangan si Antipus, na saimong pinangngaranan na lider sa mga katawohan sa parteng idto nin kadagaan.

10 Asin ako nagbale sa sakuyang dos mil na mga akeng lalake, (nin huli ta sinda maninigo na apudon na mga akeng lalake) paduman sa armada ni Antipus, na sa kakusugan si Antipus maogmahong gayo; nin huli ta hilnga, an saiyang armada nabawasan kan mga Lamanita nin huli ta an saindang puwersa nakagadan nin dakulang numero kan satuyang mga tauhan, nin huli kaining kausa kaya kami nagmundo.

11 Daeng pagkukulang, kami nadaramayan kan samuyang mga sadire sa puntong ini, na sinda nagkagaradan sa kausa kan saindang nasyon asin kan saindang Diyos, iyo, asin sinda maogmahon.

12 Asin an mga Lamanita igwang binuhay na mga prisonero, gabos an mga ini mga pamayong mga kapitan, nin huli ta mayo na sindang binuhay pang iba. Asin kami naghuhuna-huna na sinda yaon ngonian sa oras na ini sa kadagaan nin Nephi; ini iyo kun sinda dae ginaradan.

13 Asin ngonian iyo ini an mga siyudad na nagkakurua kan mga Lamanita sa paagi nin pagpapabulos nin dugo nin kadakul nyatong maiisog na mga tauhan;

14 An kadagaan nin Manti, o an siyudad nin Manti, asin an siyudad nin Zeezrom, asin an

siyudad nin Cumeni, asin an siyudad nin Antiparah.

15 Asin iyo ini an mga siyudad na saindang nagkakurua kan ako mag-abot sa siyudad nin Judea; asin sakong nanaboan si Antipus asin an saiyang mga tauhan na naghihingoha kan saindang kusog tanganing mapakusog an siyudad.

16 Iyo, asin sinda pinanluluyahan kan saindang mga hawak asin man nin espiritu, nin huli ta sinda nakipaglabanan na may kaisogan sa pagka-aldaw asin naghihingoha sa pagkabanggi tanganing mantineron an saindang mga siyudad; asin kaya sinda nagsapo nin dakulang mga kasakitan sa lambang klase.

17 Asin ngonian sinda determinado na magsakop sa lugar na ini o magadan; kun kaya saimong marhay na huhunaon na ining saditon na puwersa na dara-dara ko, iyo, ining mga kaarakian ko, nakapagtao sinda nin grabeng paglaom asin grabeng kaogmahan.

18 Asin ngonian ini nangyaring naglipas na kan an mga Lamanita nahiling na si Antipus nakaresibe nin sarong dakulaon na kusog kan saiyang armada, sinda napiritan sa paagi kan orden ni Ammoron na dae maglusog kontra sa siyudad nin Judea, o kontra samuya, sa pakigiya.

19 Asin kaya kami nataw-an nin pabor nin Kagurangnan; nin huli ta kun sinda naglusob samo sa arog kaining kaluyahan mi sinda man kuta nang nadeostro ining sadit tang armada; kaya iyo ini na kami napreserba.

20 Sinda pinagsugo ni Ammoron na i-mantine idtong mga siyudad na sinda nang nasakop. Asin kaya natapos an ika-beynte asin anom na taon. Asin sa pagpoon kan ika-beynte asin pitong taon samuyang naipreparar an satuyang siyudad asin an samuyang mga sadire pasa sa depensa.

21 Ngonian kami nagmawot na an mga Lamanita dapat na maglusob samuya; nin huli ta kami mayong kamawotan na maglusog sa saindang mga pinagkakukutaan.

22 Asin ini nangyaring nagipas na kami may mga espiya sa palibot, tanganing iyo an magmamasid kan mga hiro kan mga Lamanita, na sinda dae puwedeng makalusot samuya sa paagi nin banggi ni sa aldaw tanganing maglusog sa iba tang mga siyudad na yaon sa may parteng norte.

23 Nin huli ta samuyang naaraman na sa mga siyudad na idto sinda bako pang supesyente an kusog na atubangon sinda; kun kaya kami nagmamawot, kun sinda maagi samuya, malusog kami sa may parteng likudan ninda, asin kaya lansihon mi sinda sa may likudan kasabay an paglusob sa may atubangan. Kami naghuhuna-huna na madadaog mi sinda; pero hilnga, kami nadisganar kaining samong kamawotan.

24 Sinda dae nag-aagi samuya na kaiba an kabilugan kan saindang armada, ni sinda nagbarangan nin manarong parte, na baya sinda bakong supesyente an kusog asin sinda madadaog.

25 Ni sinda nagmartsa sa paglusob kontra sa siyudad nin Zarahemla; ni sinda nagbalyo sa enotan kan Sidon, pasiring duman sa siyudad nin Nephiah.

26 Asin kaya, kaiba an saindang mga puwersa, sinda determinadong i-mantine idtong mga siyudad na saindang nasakop.

27 Asin ngonian ini nangyaring naglipas na sa ikaduwang bulan kan taon na ini, igwang nagdara samuya nin kadakul na mga probisyon hale sa mga ama kan sakuyang dos mil na mga akeng lalake.

28 Asin man igwa pang dos mil na mga tauhan na ipinadara hale sa kadagaan nin Zarahemla. Asin kaya kami preparado na may diyos mil na tauhan, asin mga probisyon

An Simbahan ni Jesukristo nin Mga Banal sa Huring-aldaw

422

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

para sainda, asin man para sa saindang mga agom asin mga kaarakian.

29 Asin an mga Lamanita, na nakahiling na an satuyang puwersa nagdadagdag aro-aldaw, asin mga probisyon na nag-aarabot-abot para sa samuyang suporta, sinda nagpoon na matakot, asin nagpoon nin plano, na kun posible punduhon na an pagresibe nyamo nin mga probisyon asin kusog.

30 Ngonian kan samuyang nahihiling na an mga Lamanita nagpoon na sa pagkahandal sa bagay na ini, kami nagmawot na magkaigwa nin estratehiya na gigibohon para sainda; kun kaya si Antipus nagsugo na ako magmartsa kaiba an sakong mga hoben na mga tauhan pasiring sa kataid na siyudad, na garo baga kami may dara-darang mga probisyon pasiring sa kataid na siyudad.

31 Asin kami magmamartsa harani sa siyudad nin Antiparah, na garo baga kami mapasiring sa siyudad na yaon sa harayo, sa may kasagkoran sa may tampi nin dagat.

32 Asin ini nangyaring naglipas na si Antipus nagmartsa na kaiba an sarong parte kan saiyang armada, nagwalat nin katadaan para iyo an magmantine kan siyudad. Pero dae siya nagmartsa pahale sagkod na ako dae pa nakapagmartsa kaiba kan sakong sadit na armada, asin makaabot harani sa siyudad nin Antiparah.

34 Asin ngonian, sa siyudad nin Antiparah yaon nakapuwesto an pinakamakusog na armada kan mga Lamanita; iyo, an pinakadakul an bilang.

35 Asin ini nangyaring naglipas na kan sinda pinaaram kan saindang mga espiya, sinda naglusob kaiba an saindang armada asin nagmartsa kontra samuya.

36 Asin ini nangyaring naglipas na kami nagdurulag sa atubangan ninda, panorte. Asin kaya samuyang napaharayo an pinakamakusog na armada kan mga Lamanita;

37 Iyo, magin sa pinakakonsiderableng rayo, na tangani na kan saindang nahiling an armada ni Antipus na iyo an nagralamag sainda, sa maigot nindang kusog, sinda dae nagliko sa tuo o sa wala, pero nagpdagos sinda sa paglamag kan saindang martsa sa sarong tanos na kurso pasiring samuya; asin, arog kan samuyang paghuna, iyo ini an saindang intensiyon na kami garadanon bago pa man si Antipus makaabot sainda, asin iyo ini na tanganing sinda dae mapalibutan kan samuyang mga katawohan.

38 Asin ngonian si Antipus, na nakahiling sa delikadong kamugtakan nyamo, pinabilis an martsa kan saiyang armada. Pero hilnga, banggi kaidto; kun kaya dae sinda nakaabot samuya, ni si Antipus nakaabot sainda; kun kaya kami nagkampo para sa pagkabanggi.

39 Asin ini nangyaring naglipas na bago pa man nagsirang an kaagahan, hilnga, an mga Lamanita nagralamag na samuya. Ngonian kami bakong makusugon na marhay para makilaban sainda; iyo, ako dae makatugot na an sakyang kadikit na mga akeng lalake magkahurulog sa saindang mga kamot; kun kaya samuyang pinagpadagos an samuyang pagmartsa, asin kami nagpadagos nagmartsa pasiring sa kadawagan.

40 Ngonian sinda dae naggad nagliko sa tuo o sa wala na baka sinda makaabot samuya, asin kami baya dae makaantos kontra sainda, pero magkakagaradan, asin sinda puwedeng makagibo kan saindang pag-eskapo; asin kaya kami nagdurulag sa bilog na idtong aldaw pasiring sa kadawagan, magin hanggan sa mag-abot an diklom.

41 Asin ini nangyaring naglipas na giraray, kan an liwanag nin kaagahan nag-abot samuyang nahiling na an mga Lamanita paabot naman samuya, asin kami nagdurulag sa atubangan ninda.

42 Pero ini nangyaring naglipas na sinda dae na nagralamag samuya sa harayo bago pa man sinda nagpurundo; asin ini kaidto kaagahan kan ikatulong aldaw kan ikapitong

An Simbahan ni Jesukristo nin Mga Banal sa Huring-aldaw

423

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

bulan.

43 Asin ngonian, kun baya sinda nakg-arabutan na ni Antipus kami daeng pagkaaram, pero ako nagsabi sa sakuyang mga tauhan: Hilnga, dae ta aram pero sinda nagpurundo para sa katuyuhan na kita iyo dapat an maglusob kontra sinda, na tanging sinda kitang magkadarakop kan saindang lit-ag;

44 Kun kaya ano an saindong masasabi, mga ake ko, malusob daw kamo kontra sinda sa pakigiya?

45 Asin ngonian ako nagsasabi saimo, sakuyang namumutan tugang Moroni, na dae pa ako nakahiling nin dakulaon na kaisogan, dae pa, dae sa pag-iriba kan gabos na mga Nephita.

46 Nin huli ta sako pinag-apud sindang mga ake ko (nin huli ta sinda gabos mga akionon pa) maski kaini sinda nagsarabi sakuya: Ama, hilnga an satuyang Diyos yaon satuya, asin siya dae matugot na kami magkahurulog; kaya tuguti kaming maglusob; dae nyamo gagaradanon an samuyang katugangan kun sinda kaming pabayaon; kun kaya tuguti kaming maglusob, baka baya saindang madaog an armada ni Antipus.

47 Ngonian sinda dae pa nakipaglaban, pero dae sinda natatakot sa kagadanan; asin sinda nag-isip na labi sa kaligtasan kan saindang mga ama kesa sa saindang mga sadireng buhay; iyo, sinda pinagtukdoan kan saindang mga ina, na kun sinda dae magdududa, Diyos an magliligtas sinda.

48 Asin saindang pinadangog sakuya an mga tataramon kan saindang mga ina, na nagsasabi: Kami dae nagdududa na an samuyang mga ina nakaaram kaini.

49 Asin ini nangyaring naglipas na ako nagbalik na kaiba an sakuyang dos mil laban sa mga Lamanita na naglalamag samuya. Asin ngonian hilnga, an armada ni Antipus iyo an nakaabot sinda, asin sarong teriblang ralabanan an nagpoon.

50 An armada ni Antipus na paragal na, nin huli kan saindang halawig na pagmartsa sa halipoton na panahon, halos magkadaraog na kan mga kamot nin mga Lamanita; asin kun dae nagbalik na kaiba an sakong dos mill sinda na kuta nang nakamit an saindang katuyuhan.

51 Nin huli ta si Antipus nagadan sa espada, asin kadakul kan saiyang mga lider, nin huli kan saindang kapagalan, na dara kan saindang mabilison na pagmartsa--- kun kaya an mgat awo ni Antipus, na nagkakariribong na nin huli sa pagkakaradanan kan saindang mga lider, nagpoon na sa pagdurulang sa atubangan nin mga Lamanita.

52 Asin ini nangyaring naglipas na an mga Lamanita nakakua nin kusog boot, asin nagpoon sa paralamag sinda; asin kaya an mga Lamanita nagparalamag sinda na may dakulang kahigasan kan si Heleman nag-abot sa saindang likud na kaiba an saiyang dos mil, asin nagpoon na manggadan sinda nin grabe, na kaya an bilog na armada kan mga Lamanita nagpurundo asin nagbaling kina Helaman.

53 Ngonian kan an mga tauhan ni Antipus nahiling na an mga Lamanita pinabayaon na sinda, sinda nagtiripon na magkasararo an saindang mga tauhan asin nag-arabot giraray sa may likudan kan mga Lamanita.

54 Asin ini nangyaring naglipas na kami, an mga katawohan nin Nephi, an mga katawohan ni Antipus, asin ako asin an sakong dos mil, naparilibutan nang gayo an mga Lamanita, asin ginaradan sinda; iyo, kaya sinda napiritan na burutasan an saindang mga armas panggiyera asin man an saindang mga sadire bilang mga prisonero nin giyera.

55 Asin ngonian ini nangyaring naglipas na kan sinda nagsuko kan saindaang mga sadire

An Simbahan ni Jesukristo nin Mga Banal sa Huring-aldaw

424

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

samuya, hilnga, ako nagbilang kaining mga hoben na mga tauhan na nakilaban na kaiba ko, natatakot na kadakul sinda an nagkagaradan.

56 Pero hilnga, sa sakong dakulang kaogmahan, dae nagkaigwa nin saroman lang na kalag na natumba sa daga; iyo, asin sinda nakilaban na garobaga may kusog nin Diyos; iyo, daeng mga tawong nabantog na nakilaban na igwang milagrosong kusog; asin sa arog kaining makusugon na kapangyarihan sinda nakilaban sa mga Lamanita, na kaya sinda nagkatarakot sinda; asin nin huli kaining dahilan kaya an mga Lamanita nagsuko kan saindang mga sadire bilang mga prisonero nin giyera.

57 Asin ta mayo kaming lugar para sa samuyang mga prisonero, na tanganing samuya sindang mababantayan na itago sa armada kan mga Lamanita, kun kaya samuya sindang ipinadara pasiring sa daga nin Zarahemla, asin an sarong parte kaidtong mga tauhan ni Antipus na dae nagkagaradan, kairiba ninda; asin an tada sakuyang kinua asin pina-iba sinda sa sakuyang horoben na mga Ammonita, asin nagmartsa kami pabalik sa siyudad nin Judea.

ALMA TSAPTER 57

Si Helaman nag-estorya manungod sa pagkakakua kan Antiparah asin an pagsuko asin sa bandang huri an pagdependa sa Cumeni--- An saiyang mga hoben na mga Ammonita nakilaban na may kaisogan asin an gabos nagkarulugadan, pero mayong nagadan--- Gid nagbareta sa pagkagaradan asin an pag-eskapo kan mga Lamanitang prisonero.

Asin ngonian ini nangyaring naglipas na ako nakaresibe nin surat hale ki Ammoron, an hade, nagsasabi na kun sakuyang isusuko idtong mga prisonero nin giyera na samuyang nagkadarakop saiyang isusuko an siyudad nin Antiparah samuya.

2 Pero ako nagpadara nin surat sa hade, na kami seguridad na an samuyang armada maninigo para makua nyamo an siyudad nin Antiparah sa paagi kan samuyang puwersa; asin sa paagi kan pagsuko sa mga prisonero para sa siyudad na idto samuyang naisipan na bakong kadunungan, asin na samuyang isusuko lang an samuyang mga prisonero bilang karibay;

3 Asin si Ammoron nagsayuma kan sakong surat, nin huli ta habo niyang makiribayan nin mga prisonero; kun kaya kami nagpoon sa pag-andam nin mga preparasyon sa pag-atake kontra sa siyudad nin Antiparah.

4 Pero an mga katawohan nin Antiparah nagharale sa siyudad, asin nagdurulag pasiring sa iba nindang mga siyudad, na saindang kinakaputan, tanganing pakusugon sinda; asin kaya an siyudad nahulog sa samuyang mga kamot.

5 Asin kaya natapos an ika-beynte asin walong taon kan pagpapamahala nin mga huwes.

6 Asin ini nangyari na sa pagpoon kan ika-beynte asin siyam na taon, kami nakaresibe nin panustos na mga kakanon, asin man kadagdagan kan samong armada, na hale sa kadagaan nin Zarahemla, asin hale sa mga kadagaan sa palibot, na may bilang na sais mil na mga tauhan, laen pa dyan saisyenta kan mga kaarakian nin mga Ammonita nag-arobot para makibale sa saindang mga katugangan, na iyo ngani an sakong sadit na hukbo na dos

An Simbahan ni Jesukristo nin Mga Banal sa Huring-aldaw

425

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mil. Asin ngonian hilnga, kami nagin makusog, iyo, asin kami igwa nin kadakul na kakanon na dara-dara nyamo.

7 Asin ini nangyaring naglipas na pinagmawot mi na makigiyera kontra sa armada na nakakaag tanganing protektahan an siyudad nin Cumeni.

8 Asin ngonian hilnga, sakong ipapahiling saimo na sa madaling panahon mauutob mi an samuyang minamawot; iyo, sa paagi kan samong makusog na puwersa, o sa paagi kan sarong sanang parte kan samong puwersa, samuyang pinalibutan, sa pagkabanggi, an siyudad nin Cumeni, sa dikit na panahon bago pa man sinda makakaresibe nin panustos na mga kakanon.

9 Asin ini nangyaring naglipas na kami nagkampo sa palibot nin siyudad sa kadakul na mga banggi; pero kami natuturog na kataning an samuyang mga espada, asin nagbabantay, na baya an mga Lamanita dae makadulok samuya sa paagi nin banggi asin garadanon kami, na sainda nganing pinagprubaran sa kadakul na beses; pero sa kadakul na beses na sinda nagprubarsa bagay na ini an saindang dugo an nagbubulos.

10 Sa kahaluyan an saindang mga kakanon nag-abot asin kuta na nagpoon na maglaog sa siyudad sa paagi nin banggi. Asin kami, nagpanggap na mga Lamanita embes na Nephita; kun kaya, samuya sindang dinarakop asin an saindang mga darang kakanon.

11 Asin maski na ngani na an mga Lamanita naputulanan kan saindang suporta sa arog kaining paagi, sinda determinadong pa mang gayo na imantine an siyudad; kun kaya ini nagin kapakinabangan na samuyang kuahon an mga kakanon asin ipadara sinda sa Judea, asin an samuyang mga prisonero pasiring sa kadagaan nin Zarahemal.

12 Asin ini nangyaring naglipas na nag-agi an kadakul na mga aldaw bago pa man an mga Lamanita nagpoon na mawaraan nin gabos na paglaom na magsuko; kun kaya sindang isinuko an siyudad sa samuyang mga kamot; asin kaya samuyang naabot an samuyang mga plano kun paano kuahon an siyudad nin Cumeni.

13 Pero ini nangyaring naglipas na an samuyang mga prisonero grabe kadakula an bilang na, na maski na ngani sa kadakulaon kan samong bilang, kami na-obliga na gamiton an bilog ming puwersa na mabantayan sinda, o samuya sindang garadanon.

14 Nin huli ta hilnga, sinda minaprubar na mag-eskapo na may dakulang bilang asin nakikilaban sa paagi nin mga gapo, asin mga pamukpok, o anuman na bagay na saindang makakaputan kan saindang mga kamot, na tanganing magadan mi an dos mil sainda pagkatapos na sinda nagsuko kan saindang mga sadire bilang mga prisonero nin giyera.

15 Kun kaya ini nagin kapakinabangan para samuya, na samuyang tapuson an saindang mga buhay, o bantayan sinda, an espada nasa kamot, pababa sa kadagaan nin Zarahemla; asin man an samuyang mga kakanon bako nang gayo makaigo para sa samuyang sadireng mga katawohan, maski na ngani na igwa pa kaming nag kakurua hale sa mga Lamanita.

16 Asin ngonian, sa arog kaining mga kritikal na mga sirkumstansiya, ini nagin sarong seryosong gayong bagay na pag-aatid-atidon mapanungod kaining mga prisonero nin giyera; daeng pagkukulang, samuyang pinagresolbaran na ipadara sinda pababa sa kadagaan nin Zarahemla; kun kaya kami nagpili nin sarong parte kan samuyang mga tauhan, asin itinao sainda an pagpapamahala sa samuyang mga prisonero sa pagdara sainda pasiring sa kadagaan nin Zarahemla.

17 Pero ini nangyaring naglipas na kinaagahan sinda nagbaralik. Asin ngonian hilnga, kame de naghapot sainda mapanungod sa mga prisonero; nin huli ta hilnga, an mga Lamanita pa-atake na samuya, asin sinda nagbaralik sa panahon tanganing ilitas kami sa

pagkahulog sa saindang mga kamot. Nin huli ta hilnga, si Ammoron nagpadara para sa suporta sarong bag-ong panustos na mga kakanon asin man kadakul na bilang na armadong mga tauhan.

18 Asin ini nangyaring naglipas na idtong mga tauhan na samuyang pinahatod kan mga prisonero nag-arabot sa panahon tanganing makilaban sainda, habang sinda haros manggagana na kontra samuya.

19 Pero hilnga, an sakuyang sadit na grupo na dos mil asin saisenta nakilaban sa pinakagrabeng punto nin kaluyahan; iyo, sinda nagin matatag sa pakilabanan sa mga Lamanita, asin nagmaneho nin kagadanan sa gabos na nakilaban sainda.

20 Asin habang an katadaan kan samuyang armada haros magsuko na sa mga Lamanita, hilnga, idtong dos mil asin saisenta pusog asin daeng pagkatakot.

21 Iyo, asin sinda nagsunod asin naghimo na magibo an lambang tataramon nin sugo na may paka-eksakto; iyo, asin uyon sa saindang pagtubod ini nangyari sa sainda; asin ako nakagiromdom kan mga tataramon na saindang sinabi sakuya na an saidang mga ina iyo an nagtukdo sainda.

22 Asin ngonian hilnga, iyo ining mga ake ko, asin idtong mga tauhan na pinili sa paghatod kan mga prisonero, sainda satuyang nasubli an kapangganahan na ini; p nin sinda sinda iyo an nakadaog sa mga Lamanita; kun kaya sinda naitulak pabalik sa siyudad nin Manti.

23 Asin samuyang retenido an satuyang siyudad na Cumeni, asin dae gabos nadestroso sa paagi nin espada; daeng pagkukulang, kami nagsapo nin dakulang kawaraan.

24 Asin ini nangyaring naglipas na pagkatapos an mga Lamanita nagdurulag, ako tulos-tulos nagsugo na an sakuyang mga tauhan na nagkarulugadan dapat na kuruhaon gikan sa pagkahalo sa mga gadan, asin gibohon na an saindang mga lugad magkaburulongan.

25 Asin ini nangyaring naglipas na igwa nin duwang gatos, gikan sa dos mil asin saisenta, na pinaruluyahan nin huli sa kawaraan nin dugo; daeng pagkukulang, uyon sa karahayan nin Diyos, asin sa samuyang dakulang kangalasan, asin man sa kaogmahan kan satuyang bilog na armada, mayo ni sarong kalag sainda an nagadan; iyo, asin ni saro saindang kalag sa pag-iriba ninda na bakong dakol an naresibeng kadakul na mga lugad.

26 Asin ngonian, an saindang preserbasyon sarong makangangalas sa satuyang bilog na armada, iyo, na sinda magkariligtas habang igwa nin rinibong katugangan nyato an nagkagaradan. Asin samuya ining pinag-atid-atid bilang resulta kan milagrosong kapangyarihan nin Diyos, nin huli kan saindang makusugon na pagtubod kun saen sinda natukdoan na maniwala--- na igwa nin sarong hustong Diyos, asin an siisay man na dae magduda, na sinda maipreserba sa paagi kan saiyang makangangalas na kapangyarihan.

27 Ngonian iyo ini an pagtubod ninda na sakuyang pinagsasabi; sinda mga hoben pa sana, asin an saindang mga isip pusog, asin saindang padagos na ibinubugtak an tiwala sa Diyos.

28 Asin ngonian ini nangyaring naglipas na pagkatapos na mapakarhay nyano an mga nalugadang mga tauhan, asin nailubong na an samuyang mga gadan asin man an gadan na mga Lamanita, na kadakulon, hilnga, samuyang pinaghapot si Gid manungod sa mga prisonero na saindang pinaghatod pasiring sa kadagaan nin Zarahemla.

29 Ngonian si Gid iyo an pinakapamayo kan grupo na pinangngaranan tanganing magbantay sainda pasiring sa kadagaan.

30 Asin ngonian, iyo ini an mga tataramon na sinabi ni Gid sakuya: Hilnga, kami

nagpoon na maglakbay pasiring sa kadagaan nin Zarahemla kairiba an satuyang mga prisonero. Asin ini nangyaring naglipas na samuyang nasabatan an mga espiya kan satuyang armada, na ipinadara sa luwas tanganing magmasid sa kampo kan mga Lamanita.

31 Asin sinda nagkurahaw samuya na nagsasabi--- Hilnga, an armada kan mga Lamanita nagmamartsa pasiring sa siyudad nin Cumeni; asin hilnga, sinda ma-atake sainda, iyo, asin saindang dedestrosohon an satuyang mga katawohan.

32 Asin ini nangyaring naglipas na an samuyang mga prisonero nadangog an saindang mga kinurahaw, na nagkausa sainda na magkurusog an boot; asin sinda naggad nag-alsa sa pagrebelde kontra samuya.

33 Asin ini nangyaring naglipas na nin huli kan saindang parerebelde na samuyang pinagyayri na an samuyang mga espada mag-abot sa sainda. Asin ini nangyaring naglipas na sinda nagdaralagan na sarong hawak pasiring sa samuyang mga espada, kaya, dakulang numero sainda an nagkagaradan; asin an natada sainda nakalusot asin nagdurulag samuya.

34 Asin hilnga, kan sinda nakadulag na asin dae mi na magka-arabutan sinda, kami nagmartsa nin hidali pasiring sa siyudad nin Cumeni; asin hilnga, kami nag-abot sa oras na kami nakatabang sa samuyang mga katugangan sa pagpreserba kan siyudad.

35 Asin hilnga, kami giraray nakaligtas paluwas sa mga kamot kan samuyang mga kalaban. Asin bendisyunan man lugod an pangaran nin samuyang Diyos; nin huli ta hilnga, siya iyo an nagligtas samuya; iyo, siya an naggibo kaining dakulang bagay para samuya.

36 Ngonian ini nangyaring naglipas na kan ako, si Helaman, nakadangog kaining mga tataramon ni Gid, ako napano nin grabeng kaogmahan nin huli sa karahayan nin Diyos sa pagpreserba samuya, na kami dae gabos mapahamak; iyo, asin ako may tiwala na mga kalag ninda na nagkagaradan nagralaog duman sa kapahingaloan nin saindang Diyos.

ALMA TSAPTER 58

Si Helaman, Gid, and Teomner sinakop an siyudad nin Manti sa paagi nin sarong estratehiya--- An mga Lamanita nag-aratras--- An mga kaakiang lalake na katawohan ni Ammon napreserba habang sinda nagtindog na may kapusugan sa pagdependa kan saindang libertad asin pagtubod.

Asin hilnga, ngonian ini nangyaring naglipas na an samuyang sunod na obhetibo iyo na masakop an siyudad nin Manti; pero hilnga, mayong paagi na samuya sindang mapahale paluwas sa siyudad sa paagi kan samuyang sadit na pag-iriba. Nin huli ta hilnga, sinda nakagiromdom kun ano baya an samuyang nagkaginibohan kaidto; kun kaya dae mi sinda madaya-daya gikan sa saindang mga pinagkukutaan.

2 Asin sinda mas grabe kadakul kesa samuyang armada na tanganing kami dae naggad puwedeng magduman asin mag-atake sainda sa saindang mga pinagkukutaan.

3 Iyo, asin ini naging kapakinabangan na samuyang pagdanayon an samong mga tauhan

An Simbahan ni Jesukristo nin Mga Banal sa Huring-aldaw

428

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na mai-mantine na sana idtong mga parte nin kadagaan na samuyang nabawing mga pagsasadire; kun kaya ini nagin kapakinabangan na kami dapat na maghalat, hanggan sa kami makaresibe pa nin kadagdagang kusog na gikan sa kadagaan nin Zarahemla asin man sarong bag-ong suplay na mga pagkakan.

4 Asin ini nangyaring naglipas na ako nagpadara nin sarong grupo nin embahador pasiring sa gobernador nin samuyang kadagaan, tanganing ipaaram saiya an manungod sa mga pangyayari kan samuyang mga katawohan. Asin ini nangyaring naglipas na kami nagharalat nin samuyang pagkakan asin kusog gikan sa kadagaan nin Zarahemla.

5 Pero hilnga, ini nakaganar samuya nin kadikit sana; nin huli ta an mga Lamanita nagreresibe man nin dakulang kusog sa aro-aldaw, asin man kadakul na pagkakan; asin iyo ini an samuyang kamugtakan sa peryodong ini nin panahon.

6 Asin an mga Lamanita nagpapasali kontra samuya paminsan-minsan, nagpapahiling nin sarong estratehiya sa pagdestroso samuya; daeng pagkukulang na kami dae naggad makakadulok sa pakikilaban sainda, nin huli kan saindang mga pag-atras asin kan saindang mga pinagkukutaan.

7 Asin ini nangyaring naglipas na kami naghalat sa arog kaining kadepesilan na mga sirkumstansiya sa laog nin kadakul na mga bulan, magin hanggan sa kami harani nang magkagaradan nin huli sa pangangaipo nin kakanon.

8 Pero ini nangyaring naglipas na kami nakaresibe nin pagkakan, na pinagbantayan para samuya nin sarong armada nin dos mil na tawo para sa samuyang katabangan; asin iyo sana ini gabos na tabang na samuyang naresibe, tanganing i-depensa an samuyang mga sadire asin an samuyang banwaan kontra sa pagkahulog pasiring sa mga kamot kan samuyang mga kalaban, iyo, tanganing makilaban sa mga kalaban na dae haros mabilang.

9 Asin ngonian kun ano an dahilan kaining samuyang mga kasupganan, o dahilan kun tadaw ta dae sinda nagpadara nin kadagdagang kusog samuya, dae mi aram; kun kaya kami nagmundo asin napano nin pagkatakot, na baka sa anuman na paagi an paghuhukom nin Diyos puwedeng mag-abot sa samuyang kadagaan, pasiring sa samuyang kadaogan asin dagos na kapahamakan.

10 Kun kaya kami nagpati-anod kan samuyang mga kalag sa pagpapangadye sa Diyos, na saiyang pakusugon kami asin iligtas kami paluwas sa mga kamot kan samuyang mga kalaban, iyo, asin man itao samuya an kusog na tanganing samuyang mai-retine an samuyang mga siyudad, asin an samuyang mga kadagaan, asin an samuyang mga pagsasadire, para sa suporta kan samuyang mga katawohan!

11 Iyo, asin ini nangyaring naglipas na an Kagurangnan na samuyang Diyos nagbisita samuya na igwa nin kaseguruhan na saiya kaming ililigtas, iyo, sa arog kaini siya nagtaram nin katuninongan sa samuyang mga kalag, asin nagtao samuya nin dakulang pagtubod, asin nagkausa samuya na kami dapat na maglaom para sa samuyang kaligtasan saiya.

12 Asin kami naggad nagkaigwa nin kusog-boot kaiba an sadit na puwersa na samuyang naresibe, asin nagkaigwa nin sarong determinasyon na daogon an samuyang mga kadagaan, asin an samuyang mga pagsasadire, asin an samuyang mga agom, asin an samuyang mga kaakian, asin an kausa kan samuyang libertad.

13 Asin kaya kami nagpadagos sa bilog ming kusog kontra sa mga Lamanita, na yaon sa laog kan siyudad nin Manti; asin kami nagturgdok kan samuyang mga tolda sa may parteng kakadlagan, na harani sa siyudad.

14 Asin ini nangyaring naglipas na sa kinaagahan, kan an mga Lamanita nahiling na kami yaon na sa mga kasagkoran sa may kakadlagan na harani sa siyudad, sinda nagpdara nin mga espiya sa may palibot mi na tanganing madiskubre an numero asin kusog kan samuyang armada.

15 Asin ini nangyaring naglipas na kan saindang nahiling na bako kaming makusog, uyon sa samuyang mga bilang, asin sa pagkatakot na samuya sindang purutlan kan saindang suporta laen lang kun sinda magluwas asin makilaban samuya asin garadanon kami, asin man sa paghuhuna na kaya kami nindang daogon sa paagi kan dakulaon na bilang nin mga hukbo, kun kaya sinda nagpoon na maggibo nin mga preparasyon sa pagluwas kontra samuya sa pakikipaglaban.

16 Asin kan samuya sindang nahiling na naghihimo nin mga preparasyon tanganing magluwas kontra samuya, hilnga, ako nagsugo ki Gid, kaiba an sadit na numero nin mga tawo, na magsuhay kan saiyang sadire paduman sa kakadlagan, asin man si Teomner asin sarong sadit na numero nin mga tawo na magsuhay man kan saindang mga sadire pasiring sa kakadlagan.

17 Ngonian si Gid asin an saiyang mga tauhan yaon sa may tuo asin an iba sa may wala; asin kan sinda nang maisuhay an saindang mga sadire, hilnga, ako nagpawalat, kaiba an katadaan kan sakuyang armada, sa kaparehong lugar kun saen samuyang itinugdok an samuyang mga tolda hanggan sa panahon na an mga Lamanita mag-arabot sa pakikipaglaban.

18 Asin ini nangyaring naglipas na an mga Lamanita nag-aarabot kaiba an saindang dakulon na numerong armada kontra samuya. Asin kan sinda nag-abot asin magpoon na kuta nang mag-atake samuya sa paagi nin espada, ako nagsugo sa sakuyang mga tauhan, na pag-iriba ko, kaipuhan na mag-atras pasiring sa kakadlagan.

19 Asin ini nangyaring naglipas na an mga Lamanita nagsurunod samuya nin grabeng paghidali, nin huli ta sinda grabeng gayo an kamawotan na arabuton kami na tanganing garadanon kami; kun kaya sinda naggad nagsurunod samuya pasiring sa kakadlagan; asin kami naggad nag-agi sa tahaw ninda Gid asin Tomner, habang sinda dae man nadiskubre kan mga Lamanita.

20 Asin ini nangyaring naglipas na kan an mga Lamanita nag-aaragi, o kan an armada nag-agi, si Gid ason Teomner nagruluwas gikan sa saindang sikretong pingtaraguan, asin pinaggaradan an mga espiya kan mga Lamanita na tanganing sinda dae na makakabalik pa sa siyudad.

21 Asin ini nangyaring naglipas na kan saindang ginaradan sinda, sinda nagdurulag pasiring sa siyudad asin nagkahurulog sa mga guwardiya na nagkawaralat tanganing magbantay sa siyudad, na tanganing sinda nadestroso ninda asin nasakop an siyudad.

22 Ngonian ini nangyari nin huli ta an mga Lamanita nagtugot na an bilog nindang armada, puwera lang sa nagkapirang mga guwardiya sana, mapalaog pasiring sa kakadlagan.

23 Asin ini nangyaring naglipas na sinda Gid asin Teomner sa arog kaining paagi nakua an saindang mga pinagkakukutaan. Asin ini nangyaring naglipas na samuyang pinagpadagos an samuyang katuyuhan, pagkatapos kan samuyang pagbiyaheng gayo sa kakadlagan paisring sa kadagaan nin Zarahemla.

24 Asin kan an mga Lamanita nakahiling na sinda nagmamartsa pasiring sa kadagaan nin Zarahemla, sinda nagkatarakot na gayo, na baka nagkaigwa nin sarong plano para sa

kapahamakan ninda; kun kaya sinda nagpoon sa pag-atras pasiring sa kakadlagan giraray; iyo, magin pabalik sa dati nindang pinaggikanan.

25 Asin hilnga, banggi kaidto asin saindang pinagtugdok an saindang mga tolda, nin huli ta an mga pinakapamayong mga kapitan kan mga Lamanita naghuna na an mga Nephita nagkaparagal nin huli kan saindang pagmartsa; asin pinaghuhuna-huna na sainda nang napa-atras an bilog na armada kun kaya sinda dae nakapag-isip mapanungod sa siyudad nin Manti.

26 Ngonian ini nangyaring naglipas na kan bangging idto, ako nagsugo na an sakuyang mga tauhan dae magturog, pero sinda dapat na magmartsa pa-abante sa paagi nin ibang dalan pasiring sa kadagaan nin Manti.

27 Asin nin huli kaining pagmartsa nyano sa kinabanggihan, hilnga, sa kinaagahan kami nakalampas na sa mga Lamanita, na tanganing kami nakaabot na bago sinda sa siyudad nin Manti.

28 Asin kaya ini nangyaring naglipas, na sa paagi kaining estratehiya samuyang nasakop an siyudad nin Manti na mayong paturo nin dugo.

29 Asin ini nangyaring naglipas na kan an mga armada kan mga Lamanita nag-arobot harani sa siyudad, asin nahiling na preparado kami sa pagsabat sainda, sinda grabeng gayo an kangalasan asin inarabutan nin dakulang pagkatakot, na tanganing sinda nagdurulag pasiring sa kakadlagan.

30 Iyo, asin ini nangyaring naglipas na an mga armada kan mga Lamanita nagkapururak sa bilog na parte kaining kadagaan. Pero hilnga, sinda nakabihag kairiba ninda nin kadakul na mga kababaehan asin kaarakian paluwas sa kadagaan.

31 Asin idtong mga siyudad na nagkasarakop kan mga Lamanita, an gabos sainda sa panahon na ini samuyang nagkabarawi; asin an samuyang mga ama asin an samuyang mga kababaehan asin an samuyang mga kaarakian nakabaralik na sa saindang mga pinag-eerokan, gabos laen lang sainda na nagkabirihag na nagin mga prisonero asin nagkadarara kan mga Lamanita.

32 Pero hilnga, an samuyang mga armada saradit sana para mantineron an grabe kadakulang numero nin mga siyudad asin grabe kadakulang mga pagsasadire.

33 Pero hilnga, kami nagtiwala sa samuyang Diyos na iyo an nagtao samuya nin kapangganahan sa bilog na kadagaan, na tanganing samuyang mabawi idtong mga siyudad asin idtong mga kadagaan, na samuyang mga pagsadire.

34 Ngonian kami daeng pagkaaram sa kausa na an gobyerno dae nagtao samuya nin kadagdagan na kusog; ni an mga tauhan na nag-abot samuya nakaaram kun tadaw ta dae pa nyamo naresibe an kadagdagang kusog.

35 Hilnga, kami daeng pagkaaram kun ano ta dae ka nakapagdara, asin saimong pinarayo an mga puwersa pasiring sa parteng idto nin kadagaan; kun siring man, kami daeng pagmawot na maggurumod-gumod.

36 Asin kun ini bako man, hilnga, kami natatakot na magkaigwa nin pagkakabaranga sa laog nin gobyerno, na tanganing sinda dae nakapagpadara nin dagdag na mga tauhan sa pagtabang samuya; nin huli ta samuyang aram na sinda mas dakul an bilang kesa sa saindang ipinadara.

37 Pero, hilnga, ini bagay na mayo--- kami nagtiwala na an Diyos iyo an magligtas samuya, maski na ngani na maluya an samuyang armada, iyo, asin nagligtas samuya paluwas sa mga kamot kan samuyang mga kalaban.

38 Hilnga, ini iyo an ika-beynte asin siyam na taon, sa ikahuring tapos, asin samuyang sinasadire an samuyang mga kadagaan; asin an mga Lamanita nagdurulag gikan sa kadagaan nin Nephi.

39 Asin idtong mga akeng lalake nin mga katawohan nin Ammon, na sakuyang orgulyong pinagsasabi, iyo an kairiba ko sa siyudad kan Manti; asin an Kagurangnan iyo an nagsusuporta sainda, iyo, asin iyo an nagbabantay sainda na dae mapahamak sa paagi nin espada, na tanganing mayo ni sarong sa saindang kalag an nagadan.

40 Pero hilnga, sinda nakaresibe nin kadakul na mga lugad; daeng pagkukulang sinda pusog na naninindugan sa libertad kun saen an Diyos iyo an naghimo sainda na magin libre; asin sinda estriktong naggigiromdom sa Kagurangnan saindang Diyos sa aro-aldaw; iyo, sinda padagos naghihimong magsunod sa saiyang mga kasugoan, asin kan saiyang mga paghuhukom, asin sa saiyang mga katugonan; asin an saindang pagtubod makusog sa mga propesiya manungod sa mga bagay na maabot.

41 Asin ngonian, sakong namumutan na tugang, Moroni, lugod an Kagurangnan satuyang Diyos, na iyo an nagbalukat samuya asin naghimo samuya na libre; padagos na magbabantay saimo sa saiyang presensiya; iyo, asin lugod saiyang taw-an pabor an mga katawohang ini, magin sagkod na itao niya saimo an kapangganahan sa pagkamit kan gabos na mga pagsasadire na an mga Lamanita iyo an nang-agaw gikan satuya, na para ngani sa satuyang suporta. Asin ngonian, hilnga, sakong isasara na an sakuyang surat. Ako si Helaman, an ake ni Alma.

ALMA TSAPTER 59

Si Moroni naghagad ki Pahoran na pakusugon an mga puwersa ni Helaman--- An mga Lamanita inagaw an siyudad nin Nephihah--- Si Moroni naanggot sa gobyerno.

Ngonian ini nangyaring naglipas na sa ika-treyntang taon sa pagpapamahala kan mga huwes sa mga katawohan nin Nephi, pagkatapos na si Moroni maresibe asin nabasa an surat ni Helaman, siya nag-ogmang gayo nin huli sa ligtas na kamugtakan, iyo, an grabeng kaganahan na ginibo ni Helaman, sa pagbawi kaidtong mga kadagaan na nagkawarara na.

2 Iyo, asin saiya ining ipinaaram sa gabos na mga katawohan, sa gabos na kadagaan na nakapalibot kun saen siya naggikan, na tanganing sinda man mag-orogma.

3 Asin ini nangyaring naglipas na siya tulos-tulos nagpadara nin surat ki Pahoran, nagmamawot na siya magsugo na magtipon nin mga tawong magkasararo tanganing pakusugon si Helaman, o an armada ni Helaman, na tanganing sayon nyang mamantine an parteng idto nin kadagaan na milagrong saiyang prosperadong nabawi.

4 Asin ini nangyaring naglipas na kan si Moroni nakapagpadara na kan surat na ini pasiring sa kadagaan nin Zarahemla, siya nagpoon giraray sa paggibo nin sarong plano na puwede niyang makua an katadaan pa kaidtong mga pagsasadire asin mga siyudad na an mga Lamanita iyo an nang-agaw gikan sainda.

5 Asin ini nangyaring naglipas na habang si Moroni naghihimo nin mga pag-andam para

An Simbahan ni Jesukristo nin Mga Banal sa Huring-aldaw

432

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sa pakilaban kontra sa mga Lamanita, hilnga, an mga katawohan nin Nephiah, na pinagtiripon na magkasararo hale sa siyudad nin Moroni asin siyudad nin Lehi asin sa siyudad nin Morianton, na pinag-aratake kan mga Lamanita.

6 Iyo, magin sinda na napiritan magdurulag gikan sa kadagaan nin manti, asin gikan sa mga kadagaan sa palibot, nag-arabot asin nakibale sa mga Lamanita sa parteng ini nin kadagaan.

7 Asin kaya sa grabeng gayo an bilang, iyo, asin nagresibe nin kusog sa aro-aldaw, sa paagi nin kasugoan ni Ammoron sinda nag-arabot sa paki-atubang kontra sa mga katawohan nin Nephiah, asin sinda nagpoon sa panggaradan sinda na may grabeng gayo kadakulang panggagadan.

8 Asin an saindang armada grabeng gayo an bilang na tanganing an katadaan kan mga katawohan nin Nephiah na-obligang magdurulag gikan sa atubangan ninda; asin sinda nag-abot asin nakibale sa armada ni Moroni.

9 Asin ngonian habang si Moroni naghuna na magkakaigwa nin mga tawo na ipinadara pasiring sa siyudad nin Nephiah, sa pakipagtabangan kan mga katawohan na imantine an siyudad, asin nakakaaram na mas masayon an pagbantay kan siyudad kontra sa pagkahulog sa mga kamot nin mga Lamanita kesa sa pagbawi kaini gikan sinda, siya naghuna na kaya nindang imantine an siyudad na idto.

10 Kun kaya saiyang pinagretine an gabos niyang puwersa tanganing imantine idtong mga lugar na saiya nang nabawi.

11 Asin ngonian, kan si Moroni nahiling na an siyudad nin Nephiah nadaog siya napanong gayo nin pagkamundo, asin nagpoon sa pagdududa, nin huli sa karaotan kan mga katawohan, kumbaga sinda dae dapat na mahulog sa mga kamot kan saindang mga katugangan.

12 Ngonian iyo ini an kaso kan gabos niyang pinakapamayong mga kapitan. Sinda nagdududa na asin nagngangalas man nin huli ta sa karaotan kan mga katawohan, asin ini nin huli sa kapangganahan kan mga Lamanita sa sinda.

13 Asin ini nangyaring naglipas na si Moroni naanggot sa gobyerno, nin huli kan saindang kapabayaang manungod sa kalayaan kan saindang nasyon.

ALMA TSAPTER 60

Si Moroni nagreklamo ki Pahoran sa kapabayaang kan gobyerno sa mga armada--- An Kagurangnan nagtugot na mga matatanos magkakagaradan--- An mga Nephita kaipuhan na gamiton an gabos nindang kapangyarihan asin mga paagi tanganing iligtas ninda an saindang mga sadire laban sa saindang mga kalaban--- Si Moroni nagbanta na makilaban kontra sa gobyerno laen lang kun may tabang na ipapadara sa saiyang armada.

Asin ini nangyaring naglipas na siya nagsurat giraray sa gobernador nin kadagaan, na iyo si Pahoran, asin iyo ini an saiyang mga tataramon na saiyang sinurat, na nagsasabi: Hilnga, sakong ipinapanungod an surat ko ki Pahoran, sa siyudad nin Zarahemla, na iyo

An Simbahan ni Jesukristo nin Mga Banal sa Huring-aldaw 433
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an pinakapamayong huwes asin an gobernador kan bilog na kadagaan, asin man sa gabos na pinili kaining mga katawohan na iyo an magpalakaw asin magmaneho sa mga bagay kaining giyera.

2 Nin huli ta hilnga, ako igwa nin mga bagay na masasabi sainda sa paagi nin kondensasyon; nin huli ta hilnga, kamo mismo sa sadire nindo nakakaaram na kamo pinagngaranan tanganing tiriponon na magkasararo an mga tawo, asin armas sinda nin mga espada, asin nin mga panusok, asin nin gabos na manera nin mga armas panggiyera sa lambang klase, asin ipadara sa pakipaglabanan sa mga Lamanita, sa arin na parte na sinda mag-atake sa satuyang kadagaan.

3 Asin ngonian hilnga, ako nagsasabi sa saindo kan sakuyang sadire, asin man kan sakong mga tauhan, asin man ki Helaman asin an saiyang mga tawo, na nagsapo nin grabeng gayong mga kasakitan; iyo, magin kagutuman, kapahaan, asin kapagalan, asin gabos na manera nin kakulugan sa lambang klase.

4 Pero hilnga, maski na iyo ini an gabos nyamong sinapo kami dae naggugurumod-gumod ni magreklamo.

5 Pero hilnga, dakulang gayo an ikinapahamak kan satuyang mga katawohan, iyo, rinibo an nagkahurulog sa paagi nin espada, na bako man kuta na ini iyo an mangyayari kun kamo nagpadara sa satuyang mga armada nin maninigong kusog asin pakidumamay para sainda. Iyo, dakulang gayo an saindong kapabayaon sa samuya.

6 Asin ngonian hilnga, kami namamawot na maaraman an kausa kaining dakulaon na gayong kapabayaon; iyo, kami nagmamawot na maaraman an kausa kan saindong daeng isip na estado.

7 Nakakaisip daw kamo na magtukaw sana sa saindong mga trono na yaon sa estado nin daeng isip na pagkamangno, habang an saindong mga kalaban nagkakalat nin gibo nin kagadanan sa saindong palibot? Iyo, habang sinda nanggagaradanan nin rinibo kan saindong mga katugangan---

8 Iyo, magin sinda na nag-aasa saindo nin proteksiyon, iyo, na iyo an nagbugtak saindo sa sarong sitwasyon na tanganing kamo makidumamay sainda, iyo, kamo kuta nakapagpadara nin mga armada sa sainda, tanganing pakusugon sinda, asin nakapagligtas kuta na nin rinibo sainda gikan sa pagkahulog sa paagi nin espada.

9 Pero hilnga, bako lang ini gabos--- saindong pinagkait an saindong mga pagkakan sainda, na kadakul an nakilaban asin pinaduguan an saindang mga buhay nin huli kan saindang dakulang kamawotan na saindang pinagdulot para sa karahayan kaining mga katawohan; iyo, asin ini saindang ginibo habang sinda haros magagadan na sa kagutuman, nin huli kan saindong dakulaon na gayong kapabayaon sa sainda.

10 Asin ngonian, sakuyang namumutan na mga katugangan--- nin huli ta kamo dapat na kamumutan; iyo, asin kamo kuta na dapat pinahiro kan saindong mga sadire na may grabeng kahigosaan para sa karahayan asin sa kalayaan kaining mga katawohan; pero hilnga, saindong pinabayaon sinda na tanganing an dugo nin mga rinibo an mag-aabot sa saindong mga payo para sa pagbalos; iyo, nin huli ta naaraman nin Diyos an gabos nindang kinurahaw, asin gabos nindang kasakitan---

11 Hilnga, pinaghuhuna daw nindo na komo kamo nagtutukaw sa saindong mga trono, asin nin huli sa sobrang karahayan nin Diyos kamo mayong magiginibohan asin kamo ililigtas niya? Hilnga, kun iyo ini an saindong pinaghuhuna kamo naghuhuna-huna sa mayong kamanungdanan.

12 Naghuhuna daw kamo na, nin huli ta kadakul kan saindong mga katugangan an nagkagaradan ini nin huli kan saindong mga karaotan? Ako nagsasabi sa saindo, kun iyo ini an saindong pinaghuhuna-huna kamo naghuhuna sa mayong kamanungdanan; nin huli ta ako nagsasabi saindo, igwa nin kadakul na nagkahurulog sa paagi nin espada; asin hilnga ini nangyari para sa saindong kondensasyon;

13 Nin huli ta an Kagurangnan nagtutugot na an mga matatanos magkagaradan na tanganing an saiyang hustisya asin paghuhukom mag-abot sa mga makasalanon; kun kaya kamo dae naggad maghuhuna-huna na an mga matatanos nagkawarara nin huli ta sinda nagkagaradan na; pero hilnga, sinda nagpaduman sa kapahingaloan nin Kagurangnan na saindang Diyos.

14 Asin ngonian hilnga, ako nagsasabi saindo, ako natatakot na gayo na an mga paghuhukom nin Diyos maabot sa mga katawohang ini, nin huli sa grabe nindang kahugakan, iyo, magin sa kahugakan kan satuyang gobyerno, asin kan saindangAsin ngonian hilnga, ako nagsasabi saindo, ako natatakot na gayo na an mga paghuhukom nin Diyos maabot sa mga katawohang ini, nin huli sa grabe nindang kahugakan, iyo, magin sa kahugakan kan satuyang gobyerno, asin kan saindang grabe kadakulang kapabayaan sa saindang mga katugangan, iyo, sa sainda na nagkagaradan na.

15 Nin huli ta kun bako sa karaotan na enot na minapoon sa satuyang payo, satuya kuta nang napaglabanan an satuyang mga kalaban na tanganing sinda daeng ganahan nin kapangyarihan na mangingibabaw satuya.

16 Iyo, kun bako lang para sa giyera na nagpoon sa satuyang mga sadire; iyo, kun bako lang sa mga tawong makihade, na iyo an nagkausa nin pagpapabulos nin dugo sa satuyang pag-iriba; iyo, sa panahon na kita nag-iiriwal-iwal kontra sa satuyang mga sadire, kun kita nagkasararo kan satuyang kusog na arog kaidtong ginibo ta; iyo, kun bako nin huli sa pagmamawot nin kapangyaringhan asin autoridad na an mga tawong idto na makihade na kaidto nangibabaw satuya; kun sinda nagin totoo lang sa kausa kan satuyang mga kalayaan, asin nakisararo na kaiba ta, asin naki-atubang kontra sa satuyang kalaban, embes baga na mangaputan kan saindang espada kontra satuya, na iyo ngani an kausa nin grabeng pagkabulos nin dugo sa pag-iriba ta man sana; iyo, kun kita nakilaban kontra sa sainda na may kusog gikan sa Kagurangnan, satuya kuta nang pinapurak an satuyang mga kalaban, nin huli ta iyo kuta na ini an nagibo, na uyon sa pag-uutob kan saiyang mga tataramon.

17 Pero hilnga, ngonian an mga Lamanita palusob na satuya, mangunguhaan kan satuyang mga pagsasadireng mga kadagaan, asin sinda nanggagaradan kan satuyang mga katawohan sa paagi nin espada; iyo, kan satuyang mga kababaehan asin kan satuyanag mga kaarakian, asin man nakakadara kaiba ninda an mga bilog, na nagdudulot sainda na sinda masapo nin gabos na manera nin mga kasakitan, asin ini nin huli sa dakulaon na karaotan ninda na naghahanap nin kapangyarihan asin autoridad, iyo, magin sinda na mga tawong makihade.

18 Pero tadaw baya ta ako nagsasabing gayo manungod sa mga bagay na ini? Nin huli ta kami dae nakakaaram na baka kamo mismo sa mga sadire nindo naghahanap nin autoridad. Kami dae nakakaaram na baka kamo mismo man mga traydor sa saindang banwaan.

19 O bako daw na kamo nagpabaya samuya nin huli ta kamo yaon sa puso kan satuyang nasyon asin kamo napapalibutan nin mga guwardiya, na tanganing kamo dae nagsugo na

magpadara nin pagkakan sa samuya, asin man mga tawo tanganing ikadagdag kan satuyang mga armada? 20 Nakalingaw na daw kamo sa mga katugunan kan satuyang Kagurangnang Diyos? Iyo, nakalingaw na daw kamo sa pagkasakop kan satuyang mga ama? Nakalingaw na daw kamo na kadakul na beses kita pinagligtas paluwas sa mga kamot kan satuyang mga kaiwal?

21 O baya kamo naghuhuna na an Kagurangnan magliligtas man giraray satuya, habang kita nakatukaw sana sa satuyang mga trono asin dae ta hinihimong magamit an mga bagay na an Kagurangnan iyo an nagtao sa satuya?

22 Iyo, kamo daw magtutukaw habang kamo napapalibutan na nin rinibo sainda, iyo, asin sampulong mga rinibo, na nakaturukaw man na mayong ginigibo, habang igwang rinibontg nakapalibot sa mga kasagkoran kan kadagaan na nagkapurukan sa paagi nin espada, iyo, nagkarulugadan asin duruguan.

23 Kamo daw naghuhuna na an Diyos maghihiling saindo na mayong kasalanan habang kamo tisong nakatukaw asin nahihiling an mga bagay na ini? Hilnga ako nagsasabi sa saindo, Dae. Ngonian ako naghihimo na kamo lugod makagiromdom na an Dios nagsabi na an panlaog na kamumugtakan dapat na malinigan nin enot, asin iyo pa dapat na an panluwas na kamumugtakan dapat na malinigan man.

24 Asin ngonian, laen lang kun kamo magsosolsol sa mga bagay na saindong naginibohan, asin magpoon sa pagtindog asin paghiro, asin pagpadara nin mga kakanon asin dagdag na tawo samuya, asin man ki Helaman, na tanganing saiyang masuporthan idtong mga parte kan satuyang nasyon na saiya nang nabawi, asin tanganing samuya man na mabawi an katadaan kan satuyang mga pagsadire sa may parteng ini, hilnga ini kapakinabangan na kami dae na sama makilaban sa mga Lamanita, hanggan samuyang enot na malinigan and panlaog nyamong kamumugtakan, iyo, magin an pinakapamayo pa kan satuyang gobyerno.

25 Asin laen lang kun saimong ipagtugot an sakuyang surat, asin magluwas asin ipahiling sakuya an tunay na espiritu nin kalayaan, asin hingohaon na pakusugon asin dagdagan an satuyang armada, asin itao sainda an kakanon para sa saindang suporta, hilnga ako magwawalat nin sarong parte kan sakuyang mga libreng mga tawo tanganing imantine an parteng ini nin kadagaan, asin sakong iwawalat an kusog asin mga bendisyon nin Diyos sa sainda, na tanganing mayong ibang kapangyarihan an puwedeng mangaputan sainda---

26 Asin ini nin huli kan saindang dakulang pagtubod, asin kan saindang pasensiya kan saindang mga tribulasyon---

27 Asin ako maabot sa saimo, asin kun igwa pa sa pag-iriba nindo na igwang pagmamawot nin kalayaan, iyo, kun igwa pa nin sarong sabrit nin kalayaan an natatada, hilnga ako an mapoon kan insureksiyon sa pag-iriba nindo, magin hanggan sinda na igwang pagmamawot na mangaputan nin kapangyarihan asin autoridad magkakawarara.

28 Iyo, hilnga ako dae natatakot kan saindong kapangyarihan ni kan saindong autoridad, pero an sakuyang Diyos an sakuyang kinakatakutan; asin ini uyon sa saiyang mga kasugoan na ako makapot kan sakong espada tanganing idepensa an kausa kan sakuyang banwaan, asin ini nin huli kan saindong kararaotan na kami nagsapo nin grabeng kadaogan.

29 Hilnga oras na, iyo an oras ngonian na yaon na, na laen lang na magkasiribat na kamo kan saindong mga sadire sa pagdepensa kan satuyang nasyon asin kan saindong mga kaarakian, an espada nin hustisya naka-amba sa ibabaw nindo; iyo, asin ini talagang

mahuhulog sa saindo asin mabisita saindo magin sagkod sa bilog nindong kapahamakan. 30 Hilnga, ako naghahalat nin tabang gikan saindo; asin, laen lang na kamo maghimo para sa samuyang kahinggianan, hilnga, ako maabot sa saindo, magin sa kadagaan nin Zarahemla, asin titigbason kamo nin espada, na tanganing kamo dae na magkaigwa pa nin kapangyarihan sa pagpugol sa pag-asenso kaining mga katawohan sa kausa kan satuyang kalayaan.

31 Nin huli ta hilnga, an Kagurangnan dae matugot na kamo mabubuhay asin makusog sa saindong mga kararaotan sa pagdestroso kan saiya matatanos na mga katawohan.

32 Hilnga, pinaghuhuna-huna mo daw--- na an Kagurangnan maligtas saindo asin maluwas sa paghukom kontra sa mga Lamanita, kasoarin iyo ini an tradisyon kan saindang mga ama na nagkausa kan saindang kaanggutan, iyo, asin ini mas lalong dinoble ninda na nakisuhay gikan satuya, habang an saindong kadaendatahan iyo anpara sa kausa kan saindong pagkamoot sa kamurawayan asin mga daendatang mga bagay kan kinaban?

33 Kamo nakakaaram na kamo naglapas sa mga ley nin Diyos, asin kamo nakakaaram na saindo ining pinagtima-timakan sa irarom kan saindong mga bitis. Hilnga, an Kagurangnan nagsabi sa sakuya: kun sinda na saindong pinagnombraran na mga gobernador dae magsosolsol kan saindang mga kasalan asin kadaendatahan, ika makikilaban nin giyera kontra sainda.

34 Asin ngonian hilnga, ako, si Moroni, may kahandalan, na uyon sa tipan na sakong paninindugan na magsunod sa mga katugunan nin sakong Diyos; kun kaya ako naghihingoha na kamo magsunod sa tataramon nin Diyos, asin magpadara nin hidali sakuya kan saindong mga probisyon asin kan saimong mga tauhan, asin man ki Helaman.

35 Asin hilnga, kun dae mo ini gigibohon ako maabot saindo nin hidali; nin huli ta hilnga, an Diyos dae minatugot na magagadan kami sa gutom; kun kaya saiya itatao samuya an saindong pagkakan, magin ini kaipuhan na agihon sa espada. Ngonian hingohaa baya na masunod mo an tataramon nin Diyos.

36 Hilnga, ako si Moroni, an saindong pinakapamayong kapitan. Ako dae naghahangad nin kapangyarihan kundi na butungon ini pababa. Ako dae naghahangad para sa honra nin kinaban, kundi para sa kamurawayan kan sakuyang Diyos, asin an kalayaan asin karahayan kan sakuyang nasyon. Asin kaya sakong isinasara an sakuyang surat.

ALMA TSAPTER 61

Si Pahoran nagsumbong ki Moroni kan insureksiyon asin rebelyon kontra sa gobyerno--- An mga tawong makihade inagaw an Zarahemla asin ka-alyado kan mga Lamanita--- Si Pahoran naghahagad nin ayuda militar kontra sa mga rebelde.

Hilnga, ngonian ini nangyaring naglipas na pagkatapos na si Moroni nakapagpadara na kan saiya surat pasiring sa pinakapamayong gobernador, siya nakaresibe nin surat gikan ki Pahoran, an pinakapamayong gobernador. Asin an mga ini iyo an mga tataramon na saiya naresibe:

An Simbahan ni Jesukristo nin Mga Banal sa Huring-aldaw 437
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Ako, si Pahoran, na iyo an pinakapamayong gobernador kaining kadagaan, iyo an nagpapaabot kaining mga tataramon ki Moroni, an pinakapamayong kapitan kan armada. Hilnga, ako nagsasabi saimo, Moroni, na ako dae nag-oogma sa saindong dakulaon na mga kasakitan, iyo, ini an ikinamumundo kan sakuyang kalag.

3 Pero hilnga, igwa talagang mga tawo na nag-oogma sa saindong mga kasakitan, iyo, na tanganing sinda mismo nag-alsa nin rebelyon kontra sa sakuya, asin man idtong sakuyang mga katawohan na maki-malaya, iyo, asin sinda na nag-alsa grabe kadakul an bilang.

4 Asin sinda na iyo an nagmamawot na kuahon an tukawan nin paghuhukom gikan sakuya iyo an kausa kaining dakulaon na kadaendataan; nin huli ta sinda naggamit nin labi-labing pamboboladas, asin saindang nadara an mga puso nin kadakul na mga katawohan, na iyo baya an dahilan kan grabeng kasakitan sa pag-iriba ta; sinda na pinag-aagaw an satuyang mga pagkakan, asin pinatakot an satuyang mga katawohan na maki-malaya na dae sinda magkampi satuya.

5 Asin hilnga, pinalayas ninda ako sa saindang atubangan, asin ako nagdulag pasiring sa kadagaan nin Gideon, kairiba an kadakul na mga tauhan na puwede kong madara.

6 Asin hilnga, ako nagpadara nin proklamasyon kaining bilog na parte nin kadagaan; asin hilnga, sinda nagtitiripon satuya aro-aldaw, na dara an saindang mga armas, para idepensa an saindang nasyon asin an saindang kalayaan, asin ibalos an samuyang mga pagkakamali.

7 Asin sinda nagdurulok sa samuya, na tanganing sinda na nag-alsa nin rebelyon kontra samuya talagang nanindugan sa pakitusay, iyo, na tanganing sinda nagkatarakot samuya asin dae nagruluwas kontra samuya sa pakigiyaera.

8 Saindang nakakaputan an kadagaan, o an siyudad nin Zarahemla; sinda nagngaran nin sarong hade sainda, asin siya nagsurat sa hade kan mga Lamanita, na nagsasabi na siya nakipag-alyado na saiya; na sa pagka-alyado kaini siya nakipagkasundo na imamantine an siyudad nin Zarahemla, na sa paaging ini saiyang pinaghuhuna-huna na magtata-ong dalan sa mga Lamanita na masakop an katadaan nin kadagaan, asin siya ipamumugtak na hade na mamamahala sa mga katawohan pagkatapos na sinda nasakop na sa irarom kan mga Lamanita.

9 Asin ngonian, sa saimong surat pinagbasol mo ako, pero ini mayo sakuya; ako dae naanggot, pero nag-oogma sa kadakulaon kan saimong puso. Ako, si Pahoran, dae naghahangad nin kapangyarihan, laen lang na iretine ko an tukawan nin paghuhukom na tanganing baya maipreserba ko an gma karapatan asin an libertad kan sakuyang mga katawohan. An sakuyang kalag naninindugan sa libertad na yaon kun saen an Diyos iyo an naghimo satuya na magin malaya.

10 Asin ngonian, hilnga, kami makikilaban sa kadaendataan magin hanggan sa pagpapabulos nin dugo. Kami dae magpapabulos nin dugo kan mga Lamanita kun sinda mag-estar sana sa saindang sadireng daga.

11 Kami dae magpapabulos nin dugo kan samuyang mga katugangan kun sinda dae mag-alsa nin rebelyon asin magkapot nin espada kontra samuya.

12 Kami magpapasakop kan samuyang sadire sa gabat kan pagka-uripon kun ini iyo an kinakaipong hustisya nin Diyos, o kun siya magsugo samuya na gibohon ini.

13 Pero hilnga siya dae nagsugo samuya na ipasakop nyamo an samuyang mga sadire sa satuyang mga kalaban, kundi kami magbubugtak kan samuyang tiwala saiya, asin saiya kaming ililigtas.

14 Kun kaya, sakong namumutan na tugang, Moroni, magtarabang kitang kalabanon an karaotan, asin kun ano man na karaotan na dae ta kayang kalabanon sa paagi kan mga tataramon, iyo, arog kan rebelyon asin pagkakabarangaan, tarabangan tang kalabanon sinda sa paagi kan satuyang mga espada, na tanganing iretine ta an satuyang kalayaan, na tanganing kita mag-oorogmang dakula sa pribilihiyo kan satuyang simbahan, asin sa kausa kan satuyang Paratubos asin kan satuyang Diyos.

15 Kun kaya, magpadigde ka sakuya nin hidali kaiba an kadikit mong mga tauhan, asin bayae an katadaan sa pangangalaga ni Lehi asin Teancum; itao mo sainda an kapangyarihan na gibohon an pakigiya sa parteng yan nin kadagaan, na uyon sa Espiritu nin Diyos, na iyo man an espiritu nin kalayaan na yaon sa sainda.

16 Hilnga ako nagpadara na nin kadikit na pagkakan sa sainda, na tanganing sinda dae magadan hanggan ika makadigde sa sakuya.

17 Tiriponon mong magkasararo an anuman na puwersang igwa ka sa pagpasiring digde, asin kami ma-atakeng hidali laban sa mga parakontra, sa kusog kan satuyang Diyos uyon sa pagtubod na yaon sa samuya.

18 Asin satuyang babawion liwat an siyudad nin Zarahemla, na tanganing makakua kita nin mga pagkakan na ipapadara ta kina Lehi asin Teancum; iyo, kita makikilaban sa sainda sa kusog nin Kagurangan, asin satuyang tapuson ining dakulaon na kadaendataan.

19 Asin ngonian, Moroni, ako nag-oogma sa pagkaresibe kan saimong surat, nin huli ta ako baya naghahandal manungod sa kun ano na an samuyang gigibohon, kun baya ini husto sa samuya na makilaban kontra sa satuyang mga katugangan.

20 Pero ika nakapagsasabi, laen lang kun sinda magsosolsol sa Kagurangan na nagsugo saimo na ikaw dapat na makilaban kontra sainda.

21 Gibohon mo na pakusugon sinda Lehi asin Teancum sa Kagurangan; sabihi sinda na dae matakot, nin huli ta an Diyos iyo an magliligtas sainda, iyo, asin man sa gabos sainda na naninindugan kaining libertad kun saen an Diyos iyo an naghimo saindang malaya. Asin ngonian ako magsasara kan sakuyang surat para sa sakuyang namumutan na tugang, na si Moroni.

ALMA TSAPTER 62

Si Moroni nagmartsa sa pagtabang ki Pahoran pasiring sa kadagaan nin Gideon--- An mga tawong maki-hade na habong idepensa an saindang nasyon ginaradan--- Pahoran asin Moroni binawi an Nephiah--- Kadakul na mga Lamanita an nakibale sa katawohan ni Ammon --- Si Teancum an naggadan ki Ammoron asin siya man nagadan--- An mga Lamanita pinadurulag gikan sa kadagaan, asin an katuninongan pinag-establisa--- Si Helaman nagbalik sa ministeryo asin pinagtugdok an Simbahan.

Asin ngonian ini nangyaring naglipas na kan si Moroni naresibe an surat na ini an saiyang puso nakakua nin kusog boot, asin napano nin grabe na gayong kaogmahan nin huli sa katapatan ni Pahoran, na siya bako man na sarong traydor sa kalayaan asin kausa

An Simbahan ni Jesukristo nin Mga Banal sa Huring-aldaw

439

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin saiyoung nasyon.

2 Pero siya man nagmumundo nin gayo nin huli sa kadaendatahan ninda na nagpahale ki Pahoran sa tukawan nin paghuhukom, iyo, sa kahustuhan nin huli ta sinda na nagrebelde kontra sa saindang nasyon asin man sa saindang Diyos.

3 Asin ini nangyaring naglipas na si Moroni nagdara nin kadikit na numero nin mga tauhan, uyon sa kagustuhan ni Pahoran, asin ipinagtao kina Lehi asin Teancum na iyo an magpamahala sa katadaan kan saiyoung armada, asin siya nagpadagos sa pagmartsa pasiring sa kadagaan nin Gideon.

4 Asin saiyoung itinaas an bandera nin libertad sa arin man na lugar na saiyoung pinaglaog, asin makakua nin anuman na puwersa na puwedeng makua sa gabos nindang pagmartsa pasiring sa kadagaan nin Gideon.

5 Asin ini nangyaring naglipas na rinibo an nagtiripon sa saiyoung bandera, asin nagkurua kan saindang mga espada sa pagdepensa kan saindang kalayaan, na tanganing sinda dae mahulog sa pagka-uripon.

6 Asin kaya, kan si Moroni nakapagtiripon na magkasararo an maski siisay na mga tawo na makukua sa gabos niyang pagmamartsa, siya nakaabot sa kadagaan nin Gideon, asin pinagkasararo an saiyoung puwersa sa mga tauhan ni Pahoran na nagin grabeng gayo sinda kakusog, nagin mas makusog pa kesa sa mga tauhan ni Pachus, na iyo an hade kan mga nagsuruhay na iyo an nagpahale sa mga malayang tawo paluwas sa kadagaan nin Zarahemla asin nagkakan kan mga pagsasadi nin kadagaan.

7 Asin ini nangyaring naglipas na si Moroni asin Pahoran kairiba an saindang mga armada nag-abante pasiring sa kadagaan nin Zarahemla, asin nag-atake sa siyudad, asin nakanagboan an mga tauhan ni Pachus na tanganing sinda nagkaralabanan.

8 Asin hilnga, si Pachus nagadan asin an saiyoung mga tauhan nakuang mga prisonero, asin si Pahoran ibinalik sa saiyoung tukawan nin paghuhukom.

9 Asin an mga tauhan ni Pachus nakaresibe kan saindang tusay, uyon sa ley, asin man idtong mga tawo na maka-hade nagkadarakop asin ikinunkon sa prisohan; asin sinda ginaradan uyon sa ley; iyo, idtong mga tauhan ni Pachus asin idtong mga maka-hade, asin an siisay man na habong magkapot nin armas para sa pagdepensa kan saindang nasyon, pero makilaban kontra kaini, pinaggaradan.

10 Asin kaya ini nagin kapakinabangan na an ley na ini dapat na estriktong ipasunod para sa kaligtasan kan saindang nasyon; iyo, asin an siisay na managboan na nagsisikwal kan saindang kalayaan iyo tulos an ginagadan uyon sa ley.

11 Asin kaya natapos an ika-treyntang taon kan pagpapamahala nin mga huwes sa mga katawohan nin Nephi; si Moroni asin si Pahoran na iyo an nakapagpabalik sa katuninongan sa kadagaan nin Zarahemla, sa pag-iriba kan saindang mga sadireng mga katawohan, matapos na ipinagta-o an hatol na kagadanon sa gabos na baong totoo sa kausa nin kalayaan.

12 Asin ini nangyaring naglipas na sa pagpopoon kan ika-treyntang asin enot na taon kan pagpapamahala kan mga huwes sa mga katawohan nin Nephi, si Moroni tulos-tulos na nagsugo na an mga pagkakan dapat na ipadara, asin man an armada nin sais mil na tauhan dapat na ipadara ki Helaman, tanganing magtabang saiya sa pagpreserba sa partend idto nin kadagaan.

13 Asin siya man nagsugo na an armada nin sais mil na mga katawohan na may darang awad-awad na kantidad nin pagkakan, dapat na ipadara sa armada ni Lehi asin Teancum.

Asin ini nangyaring naglipas na ini ginibo tanganing pakusugon an kadagaan kontra sa mga Lamanita.

14 Asin ini nangyaring naglipas na si Moroni asin Pahoran, matapos na magwalat nin dakulaon na grupo nin mga tauhan sa kadagaan nin Zarahemla, naggibong magmartsa kairiba an dakulaon na grupo nin mga tauhan na nagpasiring sa kadagaan nin Nephiah, na determinadong daogon an mga Lamanita na yaon sa siyudad na idto.

15 Asin ini nangyaring naglipas na habang sinda nagmamartsa pasiring duman sa kadagaan, nakanagbo sinda nin sarong dakulaon na grupo nin mga Lamanita, asin nakagadan sinda nin dakul sa sinda, asin kinurua an saindang mga pagkakan asin an saindang mga armas na panggiyera.

16 Asin ini nangyaring naglipas na pagkatapos na magkadarakop sinda, ipinagkausa sinda na maglaog sa sarong tipan na sinda dae na naggad magkapot nin armas na panggiyera kontra sa mga Nephita.

17 Asin kan sinda nakalaog na sa tipan na ini sinda ipinadara tanganing maki-erok kaiba an mga katawohan ni Ammon, asin sinda may bilang na kuwatro mil na dae pinaggaradan.

18 Asin ini nangyaring naglipas na kan sinda ipinadara na sinda nagpadagos na magmartsa pasiring sa kadagaan nin Nephiah. Asin ini nangyaring naglipas na kan sinda nakabot na sa siyudad nin Nephiah, sinda nagturugdok kan saindang mga tolda sa kapatagan nin Nephiah, na harani sa siyudad nin Nephiah.

19 Ngonian si Moroni nagmamawot na an mga Lamanita magruluwas sa pakigiyera kontra sinda, sa may kapatagan; pero an mga Lamanita, na nakakaaram kan saindang dakulaon na gayong kakusugan nin boot, asin nahihiling an kadakulaon kan saindang bilang, kun kaya sinda dae nagruluwas kontra sinda; kun kaya sinda dae nag-atake sa pakigiyera sa aldaw na idto.

20 Asin kan mag-abot an banggi, si Moroni naglakaw sa kadikloman nin banggi, asin nagsakat sa ibabaw kan muralya sa pag-espiya kun saen parte kan siyudad an mga Lamanita nagkampo kan saindang armada.

21 Asin ini nangyaring naglipas na sinda yaon sa may sirangan, sa pag-ilaog, asin sinda gabos turog-turog. Asin ngonian si Moroni nagbalik sa saiyang armada, asin nagsugo na kaipo nindang magpreparar nin hidali ning makusog na mga pisi asin mga hagdanan, tanganing ihaya pababa gikan sa itaas kan muralya pasiring sa laog na parte kan muralya.

22 Asin ini nangyaring naglipas na si Moroni nagsugo sa saiyang mga tauhan na magmartsa pa-abante asin magsarakat sa ibabaw kan muralya, asin maglaog kan saindang mga sadire sa parteng idto kan siyudad, iyo, magin sa may sulnupan, kun saen an mga Lamanita dae nagkampo kan saindang mga armada.

23 Asin ini nangyaring naglipas na sinda gabos nakabaraba na sa laog kan siyudad sa paagi nin banggi, sa paagi nin paggamit kan saindang makukusog na mga pisi asin kan saindang mga hagdanan; kaya kan mag-abot an pagka-aga sinda gabos nakalaog na sa muralya kan siyudad.

24 Asin ngonian, kan an mga Lamanita nagmartsa na asin magkahiriling na an armada ni Moroni nakalaog na sa mga muralya, sinda grabeng gayo an katarakutan, na tanganing sinda nagdurulag paluwas sa paagi nin trangkahan.

25 Asin ngonian kan mahiling ni Moroni na sinda nagdurulag sa atubangan ninda, siya nagsugo na mag-abante an saiyang mga tauhan sa pagsarabat sinda, asin nakagadan nin

kadakulon, asin napalibutan an kadakul-dakul pang iba, asin ginibo sindang mga prisonero; asin an katadaan sainda nakadulag pasiring sa kadagaan nin Moroni, na yaon sa mga kasagkoran sa may baybayon.

26 Kaya nabawi ninda Moroni asin Pahoran an siyudad nin Nephiah na mayong nalagas ni sarong kalag; asin igwa nin kadakul-dakul na mga Lamanita an nagkagaradan.

27 Ngonian ini nangyaring naglipas na kadakul sa mga Lamanita na mga prisonero na nagmamawot na makibale sa katawohan nin Ammon asin magin sarong libreng katawohan.

28 Asin ini nangyaring naglipas na habang kadakul an nagmamawot sa sainda ini ipinagtao na uyon sa saindang mga kagustuhan.

29 Kun kaya, an gabos na mga prisonerong Lamanita nagbale na sa katawohan nin Ammon, asin nagpoon na magtrabahong grabe, sa pagbubungkal nin daga, sa pagtanom nin gabos na manera nin pananom, asin nin mga alagang mga karnero asin toril nin manlaen-laeng hayop; asin kaya an mga Nephita nahinggianan gikan sa sarong dakulaon na kagabatan; iyo, na tanganing sinda nagkahiringgianan gikan sa gabos na mga prisonerong mga Lamanita.

30 Ngonian ini nangyaring naglipas na si Moroni, pagkatapos na saiyang mabawi an siyudad nin Nephiah, na nakadakop nin kadakul-dakul na mga prisonero, na nakapagpabawas sa mga armada kan mga Lamanita nin grabe, asin nagkariligtas nin kadakul na mga Nephita na nagkadarakop na magin mga prisonero, na iyo an nakapagpakusog sa armada ni Moroni nin grabe; kun kaya si Moroni naglakbay gikan sa kadagaan nin Nephiah pasiring sa kadagaan nin Lehi.

31 Asin ini nangyaring naglipas na kan mahiling nin mga Lamanita na si Moroni pa-atake kontra sainda, sinda nagkatarakot giraray asin nagdurulag sa atubangan kan armada ni Moroni.

32 Asin ini nangyaring naglipas na si Moroni asin an saiyang armada pinagralamag sinda gikan sa siyudad pasiring sa sarong siyudad, hanggan nagkasarabatan sinda ninda Lehi asin Teancum; asin an mga Lamanita nagdurulag kina Lehi asin Teancum, magin hanggan sa mga kasagkoran sa may baybayon, hanggan sinda makaabot sa kadagaan nin Moroni.

33 Asin an mga armada kan mga Lamanita nagkasararong magkatiripon, na tanganing sinda gabos magkasararo sa kadagaan nin Moroni. Ngonian si Ammon, an hade kan mga Lamanita, na kaiba man ninda.

34 Asin ini nangyaring naglipas na si Moroni asin Lehi asin Teancum nagkampo kairiba an saindang mga armada na nakapalibot sa mga kasagkoran nin kadagaan nin Moroni, na tanganing an mga Lamanita napapalibutan sa palibot nin mga kasagkoran sa paagi kan kakadlagan sa may timog, asin sa mga kasagkoran sa paagi nin kakadlagan sa may sirangan.

35 Asin kaya sinda nagkampo para sa pagkabanggi. Nin huli ta hilnga, an mga Nephita asin an mga Lamanita man paragal-pagal na nin huli sa grabeng pagmartsa; kun kaya sinda dae nin anuman na plano para sa oras nin pagkabanggi; laen lang ki Teancum; nin huli ta siya grabeng gayo an kaanggutan ki Ammon, na tanganing pinagkonsidera niya si Ammon, asin si Amalickiah na saiyang tugang, na iyo an kausa kaining dakula asin haloyon na giyera sa tahaw ninda asin kan mga Lamanita, na iyo ngani an kausa nin grabeng ralabanan asin pagpabulos nin dugo, iyo, asin nin grabeng kagutuman.

36 Asin ini nangyaring naglipas na si Teancum sa saiyang kaanggutan nagduman sa laog kan kampo nin mga Lamanita, asin nagbaba kan saiyang sadire pababa sa muralya kan siyudad. Asin siya naglaog sa paagi nin sarong lubid, gikan sa sarong lugar hanggan sa sarong lugar, hanggan sa saiyang managboan an hade; asin siya nag-apon nin sarong panusok sa saiya, na tuminama saiya harani sa puso. Pero hilnga, an hade nakapagpukaw pa kan saiyang mga surugoon bago pa man siya magadan, na tanganing saindang pinaglamag si Teancum, asin ginadan siya.

37 Ngonian ini nangyaring naglipas na kan si Lehi asin Moroni nabaretaan na si Teancum gadan na sinda napano nin pagkamundo; nin huli ta hilnga, siya nagin sarong tawo na nakipaglaban na may kaisogan para sa saiyang nasyon, iyo, sarong tunay na amigo nin libertad; asin siya nagsapo nin grabeng gayong matinding mga kasakitan. Pero hilnga, siya gadan na, asin siya naghale na sa dalan nin gabos sa kinaban.

38 Ngonian ini nangyaring naglipas na si Moroni nagmartsa pa-abante sa pagkaaga, asin nag-atake sa mga Lamanita, na tanganing saindang ginaradan sinda nin grabeng panggagadanan; asin saindang pinadurulag sinda paluwas nin kadagaan; asin sinda nagdurulag, magin hanggan sa sinda dae na nagbaralik sa panahon na idto kontra sa mga Nephita.

39 Asin kaya nagtapos an ika-treynta asin enot na taon kan pagpapamahala kan mga huwes sa mga katawohan nin Nephi; asin kaya sinda nagkaigwa nin mga giyera, asin pagpapabulos nin mga dugo, asin pagkagutom, asin kasakitan, sa laog nin kadakul na mga taon.

40 Asin nagkaigwa nin mga panggagadan, asin mga kontrahan, asin pag-iiriwal-iwal, asin gabos na manera nin kadaendatahah sa mga pag-iriba kan mga katawohan nin Nephi; daeng pagkukulang para sa pagkamatanos na kamumugtakan, iyo, nin huli sa mga pangadyeon nin mga matatanos, sinda pinaligtas.

41 Pero hilnga, nin huli sa grabe na gayong kahalawig an giyera sa tahaw kan mga Nephita asin mga Lamanita kadakul an nagin matagas, nin huli sa grabeng gayo kahalawig an giyera; asin kadakul an pinanluluyahan nin huli kan saindang mga kasakitan, na tanganing sinda nagin mapagpakumbaba kan saindang mga sadire sa atubangan nin Diyos, magin sa pinakahararom na kapakumbabaan.

42 Asin ini nangyaring naglipas na pagkatapos na si Moroni naggibong pakusugon idtong mga parteng nin kadagaan na mas lantad para sa mga Lamanita, hanggan na sinda nagin mga makusog, siya nagbalik sa siyudad nin Zarahemla, asin man si Helaman nagbalik sa lugar kan saiyang kamanahan; asin nagkaigwa na naman nin katuninongan na na-establisa sa pag-iriba kan mga katawohan nin Nephi.

43 Asin si Moroni pinagtao an pagpapamahala kan saiyang armada sa mga kamot kan saiyang akeng lalake, na na pangaran iyo si Moronihah; asin siya nagpahingalo sa saiyang sadireng harong na baya saiyang magastos an natatada pa niyang mga aldaw na may katuninongan.

44 Asin si Pahoran nagbalik sa saiyang tukawan nin paghuhukom; asin si Helaman nag-ako sa saiyang sadire giraray an pagbabalangibog sa mga katawohan kan tataramon nin Diyos; para nin huli ta sa kadakulan kan mga giyera asin pag-iiriwal-iwal ini nagin kapakinabangan na sarong regulasyon an dapat na maggibo giraray sa laog kan simbahan.

45 Kun kaya, si Helaman asin an saiyang mga katugangan nagpadagos, asin nagparadeklara kan tataramon nin Diyos na may mas grabeng kapangyarihan para sa

ikapagkumbinsi nin kadakul na mga katawohan kan saindang mga karigsokan, na nagkausa sainda na magsosolsol kan saindang mga kasalan asin magkaburunyugan para sa Kagurangnan na saindang Diyos.

46 Asin ini nangyaring naglipas na sainda naman pinag-establisa giraray an simbahan nin Diyos, sa bilog na kadagaan.

47 Iyo, asin may mga regulasyon na hinimo mapanungod sa ley. Asin an saindang mga huwes, asin an saindang mga pinakapamayong huwes pinagpirili.

48 Asin an mga katawohan nin Nephi nagpoon sa pag-asenso giraray sa kadagaan, asin nagpoon sa pagdakul asin nagin grabe kakusog giraray sa kadagaan. Asin sinda nagpoon sa pag-asensong gayo sa pagkamayaman.

49 Pero maski na ngani kan saindang mga kayamanan, o kan saindang kusog, o kan saindang pagkama-asenso, sinda dae naipaglangkaw sa kapaabaw-abawan kan saindang mga mata; ni sinda manluya sa paggiromdom sa Kagurangnan na saindang Diyos; pero sinda naggad nagpakumbabang gayo kan saindang mga sadire sa atubangan nin Diyos.

50 Iyo, sinnda nakakagiromdom kun gurano kadakula an mga bagay na ginibo nin Kagurangnan para sainda, siya an nagligtas sainda gikan sa kagadanan, asin gikan sa mga kauripnan, asin gikan sa mga prisohan, asin gikan sa gabos na manera nin mga kasakitan, asin siya an nagligtas sainda paluwas sa mga kamot kan saindang mga kalaban.

51 Asin sinda nagpapadagos na nagpapangadye sa Kagurangnan nindang Diyos, na tanganing baya an Kagurangnan an nagbendisyon sainda, uyon sa saiyang tataramon, na tanganing sinda nagin makusugong gayo asin mag-aasenso sa kadagaan.

52 Asin ini nangyaring naglipas na an gabos na bagay na ini naggibo na. Asin si Helaman nagadan, sa ika-treynta asin limang taon kan pagpapamahala nin mga huwes sa katawohan nin Nephi.

ALMA TSAPTER 63

Si Shiblón asin sa kahuri-hurihi si Helaman pinag-ako an sagradong mga talaan--- Kadakul na mga Nephita an nagbiyahe pasiring sa kadagaan sa may norteng parte--- Si Hagath naggibo nin mga barko, na naglalayag pasiring sa dagat pasulnupan--- Si Moronihah an nakadaog kan mga Lamanita sa sarong pakigiya.

Asin ini nangyaring naglipas na pagpoon kan ika-treynta asin anom na taon kan pagpapamahala nin mga huwes sa mga katawohan nin Nephi, na si Shiblón nag-ako kaidtong mga sagradong bagay na pinagtao ki Helaman ni Alma.

2 Asin siya sarong hustong tawo, asin siya naglalakaw nin matanos sa atubangan nin Diyos; asin siya naghingoha sa padagos na paggibo nin marhay, sa pagsunod sa mga kasugoan nin Kagurangnan saiyang Diyos, asin man an saiyang tugang na lalake.

3 Asin ini nangyaring naglipas na si Moronni nagadan na man. Asin kaya nagtapos an ika-treynta asin anom na taon kan pagpapamahala nin mga huwes.

4 Asin ini nangyaring naglipas na sa ika-treynta asin pitong taon kan pagpapamahala nin mga huwes, nagkaigwa nin sarong dakulang pag-iriba nin mga tawo, na nag-abot sa

An Simbahan ni Jesukristo nin Mga Banal sa Huring-aldaw

444

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

limang ribo asin apat na gatos na mga tawo, kairiba an saindang mga agom na babae asin an saindang mga kaarakian, nagharale paluwas sa kadagaan nin Zarahemla pasiring sa kadagaan pahiraga.

5 Asin ini nangyaring naglipas na si Hagath, siya bilang sarong kuryosong gayong tawo, kun kaya siya naghale asin nagtugdok siya nin sarong dakulaon na barko, sa may mga kasagkoran nin kadagaan nin Masagana, sa may kadagaan nin Kalipungawan, asin ini pinaglansar pasiring sa dagat nin sulnopan, sa may hayakpit na dalan-dalan na minapasiring sa kadagaan pa-norte.

6 Asin hilnga, igwa nin kadakul na mga Nephita na nagsakay asin naglayag na may grabeng mga probisyon, asin man kadakul na mga babae asin kaarakian; asin sinda naglayag pasiring sa hiraga. Asin kaya nagtapos an ika-treynta asin pitong taon.

7 Asin sa ika-treynta asin walong taon, an tawong ini naggibo nin iba pang mga barko. Asin an enot na barko nagbalik man giraray, asin kadakul na mga katawohan an nagsarakay kaini; asin sinda man may darang kadakul na probisyon, asin nagbiyahe giraray pasiring sa kadagaan nin norte.

8 Asin ini nangyaring naglipas na sinda dae na nadangog pa. Asin samuyang pinaghuhuna-huna na sinda nagkarulunod na sa irarom nin kadagatan. Asin ini nangyaring naglipas na saro na naman na barko an naglayag; asin kun saen man siya nakaduman dae mi aram.

9 Asin ini nangyaring naglipas na sa taon na ini igwa nin kadakul na mga katawohan an nagpasiring sa kadagaan panorte. Asin kaya nagtapos an ika-treynta asin walong taon.

10 Asin ini nangyaring naglipas sa ika-treynta asin siyam na taon kan pagpapamahala nin mga huwes, si Shiglon nagadan man, asin si Corianton naghale pasiring sa kadagaan pa-norte sakay nin sarong barko, tanganing magdara nin mga probisyon para sa mga katawohan na nagpasiriring sa kadagaan na idto.

11 Kun kaya ini nagin kapakinabangan para ki Shiblun na iwalat an mga sagradong bagay na idto, bago siya nagadan, sa akeng lalake ni Helaman, na inapud na si Helaman, na pinag-apud sa ngaran kan saiyang ama.

12 Ngonian hilnga, idtong gabos na mga inukitan na kinakaputan ni Helaman na pinagsurat asin pinadara sa pag-iriba nin mga kaarakian nin mga tawo na yaon sa bilog na kadagaan, laen lang sa mga parteng idto na pinagsugo ni Alma na dae sinda magduruman.

13 Daeng pagkukulang, an mga bagay na ini dapat na ipagtagong sagrado, asin ipamana gikan sa sarong henerasyon hanggan sa iba pa; kun kaya, sa taon na ini, sinda ipinagkatiwala ki Helaman, bago pa man magadan si Shiglon.

14 Asin ini nangyaring naglipas sa taon man na ini na nagkaigwa nin mga parakontra na nagpasiriring sa mga Lamanita; asin sinda pinag surutsutan giraray na magka-aranggot kontra sa mga Nephita.

15 Asin man sa kaparehong taon sinda nagsaralakay na may kadakulon na armada tanganing makigiya kontra sa mga katawohan ni Moronihah, o kontra sa armada ni Moronihah, na baya sinda nagkadaraog asin pinadurulag giraray pabalik sa sadire nindang mga lugar, na nagsapo nin grabeng kadaogan.

16 Asin kaya nagtapos an ika-treynta asin siyam na taon nin pagpapamahala kan mga huwes sa mga katawohan nin Nephi.

17 Asin kaya nagtapos an talaan ni Alma, asin Helaman na saiyang akeng lalake, asin man si Shiblón, na ake niya mang lalake.

AN LIBRO NI HELAMAN

An talaan kan mga Nephita. An saindang mga giyera asin pag-iiriwal-iwal. Asin man an mga propesiya nin kadakul na mga banal na propeta, bago an pag-abot ni Cristo, na uyon sa mga talaan ni Helaman, na akeng lalake ni Helaman, asin man uyon sa mga talaan kan saiyang mga akeng lalake, magin hanggan sa pag-abot ni Cristo. Asin man kadakul na mga Lamanita an napagbag-o. An talaan kan saindang pagbabag-o. An talaan kan pagiging pagkamatanos kan mga Lamanita asin mga karigsokan asin mga abominasyon kan mga Nephita, uyon sa talaan ni Helaman asin kan saiyang mga kaakiang lalake, magin hanggan sa pag-abot ni Cristo, na pinag-apud na libro ni Helaman.

TSAPTER 1

Si Pahoran an ikaduwa na iyo an nagin pinakapamayong huwes asin ginadan ni Kishkumen--- Pacumeni iyo an nagribay sa tukawan nin paghuhukom--- Coriantumr iyo an nagpamayo sa armada kan mga Lamanita, sinakop an Zarahemla, asin ginadan si Pacumeni--- Si Moronihah an nakadaog sa mga Lamanita asin binawi giraray an Zarahemla, asin si Corinatumr ginadan.

Asin ngonian hilnga, ini nangyaring naglipas na sa pagpopoon kan ika-kuwarentang taon kan pagpapamahala nin mga huwes sa katawohan nin Nephi, nagka-igwa nin seryosong katiosan sa pag-iriba kan mga Nephita.

2 Nin huli ta hilnga, si Pahoran gadan na, asin mayo na sa dalan nin bilog na kinaban; kun kaya nagka-igwa nin pagpoon nin sarong seryosong pag-iiriwal-iwal manungod sa kun siisay an dapat na magtukaw sa tukawan nin paghuhukom sa pag-iriba nin magturingang, na mga akeng lalake ni Pahoran.

3 Ngonian iyo ini an mga pangaran na nagralaban-laban para sa tukawan nin paghuhukom, na iyo man ngani an nagkausa na an mga katawohan nag-iiriwal-iwal: Si Pahoran, Paanchi, asin Pacumeni.

4 Ngonian bako lang sinda an mga akeng lalake ni Pahoran (nin huli ta igwa siya nin kadakul), pero iyo ini sinda na nagralaban-laban para sa tukawan nin paghuhukom; kun kaya, sinda iyo an nagkausa nin tulong kabangaan sa pag-iriba nin mga katawohan.

5 Daeng pagkukulang, ini nangyaring naglipas na si Pahoran iyo an pinagnombraran sa paagi nin boses nin mga katawohan na magin pinakapamayong hukom asin sarong gobernador sa mga katawohan nin Nephi.

6 Asin ini nangyaring naglipas na si Pacumeni, kan saiyang mahiling na dae niya makukua an tukawan nin paghuhukom, siya nakisumaro sa boses nin mga katawohan.

An Simbahan ni Jesukristo nin Mga Banal sa Huring-aldaw 446
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

7 Pero hilnga, si Paanchi, asin idtong parte nin mga katawohan na nagmamawot na siya an dapat na saindang gobernador, grabeng gayo an kaanggutan; kun kaya, siya nagplanong hikayaton idtong mga katawohan na mag-alsa nin rebelyon kontra sa saindang mga katugangan.

8 Asin ini nangyaring naglipas na kan poonan niya kuta na ini, hilnga, siya dinakop, asin pinagprobaran uyon sa boses nin mga katawohan, asin pinagkondena sa kagadanan; nin huli ta siya nag-alsa nin rebelyon asin nagmawot na destrosohon an libertad nin mga katawohan.

9 Ngonian kan idtong mga katawohan na nagmamawot na siya dapat an saindang gobernador nahiling na siya pinagkondena sa kagadanan, kun kaya sinda nagka-aranggot, asin hilnga, sinda nagpadara nin sarong Kishkumen, magin hanggan sa tukawan nin paghuhukom ni Pahoran, asin ginadan si Pahoran habang nakatukaw siya sa tukawan nin paghuhukom.

10 Asin siya pinaglamag kan mga surugoon ni Pahoran; pero hilnga, grabeng gayo kabilison an pagdulag ni Kishkumen na tanganing mayo ni sarong tawo an nakaabot saiya.

11 Asin siya nagduman sa sainda na nagpadara saiya, asin sinda gabos naglaog sa sarong tipan, iyo, nagpanuga sa paagi kan saindang daeng kasagkoran na Taggibo, na sinda dae nanggad matuga sa kiisay man na tawo na si Kishkumen an nakagadan ki Pahoran.

12 Kun kaya, si Kishkumen dae nanggad nabantog sa pag-iriba nin mga katawohan nin Nephi, nin huli ta siya kaidto nakabalatkayo sa panahon na saiyang ginadan si Pahoran. Asin si Kishkumen asin an saiyang pag-iriba, na nakipagtipan sa saiya, nakipaghalo kan saindang mga sadire sa mga katawohan, sa manera na dae nanggad sinda gabos nananagboan; pero habang kadakul an nagkadarakop na pinagkondena sa kadagaan.

13 Asin ngonian hilnga, si Pacumeni iyo an pinagnombraran, na uyon sa boses nin mga katawohan, na iyo an pinakapamayong huwes asin sarong gobernador nin mga katawohan, na iyo an magpamahala karibay kan saiyang tugang na si Pahoran; asin idto uyon sa saiyang deretso. Asin an gabos na ini nangyari sa ika-kuwarentang taon nin pagpapamahala kan mga huwes; asin ini nagkaigwa nin katapusan.

14 Asin ini nangyaring naglipas sa ika-kuwarenta asin enot na taon kan pagpapamahala nin mga huwes, na an mga Lamanita nagtiripon na magkasararo nin dae mabibilang na armada nin mga tawo, asin pinag-armasan nin mga espada, asin mga panusok asin nin mga bus-og, asin mga pana, asin nin mga helmet, asin nin mga pantahob-daghan, asin nin gabos na manera nin panangga nin lambang klase.

15 Asin sinda nag-arabot giraray na tanganing maghanda sa pakigiyaera kontra sa mga Nephita. Asin sinda pinapangenotan nin sarong tawo na an pangaran Coriantumr; asin siya sarong kahimanwa nin Zarahemla; asin siya sarong reklamador sa mga pag-iriba nin mga Nephita; asin siya sarong dakulaon asin makusog na lalake.

16 Kun kaya, an hade kan mga Lamanita, na an ngaran iyo si Tubaloth, na akeng lalake ni Ammoron, na naghuhuna-huna na si Coriantumr, bilang sarong makusog na lalake, puwedeng magtindog kontra sa mga Nephita, sa paagi kan saiyang kusog asin man kan saiyang dakulang kadunungan, na tangani baya sa paagi nin pagpadara saiya siya puwedeng makaguno nin kapangyarihan sa mga Nephita---

17 Kun kaya saiya sindang sinulsulan na mag-anggot, asin saiyang tiniripon na magkasararo an saiyang mga armada, asin saiyang pinagnombraran si Coriantumr na iyo

an saindang lider, asin nagsugo na sinda dapat magmartsa pababa sa kadagaan nin Zarahemla tanganing makigiyaera kontra sa mga Nephita.

18 Asin ini nangyaring naglipas na nin huli sa grabeng pag-iiriwal-iwal asin nin grabeng kadepisilan sa gobyerno, na tanganing sinda dae nakatoka nin awad-awad na mga guwardiya sa kadagaan nin Zarahemla; nin huli ta sinda naghuhuna-huna na an mga Lamanita dae na mag-abot pasiring sa puso kan saindang kadagaan sa pag-atake kaidtong bantog na siyudad nin Zarahemla.

19 Pero ini nangyaring naglipas na si Coriantumr nagmartsa pa-abante na yaon sa enotan kan saiyang grabe kadakulon na pag-iriba, asin nag-abot sa mga nag-eerok kan siyudad, asin an saindang martsa nangyari na may grabe na gayong kahidali na tanganing mayo nin panahon para sa mga Nephita na magkasararong magtiripon an saindang mga armada.

20 Kun kaya pinatumba ni Coriantumr an bantayan na yaon sa may entrada kan siyudad, asin nagmartsa palaog kairiba an saiyang bilog na armada pasiring sa siyudad, asin saindang pinaggaradan an siisay man na makilaban sainda, na tangani baga saindang maagaw an kabilugan nin siyudad.

21 Asin ini nangyaring naglipas na si Pacumeni, na iyo an pinakapamayong huwes, nagdulag sa atubangan ni Coriantumr, magin sagkod sa may muralya nin siyudad. Asin ini nangyaring naglipas na si Coriantumr mismo an nagkulog saiya sa may muralya, na iyo an saiyang ikinagadan. Asin kaya nagtapos an mga aldaw ni Pacumeni.

22 Asin ngonian kan mahiling ni Coriantumr na saiyang nakakaputan an siyudad nin Zarahemla, asin nahiling na an mga Nephita nagdurulag sa atubangan ninda, asin nagkagaradan, asin nagkadarakop, asin pinagkunkon sa prisohan, asin ta saiyang nakakaputan an pamamahala sa pinakakusog na parte kan bilog na kadagaan, an saiyang puso nakakua nin kakusugan nin boot na tangani baya siya nagplano na ipagpadagos an pakilaban sa bilog na kadagaan.

23 Asin ngonian siya dae nagpirme sa kadagaan nin Zarahemla, pero siya nagpadagos sa pagmartsa pa-abante na kairiba an saiyang dakulaon na armada, magin pasiring sa siyudad nin Masagana; nin huli ta ini an saiyang determinasyon na magpadagos sa pag-abante asin duminiretso sa pag-atake sa paagi ni espada, na tanganing saiyang masakop an norteng parte nin kadagaan.

25 Pero hilnga, ining pagmartsa ni Coriantumr sa paagi nin katawohan nin kadagaan nagtao ki Moronihah nin dakulaon na bentahe kontra sainda, maski na ngani sa kadakulaong numero kan mga Nephita na nagkagaradan.

26 Nin huli ta hilnga, si Moronihah naghuna na an mga Lamanita dae maagi sa katahawan nin kadagaan, pero sinda ma-atake sa mga siyudad sa palibot nin mga kasagkoran na arog kan saindang pinaggigibo kaidto; kun kaya si Moronihah nagsugo na an saindang mga armada dapat magmantine kan mga parteng idto na yaon sa palibot kan mga kasagkoran.

27 Pero hilnga, an mga Lamanita dae nagkatarakot uyon sa saiyang pinagmawot, pero sinda nagpasiring sa laog kan katahawan nin grabeng panggadanan, parehong mga lalake, mga babae, asin mga kaakian, sinakop an kadakul na mga siyudad asin kadakul na mga pinagkakutaan.

28 Pero kan si Moronihah madiskubre ini, saiya tulos ipinadara si Lehi kaiba an saiyang armada sa palibot tanganing pamayuhan sinda bago pa man sinda makaabot sa kadagaan nin Masagana.

29 Asin kaya saiyang ginibo; asin saiya sindang pinapamayuhan bago pa man sinda makaabot sa kadagaan nin Masagana, asin tinaw-an sinda nin laban, na tanganing sinda nagpoon sa pag-atras pabalik pasiring sa kadagaan nin Zarahemla.

30 Asin ini nangyaring naglipas na si Moronihah iyo an nagpangenotan kontra sinda sa saindang pag-atras asin pinagtaw-an sinda nin laban, na tanganing ini baya nagin grabe kamadugong ralabanan; iyo, kadakul an nagkagaradan, asin sa mga pag-iribang numero na nagkagaradan iyo si Coriantumr man nanagboan.

31 Asin ngonian, hilnga, an mga Lamanita dae na maka-atras sa arin man na agihan, ni pa-norte, ni patimog, ni pasirangan, ni pasulnupan, nin huli ta sinda nagkaparilibutan na sa lambang surok kan mga Nephita.

32 Asin kaya si Coriantumr iyo an nagpahulog kan mga Lamanita pasiring sa katahawan kan mga Nephita, na tanganing baya sinda naloom sa kapangyarihan kan mga Nephita, asin siya mismo nagadan, asin an mga Lamanita nagsuko kan saindang mga sadire sa mga kamot nin mga Nephita.

33 Asin ini nangyaring naglipas na si Moronihah an nakabawi giraray kan siyudad nin Zarahemla, asin nagsugo na an mga Lamanita na nagin mga prisoner dapat na matuninong na magharale paluwas sa kadagaan.

34 Asin kaya nagtapos an ika-kuwarenta asin enot na taon kan pagpapamahala nin mga huwes.

HELANAN TSAPTER 2

Si Helaman na ikaduwa iyo an nagin pinakapamayong hukom--- Si Gadianton an namayo sa grupo kan Kishkumen--- An surugoon ni Helaman iyo an nakagadan ki Kishkumen, asin an Gadianton na grupo nagdurulag pasiring sa kakadlagan.

Asin ini nangyaring naglipas na sa ika-kuwarenta asin duwang taon kan pagpapamahala nin mga huwes, pagkatapos na si Moronihah iyo an nag-establisa giraray nin katuninongan sa tahaw kan mga Nephita asin mga Lamanita, hilnga mayo ni saro an puwedeng magtukaw sa tukawan nin paghuhukom; kun kaya nagkaigwa nin pagpoon nin sarong pag-iirwal-iwal sa mga pag-iribab nin mga katawohan na kaun siisay an dapat na magtukaw sa tukawan nin paghuhukom,

2 Asin ini nangyaring naglipas na si Helaman na akeng lalake ni Helaman, iyo an pinagnombraran na magtukaw sa tukawan nin paghuhukom, sa paagi nin boses nin mga katawohan.

3 Pero, hilnga, si Kishkumen, na iyo an naggadan ki Pahoran, naghalat sana na maggadan man si Helaman; asin siya pinagtaas kan saiyang grupo, na naglaog sa sarong tipan na mayo na siisay man an dapat na makaaram kan saiyang kadaendatahan.

4 Nin huli ta may sarong Gadianton, na grabeng gayo katibay sa kadakul na mga tataramon, asin kan saiyang mga padaya, tanganing darahon padagos an sikretong gibo nin panggagadan asin nin panghahabon; kun kaya siya an nagin lider kan grupo nin Kishkumen.

An Simbahan ni Jesukristo nin Mga Banal sa Huring-aldaw 449
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

5 Kun kaya siya an nakapagdara sainda, asin man ki Kishkumen, na kun sinda an magkaag saiya sa tukawan nin paghuhukom saiayang itata-o sainda na kabarale sa saiayang grupo na ikaag sinda sa kapangyarihan asin autoridad na mangingibabaw sa mga katawohan; kun kaya si Kishkumen iyo an nagmawot na gadanon si Helaman.

6 Asin ini nangyaring naglipas na habang siya nagpasiring sa tukawan nin paghuhukom tanganing destrosohon si Helaman, habang nasa luwas siya sa pagkabanggi, asin yaon sa pagbabalatkayo, may kaaraman kaidtong mga plano na ipinag-andam kaining grupo tanganing destrosohon si Helaman---

7 Asin ini nangyaring naglipas na saiayang nanagboan si Kishkumen, asin siya nagta-o saiya nin saroang senyas; kun kaya si Kishkumen an nagpaabot saiya an bagay kan saiayang mawot, pinagmamawot na siya an gumibo para saiya na magpasiring sa tukawan nin paghuhukom na tanganing gadanon si Helaman.

8 Asin kan an surugoon ni Helaman namangnuhan an gabos na plano ni Kishkumen, asin kun paano ta plano niyang manggadan, asin man ta ini an plano kan gabos na kabale sa saiayang grupo an manggadan, asin manghabon, asin makaguno nin kapangyarihan, (asin iyo ini an saindang sikretong plano, asin an saindang kumbinasyon) an surugoon ni Helaman nagsabi ki Kishkumen: Magduman kita pasiring sa tukawan nin paghuhukom.

9 Ngonian ini nakapagpa-ogma ki Kishkumen nin grabe, nin huli ta saiayang pianghuhuna-huna na saiya dapat na maggibo an saiayang mga disenyo; pero hilnga, an surugoon ni Helaman, habang sinda pasiring pa sana sa tukawan nin paghuhukom, sinaksak si Kishkumen sa may puso, na siya nagbagsak na gadan na mayo ni sarong pag-ingos. Asin siya nagdalagan asin sinumbong ki Helaman an gabos na bagay na saiayang nasaksihan, asin nadangog, asin ginibo.

10 Asin ini nangyaring naglipas na si Helaman nagpadara tulos-tulos tanganing darakupon an grupong ini kan mga parahabon asin mga sikretong paragadan, na tanganing baya sinda padusahan uyon sa ley.

11 Pero hilnga, kan si Gadianton makapag-isip na si Kishkumen dae na makabalik siya natakot na baka siya madestroso; kun kaya siya nagsugo na an grupo niya magsunod. Asin sinda nagruluwas sa kadagaan, sa paagi nin sarong sikretong agihan, pasiring sa kakadlagan; asin kaya kan si Helaman namapagpadara tanganing dakopon sinda mayo na sindang nagkaarabutan.

12 Asin kadakul panungod sa Gadianton na ini an nabareta magpoon kaidto. Asin kaya nagtapos an ika-kuwarenta asin duwang taon kan pagpapamahala nin mga huwes sa katawohan nin Nephi.

13 Asin hilnga, sa katapusan kaining libro saindong mahihiling na ining Gadianton nagprubar as pag-aagaw, iyo, haros sa kina-enterohang pagkadestroso kan mga katawohan nin Nephi.

14 Hilnga ako dae nagpaka-hulugan nin katapusan kan libro ni Helaman, pero ako nagpapakahulugan kan libro ni Nephi, kun saen ko kinua an gabos na estorya na sakuyang sinurat.

HELMAN TSAPTER 3

*Kadaku na mga Nephta an nagharale pasiring sa kadagaan sa may norteng parte---
Sinda nagtugdok nin mga sementadong mga harong asin nagsasaray nin kadaku na
mga talaan--- Manampulong mga rinibo an nagkabarag-o asin nagkaburunyagan--- An
tataramon nin Diyos nag-aantabay sa mga tawo pasiring sa kaligtasan--- Si Nephi na
ake ni Helaman iyo an nagtukaw sa tukawan nin paghuhukom.*

Asin ngonian ini nangyaring naglipas na sa ika-kuwarenta asin tulong taon kan pagpapamahala nin mga huwes, dae nagkaigwa nin pag-iiriwal-iwal sa pag-iriba nin mga katawohan kan Nephi laen lang ining sarong dikit na kapaabaw-abawan na yaon sa laog kan simbahan, na iyo an nagkausa nin dikit na pagkakabaranga sa pag-iriba nin mga tawo, na an mga pangyayaring ini nahusay sa katapos-tapusi kan ika-kuwarenta asin tulong taon.

2 Asin dae nagkaigwa nin pag-iiriwal-iwal sa pag-iriba nin mga katawohan sa ika-kuwarenta asin apat na taon; ni nagkaigwa man n in grabeng pag-iiriwal-iwal sa ika-kuwarenta asin limang taon.

3 Asin ini nangyaring naglipas na sa ika-kuwarenta asin ano, iyo, nagkaigwa nin grabeng pag-iiriwal-iwal asin kadaku na pagkakabaranga-banga; kun kaya nagkaigwa nin grabe kadakulon na nagharale paluwas sa kadagaan nin Zarahemla, asin nagpasiring sa norteng parte nin kadagaan tanganing manahon an kadagaan.

4 Asin sinda naglakbay pasiring sa grabe kaharayoon na distansiya, na tanganing baya sinda nakaabot sa lugar nin kadakulaon na mga hawak nin tubig asin kadaku na mga salog.

5 Iyo, asin magin sinda nagkaralat sa haros gabos na mga parte nin kadagaan, hanggan duman sa mga parte na nagkapabarayaan na asin mayo na nin mga kahoy, nin huli sa kadakulon na mga katawohan na kaidto naka-erestar sa lugar.

6 Asin ngonian mayong parte nin kadagaan an napabaya, laen lang ining may kakahuyan; pero nin huli sa kadakulaan kan pagkadeostro nin mga katawohan na kaidto naka-estar sa kadagaan kaya ini inapud na “kalipungawan.”

7 Asin ta igwa sanang kadikiton na kahoy sa lalawgon nin kadagaan, daeng pagkukulang na an mga katawohan na nagka-erenot nagin ekspertong gayo sa paggigibo nin semento; kun kaya sinda nagtugdok nin mga kaharongan na semento, kun saen sinda nag-estar.

8 Asin ini nangyaring naglipas na sinda nagdaku asin nagkaralat, asin nakaabot gikan sa katimogang parte pasiring sa norteng parte nin kadagaan, asin nagkaralat na tanganing baya sinda nagpoon sa pagkunop sa lalawgon kan bilog na kadagaan, gikan sa kadagatan nin timog hanggan sa kadagatan nin norte, gikan sa kadagatan nin sulnupan hanggan sa kadagatan nin sirangan.

9 Asin an mga katawohan na yaon sa kadagaan panorte nag-estar sa mga tolda, asin sa mga harong na semento, asin sinda nagtugot kan anuman na kahoy na magtubo sa lalawgon nin daga na ini dapat na magtalubo, na pag-abot nin panahon sinda magkaigwa nin mga kahoy sa pagtugdok kan saindang mga harong, iyo, kan saindang mga siyudad, asin kan saindang mga templo, asin kan saindang mga sinagoga, asin kan saindang mga sanktuwaryo, asin kan gabos na manera kan saindang mga pagharongon.

10 Asin ini nangyaring naglipas habang an mga kahoy grabeng gayo an kakulangan sa

kadagaan panorte, sinda nagpaduman sa paagi nin paghakot.

11 Asin kaya saindang natabangan an mga katawohan na yaon sa kadagaan panorte na sinda makatugdok nin kadakul na mga siyudad, na parehong gibo sa kahoy asin kan semento.

12 Asin ini nangyaring naglipas na igwa nin kadakul na mga katawohan nin Ammon, na dating mga Lamanita sa pagkamundag, na nagpasiring man sa kadagaan na ini.

13 Asin ngonian igwa nin kadakul na mga talaan na pinagtao kan mga pangyayari kaining mga katawohan, sa paagi nin kadaklan kaining mga katawohan, na mga partikular asin masyadong dakulaon, na mapanungod sainda.

14 Pero hilnga, an ika-sanggaots na parte kan mga pangyayari kaining mga katawohan, iyo, estorya kan mga Lamanita asin kan mga Nephita, asin an saindang mga giyera, asin mga pagralaban-laban, asin mga kariribokan, asin an saindang pagbabalangibog, asin an saindang mga propesiya, asin an saindang paglalayag asin an saindang paggigibo nin mga barko, asin an saindang pagtutugdok nin mga templo, asin kan mga sinagoga asin an saindang mga sanktuwaryo, asin an saindang pagkamatanos, asin an saindang mga kadaendatahan, asin an saindang mga panggagadan, asin an saindang mga panghahabon, asin an saindang pananalakat, asin an gabos na manera nin mga karigsokan asin mga pakiki-apid, na dae puwedeng maipalaman sa trabahong ini.

15 Pero hilnga, igwa nin kadakul na mga libro asin kadakul na mga talaan kan lambang klase, asin an mga ini maingat na pinagtatago kan mga Nephita.

16 Asin an mga ini pinagpamana gikan sa sarong henerasyon hanggan sa iba man na henerasyon kan mga Nephita, magin sagkod na sinda nagkahurulog pasiring sa kalapasan asin pinaggaradan, pinagsalakat, asin pinaghahanap, asin pinagpaharale, asin ginagadan, asin pinagkaralat sa lalawgon kaining kinaban, asin nakahalo sa mga Lamanita hanggan sa sinda dae na pinag-apud na mga Nephita, nagin marigsok, asin pakawala, asin mabangison, iyo, nagin mga Lamanita.

17 Asin ngonian ako mabalik giraray sa sadire kong estorya; kun kaya, ano man an sakong nasabi nakaagi na pagkatapos na nagka-igwa nin sarong dakulang pagralaban-laban, asin mga pandedestroso, asin mga giyera, asin mga kariribokan, sa pag-iriba nin mga katawohan nin Nephi.

18 An ika-kuwarenta asin anom na taon kan pagpapamahala nin mga huwes natapos na;

19 Asin ini nangyaring naglipas na nagka-igwa pa man nin dakulaon na pagraralaban-laban sa kadagaan, iyo, magin sagkod sa ika-kuwarenta asin pitong taon, asin man sa ika-kuwarenta asin walong taon.

20 Daeng pagkukulang na si Helaman iyo an nagtukaw sa tukawan nin paghuhukom na igwa nin hustisya asin paninindugan; iyo, saiyang pinag-uutob an mga katugonan, asin an mga paghuhukom, asin an mga kasugoan nin Diyos; asin saiya ining padagos na ginigibo an tama sa paghilingon nin Diyos; asin siya naglakaw sa mga dalan kan saiyang ama, na tanganing siya nag-assenso sa kadagaan;

21 Asin ini nangyaring naglipas na siya nagkaigwa nin duwang akeng lalake. Saiyang pinagta-o sa pinakapanganay an ngaran na Nephi, asin sa pinakbunso, an ngaran na Lehi. Asin sinda nagpoon na magdakula na yaon sa Kagurangnan.

22 Asin ini nangyaring naglipas na an mga giyera asin pagralaban-laban nagpoon na sa pag-untok, sa sarong kadikit na kamugtakan, sa pag-iriba nin mga katawohan kan mga Nephita, sa huring parte kan ika-kuwarenta asin walong taon nin pagpapamahala nin mga

huwes sa mga katawohan nin Nephi.

23 Asin ini nangyaring naglipas sa ika-kuwarenta asin siyam na taon nin pagpapamahala kan mga huwes, igwa nin padagos na katuninongan na na-establisa sa kadagaan, gabos laen lang digde iyo an mga sikretong kumbinasyon na si Gadianton na parahabon an nakapag-establisa sa sarong pinakaligtas na parte nin kadagaan, na sa panahong idto dae pa aram kan mga tawo na yaon sa pamamayo kan gobyerno; kun kaya sinda dae nagkagaradan na mapara sa kadagaan.

24 Asin ini nangyaring naglipas na sa kaparehong taon nagkaigwa nin grabe na gayong pag-asenso sa laog nin simbahan, dahilan tanganing nagkaigwa nin mga rinibo na naki-ayon kan saindang mga sadire sa simbahan asin pinagbunyagan pasiring sa pagsosolsol.

25 Asin grabeng gayo an pag-asenso kan simbahan, asin grabe kadakul an biyaya na pinabulos sa mga katawohan, na maski ngani an mga haralangkaw na mga kapadean asin mga paratukdo nagngaralas na gayo sa saindang mga sadire na mayong sukol.

26 Asin ini nangyaring naglipas na an gibo nin Kagurangnan nag-asenso sagkod sa pagbubunyag asin pagkakasararo sa laog kan simbahan nin Diyos, kadakul na mga kalag, iyo, magin manampulo nin mga rinibo.

27 Kaya satuyang nahihiling na an Kagurangnan pano nin pagkaherak sa gabos ninda, na igwa nin sensiridad sa saindang mga puso, na mag-aapud sa saiyang banal na pangaran.

28 Iyo, kaya satuyang nahihiling na an pintuan nin kalangitan binuksan sa sainda gabos, magin sa sainda na nagtutubod sana sa ngaran ni JesuCristo, na iyo an Ake nin Diyos.

29 Iyo, satuyang nahihiling na an siisay man an nangangaputan sa tataramon nin Diyos, na buhay asin pano nin kapangyarihan, na iyo an magbabaranga sa gabos na katusuhan asin mga lit-ag asin mga padaya kan diyablo, asin mangagda sa mga tawo ni Cristo pasiring sa hayakpit asin pikiting dalan pasiring sa daeng katapusan na gulpo nin kasakitan na pinag-andam para lamonon an mga mararaot.

30 Asin ihulog an saindang mga kalag, iyo, an saindang daeng kagadanan na mga kalag, sa may toong kamot nin Diyos sa kahadean nin langit, na makikitukaw kaiba si Abraham, asin Isaac, asin kaiba si Jacob, asin kaiba an gabos nyatong mga banal na ama, na tanganing dae na naggad magluwas pa.

31 Asin sa taon na ini nagkaigwa nin danay na kaogmahan sa kadagaan nin Zarahemla, asin sa bilog na rehiyon sa palibot, magin sa bilog na kadagaan na pagsasadire kan mga Nephita.

32 Asin ini nangyaring naglipas na nagkaigwa nin katuninongan asin grabe na gayong kaogmahan sa katadaang parte kan ika-kuwarenta asin siyam na taon; iyo, asin man nagkaigwa nin danay na katuninongan asin dakulang kaogmahan sa ika-singkuwentang taon kan pagpapamahala nin mga huwes.

33 Asin sa ika-singkuwenta asin enot na taon kan pagpapamahala nin mga huwes nagkaigwa man nin katuninongan, laen lang sa kapa-abaw-abawan na nagpoon sa paglaog sa simbahan--- bako sa palaog kan simbahan nin Diyos, pero pasiring sa laog kan mga puso nin mga katawohan na nagpapabantog na kabale sa simbahan nin Diyos---

34 Asin sinda nagpapalangkaw sa kapa-abaw-abawan, magin sagkod sa persekusyon kan kadakul nindang mga katugangan. Ngonian iyo ini an dakulang karaotan, na nagkausa sa kadakul na mapagpakumbabang mga katawohan na magsapo nin dakulang mga persekusyon, asin ta nagtios nin grabeng kasakitan.

35 Daeng pagkukulang sinda nag-aayuno asin nagpapangadye pirme, asin nagkukusog na

nagkukusog sa saindang kapakumbabaan, asin patatag nin patatag sa pagtubod ki Cristo, sagkod sa kapanoan kan saindang mga kalag na may kaogmahan asin konsolasyon, iyo, magin sagkod sa paglilinig asin pagpapakabanal kan saindang mga puso, na an pagpapakabanal mapasainda nin huli kan pagdudulot kan saindang mga puso sa Diyos.

36 Asin ini nangyaring naglipas na an ika-singkuwenta asin duwang taon nagtapos man sa katuninongan, laen lang sa grabe na gayong kadakulaan kan kapa-abaw-abawan na nakapalaog sa mga puso nin mga tawo; asin ini nangyari nin huli kan saindang dakulang na gayong mga kayamanan asin kan saindang mga ka-asensohan sa kadagaan; asin ini naggad nagtatalubo sa sainda gikan sa aro-aldaw.

37 Asin ini nangyaring naglipas na sa ika-singkuwenta asin tulong taon kan pagpapamahala kan mga huwes, si Helaman nagadan, asin an saiyang panganay na akeng lalake na si Nephi nagpoon sa pagpapamahala karibay niya. Asin ini nangyaring naglipas na siya an nagtukaw sa tukawan nin paghuhukom na may hustisya asin pagkapantay-pantay; iyo, siya nagsusunod sa mga kasugoan nin Diyos, asin naglakaw sa mga dalan kan saiyang ama.

HELANAN TSAPTER 4

An mga Nephita paribok asin an mga Lamanita nagsaro nin mga puwersa asin sinakop an kadagaan nin Zarahemla--- Ang mga kadaogan kan mga Nephita nangyari nin huli kan saindang mga kadaendatahan--- An Simbahan nagluya asin an mga katawohan nagin maluya arog kan mga Lamanita.

Asin ini nangyaring naglipas na sa ika-singkuwenta asin apat na taon nagkaigwa nin kadakul na mga kariribokan sa laog kan simbahan, asin nagka-igwa man nin arong pag-iiriwal-iwal sa pag-iriba kan mga katawohan, na tanganing nagkaigwa nin grabeng pagbulos nin dugo.

2 Asin an mga nagrerebeldeng parte an nagkagaradan asin pinalalayas sa kadagaan, asin sinda nagparasiriring sa hade kan mga Lamanita.

3 Asin ini nangyaring naglipas na saindang pinaghingoha na pa-angguton an mga Lamanita para makigiyera kontra sa mga Nephita; pero hilnga, an mga Lamanita grabe na gayo an pagkatakot, na tanganing sinda habong magdangog sa mga tataramon kan mga paribok.

4 Pero ini nangyaring naglipas na sa ika-singkuwenta asin anom na taon kan pagpapamahala nin mga huwes, igwa nin mga paribok na nagharale sa mga Nephita asin nakihalo na sa mga Lamanita; asin saindang napatubod an iba na sinda pinapa-aranggot ninda kontra sa mga Nephita; asin sinda nag-andam sa bilog na taon para sa giyera.

5 Asin sa ika-singkuwenta asin pitong taon sinda nag-atake kontra sa mga Nephita sa pakigiyera, asin sinda an nagpoon sa trabaho nin kagadanan; iyo, na tanganing sa ika-singkuwenta asin walong taon kan pagpapamahala nin mga huwes sinda nagin matrayumpo sa pag-agaw kan kadagaan nin Zarahemla; iyo, asin man an bilog na mga

An Simbahan ni Jesukristo nin Mga Banal sa Huring-aldaw

454

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- kadagaan; magin sagkod sa kadagaan na haranihon sa kadagaan nin Masagana.
- 6 Asin an mga Nephita asin an mga armada ni Moronihah napa-atras magin sagkod sa kadagaan nin Masagana.
- 7 Asin duman nagpakusog kontra sa mga Lamanita, gikan sa sulnopang dagat, magin sagkod sa sirangan; ini na sarong aldaw na pagbiyahe para sa sarong Nephita, sa may hangganan na saindang pinakusog asin pinag-estasyon an saindang armada tanganing idepensa an saindang norteng banwaan.
- 8 Asin kaya idtong mga paribok kan mga Nephita, sa tabang kan kadakulan na numero kan hukbo kan mga Lamanita, nagkakurua an bilog na pagsasadire kan mga Nephita na yaraon sa may timog na parte nin kadagaan. Asin an gabos na ini nangyari sa ika-singkuwenta asin walo asin siyam na mga taon na pagpapamahala kan mga huwes.
- 9 Asin ini nangyaring naglipas na sa ika-saisentang taon kan pagpapamahala kan mga huwes, si Moronihah nagin matrayumpo kaiba an saiyang mga armada sa pagbawi sa kadakul na mga parte nin kadagaan; iyo, saindang nagkabarawi an kadakul na mga siyudad na nagkahurulog sa mga kamot kan mga Lamanita.
- 10 Asin ini nangyaring naglipas na sa ika-saisenta asin enot na taon kan pagpapamahala nin mga huwes sinda nagtrayumpo sa pagbabawi magin an kabangaan kan bilog nindang mga pagsasadire.
- 11 Ngonian ining dakulang kawaraan kan mga Nephita, asin an dakulaon na panggagadanan sa pag-iriba ninda, dae man kuta na nangyari kun bako sa saindang kadaendatahan asin kan saindang abominasyon na yaon sa pag-iriba ninda; iyo, asin ini nangyari sa sainda na nagbabalangibog na kabale sa simbahan nin Diyos.
- 12 Asin ini nin huli sa kapaabaw-abawan kan saindang mga puso, nin huli kan saindang nagsosobrang kayamanan, iyo, ini nin huli kan saindang pagdadaog-daog sa mga pobre, pinagtatago an saindang pagkakan sa mga nagugutom, pinagtatago an saindang mga gubing sa mga huba, asin sinasampaling an saindang mapagpakumbaba na mga katugangan sa saindang mga pisngi, naggigibo nin pagtutuya-tuya sa mga bagay na sagrado, sinisikwal an espiritu nin propesiya asin nin kapahayagan, panggagadan, pandarambong, kaputikan, panghahabon, paggigibo nin adulteryo, pag-alsa para sa dakulaon na pakipag-iwal, asin an pagrayo gikan sa kadagaan nin Nephi, pasiring sa mga Lamanita---
- 13 Asin nin huli kan saindang dakulaon na kadaendatahan asin kan saindang mga kahambungan kan sadire man sana nindang kusog, sinda pinabayaan sa saindang sadireng kusog; kun kaya sinda dae nag-aasenso, pero pinasakitan asin pinaghampak, asin pinatunod sa atubangan kan mga Lamanita, hanggan nagkawarara an pagsasadire kan haros bilog nindang kadagaan.
- 14 Pero hilnga, si Moronihah nagparabalangibog nin kadakul na mga bagay sa mga katawohan nin huli kan saindang kadaendatahan, asin man sinda Nephi asin Lehi, na mga akeng lalake ni Helaman, nagbalangibog nin kadakul na bagay sa mga katawohan, iyo, asin nagpropesiya nin kadakul na mga bagay sa sainda manungod sa saindang mga kadaendatahan, asin kun ano baya ang mangyayari sa sainda kun sinda dae magsosolsol kan saindang mga kasalan.
- 15 Asin ini nangyaring naglipas na sinda nagsorolsol, asin ta habang sinda nagsosorolsol sinda nagpoon sa pag-aasenso.
- 16 Nin huli ta kan si Moronihah nakahiling na sinda nagsorolsol siya nangenotan sa

pagbiyahe gikan sa sarong lugar pasiring sa iba, asin gikan sa sarong siyudad sagkod sa iba, magin sagkod na saindang nabawi an kabangaan kan saindang propriyedad asin an kabangaan kan bilog nindang kadagaan.

17 Asin kaya nagtapos an ika-saisenta asin enot na taon kan pagpapamahala nin mga huwes.

18 Asin ini nangyaring naglipas na sa ika-saisenta asin duwang taon kan pagpapamahala nin mga huwes, na si Moronihah mayo nang mabawi pang mga pagsasadire sa mga Lamanita.

19 Kun kaya sainda nang pinagpabaya an saindang plano na bawion an katadaan pa kan saindang mga kadagaan, nin huli ta grabe pang gayo an bilang kan mga Lamanita na tanganing ini nagin impossible na para sa mga Nephita na makakua nin dagdag na kapangyarihan na sakopon sinda; kun kaya si Moronihah nagsugo sa bilog niyang armada na mantinohon na sana an mga parte na saiyang nagkabarawi.

20 Asin ini nangyaring naglipas, nin huli sa kadakulaong gayo an bilang kan mga Lamanita an mga Nephita yaon sa dakulang katarakutan, naghahandal na baka sinda puwedeng magkadaraog, asin pagbarasang-basangon, asin garadanon, asin destrosohon.

21 Iyo, sinda nagpoon na magiromdoman an mga propesiya ni Alma, asin man an mga tataramon ni Mosiah; asin saindang nahiling na sinda nagin matiso an liog na katawohan, asin na saindang binale-wala an mga kasugoan nin Diyos;

22 Asin ta saindang pinagbag-o asin pinagturungtungan sa irarom kan saindang mga bitis an mga ley ni Mosiah, o idtong pinagsugo nin Kagurangnan saiya na ipaabot sa mga katawohan; asin saindang nahiling na an saindang mga ley nagin maraot, asin ta sinda nagin sarong daendatang katawohan, na tanganing sinda nagin madendatahon na arog kan mga Lamanita.

23 Asin nin huli kan saindang kadaendatahan an simbahan nagpoon na magdikit; asin sinda nagpoon na dae magtubod sa espiritu nin propesiya asin sa espiritu nin kapahayagan; asin an mga paghuhukom nin Diyos iyo an nagmamasid sainda sa lalawgon.

24 Asin saindang nahiling na sinda nagigin maruluya, na arog sa saindang mga katugangan, an mga Lamanita, asin ta an Espiritu nin Kagurangnan dae na nagpreserba sainda; iyo, ini nagrayo na sainda nin huli ta an Espiritu nin Kagurangnan dae nag-eerok sa bakong banal na mga templo---

25 Kun kaya an Kagurangnan nag-untok sa pagpreserba sainda sa paagi kan saiyang milagroso asin daeng katampad na kapangyarihan, nin huli ta sinda nagkahurulog na sa sarong kamugtakan na mayong pagtubod asin napapano nin karigsokan; asin saindang nahihiling na an mga Lamanita grabeng gayo an bilang kesa sainda, asin laen lang na sinda mangaputan pabalik sa Kagurangnan nindang Diyos sinda naggad dae malilikayan na magkaparara.

26 Nin huli ta hilnga, saindang nahihiling na an kusog kan mga Lamanita haros kapareho kan saindang mga kusog, magin tawo sa tawo. Asin kaya sinda nagkahurulog pasiring sa dakulang kalapasan; iyo, kaya sinda nagin maruluya, nin huli kan saindang kalapasan, sa laog nin dae pa kadakul na mga taon.

HELAMAN TSAPTER 5

An Simbahan ni Jesukristo nin Mga Banal sa Huring-aldaw

456

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

Si Nephi asin Lehi pinagdeboto an saindang mga sadire sa pagbabalangibog--- An saindang mga pangaran nag-iimbita sainda na pangarugan kan saindang mga buhay an saindang mga ninuno--- Si Cristo an nagbabalukat sainda na nagsosolsol--- Si Nephi asin Lehi nakahimo nin kadakul na mga nagbalik-loob asin nagkapririso, asin kalayo an nakapalibot sainda--- Sarong panginuron nin kadikloman an nagpandong sa tulong gatos na katawohan--- An kadagaan nagyugyog asin sarong boses an nagsugo sa mga tawo na magsolsol--- Si Nephi asin Lehi nakipag-olay sa mga anghel, asin an kadaklan nakapalibutan nin kalayo.

Asin ini nangyaring naglipas na sa kaparehong taon, hilnga, si Nephi pinagahunod an tukawan nin paghuhukom sa sarong tawo na an pangaran Cezoram.

2 Nin huli ta habang an saindang mga leyes asin an saindang gobyerno pinag-establisa sa paagi nin boses nin mga katawohan, asin sinda nagpili nin maraot mas dakul an numero kesa sainda na nagpili nin marhay, kun kaya sinda naghihinog na para sa kapahamakan, nin huli ta an mga leyes nagigin mga koraptado.

3 Iyo, asin bako lang ini gabos; sinda na mga tiso an liog na mga katawohan, na tanganing sinda dae napapamahalaan sa paagi nin ley nin hustisya, laen lang kun ini pasiring sa saindang kapahamakan.

4 Asin ini nangyaring naglipas na si Nephi pinanluyahan nin huli kan kadaendatahan; asin saiyang pinagsuko an tukawan nin paghuhukom, asin lugod pinag-ako sa sadire na magbalangibog nin tataramon nin Diyos sa bilog na katadaan kan saiyang mga aldaw, asin an saiyang tugang na lalake na si Lehi man, sa bilog na katadaan kan saiyang mga aldaw;

5 Nin huli ta saindang nagiromdoman an mga tataramon na an saindang ama na si Helaman nagtaram sa sainda. Asin iyo ini an mga tataramon na saiyang pinagsabi:

6 Hilnga, mga ake kong lalake, ako nagmamawot na dapat nindong giromdomon na magsunod sa mga kasugoan nin Diyos; asin an gusto ko na saindong ideklara sa mga katawohan ining mga tataramon. Hilnga, sakuyang pinagtao saindo an mga pangaran kan satuyang enot na mga magurang na nagruluwas sa kadagaan nin Jerusalem; asin ini sakong ginibo na kun sakali saindong magiromdoman an saindong mga pangaran kamo makagiromdom sainda; asin kun kamo makagiromdom sainda saindong magiromdoman an saindang mga nakaginiribohan; asin kun saindong magiromdoman an saindang mga nagibo puwede nindong maaraman kun paano ini naisabi, asin man naisurat, na sinda marhayon.

7 Kun kaya, mga ake kong lalake, ako namamawot na saindong dapat na gigibohon idtong mga marhay; na naisabi na saindo, asin ma naisurat na, magin arog kan mga nasabi na asin nasurat na sainda.

8 Asin ngonian mga ake kong mga lalake, hilnga ako igwa pa nin ano pa man na kadagdagan na pinagmamawot sa saindo; na an kamawotan iyo, na kamo dae maggigibo kaining mga bagay na kamo maghambog, pero kamo puwedeng maggigibo kaining mga bagay tanganing magsaray para sa saindong mga sadire nin kayamanan sa langit; iyo, na ini eternal, asin ta dae napapara; iyo, na tangani baya kamo magkakaigwa kaining presyosong regalo nin eternal na buhay, na kita magkakaigwa nin rason na maghuhuna-

An Simbahan ni Jesukristo nin Mga Banal sa Huring-aldaw 457
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

huna na ipinagtao sa satuyang mga ama.

9 O giromdoma, giromdoma, mga aken kong lalake, an mga tataramon na si Hadeng Benjamin an nagsabi sa saiyang mga katawohan; iyo, giromdoma na mayong ibang dalan ni paagi kun saen an tawo maliligtas, kundi sa paagi sana sa pagbabayad-sala nin dugo ni Cristo Jesus, na maabot; iyo, giromdoma na siya maabot sa pagbalukat kan kinaban.

10 Asin giromdoma man an mga tataramon na si Amulek an nagsabi ki Zeezrom, sa siyudad nin Ammonihah; nin huli ta siya nagsabi sa saiya na an Kagurangnan seguradong dapat na mag-abot tanganing balukaton an saiyang mga katawohan; pero siya dae maabot sa pagbalukat sainda na yaon sa saindang mga kasalan, kundi balukaton sinda gikan sa saindang mga kasalan.

11 Asin siya igwa nin kapangyarihan na ipinagtao sa saiya gikan sa Ama tanganing magbalukat sainda gikan sa saindang mga kasalan nin huli sa pagsosolsol; kun kaya saiyang ipinadara an saiyang mga anghel tanganing ideklara an marhay na bareta tungkol sa mga kondisyon nin pagsosolsol, na magdadara pasiring sa kapangyarihan nin Parabalukat, pasiring sa kaligtasan kan saindang mga kalag.

12 Asin ngonian, mga ake kong lalake, giromdoma, giromdoma na ini yaon sa gapo kan satuyang Parabalukat, na iyo si Cristo, an Ake nin Diyos, na saindaong itugdok an saindong pundasyon; na sa panahon na an diyablo magpapadara kan saiyang makusog na mga paros, iyo, an saiyang mga tiunay sa buhawi, iyo, sa panahon na an saiyang mga niyebe asin an saiyang makusugon na bagyo na magpapakol sa saindo, ini mayong kapangyarihan na mangingibabaw saindo tanganing butungon kamo pababa pasiring sa gulpo nin mga katiosan asin mayong katapusan na katangisan, nin huli sa gapo kun saen kamo nakasandig, na iyo an tunay na pundasyon, sarong pundasyon kun saen baya kun an mga tawo magsarig sinda dae mapupukan.

13 Asin ini nangyaring naglipas na iyo ini an mga tataramon na si Helaman an nagtukdo sa saiyang mga akeng lalake; iyo, siya nagtukdo sainda nin kadakul na mga bagay na dae pa nasusurat, asin man kadakul na mga bagay an mga nasurat na.

14 Asin saindang nagromdoman an saiyang mga tataramon; asin kun kaya sinda nagpadagos, na nagsusunod sa mga kasugoan nin Diyos, tanganing magtukdo nin tataramon nin Diyos sa pag-iriba kan gabos na mga katawohan nin Nephi, poon sa siyudad nin Masagana;

15 Asin magpoon duman pasiring sa siyudad nin Gid; asin gikan sa siyudad nin Gid pasiring sa siyudad nin Mulek;

16 Asin magin gikan sa sarong siyudad sagkod sa iba, hanggan sa sinda makaduman sa pag-iriba kan bilog na mga katawohan nin Nephi na yaon sa kadagaan sa may katimogan; asin gikan duman pasiring sa kadagaan nin Zarahemla, sa pag-iriba kan mga Lamanita.

17 Asin ini nangyaring naglipas na sinda nagbalangibog na igwa nin dakulang kapangyarihan, na tanganing baya saindang naparibong an dakul saindang mga paribok na nagbaralyo na gikan sa mga Nephita, na tanganing baya sinda nagdulok asin nagkumpisal kan saindang mga kasalan asin nagkaburunyagan pasiring sa pagsosolsol, asin tulos nagbalik pasiring sa mga Nephita tanganing hingohaon na pakarhayon sa sainda an mga kasalanan na saindang nagkagirinibohan na.

18 Asin ini nangyaring naglipas na si Nephi asin Lehi nagbalangibog sa mga Lamanita na igwa nin dakulang kapangyarihan asin autoridad, nin huli ta sinda may kapangyarihan asin autoridad na ipinagtao sa sainda na tanganing sinda baya puwedeng makapagtaram;

An Simbahan ni Jesukristo nin Mga Banal sa Huring-aldaw

458

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

asin sinda man igwa na kun ano an saindang dapat na isabi na ipinagtao na sainda---

19 Kun kaya sinda nagtaram sa dakulang kangalasan kan mga Lamanita, tanganing makumbinsi sinda, na tangani bayang magka-igwa nin otsol mil na mga Lamanita na yaon sa kadagaan nin Zarahemla asin sa nakapalibot na nagpabunyag pasiring sa pagsosolsol, asin nagkakurumbinsi kan mga karigsokan kan mga tradisyon kan saindang mga ama.

20 Asin ini nangyaring naglipas na si Nephi asin si Lehi nagpadagos gikan duman pasiring sa kadagaan nin Nephi.

21 Asin ini nangyaring naglipas na sinda dinarakop kan armada nin mga Lamanita asin pinagkunkon sa prisohan; iyo, magin duman sa kaparehong prisohan kun saen si Ammon asin an saiyang mga katugangan pinagkunkon kan mga surugoon ni Limhi.

22 Asin pagkatapos na sinda pinagkunkon sa laog nin prisohan sa kadakul na mga aldaw na mayo nin pagkakan, hilnga, sinda nagpasiriring sa prisohan tanganing kuahon sinda na baya saindang puwedeng garadanon sinda.

23 Asin ini nangyaring naglipas na si Nephi asin si Lehi pina-ikutan nin kalayo, na magin sinda dae nakadukot kan saindang mga kamot sa sainda nin huli sa takot na baka sinda magkasurulo. Daeng pagkukulang, si Nephi asin si Lehi dae nasulo; asin sinda baya nagtitindog sa tahaw nin kalayo asin dae nasusulo.

24 Asin kan saindang mahiling na sinda napapalibutan nin sarong harigi nin kalayo, asin ini dae nakakasulo sainda, an saindang mga puso nakakua nin kusog-boot.

25 Nin huli ta saindang nahiling na an mga Lamanita dae makakadukot kan saindang mga kamot sainda; ni sinda makadulok harani sainda, pero nakatindog na garo baga sinda nakatirikbalo sa kangalasan.

26 Asin ini nangyaring naglipas na si Nephi asin si Lehi nakatindog asin nagpoon sa pagtaram sa sainda, na nagsasabi: Dae kamo matakot, nin huli ta hilnga, an Diyos mismo iyo an nagpahiling sa saindo kaining marbelosong bagay, kun saen ipinapahiling sa saindo na kamo dae makakadukot kan saindong mga kamot samuya tanganing garadanon kami.

27 Asin hilnga, kun sinda makapagtaram kaining mga tataramon, an daga naglinog nin makusugon, asin an mga dingding kan prisohan nagkataranyog na garo baga sinda harani nang magkapurukan sa daga; pero hilnga, dae sinda nagkapurukan. Asin hilnga, sinda na yaraon sa prisohan mga Lamanita asin Nephita na mga paribok.

28 Asin ini nangyaring naglipas na sinda napalindongan nin sarong panginuron nin kadikloman, asin sarong makangorongirhat na pagkatakot an nag-abot sainda.

29 Asin ini nangyaring naglipas na may nag-abot na sarong tingog na garo baga hale sa ibabaw kan panginuron nin kadikloman, na nagsasabi: Magsolsol kamo, magsolsol kamo, asin dae na nindo mawoton na destrosohon an sakuyang mga surugoon na sakong ipinadara sa saindo tanganing ideklara an marhay na bareta.

30 Asin ini nangyaring naglipas na kan saindang nadangog an boses, asin nahiling na ini bako man sarong boses nin dagundong, ni idto sarong boses nin sarong makusugon na nakakabungog na karibokan, pero hilnga, idto sarong matuninongan na tingog na may perpektong kalumhayan, asin ini nanuot magin sagkod sa pinakasurok nin kalag---

31 Asin maski na ngani sa kalumhayan kan boses, hilnga an daga natanyog nin makusugon, asin an mga dingding nin prisohan nagkataranyog giraray; na garo baga ini magkapurukan sa daga; asin hilnga an panginuron nin kadikloman, na nakalindong

An Simbahan ni Jesukristo nin Mga Banal sa Huring-aldaw

459

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sainda, dae nagkapururak---

32 Asin hilnga an boses nag-abot giraray, na nagsasabi: Magsolsol kamo, magsolsol kamo, nin huli ta an kahadean nin langit harani na; asin dae na nindo pagmawoton na destrosohon an sakong mga surugoon. Asin ini nangyaring naglipas na an daga natanyog giraray, asin an mga dingding naghiriro.

33 Asin man giraray sa ikatulong pagkakataon an boses nag-abot, asin nagtaram sa sainda nin marbelosong mga tataramon na dae puwedeng maisabi nin tawo; asin an mga dingding nagkahiriro giraray, asin an daga nagtanyog na garo baga ini haros magkabaranga na magkapururak.

34 Asin ini nangyaring naglipas na an mga Lamanita dae makadulag nin huli sa panginuron nin kadikloman na nakapandong sainda; iyo, asin man sinda dae nakahiriro nin huli sa katakutan na nag-abot sa sainda.

35 Ngonian igwa nin saro sa pag-iriba ninda na sarong Nephita, sa pagkamundag, na dating sarong kabale sa simbahan nin Diyos pero nagparibok sa sainda.

36 Asin ini nangyaring naglipas na kan siya magtingkalag, asin hilnga, saiyang nahiling sa paagi kan panginuron nin kadikloman an mga lalawgon ni Nephi asin Lehi; asin hilnga, sinda nagsilaw nin grabeng gayo, na arog baga kan mga lalawgon nin mga anghel. Asin saiyang namasdan na saindang pinatingkalag an saindang mga mata pasiring sa langit; asin sinda yaon sa atitud na garong nakikiolay o pinag-alsa an saindang mga boses na pinapanungod sa sarong tawo na saindang nahihiling.

37 Asin ini nangyaring naglipas na an tawong ini nagkurahaw sa kadaklan na tanganing baya sinda magbirik asin maghiling; asin saindang nahiling an mga lalawgon ninda Nephi asin Lehi.

38 Asin sinda nagsabi sa tawo: Hilnga, ano baya an bilog na sabihon kaining mga bagay, asin siisay baya yan na kinakaolay kan mga tawong ini?

39 Ngonian an ngaran kan tawo iyo si Aminadab. Asin si Aminadab nagsabi sa sainda: Sinda nakikipag-olay sa mga anghel nin Diyos.

40 Asin ini nangyaring naglipas na an mga Lamanita nagsarabi saiya: Ano an satuyang gigibohon, na tanganing ining panginuron nin kadikloman puwedeng mahale sa paglilindong satuya?

41 Asin si Aminadab nagsabi sa sainda: Kamo dapat na magsolsol, asin magkurahaw na ipanungod sa boses, magin sagkod na kamo magkakaigwa nin pagtubod ki Cristo, na ipinagtukdo sa saindo ni Alma, asin ni Amulek, asin ni Zeezrom; asin kun saindong gigibohon ini, ang panginuron nin kadikloman mahahale sa paglilindong saido.

42 Asin ini nangyaring naglipas na sinda gabos nagpoon sa pagkururahaw na ipinanungod sa boses niya na iyo nakapagpatanyog kan daga; iyo, sinda nagkururahaw magin sagkod na an panginuron nin kadikloman nagpurak.

43 Asin ini nangyaring naglipas na kan saindag ipinagtingkalag an saindang mga mata sa pagkiling, asin kan mahiling na an panginuron nin kadikloman nagpurak na gikan sa paglilindong sainda, hilnga, saindang nahiling na sinda napapalibutan na, iyo an lambang kalag, kan harigi nin kalayo.

44 Asin si Nephi asin si Lehi yaon sa katahawan ninda; iyo, sinda nagkaparilibutan na; iyo, sinda garong yaon sa katahawan kan sarong naglalaad na kalayo, alagad ini dae nakakakulog sainda, ni ini nakapagpugol sa mga dingding kan prisohan; asin sinda napano nin kaogmahan na dae maisasabi asin kapanoan nin gloriya.

An Simbahan ni Jesukristo nin Mga Banal sa Huring-aldaw

460

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

45 Asin hilnga, an Espiritu Santo nin Diyos nag-abot pababa gikan sa langit, asin naglaog sa saindang mga puso asin sinda napano na garo baga may kalayo, asin sinda nakakapagtaram nin mga marbelosong mga tataramon.

46 Asin ini nangyaring naglipas na igwang nag-abot nin sarong boses sa sainda, iyo, sarong madahumon na boses, na garo baga ini sarong hinghing, na nagsasabi:

47 Katuninongan, katuninongan mapapasaindo, nin huli kan saindong pagtubod sa sakuyang Marhay na Namumutan, na iyo na gikan sa pundasyon kan kinaban.

48 Asin ngonian, kan saindang madangog ini saindang pinagtingkalag an saindang mga mata na garo baga hilingon kun saen naghahale an tingog; asin hilnga, saindang nahiling an langit na buminukas; asin an mga anghel nagbaraba paluwas sa langit asin nagtukdo sa sainda.

49 Asin igwa nin mga tres siyentos na mga kalag an nakahiling asin nakadangog kaining mga bagay; asin sinda pinaki-olayan na magpadagos sa paglakaw asin dae magngaralas, ni dapat sindang magduda.

50 Asin ini nangyaring naglipas na sinda nagpadagos sa paglakaw, asin nagministeryo sa mga katawohan, pinagdedeklara sa bilog na mga rehiyon na nakapalibot manungod sa gabos na mga bagay na saindang nadangog asin nahiling, na tanganing baya an mas dakul na parte kan mga Lamanita nakumbinse ninda, nin huli kan kadakulaan kan mga ebidensiya na saindang nagkasresesibe.

51 Asin habang kadakul an nagkakurumbinse na nagburutas kan saindang mga armas na panggiyera, asin man kan saindang kaanggutan asin tradisyon kan saindang mga ama.

52 Asin ini nangyaring naglipas na saindang pinagtao sa mga Nephita an mga kadagaan na saindang mga pagsasadire.

HELAMAN TSAPTER 6

An mga matatanos na mga Lamanita nagturukdo sa mga makasalanon na mga Nephita--- Parehong mga katawohan an nag-asenso sa sikad nin panahon nin katuninongan asin kasaganaan--- Si Lucifer, an autor nin kasalan, iyo an naggiya sa mga tulisan na Gadianton sa saindang panggagadan asin karigsokan--- Sinda an nag-agaw sa gobyerno kan mga Nephita.

Asin ini nangyaring naglipas na kan ika-saisenta asin duwang taon kan pagpapamahala kan mga huwes na nagtapos na, an gabos na ining mga bagay nangyari asin an mga Lamanita an nagin, an kadakul na parte ninda, sarong matanos na mga katawohan, na tanganing baya an saindang pagkamatanos nagsobra pa kesa sa mga Nephita, nin huli kan saindang kapusugan asin kan saindang katatagan sa pagtubod.

2 Nin huli ta hilnga, igwa nin kadakul na mga Nephita na nagin matagason asin bakong parasolsol asin grabe an kadaendatahan, na tanganing baya sinda nagsikwal sa tataramon nin Diyos asin gabos na pagtutukdo asin pagpropesiya na nag-abot sa pag-iriba ninda.

3 Daeng pagkukulang, an mga katawohan kan simbahan nagkaigwa nin dakulaon na kaogmahan nin huli sa pagbabago kan mga Lamanita, iyo, nin huli sa simbahan nin

An Simbahan ni Jesukristo nin Mga Banal sa Huring-aldaw

461

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Diyos, na pinag-establisa sa pag-iriba ninda. Asin sinda nakipagkapatiran sa lambang saro, asin nag-orogma sa lambang saro, asin nagkaigwa nin dakulaon na kaogmahan.

4 Asin ini nangyaring naglipas na kadakul sa mga Lamanita an nagbaraba pasiring sa kadagaan nin Zarahemla, asin nagdeklara sa mga katawohan nin Nephita an manera kan saindang pagbabago, asin nagpagiromdom sainda manungod sa pagtubod asin pagsosolsol.

5 Iyo, asin kadakul an nagbalangibog na igwa nin grabe kadakulaon na kapangyarihan asin autoridad, pasiring sa pagdara pababa an kadakul sainda sa pinakapusod nin kapakumbabaan, tanganing magin mapagpakumbabang parasunod nin Diyos asin kan Kordero.

6 Asin ini nangyaring naglipas na kadakul pa sa mga Lamanita an nagduruman pasiring sa kadagaan panorte; asin man si Nephi asin Lehi nagduruman pasiring sa kadagaan panorte, tanganing magbalangibog sa mga katawohan. Asin kaya nagtapos an ika saisenta asin tulong taon.

7 Asin hilnga, igwa nin katuninongan sa bilog na kadagaan, na tanganing baya an mga Nephita nagpasiriring sa anuman na parte nin kadagaan na saindang ginugusto, magin sa pag-iriba kan mga Nephita o sa mga Lamanita.

8 Asin ini nangyaring naglipas na an mga Lamanita man nagduruman sa arin man na lugar na saindang ginugusto, magin ini sa pag-iriba kan mga Lamanita o sa pag-iriba kan mga Nephita; kun kaya sinda nagka-igwa nin libreng pakipagsalamuha sa lambang saro, an magbakal asin magpabakal, asin makakua nin gana, na uyon sa saindang pinagmamawot.

9 Asin ini nangyaring naglipas na sinda nagin grabeng gayo an pagkamayaman, pareho an Lamanita asin mga Nephita; asin sinda nagkaigwa nin grabe kadakul na bulawan, asin kan pilak, asin kan gabos na manera nin mamahalon na mga metal, pareho sa may kadagaan nin timog asin sa kadagaan kan norte.

10 Ngonian an kadagaan sa may timog pinag-apud na Lehi, asin an kadagaan kan hiraga pinag-apud na Mulek, na pinaghango sa ngaran kan akeng lalake ni Zedekiah; nin huli ta an Kagurangnan iyo an nagdara ki Mulek pasiring sa kadagaan nin hiraga, asin si Lehi pasiring sa kadagaan nin timog.

11 Asin hilnga, igwa nin gabos na manera nin bulawan sa parehong lugar na ini, asin pilak, asin mga presyosong inang-bakal sa lambang klase; asin igwa man nin mga kuryosong mga trabahador, na naggigibo kan gabos na klaseng inang-bakal asin pinagluluto ini; asin kaya sinda nagin mga mayamanon.

12 Sinda nag-arataman nin abundang anihong-pisog, pareho sa may hiraga asin sa may timog; asin sinda nagdakul nin grabeng gayo, pareho sa may hiraga asin sa may timog. Asin sinda nagparadagdag asin nagin grabeng gayo kakusog sa kadagaan. Asin sinda nag-arataman nin kadakul na mga alagaon na mga hayop asin mga baka, iyo, kadakulon na mga patabaon.

13 Hilnga, an saindang mga kababaehan nagtatrabaho asin nag-iikid, asin naggibo nin gabos na manera nin yamit, kan marhayon na pininong lino asin yamit sa lambang klase, na tanganing badoan an saindang kahubaan. Asin kaya an ika-saisenta asin apat na taon nag-agi sa katuninongan.

14 Asin sa ika-saisenta asin limang taon sinda nagkaigwa man nin sarong dakulang kaogmahan asin katuninongan, iyo, gulping pagbabalangibog asin kadakul na mga

pagpropesiya manungod kaidtong maabuton. Asin kaya naglipas an ika-saisenta asin limang taon.

15 Asin ini nangyaring naglipas na sa ika-saisenta asin anom na taon sa pagpapamahala kan mga huwes, hilnga, si Cezoram ginadan kan sarong dae pa nabibistong kamot habang siya nakatukaw sa tukawan nin paghuhukom. Asin ini nangyaring naglipas na sa parehong taon, na an saiyang akeng lalake, na pinagnombraran kan mga katawohan na saiyang karibay, ginadan man. Asin kaya natapos an ika-saisenta asin anom na taon.

16 Asin sa pagpopoon kan ika-saisenta asin pitong taon an mga katawohan nagpoon na magdakul sa sobra na gayong karigsokan giraray.

17 Nin huli ta hilnga, an Kagurangnan nagbendisyon sainda nin halawig nin mga kayamanan kan kinaban na tanganing sinda dae magkaralawigaw sa kaanggutan, sa mga giyera, ni sa pagpabulos nin dugo; kun kaya sinda nagpoon na ipamugtak an saindang mga puso sa saindang mga kayamanan; iyo, sinda nagpoon sa paghanap na tanganing makagana na tanganing saindang maipagpalangkaw an sarong lambang sarong; kun kaya sinda nagpoon na makakomiter nin mga sikretong panggagadan, asin sa paghabon asin sa pagpapanalakat, na tanganing sinda puwedeng makakua nin gana.

18 Asin ngonian hilnga, idtong mga paragadan asin mga parasalakat iyo an sarong banda na pinagporma ni Kishkumen asin Gadianton. Asin ngonian ini nangyaring nakalipas na sinda kadakulon na, magin sa pag-iriba kan mga Nephita, sa banda ni Gadianton. Pero hilnga, sinda grabe kadakul an numero sa mas grabe pang maririgsok na parte kan mga Lamanita. Asin sinda pinag-apud na mga parasalakat asin mga paragadan ni Gadianton.

19 Asin sinda iyo an naggadan sa pamayong huwes na si Cezoram, asin kay saiyang akeng lalake, habang yaon sa tukawan nin paghuhukom; asin hilnga, sinda dae nanagboan.

20 Asin ngonian ini nangyaring naglipas na kan magka-araraman kan mga Lamanita na igwang mga parasalakat sa pag-iriba ninda sinda napanong gayo nin kamondoan; asin saindang ginamit an lambang paagi sa abot kan saindang kapangyarihan tanganing destrosohon sindang mawara sa lalawgon kan kinaban.

21 Pero hilnga, si Satana pinagsulsulan an mga puso kan grabeng parte kan mga Nephita, na tangani baya na sinda makisumaro sa mga banda nin mga parasalakat, asin nakibale sa saindang mga tipan asin mga sinumpaanan, na sinda maprotekta asin mapreserba sa lambang sarong sa arin man na pinakamasakit na sirkumstansiya na sinda mapapamugtak, na sinda dae magsakit para sa saindang panggagadan, asin kan saindang mga pananalakat, asin kan saindang mga panhabon.

22 Asin ini nangyaring naglipas na sinda nagkaigwa nin mga senyales, iyo, an saindang mga sikretong senyales, asin an saindang sikretong mga tataramon; asin ini iyo na tanganing saindang mabibisto an sarong tugang na lalake na naglaog sa tipan, na anuman na karigsokan kan saiyang tugang na lalake siya dae naggad dapat na makulgan kan saiya man sanang tugang na lalake, ni sa paagi ninda na kairiba kan saiyang banda, na naglaog kaining tipan.

23 Asin kaya sinda puwedeng manggadan asin manalakat, asin manhabon, asin magkomiter nin pangangalunya asin kan gabos na manera nin karigsokan, kontra sa mga leyes kan saindang nasyon asin man kan mga leyes kan saindang Diyos.

24 Asin an siisay man idtong kabale sa saindang banda dapat na magpahiling sa kinaban kan saindang mga karigsokan asin kan saindang mga abominasyon, dapat na litison,

bakong uyon sa mga leyes kan saindang nasyon, kundi uyon sa mga leyes kan saindang karigsokan, na pinagtao ninda Gadianton asin Kishkumen.

25 Ngonian hilnga, iyo ini an mga sikretong panunumpa asin mga tipan na si Alma nagsugo sa saiyang mga akeng lalake na dapat dae maglakop sa mundo, ta baka sinda iyo an paagi tanganing darahon pababa an mga katawohan pasiring sa kapahamakan.

26 Ngonian hilnga, idtong mga sikretong panunumpa asin mga tipan dae nag-abot ki Gadianton segun sa rekord na pinagtao ki Helaman; pero hilnga, an mga ini pinagbugtak sa puso ni Gadianton kan parehong nilalang na iyo an naghikayat sa satuyang enot na mga magurang na magkakan kan pinagbabawal na prutas---

27 Iyo, an parehong nilalang na iyo an may pakana kaiba si Cain, na kun saiyang gadanon an saiyang tugang na si Abel ini dae mababantog sa kinaban. Asin siya nakipagsunduan ki Cain asin an saiyang mga parasunod gikan sa panayhon na idto sagkod pa man.

28 Asin man iyo ini ang parehong nilalang na iyo an nagbugtak sa mga puso nin mga katawohan na magtugdok nin sarong torre na halangkawon na marhay na tanganing sinda makaabot sa langit. Asin ini iyo an parehong nilalang na iyo an nagdara sa mga katawohan na gikan sa torrens idto pasiring sa dagang ini; na iyo an nagpakalat kan mga gibo nin kadikloman asin mga abominasyon sa bilog na lalawgon nin kadagaan, hanggan saiyang maguyod an mga katawohan pababa sa enterong pagkapahamak, asin pasiring sa daeng kasagkorang impiyerno.

29 Iyo, iyo ini an parehong nilalang na iyo an nagbugtak sa puso ni Gadianton na ipagpadagos an gibo nin kadikloman, asin kan sikretong pangagadan; asin siya an nagdara kaini gikan sa kapinunan nin tawo magin sagkod sa ngonian na panahon.

30 Asin hilnga, ini iyo siya na autor kan gabos na kasalan. Asin hilnga, siya nagpapadagos kan saiyang mga gibo nin kadikloman asin sikretong pangagadan, asin an naggigibo kan saindang mga pakana, asin kan saindang mga panunumpa, asin kan saindang mga tipan, asin kan saindang mga planong makangorongirhat na karaotan, gikan sa sarong henerasyon sagkod sa sarong henerasyon uyon sa saiyang pangangaputan sa mga puso kan mga kaakian nin mga tawo.

31 Asin ngonian hilnga, siya nagkaigwa nin dakulang pangangaputan kan mga puso nin mga Nephita; iyo, na tanganing sinda nagin grabeng gayo an pagkamaraot; iyo, an kadakulang parte sainda nagluwas na sa dalan nin pagkamatanos, asin ginibong timak-timakan sa irarom kan saindang mga bitis an mga kasugoan nin Diyos, asin nagsunod sa sadire nindang mga dalan, asin naggiribo para sa saindang mga sadire nin mga idolo kan saindang mga bulawan asin kan saindang mga plata.

32 Asin ini nangyaring naglipas na an gabos na ining mga kadaendatahan nag-abot sa sainda sa laog nin dae kadakul na mga taon, na tanganing an sarong kadaklang parte kaini nag-abot sa sainda sa ika-saisenta asin pitong taon kan pagpapamahala nin mga huwes sa mga katawohan nin Nephi.

33 Asin sinda nagdakul man sa saindang mga kadaendatahan sa ika-saisenta asin walong taon, na ikinamundong gayo asin ipinagtatangis kan mga matatanos.

34 Asin kaya satuyang nahihiling na an mga Nephita nagpoon na pinanluluya sa daeng pagtubod, asin nagtalubo sa karigsokan asin mga abominasyon, habang an mga Lamanita nagpoon na magtalubong gayo sa pagkaaram sa saindang Diyos; iyo, sinda nagpoon na magsunod sa saiyang mga patakaran asin mga kasugoan, asin naglalakaw sa katotoohan

asin katanusan sa atubangan niya.

35 Asin kaya satuyang nahihiling na an Espiritu nin Kagurangnan nagpoon na maghale gikan sa mga Nephita, nin huli kan saindang kadaendatahan asin katagasan kan saindang mga puso.

36 Asin kaya satuyang nahihiling na an Kagurangnan nagpoon na magpabulos kan saiyang Espiritu sa mga Lamanita, nin huli kan saindang kasayunan asin kahuyuan na magtubod sa saiyang mga tataramon.

37 Asin ini nangyaring naglipas na an mga Lamanita hinanap an banda kan mga tulisan ni Gadianton; asin sinda nagbalangibog kan tataramon nin Diyos sa pag-iriba na mas grabe karaot na parte ninda, na tanganing an bandang ini nin mga tulisan naubos na nagkaderestroso gikan sa pag-iriba nin mga Lamanita.

38 Asin ini nangyaring naglipas sa balyong lado, na an mga Nephita an nagtaguyod sainda asin nagsuporta sainda, magpoon sa mas grabeng pagkaraot na parte ninda, hanggan sa sinda nagkaralat sa bilog na kadagaan kan mga Nephita, asin nagkadarara sa mas pang parte kan mga matatanos hanggan sa sainda nagturubod sa saindang mga gibo asin naki-ayon sa saindang kinulimbatan, asin sa makibale sa pag-iriba ninda sa saindang mga sikretong panggagadan asin mga kumbinasyon.

39 Asin kaya saindang nakamtan an solong pamamahala kan gobyerno, na tanganing saindang pinagtimak-timakan sa irarom kan saindang mga bitis asin pinakulgan asin triningkahan asin pinagbaya an saindang mga likod sa mga kapobrehan asin mga mahuhuyo, asin mga mapagpakumbabang parasunod nin Diyos.

40 Asin kaya satuyang nahihiling na sinda yaon sa makuring kamugtakan, asin naghihinog na para sa daeng katapusan na pagkapahamakan.

41 Asin ini nangyaring naglipas na kaya nagtapos an ika-saisenta asin walong taon kan pagpapamahala sa mga katawohan nin Nephi.

HELAMAN TSAPTER 7

AN PROPESIYA NI NEPHI, AN AKENG LALAKE NI HELAMAN- An Diyos pinagtakot an mga katawohan nin Nephi na siya mabisita sainda na may kaanggutan, para sa saindang bulanos na pagkapahamak laen lang kun sinda magsosolsol kan saindang kadaendatahan. An Diyos nagpadusa sa mga katawohan nin Nephi sa paagi nin pestelensiya; sinda nagsolsol asin nagbalik saiya. Si Samuel, sarong Lamanita, nagpropesiya sa mga Nephita. Kairiba kan Tsapter 7 hanggan 16 inklusibo.

Si Nephi pinagsikwal sa may hiraga asin nagbalik sa Zarahemla--- Siya nagpangadye sa saiyang hardin na torre asin nangapudan sa mga katawohan na magsolsol o mapara.

Hilnga, ngonian ini nangyaring naglipas na sa ika-saisenta asin siyam na taon kan pagpapamahala nin mga huwes sa mga katawohan nin mga Nephita, na si Nephi, akeng lalake ni Helaman, nagbalik sa daga nin Zarahemla gikan sa kadagaan sa may hiragang parte.

An Simbahan ni Jesukristo nin Mga Banal sa Huring-aldaw 465
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

2 Nin huli ta siya kairiba kaidto nin mga katawohan na yaraon sa kadagaan sa may hiragang parte, asin nagbalangibog kan tataramon nin Diyos sa sinda, asin nagpropesiya nin kadakul na mga bagay sa sinda;

3 Asin saindang pinagsikwal an gabos niyang mga tataramon, na tanganin baya siya dae na maki-iba sa pag-iriba ninda, alagad nagbalik giraray sa kadagaan na saiyang tinubuan.

4 Asin nahihiling an mga katawohan na yaon sa sarong kamugtakan nin makuring karigsokan, asin idtong mga parasalakat na Gadianton na nagtutukaw sa mga tukawan nin paghuhukom--- habang agaw-agaw an kapangyarihan asin autoridad nin kadagaan; pinagbaleng sa gilid an mga kasugoan nin Diyos, asin daeng tama maski kadikit sa atubangan nya; dae naggigibo nin hustisya sa mga kaakian nin mga tawo;

5 Pinagkokondena an matatanos nin huli kan saindang pagkamatanos; pinapabayaan an may sala asin an marigsok na buhi na dae pinapadusahan nin huli kan saindang kuwarta; asin pagkatapos pinapatukaw sa opisina bilang pamayo kan gobyerno, namamahala asin naggigibo uyon sa saindang mga kagustuhan, na tangani sinda puwedeng makakua nin ganada asin kamurawayan kan kinaban, asin, pagkatapos, na sinda puwedeng grabe kasayon na maggibo nin adulteryo, asin maghabon, asin manggadan, asin gumibo na uyon sa saindang pansadireng mga kagustuhan---

6 Ngonian ining dakulang kadaendatahan nag-abot sa mga Nephita, sa laog nin dae pa dakul na mga taon; asin kan si Nephi mahiling ini, an saiyang puso nagdakula na igwa nin kamondoan sa laog kan saiyang daghan; asin siya nagkurahaw nin kasakitan kan saiyang kalag:

7 Oh, maibalik ko lang an sakuyang mga aldaw sa mga aldaw kan sakuyang ama na si Nephi sa enot pa sanang pagluwas sa kadagaan nin Jerusalem, na tanganing makapa-ogma kaiba niya sa pinagpromisang kadagaan; na kaidto an saiyang mga katawohan masayunon na pagpagiromdomon, pusog na nagsusunod sa mga kasugoan nin Diyos, asin maluyang mahikayat na gumibo nin kadaendatahan; asin sinda madali na nagdadangog sa mga tataramon nin Kagurangnan---

8 Iyo, kun an sakuyang mga aldaw iyo man kaidtong mga aldaw, kuta na an sakuyang kalag mag-oogma sa pagkamatanos kan sakuyang mga katugangan.

9 Pero hilnga, ako napamugtak na iyo ini an sakuyang mga aldaw, asin na an sakuyang kalag mapapano nin kamondoan nin huli kaining karigsokan kan sakuyang mga katugangan.

10 Asin hilnga, ini nangyaring naglipas na ini kaidto yaon sa sarong torre, na yaon sa hardin nin Nephi, na yaon sa may halawig na agihan pasiring sa pinakamerkado, na yaon sa laog kan siyudad nin Zarahemla; kun kaya, si Nephi nagluhod kan saiyang sadire sa may torre na yaon sa saiyang hardin, na an torre man haranihon sa may pintuan kan hardin kun saen yaon an halawig na agihan.

11 Asin ini nangyaring naglipas na igwa nin mga tawo na nag-aaragi asin nahiling si Nephi habang saiyang pinapabulos an saiyang kalag para sa Diyos sa ibabaw nin torre; asin sinda nagdaralagan asin nagsabi sa mga katawohan kun ano an saindang nahiling, asin an mga katawohan nag-arabot na nagkatiripon-tipon nin kadakulon na tanganing puwede nindang maaaraman an kausa kan grabe kadakulang pagtatangis nin huli sa karigsokan nin mga katawohan.

12 Asin ngonian, kan si Nephi magtindog saiyang nahiling an kadakulon na mga katawohan na nagkasarong nagkatiripon-tipon.

13 Asin ini nangyaring naglipas na siya nagbukaw kan saiyang nguso asin nagsabi sa sainda: Hilnga, tadaw ta kamo nagkasararong nagkatiripon-tipon kan saindong mga sadire? Na tanganing ako magsasabi kan saindong mga kadaendatahan?

14 Iyo, nin huli ta yaon ako sa ibabaw kan sakuyang torre na tanganing ako puwedeng makapagpabulos kan sakuyang kalag sa sakuyang Diyos, nin huli kan grabent gayo an kamondoan kan sakuyang puso, na nangyari nin huli kan saindong mga kadaendatahan!

15 Asin in huli kan sakuyang pagmumundo asin pagtatangis kamo nagkasararong magtiripon-tipon kan saindong mga sadire, asin nanggargaralas; iyo, kamo kaipong magngalas nin huli ta kamo naitao na na tanganing an diyablo iyo an may dakulang pangangaputan kan saindong mga puso.

16 Iyo, paano kamo nagtugot na magpadara sa sugot niya na nagmamawot na ihulog an saindong mga kalag pababa pasiring sa daeng kasagkoran na kasakitan asin daeng katapusan na pagtios?

17 O magsolsol kamo, magsolsol kamo! Tadaw ta kamo magagadan? Magbalik kamo, magbalik kamo sa Kagurangnan nindong Diyos. Tadaw ta saiya kamong pinapabayaan?

18 Ini nin huli ta saindong pinatagas an saindong mga puso; iyo, kamo dae nagdadangog sa boses nin marhayon na pastor; iyo, sainda siyang pinag-angat na mag-anggot laban saindo.

19 Asin hilnga, embes na tiritipon-tiponon kamo, laen lang na kamo magsosolsol, hilnga, kamo saiyang ipagkaralat-kalat na tanganing kamo magigin kame para sa mga ayam asin mga layas na mga hayop.

20 O, napaano na saindong pinaglingawan an saindong Diyos sa mismong aldaw na saiyang pinagligtas kamo?

21 Pero hilnga, ini iyo tanganing makakua nin ganada, tanganing pag-omawon kan mga tawo, iyo, asin ta kamo puwedeng makakua nin bulawan asin plata. Asin saindong ipinamugtak an sindong mga puro sa mga kayamanan asin mga daeng halagang mga bagay kaining kinaban, nin huli kamo naggadan, asin nanalakat, asin nanghabon asin nagsaksing putik kontra sa saindong mga kataid, asin naggibo kan gabos na manera nin kadaendatahan.

22 Asin nin huli kaining kausa an pagsakit mag-aabot sa saindo laen lang kun kamo magsosolsol. Nin huli ta kun kamo dae magsosolsol, hilnga, ining bantog na siyudad, asin man an gabos na ining mga bantog na mga siyudad na yaon sa palibot, na yaraon sa kadagaan kan satuyang pagsasadire, kukuahon na tanganing kamo mayo nang lugar sa sainda; nin huli ta hilnga, an Kagurangnan dae magtatao sa saindo nin kusog, na arog kaidtong naggibo na niya, na magtitindog kontra sa saindong mga kaiwal.

23 Nin huli ta hilnga, kaya sinabi nin Kagurangnan: Ako dae magpapahiling sa mga daendata kan sakuyang kusog, sa sarong na sobra sa iba, laen lang na ini mangyari sa sainda na nagsosolsol kan saindang mga kasalan asin magdadangog kan sakuyang mga tataramon. Ngonian kun kaya, ako gusto na kamo makahiling, sakong mga katugangan, na ini mas marhay pa para sa Lamanita kesa saindo laen lang kun kamo nagsosolsol.

24 Nin huli ta hilnga, sinda mas pang matatanos kesa sa saindo, nin huli ta sinda dae nagkasala kontra sa dakulang kaaraman na saindo nang naresibe; kun kaya an Kagurangnan magigin maheherakon sa saindo; iyo, saiyang palalawigon an saindang mga aldaw asin pagulpohon an saindang mga banhi; magin na kamo hayagan na dedestrosohon laen lang kun kamo magsosolsol.

An Simbahan ni Jesukristo nin Mga Banal sa Huring-aldaw

467

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

25 Iyo, an pagsakit mpasaindo nin huli sa dakulang abominasyon na naggigikan sa pag-iriba nindo; asin kamo nagkasararo kan saindong mga sadire pasiring duman, iyo, pasiring duman sa sikretong banda na pinag-establisa ni Gadianton!

26 Iyo, an pagsakit mag-aabot sa saindo nin huli kaining kapa-abaw-abawan na saindong pinagtugutan na maglaog sa saindong mga puso, na iyo an nakapagpalangkaw sa saindo lampas pa sa bagay na marhay nin huli kan saindong grabe na gayong mga kayamanan!

27 Iyo, pagsakit mapapasaindo nin huli kan saindong kadaendatahan asin mga abominasyon!

28 Asin lean lang kun kamo magsosolsol kamo magkakaparara; iyo, magin an saindong mga daga gikan sa lalawgon kaining kinaban.

29 Hilnga ngonian, ako dae nagsasabi na ining mga bagay mangyayari, sa sakuya, nin huli t a ini bako gikan sako na nakakaaram na an mga bagay na ini totoo nin huli ta an Kagurangnang Diyos iyo an naghimo sa sakuyang maipaaram sa sakuya, kun kaya ako nagtetestigo na an mga ini mangyayari.

HELAMAN TSAPTER 8

Koraptong mga huwes nagmawot na gatungan an mga katawohan laban ki Nephi--- Abraham, Moises, Zenos, Zenock, Ezias, Isaiah, Jeremiah, Lehi, asin Nephi gabos nagpatotoo ki Cristo--- Sa paagi nin inspirasyon si Nephi binareta an paggadan sa pinakapamayong huwes.

Asin ngonian ini nangyaring naglipas na kan si Nephi makapagtaram kaining mga tataramon, hilnga, igwa nin mga tawo na mga huwes, na kairiba man sa sikretong grupo ni Gadianton, asin sinda nagka-aranggog, asin sinda nagkurahaw laban saiya, na nagsasabi sa mga katawohan: Tadaw ta dae nindo pinagdadakop an tawong ini asin darahon siya, na tanganing siya puwedeng makondena uyon sa mga krimen na saiya nang ginibo?

2 Tadaw ta kamo naghihiling sa tawong ini, asin nagdadangog sa saiyang pagbalobagi kontra sa mga katawohang ini asin kontra sa satuyang ley?

3 Nin huli ta hilnga, si Nephi nakapagtaram sa sainda mapanungod sa pagkakorapto kan saindang ley; iyo, kadakul na mga bagay na si Nephi nakapagtaram na dae puwedeng maisurat; asin mayo siyang itinaram na kontraryo sa mga kasugoan nin Diyos.

4 Asin idtong mga huwes nagka-aranggog sa saiya nin huli ta siya nagtaram nin malinaw sa sainda mapanungod kan saindang sikretong mga trabaho nin kadikloman; daeng pagkukulang, sinda dae makapagdulot kan saindang mga sadireng kamot sa saiya, nin huli ta sinda natakot sa mga katawohan na baka siya magkukurahaw laban sainda.

5 Kun kaya sinda nagkurahaw sa mga katawohan, na nagsasabi: Tadaw ta pinagtugutan nindo an tawong ini na magbalobagi kontra satuya? Nin huli ta hilnga saiyang pinagkondena an bilog na ining katawohan, magin pasiring sa pagkadestroso; iyo, asin man ining satuyang makukusog na mga siyudad kukuahon gikan satuya, na tanganing kita magkawararaan nin lugar sainda.

An Simbahan ni Jesukristo nin Mga Banal sa Huring-aldaw 468
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

6 Asin ngonian kita nag-aaram na ini imposible, nin huli ta hilnga, kita pano nin kapangyarihan, asin an satuyang mga siyudad makukusog, kun kaya an satuyang mga kaiwal mayong kapangyarihan na mangingibabaw satuya.

7 Asin ini nangyaring naglipas na kaya saindang pinagpatungan an mga katawohan na magka-aranggot kontra ki Nephi, asin pinagpinit na mag-iiriwal-iwal an pag-iriba nindo; nin huli ta igwang iba na nagkukurahaw: Pabayae an tawong ini, nin huli ta siya marhay na tawo, asin idtong mga bagay na saiyang pinagsarabi seguradong mangyayaring maglipas laen lang kun kita magsosolsol;

8 Iyo, hilnga, an gabos na paghuhukom maabot sa satuya na saiyang pinagpatotohanan sa satuya; nin huli ta satuyang naaraman na siya nagpapatotoo nin tama satuya manungod kan satuyang mga kadaendatahan. Asin hilnga sinda kadakulon, asin si nag-aaram man kan gabos na mga bagay na puwedeng mangyayari satuya arog na siya nag-aaram kan satuyang mga kadaendatahan;

9 Iyo, asin hilnga, kun siya bakong sarong propeta dae niya kuta na mapatotohanan an mga bagay na idto.

10 Asin ini nangyaring naglipas na idtong mga tawo na nagmawot na raoton si Nephi napiritan nin huli kan saindaang pagkatakot, na sinda dae makapagdoot kan saindang mga kamot saiya; kun kaya siya nagpoon giraray sa pagparataram sa sainda, habang nahihiling niya na siya nakakagana na nin pabor sa mga mata kan iba, tanganing baya na an natatada pa sainda nagkakatarakot.

11 Kun kaya siya pinagpasabngan na magtaram nin dagdag sa sainda na nagsasabi: Hilnga, sakong mga katugangan, dae daw nindo nabasa na an Diyos nagtao nin kapangyarihan sa sarong tawo, magin si Moises, tanganing hugsakan an mga tubig kan Pulang Dagat, asin sinda nabanga digde asin duman, na tangani baya an mga Israelita, na iyo an satuyang mga ama, makalakaw sa ibabaw nin marang daga, asin an mga tubig nagsaro sa mga armada kan mga Ehipsiyano asin pinaghalon sinda?

12 Asin ngonian hilnga, kun an Diyos nagtao sa tawong ini nin arog kaining kapangyarihan, tadaw baya kamo nakikipagtusayan sa pag-iriba kan saindo man sanang mga sadire, asin magtaram na siya dae nagtao sakuya nin kapangyarihan kun saen ako puwedeng makaaram manungod sa mga paghuhukom na mag-aabot sa saindo laen lang kun kamo magsosolsol?

13 Pero hilnga, dae sana kamo nagsisikwal kan sakong mga tataramon, kundi kamo man nagsisikwal kan gabos na mga tataramon na pinagtaram kan satuyang mga ama, asin man an mga tataramon na pinagtaram sa paagi kan tawong ini, si Moises, na igwa kaining dakulang kapangyarihan na ipinagtao sa saiya, iyo, an mga tataramon na saiyang pinagtaram mapanungod sa pag-abot kan Mesiyas.

14 Iyo, bako daw na siya nagpatotoo na an Ake nin Diyos maabot? Asin habang saiyang pinag-angat paitaas an hubang halas sa kaparangan, magin siya man iaangat paitaas siya na iyo an maabot.

15 Asin habang kadakul an dapat na maghiling sa halas mabubuhay, magin iyo man na habang kadakul an maghiling sa Ake nin Diyos na igwang pagtubod, igwa nin sarong mapagpakumbabang espiritu, puwedeng mabubuhay, magin sagkod sa buhay na daeng kasagkoran.

16 Asin ngonian hilnga, si Moises bako lang nagpatoto sa mga bagay na ini, kundi iyo man an gabos na mga banal na propeta, magpoon sa mga aldaw niya magin sagkod sa

mga aldaw ni Abraham.

17 Iyo, asin hilnga, si Abraham nahiling an saiyang pag-abot, asin napano nin pagka-ogma asin nagpamuraway.

18 Iyo, asin hilnga ako nagsasabi sa saindo, na si Abraham bako lang nakaaram sa mga bagay na ini, kundi igwa nin kadakul bago pa man an mga aldaw ni Abraham na pinag-apud sa paagi kan orden nin Diyos; iyo, magin susog sa orden kan saiyang Ake; asin ini nangyari na tanganing maipahiling sa mga katawohan, sarong grabe kadakul na rinibong mga taon bago an saiyang pag-abot, na magin an pagbabalukat matatamasa ninda.

19 Asin ngonian gigibohon ko na kamo makakaaram, na magin magpoon sa mga aldaw ni Abraham igwa nin kadakul-dakul na mga propeta na nagpapatotoo kaining mga bagay; iyo, hilnga, an propetang si Zenos bilog na nagpatotoo; na tanganing iyo an dahilan kan saiyang pagkagadan.

20 Asin hilnga, si Zenock man, asin man si Ezias, asin man si Isaiah, asin si Jeremiah, (si Jeremiah na iyo man an propeta na nagpatotoo kan kapahamakan nin Jerusalem) asin ngonian satuyang naaraman na an Jerusalem pinagdestroso uyon sa mga tataramon ni Jeremiah; O baya tadaw ta dae an Ake nin Diyos maabot, uyon sa saiyang propesiya?

21 Asin makikitusay daw kamo na an Jerusalem pinagdestroso? Makapagtataram daw kamo na an mg akeng lalake ni Zedekiah dae pinaggaradan, gabos laen lang ki Mulek?

Iyo, asin dae daw nindo nahihiling na an banhi ni Zedekiah yaon sa pag-iriba ta, asin sinda pinaharale paluwas sa kadagaan nin Jerusalem? Pero hilnga, bako lang ini gabos---

22 An satuyang ama na si Lehi pinaharale paluwas sa Jerusalem nin huli ta siya nagpatotoo kaining mga bagay. Si Nephi man nagpatotoo kaining mga bagay, asin man an haros gabos kan satuyang mga ama, magin sagkod sa panahon ngonian; iyo, sinda nagpapatotoo kan pag-abot ni Cristo, asin pinaghiling an paabuton, asin nag-oogma sa saiyang aldaw na maabot.

23 Asin hilnga, siya sarong Diyos, asin siya yaon kaiba ninda, asin siya nagpamate kan saiyang sadire sa sainda, na sinda pinagbalukat sa paagi niya; asin sinda nagtao sa saiya nin pamuraway, nin huli kaiyanna maabuton.

24 Asin ngonian, nahihiling na kamo nakakaaram kaining mga bagay asin dae maisisikwal an mga ini laen lang kun kamo maghahambog, kun kaya nin huli kaini kamo nagkasala, nin huli ta kamo nagsikwal gabos kaining mga bagay, na mayong pasubali na grabe kadakul an mga ebidensiya na saindo nang naresibe; iyo, magin saindo nang naresibe an gabos na mga bagay, pati an mga bagay kan langit, asin gabos na mga bagay na yaon sa kinaban, bilang sarong testigo na sinda totoo.

25 Pero hilnga, saindong pinagsikwal an katotoohan, asin nagrebelde kontra sa saindong banal na Diyos; asin magin sa panahon na ini, embes baga magsasaray para sa saindong mga sadire nin mga kayamanan sa langit, na kun saen mayong katunawan, asin kun saen mayong makalaog na bakong malinig, kamo nagtitipon para sa saindong mga sadire nin ka-ongisan laban sa aldaw nin kahukuman.

26 Iyo, magin sa panahon na ini kamo naghihinog na, nin huli kan saindong mga pangagadan asin kan saindong pakiki-apid asin pagkarigsok, para sa daeng katapusan na kapahamakan; iyo, asin laen lang kun kamo magsosolsol ini maabot saindo sa dae mahaloy.

27 Iyo, hilnga, yaon na ngani ngonian sa saindong mga pintuan; iyo, magduman kamo sa tukawan nin paghuhukom, asin maghanap; asin hilnga, an saindong huwes ginadan, asin

An Simbahan ni Jesukristo nin Mga Banal sa Huring-aldaw

470

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

siya nakabulagta sa sadire niyang dugo; asin siya pinaggadan kan saiyang tugang na lalake, na nagmamawot na magtukaw sa tukawan nin paghuhukom.

28 Asin hilnga, sinda parehong kabale sa saindong sikretong grupo, na an nagmukna iyo si Gadianon asin an sarong maraot na nagmamawot na destrosohon an mga kalag nin mga tawo.

HELAMAN TSAPTER 9

An mga mensahero nanagboan an pinakapamayong huwes na gadan sa tukawan nin paghuhukom--- Sinda pinagpreso asin sa bandang huri binuhian--- Sa paagi nin inspirasyon si Nephi iyo an nagngaran ki Seantum bilang iyo an paragadan--- Si Nephi pinagmidbid kan iba bilang sarong propeta.

Hilnga, ngonian ini nangyaring naglipas na kan si Nephi nakapagtaram na kaining mga tataramon, an nagkapirang mga tawo na yaon sa pag-iriba ninda nagdaralagan pasiring sa tukawan nin paghuhukom; iyo, magin lima an nagpaduman, asin sinda nagsasabi sa saindang mga sadire, habang sinda nagraralakaw:

2 Hilnga, ngonian ita makakaaram na may kaseguruhan kunbaya an tawong ini sarong propeta asin an Diyos iyo an nagsugo saiyang tanganing magpropesiya kaining mga makangangalas na mga bagay sa satuya. Hilnga, kita dae nagtutubod na siya sinugo; iyo, kita dae nagtutubod na siya sarong propeta; daeng pagkukulang, kun ining bagay na saiyang pinagsabi mapanungod sa pinakapamayong huwes totoo, na siya naggad gadan na, kaya kita magtutubod na an iba pa niyang mga tataramon na saiyang nang pinagsabi totoo man.

3 Asin ini nangyaring naglipas na sinda nagdaralagan sa abot kan saindang kusog, asin nag-abot sa laog kan tukawan nin paghuhukom; asin hilnga, an pinakapamayong huwes nakatumba sa daga, asin nakabulagta sa saiyang sadireng dugo.

4 Asin ngonian hilnga, kan saindang nahiling ini sinda nagngaralas na gayo, na tanganing baya sinda napatumba man sa daga; nin huli ta sinda dae nagtubod sa mga tataramon na si Nephi an nagsabi mapanungod sa pinakapamayong huwes.

5 Pero ngonian, kan saindang nahiling sinda nagtubod, asin an takot nag-abot sa sainda na baka an gabos na mga paghuhukom na si Nephi an nagsabi puwedeng mangyayari sa mga katawohan; kun kaya sinda tinaragikan, asin nagkaturumba sa daga.

6 Ngonian, sa hidaling panahon kan an huwes ginadan--- siya na pinagsaksak kan saiyang tugang na lalake na nababadoan nin sikreto, asin siya nagdulag, asin an mga surugoon nagdaralagan asin nagsumbong sa mga katawohan, ikinurahaw an paggadan sa pag-iriba ninda;

7 Asin hilnga an mga katawohan nagkasararong nagkatiripon-tipon sa lugar kan tukawan nin paghuhukom--- asin hilnga, sa saindang kangalasan saindang nahiling idtong limang tawo na nagkaturumba sa daga.

8 Asin ngonian hilnga, an mga katawohan daeng pagkaaram manungod sa kadaklan na nagkasararong nagkatiripon-tipon duman sa hardin ni Nephi; kun kaya sinda nagsabi sa

An Simbahan ni Jesukristo nin Mga Banal sa Huring-aldaw

471

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pag-iriba man sana ninda: Ining mga tawo iyo sinda an naggadan sa huwes, asin an Diyos iyo an naghampak sainda na sinda dae makakadulag sa satuya.

9 Asin ini nangyaring naglipas na saindang dinarakop sinda, asin ginarapos sinda asin pinagkunkon sa priso. Asin igwa nin sarong proklamasyon na pinadara sa luwas na an huwes ginadan, asin an mga paragadan dinarakop asin pinagkunkon sa priso.

10 Asin ini nangyaring naglipas na sa kinaagahan an mga katawohan nag-assemblya kan saindang mga sadire na nagkatiripon-tipon sa pagmundo asin sa pag-ayuno, para sa lubong kan sarong bantog na pinakapamayong huwes na ginadan.

11 Asin kaya man idtong mga huwes na yaraon kaidto sa hardin ni Nephi, asin nakadangog sa saiyang mga tataramon, nagkatiripon-tipon man na nagkasararo para sa lubong.

12 Asin ini nangyaring naglipas na sinda naghapot sa mga katawohan, na nagsasabi: Haen na an lima na iyo an ipinadara tanganing maghapot mapanungod sa pinakapamayong huwes kun siya naggad gadan? Asin sinda nagsimbag asin nagsabi: Manungod kaining lima na saimong pigsabi an saindong pinadara, kami daeng pagkaaram; pero igwa nin lima na iyo an mga paragadan, na samuyang piangkunkon sa prisohan.

13 Asin ini nangyaring naglipas na an mga huwes nagmawot na sinda mahiling; asin sinda dinarara, asin hilnga sinda iyo an lima na pinadara; asin hilnga an mga huwes naghapot sainda tanganing maaraman an manungod kaining bagay, asin sinda nagsabi sainda kan gabos na saindang ginibo, na nagsasabi:

14 Kami nagdaralagan asin nakaabot sa lugar kan tukawan nin paghuhukom, asin kan samuyang mahiling an gabos na mga bagay magin arog kan sinabi ni Nephi na saiyang pinagpatotoo, kami nagkangaralas na tangani baya na kami nagkaturumba sa daga; asin kan kami nakabawi na gikan sa samuyang pagkabigla, hilnga sainda kaming pinagkunkon sa prisohan.

15 Ngonian, manungod sa paggadan kaining tawo, kami dae nakakaaram kun siisay an naggibo kaini; asin iyo sana gabos an samuyang naaraman, kami nagdaralagan asin nakaabot na uyon sa saimong pinagmawot, asin hilnga siya ginadan na, na uyon sa mga tataramon ni Nephi.

16 Asin ngonian ini nangyaring naglipas na an mga huwes ipinaliwanag an bagay sa mga katawohan, asin nagkurahaw kontra ki Nephi, na nagsasabi: Hilnga, kita nakakaaram na an Nephi na ini nakipagsabwatan sa sarong tawo na iyo an naggadan sa huwes, na tanganing maideklara niya ini sa satuya, na tanganing mapagbago niya kita sa saiyang pagtubod, na tanganing puwede niyang ipaglangkaw an saiyang sadire na magin sarong bantog na tawo, pinagpili nin Diyos, asin sarong propeta.

17 Asin ngonian hilnga, satuyang patutugaon an tawong ini, asin siya magkukumpisal kan saiyang sala asin ipapaaram sa satuya an tunay na paragadan kaining huwes.

18 Asin ini nangyaring naglipas na an lima pinalibre sa aldaw kan paglubong. Daeng pagkukulang, sinda nakipagtusay sa mga huwes sa mga tataramon na saindang pinagsabi laban ki Nephi, asin naki-iwal sa sainda an sarong lambang sarong, na tanganing sinda nagkariribong sainda.

19 Daeng pagkukulang, sinda nagkausa na si Nephi dapat na dakupon asin gapuson asin darahon sa atubangan nin kadaklan, asin sinda nagpoon na maghapot saiyang grabeng paagi na tanganing saindang mapatuga siya, na tanganing sainda siyang maakusaran

sagkod sa kagadanan---

20 Nagsasabi sa saiya: Ika sarong kasabwat; siisay ining tawo na iyo an naggibo kaining paggadan? Ngonian sabihi kami, asin akoa an saimong kasalan; nagsasabi, Hilnga uya an kuwarta; asin man samuyang itatao sa saimo an buhay mo kun saimong sabihon samuya, asin akoon an kasunduan na saimong ginibo kaiba niya.

21 Pero si Nephi nagsabi sa sainda: O kamong mga ribong-ribong, kamong may pasaluib na mga puso, kamong mga buta, asin kamong tiso an mga liog na mga katawohan, kamo daw nakakaaram kun gurano kahaloy na an Kagurangnan nindong Diyos magtutugot na kamo magpapadagos kan saindong dalan nin kasalanan?

22 O kamo dapat nang magpoon sa pag-agrangay asin magmundo, nin huli sa dakulang kapahamakan na ngonian naghahalat para saindo, laen lang kun kamo magsosolsol.

23 Hilnga kamo nagsabi na ako nakipagsabwatan sa sarong tawo na tanganing saiyang gadanon si Zeezoram, an satuyang pinakapamayong huwes. Pero hilnga, ako nagsasabi sa saindo, na ini nin huli ta ako nagpatotoo sa saindo na tanganing kamo puwedeng makaaram manungod kaining bagay; iyo, para magin sarong testigo sa saindo, na ako nakakaaram kan mga kadaendataan asin mga abominasyon na yaraon sa pag-iriba nindo.

24 Asin nin huli ta ginibo ko ini, kamo nagsasabi na ako nakipagsabwatan sa sarong tawo na tanganing saiyang gibohon an bagay na ini; iyo, nin huli ta sakuyang ipinahiling saindo an senyal na ini kamo nagka-aranggot sa sakuya, asin nagmawot na destrosohon an sakuyang buhay.

25 Asin ngonian hilnga, ako magpapahiling sa saindo nin sarong pang senyal, asin hilngon nindo kun kamo magmamawot sa bagay na ini na destrosohon ako.

26 Hilnga ako nagsasabi sa saindo: Magduman sa harong ni Seantum, na iyo an tugang na lalake ni Seezoram, asin magsabi sa saiya---

27 Si Nephi daw, an sagin-sagin na propeta, na iyo an nagpropesiya sa grabeng karaotan manungod kaining mga katawohan, nakipagsabwatan sa saimo, na kun kaya saimong ginadan si Seezoram, na iyo an saimong tugang na lalake?

28 Asin hilnga, siya magsasabi sa saindo, Dae.

29 Asin kamo magsabi sa saiya: Saimo daw ginadan an saimong tugang na lalake?

30 Asin siya magtitindog na may pagkatakot, asin dae maaaraman kun ano an saiyang sasabihon. Asin hilnga, siya mapahimutok sa saindo; asin siya maghihimo na garo baga siya nabigla; daeng pagkukulang, siya magdedeklara sa saindo na siya inosente.

31 Pero hilnga, saindong siyasaton siya, asin saindong mananagboan an dugo na yaon sa gayad kan saiyang panalukbong.

32 Asin kun mahiling nindo ini, kamo maghahapot: Saen baya gikan an dugong ini? Kami daw dae makaaram na ini iyo an dugo kan saimong tugang na lalake?

33 Asin baya siya magtatakig, asin mahihiling na mamumuti, magin garo baga an kagadanan nag-abot saiya.

34 Asin baya kamo magsasabi: Nin huli kaining pagkatakot asin kaining pamumuti na nag-abot sa saimong lalawgon, hilnga, kami nakakaaram na ika nagkasala.

35 Asin baya mas pang pagkatakot an maabot sa saiya; asin baya siya magkukumpisal sa saindo, asin dae na makanegar na siya naggad iyo an naggadan.

36 Asin baya siya magsasabi sa saindo na ako, si Nephi, daeng pagkaaram manungod sa bagay na ini laen lang na ini ipinagtao sa sakuya sa paagi kan kapangyarihan nin Diyos. Asin saka nindo maaraman na ako sarong honestong tawo, asin ta ako ipinadara para

An Simbahan ni Jesukristo nin Mga Banal sa Huring-aldaw

473

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

saindo gikan sa Diyos.

37 Asin ini nangyaring naglipas na s9nda nagharale asin ginibo, magin uyon sa sinabi ni Nephi sa sainda. Asin hilnga, an mga tataramon na saiyang pinagsabi gabos totoo; nin huli ta uyon sa saiyang sinabi siya nagnegar; asin man uyon sa mga tataramon siya nagkumpisal.

38 Asin siya dinakop tanganing probaran na siya sa sadire niya iyo naggad an paragadan, na tangani baya an lima pinabuhian, asin man si Nephi.

39 Asin igwa nin nagkapira sa mga Nephita na nagtubod sa mga tataramon ni Nephi; asin igwa man na nagkapira, na nagtubod nin huli sa testimonya kan lima, nin huli ta sinda nagkabarago habang sinda yaon sa kulungan.

40 Asin ngonian igwa sa pag-iriba nin mga katawohan, na nagsasabi na si Nephi sarong propeta.

41 Asin igwang iba na nagsasabi: Hilnga, siya sarong diyos, nin huli ta kun bago siyang diyos dae niya kuta na nagkaararaman an gabos na mga bagay. Nin huli ta hilnga, siya nakapagsabi satuya an mga kaisipan kan satuyang mga puso, asin man nagsabi satuya nin mga bagay; asin nagin siya an nakapagdara sa satuyang kaaraman an tunay na paragadan kan satuyang pinakapamayong huwes.

HELAMAN TSAPTER 10

An Kagurangnan itinao ki Nephi an kapangyarihan nin pagseselyo--- Siya may kapangyarihan na magbugkos asin magbuhi sa ibabaw nin kinaban asin sa langit--- Siya nagsugo sa mga katawohan na magsorolsol o mapapara--- An Espiritu iyo an nagdadara sa saiya gikan sa sarong kongregasyon sagkod sa sarong kongregasyon.

Asin ini nangyaring naglipas na nagkaigwa nin pagkakabaranga sa mga katawohan, na tanganing sinda nagkabaranga digde asin duman asin naglakaw sa sadire nindang mga dalan, na binayaan si Nephi na nagsosolo-solo, habang siya nakatindog sa tahaw ninda.
2 Asin ini nangyaring naglipas na si Nephi naglakaw sa saiyang dalan pasiring sa saiyang sadireng harong, nag-iisip sa mga bagay na an Kagurangnan iyo an nagpahiling sa saiya.
3 Asin ini nangyaring naglipas habang siya baya nag-iisip--- bilang grabeng gayo an kamondoan nin huli kan karigsokan nin mga katawohan na mga Nephita, kan saindaang mga sikretong gibo nin kadikloman, asin kan saindang mga panggagadan, asin kan saindang mga pananalakat, asin kan gabos na manera nin kadaendatahan--- asin ini nangyaring naglipas na habang siya nag-iisip sa saiyang puso, hilnga, sarong tingog an nag-abot saiya na nagsasabi:

4 Paladan ka, Nephi, nin huli kaidtong mga bagay na saimong naginibohan; nin huli ta sakong nahiling kun paano ka dae napagal sa pagdedeklara sa tataramon, na sakong itinao sa saindo, para sa mga katawohang ini. Asin dae mo tinakot sinda, asin dae nagmawot kan saimong buhay, pero nagmawot sa sakuyang kagustuhan, asin ta magsusunod sa sakong mga kasuguan.

5 Asin ngonian, nin huli ta saimong ginibo ini na daeng kapagalan, hilnga, ako

An Simbahan ni Jesukristo nin Mga Banal sa Huring-aldaw 474
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magbebendisyon saimo sagkod pa man; asin ako an maghihimo saimo na makusog sa tataramon asin sa gibo, sa pagtubod asin sa mga trabaho; iyo, magin ta an gabos na mga bagay gigibohon sa saimo na uyon sa saimong tataramon, nin huli ta ika naghahagad kaidtong mga bagay na kontraryo sa sakong kagustuhan.

6 Hilnga, ika si Nephi, asin ako an Diyos. Hilnga, ako madeklara kaini sa saimo sa presensiya kan sakong mga anghel, na ika magkakaigwa nin kapangyarihan sa mga katawohang ini, asin maghahampak sa kinaban nin taggutom, asin mga peste, asin kapahamakan, uyon sa karigsokan kaining mga katawohan.

7 Hilnga, ako nagtatao sa saimo nin kapangyarihan, na an anuman na saimong seselyuhan sa kinaban seselyuhan sa kalangitan; asin an anuman na saimong huhubadan sa kinaban huhubadan sa kalangitan; asin kaya ika magkakaigwa nin kapangyarihan sa pag-iriba kaining mga katawohan.

8 Asin kaya, kun saimong sasabihon sa templong ini na ini mababanga sa duwa, ini mangyayari.

9 Asin kun ika magsasabi sa bukid na ini, magin ika magaba asin magin patag, ini mangyayari.

10 Asin hilnga, kun ika magsasabi na an Dios iyo an maghahampak kaining mga katawohan, ini mangyayaring malipas.

11 Asin ngonian hilnga, ako nagsusugo saimo, na ika maglakaw asin ideklara sa mga katawohang ini, na kaya nagsabi an Kagurangnan Diyos, na siya iyo an makapangyarihan: Laen lang kun kamo magsosolsol kamo hahampakon, magin sagkod sa kapahamakan.

12 Asin hilnga, ngonian ini nangyaring naglipas na kan an Kagurangnan nakapagtaram na kan mga tataramong ini ki Nephi, siya nag-untok asin dae nagduman sa sadire niyang harong, kundi nagbalik duman sa kadaklan na nagkakaralat sa palibot kan lalawgon kaining kadagaan, asin nagpoon sa pagdeklara sa sainda sa tataramon nin Kagurangnan na ipinagsabi sa saiya, mapanungod sa saindang kapahamakan kun sinda dae magsosolsol.

13 Ngonian hilnga, maski na ngani kaining dakulang milagro na ginibo ni Nephi sa pagsasabi sainda mapanungod sa kagadanan nin pinakapamayong huwes, saindang pinatagas an saindang mga puso asin dae nagdangog sa mga tataramon nin Kagurangnan.

14 Kun kaya si Nephi nagdeklara sa sainda kan tataramon nin Kagurangnan, na nagsasabi: Laen lang na kamo magsosolsol, kaya sinabi nin Kagurangnan, kamo hahampakon magin sagkod sa kapahamakan.

15 Asin ini nangyaring naglipas na kan si Nephi nagdeklara sa sainda kan tataramon, hilnga, saindaang pinatagas giraray an saindang mga puso asin habong magdadangog sa saiyang mga tataramon; kun kaya sinda nagka-aranggot laban saiya, asin nagmawot na dut-an kan saindang mga kamot siya na tanganing maikunkon siya sa laog kan prisohan.

16 Pero hilnga, an kapangyarihan nin Diyos yaon saiya, asin sinda dae kayang madakop siya tanganing ipagkunkon sa laog nin prisohan, nin huli ta siya pinagkua nin Espiritu asin pinagdara paharayo paluwas sa katahawan ninda.

17 Asin ini nangyaring naglipas na kaya siya nagpadagos sa paglakaw kaiba an Espiritu, gikan sa kadaklan sagkod sa iba pang kadaklan, nagdedeklara kan tataramon nin Diyos, magin sagkod na saiyang maideklara ini sa sainda gabos, o ipadara ining padagos sa pag-iriba kan gabos na mga katawohan.

18 Asin ini nangyaring naglipas na sinda habong magdadangog kan saiyang mga tataramon; asin duman nagpoon an mga pag-iiriwal-iwal, na tangani bayang sinda nagkabaranga kontra sa saindang mga sadire asin nagpoon na maggaradanan sa lambang sarong sa paagi kan espada.

19 Asin kaya natapos an ika-sitenta asin enot na taon kan pagpapamahala kan mga huwes sa mga katawohan ni Nephi.

HELANAN TSAPTER 11

Si Nephi pinaghagad sa Kagurangnan na ribayan an saindang giyera nin taggutom--- Kadakul na mga katawohan an nagkaparara--- Sinda nagsolsol, asin si Nephi nagngayo- ngayo sa Kagurangnan para mag-uran--- Si Nephi asin si Lehi nagresibe nin kadakul na mga kapahayagan--- An mga parasalakat na Gadianton pinagpakusog an saindang mga sadire sa laog nin kadagaan.

Asin ini nangyaring naglipas na sa ika-sitenta asin duwang taon kan pagpapamahala kan mga huwes na an pag-iiriwal-iwal mas nagin grabe, na tangani baya na nagkaigwa nin mga giyera sa bilog na kadagaan sa bilog na pag-iriba kan mga katawohan nin Nephi.

2 Asin iyo ini kaidto na ining sikretong grupo kan mga parasalakat na iyo an nagpadagos kaining gibo nin kapahamakan asin karigsokan. Asin an giyerang ini naghaloy sa laog kan taon na idto; asin sa ika-sitenta asin tulong taon ini man naghaloy.

3 Asin ini nangyaring naglipas na sa taon na ini si Nephi nag-apod sa Kagurangnan, na nagsasabi:

4 O Kagurangna, dae mo tabi pagtugutan na an mga katawohan ini madedestroso sa paagi nin espada; kundi O Kagurangnan, lugod tugutan mo na magkaigwa nin sarong taggutom sa laog nin kadagaan, tanganing estirahon sinda na makagiromdom sa Kagurangnan nindang Diyos, asin baka sinda magsosolsol asin magbaralik sa saimo.

5 Asin idto baya nangyari, na uyon sa mga tataramon ni Nephi. Asin nagkaigwa nin sarong dakulaong taggutom sa ibabaw nin kadagaan, sa pag-iriba kan bilog na katawohan nin Nephi. Asin kaya sa ika-sitenta asin apat na taon an taggutom nagpadagos, asin an gibo kan kapahamakan nag-untok sa paagi nin espada pero nagin malala sa paagi nin taggutom.

6 Asin ining gibo nin kapahamakan nagpadagos man sa ika-sitenta asin limang taon. Nin huli ta an daga pinaghampak na ini magin darang-darang, asin dae nagbubunga nin bagas sa panahon nin pagbabagas; asin an bilog na kinaban pinaghampak, magin sa pagsadire kan mga Lamanita asin man kan mga Nephi, na tanganing sinda pinaghampak na sinda magkaparara sa paagi nin mga rinibo sa mas pang marigsok na parte nin kadagaan.

7 Asin ini nangyaring naglipas na an mga katawohan nahiling na sinda magkaparara nin huli kan taggutom, asin sinda nagpoon na makagiromdom sa Kagurangnan nindang Diyos; asin sinda nagpoon na makagiromdom sa mga tataramon ni Nephi.

8 Asin an mga katawohan nagpoon makiolay sa saindang mga pinakapamayong mga huwes asin sa saindang mga lider, na saindang sabihan si Nephi: Hilnga, kami

An Simbahan ni Jesukristo nin Mga Banal sa Huring-aldaw

476

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nakakaaram na ika sarong tawo nin Diyos, asin kun kaya mag-apod ka sa Kagurangnan satuyang Diyos na saiyang ipagrayo gikan ining taggutom, baka an gabos na mga tataramon na saimong ipinagsabi manungod sa samuyang kapahamakan mautob.

9 Asin ini nangyaring naglipas na an mga huwes nagsabi ki Nephi, na uyon sa mga tataramon na pinagmamawot. Asin ini nangyaring naglipas na kan mahiling ni Nephi na an mga katawohan nagsosolsol na asin nagpapakumbaba kan saindang mga sadire nin sul-ot na sako, siya nag-apod giraray sa Kagurangnan, na nagsasabi:

10 O Kagurangnan, hilnga baya ining mga katawohan na nagsosolsol na; asin sainda nang pinagwara an grupo kan Gadianton gikan sa pag-iriba ninda na tangani baya sinda napara na, asin sainda nang pinagtago an saindang sikretong mga plano sa irarom nin daga.

11 Ngonian, O Kagurangnan, nin huli kaining saindang pagpapakumbaba puwede tabi na haleon mo na an saimong kaanggutan, asin tuguti na an saimong kaanggutan mahipnoan kaidtong kapahamakan kan mga marigsok na mga tawo na saimo nang pinagdestroso.

12 O Kagurangnan, saimo nang ipagrayo an saimong kaanggutan, iyo, an saimong makuring kaanggutan, asin himoon na ining taggutom magpondo na sa dagang ini.

13 O Kagurangnan, puwede daw na ika magdangog sakuya, asin himoon na ini puwedeng mangyari na uyon sa sakuyang mga tataramon, asin magpadara ka po nin uran sa lalawgon kaining daga, na tangani baya siya makapagpamunga kan saiyang prutas, asin kan saiyang bagas sa panahon kan tig-ani.

14 O Kagurangnan, ika nagdangog sa sakuyang mga tataramon kan isabi ko ini, Magkaigwa man lugod nin taggutom, na tangani baya an pamemeste kan espada puwedeng magpondo; asin ako nakaaram na saimo ining ginusto, magin sa oras na ini, dangoga baya an sakong mga tataramon, nin huli ta ika nagsabi na: kun an mga katawohan na ini magsosolsol sakuyang paliligtason sinda.

15 Iyo, O Kagurangnan, asin saimong nahihiling na sinda nagsosolsol na, nin huli kan taggutom asin kan peste asin an kapahamakan na nag-abot na sa sainda.

16 Asin ngonian, O Kagurangnan, pwede daw na saimo nang ipagrayo an saimong kaanggutan, asin subuki baya giraray kun sinda magsiserbe saimo? Asin iyo ini, O Kagurangnan, ika puwedeng magbendisyon sainda uyon sa saimong mga tataramon na saimo nang pinagsabi.

17 Asin ini nangyaring naglipas na sa ika-sitenta asin anom na taon an Kagurangnan pinagrayo an saiyang kaanggutan gikan sa mga tawo, asin nagkausa na an uran dapat na maghulog sa ibabaw nin daga, na tangani baya na ini makapagpamunga nin prutas sa panahon kan saiyang pagprutas. Asin ini nangyaring naglipas na ini naggad nakapagdara nin bagas sa panahon kan saiyang tig-ani.

18 Asin hilnga, an mga katawohan nagka-orogma asin nagpamuraway sa Diyos, asin an bilog na lalawgon nin kadagaan napano nin pagka-orma; asin sinda dae na nagmawot na destrosohon si Nephi, pero sainda siyang ginagalang bilang sarong makusog na propeta, asin sarong tawo nin Diyos, na may makusog na kapangyarihan asin autoridad na ipinagtao sa saiya gikan sa Diyos.

19 Asin hilnga, si Lehi, an saiyang tugang na lalake, bako man gayo harayo ni katiting saiya sa mga bagay na manunungod sa pagkamatanos.

20 Asin kaya ini nangyaring naglipas na an mga katawohan nin Nephi nagpoon giraray na mag-asenso sa kadagaan, asin nagpoon na pakaghayon an saindang mga nabasurang

mga lugar, asin nagpoon sa pagdakul asin pagkalat, magin sagkod na saindang napano an bilog na lalawgon nin kadagaan, pareho sa may hiragang parte asin sa may timog na parte, gikan sa dagat nin sulnopan sagkod sa dagat nin sirangan.

21 Asin ini nangyaring naglipas na an ika-sitenta asin ano na taon natapos sa katuninongan. Asin an ika-sitenta asin pitong taon nagpoon sa katuninonga; asin an simbahan duminakula sa bilog na lalawgon kan gabos na kadagaan; asin an grabeng parte nin mga katawohan, pareho an mga Nephita asin mga Lamanita, nagin mga kabale sa simbahan; asin sinda nagkaigwa nin grabeng gayong katuninongan sa kadagaan; asin kaya nagtapos an ika-sitenta asin pitong taon.

22 Asin man sinda nagkaigwa nin katuninongan sa ika-sitenta asin walong taon, laen lang sa nagkapirang pag-iiriwal-iwal manungod sa mga punto nin doktrina na pinagpahayag kan mga propeta.

23 Asin sa ika-sitenta asin siyam na taon nagkaigwa nin pagpoon nin grabeng pagkakabaranga-banga. Pero nin nangyaring naglipas na si Nephi asin si Lehi, asin an kadakul nindang mga katungangan na iyo an nakakaaram manunungod sa tunay na mga puntos kan doktrina, na igwang kadakul na mga kapahayagan aro-aldaw, kun kaya sinda nagparabalangibog sa mga katawohan, na tangani baya na saindang pina-untok an pagkakabaranga-banga sa taon man sanang idto.

24 Asin ini nangyaring naglipas na sa ika-otsentang taon kan pagpapamahala kan mga huwes sa katawohan nin Nephi, nagkaigwa nin nagkapirang numero kan mga paribok gikan sa mga katawohan nin Nephi, na naka-iba nin nagkapirang taon kaidto sa mga Lamanita, asin pinag-ako sa saindang mga sadire an ngaran na mga Lamanita, asin man nagkapirang numero na tunay na mga lahi kan mga Lamanita, na nagka-esterang magka-aranggot sa paagi ninda, o sa paagi kaidtong mga paribok, kun kaya sinda an nagpoon nin sarong giyera kontra sa saindang mga katugangan.

25 Asin sinda naggad naggibo nin panggagadan asin panalakat; asin pagkatapos sinda mina-atras pabalik sa mga kabukidan, asin pasiring sa kaparangan asin sikretong mga lugar, nagtatago kan saindang mga sadire na dae sinda magkadireskubre, nagresibe aro-aldaw nin kadagdagan kan saindang numero, na tangani baya nagkaigwa nin mga paribok na nakibale sa sainda.

26 Asin kaya sa panahon na ini, iyo, magin sa laog kan dae kadakul na mga taon, sinda nagin sarong dakula na gayong grupo nin mga tulisan; asin sinda naghahanap kan gabos na mga sikretong plano nin Gadianton; asin kaya sinda nagin mga tulisan ni Gadianton.

27 Ngonian hilnga, an mga tulisang ini naggibo nin grabeng pagabat, iyo, nagin sarong dakulang kapahamakan sa pag-iriba kan mga katawohan nin Nephi, asin man sa pag-iriba kan mga katawohan nin mga Lamanita.

28 Asin ini nangyaring naglipas na ini sarong kapakinabangan na dapat igwa nin sarong kauntukan ining gibo nin kapahamakan; kun kaya sinda nagpadara nin sarong armada nin makukusog na mga tawo pasiring sa kaparangan asin mga kabukidad tanganing haranapon an grupong ini nin mga tulisan, asin tanganing destrosohon sinda.

29 Pero hilnga, ini nangyaring naglipas na sa kaparehong taon sinda nagkadurulang pabalik sagkod sa saindang mga sadireng mga kadagaan. Asin kaya nagtapos an ika-otsentang taon kan pagpapamahala nin mga huwes sa mga katawohan nin Nephi.

30 Asin ini nangyaring naglipas na sa pagpopoon kan ika-otsenta asin enot na taon sinda naglarga giraray kontra kaining grupo nin mga tulisan, asin nadestroso an kadakulan; asin

sinda inabot man nin grabeng kapahamakan.

31 Asin sinda giraray na-obliga na magbaralik paluwas sa kaparangan asin paluwas sa mga kabukidan pasiring sa saindang sadireng kadagaan, nin huli sa grabe na gayong numero kaidtong mga tulisan na nagkalat sa mga kabukidan asin kaparangan.

32 Asin ini nangyaring naglipas na kaya nagtapos an taon na ini. Asin an mga tulisan padagos na nagdadagdag asin nagin makusog, na tangani baya sinda nakilaban sa bilog na armada kan mga Nephita, asin man kan mga Lamanita; asin sinda nagkausa nin dakulang pagkatakot na mag-abot sa mga katawohan sa bilog na lalawgon nin kadagaan.

33 Iyo, nin huli ta sinda nagbisita sa kadakul an parte nin kadagaan, asin naggibo nin dakulang kapahamakan sa sinda; iyo, nanggadan nin kadakul, asin dinarara an iba pa bilang nasakop pasiring sa kaparangan, iyo, asin kadakul pa lalo na an saindang mga kababaehan asin an saindang mga kaakian.

34 Ngonian ining dakulang karaotan, na nag-abot sa mga katawohan nin huli kan saindang mga kadaendatahan, iyo an nakapag-estera sa sinda giraray sa pagkagiromdom sa Kagurangnan nindang Diyos.

35 Asin kaya nagtapos an ika-otsenta asin enot na taon kan pagpapamahala nin mga huwes.

36 Asin sa ika-otsenta asin duwang taon sinda nagpoon giraray na makalingaw sa Kagurangnan nindang Diyos. Asin sa ika-otsenta asin tulong taon sinda nagpoon na magin makusog sa kadaendatahan. Asin sa ika-otsenta asin apat na taon sinda dae naggad nagbago kan saindang mga dalan.

37 Asin ini nangyaring naglipas na sa ika-otsenta asin limang taon sinda nagin nagparakusog-kusog sa saindang kapaabaw-abawan, asin sa saindang karigsokan; asin kaya sinda naghihinog na naman para sa kapahamakan.

38 Asin kaya nagtapos an ika-otsenta asin limang taon.

HELAMAN TSAPTER 12

An mga tawo bakong estable asin tarantado asin madalion gumibo nin maraot--- An Kagurangnan pinakol an saiyang mga katawohan--- An pagkamayo nin mga tawo kumparado sa kapangyarihan nin Diyos--- Sa aldaw nin paghuhukom an mga tawo makakaguno nin daeng katapusan na buhay o daeng katapusan na kondensasyon.

Asin kaya satuyang mahihiling kun gurano kapalaso, asin man an pagbarabag-o kan mga puso nin mga kaakian nin mga tawo; Iyo, satuyang mahihiling na an Kagurangnan sa saiyang dakulaon na daeng mabibilang na karahayan nagbebendisyon asin pinagpa-asenso sinda na binubugtak an saindang tiwala saiya.

2 Iyo, asin satuyang mahihiling sa tamang panahon kan saiyang pinapa-asenso an saiyang mga katawohan, iyo, sa pagdadagdag kan saiyang mga umahan, kan saindang mga kakarnerohan asin kan saindang mga kabakahan, asin nin bulawan, asin nin plata, asin nin gabos manera ning mahalagang mga bagay sa lambang klase asin arte; pagliligtason an saindang mga buhay, asin pinagpapaluwas sinda sa mga kamot kan saindang mga

An Simbahan ni Jesukristo nin Mga Banal sa Huring-aldaw

479

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kaiwal; pinapalumoy an mga puso kan saindang mga kaiwal na tanganing sinda dae magdeklara nin pakigiyera laban sainda; iyo, asin sa karahayan, ginigibo an gabos na mga bagay para sa ikakarahay asin kaogmahan kan saiyang mga katawohan; iyo, kaya iyo ini an panahon na saindang pinapatagas an saindang mga puso, asin makalingaw sa Kagurangnan nindang Diyos, asin pagtimak-timakan sa irarom kan saindang mga bitis an Solong Banal--- iyo, asin ini nin huli kan saindang kasayunan, asin kan saindang grabe na gayong prosperidad.

3 Asin kaya satuyang nahihiling na laen lang na an Kagurangnan pinagpapakulan an saiyang mga katawohan nin kadakul na mga kasakitan, iyo, laen lang na saiyang pinagbibisita sinda nin may kagadanan asin may panakot, asin may taggutom asin igwa nin gabos na manera nin pamemeste, sinda dae nanggad makakagiromdom saiya.

4 O gurano kahangal, asin gurano kadaeng-kamugtakan, asin gurano karaot, asin pagkamakademonyo, asin gurano kadale an paggibo nin kadaendatahan, asin gurano kaluya an paggibo nin marhay, an mga kaarakian nin mga tawo; iyo, gurano kadale an magdangog sa mga tataramon kan maraot na sarong, asin ipamugtak an saindang mga puso sa daeng kamugtakan na mga bagay nin kinaban!

5 Iyo, gurano kadali an mapa-itaas sa kapa-abaw-abawan; iyo, gurano kadalion an maghambog, asin an maggibo nin gabos na manera kaining kadaendatahan; asin gurano kaluya sinda sa paggiromdom sa Kagurangnan nindang Diyos, asin maghinanyog sa saiyang mga paggiromdom, Iyo, gurano kaluya na maglakaw sa mga dalan nin kadunungan!

6 Hilnga, sinda dae nagmamawot na an Kagurangnan nindang Diyos, na iyo an naglalang sainda, dapat na magpamahala asin maghahade sa sainda; maski na ngani kan saiyang dakulaon na karahayan asin kan saiyang pagkaherak para sa sainda, saindang pinagbalewala an saiyang mga paggiromdom, asin sinda naghaharabo na siya an dapat nindang tagapagmato.

7 O gurano daw kadakula an kawaraan kan mga kaarakian nin mga tawo; iyo, magin sinda hababa pang gayo sa alpog kan kinaban.

8 Nin huli ta hilnga, an alpog nin kinaban pinaghihiro padigde asin paduman, pasiring sa kawaraan, sa sugo kan satuyang dakulaon asin daeng katapusan na Diyos.

9 Iyo, hilnga sa boses niya nahimo an burokid-bukid asin an mga kabukidan nangungubog-kubog asin nagkataranyog.

10 Asin sa paagi nin kapangyarihan kan saiyang boses sinda nagkabaraak, asin nagin mapatag, iyo, nagin arog sa sarong lambakon.

11 Iyo, sa paagi nin kapangyarihan kan saiyang boses an mga pundasyon nagkahiro, magin sagkod sa pinakasentro kaini.

12 Iyo, sa paagi nin kapangyarihan kan saiyang boses, an mga pundasyon nagkahiro, magin sagkod sa pinakasentro kaini.

13 Iyo, asin kun siya masabi sa kinaban--- Hiro--- ini minahiro.

14 Iyo, kun siya masabi sa kinaban--- Ika dapat na magbwelta, nganing maglawig an aldaw sa kadakul na oras--- ini mangyayari.

15 Asin kaya, uyon sa saiyang tataramon an kinaban minabalik, asin ini mamangnuhon nin mga tawo na an saldang nag-untok; iyo, asin hilnga, ini iyo nanggad; nin huli ta naseseguro na an kinaban iyo an naghahiro asin bako an saldang.

16 Asin hilnga, baya, kun siya masabi sa mga katubigan kan pinaka-irarom---

Magdagang ka--- ini mangyayari.

17 Hilnga, kun siya masabi sa kabukidan na ini--- Puma-itaas ka, asin magpatihulog asin magbagsak sa siyudad na idto, na tanganing ini malubong--- hilnga ini mangyayari.

18 Asin hilnga, kun an sarong tawo nagtago nin sarong kayamanan sa daga, asin an Kagurangnan magsasabi--- Sumpaon yan, nin huli sa kadaendatahan niya na iyo an nagtago kaiyan--- hilnga, ini mangyayaring sumpaon.

19 Asin kun an Kagurangnan magsasabi--- Sumpaon ka, na tanganing mayong tawo an makatagbo saimo magpoon ngonian na panahon asin sagkod pa man--- hilnga, mayong tawo an makakua kaiyan ngonian asin sagkod pa man.

20 Asin hilnga, kun an Kagurangnan magsasabi sa sarong tawo--- Nin huli kan saimong mga kadaendatahan, ika susumpaon sagkod pa man--- ini mangyayari.

21 Asin kun an Kagurangnan magsasabi--- Nin huli kan saimong mga kadaendatahan ika irarayo gikan sa sakuyang presensiya--- siya magkakausa na ini naggad mangyayari.

22 Asin herak man saiya na pinanunungdan sabihon ini, nin huli ta ini mapapasaiya na naggigibo nin kadaendatahan, asin siya dae puwedeng maligtas; kun kaya, nin huli kaining kausa, na tanganing an mga tawo puwedeng maliligtas, an pagsosolsol naggad pinagdeklara.

23 Kun kaya, paladan sinda na nagsosolsol asin nagdadangog sa boses nin Kagurangnan nindang Diyos; nin huli ta ini baya iyo sinda na magkakariligtas.

24 Asin baya an Diyos magtutugot, sa saiyang dakulang kapanoan, na tanganing an mga tawo puwedeng madara pasiring sa pagsosolsol asin marhay na mga gibo, na tangani baya sinda maibabalik pasiring sa grasya nin huli sa grasya, uyon sa saindang mga gibo.

25 Asin ako nagmamawot na an gabos na mga tawo puwedeng maliligtas. Pero samuyang nabasa na sa kadakulaon asin huring aldaw igwa nin iba na ipagrarayo paluwas, Iyo, siisay baya an irarayo gikan sa presensiya nin Kagurangnan;

26 Iyo, siisay daw an ipagwawalat sa sarong estado nin daeng katapusan na kasakitan, n mag-uutob sa mga tataramon na nagsasabi: Sinda na nakapaggibo nin marhay magkakaigwa nin daeng katapusang buhay; asin sinda na nakapaggibo nin maraot magkakaigwa nin daeng katapusan na damnasyon. Asin kaya iyo ini. Amen.

HELAMAN TSAPTER 13

An propesiya ni Samuel, an Lamanita, mapanungod sa mga Nephita. Pag-iriba kan mga Tsapter 13 hanggan 15 na pinagkasararo.

Si Samuel, an Lamanita nagpropesiya mapanungod sa pagkapahamak kan mga Nephita laen lang kun magsosolsol--- Sinda asin an saindang mga kayamanan isinumpa--- Sinda nagsikwal asin nanggapo sa mga propeta, pinagpalibutan kan mga demonyo, asin naghahanap nin kaogmahan sa paggigibo nin kadaendatahan.

Asin ngonian ini nangyaring naglipas na sa ika-otsenta asin anom na taon, an mga

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Nephita yaon pa man sa karumputan, iyo, sa dakulaon na karumputan, habang an mga Lamanita naggad nagsusunod nin estrikto sa pagsunod kan mga kasugoan nin Dios, na uyon sa ley ni Moises.

2 Asin ini nangyaring naglipas na sa taon na ini igwa nin sarong Samuel, sarong Lamanita, nag-abot sa laog nin kadagaan kan Zarahemla, asin nagpoon sa pagbabalangibog sa mga katawohan. Asin ini nangyaring naglipas na siya naggad nagparabalangibog, nin kadakul na mga aldaw, nin pagsosolsol sa mga katawohan, asin sainda siyang pinagrayo paluwas, asin siya nakatalaan nang magbalik sa saiyang sadireng kadagaan.

3 Pero hilnga, an boses nin Kagurangnan nag-abot sa saiya, na siya dapat na magbalik giraray, asin magpropesiya sa mga katawohan kan ano man na mga bagay na minaabot sa saiyang puso.

4 Asin ini nangyaring naglipas na sinda habong magtugot na siya maglaog sa siyudad; kun kaya siya nagduman asin nagsakat sa itaas nin muralya, asin pinag-unat an saiyang kamot asin nagkurahaw nin sarong makusugon na boses, asin nagpropesiya sa mga katawohan kan anoman na mga bagay na an Kagurangnan an nagkaag sa laog nin saiyang puso.

5 Asin siya nagsabi sa sainda: Hilnga, ako, si Samuel, sarong Lamanita, nagsasabi nin mga tataramon kan Kagurangnan na saiyang pinagkaag sa sakuyang puso; asin hilnga saiyang pinagkaag ini sa laog kan sakuyang puso tanganing sabihan ining mga katawohan na an espada nin hustisya naka-omang na sa mga katawohang ini; asin apat na gatos na mga taon dae maagi laen lang an an espada nin hustisya mahuhulog sa mga katawohang ini.

6 Iyo, magabat na kapahamakan an naghahalat kaining mga katawohan, asin ini seguradong mangyayari sa mga katawohang ini, asin mayong makakapagligtas kaining mga katawohan kundi an pagsosolsol asin pagtubod sa Kagurangnan Jesu Cristo, na seguradong maabot sa kinaban, asin magtitios nin kadakul na mga bagay asin gagadanon para sa saiyang mga katawohan.

7 Asin hilnga, sarong anghel nin Kagurangnan iyo an nagdeklara kaini sa sakuya, asin siya naggad nagdara nin marhay na bareta sa sakuyang kalag. Asin hilnga, ako ipinadara sa saindo tanganing ideklara man ini sa saindo, na tanganing kamo magkaigwa nin marhay na bareta; pero hilnga kamo habong magresibe sako.

8 Kun kaya, nagsabi baya ang Kagurangnan: Nin huli sa katagasan kan mga puso nin mga katawohan kan mga Nephita, laen lang kun sinda nagsosolsol sakong hahaleon an sakong tataramon gikan sainda, asin sakong kukuahon an sakong Espiritu gikan sainda, asin dae na ako magtitios sainda, asin sakong babalikon an mga puso kan saindang mga katugangan laban sainda.

9 Asin apat na gatos na mga taon dae malipas bago ko tutugutan na sinda hahampakon; iyo, ako magbibisita sainda na may darang espada asin may taggutom asin may mga kapestehan.

10 Iyo, ako magbibisita sainda sa sakong makangirhat na kaanggutan, asin magkakaigwa sa sainda sa ika-apat na henerasyon na mabubuhay, kan saindong mga kaiwal, na tanganing masdan an saindong dagos na kapahamakan; asin ini segurado na gayong mag-aabot laen lang kun kamo magsosolsol, an sabi nin Kagurangnan; asin sinda sa ika-apat na henerasyon magbibisita sa saindong kapahamakan.

11 Pero kun kamo magsosolsol asin magbalik sa Kagurangnan nindong Diyos sakong ipagrarayo an sakong pagka-anggot, sabi nin Kagurangnan; iyo, kaya sabi nin Kagurangnan, paladan sinda na nagsosolsol asin magbalik sa sakuya, pero herak man sa sinda na dae nagsosolsol.

12 Iyo, herak man kaining bantog na siyudad nin Zarahemla; nin huli ta hilnga, ini baya nin huli sinda na mga matatanos na ini ililigtas; iyo, herak man kaining bantog na siyudad, nin huli ta sakong pinag-iisipan, sabi nin Kagurangnan, na igwa nin kadakul, iyo, magin an grabeng parte kaining bantog na siyudad, na pinagpapatagas an saindang smga puso kontra sakuya, sabi nin Kagurangnan.

13 Pero paladan sinda na magsosolsol, nin huli ta sinda ililigtas ko. Pero hilnga, kun bako sana sa mga matatanos na yaraon sa bantog na siyudad na ini, hilnga, ako magkakausa kuta na kalayo an maghuhulog gikan sa langit asin destrosohon ini.

14 Pero hilnga, ini nin huli na sana sa mga matatanos na ini pinaligtas. Pero hilnga, an panahon maabot, sabi nin Kagurangnan, na kun saindong papaluwason an mga matatanos gikan sa pag-iriba nindo, kaya kamo magigin hinog para sa kapahamakan; iyo, herak man kaining bantog na siyudad, nin huli sana sa karumputan asin mga abominasyon na yaraon saiya.

15 Iyo, asin herak man sa siyudad nin Gideon, nin huli kan karumputan asin mga abominasyon na yaraon saiya.

16 Iyo, asin herak man sa gabos na siyudad na yaraon sa kadagaan sa palibot, na pagsasadire kan mga Nephita, nin huli sa karumputan asin mga abominasyon kan mga yaraon sa sinda.

17 Asin hilnga, sarong sumpa an mag-aabot sa ibabaw nin kadagaan, an sabi ni Kagurangnan nin Hukbo, nin huli sa mga katawohan na yaraon sa mga kadagaan, iyo, nin huli kan saindang karumputan asin kan saindang mga abominasyon.

18 Asin ini mangyayaring maglipas, sabi nin Kagurangnan nin mga Hukbo, iyo, an satuyang dakulaon asin totoong Diyos, na an siisay man na magtatago nin mga kayamanan sa daga dae na ninda mananagboan pa giraray, nin huli sa dakulang kasumpaan kan daga, laen lang kun siya sarong matanos na tawo asin itatago niya ini para sa Kagurangnan.

19 Nin huli ta ako an may gusto, sabi nin Kagurangnan, na saindang ipagtago an saindang mga kayamanan para sa sakuya; asin sumpaon sinda na dae nagtago kan saindang kayamanan para sakuya; nin huli ta mayo nin nagtatago kan saindang mga kayamanan laen lang na sinda na mga matatanos; asin siya na dae nagtatago kan saiya mga kayamanan para sakuya, isinumpa na siya, asin man an kayamanan, asin mayong makakapagtubos kaini nin huli sa sumpa kan daga.

20 Asin an aldaw mag-aabot na saindang itatago an saindang mga kayamanan, nin huli ta saindang pinamugtak an saindang mga puso sa mga kayamanan; asin nin huli ta saindang ipinamugtak an saindang mga kayamanan noarin na sinda magdudulag sa atubangan kan saindang mga kaiwal; nin huli ta habo nindang itatago an mga ini para sakuya, an sumpa yaon sinda asin man sa saindang mga kayamanan; asin sa aldaw na iyan sinda paghahampakon, sabi nin Kagurangnan.

21 Hilnga nindo, mga katawohan kaining bantog na siyudad, asin maghinanyog sa sakuyang mga tataramon; iyo, maghinanyog sa mga tataramon na an Kagurangnan an nagsabi; nin huli ta hilnga, siya nagsasabi na kamo ipinagsumpa nin huli sa saindong mga

kayamanan, asin man an saindong mga kayamanan isinumpa nin huli ta saindong ipinamugtak an saindong mga puso sa sinda, asin dae kamo nagparahinyog sa mga tataramon niya na iyo an nagtao sa saindo.

22 Kamo dae makapaggiromdom sa Kagurangnan nindong Diyos sa mga bagay na siya iyo an nagbendisyon saindo, pero kamo pirmeng gayo nakapaggiromdom kan saindong mga kayamanan, bako na magpasalamat sa Kagurangnan nindong Diyos para sinda; iyo, an saindong mga puso dae nakapamugtak sa Kagurangnan, pero sinda nagbubutog na may dakulang kapa-abaw-abawan, sa paghahambog, asin sa dakulang kabutugan, mga kaorihan, mga pakikiiwal, malisya, mga persekusyon, asin mga panggagadan, asin gabos na manera nin mga kadaendatahan.

23 Nin huli kaining kadahilanan an Kagurangnang Diyos nagkausa na sarong sumpa data na mag-abot sa daga, asin man sa saindong mga kayamanan, asin ini nin huli sa saindong mga kadaendatahan.

24 Iyo, herak man kaining mga katawohan, nin huli kaining oras na nag-abot, na saindong pinagsikwal an mga propeta, asin pinagtutuya-tuya sinda, asin pinaggagapo sinda, asin pinaggagaradan sinda, asin naggigibo nin gabos na manera nin kadaendatahan sa sinda, magin arog kan pinaggibo ninda sa lumang panahon.

25 Asin ngonian kun kamo magtaram, kamo nagsasabi: Kun an samuyang mga aldaw yaon kaidtong mga aldaw kan samuyang mga magurang sa lumang panahon, kami kuta na magtutugot na gadanon an mga propeta; kami dae kuta na magtutugot paggapoon sinda, asin palayason sinda paluwas.

26 Hilnga kamo mas grabe pa an karaotan kesa sinda; nin huli ta habang an Kagurangnan nabubuhay, kun an sarong propeta magdudulok sa pag-iriba nindo asin magdeklara sa saindo nin tataramon nin Kagurangnan, na pinagsasabi an saindong mga kasalanan asin mga kadaendatahan, kamo nagka-aranggot sa saiya, asin pinapalayas siya paluwas asin pinaghahanapan nin gabos na manera nin mga paagi tanganing destrosohon siya; iyo, kamo nagsasabi na siya sarong palsong propeta, asin na siya sarong parakasala, asin kairiba kan diyablo, nin huli ta siya nagtutuga na an saindong mga kagibohan mararaot.

27 Pero hilnga, kun an sarong tawo mag-abot sa pag-iriba nindo asin magsasabi: Giboha ini, asin ta mayo nin kadaendatahan; giboha idto asin kamo dae magtitios; iyo, siya magsasabi: Maglakaw kamo na uyon sa kapa-abaw-abawan kan saindong sadireng mga puso; iyo, maglakaw na uyon sa kapa-abaw-abawan kan saindong mga mata, asin gibohon an anoman na an saindong puso an nagmamawot--- asin kun an sarong tawo mag-abot sa pag-iriba nindo asin magsasabi kaini, saindong pinagresibe siya, asin masabi na siya sarong propeta.

28 Iyo, kamo an nag-aalsa saiya paitaas, asin kamo nagtatao saiya kan saindong pagkakan; kamo nagtatao sa saiya kan saindong bulawan, asin kan saindong plata, asin kamo an nagbabado saiya nin mamahalon na kasul-otan; asin nin huli ta siya nagtataram nin kabuladasang mga tataramon sa saindo, asin siya nagsasabi na an gabos marahayon, pagkatapos kamo daeng nahihiling na sala saiya.

29 O kamong mga marurumpot asin kamong mga sutil na henerasyon; kamong matatagas asin kamong tiso an liog na mga katawohan, gurano kalawig na kamo maghuhuna-huna na an Kagurangnan magtutugot saindo? Iyo, gurano kalawig na kamo magtutugot kan saindong mga sadire na pangengenotan nin hunghang asin butang mga giya? Iyo, gurano

kalawig na kamo nagpili nin kadikloman embes baga nin liwanag?

30 Iyo, hilnga, an kaanggutan nin Kagurangnan yaon nang nagrarani kontra saindo; hilnga, saiyang pinagsumpa an kadagaan nin huli kan saindong kadaendataan.

31 Asin hilnga, an panahon nag-aabot na saiyang pinagsumpa an saindong mga kayamanan, na tanganing magin sindang mahalnason, na kamo dae makakaputan sinda; asin sa mga aldaw kan saindong kapobrehan kamo dae makapagtago kaiyan.

32 Asin sa mga aldaw kan saindong kapobrehan kamo magkukurahaw sa Kagurangnan; asin daeng kamugtakan an saindong pagkukurahaw, nin huli ta an saindong kalipungawan nag-abot na para saindo, asin an saindong kapahamakan ginibo nang segurado; asin pagkatapos kamo maghihibi asin mag-aalimuyong sa aldaw na yan, an sabi nin Kagurangnan nin mga Hukbo. Asin pagkatapos kamo magtatangis, asin magsasabi:

33 O na ako nagsosolsol na, asin dae nanggagadan nin mga propeta, asin pinaggapo sinda, asin pinag-apon sinda paluwas. Iyo, sa aldaw na yan kamo magsasabi: O kami nakagiromdom sa Kagurangnan nyamong Diyos na sa aldaw na yan siya nagtao samuya kan samuyang mga kayamanan, asin pagkatapos sinda bako baga nagin mahalnason na tanganing samuyang mawara sinda; nin huli ta hilnga, an samuyang mga kayamanan nagkawarara gikan samuya.

34 Hilnga, samuyang ipinagmugtak an sarong gamit digde asin sa pagkaaga ini nawara; asin hilnga, an samuyang mga espada pinagawi gikan samuya sa aldaw na samuya sindang kinakaipuhan para sa giyera.

35 Iyo, samuyang pinagtago an samuyang mga kayamanan asin an mga ini naghalmas paharayo gikan samuya, nin huli kan sumpa nin kadagaan.

36 O kami nagsosolsol sa aldaw na an tataramon nin Kagurangnan nag-abot sa samuya; nin huli ta hilnga an daga pinagsumpa, asin an gabos na mga bagay nagin mahalnason, asin kami dae makakapot sainda.

37 Hilnga, kami nagkaparilibutan nin mga demonyo, iyo, kami pinapalibutan sa paagi kan mga anghel niya na iyo an nagmamawot na destrosohon an samuyang mga kalag. Hilnga, an samuyang mga kadaendataan grabeng gayo. O Kagurangnan, dae mo daw maiparayo an saimong kaanggutan samuya? Asin iyo ini an saindong lengguwahe sa aldaw na idto.

38 Pero hilnga, an saindong mga aldaw sa probasyon nakaagi na; saindong pinaglilimanlimanan an aldaw kan saindong kaligtasan hanggan sa ini daeng katapusan nang huri, asin an saindong kapahamakan nahimo nang segurado; iyo, nin huli ta kamo naghahanap sa bilog na mga aldaw kan saindong mga buhay para sa bagay na dae nindo makukua; asin kamo naghahanap para sa kaogmahan sa paagi nin paggibo nin kadaendataan, na an bagay na ini kontraryo sa natura kaining pagkamatanos na yaon sa satuyang dakulaon asin Eternal na Pamayo.

39 O kamong mga katawohan nin daga, na kamo makakadangog kan sakong mga tataramon! Asin ako mapangadye na an kaanggutan nin Kagurangnan lugod ipagrayo gikan saindo, asin na kamo magsosolsol asin makakaligtas.

HELAMAN TSAPTER 14

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Si Samuel naghula nin liwanag sa pagkabanggi asin sarong bag-ong bitoon sa kamundagan ni Cristo--- Si Cristo an matubos sa mga tawo gikan sa temporal asin espirituwal na kagdanan--- An mga senyal kan saiyang pagkagadan kinabalehan nin tulong aldaw nin kadikloman, an pagkabaraak nin mga gapo, asin dakulang pagbag-o kan panahon.

Asin ngonian ini nangyaring naglipas na si Samuel, an Lamanita, nagpropesiya nin sarong dakulaon na kadakulong pang mga bagay na dae puwedeng maisurat.

2 Asin hilnga, siya nagsabi sa sinda: Hilnga, ako nagtatao saindo nin sarong senyal; nin huli ta limang taon pa an mag-abot, asin hilnga, pagkatapos mag-aabot an Ake nin Diyos tanganing tubuson gabos sinda na nagtutubod sa saiyang pangaran.

3 Asin hilnga, ini itatao ko saindo para sarong senyal sa panahon na siya mag-abot; nin huli ta hilnga, magkakaigwa nin kadakulon na liwanag sa kalangitan, na tangani baya na sa banggi bago siya mag-abot dae magkakaigwa nin kadikloman, na tangani baya na ini magpahiling sa tawo na arog baga na ini sarong aldaw.

4 Kun kaya, magkakaigwa nin sarong aldaw asin sarong banggi asin sarong aldaw, na garo baga na ini sarong aldaw asin ta dae nagkakaigwa nin banggi; asin ini para saindo sarong senyal; nin huli ta kamo makakaaram sa pagsirang kan saldang asin man kan pagsulnop kaini; daeng pagkukulang na an banggi dae magkakaigwa nin diklom; asin ini an kabanggihan bago siya imundag.

5 Asin hilnga, magkakaigwa nin sarong bag-ong bitoon na magsisirang, na arog kan sarong na dae pa naggad nindo nagkahiriling; asin ini man magigin sarong senyal sa saindo.

6 Asin hilnga bako sana ini gabos, magkakaigwa nin kadakul pang mga senyal asin mga kangangalasan sa langit.

7 Asin ini mangyayaring maglipas na kamo gabos matikbalo asin mangangalas, na tangani baya na kamo magkakaturumba sa daga.

8 Asin ini mangyayaring maglipas na an siisay man na magtutubod sa Ake nin Diyos, siya magkakaigwa nin daeng katapusan na buhay.

9 Asin hilnga, kaya an Kagurangnan an nagsugo sako, sa paagi kan saiyang anghel, na ako dapat na magpadigde asin isabi ining mga bagay sa saindo; iyo, siya nagsugo na ako dapat na ipagpropesiya ining mga bagay sa saindo; iyo, siya nagsabi sa sako: Ikurahaw mo sa mga katawohang ini, magsolsol asin andamon an dalan nin Kagurangnan.

10 Asin ngonian, nin huli sa ako sarong Lamanita, asin nakapagtaram sa saindo nin mga tataramon na an Kagurangnan iyo an nagsugo sakuya, asin nin huli ta ini magabat kontra saindo, kamo nagka-aranggot sako asin nagmawot na destrosohon ako, asin pinagpahale paluwas gikan sa pag-iriba nindo.

11 Asin saindong madadangog an sakong mga tataramon, nin huli ta, sa arog kaining intensiyon kaya ako nagsakat sa mga muralya kaining siyudad, na tangani baya kamo makakadangog asin makakaaram sa mga paghuhukom nin Diyos na naghahalat saindo nin huli kan saindong mga kadaendatahan, asin man tanganing puwede nindong magka-araraman an mga kondisyones kan pagsosolsol.

12 Asin man na tangani baya puwede nindong magkaararaman an pag-abot ni Jesu Cristo, an Ake nin Diyos, an Ama kan langit asin kan daga, an Kaglalang kan gabos na mga bagay gikan pa sa kapinunan; asin na tangani puwede nindong magkaararaman an mga

senyales kan saiyang pag-abot, sa intensiyon na tangani kamo puwedeng magtubod sa saiyang pangaran.

13 Asin kun kamo magtutubod sa saiyang pangaran kamo magsosolsol kan gabos nindong mga kasalanan, na pagkatapos kamo puwedeng magkakaigwa nin kapatawaran kan mga ini sa paagi kan saiyang mga merito.

14 Asin hilnga, giraray, may iba pang senyal akong itatao sa saindo, iyo, an senyal kan saiyang kagadanan.

15 Nin huli ta hilnga, siya seguradong magagadan na tanganing an kaligtasan dapat na mag-abot; iyo, ini ipinagputong saiya asin magigin kapakinabangan na siya magagadan, tanganing darahon na mag-agi an pagkabuhay-liwat kan mga gadan, na baya an mga tawo puwedeng madara pasiring sa presensiya nin Kagurangnan.

16 Iyo, hilnga, ini kagadanan na nagdarang maglipas an pagkabuhay-liwat, asin magtutubos sa bilog na nilalang gikan sa enot na kagadanan--- idtong espirituwal na kagadananl para sa bilog na nilalang, sa paagi kan pagkahulog ni Adan na pinaluwas gikan sa presensiya nin Kagurangnan, na pinagkonsidera bilang gadan, pareho sa mga bagay na temporal asin mga bagay na espirituwal.

17 Pero hilnga, an pagkabuhay-liwat kan Cristo nagtutubos sa nilalang, iyo, magin an bilog na nilalang, asin magdadara sainda pabalik sa presensiya nin Kagurangnan.

18 Iyo, asin ini nagdadara na maglipas an kondisyon kan pagsosolsol, na an siisay an nagsosolsol siya dae tutumbahon asin isusugba pasiring sa kalayo; pero an siisay man na dae nagsosolsol iyo an tutumbahon nasin isusugba pasiring sa kalayo; asin magkakaigwa nin pag-abot sa sainda giraray nin sarong espirituwal na kagadanan, iyo, an ikaduwang kagadanan, nin huli ta sinda pinaghale na giraray sa mga bagay na mapanungod sa pagkamatanos.

19 Kun kaya magsolsol kamo, magsolsol kamo, ta baka sa paagi kan pagkaaram kaining mga bagay asin dae na nindo gigibohon kamo magsasapo sa saindong mga sadire na yaon sa irarom nin kondensasyon, asin kamo pagdadarahon pababa pasiring sa ikaduwang kagadanan.

20 Pero hilnga, habang ako nagsasabi sa saindo manungod sa iba pang senyal, an senyal kan saiyang kagadanan, hilnga, sa aldaw na yan na siya nagsasapo nin kagadanan an saldang magdidiklom asin habang magtatao kan saiyang liwanag sa saindo; asin man an bulan asin an mga bitoon; asin dae magkakaigwa nin liwanag sa lalawgon kaining kadagaan, magin pagpoon sa panahon na siya magsasapo nin kagadanan, sa laog nin tulong aldaw, hanggan sa panahon na siya mabubuhay-liwat gikan sa gadan.

21 Iyo, sa panahon na saiyang ipaghuhunod an espirtu magkakaigwa nin mga pagdadaguldol asin nin mga pagkikilat sa laog nin kadakul na mga oras, asin an daga maglilinog asin magyuyogyog; asin an mga gapo na yaraon sa lalawgon kaining kinaban; na parehong yaon sa ibabaw nin kinaban asin sa irarom, na saindong naaraman sa panahon na ini na birilog pa, o an pinakaparte kaini iyo an sarong pinabilog na kinamumugtakan, magkakabaraak;

22 Iyo, sinda magkakabaranga sa duwa, asin padagos na magkakanaragboan na yaon sa kasiringitan asin sa mga kabaraakan, asin yaon sa baak na karugmukan sa ibabaw nin lalawgon kan bilog na kinaban, pareho sa ibabaw nin kinaban asin sa irarom.

23 Asin hilnga, magkakaigwa nin makukusog na mga bagyo, asin magkakaigwa nin kadakul na mga kabukidan an maghaharababa na arog sa sarong burukid-bukid, asin

magkakaigwa nin kadakul na mga lugar na pinag-aarapud na mga burukid-bukid na magigin mga kabukidan, na an kahalangkawan grabe.

24 Asin kadakul na mga tinampo an magkakabaraak, asin kadakul na mga siyudad magigin kalipungawan.

25 Asin kadakul na mga lubungan an magkakaburukasan, asin magluluwa kan saindang mga gadan; asin kadakul na mga santo an magpapahiling sa kadaklan.

26 Asin hilnga, iyo ini an pinagsabi kan anghel sako; nin huli ta siya nagsabi sako na magkakaigwa nin kadakul na mga pagdadaguldol asin mga pagkikilat sa laog nin kadakul na mga oras.

27 Asin siya nagsabi sako na habang an daguldol asin an kikilat nagtatagal, asin an bagyo, na an mga bagay na ini maninigo, asin an kadikloman maglalakop sa lalawgon kan bilog na kinaban sa laog nin tulong aldaw.

28 Asin an anghel nagsabi sa sako na kadakul an makakahiling nin darakulang mga bagay kesa kaini, sa intensiyon na sinda puwedeng magtutubod na an mga senyales na ini asin ining mga kangangalasan dapat na maglipas sa bilog na lalawgon kaining kadagaan, sa intensiyon na dae dapat na magkakaigwa nin dahilan para dae magtubod an pag-iriba nin kaarakian kan mga tawo---

29 Asin ini para sa intensiyon na an siisay an magtutubod puwedeng maliligtas, asin na an siisay man an dae magtutubod, sarong matanos na paghuhukom an puwedeng mag-abot sa sainda; asin man kun sinda pinagkondena saindong pinagdara sa saindang mga sadire an sainda man sanang kondensasyon.

30 Asin ngonian giromdoma, giromdoma baya, sakong mga katugangan, na an siisay man an naggigibo nin kadaendatahan, naggibo kaini sa saiyang sadire man sana; nin huli ta hilnga, kamo nga libre; kamo may permiso na gumibo para sa saindong mga sadire; nin huli ta hilnga, an Diyos nagtao sa saindo nin sarong kaaraman asin saiyang kamong ginibong libre.

31 Siya nagtao sa saindo na tanganing kamo may pagkaaram nin marhay gikan sa maraot, asin saiyang pinagtao sa saindo na tanganing puwede kamong pinili nin buhay o kagadanan; asin kamo makakagibo nin marhay asin maibalik sa bagay na marhay, o magkakaigwa kan bagay na marhay na maibabalik sa saindo; o kamo makakagibo nin maraot, asin magkakaigwa kan bagay na maraot na maibabalik sa saindo.

HELAMAN TSAPTER 15

*An Kagurangnan pinagkastigo an mga Nephita nin huli ta saiyang namumutan sinda---
Mga nagkabarag-ong Lamanita nagin makusog asin naninindugan sa pagtubod--- An
Kagurangnan magigin maheherakon sa mga Lamanita sa mga huring aldaw.*

Asin ngonian, sakong namumutan na mga katugangan, hilnga, ako madeklara sa saindo na laen lang na kamo magsosolsol an saindong mga pagharongon magkakaigwa sa saindo na maalipungawon.

2 Iyo, laen lang na kamo magsosolsol, an saindong mga kababaehan magkakaigwa nin

An Simbahan ni Jesukristo nin Mga Banal sa Huring-aldaw

488

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sarong dakulang dahilan na magngungoyngoy sa aldaw na sinda magtatao nin susuhon; nin huli ta kamo maprobar sa pagdulag asin dae magkakaigwa nin lugar para pagtataguan; iyo, asin herak man sa sinda na may kairibang ake, nin huli ta sinda magigin magabaton asin dae makakadulag; kun kaya, sinda magkakatirimak-timakan asin sinda mawawalat tanganing mapara.

3 Iyo, herak man kaining mga katawohan na pinag-apud na mga katawohan nin Nephi laen lang kun sinda magsosolsol, kun saindang magkahiriling an gabos na ining mga senyales asin mga kangangalasan na ipagpapahiling sa sinda; nin huli ta hilnga, sinda an pinagpiling mga katawohan nin Kagurangnan; iyo, an mga katawohan ni Nephi saiyang kinamumut-an, asin man saiyang pinagkastigo sinda; iyo, sa mga aldaw kan saindang mga kadaendatahan na saiyang pinagkastigo sinda nin huli ta saiyang kinamumut-an sinda.

4 Pero hilnga sakong mga katugangan, an mga Lamanita iyo an saiyang pinagkaka-ongisan nin huli ta an saindang mga gibo padagos na mararaot, asin ini nin huli sa kadaendatahan kan tradisyon kan saindang mga ninuno. Pero hilnga, an kaligtasan nag-abot sa sinda sa paagi kan pagbabalangibog kan mga Nephita; asin nin huli kaining intensiyon kaya an Kagurangnan pinagpalawig an saindang mga aldaw.

5 Asin ako nagmawot na saindang mahiling na an kadaklan sinda yaon pasiring sa dalan kan saindang mga katungkulan, asin sinda naggad naglalakaw na may pagkamangno sa atubangan nin Diyos, asin sinda naggibong magsunod sa saiyang mga katugangan asin kan saiyang mga panuntunan asin an saiyang mga paghuhukom na uyon sa ley ni Moises.

6 Iyo, ako masabi sa saindo, na an kadakul na parte sinda ginigibo ini, asin sinda naghihingoha na mayong kahandalang kahigosa na tanganing saindang madara an katadaan kan saindang mga katugangan sa kaaraman nin katotoohan; kun kaya nagkakaigwa nin kadakul na naidagdag sa saindang numero aro-aldaw.

7 Asin hilnga, kamo nakakaaram sa saindong mga sadire, nin huli ta kamo testigo kaini, na habang kadakul sinda na nagkadarara sa kaaraman nin katotoohan, asin nakaaram sa karumputan asin mga abominableng tradisyon kan saindang mga ninuno, asin pinagpatubod sa banal na mga kasuratan, iyo, an mga propesiya kan banal na mga propeta, na nagkasururat, na iyo an nag-antabay sinda sa pagtubod sa Kagurangnan, asin sa pagsosolsol, na an pagtubod asin pagsosolsol nagdadara nin sarong pagbabag-o kan puso sa sinda---

8 Kun kaya, habang kadakul an nagkaarabot kaini, kamo nakakaaram sa saindong mga sadire na pusog asin may paninindugan sa pagtubod, asin sa bagay kun saen baya sinda ginibong libro.

9 Asin kamo nakakaaram na saindang pinaglubong an saindang mga armas panggiyera, asin sinda natatakot nang gamiton an mga ini na baka sa anoman na paagi sinda magkakasala--- nin huli ta hilnga sinda minatugot kan saindang mga sadire na sinda pagtirimak-timakan asin pagparagadanon sana kan saindang mga kaiwal, asin habo pang magbitbit kan saindang mga espada laban sinda, asin ta ini nin huli sa saindang pagtubod ki Cristo.

10 Asin ngonian, nin huli kan saindang paninindugan na sinda nahimong magtubod sa bagay na ini na saindang pinagtutubudan, nin huli kan saindang kapusugan kan sinda minsan lang naliwanagan, hilnga, an Kagurangnan magbebendisyon sinda asin pinalawig an saindang mga aldaw, na maski na ngani kan saindang kadaendatahan---

11 Iyo, magin na kun sinda magdidikit na daeng pagtubod an Kagurangnan an mapalawig kan saindang mga aldaw, hanggan sa an panahon mag-abot na pinagsasabi kan satuyang mga ama, asin man sa paagi ni propetang Zenos, asin kadakul pang ibang mga propeta, mapanungod sa pagbabalik-loob kan satuyang mga katugangan, an mga Lamanita, giraray pasiring sa kaaraman nin katotoohan---

12 Iyo, ako masabi sa saindo, na sa kahuri-huriling panahon an mga promisa nin Kagurangnan pinag-unat pasiring sa satuyang mga katugangan, an mga Lamanita; asin ta maski na ngani sa kadakul na mga kasakitan na saindang inaragihan, asin ta maski na ngani na sinda pinagpadpad paduman asin padigde sa lalawgon kan kinaban, asin pinaghahanap, asin paghahampakon asin ipagwaratak-watak sa hararayo, na mayo nin lugar para pagtataguan, an Kagurangnan magigin maheherakon sa sainda.

13 Asin ini uyon sa propesiya, na sinda giraray pagdadarahon pasiring sa tunay na kaaraman, na iyo ngani an kaaraman sa saindang Paratubos, asin an saindang bantog asin tunay na pastor, asin magin kabilang sa numero kan saiyang mga karnero.

14 Kun kaya ako masabi sa saindo, na ini mas marhay pa para sainda kesa para saindo laen lang kun kamo magsosolsol.

15 Nin huli ta hilnga, kun baya an mga darakulang gibo ipinagpahiling sa sainda na ipinagpahiling sa saindo, iyo, sa sainda na nagluya sa daeng pagtubod nin huli kan tradisyon kan saindang mga ninuno, saindong mahiling sa saindong mga sadire na sinda dae na naggad magluluya giraray sa daeng pagtubod.

16 Kun kaya nagsabi an Kagurangnan: Ako dae na naggad mandedestroso sainda, pero sakuyang gigibohon na sa aldaw kan sakong kadunungan sinda magbaralik giraray sa sakuya, sabi nin Kagurangnan.

17 Asin ngonian hilnga, sabi nin Kagurangnan, mapanungod sa mga katawohan na mga Nephita: Kun sinda dae magsosolsol, asin himohon na gibohon an sakong kagustuhan, Ako naggad an magdedestroso sainda, sabi nin Kagurangnan, nin huli kan saindang dae pagtubod na maski na ngani sa kadakul na darakulang mga kagibohan na sakuyang pinaggibo sa pag-iriba ninda; asin habang seguridad na an Kagurangnan nabubuhay an mga bagay na ini mangyayari, sabi nin Kagurangnan.

HELAMAN TSAPTER 16

An mga Nephita na nagtubod ki Samuel pinagbunyagan ni Nephi--- Si Samuel dae nagagadan kan saindang mga pana asin gapo--- An iba pinatagas an saindang mga puso, asin an iba nakahiling nin mga anghel--- An mga mayong pagtubod nagsabi na bakong rasonableng magtubod ki Cristo asin kan saiyang pag-abot sa Jerusalem.

Asin ngonian, ini nangyaring naglipas na igwang kadakul na nakadangog sa mga tataramon nin Samuel, an Lamanita, na saiyang pinagtaram sa ibabaw kan muralya nin siyudad. Asin habang kadakul an nagtutubod sa saiyang tataramon nagharale asin pinagharanap si Nephi; asin kan sinda mag-arabot asin nanumpungan siya sinda nagkurumpisal sa saiya kan saindang mga kasalan asin dae nagtago kaini, na

An Simbahan ni Jesukristo nin Mga Banal sa Huring-aldaw 490
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagmamawot na sinda puwedeng pagbunyagan para sa Kagurangnan.

2 Pero habang kadakul an dae naggad nagtubod sa mga tataramon ni Samuel an nagka-aranggot sa saiya; asin saindang pinag-apunan nin mga gapo siya na yaon sa ibabaw kan muralya, asin man kadakul an nagtira nin mga pana siya habang siya nakatindog sa muralya; pero an Espiritu nin Kagurangnan yaon saiya, na tangani baya na siya dae ninda natatamaan kan saindang mga gapo ni kan saindang mga pana.

3 Ngonian kan saindang mahiling na dae ninda siya natatamaan, nagkaigwa nin kadakul na nagtutubod sa saiyang mga tataramon, na tangani baya na sinda nagduruman ki Nephi tanganing magpaburunyag.

4 Nin huli ta hilnga, si Nephi nagparabunyag, asin nagparapropesiya, asin nagparabalangibog, na nagkukurahaw nin pagsosolsol sa mga katawohan, nagpaparahiling nin mga senyales asin mga kangangalasan, na saindang puwedeng magkaararaman na an Cristo madalio nang mag-abot---

5 Pinagsasabihan sinda kan mga bagay na haranihon nang mag-abot, na tanganing saindang magkaararaman asin magkagiromdoman an panahon kan saindang pag-arabutan na saindang magkakaararaman na kaidto pa, sa intensiyon na sinda puwedeng magtubod; kun kaya habang kadakul na an nagtutubod sa mga tataramon ni Samuel nag-arabot saiya tanganing magpabunyag, nin huli ta sinda nag-abot na nagsosolsol asin nagkukumpisal kan saindang mga kasalan.

6 Pero kadakul na parte sainda an dae nagtutubod sa mga tataramon ni Samuel; kun kaya kan saindang mahiling na sinda dae nakakapagpatama saiya kan saindang mga gapo asin kan saindang mga pana, sinda nagsumbong sa saindang mga kapitan, na nagsasabi: Dakopa an tawong ini asin gapuson siya, nin huli ta siya igwang sarong diyablo; asin nin huli sa kapangyarihan kan diyablo na yaon saiya dae ta siya natatamaan kan satuyang mga gapo asin kan satuyang mga pana; kun kaya dakopa siya asin gapuson siya, asin magrayo saiya.

7 Asin habang sinda nagpasiriring tanganing karaputan siya kan saindang mga kamot, hilnga, siya nagpatihulog kan saiyang sadire pababa sa muralya, asin nagdulag paluwas sa saindang mga kadagaan, iyo, magin pasiring sa sadire niyang nasyon, asin nagpoon na magbalangibog asin magpropesiya sa pag-iriba kan saiyang sadireng mga katawohan.

8 Asin hilnga, siya dae na naggad nadangog pa sa pag-iriba kan mga Nephita; asin kaya iyo ini an mga pangyayari sa mga katawohan.

9 Asin kaya nagtapos an ika-otsenta asin anom na taon nin pagpapamahala kan mga huwes sa mga katawohan ni Nephi.

10 Asin kaya nagtapos man an ika-otsenta asin pitong taon nin pagpapamahala kan mga huwes, asin kadakul pa kan mga katawohan na yaraon pa sa saindang kapaabaw-abawan asin karumputan, asin an kadikit na parte an nagraralakaw na uyon sa atubangan nin Diyos.

11 Asin iyo man ini an mga pangyayari, sa ika-otsenta asin walong taon nin pagpapamahala kan mga huwes.

12 Asin nagkaigwa nin kadikit na pagbabago sa mga pangyayari kan mga katawohan, laen lang na ini na an mga katawohan nagpoon na mas pinatagas pa sa kadaendataan, asin naggigibo nin mas pa kadakul na mga bagay na kontraryo sa mga kasugoan nin Diyos, sa ika-otsenta asin siyam na taon nin pagpapamahala kan mga huwes.

13 Pero ini nangyaring naglipas na sa ika-nobentang taon nin pagpapamahala kan mga

huwes, nagkaigwa nin kadakul na mga senyales na ipinagtao sa mga katawohan, asin mga kangangalasan; asin an mga tataramon kan mga propeta nagpopoon na magka-urutob.

14 Asin an mga anghel nagpahiling sa mga tawo, madudunong na mga tawo, asin nagdeklara sa sainda nin marhay na bareta nin dakulang kaogmahan; kaya sa taon na ini an mga kasuratan nagpopoon na magka-urutob.

15 Daeng pagkukulang, an mga katawohan nagpoon na patagason an saindang mga puso, gabos laen lang sainda idtong grabe an pagkamatnubod-tubod na parte ninda, pareho sa mga Nephita asin man kan mga Lamanita, asin nagpoon na magdepende sa sadire nindang kusong asin sa sadire nindang kadunungan, na nagsasabi:

16 May mga bagay na saindang nagkaturud-an na tama, sa pag-iriba nin kadaklan; pero hilnga, samuyang naaraman na an gabos na ining darakula asin marbelosong mga gibo dae puwedeng maglipas, kun baya ini pinagsabi na.

17 Asin sinda nagpoon na sa pagrason asin makipagdiskusyunan sa pag-iriba ninda, na nagsasabi:

18 Na ini bakong rasonable na an arog na ining nilalang bilang Cristo mag-abot; kun iyo ini, asin siya pa na Ake nin Diyos, an Ama kan langit asin kan daga, arog na ini pinagsabi na, tadaw baya ta dae siya magpahiling kan saiyang sadire satuya asin man sa sainda na yaraon sa Jerusalem?

20 Pero hilnga, kami nakakaaram na ini sarong marumpot na tradisyon, na ipinapamana satuya kan satuyang mga ninuno, tanganing hikayaton kita na magtubod sa ibang dakula asin marbelosong bagay na dapat na mangyayaring maglipas, pero pag-iriba ta, kundi sa kadagaan na yaon sa hararayong distansiya, sarong kadagaan na dae ta man aram; kun kaya saindong ipagpamana satuya an kamangmangan, nin huli ta dae ta masasaksihan kan satuyang mga sadireng mga mata na an mga ini katotoohan.

21 Asin saindang gigibohon, sa paagi nin padaya asin man misteryosong mga arte kan sarong maraot, na maghimo nin ibang dakulaon na misteryo na dae ta man maintindihan, na magbubulid satuya pababa na magin mga surugoon kan saindang mga tataramon, asin man surugoon para sa sainda, nin huli ta minadepende kita sainda na pagtukdoan kita nin mga tataramon; asin kaya sainda kitang pababayaon sa kamangmangan kun kita magsuko kan satuyang mga sadire sa sainda, sa bilog tang mga pagkabuhay.

22 Asin may kadakul pang mga bagay na an mga katawohan nag-imahinar sa saindang mga puso, na anas baga kasutilan asin mayong kamugtakan; asin sinda grabeng gayo an pagkadisturbo, nin huli ta si Satanas iyo an nagsusunson sainda na gumibong padagos nin kadaendatahan; iyo, siya nagparalibot-libot na nagwawarak nin mga pahaya asin mga pag-iiriwal-iwal sa ibabaw kan lalawgon nin kadagaan, na tanganing saiyang mapatagas an mga puso nin mga katawohan laban kaining marhay asin kontra kaining paabuton pa sana.

23 Asin maski na ngani kan mga senyales asin mga kangangalasan na ipinagbalangibog sa pag-iriba kan mga katawohan nin Kagurangan, asin sa kadakul na mga milagro na saindang nang nagibo, si Satanas naggad naggibo na maigot na makaputan an mga puso nin mga katawohan sa bilog na lalawgon nin kadagaan.

24 Asin kay nagtapos an ika-nobentang taon nin pagpapamahala kan mga huwes sa mga katawohan nin Nephi.

25 Asin kaya digde nagtatapos an libro ni Helaman, uyon sa rekord ni Helaman asin kan saiyang mga akeng lalake.

IKATULONG LIBRO NI NEPHI

AN AKI NI NEPHI, NA AKENG LALAKI NI HELAMAN

Asin si Helaman iyo an akeng lalake ni Helaman, na akeng lalake ni Alma, na akeng lalake ni Alma, bilang sarong kamakuapohan ni Nephi na iyo an akeng lalake ni Lehi, na nagluwas paharayo sa Jerusalem sa enot na taon kan pagpapamahala ni Zedekiah, an hade nin Judah.

3 NEPHI TSAPTER 1

Si Nephi na akeng lalake ni Helaman naghale paluwas sa kadagaan, asin an saiyang akeng lalake na si Nephi iyo an nagtatago kan mga rekord --- Maski na ngani na an mga senyales asin mga kangangalasan nagdakul, an marurumpot na plano na garadanon an matatanos--- An banggi na si Cristo imundag nag-abot na--- An senyal ipinagtao na asin sarong bag-ong bitoon an masirang--- An mga kautikan asin mga pandadaya nagdadagdag, asin an mga tulisan na Gadianton nanggadan nin kadakul.

Ngonian ini nangyaring naglipas na an ika-nobenta asin enot na taon naglipas na asin ini an ika-anom na gatos na taon magpoon sa panahon na si Lehi naghale sa Jerusalem; asin iyo idto an taon na si Lachoneus iyo an pinakapamayong huwes asin an gobernador sa bilog na kadagaan.

2 Asin si Nephi, an akeng lalake ni Helaman, naghale paluwas sa kadagaan nin Zarahemla, pinagwalat sa saiyang akeng lalake na si Nephi, na iyo an saiyang pinakamatuang akeng lalake, an mapanungod sa mga laminang bronse, asin an gabos na mga rekord na pinagtago, asin an gabos na ining mga bagay na pinagtagong sagrado gikan pa sa paghale ni Lehi paluwas sa Jerusalem.

3 Pagkatapos na siya naghale paluwas sa kadagaan, asin kun saen nagpaduman, mayong tawo an nakakaaram; asin an saiyang akeng lalake na si Nephi an nagtago kan mga rekord bilang karibay niya, iyo, an rekord kan saiyang mga katawohan.

4 Asin ini nangyaring naglipas na sa pagpopoon kan ika-nobenta aisin duwang taon, hilnga, an mga propesiya kan mga propeta nagpoon na mautob sa kabilugan; nin huli ta nagpoon na magkaigwa nin darakulang mga senyales asin darakulang mga milagro na nangyari sa pag-iriba nin mga katawohan.

5 Pero nagkaigwa nin iba na nagpoon magtaram na an panahon nakaagi na paraa sa mga tataramon na mauutob pa sana, na pinagsabi na si Samuel, an Lamanita.

6 Asin sinda nagpoon na magka-orogma sa saindang mga katugangan, na nagsasabi: Hilnga an panahon lipas na, asin an mga tataramon ni Samuel dae nautob; kun kaya, an saindong kaogmahan asin an saindong pagtubod manungod sa bagay na ini nagin daeng

An Simbahan ni Jesukristo nin Mga Banal sa Huring-aldaw

493

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kamugtakan.

7 Asin ini nangyaring naglipas na sinda naggibo nin sarong dakulang kariribokan sa bilog na kadagaan; asin an mga katawohan na nagtubod nagpoon na magin grabe an pagkamundo, na baka sa anuman na pangyayari ining mga bagay na ipinagsabi na dae nanggad mangyaring maglipas.

8 Pero hilnga, sinda nagbantay na may paninindugan para sa aldaw na yan asin an bangging idto asin an aldaw na idto na magigin sarong aldaw na garo baga mayong kabanggihon, na tanganing saindang maaraman na an saindang pagtubod dae nanggad nagin mayong kamugtakan.

9 Ngonian ini nangyaring naglipas na nagkaigwa nin sarong aldaw na pinaglaen kan mga mayong pagtubod, na an gabos ninda na nagtutubod kaidtong mga tradisyon dapat na garadanon laen lang kun an senyal mangyayaring maglipas, na ipinagtao ni Samuel an propeta.

10 Ngonian ini nangyaring naglipas na kan si Nephi, an akeng lalake ni Nephi, nahiling ining karumputan kan saiyang mga katawohan, an saiyang puso grabeng gayo kapano nin kamondoan.

11 Asin ini nangyaring naglipas na siya nagluwas asin nagsuko kan saiyang sadire pababa sa daga, asin makusog na nagtangis sa saiyang Diyos para sa saiyang mga katawohan, iyo, sa sainda na pupunan nang destrosohon nin huli kan saindang pagtubod sa tradisyon kan saindang mga ama.

12 Asin ini nangyaring naglipas na siya makusog na nagtatangis sa Kagurangnan sa bilog na aldaw; asin hilnga, an boses nin Kagurangnan nag-abot saiya, na nagsasabi:

13 I-angat mo an saimong payo asin magin maogmahon ka; nin huli ta hilnga, an panahon haranihon na, asin sa bangging ini an senyal itatao na, asin sa pagkaaga Ako maabot na sa kinaban, tnaning ipahiling sa kinaban na Ako mag-uuto sa gabos na sakong pinagkausang pagsabihon sa paagi kan nguso kan samuyang mga banal na propeta.

14 Hilnga, Ako maabot sa sadire ko, tanganing utubon an gabos na mga bagay na sakong ginibo na ipaaram sa kaarakian nin mga tawo magpoon sa pundasyon kan kinaban, asin gibohon an kagustuhan, pareho kan Ama asin kan Ake--- sa Ama nin huli sako, asin kan Ake nin huli kan sakong laman. Asin hilnga, an panahon harani na, asin ngonian na banggi an senyal itatao.

15 Asin ini nangyaring naglipas na an mga tataramon na nag-abot ki Nephi nagka-urutob, uyon sa saindang pinagtaram na; nin huli ta hilnga, sa pagbababa kan saldang dae nagkaigwa nin kadikloman; asin an mga katawohan nagpoon na magngangaralas nin huli ta mayo nin kadikloman kan an banggi nag-abot na.

16 Asin nagkaigwa nin kadakul, na dae nagtuturubod sa mga tataramon kan mga propeta, an nagkaturumba sa daga asin nagin garo bagang sinda nagkagaradan, nin huli ta sinda nakakaaram sa dakulang plano ninn kapahamakan na saindang pinaghanda para sainda na nagtuturubod sa mga tataramon kan mga propeta nagin mayong kamumugtakan; nin huli ta an senyal na ipinagtao na yaon na sa harani.

17 Asin sinda nagpoon na makaaram na an Ake nin Diyos dapat na harani nang magpahiling; iyo, sa marhayon, an gabos na mga katawohan na yaon sa lalawgon kan bilog na kinaban magpoon sa sulnupan sagkod sa sirangan, pareho sa daga kan norte asin sa daga kan sur, na grabeng gayo an pagkangalas na tanganing sinda nagkaturumba sa

daga.

18 Nin huli ta sinda nakaaram na an mga propeta nagpatotoo kaining mga bagay sa kadakul na mga taon, asin na an senyal na ipinagtao na yaon na sa harani; asin sinda nagpoon na magkatarakot nin huli kan saindang kadaendatahan asin kan saindang daeng pagtubod.

19 Asin ini nangyaring naglipas na dae nagkaigwa nin kadikloman sa bilog na idtong pagkabanggi, kundi idto nagin malinawanag na arog baga na idto udtong luntok. Asin ini nangyaring naglipas na an saldang nagsirang sa pagkaaga giraray, na uyon sa tinakda kaining panahon; asin sinda nakaaram na iyo idto an aldaw na an Kagurangnan mamumundag na, nin huli sa senyal na ipinagtao na.

20 Asin ini nahimong nangyari na naglipas, iyo, an gabos na mga bagay, sa kada kudlit, na uyon sa mga tataramon kan mga propeta.

21 Asin ini nangyaring naglipas man na sarong bag-ong bitoon an nagluwas, uyon sa tataramon.

22 Asin ini nangyaring naglipas na pagpoon sa panahon na ini dagos magkaigwa nin pagpoon kan mga kaputikan na ipadarang dagos sa pag-iriba nin mga katawohan, sa paagi ni Satanas, tanganing patagason an saindang mga puso, sa intensiyon na sinda dae naggad magtutubod kaidtong mga senyales asin mga kangangalasan na saindang nagkahiriling; pero maski na ngani kaining mga kaputikan asin mga pandadaya an kadakulang parte nin mga katawohan nagtutubod, asin pinagbago para sa Kagurangnan.

23 Asin ini nangyaring naglipas na si Nephi nagduman sa pag-iriba nin mga katawohan, asin man kadakul na iba pa an nagbubunyang pasiring sa pagsosolsol, kun kaya nagkaigwa nin sarong dakulaon na kapatawaran nin mga kasalan. Asin kaya an mga katawohan nagpoon giraray na magkaigwa nin katuninongan sa kadagaan.

24 Asin dae nagkaigwa nin pag-iiriwal-iwal, laen lang na ini sa kadikit na nagpoon sa pagbabalangibog, pinaghingohang patunayan sa paagi nin mga kasuratan na ini bako nang gayong kapakinabangan pa an magsunod sa ley ni Moises. Ngonian sa bagay na ini sinda napapamali, na dae naintindihan an mga kasuratan.

25 Pero ini nangyaring naglipas na sinda sa dae pa nahahaloy nagkabarag-o, asin nagkakurumbinse sa kamalian na saindang linaogan, nin huli ta ini ipinagpaaram sa sinda na an ley dae pa nauutob, asin ta ini dapat na mautob sa lambang kudlit; iyo, an tataramon nag-abot sa sinda na ini kaipong gayo na mautob; iyo, na an sarong sinurat o kurit dae dapat na maglipas sagkod na ini gabos mautob; kun kaya sa taon na ini man sana sinda pinagdara sa sarong kaaraman kan saindang kamalian asin nagkumpisal kan saindang mga kasalanan.

26 Asin kaya an ika-nobenta asin duwang taon naglipas na, nagdadara nin mga marhay na bareta sa mga katawohan nin huli sa mga senyales na nag-abot nang naglipas uyon sa mga tataramon kan propesiya kan gabos na mga banal na propeta.

27 Asin ini nangyaring naglipas na an ika-nobenta asin tulong taon naglipas man sa katuninongan, laen lang kaining mga tulisan ni Gadianton, na nag-eerok sa mga kabukidan, na iyo an nagpepereste sa kadagaan; nin huli ta grabe kakusog an saindang mga kuta asin an saindang mga sikretong lugar na tanganing an mga katawohan dae makakadaog sinda; kun kaya sinda nakapaggibo nin kadakul na mga pangagadan, asin nakapaggibo nin sobrang kagadanan sa pag-iriba nin mga katawohan.

28 Asin ini nangyaring naglipas na sa ika-nobenta asin apat na taon sinda nagpoon na

magdaragdag sa dakulang degrado, nin huli ta nagkaigwa nin kadakul na sutil na mga Nephita na nagdurulag pasiring sa sainda, na iyo an nakapagkausa nin grabeng kamondoan sa mga Nephita na nagkawaralat sa kadagaan.

29 Asin nagkaigwa man nin sarong dahilan kan sobrang kamondoan an pag-iriba kan mga Lamanita; nin huli ta hilnga, sinda igwa nin kadakul an mga kaarakian na nagdarakula na asin nagpoon na magin mga makukusog sa paglipas nin mga taon, na sinda nagin para sa saindang mga sadire sana, asin pinag-iriba kan iba na mga Zoramita, sa paagi kan saindang mga kaputikan asin kan saindang mahambogon na mga tataramon, tanganing mag-ayon sa mga tulisan nin Gadianton.

30 Asin kaya an mga Lamanita nagkasarakitan man, asin nagpoon na manluya sa saindang pagtubod asin pagkamatanos, nin huli sa karumputan kan mga nagtatalubong henerasyon.

3 NEPHI TSAPTER 2

Karumputan asin mga abominasyon naglalala sa pag-iriba nin mga katawohan--- An mga Nephita asin mga Lamanita nagkasararo sa pagdependa kan saindang mga sadire laban sa mga tulisan ni Gadianton--- An nagbalik-loob na mga Lamanita nagin maputi asin pinag-apud na mga Nephita.

Asin ini nangyaring naglipas na kaya naglipas an ika-nobenta asin limang taon man, an mga katawohan nagpoon nang makalingaw sa mga senyales asin mga kangangalasan na saindang nagkadarangog na, asin nagpoon na nagbabawas na nagbabawas sa pagkangalas sa sarong senyal o sa sarong makangangalas na gikan sa langit, na maski na ngani kaini sinda nagpopoon na magin matagas an saindang mga puso, asin bulag na sa saindang mga isip, asin nagpopoon na mayong pagtubod sa gabos na saindang nagkadarangog asin nagkahiriling na---

2 Pinag-eemahinar an ibang daeng kamugtakan na mga bagay sa saindang mga puso, na ini pinagpangyari kan mga tawo asin sa paagi kan diyablo, tanganiang ipagrayo asin madaya an mga puso nin mga katawohan; asin kaya si Satanas an may kapot giraray kan mga puso nin mga katawohan, na sa arog kaini saiyang pinagbuta an saindang mga mata asin pinangenotan sinda na magrayo sa pagtubod na an doktrina ni Cristo sarosng kahunghangan asin sarong daeng kamugtakan na bagay.

3 Asin ini nangyaring naglipas na an mga katawohan nagin makusog sa karumputan asin mga abominasyon; asin sinda dae nagtutubod na magkakaigwa pa nin dagdag na senyales o mga kangangalasan sa pinagtao na; asin si Satanas nagparalibot, pinagpapaharayo an mga puso kan mga katawohan, pinagterentaran sinda asin pinagkakausa sinda na gumibo nin darakulang karumputan sa kadagaan.

4 Asin kaya naglipas an ika-nobenta asin anom na taon; asin man an ika-nobenta asin pitong taon; asin man an ika-nobenta asin walong taon; asin man an ika-nobenta asin siyam na taon;

5 Asin man an ika-sanggatos na taon naglipas magpoon sa mga aldaw ni Mosiah, na iyo

An Simbahan ni Jesukristo nin Mga Banal sa Huring-aldaw

496

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

an hade sa mga katawohan nin mga Nephita.

6 Asin anom na gatos asin siyam na taon an naglipas magpoon na si Lehi naghale sa Jerusalem.

7 Asin siyam na taon an naglipas gikan sa panahon kan an senyal pinagtao na, na pinagsasabi-sabi na sa paagi kan mga propeta, na si Cristo maabot sa kinaban.

8 Ngonian an mga Nephita nagpopoon na mag-isip-isip kan saindang panahon magpoon pa sa peryodo kan an senyal ipinagtao, o magpoon sa pag-abot ni Cristo; kun kaya, siyam na taon na an naglipas.

9 Asin si Nephi, na iyo an ama ni Nephi, na iyo an pinagpa-ingat sa mga rekord, dae na nagbalik sa kadagaan nin Zarahemla, asin dae na nanagboan na kun saen na sa bilog na kadagaan.

10 Asin ini nangyaring naglipas na an mga katawohan yaon pa sa karumputan, na maski na ngani sa grabeng pagbabalangibog asin pagpopropesiya na ipinagpadara sa sainda; asin kaya naglipas an ika-sampung taon man; asin an ika-ong taon man an naglipas sa kadaendatahan.

11 Asin ini nangyaring naglipas na sa ika-treseng taon nagpopoon na magkaigwang mga giyera asin pagralaban-laban sa palibot kan bilog na kadagaan; nin huli ta an mga tulisan ni Gadianton nagin kadakul an numero, asin nakagadan nin kadakul na mga katawohan, asin pinagbayaan na sayang an grabe kadakul na mga siyudad, asin pinagkalat an grabe kadakul na kagadanan asin kagulumukan sa bilog na palibot nin kadagaan, asin ini nagin kapakinabangan na an gabos na mga katawohan, pareho na an mga Nephita asin mga Lamanita, dapat na magbitbit nin mga armas laban sainda.

12 Kun kaya, an gabos na mga Lamanita na nagbalik-loob na sa Kagurangnan nakipagsaro sa saindang mga katugangan, an mga Nephita, asin nagkapiriritan, para sa kaligtasan kan saindang mga buhay asin kan saindang mga kababaehan asin kan saindang mga kaarakian, na magkarapot na nin mga armas laban sa mga tulisan na Gadianton, iyo, asin man sa pagmantine kan saindang mga karapatan, asin mga pribilihiyo kan saindang simbahan, asin kan saindang pagsasamba, asin kan saindang katalingkasan asin kan saindang libertad.

13 Asin ini nangyaring naglipas na bago pa an ika-treseng taon na maglipas an mga Nephita pinagpatakot na may sayod na kapahamakan nin huli kaining giyera, na nagin malalang gayo.

14 Asin ini nangyaring naglipas na idtong mga Lamanita na nakipagsaro sa mga Nephita ipinagbilang na sa pag-iriba kan mga Nephita;

15 Asin an saindang sumpa pinaghale na sa sainda, asin an saindang kublit nagin puti na arog sa mga Nephita;

16 Asin an saindang mga hoben na kalalakehan asin an saindang mga kadaragahan nagin mga magagayong gayo, asin sinda pinagbilang na sa pag-iriba kan mga Nephita, asin pinag-apud nang mga Nephita. Asin kaya nagtapos an ika-treseng taon.

17 Asin ini nangyaring naglipas na sa pagpopoon kan ika-katorseng taon, an giyera sa tahaw kan mga tulisan asin mga katawohan nin Nephi nagpadagos asin nagin malalang gayo; daeng pagkukulang, an mga katawohan ni Nephi nakagana nin bentahe sa mga tulisan, na tangani baya na sinda pinagpadurulag pabalik sa saindang mga kadagaan pasiring sa mga kabukidan asin sa saindang mga sikretong lugar.

18 Asin kaya nagtapos an ika-katorseng taon. Asin sa ika-kinseng taon sinda nag-abot

An Simbahan ni Jesukristo nin Mga Banal sa Huring-aldaw

497

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kontra sa mga katawohan nin Nephi; asin ta nin huli sa karumputan kan mga katawohan nin Nephi, asin sa kadakul nindang pag-iiriwal-iwal asin pagbarangayan, an mga tulisan na Gadianton nagpanggana nin kadakul na bentahe sa sinda.

19 Asin kaya nagtapos an ika-kinseng taon, asin kaya an mga katawohan yaraon pa sa estado nin kadakul na mga kasakitan; asin an espada nin kapahamakan iyo an nakabingat sa ibabaw ninda, na tangani baya na sinda nabibingatan nang hahampakon sa paagi kaini, asin ini nin huli kan saindang kadaendatahan.

3 NEPHI TSAPTER 3

Si Giddianhi, an lider nin Gadianton, hinagad na si Lachoneus asin an mga Nephita magsuko na kan saindang mga sadire asinkan saindang mga kadagaan--- si Lachoneus pinagpangaranan si Gidgiddoni bilang an pamayong kapitan kan mga hukbo--- An mga Nephita nagkatiripon sa Zarahemla asin Kasaganaan tanganing idepensa an saindang mga sadire.

Asin ngonian ini nangyaring naglipas na sa ika-desisais na taon gikan sa pag-abot ni Cristo, si Lachoneus, an gobernador nin kadagaan, nakaresibe nin sarong surat gikan sa lider asin an gobernador kaining grupo kan mga tulisan; asin iyo ini an mga tataramon na pinagsurat, na nagsasabi:

2 Lachoneus, pinakanoble asin pinakapamayong gobernador nin kadagaan, hilnga, ako nagsurat kaining surat sa saimo, asin naggibong magtao saimo nin dakulang pag-oomaw na gayo nin huli kan saimong paninindugan, sa pagmamantine kaining saindong pinaghuhuna-huna na saindong karapatan asin libertad; iyo, kamo naggad naggibong magtindog nin marhay, na garo baga kamo pinagsuportahan sa paagi kan kamot nin sarong Diyos, sa pagdepensa kan saindong libertad, asin kan saindong propiedad, asin kan saindong nasyon, o kaining saindong pinag-apud na gayo.

3 Asin ini baga sarong pagkaherak sa parte ko, pinakanobleng Lachoneus, na ika magin sarong hangal asin mayong kamugtakan sa paghuhuna-huna na kamo makapagtindog kontra sa kadakul na maiisog na mga tawo na yaraon sa irarom kan sakuyang pamumuno, na ngonian naggigibo sa panahon na ini na nagtitindog na may mga armas, asin naghahalat na may dakulang kahaditan para sa tataramon ko--- Magbaba kamo sa mga Nephita asin destrosohon sinda.

4 Asin ako, na nakakaaram kan saindong daeng kasupilan na espiritu, na naprobaran sinda sa batalya nin pakikigiyera, asin nakakaaram kan saindang daeng katapusan na pagka-anggot sa saimo nin huli sa kadakulon na kasalanan na saindong naginibohan sa sinda, kun kaya kun sinda bumaba laban saimo sinda magbibisita saimo na may sayod na kapahamakan.

5 Kun kaya, ako nagsurat kaining surat, sinelyuhan ini kan sakuyang kamot, na nagmamate para sa saindong karahayan, nin huli kan saindong paninindugan sa bagay na pinagtutubodan nindong tama, asin kan saimong nobleng espiritu sa batalya nin pakikigiyera.

An Simbahan ni Jesukristo nin Mga Banal sa Huring-aldaw 498
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

6 Kun kaya ako nagsurat sa saimon, nagmamawot na kamo magsuko na sa sakuyang mga katawohan, kan saindong mga siyudad, kan saindong mga kadagaan, kan saindong mga pagsasadire, kesa na sinda magbibisita saindo na may espada asin ta an kapahamakan mag-aabot sa saindo.

7 O sa ibang mga tataramon, ipagsuko nindo an siandong mga sadire samuya, asin makipagsaro samuya asin magin maaram sa samuyang sikretong mga gibo, asin magin sa samuyang mga katugangan na kamo magigin arog sa samuya--- na bako ming esklabo, kundi samuyang katugangan asin mga katuwang kan bilog nyamong pagsasadire.

8 Asin hilnga, ako nanunumpa sa saindo, kun saindong gigibohon ini, na may panunumpa, kamo dae naggad madedestroso; pero kun dae nindo gigibohon ini, ako nanunumpa saindo na may panunumpa, na sa sunod na bulan ako magsusugo na kan sakuyang mga hukbo na bumaba laban saindo, asin sinda dae mag-uuntok kan saindang kamot asinmayong paliligtason, kundi gagaradanon kamo, asin magtutugot na maghulog an espada sa saindo hanggan sa kamo magka-urubos.

9 Asin hilnga, ako si Giddianhi; asin ao an gobernador kaining sikretong katiriponan ni Gadianon; na an sosyedad asin mga trabaho kaini ako nakaaram na marhay; asin an mga ini kaidto pang lumang panahon asin ini ipinagpamana sa samuya.

10 Asin ako nagsurat kaining surat sa saimo, Lachoneus, asin ako naglalaom na saindong isusuko an saindong kadagaan asin an saindong mga pagsasadire, na mayong pagpapabulos nin dugo, na ining sakuyang mga katawohan puwedeng maibalik sainda an mga karapatan asin an gobyerno, na nagsuhay paharayo gikan saindo nin huli kan saindong pandadaya na dae pagtao sainda kan karapatan kan panggobyerno, asin laen lang na saindong gibohon ini, ako an magbabalos kan saindang mga kaapihan. Ako si Giddianhi.

11 Asin ngonian ini nangyaring naglipas na kan si Lachoneus naresibe ining surat siya grabeng gayo an pagkangalas, nin huli sa kapangahasan ni Giddianhi na naghahagad sa pagsadireng kadagaan kan mga Nephita, asin man sa pagpapatakot sa mga katawohan asin an pagbabalos sa mga kamalian sainda na mayong naresibeng pagkamali, laen lang na sinda ngani iyo an nakapaggibo nin mga kalapasan sa saindang mga sadire sa paagi nin pagsuhay pasiring sainda na mga marurumpot asin abominableng mga tulisan.

12 Ngonian hilnga, ini si Lachoneus, an gobernador, sarong hustong tawo, asin dae natatakot sa mga kahagadan asin mga patakot nin sarong tulisan; kun kaya siya dae nagdangog sa surat ni Giddianhi, an gobernador kan mga tulisan, pero siya nagsugo na an saiyang mga katawohan dapat na maghagad sa Kagurangnan nin kusog laban sa panahon na an mga tulisan bumaba kontra sainda.

13 Iyo, siya nagpadara nin sarong proklamasyon sa bilog na mga katawohan, na saindang tiriponan na magkasararo an saindang mga kababaehan, asin an saindang mga kaarakian, an saindang mga karnero asin an saindang mga kabakahan, asin an gabos nindang mga pagsasadire, laen lang an saindang kadagaan, sa sarong lugar.

14 Asin saiyang pinagkausa na mga muryadong-kuta an dapat na itugdok sa palibot nida, asin an kusog kaini dapat na grabeng gayo. Asin saiyang pinagkausa na an mga armada, pareho kan mga Nephita asin kan mga Lamanita, o an gabos sainda na pinagbilang na kairiba na kan mga Nephita, dapat na ipagkaag bilang mga bantay sa palibot tanganing magmasid sainda, asin magbantay sainda laban sa mga parasalakat sa aldaw asin banggi.

15 Iyo, siya nagsabi sa sinda: Habang an Kagurangnan nabubuhay, laen lang na kamo magsosolsol kan gabos nindong kadaendataan, asin mag-agrangay sa Kagurangnan, kamo daeng pagdududa ililigtas paluwas sa mga kamot kainig mga parasalakat ni Gadianton.

16 Asin grabe kadakula asin makangangalas an mga tataramon asin mga propesiya ni Lachoneus na an mga ini nagkausa nin takot na mag-abot sa gabos na mga katawohan; asin sinda naghimo sa sindang mga sadireng kusog na gibohon na uyon sa mga tataramon ni Lachoneus.

17 Asin ini nangyaring naglipas na si Lachoneus nagngaran nin mga pinakapamayong kapitan sa bilog na armada kan mga Nephita, tanganing magsugo sinda sa panahon na an mga tulisan magbaraba paluwas sa kaparangan kontra sinda.

18 Asin ngonian an pinakapamayo sa pag-iriba kan gabos na pinakapamayong mga kapitan asin an dakulaon na kumander kan bilog na armada kan mga Nephita pinangngaranan, asin an saiyang pangaran iyo si Gidgiddoni.

19 Ngonian ini iyo an kaugalian sa pag-iriba kan gabos na mga Nephita na magngaran kan sindang pinakapamayong mga kapitan, (laen lang kaidtong mga panahon kan sindang karigsokan) an sarong tawo na may espiritu nin paghahayag asin man nin pagpropesiya; kun kaya, ining Gidgiddoni iyo an sarong bantog na propeta sa pag-iriba ninda, bilang saro man sa pinakapamayong huwes.

20 Ngonian an mga katawohan nagsabi ki Gidgiddoni: Magpangadye ka sa Kagurangnan, asin tuguti kami na magduman sa mga kabukidan asin pasiring sa kaparangan, na kami makikilaban sa mga tulisan asin destrosohon sinda sa sindang mga sadireng kadagaan.

21 Pero si Gidgiddoni nagsasabi sa sinda: An Kagurangnan nagbawal; nin huli ta kun kita magpaduman kontra sinda an Kagurangnan ihuhulog kita pasiring sa sindang mga kamot; kun kaya kita mag-aandam sana kan satuyang sadire sa tahaw kan satuyang mga kadagaan, asin satuyang tiriponon an bilog nyatong armada na magkasararo, asin kita dae magpaduman kontra sinda, pero kita maghahalat hanggan sinda mag-arabot laban satuya; kun kaya habang an Kagurangnan nabubuhay, kun satuya ining gigibohon saiya ihuhulog sinda sa satuyang mga kamot.

22 Asin ini nangyaring naglipas na sa ika-desisiyeteng taon, sa ikahuring tapos kan taon, an proklamasyon ni Lachoneus nakaabot na sa gabos na bilog na lalawgon nin kadagaan, asin sindang pinagkua an sindang mga kabayo, asin an sindang mga karuwahe, asin an sindang kabakahan, asin an bilog nindang mga kakarnerohan, asin an sindang mga kabakahan, asin an sindang butil, asin an bilog nindang pagsadire, asin nagmartsa sa paagi nin mga rinibo asin sa paagi nin mga manampulong mga rinibo, hanggan sinda gabos nakaabot sa lugar na pinagsabi na sinda dapat na magkatiripon kan sindang mga sadire na magkasararo, tanganing idepensa an sindang mga sadire laban sa sindang mga kaiwal.

23 Asin an kadagaan na pinagsabi iyo an kadagaan nin Zarahemla, asin an kadagaan na yaon sa katahawan nin kadagaan nin Zarahemla asin kan kadagaan nin Masagana, iyo, sa linya na yaon sa katahawan kan kadagaan nin Masagana asin kadagaan nin Kalipungawan.

24 Asin nagkaigwa nin grabe kadakul na rinibo na mga katawohan na pinag-apud na mga Nephita, na pinagtiripon an sindang mga sadire na magkasararo sa kadagaan na ini. Ngonian si Lachoneus nagkausa na sinda dapat na magtiripon kan sindang mga sadire

An Simbahan ni Jesukristo nin Mga Banal sa Huring-aldaw

500

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na magkasararo sa kadagaan sa may parteng timog, nin huli sa dakulang sumpa na yaon sa kadagaan sa may parteng hiraga.

25 Asin sinda nagkuta kan saindang mga sadire kontra sa saindang mga kaiwal; asin sinda nag-erok sa sarong kadagaan, asin sa sarong hawak, asin sinda natakot sa mga tataramon na pinagsabi ni Lachoneus, na tangani baya sinda nagsosolsol kan gabos nindang mga kasalan; asin sinda nagbugtak kan saindang mga pangadyeon panungod sa Kagurangnan nindang Diyos, na siya magliligtas sainda sa panahon na na saindang mga kaiwal magbaraba na kontra sainda sa pakikigiya.

26 Asin sinda nagmurondong gayo nin huli kan saindang mga kaiwal. Asin si Gidgiddoni nagkausa na sinda dapat na gumibo nin mga armas na panggiyera sa lambang klase, asin sinda dapat na makusog na may baluti, asin may mga panangga, asin may mga panhabay, na uyon sa manera kan saiyang instruksiyon.

3 NEPHI TSAPTER 4

An armada kan mga Nephita nadaog an mga tulisan ni Gadianton--- si Giddianhi nagadan, asin an saiyang karibay, si Zemnah, pinagbitay--- An mga Nephita nagpamuraway sa Kagurangnan nin huli kan saindang mga kapangganahan.

Asin ini nangyaring naglipas na sa ikahuring tapos kan ika-desiotsong taon idtong mga armada kan mga tulisan nag-andam para sa pakigiya, asin nagpoon na magbaraba asin nagruluwas gikan sa mga burukid-bukid, asin sa luwas kan mga kabukidan, asin sa kakadlagan, asin sa saindang mga pinagkakukutaan, asin sa saindang mga sikretong lugar, asin nagpoon na pagkuruhaon an mga kadagaan, pareho sa may kadagaan nin timog asin sa may kadagaan nin hiraga, asin nagpoon na pagsadirehon an gabos na kadagaan na pinagbarayaan kan mga Nephita asin an mga siyudad na binayaang maalipungaw.

2 Pero hilnga, mayo nin mga mabangis na hayop ni mga hayop na sinisilo duman sa kadagaan na pinagbarayaan kan mga Nephita, asin daeng masisilong hayop para sa mga tulisan laen lang idtong yaraon sa kakadlagan.

3 Asin an mga tulisan dae mabubuhay laen lang kun yaraon sa kakadlagan, para sa pangangaipo nin pagkakan; nin huli ta an mga Nephita binayaan na an saindang kadagaan na nakatiwangwang, asin pinagtiripon an saindang kakarnerohan asin an saindang mga kabakahan asin an gabos nindang mga pagsasadire, asin sinda yaon sa sarong kahawakan.

4 Kun kaya, dae nagkaigwa nin sarong pagkakataon na an mga tulisan makahab-as asin makakua nin pagkakan, laen lang kun ini mag-abot sa bukas na pakigiya kontra sa mga Nephita; asin an mga Nephita habang yaon sa sarong kahawakan, asin igwa nin sarong dakulang bilang, asin nakapagreserba para sa saindang mga sadire nin mga pagkakan, asin mga kabayo asin baka, asin mga karnero sa lambang klase, na tanging sinda puwedeng makapagtagal sa laog nin pitong taon, na sa panahong iyan sinda naglalaom na madestroso na an mga tulisan na mapara sa lalawgon nin kadagaan; asin kaya an ika-desiotsong taon naglipas na.

5 Asin ini nangyaring naglipas na sa ika-desinuwebeng taon na si Giddianhi nakanagbo

An Simbahan ni Jesukristo nin Mga Banal sa Huring-aldaw

501

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na ini sarong kapakinabangan na siya dapat na makigiyera kontra sa mga Nephita, nin huli ta mayong ibang paagi na sinda puwedeng makapagtagal laen lang kun sinda makapaghab-as asin maghabon asin manggadan.

6 Asin sinda dae man puwedeng magkalat kan saindang mga sadire sa lalawgon nin kadagaan na tangani baya sinda puwedeng makapagtanom nin mga paroy, na baka na mga Nephita mag-atake sainda asin garadanon sinda; kun kaya si Giddianhi nagtao nin kasugoan sa saiyang mga armada na sa taon na ini sinda dapat na makigiyera laban sa mga Nephita.

7 Asin ini nangyaring naglipas na sinda naggad nakigiyera; asin idto nangyari sa ika-anom na bulan; asin hilnga, dakula asin terrible an aldaw na sinda nakipaggiyera asin sinda gabos nakabulos na arog sa manera kan mga tulisan; asin sinda igwang sul-ot nin onit kan karnero sa palibot kan saindang mga habayan, asin sinda pinagtinaan nin dugo, asin an saindang mga payo kinalbo, asin sinda may panaklob sa pamayuhan ninda; asin dakula asin terrible an hitsura kan mga armada ni Giddianhi, nin huli kan saindang panuklob, asin nin huli kan saindang pinagtinang dugo.

8 Asin ini nangyaring naglipas na an mga armada kan mga Nephita, kan saindang nagkahiriling an hitsura kan armada ni Giddianhi, gabos nagruluhod sa daga, asin nanggayo-ngayo sa Kagurangnan nindang Diyos, na saiyang paligtason sinda asin ingatan sinda paluwas sa mga kamot kan saindang mga kaiwal.

9 Asin ini nangyaring naglipas na kan an armada ni Giddianhi nagkahiriling ini sinda nagpoon na magkururahaw nin sarong makusog na boses, nin huli kan saindang kaogmahan, nin huli ta saindang pinaghuhuna-huna na an mga Nephita nagruluhod na sa katakutan nin huli sa kangirhatan kan saindang mga armada.

10 Pero sa bagay na ini sinda disganado, nin huli ta an mga Nephita dae nagkatarakot sainda; pero sinda natakot sa saindang Diyos asin naghagad saiya nin proteksiyon; kun kaya, kan an mga armada ni Giddianhi nag-aratake na sa sainda sinda preparado na inatubang sinda; iyo, sa kusog nin Kagurangnan saindang pinag-atubang sinda.

11 Asin an giyera nagpoon kaining ika-anom na bulan; asin dakula asin terrible an labanan na nangyari, iyo, dakula asin terrible an garadanan na nangyari, grabeng gayo na dae pa nabantog na arog kadakula na sarong garadanan sa pag-iriba kan bilog na mga katawohan ni Lehi magpoon pa kan siya naghale sa Jerusalem.

12 Asin maski na ngani sa mga patakot asin mga sumpa na si Giddianhi iyo an naghimo, hilnga, an mga Nephita an nagdaog sainda, na tangani baya sinda napa-atras gikan sa atubangan ninda.

13 Asin ini nangyaring naglipas na si Gidgidoni nagsugo na an saiyang armada magralamag sainda sagkod sa mga kasagkoran nin kakadlagan, asin dae ninda paligtason an siisay man na magkahurulog sa saindang mga kamot habang yaon sa dalan; asin kaya saindang pinagralamag sinda asin ginaradan sinda, sagkod sa mga kasagkoran nin kakadlagan, magin sagkod na saindang nautob an kasugoan ni Gidgidoni.

14 Asin ini nangyaring naglipas na si Gidianhi, na nagtindog asin nakilaban na may bilog na kaisogan, pinaglamag habang siya padulang; asin habang pagal nin huli kan saiyang maigot na pakipaglapan siya inabutan asin ginadan. Asin kaya iyo ini an katapusan ni Giddianhi an tulisan.

15 Asin ini nangyaring naglipas na an armada kan mga Nephita nagbalik giraray sa saindang lugar nin seguridad. Asin ini nangyaring naglipas na ining ika-desinuwebeng

taon naglipas na, asin an mga tulisan dae na nagbalik sa pakigiyera; ni nagbalik pa giraray sa ika-beynteng taon.

16 Asin sa ika-beynte asin enot na taon sinda dae nag-abot sa pakigiyera, pero sinda nag-abot sa gabos na parte na naghahalat nin pagkakataon sa pag-atake sa palibot nin mga katawohan nin Nephi; nin huli ta sinda naghuna na kun saindang ipagrayo an mga katawohan nin Nephi gikan sa saindang mga kadagaan, asin mag-antabay sainda sa kada parte, asin kun saindang putulon sainda an gaobs nindang mga panluwas na mga pribilihiyo, na tangani baya saindang maikausa na sinda maghunod kan saindang mga sadire na mag-uyon na sana kan saindang mga kagustuhan.

17 Ngonian sinda nagnombrar sa saindang mga sadire nin ibang lider, na an pangaran iyo si Zemnarihah; kun kaya si Zemnarihah iyo an nagkausa na an arog kaining pag-atake an dapat na mangyayari.

18 Pero hilnga, iyo lugod ini an nagin bentahe kan mga Nephita; nin huli ta imposibleng gayo para sa mga tulisan na maghalat sa pag-atake nin halawig na panahon tanganing magkaigwa nin anuman na epekto sa mga Nephita nin huli kan saindang grabe na gayong pagkakan na saindang pinagsasaray.

19 Asin nin huli sa kakulangan nin mga pagkakan sa pag-iriba kan mga tulisan; nin huli ta hilnga, sinda naubusan na laen lang kan karne para sa saindang mga pangangaipo, na an karneng saindang nakua sa kakadlagan;

20 Asin ini nangyaring naglipas na an mga layas na mga hayop nagin kadikiton na sana sa kakadlagan na tangani baya an mga tulisan haros magkakagaradan na sa kagutuman.

21 Asin an mga Nephita nagpadagos-dagos an pagmartsa sa aldaw asin sa banggi, asin nag-aatake kan saindang mga armada, asin pinaggagaradan sinda sa paagi nin mga rinibo asin sa paagi nin mga manampulong mga rinibo.

22 Asin kaya ini nagin kamawotan nin mga katawohan ni Zemnarihah na dae ipagdagos an saindang plano, nin huli kan dakulang kapahamakan na nag-abot sainda sa banggi asin sa aldaw.

23 Asin ini nangyaring naglipas na si Zemnarihah nagtao nin kasugoan sa saiyang mga katawohan na dapat sindang mag-atras kan saindang mga sadire gikan sa pag-atake, asin magmartsa pasiring sa pinakatagong mga parte sa kadagaan kan norteng parte.

24 Asin ngonian, si Gidgidoni na nakakaaram kan saindang plano, asin nakakaaram kan saindang kaluyahan nin huli sa pangangaipo nin pagkakan, asin an kadakulang kapahamakan na nangyari sa pag-iriba ninda, kun kaya saiyang piangpadara paluwas an saiyang armada sa oras nin pagkabanggi, asin pinagputol an dalan kan saindang pag-atras, asin pinagpamugtak an saiyang mga armada sa dalan kan saindang pag-atras.

25 Asin iyo ini an saindang ginibo sa oras nin pagkabanggi, asin nagpadagos kan saindang pagmartsa lampas sa mga tulisan, na tanganing sa pagkaaga, kan an mga tulisan nagpoon na sa pagmartsa, sinda pinag-atake kan mga armada kan mga Nephita pareho sa saindang atubangan asin sa saindang likodan.

26 Asin an mga tulisan na yaraon sa timog pinaggagaradan man kan yaon sa saindang mga lugar na inatrasan. Asin an gabos na ining bagay nangyari sa kasugoan ni Gidgidoni.

27 Asin nagkaigwa nin mga rinibo na nagsuruko kan saindang mga sadire na mga prisonero kan mga Nephita, asin an iba na nagkatarada sainda nagkagaradan.

28 Asin an saindang lider, Zemnarihah, nadakop asin binitay sa sarong kahoy, iyo, magin sa itaas kaiyan hanggan sa siya nagadan. Asin kan sainda na siyang binitay sagkod na

An Simbahan ni Jesukristo nin Mga Banal sa Huring-aldaw

503

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

siya magadan saindang pinagtumba an kahoy sa daga, asin nagkurahaw nin sarong makusog na boses, na nagsasabi:

29 Lugod an Kagurangnan ipagpreserba an saiyang mga katawohan sa pagkamatunuson asin pagkabanal kan puso, na tanging sinda ipagkausang magkaturumba sa daga an gabos na nagmamawot na garadanon sinda nin huli sa kapangyarihan asin sikretong mga kombinasyon, magin arog sa tawong ini na napukan sa daga.

30 Asin sinda nag-orogma asin nagkururahaw giraray na may sarong boses, na nagsasabi: Lugod an Diyos ni Abraham, asin an Diyos ni Isaac, asin an Diyos ni Jacob, magprotekta kaining mga katawohan sa pagkamatanos, habang sinda nag-aapod sa pangaran kan saindang Diyos para sa proteksiyon.

31 Asin ini nangyaring naglipas na sinda nag-orogma, an gabos bilang sarong, nagkarantahan, asin nag-oromaw sa saindang Diyos nin huli sa dakulang bagay na saiyang ginibo para sinda, na pinagpreserba sinda gikan sa pagkahulog sa mga kamot kan saindang mga kaiwal.

32 Iyo, sinda nagkururahaw: Hosana sa Pinakahalangkaw na Diyos. Asin sinda nagkururahaw: Bendisyunan an pangaran nin Kagurangnan Diyos na Makakamhan, an Pinakahalangkaw na Diyos.

33 Asin an saindang mga puso nagdarakula sa kaogmahan, hanggan sa pagtoro nin kadakul na mga luha, nin huli sa kadakulaan nin pagkamarahayon nin Diyos sa pagligtas sinda paluwas sa mga kamot kan saindang mga kaiwal; asin sinda nakakaaram na ini nangyari nin huli kan saindang pagsosolsol asin kan saindang kapakumbabaan na sinda pinagligtas gikan sa daeng katapusan na kapahamakan.

3 NEPHI TSAPTER 5

An mga Nephita nagsolsol asin pinagbasulan an saindang mga kasalan--- si Mormon nagsurat sa kasaysayan kan saiyang mga katawohan asin pinagdeklara an daeng kasagkoran na tataramon sa sinda--- an Israel titiriponon gikan sa haloys na pagkawararak.

Asin ngonian hilnga, dae nagkaigwa nin sarong nabubuhay na kalag sa pag-iriba kan gabos na mga katawohan nin mga Nephita na nagdududa sa pinakasadi na mga tataramon kan gabos na mga banal na propeta na nagtaram; nin huli ta sinda nakakaaram na ini kaipong mangyayari na tanging an mga ini dapat na mautob.

2 Asin sinda nakakaaram na ini kapakinabangan na si Cristo nag-abot, nin huli sa kadakul na mga senyales na ipinagtao na, uyon sa mga tataramon kan mga propeta; asin nin huli sa mga bagay na nangyaring naglipas na sinda nakakaaram na ini dapat na mangyari na an gabos na mga bagay dapat na mangyaring maglipas uyon sa mga ipinagtaram na.

3 Kun kaya saindang pinagbasulan an gabos nindang kasalanan, asin an saindang mga abominasyon, asin an saindang mga pagngangalunya, asin nagsirbe sa Diyos na may bilog na kahigosan sa aldaw asin sa banggi.

4 Asin ngonian ini nangyaring naglipas na kan saindang nagkadarakop an mga tulisan na magin mga prisonero, na tangani baya na mayo ni sarong naka-eskapo an dae

An Simbahan ni Jesukristo nin Mga Banal sa Huring-aldaw

504

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagkagaradan, saindang pinagkunkon an saindang mga prisonero sa prisohan, asin nagkausa na an tataramon nin Diyos maipagbalangibog sa sainda; asin habang may kadakul na nagsosolsol kan saindang mga kasalan asin naglaog sa sarong tipan na dae na naggad manggadan iyo an binuhian na libre.

5 Pero habang nay kadakul na dae naglaog sa sarong tipan, asin nagpapadagos na igwa nin sikretong mga panggagadan sa saindang mga puso, iyo, habang kadakul na nananagboan na naghahangos paluwas nin mga pananakot laban sa saindang mga katugangan pinagkondena asin pinadusahan na uyon sa ley.

6 Asin kaya saindang pinagpundo sa sainda gabos na mga maririgsok, asin sikreto, asin abominableng mga kombinasyon, na kun saen igwa nin grabeng karigsokan, asin grabe kadakul na mga panggagadan na pinaggibo.

7 Asin kaya an ika-beynte asin duwang taon naglipas na, asin an ika-beynte asin tulong taon man, asin an ika-beynte asin apat, asin an ika-beynte asin lima; asin kaya an ika-beynte asin limang taon naglipas na.

8 Asin nagkaigwa nin kadakul na mga bagay an nangyari na, sa mga mata kan nagkapira, nagin dakulaon asin makangangalason; daeng pagkukulang, na sinda dae gabos maisurat sa librang ini; iyo, ining libro dae makapaglaman magin sarong sanggatuson na parte kun ano an ginibo sa pag-iriba nin kadakul na mga katawohan sa laog nin beynte asin limang taon;

9 Pero hilnga igwa nin mga rekord na naglalaman kan gabos na mga pangyayari kaining mga katawohan; asin an sarong halipo pero totoong kasaysayan an itinao ni Nephi.

10 Kun kaya ako naggibo kan sakong rekord kaining mga bagay na uyon sa rekord ni Nephi, na ipinag-ukit sa mga lamina na pinag-apud na mga lamina ni Nephi.

11 Asin hilnga, ako an naghimo kan rekord sa mga lamina na sakuyang pinaghimo kan sakuyang sadireng mga kamot.

12 Asin hilnga, ako pinag-apud na Mormon, na pinag-apud sa ngaran nin kadagaan nin Mormon, an kadagaan na kun saen si Alma an nag-establisa kan simbahan sa pag-iriba nin mga katawohan, iyo, an enot na simbahan na pinag-establisa sa pag-iriba ninda pagkatapos kan saindang paglapas.

13 Hilnga, ako sarong disipulo ni Jesu Cristo, an Ake nin Diyos. Ako pinag-apudan niya tanganing ideklara an saiyang mga tataramon sa pag-iriba kan saiyang mga katawohan, na tangani baya sinda puwedeng magkaigwa nin daeng katapusang buhay.

14 Asin ini nagin kapakinabangan na ako, yaon sa kagustuhan nin Diyos, na an mga pangadyeon ninda na nakaagi na kaidto, na iyo an mga banal na tawo, dapat na mautob uyon sa saindang pagtubod, dapat na gumibo nin sarong rekord kaining mga bagay na nagkaginibohan na---

15 Iyo, sarong rekord kan mga pangyayari na nagyari na gikan pa kaidtong panahon na si Lehi naghale sa Jerusalem, magin sagkod sa presenteng mga panahon.

16 Kun kaya ako naggibo kan sakuyang rekord gikan sa mga kasaysayan na pinagtao ninda na nagka-erenot sako, hanggan sa pagpoon kan sakuyang mga aldaw;

17 Asin pagkatapos ako naghimo nin sarong rekord kan mga bagay na sakuyang nagkahiriling kan sakong sadireng mga mata.

18 Asin ako nakakaaram na an rekord na sakuyang naggibo sarong husto asin sarong totoong rekord; daeng pagkukulang na igwa nin mga bagay na, na uyon sa samuyang lengguwahe, dae ming gayo naisurat.

An Simbahan ni Jesukristo nin Mga Banal sa Huring-aldaw

505

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

19 Asin ngonian ako naghimo nin katapusan kan sakuyang mga sinasabi, na iyo an sakuya, asin magpadagos na itao an kasaysayan kan mga bagay na nangyari na kaidto bago pa man ako.

20 Ako si Mormon, sarong purong angkan ni Lehi. Ako igwa nin rason na magbendisyon sa sakuyang Diyos asin sa sakuyang Tagapagligtas na si JesuCristo, na saiyang pinagdara an samuyang mga ama paluwas sa kadagaan nin Jerusalem, (asin mayong iba na nakakaaram kaini kundi siya sana asin an iba man na saiyang pinagdara paluwas sa kadagaan) asin ta saiyang pinagtao sa sakuya asin sa sakuyang mga katawohan an grabeng kaaraman para sa kaligtasan kan samuyang mga kalag.

21 Nakasegurong siya an nagbendisyon sa harong ni Jacob, asin nagin pano nin pagkaherak sa mga banhi ni Joseph.

22 Asin habang an mga kaakian ni Lehi nagsusunod kan saiyang mga kasugoan saiyang pinagbendisyunan sinda asin pinagpa-asenso sinda uyon sa saiyang mga tataramon.

23 Iyo, asin nakakaseguro na saiya giraray dadarahon an katadaan kan banhi ni Joseph sa kaaraman nin Kagurangnan nindang Diyos.

24 Asin nakakasegurong habang an Kagurangnan nabubuhay, saiyang titiponon gikan sa apat na rona nin kinaban an gabos na katadaan kan banhi ni Jacob, na nagkawaratak-watak sa kaharayoan kan bilog na lalawgon nin kinaban.

25 Asin habang siya nakipagtipan sa bilog na harong ni Jacob, magin arog kaini an tipan na saiyang ipinakitipan sa harong ni Jacob mauutob sa saiyang sadireng panahon, sagkod sa pagtitindog giraray kan bilog na harong ni Jacob sagkod sa kaaraman kan tipan na saiyang ipinakitipan sinda.

26 Asin pagkatapos sinda nakakaaram kan saindang Paratubos, na iyo si JesuCristo, an Ake nin Diyos; asin pagkatapos sinda titiponon gikan sa apat na rona kan kinaban paduman sa saindang sadireng kadagaan, na kun saeng sinda nagkaparadpad; iyo, habang an Kagurangnan nabubuhay ini mangyayari. Amen.

3 NEPHI TSAPTER 6

An mga Nephita nag-arasenso--- Kapaabaw-abawan, kayamanan, asin an pagpalaen-laen nin klase nagpoon--- An Simbahan nabanga kan mga pagsuruhay-suhayan--- Si Satanas an nangenotan sa mga katawohan sa lantarang rebelyon--- Kadakul na mga propeta an nagbalangibog nin pagsosolsol asin pinaggaradan--- An saindang mga paragadan nakipagsabwatan tanganing agawon an pangogobyerno.

Asin ngonian ini nangyaring naglipas na an mga katawohan kan mga Nephita nagbaralik gabos sa saindang mga sadireng kadagaan sa ika-beynte asin anom na taon, an lambang tawo, kairiba an saiyang pamilya, an saiyang mga kakarnerohan asin an saiyang mga hayupan, an saiyang mga kabayo asin an saiyang kabakahan, asin an gabos na mga bagay na anuman na pagsasadire ninda.

2 Asin ini nangyaring naglipas na sinda dae nakakan an gabos nindang mga balon; kun kaya saindang pinagdara kairiba ninda an gabos na dae ninda pinagkarakan, an gabos na

An Simbahan ni Jesukristo nin Mga Banal sa Huring-aldaw

506

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

butil sa lambang klase, an saindang bulawan, an saindang plata, asin an gabos nindang mamahalon na mga bagay, asin sinda nagbaralik sa saindang mga sadireng kadagaan asin saindang mga pagsasadire, pareho sa may norte asin sa may sur, pareho sa may kadagaan panorteng parte asin sa kadagaan sa may sur na parte.

3 Asin sinda nagtao sa mga tulisan na naglaog sa sarong tipan tanging pangatamanan an katuninongan sa kadagaan, na nagmamawot na magtener bilang mga Lamanita, mga kadagaan, uyon sa saindang mga numero, na sinda puwedeng magkaigwa, sa sadire nindang mga trabaho, na kun saen puwedeng pagkakakitaan; asin kaya sinda nag-establisa nin katuninongan sa bilog na kadagaan.

4 Asin sinda nagpoon na mag-arasenso giraray asin nagin kadakulon; asin an ika-beynte asin anom asin pitong mga taon naglipas, asin nagkaigwa nin sarong dakulaon na kahusayan sa kadagaan; asin sinda nagporma nin mga leyes uyon sa pagkapantay-pantay asin hustisya.

5 Asin ngonian mayo sa bilog na kadagaan an puwedeng nagsagabal sa mga katawohan para mag-arasenso padagos, laen lang kun sinda magkahurulog pasiring sa paglalapas.

6 Asin ngonian iyo ini si Gidgiddoni, an hukom, Lachoneus, asin sinda na pinagnombraran na mga lideres, na iyo an nag-establisa kaining dakulaon na katuninongan sa kadagaan.

7 Asin ini nangyaring naglipas na nagkaigwa nin kadakul na mga siyudad na bag-ong pinagturogdok, asin igwa nin kadakul na mga siyudad na pinagpakarahay.

8 Asin nagkaigwa nin kadakul na mga halabang tinampo an pinaghimo, asin kadakul na dalan an pinaggigiribo, na magpapasiring gikan sa sarong siyudad hanggan sa sarong siyudad, asin gikan sa sarong kadagaan pasiring sa sarong kadagaan, asin gikan sa sarong lugar pasiring sa sarong lugar.

9 Asin kaya naglipas an ika-beynte asin otsong taon, asin an mga katawohan nagkaigwa nin padagos na katuninongan.

10 Pero ini nangyaring naglipas na sa ika-beynte asin siyam na taon nagkaigwa nin pagpopoon kan pag-iiriwal-iwal sa pag-iriba nin mga katawohan; asin an iba pinagpa-itaas sa kapaabaw-abawan asin mga paghahambog nin huli sa kagrabeng gayo kadakul nindang kayamanan, iyo, magin sagkod sa kadakulon na mga persekusyon;

11 Nin huli ta igwa nin kadakul na mga negosyante sa kadagaan, asin man kadakul na mga abugado, asin kadakul na mga opisyaes.

12 Asin an mga katawohan nagpoon na midbidon sa paagi nin mga ranggo, na uyon sa saindang mga kayamanan asin sa saindang mga pagkakataon para makapag-adal; iyo, an iba nagin ignorante nin huli sa saindang pagtitios, asin an iba nakapagresibe nin halangkaw na pinag-adalan nin huli sa saindang mga kayamanan.

13 An iba naging mapaglangkaw sa kapaabaw-abawan, asin an iba nagin grabe an kapakumbabaan; an iba nagbabalos nin kakulugan sa pangungulog, habang an iba nagresibe nin pangungulog asin persekusyon asin gabos na manera nin mga kasakitan, asin habong magbalos asin magpahamak giraray, pero nagin mapagpakumbaba asin nagbabasol sa atubangan nin Diyos.

14 Asin kaya nagkaigwa nin dakulang dae pagkakapantay-pantay sa bilog na kadagaan, na tangani baya na an simbahan nagpoon na magkabaranga-banga; iyo, na tangani baya sa ika-trentang taon an simbahan nagkabarangan sa bilog na kadagaan laen lang sa nagkapirang mga Lamanita na nagkabarag-o sa totoong pagtutubod; asin sinda habo

naggad maghale gikan kaini, nin huli ta sinda nagin pusog, asin naninindugan, asin dae mahihiro, bilog an boot na may paghilingoha na magsunod sa mga kasugoan nin Kagurangnan.

15 Ngonian an kausa kaining kadaendatahan kan mga katawohan iyo ini--- si Satanas igwa nin dakulaon na kapangyarihan, na hikayaton an mga katawohan na gibohon an gabos na manera nin kadaendatahan; asin sa pagsusunson sainda sa kapaabaw-abawan, tinitantaran sinda na maghanap para magkaigwa nin kapangyarihan, asin autoridad, asin mga kayamanan, asin nin mga daeng kamugtakan na mga bagay nin kinaban.

16 Asin kaya si Satanas an nagdara sa mga puso nin mga katawohan na gumibo nin gabos na manera nin kadaendatahan; kun kaya sinda nagdanas nin katuninongan pero sa laog nin nagkapirang mga taon sana.

17 Asin kaya, sa pagpooon nin ika-treyntang taon--- na an mga katawohan nagkadaragka na sa espasyo nin halawig na panahon na magkadarara nin mga tentasyon kan diyablo sa anuman na saiyang kamawotan na darahon sinda, asin gibohon an anuman na kadaendatahan na saiyang pinagmamawot na dapat na gibohon ninda--- asin kaya sa pagpooon kaini, an ika-treyntang taon, sinda yaon sa estado nin malalang karigsokan.

18 Ngonian sinda dae nagkasala sa kaignorantehan, nin huli ta sinda nakakaaram sa kagustuhan nin Diyos mapanungod sa sainda, nin huli ta ini ipinagtukdo na sa sainda; kun kaya sinda tuyong gayo na nagrebelde kontra sa Diyos.

19 Asin ngonian ini yaon sa laog kan mga aldaw ni Lachoneus, an akeng lalake ni Lachoneus, nin huli ta si Lachoneus iyo an nagtukaw sa tukawan kan saiyang ama asin iyo an namamahala sa mga katawohan kan taon na idto.

20 Asin nagkaigwa nin pagpooon nin mga tawso na inspirado gikan sa langit asin ipinagpadaras, nagtitindog sa pag-iriba nin mga katawohan sa bilog na kadagaan, nagbabalangibog asin pusog na nagpapatotoo kan mga kasalanan asin mga kadaendatahan nin mga katawohan, asin nagpapatotoo sa sainda manungod sa pagbabalukat na an kagurangnan iyo an maggigibo para sa saiyang mga katawohan, o sa ibang mga tataramon, an pagkabuhay-liwat ni Cristo; asin sinda pusog na nagpatotoo kan saiyang pagkagadan asin mga pagsakit.

21 Ngonian igwa nin kadakul na mga katawohan na grabeng gayo an pagka-anggot nin huli sainda na nagpatotoo sa mga bagay na ini; asin sinda na nagka-aranggot iyo man sana an mga pamayong mga huwes, asin sinda na haloyon nang mga haralangkaw na mga kapadean asin mga abugado; iyo, gabos sindang mga abugado nagka-aranggot sa sainda na nagpatotoo kaining mga bagay.

22 Ngonian mayong abugado ni huwes ni halangkaw na pade na may kapangyarihan tanganing kondenaron an siisay man sa kagadanan laen lang kun an saindang kondenasyon pirmado mismo kan gobernador nin kadagaan.

23 Ngonian nagkaigwa nin kadakul sainda na nagpatotoo sa mga bagay mapanungod ki Cristo na pusog an saindang patotoo, na pinagdarakop asin sikretong pinagparapagadan kan mga huwes, na an kaaraman kan saindang pagkagadan dae nakaabot sa gobernador nin kadagaan sagkod pagkatapos kan saindang kagadanan.

24 Ngonian hilnga, ini kontra sa mga leyes nin kadagaan, na an siisay man na tawo dapat na gadanon laen lang kun sinda igwa nin kapangyarihan gikan sa gobernador nin kadagaan---

25 Kun kaya sarong reklamo an nakaabot sa kadagaan nin Zarahemla, pasiring sa

gubernur nin kadagaan, kontra kaining mga huwes na iyo an nagkondena sa mga propeta nin Kagurangnan sa kagadanan, na bakong uyon sa ley.

26 Ngonian ini nangyaring naglipas na sinda dinarakop asin dinarara sa atubangan kan huwes, tanganing paghukuman sa krimen na saindang nagkaginibohan, uyon sa ley na ipinagtao kan mga katawohan.

27 Ngonian ini nangyaring naglipas na idtong mga huwes igwa nin kadakul na mga amigo asin kalahi; asin an katadaan, iyo, magin an haros gabos na mga abugado asin mga haralangkaw na mga kapadean, nagkatiripon-tipon an saindang mga sadire na magkasararo, asin nakisumaro sa mga kalahi kaining mga huwes na huhusayon uyon sa ley.

28 Asin sinda naglaog sa sarong tipan an sarong para sa iba, iyo, magin idtong tipan na ipinagtao sinda kan luma pa, na an tipan pinagtao asin pinagpamahalaan kan diyablo, na mag-iribahan laban sa gabos na pagkamatanos.

29 Kun kaya sinda nagka-iribahan kontra sa mga katawohan nin Kagurangnan, asin naglaog sa sarong tipan tanganing destrosohon sinda, asin iligtas sinda na nagkasala nin panggagadan gikan sa kapot ni hustisya, na ipagpapataw uyon sa ley.

30 Asin sinda nagkauroyon na ibalewala an ley ain an mga deretso kan saindang banwaan; asin sinda nakipagtipan sa lambang sarong na destrosohon an gobernador, asin mag-establisa nin sarong hade sa bilog na kadagaan, na an kadagaan dapat bako nang uyon sa libertad pero dapat na maipa-irarom sa mga hade.

3 NEPHI TSAPTER 7

An pinakapamayong huwes ginadan, an gobyerno pinag-agaw, asin an mga katawohan nagkabaranga sa mga tribu--- si Jacob, an anti-cristo, nagin hade kan iga kan mga tribu--- si Nephi nagparabalangibog nin pagsosolsol asin pagtubod ki Cristo--- Mga anghel an nagmiministro sa siya aro-aldaw, asin siyang binuhay an siyang tugang gikan sa kagadanan--- Kadakul an nagsorolsol asin nagpabunyag.

Ngonian hilnga, ako magpapahiling sa saindo na sinda dae nag-establisa nin sarong hade sa bilog na kadagaan; pero sa kaparehong taon, iyo, an ika-treyntang taon, saindang pinagdestroso an tukawan nin paghuhukom, iyo, ginadan an pinakapamayong huwes nin kadagaan.

2 Asin an mga katawohan nagkabaranga kontra sa lambang sarong; asin sinda nagbarangaan sa lambang sarong na nagin mga tribu, asin lambang tawo uyon sa siyang pamilya asin sa siyang mga kalahi asin mga amigo; asin kaya saindang pinagdestroso an gobyerno nin kadagaan.

3 Asin an lambang tribu nagngaran nin sarong pinakapamayo o sarong lidr na mangingibaw sinda; asin kaya sinda nagin mga tribu asin mga lideres kan mga tribu.

4 Ngonian hilnga, mayo ni sarong tawo sa pag-iriba ninda laen lang na siya may grabeng pamilya asin kadakul na mga kalahi asin mga kaamigo; kun kaya an saindang mga tribu nagin grabeng gayo kadakula.

An Simbahan ni Jesukristo nin Mga Banal sa Huring-aldaw

509

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

5 Ngonian an gabos na ini pinagpangyari, asin dae nagkaigwa nin mga giyera sa pag-iriba ninda; asin an gabos na ining mga kadaendatahan nag-abot sa mga katawohan nin huli ta sinda nagtugot kan saindang mga sadire na mapasa-irarom sa kapangyarihan ni Satanas.

6 Asin an mga regulasyones kan gobyerno pinagdestroso, nin huli kan sikretong kumbinasyon kan mga mag-aramigo asin mga kalahi ninda na nagparapagadan sa mga propeta.

7 Asin sinda an nagkausa nin sarong dakulaon na pag-iiriwal-iwal sa kadagaan, na tangani baya an pinakamatanos na parte kan mga katawohan haros gabos nagin marurumpot; iyo, nagkaigwa sanang kadikit na mga matatanos na mga tawo sa pag-iriba ninda.

8 Asin kaya anom na taon dae naglipas magpoon pa na an kadaklan na mga parte kan mga tawo na nagrayo gikan sa saindang pagkamatanos, arog kan ayam sa saiyang sinuka, o arog kan orig sa saiyang kinalulub-ugan.

9 Ngonian ining sikretong kumbinasyon, na iyo an nagdara sa dakulang kadaendatahan sa mga katawohan, na nagkasararong magkatiripon-tipon kan saindang mga sadire, asin nagbugtak bilang pamayo an sarong tawo na saindang pinag-apud na si Jacob;

10 Asin saindang pinag-apod siya na saindang hade; kun kaya siya nagin sarong hade na nangingibabaw kaining mga marurumpot na iribahan; asin siya sarong sa mga pinakapamayo na nagtao kan saiyang boses laban sa mga propeta na nagpatotoo ki Jesus.

11 Asin ini nangyaring naglipas na sinda bako man makusog an bilang na arog sa mga tribu kan mga katawohan, na iribahang nagkasararo laen lang kan saindang mga lider na pinag-establisa an saindang mga leyes, an lambang sarong uyon sa saiyang tribu; daeng pagkukulang na sinda magkalaban-laban; na maski na ngani na sinda bako man mga matatanos na mga katawohan, alagad sinda sararo sa pagka-anggot sa sinda na naglaog sa sarong tipan na destrosohon an gobyerno.

12 Kun kaya, si Jacob na nahiling na an saindang mga kalaban mas kadakul an bilang kesa sinda, siya bilang hade kan iribahan, kun kaya siya nagsugo sa saiyang mga katawohan na sinda maglalakbay pasiring sa may pinakanorteng parte nin kadagaan, asin duman ipamugtak an saindang mga sadire sa sarong kahadean, hanggan sinda pag-iribahan kan mga parakontra, (nin huli ta saiyang nagkadaragka sinda na tanganing magkaigwa nin kadakul na mga parakontra) asin sinda nagin supersiyenteng makusog sa pakipaglaban sa mga tribu kan mga katawohan; asin sinda ining naggibo.

13 Asin magin mabilison an saindang pagmartsa na ini dae puwedeng mapugulan hanggan sinda nakarayong gayo na dae puwedeng maabot kan mga katawohan. Asin kaya nagtapos an ika-treyntang taon asin kaya iyo ini an mga pangyayari kan mga katawohan ni Nephi.

14 Asin ini nangyaring naglipas na sa ika-treynta asin enot na taon na sinda nagkabaranga sa mga tribu, an lambang tawo uyon sa saiyang pamilya, lahi asin mga amigo; daeng pagkukulang sinda mag-uruyon sa sarong kasundoan na sinda dae naggad makigiya sa sarong kontra sa iba; pero sinda dae nagkasararo uyon sa saindang mga ley, asin sa saindang manera nin panggogobyerno, nin huli ta an mga ini pinag-establisa na uyon sa kaisipan kan saindang mga namamayo asin kan saindang mga lider. Pero sinda nag-establisa nin grabe ka-estriktong mga ley na an sarong tribu dae naggad makikiaram kontra sa sarong, na tangani baya na sa kamugtakang ini sinda nagkaigwa nin katuninongan sa kadagaan; daeng pagkukulang, an saindang mga puso nagtaralikod gikan sa Kagurangnan nindang

Diyos, asin saindang pinaggagapo an mga propeta asin saindang pinagpapaluwas sinda gikan sa pangon ninda.

15 Asin ini nangyaring naglipas na si Nephi--- pagkatapos na siya pinagbisita kan mga anghel asin man kan tingog nin Kagurangnan, kun kaya kan makahiling nin mga anghel, asin bilang nakahiling na testigo, asin nagkaigwa nin kapangyarihan na pinagtao sa saiya na tanganing saiyang maaraman an manungod sa ministeryo ni Cristo, asin man bilang nakahiling na testigo sa saindang madaleon na pagtalikod gikan sa pagkamatanos pasiring sa saindang pagkamarurumpot asin mga karigsokan;

16 Kun kaya, bilang nagmumundo para sa katagasan kan saindang mga puso asin kabulagan kan saindang mga kaisipan--- naglakaw pasiring sa mga pangon ninda sa taon man sanang idto, asin nagpoon sa pagpapatotoo, sa bilog na boot, nin pagsosolsol asin kapatawaran kan mga kasalan sa paagi kan pagtubod sa Kagurangnan na JesuCristo.

17 Asin siya nagministeryo nin kadakul na mga bagay sa sainda, asin an gabos kan mga ini dae maisurat asin an sarong parte ninda dae makaigo, kun kaya sinda dae maisurat sa lirong ini. Asin si Nephi nagministeryo na may kapangyarihan asin may dakulang autoridad.

18 Asin ini nangyaring naglipas na sinda nagka-aranggot saiya, magin nin huli ta siya igwa nin mas dakulang kapangyarihan kesa sainda, nin huli ta ini bakong posible na puwede nindang mapahimutikan an saiyang mga tataramon, nin huli ta grabeng gayo an saiyang pagtubod sa Kagurangnan na si JesuCristo na tangani baya an mga anghel iyo an nagministeryo sa saiya aro-aldaw.

19 Asin sa pangaran ni Jesus siya nakapagpahale nin mga diyablo asin maaating mga espiritu, asin magin an saiyang tugang na lalake binuhay niya gikan sa pagkagadan, pagkatapos na siya pinaggarapo asin nagsapo nin kagadanan sa paagi kan mga tawo.

20 Asin an mga katawohan saksi kaini, asin nagpatotoo kaini, asin nagka-aranggot saiya nin huli sa saiyang kapangyarihan; asin siya nakagibo man nin kadakul-dakul na gayong mga milagro, sa paghilingon kan mga katawohan, sa pangaran ni Jesus.

21 Asin ini nangyaring naglipas na an ika-treynta asin sarong taon naglipas na, asin nagkaigwa nin kadikiton na nagkabarag-o para sa Kagurangnan; pero habang kadakul an nagkabarag-o na tunay na nagsasabi sa mga katawohan na sinda nagkabirisita sa paagi nin kapangyarihan asin Espiritu nin Diyos, na yaon ki JesuCristo, na iyo an saindang pinagtutubod.

22 Asin habang kadakul na mga diyablo an saindang pinagparuluwas gikan sa sainda, asin nagkararahay kan saindang mga kahelangan asin kan saindang mga kamatean, na iyo an tunay na nagpapahiling sa mga katawohan na sinda piangparahay sa paagi kan Espiritu nin Diyos, asin nagkaburulong; asin sinda padagos na nagpahiriling nin mga senyales man asin naggibo nin iba pang mga milagro sa pangon nin mga katawohan.

23 Kaya naglipas an ika-treynta asin duwang taon man. Asin si Nephi nanggangayo-ngayo sa mga katawohan sa pagpoon kan ika-treynta asin tulong taon; asin siya nagparabalangibog sa sainda nin pagsosolsol asin kapatawaran nin mga kasalan.

24 Ngonian ako gustong gayo na magpapagiromdom man, na mayo nin siisay na pinagdara pasiring sa pagsosolsol na dae pinagbunyagan nin tubig.

25 Kun kaya, nagkaigwa nin pinag-ordinahan si Nephi, mga kalalakehan sa saiyang ministeryo, na an gabos na magdudulok sa sainda dapat na mabunyagan nin tubig, asin ini bilang sarong testigo asin arong patotoo sa atubangan nin Diyos, asin sa mga

katawohan, na sinda makapagsosolsol asin makapagresibe nin sarong kapatawaran kan saindang mga kasalan.

26 Asin nagkaigwa nin kadakulon sa pagpoon kan tawong ini na nagkaburunyagan sa pagsosolsol; asin kaya an dagdag parte kan taon naglipas na.

3 NEPHI TSAPTER 8

Mga unos, mga linog, mga kalayo, mga buhawi, asin mga pisikal na mga karinsalan nagpapatunay sa pagkakapako ni Cristo--- Kadakul na mga katawohan an nagkaparahamak--- An kadikloman naglakop sa kadagaan sa laog nin tulong aldaw--- Sinda na nagkatarada nagngungoyngoy sa saindang namatean.

Asin ngonian ini nangyaring naglipas na uyon sa satuyang rekord, asin satuyang aram na an mga rekord totoo, nin huli ta hilnga, kaidto sarong hustong tawo iyo an nagtatago sa mga rekord--- nin huli ta siya tunay na naggibo nin kadakul na mga milagro sa pangaran ni Jesus; asin mayo na siisay man na tawo na makapaggibo nin sarong milagro sa pangaran ni Jesus laen lang na siya nakapaglinig na kan lambang kudlit kan saiyang kadaendatahan---

2 Asin ngonian ini nangyaring naglipas, kun mayong kasalaan na ginibo kaining tawo sa mga naglipas kan satuyang panahon, an ika-treynta asin tulong taon an naglipas na;

3 Asin an mga katawohan nagpoon sa paghanap na may dakulang kaigotan para sa senyal na ipinagtao ni propetang Samuel, an Lamanita, iyo, nin huli sa panahon na nagkaigwa nin kadikloman sa laog nin tulong aldaw sa ibabaw kan lalawgon nin kadagaan.

4 Asin nagkaigwa nin pagpoon nin dakulang mga pagdududa asin mga pag-iiriwal-iwal sa pag-iriba kan mga katawohan, maski na ngani sa kadakul na mga senyales an naipahayag na.

5 Asin ini nangyaring naglipas na sa ika-treynta asin apat na taon, sa enot na bulan, sa ika-apat na aldaw kan bulan, nagkaigwa nin sarong dakulaon na bagyo, na dae pa nanunumpungan sa bilog na kadagaan.

6 Asin nagkaigwa man nin sarong unos; asin nagkaigwa nin teribleng pagdadaguldol, na tangani baya ini nakapagyugyog sa bilog na kinaban na garo baga haros ini mababangang gayo na magkapururak.

7 Asin nagkaigwa nin grabe na gayong mga pagkikilat, na dae pa nanunumpungan sa bilog na kadagaan.

8 Asin an siyudad nin Zarahemla nasulo.

9 Asin an siyudad nin Moroni nagtundag sa kairaroman kan dagat, asin an mga naka-erok duman nagkaralamos.

10 Asin an daga nag-usbong sa siyudad nin Moronihah, na an karibay kan siyudad iyo na nagkaigwa nin sarong dakulaon na bukid.

11 Asin nagkaigwa nin sarong dakulaon asin teribleng destruksiyon sa kadagaang parte nin katimogan.

12 Pero hilnga, nagkaigwa nin mas grabe pang kadakulaon asin teribleng destruksiyon sa

An Simbahan ni Jesukristo nin Mga Banal sa Huring-aldaw

512

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kadagaan na parte nin kahiragaan; nin huli ta hilnga, an bilog na lalawgon nin kadagaan nagkabarag-o, nin huli sa unos asin kan mga buhawi, asin kan mga pagdadaguldol asin mga pagkikilat, asin an grabe na gayong pagyuyugyog kan bilog na kinaban;

13 Asin an mga katinampuhan nagkabaraak, asin an mga kapatagan kan mga tinampo nagin mayong pakinabang, asin kadakul na patag na lugar nagin maharaphap.

14 Asin kadakul na mga dakula asin bantog na mga siyudad an nagkarulubog, asin kadakul an nagkasurulo, asin kadakul an nagkaruyugyog hanggan sa an mga pagharongon kaini nagkaguruho sa daga, asin an mga nag-eerok duman nagkagaradan, asin an mga lugar nagkabarayaan na mapungawon.

15 Asin igwa nin iba pang mga siyudad na nagkatarada; pero an kadestrosohan kaini grabeng gayo, asin kadakul sa sainda an nagkagaradan.

16 Asin igwa nin iba na nagkadarara paharayo kan buhawi; asin nagkawarara sinda na dae na mapag-araman nin tawo kun anong nangyari, laen lang na sinda naaraman na pinagdagit paharayo.

17 Asin kaya an lalawgon nin bilog na kinaban nagin mayong porma, nin huli sa mga unos, asin kan mga pagdadaguldol, asin kan mga pagkikilat, asin kan paglinog kan daga.

18 Asin hilnga, an mga gapo nagkabaraak sa duwa; sin napagbaranga sa lalawgon kan bilog na kinaban, na tangani baya na an mga ini mananagboan sa saradit na mga pedaso, asin garaak asin garatak, sa bilog na lalawgon nin daga.

19 Asin ini nangyaring naglipas na kan an mga pagdaradaguldol, asin mga pagkikilat, asin pagbagyo, asin pag-unos, asin an mga paglinog kan daga nagpundo na--- nin huli ta hilnga, an mga ini nagtagal sa laog nin tulong oras; asin ini pinagsabi kan iba na an oras naghaloy; daeng pagkukulang, an gabos na ining mga darakula asin teribleng mga bagay nangyari sa laog nin tulong oras--- asin baya hilnga, nagkaigwa nin kadikloman sa lalawgon nin kadagaan.

20 Asin ini nangyaring naglipas na nagkaigwa nin kunop na kadikloman sa bilog na lalawgon nin kadagaan, na tangani baya na an mga nag-eerok na dae napahamak namamatean an sangaw nin kadikloman;

21 Asin dae nagkaigwa nin liwanag, nin huli sa kadikloman, ni mga kandila, ni maski mga karaba; ni magkaigwa nin kalayo na makadukol sa saindang marhay asin grabe kadagang na sunog, na tangani dae naggad nagkaigwa nin anoman na liwanag;

22 Asin mayo nin anoman na liwanag na mahihiling, ni kalayo, ni kislap, ni an saldang, ni an bulan, ni an mga bitoon, nin huli ta grabeng gayo an mga kunop nin kadikloman na yaon sa lalawgon nin kadagaan.

23 Asin ini nangyaring naglipas na ini nagtagal sa laog nin tulong aldaw na mayong liwanag an nahihiling; asin nagkaigwa nin padagos na dakulang pagmumundo asin pag-amuyong; asin pagtatangis sa pag-iriba kan bilog na mga katawohan; iyo, grabeng gayo an mga pag-agrangay nin mga katawohan, nin huli sa kadikloman asin sa dakulaon na kapahamakan na nag-abot sa sainda.

24 Asin sa sarong lugar sinda nadangog na nagkukururahaw, na nagsasabi: O marhay ngani ta kita nakapagsolsol bago pa man nag-abot ining dakulaon asin teribleng aldaw, asin kuta na an satuyang mga katugangan nagkariligtas, asin sinda dae kuta na nagkasurulo duman sa bantog na siyudad nin Zarahemla.

25 Asin sa ibang lugar sinda nagkadarangog na nagkukururahaw asin nagmumurundo, na nagsasabi: O marhay ngani ta kita nakapagsolsol bago pa man nag-abot ining dakulaon

An Simbahan ni Jesukristo nin Mga Banal sa Huring-aldaw

513

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

asin teribleng aldaw, asin dae nakagadan asin nakagapo sa mga propeta, asin pinagsikwal-sikwal sinda; na tangani an satuyang mga ina asin an satuyang magagayon na mga akeng babae, asin an satuyang mga kaarakian nagkariligtas, asin dae nagkarulubong duman sa bantog na siyudad nin Moronihah. Asin kaya iyo ini an mga pagtatarangis kan mga katawohan na grabe asin terrible.

3 NEPHI TSAPTER 9

Sa kadikloman an boses ni Cristo nagproklama sa kapahamakan nin kadakul na mga katawohan asin mga siyudad nin huli sa saindang karumputan--- Siya man nagproklama kan saiyang kabanalan, nagbalangibog na an ley ni Moises nautob na, asin nag-imbita sa mga tawo na magdulok saiya asin makakaligtas.

Asin ini nangyaring naglipas na igwa nin sarong boses na nagkadarangog sa pag-iriba kan gabos na mga nag-eerok sa kinaban, sa bilog na rona kaining kadagaan, na nagkukurahaw:

2 Herak man, herak man, herak man kaining mga katawohan; herak man sa mga nag-eerok sa bilog na kinaban laen lang kun sinda magsosolsol; nin huli ta an diyablo nagngingisi, asin an saiyang mga anghel nagkaka-orogma, nin huli sa nagkagaradan na mga akeng magagayon na mga akeng lalake asin mga kababaehan kan sakuyang mga katawohan; asin ini nin huli kan saindang kadaendatahan asin mga karigsokan na sinda baya nagkahurulog!

3 Hilnga, idtong bantog na siyudad nin Zarahemla na sakong pinagsulo nin kalayo, asin an mga nag-eerok duman.

4 Asin hilnga, idtong bantog na siyudad nin Moroni na sakong pinagkausa na maglubog sa mga kairaroman nin dagat, asin an mga nag-eerok duman nagkaralamos.

5 Asin hilnga, idtong bantog na siyudad nin Moronihah na sakong pinagtambunan nin daga, asin an mga nag-eerok duman, tanganing ipagtago an saindang mga kadaendatahan asin an saindang mga karigsokan gikan sa atubangan kan sakong lalawgon, na tanganing an dugo kan mga propeta asin kan mga banal dae makaabot sa sakuya laban sinda.

6 Asin hilnga, an siyudad kan Gilgal pinagkausa kong maglubog, asin an mga nag-eerok duman na tanganing ilubong sa mga kairaroman kan daga;

7 Iyo, asin an siyudad nin Onihah asin an mga nag-eerok duman, asin an siyudad nin Mocom asin an mga nag-eerok duman, asin an siyudad nin Jerusalem asin an mga nag-eerok duman; asin an mga tubig sakong pinagkausa na magribay duman, tanganing ipagtago an saindang mga karumputan asin an mga karigsokan gikan sa atubangan kan sakong lalawgon, na tangani baya an dugo kan mga propeta asin kan mga banal dae na mag-aabot sakuya laban sinda.

8 Asin hilnga, an siyudad kan Gadiandi, asin an siyudad kan Gadiomnah, asin an siyudad nin Jacob, asin an siyudad kan Gimgimno, an gabos na ini sakong pinagkausa na maglubog, asin hinimo kong mga bukid-bukid asin mga lambak an mga kalida duman; asin an mga nag-eerok duman sakong pinaglubong sa mga kairaroman kan daga,

An Simbahan ni Jesukristo nin Mga Banal sa Huring-aldaw

514

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

tanganing ipagtago an saindang mga karumputan asin karigsokan gikan sa atubangan kan sakong lalawgon, na tanganing an dugo kan mga propeta asin mga banal dae na dapat nanggad makaabot sakuya laban sinda.

9 Asin hilnga, idtong bantog na siyudad kan Jacobugath, na pinag-eerokan kan mga katawohan ni hadeng Jacob, sakuyang pinagkausang masulo nin kalayo nin huli kan saindang mga kasalan asin kan saindang karumputan, na mas grabe pa sa gabos na karumputan kan bilog na kinaban, nin huli kan saindang mga sikretong panggagadan asin mga kumbinasyon; nin huli ta sinda an nagdestroso sa katuninongan kan sakong mga katawohan asin kan gobyerno nin kadagaan; kun kaya sakuyang pinagkausa na sinda magkasurulo, tanganing destrosohon sinda gikan sa atubangan kan sakong lalawgon, na tanganing an dugo kan mga propeta asin kan mga banal dae nanggad dapat na mag-abot pa sakuya laban sinda.

10 Asin hilnga, an siyudad nin Laman, asin an siyudad nin Jash, asin an siyudad nin Gad, asin an siyudad nin Kishkumen, na sakuyang pinagkausang magkasurulo nin kalayo, asin an mga nag-eerok duman, nin huli kan saindang karumputan na paninikwal paluwas kan mga propeta, asin sa panggagapo sinda na sakuyang ipinadara tanganing ideklara sa sinda an mapanungod sa saindang mga karumputan asin kan saindang mga karigsokan.

11 Asin nin huli ta saindang pinagsikwal sinda gabos paluwas, na tanganing dae nagkaigwa nin matatanos sa pag-iriba ninda, ako nagpadara pababa nin kalayo asin tanganing destrosohon sinda, na tanganing an saindang mga karumputan asin mga karigsokan puwedeng maitago gikan sa atubangan kan sakong lalawgon, na tanganing an dugo kan mga propeta asin kan mga banal na sakuyang ipinadara sa pag-iriba ninda dae na mapupuwedeng mag-agrangay sakuya gikan sa daga laban sinda.

12 Asin kadakul pang mga darakulang kapahamakan na sakuyang pinagkausa na mag-abot sa kadagaang ini, asin sa mga katawohang ini, nin huli kan saindang mga karumputan asin kan saindang mga karigsokan.

13 O gabos kamo na pinagligtas nin huli ta mas matatanos kamo kesa sinda, dae daw kamo ngonian magbaralik sa sakuya, asin magsosolsol kan saindong mga kasalan, asin magkabarag-o, na tanganing mabulong ko kamo?

14 Iyo, katotohanang sinasabi ko saindo, kun kamo magdudulok sa sakuya kamo magkakaigwa nin daeng katapusang buhay. Hilnga, an sakong mga takyag nin pagkaherak nakabukas sana para saindo, asin an siisay man an magdudulok, siya sakuyang tatanggapon; asin paladan sinda na magdudulok sa sakuya.

15 Hilnga, Ako si Cristo Jesus an Ake nin Diyos. Ako an naglalang kan mga kalangitan asin kinaban, asin an gabos na mga bagay na yaon sinda. Ako kairiba ni Ama gikan pa sa kapinunan. Ako kaiba ni Ama, asin si Ama kaiba ko; asin sa sako an Ama nagpamuraway kan saiyang pangaran.

16 Ako nag-abot sa sakuyang pagsadire, asin an sakong pagsadire dae ako pinagtanggap. Asin an mga kasuratan mapanungod sa sakuyang pag-abot nautob na.

17 Asin habang kadakul na nagtanggap sakuya, sa sinda sakong pinagtao na magin mga ake nin Diyos; asin magin sa kadakul pa na nagtutubod sa sakuyang pangaran, nin huli ta hilnga, sa paagi ko an pagtubos nag-abot, asin sa sakuya an ley ni Moises nautob na.

18 Ako an liwanag asin an buhay nin kinaban. Ako an Alpha asin Omega, an kapinunan asin an katapusan.

19 Asin kamo magdudulot sa sakuya bako na sa paagi nin pagpapabulos nin dugo; iyo, an

saindang mga sakripisyo asin pagsusulo nin mga dulot haharaleon na, nin huli ta ako dae na mag-aako kan saindong mga sakripisyo asin kan saindong pinagsusulong mga dulot. 20 Asin kamo magdudulot nin sarong sakripisyo para sa sakuya nin sarong mapagpakumbabang puso asin sarong mahuyong espiritu. Asin an siisay man na magdudulok sa sakuya na may mapagpakumbabang puso asin kahuyong espiritu, siya sakuyang bubunyagan nin kalayo asin kan Banal na Espiritu, magin arog sa mga Lamanita, nin huli kan saindang pagtubod sakuya sa panahon kan saindang pagbabago, sinda pinagburunyagan nin kalayo asin nin Banal na Espiritu, asin sinda daeng pagkaaram kaini.

21 Hilnga, Ako nag-abot sa kinaban tanganing darahon an pagtubos sa kinaban, tanganing iligtas an kinaban gikan sa kasalan.

22 Kun kaya, an siisay man an nagsosolsol asin minadulok sa sakuya na arog sa sarong sadit na ake, siya sakuyang tatanggapon, nin huli ta sa arog ninda naka-agid an kahadean nin Diyos. Hilnga, nin huli kaini Ako nagtao kan sakuyang buhay, asin kinamtan ko giraray; kun kaya magsolsol, asin magdulok sa sakuya kamong mga poro nin kinaban, asin maligtas.

3 NEPHI TSAPTER 10

Nagkaigwa nin katrangkiluhan sa kadagaan sa laog nin kadakul na oras--- An boses ni Cristo nagpromisa na sayang titiponon an sayang mga katawohan na arog sa sarong gona na pinagtiripon an sayang mga siwo--- An mas pinakamatanos na parte kan mga katawohan iyo an pinagpreserba.

Asin ngonian hilnga, ini nangyaring naglipas na an gabos na mga katawohan nin kadagaan nakadangog kaining mga tataramon, asin nagpatotoo kaini. Asin pagkatapos kaining mga tataramon nagkaigwa nin katrangkiluhan sa kadagaan sa laog nin kadakul na mga oras;

2 Nin huli ta grabeng gayo an kangangalasan kan mga katawohan na tanganing sinda nagkapurundo sa pagtatangis asin pagbabangkay nin huli sa pagkawarara kan saindang mga kalahi na nagkagaradan; kun kaya nagkaigwa nin katrangkiluhan sa bilog na kadagaan sa laog nin kadakul na mga oras.

3 Asin ini nangyaring naglipas na igwang nag-abot na sarong boses giraray sa mga katawohan, asin an gabos na mga katawohan nakadangog, asin nagpatotoo kaini, na nagsasabi:

4 O kamong mga katawohan kaining mga bantog na siyudad na nagkaparara, na mga kamakuapuan ni Jacob, iyo, na kabale sa harong ni Israel, magkapirang beses na Ako pinagtitiyon ko kamo na arog sa sarong gona na pinagtitiyon-tiyon an sayang mga siwo sa irarom kan sayang mga pakpak, asin pinangatamanan kamo.

5 Asin giraray, magkapirang beses na Ako pinagtitiyon ko kamo na arog sa sarong gona na pinagtitiyon an sayang mga siwo sa irarom kan sayang mga pakpak, iyo, O kamong mga katawohan kan harong ni Israel, na nagkahurulog; iyo, O kamong mga katawohan

An Simbahan ni Jesukristo nin Mga Banal sa Huring-aldaw

516

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kan harong nin Israel, kamo na nag-eerok sa Jerusalem, arog man kamo na nagkahurulog; iyo, magkapirang beses na Ako pinagtitiyon ko kamo na arog sa sarong gona na pinagtitiyon-tiyan an saiyang mga siwo, asin kamo habo nanggad.

6 O ika na harong nin Israel na sakuyang pinagligtas, nagkapirang beses na Ako pagtitiriponon kamo arog sa sarong gona na pagtitiriponon an saiyang mga siwo sa irarom kan saiyang mga pakpak, kun kamo magsosolsol asin magbalik sa sakuya na may bilog na katuyuhan nin puso.

7 Pero kun dae, O harong ni Israel, an mga lugar na saindong pinag-eerokan magigin mapungawon sagkod sa panahon nin kautuban kan tipan sa saindong mga ama.

8 Asin ngonian ini nangyaring naglipas na pagkatapos na an mga katawohan nakadangog kaining mga tataramon, hilnga, sinda nagpoon sa pagtatangis asin pagbabangkay giraray nin huli sa kawaraan kan saindang mga kalahi asin mga ka-aramiguhan.

9 Asin ini nangyaring naglipas na kaya nangyari sa tulong aldaw an nakaagi. Asin na kaidto sa pagkaagahon, asin an kadikloman nagwara gikan sa lalawgon nin kadagaan, asin an kinaban nagpondo sa pagyuyogyog, asin an mga kagapoan nagpondo sa pagkakabaraak, asin an makangorongirhat na mga agrangay nagporondo na, asin an gabos na makabulingog na kariribokan naglipas na.

10 Asin an daga nagkabirilog man giraray, na ini iyo man sana; asin an pagmumundo, asin an pagtatangis, asin an an pagbabangkay kan mga katawohan na naligtas an buhay nagkaporondo; asin an saindang pagmumundo nagin pagkaogma, asin an saindang mga pag-agrangay nagin pag-omaw asin pasasalamat sa Kagurangnan na Jesu Cristo, an saindang Paratubos.

11 Asin kaya baya an mga kasuratan nautob na an pinagtararam kan mga propeta.

12 Asin idtong mas na pinakamatanos na parte kan mga katawohan an nagkariligtas, asin iyo idto sinda na nag-ako sa mga propeta asin dae nanggapo sainda; asin iyo idto sinda na dae nagpabulos nin dugo kan mga banal, an nagkariligtas---

13 Asin sinda pinagligtas asin dae pinaglubog asin na magkarulubong sa daga; asin sinda dae pinaglamos sa kairaroman kan dagat; asin sinda dae pinagsulo nin kalayo, ni sinda pinaghurulog asin magkarurunot sa kagadanan; asin sinda dae pinagdagit nin buhawi; ni sinda pinagdaog kan parong nin aso asin kan kadikloman.

14 Asin ngonian, an siisay an nakabasa, tugutan siyang maka-intende; siya na igwang mga kasuratan, tugutan siyang maghanap kan mga ini, asin mahiling asin manumpungan kun an gabos na ining mga kagadanan asin mga kapahamakan sa paagi nin kalayo, asin sa paagi nin aso, asin sa paagi nin mga unos, asin sa paagi nin mga buhawi, asin paagi nin pagbubuka nin daga tanganing resibihon sinda, asin an gabos na ining mga bagay bakong kautuban kan mga propesiya nin kadakul na mga banal na mga propeta.

15 Hilnga, Ako nagsasabi sa saindo, iyo, kadakul an nagpatotoo kaining mga bagay kan pag-abot ni Cristo, asin pinaggaradan nin huli ta sinda nagpatotoo kaining mga bagay.

16 Iyo, si propetang Zenos nagpatotoo kaining mga bagay, asin man si Zenock nagtaram manungod kaining mga bagay, nin huli ta sinda nagpatotoo lalo na manungod satuya, na iyo an katadaan kan saindang banhi.

17 Hilnga, an satuyang ama na si Jacob nagpatotoo man mapanungod sa sarong katadaan kan banhi ni Joseph. Asin hilnga, bako daw na kita sarong katadaan kan banhi ni Joseph? Asin an mga bagay na ini na iyo an nagpapatunay sa satuya, bako daw na nasusurat sa mga laminang tanso na an satuyang ama na si Lehi an nagdara paluwas sa

Jerusalem?

18 Asin ini nangyaring naglipas na sa paghinapos kan ika-treynta asin apat na taon, hilnga, Ako mapahiling sa saindo na an mga katawohan nin Nephi na pinagligtas, asin man sinda na pinag-apud na mga Lamanita, na pinagligtas, makagibo nin dakulaon na mga pabor na ipinagpahiling sainda, asin darakula na mga biyaya ipinagpabulos sa ibabaw kan saindang mga payo, na tangani baya na sa dae mahaloy pagkatapos na ipagtaas si Cristo pasiring sa kalangitan siya naggad tunay na nagpahiling kan saiyang sadire sa sainda---

19 Ipinagpahiling an saiyang hawak sa sainda, asin nagparatukdo sa sainda; asin an rekord kan saiyang ministryo ipagtatao ngonian asin sa maabot. Kun kaya para sa panahon na ini ako matapos na kan sakuyang mga sinasabi.

3 NEPHI TSAPTER 11

Si JesuCristo nagpahiling kan saiyang sadire sa mga katawohan ni Nephi, habang an kadaklan pinagtiripon-tipon na magkasararo sa kadagaan nin kasaganaan, asin nagparatukdo sa sainda; asin sa paaging ini Siya nagpahiling kan sadire niya sa sainda. Pinagkasararo sa Tsapter II hanggan 26 sa kabilugan.

An Ama nagpatotoo sa saiyang Namumutan na Ake---Si Cristo nagpahiling asin nagproklama kan saiyang pagbabayad-sala--- An mga katawohan nagdudot kan lugad na mga marka sa saiyang mga kamot asin mga bitis asin sa may tagiliran--- Sinda nagkururahaw nin Hosanna--- Siya nagmugtak kan paagi asin manera kan pagbubunyag--- An espiritu nin pag-iriwal-iwal iyo an sa diyablo--- An doktrina ni Cristo iyo an mga tawo dapat na magtubod asin mabunyagan asin magtanggap nin Banal na Espiritu.

Asin ngonian ini nangyaring naglipas na igwa nin sarong dakulang gapo nin mga tawo na nagkasararong magkatiripon, kan mga katawohan ni Nephi, na yaraon na nakapalibot sa templo na yaon sa kadagaan nin Masagana; asin sinda nagnangaralas asin naghuhuna-huna sa lambang saro, asin nagpahirilingan sa lambang saro sa dakulaon asin makangalason na pagbabago na nangyari na.

2 Asin sinda nag-oorolayan mapanungod kaining JesuCristo, na saiya an senyal ipinagtao na manungod sa saiyang kagadanan.

3 Asin ini nangyaring naglipas na habang sinda na-oorolay-olay sa lambang saro, sinda nakadangog nin sarong boses na garo baga ini nagluwas sa langit; asin saindang pinagkalag-kalag an sa palibot, nin huli ta dae maintindihan an boses na saindang nadangog; asin idto bakong sarong paas na boses, ni ini sarong makusog na boses; daeng pagkukulang, asin maski na ngani na ini sarong sadit na boses ini nagtadom sainda na nakadangog sa tahaw, na tangani baya na mayong parte kan saindang hawak na ini dae

An Simbahan ni Jesukristo nin Mga Banal sa Huring-aldaw 518
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagkausa nin pagtanyog; iyo, ini nakapagtadom sainda sagkod sa pinakakalag, asin nagkausa sa saindang mga puso na mag-init.

4 Asin ini nangyaring naglipas na giraray nadangog ninda an boses, asin sinda dae nakasabot kaini.

5 Asin giraray sa ikatulong pagkakataon sinda nakadangog nin boses, asin pinagbuksan an saindang mga talinga sa pagdangog kaini; asin an saindang mga mata nakatoon sa piggikanaan kan tingog kaini; asin sinda nagputitok sa paghiling sa langit, kun saen an tingog naggikan.

6 Asin hilnga, sa ikatulong pagkakataon saindang nasabutan an boses na saindang nadangog; asin ini nagsabi sainda:

7 Hilnga an sakuyang Namumutan na Ake, na saiya Ako nag-oogmang gayo, na saiya Ako nagpamuraway kan sakuyang pangaran--- Magdangog kamo saiya.

8 Asin ini nangyaring naglipas, habang sinda nakasabot saindang pinaghiling an saindang mga mata sa itaas giraray sa langit; asin hilnga, sinda nakahiling nin sarong Tawo na nagbababa paluwas sa langit; asin siya nababadoan nin puting roba; asin siya nagbababa asin nagtindog sa katahawan ninda; asin an mga mata kan bilog na kadaklan nakatoon sa saiya, asin sinda dae naibuka an saindang mga nguso, magin an sarong sa sarong, asin dae makahuma kun ano baya an boot sabihon kaini, nin huli ta saindang naisip na idto sarong anghel na nagpahiling sa sainda.

9 Asin ini nangyaring naglipas na saiyang pinag-itaas an saiyang kamot asin nagtaram sa mga katawohan, na nagsasabi:

10 Hilnga, Ako si Jesu Cristo, na iyo an pinagpatotoo kan mga propeta na magpadigde sa kinaban.

11 Asin hilnga, Ako an liwanag asin buhay kan kinaban; asin Ako nag-inom gikan sa mapaiton na daod na si Ama iyo an nagtao sakuya, asin nagpamuraway sa Ama sa paagi nin pagdara ko sa sakuya kan mga kasalan nin kinaban, na kun saen ako nagsunod sa kagustuhan ni Ama sa gabos na mga bagay magpoon pa sa kapinunan.

12 Asin ini nangyaring naglipas na kan si Jesus nakapagtaram na kan mga bagay na ini an bilog na mga katawohan napaluhod sa daga; nin huli ta saindang nagiromdoman na ini pinagpropesiya na sa pag-iriba ninda na si Cristo magpapahiling kan saiyang sadire sa sainda pagkatapos na siya pinagsakat sa langit.

13 Asin ini nangyaring naglipas na an Kagurangnan nagtaram sa sainda na nagsasabi:

14 Tumindog kamo asin magdurulok sa sakuya, na tanganing kamo makapagdutdot kan saindong mga kamot sa sakuyang tagiliran, asin man na tanganing saindong mamatean an mga imprenta kan mga pako sa sakuyang mga kamot asin sa sakuyang mga bitis, na tanganing kamo makaaram na Ako an Diyos nin Israel, asin an Diyos kan bilog na kinaban, asin pinaggadan para sa mga kasalan kan kinaban.

15 Asin ini nangyaring naglipas na an mga katawohan nagdurulok, asin pinagdutdot an saindang mga kamot sa saiyang tagiliran, asin pinagmate an mga imprenta kan mga pako sa saiyang mga kamot asin sa saiyang mga bitis; asin ini iyo an saindang ginibo, nagdudulok nin sarong-sarong hanggan sa sinda gabos nakapagdulok na, asin nagkahiriling mismo kan saindang mga mata asin nagmate sa paagi kan saindang mga kamot, asin nakaaram na may kaseguruhan asin nagpatotoo sa rekord, na idto naggad iyo siya, na iyo idtong pinagsurat kan mga propeta, na dapat na mag-abot.

16 Asin kan sinda gabos nakapagdulok na asin nagkaigwa nin patotoo para sa mga sadire

An Simbahan ni Jesukristo nin Mga Banal sa Huring-aldaw

519

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

ninda, sinda nagkururahaw na may pagkasararong boses, na nagsasabi:

17 Hosanna! Pagkabanalon nanggad an pangaran kan Mas Pinakahalangkaw na Diyos! Asin sinda nagruluhod sa pamitisan ni Jesus, asin nagsamba saiya.

18 Asin ini nangyaring naglipas na siya nagtaram ki Nephi (nin huli ta si Nephi kairiba nin kadaklan) asin saiya siyang pinag-apud na dapat siyang magdulok.

19 Asin si Nephi nagtindog asin nagdulok, asin nagduko kan saiyang sadire sa atubangan nin Kagurangnan asin naghadok sa saiyang mga bitis.

20 Asin an Kagurangnan nagsugo saiya na dapat siyang magbuhat. Asin siya nagbuhat asin nagtindog sa atubangan niya.

21 Asin an Kagurangnan nagsabi sa saiya: Ako matao sa saimo nin kapangyarihan na ika magbubunyang sa mga katawohan na ini kun Ako giraray masakat na sa langit.

22 Asin giraray an Kagurangnan nag-apod nin iba pa, asin nagsabi sa sinda nin pareho; asin siya nagtao sa sinda nin kapangyarihan sa pagbunyang. Asin siya nagsabi sa sinda: Sa paaging ini kamo magbubunyang; asin dae magkakaigwa nin mga pag-iiriwal-iwal sa pag-iriba nindo.

23 Katotohanan ako nagsasabi sa sindo, na an siisay man an nagsosolsol kan saindang mga kasalan sa paagi kan saindang mga tataramon, asin nagmamawot na mabunyan sa sakuyang pangaran, sa paaging ini kamo magbunyang sinda--- Hilnga, kamo magduman pababa asin magtindog sa may tubig, asin sa sakuyang pangaran kamo magbunyang sinda.

24 Asin ngonian hilnga, iyo ini an mga tataramon na saindang sasabihon, pag-aapudon sinda sa paagi nin pangaran, na nagsasabi:

25 Sa autoridad na pinagtao sakuya ni Jesu Cristo, ako mabunyang saimo sa pangaran kan Ama, asin kan Ake, asin kan Espiritu Santo. Amen.

26 Asin pagkatapos saindang ipagpairarom sinda sa tubig, asin iangat giraray paluwas sa tubig.

27 Asin sa arog kaining manera kamo magbubunyang sa pangaran ko; nin huli ta hilnga, katotohanang sinasabi ko sindo, na an Ama, asin an Ake, asin an Espiritu Santo nagkasararo; asin Ako kaiba nin Ama, asin an Ama kaiba ko, asin an Ama asin ako nagkasaro.

28 Asin uyon sa sakuyang pinagsugo sa sindo kaya kamo magbubunyang. Asin dae magkakaigwa nin mga pag-iiriwal-iwal sa pag-iriba nindo, na arog baga kaidtong nangyari; ni magkakaigwa kamo nin pag-iiriwal-iwal sa pag-iriba nindo mapanungod sa mga puntos kan sakuyang doktrina, na arog baga kaidtong nangyari.

29 Nin huli ta katotohanan, katotohanan ako nagsasabi sa sindo, siya na igwa nin espiritu nin paki-iwal iyo an bako sakuya, kundi iyo an sa diyablo, na iyo an ama nin paki-iwal, asin siya iyo an naggagatong sa mga puso nin mga tawo na maki-iwal na may anggot, an sarong sa lambang sarong.

30 Hilnga, ini bako kong doktrina, na gatungan an mga puso nin mga tawo na may anggot, an sarong laban sa sarong; pero iyo ini an sakuyang doktrina, na an arog kaining mga bagay dapat na gibohong mahale.

31 Hilnga, katotohanan, katotohanan Ako nagsasabi sa sindo, Ako an magdedeklara sa sindo kan sakuyang doktrina.

32 Asin iyo ini an sakuyang doktrina, asin ini an doktrina na an Ama iyo an nagtao sa sakuya; asin ako nagpapatunay sa Ama, asin an Ama nagpapatunay sa sakuya, asin an

Espiritu Santo nagpapantunay sa Ama asin sakuya; asin Ako nagpapatunay na an Ama nagsusugo sa gabos na mga tawo, maski saeng lugar, na magsolsol asin magtubod sa sakuya.

33 Asin an siisay na magtutubod sa sakuya, asin nabunyagan, siya man maliligtas; asin sinda iyo sinda na magmamana sa kahadean nin Diyos.

34 Asin an siisay an dae magtutubod sa sakuya, asin dae nabunyagan, makokondenado.

35 Katotohanan, katotohanan, Ako nagsasabi sa saindo, na iyo ini an sakuyang doktrina, asin ako nagpapatunay kaini na gikan sa Ama; asin an siisay an magtutubod sa sakuya nagtutubod man sa Ama; asin sa saiya an Ama iyo an magpapatunay tungkol sakuya, nin huli ta siya magbibisita saiya sa paagi nin kalayo asin sa paagi kan Espiritu Santo.

36 Asin kaya an Ama iyo an magpapatunay sa sakuya, asin an Espiritu Santo iyo an magpapatunay sa saiya an tungkol sa Ama asin sakuya: nin huli ta an Ama, asin Ako, asin an Espiritu Santo nagkasararo.

37 Asin giraray Ako nagtataram sa saindo, kamo kaipuhan na magsolsol, asin magin arog sa sarong sadit na ake, asin magpabunyang sa pangaran ko, O kamo dae sa paaging ini makakaresibe kaining mga bagay.

38 Asin giraray Ako nagsasabi sa saindo, kamo kaipuhan na magsolsol, asin magpabunyang sa pangaran ko, asin magin arog sa sarong sadit na ake, O kamo dae sa paaging ini makakapagmana nin kahadean nin Diyos.

39 Katotohanan, katotohanan, Ako nagsasabi sa saindo, na iyo ini an sakuyang doktrina, asin an siisay an magtutugdok sa bagay na ini nagtutugdok sa ibabaw kan sakuyang gapo, asin an mga pintuan kan impiyerno dae makakatagal kontra sainda.

40 Asin siisay na magdedeklara nin sobra o kulang kesa kaini, asin nag-establisa kaini pra sa sakuyang doktrina, pareho naggikan sa diyablo, asin dae nakatugdok sa sakuyang gapo; kundi siya nagtutugdok sa ibabaw nin sarong mabuhangin na pundasyon, asin an mga pintuan kan impiyerno nagtitindog na bukas sa pagresibe kaini sa pag-abot kan mga baha asin an mga puro an magpapakal sa sainda.

41 Kun kaya, lakaw kamo sa mga katawohan ini, asin ideklara an mga tataramon na sakuyang pinagsasabi, sagkod sa mga tapos nin kinaban.

3 NEPHI TSAPTER 12

Si Jesus nag-apud asin nagsugo nin dose--- Siya nagbalangibog sa mga Nephita nin sarong diskurso na arog sa Sermon sa Bukid--- Siya nagtaram kan bilog na kapakinabangan--- An saiyang mga katukdoan nangibabaw asin nagribay sa ley ni Moises--- An mga tawo pinagsugo na magin perpekto na magin arog saiya asin kan Ama na perpekto--- Ikumpara sa Mateo 5.

Asin ini nangyaring naglipas na kan si Jesus nakapagtaram na kaining mga tataramon ki Nephi, asin sa sainda na pinag-apud, (ngonian an bilang ninda na pinag-apud, asin nagtanggap nin kapangyarihan asin autoridad na magbunyang, dose) asin hilnga, saiyang pinagbukas an saiyang kamot sa mga katawohan, asin nagkurahaw sa sainda, na

An Simbahan ni Jesukristo nin Mga Banal sa Huring-aldaw 521
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagsasabi: Paladan kamo kun kamo magtatao nin pagdangog sa mga tataramon kaining dose na sakuyang mga pinili gikan sa mga pag-iriba nindo tanganing magministeryo sa saindo, asin magin nindong mga surugoon; asin sa sainda ako nagtao nin kapangyarihan na tanganing sinda puwedeng magbunyag saindo sa tubig; asin pagkatapos na kamo mabunyagan sa tubig, hilnga, ako mabubunyag saindo nin kalayo kan Espiritu Santo; kun kaya paladan kamo kun kamo magtutubod sakuya asin magpabunyag, pagkatapos na kamo makahiling sako asin makaaram na Ako man nanggad.

2 Asin giraray, mas paladan sinda na magtutubod sa saindong mga tataramon nin huli ta sinda magpapatotoo na kamo nakahiling sakuya, asin ta kamo nakaaram na Ako man nanggad. Iyo, paladan sinda na magtutubod sa saindong mga tataramon, asin magbababa pasiring sa kairaroman nin kapakumbabaan asin nagpabunyag, nin huli ta sinda pagbisitahon kan kalayo asin kan Espiritu Santo, asin makakaresibe nin sarong kapatawaran kan saindang mga kasalan.

3 Iyo, paladan sinda na pobre sa espiritu na nagdudulok sakuya, nin huli ta sainda an kahadean nin langit.

4 Asin giraray, paladan sinda na nagmumundo, nin huli ta sinda pakikidamayan.

5 Asin paladan sinda gabos na nagugutom asin napapaha sa pagkamatanos, nin huli ta sinda mapapano kan Espiritu Santo.

7 Asin paladan sinda na pano ninpagkaherak, nin huli ta sinda makakaguno nin pagkaherak.

8 Asin paladan sinda gabos na puro an puso, nin huli ta mahihiling ninda an Diyos.

9 Asin paladan sinda gabos na parapatuninong, nin huli ta sinda pag-aapudon na mga kaarakian nin Diyos.

10 Asin paladan sinda gabos na pinapasakitan nin huli sa sakuyang pangaran, nin huli ta sainda an kahadean nin langit.

11 Asin paladan kamo kun pinanggirihan kamo asin pinagpapasakitan, asin pagtataraman kan gabos na manera nin karaotan laban saindo na bakong katotoohan nin huli sakuya;

12 Nin huli ta kamo magkakaigwa nin dakulang kaogmahan asin magin grabeng gayo an pag-oogma, nin huli ta dakulaong gayo an saindang pabuya sa langit; nin huli ta pinagpasakitan ninda an mga propeta na nagka-erenot saindo.

13 Katotoohan, katotoohan, Ako nagsasabi sa saindo, Ako nagtao saindo na magin mga sin kan kinaban; pero kun an asin nawaraan na nin panlasa kun saen baya an kinaban pag-aasinan? An asin magigin magpoon ngonian asin sa maabot bako nang may kapakinabangan, kundi ipagtatapok na sana asin pagtimak-timakan na sana sa irarom kan mga bitis nin mga tawo.

14 Katotoohan, katotoohan, Ako nagsasabi sa saindo, Ako nagtao saindo na magin liwanag kaining mga katawohan. An siyudad na ipinagtugdok sa sarong bukid dae maitatago.

15 Hilnga, an mga tawo dae nagsusulo nin sarong kandila asin ipagkaag sa irarom nin sarong balde? Dae, kundi sa ibabaw nin sarong kandeliryo, asin ini nagtatao nin liwanag sa gabos na yaraon sa laog nin harong;

16 Kun kaya tugutan mo an liwanag na mag-ilaw sa atubangan kaining mga katawohan, na tangani saindang magkahiriling an saindong marahay na mga kaggibohan asin magpamuraway sa saindong Ama na yaon sa langit.

17 Dae kamo maghuhuna-huna na Ako nag-abot tanganing destrosohon ko an ley o an

mga propeta, Ako dae nag-abot tanganing mandestroso kundi sa pag-utob.

18 Nin huli ta katotohanan Ako nagsasabi sa saindo, sarong tuldok ni sarong kurit dae nagwara gikan sa ley, kundi sa sakuya ini nagin bilog na nautog na.

19 Asin hilnga, Ako nagtao saindo ninley asin kan mga kasugoan kan sakuyang Ama, na tanganing kamo magtubod sakuya, asin tanganing kamo magsosolsol kan saindong mga kasalan, asin magdulok sa sakuya na igwang mapagpakumbabang puso asin sarong mahuyoong espiritu. Hilnga, kamo igwa nin mga kasugoan sa atubangan nindo, asin an ley nautob na.

20 Kun kaya magdulok kamo sa sakuya asin kamo magin ligtas; nin huli ta ako nagsasabi sa saindo, na laen lang na kamo magsusunod sa sakuyang mga kasugoan, na sakuyang pinagsusugo saindo sa panahon na ini, kamo dae nanggad makakalaog pasiring sa kahadean kan langit.

21 Kamo mismo an nakadangog na ini pinagsabi na ninda kaidtong lumang panahon, asin ini pinagsurat para sa saindo, na kamo dae manggadan, asin an siisay man na manggagadan magigin yaon sa delikadong paghuhukom nin Diyos.

22 Pero Ako nagsasabi sa saindo, na an siisay man na naanggot sa saindang tugang (na lalake) magigin delikado sa saiyang paghuhukom. Asin an siisay man na nagsasabi sa saiyang tugang, Raca, magigin delikado sa atubangan nin konseho; asin an siisay man na magsasabi, Ika Boa, magigin delikado sa kalayo nin impiyerno.

23 Kun kaya, kun kamo magdudulok sa sakuya, o magmamawot na magdulok sa sakuya, asin magkagiromdom na an saimong tugang igwa nin anuman kontra saindo---

24 Magpaduman ka sa saimong tugang, asin enot kang makipag-olian sa saimong tugang, asin pagkatapos magdulok ka sa sakuya na igwang bilog na katuyuhan nin puso, asin Ako magreresibe saimo.

25 makipag-olian tulos sa saimong kaiwal habang ika naglalakaw pa sa dalan na kaiba niya, baka sa anumang pagkakataon siya magdadakop saimo, asin ika ipagkunkon sa prisohan.

26 Katotoohan, katotoohan, Ako nagsasabi sa saindo, ika sa anumang paagi dae nanggad makakaluwas sagkod na ika nakapagbayad na sa pinakakantidad na senine. Asin habang ika yaon sa prisohan makapagbayad ka daw maski sarong senine? Katotoohan, katotoohan, Ako nagsasabi sa saindo, Dae.

27 Hilnga, ini ipinagsurat ninda kan sa lumang panahon, na kamo dae makipag-apid;

28 Pero ako nagsasabi sa saindo, na an siisay man na maghihiling sa sarong babae, na may kamawotan saiya, nakapaggibo na nin pakikiapid sa saiyang puso.

29 Hilnga, Ako nagtatao sa saindo nin sarong kasugoan, na dae kamo magtugot kaining mga bagay na maglaog sa saindong puso;

30 Nin huli ta mas marhay pang dae mo ipagbaleng an sadire mo sa mga bagay na ini, kun saen saindong pagdadarahon an saindong krus, kesa na kamo mai-apon pasiring sa impiyerno.

31 Ini naisurat na, na an siisay man na nagpapahale sa saindang agom na babae, tugutan siyang magtao nin sarong kasuratan nin pakipagdiborsiyo.

32 Katotoohan, katotoohan, Ako nagsasabi sa saindo, na an siisay man na nagpapahale sa saiyang agom na babae, nagkausa saiya na makapaggibo nin pakikipag-apid; asin an siisay man na mag-aagom saiya na diborsiyado nakapaggibo na nin adulteryo.

33 Asin giraray ini naisurat na, dae ka manumpa sa saimong sadire, kundi maggigibo ka

para sa Kagurangnan kan saimong mga pinagsumpa;
34 Pero katotoohan, katotoohan, Ako nagsasabi sa saindo, dae ka naggad magsumpa; ni sa langit, nin huli ta ini trono nin Diyos;
35 Ni sa paagi nin daga, nin huli ta ini tungtungan kan saiyang mga bitis;
36 Ni ika magsusumpa sa paagi kan saimong payo, nin huli ta dae mo kayang gibohon an sarong buhok na itom na magin puti;
37 Kundi gibohon mo na an saimong komunikasyon magin Iyo, na iyo; an Dae, dae; nin huli ta an anuman na minasobra kesa mga ini maraot.
38 Asin hilnga, ini naisurat na, mata sa mata, asin ngipon sa ngipon;
39 Pero Ako nagsasabi sa saindo, na dae ka makilaban sa maraot, kundi an siisay man an magsampaling saimo sa toong pisngi; ipagtao mo pa man an saro;
40 Asin kun an sarong tawo magsusumbong saimo base sa ley asin pagkuahon an saimong tunika tuguti siyang kuahon pa man an saimong talukbong;
41 Asin an siisay man an magpirit saimo na maglakaw nin sarong milya, mag-iba ka saiya nin doble.
42 Magtao ka saiya na naghahagad saimo, asin saiya na magsusubli saimo dae mo pagsasayumahan.
43 Asin hilnga ini naisurat na man, na saimong kamutan an saimong kataid asin mag-anggot ka sa saimong kaiwal;
44 Pero hilnga Ako nagsasabi sa saindo, kamutan mo an saimong mga kaiwal, bendisyuni sinda na nagsusumpa saimo, gumibo nin karahayan sa sainda na nag-aanggot saimo, asin magpangadye para sainda na daeng pakundangan na naggamit saimo asin nagpapasakit saimo;
45 Na tanganing kamo magin kaarakian kan saindong Ama na yaon sa langit; nin huli ta saiyang ginibo na an saldang magsirang sa mga maraot asin sa mga marhay.
46 Kun kaya idtong mga bagay sa lumang panahon, na nakapalaman sa ley, sa sako an gabos nagka-urutob na.
47 An mga lumang bagay pinagwara na, asin an gabos na mga bagay nagin bag-o na.
48 Kun kaya ako nagmamawot na kamo dapat na magin perpekto na arog sako, o arog sa saindong Ama na yaon sa langit na perpekto.

3 NEPHI TSAPTER 13

Si Jesus nagtukdo sa mga Nephita nin Pangadyeon--- Sinda magtipon nin kayamanan sa langit--- An Dose sa saindang pagmiministeryo sinugo na dae mag-isip nin mga temporal na mga bagay--- Ikumpara sa Mateo 6.

Katotoohan, katotoohan, Ako nagsasabi na Ako nagmamawot na kamo dapat na magtao nin limos sa pobre; pero magdangog na kamo dae magtatao kan saindong mga limos sa atubangan nin mga tawo na tanganing mahiling ninda; ta kun bako kamo mayo nang balos gikan sa Ama na yaon sa langit.

2 Kun kaya, kun kamo magtatao kan saindong mga limos dae ka magpatugtog nin sarong

An Simbahan ni Jesukristo nin Mga Banal sa Huring-aldaw

524

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

trumpeta sa atubangan mo, na arog sa mgaq hepokrito sa mga sinagoga asin sa mga agihan, na tanganing makakua nin pag-omaw sa mga tawo. Katotoohan Ako nagsasabi sa saindo, sinda nakakua na kan saindang balos.

3 Pero kun ika magtatao nin mga limos dae pagtuguti na an saimong walang kamot makaaram kun ano an pinaggigibo kan saimong tuong kamot;

4 Na tanganing an saimong mga limos magin sikreto; asin an saindong Ama na nakahiling sa tago, siya an magbabalos saimo nin hayagan.

5 Asin kun kamo magpapangadye dae mo pag-arogon an mga hepokrito, nin huli ta sinda namumuot na magpapangadye, na nakatindog sa mga sinagoga asin sa mga kanto kan mga agihan, na tanganing sinda magkahiriling kan mga tawo. Katotoohan Ako nagsasabi sa saindo, sinda nakakua na kan saindang balos.

6 Pero kamo, kun kamo magpapangadye, maglaog sa saindong kuwarto, asin kun ika yaon na sa laog sereduhan an saindong pinto, magpapangadye sa saindong Ama na yaon sa sikreto; asin an saindong Ama na nakahiling sa tago, magbabalos sa saindo nin hayagan.

7 Pero kun ika magpapangadye, dae ka maggamit nin daeng kamugtakan na mga pabalik-balik, arog kan mga pagano, nin huli ta sinda naghuhuna-huna na sinda pagdadangogon nin huli kan saindang grabeng pagtabil.

8 Dae baya kamo mag-arog sainda, nin huli ta an saindang Ama nakakaaram kan mga bagay na saindong pangangaipo bago pa man kamo maghagad saiya.

9 Sa arog kaining manera kun kaya kamo magpapangadye; Ama nyamo na yaon sa langit, pakabanalon an saimong pangaran.

10 An saimong kagustuhan an mapangyari sa daga na arog ini sa langit.

11 Asin patawadon mo kami kan samuyang kautangan, arog kan pagpapatawad nyamo sa mga parautang.

12 Asin dae mo kami ipagtugot sa tentasyon, kundi iligtas mo kami gikan sa maraot.

13 Nin huli ta saimo an kahadean, asin an kapangyarihan, asin an kamurawayan, sa daeng kasagkoran. Amen.

14 Nin huli ta, kun kamo magpapatawad sa mga tawo kan saindang mga kalapasan an saindong langitnon na Ama magpapatawad man saindo;

15 Pero kun kamo dae magpapatawad sa mga tawo kan saindang mga kalapasan dae man an saindong Ama makapagpatawad sa saindong mga kalapasan.

16 Kadagdagan pa, kun kamo mag-aayuno dae kamo mag-arog sa mga hipokrito, na igwang mamundong lalawgon, nin huli ta saindang pinagpalaen an saindang mga lalawgon na tanganing mahiling sinda kan mga tawo na nag-aayuno. Katotoohan Ako nagsasabi sa saindo, sinda nakatanggap na kan saindang mga balos.

17 Pero kamo, kun kamo mag-aayuno, lanahan nindo an saindong mga payo, asin hugasi an saindong lalawgon;

18 Na tanganing kamo dae mamangnohan kan mga tawo na nag-aayuno, kundi sa saindong Ama, na yaon sa tago; asin an saindong Ama, na nakahiling sa sikreto, magbabalos sa saindo nin hayagan.

19 Dae kamo magtago para saindong sadire nin mga kayamanan sa kinaban, kun saen an mga alibagta asin kalawang an makapagparaot, asin an mga parahabon makalusot asin makapaghabon.

20 Pero magtago kamo para sa mga sadire nindo nin kayamanan sa langit, kun saen dae an mga alibagta ni an kalawang makapagparaot, asin kun saen an mga parahabon dae

makakalusot asin makapaghabon.

21 Nin huli ta kun saen an saindong kayamanan, yaon man duman an saindong puso.

22 An liwanag kan hawak iyo an mata; kun kaya, kun an saindong mata nagin marhay, an saindong bilog na hawak mapapano nin liwanag.

23 Pero kun an saindong mata nagin maraot, an bilog mong hawak mapapano nin kadikloman. Kun kaya, kun an liwanag na yaon saindo nagin kadikloman, gurano pa daw kaitom an kadikloman na iyan!

24 Mayong tawo na makapagsirbe sa duwang amo; nin huli ta saiyang maaangutan an sarong asin kamumutan an sarong, o kaya saiyang mapupugulan an sarong asin isisikwal an sarong. Dae kamo makapagsirbe sa Diyos asin sa pankinaban na kayamanan.

25 Asin ngonian ini nangyaring naglipas na kan si Jesus nakapagtaram na kaining mga tataramon siya naghiling sa dose na saiyang pinagpili, asin nagsabi sinda: Giromdoma baya an mga tataramon na sakuyang pinagsabi na. Nin huli ta hilnga, kamo iyo sinda na sakuyang pinagpirili tanganing magmimistryo kaining mga katawohan. Kun kaya ako nagsasabi sa saindo, dae kamo mag-isip para sa saindong buhay, na kun ano an saindong pagkakakanon, o kun ano an saindong pag-iinom; ni an para sa saindong mga hawak, na kun ano an saindong pagsusul-uton. Bako daw na an buhay mas mahalaga sa pagkakanon, asin an hawak kesa pagbado?

26 Hilnga an mga gamgam sa kalangitan, nin huli ta sinda dae nagsasabwag, ni sinda mag-aani ni magtitipon sa mga kamalig; alagad an saindong langitnon na Ama iyo an nagbabahog sinda. Bako daw na kamo mas marhay pa kesa sa saindo?

27 Siisay daw saindo an may kaisipan na makapagdagdag nin sarong kubit na sa saindong panindugon?

28 Asin tadaw baya ta mag-iisip kamo para sa pagbabado? Isipa baya na an mga liryo sa parang kun paano sinda nagtalubo; sinda dae nagbubungkal, ni sinda nagtatahi;

29 Asin alagad ako nagsasabi sa saindo, na maski si Solomon, sa bilog niyang kabantugan, dae nakapagbado na arog kan mga sarong kaini.

30 Kun kaya baya, kun an Diyos pinagbabadoan niya an mga awot sa kaparangan, na ngonian panahon iyo pa, asin sa pagkaaga ipagtatapok sa hurno, magin kamo man saiyang pagbabadoan, kun kamo bakong dikit an pagtubod.

31 Kun kaya dae kamo mag-isip, na magsasabi, Ano baya an satuyang kakakanon? O baya, Ano an satuyang inom? O baya, Saen kita makakakua nin pagbabadoon?

32 Nin huli ta an saindong Langitnon na Ama nakakaaram na kamo nangangaipo kan gabos na ining mga bagay.

33 Pero hanapon nguna nindo enot an kahadean nin Diyos asin an saiyang pagkamatanos, asin an gabos na ining mga bagay ipagdagdag na sana sa saindo.

34 Dae baya kamo magpara-isip para sa pagkaaga, nin huli ta an pagkaaga iyo man sana an mag-iisip para sa mga bagay sa aldaw na yan. Tama sana man ka-aldawan na yan para sa kagabatan kaini.

3 NEPHI TSAPTER 14

Si Jesus nagsugo: Dae ka maghusga; maghapot sa Diyos; mag-ingat sa mga palsong propeta--- Siya nagpromisa nin kaligtasan para sinda na maggigibo sa kagustuhan kan

An Simbahan ni Jesukristo nin Mga Banal sa Huring-aldaw

526

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Ama. Ikumpara sa Mateo 7.

Asin ngonian ini nangyaring naglipas na kan si Jesus nakapagtaram na kaining mga tataramon nagbaling giraray siya sa kadaklang tawo, asin pinagbukas nya an saiyang nguso sa sainda giraray, na nagsasabi: Katotoohan, katotoohan, ako nagsasabi sa saindo, Dae kamo maghusga, na tanganing kamo dae paghuhusgaran.

2 Nin huli ta kun anong paghuhukom an saindong pinaghusga, kamo paghuhusgaran; asin sa kun anong sukol an saimong isinukol, iyo man an ipagsusukol saimo giraray.

3 Asin tadaw baya ta nahihiling mo an muta na yaon sa mata kan saimong tugang, pero dae mo pinagkonsidera an tukod na yaon sa sadire nindong mata?

4 O paano ta kamo makapagsabi sa saindong tugang: Tuguti akong haleon an muta sa saimong mata--- asin hilnga, sarong tukod an yaon sa saindong mata?

5 Hipokrito ka, enot halea nguna an tukod kan saimong sadireng mata; asin baya ika makapaghiling nin malinaw tanganing mahale mo an muta sa mata kan saimong tugang.

6 Dae kamo magtao nin bagay na sagrado sa mga ido, ni ipagtatapok an saindong mga perlas sa mga kauringan, baka saindang pagtitimak-timakan sa irarom kan saindang mga bitis, asin magbaling saimo asin pagsakmalon ka.

7 Maghagad, asin ini ipagtatao sa saindo; maghanap, asin saindong manunumpungan; magtuktok, asin ini pagbubukasan para saindo.

8 Nin huli ta an gabos na naghahagad, makakaresibe; asin siya na naghahanap, makakanumpong; asin siya na nagtutuktok, ini pagbubuksan.

9 O ano bayang klaseng tawo an yaon sa pag-iriba nindo, siya, na kun an saiyang akeng lalake naghahagad nin tinapay, magtatao sa saiya nin gapo?

10 O kun ini naghagad nin isda, magtatao sa saiya nin sarong halas?

11 Kun kamo ngani, sarong maraot, nakakaaram kun paano magtatao nin marhay na mga regalo para sa saindong mga kaarakian, mas paano pa daw an saindong Ama na yaon sa langit na magtao nin marhay na mga bagay sa sainda na naghahagad sainda?

12 Kun kaya, an anuman na mga bagay na saimong pinagmamawot na an mga tawo boot nindong gibohon para saindo, gibohon mo man para sainda, nin huli ta iyo ini an ley asin an mga propeta.

13 Maglaog kamo sa makuputon na pintuan; nin huli ta halakbangon an pintuan, asin haluwag an dalan, na paglalakawon pasiring sa kapahamakan, asin kadakul na an nakaduman sainda na nakaralaog na duman;

14 Nin huli ta makiputon an pintuan, asin hayakpit an dalan, na paglalakawon pasiring sa buhay, asin kakadikit sinda na nakanumpong kaini.

15 Mag-ingat sa mga palsong propeta, na magdudulok saindo na may bado nin karnero, pero sa kairaroman ninda sinda mga gutom na lobo.

16 Kamo makakabisto sainda sa paagi kan saindang mga bunga. Nagtitipon daw an mga tawo nin mga ubas kan mga tunok, o mga tarom nin mga binit?

17 Magin arog kaini na an marhay na kahoy nagbubunga nin marhayon na prutas; pero an sarong koraptong kahoy nagbubunga nin sarong maraot na prutas.

18 An sarong marhay na kahoy dae makapagbunga nin mararaot na prutas, ni an sarong koraptong kahoy makapagbunga nin marhayon na prutas.

An Simbahan ni Jesukristo nin Mga Banal sa Huring-aldaw

527

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 19 An lambang kahoy na dae mapagbubunga nin marhayon na prutas pagbubuhalon, asin ipaggagatong sa kalayo.
- 20 Kun kaya baya, sa paagi kan saindang mga prutas kamo makakabisto sainda.
- 21 Bakong an lambang sarong na nagsasabi sa sakuya, Kagurangnan, Kagurangnan, makakalaog sa kahadean nin langit; kundi siya na naggigibo kan kagustuhan nin sakuyang Ama na yaon sa langit.
- 22 Kadakul an magsasabi sakuya sa aldaw na iyan: Kagurangnan, Kagurangnan, bako daw na kami nagparapropesiya sa saimong pangaran, asin sa pangaran mo nakapagpahale nin mga diyablo, asin sa pangaran mo nakapaggibo nin kadakul na magagayon na mga kaggibohan?
- 23 Asin pagkatapos ako magtutukdo sa sainda: Ako dae nakakabisto saindo; magharale kamo, kamo na naggigibo nin kadaendatahan.
- 24 Kun kaya, an siisay man na nakakadangog kaining mga tataramon ko asin maggigibo kan mga ini, Ako ipag-aarog ko siya sa sarong madunong na tawo, na nagtugdok kan saiyang harong sa ibabaw kan sarong gapo---
- 25 Asin an uran nagbulos, asin an mga baha nag-abot, asin an mga paros naghuyop, asin ini dae nagtumba, nin huli ta ini nakapundar sa ibabaw nin sarong gapo.
- 26 Asin an lambang sarong na nakakadangog kaining mga tataramon ko asin naggigibo dae naggigibo kan mga ini maiaarog sa sarong tampalasan na tawo, na nagtugdok kan saiyang harong sa ibabaw nin buhangin---
- 27 Asin an uran nagbulos, asin an mga baha nag-abot, asin an mga paros naghuyop, asin naghampas sa harong na ini; asin ini nagtumba, asin grabeng gayo an pagkatumba kaini.

3 NEPHI TSAPTER 15

Si Jesus nagbalangibog na an ley ni Moises nautob na saiya--- An mga Nephita iyo an ibang mga karnero na saiyang pinagsabi sa Jerusalem--- Nin huli ta sa kadaendatahan an mga katawohan nin Kagurangnan dae nakaaram sa nagkawararak na mga karnero nin Israel.

Asin ngonian ini nangyaring naglipas na kan si Jesus nagtapos na kaining mga tataramon siya nagbaling kan saiyang mga mata sa palibot kan kadaklang mga tawo, asin nagsabi sa sainda: Hilnga, kamo nakadangog kan mga bagay na sakuya nang pinagtukdo bago pa man ako nagsakat pasiring sa sakuyang Ama; kun kaya, an siisay an makapaggiromdom kaining mga tataramon ko asin maggibo kan mga ini, siya bubuhayon ko liwat sa huring aldaw.

2 Asin ini nangyaring naglipas na kan si Jesus nakapagtaram na kaining mga tataramon saiyang namansayan na may iba sa pag-iriba ninda na nagngangaralas, asin nag-iisip-isip kun ano an saiyang boot manungod sa ley ni Moises; nin huli ta sinda dae nakakasabot sa tataramon na an mga lumang bagay naglipas na, asin an gabos na mga bagay nagin bag-o.

3 Asin siya nagsabi sa sainda: Dae kamo magngangalas na Ako nakapagsabi sa saindo na an mga lumang bagay naglipas na, asin an gabos na mga bagay nagin bag-o na.

An Simbahan ni Jesukristo nin Mga Banal sa Huring-aldaw 528
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

4 Hilnga, Ako nagsasabi sa saindo na an ley nautob na sakuyang ipinagtao ki Moises.

5 Hilnga, Ako iyo idtong nagtao kan ley, asin Ako iyo siya na nakipagtipan sa sakuyang mga katawohan na Israel, kun kaya, an ley na yaon sako nautob na, nin huli ta ako nagpadigde sa pag-utob kan ley; kun kaya ini nagtapos na.

6 Hilnga, Ako dae pinagdestroso an mga propeta, nin huli sa kadakul na dae nagka-urutob sa sakuya, katotoohan Ako nagsasabi sa saindo, an gabos dapat na mautob na.

7 Asin nin huli ta Ako nagsasabi sa saindo na an mga lumang bagay naglipas na, Ako dae nagdedestroso kaidtong mga naitaram na mapanungod sa mga bagay na paabuton pa sana.

8 Nin huli ta hilnga, an tipan na sakuyang hinimo sa sakuyang mga katawohan dae pa gabos nauutob; kundi an ley na ipinagtao ki Moises nagtapos na sakuya.

9 Hilnga, Ako an ley, asin an liwanag. Maghanap kamo sako, asin magpakakusog sagkod sa katapusan, asin kamo mabubuhay; nin huli ta sa sainda na nagpapakakusog sagkod sa katapusan itatao ko an buhay na daeng kasagkoran.

10 Hilnga, Ako nagtao na saindo nin mga kasugoan; kun kaya magsunod sa sakuyang mga kasugoan. Asin iyo ini an ley asin an mga propeta, nin huli ta sinda tunay nanggad na nagpatotoo tungkol sakuya.

11 Asin ini nangyaring naglipas na kan si Jesus nakapagtaram na kan mga tataramon na ini, siya nagsabi sa doseng ini na saiyang pinagpili na:

12 Kamo an sakuyang mga disipulos; asin kamo an liwanag kaining mga katawohan, na iyo an sarong katadaan kan harong ni Joseph.

13 Asin hilnga, iyo ini an kadagaan kan saindong kamanahan; asin an Ama iyo an nagtao kaini sa saindo.

14 Asin dae sa anuman na pagkakataon na an Ama nagsugo sako na dapat kong ipahayag ini sa saindong mga katugangan na yaon sa Jerusalem.

15 Ni sa anuman na pagkakataon na an Ama nakapagtao sakuya nin kasugoan na dapat kong sabihon sa sainda an mapanungod sa iba pang mga tribu kan harong nin Israel, na an Ama iyo an nagpahale paluwas sa kadagaan.

16 Iyo sana ini na an Ama nagsugo sakuya, na dapat kong sabihon sa sainda:

17 Na an ibang karnero na igwa Ako na mayo sa pangon na ini; sinda man sakuyang kaipo na pagdadarahon, asin saindang madadangog an sakuyang boses; asin magkakaigwa nin sarong pangon, asin sarong parabantay.

18 Asin ngonian, nin huli sa katisoan nin liog asin daeng paniniwala sinda dae nakasabot kan sakuyang mga tataramon; kun kaya Ako pinagsugo nin Ama na dae na Ako magtaram mapanungod sa bagay na ini sa sainda.

19 Pero, katotoohan, Ako nagsasabi sa saindo na an Ama nagsugo sakuya, asin Ako magsasabi kaini sa saindo, na kamo an pinaglaen na gikan sa pag-iriba ninda nin huli kan saindang kadaendatahan; kun kaya ini nin huli kan saindang kadaendatahan na kaya sinda daeng pagkaaram saindo.

20 Asin katotoohan, Ako nagsasabi saindo giraray na an ibang mga tribu na pinaglaen kan Ama gikan sa sainda; asin iyo ini nin huli kan saindang kadaendatahan na kaya sinda daeng pagkaaram sa sainda.

21 Asin sa katotoohan Ako nagsasabi sa saindo, na kamo iyo sinda na pinanungdan na sinasabi ko: Ibang mga karnero na pagsadire ko na mayo sa pangon na ini; sinda man dapat kong darahon, asin sinda magdadangog kan sakuyang boses; asin magkakaigwa nin

An Simbahan ni Jesukristo nin Mga Banal sa Huring-aldaw

529

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sarong pangon, asin sarong parapastol.

22 Asin sinda dae nakasabot sakuya, nin huli ta saindang pinaghuhuna-huna sinda iyo an mga Hentil; nin huli ta sinda dae nakasabot na an mga Hentil mapapagbag-o sa paagi kan saindang pagpapabalangibog.

23 Asin sinda dae nakasabot na sinabi ko na sinda magdadangog kan sakuyang boses; asin sinda dae nakasabot na an mga Hentil dae dapat sa arin na panahon makakadangog kan sakuyang boses--- na Ako dae dapat na magpapahiling kan sakuyang sadire sa sinda laen lang kun ini sa paagi nin Banal na Espiritu.

24 Pero hilnga, kamo parehong nakadangog kan sakuyang boses, asin nahiling Ako; asin kamo an sakuyang mga karnero asin kamo kabilang sa pag-iriba ninda na an Ama iyo an nagtao sa sakuya.

3 NEPHI TSAPTER 16

Si Jesus mabisita sa iba pang mga nagkawararang mga karnero kan Israel--- Sa mga huring aldaw an ebanghelyo magpapaduman sa mga Hentil asin masunod pasiring sa harong nin Israel--- An mga katawohan nin Kagurangnan magkakahirilingan mata sa mata sa panahon na saiyang dadarahon giraray an Sion.

Asin katotoohan, katotoohan, Ako nagsasabi sa saindo na Ako igwang ibang mga karnero, na mayo sa kadagaan na ini, ni sa kadagaan nin Jerusalem, ni sa arin man na parte nin kadagaan na nakapalibot na kun saen Ako mapaduman sa pagmiministro.

2 Nin huli ta sinda iyo idtong sakuyang pinagtataram na sinda naggad dae pa nakakadangog kan sakuyang boses; ni Ako sa arin man na panahon nakapagpahiling kan sakuyang sadire sa sinda.

3 Pero Ako nakaresibe nin sarong kasugoan kan Ama na Ako magpapasiring sa sinda, asin na sinda makakadangog kan sakuyang boses, asin ibibilang sa pag-iriba kan sakuyang mga karnero, na tanganing magkakaigwa nin sarong pangon asin sarong parapastol; kun kaya ako mapaduman tanganing mapahiling kan sadire ko sa sinda.

4 Asin Ako nagsusugo saindo na saindong isusurat ining mga tataramon pagkatapos na Ako nakahale na, na kun ini naggad an mangyayari na an sakuyang mga katawohan sa Jerusalem, sinda na nakahiling sa sakuya asin naka-ibahan ko sa sakuyang ministryo, dae maghahapot sa Ama sa pangaran ko, na tanganing sinda makaresibe nin kaaraman manungod saindo sa paagi nin Espiritu Santo, asin man sa ibang mga tribu na dae sindang pagkaaram, na tanganing ining mga tataramon na saindong isusurat itatago asin ipagtutukdo sa mga Hentil, na sa paagi kan bilog na ining kautuban sa mga Hentil, an katadaan kan saindang banhi, na magkakawaratak-watak sa ibabaw kan lalawgon nin kinaban nin huli kan saindang daeng paniniwala, puwedeng madara sa laog, o puwedeng madadara sa sarong kaaraman sa sako, na saindang Paratubos.

5 Asin pagkasunod sakuya sindang pagtitiriponon gikan sa apat na mga rona kan kinaban; asin pagkasunod mag-utob Ako sa tipan na an Ama iyo an naghimo sa bilog na mga katawohan kan harong nin Israel.

6 Asin paladan an mga Hentil, nin huli kan saindang paniniwala sa sakuya, sa paagi asin

An Simbahan ni Jesukristo nin Mga Banal sa Huring-aldaw

530

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin huli sa Espiritu Santo, na iyo an magpapatotoo sa sainda manungod sako asin sa Ama.

7 Hilnga, nin huli kan saindang paniniwala sa sakuya, sabi kan Ama, asin nin huli sa dae nindong paniniwala, O harong nin Israel, sa huring aldaw an katotoohan magpapataduman sa mga Hentil, na tanganing an kabilugan kan mga bagay na ini maipapabantog sa sainda.

8 Pero herak man, nagsabi an Ama, sa sainda na mayong paniniwala kan mga hentil--- nin huli ta maski na ngani na sinda nakaabot na sa lalawgon kaining kadagaan, asin nagpawaratak-watak kan sakuyang mga katawohan na yaon sa harong nin Israel; asin an sakuyang mga katawohan na yaon sa harong nin Israel an pinagsisirikwal gikan sa kaibahan ninda, asin pinagtirimak-timakan sa irarom kan mga bitis ninda;

9 Asin nin huli sa mga pagkaherak kan Ama sa mga Hentil, asin man sa mga paghuhukom kan Ama sa sakuyang mga katawohan, na yaon sa harong nin Israel, katotoohan, katotoohan, Ako nagsasabi sa saindo, na pagkatapos kaini gabos, asin Ako nagkausa sa sakuyang mga katawohan na yaon sa harong nin Israel na magkaharampak, asin pagparapasaskitan, asin paggagaradanon, asin pagparasikwalon paluwas gikan sa pag-iriba ninda, asin magin kaorongisan ninda, asin magin sarong singasing-paros asin sarong laman-dila sa pag-iriba ninda---

10 Asin kaya nagsugo an Ama na Ako dapat na magsabi sa saindo: Sa aldaw na yan na an mga Hentil magkakasala laban sa sakuyang ebanghelyo, asin magsisikwal sa kabilugan kan sakuyang ebanghelyo, asin mapagpalangkaw sa kapaabaw-abawan kan saindang mga puso na mas labi sa gabos na mga nasyon, asin mangingibabaw sa gabos na mga katawohan kan bilog na kinaban, asin magkakaparano nin gabos na manera nin mga kaputikan, asin mga kadayaan, asin kan mga daendatang gawi, asin gabos na manera nin kahipokritohan, asin mga paghaya nin laman, asin mga sikretong abominasyon; asin kun sinda maggigibo gabos kaining mga bagay, asin magsisikwal sa kabilugan kan sakuyang ebanghelyo, hilnga, nagsabi an Ama, Ako an magdadara sa kabilugan kan sakuyang ebanghelyo gikan sa pag-iriba ninda.

11 Asin pagkasunod Ako makakagiromdom kan sakuyang tipan na Ako an naghimo sa sakuyang mga katawohan, O harong nin Israel, asin Ako an magdadara kan sakuyang ebanghelyo sa sainda.

12 Asin Ako magpapahiling sa saindo, O harong nin Israel, na an mga Hentil dae magkakaigwa nin kapangyarihan na mangingibabaw sa saindo; pero Ako maggigiromdom kan sakuyang tipan sa saindo, O harong nin Israel, asin kamo makakaabot sa pagkakaaram kan kabilugan nin sakuyang ebanghelyo.

13 Pero kun an mga Hentil magsosolsol asin magbalik sa sakuya, nagsabi an Ama, hilnga sinda ibibilang sa pag-iriba kan sakuyang mga katawohan, O harong nin Israel.

14 Asin ako dae magtutugot na an sakuyang mga katawohan, na yaon sa laog kan harong nin Israel, na magpaduman na makisalak sa iribahan ninda, asin pagparadaog-daogon sinda, nagsabi an Ama.

15 Pero kun sinda dae magbaling sa sakuya, asin magdangog sa sakuyang boses, Ako magtutugot sa sainda, iyo, Ako magtutugot sa sakuyang mga katawohan, O harong nin Israel, na sinda magpaduman na makisalak sa iribahan ninda, asin pagparadaog-daogon sinda, asin sinda magin arog sa asin na nawaraan nin lasa, na dae naggad sa kamanungdanan kundi ipatatapok, asin pagparatimak-timakan sa irarom kan mga bitis kan sakuyang mga katawohan, O harong nin Israel.

16 Katotoohan, katotoohan, Ako nagsasabi sa saindo, kaya an Ama an nagsugo sakuya--- na sakong ipagtatao sa mga katawohang ini an kadagaan para sa saindang kamanahan.

17 Asin pagkasunod an mga tataramon kan propetang si Isaias mauutob, na nagsasabi:

18 An saimong bantay magpapalangkaw kan boses; kasarabay an boses na sinda magkakanta, nin huli ta sinda makakahiling mata sa mata sa panahon na an Kagurangnan dadarahon giraray an Sion.

19 Magkururahaw sa kaogmahan, sarabay na magkaranta, kamo na mga wasak na lugar nin Jerusalem; nin huli ta an Kagurangnan pinagkalinga an saiyang mga katawohan, saiyang pinatubos an Jerusalem.

20 An Kagurangnan naghimo na mahiling an saiyang lantad na kamot sa mga mata kan gabos na mga nasyon; asin an gabos na mga katapusan kan kinaban makakahiling sa pagliligtas nin Diyos.

3 NEPHI TSAPTER 17

Si Jesus nagtukdo sa mga katawohan na paghorop-horopan an saiyang mga tataramon asin magpangadye para sa pagkasabot--- Siya nagbulong kan saindang may-kahelangan--- Siya nagpangadye para sa mga katawohan, na gamit ang lengguwahe na dae puwedeng maisusurat--- An mga anghel nagparatukdo asin kalayo an nakapalibot sa saindang mga kasaraditan.

Hilnga, ngonian ini nangyaring naglipas na kan si Jesus nakapagtaram na kaining mga tataramon siya naghiling sa palibot giraray nin kadaklan, asin siya nagsabi sa sainda: Hilnga, an panahon ko harani na.

2 Sakuyang na-isip-isipan na kamo maruluya na, na kamo dae na makakasabot sa gabos kong mga tataramon na pinagsugo sako ni Ama na sasabihon sa saindo sa panahon na ini.

3 Kun kaya, lakaw kamo sa saindong mga harong, asin maghorop-horop sa mga bagay na sakuyang naisabi na, asin maghapot sa Ama, sa pangaran ko, na tanganing kamo makasabot, asin prepararon an saindong mga isip para sa aga, asin Ako maabot sa saindo giraray.

4 Pero ngonian Ako mabalik ki Ama, asin man magpapahiling kan sakuyang sadire sa mga nagkawararang tribu nin Israel, nin huli ta sinda dae dapat magkawarara sa Ama, nin huli ta siya nakakaaram kun saiyang pagdadarahon sinda.

5 Asin ini nangyaring naglipas na kan si Jesus nakapagtapos na sa pagtaram, saiyang pinaghiling an saiyang mga mata sa palibot giraray sa kadaklan, asin namasdan na sinda yaon sa pagluha, asin nakahiling na nakaputitok sa saiya na garo baga sinda naghahagad saiya na maghaloy pa sa kadikit na panahon na kaibahan ninda.

6 Asin siya nagsabi sa sainda: Hilnga, an sakuyang daghan napapano nin pagkaherak sa saindo.

7 Igwa daw kamo nin may-kahelangan sa pag-iriba nindo? Daraha sinda digde. Igwa daw kamo nin siisay man na mga pilay, o buta, o lumpo, o baldado, o ketongon, o may mga kamatean, o sinda na mga bungog, o sinda na nasasakita sa anuman na manera? Daraha

An Simbahan ni Jesukristo nin Mga Banal sa Huring-aldaw

532

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sinda digde asin Ako an magpaparahay sainda, nin huli ta Ako igwa nin pagkaherak sa saindo; an sakuyang daghan napapano nin pagkamaherakon.

8 Nin huli ta Ako narorop na kamo nagmamawot na Ako dapat na makapaghiling sa saindo kun ano an sakong ginibo sa saindong mga katugangan na yaon sa Jerusalem, nin huli ta Ako nakakahiling na an saindong pagtubod tama na Ako dapat na pa-omayan kamo.

9 Asin ini nangyaring naglipas na kan siya nakapagtapos na sa pagtaram, an bilog na kadaklan, na may pagkasararo, nagdarara kaiba ninda an may mga kahelangan asin kan saindang nagkasarakitan, asin kan saindang mga pilay, asin kan saindang mga buta, asin kan saindang mga bungog, asin kan gabos ninda na may kasakitan sa anuman na manera; asin saiyang pinagpa-omayan sinda sa lambang saro habang sinda pinagdarara paharani sa saiya.

10 Asin sinda naggibo na gabos, pareho sinda na nagka-omayan asin sinda na mga mayong helang, nagruluhod sa saiyang pamitisan, asin nagsamba sa saiya; asin haros kadakul na nakapagdulok gikan sa kadaklan nagharadok sa saiyang mga bitis, na tangani baya saindang pinarigosan an saiyang mga bitis kan saindang mga luha.

11 Asin ini nangyaring naglipas na saiyang pinagsugo na an saindang saradit na kaarakian dapat na ipagdulok.

12 Kaya saindang ipinagdulok an saindang saradit na mga kaarakian asin pinagpaturukaw sa daga sa palibot niya, asin si Jesus nakatindog sa tahaw, asin an kadaklan nagtaong dalan hanggan sagkod na sinda nagkadarara na sa saiya.

13 Asin ini nangyaring naglipas na kan sinda gabos pinagdara na, asin si Jesus nagtindog sa tahaw ninda, siya nagsugo sa kadaklan na sinda magruluhod sa daga.

14 Asin ini nangyaring naglipas na kan sinda nakapagluhod na sa daga, si Jesus nagngayo-ngayo sa irarom kan sadire niya, asin nagsabi: Ama, Ako naririnsal nin huli sa karigsokan kan mga katawohan sa harong nin Israel.

15 Asin kaya siya nakapagtaram na kaining mga tataramon, siya sa sadire niya mismo nagluhod sa daga; asin hilnga siya nagpangadye sa Ama, asin an mga bagay na saiyang pinagpangadye dae maisusurat, asin an kadaklan nagsurat nin mga bagay na saindang nadangog saiya.

16 Asin sa arog kaining manera nagsurat sinda sa rekord: An mata dae pa nakahiling, ni an talenga nakadangog, kaidto, mga darakula asin makangangalas na mga bagay an samuyang nahiling asin nadangog na si Jesus nakipag-olay sa Ama;

17 Asin mayong dila an puwedeng makapagtaram, ni nagkaigwa na nin anumang naisurat nin tawo, ni kaya nin mga puso nin mga tawo tugkadon an grabe kadakula asin makangalason na mga bagay na samuyang pareho na nagkahiriling asin nadangog si Jesus nagtaram; asin mayo ni saro an kayang tugkadon an kaogmahan na nagpano sa samuyang mga kalag sa panahon na samuyang nadangog siya nagpapangadye para samuya sa Ama.

18 Asin ini nangyaring naglipas na kan si Jesus nagtapos na kan pagpapangadye sa Ama, siya nagbuhat; pero grabeng gayo an kaogmahan nin kadaklan na sinda napangibabawan.

19 Asin ini nangyaring naglipas na si Jesus nagtaram sa sainda, asin sinda pinatirindog.

20 Asin sinda nagtirindog gikan sa daga, asin siya nagsabi sa sainda: Paladan kamo nin huli kan saindong pagtubod. Asin ngonian hilnga, an kaogmahan ko pano.

21 Asin kan siya nakapagsabi na kaining mga tataramon, siya nagbakho, asin an kadaklan

nagsurat kaini, asin saiyang pinagkaptan an saindang saradit na kaarakian, saro-saro, asin pinagbendisyunan sinda, asin nagpangadye sa Ama para sinda.

22 Asin kan saiya nang naggibo ini siya naghibi giraray;

23 Asin siya nagtaram sa kadaklan, asin nagsabi sa sinda: Hilnga an saindong mga kasaraditan.

24 Asin habang sinda nagmamansay tanganing mahiling saindang pinagputitok an saindang mga mata patangad sa langit, asin saindang nahiling na an mga kalangitan nagbukas, asin saindang nahiling an mga anghel na nagbaraba paluwas sa langit na garo baga yaon sa tahaw nin kalayo; asin sinda nagbaraba asin nagpalibot-libot sa mga kasaraditan, asin sinda nagkaparilibutan nin kalayo; asin an mga anghel an nagturokdo sa sinda.

25 Asin an kadaklan nakahiling asin nakadangog asin nagsurat sa rekord; asin sinda nakakaaram na an saindang rekord totoo nin huli ta sinda gabos an nakahiling asin nakadangog, an lambang tawo para sa saiyang sadire; asin sinda nabibilang na maabot sa duwang ribo asin limang gatos na mga kalag; asin sinda pag-iriba nin mga kalalakehan, mga kababaehan, asin mga kaarakian.

3 NEPHI TSAPTER 18

Si Jesus an nagpoon nin sakramento sa pag-iriba kan mga Nephita--- Sinda pinagsugo na mangadye pirme sa pangaran niya--- Sinda na nagkakakan kan saiyang laman asin nag-iinom kan saiyang dugo na bakong maninigo mapapahamak--- An mga desipulo tinaw-anan nin kapangyarihan sa pagputong nin Espiritu Santo.

Asin ini nangyaring naglipas na si Jesus nagsugo sa saiyang mga desipulo na sinda magdara nin mga tinapay asin arak sa saiya.

2 Asin habang sinda nagharale para sa tinapay asin arak, siya nagsugo sa kadaklan na sinda magturokaw kan saindang mga sadire sa daga.

3 Asin kan an mga desipulo nagbalik na may darang tinapay asin arak, siya nagkua nin tinapay asin pinagbaak asin pinagbendisyunan ini; asin saiyang pinagtao sa mga desipulo asin nagsugo na sinda dapat na magkakan.

4 Asin kan sinda nakakakan na asin nabasog, siya nagsugo na sinda magpana-o sa kadaklan.

5 Asin kan an kadaklan nakapagkakan na asin nabasog, siya nagsabi sa mga desipulos: Hilnga magkakaigwa nin saro na pag-ordinahan sa pag-iriba nindo, asin sa saiya ako magtatao nin kapangyarihan na siya an magbabaak nin tinapay asin bendisyunan ini asin itatao ini sa mga katawohan kan sakuyang simbahan, sa sinda gabos na magtutubod asin mabunyagan sa sakuyang pangaran.

6 Asin ini an saindo pirmeng pag-oobserbaran na gigibohon, magin arog sa sakong ginibo, magin arog na ako nagbaak nin tinapay asin nagbendisyon kaini asin pinagtao ini sa saindo.

7 Asin ini saindong gigibohon sa paggiromdom kan sakuyang hawak, na sakuyang ipinahiling sa saindo. Asin ini magigin sarong testimonya sa Ama na kamo pirmeng

An Simbahan ni Jesukristo nin Mga Banal sa Huring-aldaw

534

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

maggigiromdom sakuya. Asin kun kamo pirmeng maggigiromdom sakuya kamo magkakaigwa kan sakuyang Espiritu na makakaiba nindo.

8 Asin ini nangyaring naglipas na kan siya makapagsabi na kaining mga tataramon, siya nagsugo sa saiyang mga desipulos na sinda magkua nin arak sa kopa asin mag-inom kaini, asin na sinda magtao man sa kadaklan na tanganing sinda makapag-inom kaini.

9 Asin ini nangyaring naglipas na sinda ining ginibo, asin nag-irinom kaini asin natighaw; asin sinda nagpanao sa kadaklan, asin sinda nag-irinom, asin sinda nagkatirighaw.

10 Asin kan an mga desipulo nagibo na ini, si Jesus nagsabi sa sinda: Paladan kamo nin huli sa bagay na ini na sindong naggibo, nin huli ta iyo ini an pag-uutob kan sakuyang mga kasugoan, asin ini iyo an pagpapatotoo sa sakuyang Ama na kamo bilog an boot na maggigibo kan bagay na sakuyang pinagsusugo sa sindo.

11 Asin ini iyo an pirmeng nindong paggigibohon sa sinda na nagsosolsol asin nagpabunyang sa pangaran ko; asin sindo ining paggigibohon sa paggiromdom kan sakuyang dugo, na sakuyang ipinagpabulos para sa sindo, na tanganing kamo makapagpapatotoo sa Ama na kamo pirmeng maggigiromdom sa sakuya. Asin kun kamo pirmeng maggigiromdom sa sakuya kamo magkakaigwa kan sakuyang espiritu na makakaiba nindo.

12 Asin Ako nagtao sa sindo nin sarong kasugoan na sindong paggigibohon an mga bagay na ini. Asin kun sindo pirmeng paggigibohon an mga bagay na ini paladan kamo, nin huli ta kamo pinagtugdok sa ibabaw kan sakuyang gapo.

13 Pero an siisay man sa sindo na maggigibo nin sobra o kulang kesa mga ini dae pinagtugdok sa ibabaw kan sakuyang gapo, kundi pinagtugdok sa ibabaw nin sarong mabaybay na pundasyon; asin kun an uran magbubulos, asin an mga baha magraragasa, asin an mga paros maghuhuyop, asin maghahampak sa sinda, sinda magkakaturumba, asin an mga pintuan kan impiyerno handang nakabukas sa pagresibe sinda.

14 Kun kaya paladan kamo kun kamo nagsusunod sa sakuyang mga kasugoan, na an Ama an nagsugo sakuya na sakong ipagtao sa sindo.

15 Katotoohan, katotoohan, Ako nagsasabi sa sindo, kamo magbantay asin pirmeng magpapangadye, ta baka kamo pagtetentaran kan diyablo, asin kamo maakay paharayo na bihag niya.

16 Asin arog na Ako nagpapangadye sa kairiba nindo arog man kaini kamo magpapangadye sa sakuyang simbahan, na kairiba an sakuyang mga katawohan na nagsosolsol asin nagpabunyang sa pangaran ko. Hilnga Ako an liwanag; Ako nagtintindog bilang sarong halimbawa para sindo.

17 Asin ini nangyaring naglipas na kan si Jesus nakapagtaram na kaining mga tataramon sa saiyang mga desipulos, siya nag-atubang giraray sa kadaklan asin nagsabi sa sinda:

18 Hilnga, katotoohan, katotoohan, Ako nagsasabi sa sindo, kamo magbantay asin magpapangadye pirmeng ta baka kamo makalaog sa tentasyon; nin huli ta si Satanas nagmamawot na pagsadirehon kamo, na tangani kamo saiyang pagsasaligsigon arog sa trigo.

19 Kun kaya kamo pirmeng magpapangadye sa Ama sa sakuyang pangaran;

20 Asin an anuman na sindong hahagadon sa Ama sa sakuyang pangaran, kun ini tama, nagtutubod na sindong mareresibe, hilnga ini ipagtatao sa sindo.

21 Magpapangadye sa laog kan sindong mga pamilya sa Ama, pirmeng sa sakuyang

pangaran, na tanganing an saindong mga agom na babae asin an saindong mga kaakian puwedeng mabendisyunan.

22 Asin hilnga, kamo magtiripon-tipon na magkasararo pirme; asin kamo dae magsikwal nin siisay man na tawo na magdulok sa saindo kun kamo magkakatiripon-tipon na magkakararo, kundi tugutan sinda na makisumaro saindo asin dae nindo sinda ipagsikwal;

23 Pero kamo magpapangadye para sainda, asin dae ipagsikwal sinda paluwas; asin kun ini mangyari na sinda magdudulok saindo pirme kamo magpapangadye para sainda sa Ama, sa sakuyang pangaran.

24 Kun kaya, kaputing gayo paitaas an saindong liwanag na tanganing ini maglaad sa kinaban. Hilnga Ako iyo an liwanag na saindong pagkakaputan paitaas--- mga bagay na saindong nahiling na sakuyang ginigibo. Hilnga kamo nakahiling na Ako nagpapangadye sa Ama, asin kamo gabos makapagpatotoo.

25 Asin kamo nakahiling na Ako nagsusugo na mayo saindo an dapat na maglakaw paharayo, kundi baya nagsusugo na kamo dapat na magdulok sa sakuya, na tanganing kamo makamate asin makahiling; magin arog man kaini an saindong gigibohon sa kinaban; asin an siisay man an magbalga kaining kasugoan magsasapo sa saiyang sadire na maaakay pasiring sa tentasyon.

26 Asin ngonian ini nangyaring naglipas na kan si Jesus nakapagtaram na kaining mga tataramon, siya nagbaling kan saiyang mata giraray sa mga desipulos na saiyang pinagpili, asin nagsabi sa sainda:

27 Hilnga katotoohan, katotoohan, Ako nagsasabi sa saindo, Ako matao sa saindo nin iba pang mga kasugoan, asin pagkasunod Ako kaipuhang magpaduman na sa sakuyang Ama na tanganing sako pang mautob an iba pang mga kasugoan na saiyang pinagtao sakuya.

28 Asin ngonian hilnga, iyo ini an kasugoan na sakuyang ipagtatao sa saindo, na kamo dae magtutugot sa kiisay man na may pagkaaram na magkua kan sakuyang laman asin dugo na bakong maninigo, kun kamo magmiministeryo kaini;

29 Nin huli ta an siisay na magkakakan asin mag-iinom kan sakuyang laman asin dugo na bakong maninigo nagkakakan asin nag-iinom nin kapahamakan kan saiyang kalag; kun kaya kun kamo makaaram nin sarong tawo na bakong angay na magkakan asin mag-inom kan sakuyang laman asin dugo saimong pagbawalan siya.

30 Daeng pagkukulang, siya dae mo ipagsikwal paluwas sa pag-iriba nindo, kundi kamo magtukdo sa saiya asin magpapangadye para saiya sa Ama, sa pangaran ko; asin kun mangyari na siya nagsosolsol asin nagpabunyang sa sakuyang pangaran, sako nindo paresibihon siya, asin magministro sa saiya kan sakuyang laman asin dugo.

31 Pero kun siya dae nagsosolsol siya dae maibibilang sa pag-iriba nin sakuyang mga katawohan, na tanganing dae niya pagdedestrosohon an sakuyang mga katawohan, nin huli ta hilnga Ako nakakabisto kan sakuyang mga karnero, asin sinda nabibilang.

32 Daeng pagkukulang, kamo dae magsikwal saiya paluwas sa saindong mga sinagoga, o sa saindong lugar nin pagsamba, nin huli ta sa mga arog sainda kamo magpapadagos sa pagtukdo; nin huli ta dae nindo naaraman na kun noarin sinda mabalik asin magsosolsol, asin magdudulok sakuya na may bilog na katuyuhan nin puso, asin sakuya sindang paomayan; asin kamo an naging paagi sa pagdara nin kaligtasan sa sainda.

33 Kun kaya, sunoda nindo an mga sinasabi ko na pinagsusugo ko saindo na tanganing kamo dae mapapasa-irarom nin kondensasyon; nin huli ta herak man saiya na an Ama an

nagkokondena.

34 Asin Ako nagtao saindo kaining mga kasugoan nin huli sa mga pag-iiriwal-iwal na nangyayari sa pag-iriba nindo. Asin paladan kamo kun kamo mayo nin pag-iiriwal-iwal sa pag-iriba nindo.

35 Asin ngonian Ako mapaduman na sa Ama, nin huli ta ini sarong kapakinabangan na Ako dapat na magpaduman sa Ama para sa kapakinabangan nindo.

36 Asin ini nangyaring naglipas na kan si Jesus nagtapos na kaining mga tataramon, siya nagdudot kan saiyang kamot sa mga desipulos na saiyang mga pinili; sarosaro, magin sagkod na saiyang nadut-an sinda gabos, asin nagtaram sa sinda habang saiyang pinagdut-an sinda.

37 Asin an kadaklan dae nakadangog kan mga tataramon na saiyang piangtaram, kun kaya sinda dae nakapagtala nin patotoo; pero an mga desipulos nagpatotoo na sya nagpana-o sinda nin kapangyarihan na magpana-o nin Espiritu Santo. Asin ako magpapahiling sa saindo sa maabot na mga panahon na an rekord na ini totoo.

38 Asin ini nangyaring naglipas na kan si Jesus nadut-an na sinda gabos, nag-abot an sarong kumpon nin panginoron asin nagpangibabaw sa kadaklan na tanganing sinda dae na makahiling ki Jesus.

39 Asin habang sinda nangingibabawan siya naghale gikan sa katiriponan ninda, asin nagsakat pasiring sa langit. Asin an mga desipulos nakahiling asin nagtala nin mga patotoo na siya nagsakat giraray pasiring sa langit.

3 NEPHI TSAPTER 19

Asin an Doseng Desipulos nagministro sa mga katawohan asin nagpangadye para sa Espiritu Santo--- Sinda binurunyagan asin nagresibe kan Espiritu Santo asin an pagtutukdo kan mga anghel--- Si Jesus nagpangadye na gamit an mga tataramon na dae maisurat--- Siya nagpapatunay sa grabe na gayo an pagtubod kaining mga Nephta.

Asin ngonian ini nangyaring naglipas na kan si Jesus nagsakat na sa langit, an kadaklan na mga tawo nagharale na, asin an lambang lalake pinagkua an saindang mga agom na babae asin an saindang mga kaarakian asin nagbaralik na sa saindang sadireng mga harong.

2 Asin idto pinagbalangibog tulos-tulos sa ibang rona sa pag-iriba kan mga katawohan, bago pa man magdiklom, na an kadaklan na mga tawo nakahiling ki Jesus, asin ta siya nagparatukdo sa sinda, asin na siya magpapahiling man kan saiyang sadire sa kina-agahan sa kadaklan na mga tawo.

3 Iyo, asin magin sa bilog na pagkabanggi ini pinagbalangibog sa ibang rona manungod ki Jesus; asin na tanganing sinda nagpadara sa mga katawohan nin kadakul, iyo, grabe kadakul na bilnag, na nagtrabahong gayo sa bilog na banggi, na tanganing sinda sa kina-agahan makaduman sa lugar kun saen si Jesus magpapahiling kan saiyang sadire sa kadaklan na tawo.

4 Asin ini nangyaring naglipas na sa kina-agahan, kan an kadaklan na mga tawo nagkatiripon-tipon nang magkasararo, hilnga, si Nephi asin an saiyang tugang na lalake

An Simbahan ni Jesukristo nin Mga Banal sa Huring-aldaw

537

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na saiyang binuhay gikan sa kagadanan, na an pangaran iyo si Timothy, asin man an saiyang akeng lalake, na an pangaran iyo si Jonas, asin man si Mathoni, asin si Mathonihah, an saiyang tugang na lalake, asin si Kumen, asin si Kumenonhi, asin si Jeremiah, asin si Shemnon, asin si Jonas, asin si Zedekiah, asin si Isaiiah--- ngonian iyo ini an mga pangaran kan mga desipulos na pinili ni Jesus--- asin ini nangyaring naglipas na sinda nagpaduman asin nagtindog sa tahaw nin kadaklan na mga tawo.

5 Asin hilnga, an kadaklan na tawo grabeng gayo na sinda nagkausa na sinda magbaranga sa doseng pangon.

6 Asin an dose nagtukdo sa kadaklan na mga tawo; asin hilnga, sinda nagkausa na an kadaklan na tawo magruluhod sa lalawgon nin daga, asin magparangadye sa Ama sa pangaran ni Jesus.

7 Asin an mga desipulos nagparangadye sa Ama sa pangaran man ni Jesus. Asin ini nangyaring naglipas na sinda nagtindog asin nagministro sa mga katawohan.

8 Asin kan sinda nagministro nin kaparehong mga tataramon na si Jesus an nagtaram--- daeng pinagkaiba sa mga tataramon na si Jesus an nagtaram--- hilnga, sinda nagruluhod giraray asin nagparangadye sa Ama sa pangaran ni Jesus.

9 Asin sinda nagparangadye sa mga bagay na sinda na gayong pinagmamawot; asin sinda nagmawot na an Espiritu Santo ipagtao sa sinda.

10 Asin kan sinda nakapagpangadye na sinda nagpasiriring sa may pangpang nin tubig, asin an kadaklan na mga tawo nagsurunod sinda.

11 Asin ini nangyaring naglipas na si Nephi nagpasiring pababa sa tubig asin pinagbunyagan.

12 Asin siya naghawas paluwas sa tubig asin nagpoon sa pagbunyag. Asin siya nagbunyag sa gabos ninda na si Jesus an nagpili.

13 Asin ini nangyaring naglipas na kan sinda gabos nagkaburunyagan na asin nagharawas paluwas sa tubig, an Espiritu Sant nag-abot sa sinda, asin sinda napano nin Espiritu Santos asin nin kalayo.

14 Asin hilnga, sinda pinagpalibutan na garo baga na ini sa paagi nin kalayo; asin ini nagbaba gikan sa langit, asin an kadaklan na mga tawo nakahiling kaini, asin nagtala nin mga patotoo; asin an mga anghel nag-abot pababa paluwas sa langit asin nagministro sa sinda.

15 Asin ini nangyaring naglipas na habang an mga anghel nagmiministro sa mga desipulos, hilnga, si Jesus nag-abot asin nagtindog sa tahaw asin nagministro sa sinda.

16 Asin ini nangyaring naglipas na siya nagtaram sa kadaklan na mga tawo, asin nagsugo sinda na sinda magruluhod giraray sa daga, asin man an saiyang mga desipulos magruluhod sa daga.

17 Asin ini nangyaring naglipas na kan sinda nakapagruluhod na sa daga, siya nagsugo sa saiyang mga desipulos na sinda an magpangadye.

18 Asin hilnga, sinda nagpoon sa pagpangadye; asin sinda nagpangadye ki Jesus, pinag-apud siya na saindang Kagurangnan asin an saindang Diyos.

19 Asin ini nangyaring naglipas na si Jesus naghale sa tahaw ninda, asin naglakaw-kadikit na paharayo gikan sinda asin nakadukong nakaluhod kan sadire sa daga, asin siya nagsabi:

20 Ama, Ako nagpapasalamat saimo na saimong pinagtao an Espiritu Santo sa sinda na sakuyang pinagpili; asin ini nin huli kan saindang paniniwala sa sakuya na Ako nagpili

sainda na pinaglaen sa kinaban.

21 Ama, Ako nagpapangadye saimo na saimong ipagtao an Espiritu Santo sa gabos ninda na magtutubod sa saindang mga tataramon.

22 Ama, saimong pinagtao sainda an Espiritu Santo nin huli ta sinda nagtutubod sakuya; asin saimong nahiling na sinda nagtutubod sakuya nin huli ta saimong nadadangog sinda, asin sinda nagpangadye sakuya; asin sinda nagpangadye sa sakuya nin huli ta Ako kaiba ninda.

23 Asin ngonian Ama, Ako nangangadye sa saimo para sainda, asin man para sa gabos ninda na magtutubod sa saindang mga tataramon, na tanganing sinda magtutubod sakuya, na Ako magin yaon magin yaon sainda na arog mo, Ama, na yaon sako, na tanganing kita magin sararo.

24 Asin ini nangyaring naglipas na kan si Jesus nakapagpangadye na sa Ama, siya nagdulok sa saiyang mga desipulos, asin hilnga, sinda nagpadagos, na daeng pagpundo, sa pagpapangadye sa saiya; asin sinda dae nagdagdag nin kadakul na tataramon, nin huli ta ipinagtao na sa sainda kun ano an saindang ipagpapangadye, asin sinda nagkaparano nin mga kamawotan.

25 Asin ini nangyaring naglipas na si Jesus nagbendisyon sainda habang sinda nagpapangadye sa saiya; asin an saiyang lalawgon naghuyom sa sainda, asin an liwanag kan saiyang lalawgon nagbanaag sa sainda, asin hilnga sinda nagin maputi arog sa lalawgon asin mga bado ni Jesus; asin hilnga an kaputian kaini mas nagsobra pa sa gabos na mga kaputian, iyo, magin ini mayo pa sa kinaban na labing kaputi arog sa kaputian kaini.

26 Asin si Jesus nagtaram sa sainda: Magpadagos sa pagpangadye; daeng pagkukulang sinda dae nag-untok sa pagpangadye.

27 Asin siya nagtalikod sainda giraray, asin nagduman kadikit na paharayo asin nagdukong nakaluhod sa daga; asin siya nagpangadye giraray sa Ama, na nagsasabi:

28 Ama, Ako nagpapasalamat saimo na saimong pinaglinigan sinda na sakuyang pinagpirili, nin huli kan saindang pagtubod, asin Ako nangangadye para sainda, asin man sa sainda na magtutubod sa saindang mga tataramon, na tanganing sinda magkariligin sako, sa paagi nin pagtubod sa saindang mga tataramon, magin sa arog sainda na nagkariligin sako.

29 Ama, Ako dae nagpapangadye para sa kinaban, kundi para sainda na saimong pinagtao sakuya na pinaglaen sa kinaban, nin huli kan saindang pagtubod, na tanganing sinda magkariligin sako, na tangani Ako puwedeng makaiba ninda na arog mo, Ama, na yaon sako, na tanganing kita magin sararo, na tanganing Ako maipamuraway kaiba ninda.

30 Asin kan si Jesus nakapagtaram na kaining mga tataramon siya nagbalik giraray sa saiyang mga desipulos, asin hilnga sinda nagpapangadye na may kapusugan, na daeng ka-untukan, sa saiya; asin siya naghuyom sa sainda giraray; asin hilnga sinda mapuputi na magin arog ki Jesus.

31 Asin ini nangyaring naglipas na siya naglakaw kadikit paharayo asin nagpangadye sa Ama;

32 Asin mayong dila an makakapagtaram kan mga tataramon na saiyang pinagpangadye, ni maisusurat ini kan tawo an mga tataramon na saiyang pinagpangadye.

33 Asin an kadaklan na tawo nakadangog asin nagtala nin patotoo; asin an saindang mga

puso nagkaburukasan asin sinda nagkasabot sa saindang mga puso sa mga tataramon na saiyang pinagpapangadye.

34 Daeng pagkukulang, grabeng gayo kadakula asin kangalasan an mga tataramon na saiyang piangpapangadye na tangani an mga ini, dae maisusurat, ni an mga ini maitataram nin tawo.

35 Asin ini nangyaring naglipas na kan si Jesus nakapagtapos na sa pagpapangadye siya nagdulok giraray sa mga desipulos, asin nagsabi sa sainda: Grabeng gayo kadakula an pagtubod na dae ko nahiling sa pag-iriba kan gabos na mga Judio; kun saen baya ako dae nakapagpahiling sa sainda nin grabe kadakulang milagro, nin huli kan saindang daeng paniwala.

36 Katotoohan Ako nagsasabi sa saindo, mayo sa sainda na nakapagsaksi sa grabe kadakulang mga bagay na arog kan saindong nahiling; ni sinda nakapagdangog nin grabe kadakulang bagay na arog kan saindong nadangog.

3 NEPHI TSAPTER 20

Si Jesus milagrosong nagtao nin tinapay asin arak asin giraray nag-administrar nin sakramento sa sainda--- An katadaan ni Jacob makaabot sa kaaraman sa Kagurangnan na saindang Diyos asin magmamana sa mga Amerika--- si Jesus an propeta na arog ki Moises, asin an mga Nephita iyo an kaakian kan mga propeta--- An iba man na mga katawohan nin Kagurangnan pagtitiriponon sa Jerusalem.

Asin ini nangyaring naglipas na siya nagsugo sa kadaklan na tawo na sinda mag-untok na sa pagpapangadye, asin man sa saiyang mga desipulos. Asin siya nagsugo sainda na sinda dae dapat mag-untok sa pagpapangadye sa laog kan saindang mga puso.

2 Asin siya nagsugo sainda na sinda magburuhat asin magtirindog na sa saindang mga bitis. Asin sinda nagburuhat asin nagtirindog sa saindang mga bitis.

3 Asin ini nangyaring naglipas na siya nagbaak nin tinapay giraray asin pinagbendisyunan ini, asin nagtao sa mga desipulos tanganing kakanon.

4 Asin kan sinda nakapagkakan na siya nagsugo sainda na magbaak nin tinapay, asin ipagpanao sa kadaklan na mga tawo.

5 Asin kan sinda nakapagpanao na sa kadaklang tawo siya man nagtao sainda nin arak tanganing inomon, asin siya nagsugo sainda na sinda magpanao man sa kadaklan na mga tawo.

6 Ngonian, mayo nin tinapay, ni arak , na pinagdara an mga desipulos, ni an kadaklan na mga tawo;

7 Pero siya tunay na nagpanao sa sainda nin tinapay na kakakanon, asin man arak na pag-iinom.

8 Asin siya nagsabi sa sainda: Siya nagkakakan kaining tinapay nagkakakan kan sakuyang hawak sa saiyang kalag; asin siya na nag-iinom kaining arak nag-iinom kan sakuyang dugo sa saiyang kalag; asin an saiyang kalag dae naggad magugutom ni mapapaha, kundi mababasog.

An Simbahan ni Jesukristo nin Mga Banal sa Huring-aldaw

540

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

9 Ngonian, kan an kadaklan na tawo nakapagkakan asin nakapag-inom na, hilnga, sinda napano nin Espiritu; asin sinda nagkururahaw na may sarong boses, asin nagtao nin pamuraway ki Jesus, na saindang parehong nahiling asin nadangog.

10 Asin ini nangyaring naglipas na kan sinda nakapagtao na gabos nin pamuraway ki Jesus, siya nagsabi sa sinda: Hilnga ngonian ako nagtapos sa kasugoan na an Ama an nagsugo sakuya manungod sa katawohang ini, na iyo an sarong katadaan sa harong nin Israel.

11 Kamo maggiromdom na ako nagtaram sa saindo, asin nagsabi na kan an mga tataramon ni Isaiiah mautob na--- hilnga sinda nagkasururat, kamo igwa kaini saindo, kun kaya hanapa sinda---

12 Asin katotoohan, katotoohan, ako nagsasabi sa saindo, na sa panahon na sinda magka-urutob iyo iyan an kautuban kan tipan na an Ama an naggibo sa ssaiyang mga katawohan, O harong nin Israel.

13 Asin pagkasunod an mga katadaan, na pinagwaratak-watak sa ibang rona sa lalawgon kan kinaban, pagkakatiriponon gikan sa sirangan asin gikan sa sulnopan, asin gikan sa timog asin gikan sa hiraga; asin sinda pagdadarahon pasiring sa kaaraman nin Kagurangnan na saindang Diyos, na iyo an nagtubos sinda.

14 Asin an Ama na nagsugo sakuya na dapat kong itao saindo ining kadagaan, para sa saindong kamanahan.

15 Asin Ako nagsasabi sa saindo, na kun an mga Hentil dae magsosolsol pagkatapos sa bendisyon na saindang mareresibe, pagkatapos na saindang pagkawaratak-watakon an sakuyang mga katawohan---

16 Kun kaya kamo, na iyo an mga katawohan kan harong ni Jacob, magpapaduman sa pag-iriba ninda; asin kamo yaon sa tahaw ninda na magigin kadakul; asin kamo magigin kaiba ninda na arog sa sarong leon sa pag-iriba nin mga layas na hayop sa kakahuyan, asin bilang sarong hoben na leon sa pag-iriba kan pangon nin karnero, na iyo, kun siya makalaog pagsasakmalon asin paggurunitan na magkaperedaso, asin mayong makapagligtas.

17 An saimong kamot ipagpapaitaas sa atubang kan saimong mga kaiwal, asin an gabos mong mga kaiwal raradason.

18 Asin Ako magtitiripon-tipon kan sakuyang mga katawohan na magkasararo arog sa sarong tawo na nagtitipon kan saiyang mga parumpong sa may salog.

19 Nin huli ta gigibohon ko an sakuyang mga katawohan na an Ama nakipagtipan, iyo, Ako maghihimo kan saimong sungay na bakal, asin Ako maghihimo kan saimong kuko na tanso. Asin ika maghahampak na makaperedaso an kadakul na mga katawohan; asin Ako an magkokonsagra kan saiyang ganada sa Kagurangnan, asin kan saindang pagsadire sa Kagurangnan sa bilog na kinaban. Asin hilnga, Ako iyo idtong maggigibo kaiyan.

20 Asin ini mangyayaring maglipas, nagsabi an Ama, na an espada kan sakuyang hustisya mag-aamba sa ibabaw ninda sa aldaw na iyan; asin laen lang kun sinda magsosolsol ini maghahampak sa sinda, nagsabi an Ama, iyo, magin sa gabos na mga nasyon kan mga Hentil.

21 Asin ini mangyayaring maglipas na sakuyang itutugdok an sakuyang mga katawohan, O harong nin Israel.

22 Asin hilnga, iyo ini an mga katawohan na sakong itutugdas sa kadagaan na ini, sa pag-utob kan tipan na sakuyang ginibo sa saindong ama na si Jacob; asin ini magigin Bagong

Jerusalem. Asin an mga kapangyarihan nin langit magin yaon sa tahaw kaining mga katawohan; iyo, magin Ako magigin yaon sa tahaw nindo.

23 Hilnga, Ako iyo siya na si Moises an nagtaram, na nagsasabi: Sarong propeta na an Kagurangnan saindong Diyos na ipagpapalangkaw sa saindo kan saindong mga katugangan, na arog sakuya; saiya kamo magdadangog nin gabos na bagay na anuman an saiyang pagsasabihon sa saindo. Asin ini mangyayaring maglilipas na an lambang kalag na habong magdadangog sa propetang yan puputulon gikan sa pag-iriba nin mga katawohan.

24 Katotoohan Ako nagsasabi sa saindo; iyo, asin an gabos na mga propeta poon ki Samuel asin sa iba pa na nagsurunod pagkatapos, haros kadakul na an nagtaram, na nagpapatotoo sa sakuya.

25 Asin hilnga, kamo an mga kaarakian kan mga propeta; asin kamo yaon sa harong nin Israel; asin kamo yaon sa tipan na an Ama naghimo sa saindong mga ama, na nagsasabi ki Abraham: Asin sa saimong banhi an gabos na mga lahi kan kinaban pagbebendisyunan.

26 An Ama na iyo an nag-angat sakuya gikan sa saindo enot, asin nagpadara sakuya tanganing magbendisyon sa saindo na pinagrarayo sa lambang saro saindo gikan sa saindong mga kadaendatahan; asin ini nin huli ta kamo mga kaarakian nin tipan---

27 Asin pagkatapos na kamo mabendisyunan pagkasunod na pinag-utob kan Ama an tipan na saiyang ginibo ki Abraham, na nagsasabi: Sa saimong banhi an gabos na mga lahi kan kinaban pagbebendisyunan--- an pagpapabulos kan Espiritu Santo sa paagi ko paduman sa mga Hentil, na an bendisyon sa mga Hentil iyo an maghihimo sainda na makusog labaw pa sa gabos, sa pagkakawarak-warak kan sakuyang mga katawohan, O harong nin Israel.

28 Asin sinda na magigin sarong pamakol sa mga katawohan kaining kadagaan. Daeng pagkukulang, sa panahon na saindang maresibe an kapanoan kan sakuyang ebanghelyo, asin pagkasunod kun sinda magpapatagas kan saindang mga puso laban sakuya Ako an magbabalik kan saindang mga kadaendatahan sa saindang sadireng mga payo, nagsabi an Ama.

29 Asin Ako magigiromdom kan tipan na sakuyang nahimo sa sakuyang mga katawohan; asin Ako nakipagtipan sa sainda na sakuyang pagtitiriponon sinda na magkakasararo sa sakuyang sadireng tamang panahon, na tanganing Ako an magtatao sa sainda giraray kan mga kadagaan kan saindang mga ama para sa saindang kamanahan, na iyo an kadagaan nin Jerusalem, na iyo an pinagpromisang kadagaan sa sainda sagkod pa man, nagsabi an Ama.

30 Asin ini mangyayaring maglipas na an panahon maabot, na an kapanoan kan sakuyang ebanghelyo ipagbabalangibog sa sainda;

31 Asin sinda magtutubod sakuya, na Ako si JesuCristo, an Ake nin Diyos, asin magpapangadye sa Ama sa sakuyang pangaran.

32 Pagkasunod an saindang mga parabantay magpapalangkaw kan saindang boses, asin may boses nin pagkakasararo na sinda magkakanta; nin huli ta sinda magkakahirilingan mata sa mata.

33 Pagkasunod an Ama pagtitiriponon sinda na magkakasararo giraray, asin itao sa sainda an Jerusalem para magigin kadagaan na saindang kamanahan.

34 Pagkasunod sinda magkakaturuhaw sa kaogmahan--- magkakarantang sararo, kamong

An Simbahan ni Jesukristo nin Mga Banal sa Huring-aldaw

542

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

mga nasayang na mga lugar kan Jerusalem; nin huli ta an Ama pinaglinga an saiyang mga katawohan, saiyang pinagtubos an Jerusalem.

35 An Ama naghimong mailantad an saiyang banal na takyag sa mga mata kan gabos na mga nasyon; asin an gabos na mga puro nin kinaban makakahiling nin pagliligtas kan Ama; asin an Ama asin Ako saro.

36 Asin pagkasunod mangyayaring maglipas idtong bagay na naisurat na: Magmata, magmata giraray, asin ipamugtak an saimong kusog, O Sion; badoa an saimong magayunon na mga bado, O Jerusalem, an banal na siyudad, nin huli ta magpoon ngonian mayong maggigikan sa saimo na bakong turi asin bakong malinig.

37 Magpamagpag ka nin alpog; magtindog, magtukaw, O Jerusalem; buhii an saimong sadire gikan sa mga gapos kan saimong liog, O nasakop na daraga nin Sion.

38 Nin huli ta nagsabi an Kagurangnan: Saindong ipinagpabakal an saindong mga sadire sa daeng kamugtakan, asin kamo pagtuturubuson na daeng kuwarta.

39 Katotoohan, katotoohan, Ako nagsasabi sa saindo, na an sakuyang mga katawohan makakaaram kan sakuyang pangaran; iyo, sa aldaw na iyan sinda makakaaram na Ako iyo siya na nagtataram.

40 Asin pagkasunod sinda magsasabi: Gurano daw kagayon sa ibabaw nin mga kabukidan an mga bitis niya na nagdadara nin marhay na bareta sa sainda, na nagbabalangibog nin katuninongan; na nagdadara nin marhay na bareta sa sainda na mga marhay, na nagbabalangibog nin kaligtasan; na nagsasabi sa Sion: An saimong Diyos naghahade!

41 Asin pagkasunod sarong kinurahaw an madadangog: Maghale kamo, maghale kamo, maglakaw kamo paluwas gikan digde, dae magduot nin mga bagay na bakong malinig; magpaduman kamo paluwas pasiring sa tahaw niya; magpakalinig kamo na nagdadara nin mga sakayan nin Kagurangnan.

42 Nin huli ta kamo dae magluluwas na may paghihidali ni magpaduman na naglulupad; nin huli ta an Kagurangnan magpapaduman sa pangenotan nindo, asin an Diyos nin Israel iyo an saindong panhurihan.

43 Hilnga, an sakuyang surugoon makitusay sa kaigotan; siya dadakilaon asin pag-oomawon asin magigin halangkawon na marhay.

44 Habang kadakul an magngangalas sa saindo--- an saiyang lalawgon naraot, mas labi pa sa arin man na tawo, asin an saiyang porma mas halangkaw kesa sa mga ake nin mga tawo---

45 Kun kaya siya magwiwisik sa kadakul na mga nasyon; an mga hade magtitikom kan saindang mga nguso sa saiya; nin huli ta idtong mga bagay na dae pa naipagsabi sainda mahihiling ninda; asin idtong mga bagay na dae pa ninda nadadangog sainda pagkokonsideraron.

46 Katotoohan, katotoohan, Ako nagsasabi sa saindo, an gabos na bagay na ini siyertong gayo na mag-aabot, magin habang an Ama na nagsugo sakuya. Pagkasunod ining tipan na an Ama iyo an nakipagtipan sa saiyang mga katawohan mauutob; asin pagkasunod an Jerusalem pag-eerokan giraray kan sakuyang mga katawohan, asin ini an magigin kadagaan nindang kamanahan.

3 NEPHI TSAPTER 21

An Simbahan ni Jesukristo nin Mga Banal sa Huring-aldaw

543

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

An Israel magkakatiripon sa panahon na an Libro ni Mormon magluwas--- Ang mga Hentil ma-eestablisa bilang sarong libreng katawohan sa Amerika--- Sinda maliligtas kun sinda magtubod asin magsunod; o kun dae sinda pagpuputulon asin dedestrosohon--- an Israel iyo an magtutugdok kan Bagong Jerusalem, asin an mga nagkawararang mga tribu magbabalik.

Asin katotoohan Ako nagsasabi sa saindo, Ako magtatao sa saindo nin sarong senyal, na tanganing kamo makaaram sa panahon kun noarin an mga bagay na ini magpopoon na mangyayari--- na Ako an magtitipon, gikan sa saindang halawigon na pagkapururak, an sakuyang mga katawohan, O harong ni Israel, asin mag-eestablisa giraray sa pag-iriba ninda kan sakuyang Sion;

2 Asin hilnga, iyo ini an bagay na sakuyang itatao sa saindo bilang sarong senyal--- nin huli ta katotoohan Ako nagsasabi sa saindo na sa panahon na an mga bagay na ini na sakuyang pinagdeklara sa saindo, asin na sakuyang idedeklara sa saindo ngonian asin sa maabot kan sakuyang sadire mismo, asin sa paagi nin kapangyarihan kan Espiritu Santo na ipagtatao sa saindo kan Ama, na ipagpapabantog sa mga Hentil na tanganing saindang maaaraman an tungkol kaining mga katawohan naiyo an katadaan sa harong ni Jacob, asin manungod kaining sakuyang mga katawohan na ipagpupurak sa paagi ninda;

3 Katotoohan, katotoohan, Ako nagsasabi sa saindo, sa panahon na an mga bagay na ini hihimoon na maipabantog sainda kan Ama, asin mag-aabot na gikan sa Ama, gikan sa sainda pasiring sa saindo;

4 Nin huli ta ini sarong kadunungan nin Ama na sinda dapat maestablisa sa kadagaan na ini, asin maipamugtak bilang sarong libreng mga katawohan sa paagi nin kapangyarihan kan Ama, na an mga bagay na ini puwedeng magluwas gikan sainda pasiring sa sarong katadaan kan saindong banhi, na tanganing an tipan kan Ama puwedeng mautob na saiyang pinagkatipanan sa saiyang mga katawohan, O harong nin Israel;

5 Kun kaya, sa panahon na an mga pagtrabahong ini asin an mga trabaho na magluluwas gikan sa pag-iriba nindo poon ngonian asin sa maabot na magluluwas gikan sa mga Hentil, pasiring sa saindong banhi na magbabawas sa daeng pagtubod nin huli sa kadaendatahan;

6 Nin huli ta baya ini pinagmarhay nin Ama na ini dapat na magluluwas gikan sa mga Hentil, na saiyang maipahiling an saiyang kapangyarihan sa mga Hentil, nin huli kaining kausa na an mga Hentil, kun dae ninda pagpatagason an saindang mga puso, na tangani sinda magsosolsol asin magdulok sa sakuya asin magpabunyang sa sakuyang pangaran asin makaaram sa tunay na punto kan sakuyang doktrina, na tanganing sinda magin kabilang sa sakuyang mga katawohan, O harong nin Israel;

7 Asin sa panahon na an mga ini mangyaring maglipas na an saindong banhi magpopoon na makaaram kaining mga bagay--- ini magigin sarong senyal sa sainda, na tanganing sinda puwedeng makaaram na an trabaho kan Ama nagpopoon na tanganing mautob an tipan na saiyang hinimo sa mga katawohan na yaon sa harong nin Israel.

8 Asin sa panahon na an aldaw na iyan mag-abot, ini mangyaring maglipas na an mga hade magtitikom kan saindang mga nguso; nin huli ta an mga bagay na dae pinagsasabi sa sainda mahihiling mismo ninda; asin an mga bagay na dae ninda nagkadarangog

An Simbahan ni Jesukristo nin Mga Banal sa Huring-aldaw 544
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

saindang ikokonsidera.

9 Nin huli ta sa aldaw na iyan, nin huli sa kapakanan ko, an Ama maggigibo nin sarong trabaho, na magigin sarong dakula asin sarong makangalason na trabaho sa pag-iriba ninda; asin magkakaigwa sa pag-iriba ninda na dae magtutubod kaini, maski na sarong tawo an magdedeklara kaini sa sainda.

10 Pero hilnga, an buhay kan sakuyang surugoon magigin yaon sa sakuyang kamot; kun kaya sinda dae makakapakulog saiya, maski na ngani na siya nakulugan na nin huli sainda. Pero Ako an magpapaomay saiya, nin huli ta magpapahiling sa sainda na an sakuyang kadunungan may mas makusog kesa sa katusuhan kan diyablo.

11 Kun kaya ini mangyayaring maglipas na an siisay man na dae nagtubod sa sakuyang mga tataramon, na Ako iyo si JesuCristo, na an Ama iyo an magkakausa saiya na pagdarahon pasiring sa mga Hentil, asin magtatao sa saiya nin kapangyarihan na saiyang pagdadarahon sinda pasiring sa mga Hentil, (ini gigibohon na uyon sa sinabi ni Moises) sinda pagpuputulon gikan sa pag-iriba kan sakuyang mga katawohan na kabali sa tipan.

12 Asin an sakuyang mga katawohan na sarong katadaan nin Jacob magigin kairiba kan mga Hentil, iyo, sa katahawan ninda bilang sarong leon na kairiba nin mga layas na hayop sa kakahuyan, bilang sarong hoben na leon sa kairiba kan mga pangon nin karnero, na siya, kun makalaog sasakmalon niya asin gugutay-gutayon na magkaperedaso, asin mayong makapagligtas.

13 An saindang mga kamot ipag-iitaas sa saindang mga kaiwal, asin gabos nindang mga kaiwal magkakaparara.

14 Iyo, herak man sa saindang mga Hentil laen kun sinda magsosolsol; nin huli ta ini mangyayaring maglipas na sa aldaw na iyan, nagsabi an Ama, na sakuyang pupuhon an saindang mga kabayo gikan sa katahawan nindo, asin Ako an magdedestroso sa saindong mga karuwahe;

15 Asin Ako an magpupuho sa mga siyudad kan saindong kadagaan, asin rurumpagon an gabos nindong mga pinagkakukutaan;

16 Asin Ako an magpupuho kan mga parakaraw paluwas sa saindong kadagaan, asin kamo magkakawaraan na nin mga parahula;

17 An saindong mga pinaglililok na mga imahen sakuya man na pupuhon, asin an saindong nakatindog na mga imahen paluwas sa mga katahawan nindo, asin kamo dae na magsasamba sa mga kaggibohan kan saindong mga kamot;

18 Asin Ako an magbubunot kan saindong mga kakahuyan paluwas sa katahawan nindo; asin man Ako an magdedestroso kan saindong mga siyudad.

19 Asin ini mangyayaring maglipas na an gabos na kaputikan, asin mga pandadaya, asin mga pan-uuri, asin pag-iiriwal-iwal, asin mga palsong mga kapadean, asin an mga prostitusyon, pagpupunduhon.

20 Nin huli ta ini mangyayaring maglipas, nagsabi an Ama, na sa aldaw na iyan an siisay na dae nagsosolsol asin magdulok sa sakuya na Namumutan na Ake, sinda an puputulon ko gikan sa pag-iriba kan sakuyang mga katawohan, O harong nin Israel;

21 Asin Ako an maggigibo nin kabalusan asin kapungotan sa sainda, magin sa mga pagano, na dae pa ninda nadadangog.

22 Pero kun sinda magsosolsol asin maghihinanyog sa sakuyang mga tataramon, asin dae pagpapatagason an saindang mga puso, Ako magtutugdok kan sakuyang simbahan sa pag-iriba ninda, asin sinda maglalaog sa tipan asin magin kabilang sa pag-iriba kaining

An Simbahan ni Jesukristo nin Mga Banal sa Huring-aldaw

545

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

katadaan nin Jacob, na sa sainda Ako an nagtao kaining kadagaan para sa saindang kamanahan;

23 Asin sinda an magtatabang sa sakuyang mga katawohan, an katadaan nin Jacob, asin man sa kadakul kan harong nin Israel na magdudulok, na tanganing sinda magtutugdok nin sarong siyudad, na pag-aapudon na Bagong Jerusalem.

24 Asin pagkatapos na sinda magtabang sa sakuyang mga katawohan na tangani sinda magkakatiripon-tipon, sinda na nagkawaratak-watak sa kadagaan, palaog pasiring sa Bagong Jerusalem.

25 Asin pagkatapos an kapangyarihan kan langit magbababa sa pag-iriba ninda; asin Ako mismo yaon sa katahawan.

26 Asin pagkatapos na gibohon kan Ama magpopoon sa aldaw na iyan, magin an ebanghelyong ini ipagbabalangibog sa pag-iriba nin katadaan kaining mga katawohan. Katotoohan Ako nagsasabi sa saindo, sa aldaw na iyan na an gibohon kan Ama magpopoon na sa pag-iriba kan gabos na nagkawaratak-watak kong mga katawohan, iyo, magin idtong mga tribu na nagkawarara, na an Ama iyo an nagpaluwas sa Jerusalem.

27 Iyo, an gibo magpopoon sa pag-iriba kan gabos na nagkawaratak-watak na sakuyang mga katawohan, na an Ama iyo an maghahanda nin dalan na kun saen sinda puwedeng magdudulok sa sakuya, na tangani na sinda mag-aapod sa Ama sa pangaran ko.

28 Iyo, asin pagkatapos an trabaho magpopoon, na kairiba an Ama sa pag-iriba nin gabos na mga nasyon sa pag-aandam nin dalan kun saen an saiyang mga katawohan magkakatiripon-tipon sa sadireng harong sa kadagaan na saindang kamanahan.

29 Asin sinda magluluwas gikan sa gabos na mga nasyon; asin sinda dae magluluwas sa kahidalean, ni maghaleng patago, nin huli ta Ako magduduman sa atubangan ninda, nagsabi an Ama, asin Ako an magigin nindang panhurihan.

3 NEPHI TSAPTER 22

Ang mga huring aldaw, an Sion asin an saiyang mga istaka itutugdas, asin an Israel titiponon sa pagkaherak asin pagkamoot--- Sinda magtatrayumpo--- Ikumpara sa Isaias 54.

Asin pagkasunod idtong mga naisurat na na mangyayaring maglipas: Makaranta, O Kadagaan, kamo na dae nagbuburunga; magporoon kamong magkaranta, asin magkururahaw nin makusog, kamo na dae nakapagpangake; nin huli ta mas kadakul an mga kaakian nin kalipungawan kesa sa mga ake kan mag-agom na babae, nagsabi an Kagurangnan.

2 Padakulon an lugar kan saimong tolda, asin tuguti sinda na mag-unat kan mga kurtina kan saimong mga istaran; dae magpabaya, palabaa an saimong mga bugkos asin pakusuga an saimong mga istaka;

An Simbahan ni Jesukristo nin Mga Banal sa Huring-aldaw 546
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 3 Nin huli ta kamo mag-uusbong sa may parteng too asin sa may parteng wala, asin an saindong banhi magmamana nin mga Hentil asin himoon na an mapungaw na mga siyudad ma-eestaran.
- 4 Dae kamo matakot, nin huli ta kamo dae maipamugtak sa kasupganan; nin huli ta kamo magkakarilingaw sa kasupganan kan saimong kahobenan, asin dae makakagiromdom sa mga kapintasan kan saindong mga kahobenan, asin dae makakagiromdom sa kapintasan kan saindong mga balo noarin pa man.
- 5 Nin huli ta an saimong Kaglalang, an saimong agom na lalake, an Kagurangnan nin mga hukbo iyo an saiyang pangaran; asin an saimong Paratubos, an Solong Banal nin Israel--- an Diyos kan bilog na kinaban iyo an magigin pag-apod saiya.
- 6 Nin huli ta an Kagurangnan nag-apud saimo bilang sarong babaeng pinagbayaan asin nakulugan sa espiritu, asin sarong agom na babae kan kahobenan, kan ika pinagsikwal, sabi kan saimong Diyos.
- 7 Nin huli ta sa dikit na panahon pinabayaan ko kamo, pero sa kadakulaan nin mga pagkaherak Ako an magtitipon saindo.
- 8 Sa kadikit na kaanggutan Ako nagtago kan sakuyang lalawgon saindo sa laog nin sarong panahon, pero may daeng katapusan na pagkaboot Ako magkakaigwa nin pagkaherak sa saindo, nagsabi an Kagurangnan an saimong Paratubos.
- 9 Nin huli kaini, an mga tubig ni Noah yaon sakuya, nin huli ta habang Ako nagpromisa na an mga tubig ni Noah dae na dapat na mag-agi sa bilog na kinaban, kaya Ako nagpanuga na dae na Ako maaanggot saindo.
- 10 Nin huli ta an mga kabukidan maghahale asin an mga burokid-bukid mapapara, alagad an sakuyang pagkaboot dae naggad magrarayo saindo, ni an tipan nin sakuyang katuninongan mapapara, nagsabi an Kagurangnan na igwang pagkaherak sa saindo.
- 11 O kamong mga nagkasarakitan, na pinagpadpad nin bagyo, asin dae pinagdamayan! Hilnga, Ako an magpamugtak kan saindong mga gapo na may patas na mga kulay, asin magpamugtak kan saindong mga pundasyon nin mga sapiro.
- 12 Asin Ako maghihimo na an saindong mga bintana nin mga agata, asin an saindong mga pintuan nin mga karbungko, asin an gabos na saindong mga kasagkoran nin mga magagayon na mga gapo.
- 13 Asin an gabos nindong mga kaarakian poagtutukdoan sa Kagurangnan; asin dakulaong gayo an magigin katuninongan kan saindong mga kaarakian.
- 14 Sa pagkamatanos kamo pagtutugdukon; kamo magigin harayo sa pagkasakop nin huli ta mayo kamong pagkatakot, asin sa kahamakan nin huli ta ini dae makadulok harani saindo.
- 15 Hilnga, sinda seguradong magtitiripon-tipon na magkakasararo laban saindo, bako sa paagi ko; an siirisay an magtiripon-tipon na magkasararo laban saindo magkakapuruhu nin huli sana sa saindong karahayan.
- 16 Hilnga, Ako naglalang nin sarong panday na maghahayop nin mga uring na may kalayo, asin siya magpapanday nin sarong instrumento para sa saiyang trabaho; asin Ako naglalang nin sarong parasakop tanganing mandestroso.
- 17 Mayong armas na pinaggibo laban saindo an makakatagal; asin an lambang dila na magpapakaraot laban saindo sa paghuhukom saindong pagkokondenaron. Iyo ini an pamana kan mga surugoon nin Kagurangnan, asin an saindang pagkamatanos yaon sakuya, nagsabi an Kagurangnan.

3 NEPHI TSAPTER 23

Si Jesus nag-uyon sa mga tataramon ni Isaias --- Siya nagsugo sa mga katawohan na magsiyasat sa mga propeta--- An mga tataramon ni Samuel an Lamanita manungod sa pagkabuhay-liwat idinagdag sa saindang mga rekord.

Asin ngonian, hilnga, Ako nagsasabi sa saindo, na kamo kaipong magsiyasat kaining mga bagay, iyo, sarong kasugoan sakong itinatao saindo na saindong siyasaton ining mga bagay na may kahigosan; nin huli ta mahalagahon an mga tataramon ni Isaias.

2 Nin huli ta seguradong siya nagtaram na nagtutukar kan gabos na mga bagay manungod sa sakuyang mga katawohan na kaayon sa harong nin Israel; kun kaya ini kinakaipo na siya dapat na magtaram man sa mga Hentil.

3 Asin an gabos na mga bagay na saiyang pinagtaram nangyari na asin mangyayari pa, magin uyon sa mga tataramon na saiyang pinagtaram.

4 Kun kaya magtao nin pagdangog sa sakuyang mga tataramon; isurat an mga bagay na sakuyang pinagsasabi sa saindo; asin uyon sa panahon asin pagboot kan Ama sinda magpapaduman sa mga Hentil.

5 Asin an siisay man an magdadangog sa sakuyang mga tataramon asin magsosolsol asin magpapabunyag, sinda an magigin maligtas. Masiyasat sa mga propeta, nin huli ta kadakul sa sainda na nagpapatotoo kaining mga bagay.

6 Asin ini nangyaring naglipas na kan si Jesus nakapagsabi na kaining mga tataramon siya nagsabi sainda giraray, pagkatapos na siya nagpaliwanag kan gabos na mga kasuratan sa sainda na saindang naresibe, siya nagsabi sa sainda: Hilnga, an ibang mga kasuratan na Ako nagmawot na saindo dapat na surat, idtong mayo pa kamo.

7 Asin ini nangyaring naglipas na siya nagsabi ki Nephi: Daraha paluwas an rekord na saimong pinag-iingatan.

8 Asin kan si Nephi pinagdara na paluwas an mga rekord, asin pinaghaya sa atubangan niya, saiyang pinaghiling an saiyang mga mata sa sainda asin nagsabi:

9 Katotoohan Ako nagsasabi sa saindo, Ako an nagsugo sa sakuyang surugoon na si Samuel, an Lamanita, na saiya dapat na ipagpatotoo sa mga katawohang ini, na sa aldaw na an Ama magpapamuraway kan saiyang pangaran sakuya na tanganing may kadakul na mga banal na magbabangon gikan sa mga gadan, asin magpapahiling sa kadaklan. Asin siya nagsabi sa sainda: Bako daw na nangyari ini?

10 Asin an saiyang mga desipulos nagsimbag saiya asin nagsabi: Iyo, Kagurangnan, si Samuel talagang nagpropesiya na uyon sa saimong mga tataramon, asin sinda gabos nagkatotoo.

11 Asin si Jesus nagsabi sa sainda: Paanong mangyari na kamo dae naisurat an mga bagay na ini, na kadakul na mga banal nagbarangon na asin nagpahiriling na sa kadaklan asin nagparatukdo sa sainda?

12 Asin ini nangyaring naglipas na si Nephi nakapaggiromdom na ining mga bagay dae man naggad naisurat pa.

An Simbahan ni Jesukristo nin Mga Banal sa Huring-aldaw

548

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

13 Asin ini nangyaring naglipas na si Jesus nagsugo na an mga ini dapat na maisurat; kun kaya ini pinagsurat uyon sa saiyang pinagsugo.

14 Asin ngonian ini nangyaring naglipas na kan si Jesus nagpaliwanag sa gabos na mga kasuratan sa sararoon, na sa saindang pinagsurat, siya nagsugo sainda na dapat nindang ipagtukdo an mga bagay na saiyang pinagpaliwanag sa sainda.

3 NEPHI TSAPTER 24

An mensahero nin Kagurangnan an mag-aandam kan dalan para sa Ikaduwang Pag-abot--- Si Cristo magtutukaw sa paghuhukom--- An Israel pinagsusugo na magbayad nin ikapu asin mga dulot--- Sarong libro nin kagiriromdoman an pinagtatago--- Ikumpara sa Malakias 3.

Asin ini nangyaring naglipas na siya nagsugo sainda na dapat nindang ipagsurat an mga tataramon na an Ama iyo an nagtao ki Malakias, na saiyang sasabihon sa sainda. Asin ini nangyaring naglipas na pagkatapos nindang maisurat siya nagpaliwanag sainda. Asin iyo ini an mga tataramon na saiyang pinagsabi sa sainda, na nagsasabi: Kaya nagsabi an Ama ki Malakias--- Hilnga, Ako magpapadara kan sakuyang mensahero, asin siya an mag-aandam nin dalan sa atubangan ko, asin an Kagurangnan na saindong ikinakaogma; hilnga, siya maabot, an sabi nin Kagurangnan nin mga Hukbo.

2 Pero siisay daw an makakatagal sa aldaw kan saiyang pag-aabot, asin siisay an makakatindog sa panahon na siya magpapahiling? Nin huli ta siya siring sa sarong kalayo nin parasara, asin arog kan sabon nin paralaba.

3 Asin siya magtutukaw bilang sarong parasara asin parahugas nin plata; asin siya an maglilinig sa mga akeng lalake ni Levi, asin magpurga sainda arog sa bulawan asin plata, na tanganing sinda magdudulot sa Kagurangnan kan dulot nin pagkamatanos.

4 Asin pagkatapos an dulot kan Judah asin Jerusalem magigin makakapagpa-ogma sa Kagurangnan, arog sa mga aldaw nin nakaagi na, asin arog sa mga nakalipas na mga taon.

5 Asin ako magdudulok paharani saindo sa paghuhukom; asin Ako an magigin hidaling testigo kontra sa mga para kaluwag, asin kontra sa mga parapaki-apid, asin kontra sa mga palsong parapasumpa, asin kontra saindo na nanlalamang sa trabahador kan saiyang suweldo, sa balo asin sa mga elo sa ama, asin sainda na nag-itsa-puwera nin estranghero, asin daeng pagkatakot sakuya, sabi nin Kagurangnan nin mga hukbo.

6 Nin huli ta Ako an Kagurangnan, Ako dae nagbabago; kun kaya kamong mga akeng lalake ni Jacob dae napahamak.

7 Magin kaidto sa mga aldaw kan saindong mga ama kamo nagharayo gikan sa sakuyang mga ordinansa, asin dae nagsunod sa mga ini. Magbaralik sa sakuya asin Ako magbabalik sa saindo, sabi nin Kagurangnan nin mga Hukbo. Pero kamo nagsabi: Saen baya kami mabaralik?

8 Makakahabon daw an sarong tawo sa Diyos? Alagad kamo naghabon sako. Pero kamo nagsabi: Saen baya kami nanghabon saimo? Sa mga ikapu asin mga dulot.

An Simbahan ni Jesukristo nin Mga Banal sa Huring-aldaw

549

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 9 Kamo pinagsumpa nin sarong sumpa, nin huli ta kamo nanghabon sakuya, magin ining bilog na nasyon.
- 10 Darahon nindo an gabos na mga ikapu sa laog kan kamalig, na tanganing magkakaigwa nin laman an sakuyang harong; asin probaran Ako magpoon ngonian, sabi nin Kagurangnan nin mga Hukbo, kun dae ko bubukasan saindo an mga bintana nin kalangitan, asin pagpabuluson sa saindo an sarong bendisyon na tanganing kamo dae magkakaigwa nin kuwarto na makahusto sa pagresibe kaini.
- 11 Asin Ako magsasaway sa maninila para sa saindong mga karahayan, asin siya dae mandedestroso samga prutas kan saindong daga; ni an saindong mga baging mamumunga bago pa man an tamang panahon nin kaomahan, sabi nin Kagurangnan nin mga Hukbo.
- 12 Asin an gabos na nasyon mag-aapud saindo na paladan, nin huli ta kamo magigin sarong marahayong kadagaan, sabi nin Kagurangnan nin mga Hukbo.
- 13 An saindong mga tataramon nagin patumang laban sakuya, sabi nin Kagurangnan. Alagad kamo nagsasabi: Ano baya an samuyang nasabi kontra saimo?
- 14 Kamo nagsabi: Ini sarong kasayangan an magsirbe sa Diyos, asin ano baya an kapakinabangan kaini na kita magsunod kan saiyang mga ordinansa asin baya kita naglakaw sa kapanoan nin pagkamundo sa atubangan nin Kagurangnan nin mga Hukbo?
- 15 Asin ngonian satuyang pinag-aapud an mapang-abaw-abaw na maorogma, iyo, sind na naggigibo nin karigsokan naipamugtak na; iyo, sinda na nagtentar sa Diyos nailigtas baya.
- 16 Pagkatapos sinda na tarakot sa Kagurangnan minsan nagtaram sa lambang saro, asin an Kagurangnan nagdadangog asin nagdangog; asin an sarong libro nin pagiromdom naisurat sa atubangan niya para sainda na natatakot sa Kagurangnan, asin nag-iisip sa saiyang pangaran.
- 17 Asin sinda magigin sakuya, sabi nin Kagurangnan nin mga Hukbo, sa aldaw na iyan na Ako mahimo kan sakuyang mga alahas, asin Ako an magliligtas sainda siring sa sarong tawo na nagligtas sa saiyang sadireng akeng lalake na naglilingkod saiya.
- 18 Pagkatapos siya magbabalik asin magmamasid sa tahaw kan matatanos asin kan marigsok, sa tahaw ninda na naglilingkod sa Diyos asin siya na nagsisirbe saiya.

3 NEPHI TSAPTER 25

Sa ikaduwang pagbabalik an mapang-abaw-abaw asin maririgsok pagsusuruloon bilang panggatong--- Si Elijah magbabalik bago pa man an dakulaon asin makangorongirhat na aldaw--- Ikumpara sa Malakias 4.

Nin huli ta hilnga, an aldaw maabot na magsusulo na arog nin sarong pogon; asin an gabos na mapang-abaw-abaw, iyo, asin an gabos na naggigibo nin maririgsok, magigin panggatong; asin an aldaw na mag-aabot iyo an magsusulo sa sainda, sabi nin

An Simbahan ni Jesukristo nin Mga Banal sa Huring-aldaw 550
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Kagurangnan nin mga Hukbo, na ini magwawalat sainda na mayo maski ugat ni sanga.
2 Pero sa saindo na natatakot sa sakuyang pangaran, na an Ake nin Pagkamatanos mabubuhay na igwang kaomayan sa saiyang mga pakpak; asin kamo magpapadagos sa pagduman asin magtatalubo arog kan mga guya sa kuwadra.
3 Asin saindong pagtitimak-timakan an maririgsok; nin huli ta sinda magigin mga abo sa irarom kan mga suwelas kan saindong mga bitis sa aldaw na Ako maggigibo kaini, sabi nin Kagurangnan nin mga Hukbo.
4 Giromdoma baya nindo an ley ni Moises, an sakuyang surugoon, na sakuyang pinagsugo saiya sa Horeb para sa bilog na Israel, na igwang mga ley asin mga paghuhukom.
5 Hilnga, Ako magpapadara saindo ki Elijah an propeta bago mag-abot kan dakulaon asin makangorongirhat na aldaw nin Kagurangnan;
6 Asin saiyang pabalik an puso kan mga ama sa mga kaakian, asin an puso kan mga kaakian sa saindang mga ama, ta baka Ako mag-abot asin hampakon an kinaban nin sarong sumpa.

3 NEPHI TSAPTER 26

Si Jesus nagpaliwanag kan gabos na mga bagay magpoon sa kapinonan sagkod sa katapusan--- An mga umboy asin mga kaakian nagtataram nin mga makangangalason na bagay na dae maisusurat--- Sinda na yaon sa Simbahan ni Cristo igwa kan gabos na mga bagay na pantay-pantay sa pag-iriba ninda.

Asin ngonian ini nangyaring naglipas na kan si Jesus nagsabi kaining mga bagay saiyang pinagpaliwanag an mga ini sa kadaklan; asin saiyang pinagpaliwanag an gabos na mga bagay sa sainda, pareho an darakula asin saradit.

2 Asin siya nagsabi: Ining mga kasuratan, na kamo mayo pa kaini saindo, an Ama nagsugo na sakuyang ipagtatao sa saindo; nin huli ta ini kadunungan saiya na an mga ini dapat na itao sa maabot na mga henerasyon.

3 Asin saiyang pinagpaliwanag an gabos na mga bagay, magin magpoon pa sa kapinunan sagkod sa panahon na siya maabot sa saiyang kamurawayan--- iyo, magin an gabos na mga bagay na maabot sa lalawgon kan kinaban, magin sagkod sa mga elemento na natutunaw sa grabe na gayong init, asin an kinaban paglulukuton arog sa sarong rolyo, asin an mga kalangitan asin kinaban dapat na malipas man;

4 Asin magin sagkod sa dakulaon asin huring aldaw, kasoarin na an gabos na mga katawohan, asin an gabos na mga lahi, asin gabos na mga nasyon asin mga dila magtitindog sa atubangan nin Diyos, tanganing paghuhusgaran kan saindang mga gibo, na kun baya sinda marhay o baya sinda mararaot---

5 Kun sinda magin marhay, mapasiring sa pagkabuhay-liwat sa daeng katapusang buhay; asin kun sinda magin maraot, mapasiring sa pagkabuhay-liwat na kapahamakan, bilang magka-agapay, an sarong lado asin an sarong balyong lado, uyon sa pagkaherak, asin kan hustisya, asin kan kabanalan na yaon ki Cristo, na iyo kaidto bago pa an kinaban

An Simbahan ni Jesukristo nin Mga Banal sa Huring-aldaw

551

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nagpoon.

6 Asin ngonian dae magkaigwa nin maisusurat sa librong ini magin an ikasanggatos na parte kan mga bagay na si Jesus tunay na itinukdo sa mga katawohan;

7 Pero hilnga an mga lamina ni Nephi naglalaman nin mas grabeng parte kan mga bagay na saiyang pinagtutukdo sa mga katawohan.

8 Asin ining mga bagay na sakuya nang naisurat na sarong menos na parte kan mga bagay na saiyang pinagtutukdo sa mga katawohan; asin ako an nagsurat sinda sa katuyuhan na sinda puwedeng madara giraray sa mga katawohang ini, gikan sa mga Hentil, uyon sa mga tataramon na si Jesus an nakapagtaram.

9 Asin sa panahon na sinda makapagresibe kaini, na ini kapakinabangan na sinda maenot ngona, sa pagsubok kan saindang pagtubod, asin kun ini mangyayari na sinda magtutubod sa mga bagay na ini saka na baya an mga darakulang bagay maggigibong maipapahiling sa sinda.

10 Asin kun ini mangyayari na sinda dae magtutubod sa mga bagay na ini, saka na baya an mga darakulang bagay pagtatagoon sinda, para sa saindang kapahamakan.

11 Hilnga, ako kuta na magpopoon na sa pagsurat sinda, an gabos ipag-uukit sa mga lamina ni Nephi, alagad an Kagurangnan pinagbawal ini, na nagsasabi: Ako an magsusubok sa pagtubod kan sakuyang mga katawohan.

12 Kun kaya ako, si Mormon, nagsurat sa mga bagay na pinagsusugo sakuya nin Kagurangnan. Asin ngonian ako, si Mormon, matapos na kan sakuyang mga tataramon, asin magpapadagos sa pagsusurat nin mga bagay na pinasusugo sakuya.

13 Kun kaya, ako nagmamawot na sinda dapat na makahiling na an Kagurangnan tunay na nagtutukdo sa mga katawohan, sa laog nin tulong aldaw; asin pagkatapos na siya nakapagpahiling na kan saiyang sadire sa sinda pirme, asin nagbabaak nin tinapay pirme, asin nagbebendisyon kaini, asin nagtatao kaini sa sinda.

14 Asin ini nangyaring naglipas na siya naggad nagtukdo asin nagmiministro sa mga kaarakian nin kadaklan na sinda pinagsasabi, asin saiyang pinagbuhian an saindang mga dila, asin sinda nagtararam sa saindang mga ama nin darakula asin makangangalason na mga bagay, magin mas darakulaon pa kesa sa saiyang ipinagpahayag sa mga katawohan; asin saiyang pinagbuhian an saindang mga dila na tanganing sinda makapagtaram na.

15 Asin ini nangyaring naglipas na pagkatapos na siya nagsakat na sa langit--- sa ikaduwang pagkakataon na siya nagpahiling kan saiyang sadire sa sinda, asin nagpaduman na sa Ama, pagkatapos na saiyang pina-omayan an gabos nindang mga sakit, asin kan saindang mga pilay, asin nagbukas nin mga mata kan saindang mga buta asin pinagdaglog an mga talenga nin mga bungog, asin magin naggibo nin gabos na manera nin pagbubulong sa pag-iriba ninda, asin nagbuhay-liwat nin sarong tawo gikan sa mga gadan, asin nagpahiling kan saiyang kapangyarihan sa sinda, asin nagsakat paduman sa Ama---

16 Hilnga, ini nangyaring naglipas na sa kinaagahan an kadaklan nagkatiripon-tipon kan saindang mga sadire na magkasararo, asin sinda pararehong nakahiling asin nakadangog kaining mga kaakian; iyo, magin an mga umboy nagbukas kan saindang mga nguso asin nagtararam nin makangangalason na mga bagay; asin an mga bagay na saindang pinagtatararam pinagpangalad na mayo sa arinman na tawo an magsururat sa mga ini.

17 Asin ini nangyaring naglipas na an mga desipulos na pinagpili ni Jesus nagpopoon na sa panahon na idto sa pagbunyag asin nagparatukdo nin kadakul na nagdudulok sa

sainda; asin habang kadakul an nagkaburunyagan sa pangaran ni Jesus iyo an nagkaparano nin Espiritu Santo.

18 Asin kadakul sinda an nakahiling asin nakadangog kan dae maisasabing mga bagay, na bakong ligal na pagsusuraton.

19 Asin sinda nagtukdo, asin nagparaministro sa lambang saro; asin sinda igwa nin gabos na bagay na pinagheheras-herasan ninda, an lambang tawo husto an padara, sa lambang saro.

20 Asin ini nangyaring naglipas na sinda naggigiribo kan gabos na mga bagay magin na si Jesus iyo an pinagsugo sainda.

21 Asin sinda na pinagbunyagan sa pangaran ni Jesus iyo an pinag-apud na simbahan ni Cristo.

3 NEPHI TSAPTER 27

Si Jesus nagsugo sainda na pag-aapudon an Simbahan sa saiyang pangaran--- An saiyang misyon asin sakripisyo sa pagbabayad-sala iyo an kabilugan kan saiyang ebanghelyo--- An mga tawo pinagsuong magsorolsol asin magpabunyang na tanganing sinda pakabalanon kan Espiritu Santo--- Sinda iyo na magigin arog ki Jesus.

Asin ini nangyaring naglipas na bilang mga desipulos ni Jesus nagraralakawan asin nagpapabaralangibog nin mga bagay na saindangpararehong nagkadarangog asin nagkahiriling, asin nagparabunyang sa pangaran ni Jesus, ini nangyaring naglipas na an mga desipulos nagkatiripon-tipon na magkasararo asin sararo sa makusog na pagpangadye asin pag-aayuno.

2 Asin si Jesus giraray nagpahiling kan saiyang sadire sa sainda, nin huli ta sinda nagpaparangadye sa Ama sa pangaran niya; asin si Jesus nag-abot asin nagtindog sa katahawan ninda, asin nagsabi sa sainda: Ano an gusto nindo na sakuyang itatao sa saindo?

3 Asin sinda nagsabi sa saiya: Kagurangnan, samuya pong kagustuhan na saimong sabihon samuya an pangaran na samuyang ipag-aapod kaining simbahan; nin huli ta nagkaigwa nin pag-iiriwal-iwal sa pag-iriba nin mga tawo manunungod sa bagay na ini.

4 Asin an Kagurangnan nagsabi sa sainda: Katotoohan, katotoohan, Ako nagsasabi sa saindo, tadaw baya ta an mga katawohan nagngungurob-ngurob asin nag-iiriwal-iwal nin huli sana sa bagay na ini?

5 Dae daw ninda nagkabarasa an mga kasuratan, na nagsasabi na kaipong pagdadarahon sa sadire nindo an pangaran ni Cristo, na iyo an pangaran ko? Nin huli ta sa paagi kan pangaran na ini kamo pag-aapudon sa huring aldaw;

6 Asin an siisay man an nagdadara sa sadire niya kan sakuyang pangaran, asin magtagal hanggan sa katapusan, siya maliligtas sa huring aldaw.

7 Kun kaya, an anuman na saindong gigibohon, saindong gigibohon an mga ini sa sakuyang pangaran; kun kaya saindong pag-aapudon an simbahan sa sakuyang pangaran; asin kamo mag-aapod sa Ama sa sakuyang pangaran na tanganing saiyang

An Simbahan ni Jesukristo nin Mga Banal sa Huring-aldaw

553

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pagbebendisyunan an simbahan nin huli sa sakuyang karahayan.

8 Asin paano baya ini magigin sakuyang simbahan laen lang kun ini pag-aapudon sa sakuyang pangaran? Nin huli ta kun an simbahan pag-aapudon sa pangaran ni Moises kun kaya ini simbahan ni Moises; o kun ini pag-aapudon sa pangaran nin sarong tawo kun kaya ini pag-aapudon na simbahan kan tawong iyan; alagad kun ini pag-aapudon sa sakuyang pangaran kun kaya ini iyo an sakuyang simbahan, kun an mga ini pinagtugdok para sa sakuyang ebanghelyo.

9 Katotoohan Ako nagsasabi sa saindo, na kamo pinagtugdas para sa sakuyang ebanghelyo; kun kaya kamo mag-aapod sa anuman na mga bagay na saindong pag-aapudon, sa sakuyang pangaran; kun kaya kun kamo mag-aapod sa Ama, para sa simbahan, kun ini baya sa sakuyang pangaran an Ama magdadangog saindo;

10 Asin kun ini baya na an simbahan pinagtugdok sa sakuyang ebanghelyo kaya an Ama magpapahiling kan saiyang sadireng mga trabaho sa laog kaini.

11 Pero kun ini dae pinagtugdas sa sakuyang ebanghelyo, asin pinagtugdas para sa mga gibo nin mga tawo, o para sa mga gibo kan diyablo, katotoohan Ako nagsasabi sa saindo sinda magkakaigwa nin kaogmahan sa saindang mga bigo para sa laog nin sarong panahon, asin sa dae mahaloy an katapusan maabot, asin sinda pagpapaludon asin ipagtatapok pasiring sa kalayo, na kun saen duman mayo nang balikan.

12 Nin huli ta an saindang mga gibo magsusunod sainda, nin huli ta sa kadahilanan kan saindang mga gibo na kaya sinda pagpaparuludon; kun kaya giromdoma an mga bagay na sakuyang pinagsasabi saindo.

13 Hilnga Ako nagtao sa saindo kan sakuyang ebanghelyo, asin ini iyo an ebanghelyo na sakuya nang pinagtao sa saindo--- na Ako nag-abot sa kinaban tanganing gibohon an kagustuhan kan sakuyang Ama, nin huli ta an sakuyang Ama an nagpadara sakuya.

14 Asin an sakuyang Ama an nagpadara sakuya na tanganing Ako ibibitay sa krus; asin pagkatapos na pinagbitay sa krus, na tanganing Ako makapagdara nin gabos na mga tawo sa sakuya, na habang Ako pinagbitay kan mga tawo magin iyo pa man dapat lang na an mga tawo ipagpaitaas kan Ama, na tanganing magtindog sa atubangan, tanganing paghuhukuman kan saindang mga nagkaginibohan, magin an mga ini marhay o magin an mga ini maraot---

15 Asin nin huli kaining dahilan kaya Ako pinagpaitaas, kun kaya, uyon sa kapangyarihan kan Ama Ako magdadara nin gabos na mga tawo sa sakuya, na tanganing sinda puwedeng paghuhukuman uyon sa saindang mga nagkaginibohan.

16 Asin ini mangyayaring maglipas, na an siisay man na nagsosolsol asin binunyagan sa sakuyang pangaran mapapano; asin kun siya makapagtagal hanggan katapusan, hilnga, siya iyo an sakuyang pangangaputan na mayong kasalanan sa atubangan kan sakuyaang Ama sa aldaw na iyan kun noarin na Ako baya magtitindog tanganing maghukom sa kinaban.

17 Asin siya na dae makakatagal hanggan sa katapusan, pareho man sana siya na pinagpalod man asin pinagtapok pasiring sa kalayo, kun saen sinda dae na naggad makakabalik pa, nin huli sa hustisya kan Ama.

18 Asin iyo ini an tataramon na saiyang pinagtao sa mga kaakian nin mga tawo. Asin nin huli sa dahilan na ini saiyang pinag-utob an mga tataramon na saiyang pinagtao, asin siya dae nagpuputik, alagad pinag-utob an gabos niyang mga tataramon.

19 Asin mayo nin bakong malinig na bagay na makakalaog pasiring sa saiyang kahadean;

An Simbahan ni Jesukristo nin Mga Banal sa Huring-aldaw

554

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kun kaya mayong makakalaog pasiring sa saiyang kapahingaloan laen lang kun ini sinda iyo an nakapaghugas na kan saindang kabadoan sa sakuyang dugo, nin huli kan saindang pagtubod, asin sa pagsosolsol kan gabos nindang mga kasalan, asin an saindang bilog na pagtubod hanggan sa katapusan.

20 Ngonian iyo ini an kasugoan: Magsolsol, gabos kamong mga katapusan kan kinaban, asin magdulok sa sakuya asin magpabunyag sa sakuyang pangaran, na tanganing kamo pakapabanalon sa paagi kan katabangan kan Espiritu Santo, na tanganing kamo puwedeng magtindog na mayong digta sa atubangan ko sa huring aldaw.

21 Katotoohan, katotoohan, Ako nagsasabi sa saindo, iyo ini an sakuyang ebanghelyo; asin kamo nakakaaram sa mga bagay na tanganing kamo maggigibo sa laog kan sakuyang simbahan; nin huli ta sa mga kaggibohan na saindong nahiling na sakuyang ginigibo iyo man an saindong gigibohon; nin huli kaining saindong mga nagkahiriling na sakuyang ginigibo magin iyo man an saindong gigibohon;

22 Kun kaya, kun kamo maggigibo kaining mga bagay paladan kamo, nin huli ta kamo ipagpapaitaas sa huring aldaw.

23 Isurat an mga bagay na saindong nagkahiriling asin nagkadarangog, laen lan idtong mga ipinagbabawal.

24 Isurat an mga gibo kaining mga katawohan, na iyo an mangyayari, magin kaidto pa na nagkasururat na, kan mga kaidtong nangyari na.

25 Nin huli ta hilnga, gikan sa mga libro na pinagsurat na kaidto pa, asin an mga ining susuraton pa sana, ining mga katawohan sinda paghuhukuman, nin huli sa sainda an saindang mga nagkaginiribohan magkakabarantog sa mga katawohan.

26 Asin hilnga, an gabos na mga bagay pinagsururat sa paagi ni Ama; kun kaya gikan sa mga libro na pagsusuraton pa an kinaban paghuhukuman.

27 Asin kamo nakakaaram na kamo an magigin mga huwes kaining mga katawohan, na uyon sa paghuhukom na sakuyang itatao sa saindo, na magigin husto. Kun kaya, ano bayang manera nin mga tawo na kamo na dapat magigin iyo? Katotoohan Ako nagsasabi sa saindo, magin arog sa sakuya.

28 Asin ngonian Ako mapaduman sa Ama. Asin katotoohan Ako nagsasabi sa saindo, an anuman na mga bagay na saindong hahagadon sa Ama sa sakuyang pangaran itatao sa saindo.

29 Kun kaya, maghagad, asin kamo pagtataw-an; magtuktok, asin ini pagbubukasan sa saindo; nin huli ta siya na naghahanap, nakakaresibe; asin sa saiya na nagtutuktok, ini pagbubukasan.

30 Asin ngonian, hilnga, an sakuyang kaogmahan dakulaon, magin sa kapanoan, nin huli saindo, asin man sa henerasyong ini; iyo, asin magin an Ama nag-oogma, asin man an gabos na banal na mga anghel, nin huli saindo asin sa henerasyon na ini; nin huli ta mayo sainda an nawara.

31 Hilnga, Ako nagugustong kamo dapat na makakasabot; nin huli ta ipinapasabot ko sainda na ngonian nabubuhay na henerasyon; asin mayo sainda an nawara; asin sa sainda Ako igwa nin kapanoan nin kaogmahan.

32 Pero hilnga, ini ikinakamundo ko nin huli kan ika apat na henerasyon na gikan kaining henerasyon, nin huli ta sinda nadarang sakop niya na arog sa akeng lalake nin perdisyon; nin huli ta sainda akong ipagpapabakal para sa plata asin para sa bulawan, asin para sa mga bagay na inaalamag na nakaka-koraptu asin kun saen an mga parahabon puwedeng

makalusot na makalaog asin manhabon. Asin sa aldar na iyan Ako mabisita sainda, magin sagkod na ipabalik an saindang mga kaggibohan sa sainda man sanang sadireng mga payo.

33 Asin ini nangyaring naglipas na kan si Jesus nagtapos na kaining mga tataramon siya nagsabi pa sa saiyang mga desipulos: Maglaog kamo sa makipot na pintuan; nin huli ta malapadon an pintuan, asin hayakpit an dalan na pasiring sa buhay, asin kakadikit an yaon na nakanagbo kaini; pero malawak an pintuan, asin mahiwas an dalan na pasiring sa kagadanan, asin kadakul an yaon na nagbiyahe paduman, sagkod an banggi nag-abot, na kun saen mayong tawo an makakatrabaho.

3 NEPHI TSAPTER 28

Siyam kan dose nagmawot asinpinagpromisahan nin kamanahan sa kahadean ni Cristo sa panahon na sinda magadan--- An tulong Nephita nagmawot asin tinawanan nin kapangyarihan na mangibabaw sa kagadanan na tanganing mapawalat sa kinaban sagkod na si Jesus magbalik giraray--- Sinda pinagtranslado asin makakahiling nin mga bagay na bakong maninigo nag pagtaramon, asin sinda ngonian nagmiministeryo sa pag-iriba nin mga tawo.

Asin ini nangyaring naglipas na kan si Jesus nakapagsabi na kaining mga tataramon, siya nagtaram sa saiyang mga desipulos, saro-saro, na nagsasabi sa sainda: Ano baya ining saindong pinagmamawot hale sakuya, pagkatapos na Ako mapaduman sa Ama?

2 Asin sinda gabos nagsabi, laen lang sa tulo, na nagsasabi: Kami nagmamawot na pagkatapos na kami mamuhay sagkod sa edad nin tawo, na an samuyang ministeryo, kun saen saimong pinag-apod kami, na igwang katapusan, na kami hidalion na makaduman sa saimo sa saimong kahadean.

3 Asin siya nagsabi sa sainda: Paladan kamo nin huli ta kamo nagmamawot kaining mga bagay sa sakuya; kun kaya, pagkatapos na kamo sitenta asin duwang taon na an edad kamo magpapaduman pasiring sakuya sa sakuyang kahadean; asin sa kaibahan ko kamo makakanagbo nin kapahingaloan.

4 Asin kan siya nakapagtaram na sa sainda, siya nagbaling kan saiyang sadire sa tulo, asin nagsabi sa sainda: Ano baya an pinagmamawot nindo na sakuyang gigibohon para saindo, sa panahon na Ako mapaduman na sa Ama?

5 Asin sinda nagmundo sa saindang mga puso, nin huli ta dae ninda maitaram sa saiya an bagay na saindang pinagmamawot.

6 Asin siya nagsabi sa sainda: Hilnga, Ako nakakaaram kan saindong mga kaisipan, asin kamo namamawot kan bagay na si Juan, an sakuyang namumutan, na kaiba ko sa sakuyang ministeryo, bago pa man Ako pinagbitay kan mga Judio na nagmamawot sako.

7 Kun kaya, mas paladan kamo, nin huli ta kamo dae naggad makakanamit nin kagadanan; alagad kamo mabubuhay tanganing maghiling kan gabos na mga ginigibo kan Ama sa mga kaakian nin mga tawo, magin sagkod na an gabos na mga bagay mautob na uyon sa kagustuhan kan Ama, sa panahon na Ako maabot sa sakuyang kamurawayan

An Simbahan ni Jesukristo nin Mga Banal sa Huring-aldaw 556
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na may mga kapangyarihan nin langit.

8 Asin kamo dae naggad magtatagal sa mga kakulugan nin kagadanan; pero sa panahon na Ako mag-abot sa sakuyang kamurawayan kamo magkakabarag-o sa kislap nin sarong mata gikan sa mortalidad pasiring sa immortalidad; asin pagkasunod kamo magigin paladan sa kahadean kan sakuyang Ama.

9 Asin giraray, kamo dae naggad makakamit nin kulog habang kao namumuhay pa sa laman, ni kamondoan laen lang kun ini para sa mga kasalan nin kinaban; asin an gabos na ini gigibohon ko nin huli sa bagay na saindong pinagmamawot gikan sakuya, nin huli ta kamo nagmawot na kamo makapagdara pa nin mga kalag nin mga tawo sa sakuya, habang an kinaban nagtitindog pa.

10 Asin nin huli kaining dahilan kamo magkakaigwa nin kapanoan nin kaogmahan; asin kamo magtutukaw sa kahadean kan sakuyang Ama; iyo, an saindong kaogmahan magigin pano, magin arog na an Ama ipinagtao sakuya an kapanoan nin kaogmahan; asin kamo magigin arog ko man, asin Ako magin arog sa Ama; asin an Ama asin Ako sarong;

11 Asin an Espiritu Santo an magpapatotoo sa rekord kan Ama asin sako; asin an Ama nagtao nin Espiritu Santo sa mga kaakian nin mga tawo, nin huli sana sakuya.

12 Asin ini nangyaring naglipas na kan si Jesus nakapagtaram na kaining mga tataramon, siya pinagdudot an lambang sarong sainda kan saiyang muro laen lang sa tulo na magpapawalat, asin pagkatapos siya naghale na.

13 Asin hilnga, an mga kalangitan nagbukas, asin sinda nagputitok pasiring sa langit, asin nakahiling asin nakadangog kan dae maitataram na mga bagay.

14 Asin ini pinagbawal sainda na saindang ipagtaram; ni ini pinagtao sainda an kapangyarihan na sinda makapagtaram kan mga bagay na saindang nahiling asin nadangog;

15 Asin kun arin man na sinda yaon sa hawak o luwas kan hawak, sinda dae makapagsabi; nin huli ta garo baga para sainda sarong transfigurasyon ninda, na tanganing sinda nagkabag-o kan saindang hawak na laman na nagin yaon sa estado nin immortalidad, na tanganing sinda makapaghiling nin mga bagay nin Diyos.

16 Pero ini nangyaring naglipas na sinda giraray nagministro sa lalawgon kan kinaban; daeng pagkukulang na sinda namiministro nin mga bagay na saindang nagkadarangog asin nagkahiriling, nin huli sa kasugoan na ipinagtao sa sainda nin langit.

17 Asin ngonian, kun arin man na sinda mortal o immortal, magpoon sa aldaw kan saindang transfigurasyon, ako daeng pagkaaram;

18 Pero iyo ining gayo an sakuyang naaaraman, uyon sa rekord na ipinagtao na--- soinda nagduruman sa lalawgon nin kadagaan, asin nagmiministro sa gabos na mga katawohan, pinagkasararo an kadakul sa simbahan habang nagtutubod sa saindang mga pagbabalangibog; nagburunyang sainda, asin habang kadakul an nagkaburunyang nakaresibe nin Espiritu Santo.

19 Asin sinda pinagkunkon sa laog nin prisohan ninda na bakong kabale sa simbahan. Asin an mga prisohan dae nakapagpugol sa sainda, nin huli ta sinda nagkaburungkag sa duwa.

20 Asin sinda pinag-apon sa irarom nin daga; pero saindang pinaghampak an daga kan tataramon nin Diyos, na tangani baya na sa paagi kan saiyang kapangyarihan sinda nagkariligtas paluwas sa mga kairaroman nin daga; asin kun kaya sinda dae makapagkalot nin hararom na kalat para makusog na makapagmugol sainda.

- 21 Asin tulong beses na sinda pinagtulak palaog sa sarong pugon asin dae nakaresibe nin kakulugan.
- 22 Asin duwang beses na sinda pinagtapsok sa laog nin sarong estaran kan mga mabangison na hayop; asin hilnga sinda nakipagkawat sa mga mabangison na hayop arog kan sarong ake na igwang pasusuhon na karnero, asin dae nakaresibe nin kakulugan.
- 23 Asin ini nangyaring naglipas na kaya sinda nagpaduman sa pag-iriba kan gabos na mga katawohan ni Nephi, asin nagbalangibog nin ebanghelyo ni Cristo sa gabos na mga katawohan sa lalawgon nin kadagaan; asin sinda nagkabarag-o para sa Kagurangnan, asin nakusumaro sa simbahan ni Cristo, asin an mga katawohan kaining henerasyon pinagbendisyunan, uyon sa mga tataramon ni Jesus.
- 24 Asin ngonian ako, si Mormon, naghimong matapos kan pagtaram manungod kaining mga bagay sa laog nin sarong panahon.
- 25 Hilnga, ako kuta na magpopoon na kan pagsurat sa mga pangaran ninda na dae makakanamit nin kagadanan, pero an Kagurangnan an nagbawal; kun kaya ako dae nagsurat sainda, nin huli ta sinda pinagtao gikan sa kinaban.
- 26 Pero hilnga, ako nakahiling sainda, asin sinda an nagministeryo sa sakuya.
- 27 Asin hilnga sinda magigin kairiba nin mga Hentil, asin an mga Hentil dae makakabisto sainda.
- 28 Sinda man magigin kairiba nin mga Judio, asin an mga Judio dae makakabisto sainda.
- 29 Asin ini mangyayaring malipas, sa panahon na an Kagurangnan mahiling nin tama sa saiyang kadunungan na sinda magministeryo sa gabos na nagkawaratak-watak na mga tribu nin Israel, asin sa gabos na mga nasyon, lahi, mga dila asin mga katawohan, asin magdadara gikan sa pag-iriba ninda pasiring ki Jesus nin kadakul na mga kalag, na tangani baya na an saindang pinagmamawot mauutob, asin nin huli man sa kapangyarihan nin pagkumbinsi nin Diyos na yaon sa sainda.
- 30 Asin sinda nagin arog sa mga anghel nin Diyos, asin kun sinda magpapangadye sa Ama sa pangaran ni Jesus sinda puwedeng makapahiling kan saindang mga sadire nin anuman na tawo kun ini maninigong marhay sainda.
- 31 Kun kaya, darakula asin makangangalas na mga gibo na maipapahiling ninda, bago pa man an dakula asin paabuton na aldaw kun noarin na an gabos na mga katawohan kaipuhan na seguradong matindog sa atubangan nin tukawan nin paghuhukom ni Cristo;
- 32 Iyo magin sa pag-iriba nin mga Hentil magkakaigwa nin sarong dakulaon asin makangangalas na gibo na maipapahiling ninda, bago pa man kaining kaaldawan nin paghuhukom.
- 33 Asin kun kamo igwa nin gabos na mga kasuratan na nagtatao nin sarong rekord kan gabos na makangangalas na mga gibo ni Cristo, saindong maaaraman, uyon sa mga tataramon ni Cristo, na an mga bagay na ini kaipuhan na seguradong mag-abot.
- 34 Asin heram man saiya na habong magdangog sa mga tataramon ni Jesus, asin man sa sainda na saiyang pinagpili asin pinadara sa pag-iriba ninda; nin hui ta kun an siisay man na dae nagresibe kan mga tataramon ni Jesus asin sa mga tataramon ninda na saiyang pinagpadara habong resibihon niya; asin kun kaya siya dae maresibe sainda sa huring aldaw;
- 35 Asin ini magin mas marhay para sainda kun sinda dae na iminundag. Nin huli ta bako daw na isipon mo na kamo mag-iwas sa hustisya nin sarong nakulugan na Diyos, na pinagtimak-timakan sa irarom kan mga bitis nin mga tawo, na tangani baya an kaligtasan

puwedeng mag-abot?

36 Asin ngonian hilnga, habang ako nagtataram manungod sainda na an Kagurangnan an nagpili, iyo, magin an tulo na pinagdara pasiring sa mga kalangitan, na ako daeng pagkaaram kun baya sinda pinaglinigan gikan sa mortalidad pasiring sa imortalidad---

37 Pero hilnga, magpoon na ako magsurat, ako naghapot sa Kagurangnan, asin saiyang pinaghimo ining maipahiling sako na dapat lang na kaipuhan na mangyari an sarong pagbabago sa saindang mga hawak, ta kun bako ini nangangaipo mangyari na sinda makanamit nin kagadanan;

38 Kun kaya, tanganing sinda dae makanamit nin kagadanan nagkaigwa nin sarong pagbabago na mangyari sa saindang mga hawak, na tanganing dae sinda makamate nin kulog ni kamondoan laen lang kun ini para sa mga kasalan nin kinaban.

39 Ngonian ining pagbabago bakong kapareho sa pagbabago na mangyayari sa huring aldaw; pero nagkaigwa nin sarong pagbabago na nangyari sa sainda, na tangani baya na si Satanas dae magkaigwa nin kapangyarihan na makapangibabaw sainda, na tanganing siya dae makapagtentar sainda; asin sinda pinagpabanal sa laman, na tanganing sinda nagin banal, asin ta an mga kapangyarihan kan kinaban dae na makakapamugol sainda.

40 Asin sa arog kaining kamugtakan sinda magigin iyo man giraray sagkod sa aldaw nin paghuhukom ni Cristo; asin sa aldaw na iyan sinda makakapagresibe nin sarong pang dakulaon na pagbabago, asin tatanggapon sa laog nin kahadean kan Ama na tanganing dae na naggad magluluwas pa, kundi mag-eerok kaibahan an Diyos nin daeng kasagkoran sa mga kalangitan.

3 NEPHI TSAPTER 29

An pagluwas kan Libro ni Mormon iyo an sarong senyal na an Kagurangnan nagpoon na sa pagtitipon kan Israel asin sa pag-utob kan saiyang mga tipan--- Sinda na nagsisikwal kan saiyang panhuring aldaw na mga kapahayagan asin mga regalo pagsusumpaon.

Asin ngonian hilnga, ako nagsasabi sa saindo na sa panahon na an Kagurangnan mahihiling an tama, sa saiyang kadunungan, na tanganing ining mga sinasabi mag-aabot sa Hentil na uyon sa saiyang mga tataramon, pagkatapos saka na nindo magkakaararaman na an tipan na an Ama iyo an naghimo para sa kaarakian nin Israel, manunungod sa saindang restorasyon sa mga kadagaan na saindang kamanahan, nagpoon na baya na magka-urutob.

2 Asin saindong magkakaararaman na an mga tataramon nin Kagurangnan, na pinagparataram kan mga banal na propeta, na an gabos magkaka-urutob; asin kamo dae na kaipong magsabi na an Kagurangnan pinaghaloy an saiyang pag-abot para sa mga kaarakian nin Israel.

3 Asin kamo daeng paghohorop-horop sa saindong mga puso na an mga tataramon na pinagparataram na daeng kamugtakan, nin huli ta hilnga, an Kagurangnan makakagiromdom kan saiyang tipan na saiyang pinaghimo sa saiyang mga katawohan na

An Simbahan ni Jesukristo nin Mga Banal sa Huring-aldaw 559
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

yaon sa harong nin Israel.

4 Asin sa panahon na saindaong mahihiling an mga tataramon na ini na magluluwas sa pag-iriba nindo; kaya kamo dae na kaipuhan na gayong makapagsikwal sa mga pinaggigibo nin Kagurangnan, nin huli ta an espada kan saiyang hustisya yaon na sa saiyang toong kamot; asin hilnga, sa aldaw na iyan, kun saindong ipagsisikwal an saiyang mga pinaggigibo siya nagkakausa na ini sa dae mahaloy mangengenotan saindo.

5 Herak man saiya na nagsisikwal sa mga pinaggigibo nin Kagurangnan; iyo, herak man saiya na magsikwal ki Cristo asin sa saiyang mga gibo!

6 Iyo, herak man saiya na maninikwal sa mga kapahayagan nin Kagurangnan, asin na magsasabi na an Kagurangnan dae nang gayo naggigibo sa paagi nin kapahayagan, o sa paagi nin propesiya, o sa paagi nin mga regalo, o sa paagi nin mga dila, o sa paagi nin mga pagpapaomay, o sa paagi nin kapangyarihan kan Espiritu Santo!

7 Iyo, herak man saiya na magtataram sa aldaw na iyan, tanganing makakua nin gana, na dae nagkaigwa nin milagro na ipinahiling ni JesuCristo; nin huli ta siya na naggigibo kaini nagigin arog sa akeng lalake nin perdisyon, na para sainda daeng pagkaherak, na uyon sa tataramon ni Cristo!

8 Iyo, asin kamo dae nang gayo maghinhing, ni manikwalan, ni makakawat pa sa mga Judio, ni an arin man na katadaan kan harong nin Israel; nin huli ta hilnga, an Kagurangnan nakakagiromdom kan saiyang tipan sa saindo, asin siya maggigibo sa sainda na uyon sa bagay na saiyang pinanumpa.

9 Kun kaya kamo dae maghuna na saindong makayang pagribayan an toong kamot nin Kagurangnan na mapasiring sa wala, na tanganing siya dae na makapagpasunod nin paghuhukom sa pag-uutob kan tipan na saiyang pinaghimo sa laog kan harong nin Israel.

3 NEPHI TSAPTER 30

An mga Hentil kan huring aldaw pinagsusugo na magsolsol asin magdulok ki Cristo asin magin kabilang sa laog kan harong nin Israel.

Magdarangog, O kamong mga Hentil, asin dangoga an mga tataramon ni JesuCristo, an Ake nin buhay na Diyos, na saiyang pinagsusugo sako na dapat akong magtaram manungod saindo, nin huli ta, hilnga siya nagsugo sakuya na ako dapat na magsurat, na magsasabi:

2 Magrayo, gabos kamo na mga Hentil, gikan sa saindong mararaot na mga dalan; asin magsolsol kan saindong mga daendatang mga gibo, kan saindong mga pamumutik asin mga pandadaya, asin kan saindong mga prostitusyon, asin kan saindong mga sikretong mga abominasyon, asin kan saindong mga idolatriya, asin kan saindong mga panggagadan, asin kan saindong mga palsong kapadean, asin kan saindong mga pagkaara, asin kan saindong mga pag-iiriwal-iwal, asin gikan sa gabos nindong karumputan asin mga abominasyon, asin magdulok sa sakuya, asin magin bunyag sa sakuyang pangaran, na tanganing kamo makaresibe nin kapatawaran kan saindong mga

kasalan, asin magin pano nin Espiritu Santo, na tanganing kamo maibibilang sa sakuyang mga katawohan na yaon sa laog kan harong nin Israel.

IKAAPAT NA LIBRO NI NEPHI

AN LIBRO NI NEPHI

Na iyo an ake ni Nephi – sarong sa mga desipulos ni Jesu Cristo.

Sarong kasaysayan kan mga katawohan ni Nephi, uyon sa saiyang rekord.

An mga Nephita asin mga Lamanita gabos nagkabarag-o sa Simbahan ni Cristo--- Sinda igwa nin gabos na bagay na pinagkasararo, naggibo nin mga milagro, asin nag- arasenso sa kadagaan--- Pagkatapos nin duwang siglo mga pagkakabaranga, mga karaotan, mga palsong simbahan, asin mga persekusyon nangyari--- Pagkatapos nin tulong gatos na mga taon pareho na an mga Nephita asin an mga Lamanita nagin daendata--- Ammaron iyo an nagtago kan sagradong mga rekord.

Asin ini nangyaring naglipas na sa ika-trenta asin anom na taon, an nakaagi na, asin man an ika-trenta asin lima, asin hilnga an mga desipulos ni Jesus nagporma nin simbahan ni Cristo sa bilog na mga kadagaan na nakapalibot. Asin habang kadakul an nagdudulok sa sinda, asin sinda tunay na nagsosolsol kan saindang mga kasalan, pinagbunyagan sa pangaran ni Jesus; asin sinda man na pinagresibe an Banal na Espiritu.

2 Asin ini nangyaring naglipas na sa ika-trenta asin anom na taon, an mga katawohan nagkabarag-o para sa Kagurangan, sa bilog na lalawgon nin kadagaan, pareho sa mga Nephita asin mga Lamanita, asin dae nagkaigwa nin pag-iiriwal-iwal asin pagkokorontrahan sa pag-iriba ninda, asin an lambang tawo hustong nakikipagtusay sa lambang sarong.

3 Asin sinda nagkaigwa nin pagkapantay-pantay sa gabos na mga pag-iriba ninda; kun kaya mayong mayaman asin pobre, uripon o libre, pero sinda gabos hinimong libre, asin mga kaparte sa langitnon na regalo.

4 Asin ini nangyaring naglipas na sa ika-trenta asin pitong taon nag-agi man, asin nagkaigwa pa man giraray nin padagos na katuninongan sa kadagaan.

5 Asin nagkaigwa nin dakula asin makangangalas na mga gibo na ipinahiling kan mga desipulos ni Jesus, na tangani baya na sinda nakapagpaomay nin may kamatean, asin nakapagbuhay nin gadan, asin nagkausa na an pilay makalakaw, asin an buta makaresibe kan saindang panhiling, asin an bungog na makadangog; asin gabos na manera nin mga milagro an saindang pinaggigibo sa pag-iriba nin kaarakian nin mga tawo; asin mayo sindang ginibong mga milagro laen lang na ini sa pangaran ni Jesus.

6 Asin kaya an ika-trenta asin walong taon an naglipas, asin man an ika-trenta asin siyam, asin ika-kuwarenta asin enot, asin an ika-kuwarenta asin ikaduwa, iyo, magin sagkod sa

An Simbahan ni Jesukristo nin Mga Banal sa Huring-aldaw

561

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

ika-kuwarenta asin siyam na taon an naglipas, asin man an ika-singkuwenta asin enot, asin an ika-singkuwenta asin duwa; iyo, asin magin sagkod sa ika-singkuwenta asin siyam na taon an naglipas.

7 Asin an Kagurangnan pinagpa-asenso sindang gayo sa kadagaan; iyo, na tangani baya na sinda nagturugdok nin mga siyudad giraray kun saen nagkaigwa kaidto nin mga siyudad na nagkasurulo.

8 Iyo, magin idtong bantog na siyudad nin Zarahemla na saindang pinagkausang maitugdok giraray.

9 Pero igwang kadakul na mga siyudad na nagkarulubog, asin mga tubig an nagribay kaini; kun kaya an mga siyudad na ini dae nanggad maikabalik na.

10 Asin ngonian, hilnga, ini nangyaring naglipas na an mga katawohan kan Nephi nagin makusugon, asin mabilison na nagdakul na gayo, asin nagin sarong mahusayon asin magayunon na mga katawohan.

11 Asin sinda nag-aragoman, asin pinagtatao sa pag-aaragoman, asin pinagbendisyunan uyon sa kadakulaan nin mga promisa na an Kagurangnan mismo an naghimo sa sainda.

12 Asin sinda dae na naglakaw sa mga gibo asin ordinansa kan ley ni Moises; pero sinda naglalakaw sa mga kasugoan na saindang naresibe gikan sa saindang Kagurangnan asin saindang Diyos, nagpapadagos sa pag-ayuno asin pagpangadye, asin pirmeng nagtitiripon-tipon gabos sa pagpapangadye asin sa pagdangog kan tataramon nin Kagurangnan.

13 Asin ini nangyaring naglipas na daeng pag-iiriwal-iwal sa pag-iriba kan gabos na mga katawohan, sa bilog na kadagaan; pero nagkaigwa nin darakulang mga milagro na ipinahiling sa pag-iribang mga desipulos ni Jesus.

14 Asin ini nangyaring naglipas na sa ika-sitenta asin enot na taon an nakaagi na, asin man an ika-sitenta asin duwang taon, iyo, asin sa kasayunan, sagkod sa ika-sitenta asin siyam na taon an nakaagi na; iyo, magin sanggatos na taon an nakaagi, asin an mga desipulos ni Jesus, na saiyang nagkapirili, gabos nagduruman na sa paraiso nin Diyos, laen lang sa tulo na nagkawaralat; asin nagkaigwa nin iba pang mga desipulos na pinag-ordinahan na saindang karibay; asin man kadakul na sa henerasyon na idto an garadan na.

15 Asin ini nangyaring naglipas na dae nin pag-iiriwal-iwal sa kadagaan, nin huli sa pagkamoot sa Diyos na nag-eerok sa mga puso nin mga katawohan.

16 Asin dae nagkaigwa nin mga iringgitan, ni aranggutan, ni mga kariribokan, ni mga prostituta, ni mga urutikan, ni mga panggagadan, ni anuman na manera nin kalaswaan; asin seguradong dae na nangyari an sarong maogmahon na mga katawohan sa pag-iriba kan gabos na mga katawohan na pinaglalang kan kamot nin Diyos.

17 Daeng mga tulisan, ni mga paragadan, ni nagkaigwa nin mga Lamanita, ni anuman na manera nin mga –itas; kundi sinda nagkasararo, mga kaarakian ni Cristo, asin mga paramana sa kahadean nin Diyos.

18 Asin guranong gayo sinda pinagbendisyunan! Nin huli ta an Kagurangnan nagbendisyon sainda sa bilog nindang mga kaggibohan; iyo, magin sinda pinagbendisyunan asin pinagpa-asenso hanggan sa ika-sanggatos asin sampulong taon an nag-agi na; asin an enot na henerasyon gikan ki Cristo nagkaagi na, asin dae nagkaigwa nin pag-iiriwal-iwal sa bilog na kadagaan.

19 Asin ini nangyaring naglipas na si Nephi, siya na iyo an nagtago kaining huring mga rekord, (asin saiyang pinagtago ini kairiba an mga lamina ni Nephi) nagadan asin an

saiyang akeng lalake na si Amos iyo an nagtago karibay niya; asin saiya ining pinagtago kairiba an mga lamina ni Nephi man.

20 Asin saiya ining pinagtago otsenta asin apat na taon, asin igwa pa man nin katoninongan sa bilog na kadagaan, laen lang kaining saditon na parte kan mga katawohan na nagrebelde gikan sa simbahan asin pinagdara sa sadire ninda an pangaran kan mga Lamanita; kun kaya nagpoon na nagkaigwa naman nin mga Lamanita giraray sa kadagaan.

21 Asin ini nangyaring naglipas na si Amos nagadan man, (asin kaidto ika-sanggatos asin nobenta asin apat na taon gikan sa pag-abot ni Cristo) asin an saiyang akeng lalake na si Amos iyo an nagtago kaining mga lamina ni Nephi; asin ini man pinagsurat sa libro ni Nephi, na yaon sa librong ini.

22 Asin ini nangyaring naglipas na dos siyentos na taon an naglipas na; asin an ikaduwang henerasyon gabos naglipas na laen lang sa kadikit na tada.

23 Asin ngonian ako, si Mormon, nagmawot na kamo dapat na makaaram na an mga katawohan nagparadakol, na tangani baya sinda nagparakalat sa bilog na lalawgon nin kadagaan, asin na sinda nagin mayamanong gayo, nin huli sa saindang prosperidad ki Crsito.

24 Asin ngonian, ining ika-dos siyentos asin enot na taon nagkaigwa nin pagpopoon sa pag-iriba ninda na pinagpalangkaw sa kapaabaw-abawan, arog kan pagsusul-ot nin marahalon na bado, asin gabos na manera nin mapipinong perlas, asin kan mga mapinuhon na mga bagay nin kinaban.

25 Asin magpoon sa panahon na idto padagos na an saindang mga pagrugaring asin an saindang pagsaradire bako nang para sa gabos na pag-iriba ninda.

26 Asin sinda nagpoon na magkabaranga segun sa mga klase; asin sinda nagpoon na sa pagtugdok nin mga simbahan para sa saindang mga sadire tanganing kumita, asin nagpoon na sa pagsikwal sa tunay na simbahan ni Cristo.

27 Asin ini nangyaring naglipas na kan ika-dos siyentos asin sampulong taon an nakaagi na nagkaigwa nin kadakul-dakul na mga simbahan sa kadagaan; iyo, nagkaigwa nin kadakul na mga simbahan na nagpapabantog na bisto an Cristo, alagad saindang pinagsikwal an kadakul na parte kan saiyang ebanghelyo, na tanganin baya saindang naresibe pa an kadakul na manera nin karigsokan, asin naghimo kan bagay na sagrado sa saiya na sa sainda ini nanggad pinagbawal nin huli ta bakong maninigo.

28 Asin ining simbahan nagdakul nin grabeng gayo nin huli sa kadaendatahan, asin nin huli sa kapangyarihan ni Satanas na iyo an may pugol kan saindang mga puso.

29 Asin giraray, nagkaigwa pa nin sarong simbahan na nagsisikwal sa Cristo; asin saindang pinagpersiger an tunay na simbahan ni Cristo, nin huli kan saindang kapakumbabaan asin kan saindang pagtutubod ki Cristo; asin saindang kinaka-oongisan sinda nin huli sa kadakul na mga milagro na ipinagpahiling sa pag-iriba ninda.

30 Kun kaya sinda nag-ehersisyo nin kapangyarihan asin autoridad na mangibabaw sa mga desipulos ni Jesus na kairiba ninda, asin saindang pinagkunkon sinda sa prisohan; pero sa paagi nin kapangyarihan kan tataramon nin Diyos, na yaon sa sainda, an mga prisohan nagkabaraak sa duwa, asin sinda nagruluwas sa paggigibo kan mga darakulang milagro sa pag-iriba ninda.

31 Daeng pagkukulang, asin maski na ngani kaining kadakul na mga milagro, an mga katawohan nagpatagas kan saindang mga puso, asin nagmawot na garadanon sinda,

An Simbahan ni Jesukristo nin Mga Banal sa Huring-aldaw

563

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magin arog sa mga Judio sa Jerusalem na nagmawot na gadanon si Jesus, na uyon sa saiyang tataramon.

32 Asin saindang pinagtapok sinda sa nag-aagabaab na kalayo, asin sinda nakakaluwas na mayong kakundian.

33 Asin sainda man na pinagtapok sinda sa kuweba kan mga mababangis na hayop, asin sinda nakikawat sa mga mababangis na hayop na arog baga nin sarong ake sa sarong kordero; asin sinda nakaruluwas gikan sa pag-iriba ninda, na mayong kakundian.

34 Daeng pagkukulang, an mga katawohan nagpatagas kan saindang mga puso, nin huli ta sinda pinapangenotan nin kadakul na mga kapadean asin palsong mga propeta sa pagtugdok nin kadakul na mga simbahan, asin sa paggibo nin gabos na manera nin kadaendatahan. Asin saindang pinaghahampak an mga katawohan ni Jesus; pero an mga katawohan ni Jesus dae naghahampak sa pagbalos. Asin kaya sinda nagdikit sa daeng pagtubod asin karigsokan, sa taon-taon, magin sagkod sa duwang gatos asin treyntang taon an nakaagi na.

35 Asin ngonian ini nangyaring naglipas sa taong ini, iyo, sa ika-dos siyentos asin treynta asin enot na taon, nagkaigwa nin sarong dakulaon na pagkakabaranga-banga sa pag-iriba nin mga katawohan.

36 Asin ini nangyaring naglipas na sa taon na ini nagkaigwa nin pag-angat nin sarong mga katawohan na pinag-aapod na mga Nephita, asin sinda nagin totoong nagtutubod ki Cristo; asin sa pag-iriba ninda nagkaigwa sainda na pinag-aapod na mga Lamanita--- mga Jacobita, asin nga Josephita, asin mga Zoramita;

37 Kun kaya an mga tunay na paratubod ni Cristo, asin an mga tunay na parasamba ni Cristo, (kairiba ninda iyo an tulong mga desipulos ni Jesus na natada) na pinag-apod na mga Nephita, asin mga Jacobita, asin mga Josephita, asin mga Zoramita.

38 Asin ini nangyaring naglipas na sinda na nanikwal sa ebanghelyo pinag-aapod na mga Lamanita, asin mga Lemuelita, asin mga Ishmaelita; asin sinda dae nagdikit sa mayong pagtubod kundi sinda nagboot na magrebelde kontra sa ebanghelyo ni Cristo; asin sinda na nagtutukdo sa saindang mga kaarakian na sinda dae dapat na magtubod, na arog kan saindang mga ama; na gikan sa kapinunan, nagdikit.

39 Asin ini nin huli kan karigsokan asin abominasyon kan saindang mga ama, magin arog pa kaidto sa kapinunan. Asin sinda pinagtukdoan na tanganing maongis sa mga kaarakian nin Diyos, magin arog sa mga Lamanita na pinatukdoan na maongis sa mga kaarakian kan Nephi gikan pa sa kapinunan.

40 Asin ini nangyaring naglipas na duwang gatos asin kuwarenta asin apat na taon an nakaagi na, asin kaya iyo man an mga pangyayari sa mga katawohan. Asin an mga grabe pang marigsok na parte kan mga katawohan nagin makusog, asin nagin mas grabe pang gayo an numero kesa mga katawohan nin Diyos.

41 Asin sinda padagos na nagtuturugdok nin mga simbahan para sa saindang mga sadire, asin nagdudulot sainda nin gabos na manera kan mahahalagang mga bagay. Asin kaya duwang gatos asin singkuwentang taon an nakaagi na, asin man duwang gatos asin saisyentang taon.

42 Asin ini nangyaring naglipas na an maririgsok na parte kan mga katawohan nagpopoon giraray sa pagtutugdas nin mga sikretong panunumpa asin mga kumbinasyon ni Gadianton.

43 Asin an mga katawohan na pinag-aapod na mga katawohan ni Nephi nagpopoon na

mapagpalangkaw sa saindang mga puso, nin huli kan saindang sobra kadakul na mga kayamanan, asin nagin mga mayong kamugtakan na arog kan saindang mga katugangan, an mga Lamanita.

44 Asin pagpoon kaining panahon na an mga desipulos nagpopoon na magmundo para sa mga kasalanan kan kinaban.

45 Asin ini nangyaring naglipas na kan ika-tulong gatos na taon an nakaagi na, pareho na an mga katawohan ni Nephi asin an mga Lamanita nagin mas grabeng gayo an karigsokan na arog man sa iba.

46 Asin ini nangyaring naglipas na an mga tulisan ni Gadianton nagkaralat sa bilog na lalawgon nin kadagaan; asin mayo ni sarong matanos laen lang ining mga desipulos ni Jesus. Asin bulawan asin plata na sinda nagtitipon nin abunda, asin nagpasasa sa gabos na manera nin paggamit.

47 Asin ini nangyaring naglipas na pagkatapos in tulong gatos asin limang taon na nakaagi na, (asin an mga katawohan yaon pa man sa karigsokan) si Amos nagadan; asin an saiyang tugang na lalake, si Ammaron, iyo an nagtago kan rekord bilang karibay.

48 Asin ini nangyaring naglipas na sa ika-tulong gatos asin beynteng taon na nakaagi na, si Ammaron, bilang pasabong kan Banal na Espiritu, iyo an nagtago kan mga rekord na mga sagrado --- iyo, magin an gabos pang sagradong rekord na pinagpasapasa gikan sa sarong henerasyon pasiring sa sarong henerasyon, na mga sagrado--- magin sagkod sa ika-tulong gatos asin beynteng taon gikan pa sa pag-abot ni Cristo.

49 Asin saiyang pinagtago an mga ini para sa Kagurangnan, na tangani baya sinda managboan sa katadaan kan harong nin Jacob, uyon sa mga propesiya asin mga promisa nin Kagurangnan. Asin kaya iyo ini an tapos kan rekord ni Ammaron.

AN LIBRO NI MORMON

TSAPTER 1

Si Ammaron nagtugon ki Mormon manungod sa mga sagradong mga rekord--- An giyera nagpoon sa tahaw nin mga Nephita asin mga Lamanita--- An tulong Nephita pinagkua nang paharayo--- Karigsokan, daeng pagtubod, mga pagkaraw, asin huklob nagtagal.

Asin ngonian, ako, si Mormon, naghimo nin sarong rekord kan mga bagay na pareho kong nahiling asin nadangog, asin pinag-apud ning Libro ni Mormon.

2 Asin sa panahon na si Ammaron nagtago kan mga rekord para sa Kagurangnan, siya nagdulok sakuya, (ako habang mga sampulong taon an edad, asin ako nagpoon na magadal nin mga bagay sa manera kan kadunungan kan sakuyang mga katawohan) asin si Ammaron nagsabi sa sakuya: Ako nag-isip na ika sarong mabooton na ake, asin madalion sa pag-oberba;

3 Kun kaya, sa panahon na ika magin beynte asin apat na taon na an edad ako nagmamawot na saimong paggigiromdomon an mga bagay na saimong na-oberbaran manungod kaining mga katawohan; asin sa panahon na ika makaabot na sa edad na ini

An Simbahan ni Jesukristo nin Mga Banal sa Huring-aldaw 565
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

magduman ka sa kadagaan nin Antum, duman sa sarong buro-bukid-bukid na pag-aapudon na Shim; asin duman sakuyang pinagtago para sa Kagurangnan an gabos na sagradong mga pinag-ukit manungod kaining mga katawohan.

4 Asin hilnga, saimong kukuahon an mga lamina ni Nephi para sa saimong sadire, asin an iba saimong ipagwalat sa lugar na kun saen yaon sinda; asin saimong iukit sa mga lamina ni Nephi an gabos na mga bagay na saimong na-obsorbaran manungod kaining mga katawohan.

5 Asin ako, si Mormon, bilang sarong mako-apo ni Nephi, (asin an pangaran kan sakuyang ama iyo si Mormon) ako nakagiromdom sa mga bagay na si Ammaron an nagsugo sakuya.

6 Asin ini nangyaring naglipas na ako, mga onse anyos an edad, pinagdara kan sakuyang ama pasiring sa kadagaan sa may timog na parte, sagkod sa kadagaan nin Zarahemla.

7 An bilog na lalawgon nin kadagaan nagin pano-pano na nin mga pagharongon, asin an mga katawohan haros kadakulon na an bilang, na garo baga sinda arog na sa baybay kan dagat.

8 Asin ini nangyaring naglipas na sa taon na ini nagkaigwa nin pagpopoon nin sarong giyera sa mga katahawan nin mga Nephita, na konsistido kan mga Nephita asin mga Jacobita asin mga Josephita asin mga Zoramita; asin an giyerang ini iyo sa katahawan kan mga Nephita, asin mga Lamanita asin mga Lemuelita asin mga Ishmaelita.

9 Ngonian an mga Lamanita asin an mga Lemuelita asin mga Ishmaelita pinag-apod nang mga Lamanita, asin an duwang partido iyo an mga Nephita asin mga Lamanita.

10 Asin ini nangyaring naglipas na an giyera nagpoon sa pag-iriba ninda sa mga kasagkoran kan Zarahemla, sa may katubigan kan Sidon.

11 Asin ini nangyaring naglipas na an mga Nephita nagtiripon-tipon na magkasararo nin sarong dakulaon na numero nin mga tawo, magin ini nagsobra sa numero na treynta mil. Asin ini nangyaring naglipas na sinda nagkaigwa sa taon man sanang idto nin nagkapirang mga ralabanan, na kun saen an mga Nephita an nagdaog sa mga Lamanita asin nakagadan nin kadakul sainda.

12 Asin ini nangyaring naglipas na an mga Lamanita pinag-atras an saindang mga plano, asin nagkaigwa nin katuninongan na nagdanay sa kadagaan; asin an katuninongan nagdanay sa laog nin apat na taon, na dae nagkaigwa nin pagbulos nin dugo.

13 Pero an karigsokan na nagpadagos sa lalawgon kaining bilog na kadagaan, na tangani baya an Kagurangnan pinagkua paharayo an saiyang mga namumutan na desipulos, asin an mga gibong milagro asin an pagbubulong pinag-untok na nin huli sa kadaendatahan kan mga katawohan.

14 Asin dae nagkaigwa nin mga regalo gikan sa Kagurangnan, asin an Banal na Espiritu dae nag-abot sa kiisay man, nin huli kan saindang karigsokan asin daeng pagtubod.

15 Asin ako, mga kinse anyos na an edad asin yaon baga sa sarong matuninong na isip, kun kaya ako pinagbisita nin Kagurangnan, asin nakanamit asin nakaaram sa karahayan ni Jesus.

16 Asin ako naghingoha sa pagbalangibog sa mga katawohang ini, pero an sakuyang nguso pinagtikom, asin ako pinagbawalan na ako dapat pang magbalangibog sa sainda; nin huli ta hilnga sinda nagtuyong magrebelde laban sa saindang Diyos; asin an mga namumutan na mga desipulos pinagkua na paharayo paluwas sa kadagaan, nin huli kan saindang kadaendatahan.

17 Pero ako nagpawalat sa pag-iriba ninda, pero ako pinagbawalan na magbalangibog pa sa sainda, nin huli sa katagasan kan saindang mga puso, asin ta nin huli sa katagasan kan saindang mga puso an kadagaan pinagsumpa nin huli sa saindang kamugtakan.

18 Asin ining mga tulisan nin Gadianton, na pag-iriba kan mga Lamanita, iyo an namerwisyo sa kadagaan, na tangani baya na an mga namamanwaan diyan nagpoon sa pagtago kan saindang mga kayamanan sa daga; asin sinda nagin mahilwason, nin huli ta an Kagurangnan an nagsumpa kan daga, na tanganing dae ninda makakaputan, ni ipagtago sa sainda giraray.

19 Asin ini nangyaring naglipas na nagkaigwa nin mga parakaraw; asin mga huklob, asin mga mahika; asin an kapangyarihan kan sarong maraot naglakop sa bilog na lalawgon nin kadagaan, magin sagkod sa pagkautob sa bilog na mga tataramon ni Abinadi, asin man ni Samuel an Lamanita.

MORMON TSAPTER 2

Si Mormon an namayo sa mga armada kan mga Nephita--- Dugon asin pagralaban-laban naglakop sa kadagaan--- An mga Nephita nagngoroyngoy asin nagmurundo na kaiba an kakulugan kan mga pinagsumpa--- An saindang aldaw nin grasya naglipas na--- Si Mormon an nakakua kan mga lamina ni Nephi--- An mga giyera nagpadagos.

Asin ini nangyaring naglipas na sa kaparehong taon nagkaigwa nin pagpopoon nin sarong giyera giraray sa tahaw kan mga Nephita asin mga Lamanita. Asin maski na ngani na ako sarong pa sanang hoben, na dakula sa paghawakon; kun kaya an mga katawohan ni Nephi nagnombra sakuya na ako an dapat nindang magin lider, o an lider kan saindang armada.

2 Kun kaya ini nangyaring naglipas na sa sakuyang ika-desisais na taon ako nangenotan bilang pamayo kan armada nin mga Nephita, laban sa mga Lamanita; kun kaya tulong gatos asin beynte asin anom na taon an naglipas na.

3 Asin ini nangyaring naglipas na sa ika-tulong gatos asin beynte asin pitong taon an mga Lamanita nag-arabot sa samuya na may grabe na gayong kapangyarihan, na tangani baya na sinda an nakapagtanyog kan sakuyang mga armada; kun kaya sinda harabong makipaglaban, asin sinda nagpopoon na mag-atras pasiring sa norteng parte nin nasyon.

4 Asin ini nangyaring naglipas na kami nakaabot sa siyudad nin Angola, asin samuyang pinagsakop an siyudad, asin naghimo nin mga preparasyon tanganing idepensa an samuyang mga sadire kontra sa mga Lamanita. Asin ini nangyaring naglipas na samuyang pinakusog an siyudad sa abot kan samuyang kusog; pero maski na ngani kaining gabos nyamong mga pampakusog an mga Lamanita nag-atake samuya asin pinagdaog kami paluwas sa siyudad.

5 Asin sainda pa kaming pinagdaog giraray paluwas sa kadagaan ni David.

6 Asin kami nagpadagos sa pagmartsa asin nakaabot sa kadagaan nin Joshua, na yaon sa mga kasagkoran nin sulnupan sa may baybayon.

7 Asin ini nangyaring naglipas na samuyang pinagtapon an samuyang mga katawohan sa mabilison na paaging posible, na tanganing samuya sindang mapagkasararo bilang sarong

An Simbahan ni Jesukristo nin Mga Banal sa Huring-aldaw

567

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

hawak.

8 Pero hilnga, an kadagaan pano nin mga tulisan asin nin mga Lamanita; asin maski na ngani sa dakulang kapahamakan na naka-omang sa samuyang mga katawohan, sinda nagsorolsol kan saindang mga mararaot na nagkaginibohan; kun kaya nagkaigwa nin madugo asin an kariribokan nagkalat sa bilog na lalawgon nin kadagaan, pareho sa parte kan mga Nephita asin man sa parte kan mga Lamanita; asin idto sarong kumpletong rebolusyon sa bilog na lalawgon nin kadagaan.

9 Asin ngonian, an mga Lamanita igwa nin sarong hade, asin an saiyang pangaran iyo si Aaron; asin siya nag-atake samuya na may armada nin kuwarenta asin apat na ribo. Asin hilnga, ako nakilaban saiya na may kuwarenta asin duwang ribo. Asin ini nangyaring naglipas na dinaog ko siya kan sakuyang armada na siya nagdulag sa atubangan ko. Asin hilnga, an gabos na ini nangyari, asin tulong gatos asin treyntag taon an nakalipas na.

10 Asin ini nangyaring naglipas na an mga Nephita, nagpoon sa pagsorolsol kan saindang mga kadaendatahan, asin nagpopoon sa pagngangayo-ngayo segun sa pinagpropesiya ni Samuel an propeta; nin huli ta hilnga mayong tawo an makapagtago kan bagay na pagsadire niya, para sa parahabon, asin mga tulisan, asin mga paragadan, asin kan arte sa pagmadyik, asin kan huklob na yaraon na sa kadagaan.

11 Kaya nagkaigwa nin pagpopoon nin sarong pagkamundo asin pagtatangis sa bilog na kadagaan nin huli kaining mga bagay, asin mas lalo na sa pag-iriba kan mga katawohan nin Nephi.

12 Asin ini nangyaring naglipas na kan ako, si Mormon, nahiling an saindang pagtatarangis asin kan saindang kamondoan asin kan saindang pagkamundo sa atubangan nin Kagurangnan, an sakuyang puso nagpoon na mag-ogma sa laog kan sadire ko, nakaaram kan mga pagkaherak asin halabang pagtitios nin Kagurangnan, kun kaya naghuhuna-huna an Siya magigin maheherakon sa sinda na tangani baya sinda giraray magigin sarong matanuson na mga katawohan.

13 Pero hilnga ining sakuyang kaogmahan daeng kamugtakan, nin huli ta an saindang pagmumundo bako man palan para sa pagsosolsol, nin huli sa karahayan nin Diyos; pero idto baya pagmumundo para sa mga kondenado, nin huli ta an Kagurangnan dae naggad magtutugot sinda na makakua nin kaogmahan sa kasalanan.

14 Asin sinda dae nagdulok ki Jesus na may mga mamondoong puso asin mga mahuyong espiritu, pero saindang pinagsumpa an Diyos, asin nagmawot na magadan. Daeng pagkukulang sinda makikipaglaban sa espada para sa saindang mga buhay.

15 Asin ini nangyaring naglipas na an sakuyang kamondoan nagbalik sa sakuya giraray, asin sakuyang nahiling na an aldaw nin grasya naglipas na kaiba ninda, pareho sa pantemporal asin pan-espirituwal; nin huli ta sakuyang nahiling na rinibo sinda an nagkaguruyod pababa sa bukas na pagrerebelde laban sa saindang Diyos, asin pinagtiripon-tipon na garong kalapaan sa lalawgon kaining kadagaan. Asin kaya tulong gatos asin kuwarenta asin apat na taon an nakaagi na.

16 Asin ini nangyaring naglipas na sa ika-tulong gatos asin kuwarenta asin limang taon na an mga Nephita nagpopoon na magdurulag sa atubangan kan mga Lamanita; asin sinda pinagralamag sagkod na sinda nakaabot sa kadagaan nin Jashon, bago pa man sinda posibleng makapagpa-untok sinda sa saindang pag-atras.

17 Asin ngonian, an siyudad nin Jashon haranihon sa kadagaan na kun saen si Ammaron pinagdeposito an mga rekord para sa Kagurangnan, na tangani baya na an mga ini dae

naggad madestroso. Asin hilnga ako nagpaduman na uyon sa tataramon ni Ammaron, asin pinagkua an mga Lamina ni Nephi, asin naghimo nin sarong pang rekord na uyon sa mga tataramon ni Ammaron.

18 Asin sa mga Lamina ni Nephi ako naghimo nin sarong pang bilog na kasaysayan kan gabos na karigsokan asin mga abominasyon; pero sa ibabaw kainang mga lamina ako nagsurat na makagibo nin sarong pang bilog na estorya kan saindang mga karigsokan asin mga abominasyon, nin huli ta hilnga sarong padagos na eksena nin karigsokan asin mga abominasyon iyo an sakuyang nagkahiriling magpoon pa kan ako makanuod na makapag-isip-isip sa mga dalan nin tawo.

19 Asin herak man ako nin huli kan saindang karigsokan; nin huli ta an sakuyang puso pinagpano nin kamondoan nin huli kan saindang karigsokan, sa bilog kong aldaw; daeng pagkukulang, ako nakakaaram na ako itataas sa huring aldaw.

20 Asin ini nangyaring naglipas na sa taon na ini an mga katawohan ni Nephi giraray pinaghahanap asin pinagpaharale. Asin ini nangyaring naglipas na kami nagharale sagkod na kami makaabot sa may norteng parte pasiring sa kadagaan na pinag-aapod na Shem.

21 Asin ini nangyaring naglipas na samuyang pinagpakusog an siyudad nin Shem, asin samuyang pinagtitiripon-tipon an samuyang mga katawohan habang ini posible pa, na baya samuyang mailigtas sinda gikan sa pagkapahamakan.

22 Asin ini nangyaring naglipas na sa ika-tulong gatos asin kuwarenta asin anom na taon sinda nagpopoon na mag-aratake samuya giraray.

23 Asin ini nangyaring naglipas na ako nagtaram sa sakuyang mga katawohan, asin pinagkaolay sinda na may kusog na enerhiya, na sinda may kusog na magtindog sa atubangan nin mga Lamanita asin makipaglaban para sa saindang mga agom, asin sa saindang mga kaarakian, asin sa saindang mga kaharongan, asin sa saindang mga estaran.

24 Asin an sakuyang mga tataramon na nakapaghikayat sinda na magmakusog, na tangani baya na sinda dae magdurulag gikan sa pakikipaglaban sa mga Lamanita, kund makipaglaban na may kakusugan kontra sinda.

25 Asin ini nangyaring naglipas na kami nakipaglaban na may armada nin treynta mil kontra sa armada na singkuwenta mil. Asin ini nangyaring naglipas na kami nakipag-atubang sinda na may grabeng kakusugan nin boot na tangani baya sinda nagdurulag gikan sa pakikipaglaban sa samuya.

26 Asin ini nangyaring naglipas na kan sinda nagdurulag na samuyang pinagralamag sinda kairiba kan samuyang mga armada, asin naabutan sinda giraray, asin pinagdaog sinda; daeng pagkukulang na an kusog nin Kagurangnan mayo sa samuya; iyo, kami pinabayaan sa samuyang mga sadire, na an Espiritu nin Kagurangnan dae nakiiba sa samuya; kun kaya kami nagin maluluya na arog sa samuyang mga katugangan.

27 Asin an sakuyang puso nagmundo nin huli kainang dakulaon na kalamidad kan sakuyang mga katawohan, nin huli kan saindang mga karigsokan asin kan saindang mga karumputan. Pero hilnga, kami nakipaglaban kontra sa mga Lamanita asin mga tulisan nin Gadianton, hanggan samuyang nagkabarawi giraray an mga kadagaan kan samuyang kamanahan.

28 Asin an ika-tulong gatos asin kuwarenta asin siyam na taon an nakaagi na. Asin sa ika-tulong gatos asin singkuwentang taon kami naghimo nin sarong kasunduan sa mga Lamanita asin sa mga tulisan nin Gadianton, na kun kaya samuyang pinagbaranga-banga an mga kadagaan na samuyang kamanahan.

29 Asin an mga Lamanita pinagtao sa samuya an kadagaan panorte, iyo, magin an hayakpit na agihan na pasiringon sa kadagaan patimog. Asin samuyang ipinagtao sa mga Lamanita an gabos na kadagaan patimog.

MORMON TSAPTER 3

Si Mormon nagbalangibog nin pagsosolsol sa mga Nephita--- Sinda nakagana nin sarong dakulaon na kapangganahan asin kamurawayan sa saindang sadireng kusog--- Si Mormon nagsayuma na magpamayo sainda, asin an saiyang mga pangadyeon para sainda na mayo nin pagtubod--- An Libro ni Mormon nag-imbata sa doseng mga tribu nin Israel na magtubod sa ebanghelyo.

Asin ini nangyaring naglipas na an mga Lamanita dae nag-abot sa pakipaglaban giraray hanggan sa ika-sampung taon pang sobra an nakaagi na. Asin hilnga, ako pinag-empleyo an sakuyang mga katawohan, an mga Nephita, sa pag-aandam kan saindang mga kadagaan asin kan saindang mga armas sa panahon nin pakikipaglaban.

2 Asin ini nangyaring naglipas na an Kagurangnan nagsabi sa sakuya: Ikurahaw sa mga katawohang ini--- Magsorolsol kamo, asin magdulok sa sakuya, asin magpabunyag, asin ipagtugdok giraray an sakuyang simbahan, asin kamo ililigtas.

3 Asin ako nagbalangibog kaini sa mga katawohan, pero idto daeng kinamugtakan; asin sinda dae nakaaram na an Kagurangnan iyo an nagligtas sa sainda, asin nakapagtao sa sainda nin sarong pagkakataon para magsosolsol. Asin hilnga saindang pinagpatagas an saindang mga puso laban sa Kagurangnan na saindang Diyos.

4 Asin ini nangyaring naglipas na pagkatapos kaining sampulong taon an naglipas na, na sa kabilugan, ikatulong gatos asin saisiyentang taon gikan sa pag-abot ni Cristo, an hade kan mga Lamanita nagpadara nin surat sa sakuya, na nakapagtao sakuya na makaaram na sinda nag-aandam na ma-atake giraray sa pakikipaglaban kontra samuya.

5 Asin ini nangyaring naglipas na sakuyang pinagsugo an sakuyang mga katawohan na sinda magkatiripon kan saindang mga sadire na magkasararo sa daga nin Kalipungawan, duman sa siyudad na yaon sa mga kasagkoran, sa may hayakpit na agihan na pasiringon sa kadagaan patimog.

6 Asin duman samuyang pinamugtak an samuyang mga armada, na tanganing samuyang mapa-untok an mga armada kan mga Lamanita, na tangani baya sinda dae makapan-agaw sa arin man kan samuyang mga kadagaan; kun kaya kami nakapagpakusog kontra sainda sa bilog nyamong puwersa.

7 Asin ini nangyaring naglipas na sa ikatulong gatos asin saisiyenta asin enot na taon an mga Lamanita nag-atake sa siyudad nin Kalipungawan sa pakikipaglaban kontra samuya; asin ini nangyaring naglipas sa taon na idto samuyang dinaog sinda, na tangani baya na sinda nagbaralik sa saindang sadireng mga kadagaan giraray.

8 Asin sa ikatulong gatos asin saisiyenta asin duwang taon sinda nag-abot giraray sa pakikipaglaban. Asin samuyang dinaog sinda giraray, asin nakapaggadan nin sarong dakulaon na numero sainda, asin an saindang mga gadan pinagtapok sa dagat.

An Simbahan ni Jesukristo nin Mga Banal sa Huring-aldaw 570
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

9 Asin ngonian, nin huli kaining kadakulaong bagay na an sakuyang mga katawohan, an mga Nephita, an naggibo, sinda nagpoon sa pahahambog kan saindang sadireng kusog, asin nagpoon sa pagsumpa sa atubangan nin mga langit na saindang ipagbabalos mismo kan mga sadire ninda an dugo kan saindang mga katugangan na nagkagaradan kan saindang mga kaiwal.

10 Asin sinda nagparasumpa sa paagi nin mga langit, asin man sa trono nin Diyos, na sinda magpapaduman sa pakipaglaban kontra sa saindang mga kaiwal, asin pagpupurutol-putulon sinda gikan sa lalawgon kaining mga kadagaan.

11 Asin ini nangyaring naglipas na ako, si Mormon, hayagan na nagsayuma poon sa panahon na ini na magin sarong kumander asin sarong lider kaining mga katawohan, nin huli kan saindang karigsokan asin abominasyon.

12 Hilnga, ako nagpamayo sinda, maski na ngani sa saindang mga karigsokan ako nagpangenotan sinda sa kadakul na pagkakataon sa pakipaglaban, asin kinamumutan sinda, uyon sa pagkamoot nin Diyos na yaon sakuya, sa bilog kong puso; asin an sakuyang kalag pinagpabulos sa pangadyeon sa sakuyang Diyos sa bilog na lawig kan aldaw para sinda; daeng pagkukulang, idto mayong pagtubod, nin huli sa katagasan kan saindang mga puso.

13 Asing tulong beses na ako an nagligtas sinda paluwas sa mga kamot kan saindang mga kaiwal, asin sinda dae naggad nagsorolsol kan saindang mga kasalanan.

14 Asin kan sinda nagparasumpa sa gabos naa ipinagbabawal sinda kan satuyang Kagurangnan asin Tagapagligtas na si Jesu Cristo, na tanganing makipaglaban, asin sinda mismong ipagbalos an dugo kan saindang mga katugangan, hilnga an boses nin Kagurangnan nag-abot sakuya, na nagsasabi:

15 An pagbalos iyo an sakuya, asin Ako an magbabayad; asin nin huli ta ining mga katawohan dae nagsorolsol pagkatapos kong pinagligtas sinda, hilnga, sinda magkakarapahamak gikan sa lalawgon kaining kinaban.

16 Asin ini nangyaring naglipas na ako naggad hayagan na nagsasayuma na magduman kontra sa sakuyang mga kaiwal; asin ako nagsunod siring na an Kagurangnan iyo an nagsugo sakuya; asin ako nagtindog bilang solong testigo na tanganing maipahiling sa kinaban an mga bagay na sakuyang nahiling asin nadangog, uyon sa manipestasyon kan Espiritu na iyo an nagpatotoo kan mga bagay na paabuton pa.

17 Kun kaya ako nagsurat sa saindo, mga Hentil, asin man sa saindo, harong nin Israel, sa panahon na an trabaho magpopoon na, na kamo mag-aandam sa pagbabalik sa kadagaan kan saindong kamanaha.

18 Iyo, hilnga, ako nagsurat sa gabos na katapusan kan kinaban; iyo, sa saindo, doseng tribu kan Israel, na paghuhusgaran uyon sa saindong mga gibo sa paagi kan dose na pinili ni Jesus na magin saiyang mga desipulos sa kadagaan nin Jerusalem.

19 Asin ako nagsurat sa katadaan kaining mga katawohan, na paghuhusgaran man kan dose na pinili ni Jesus digde sa kadagaan na ini; asin sinda paghuhusgaran kan iba pang dose na si Jesus an nagpili sa kadagaan nin Jerusalem.

20 Asin an mga bagay na ini pinahiling kan Espiritu sa sakuya; kun kaya ako nagsurat sa saindo gabos. Asin nin huli sa kausang ini ako nagsurat sa saindo, na tanganing kamo makaaram na kamo kaipuhan gabos na magtitindog sa atubangan kan tukawan nin paghuhukom ni Cristo, iyo, an lambang kalag na kabale sa bilog na nilalang na pamilya ni Adan; asin kamo kaipuhan na magtitindog tanganing paghuhusgaran kan saindong

mga gibo, kun sinda marhay o maraot.

21 Asin man na tanganing kamo puwedeng magtubog sa ebanghelyo ni Jesu Cristo, na saindong ipagtatao sa pag-iriba nindo; asin man kan mga Judio, an pinagtipanang mga katawohan nin Kagurangnan, magkakaigwa nin ibang saksi laen pa saiya na saindong nahiling asin nadangog, idtong Jesus, na saindang pinaggadan, iyo mismo an Cristo asin mismo an Diyos.

22 Asin ako nagmamawot na ako makapag-agda sa gabos na katapusan nin kinaban na magsolsol asin mag-andam sa pagtindog sa atubangan kan tukawan nin paghuhukom ni Cristo.

MORMON TSAPTER 4

*Giyera asin pagkararaot nagpadagos--- An maririgsok nagpapadusa sa maririgsok---
Grabe kadakulaon na karigsokan nangyari kesa kaidto sa bilog na Israel--- Mga
kababaehan asin mga kaarakian pinagsasakripisyo sa mga idolo--- An mga Lamanita
nagpoon sa pag-atake sa mga Nephita sa atubangan ninda.*

Asin ngonian ini nangyaring naglipas na sa ikatulong gatos asin saisiyenta asin tulong taon an mga Nephita nag-atake kairiba an saindang armada sa pakipaglaban kontra sa mga Lamanita, sa luwas nin kadagaan nin Kalipungawan.

2 Asin ini nangyaring naglipas na an armada kan mga Nephita nag-aratras giraray pabalik sa kadagaan nin Kalipungawan. Asin habang sinda paragal na, sarong bagong armada kan mga Lamanita an nag-atake sainda; asin sinda nagkaigwa nin makangirhat na ralabanan, na tanganin baya an mga Lamanita naagaw an siyudad nin Kalipungawan, asin nakagadan nin kadakul na mga Nephita, asin nakadakop nin kadakul na mga prisonero.

3 Asin an tada nakadurulag asin nag-ayon sa mga nag-eerok sa siyudad nin Teancum. Ngonian an siyudad nin Teancum napamugtak sa mga kasagkoran harani sa baybayon; asin idto harani man sa siyudad nin Kalipungawan.

4 Asin idto nangyari nin huli ta an mga armada kan mga Nephita nag-atake sa mga Lamanita na tanganing sinda nagpopoon na magkaparahamak; nin huli ta kun bako kaidto, an mga Lamanita dae kuta na nagkaigwa nin kapangyarihan na mangingibabaw sainda.

5 Pero hilnga, an mga paghuhukom nin Diyos mangingibabaw sa maririgsok; asin sa paagi kan maririgsok an mga maririgsok pinagpapadusahan; nin huli ta an maririgsok an nag-aagda sa mga puso nin mga kaarakian nin mga tawo sa pagpapabulos nin dugo.

6 Asin ini nangyaring naglipas na an mga Lamanita naghimo nin mga preparasyon tanganing mag-abot kontra sa siyudad nin Teancum.

7 Asin ini nangyaring naglipas na sa ikatulong gatos asin saisiyenta asin apat na taon an mga Lamanita nag-abot kontra sa siyudad nin Teancum, na tangani saindang makuang makaputan man an siyudad nin Teancum.

8 Asin ini nangyaring naglipas na sinda napugulan asin napa-atras kan mga Nephita. Asin kan an mga Nephita nahiling na saindang napa-atras an mga Lamanita sinda giraray

An Simbahan ni Jesukristo nin Mga Banal sa Huring-aldaw

572

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

naghambog kan saindang sadireng kusog; asin sinda nag-atake sa sadire nindang kakusugan, asin pinagkuang makaputan giraray an siyudad nin Kalipungawan.

9 Asin ngonian an gabos kaining mga bagay pinaggiribo, asin nagkaigwa nin rinibong nagkagaradan sa magkaparehong lado, pareho sa mga Nephita asin mga Lamanita.

10 Asin ini nangyaring naglipas na sa ikatulong gatos asin saisiyenta asin anom na taon an nakaagi na, asin an mga Lamanita nag-abot giraray sa mga Nephita sa pakikipaglabanan; asin alagad an mga Nephita dae nagsorolsol sa mga karaotan na saindong naginibohan, pero persistido sa saindang padagos na karigsokan.

11 Asin ini imposible para sa dila na maisabi, o para sa tawo na maisurat sa sarong perpektong deskripsiyon kan makatakot na eksena kan madugo asin kadestrosohan na nag-abot sa pag-iriba nin mga katawohan, pareho sa mga Nephita asin sa Lamanita; asin an lambang puso pinagpatagas, na tanganing sinda nagka-orogma sa padagos na pagpapabulos nin dugo.

12 Asin dae naggad nagkaigwa nin arog kadakulaon na karigsokan sa pag-iriba kan gabos na kaarakian ni Lehi, ni magin sa pag-iriba kan bilog na harong nin Israel, sabi sa mga tataramon nin Kagurangnan, na arog sa pangyayari sa pag-iriba kaining mga katawohan.

13 Asin ini nangyaring naglipas na an mga Lamanita nakuang makaputan an siyudad nin Kalipungawan, asin ini nin huli kan saindang bilang na nagsobra pa sa bilang kan mga Nephita.

14 Asin sinda nagmartsa man paabante kontra sa siyudad nin Teancum, asin napahale an mga nag-eerok paluwas kaini, asin nakadakop nin kadakul na mga prisonero parehong mga kababaehan asin mga kaarakian, asin pinag-aatang sinda bilang mga sakripisyo sa saindang ini-idolong mga diyos-diyosan.

15 Asin ini nangyaring naglipas na sa ikatulong gatos asin saisiyenta asin pitong taon, an mga Nephita nagka-aranggot nin huli sa mga Lamanita na nagsakripisyo kan saindang mga kababaehan asin kan saindang mga kaarakian, na tangani baya sinda nag-atake kontra sa mga Lamanita na may grabeng gayo an kaanggutan, na tanganing saindang nagkadarag giraray an mga Lamanita, asin napa-atras sinda paluwas sa saindang mga kadagaan.

16 Asin an mga Lamanita dae na naka-atake pa giraray kontra sa mga Nephita hanggan sa ikatulong gatos asin sitenta asin limang taon.

17 Asin sa taon na ini sinda nag-atake kontra sa mga Nephita na may bilog na saindang puwersa; asin sinda dae mabibilang nin huli sa kadakulan kan saindang numero.

18 Asin magpoon sa panahon na ini padagos an mga Nephita dae nakagana nin kapangyarihan na mangingibabaw sa mga Lamanita, pero nagpopoon na magkaparadpad paharayo sa paagi ninda na arog baga nin sarong ambon sa atubangan nin saldang.

19 Asin ini nangyaring naglipas na an mga Lamanita nag-abot kontra sa siyudad nin Kalipungawan; asin nagkaigwa nin grabe na gayong mainit na ralabanan na nangyari sa daga nin Kalipungawan, na kun saen saindang nadaog an mga Nephita.

20 Asin sinda nagdurulag gikan sa atubangan ninda, asin sinda nakaabot sa siyudad nin Boaz; asin duman sinda nagtitindog kontra sa mga Lamanita na igwa nin grabeng kaisogan; na tangani baya na an mga Lamanita dae nakadaog sinda hanggan sinda nag-atake giraray sa ikaduwang pagkakataon.

21 Asin kan sinda nag-abot sa ikaduwang pagkakataon, an mga Nephita napadurulag asin

nagkagaradan na may grabeng dakulaon na kagadanan; an saindang mga kababaehan asin an saindang mga kaarakian giraray pinagsakripisyo sa mga idolo.

22 Asin ini nangyaring naglipas na an mga Nephita nagdurulag giraray gikan sa atubangan ninda, dara-dara an bilog na mga kahimanwa na kairiba ninda, pareho sa mga banwaan asin mga kabalangayan.

23 Asin ngonian ako, si Mormon, nasaksihan na an mga Lamanita madalio nang maaagaw an kadagaan, kun kaya ako nagduman sa burobukid nin Shim, asin pinagdara an gabos na mga rekord na si Ammaron an nagtago para sa Kagurangnan.

MORMON TSAPTER 5

Si Mormon giraray an namayo sa mga armada kan mga Nephita sa madugong pakikipaglabanan asin karadasan--- An Libro ni Mormon magluluwas tanganing kumbinsihon an bilog nin Israel na si Jesus iyo an Cristo--- An mga Lamanita iyo an magigin maitom, maaati, asin mariringgis na mga katawohan--- Sinda an magreresibe kan ebanghelyo gikan sa mga Hentil sa mga huring aldaw.

Asin ini nangyaring naglipas na ako nagpaduman sa mga Nephita, asin nagsolsol sa sinumpaan na sakuyang hinimo na ako dae na naggad matabang sainda; asin saindang pinagtao giraray sakuya an pagpapamahala kan saindang armada, nin huli ta saindang pinaghiling ao na garo baga iyo an makakapagligtas sainda gikan sa saindang mga kasakitan.

2 Pero hilnga, ako mayo nin paglaom; nin huli ta ako nakakaaram sa mga paghuhukom nin Kagurangnan na dapat na mag-aabot sa sainda; nin huli ta sinda dae nagsosorolsol kan saindang mga kadaendatahan, pero naghihingoha para sa saindang mga buhay na dae nag-aapod sa Kaglalang na iyo an naglalang sainda.

3 Asin ini nangyaring naglipas na an mga Lamanita nag-arabot kontra samuya habang kami padulang pasiringon sa siyudad nin Jordan; pero hilnga, sinda napa-atras pabalik na tanganing sinda dae pinagsakop an siyudad sa panahon na idto.

4 Asin ini nangyaring naglipas na sinda nag-arabot kontra samuya giraray, asin samuyang pinagmantine an siyudad. Asin igwa pa man nin ibang mga siyudad na pinagmamantine kan mga Nephita, na an mga kuta iyo an nakapagputol sainda na tanganing sinda dae makakalaog pasiring sa nasyon na nakalatag sa atubangan nyamo, na tanganing pagdedestrosohon an mga namamanwaan kan samuyang kadagaan.

5 Pero ini nangyaring naglipas na an arin man na mga kadagaan na samuyang pinag-aagihan, asin an mga namamanwaan duman na dae nagkakararo, pinagdedestroso kan mga Lamanita, asin an saindang mga banwaan, asin mga baryo, asin mga siyudad pinagsusurulo nin kalayo; asin kaya sa ikatulong gatos asin sitenta asin siyam na taon an nakaagi na.

An Simbahan ni Jesukristo nin Mga Banal sa Huring-aldaw 574
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

6 Asin ini nangyaring naglipas na sa ikatulong gatos asin otsentang taon an mga Lamanita nag-arabot giraray kontra samuya sa pakikipaglaban, asin kami nagtindog laban sinda sa kaisogan; pero idto gabos daeng kinamumugtakan, nin huli ta grabeng gayo kadakul an saindang bilang na tanganing saindang pinagtimak-timakan an mga katawohan kan mga Nephita sa irarom kan saindang mga bitis.

7 Asin ini nangyaring naglipas na kami giraray nagralakaw, asin an iba na an pagralakaw mas mabilison kesa sa mga Lamanita naka-eskapo, asin an iba na an pagraralakaw bakong sobra sa mga Lamanita sa pagralakaw pinaghuyupan pababa asin nagkaderestroso.

8 Asin ngonian hilnga, ako, si Mormon, dae nagmawot na pagtarabunan an mga kalag kan mga tawo na ipaghaya sa atubangan ninda an arog kaining makangorongirhat na madugong eksena asin karadasan na nakatambad sa atubangan kan sakuyang mga mata; pero ako, na nakakaaram sa mga bagay na ini seguradong himoon na maipagpabantog, asin na an gabos na mga bagay na nagkatarago kaipuhan na maipagpahayag sa bubungan kan mga harong---

9 Asin man na an sarong kaaraman kaining mga bagay kaipuhan na makaabot sa katadaan kaining mga katawohan, asin man sa mga Hentil, na an Kagurangnan iyo an nagsabi na magpapawaratak-watak kaining mga katawohan, asin ining mga katawohan magigin kabale bilang mayo na sa kairibahan ninda--- kun kaya ako nagsurat nin sarong kadikit na kasaysayang halipot, maigot na dae makapagtao nin sarong bilog na kasaysayan kan mga bagay na sakuyang nasaksihan, nin huli sa kasugoan na sakuyang naresibe, asin man na kamo dae magkakaigwa nin dakulaon na pagkamundo nin huli kan karigsokan kaining mga katawohan.

10 Asin ngonian hilnga, ini sakuyang pinag-estorya sa saindang mga banhi, asin man sa mga Hentil na igwang pagpangataman para sa harong nin Israel, na nakarealisar asin nakakaaram kun saen an saindang mga biyaya naggikan.

11 Nin huli ta ako nakakaaram na an arog kaini makakapagmundo sa kalamidad kan harong nin Israel; iyo, sinda magkakamurundo nin huli sa kapahamakan kaining mga katawohan; sinda magkakamurundo na ining mga katawohan dae nagsorolsol na tanganing sinda puwede kuta nang magkakakurugos sa mga takyag ni Jesus.

12 Ngonian ining mga bagay pinagsurat para sa katadaan kan harong nin Jacob; asin sinda pinagsurat sa arog kaining manera, nin huli ta ini naaraman kan Diyos na an karigsokan dae makakapagdara sinda paduman sa sinda; asin sinda pagtatagoon para sa Kagurangnan na tanganing sinda magruluwas sa saiyang sadireng panahon.

13 Asin iyo ini an kasugoan na sakuyang naresibe; asin hilnga, sinda magruruwas na uyon sa kasugoan nin Kagurangnan sa panahon na saiyang mahihiling na tama, sa saiyang kadunungan.

14 Asin hilnga, sinda magduduman sa mga daeng pagtutubod na mga Hudiyo; asin nin huli kaining katuyuhan sinda mapapaduman--- na tangani baya sinda puwedeng mapatubod na si Jesus iyo an Cristo, an Ake kan nabubuhay na Diyos; na tanganing an Ama maipaluwas, sa paagi kan saiya na gayong mas na kinamumutan, an saiyang dakulaon asin daeng kasagkorang katuyuhan, sa pagbabalik-giraray nin mga Hudiyo, o kan bilog na harong nin Israel, pasiring sa kadagaan na saindang kamanahan, na an Kagurangnan saindang Diyos iyo an nagtao sinda, sa pag-utob kan saiyang pinagtipanan.

15 Asin man na an banhi kan saiyang mga katawohan puwedeng bilog na magtutubod kan saiyang ebanghelyo, na mag-aabot sa sainda gikan sa mga Hentil; nin huli ta an mga katawohang ini magkakawaratak-watak, asin magigin sarong maitomon, maation, asin sarong mariringgis na mga katawohan, na sobra pa an deskripsiyon sa sainda na enot pang mga kairiba ta, iyo, magin sainda na yaraon sa pag-iriba kan mga Lamanita, asin ini nin huli kan saindang daeng pagtubod asin idolatriya.

16 Nin huli ta hilnga, an Espiritu nin Kagurangnan nag-untok nang gayo sa paki-iba sa saindang mga ama; asin sinda mayong Cristo asin Diyos sa kinaban; asin sinda pinagrurulupad na garong ata sa atubangan nin paros.

17 Sinda kaidto sarong magagayon na mga katawohan, asin sinda yaon ki Cristo bilang saindang pastor; iyo, sinda pinagpangenotan magin kan Diyos an Ama.

18 Pero ngonian, hilnga, sinda pinagpapangenotan ni Satanas, na arog sa ata na pinagrulupad-lupad sa atubangan nin paros, o arog sa sarong barko na pinagkakawatan kan mga alon, na mayong layag o angkla, o mayo nin anuman na bagay na magagamit para sa pagtimon saiya; asin sana kaiyan siya, iyo man baya sinda.

19 Asin hilnga, an Kagurangnan iyo an nagreserba kan saindang mga bendisyon, na sainda kuta nang maresibe sa kadagaan, para sa mga Hentil na iyo an magsasadire kan kadagaan.

20 Pero hilnga, ini mangyayaring malipas na sinda pahaharaleon asin pagwawaratak-watakon kan mga Hentil; asin pagkatapos na sinda pinagpaharale asin pinagwaratak-watak kan mga Hentil, hilnga, saka na an Kagurangnan makapaggiromdom sa tipan na saiyan hinimo ki Abraham asin sa bilog na harong nin Israel.

21 Asin man an Kagurangnan makakaggiromdom sa mga pangadyeon kan mga matatanos, na pinagpaabot saiya para sainda.

22 Asin pagkatapos, O kamong mga Hentil, paano daw kamo makakapagtindog sa atubangan nin kapangyarihan nin Diyos, laen lang kun kamo magsosorolsol asin magbago gikan sa saindong mga mararaot na dalan?

23 Nakakaaram daw kamo na kamo yaon sa mga kamot nin Diyos? Nakakaaram daw kamo na siya igwa kan gabos na kapangyarihan, asin sa saiyan pusog na kasugoan an kinaban bilog na lulukuton siring sa sarong eskrulyo?

24 Kun kaya, magsorolsol kamo, asin magpakumbaba sa atubangan niya, baka siya mag-abot na may hustisya laban saindo--- baka an sarong katadaan na banhi ni Jacob mag-aabot sa pag-iriba nindo bilang sarong lion, asin girision kamong magkapere-peredaso, asin mayong mailigtas.

MORMON TSAPTER 6

An mga Nephita nagkatiripon-tipon sa kadagaan nin Cumorah para sa pinaka-ultimong pakikipaglaban--- Si Mormon an nagtago kan mga banal na rekord sa burobukid nin Cumorah--- An mga Lamanita iyo an nanggana, asin an nasyon kan Nephita nadesroso--- Ginatos na ribo an nagkagaradan sa espada.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

Asin ngonian ako matapos kan sakuyang talaan manungod sa kapahamakan kan sakuyang mga katawohan, an mga Nephita. Asin ini nangyaring naglipas na kami nagmartsa pasiring sa atubangan kan mga Lamanita.

2 Asin ako, si Mormon, nagsurat nin sarong surat sa hade kan mga Lamanita, asin naghagad saiya na tugutan niyang kami na samuyang magkakatiripon-tipon na magkakararo an samuyang mga katawohan sa kadagaan nin Cumorah, sa may burobukid na pinag-apud na Cumorah, asin duman kami makapagtao sainda nin pakikipaglaban.

3 Asin ini nangyaring naglipas na an hade kan mga Lamanita nagtugot sa sakuya kan bagay na sakuyang pinagmawot.

4 Asin ini nangyaring naglipas na kami naggad nagmartsa pasiring sa kadagaan nin Cumorah, asin kami nagtugdok kan samuyang mga tolda sa palibot kan burobukid nin Cumorah; asin idto yaon sa sarong kadagaan nin kadakul na mga katubigan, mga salog, asin mga kabubunan; asin digde kami nagkaigwa nin paglaom na makaguno nin bentahe sa mga Lamanita.

5 Asin sa panahon kan ikatulong gatos asin otsenta asin apat na taon an nakaagi na, samuyang pinagtiripon an bilog na katadaan kan samuyang mga katawohan sa kadagaan nin Cumorah.

6 Asin ini nangyaring naglipas na sa panahon na samuyang napagtiripon na an gabos nyamong mga katawohan na magkararo sa kadagaan nin Cumorah, hilnga, ako, si Mormon, nagpoon na magin kurang na; asin sa kaaraman na iyo ini an pinakahuring pakikipaglaban kan sakuyang mga katawohan, asin ta ako pinagsugo nin Kagurangan na dae ko itugot na an mga rekord na pinagpamana kan samuyang mga ama, na mga sagrado, na mapaduman sa mga kamot kan mga Lamanita, (nin huli ta an mga Lamanita iyo an magdedestroso sa mga ini), asin pinagtago sa burobukid nin Cumorah an bilog na mga talaan na ipinagkatiwala sa sakuya sa paagi kan kamot nin Kagurangan, laen lang kaining mga kadikit na mga lamina na sakuyang pinagtao sa sakuyang akeng lalake na si Moroni.

7 Asin ini nangyaring naglipas na an sakuyang mga katawohan, kairiba an saindang mga agom na babae asin an saindang mga kaarakian, ngonian nahiling an armada kan mga Lamanita na nagmamartsa pasiring sainda; asin sa makangorongirhat na katakutan sa kagadanan na nagpano sa mga daghan kan gabos na mga maririgsok, sinda naghaharalat na akoon ninda.

8 Asin ini nangyaring naglipas na sinda nag-arabot sa pakikipaglaban kontra samuya, asin an lambang kalag napano nin pagkatakot nin huli sa kadakulaan kan saindang bilang.

9 Asin ini nangyaring naglipas na sinda nag-atake sa sakuyang mga katawohan sa paagi nin espada, asin nin bugso, asin pana, asin pin pamatok, asin nin gabos na manera nin armas na panggiyera.

10 Asin ini nangyaring naglipas na an sakuyang mga tawo nagkagurupo, iyo, magin an sakuyang sampulong ribo na pag-iriba ko, asin ako natumbang nakagadan sa katahawan; asin sinda naglampas sakuya na tanganing dae ninda pinagtapos an sakuyang buhay.

11 Asin kan sinda nagtapos na asin pinagdaog an gabos kong mga katawohan laen lang sa biyente asin apat samuya, (kairiba sa sainda iyo an sakuyang akeng lalake na si Moroni) asin kami na nakaligtas sa kagadanan kan samuyang mga katawohan, nakahiling kinaagahan, kan an mga Lamanita nagbaralik na sa saindang mga kampo, gikan sa

ibabaw kan burobukid Cumorah, an sampulong rinibo kan sakuyang mga katawohan na naradas na, na pinapamayuhan na mangingotan kaiba ko.

12 Asin samuyang nahiling man sa sampulong rinibo kan sakuyang mga katawohan na pinapamayuhan kan sakuyang akeng lalake na si Moroni.

13 Asin hilnga, an sampulong rinibo ni Gidgiddonah nagkaparahamak asin siya man sa katahawan.

14 Asin si Lamah napahamak kairiba an saiyang sampulong rinibo; asin an Gilgal napahamak kairiba an saiyang sampulong rinibo; asin an Limhah napahamak kairiba an saiyang sampulong rinibo; asin an Cumenihah, asin Moronihah, asin Antionum, asin Shiblom, asin Shem, asin Josh, nagkaparahamak kairiba kan saindang lambang sampulong rinibo.

15 Asin ini nangyaring naglipas na nagkaigwa pa nin sampulo pang iba na nagkaparahamak sa paagi nin espada, kairiba an saindang lambang sampulong rinibo; iyo, magin an gabos kong mga katawohan, laen lang idtong biyente asin apat na kairiba ko, asin man sa sarong kadikit na naka-eskapo pasiring sa mga nasyon kan katimugan, asin an sarong kadikit na nagbaralyo sa mga Lamanita, an nagkaparahamak; asin an saindang mga laman, asin mga tulang, asin dugo na nagkalat sa lalawgon nin daga, na pinagbarayaan kan mga kamot ninda na naggadan sainda tanganing magtunaw sa daga, asin maglapa asin magbalik sa saindang inang daga.

16 Asin an sakuyang kalag nagsapo nin kasakitan, nin huli sa pagkagadan kan sakuyang mga katawohan, asin ako nagkurahaw:

17 O Kamong mga kaaya-aya, paano daw kamo napatalik-ad gikan sa mga dalan nin Kagurangnan! O Kamong mga kaaya-aya, paano daw kamo nagsikwal ki Jesus, na nagtitindog na may bukas na mga takyag sa pagresibe saindo!

18 Hilnga, kun kamo dae naggibo kaini, kamo dae kuta na nagkaparahamak. Pero hilnga, kamo napahamak, asin ako nagmumundo sa saindong pagkawara.

19 O kamong mga kaaya-ayang akeng lalake asin akeng babae, kamong mga ama asin mga ina, kamong mga agom na lalake asin mga agom na mga babae, kamong mga kaaya-aya, paano daw ini ta kamo baya napahamak!

20 Pero hilnga, kamo nagkaparara, asin an sakuyang mga kamondoan dae na makapagabalik saindo.

21 Asin an aldaw hidaling mag-aabot na an saindong kamugtakang mortal kaipong magin immortalidad, asin ining mga hawak na ngonian nagtutunaw sa kalapaan kaipong magin daeng kalapaan na mga hawak; asin pagkatapos kamo kaipong magtindog sa atubangan kan tukawan nin paghuhukom ni Cristo, tanganing paghuhukuman uyon sa saindong mga nagkaginibohan; asin kun ini magin iyo na kamo matanos, kamo pagbebensiyunan kan saindong mga ama na nagka-erenot na sa saindo.

22 O na kamo kuta na nagsorolsol na bago pa man ining dakulaon na pagkapahamak mag-abot sa saindo. Pero hilnga, kamo nagkawarara na, asin an Ama, iyo, an Eternal na Ama nin langit, nakakaaram kan saindong kamugtakan; asin siya maggigibo saindo na uyon sa saiyang hustisya asin pagkaherak.

MORMON TSAPTER 7

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

Si Mormon nag-imbata sa mga Lamanita sa mga huring aldaw na magtubod ki Cristo, mag-ako sa saiyang ebanghelyo, asin maliligtas--- An gabos na nagtutubod sa Bibliya magtutubod man sa Libro ni Mormon.

Asin ngonian, hilnga, ako magtataram kumbaga sa katadaan kainang mga katawohan na nakaligtas, kun baga iyo ini na an Diyos iyo an magtatao sa sainda kan sakuyang mga tataramon, na tanganing saindang magkakaararaman an mga bagay kan saindang mga ama; iyo, ako nagtataram sa saindo, kamo na katadaan kan harong nin Israel; asin iyo ini an mga tataramon na sakuyang isasabi:

2 Nakakaaram daw kamo na kamo yaon sa harong nin Israel,

3 Nakakaaram daw kamo na kamo kaipong magsorolsol, o kamo baya dae makakaligtas.

4 Nakakaaram daw kamo na kamo kaipong ibaba an saindong mga armas panggiyera, asin dae na nadadahuman sa pagpapabulos nin dugo, asin dae sinda kakaputan giraray, laen lang kun an Diyos na an magsusugo saindo.

5 Nakakaaram daw kamo na kamo kaipong makanuod sa saindong mga ama, asin magsosolsol kan gabos nindong mga kasalan asin kadaendatahan, asin magtubod ki Jesu Cristo, na siya iyo an Ake nin Diyos, asin na siya pinaggadan kan mga Judio, asin sa paagi kan kapangyarihan nin Ama siya nabuhay-liwat giraray, kun saen siya nakaguno nin kapangganahan na mangingibabaw sa lubungan; asin man sa saiya an bagsik nin kagadanan pinaghalon.

6 Asin saiyang pinagdadara na mag-abot an pagkabuhay-liwat kan gadan, kun saen an taow kaipuhang magbuhat tanganing magtindog sa atubangan kan saiyang tukawan sa paghuhukom.

7 Asin saiyang dinara na mag-abot an pagtubos kan kinaban, kun saen siya nanagboan na mayong kasalanan sa atubangan niya sa kaaldawan nin paghuhukom asin ipagtao sa saiya na mag-eerok sa presensiya nin Diyos sa saiyang kahadean, tanganing magkanta nin daen untok nin pagpapamuraway kairiba an mga parakanta sa kaitaasan, para sa Ama, asin para sa Ake, asin para sa Espiritu Santo, na sarong Diyos; na yaon sa sarong kamugtakan nin kaogmahan na mayong katapusan.

8 Kun kaya magsolsol, asin magpabunyag sa pangaran ni Jesus, asin mangaputan sa ebanghelyo ni Cristo, na pinaghahaya sa atubangan nindo, bako lang sa rekord na ini kundi man sa rekord na minagikan sa mga Judio, na an rekord maabot na gikan sa mga Hentil pasiring sa saindo.

9 Nin huli ta hilnga, ini pinagsurat para sa katuyuhan na tanganing kamo magtutubod kaiyan; asin kun kamo magtutubod kaiyan kamo magtutubod man kaini; asin kun kamo magtutubod kaini kamo makakaaram manungod sa saindong mga ama, asin man sa makangangalas na mga gibo na ipinagpahiling sa paagi nin kapangyarihan nin Diyos sa pag-iriba ninda.

10 Asin saindo man magkakaararaman na kamo sarong katadaan kan banhi ni Jacob, kun kaya kamo nabibilang sa pag-iriba nin mga katawohan sa enot na tipan; asin kun kamo nanggad nagtutubod ki Cristo, asin nabunyagan na, enot nin tubig, sunod nin kalayo asin nin Espiritu Santo, sa pagsusunod sa ehemplo kan satuyang Paraligtas, na uyon sa

saiyang pinagsusugo sa satuya, ini magigin karahayan saindo sa kaaldawan nin paghuhukom. Amen.

MORMON TSAPTER 8

An mga Lamanita pinaghanap asin pinagdestroso an mga Nephita--- An Libro ni Mormon magluluwas sa paagi nin kapangyarihan nin Diyos--- Kasakitan pinaghaya sa sainda na maghangos nin karaotan asin pakikiwal laban sa gibo nin Kagurangnan--- An rekord kan Nephita magluluwas sa aldaw nin karigsokan, kaluyahan, asin apostasya.

Hilnga, ako, si Moroni, naghimong tapuson an talaan kan sakuyang ama, si Mormon. Hilnga, ako igwang kadikit na bagay na susuraton, na an mga bagay ako pinagsugo kan sakuyang ama.

2 Asin ngonian ini nangyaring naglipas na pagkatapos kan sakula asin nin grabeng labanan sa Cumorah, hilnga, an mga Nephita na naka-eskapo pasiring sa banwaan patimog pinagralamag kan mga Lamanita, sagkod na sinda gabos nagkaderestroso.

3 Asin an sakuyang ama pinaggadan man ninda, ako ngani an nawalat sa solo tanganing surat an mapungawon na kasaysayan nin kapahamakan kan sakuyang mga katawohan. Pero hilnga, sinda napara na, asin ako nag-utob sa kasugoan kan sakuyang ama. Asin kun baga sainda akong gagadanon, ako dae nakaaram.

4 Kun kaya ako magsusurat asin itatago an mga talaan sa daga; asin kun napasaen man ako mapaduman bako nang mahalaga.

5 Hilnga, an sakuyang ama an naghimo kaining rekord, asin saiyang pinagsurat an intensiyon kaini. Asin hilnga, ako magsusurat man kaini kan ako nagkaigwa pang lugar sa mga lamina, pero dae ko naggibo; asin ako mayo nin inang-bakal, nin huli ta ako sana. An sakuyang ama naggadan na sa pakikipaglaban, asin an gabos kong mga kadugo, asin ako mayong mga amigo o padumanan; asin kun gurano kahaloy na an Kagurangnan magtutugot na ako mabubuhay pa ako dae nakakaaram.

6 Hilnga, apat na gatos na taon an nakalipas na magpoon pa kaidtong pag-abot kan satuyang Kagurangnan asin Paraligtas.

7 Asin hilnga, an mga Lamanita pinagharanap an sakuyang mga katawohan, an mga Nephita, gikan sa sarong siyudad sagkod sa sarong pang siyudad asin gikan sa sarong lugar sagkod sa sarong pang lugar, magin sagkod na sinda magka-urubos na; asin grabeng gayo an saindang pagkahulog; iyo, grabe asin marbeloso an pagkapahamak kan sakuyang mga katawohan, an mga Nephita.

8 Asin hilnga, an kamot nin Kagurangnan iyo an naggibo kaini. Asin hilnga man, an mga Lamanita yaon man sa pakikigiya sa sarong kontra sa iba; asin an bilog na lalawgon kaining kadagaan iyo na sarong padagos na ikot nin panggagadanan asin pagpapabulos nin dugo; asin mayo ni sarong nakakaaram sa katapusan nin pakikigiya.

9 Asin ngonian, hilnga, ako dae nang masasabi manungod sainda, nin huli ta mayo nang iba laen lang sa mga Lamanita asin mga tulisan an nabubuhay sa lalawgon nin Kadagaan.

10 Asin mayo nang nakakaaram sa tunay na Diyos laen lang kaining mga desipulos ni

An Simbahan ni Jesukristo nin Mga Banal sa Huring-aldaw

580

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Jesus, na namumuhay sa kadagaan sagkod na an karigsokan nin mga katawohan nagin grabeng gayo na an Kagurangnan habong magtugot na sinda makiki-erok pa kaiba nin mga katawohan; asin kun sinda yaon pa sa lalawgon kaining kadagaan mayong tawo an nakakaaram.

11 Pero hilnga, an sakuyang ama asin ako an nakahiling sainda, asin sinda an nagtukdo sa samuya.

12 Asin an siisay man an nakaresibe kaining talaan, asin dae pagkokondenaron ini nin huli ta bakong perpekto an nakapalaman kaini, iyo man sana siya an nakakaaram kan mga darakulang bagay mas pa kan mga ini. Hilnga, ako si Moroni, asin kun ini posible, ako maghihimo na an gabos na ining mga bagay maipapaaram sa saindo.

13 Hilnga, ako maghihimong tapuson na sa pagsasabi manungod kaining mga katawohan. Ako an akeng lalake ni Mormon, asin an sakuyang ama kamako-apoan ni Nephi.

14 Asin ako iyo mismo an nagtago kaining talaan para sa Kagurangnan; an mga lamina naggad mayong kantidad, nin huli sa kasugoan nin kagurangnan. Nin huli ta siya tunay na nagsabi na mayo ni saro an makakakua sa sainda tanganing makakakua nin ganada; pero an mga nakatala mismo kaini iyo an igwang dakulang halaga; asin an siisay man an makapagdara kaini sa kaliwanagan, siya pagbebandisyunan nin Kagurangnan.

15 Nin huli ta mayong magkakaigwa nin kapangyarihan na pagdadarahon ini pasiring sa kaliwanagan laen lang kun ini pinagtao saiya nin Diyos; nin huli ta an Diyos nagboboot na ini mangyayari lang kun igwa nin tunay na katuyuhan pasiring sa saiyang kamurawayan, o an karahayan kan mga ninuno asin haloy nang magkawararak na pinagtipanang mga katawohan nin Kagurangnan.

16 Asin an bendisyon mapasaiya na iyo an magdadara kaining bagay pasiring sa liwanag; nin huli ta ini pagdadarahon paluwas sa kadikloman pasiring sa kaliwanagan, na uyon sa tataramon nin Diyos; iyo, ini pagdadarahon paluwas sa daga, asin ini magsisirang paluwas sa kadikloman, asin maabot sa kaaraman nin mga katawohan; asin ini mangyayari sa paagi nin kapangyarihan nin Diyos.

17 Asin kun igwa man nin mga kakulangan sinda magigin mga kakulangan nin sarong tawo. Pero hilnga, kami nakakaaram na mayong kakulangan; daeng pagkukulang na an Diyos an nakakaaram sa gabos na mga bagay; kun kaya, siya na nagkokondena, tugutan siyang makamangno nin huli ta baka siya mapahamak sa kalayo nin impiyerno.

18 Asin siya na nagsasabi: Ipahiling mo sa sakuya, o kamo paghahampakon--- tugutan siya makamuklat nin huli ta baka siya makapagsugo kan bagay na pinagbabawal nin Kagurangnan.

19 Nin huli ta hilnga, siya na hidaling maghuhusga paghuhusgaran nin hidali giraray; nin huli ta uyon sa saiyang mga kaggibohan iyo man an saiyang mga balos; kun kaya, siya na mangkukulog pagkukulgan giraray, nin Kagurangnan.

20 Hilnga kun ano an pinagsasabi nin kasuratan--- an tawo dae mangkukulog, ni siya manghuhusga; nin huli ta an paghuhusga yaon sakuya, sabi nin Kagurangnan, asin an pagbalos yaon sa sakuya man, asin ako an magbabayad.

21 Asin siya na maghahangos nin karaotan asin pakikilaban kontra sa gibo nin Kagurangnan, asin laban sa pinagtipanang mga katawohan nin Kagurangnan na iyo an harong nin Israel, asin magsasabi: Samuyang pagdedestrosohon an gibo nin Kagurangnan, asin an Kagurangnan dae makakagiromdom kan saiyang tipan na saiyang

pinaghimo sa harong nin Israel--- iyo man sana an yaon sa kapahamakan na isusobsob pababa asin ipag-apon pasiring sa kalayo;

22 Nin huli ta an daeng katapusang katuyuhan nin Kagurangnan magpapadagos, sagkod na an saiyang mga promisa magkaka-urutob.

23 Saliksika an mga propesiya ni Isaias. Hilnga, ako dae makakasurat sainda. Iyo, hilnga ako nagsasabi sa saindo, na idtong mga banal na nagka-erenot bago ako, na iyo an nagsasadire kaining kadagaan, magkukurahaw, iyo, maski gikan pa sa alpog sin magkukurahaw sa Kagurangnan; asin habang an Kagurangnan nabubuhay siya makakagiromdom sa tipan na saiyang pinaghimo sa kaibahan ninda.

24 Asin siya nakakaaram kan saindang mga pangadyeon, na sinda yaon sa ngaran kan saindang mga katugangan. Asin siya nakakaaram kan saindang pagtubod, nin huli ta sa saiyang pangaran sinda nakakapagpahale nin mga kabukidan; asin sa saiyang pangaran sinda nakakapagkausa na an daga magtatanyog; asin sa paagi nin kapangyarihan kan saiyang tataramon sinda nagkausa na an mga prisohan magkakahurugmok sa daga; iyo, magin an nag-aagabaab na ini dae makakapagpakulog sainda, ni an mga layas na mga hayop ni an mga makamandag na mga halas, nin huli sa kapangyarihan kan saiyang tataramon.

25 Asin hilnga, an saindang mga pangadyeon iyo man sa pangaran niya na an Kagurangnan magtutugot na darahon ining mga bagay na mangyari.

26 Asin mayo na makapagsabi na sinda dae mag-aabot, nin huli ta sinda seguradong iyo, nin huli ta an Kagurangnan an nagtaram kaini; nin huli ta gikan sa daga sinda magluluwas, sa paagi nin kamot nin Kagurangnan, asin mayong makakapagpugol kaini; asin ini mangyayari sa aldaw kun noarin na ini pinagsasabi na an mga milagro pinagwara na; asin ini mangyayari magin garo bago sa sarong na magtataram gikan sa mga gadan.

27 Asin ini mangyayari sa sarong aldaw kun noarin an dugo kan mga banal magkukurahaw sa Kagurangnan, nin huli sa sikretong kumbinasyon asin kan mga gibo nin kadikloman.

28 Iyo, ini mangyayari sa sarong aldaw kun noarin an kapangyarihan nin Diyos pagsisikwalon, asin an mga simbahan nagin maation asin makakapagpa-itaas sa kapaabaw-abawan kan saindang mga puso; iyo, magin sa sarong aldaw kun noarin an mga lider kan simbahan asin an mga paratukdo magsisirang sa kapaabaw-abawan kan saindang mga puso, magin ngani mag-uuri sainda na kabale sa saindang mga simbahan.

29 Iyo, ini mangyayari na sarong aldaw kun noarin magkakaigwa nin pandangog nin mga kalayo asin mga bagyo, asin mga singaw kan aso sa banyagang mga kadagaan;

30 Asin magkakaigwa man nin dangog kan mga giyera, mga huring-huding nin mga giyera, asin mga linog sa manlaenlaen na mga lugar.

31 Iyo, ini mag-aabot sa sarong aldaw kun noarin magkakaigwa nin dakulaong polusyon sa lalawgon nin kinaban; magkakaigwa nin mga panggagadan, asin pananalakat, asin pamumutik, asin mga pandadaya, asin mga pagbebenta nin laman, asin gabos na manera nin mga abominasyon; kun noarin may kadakul na magsasabi, Giboha ini, o giboha iyan, asin ini daeng kamugtakan, nin huli ta an Kagurangnan magtutugot kan mga iyan sa huring aldaw. Pero herak man sa mga arog kaini, nin huli ta yaraon sinda sa bingit nin kapaitan asin sa mga gapos nin kadaendataan.

32 Iyo, ini mangyayaring maglipas na sarong aldaw kun noarin magkakaigwa nin mga simbahan na pinagtugdok na magsasabi: Magdulok kamo sakuya, asin nin huli kan

saindong kuwarta kamo patatawadon kan saindong mga kasalan.

33 O kamong mga marurumpot asin balinsot asin matiso an mga liog na mga katawohan, tadaw baya ta kamo nagtuturugdok nin mga simbahan sa saindong mga sadire tanganing makakaganar? Tadaw baya ta saindong binarag-o an banal na tataramon nin Diyos, na tangani baya kamo puwedeng magdara nin kapahamakan sa saindong mga kalag? Hilnga mansayan nindo baya an mga kapahayagan nin Diyos; nin huli ta hilnga, an panahon mag-aabot na sa aldaw na iyan kun noarin an gabos na ining mga bagay kaipuhang mauutob.

34 Hilnga, an Kagurangnan nagparapahiling sa sakuya nin mga darakula asin makangangalas na mga bagay mapanungod kaiyan na kaipuhang halipotong maabot, sa aldaw na iyan kun noarin ining mga bagay mangyayari sa pag-iriba nindo.

35 Hilnga, ako nagtataram sa saindo na garo bagang yaraon kamo, asin baya kamo mayo man. Pero hilnga, si JesuCristo iyo an nagpahiling saindo sa sakuya, asin ako nakakaaram kan saindong mga pinaggigibo.

36 Asin ako nakakaaram na kamo naggad naglalakaw sa kapaabaw-abawan kan saindong mga puso; asin mayo laen lang sa kadikit sana na dae nagpalangkaw kan saindong mga sadire sa kapaabaw-abawan kan saindong mga puso, sa pagsusul-ot nin magagayon na mga bado, sa pag-uuri, asin mga pag-iiriwal-iwal, asin malisya, asin mga persekusyon, asin gabos na manera nin mga kadaendatahan; asin an saindong mga simbahan, iyo, magin an lambang saro, nagin polyutado na nin huli sa kapaabaw-abawan kan saindong mga puso.

37 Nin huli ta hilnga, kamo nagmumuot na sa kuwarta, asin kan saindong mga pagsadire, asin kan saindong mga magagayon na mga kabadoan, asin sa pag-aadorno kan saindong mga simbahan mas pa sa saindong pagkamoot sa kapobrehan asin mga nangangaipo, sa may kamatean asin nasasakitan.

38 O kamong mga polusyon, kamong mga hepokrito, kamong mga paratukdo, na nagpapabakal kan saindong mga sadire sa bagay na natutunaw, tadaw baya ta saindong pinagbasangan an banal na simbahan nin Diyos? Tadaw ta kamo nagkakasurupog na darahon sa saindong mga sadire an pangaran ni Cristo? Tadaw ta kamo dae nag-iisip na mas halangkaw an halaga kan daeng katapusan na kaogmahan kesa sa kasakitan na dae nagagadan--- nin huli sa pagpapamuraway kan kinaban?

39 Tadaw baya ta kamo nag-aadorno kan saindong mga sadire kan bagay na mayong buhay, asin nagpabaya sa mga nagugutom, asin sa mga nangangaipo, asin sa mga huba, asin sa may kamatean asin kasakitan na nag-agi sa saindo, asin kamo baya dae nakanotisya?

40 Iyo, tadaw ta saindong pinagpaurog an saindong mga sikretong abominasyon na tanganing makagana, asin nagkausa na an mga balo magmumundo sa atubangan nin Kagurangnan, asin man an dugo kan saindong mga ama asin kan saindong mga agom na lalake na nagkukurahaw sa Kagurangnan gikan sa daga, para sa pagbalos sa saindong mga payo?

41 Hilnga, an espada nin pagbabalos nakaamba na sa ibabaw nindo; asin an panahon dae na maghahaloy na mag-aabot, na saiyang ipagbalos an dugo kan mga tantos sa saindo, nin huli ta siya dae magtutugot kan saindong mga kinurahaw na maghaloy pa.

MORMON TSAPTER 9

Si Moroni nangangapudan sa sainda na dae nagtutubod ki Cristo na magsosolsol--- Siya nagproklama nin sarong Diyos nin mga milagro, na nagtatao nin mga kapahayagan asin nagpapabulos nin mga regalo asin mga senyales sa mga paratubod--- An mga milagro napundo nin huli sa daeng pagtubod--- Mga senyalesd magsusunod sainda na nagtutubod--- An mga tawo pinagpagiromdom na magin madunong asin magsunod sa mga kasugoan.

Asin ngonian, ako nagtataram man manungod sa sainda na dae nagtutubod ki Cristo. 2 Hilnga, kamo daw magtutubod sa aldaw kan saindong kadalawan--- hilnga, sa panahon na an Kagurangnan mag-aabot, iyo, magin sa dakulang aldaw kun noarin an kinaban paglulukuton na magkakaasararo bilang sarong eskrolyo, asin an mga elemento magtutunaw na may makuniot na pag-init, iyo, sa dakulang aldaw na iyan kun noarin kamo pagdadarahon na magtitindog sa atubangan nin Kordero nin Diyos--- saka kamo magsasabi na mayong Diyos?:

3 Saka kamo magsisikwal sa Cristo, o kamo daw makahiling sa Kordero nin Diyos? Kamo daw naghuhuna-huna na kamo makapag-erok kaiba siya habang yaon kamo sa pagkamangno kan saindong kasalan? Kamo daw naghuhuna-huna na kamo puwedeng magin maogma na makipag-erok kaiba an banal na Nilalang, kun noarin an saindong mga kalag pinagdudokdok nin sarong kamangnuhan nin kasalan na kamo nag-abuso kan saiyang mga leyes?

4 Hilnga, ako nagsasabi sa saindo na kamo mas pang magin miserable na makipag-erok sa sarong banal asin hustong Diyos, habang yaon sa sarong kamangnuhan kan saindong kaatian sa atubangan niya, kesa sa kamo magtutugot na makipag-erok kairiba an mga kondenadong kalag sa impiyerno.

5 Nin huli ta hilnga, sa panahon na kamo pagdadarahon na tanganing saindong magkahiriling an saindong kahubaan sa atubangan nin Diyos, asin man sa kamurawayan nin Diyos, asin an kabanalan ni JesuCristo, ini iyo an magsisindi nin sarong kalayo nin daeng katapusang kalayo sa saindo.

6 O ngonian baya kamo na daeng mga pagtubod, magbaralik kamo sa Kagurangnan; magkurahaw nin makusog sa Ama sa pangaran ni Jesus, na tangani baya kamo managboan na daeng mantsa, puro, malinig, asin maputi, na pinaglinigan sa paagi kan dugo nin Kordero, sa dakula asin huring dalaw na iyan.

7 Asin giraray magtataram sa saindo sa sainda na nagsisikwal sa mga kapahayagan nin Diyos, asin magtataram na sinda nakalipas na, na dae magkaigwa nin mga kapahayagan, ni mga propesiya, ni mga regalo, ni pagbubulong, ni magtataram sa dila, asin an interpretasyon kan dila;

8 Hilnga ako nagsasabi sa saindo, siya na nagsisikwal kaining mga bagay dae nakakaaram sa ebanghelyo ni Cristo; iyo, siya dae nakapagbasa nin mga kasuratan; kun iyo man, siya daeng pagkasabot sainda.

9 Nin huli ta bako daw na nabasa ta na an Diyos pareho kasuodma, ngonian, asin sagkod pa man, asin sa saiya dae magkakaigwa nin palaen-laen ni anino nin pagbabago?

An Simbahan ni Jesukristo nin Mga Banal sa Huring-aldaw

584

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

10 Asin ngonian, kun saindong napaghunahunaan sa saindong mga sadire an sarong diyos na nagbabago, asin sa saiya igwa nin anino nin pagbabago, pagkatapos napaghorop-horopan daw nindo sa saindong mga sadire an sarong diyos na bakong sarong Diyos nin mga milagro.

11 Pero hilnga, ako makapagpapahiling sa saindo nin sarong Diyos nin mga milagro, magin iyo an Diyos ni Abraham, asin an Diyos ni Isaac, asin an Diyos ni Jacob; asin iyo man sana an kaparehong Diyos na iyo an nagmundar kan mga langit asin kan daga, asin an gabos na mga bagay na sainda man sana.

12 Hilnga, siya an naglalang ki Adan, sa paagi ki Adan nag-abot an pagkahulog nin tawo. Asin nin huli sa pagkahulog nin tawo nag-abot si JesuCristo, magin an Ama asin an Ake; asin nin huli ki JesuCristo nag-abot an pagtubos nin tawo.

13 Asin nin huli sa pagtubos nin tawo, na naggikan ki JesuCristo, sinda pinagdara pabalik pasiring sa presensiya nin Kagurangnan; iyo, iyo ini kun saen an gabos na mga tawo nagkaturubos, nin huli ta an kagadanan ni Cristo iyo an nagdara na mangyari an pagkabuhay-liwat, na iyo an nagdara na mangyari an sarong pagtubos gikan sa daeng katapusan na pagturog, na gikan sa pagturog na iyan an gabos na mga tawo mapupukawan sa paagi nin kapangyarihan nin Diyos sa panahon na an trumpeta magtanog; asin sinda mag-aabot, parehong sadit asin dakula, asin an gabos magtitindog sa atubangan kan saiyang paghukom, bilang pinagtubos asin pinagbuhian gikan kaining daeng katapusan na pagkagapos nin kagadanan, na an kagadanan na ini iyo an temporal na kagadanan.

14 Asin masunod na maabot an paghuhukom kan Solong Banal sa sainda; asin masunod an panahon na siya na maation magigin maation sana; asin siya na matanos magigin matanuson sana; siya na maogmahon magigin maogmahon sana; asin siya na bakong maogmahon magigin bakong maogmahon sana.

15 Asin ngonian, O gabos kamo na naghuhuna-huna sa saindong mga sadire nin sarong diyos na dae nakakagibo nin mga milagro, ako maghahapot sa saindo, an gabos daw na mga bagay na ini nangyari na, na iyo ngani an sakuyang pinagsabi na? Nangyari na daw an katapusan? Hilnga ako nagsasabi sa saindo, Dae pa; asin an Diyos dae naggad nag-untok na magigin sarong Diyos nin mga milagro.

16 Hilnga, bako daw na an mga bagay na an Diyos an nagpangyari na makangangalas sa satuyang mga panhilingon? Iyo, asin siisay baya an makakasabot sa makangangalas na mga gibo nin Diyos?

17 Siisay baya an makakasabi na bako idtong milagro na sa paagi kan saiyang tataramon an langit asin an daga nagin iyo baya; asin sa paagi nin kapangyarihan kan saiyang tataramon an tawo piglalang gikan sa alpog nin daga; asin sa paagi nin kapangyarihan kan saiyang tataramon an mga milagro pigpangyari?

18 Asin siisay baya an makapagsabi na si JesuCristo bao an naggibo nin kadakul na darakulang mga milagro? Asin nagkaigwa nin kadakul na mga milagro an pigpangyari sa paagi nin mga kamot kan mga apostoles.

19 Asin kun nagkaigwa nin mga milagro na pigpangyari kaidto, tadaw baya ta an Diyos nag-uuntok na magigin sarong Diyos nin mga milagro asin alagad magigin sarong daeng pagbabagong Nilalang? Asin hilnga, ako an nagsasabi sa saindo na siya dae nagbabago; ta kun iyo siya an mag-uuntok na magin Diyos, asin ta siya sarong Diyos nin mga Milagro.

20 An rason kun tadaw ta siya nag-untok na maggibo nin mga milagro sa pag-iriba kan mga kaarakian nin mga tawo nin huli ta sinda nagdidikit sa daeng pagtutubod, asin nagharale sa tamang dalan, asin dae nakakaaram sa Diyos kun saen sinda dapat na magtitiwala.

21 Hilnga, ako an nagsasabi sa saindo na an siisay man an nagtutubod ki Cristo, na mayong pagdududa, an anuman na saiyang paghahagadon sa Ama sa pangaran ni Cristo ini ipagtatao sa saiya; asin an promisang ini yaon para sa gabos, magin sagkod sa mga kasagkoran nin kinaban.

22 Nin huli ta hilnga, baya sinabi ni JesuCristo, an Ake nin Diyos, sa saiyang mga desipulos na magkakawaralat, iyo, asin man sa gabos na sayang mga desipulos, na nagdadarangog sa kadaklan: Lakaw kamo sa bilog na kinaban, asin ipagbalangibog an ebanghelyo sa lambang nilalang;

23 Asin siya na nagtutubod asin pinagbunyagan maliligtas, pero siya na dae nagtutubod pagkokondenaron;

24 Asin an mga senyales na ini magsusunod sa sainda na nagtuturubod--- sa sakuyang pangaran sinda paluwas na magsasagwi nin mga diyablo; sinda magtataram nin bag-ong mga dila; sinda magpupurot nin mga halas; asin kun sinda mag-iinom nin anuman na mabagsikon na bagay ini dae makakapakulog sa sainda; sinda magpapatong kan saindang mga kamot sa may mga kamatean asin sinda mapaparahay;

25 Asin an siisay man an nagtutubod sa sakuyang pangaran, na mayong pagdududa, sa saiya ako magkukumpirma kan gabos kong mga tataramon, magin sagkod sa mga katapusan nin kinaban.

26 Asin ngonian, hilnga, siisay baya an makakatindog kontra sa mga gibo nin Kagurangnan? Siisay baya an magsikwal kan saiyang mga sinasabi? Siisay baya an mag-aalsa kontra sa makusugong kapangyarihan nin Kagurangnan? Siisay baya an magpapabaya sa mga gibo nin Kagurangnan? Siisay baya an magpapabaya sa mga kaarakian ni Cristo? Hilnga, gabos kamo na mga parapabaya sa mga gibo nin Kagurangnan, nin huli ta kamo magngangaralas asin magkakaparara.

27 O kaya dae kamo magpapabaya, asin dae magparangalas, pero magdarangog sa mga tataramon nin Kagurangnan, asin maghapot sa Ama sa pangaran ni Jesus sa anuman na mga bagay na saindo na gayong kinakaipo. Dae ka magduda, pero magin matinubod-tubod, asin magpoon arog sa mga panahong luma, asin magdulok sa Kagurangnan sa bilog nindong puso, asin magtrabaho para sa saindang sadireng kaligtasan na igwang pagkatakot asin pagkatakig sa atubangan niya.

28 Magin kamong madudunong sa mga aldaw kan saindang pagsubok; hubadi an saindang mga sadire kan gabos na kaatian; dae ka maghagad, na saindo ining paggamiton sa saindang pangangaipo sa laman, pero maghagad na igwa ning kakusugan na dae natatanyog, na kamo dae mahuhulog sa tentasyon, pero kamo magsisirbe sa tunay asin buhay na Diyos.

29 Paghilingon nindo na kamo dae pinagbunyagan na bakong maninigo; paghilingon nindo na kamo dae magkukua nin sakramento ni Cristo na bakong maninigo; pero hingohaon nindo na kamo maggigibo nin gabos na mga bagay na maninigo, asin giboha ini sa pangaran ni JesuCristo, an Ake nin buhay na Diyos; asin kun saindo ining gigibohon, asin magin pusog hanggan sa katapusan, kamo dae ipagtatapok paluwas.

30 Hilnga, ako nagtataram sa saindo na garo baga ako nagtataram gikan sa mga gadan;

nin huli ta aram ko na kamo magkakaigwa kan sakuyang mga tataramon.

31 Dae nindo ako pagkondenaron nin huli kan sakuyang kakulangan, ni an sakuyang ama, nin huli kan saiyang kakulangan, ni sinda na nagsurat enot saiyang; pero baya magpasalamat sa Diyos na saiyang pinagpahiling sa saindo an samuyang mga kakulangan, na tanganing kamo makanuod pa na magin mas madudunong kesa samuya kaidto.

32 Asin ngonian, hilnga, samuyang pinagsurat ining mga talaan na uyon sa samuyang kaaraman, na mga letra na pinag-aapud nyamong repormadong surat nin Ehipsiyano, na pinagpamana asin pinagbarag-o nyamo, na uyon sa samuyang manera nin pagtataram.

33 Asin kun an samuyang mga lamina nagin dakulaon sanang gayo kami kuta na nakapagsurat sa Hebreo; pero an Hebreo pinagbag-o man nyamo; asin kun nakapagsurat kuta na kami sa Hebreo, hilnga, dae kuta na kamo nagkaigwa nin kakulangan sa samuyang mga talaan.

34 Pero an Kagurangnan nakakaaram sa mga bagay na samuyang pinagsurat, asin man mayo nin ibang mga katawohan na nakakaaram sa samuyang lengguwahe; asin nin huli ta mayong ibang katawohan an nakakaaram sa samuyaang lengguwahe, kun kaya siya nag-andam nin mga paagi para sa interpretasyon kaini.

35 Asin an mga bagay na ini pinagsurat na tanganing samuyang mapaglinigan an samuyang mga bado nin dugo kan samuyang mga katugangan, na nagkawarara sa daeng pagtubod.

36 Asin hilnga, an mga bagay na ini na samuyang pinagmamawot manungod sa samuyang mga katugangan, iyo, magin an saindang pagbabalik sa pagkanuod ki Cristo, na uyon sa mga pangadyeon kan gabos na mga banal na nag-eerok sa kadagaan.

37 Asin lugod an Kagurangnanang Jesu Cristo magtutugot na an saindang mga pangadyeon magkakasirimbagan na uyon sa saindang pagtubod; asin lugod an Diyos Ama makagiromdom sa tipan na saiyang pinaghimo sa harong nin Israel; asin lugod saiyang bendisyunan sinda sagkod pa man, sa paagi nin pagtubod sa pangaran ni Jesu Cristo. Amen.

AN LIBRO NI ETHER

An talaan kan mga Jaredita, pinaghango gikan sa beynte-kuwatrong mga lamina na nanagboan kan mga katawohan ni Limhi sa mga aldaw ni hadeng Mosiah.

TSAPTER 1

Si Moroni an nagpahalipot sa mga kasuratan ni Ether--- an talaan kan tala-anakan ni Ether pinaghimo--- An lengguwahe kan mga Jaredita dae pinaglawigaw sa Torre kan Babel--- An Kagurangnan nagpromisa na mangenotan sa sainda pasiring sa piling kadagaan asin gibohon sindang sarong dakulaong nasyon.

Asin ngonian ako, si Moroni, nagpadagos sa pagtao nin kasaysayan ninda na mga lumang

An Simbahan ni Jesukristo nin Mga Banal sa Huring-aldaw

587

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

namamanwaan na pinagdestroso sa paagi kan kamot nin Kagurangnan sa lalawgon kaining norteng nasyon.

2 Asin sakuyang kinua an kasaysayan gikan sa beynte-kuwatrong lamina na nanagboan kan mga katawohan ni Limhi, na pinag-apud na Libro ni Ether.

3 Asin ako naghuna na an enot na parte kaining talaan, na nagsasabi mapanungod sa paglalang kan kinaban, asin man ki Adan, asin sarong kasaysayan gikan sa panahon na idto sagkod sa dakulaong torre, asin an anumang bagay na nangyari sa pag-iriba kan mga kaarakian nin mga tawo sagkod sa panahon na idto, na arog man an nangyari sa pag-iriba kan mga Judio---

4 Kun kaya ako dae na masurat kaidtong mga bagay na nangyari gikan sa mga aldaw ni Adan sagkod sa panahon na idto; pero sinda nasurat sa mga lamina; asin an siisay man an makakabasa sainda, parehong magkakaigwa nin kapangyarihan na tanganing saiyang makua an bilog na kasaysayan.

5 Pero hilnga, ako dae nagtao kan bilog na kasaysayan, kundi an sarong parte kan kasaysayan an sakuyang itinao, magpoon sa torre sagkod na sinda magkaderestroso/

6 Asin sa kadunungan ini ako matao nin kasaysayan. Siya na nagsurat kaining talaan iyo si Ether, asin siya sarong kamako-apoan ni Coriantor.

7 Si Coriantor akeng lalake ni Moron.

8 Asin si Moron akeng lalake ni Ethem.

9 Asin si Ethem akeng lalake ni Ahah.

10 Asin si Ahah akeng lalake ni Seth.

11 Asin si Seth akeng lalake ni Shiblon.

12 Asin si Shiblon akeng lalake ni Com.

13 Asin si Com akeng lalake ni Coriantum.

14 Asin si Coriantum akeng lalake ni Amnigaddah.

15 Asin si Amnigaddah akeng lalake ni Aaron.

16 Asin si Aaron sarong kamaku-apoan ni Heth, na akeng lalake ni Hearthom.

17 Asin si Hearthom akeng lalake ni Lib.

18 Asin si Lib akeng lalake ni Kish.

19 Asin si Kish akeng lalake ni Corom.

20 Asin si Corom akeng lalake ni Levi.

21 Asin si Levi akeng lalake ni Kim.

22 Asin si Kim akeng lalake ni Morianton.

23 Asin si Morianton sarong kamaku-apoan ni Riplakish.

24 Asin si Riplakish akeng lalake ni Shez.

25 Asin si Shez akeng lalake ni Heth.

26 Asin si Heth akeng lalake ni Com.

27 Asin si Com akeng lalake ni Coriantum.

28 Asin si Coriantum akeng lalake ni Emer.

29 Asin si Emer akeng lalake ni Omer.

30 Asin si Omer akeng lalake ni Shule.

31 Asin si Shule akeng lalake ni Kib.

32 Asin si Kib akeng lalake ni Orihah, na akeng lalake ni Jared;

33 Na an Jared na ini nagluwas kairiba an saiyang tugang na lalake asin an saindang mga pamilya, kairiba an iba man asin an saindang mga pamilya, gikan sa dakulang torre, sa

An Simbahan ni Jesukristo nin Mga Banal sa Huring-aldaw

588

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

panahon na an Kagurangnan pinaglawigaw an lengguwahe kan mga katawohan, asin nagsumpa sa saiyang kaanggutan na sinda magkawararak sa bilog na lalawgon; asin uyon sa tataramon nin Kagurangnan an mga katawohan nagkawararak.

34 Asin an tugang na lalake ni Jared na sarong dakulaon asin makusugong tawo, asin sarong tawo na halangkawong pinapaurog nin Kagurangnan, si Jared, an saiyang tugang na lalake, nagsabi sa saiya: Mag-apod ka sa Kagurangnan, na dae niya kita pagpalawigawon na tanganing dae kita magkasarabatan kan satuyang mga tataramon.

35 Asin ini nangyaring naglipas na an tugang na lalake ni Jared nag-apod sa Kagurangnan, asin an Kagurangnan igwang pagkaherak ki Jared; kun kaya dae niya pinaglawigaw an lengguwahe ni Jared; asin si Jared asin an saiyang tugang na lalake dae pinaglawigaw.

36 Pagkatapos si Jared nagsabi sa saiyang tugang na lalake: Mag-apud ka giraray sa Kagurangnan, asin baka baga na saiyang haleon an saiyang kaanggutan sa sinda na satuyang mga amigo, na tanganing dae niya pagpalawigawon an saindang lengguwahe.

37 Asin ini nangyaring naglipas na an tugang na lalake ni Jared nag-apud sa Kagurangnan, asin an Kagurangnan igwa nin pagkaherak sa saindang mga amigo asin sa saindang mga pamilya man, na tanganing sinda dae pinaglawigaw.

38 Asin ini nangyaring naglipas na si Jared nakiolay giraray sa saiyang tugang na lalake, na nagsasabi: Lakaw asin hapoton mo an Kagurangnan kun saiya kitang pinapahale paluwas sa kadagaan, asin kun saiya kitang pinapahale paluwas sa kadagaan, maghapot ka saiya kun kita maharale na. Asin siisay pa baya an nakakaaram kundi an Kagurangnan na iyo an magdadara satuya pasiring duman sa sarong kadagaan na piniling labaw pa sa bilog nin kinaban? Asin kun iyo man naggad ini, dapat kitang mapano nin pagtubod sa Kagurangnan, na tanganing satuyang makamtan ini para sa satuyang kamanahan.

39 Asin ini nangyaring naglipas na an tugang na lalake ni Jared nag-apud sa Kagurangnan na uyon duman sa sinabi kan nguso ni Jared.

40 Asin ini nangyaring naglipas na an Kagurangnan nagdangog sa tugang na lalake ni Jared, asin naherak sa saiya, asin nagsabi sa saiya:

41 Lakaw asin tiriponong magkasararo an saimong mga hayupan, parehong lalake asin babae, sa lambang klase; asin man nin banhi kan kinaban sa lambang klase; asin an saimong mga pamilya; asin man si Jared na saimong tugang asin an saiyang pamilya; asin man an saimong mga amigo asin an saindang mga pamilya, asin an mga amigo ni Jared asin an saindang mga pamilya.

42 Asin sa panahon na saimo nang naggibo ini ika an mapaduman sa pamayuhan ninda pasiring duman sa lambak na pasiring sa norteng parte. Asin duman ta ka halaton, asin magduduman enot sa saimo pasiring sa sarong kadagaan na piniling labaw sa gabos na mga kadagaan nin kinaban.

43 Asin duman ta ka bebendisyunan asin an saimong banhi, asin padadakulaon mo para sa sakuya an saimong banhi, asin an banhi kan saimong tugang na lalake, asin sinda na mag-iriba saimo, na magin sarong dakulaon na nasyon. Asin dae magkakaigwa pa nin mas halangkaw pang nasyon na sakuyang aalagaan para sa sakuya na saimong banhi, sa bilog na lalawgon nin kinaban. Asin kaya ako maggigibo kaini saimo nin huli sa halawig na panahon na ika nag-aapud sa sakuya.

ETHER TSAPTER 2

An mga Jaredita nag-andam para sa saindang paglakbay pasiring sa sarong pinagpromisang kadagaan--- Ini sarong piniling kadagaan kun saen an mga tawo kaipong magsirbe ki Cristo o mapadpad na matunaw--- An Kagurangnan naki-olay sa tugang na lalake ni Jared sa laog nin tulong oras--- Sinda naggibo nin mga sakayan--- An Kagurangnan naghapot sa tugang na lalake ni Jared na magsuhestiyon kun paano an mga sakayan pagpapa-ilawan.

Asin ini nangyaring naglipas na si Jared asin an saiyang tugang na lalake, asin an saindang mga pamilya, asin man an mga amigo ni Jared asin an saindang mga tugang na lalake asin an saindang mga pamilya, nagduruman pababa pasiring sa lambak nayaon sa may norteng parte, (asin an pangaran kan lambak iyo an Nimrod, na pinag-apod hango sa makusog na mangangaso) kairiba an saindang mga kahayupan na saindang pinagtiripon na magkasararo, lalake asin babae, sa lambang klase.

2 Asin sinda naggibo nin mga lit-ag asin nandako[nin mga gamgam nin kalangitan; asin sinda nag-andam man nin sarong sakayan, na kun saen sinda nakakapagdakop nin mga sira nin tubig.

3 Asin sinda man nagdara nin deseret, na, sa paagi nin interpretasyon, sarong pukyutan; asin kaya sinda nagdara kaiba ninda an grupo nin mga pukyutan, asin gabos na manera kan mga bagay na yaon sa lalawgon nin daga, mga banhi nin lambang klase.

4 Asin ini nangyaring naglipas na kan sinda nakaabot na sa lambak kan Nimrod an Kagurangnan nagbaba asin nakipag-olay sa tugang na lalake ni Jared; asin siya yaon sa sarong panginoron, asin an tugang ni Jared dae siya nahihiling.

5 Asin ini nangyaring naglipas na an Kagurangnan nagsugo sainda na sinda magpaduman pasiring sa kaparangan, iyo, pasiring duman sa parte na dae naaabutan pa nin tawo. Asin ini nangyaring naglipas na an Kagurangnan nagduman sa pangenotan ninda, asin nakipag-olay sainda habang siya nakatindog sa sarong panginoron, asin nagtao nin mga direksiyon kun saen baya sinda puwedeng maglakbay.

6 Asin ini nangyaring naglipas na sinda naglakbay pasiring sa kaparangan, asin naggibo nin mga sakayan, habang pinagdireksiyunan padagos sa paagi nin kamot nin Kagurangnan.

7 Asin an Kagurangnan habong magtugot na sinda dapat na mag-untok lampas sa dagat nin kaparangan, pero siya nagtugot na sinda magpaduman magin sagkod sa kadagaan nin promisa, na piniling kadagaan na labaw pa sa ibang mga kadagaan, na an Kagurangnan Diyos iyo an nagpreserba para sa sarong matatanos na mga katawohan.

8 Asin siya nagsumpa sa saiyang kaanggutan sa tugang na lalake ni Jared, na an siirisay man an magsasadire kaining kadagaan nin promisa, magpoon sa panahon na idto asin sa daeng kasagkoran, dapat na magsirbe saiya, an tunay asin solong Diyos, o sinda dapat na paraon sa panahon nin kabilugan kan saiyang kaanggutan na mag-abot sa sainda.

9 Asin ngonian, satuyang mamamansayan an mga dekreto nin Diyos manungod kaining kadagaan, asin iyo ini an kadagaan nin promisa; asin an siisay man na nasyon an magsasadire kaini dapat na magsirbe sa Diyos, o sinda pagpaparaon sa panahon nin

An Simbahan ni Jesukristo nin Mga Banal sa Huring-aldaw

590

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kabilugan kan saiyang kaanggutan na mag-aabot sa sainda. Asin am kabilugan kan saiyang kaanggutan mag-aabot sa sainda sa panahon na sinda hinog na sa kadaendatahan. 10 Nin huli ta hilnga, iyo ini an kadagaang pinili labaw pa sa gabos na ibang mga kadagaan; kun kaya baya siya na iyo an magsasadire kaini magsisirbe sa Diyos o dapat na pagparaon; nin huli ta iyo ini an daeng katapusang dekreto nin Diyos. Asin ini dae mangyayari sagkod na an kabilugan kan saindang kadaendatahan sa pag-iriba kan mga kaarakian nin kadagaan, na sinda pagpaparaon na.

11 Asin ini maabot sa saindo, O kamong mga Hentil, na tanganing saindong magkaaramanan an mga dekreto nin Diyos--- na tanganing kamo magsosolsol, asin dae magpapadagos sa saindong mga kadaendatahan sagkod na an kapanoan mag-abot na, na kamo dae magdadara kan kabilugan nin kaanggutan nin Diyos sa saindo bilang mga nag-eerok sa kadagaan na arog kaining nangyari.

12 Hilnga, ini sarong piniling kadagaan, asin an anuman na nasyon na magsasadire kaini magigin libre sa pagkasakop, asin gikan sa kadakopan, asin gikan sa gabos na ibang nasyon na yaon sa irarom nin langit, kun sinda magmamawot na magsirbe sa Dios nin kadagaan, na iyo si JesuCristo, na iyo an pinapanungdan kan mga bagay na samuyang pinagsusurat.

13 Asin ngonian ako magpapadagos kan sakuyang talaan; nin huli ta hilnga, ini nangyaring naglipas na an Kagurangnan iyo an nagdara ki Jared asin an saiyang mga katugangan duman magin sa dakulaong dagat na idto na iyo an nagbabanga nin mga kadagaan. Asin habang sinda nag-abot sa may kadagatan sinda nagtugdok kan saindang mga tolda; asin saindang pinag-apod nin pangaran an lugar na Moriancumer; asin sinda nag-erok sa mga tolda, asin nag-estar sa mga tolda na yaon sa baybayon nin kadagatan sa laog nin apat na taon.

14 Asin ini nangyaring naglipas na sa pagtapos kan apat na taon, na an Kagurangnan nagdalaw giraray sa tugang na lalake ni Jared, asin nakatindog sa sarong panginoron asin nakipag-olay sa saiya. Asin sa laog nin tulong oras an Kagurangnan nakipag-olay sa tugang na lalake ni Jared, asin inanggutan siya nin huli ta dae siya nakapaggiromdom na mag-apod sa pangaran nin Kagurangnan.

15 Asin an tugang ni Jared nagsolsol sa karaotan na saiyang nagkaginibohan, asin nag-apod sa pangaran nin Kagurangnan para sa saiyang mga katugangan na pag-iriba niya. Asin an Kagurangnan nagsabi sa saiya: Ako magpapatawad saimo asin sa saimong mga katugangan kan saindang mga kasalan; pero dae ka na magkasala giraray, nin huli ta saimong magigiromdoman na an sakuyang Espiritu dae naggad nagpipirme sa tawo; kun kaya, kun ika nagkakasala sagkod na ika magin mahinogon na ika mapuputol gikan sa presensiya nin Kagurangnan. Asin iyo ini an sakuyang mga kaisipan sa kadagaan na sakuyang itatao sa saimo para sa saimong kamanahan; nin huli ta ini magigin sarong kadagaan na piniling labaw sa ibang mga kadagaan.

16 Asin an Kagurangnan nagsabi: Lakaw magtrabaho asin gumibo ka, sa mga manera nin mga sakayan na saimong paggigibohon magpoon ngonian. Asin ini nangyaring naglipas na an tugang na lalake ni Jared huminale sa pagtrabaho, asin man an saiyang mga katugangan, asin naggiribo nin mga sakayan sa manera na saindang pinaggigibo na, uyon sa mga instruksiyon nin Kagurangnan. Asin sinda mga saraditon, asin sinda madalahay sa ibabaw nin tubig, magin arog sa kagi-anan nin sarong gamgam sa ibabaw nin tubig.

17 Asin sinda pinagtugdok siring sa sarong manera na sinda grabeng gayo kapulido, na

sinda nakakapot sa tubig na siring sa sarong daod; asin an irarom kaini pulido siring sa sarong daod; asin an mga gilid kaini pulido arog sa sarong daod; asin an mga puro kaining pinagpatadong; asin an ibabaw kaini pulido siring sa sarong daod; asin an kahalabaan kaini siring sa kahalabaan nin sarong kahoy; asin an pintuan kaini, kun ini serado, pulido arog kan sarong daod.

18 Asin ini nangyaring naglipas na an tugang na lalake ni Jared nagngangayo-ngayo sa Kagurangnan, na nagsasabi: O Kagurangnan, ako nakapaggibo na kan trabaho na saimong pinagsugo sakuya, asin ako nakagibo na nin mga sakayan uyon sa saimong pagtukdo sako.

19 Asin hilnga, O Kagurangnan, sa irarom kaini mayong liwanag; saen man baya kami magtitimon? Asin man kami magagadan, nin huli ta sa laog kan mga ini dae kami makakaginawa, laen lang sa paros na yaon sa laog ninda; kun kaya kami magagadan.

20 Asin an Kagurangnan nagsabi sa tugang na lalake ni Jared: Hilnga, ika maggibo nin sarong labot sa ibabaw, asin man sa irarom; asin sa panahon na kamo nangangaipo nin paros saindong pagbubuksan an labot asin magresibe nin paros. Asin kun ini mangyayari na an tubig maglalaog saindo, hilnga, saindong saraduhan an labot, na tanganing kamo dae magkakaradan sa baha.

21 Asin ini nangyaring naglipas na an tugang na lalake ni Jared pinaggibo ini, uyon sa pinagsugo nin Kagurangnan.

22 Asin siya nagngangayo-ngayo giraray sa Kagurangnan na nagsasabi: O Kagurangnan, hilnga naggibo ko na an uyon sa saimong pinagsugo sakuya; asin sakuyang pinag-andam na an mga sakayan para sa sakuyang mga katawohan, asin hilnga, mayong liwanag sa laog kan mga ini. Hilnga, O Kagurangnan, itutugot mo daw na samuyang lalakbayon ining dakulaong tubig sa kadikloman?

23 Asin an Kagurangnan nagsabi sa tugang na lalake ni Jared: Ano pa baya an saimong gusto na sakuya pang gigibohon tanganing kamo magkakaigwa nin liwanag sa laog kan saindong mga sakayan? Nin huli ta hilnga, dae kamo puwedeng magkabentana, nin huli ta sinda dadagsoon na magkakaperedaso; ni magdadara kamo nin kalayo, nin huli ta kamo dae makapaglakbay sa paagi nin liwanag nin kalayo.

24 Nin huli ta hilnga, kamo magigin arog sa sarong balyena sa katahawan nin dagat; nin huli ta an bukid nin mga balud magdadaguso sa saindo. Daeng pagkukulang, Ako an magdadara saindo giraray na maglataw paluwas sa mga kairaroman kan dagat; nin huli ta an mga paros maluwas gikan sa sakuyang nguso, asin man an mga uran asin an mga baha Ako an nagpadara.

25 Asin hilnga, Ako an nag-andam saindo kontra sa mga bagay na ini; nin huli ta dae kamo makakalakbay kaining dakulang kairaroman laen lang na Ako mismo an mag-andam saindo laban sa mga balud nin dagat, asin sa mga paros na nakabuhi na, asin sa mga baha na mag-aabot. Kun kaya ano baya an gusto mo na sakuyang andamon para saindo na tanganing kamo magkakaigwa nin liwanag sa panahon na kamo paghahalonon sa mga kairaroman nin dagat?

ETHER TSAPTER 3

*An Libro Ni Mormon (An Saro Pang Tipan ni Jesukristo)
The First Draft*

An tugang na lalake ni Jared nahiling an muro nin Kagurangnan habang saiyang pinagdudut-an an desi-sais na mga gapo--- Si Cristo nagpahiling kan saiyang espiritung hawak sa tugang na lalake ni Jared--- Sinda na igwang perpektong kaaraman dae puwedeng itago sa likod kan belo--- Mga interpretador pinagtao tanganing darahon an talaan kan mga Jaredita sa kaliwanagan.

Asin ini nangyaring naglipas na an tugang ni Jared, (ngonian an numero nin mga sakayan na pinag-andam walo) nagpaduman sa may bukid, na saindang pinag-apod na bukid Shelem, nin huli kan saiyang grabe na gayong kalangkawan, asin nagtunaw gikan sa sarong gapo nin desi-sais na saraditon na mga gapo; asin sinda mapuputi asin masilagon, na baga arog nin silag na salamin; asin saiyang pinagdara sinda sa saiyang mga kamot pasiring sa itaas nin bukid; asin nagngangayo-ngayo giraray sa Kagurangnan, na nagsasabi:

2 O Kagurangnan, ika an nagsabi na kami kaipong magin enkompasado sa mga baha. Ngonian hilnga, O Kagurangnan, asin dae ka baya mag-anggot sa saimong surugoon nin huli kan saiyang kaluyahan sa atubangan mo; nin huli ta samuyang naaraman na ika naggad banal asin nag-eerok sa mga kalangitan, asin na kami bakong kaangay-angay sa saimong atubangan; nin huli sa pagkahulog an samuyang mga natura nagin danay na maraoton; daeng pagkukulang, O Kagurangnan, ika nagtao samuya nin sarong kasuguan na kami kaipong mag-aapod sa saimo, na kaya gikan saimo kami puwedeng makapagresibe na uyon sa samuyang mga pagmamawot.

3 Hilnga, O Kagurangnan, saimong pinaghampak kami nin huli kan samuyang kadaendatahan, asin pinagpaharale mo kami, asin nin huli kaining kadakul na mga taon kami yaon sa kaparangan, daeng pagkukulang, ika nagin mapanoon nin pagkaherak sa samuya. O Kagurangnan, hilnga baya ako nin may pagdanay, asin ipagrayo an saimong kaanggutan gikan sa saimong mga katawohan, asin dae baya pagtuguti na sinda magpaduman sa paglakbay kaining nagrarausong kairaroman sa kadikloman; pero hilnga ining mga bagay na sakuyang pinagbilog na gikan sa gapo.

4 Asin ako nakakaaram, O Kagurangnan, na ika igwa nin bilog na kapangyarihan, asin makakagibo nin anuman na saimong ginugusto para sa karahayan nin tawo; kun kaya dut-an mo ining mga gapo, O Kagurangnan, kan saimong muro, asin ipag-andam sinda na magsirang na gapo sa diklom; asin sinda magsisirang na gayo sa samuya sa laog nin mga sakayan na samuyang pinag-andam, na tanganing kami magkakaigwa nin liwanag habang pinaglalakbay nyamo an kadagatan.

5 Hilnga, O Kagurangnan, ika lang an makakagibo kaini. Kami nakakaaram na ika lang an makakapagpahiling nin labi-labing kapangyarihan, na nahihiling na sadit sa pagkakasabot nin mga tawo.

6 Asin ini nangyaring naglipas na kan an tugang na lalake ni Jared nakapagsabi na kaining mga tataramon, hilnga, an Kagurangnan pinag-unat an saiyang kamot asin pinagdut-anan an mga gapo saro-saro sa paagi kan saiyang muro. Asin an belo pinaghale gikan sa mga mata kan tugang ni Jared, asin saiyang nahiling an muro nin Kagurangnan; asin idto arog sa muro nin sarong tawo, na arog sa laman asin dugo; asin an tugang ni Jared buminuagta sa atubangan nin Kagurangnan, nin huli ta siya inabot nin pagkatakot.

An Simbahan ni Jesukristo nin Mga Banal sa Huring-aldaw 593
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

- 7 Asin an Kagurangnan nahiling na an tugang ni Jared nagbulagta sa daga; asin an Kagurangnan nagsabi sa saiya: Magbuhat ka, tadaw baya ta natumba ka?
- 8 Asin siya nagsabi sa Kagurangnan: Ako nakahiling sa muro nin Kagurangnan, aisin ako natakot na baka hampakon niya ako; nin huli ta ako daeng pagkaaram na an Kagurangnan igwa nin laman asin dugo.
- 9 Asin an kagurangnan nagsabi sa saiya: Nin huli sa saimong pagtubod saimong nahiling na ako igwa sa sadire ko nin laman asin dugo; asin mayo pang tawo na nagdulok sa atubangan ko na igwang makusugon na pagtubod na siring saimo; nin huli ta kun bako man dae mo kuta na nahiling an sakuyang muro. Nakapaghiling ka na nin sobra kaini?
- 10 Asin an Kagurangnan nagsabi sa saiya: Nagtutubod ka sa mga tataramon na sakuyang sasabihon?
- 12 Asin siya nagsimbag: Iyo po, Kagurangnan, ako nakakaaram na ika po nagtataram nin katotoohan, nin huli ta ika sarong Diyos nin katotoohan, asin dae makapagputik.
- 13 Asin kay siya nakapagsabi kaining mga tataramon, hilnga, an Kagurangnan nagpahiling kan saiyang sadire sa saiya, asin nagsabi: Nin huli ta ika nakakaaram kaining mga bagay ika pinagtubos na gikan sa pagkahulog; kun kaya ika pinagdara pabalik sa sakuyang presensiya; kun kaya Ako magpahiling kan sakuyang sadire sa saimo.
- 14 Hilnga, ini Ako na pinag-andam poon pa sa pundasyon kan kinaban na magtutubos kan sakuyang mga katawohan. Hilnga, Ako si Jesu Cristo. Ako an Ama asin an Ake. Sa sakuya an bilog na kalahian nin tawo magkakaigwa nin buhay, asin sa daeng kasagkoran, magin sinda na magtutubod sa sakuyang pangaran; asin sinda magigin mga ake kong lalake asin mga ake kong babae.
- 15 Asin dae pa Ako nakapagpahiling kan sakuyang sadire sa tawo na sakuyang pinaglalang, nin huli ta mayo pang tawo na igwang pagtutubod sakuya na arog mo. Nihiling mo nang ika pinaglalang na siring sa sakuyang sadireng imahe? Iyo, magin an gabos na mga tawo pinaglalang sa kapinunan na siring sa sakuyang imahe.
- 16 Hilnga, ining hawak, na saimo ngoniang nahihiling, iyo an hawak kan sakuyang espiritu; asin tawo sakuyang pinaglalang na siring sa hawak kan sakuyang espiritu; asin arog kan sakuyang pagpahiling sa saimo na siring sa espiritu Ako magpapahiling sa sakuyang mga katawohan sa laman.
- 17 Asin ngonian, arog sako, si Moroni, masabi na Ako dae makagibo nin kabilugang estorya kaining mga bagay na nakasurat, kun kaya tama na sako na magsasabi na si Jesus nagpahiling kan saiyang sadire sa tawong ini sa espiritu, magin arog sa manera asin sa kaparehong kamugtakan kan parehong hawak na saiyang ipinahiling kan sadire niya kaidto sa mga Nephita.
- 18 Asin siya nagministro sa saiya arog kan siya nagministeryo sa mga Nephita; asin an gabos na ini, na tanganing an tawong ini makaaram na siya sarong Diyos, nin huli sa kadakul na darakulang mga kaggibohan na an Kagurangnan iyo an nagpahiling sa saiya.
- 19 Asin nin huli sa kaaraman kaining mga tawo dae siya puwedeng maitago na makapaghiling sa laog nin belo; asin saiyang nahiling an muro ni Jesus, na, kan mahiling niya, siya natumba sa pagkatakot; nin huli ta saiyang naaraman na iyo idto an muro nin Kagurangnan; asin siya nin bako sanang halawig na pagtubod, nin huli ta naaraman niya, nin mayong pagdududa.
- 20 Kun kaya, sa pagkakaigwa kaining perpektong kaaraman nin Diyos, siya dae puwedeng pababayaang na yaon sa laog nin belo; kun kaya saiyang nahiling si Jesus; asin

siya nagministro sa saiya.

21 Asin ini nangyaring naglipas na an Kagurangnan nagsabi sa tugang na lalake ni Jared: Hilnga, dae mo pagtugutan ining mga bagay na saimong nahiling asin nadangog na maibalangibog sa kinaban, sagkod na an panahon mag-abot na Ako magpapamuraway kan sakuyang pangaran sa laman; kun kaya, saimong pagyamanon an mga bagay na saimong nahiling asin nadangog, asin dae mo ipagsabi ini sa ibang tawo.

22 Asin hilnga, sa panahon na ika magdudulok sa sakuya, saimong pagsusuraton an mga ini asin pagseselyuhan sinda, na tanganing mayo nin siisay man an makapag-interpretar kaini; nin huli ta saimo sindang pagsusuraton sa sarong lengguwahe na sinda dae mababasa.

23 Asin hilnga, ining duwang gapo na sakuyang itatao sa saimo, asin saimo man sindang pagseselyuhan kan mga bagay na saimong pagsusuraton.

24 Nin huli ta hilnga, an lengguwahe kan saimong pagsusuraton iyo an sakuyang pinagbaranga; kun kaya Ako magkakausa sa sakuyang sadireng panahon na an mga gapong ini iyo an magbubukas kan mga mata nin mga tawo kan mga bagay na ining saimong pinagsusurat.

25 Asin kan an Kagurangnan nakapagsabi na kaining mga tataramon, saiyang ipinahiling sa tugang na lalake ni Jared an gabos na mga para-erok kan kinaban kaidto pa, asin man an gabos na maarabot; asin dae niya ini ipinaghilom sa saiyang panhiling, magin sagkod sa mga katapusan nin mundo.

26 Nin huli ta sinabi niya sa saiya sa mga panahon pa kaidto, na kun siya magtutubod saiya na saiyang maipapahiling sa saiya an gabos na bagay--- ini dapat na ipapahiling sa saiya; kun kaya an Kagurangnan dae makapaghilom nin anuman na bagay saiya, nin huli ta siya nakakaaram na an Kagurangnan makakapaghiling saiya nin gabos na mga bagay.

27 Asin an Kagurangnan nagsabi sa saiya: Surat mo an mga bagay na ini asin selyuhan mo sinda; asin Ako an magpapahiling sa sakuyang sadireng panahon sa mga kaarakian nin mga tawo.

28 Asin ini nangyaring naglipas na an Kagurangnan nagsugo saiya na saiyang dapat na pagseselyuhan an duwang mga gapo na saiyang naresibe, asin dae sinda ipagpahiling, sagkod na an Kagurangnan iyo an magpapahiling sinda sa mga kaarakian nin mga tawo.

ETHER TSAPTER 4

Si Moroni pinagsugo na selyuhan an mga sinurat kan tugang na lalake ni Jared--- Sinda dae ipapahayag sagkod na an mga tawo magkaigwa nin pagtubod na arog kan tugang na lalake ni Jared--- Si Cristo nagsusugo sa mga tawo na magtubod kan saiyang mga tataramon asin kan saiyang mga desipulos--- An mga tawo pinagsusugo na magsorolsol asin magtubod sa ebanghelyo asin magin ligtas.

*An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)*

Asin an Kagurangnan pinagsugo an tugang na lalake ni Jared na magbaba na sa bukid gikan sa presensiya nin kagurangnan, asin suraton an mga bagay na saiyang nahiling; asin sinda pinagbawal na makaabot sa mga kaarakian nin mga tawo sagkod na matapos siyang maipag-iitaas sa krus; asin nin huli sa kausang ini ginibo ni hadeng Mosiah na itago sinda, na sinda dae dapat na maaraman kan kinaban sagkod na matapos ni Cristo dapat na nakapagpahiling na kan saiyang sadire sa saiyang mga katawohan.

2 Asin pagkatapos na si Cristo tunay naggad na nakapagpahiling na kan saiyang sadire sa saiyang mga katawohan siya nagsugo na sinda dapat nang mahimong maipagpahiling.

3 Asin ngonian, pagkatapos kaiyan, sinda gabos dikit-dikit na mawaraan nin pagtubod; asin mayo nang iba laen lang na kun ini an mga Lamanita, asin saindang pinagsikwal an ebanghelyo ni Cristo; kun kaya ako pinagsugo na sakuya sindang tagoon giraray sa daga.

4 Hilnga, ako nagsurat sa mga laminang ini kan iyong gayong mga bagay na an tugang na lalake ni Jared an nakahiling; asin mayo pang mga darakulang bagay na ipinagpahiling kesa kaidtong mga hinimong maipagpahiling sa tugang na lalake ni Jared.

5 Kun бага an Kagurangnan nagsugo sakuya na suraton sinda. Asin siya nagsugo sakuya na ako dapat na iyo an magselyo sainda; asin siya man nagsugo na ako an dapat na magseselyo kan interpretasyon kaini; kaya бага ako an nagselyo kan mga interpretador, na uyon sa kasuguan nin Kagurangnan.

6 Nin huli ta an Kagurangnan an nagsabi sa sakuya: Sinda dae dapat na mapaduman sa mga Hentil sagkod sa aldaw na sinda magsorolsol kan saindang mga kadaendatahan, asin magin malinigon sa atubangan nin Kagurangnan.

7 Asin sa aldaw na iyan na sinda maggigibo kan saindang pagtubod sakuya, an sabi nin Kagurangnan, na arog sa ginibo kan tugang na lalake ni Jared, na tanganing sinda magin sanktipikado sa sakuya, saka na ako magpapahiling sa sainda kan mga bagay na an tugang na lalake ni Jared an nakahiling, magin sagkod sa pagbiklad sa sainda kan gabos kong mga kapahayagan, sabi ni Jesu Cristo, an Ake nin Diyos, an Ama nin mga kalangitan asin kan kinaban, asin kan gabos na bagay na yaraon sa sainda.

8 Asin siya na makipagtagasan kontra sa tataramon nin Kagurangnan, tuguti siyang pagkokondenaron; asin siya na maninikwal kaining mga bagay, tuguti siyang pagkokondenaron; nin huli ta sa sainda Ako magpapahiling nin mayong dakulang mga bagay, sabi ni Jesu Cristo; nin huli ta siya iyo Ako na nagtataram.

9 Asin sa sakuyang pagsugo an mga kalangitan pagbubuksan asin pagseseraduhan; asin sa sakuyang tataramon an kinaban magtatanyog; asin sa sakuyang pagsugo an mga nageerok kaini maglilipas, na magin arog бага sa sarong kalayo.

10 Asin siya na dae magtutubod kan sakuyang mga tataramon dae man magtutubod kan sakuyang mga desipulos; asin kun ini mangyayari na ako dae makapagtaram, maghukom ka; nin huli ta kamo makakaaram na ini iyo Ako na nagtataram, sa huring aldaw na iyan.

11 Pero siya na magtutubod kaining mga bagay na sakuyang pinagtaram na, siya sakuyang pagbibisitahon na maipagpamate an sakuyang Espiritu, asin siya makakaaram asin tunay na magpapatotoo. Nin huli ta sa paagi kan sakuyang Espiritu siya makakaaram na an mga bagay na ini totoo; nin huli ta ini makapag-agda sa mga tawo na gumibo nin marahay.

12 Asin an anuman na bagay na puwedeng makapag-agda sa mga tawo gumibo nin marahay siya yaon sakuya; nin huli ta an marahay dae minagikan sa kun saen kundi sa

sakuya sana. Ako iyo an kapareho man sana na nangengenotan sa mga tawo sa gabos na marhay; siya na habong magtubod sa sakuyang mga tataramon dae naggad nagtutubod sakuya--- na ini iyo Ako; asin siya na habong magtutubod sakuya dae man nagtutubod sa Ama na iyo an nagpadara sakuya. Nin huli ta hilnga, Ako an Ama, Ako an liwanag, asin an buhay, asin an katotoohan kan kinaban.

13 Magdulok kamo sakuya, O kamong mga Hentil, asin Ako magpapahiling sa saindo nin mga darakulang bagay, an kaaraman na pinagtago nin huli kan daeng pagtubod.

14 Magdulok kamo sakuya, O kamong yaon sa harong nin Israel, asin ini ipagpapahiling sa saindo kun gurano kadakula an mga bagay na an Ama iyo an naglatag para saindo, magpoon pa sa pundasyon kan kinaban; asin ini dae nakaabot sa saindo, nin huli kan daeng pagtubod.

15 Hilnga, sa panahon na saindong gision an belo nin daeng pagtubod na iyo naggad an nagkausa na kamo yaon man giraray sa makangorongirhat na kamugtakan nin karigsokan, asin katagasan nin puso, asin pagkabulag nin kaisipan, kaya an mga darakula asin makangangalas na mga bagay na pinagtago saindo magpoon pa sa pundasyon kan kinaban--- iyo, sa panahon na ika mag-aapod sa Ama sa sakuyang pangaran, na igwa nin sarong nagmumundong puso asin sarong nagsosolsol na espiritu, sa paaging yan kamo makakanuod na an Ama nakagiromdom sa tipan na saiyang hinimo sa saindong mga ama, O harong nin Israel.

16 Asin pagkatapos an sakuyang mga kapahayagan na sakuyang pinagkausang ipasurat sa sakuyang surugoon na si John mabubuksan sa mga mata nin gabos na mga katawohan. Giromdoma baya, na kan ika makahiling kaining mga bagay, saimong maaraman na an panahon harani na sinda mangyayari nang gayo.

17 Kun kaya, sa panahon na mareresibe mo an rekord na ini saimong puwedeng maaaraman na an gibo kan Ama nagpoon na sa bilog na lalawgon kan kadagaan.

18 Kun kaya, magsorolsol na kamong bilog na katapusan nin kinaban, asin magdulok sa sakuya, asin magtubod sa sakuyang ebanghelyo, asin magpabunyag sa sakuyang pangaran; nin huli ta siya na nagtutubod asin nabunyagan maliligtas; pero siya na dae nagtutubod pagkokondenaron; asin mga senyales an magsusunod sa sainda na nagtutubod sa sakuyang pangaran.

19 Asin paladan siya na managboang pano nin pagtubod sa sakuyang pangaran sa huring aldaw, nin huli ta siya ipapa-itaas na tanganing mag-eerok sa kahadean na pinag-andam para saiya magpoon pa sa pundasyon kan mundo. Asin hilnga Ako iyo ining nagtataram kaini. Amen.

ETHER TSAPTER 5

Tolong mga testigo asin an gibo kaini makakapagtindog bilang sarong testimonya nin pagkatotoo kan Libro ni Mormon.

An Simbahan ni Jesukristo nin Mga Banal sa Huring-aldaw
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

Asin ngonian ako, si Moroni, nakapagsurat na kan mga memorya; asin ako nakapagsabi na saindo kan mga bagay na sakuya nang naselyuhan; kun kaya dae mo sinda pagdut-an na tangani baya saimong maisalin; nin huli ta an bagay na iyan pinagbabawal saimo, laen lang kun sa paagi asin paagi sanang ini magigin kadunungan nin Diyos.

2 Asin hilnga, ika magkakaigwa nin pribilihiyo na tanganing saimong maipahiling an mga lamina sa sainda na makakatabang tanganing darahon paluwas an gibong ini;

3 Asin sa tulo ipapahiling an mga ini sa paagi nin kapangyarihan nin Diyos; kun kaya saindang maaaraman na may kasegurohan na an mga bagay na ini totoo.

4 Asin sa nguso nin tulong testigo an mga bagay na ini ma-eestablisa; asin an testimonya kan tulo, asin an gibong ini, kun saen maipapahiling na gayo an kapangyarihan nin Diyos asin man an saiyang tataramon, na an Ama mismo, asin an Ake, asin an Banal na Espiritu iyo an magpapatotoo--- asin an gabos na ini magtitindog bilang sarong testimonya kontra sa kinaban sa huring aldaw.

5 Asin kun mangyayari ini na sinda magsosolsol asin magdudulok sa Ama sa pangaran ni Jesus, sinda tatanggapon pasiring sa kahadean nin Diyos.

6 Asin ngonian, kun ako mayong autoridad para sa mga bagay na ini, maghukom kamo; nin huli ta saindang maaaraman na ako igwang autoridad sa panahon na saindang mahihiling ako, asin kita magtitindog sa atubangan nin Diyos sa huring aldaw. Amen.

ETHER TSAPTER 6

An mga sakayan kan mga Jaredita pinaghuyop nin mga paros pasiringon sa pinagpromisang kadagaan--- An mga katawohan nag-omaw sa Diyos nin huli sa saiyang pagkamarahayon--- Si Orihah pinanggaran na hade ninda--- Si Jared asin an saiyang tugang naglipas sa kagadanan.

Asin ngonian ako, si Moroni, nagpapadagos na magtatao nin rekord ni Jared asin kan siyang tugang an lalake.

2 Nin huli ta ini nangyaring naglipas pagkatapos na an Kagurangnan an nag-andam kan mga gapo na an tugang na lalake ni Jared an nagdara sa itaas kan bukid, an tugang na lalake ni Jared nagbaba sa itaas kan bukid, asin saiyang pinagkaag an mga gapo sa laog kan mga sakayan na pinag-andam, sarong lambang puro kaini; asin hilnga, sinda naggad nakapagtao nin liwanag sa laog nin mga sakayan.

3 Asin kaya an Kagurangnan nagkausa sa mga gapo na magsirang sa kadikloman, tanganing magtatao nin liwanag sa mga tawo, mga babae, asin mga kaakian, na tanganing sinda dae magbalyo sa dakulaon na mga tubig sa kadikloman.

4 Asin ini nangyaring naglipas na kan sinda nakapag-andam na kan gabos na manera nin pagkakan, na tangani baya sinda makatagal sa ibabaw nin tubig, asin man pagkakan para sa saindang mga karnero asin kabakahan, asin sa anuman na mga hayop o alaga o gamgam na saindang dara-dara kaiba ninda--- asin ini nangyaring naglipas na kan sainda nang naggibo an gabos na mga bagay na ini sinda nagsarakay na sa saindang mga

An Simbahan ni Jesukristo nin Mga Banal sa Huring-aldaw 598
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sakayan o barko, asin naglayag na pasiringon sa dagat, pinagtiwala an saindang mga sadire sa Kagurangnan na saindaing Diyos.

5 Asin ini nangyaring naglipas na an Kagurangnanang Diyos nagkausa na dapat magkakaigwa nin sarong makusugon na huyop nin paros sa lalawgon nin mga katubigan, pasiring sa pinagpromisang kadagaan; asin kaya sinda pinagtulak sa ibabaw kan mga balud nin dagat sa paagi nin paros.

6 Asin ini nangyaring naglipas na sinda kadakul na beses pinaglubog sa mga kairaroman nin dagat, nin huli sa gabukid na mga balud na naghahampak sainda, asin man sa darakula asin teribleng mga pagbagyo na pinagkausa sa paagi nin kakusugan kan paros.

7 Asin ini nangyaring naglipas na kan sinda nagkarulubong na sa kairaroman dae nagkaigwa nin tubig tanganing makakapakulog sainda, an saindang mga sakayan na pulido arog kan sarong daod, asin man sinda pulido na arog sa arko ni Noah; kun kaya sa panahon na sinda pinaghahampak kan kadakul na mga tubig sinda nangapudan sa Kagurangnan, asin saiya sindang pinagpalataw sa ibabaw kan katubigan.

8 Asin ini nangyaring naglipas na an paros dae naggad nag-uuntok sa paghuyop pasiring sa pinagpromisang kadagaan habang sinda yaon sa ibabaw nin mga katubigan; asin kaya sinda pinagpadpad kan paros.

9 Asin sinda nagkaranta nin mga pag-omaw sa Kagurangnan; iyo, an tugang na lalake ni Jared nagkanta nin mga pag-omaw sa Kagurangnan, asin siya nagpasalamat asin nag-omaw sa Kagurangnan sa bilog na lawig nin aldaw; asin kan an banggi nag-abot na, sinda dae nag-uuntok sa pag-omaw sa Kagurangnan.

10 Asin kaya sinda pinagpadpad; asin mayong halimaw nin dagat na makapagbaak sainda, ni balyena na makapagkulog sainda; asin sinda nagkaigwa nin padagos na liwanag, maski na ini yaon sa ibabaw na nin tubig o irarom kan tubig.

11 Asin kaya sinda pinagpadpad, tulong gatos asin kuwarenta asin apat na aldaw sa ibabaw nin tubig.

12 Asin sinda nakapagduong sa baybayon kan pinagpromisang kadagaan. Asin kan saindang pinagtungtong an saindang mga bitis sa mga baybayon kan pinagpromisang kadagaan sinda naduruko kan saindang mga sadire sa lalawgon nin kadagaan; asin nagpakumbaba kan saindang mga sadire sa atubangan nin Kagurangnan, asin nagpaturo kan mga luha nin kaogmahan sa atubangan nin Kagurangnan, nin huli sa kadakulan kan saiyang mapagbantay na mga pagkaherak sa sainda.

13 Asin ini nangyaring naglipas na sinda nagralakaw sa lalawgon nin kadagaan, asin nagpoon na magbungkal nin daga.

14 Asin si Jared nagkaigwa nin apat na lalakeng ake; asin sinda pinag-apod na Jacom, asin Gilgah, asin Mahah, asin Orihah.

15 Asin an tugang na lalake ni Jared nagkaigwa man nin mga akeng lalake asin mga babae.

16 Asin an mga amigo ni Jared asinkan saiyang tugang nagbilang nin beynte asin duwang kalag; asin sinda man nangarake nin mga akeng lalake asin mga babae bago pa man sinda nakaabot sa pinagpromisang kadagaan; asin kun kaya sinda nagpoon nang magdakul.

17 Asin sinda pinagtukdoan na maglakaw sa kapakumbabaan sa atubangan nin Kagurangnan; asin sinda man pinagtutukdoan gikan sa itaas.

18 Asin ini nangyaring naglipas na sinda nagpoon na sa pagkaralat sa lalawgon nin kadagaan, asin magpakadakul asin magbungkal nin daga; asin sinda nagin makukusog sa

kadagaan.

19 Asin an tugang na lalake ni Jared nagpoon sa paggurang, asin nahihiling na siya harani nang magpaduman pababa sa lubungan; kun baya siya nagsabi ki Jared: Tiriponon tang magkasararo an satuyang mga katawohan na tanganing satuyang mabilang sinda, na tanganing satuyang maaaraman gikan sainda kun ano baya an saindang mga kamawotan sa satuya bago pa man kita mapasiring pababa sa satuyang mga lubungan.

20 Asin tulos-tulos an mga katawohan nagkatiripong nagkasararo. Ngonian an numero kan mga akeng lalake asin babae kan tugang na lalake ni Jared iyo na beynte asin apat na kalag; asin an numero kan mga akeng lalake asin babae ni Jared dose, siya na igwang apat na mga akeng lalake.

21 Asin ini nangyaring naglipas na saindang pinagbilang an saindang mga katawohan; asin pagkatapos na saindang pinagbilang sinda, sinda naghagad sainda nin mga bagay na gusto ninda na boot nindang gibohon sainda bago pa man magpasiring pababa sa saindang mga lubungan.

22 Asin ini nangyaring naglipas na an mga katawohan naghagad sainda na sinda manggaran nin saro sa saindang mga akeng lalake na magigin hade na mangingibabaw sainda.

23 Asin ngonian hilnga, ini magigin pagabat sa sainda. Asin an tugang ni Jared nagsabi sa sainda: Segurado ako na ining bagay na ini magdadara pasiring sa pagkasakop.

24 Pero si Jared nagsabi sa saiyang tugang na lalake: Tuguti na sinda na sinda magkakaigwa nin sarong hade. Asin kun kaya siya nagsabi sa sainda: Magpili kamo gikan sa pag-iriba kan satuyang mga akeng lalake nin sarong hade, maski siisay na saindong ginugusto.

25 Asin ini nangyaring naglipas na sinda nagpili ngani sa panganay na ake kan tugang na lalake ni Jared; asin an saiyang pangaran iyo si Pagag. Asin ini nangyaring naglipas na siya dae nagtugot asin habo na magigin saindang hade. Asin an mga katawohan nagmawot na an saiyang ama iyo an magpirit saiya, pero an saiyang ama habo; asin siya nagsugo sainda na sinda dae naggad magpirit sa kiisay na tawo na magigin saindang hade.

26 Asin ini nangyaring naglipas na sinda nagpili sa gabos na mga tugang na lalake ni Pagag, asin sinda naghabo man.

27 Asin ini nangyaring naglipas na maski ngani an mga akeng lalake ni Jared, magin an gabos laen lang sa saro; asin si Onihah iyo an pigngaranan na magigin hade na mangingibabaw sa mga katawohan.

28 Asin siya nagpoon na maghade, asin an mga katawohan nagpoon na mag-arasenso; asin sinda nangagin sobrang gayo na mayayaman.

29 Asin ini nangyaring naglipas na si Jared nagadan na, asin an saiyang tugang man.

30 Asin ini nangyaring naglipas na si Orihah naglakaw sa kapakumbabaan sa atubangan nin Kagurangnan, asin nakagiromdom kun gurano kadakulang mga bagay na an Kagurangnan naggibo para sa saiyang ama, asin man nagtukdo sa saiyang mga katawohan kun gurano kadakulang mga bagay na an Kagurangnan an naggibo para sa saindang mga ama.

ETHER TSAPTER 7

An Simbahan ni Jesukristo nin Mga Banal sa Huring-aldaw

600

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

*An Libro Ni Mormon (An Saro Pang Tipan ni Jesukristo)
The First Draft*

Si Orihah naghade sa katanosan--- sa tahaw nin pakipag-agawan asin pakipag-iwal an karibal na mga kahadean nin Shule asin Cohor pinagtugdok--- An mga propeta pinagkondena an karigsokan asin idolatriya kan mga katawohan, na katapos-tapusi nagsorolsol.

Asin ini nangyaring naglipas na si Orihah nagpasunod nin paghuhukom sa kadagaan na may katanosan sa bilog niyang mga aldaw, na an mga aldaw na ini grabeng gayo kadakul.

2 Asin siya nagkaigwa nin mga akeng lalake asin babae; iyo, siya nangake nin treynta asin saro, asin sa mga iyan beynte asin tulo mga akeng lalake.

3 Asin ini nangyaring naglipas na siya man nakapag-ake pa ki kib sa saiyang pagkagurang. Asin ini nangyaring naglipas na si Kib naghade bilang karibay niya; asin si Kib nakapag-ake ki Corihor.

4 Asin kan si Corihor nag-edad nin treynta asin duwang taon siya nagrebelde kontra sa saiyang ama, asin naglayas asin nag-erok sa kadagaan nin Nehor; asin siya nagkaigwa nin mga akeng lalake asin babae, asin sinda nagin grabeng gayo kamagagayon; kun baya si Corihor nakapag-akyat nin kadakul na mga katawohan na kairiba niya.

5 Asin kan siya nakapagtiripon na nin nagkasararong armada siya nag-atake sa kadagaan nin Moron kun saen an hade nag-eerok, asin pinagsakop niya siya, na iyo an nagdara na maglipas an pinagsasabi kan tugang na lalake ni Jared na sinda pagdadarahon pasiring sa pagkasakop.

6 Ngonian an kadagaan nin Moron, kun saen an hade nag-eerok, haranihon sa kadagaan na pinag-aapod na Kalipungawan kan mga Nephita.

7 Asin ini nangyaring naglipas na si Kib nag-eerok sa pagkasakop, asin an saiyang mga katawohan sa irarom ni Corihor na saiyang akeng lalake, sagkod na siya nagin gurangon nang marhay; daeng pagkukulang si Kib nagka-ake ki Shule sa saiyang edad nin pagkagurang, habang yaon siya sa pagkasakop.

8 Asin ini nangyaring naglipas na si Shule naanggot sa saiyang tugang na lalake, asin si Shule baskugon na marhay, asin nagin makusugon na arog sa sarong mabaskog na tawo; asin siya man matanos sa paghuhukom.

9 Kun baya, siya nagduman sa burobukid nin Ephraim, asin siya nagtunaw nin bakal gikan sa burobukid, asin naggibo nin mga espada para sa sinda na saiyang nagka-aragyat na magrayo kaiba niya; asin pagkatapos na saiya sindang pinag-armasan nin mga espada siya nagbalik sa siyudad nin Nehor, asin nakipaglaban kontra sa saiyang tugang na lalakeng si Corihor, na sa paaging ini sayang nabawi an kahadean asin pinagbalik ini sa saiyang ama na si Kib.

10 Asin ngonian nin huli sa bagay na ginibo ni Shule, pinagtao sa saiya ang kahadean; kun kaya siya naghade bilang karibay kan saiyang ama.

11 Asin ini nangyaring naglipas na siya naggibo nin paghuhukom sa katanosan; asin saiyang pinadakula an sayang kahadean sa bilog na lalawgon nin kadagaan, nin huli ta an mga katawohan nagin kadakula na marhay an bilang.

12 Asin ini nangyaring naglipas na si Shule nagkaigwa nin kadakul na mga akeng lalake asin babae.

An Simbahan ni Jesukristo nin Mga Banal sa Huring-aldaw 601
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

13 Asin si Corihor nagsolsol sa kadakul nyang mga karaotang nagkaginibohan; kun kaya si Shule nagtao saiya nin kapangyarihan sa saiyan kahadean.

14 Asin ini nangyaring naglipas na si Corihor nagkaigwa nin kadakulon na mga akeng lalake asin babae. Asin sa pag-iriba kan mga akeng lalake si Corihor igwa nin sarong pangaran Noah.

15 Asin ini nangyaring naglipas na si Noah nagrebelde kontra ki Shule, an hade, asin sa saiyan ama na si Corihor, asin kaiba sa paghale si Cohar na saiyan tugang na lalake, asin man an gabos nyang mga katugangan asin kadakul na mga katawohan.

16 Asin siya nakipaglaban kontra ki Shule, an hade, na kun saen saiyan nakua an kadagaan kan enot nindang kamanahan; asin siya nagin hade na nangingibabaw sa parteng idto nin kadagaan.

17 Asin ini nangyaring naglipas na siya nakipaggiyera giraray ki Shule, an hade, asin saiyan nadakop si Shule, an hade, asin pinagdarang dakop paharayo pasiring sa Moron.

18 Asin ini nangyaring naglipas habang saiya na kuta nang ipapataw saiya an kagadanan, an mga akeng lalake ni Shule nagkanap palaog sa harong ni Noah sa pagkabanggi asin ginadan siya, asin pinagpabagsak an pintuan kan prisohan asin pinagdara paluwas an saindang ama, asin pinagpamugtak siya sa saiyan trono sa saiyan sadireng kahadean.

19 Kun kaya, an akeng lalake ni Noah iyo an nagpadakula kan saiyan kahadean bilang karibay niya; daeng pagkuklang na sinda dae nang gayo nakagana nin kapangyarihan na mangibabaw kesa ki Shule, an hade, asin an mga katawohan na yaon sa irarom kan paghahade ni Shule an hade nagin ma-asensohong gayo asin nagdakul.

20 Asin an nasyon nabanga; asin nagkaigwa nin duwang kahadean, an kahadean nin Shule, asin an kahadean nin Cohor, na akeng lalake ni Noah.

21 Asin si Cohor, an akeng lalake ni Noah, nagkausa na an saiyan mga katawohan dapat na makilaban ki Shule, na kun saen si Shule an nakadaog sinda asin nakagadan ki Cohor.

22 Asin ngonian si Cohor igwang sarong akeng lalake na pinag-apod na si Nimrod; asin si Nimrod pinagtao an kahadean ni Cohor ki Shule, asin siya nakagana nin pabor sa mga mata ni Shule; kun baya si Shule nagpataw nin dakulaon na mga pabor sa saiya, asin siya nagduman sa kahadean ni Shule na uyon sa saiyan mga pagmamawot.

23 Asin man sa paghahade ni Shule nagkaigwa nin mga propeta na kairiba nin mga katawohan, na mga ipinadara gikan sa Kagurangnan, na nagpopropesiya na an karigsokan asin idolatriya kan mga katawohan iyo an nagdadara nin sarong sumpa sa kadagaan, asin sinda dapat na destrosohon kun sinda dae magsosorsol.

24 Asin ini nangyaring naglipas na an mga katawohan nagka-aranggot kontra sa mga propeta, asin pinagtutuya-tuya sinda. Asin ini nangyaring naglipas na si hadeng Shule naggibo nin paghuhukom kontra sa gabos ninda na nagka-aranggot kontra sa mga propeta.

25 Asin siya nagpasunod nin sarong ley sa gabos na kabilugan nin kadagaan na nagtatao nin kapangyarihan sa mga propeta na sinda makapagduman maski sa arin mang lugar na padumanan ninda; asin ssa paaging ini iyo an nagkausa na an mga katawohan pinagdara pasiring sa pagsosolsol.

26 Asin nin huli ta an mga katawohan nagsorsol kan saindang mga kadaendataan asin mga idolatriya an Kagurangnan pinagpatawad sinda, asin sinda nagpopoon na mag-arasenso giraray sa kadagaan. Asin ini nangyaring naglipas na si Shule nagkaigwa nin

mga akeng lalake asin mga babae sa saiyang pagkagurang na edad.
27 Asin dae na nagkaigwa nin mga giyera sa mga aldaw ni Shule; asin siya nakagiromdom sa mga darakulang bagay na an Kagurangnan iyo an naggibo para sa saiyang mga ama sa pagdara sainda sa pagbalyo sa dakulaon na kararoman pasiring sa pinagpromisang kadagaan; kun kaya siya nagpasunod nin paghuhukom sa katanusan sa bilog nyang mga aldaw.

ETHER TSAPTER 8

ETHER TSAPTER 8

Nagkaigwa nin iriwal-iwal asin ralabanan sa kahadean--- Si Akish nagporma nin sarong obligadong-panunumpa na sikretong kumbinasyon tanganing gadanon an hade--- An sikretong kumbinasyon naggikan sa diyablo asin nagresulta sa kapahamakan nin mga nasyon--- An Modernong mga Hentil pinagpatanidan kontra sa sikretong kumbinasyon na nagmamawot na agawon an pagigin libre kan bilog na mga kadagaan, mga nasyon, asin mga kabayanan.

Asin ini nangyaring naglipas na siya nakapag-ake ki Omer, asin si Omer naghale karibay niya. Asin si Omer nakapag-ake ki Jared; asin si Jared nakapag-ake nin mga lalake asin babae.

2 Asin si Jared nagrebelde kontra sa saiyang ama, asin nakaabot asin naki-erok sa kadagaan nin Heth. Asin ini nangyaring naglipas na siya nakapag-akit nin kadakul na mga katawohan, nin huli sa saiyang pasaluib na mga tataramon, sagkod sa saiyang naganahan an kabanga kan kahadean.

3 Asin kan saiya nang nakua an kabangaan kan kahadean siya nakipaglaban sa saiyang ama, asin saiyang dinakop an saiyang ama pasiring sa pagkasakop, asin pinaghimo nyang magsirbe ini habang yaon sa pagkasakop;

4 Asin ngonian, sa mga aldaw kan paghahade ni Omer siya yaon sa pagkasakop sa kabangaan kan saiyang mga aldaw. Asin ini nangyari naglipas na siya nakapag-ake nin mga lalake asin mga babae, asin sa pag-iriba kan mga ini iyo sinda Esrom asin Coriantumr;

5 Asin sinda grabeng gayo an kaanggutan nin huli sa mga kaggibohan ni Jared na saindang tugang, na tangani baya sinda nagtipon nin armada asin nakipaglaban ki Jared. Asin ini nangyaring naglipas na sinda nakipaglaban sa saiya kun banggi.

6 Asin ini nangyaring naglipas na kan nagkagaradan na ninda an armada ni Jared sinda kuta na mapoon na sa paggadan saiya man; asin siya nagdulag sa sainda na tanganing dae siya ninda magagadan, asin saiyang pinagtao an kahadean sa saiyang ama. Asin ini nangyaring naglipas na saindang pinagtugutan siyang mabuhay.

7 Asin ngonian si Jared nagin mamondoan na gayo nin huli sa pagkadaog kan kahadean, nin huli ta saiyang pinagtoon an saiyang puso sa kahadean asin sa mga kamurawayan kan kinaban.

An Simbahan ni Jesukristo nin Mga Banal sa Huring-aldaw 603
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

8 Ngonian an sarong akeng babae ni Jared na grabeng gayo ka-eksperto, asin nahihiling an kamondoan kan saiyang ama nag-isip na gumibo nin sarong plano na kun saen saiyang mabawi an kahadean para sa saiyang ama.

9 Ngonian an daragang ake ni Jared grabeng gayo kagayon. Asin ini nangyaring naglipas na siya nakipag-olay sa saiyang ama, asin nagsabi sa saiya. Ano baya ta an sakong ama grabe an kamondoan? Dae daw niya nabasa an rekord na an satuyang mga ama pinagdarang makabalyo gikan sa dakulaon na kararoman? Hilnga, dae daw nagkaigwa nin sarong estorya manungod sainda kaidto pa, na sinda sa paagi kan saindang mga sikretong mga plano nakakua nin mga kahadean asin dakulang kamurawayan?

10 Asin ngonian, kun kaya, tuguti na an sakuyang ama ipadara si Akish, an akeng lalake ni Kimnor, asin hilnga, ako baya magayonon, asin ako magsasayaw sa atubangan niya, asin sakuya pagpa-ogmahon siya, na tanganing saiya akong pagmawoton na magin agom; kun baya kun saiyang pagmmamawoton saimo na saimong itatao sa saiya ako na magin agom, kaya ika magsasabi: Sakuya siyang itatao kun saimong dadarahon sa sakuya an payo kan sakuyang ama, an hade.

11 Asin ngonian si Omer sarong amigo ni Akish; kun baya, kan si Jared nagpadara para ki Akish, an akeng daraga ni Jared nagsayaw sa atubangan niya na tanganing mapa-ogma siya, na tanganing siya nagmawot saiya na agomon. Asin ini nangyaring naglipas na siya nagsabi ki Jared: Itao mo siya sakuya bilang agom.

12 Asin si Jared nagsabi sa saiya: Itatao ko siya saimo, kun saimong madadara sa sakuya an payo kan sakuyang ama, an hade.

13 Asin ini nangyaring naglipas na si Akish pinagtiripon sa harong ni Jared an gabos niyang mga kaparyentehan, asin nagsabi sa sinda: Manunumpa daw kamo sa sakuya na kamo magigin matinubod-tubod sa sakuya sa bagay na sakuyang pinagmamawot sa saindo?

14 Asin ini nangyaring naglipas na sinda gabos nanumpa sa saiya, sa paagi nin Diyos sa langit, asin man sa mga kalangitan, asin man sa kinaban, asin sa paagi kan saindang mga pamayo, na an siisay man na magbari gikan sa asistensiya na si Akish an namamawot mawawaraan kan saindang payo; asin an siisay man na magbabalangibog kan anuman na bagay na si Akish iyo an nagpaaram sa sinda, siya man hahalean kan saiyang buhay.

15 Asin ini nangyaring naglipas na kaya sinda nag-uyon ki Akish. Asin si Akish iyo an nagpasumpa sa sinda kan mga panunumpa na pinagtao ninda kaidto para sa kiisay man na nagmamawot nin kapangyarihan, na ipinagpamana gikan pa ki Cain, na sarong paragadan magpoon pa sa kapinunan.

16 Asin sinda pinagtago sa paagi nin kapangyarihan kan diyablo na gibohon ining mga panunumpa sa mga katawohan, na itago sinda sa kadikloman, na magtabang arog kan maghagad nin kapangyarihan tanganing man-agaw nin kapangyarihan, asin manggadanan, asin manghabon, asin mangputik, asin gumibo nin gabos na manera nin karigsokan asin mga pagbenta nin laman.

17 Asin an akeng daraga ni Jared iyo an nagpamugtak kaini sa saiyang puso na tanganing hanapon an mga lumang bagay na ini kaidto; asin si Jared iyo an nagpamugtak kaini sa puso ni Akish; kun baya, si Akish an naggibo kaini sa saiyang mga kalahi asin mga amigo, pinangenotan sinda sa paagi nin magagayon na mga promisa na gumibo kan anuman na bagay na saiyang pinagmamawot.

18 Asin ini nangyaring naglipas na sinda nagporma nin sarong sikretong kumbinasyon,

na arog kan luma kaidto; na an kumbinasyon sarong mas pang ka-abominableng gayo asin marigsokon sobra pa sa gabos, sa pahiling nin Diyos;

19 Nin huli ta an Kagurangnan dae naggigibo sa sikretong mga kumbinasyon, ni magusto siya na an tawo dapat na magpabulos nin dugo, pero sa gabos na mga bagay pinagbabawal ini, magpoon pa kaidtong kapinunan nin tawo.

20 Asin ngonian, ako, si Moroni, dae nagsurat sa manera kan saindang mga panunumpa asin kumbinasyon, nin huli ta ini ipinagpaaram sa sakuya na sinda yaon nang kapot sa pag-iriba kan gabos na mga katawohan, asin sinda pinagkakaputan sa pag-iriba kan mga Lamanita.

21 Asin sinda an nagkausa sa kapahamakan kaining mga katawohan na iyo an sakuyang ngoniang pinagsasabi, asin man an kapahamakan kan mga katawohan ni Nephi.

22 Asin an siisay man na nasyon na gumigibo kaining sikretong kumbinasyon, tanganing makakua nin kapangyarihan asin gana, sagkod na sinda magkaralat na sa nasyon, hilnga, sinda pagdedestrosohon; nin huli ta an Kagurangnan dae naggad matugot na an dugo kan saiyang mga banal, na iyo an pabubuluson ninda, pirme sanang mag-aagrangay sa saiya gikan sa daga para ipagbalos laban sinda asin alagad dae niya sinda binabalos.

23 Kun baya, O kamong mga Hentil, ini sarong kadunungan nin Diyos na an mga bagay na ini ipinapahiling sa saindo, na tangani baya kamo magsorolsol kan saindong mga kasalan, asin dae kamo magtutugot na ining mapanggadan na mga kumbinasyon iyo an mangangaputan sa saindo, na pinaggibo tanganing makakua nin kapangyarihan asin gana--- asin an trabaho, iyo, magin an gibo nin kapahamakan magdudulok sa saindo, iyo, magin an espada nin hustisya kan Eternal na Diyos maghahampak sa saindo, tangani kamo agawan asin mapahamak kun kamo magtutugot kan mga bagay na ining mangyayari.

24 Kun kaya, an Kagurangnan nagsusugo sa saindo, kun saindong mahihiling an mga bagay magdudulok sa pag-iriba nindo na kamo magimata sa kamugtakan kan saindong makangorongirhat na sitwasyon, nin huli kaining sikretong kumbinasyon na magigin yaon sa pag-iriba nindo; O herak man sa saindo, nin huli sa dugo ninda na iyong pinaggaradan; nin huli ta sinda nag-aagrangay gikan sa alpog para ipagbalos kaini, asin man sa sinda na iyo an nagmuntar kaini.

25 Nin huli ta ini nangyayaring naglipas na an siisay na naggibo kaini sa pagmawot na man-agaw nin libertad sa gabos na mga kadagaan, mga nasyon, asin mga kabayanan; asin ini an nagdadara nin kapahamakan kan gabos na mga katawohan, nin huli ta ini pinagtugdok sa paagi kan diyablo, na iyo an ama kan gabos na kaputikan; magin siya iyo man sanang gayo na paraputik na iyo an nagdaya kan enot tang mga magurang, iyo, magin siya iyo man sanang gayo na paraputik na iyo an nagkausa na tanganing an tawo maggibo nin panggagadanan magpoon pa sa kapinunan; na iyo an nagpatagas kan mga puso nin mga tawo na sinda iyo an nanggagadan nin mga propeta, asin pinaggapo sinda, asin iyo an nagpalayas sinda magpoon pa sa kapinunan.

26 Kun kaya, ako, si Moroni, pinagsugo na suraton an mga bagay na ini na tanganing an karaotan puwedeng malikayan, asin ta an panahon maabot na si Satanas mawaraan na nin kapangyarihan sa mga puso kan mga kaakian nin mga tawo, pero sinda puwedeng mahikayat na gumibo nin padagos na karahayan, na sinda puwedeng makadulok sa burabod kan gabos na katanosan asin magin ligtas.

ETHER TSAPTER 9

An kahadean naglipas gikan sa saro pasiring sa saro sa paagi nin kamako-apoan asin intriga asin panggagadan--- Si Emer nahiling an Ake nin katanosan--- Kadakul na mga propeta nagkukurahaw nin pagsosolsol--- Sarong taggutom asin makamandag na mga halas iyo an nagin salot sa mga katawohan.

Asin ngonian ako, si Moroni, nagpadagos sa sakuyang pagrekord. Kun kaya, hilnga, ini nangyaring naglipas na nin huli sa mga sikretong kumbinasyon ni Akish asin kan saiyang mga amigo, hilnga, saindang naagaw an kahadean ni Omer.

2 Daeng pagkukulang, na an Kagurangnan nagin maheherakong gayo ki Omer, asin man sa saiyang mga akeng lalake asin sa saiyang mga kadaragahan na dae naghanged kan saiyang kapahamakan.

3 Asin an Kagurangnan nagpatanid ki Omer sa pangiturugan na dapat siyang maghale sa kadagaan; kun baya si Omer naghale paluwas sa kadagaan kairiba an saiyang pamilya, asin naglakbay nin kadakul na mga aldaw, asin nakaabot asin nag-agi sa burobukid nin Shim, asin nakaabot sa lugar kun saen an mga Nephita nagkaderestroso, asin magpoon duman pasirangan, asin nakaabot sa sarong lugar na pinag-apud na Ablom, sa may baybayon, asin duman nagtugdok siya kan saiyang tolda, asin man an saiyang mga akeng lalake asin an saiyang mga akeng babae, asin an bilog niyang pagharongon, laen lang kina Jared asin an saiyang pamilya.

4 Asin ini nangyaring naglipas na si Jared pinagngaranan na magin hade na mangingibabaw sa mga katawohan sa paagi kan mga kamot nin karigsokan; asin saiyang itinao ki Akish an saiyang daragang ake na agomon.

5 Asin ini nangyaring naglipas na si Akish nagmawot na bawian nin buhay an saiyang panugangan na lalake; asin siya nagdulok sa mga tawo na saiyang pinagpasumpa sa paagi nin panunumpa kan mga panahon, asin saindang nakua an payo kan saiyang panugangan na lalake, habang siya nakatukaw sa saiyang trono, na naki-atubang sa saiyang mga katawohan.

6 Nin huli ta grabeng gayo an pagkakalat kaining marigsokon asin sikretong sosyedad na ini pinagkorapu an mga puso kan gabos na mga katawohan; kun kaya si Jared pinaggadan habang yaon sa saiyang trono, asin si Akish an naghade bilang saiyang karibay.

7 Asin ini nangyaring naglipas na si Akish nagpoon na magselos sa saiyang akeng lalake, kun kaya saiya siyang pinakulong sa prisohan, asin pinagkulong siya na may kadikit o mayong pagkakan sagkod na siya nagsapo nin kagadanan.

8 Asin ngonian an tugang na lalake niya na nagsapo nin kagadanan, (asin an saiyang pangaran Nimrah) naanggot sa saiyang ama nin huli kan bagay na an saiyang ama iyo an naggibo sa saiyang tugang na lalake.

9 Asin ini nangyaring naglipas na si Nimrah nagtipon na magkasararo an sarong sadit na bilang nin mga tawo, asin nagdurulag paluwas sa kadagaan, asin nakaabot asin naki-erok kina Omer.

10 Asin ini nangyaring naglipas na si Akish nagkaigwa nin ibang mga akeng lalake, asin saindang ginana an mga puso nin mga katawohan, na maski na ngani na sinda nanumpa

An Simbahan ni Jesukristo nin Mga Banal sa Huring-aldaw

606

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

na man sa saiya na gumibo kan gabos na manera nin kadaendatahan na uyon sa saiyang pinagmamawot.

11 Ngonian an mga katawohan ni Akish nagmamawot nin gana, magin si Akish nagmamawot nin kapangyarihan; kun baya, an mga akeng lalake ni Akish nagtao sainda nin kuwarta, na sa paaging ini saindang madara paharayo an kadakul na parte nin mga katawohan na magsunod sainda.

12 Asin nagkaigwa nin pagpopoon nin sarong giyera sa tahaw kan mga akeng lalake ni Akish asin Akish, na nagtagal sa laog nin kadakul na mga taon, iyo, sagkod sa kapahamakan nin haros gabos na mga katawohan kan kahadean, iyo, haros gabos, laen lang sa treyntang mga kalag, asin sinda na nagdurulag na yaon sa harong ni Omer.

13 Kun baya, si Omer naibalik man giraray sa kadagaan kan saiyang kamanahan.

14 Asin ini nangyaring naglipas na si Omer nagpoon nang maggurang; daeng pagkukulang, sa saiyang pagkagurang siya nagkaigwa pa nin akeng lalake na si Emer; asin saiyang pinangngaranan si Emer na iyo an magigin hade na maghahade bilang saiyang karibay.

15 Asin pagkatapos niyang pangngaranan si Emer na iyo an magigin hade saiyang nahiling an katalingkasan sa kadagaan sa laog nin duwang taon, asin siya nagadan na, na nakahiling nin grabe na gayong mga aldaw, na pano-pano nin kamondoan. Asin ini nangyaring naglipas na si Emer naghade bilang karibay niya, asin nagsunod sa mga pinagtutungtungan kan saiyang ama.

16 Asin an Kagurangnan nagpoon giraray na haleon an sumpa sa kadagaan, asin an harong ni Emer nagpoon na mag-asensong gayo sa irarom kan paghahade ni Emer; asin sa laog nin saisiyenta asin duwang taon sinda nagin grabeng gayo kakusugon, na tangani baya sinda nagin mayamanong marhay---

17 Habang igwa nin gabos na manera kan prutas, asin nin mga butil, asin ning mga sutla, asin nin mga pinong lino, asin nin bulawan, asin nin plata, asin mga presyosong mga bagay;

18 Asin man gabos na manera nin mga kabakahan, arog kan lalakeng mga baka, asin palahian na mga baka, asin karnero, asin mga orig, asin mga kanding, asin man nin kadakul na iba pang mga klaseng mga hayop na makikinabangan para sa pagkakan nin tawo.

19 Asin sinda man igwa nin mga kabayo, asin mga asno, asin nagkaigwa nin mga elepante asin mga kurilum asin mga kumom; ini gabos may kapakinabangan sa tawo, asin lalo na an mga elepante asin mga kurilum asin mga kumom.

20 Asin kaya an Kagurangnan nagpabulos nin mga biyaya sa kadagaan na ini, na piniling labaw pa sa gabos na ibang kadagaan; asin siya nagsugo na an siisay man an magsasadi sa kadagaan dapat na pagsadirehon ini para sa Kagurangnan, o sinda dapat na pagdestrosohon sa panahon na sinda hinog na sa kadaendatahan; nin huli ta sa arog kaini, nagsasabi an Kagurangnan: Ako magpapabulos nin kapanoan kan sakuyang kaanggutan.

21 Asin si Emer nagpasunod nin paghuhukom sa katanosan sa bilog niyang mga aldaw, asin siya nagkaigwa nin kadakul na mga akeng lalake asin mga babae; asin siya nagkaigwang ake na si Coriantum, asin saiyang pinangngaranan si Coriantum na maghade bilang saiyang karibay.

22 Asin pagkatapos na saiyang pinangngaranan si Coriantum na maghahade bilang saiyang karibay siya namuhay pa nin apat na taon, asin siya nakahiling nin katuninongan

sa kadagaan; iyo, asin saiyang nahiling an Ake nin Katanosan, asin nag-ogma asin nagpamuraway sa saiyang aldaw; asin siya nagadan sa katuninongan.

23 Asin ini nangyaring naglipas na si Coriantum naglakaw sa mga lakad kan saiyang ama, asin nagtugdok nin kadakul na darakulang mga siyudad, asin nagpapamahala kan bagay na marahayon sa saiyang mga katawohan sa gabos niyang mga aldaw. Asin ini nangyaring naglipas na dae siya nagka-ake maski sagkod na siya gurangon nang marhay.

24 Asin ini nangyaring naglipas na an saiyang agom nagadan, na nag-abot sa sarong gatos asin duwang taon an edad. Asin ini nangyaring naglipas na si Coriantum nagkua nin agom, sa saiyang pagkagurang, nin sarong daraga, asin nagkaigwa nin mga akeng lalake asin bagae; kun baya siya nabuhay sagkod na siya sarong gatos asin kuwarenta asin duwang taon na an edad.

25 Asin ini nangyaring naglipas na nagkaigwa siya ake na si Com, asin si Com naghade bilang karibay niya; asin siya naghade nin kuwarenta asin siyam na taon, asin nagkaigwa siya nin ake na si Heth; asin siya man nagkaigwa nin iba pang mga akeng lalake asin babae.

26 Asin an mga katawohan nagkaralat giraray sa bilog na lalawgon nin kadagaan, asin nagkaigwa giraray nin sobra kadakulaon na karigsokan sa lalawgon nin kadagaan, asin si Heth nagpoon na magkugos sa sikretong mga plano giraray kan luma, tanganing destrosohon an saiyang ama.

27 Asin ini nangyaring naglipas na saiyang nakua an trono kan saiyang ama, nin huli ta saiya siyang ginadan kan saiyang espada; asin siya naghade bilang saiyang karibay.

28 Asin nagkaigwa nin mga propeta sa kadagaan giraray, nagkukurahaw nin pagsosolsol sa sainda--- na saindang pag-andamon an dalan nin Kagurangnan o magkakaigwa nin sarong sumpa sa lalawgon nin kadagaan; iyo, na magkakaigwa nin sarong dakulaon na taggutom, na puwede sindang madestroso kun sinda dae magsosolsol.

29 Pero an mga katawohan dae naggad nagtutubod sa mga tataramon kan mga propeta, kundi pinagtapok sinda paluwas asin an iba sainda pinaghulog ninda sa bangin asin pinabayaan sinda magkakaparara. Asin ini nangyaring naglipas na saindang pinaggigibo an gabos na ining mga bagay na uyon sa kasugoan nin hade, si Heth.

30 Asin ini nangyaring naglipas na nagkaigwa nin sarong dakulaon na tag-init sa lalawgon nin kinaban, asin an mga namamanwaan nagpopoon na magkaderestrosong hidali nin huli sa tag-init, nin huli ta dae kaidto nagkaigwa nin uran sa lalawgon kaining kinaban.

31 Asin nagkaigwa nin mga makamandag na mga halas man sa lalawgon nin kinaban, asin nakahilo nin kadakul na mga katawohan. Asin ini nangyaring naglipas na an saindang mga alagang hayop nagpopoon na magdurulag sa atubangan nin mga makamandag na mga halas, pasiring duman sa timog na parte nin kadagaan, na pinagapod kan mga Nephita na Zarahemla.

32 Asin ini nangyaring naglipas na kadakulon sa sainda na nagkaparara habang yaon sa dalan; daeng pagkukulang, igwang ibang nakadulag pasiring sa timog na parte nin kadagaan/

33 Asin nangyaring naglipas na an Kagurangnan nagkausa sa mga rimoranon na dae na ninda pagralamagon sinda, kundi na sinda dapat na mag-abang sa dalan na tanganing an mga katawohan dae makakaagi, na an siisay man na magprobar na mag-agi sinda mahuhulog sa mga makamandag na mga halas.

34 Asin ini nangyaring naglipas na an mga katawohan nagsurunod sa dalan kan mga hayop, asin nagkakakan sa mga gadan na hawak ninda na nagkagaradan sa may dalan, sagkod na saindang nagkakarakan sinda gabos. Ngonian kan an mga katawohan nahihiling na sinda mapapara sinda nagpoon na magsosorolsol kan saindang mga kadaendatahan asin nag-aragrangay sa Kagurangnan.

35 Asin ini nangyaring naglipas na kan sinda nagpakubabang tama sa atubangan nin Kagurangnan siya nagpadara nin uran sa lalawgon nin kinaban; asin an mga tawo nagpopoon na magkakabarawian nin boot giraray, asin nagkaigwa nin pagpopoon nin pagburungan sa may norteng parte nin kabayanan, asin sa gabos na mga kabayanan sa palibot. Asin an Kagurangnan nagpahiling kan saiyang kapangyarihan sa sinda sa pagpreserba sinda gikan sa taggutom.

ETHER TSAPTER 10

Sarong hade nagpamahala kasunod kan kada sarong--- An ibang mga hade matatanos; an iba man mararaot--- Kan an pagkamatanos iyo an naghahade, an mga katawohan bendisyunado asin nag-aransenso sa paagi nin Kagurangnan.

Asin ini nangyaring naglipas na si Shez, na sarong mako-apo ni Heth--- nin huli ta si Heth napara na kan taggutom, asin an bilog niyang pagharongon laen lang ki Shez--- kun baya, si Shez iyo an nagpoon giraray na bilugon an sarong nagkapururak na mga katawohan.

2 Asin ini nangyaring naglipas na si Shez nakagiromdom sa kapahamakan kan saiyang mga ama, asin siya nagbilog nin sarong matanos na kahadean; nin huli ta saiyang nagiriromdoman kun ano an ginibo nin Kagurangnan sa pagdara ki Jared asin an saiyang tugang na lalake sa pagbalyo sa katubigan; asin siya naglakaw sa mga dalan nin Kagurangnan; asin siya nagkaigwa nin mga akeng lalake asin babae.

3 Asin an saiyang pinakamatuang lalake, na an pangaran iyo si Shez, nagrebelde kontra saiya; daeng pagkukulang, si Shez hinampak sa paagi nin kamot kan tulisan, nin huli sa saiyang sobrang kayamanan, na nagdara nin katuninongan giraray sa saiyang ama.

4 Asin ini nangyaring naglipas na an saiyang ama nagtugdok nin kadakul na mga siyudad sa lalawgon nin kadagaan, asin an mga katawohan nagpopoon giraray na magkakalat sa bilog na lalawgon nin kadagaan. Asin si Shez nabuhay nin sobra kahaloy sa kagurangan nin edad; asin siya nagka-ake pa ki Riplakish. Asin siya nagadan, asin si Riplakish naghade bilang saiyang karibay.

5 Asin ini nangyaring naglipas na si Riplakish dae naggibo nin bagay na tama sa paghiling nin Kagurangnan, nin huli ta siya may kadakul na mga agom asin mga kabit, asin nag-atang sa mga abaga nin mga tawo nin magabat na pagsusunudon; iyo, saiya sindang pinagbuwisan nin magabaton na buwis; asin sa paagi kan mga buwis siya nagpatugdok nin kadakul na haluwagon na mga pagharongon.

6 Asin siya nagtugdok para saiya nin sarong grabe kagayon na trono; asin siya nagpatugdok nin kadakul na mga prisohan, asin an siisay man na dae nagsusunod sa

An Simbahan ni Jesukristo nin Mga Banal sa Huring-aldaw

609

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pagbuwis saiyang pinagkukunkon palaog sa prisohan; asin an siisay man na dae nagbabayad nin buwis saiyang pinagkukunkon palaog sa prisohan; asin siya nagkausa na sinda padagos na magtatrabaho para sa saindang mga pangangaipo; asin an siisay man na habong magtatrabaho saiyang pinagkausang paggagaradanon.

7 Kun baya siya nagkaigwa kan gabos niya magagayon na trabaho, iyo, maski na ngani an saiyang mapipinong bulawan saiyang pinagkausang bilugon sa laog nin prisohan. Asin ini nangyaring naglipas na saiyang pinasakitan an mga katawohan kan saiyang mga kalaswaan asin mga abominasyon.

8 Asin kan siya naghade sa laog nin kuwarenta asin duwang taon an mga katawohan napukaw na magrebelde kontra saiya; asin nagkaigwa nin giyera giraray sa kadagaan, na tanganing si Riplakish nagadan, asin an saiyang mga lahi pinagpaharale paluwas sa kadagaan.

9 Asin ini nangyaring naglipas pagkatapos nin kadakul na mga taon, si Morianton (siya bilang sarong kamako-apoan ni Riplakish) nagtipon na magkasararo nin sarong armada nin mga sinirikwal, asin nag-atake asin nagtao nin pakigiyera sa mga katawohan; asin siya nakapanggana nin kapangyarihan na mangingibabaw sa kadakul na mga siyudad; asin an giyera naging grabeng gayo kalala, asin naghaley sa laog nin kadakul na mga taon; asin siya nakagana nin kapangyarihan na mangingibabaw sa bilog na kadagaan, asin pinagpamugtak an saiyang sadire bilang hade kan bilog na kadagaan.

10 Asin pagkatapos na saiyang maipamugtak an saiyang sadire bilang hade pinagpapundo na niya an pagabat sa mga katawohan, na sa arog na paagi siya nakagana nin pabor sa mga mata kan mga katawohan, asin saindang pinagnombraran siya na magin an saindang hade.

11 Asin saiyang ginibo an hustisya sa mga katawohan, pero bako sa saiyang sadire nin huli kan saiyang kadakul na mga kalaswaan; kun baya siya pinagputol gikan sa presensiya nin Kagurangnan.

12 Asin ini nangyaring naglipas na si Morianton nagturugdok nin kadakul na mga siyudad, asin an mga katawohan nagin sobra an kayamanan sa irarom kan saiyang pamamahala, pareho sa mga pagharongon, asin sa bulawan asin plata, asin sa pagtatanom nin mga butil, asin sa mga karnero, asin mga kabakahan, asin iba pang mga bagay na pinagbalik sa sinda.

13 Asin si Morianton nabuhay sa grabe kasobrang edad, asin siya nagkaigwa nin ake na si Kim; asin si Kim naghade bilang karibay kan saiyang ama; asin siya naghade nin walong taon, asin an saiyang ama nagadan. Asin ini nangyaring naglipas na si Kim dae naghade sa katanosan, kun baya siya dae pinagpaboran nin Kagurangnan.

14 Asin an saiyang tugang na lalake nag-alsa sa pagrebelde kontra sa saiya, sa paaging ini saiyang pinagdara siya pasiring sa pagkasakop; asin sa saiyang pagkagurang siya nagkaigwang ake na si Levi; asin siya nagadan.

15 Asin ini nangyaring naglipas na si Levi nagsirbe sa laog nin pagkasakop pagkatapos kan pagkagadan kan saiyang ama, sa laog nin kuwarenta asin duwang taon. Asin siya nakigiyera laban sa hade nin kadagaan, sa paaging ini saiyang naagaw sa sadire niya an kahadean.

16 Asin pagkatapos na siya nakakua sa sadire nya nin kahadean siya naggibo kan bagay na tama sa paghiling nin Kagurangnan; asin an mga katawohan nag-asenso sa kadagaan; asin siya nabuhay sa sarong marhay na pagkagurang, asin nagkaigwa nin mga akeng

lalake asin mga babae, asin siya man nagkaigwa nin akeng si Corom, na iyo an saiyang pinanggaranan na hade bilang saiyang karibay.

17 Asin ini nangyaring naglipas na si Corom naggibo nin bagay na marhay sa paghiling nin Kagurangnan sa bilog niyang mga aldaw; asin siya nagkaigwa nin mga akeng lalake asin mga babae; asin pagkatapos na siya nakahiling nin kadakul na mga aldaw siya nagadan, nagin arog sa kamugtakan kan iba sa kinaban; asin si Kish naghade bilang saiyang karibay.

18 Asin ini nangyaring naglipas na si Kish nagadan man, asin si Lib naghade bilang saiyang karibay.

19 Asin ini nangyaring naglipas na si Lib man naggibo nin bagay na marhay sa paghiling nin Kagurangnan. Asin sa mga aldaw ni Lib an mga makamandag na mga halas nagkaderestroso. Kun baya sinda nagpaduman sa kadagaan sa timog na parte, sa paghanap nin pagkakan para sa mga katawohan nin kadagaan, nin huli ta an kadagaan nakukunupan nin mga hayop sa mga kagubatan. Asin si Lib mismo nagin sarong matibayon na parahanap-pagkakan.

20 Asin sinda nagtugdok nin sarong dakulaon na siyudad sa may hayakpit na liog nin kadagaan, sa may lugar kun saen an dagat yaon sa tahaw nin kadagaan.

21 Asin saindang pinagpreserba an kadagaan sa may timog na parte para magin sarong kadawagan, tanganing makakua nin pagkakan. Asin an bilog na lalawgon nin kadagaan sa may norteng parte napano nin mga namamanwaan.

22 Asin sinda grabeng gayo kahigos, asin sinda nagbabakal asin nagpapabakal asin nagtatawadan sa lambang saro sa saro, na tangani sinda puwedeng makakua nin ganada.

23 Asin sinda naggigibo nin gabos na manera nin lansang, asin sinda naghihimo nin mga bulawan, asin plata, asin bakal, asin bronse, asin gabos na manera nin mga metal; asin saindang pinagkakalot ini gikan sa daga; kun baya, sinda nagkakalot paitaas nin darakulang umbok nin daga tanganing makakua nin lansang, nin bulawan, asin kan plata, asin kan bakal, asin nin bronse. Asin sinda naggibo nin gabos na manera nin pinong trabaho.

24 Asin sinda igwa nin mga sida, asin pinong tingtingon nin lino; asin sinda naggigibo nin gabos na manera nin yamit, na tanganing mabadoan an saindang mga sadire gikan sa saindang kahubaan.

25 Asin naggigibo nin gabos na manera nin pambungkal nin daga, pareho sa pagbungkal asin sa pagsabwag, sa pag-ani asin sa pagkalot, asin man sa paggiginik.

26 Asin sinda naggigibo nin gabos na manera nin kagamitan na saindang ginagamit para sa saindang mga hayupan.

27 Asin sinda naggigibo nin gabos na manera nin armas panggiyera. Asin sinda naggigibo nin gabos na manera nin trabaho na may grabeng gayo kakuryusong kaggibohan.

28 Asin dae pa nagkaigwa nin sarong mga katawohan na mas kapaladan kesa sainda, asin mas pang pinag-asenso sa paagi nin kamot nin Kagurangnan. Asin sinda yaon sa kadagaan na pinili labaw pa sa gabos na mga kadagaan, nin huli ta an Kagurangnan iyo an nagtaram kaini.

29 Asin ini nangyaring naglipas na si Lib nabuhay nin kadakul na mga taon, asin nagkaigwang mga akeng lalake asin mga babae; siya nagkaigwang akeng si Hearthom.

30 Asin ini nangyaring naglipas na si Hearthom naghade bilang karibay kan saiyang ama.

Asin kan si Hearthom naghade nin beynte asin apat na taon, hilnga, an kahadean pinag-agaw sa saiya. Asin sya nagsirbe nin kadakul na mga taon sa pagkasakop, iyo, magin sagkod sa bilog na katadaan kan saiyang mga aldaw.

31 Asin siya nagkaigwang ake na si Heth, asin si Heth namuhay sa pagkasakop sa bilog niyang mga aldaw. Asin si Heth nagkaigwa nin akeng si Aaron, asin si Aaron namuhay sa pagkasakop sa bilog niyang mga aldaw; asin siya nagkaigwa nin ake na si Amnigaddah, asin si Amnigaddah man nag-eerok sa pagkasakop sa bilog niyang mga aldaw; asin siya nagkaigwa nin akeng si Coriantum, asin si Coriantum naki-erok sa pagkasakop sa bilog niyang mga aldaw; asin siya nagkaigwang ake na si Com.

32 Asin ini nangyaring naglipas na si Com nakapag-agyat paharayo nin kabangaan kan kahadean. Asin siya naghade sa kabangaan kan kahadean nin kuwarenta asin duwang taon; asin siya nakipaggiyera kontra sa hade, Amgid, asin sinda nagralaban sa laog nin kadakul na mga taon, na sa panahon na idto si Com an nanggana nin kapangyarihan na nangingibabaw ki Amgid, asin naagaw an kapangyarihan na nangingibabaw sa katadaan pa nin kahadean.

33 Asin sa mga aldaw nin Com nagpopoon na man na magkaigwa nin mga tulisan sa kadagaan; asin pinag-adaptar an lumang mga plano kaidto, asin nagpamahala nin panunumpa sa manera kan mga panahon, asin nagmawot na destrosohon giraray an kahadean.

34 Ngonian si Com nakipaglaban na gayo kontra sainda; daeng pagkukulang, siya dae nakatagal laban sainda.

ETHER TSAPTER 11

Mga giyera, pag-iiriwal-iwal, asin karigsokan iyo an nagdominar sa buhay kan mga Jaredita--- An saindang mga propeta naghula nin sagad na kapahamakan nin mga Jaredita laen lang kun sinda magsosolsol--- An mga katawohan nagsikwal sa mga tataramon kan mga propeta.

Asin nagkaigwa man sa panahon ni Com nin mga propeta, asin nagparapropesiya nin kapahamakan kan dakulaon na mga katawohan laen lang kun sinda magsosolsol, asin magbalik sas Kagurangnan, asin bayaan an saindang mga panggagadan asin karigsokan.
2 Asin ini nangyaring naglipas na an mga propeta pinagsisikwal nin mga katawohan, asin sinda nagdurulag pasiring ki Com para sa proteksiyon, nin huli ta an mga katawohan nagmawot na destrosohon sinda.

3 Asin sinda nagpropesiya ki Com nin kadakul na mga bagay; asin siya pinagbendisyunan sa bilog na katadaan kan saiyang mga aldaw.

4 Asin siya namuhay sa marhay na pagkagurang sa edad, asin nagkaigwang ake na si Shiblom; asin si Shiblom naghade bilang saiyang karibay. Asin an tugang na lalake ni Shiblom nagrebelde kontra saiya, asin nagpopoon na magkaigwa nin sarong grabe na gayong giyera sa bilog na kadagaan.

An Simbahan ni Jesukristo nin Mga Banal sa Huring-aldaw 612
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

5 Asin ini nangyaring naglipas na an tugang na lalake ni Shiblom nagkausa na an gabos na propeta na nagpropesiya nin kapahamakan sa mga katawohan dapat na paggaradanon; 6 Asin nagkaigwa nin dakulang kalamidad sa bilog na kadagaan, nin huli ta sinda nagpatotoo na sarong dakulang sumpa an maabot sa kadagaan, asin man sa mga katawohan, na magkakaigwa nin sarong dakulaon na kapahamakan sa pag-iriba ninda, ini sarong pangyayari na dae pa nangyari sa lalawgon nin kinaban, asin an saindang mga tulang magigin arog sa mga tambak nin daga sa lalawgon nin kadagaan lane lang kun sinda magsosolsol kan saindang karigsokan.

7 Asin sinda dae nagdarangog sa boses nin Kagurangnan, nin huli kan saindang maririgsok na mga kumbinasyon; kun baya, nagkaigwa nin pagpopoon nin mga giyera asin pagralaban-laban sa bilog na kadagaan, asin man nin kadakul na taggutom asin mga peste, na tangani baya nagkaigwa nin sarong dakulang kapahamakan, ini sarong pangyayari na dae pa nabantog sa lalawgon nin kinaban; asin an gabos na ini nangyaring naglipas sa mga aldaw nin Shiblom.

8 Asin an mga katawohan nagpoon na magsosolsol kan saindang mga kadaendatahan; asin habang ginigibo ninda ini an Kagurangnan nagkaigwa nin pagkaherak sainda.

9 Asin ini nangyaring naglipas na si Shiblom ginadan, asin si Seth pinadara sa pagkasakop, asin nag-erok sa pagkasakop sa bilog niyang mga aldaw.

10 Asin ini nangyaring naglipas na si Ahah, an saiyang akeng lalake, nabawi an kahadean; asin siya naghade sa mga katawohan sa bilog niyang mga aldaw. Asin siya nakagibo nin gabos na manera nin kadaendatahan sa saiyang mga aldaw, na sa paaging ini siya nagkausang nakapagpabulos nin grabeng dugo; asin naghaliopot an saiyang mga aldaw.

11 Asin si Ethem, bilang sarong kamako-apoan ni Ahah, iyo an nagkapot nin kahadean, asin siya man guminiibo nin bagay na maririgsok sa saiyang mga aldaw.

12 Asin ini nangyaring naglipas na sa mga aldaw ni Ethem nagkaigwa nin kadakul na mga propeta, asin nagpropesiya giraray sa mga katawohan; iyo, sinda nagpropesiya na an Kagurangnan iyong gayo an magdedestroso sainda gikan sa lalawgon kan kinaban laen lang kun sinda magsosolsol kan saindang mga kadaendatahan.

13 Asin ini nangyaring naglipas na an mga katawohan pinagpatagas an saindang mga puso, asin habong magdarangog kan saindang mga tataramon; asin an mga propeta nagmurundo asin nagrayo gikan sa pag-iriba nin mga katawohan.

14 Asin ini nangyaring naglipas na si Ethem naggigibo nin paghuhukom sa karigsokan sa bilog niyang mga aldaw; asin siya nagkaigwang ake na si Moron. Asin ini nangyaring naglipas na si Moron naghade bilang saiyang karibay; asin si Moron naggibo nin bagay na maririgsok sa atubangan nin Kagurangnan.

15 Asin ini nangyaring naglipas na nagkaigwa nin sarong rebelyon sa pag-iriba nin mga katawohan, nin huli sa sikretong mga kumbinasyon na pinagpakusog tanganing makakapot nin kapangyarihan asin kaganahan; asin nagkaigwa nin sarong makusog na tawo sa pag-iriba ninda na yaon sa kadaendatahan, asin nakipaggiyera ki Moron, na sa paaging ini saiyang naagaw an kabangaan nin kahadean; asin saiyang pinagmantine an kabangaan kan kahadean sa kadakul na mga taon.

16 Asin ini nangyaring naglipas na si Moron an nakadaog saiya, asin naagaw an kahadean giraray.

17 Asin ini nangyaring naglipas na nagkaigwa nin saro pang makusog na tawo; asin siya

An Simbahan ni Jesukristo nin Mga Banal sa Huring-aldaw

613

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

sarong kamako-apoan kan tugang na lalake ni Jared.

18 Asin ini nangyaring naglipas na saiyang nadaog si Moron asin naagaw an kahadean; kun baya, si Moron namuhay sa laog nin pagkasakop sa bilog na katadaan kan saiyang mga aldaw; asin siya nagkaigwa nin ake na si Coriantor.

19 Asin ini nangyaring naglipas na si Coriantor namuhay sa laog nin pagkasakop sa bilog niyang mga aldaw.

20 Asin sa mga aldaw ni Coriantor nagkaigwa man nin kadakul na mga propeta, asin nagpropesiya nin kadakul asin makangalason na mga bagay, asin nag-agyat nin pagsosolsol sa mga katawohan, asin laen lang na sinda magsorolsol an Kagurangnang Diyos maggigibo nin paghuhukom kontra sinda pasiring sa saindang dagos na kapahamakan;

21 Asin na an Kagurangnang Diyos magpapadara o magdadara nin ibang mga katawohan tanganing pagsadirehon an kadagaan, sa paagi kan saiyang kapangyarihan, na arog sa manera na saiyang pinagdara an saindang mga ama.

22 Asin sinda nanikwal kan gabos na mga t ataramon nin mga propeta, nin huli kan saindang sikretong sosyedad asin maririgsok na karumputan.

23 Asin ini nangyaring naglipas na si Coriantor nagkaigwa nin ake na si Ehter, asin siya nagadan, nakapamuhay sa laog nin pagkasakop sa bilog niyang mga aldaw.

ETHER TSAPTER 12

Si Propetang Ether nagparapagiromdom sa mga katawohan na magtubod sa Diyos--- Si Moroni pinagduonang gayo an mga makakangalas asin marbelosong kaggibohan nin pagtubod--- An pagtubod nakapaghimo na an tugang na lalake ni Jared nahiling si Cristo--- An Kagurangna nagtatao sa mga tawo nin mga kaluyahan na tanganing sinda magpapakumbaba--- An tugang na lalake ni Jared pinaghiro an Bukid Zerim sa paagi nin pagtubod--- Pagtubod, paglaom, asin pagkamoot iyo an esensiyal pasiring sa kaligtasan--- Si Moroni nahiling si Jesus lalawgon sa lalawgon.

Asin ini nangyaring naglipas na an mga aldaw ni Ether yaon sa aldaw ni Coriantumr; asin si Coriantumr iyo an hade sa bilog na kadagaan.

2 Asin si Ether sarong propeta nin Kagurangnan; kun baya si Ether nag-abot sa mga aldaw ni Coriantumr, asin nagpopoon na magpropesiya sa mga katawohan, nin huli ta siya dae mapupugulan nin huli sa Espiritu nin Kagurangnan na yaon saiya.

3 Nin huli ta siya nagkukurahaw magpoon sa pagkaaga, magin sagkod sa pagbaba nin saldang, pinagpapagiromdom sa mga katawohan na magtubod sa Diyos pasiring sa pagsosolsol ta kun dae baka sinda pagdedestrosohon, na nagsasabi sa sinda na sa paagi nin pagtubod an gabos na mga bagay magkaka-urutob.

4 Kun baya, an siisay na magtutubod sa Diyos puwedeng igwa nin kaseguruhan nin paglaom para sa sarong marhay na kinaban, iyo, maski sarong lugar na yaon sa toong kamot nin Diyos, na an paglaom na ini mag-aabot sa paagi nin pagtubod, naghihimo nin sarong patugkadan kan mga kalag nin mga tawo, na iyo an maghihimo sinda nin

An Simbahan ni Jesukristo nin Mga Banal sa Huring-aldaw

614

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kaseguruhan asin kapusugan, pirmeng napapano nin marhayon na mga gibo, na iyo an matutulak tanganing ipagpamuraway an Diyos.

5 Asin ini nangyaring naglipas na si Ether nagpropesiya nin kadakul asin makangangalason na mga bagay sa mga katawohan, na dae ninda pinagtutubudan, nin huli ta dae ninda nahihiling.

6 Asin ngonian, ako, si Moroni, magtataram nin anuman manungod kaining mga bagay; ako magpapahiling sa kinaban na an pagtubod iyo an mga bagay na iyo an pinaglalaom asin dae nahihiling; kun baya, dae kamo maki-iwal nin huli ta dae nindo ini nahihiling, nin huli ta dae kamo makakaresibe nin patotoo sagkod na matapos na an pagsubok kan saindong pagtubod.

7 Nin huli ta sa paagi nin pagtubod si Cristo nagpahiling kan saiyang sadire sa satuyang mga ama; pagkatapos na siya nabuhay-liwat sa pagkagadan; asin siya dae nagpahiling kan saiyang sadire sa sinda sagkod na matapos na sinda nagkaigwa nin pagtubod sa saiya; kun baya, ini kinakaipuhan na an iba magkaigwa nin pagtubod saiya, nin huli ta siya dae makapagpahiling kan saiyang sadire sa kinaban.

8 Pero nin huli sa pagtubod nin mga tawo siya nakapagpahiling kan saiyang sadire sa kinaban, asin nagpamuraway sa pangaran nin Ama, asin nag-andam nin sarong dalan na tanganing an iba man magigin kaparte kan langitnon na regalo, na sinda puwedeng maglaom kaidtong mga bagay na dae pa ninda nahihiling.

9 Kun baya, kamo man magkaigwa nin paglaom, asin magin kaparte kan regalo, kun kamo magkakaigwa lang baya nin pagtubod.

10 Hilnga sa paagi nin pagtubod sinda sa lumang panahon pinag-apod na susog sa banal na orden nin Diyos.

11 Kun baya, sa paagi nin pagtubod an ley ni Moises pinagtao. Pero sa regalo kan saiyang Ake na an Diyos nag-andam nin sarong mas halangkawon na dalan; asin ini nangyari sa paagi nin pagtubod na iyo kaini an nakapagpautob.

12 Nin huli ta kan mayo nin pagtubod sa pag-iriba kan mga kaarakian nin mga tawo an Diyos dae makapaggibo nin milagro sa pag-iriba ninda; kun baya, siya dae makapagpahiling kan saiyang sadire sagkod na magkaigwa sindang pagtubod.

13 Hilnga, an pagtubod ni Alma asin Amulek iyo an nagkausa sa prisohan na magrugmok sa daga.

14 Hilnga, an pagtubod ni Nephi asin Lehi na iyo an nakapagtao nin pagbabago sa mga Lamanita, na tanganing sinda magkakaburunyagan nin kalayo asin nin Banal na Espiritu.

15 Hilnga, an pagtubod ni Ammon asin kan saiyang mga katugangan na iyo an nakapagtao nin sarong dakulaong milagro sa pag-iriba kan mga Lamanita.

16 Iyo, asin maski na ngani sinda gabos na nakagibo nin mga milagro nakapaggibo sinda sa paagi nin pagtubod, maski na idtong mga tawo bago pa si Cristo asin man sinda pagkatapos niya.

17 Asin ini sa paagi nin pagtubod na an tulong desipulos nagkamit nin sarong promisa na sinda dae makakanamit nin kagadanan; asin sinda dae nagkamit kan promisa sagkod na nagkaigwa sinda nin pagtubod.

18 Asin maski sa anong panahon dae nangyari an anuman na milagro sagkod na sinda nagkaigwa nin pagtubod; kun baya sinda enot ngunang magtubod sa Ake nin Diyos.

19 Asin nagkaigwa nin kadakul na an saindang pagtubod grabeng gayo kakusog, magin bago pa man si Cristo mag-abot, sinda na dae puwedeng pabayaon sa likod kan belo, pero

tunay na nakasaksi kan saindang mga mata nin mga bagay na saindang nahiling sa paagi nin mata nin pagtubod, asin sinda nagka-orogma.

20 Asin hilnga, samuyang nahiling na yaon sa talaan na ini na sarong tawong ini iyo an tugang na lalake ni Jared; nin huli ta grabeng gayo kadakula an saiyang pagtubod sa Diyos, na kan an Diyos pinagdut-anan kan saiyang muro dae niya maitago ini gikan sa paghilingon kan tugang na lalake ni Jared, nin huli kan saiyang tataramon na saiyang pinagtaram sa saiya, na an tataramon saiyang nakamtan sa paagi nin pagtubod.

21 Asin pagkatapos na an tugang na lalake ni Jared nahiling an muro nin Kagurangnan, nin huli kan promisa na an tugang na lalake ni Jared nakakamit sa paagi nin pagtubod, an Kagurangnan dae makapagtago nin anumang bagay gikan sa saiyang panghilingon; kun baya saiyang ipinahiling saiya an gabos na mga bagay, nin huli ta siya dae na puwedeng yaon sana sa luwas nin belo.

22 Asin ini sa paagi nin pagtubod na an sakuyang mga ama nagkamit nin promisa na an mga bagay na ini dapat na mag-abot sa saindang mga katugangan sa paagi kan mga Hentil; kun kaya an Kagurangnan nagsugo sakuya, iyo, magin si Jesu Cristo.

23 Asin akjo nagsabi sa saiya: Kagurangnan, an mga Hentil magtutuya-tuya kaining mga bagay; nin huli kan samuyang kaluyahan sa pagsusurat; nin huli ta saimong pinaghimo an gabos na ining mga katawohan na sinda makapagtaram nin grabe, nin huli kan Banal na Espiritu na saimong pinagtao sinda;

24 Asin saimo kaiming pinaggibo na kami makapagsurat nin kadikit, nin huli sa kabalikukuan kan samuyang mga kamot. Hilnga, dae mo kami pinaghimong matibayon sa pagsusurat arog sa tugang na lalake ni Jared, nin huli ta saimo siyang pinaghimo na an mga bagay na saiyang pinagsurat makukusog na arog sa saimo magin sagkod sa pagka-akyat nin tawo tanganing pagbasahon an mga ini.

25 Saimo man pinaggibo na an samuyang mga tataramon pano nin kakusugan asin kadakulon, na haros dae mi ngani maisusurat an mga ini; kun baya, sa panahon na kami magsusurat samuyang nahihiling an samuyang kaluyahan, asin napapasala nin huli kan pagpapamugtak kan samuyang mga tataramon; asin ako natatakot na baka baga an mga Hentil magtutuya-tuya kan samuyang mga tataramon.

26 Asin kan ako nakapagtaram na kaini, an Kagurangnan nagtaram sa sakuya, na nagsasabi: An mga hangal magtutuya-tuya, pero sinda magmumundo; asin an sakuyang grasya tama sana para sa mga mabooton, na tanganing sinda dae makapagbentahe kan saindang kaluyahan;

27 Asin kun an mga tawo magdudulok sa sakuya Ako an magpapahiling sa sinda kan saindang mga kaluyahan. Ako nagtao sa mga tawo nin kaluyahan na tangani baya sinda magin mapagpakumbaba; asin an sakuyang grasya tama sana para sa gabos na mga tawong nagpapakumbaba kan saindang mga sadire sa atubangan ko; nin huli ta kun sinda magpapakumbaba kan saindang mga sadire sa atubangan ko, asin igwa nin pagtubod sakuya, baya Ako maghihimo na an maluluyang bagay magigin makusugon sa sinda.

28 Hilnga, Ako an magpapahiling sa mga Hentil kan saindang kaluyahan, asin Ako an magpapahiling sa sinda na an pagtubod, paglaom asin pagkamoot iyo an nagdadara sa sakuya--- an burabod kan gabos na katanosan.

29 Asin ako, si Moroni, pagkatapos na madangog an mga tataramon na ini, pinagranga asin nakapagsabi: O Kagurangnan, an saimong pagkamatanos mangyayari, nin huli ta ako nakakaaram na ika nagparagibo sa kaarakian nin mga tawo na uyon sa saindang

An Simbahan ni Jesukristo nin Mga Banal sa Huring-aldaw

616

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

pagtubod;

30 Nin huli ta an tugang an lalake ni Jared nagsabi sa bukid Zerim, Mahale ka--- asin ini nahale. Asin kun siya mayo nin pagtubod dae kuta na ini nahale; kun baya ika naggigibo pagkatapos na an mga tawo nagkaigwa nin pagtubod.

31 Nin huli kaini kaya ika nagpahiling sa saimong mga desipulos; nin huli ta pagkatapos na sinda nagkaigwa nin pagtubod, asin nagtaram sa saimong pangaran, ika nagpahiling kan saimong sadire sa sinda sa kadakulaong kapangyarihan.

32 Asin ako man nakapaggiromdom na ika nagsabi na ika nag-andam nin sarong harong para sa tawo, iyo, na pag-iriba kan mga mansiyon kan saimong Ama, na kun saen an tawo magkakaigwa nin sarong mas pang makusugon na paglaom; kun baya an tawo kaipong maglaom, o siya dae makakaresibe nin sarong kamanahan sa lugar kun saen ika iyo an nag-andam.

33 Asin giraray, ako nakapaggiromdom na ika nagsabi na saimong namumutan an kinaban, magin sagkod na ihahaya mo an saimong buhay para sa kinaban, na tanganing saimo man sanang mabawi ini giraray tanganing prepararon an sarong lugar para sa mga kaarakian nin mga tawo.

34 Asin ngonian ako nakakaaram na ining pagkamoot na igwa ka para sa mga kaarakian nin mga tawo iyo an pagkamoot sa kapwa; kun baya, laen lang kun an mga tawo magkakaigwa nin pagkamoot sa kapwa sinda dae makakamana nin lugar na saimong pinag-andam sa mga mansiyon kan saimong Ama.

35 Kun baya, ako nakakaaram sa paagi kan bagay na ining saimong pinagsabi, na kun an mga Hentil mayong pagkamoot sa kapwa, nin huli kan samuyang kaluyahan, na saimong pagpoprobaran sinda, asin haleon an saindang mga talento, iyo, magin idtong saindang naresibe na, asin itatao sa sinda na magkakaigwa pa nin pag-abunda.

36 Asin ini nangyaring naglipas na ako nagpangadye sa Kagurangnan na saiyang pagtawanan an mga Hentil nin grasya, na tanganing sinda puwedeng magkakaigwa nin pagkamoot sa kapwa.

37 Asin ini nangyaring naglipas na an Kagurangnan nagsabi sa sakuya: Kun sinda mayo nin pagkamoot sa kapwa ini mayong kamanongdanan sa saimo, ika nagin pano nin pagtubod; kun baya, an saimong bado mahihimong malinig. Asin nin huli ta saimong nahiling an saimong kaluyahan ika hihimoong makusugon, magin sagkod na magtukaw ka sa lugar na sakuyang pinag-andam sa mga mansiyon kan sakuyang Ama.

38 Asin ngonian ako, si Moroni, nagpapaaram na sa mga Hentil, iyo, asin man sa sakuyang mga katugangan na sakuyang namumutan, sagkod na kita magkakahirilingan sa atubangan kan tukawan nin paghuhukom ni Cristo, na kun saen an gabos na mga tawo makakaaram na an sakuyang bado dae nadugtaan kan saindong dugo.

39 Asin saka kamo makakaaram na nahiling ko si Jesus, asin na siya nakipag-olay sakuya lalawgon sa lalawgon, asin siya nagtaram sakuya sa mahuyong kapakumbabaan, magin arog sa sarong tawo na nagtataram sa sarong sakuyang sadireng lengguwahe, mapanungod kaining mga bagay;

40 Asin kadikit sana an sakong nasurat, nin huli sa sakuyang kaluyahan sa pagsurat.

41 Asin ngonian, ako magtitiwala saindo na kamo maghahanap kaining Jesus na an mga propeta asin an mga apostoles nakapagsurat, na an grasya nin Diyos an Ama, asin man an Kagurangnan Jesu-Cristo, asin an Banal na Espiritu, na iyo an nagpapatotoo sinda, puwedeng mag-antabay saindo nin daeng kasagkoran. Amen.

ETHER TSAPTER 13

Si Ether nagtataram nin sarong Bagong Jerusalem na itutugdok sa Amerika sa paagi kan banhi ni Joseph--- Siya nagpopropesiya, pinagsisikwal, nagsusurat nin kasaysayan kan mga Jaredita, asin pinaghula an kapahamakan kan mga Jaredita--- An giyera nagkalat sa bilog na kadagaan.

Asin ngonian ako, si Moroni, nagpapadagos sa pagtapos kan sakuyang talaan manungod sa kapahamakan nin mga katawohan na sainda ako padagos na nagsusurat.

2 Nin huli ta hilnga, saindang pinagsisikwal an gabos na mga tataramon ni Ether; nin huli ta siya tunay na nagtataram sainda kan gabos na mga bagay, magpoon pa sa kapinunan nin tawo; asin na pagkatapos na an tubig naghupa na gikan sa lalawgon kaining kadagaan ini nagin piling kadagaan na labaw pa sa iba pang kadagaan, sarong piniling kadagaan nin Kagurangnan; kun baya an Kagurangnan nagmamawot na an gabos na mga tawo dapat na magsirbe saiya na tanganing iyo an mag-eerok sa lalawgon kaini;

3 Asin ta iyo ini an bagong lugar kan Bagong Jerusalem, na nagbababa paluwas sa langit, asin iyo an banal na sanktuwaryo nin Kagurangnan.

4 Hilnga, si Ether nakahiling kan mga aldaw ni Cristo, asin siya nagtaram mapanungod sa sarong Bagong Jerusalem kaining kadagaan.

5 Asin siya man nagtataram mapanungod sa harong nin Israel, asin sa Jerusalem kun saen si Lehi nagagikan--- pagkatapos na ini pagdestrosohon ini patitindugon giraray, sarong banal na siyudad para sa Kagurangnan; kun baya, ini dae bakong gayo an bakong gayo an bagong Jerusalem nin huli ta ini iyo an nasa panahong luma; pero ini dapat na pagpatindugon giraray, asin magin sarong banal na siyudad nin Kagurangnan; asin ini itutugdok para sa harong nin Israel---

6 Asin ta sarong Bagong Jerusalem dapat na itutugdok kaining kadagaan, para sa katadaan kan banhi ni Joseph, nin huli sa mga bagay na ini nagkaigwa nin sarong tipo.

7 Nin huli ta si Joseph an nagdara kan saiyang ama duman sa kadagaan nin Ehipto, magin sagkod na siya nagadan duman; kun baya, an Kagurangnan nagdara nin sarong katadaan kan banhi ni Joseph paluwas sa kadagaan nin Jerusalem, na tanganing siya magin pano nin pagkaherak sa banhi ni Joseph na tanganing sinda dae mapara, magin arog na siya pano nin pagkaherak sa ama ni Joseph na tanganing siya dae dapat na mapara.

8 Kun baya, an katadaan kan harong ni Joseph itutugdok sa kadagaan na ini; asin ini magigin sarong kadagaan na saindang kamanahan; asin sinda magtutugdok nin sarong banal na siyudad para sa Kagurangnan, na arog kaidtong Jerusalem sa luma; asin sinda dae na naggad mariribongan, sagkod na an katapusan mag-abot sa panahon na an kinaban maglipas na.

9 Asin magkakaigwa nin bagong langitnon asin sarong bagong kinaban; asin sinda magigin arog kaidto sa luma lane lang ta an luma naglipas na, asin an gabos na mga bagay nagin bago na.

10 Asin pagkasunod maabot an Bagong Jerusalem; asin paladan sinda na nag-eerok dyan,

An Simbahan ni Jesukristo nin Mga Banal sa Huring-aldaw

618

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin huli ta sinda iyo an mga tawo na an mga bado mapuputi sa paagi kan dugo nin Kordero; asin sinda iyo an kabilang sa pag-iriba nin katadaan kan banhi ni Joseph, na yaon sa harong nin Israel.

11 Asin pagkasunod uya man maabot an Jerusalem kan luma; asin an mga namamanwaan kaini, paladan sinda, nin huli ta sinda pinaghugasan na nin dugo kan Kordero; asin sinda iyo an mga pinagkaralat asin pinagtipong magkasararo gikan sa apat na kuwarto nin kinaban, asin gikan sa mga norteng banwaan, asin mga kaparte sa kautuban kan tipan na an Diyos iyo an naghimo sa saindang ama, Si Abraham.

12 Asin sa panahon na an mga bagay na ini mag-abot, ini nagdadara na mangyari an kasuratan na nagsasabi, yan sinda na iyo an nagka-erenot, iyo sinda an magkahururi; asin yan sinda na nagkahururi, iyo an magigin enot.

13 Asin ako magsusurat pa kuta na nin kadakul, pero ako pinagbawalan; pero dakula asin makangangalas an mga propesiya ni Ether; pero sinda naghuhuna saiya na mayong kamugtakan, asin siya pinagsisikwal paluwas; asin siya nagtatago kan saiya sadire sa kuweba nin sarong gapo kun aldaw, asin sa pagkabanggi siya nagluluwas asin pinaghihiling an mga bagay na mag-aabot sa mga katawohan.

14 Asin habang siya nag-eerok sa kuweba nin sarong gapo siya naghimo sa katadaan pa kaining rekord, habang pinaghihiling an mga kapahamakan na nag-aabot sa mga katawohan, sa pagkabanggi.

15 Asin ini nangyaring naglipas na sa kaparehong taon na siya pinagsirikwal paluwas gikan sa pag-iriba nin mga katawohan nagkaigwa nin pagpopoon nin sarong dakulang giyera sa pag-iriba nin mga katawohan, nin huli ta nagkaigwa nin kadakul na nag-aralsa, na mga darakulang tawo, asin nagmamawot na destrosohon si Coriantumr sa paagi kan saindang sikretong mga plano nin karigsokan, na kun saen ini pinagtaram na.

16 Asin ngonian si Coriantumr, na nag-adal, kan saiya sadire, kan gabos na mga arte nin pakikigiya asin kan gabos na mga padaya nin kinaban, kun baya siya nagtao nin pakigiya sa sainda na nagmamawot na destrosohon siya.

17 Pero siya dae nagsosolsol, ni an saiya mga magagayon na akeng lalake ni an mga akeng babae; ni an magagayon na akeng lalake asin mga babae ni Cohor; ni an mga magagayon na akeng lalake asin mga babae ni Corihor; asin sa kapinunan, mayong magagayon na mga akeng lalake asin mga babae na yaon sa lalawgon kaining bilog na kinaban na nagsosolsol kan saindang mga kasalanan.

18 Kun baya, ini nangyaring naglipas na sa enot na taon na si Ether nag-eerok sa kuweba nin sarong gapo, nagkaigwa nin kadakul na mga katawohan an nagkagaradan na sa paagi nin espada nin mga tawong may sikretong kumbinasyon, nakipaglaban kontra ki Coriantumr na tanganing sainda ng maagaw an kahadean.

19 Asin ini nangyaring naglipas na an mga akeng lalake ni Coriatumr nakipaglaban na gayo asin nagkadurugan na gayo.

20 Asin sa ikaduwang taon an tataramon nin Kagurangnan nag-abot ki Ether, na siya dapat na magduman asin magpropesiya ki Coriantumr na, kun siya magsosolsol, asin an bilog niyang pagharongon, an Kagurangnan iyo an magtatao sa saiya kan saiya kahadean asin ililigtas an mga katawohan---

21 Ta kun dae sinda madedestroso, asin an bilog niyang pagharongon laen lang sa saiya. Asin siya dapat na mabubuhay sana tanganing mahiling an kautuban kan mga propesiya na pinagtaram na mapanungod sa ibang mga katawoha na magresesibe sa kadagaan

bilang saindang kamanahan; asin si Coriantumr makapagresibe nin sarong lubong sa paagi ninda; asin an lambang kalag madedestroso laen lang ki Coriantumr.

22 Asin ini nangyaring naglipas na si Coriantumr dae nagsosolsol, ni an saiayang pagharongon, ni an mga katawohan; asin an mga giyera dae nag-uuntok; asin sinda nagmawot na gadanon ni Ether, pero siya nagdulag gikan sa atubangan ninda asin nakapagtago giraray sa kuweba kan gapo.

23 Asin ini nangyaring naglipas na nagrebelde si Shared, asin siya man nakipaggiyera ki Coriantumr; asin saiayang nadaog siya, na tangani baya na sa ikatulong taon saiya siyang pinagdara sa pagkasakop.

24 Asin an mga akeng lalake ni Coriantumr, sa ikaapat na taon, pinagdaog si Shared, asin nabawi giraray an kahadean para sa saindang ama.

25 Ngonian nagkaigwa nin pagpopoon nin sarong giyera sa bilog na lalawgon nin kinaban, an lambang tawo kairiba an saiayang pangkat nakikipaglaban sa kiisay man na ginugusto niya.

26 Asin nagkaigwa nin mga tulisan, asin sa kapinuhan, an gabos na manera nin karigsokan sa bilog na lalawgon nin kadagaan.

27 Asin ini nangyaring naglipas na si Coriantumr grabeng gayo an kaanggutan ki Shared, asin siya nag-atake saiya kairiba an saiayang armada sa pakikipaglaban; asin sinda nagkahirilingan na may mapung-ot na kaanggutan, asin sinda naglabanan sa lambak nin Gilgal; asin an giyera nagin grabeng gayo kainit.

28 Asin ini nangyaring naglipas na si Shared nakipaglaban kontra saiya sa laog nin tulong aldaw. Asin ini nangyaring naglipas na si Coriantumr an nagdaog saiya, asin pinaglamag siya sagkod na makaabot sa mga kapatagan nin Heshlon.

29 Asin ini nangyaring naglipas na si Shared nagtao giraray saiya nin pakipaglaban sa may kapatagan; asin hilnga, saiyang pinagdaog si Coriantumr, asin napa-atras siya pabalik giraray sa lambak nin Gilgal.

30 Asin si Coriantumr nagtao ki Shared nin pakipaglaban giraray sa may lambak nin Gilgal, na kun saen saiyang dinaog si Shared asin ginadan niya.

31 Asin si Shared pinaglugadan si Coriantumr sa saiyang hita, na tanganing siya dae na naka-iba tanganing makilaban giraray sa laog nin duwang taon, na sa panahon na ini an gabos na mga katawohan sa lalawgon nin kadagaan nagparapabulos nin dugo, asin mayo ni sarong makapagpugol sainda.

ETHER TSAPTER 14

An kadaendatahan kan mga katawohan nagdara nin sarong sumpa sa kadagaan--- si Coriantumr nakipaggiyera kontra ki Gilead, sunod ki Lib, asin sunod ki Shiz--- Dugo asin kadastrohon sa nagtabon sa kadagaan.

Asin ngonian nagkaigwa nin pagpoon nin sarong dakulaon na sumpa sa bilog na kadagaan nin huli sa kadaendatahan kan mga katawohan, na kun saen, kun an sarong tawo magbugtak kan saiyang gamit o kan saiyang espada sa sukluban niya, o sa lugar na

An Simbahan ni Jesukristo nin Mga Banal sa Huring-aldaw

620

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kun saen saiyang pinagtago ini, hilnga, sa kinaagahan, dae na niya ini mananagboan pa, kalat na gayo an sumpang ini sa kadagaan.

2 Kun baya an lambang tawo pinagdadara an bagay na sadire niya, sa paagi kan saiyang mga kamot, asin habong magsubli ni siya magpasubli; asin an lambang tawo pinagsusukbit an saiyang espada sa may toong kamot, para sa pagdepensa kan saiyang pagsadire asin kan saiyang sadireng buhay asin kan saiyang mga agom asin kaarakian.

3 Asin ngonian, pagkatapos sa laog nin duwang taon, asin pagkatapos sa pagkagadan ki Shared, hilnga, nag-alsa na man an tugang na lalake ni Shared asin siya nagtao nin pakipaglalaman ki Coriantumr, na kun saen si Coriantumr an nagdaog saiya asin pinaglamag siya sagkod sa kaparangan nin Akish.

4 Asin ini nangyaring naglipas na an tugang na lalake ni Shared nagtao nin pakikipaglalaman sa saiya sa kaparangan nin Akish; asin an ralabanan nagin grabeng gayo kainit, asin kadakul na rinibong tawo an nagkaturumba sa paagi nin espada.

5 Asin ini nangyaring naglipas na si Coriantumr naghandanda nin pag-atake sa kaparangan; asin an tugang na lalake ni Shared nagmartsa paluwas sa kaparangan sa pagkabanggi, asin naggadan nin sarong parte kan armada ni Coriantumr, habang sinda nagkabururat.

6 Asin siya nakaabot sa kadagaan nin Moron, asin ipinamugtak an saiyang sadire sa trono ni Coriantumr.

7 Asin ini nangyaring naglipas na si Coriantumr nag-eerok kairiba an saiyang armada sa kaparangan sa laog nin duwang taon, na kun saen siya nakaresibe nin dakulaong kusog kan saiyang armada.

8 Ngonian an tugang na lalake ni Shared, na an pangaran Gilead, nakaresibe man nin kakusogan kan saiyang armada, nin huli kan mga sikretong kumbinasyon.

9 Asin ini nangyaring naglipas na an saiyang pinakahalangkaw na pade iyo an naggadan saiya habang siya nakatukaw sa saiyang trono.

10 Asin ini nangyaring naglipas na an sarong sikretong kumbinasyon iyo an naggadan saiya sa sarong sikretong agihan, asin naagaw para sa sadire niya an kahadean; asin an saiyang pangaran iyo si Lib; asin si Lib sarong dakulang tawo, mas dakula pa kesa ibang tawo sa pag-iriba kan bilog na katawohan.

11 Asin ini nangyaring naglipas na sa enot na taon ni Lib, si Coriantumr nag-abot sa kadagaan nin Moron, asin nagtao nin pakipaglalaman ki Lib.

12 Asin ini nangyaring naglipas na siya nakipaglalaman ki Lib, na kun saen si Lib pinagtamaan an saiyang takyang na siya nalugadan, daeng pagkukulang, an armada ni Coriantumr nagpadagos sa pag-atake ki Lib, na tanganing mapadulag siya sa mga kasagkoran sa may baybayon nin dagat.

13 Asin ini nangyaring naglipas na si Coriantumr pinaglamag siya; asin si Lib nagtao nin pakipaglalaman saiya sa may baybayon nin dagat.

14 Asin ini nangyaring naglipas na pinaghampak ni Lib an armada ni Coriantumr, na tanganing sinda magdurulag giraray pasiring sa kaparangan nin Akish.

15 Asin ini nangyaring naglipas na si Lib naglamag saiya sagkod na siya makaabot sa kapatagan nin Agosh. Asin si Coriantumr pinag-iriba an bilog na katawohan saiya habang padulag sa atubangan ni Lib sa kuwartong parte nin kadagaan na kun saen siya napadulag.

16 Asin kan siya nakaabot na sa mga kapatagan nin Agosh siya nagtao nin pakipaglalaman ki Lib, asin saiyang pinaghampak siya sagkod na siya magadan; daeng

pagkukulang, an tugang na lalake ni Lib nag-abot kontra ki Coriantumr bilang karibay asin an ralabanan nagin grabeng gayo kainit, na kun saen si Coriantumr nakadulang giraray sa atubangan nin armada kan tugang na lalake ni Lib.

17 Ngonian an pangaran kan tugang na lalake ni Lib na pinag-apod na Shiz. Asin ini nangyaring naglipas na si Shiz an naglamag ki Coriantumr, asin siya nakapag-agaw nin kadakul na mga siyudad, asin saiyang pinagsurulo an mga siyudad.

18 Asin nagkaigwa nin sarong katakutan ki Shiz sa palibot kan bilog na kadagaan; iyo, sarong kinurahaw an nakaabot sa palibot nin kadagaan--- Siisay an makakatindog sa atubangan kan armada ni Shiz? Hilnga, saiyang pinagsisighid an daga sa atubangan niya!

19 Asin ini nangyaring naglipas na an mga katawohan nagpopoon na magkakatiripon-tipon na magkasararo bilang armada, sa palibot kan bilog na lalawgon nin kadagaan.

20 Asin sinda nagkabaranga-banga; asin an sarong parte sainda nagdurulag pasiring sa armada ni Shiz, asin an sarong parte nagdurulag pasiring sa armada ni Coriantumr.

21 Asin grabeng gayo katindi asin panhaluyan an nangyaring giyera, asin grabe kahaloy an eksena nin pagpapabulos nin dugo asin kadestrosohan, na tanganing an bilog na lalawgon nin kadagaan natabunan nin mga hawak nin mga gadan.

22 Asin nagin madalio asin mabilison an giyera na dae nagkaigwa nin natada tanganing iyo an maglubong nin mga gadan, pero sinda nagmartsa pasulong para sa pagpapabulos nin dugo hanggan sagkod sa pagpapabulos pa nin dugo, pinagbabayaanan pareho an mga hawak nin mga lalake, mga babae, asin mga kaarakian na nagkaburulagta sa lalawgon nin kadagaan, na tanganing magin sarong paon para sa mga ulod nin laman.

23 Asin an parong kaini nagkalat sa lalawgon nin kadagaan, magin sagkod sa bilog na lalawgon nin kadagaan; kun baya an mga katawohan nagin marinsalon sa aldaw asin banggi, nin huli kan parong kaini.

24 Daeng pagkukulang, si Shiz dae nag-uuntok sa paglamag ki Coriantumr; nin huli ta siya may sinumpa na makabalos siya ki Coriantumr sa dugo kan saiyang tugang na lalake, na ginadan, asin an tataramon nin Kagurangnan nag-abot ki Ether na si Coriantumr dae dapat na mahulog sa paagi kan espada.

25 Asin kaya satuyang mahihiling na an Kagurangnan nagdalaw sainda sa kapanoan kan saiyang kaanggutan, asin an saindang karigsokan asin mga karumputan iyo an nakapag-andam nin sarong dalan para sa saindang daeng kasagkorang kapahamakan.

26 Asin ini nangyaring naglipas na si Shiz an naglalamag ki Coriantumr sa pasirangang parte, magin sagkod sa mga kasagkoran sa may baybayon nin dagat, asin duman siya nagtao nin pakipaglabanan ki Shiz sa laog nin tulong aldaw.

27 Asin grabe ka-terible an kapahamakan sa pag-iriba kan armada ni Shiz na tanganing an mga tawo nagpopoon na magkatarakot, asin nagpopoon na magdurulag sa atubangan kan armada ni Coriantumr; asin sinda nadurulag pasiring sa kadagaan nin Corihor, asin pinaggaradan an mga namamanwaan sa atubangan ninda, gabos sinda na habong makibale sainda.

28 Asin sinda nagturugdok kan saindang mga tolda sa may lambak nin Corihor; asin si Coriantumr nagturugdok kan saiyang mga tolda sa may lambak nin Shurr. Ngonian an lambak nin Shurr haranohon sa burobukid nin Comnor; kun baya, sa may burobukid nin Comnor, asin nagpatanog nin sarong trumpeta sa armada ni Shiz tanganing imbitaron sinda sa pakipaglaban.

29 Asin ini nangyaring naglipas na sinda nag-atake, pero napa-atras giraray; asin sinda

An Simbahan ni Jesukristo nin Mga Banal sa Huring-aldaw

622

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nag-atake sa ikaduwang pagkakaton, asin sinda napa-atras giraray sa ikaduwang pagkakataon. Asin ini nangyaring naglipas na sinda nag-atake giraray sa ikatulong pagkakataon, asin an ralabanan nagin grabeng gayo katindi.

30 Asin ini nangyaring naglipas na si Shiz an nagtaga ki Coriantumr na tanganing siya nakapagtao nin kadakul na mga lugad; asin si Coriantumr, na pinagbulusan nin dugo, pinagluyahan, asin pinagdara paharayo na garo baga siya gadan na.

31 Ngonian an pagkawara nin mga lalake, mga babae asin mga kaarakian sa magkaparehong lado grabeng gayo na tanganing si Shiz nagsugo sa saiyang mga katawohan na dae na ninda pagralamagon an armada ni Coriantumr; kun baya, sinda nagbaralik na sa saindang kampo.

ETHER TSAPTER 15

Milyones na mga Jaredita an nagkagaradan sa ralabanan--- Si Shiz asin Coriantumr pinagtiripon an bilog na mga katawohan para sa sarong mortal na pakipaglabanan--- An Espiritu nin Diyos dae na nag-eerok sa sainda--- An nasyon nin mga Jaredita dagos nang nadestroso--- Si Coriantumr sana an natada.

Asin ini nangyaring naglipas na kan si Coriantumr narahay na kan saiyang mga lugad, siya nagpopoon na makagiromdom sa mga tataramon ni Ether na pinagtaram sa saiya. 2 Saiyang nahiling na igwa nang nagadan sa paagi nin espada na haros mag-abot na sa duwang milyon kan saiyang mga katawohan; asin siya nagpopoon na magmundo sa saiyang puso; iyo, nagkaigwa na nin duwang milyon na nagkagaradan na makukusog na mga tawo, asin man an saindang mga agom asin an saindang mga kaarakian.

3 Siya nagpopoon na magsorolso sa mga karaotan na saiyang nagkaginibohan; siya nagpoon na makagiromdom sa mga tataramon na pinagsabi na kan mga nguso kan gabos na mga propeta, asin siyang nasaksihan sinda na nagkaka-urutob nang gayo, sa lambang kurit; asin an saiyang kalag nagmundo asin habong magparangan.

4 Asin ini nangyaring naglipas na siya nagsurat nin sarong surat ki Shiz, na pinagmamawot niya na saiyang palibrehon an mga katawohan, asin saiyang itatao na an kahadean nin huli sana sa kapakanan kan mga buhay nin mga katawohan.

5 Asin ini nangyaring naglipas na kan si Shiz nagesibe kan saiyang surat siya nagsurat nin sarong surat ki Coriantumr, na kun siya magsuko kan saiyang sadire, na tanganing saiya siyang gadanon kan sadire niyang espada, saka na niya palilibrehon an mga buhay nin mga katawohan.

6 Asin ini nangyaring naglipas na an mga katawohan dae nagsorolsol kan saindang mga kadaendatahan; asin an mga katawohan ni Coriantumr pinag-estera na magka-aranggot kontra sa mga katawohan ni Coriantumr; kun baya, an mga katawohan ni Shiz nagtao nin pakipaglabanan sa mga katawohan ni Coriantumr.

7 Asin kan si Coriantumr nakasaksi na siya haros madadaog na siya nagdulag giraray sa atubangan kan mga katawohan ni Shiz.

8 Asin ini nangyaring naglipas na siya nakaabot sa katubigan kan Ripliancum, na, sa

An Simbahan ni Jesukristo nin Mga Banal sa Huring-aldaw

623

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

paagi nin interpretasyon, sarong dakulaon, o maglalampas kan gabos; kun baya, kan sinda nakaabot sa mga katubigang ini sinda nagturugdok kan saindang mga tolda; asin si Shiz man nagturugdok kan saiyang mga tolda na harani sainda; asin kun kaya sa kinamaagahon sinda nagsarabatan sa pakipaglabanan.

9 Asin ini nangyaring naglipas na sinda nagralabanan nin sarong grabeng gayo katinding labanan, na kun saen si Coriantumr nalugadan giraray, asin siya pinanluyahan sa kawaraan nin dugo.

10 Asin ini nangyaring naglipas na an armada ni Coriantumr nag-atake sa mga armada ni Shiz na tanganing madaog ninda sinda; na tanganing nagkausa sainda na magdurulag sa atubangan ninda; asin sinda nagdurulag pasiring sa timog na parte, asin nagturugdok kan saindang mga tolda sa lugar na pinag-aapod na Ogath.

11 Asin ini nangyaring naglipas na an armada ni Coriantumr nagtugdok kan saindang mga tolda sa harani kan burobukid na Ramah; asin ini idtong bukid kun saen an sakuyang ama na si Mormon pinagtago an mga rekord para sa Kagurangnan, na mga sagrado.

12 Asin ini nangyaring naglipas na sinda nagkatiripon-tipon na magkasararo an bilog na mga katawohan sa bilog na lalawgon nin kadagaan, na dae nagkagaradan, laen pa ki Ether.

13 Asin ini nangyaring naglipas na si Ether nasaksihan an gabos na mga kaggibohan kan mga katawohan; asin saiyang nahiling na an mga katawohan na gusto ki Coriantumr nagkatiripon-tipon na magkasararo sa armada ni Coriantumr; asin an mga katawohan na gusto ki Shiz nagkatiripon-tipon na magkasararo sa armada ni Shiz.

14 Kun baya, sinda nag-abot sa laog nin apat na taon sa pagtitiripon-tipon na magkasararo an mga katawohan, na tangani baya sinda makakakurua gabos na yaon sa lalawgon nin kadagaan, asin na sinda puwedeng makaresibe kan gabos na kusog na ini na posible na saindang puwedeng magkakakurua.

15 Asin ini nangyaring naglipas na kan panahon na sinda gabos nakapagtiripon-tipon nang magkasararo, an lambang saro sa armada na pinaggusto niya, kairiba an saindang mga agom asin an saindang mga kaarakian--- parehong mga lalake, mga babae asin mga kaarakian na pinag-armasan nin mga armas panggiyera, na may mga panangga, asin mga suknon sa daghan, asin panagang sa payo, asin pinagbadoan susog sa manera kan giyera--- sinda nagmartsa pa-abante an saro kontra sa saro sa pakikipaglaban; asin sinda nagralabanan sa bilog na aldaw na yan, asin daeng nakapanggana.

16 Asin ini nangyaring naglipas na kan banggi na sinda nagkaparagal na, asin nagbaralik na sa kanya-kanyang mga kampo; asin pagkatapos na sinda nakapagpahingalo na sa saindang mga kampo sinda nag-aragrangay nin sarong kinurahaw asin sarong boses nin kapaitan para sa kawaraan kan mga nagkagaradan na mga katawohan; asin grabeng gayo an saindang mga pag-aragrangay, an saindang mga kinurahaw asin boses nin kapaitan, na saindang haros baraakon an paros sa kabulingugan.

17 Asin ini nangyaring naglipas na sa kinaagahan sinda giraray nagduruman sa pakipaglabanan, asin dakula asin terrible an aldaw na idto; daeng pagkukulang, sinda daeng nakapanggana, asin kan an banggi nag-abot giraray saindang pinagbabaak an paros kan saindang mga inagrangay, asin kan saindang mga kinurahaw, asin kan saindang mga pagmumurundo, nin huli sa kawaraan kan mga nagkagaradan nindang mga katawohan.

18 Asin ini nangyaring naglipas na si Coriantumr nagsurat giraray nin sarong surat ki Shiz, nagmamawot na dae na siya mag-atake giraray sa pakikipaglabanan, pero saiya

nang kuahon an kahadean, asin palibrehon na an mga buhay nin mga katawohan.

19 Pero hilnga, an Espiritu nin Kagurangnan nag-untok na sa pakipag-iba sainda, asin si Satanas nagkaigwa nin bilog na kapangyarihan na mangingibabaw sa mga puso nin mga katawohan; nin huli ta sinda pinagpatunod na sa katagasan kan saindang mga puso, asin sa kabilugan kan saindang mga isip na tangani sinda puwedeng magkaderestroso; kun baya sinda nagpaduman na giraray sa pakikipaglabanan.

20 Asin ini nangyaring naglipas na sinda nagralaban sa bilog na aldaw na idto, asin kun bangga sinda nakakaturug kairiba an saindang mga espada.

21 Asin sa kinaagahan sinda nakikipaglabanan magin sagkod na an bangga mag-abot.

22 Asin kun an bangga mag-abot na sinda nagkakabururat sa kaanggutan, na magin arog sa sarong tawo na naburat sa arak; asin sinda nakaturug giraray kairiba kan saindang mga espada.

23 Asin sa kinaagahan sinda nakikipaglabanan giraray; asin kan an bangga nag-abot na sinda gabos nagkaturumba sa paagi nin espada laen lang sa singkuwenta asin duwang katawohan ni Coriantumr, asin saisenta asin siyam na mga katawohan ni Shiz.

24 Asin ini nangyaring naglipas na sinda naturug kairiba an saindang mga espada sa bangging idto, asin sa kinaagahan sinda nakikipaglabanan giraray, asin sinda nagralabanan sa saindang kusog kan saindang mga espada asin kan saindang mga panangga, sa bilog na aldaw na idto.

25 Asin kan an bangga nag-abot igwa na sanang trenta asin duwang mga katawohan si Shiz, asin beynte asin pitong mga katawohan si Coriantumr.

26 Asin ini nangyaring naglipas na sinda nagkarakas asin nagtaturug, asin nag-aandam para sa kagadanan ninda sa kinaagahan. Asin sinda darakula asin makukusog na mga tawo arog sa kusog nin mga tawo.

27 Asin ini nangyaring naglipas na sinda nagralaban-laban sa laog nin tulong oras, asin sinda pinagpanruluyahan sa kawaraan nin dugo.

28 Asin ini nangyaring naglipas na kan an mga katawohan ni Coriantumr nakapagresibe nin awad-awad na kusog na tanganing sinda puwedeng makapaglakaw, sinda kuta na madurulag na para sa saindang mga buhay; pero hilnga, si Shiz nagtindog, asin man an saiyang mga tawo, asin siya nanumpa sa saiyang kaanggutan na saiyang gagadanan si Coriantumr o siya mapapara sa paagi nin espada.

29 Kun baya, saiyang pinagralamag sinda, asin sa kinaagahan saiyang nagka-arabutan sinda; asin sinda nagralabanan giraray sa paagi nin espada. Asin ini nangyaring naglipas na kan sinda gabos nagkaturumba na sa paagi nin espada, laen lang kina Coriantumr asin Shiz, hilnga si Shiz pinanluyahan na sa kawaraan nin dugo.

30 Asin ini nangyaring naglipas na kan si Coriantumr pinagbingat na an saiyang espada, na siya nagpahingalo nin kadikit, saiyang pinagtagpas an payo ni Shiz.

31 Asin ini nangyaring naglipas na pagkatapos na saiyang tagpason an payo ni Shiz, na si Shiz pinagtaas an saiyang kamot asin nagbagsak; asin pagkatapos kaini siya nagpirit na maghangos, siya nagadan.

32 Asin ini nangyaring naglipas na si Coriantumr natumba sa daga, asin nagin arog baga na siya mayo nang buhay.

33 Asin an Kagurangnan nagtaram ki Ether, asin nagsabi sa saiya: Lakaw. Asin siya naglakawm, asin nasaksihan na an mga tataramon nin Kagurangnan an gabos nagka-urutob na; asin siya nagtapos kan saiyang rekord; (asin an sarong mananggatuson na

parte ako dae na nagsurat asin saiyang pinagtago na an mga ini na arog sa manera na an mga katawohan ni Limhi na nakanagbo kaini.

34 Ngonian an mga huring tataramon na pinagsurat ni Ether iyo an mga ini: Maski na an Kagurangnan nagmawot na ako magin translado, o na ako nagtugot sa kawamotan nin Kagurangnan sa laman, di bale na, kun ini iyo na ako makaligtas sa kahadean nin Diyos. Amen.

AN LIBRO NI MORONI

TSAPTER 1

Si Moroni nagsurat para sa kapakanan kan mga Lamanita--- An mga Nephita na habong magsikwal ki Cristo pinaggaradan.

Ngonian ako, si Moroni, pagkatapos na sakuyang pinaghimo an pantapos na pagpahalipot sa kasaysayan kan mga katawohan ni Jared, ako dae naghuhuna-huna na makapagsurat pa nin dakulon, pero ako dae pa magagadan; asin ako dae nagpabisto sa mga Lamanita na baka бага saindang pagdestrosohon ako.

2 Nin huli ta hilnga, an saindang mga giyera matindihon na maray sa pag-iriba kan saindang mga sadire; asin nin huli kan saindang kaanggutan saindang pinaggaradan an lambang Nephita na habong magsikwal ki Cristo.

3 Asin ako, si Moroni, habong magsikwal ki Cristo; kun baya, ako naglagalag sa arin man na lugar na ako makaabot para sa kaligtasan kan sakuyang buhay.

4 Kun baya, ako nagsurat nin kadikiton pang mga bagay, na kontraryo sa bagay na sakuyang pinaghuhuna-huna; nin huli ta ako naghuhuna na ako dae na makapagsurat pa; pero ako nagsurat pa nin kadikiton pang mga bagay, na baka бага an mga ini may kumumugtakan pa para sa sakuyang mga katugangan, an mga Lamanita, sa maarabot na aldaw, na uyon sa kagustuhan nin Kagurangnan.

MORONI TSAPTER 2

Si Jesus nagtao sa mga apostoles na mga Nephita nin kapangyarihan na magtao nin regalo kan Banal na Espiritu.

An mga tataramon ni Cristo, na saiyang pinagtaram sa saiyang mga desipulos, an dose na saiyang pinagpili, habang saiyang pinagpatong an saiyang mga kamot sa sainda---

2 Asin saiyang pinag-apod sinda sa pangaran, na nagsasabi: Kamo mag-aapod sa Ama sa sakuyang pangaran, sa mapusog na pangadyeon; asin pagkatapos na saindong maggibo

An Simbahan ni Jesukristo nin Mga Banal sa Huring-aldaw 626
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

ini kamo magkakaigwa nin kapangyarihan na para saiya na kamo magpapatong kan saindong mga kamot, saindong itatao an Banal na Espiritu; asin sa sakuyang pangaran saindong itatao ini, nin huli ta kaya kamo an maggigibo nin huli ta kamo an sakuyang mga apostoles.

3 Ngonian si Cristo nagtaram kaining mga tataramon sa sainda sa panahon kan saiyang enot na pagpapahiling; asin an kadaklan dae nakadangog kaini, pero an mga desipulos nakadangog kaini; asin habang kadakul na saindang pinagpatungan kan saindang mga kamot, nagpano ang Banal na Espiritu.

MORONI TSAPTER 3

An mga elder nag-ordina nin mga kapadean asin mga paratukdo sa paagi nin pagpapatong nin mga kamot.

An manera na an mga desipulos, na pinag-apod na mga elder kan simbahan, nag-ordina nin mga kapadean asin mga paratukdo---

2 Pagkatapos na sinda nagparangadye sa Ama sa pangaran ni Cristo, sinda nagpatong kan saindang mga kamot sa sainda, asin nagsabi:

3 Sa pangaran ni JesuCristo ako nag-ordina saimo bilnag sarong pade, (o, kun siya sarong paratukdo) ako nag-ordina saimo na magin sarong paratukdo, tanganing magbabalangibog nin pagsosolsol asin kapatawadan nin mga kasalan sa paagi ni JesuCristo, sa paagi nin pagpapakusog sa pagtubod sa saiyang pangaran sagkod sa katapusan. Amen.

4 Asin sa arog kaining manera sinda nagpara-ordina nin mga kapadean asin mga paratukdo, uyon sa mga regalo asin mga pangapudan nin Diyos sa mga tawo; asin sinda nag-ordina sainda sa kapangyarihan kan Banal na Espiritu, na yaon sa sainda.

MORONI TSAPTER 4

Paano an mga elder asin mga kapadean nagpapamahala kan pansakramentong tinapay.

An manera kan saindang mga elder asin mga kapadean sa pagpapamahala kan laman asin dugo ni Cristo sa laog nin simbahan; asin sinda nagpapamahala kaini uyon sa mga kasugoan ni Cristo; kun baya samuyang naaraman an manerang ini na tunay; asin an alder o pade nagpapamahala kaini---

2 Asin sinda nagruruluhod sa simbahan, asin nagpapangadye sa Ama sa pangaran ni Cristo, na nagsasabi:

3 O Diyos, an Eternal na Ama, kami naghahagad saimo sa pangaran kan saimong Ake, na

An Simbahan ni Jesukristo nin Mga Banal sa Huring-aldaw 627
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

si JesuCristo, na bendisyunan asin pakasagraduhon an tinapay na ini para sa mga kalag kan gabos ninda na makikiparte kaini; na sinda makapagkakan sa paggiromdom sa hawak kan saimong Ake, asin magpapatotoo saimo, O Diyos, an Eternal na Ama, na sinda magmamawot na darahon sa saindang mga sadire an pangaran kan saimong Ake, asin pirmeng gigiromdomon siya, asin pagsusunudon an saiyang mga kasugoan na saiyang pinagtao sinda, na sinda pirmeng yaon an saiyang Espiritu na makaiba ninda. Amen.

MORONI TSAPTER 5

An manera kan pagpapamahala kan pansakramentong arak pinagtugdas.

An manera kan pagpapamahala nin arak--- Hilnga, saindang kinaputan an kopa, asin nagsabi:

2 O Diyos, an Eternal na Ama, kami naghahagad saimo, sa pangaran kan saimong Ake, na si JesuCristo, na bendisyunan asin pagkasagraduhon ining arak para sa mga kalag kan gabos ninda na mag-iinom kaini, na saindang gigibohon ini sa paggiromdom kan dugo kan saimong Ake, na ipinagpabulos para sinda; na sinda magpapatotoo sa saimo, O Diyos, an Eternal na Ama, na sinda pirmeng makapaggiromdom saiya, na sinda perming yaon an saiyang Espiritu na makaiba ninda. Amen.

MORONI TSAPTER 6

An nagsosolsol na tawo pagbubunyagan asin pakiki-ibahan--- An mga miyembro kan simbahan na nagsosolsol pinagpapatawad--- An mga pagtiripon pinaggigibo sa paagi nin kapangyarihan kan Banal na Espiritu.

Asin ngonian ako magtataram mapanundog sa pagbubunyag: Hilnga, mga elder, mga kapadean, asin mga paratukdong pinagburunyagan na; asin sinda dae pinagburunyagan laen lang na sinda nagdara nin bungang nahihiling na tanganing sinda maninigo kaini. 2 Ni sinda nagesibe nin siisay man na magpabunyag laen lang na kun sinda magdudulok na igwang sarong nagmumundong puso asin sarong nagsosolsol na espiritu, asin magpatotoo sa simbahan na sinda tunay na nagsosolsol kan gabos nindang mga kasalanan.

3 Asin mayong pinagesibe sa bunyag laen lang na saindang darahon sa saindang mga sadire an pangaran ni Cristo, na igwang determinasyon na magsisirbe saiya sagkod sa katapusan.

4 Asin pagkatapos na sinda pinagesibe sa bunyag, asin sinda pinaghaya asin pinaglinigan sa kapangyarihan kan Banal na Espiritu, sinda nakabilang na sa pag-iriba

An Simbahan ni Jesukristo nin Mga Banal sa Huring-aldaw 628
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

nin mga katawohan na yaon sa simbahan ni Cristo; asin an saindang mga pangaran pinagkua, na tanganing sinda puwedeng makagiromdom asin pakamahalon sa paagi kan marhayon na tataramon nin Diyos, tanganing alagaan sinda sa tamang dalan, tanganing alagaan sinda sa padagos na pagbabantay sa pangadyeon, na naglalaom sana sa mga merito ni Cristo, na iyo an kaggibo asin kagtapos kan saindang pagtubod.

5 Asin an simbahan perming nagtitiripon-tipon, sa pag-aayuno asin pagpapangadye, asin nagtataram sa lambang sarong manungod sa kapakanan kan saindang mga kalag.

6 Asin sinda nagkakahirilingan na magkasararo pirme tanganing makiparte sa tinapay asin arak, sa paggigiromdom sa Kagurangnan Jesus.

7 Asin sinda estrikto sa pag-oobserba na dae dapat na magkaigwa nin kadaendatahan sa pag-iriba ninda; asin an siisay man na maaaraman na nakagibo nin kadaendatahan, asin may tulong testigo kan simbahan na magkokondenar sinda sa atubangan kan mga elder, asin kun sinda dae nagsosolsol, asin habong magkukumpisal, an saindang mga pangaran pinagpapara, asin sinda dae na pinagbibilang na kairiba nin mga katawohan ni Cristo.

8 Pero habang sinda pirmeng nagsosolsol asin naghahagad nin kapatawadan, na may tunay na katuyuhan, sinda pinagpapatawad.

9 Asin an saindang mga pagtitiripon-tipon pinaggigibo kan simbahan na arog sa manera kan mga pinagpapagibo kan Espiritu, asin an paagi nin kapangyarihan kan Banal na Espiritu; nin huli ta habang an kapangyarihan nin Banal na Espiritu nag-aantabay sinda maski sa pagbabalangibog, o sa pagpapagiromdom, o sa pagpapangadye, o sa paghahagad, o sa pagkakanta, magin arog kaini an mga pinaggigibo.

MORONI TSAPTER 7

Sarong imbitasyon na maglaog sa kapahingaloan nin Kagurangnan--- Magpangadye na igwang tunay na katuyuhan--- An Espiritu ni Cristo makapagtaguyod sa mga tawo na makakaaram nin marhay sa maraot--- Si Satanas naghihikayat sa mga tawo na isikwal si Cristo asin gumibo nin maraot--- An mga propeta nagpapatotoo sa pag-abot ni Cristo--- Sa paagi nin pagtubod an mga milagro nangyayari asin an mga anghel nagmiministro--- An mga tawo dapat na maglaon para sa daeng kasagkorang buhay asin magkadarayupot sa pagkamoot sa kapwa-tawo.

Asin ngonian ako, si Moroni, nagsurat nin kadikit kan mga tataramon kan sakuyang ama na si Mormon, na saiyang pinagsasabi an mapanungod sa pagtubod, paglaom, asin pagkamoot sa kapwa-tawo; nin huli ta sa arog kaining manera siya nagtaram sa mga katawohan, habang siya nagtutukdo sinda sa laog nin sinagoga na saindang pinagtugdok para sa lugar nin pagsamba.

2 Asin ngonian ako, si Mormon, nagtataram sa saindo, sakuyang mga namumutan na mga katugangan; asin ini nin huli sa grasya nin Diyos an Ama, asin kan satuyang Kagurangnan na si JesuCristo, asin an saiyang banal na katugunan, nin huli sa regalo kan saiyang pangapudan sa sakuya, na tanganing ako pinagtaw-anan nin permiso na makapagtaram sa saindo sa oras na ini.

An Simbahan ni Jesukristo nin Mga Banal sa Huring-aldaw 629
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

3 Kun baya, ako magtataram sa saindo na yaon sa laog nin simbahan, na iyo an matuninong na mga parasunod ni Cristo, asin na igwang nakamtan nin sarong tamang paglaom na kun saen kamo makakalaog sa kapahingaloan nin Kagurangnan, magpoon sa panahon na ini asin sa maarabot pa sagkod na kamo magpapahingalo na kaiba niya sa langit.

4 Asin ngonian mga katugangan ko, ako minahusga kan mga bagay na ini sa saindo nin huli kan saindong matuninong na paglalakaw kaiba an mga kaarakian nin mga tawo.

5 Nin huli ta ako nakagiromdom sa tataramon nin Diyos na nagsasabi na sa paagi kan saindong mga gibo kamo makakamidbid sainda; nin huli ta kun an saindang mga gibo magin marhayon, kaya sinda marahayon man.

6 Nin huli ta hilnga, an Diyos nagsasabi na an sarong tawo bilang sarong maraot dae makakagibo nin bagay na marahayon; nin huli ta kun siya nagdudulot nin sarong regalo, o nagpapangadye sa Diyos, laen lang kun siya naggigibo kaini na igwang tunay na katuyuhan ini mayong kamanungdanan saiya.

7 Nin huli ta hilna, ini daeng pinagbibilang sa saiya na sarong pagkamatanos.

8 Nin huli ta hilnga, kun an sarong tawong maraoton na nagtatao nin sarong regalo, saiyang pinagigibo ini na may kulog nin boot; kun baya ini pinagbibilang sa saiya na garo man sang yaon saiya an regalo; kun baya siya pinagbibilang na maraot sa atubangan nin Diyos.

9 Asin arog man kaini na pinagbilang daw na maraoton sa sarong tawo, na kun siya nagpapangadye asin mayo nin tunay na katuyuhan kan saiyang puso; iyo, asin ini daeng kapakinabangan sa saiya, nin huli ta an Diyos dae nag-aako kan bagay na ini.

10 Kun baya, an sarong tawong maraoton dae makakapaggibo kan bagay na marahayon; ni makakapagtao siya nin sarong marahayon na regalo.

11 Nin huli ta hilnga, an sarong mapaiton na burabod dae makakapagtao nin marahayon na tubig; ni an sarong marahayon na burabod makakapagtao nin mapaiton na tubig; kun baya, an sarong tawo bilang sarong surugoon kan diyablo dae makakasunod ki Cristo; asin kun siya magsusunod ki Cristo siya bakong sarong surugoon kan diyablo.

12 Kun baya, an gabos na bagay na marahayon naggigikan sa Diyos; asin an mga bagay na maraoton naggigikan sa diyablo; nin huli ta an diyablo sarong kalaban sa Diyos, asin padagos na nakikipaglaban kontra sa saiya, asin nag-iimbita asin naghihikayat na magkasala, asin padagos na gumibo nin bagay na mararaot.

13 Pero hilnga, ining bagay na gikan sa Diyos nag-iimbita asin naghihikayat na padagos na gumibo nin marhay; kun baya, an lambang bagay na nag-iimbita asin naghihikayat na gumibo nin marhay, asin magmomoot sa Diyos, asin magsirbe saiya, inspirado nin Diyos.

14 Kun baya, mag-ingat kamo, sakuyang mga namumutan na mga katugangan, na tanganing kamo dae makapaghusga na idtong bagay na mararaot naggikan sa Diyos, o ining bagay na marahayon asin idtong naggikan sa Diyos naggigikan man sa diyablo.

15 Nin huli ta hilnga, sakuyang mga katugangan, ini pinagtao sa saindo tanganing maghusga kamo, na tanganing kamo makakaaram nin marhay kesa maraot; asin an paagi nin paghuhusga siring sa kalantadan, na tanganing kamo makakaaram na igwang perpektong kaaraman, siring sa liwanag nin ka-aldawan gikan sa diklom nin banggi.

16 Nin huli ta hilnga, an Espiritu ni Cristo pinagtatao sa lambang tawo, na tanganing saiyang maaraman an marhay sa maraot; kun baya, ako magpapahiling sa saindo kan dalan nin paghuhusga; nin huli ta an lambang bagay na nag-iimbita na gumibo nin

mrahya, asin maghikayat na magtubod ki Cristo, ipinadara sa paagi nin kapangyarihan asin regalo ni Cristo; kun baya saindong magkakaaraman na igwang perpektong kaaraman na naggigikan sa Diyos.

17 Pero an anuman na bagay na naghihikayat sa mga tawo na gumibo nin maraot, asin dae nagtutubod ki Cristo, asin pinagsisikwal siya, asin dae nagsisirbe sa Diyos, saka nindo magkakaaraman na igwang perpektong kaaraman na ini naggigikan sa diyablo; nin huli ta sa arog kaining manera an diyablo naggigibo, nin huli ta siya dae naghihikayat sa tawo na gumibo nin marhay, dae, mayo ni saro; ni an saiyang mga anghel; ni naggibo sindang magpasakop sa saiya.

18 Asin ngonian, sakong mga katugangan, saindong nahihiling na tanganing kamo makaaram sa liwanag na kamo puwedeng makapaghusga, na an liwanag iyo an liwanag ni Cristo, hilingon nindo na kamo dae makapaghusga nin kasalaan; nin huli ta sa kaparehong paghuhusga na saimong pinaghukom kamo man paghuhukuman.

19 Kun baya, ako nakiki-olay sa saindo, katugangan, na kamo maigot na maghanap sa liwanag ni Cristo na tanganing kamo makakaaram nin marhay sa maraot; asin kun kamo mangangaputan sa lambang marhay na bagay, asin dae nindo ini pagkokondenaron, kamo seguradong gayo na magigin sarong ake ni Cristo.

20 Asin ngonian, sakong mga katugangan, gurano daw ini kaposible na kamo puwedeng mangangaputan sa lambang marhay na bagay?

21 Asin ngonian ako nakaabot na sa pagtubod na iyan, na kun saen ako nagsasabi na sakuyang itataram; ako magsasabi sa saindo kan dalan kun saen kamo puwedeng mangangaputan sa lambang marhay na bagay.

22 Nin huli ta hilnga, an Diyos na nakakaaram kan gabos na mga bagay, bilang yaon sa daeng kasagkoran, hilnga, siya nagpadara nin mga anghel tanganing magministryo sa kaarakian nin mga tawo, tanganing ipagpapaaram an mapanungod sa pag-abot ni Cristo; asin ki Cristo igwang minagikan nin lambang marhay na bagay.

23 Asin Diyos man nagdeklara sa mga propeta, sa paagi kan saiyang sadireng nguso, na si Cristo dapat na mag-abot.

24 Asin hilnga, nagkaigwa nin kadakuol na manlaen-laen na mga dalan na siya nagpahiling nin mga bagay sa mga kaarakian nin mga tawo, na mga marhay; asin an gabos na bagay na marhay naggigikan ki Cristo; ta kun dae an mga tawo nagkahurulog, asin dae magkakaigwa nin marhay na bagay na makaabot sa saindo.

25 Kun baya, sa paagi kan pagmimistryo kan mga anghel, asin sa paagi kan lambang tataramon na nagluluwas sa nguso nin Diyos, an mga tawo nagpoon na mag-ehersisyo nin pagtubod ki Cristo; asin kaya sa paagi nin pagtubod, sinda nagkarapot sa lambang bagay na marahayon; asin kaya iyo ini sagkod sa pag-abot ni Cristo.

26 Asin pagkatapos na siya mag-abot an mga tawo man maliligtas sa paagi nin pagtubod sa saiyang pangaran; asin sa paagi nin pagtubod, sinda naging mga akeng lalake nin Diyos. Asin habang seguro na si Cristo nabubuhay siya nagtaram kan mga tataramong ini sa satuyang mga ama, na nagsasabi: An anuman na bagay na saindong hahagadon sa Ama sa pangaran ko, na marhay, sa pagtubod naniniwala na saindong mareresibe, hilnga, ini mangyayari sa saindo.

27 Kun baya, sakuyang namumutan na mga katugangan, an mga milagro daw nag-untok na nin huli ta si Cristo nagsakat na sa langit, asin nagtutukaw na sa toong kamot nin Diyos, tanganing akoon sa Ama an saiyang mga karapatan nin pagkaherak na igwa siya

para sa mga kaarakian nin mga tawo?

28 Nin huli ta saiyang pinagsimbag an mga katapusan nin ley, asin siya nag-aako sa gabos sinda na igwang pagtubod saiya; asin sinda na igwang pagtubod sa saiya mangangaputan sa lambang marahayon na bagay; kun baya saiyang pinagpanindugan an kausa kan mga kaarakian nin mga tawo; asin siya nag-eerok nin daeng kasagkoran sa mga kalangitan.

29 Asin nin huli ta saiyang ginibo ini, sakuyang namumutan na mga katugangan, an mga milagro daw nag-untok na? Hilnga ako nagsasabi sa saindo, Dae; ni an mga anghel nag-untok na sa pagmiministeryo sa kaarakian nin mga tawo.

30 Nin huli ta hilnga, sinda nagpasakop sa saiya, tanganing magmiministeryo na uyon sa tataramon kan saiyang kasugoan, nagpapahiling kan saindang mga sadire sa sinda na igwang makusog na pagtubod asin sarong pusog na isip sa lambang porma nin kabanalan.

31 Asin an opisina kan saindang ministeryo iyo an pag-apod sa mga tawo na magsorolsol, asin mag-uutob asin gibohon an trabaho kan mga tipan nin Ama, na saiyang pinaghimo sa mga kaarakian nin mga tawo, sa paagi kan pagdeklara kan tataramon ni Cristo paduman sa mga piniling kaaganan nin Kagurangnan, na tanganing sinda makapagpapatotoo sa saiya.

32 Asin sa paagi kan paggibo kaini, an Kagurangnang Diyos nagpreparar nin dalan na an katadaan nin mga tawo magkaigwa nin pagtubod ki Cristo, na an Banal na Espiritu magkaigwa nin kamumugtakan sa saindang mga puso, na uyon sa kapangyarihan kaini; asin sa arog kaining manera madadarang maglipas an Ama, an mga tipan na saiyang pinaghimo sa mga kaarakian nin mga tawo.

33 Asin si Cristo nagsabi: Kun kamo magkakaigwa nin pagtubod sakuya kamo magkakaigwa nin kapangyarihan na gibohon an anuman na bagay na kapakipakinabang sakuya.

34 Asin siya nagsabi: Magsolsol kamo gabos na mg katapusan nin kinaban, asin magdulok sa sako, asin magpabunyag sa sakuyang pangaran, asin magkaigwa nin pagtubod sakuya, na tanganing kamo magkariligtas.

35 Asin ngonian, sakuyang namumutan na mga katugangan, kun iyo ini an kaso na an mga bagay na ii totoo na sakuyang pinagsasabi sa saindo, asin Dios an magpapahiling sa saindo, na may kapangyarihan asin dakulaong kamurawayan sa huring aldaw, na sinda totoo, asin kun sinda totoo an aldaw kaya kan mga milagro nag-untok na?

36 O an mga anghel nag-untok na sa pagpapahiling sa mga kaarakian nin mga tawo? O saiya nang pinagbawi an kapangyarihan kan Banal na Espiritu gikan sinda? O baya siya, habang an panahon nagtatagal pa, o an kinaban kaya magtitindog, o magkakaigwa nin sarong tawo sa lalawgon kaini na ililigtas?

37 Hilnga ako nagsasabi sa saindo, Dae; nin huli ta ini sa paagi nin pagtubod na an mga milagro nagyayari pa; asin ini sa paagi nin pagtubod na an mga anghel nagpapahiling asin nagmiministeryo sa mga tawo; kun baya, kun an mga bagay na ini nagka-uruntok na herak man sa mga kaarakian nin mga tawo, nin huli ta iyo na ini an huli kan daeng pagtubod, asin an gabos daeng kamugtakan na.

38 Nin huli ta mayong tawo an puwedeng maliligtas, uyon sa mga tataramon ni Cristo, laen lang kun sinda magkakaigwa nin pagtubod sa saiyang pangaran; kun baya, kun an mga bagay na ini nagka-uruntok na, kaya an pagtubod daw nag-untok na man; asin makangorongirhat an kamugtakan nin tawo, nin huli ta sinda garo baya arog sa dae pa

nagkaigwa nin pagtubos na ginibo.

39 Pero hilnga, sakuyang namumutan na mga katugangan, ako naghuhusga nin mga marahayon na mga bagay sa saindo, nin huli ta ako maghuhusga na tanganing kamo magkaigwa nin pagtubod ki Crsito nin huli kan saindong kabootan; nin huli ta kun kamo mayong pagtubod saiya kaya kamo dae maninigo na ipagbilang sa pag-iriba kan mga katawohan kan saiyang simbahan.

40 Asin giraray, sakuyang namumutan na mga katugangan, ako magsasabi sa saindo mapanungod sa paglaom. Paano daw kamo makapagkua nin pagtubod, laen lang kun kamo magkaigwa nin paglaom?

41 Asin ano baya ini na saindong pinaglalaoman? Hilnga ako nagsasabi sa saindo na kamo magkakaigwa nin paglaom sa paagi kan pagbabayad-sala ni Cristo asin an kapangyarihan kan saiyang pagkabuhay-liwat, tanganing buhayon-liwat sa buhay na daeng kasagkoran, asin ini iyo nin huli kan saindong pagtubod sa saiya na uyon sa promisa.

42 Kun baya, kun an sarong tawo igwang pagtubod siya dapat na magkakaigwa nin paglaom; nin huli ta kun mayong pagtubod dae magkakaigwa nin anuman na paglaom.

43 Asin giraray, hilnga ako nagsasabi sa saindo na siya dae magkakaigwa nin pagtubod asin paglaom, laen lang na siya mabooton, asin mapagpakumbaba sa puso.

44 Kun iyo ini, an saiyang pagtubod asin paglaom daeng kamugtakan, nin huli ta mayo ni sarong kaini an pinagtatanggap sa atubangan nin Diyos, laen lang an mga mabooton asin mapagpakumbaba an mga puso; asin kun an sarong tawo nagin mabooton asin mapagpakumbaba an puso, asin nagkukumpisal sa paagi nin kapangyarihan nin Banal na Espiritu na si Jesus iyo an Cristo, siya dapat na magkaigwa nin pagkamoot sa kapwa-tawo, siya mayong kamugtakan; kun baya siya dapat na magkaigwa nin pagkamoot sa kapwa-tawo.

45 An pagkamoot sa kapwa-tawo nagtitios nin halawig, asin mabooton, asin dae naaara, asin bakong mapagpalangkaw, naghahanap bako para sa sadire niya sana, dae tulos-tulos nag-aanggot, dae nag-iisip nin maraot, asin dae nag-oogma sa kadaendatahan pero nag-oogma sa katotoohan, pinagdadara an gabos ng mga bagay, nagtutubod sa gabos na mga bagay, naglalaom sa gabos na mga bagay, nagtatagal sa gabos na mga bagay.

46 Kun baya, sakuyang namumutan na mga katugangan, kun kamo mayong pagkamoot sa kapwa-tawo, kamo mayong kamugtakan, nin huli ta an pagkamoot sa kapwa-tawo dae nagpapabaya. Kun baya, mamuhay na may pagkamoot sa kapwa-tawo, na iyo an pinakahalangkaw sa gabos, nin huli ta an gabos na mga bagay nagkukulang---

47 Pero an pagkamoot sa kapwa-tawo iyo an tunay na pagkamoot ni Cristo, asin ini nagtatagal sa daeng kasagkoran; asin an siisay man baya na managboan na nangangaputan kaini sa huring aldaw, ini magigin marahayon sa saiya.

48 Kun baya, sakuyang namumutan na mga katugangan, magpangadye sa Ama na igwang bilog na enerhiya kan puso, na tanganing kamo puwedeng mapano kaining pagkamoot, na saiyang pinagtao sa gabos na mga tunay na parasunod kan saiyang Ake, si Jesu Cristo; na tanganing kamo man magigin mga akeng lalake nin Diyos; asin sa panahon na siya magpapahiling kita magigin arog na gayo sa saiya; nin huli ta mahihiling ta siya bilang siya; na tanganing kita magkaigwa kaining paglaom; na tanganing kita puwedeng pakalinigon magin arog sa saiya na puro. Amen.

MORONI TSAPTER 8

An pagbubunyag nin umboy sarong maraot na abominasyon--- An mga saradit na mga kaarakian buhay ki Cristo nin huli kan saiyang pagbabayad-sala--- Pagtubod, pagsosolsol, kabootan asin kapakumbabaan nin puso, nagreresibe kan Bana na Espiritu, asin an pagpakatag sagkod sa katapusan magdadara sa kaligtasan.

Sarong surat kan sakuyang ama na si Mormon, pinagsurat para sa sakuya, si Moroni; asin ini pinagsurat sa sakuya sa dae pa naghaloy pagkatapos na ako pinag-apudan sa ministeryo. Asin sa arog kaining paagi siya nagsurat sa sakuya, na nagsasabi:

2 Sakuyang namumutan na ake, Moroni, ako naogmang gayo na an saimong Kagurangnan na si JesuCristo nagin mapagmangno sa saimo, asin nag-apod saimo sa saiyang ministeryo, asin sa saiyang banal na gibo.

3 Ako nagin mapagmangno pirme saimo sa sakuyang mga pangadyeon, padagos na nagpapangadye sa Diyos an Ama sa pangaran kan saiyang Banal na Ake, si Jesus, na tanganing siya, sa paagi kan saiyang daeng kasagkoran na karahayan asin grasya, magbantay saimo sa paagi nin katatagan nin pagtubod sa saiyang pangaran sagkod sa katapusan.

4 Asin ngonian, ake ko, ako nagtataram sa saimo mapanungod sa bagay na nakapagpamundo sakuya nin grabeng gayo; nin huli ta ini nagpapamundo sakuya na nagkaigwa nin mga pag-iiriwal-iwal na nangyayari sa pag-iriba nindo.

5 Nin huli ta, kun sakuyang naaraman an katotohanan, na nagkaigwa na nin mga pag-iiriwal-iwal sa pag-iriba nindo mapanungod sa pagpapabunyag kan saindong mga saradit na kaarakian.

6 Asin ngonian, ake ko, ako nagmamawot na ika magmaigot sa pagtrabaho, na ining dakulaon na kamalean dapat na mahale gikan sa pag-iriba nindo; nin huli ta, sa arog kaining katuyuhan ako nagsurat kaining surat.

7 Nin huli ta sa hidaling paagi pagkatapos na sakuyang nagka-araraman an mga bagay na ini gikan saindo ako naghapot sa Kagurangnan mapanungod kaining bagay. Asin an tataramon nin Kagurangnan nag-abot sakuya sa paagi nin kapangyarihan kan Banal na Espiritu, na nagsasabi:

8 Magdangog sa mga tataramon ni Cristo, an saindong Paratubos, an saindong Kagurangnan asin an saindong Diyos. Hilnga, ako nagpadigde sa kinaban bako na pag-aapudon ko an mga matatanos kundi an mga parakasala na magsorolsol; an marhay dae nangangaipo nin doktor, kundi sinda na igwang kasakitan; kun baya, an mga saradit na kaarakian bilog, nin huli ta sinda daeng kakayahan na makakakomiter nin kasalan; kun baya an sumpa ni Adan pinagkua gikan sainda sa sakuya, na ini mayong kapangyarihan na mangingibabaw sa sainda; asin an ley nin pagtuturi pinaghale na sa sakuya.

9 Asin sa arog kaining manera na an Banal na Espiritu nagpatotoo sa tataramon nin Diyos sa sakuya; kun baya, sakong namumutan na ake, ako nakakaaram na ini sarong banal na pagtutuya-tuya sa atubangan nin Diyos, na kamo dapat na magbubunyag nin saradit na mga kaarakian.

10 Hilnga ako nagsasabi sa saindo na an bagay na ini saindong ipagtukdo--- pagsosolsol

An Simbahan ni Jesukristo nin Mga Banal sa Huring-aldaw

634

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

asin pagbubunyag sa sainda na igwa na nin pananagutan asin kapable nang makagibo nin kasalan; iyo, tukdoan an mga magurang na sinda dapat na magsorolsol asin magpabunyag, asin magpakumbaba kan saindang mga sadire arog kan saindang mga saradit na kaarakian, asin sinda gabos magigin ligtas na kairiba an saindong saradit na kaarakian.

11 Asin an saindang saradit na kaarakian dae na nangangaipong magsolsol, ni mabunyagan. Hilnga, an magpabunyag iyo an pasiring sa pagsosolsol sa pag-utob kan mga kasugoan sagkod sa kapatawadan nin mga kasalan.

12 Pero an saradit na mga kaarakian buruhay ki Cristo, magin magpoon pa sa pundasyon kan kinaban; ta kun bako, an Diyos sarong Diyos na may pigkikilingan, asin man sarong nagbabagong Diyos; asin sarong may pinalabing mga tawo; nin huyli ta gurano kadakul an saradit na mga kaarakian an nagkagaradan na na mayong pagbubunyag!

13 Kun baya, kun an saradit na mga kaarakian dae maliligtas kun mayong pagbubunyag, an mga ini kuta napaduman na sa daeng katapusan na impiyerno.

14 Hilnga ako nagsasabi sa saimo, na siya na naghuhuna-huna na an saradit na mga kaarakian nangangaipong pabubunyagan yaon sa sukdulan nin kapaitan asin yaon sa pagkagapos nin kadaendatahan; nin huli ta siya igwa nin arin na pagtubod, paglaom, asin pagkamoot sa kapwa; kun baya dapat ba siyang ipagsikwal na sa kaisipan, siya na dapat na magpasiring paibaba sa impiyerno.

15 Nin huli ta makangorongirhat an karigsokan na maghuhuna-huna na an Diyos nagliligtas nin sarong ake nin huli ta siya mayong pagbubunyag, asin an iba man dapat na mawara nin huli ta siya mayong pagbubunyag.

16 Herak man sinda na magsusuhay sa mga dalan nin Kagurangnan sa arog kaining manera, nin huli ta sinda mapapara laen lang kun sinda magsosolsol. Hilnga, ako nagtataram na may kakusgan, na igwang autoridad gikan sa Diyos; asin ako dae natatakot kun ano an magigibo nin tawo; nin huli ta an perpektong pagkamoot nagpapahale nin gabos na katakutan.

17 Asin ako pano nin pagkamoot sa kapwa, na iyo an daeng katapusan na pagkamoot; kun baya, an gabos na mga kaarakian siring sa sakuya; kun baya, ako namumuot sa saradit na mga kaarakian na igwa nin perpektong pagkamoot asin sinda gabos parepareho asin kaparte sa kaligtasan.

18 Nin huli ta ako nakakaaram na an Diyos bakong sarong Diyos na may kinikilingan, ni sarong may pagbabagong nilalang; kundi siya iyo an daeng pagbabago magpoon pa sa gabos na daeng kasagkoran hanggan sa gabos na daeng kasagkoran.

19 An saradit na mga kaarakian dae makakapagsosolsol; kun baya, ini sarong makangorongirhat na karigsokan na ipagsisikwal an tunay na mga pagkaherak nin Diyos sa sainda, nin huli ta gabos buhay sa saiya nin huli kan saiyang pagkaherak.

20 Asin siya na nagsasabi na an saradit na kaarakian kaipong mabunyagan nagsisikwal sa mga pagkaherak ni Cristo, asin pinagpamugtak sa mayo an pagbabayad-sala niya asin an kapangyarihan kan saiyang pagtutubos.

21 Herak man sa mga arog kaini, nin huli ta sinda napapamugtak sa kagadanan, impiyerno, asin sa sarong daeng katapusan na pagpapasakit. Ako nagtataram kaini na may kakusgan; an Diyos an nagsugo sakuya. Magdangog ka sainda asin magsunod, o sinda magtitindog kontra saimo sa tukawan nin paghuhukom ni Cristo.

22 Nin huli ta hilnga, an gabos na mga kaarakian buhay ki Crsito, asin man gabos sinda

na namumuhay na mayong ley. Nin huli ta an kapangyarihan nin pagtutubos minaabot sa gabos ninda na mayong ley; kun baya, siya na bakong pinagkondensa, o siya na dae nasasakupan nin kondensasyon, dae makakapagsolsol; asin sa arog na pagpapabunyag mayong nakakamit---

23 Pero ini sarong katuyawan sa atubangan nin Diyos, paninikwal sa mga pagkaherak ni Cristo, asin sa kapangyarihan kan saiyang Espiritu Santo, asin pagpapamugtak nin tiwala sa mga gadan na gibo.

24 Hilnga, ake ko, an bagay na ini dae dapat na mangyari; nin huli ta an pagsosolsol para sainda na sakop sa kondensasyon asin sakop sa sumpa nin sarong paglapas sa ley.

25 Asin an enot na mga bunga nin pagsosolsol iyo an pagbubunyag; asin an pagpapabunyag minaabot sa paagi nin pagtubod sagkod sa pag-utob sa mga kasugoan; asin an pag-utob sa mga kasugoan nagdadara sa kapatawaran nin mga kasalan.

26 Asin an kapatawaran kan mga kasalan nagdadara nin kabootan, asin kapakumbabaan nin puso; asin nin huli sa kabootan asin kapakumbabaan nin puso minaabot an pagdalaw kan Banal na Espiritu, na iyo an Tagaranga na nagpapano nin paglaom asin perpektong pagkamoot, na an pagkamoot na ini minatagal sa paagi nin pagmamaigot sa pagpapangadye, sagkod na an katapusan mag-aabot, sa panahon na an gabos na mga banal mag-eerok na kaiba an Diyos.

27 Hilnga, ake ko, ako magsusurat giraray saimo kun ako dae pa magpaduman sa dae mahaloy na panahon tanganing makilaban kontra sa mga Lamanita. Hilnga, an kapaabaw-abawan kaining nasyon, o an mga katawohan kan mga Nephita, iyo an nagpapatunay kan saindang kapahamakan laen lang kun sinda magsosolsol.

28 Magpangadye ka para sainda, ake ko, na tanganing an pagsosolsol mag-abot sa sainda. Pero hilnga, ako natatakot na baka an Espiritu mag-uuntok nang makiki-iba sa sainda; asin sa parteng ini nin kadagaan sinda man nagmamawot na ibagsak an gabos na kapangyarihan asin autoridad na maggigikan sa Diyos; asin saindang pinagsisikwal an Banal na Espiritu.

29 Asin pagkatapos kan paninikwal sa dakulaon na kaaraman, ake ko, sinda mapapara sa madaling panahon, sa pagkautob kan mga propesiya na pinagtaram na kan mga propeta, asin man an mga tataramon kan satuyang Paraligtas mismo.

30 Paaram, ake ko, hanggan sa ako makapagsurat pa, o saimo, o sa pagkahirilingan ta giraray. Amen.

MORONI TSAPTER 9

An ikaduwang surat ni Mormon sa saiyang akeng lalake na si Moroni.

*Parehong an mga Nephita asin mga Lamanita nagpakabuhong asin nagpakamaraot---
Sinda nagparasakitan asin naggagaradanan sa lambang saro--- Si Mormon
nagpangadye na an grasya asin karahayan mag-abot ki Moroni sagkod pa man.*

Sakuyang namumutan na ake, ako nagsurat saimo giraray na tanganing maaraman mo na

An Simbahan ni Jesukristo nin Mga Banal sa Huring-aldaw 636
(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

buhay pa man ako; pero ako nagsurat kan mga bagay na mas grabe kangana.

2 Nin huli ta hilnga, ako nagkaigwa nin matindihong pakikipaglabanan sa mga Lamanita, na kun saen kami dae nakagana; asin si Archeantus nagadan na sa paagi nin espada, asin man si Luram asin Emron; iyo, asin kami nawaraan nin sarong dakulang bilang kan satuyang piling mga tauhan.

3 Asin ngonian hilnga, ake ko, ako natatakot na baka an mga Lamanita iyo an magdedestroso kaining mga katawohan; nin huli ta sinda dae nagsosorolsol, asin si Satanas iyo an nag-estira sainda nin padagos na mag-anggot sa lambang saro.

4 Hilnga, ako naghingoha na padagos na kaiba ninda; asin kun ako magtataram nin tataramon nin Diyos na may katadungan sinda pinagpanguykuyan asin nagka-aranggot kontra sakuya; asin kun ako dae naggagamit nin katadungan saindang pinapatagas an saindang mga puso kontra sainda; kun baya, ako natatakot na baka an Espiritu nin Kagurangnan mag-uuntok nang makipag-ibahan sainda.

5 Nin huli ta grabeng gayo an pinag-anggot na garo baga sakuya na sinda daeng katakutan sa kagadanan; asin sinda nawaraan na kan saindang pagkamoot, sa lambang saro; asin sinda napapaha na nin dugo asin padagos na nagbabalos.

6 Asin ngonian, sakuyang namumutan na ake, maski na ngani kan saindang katagasan, kita dapat na maghingoha na may kahigosan; nin huli ta kita igwang sarong trabaho na gigibohon habang yaon sa tabernakulo nin dalipay, na tanganing satuyang madaog an kaiwal kan gabos na katanosan, asin ipagpahingalo an satuyang kalag sa kahadean nin Diyos.

7 Asin ngonian ako nagsusurat kan mga bagay mapanungod sa mga kasakitan kaining mga katawohan. Nin huli ta uyon sa kaaraman na sakuyang naresibe gikan ki Amaron, hilnga, an mga Lamanita igwa nin kadakul na mga prisonero, na saindang nagkadarakop sa torre nin Sheirrizah; asin igwa nin mga lalake, mga babae, asin kaarakian.

8 Asin an mga agom na lalake asin mga ama kaidtong mga kababaehan asin kaarakian saindang pinaggaradan; asin saindang pinagpapakakan sa mga kababaehan an laman kan saindang mga agom na lalake, asin an mga kaarakian sa laman kan saindang mga ama; asin mayong tubig, laen lang sa kakadikiton, na saindang pinagtatao sa sainda.

9 Asin maski na ngani na arog kaini kadakulaon an karumputan kan mga Lamanita, ini dae pa makalampas sa satuyang mga katawohan na yaon sa Moriantum. Nin huli ta, hilnga, kadakul an mga kadaragahan kan mga Lamanita na saindang nagkadarakop bilang mga prisoner; asin pagkatapos na pinagbawian ninda kan bagay na mas mahalaga asin presyosa labaw pa sa gabos na mga bagay, na iyo an malinig na kapurihan asin birtud---

10 Asin pagkatapos na ginibo ninda ining bagay, saindang pinaggaradan sinda sa sarong grabeng gayo kabangis na manera, pinagpasakitan an saindang mga hawak magin sagkod sa kagadanan; asin pagkatapos na saindang ginibo na ini, saindang pinagkakarakan an saindang laman sa arog bagay sa sarong layas na mga hayop, nin huli sa katagasan kan saindang mga puso; asin saindaing ginibo ini bilang sarong regalo nin kaisogan.

11 O sakuyang namumutan na ake, paano daw sa mga tawong arog kaini, na garo baga mayong sibilisasyon---

12 (Asin sarong kadikit na mga taon an naglipas na, asin sinda nagin sarong sibil asin sarong magagayong mga katawohan).

13 Pero O ake ko, paano daw an sarong katawohan na arog kaimi, na an kaogmahan yaon

sa sobrang karumputan---

14 Paano kita makakaasa na pupugulan nin Diyos an saiyang kamot sa paghuhukom kontra satuya?

15 Hilnga, an sakuyang puso nagkukurahaw: Herak man kaining mga katawohan. Magluwas ka sa paghuhukom O Diyos, asin tagoa an saindang mga kasalan, asin karigsokan, asin mga karumputan gikan sa atubangan kan saimong lalawgon!

16 Asin giraray, ake ko, igwa pa nin kadakul na mga balo asin an saindang mga kataragan na nagkatarada sa Sherrizah; asin idtong parte kan mga kakanon na an mga Lamanita dae pa pinagdara, hilnga, an armada ni Zenephi iyo an nag-aragaw kaini, asin pinabayaan sindas na magkparalakaw sa maski saeng lugar na sinda makakua nin kakanono, asin kadakul na gurang nang mga kababaehan na pinanluyahan habang naglalakaw asin nagkagaradan.

17 Asin an armada na kairiba ko maruluya na; asin an mga armada kan mga Lamanita yaon sa katahawan nin Sherrizah asin kami; asin habang kadakul an nagdurulag pasiring sa armada ni Aaron nagkagaradan bilang mga biktima kan saindang makangorongirhat na brutalidad.

18 O an kabuhungan kan sakuyang mga katawohan! Sinda mayong patakaran asin mayong pagkaherak. Hilnga, ako sarong tawo, asin ako igwa nin kusog nin sarong tawo, asin ako dae na makapagpasunod kan sakuyang mga kasugoan.

19 Asin sinda nagin makusugon sa saindang kabalikoan; asin sinda arog sa sarong mabangis, mayong patawad, ni sa gurang man o sa hoben; asin sinda nag-oogma sa lambang bagay laen lang kan bagay na marhay; asin an kasakitan kan satuyang mga kababaehan asin kan satuyang kaarakian sa bilog na lalawgon kaining kadagaan nagsobra pa sa lambang bagay; iyo, an dila dae makapagsabi, ni ini maisusurat.

20 Asin ngonian, ake ko, ako dae na makapag-eerok pa sa arog kaining mangirhat na eksena. Hilnga, saimong naaramang gayo an karigsokan kaining mga katawohan; saimong naaramang gayo na sinda mayo nin prinsipyo, asin mga manhid; asin an saindang karigsokan nagsobra pa kesa sa mga Lamanita.

21 Hilnga, ake ko, ako dae makapagrekomenda sainda sa Diyos na baka saiyang akong paghahampakon.

22 Pero hilnga, ake ko, ako nagrekomenda saimo sa Diyos, asin ako nagtitiwala ki Cristo na ika maliligtas; asin ako nagpangadye sa Diyos na saiyang paliligtas an saimong buhay, na tanganing magtestigo sa pagbabalik kan saiyang mga katawohan sa saiyang, o kan saindang bilog na kapahamakan; nin huli ta ako nakakaaram na sinda dapat na magkaparara laen lang kun sinda nagsorolsol asin nagbaralik sa saiyang.

23 Asin kun sinda mapapara ini magigin arog na pangyayari sa mga Jaredita, nin huli sa sobrang mga kamawotan kan saindang mga puso, naghahanap nin dugo asin pagbabalos.

24 Asin kun sinda mangyayaring magkaparara, kita nakakaaram na kadakul kan satuyang mga katugangan na nagbaralyo pasiring sa mga Lamanita, asin kadakul pang gusto na magbalyo sa sainda; kun baya, magsurat ka nin kadikit pang mga bagay, asin kun ika maligtas asin ako mapapara na asin dae ka na mahihiling; pero ako nagtitiwala na mahihiling ta ka pa sa madaling panahon; nin huli ta igwa akong sagradong mga talaan na sakuyang itatao sa saimo.

25 Ake ko, magi kan pano nin pagtubod ki Cristo; asin lugod bako ining mga bagay na sakuyang pinagsusurat an makapagkulog saimo, na tanganing panluyahan ka sagkod sa

An Simbahan ni Jesukristo nin Mga Banal sa Huring-aldaw

638

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kagadanan; pero lugod si Cristo iyo an magpapa-itaas saimo, asin lugod an saiyang mga kasakitan asin kagadanan, asin an pagpapahiling kan saiyang hawak sa satuyang mga ama, asin an saiyang pagkaherak asin halawig na pagtitios, asin an paglaom kan saiyang kamurawayan asin daeng kasagkorang buhay, magdanay lugod sa saimong isip sagkod pa man.

26 Asin lugod an grasya nin Diyos an Ama, na an saiyang trono yaon sa kaitaasan nin mga langit, asin an satuyang Kagurangnan na si JesuCristo, na nagtutukaw sa toong kamot kan saiyang kapangyarihan, sagkod na an gabos na bagay magin sakop na sa saiya, mangyari, asin mag-antabay lugod sa saimo sagkod pa man. Amen.

MORONI TSAPTER 10

Sarong patotoo sa Libro ni Mormon mag-aabot sa paagi nin kapangyarihan nin Banal na Espiritu--- An mga regalo kan Espiritu pinagtatao sa mga paratubod--- An Espirituwal na mga regalo pirmeng ka-antabay nin pagtubod--- An mga tataramon ni Moroni nagsasaguysoy gikan sa alpog--- Magdulok kamo ki Cristo, magin perpekto sa saiya, asin pakabanala an saindong mga kalag.

Ngonian ako, si Moroni, nagsusurat nin bagay na pighuhuna kong marhay; asin ako nagsusurat sa sakuyang mga katugangan, an mga Lamanita; asin ako nagmamawot na sinda dapat na makaaram na sobra na sa apat na gatos asin beynteng taon an naglipas na magpoon pa na an senyal pinagtao na manungod sa pag-abot ni Cristo.

2 Asin sakuyang pinagselyuhan ining mga rekord, pagkatapos na ako makapagsabi na nin kadikit na mga tataramon sa paagi nin pagpapagiromdom sa saindo.

3 Hilnga, ako magpapagiromdom saindo na sa panahon na magbabasa kamo kaining mga bagay, kun ini kadunungan nin Diyos na kamo magbabasa sainda, na tanganing saindong magigiromdoman kun gurano napano nin pagkaherak an Kagurangnan sa mga kaarakian nin mga tawo, magpoon pa sa paglalang ki Adan sagkod sa panahon na saindong maresibe an mga bagay na ini, asin paghorop-horopan ini sa saindong mga puso.

4 Asin sa panahon na maresibe nindo an mga bagay na ini, sakuyang ipagpagiromdom saindo na maghapot kamo sa Diyos, an Eternal na Ama, sa pangaran ni Cristo, kun an mga bagay na ini bakong totoo; asin kun kamo maghahapot na igwang sarong sinserong puso, na may tunay na katuyuhan, na igwang pagtubod ki Cristo, saiyang ipagpamate an katotohanan kaini sa saindo, sa paagi nin kapangyarihan kan Banal na Espiritu.

5 Asin sa paagi nin kapangyarihan kan Banal na Espiritu saindong magkakaaraman an katotoohan kan gabos na mga bagay.

6 Asin an anuman na bagay na marhay husto asin tunay; kun baya, mayong marhay na pinagsisikwal si Cristo, pero nagpapatunay na siya iyo naggad.

7 Asin saindong maaaraman na siya iyo naggad, sa paagi nin kapangyarihan kan Banal na Espiritu; kun baya ako magpapagiromdom saindo na dae nindo ipagsikwal an kapangyarihan nin Diyos; nin huli ta siya naggigibo na may kapangyarihan, na uyon sa pagtubod kan mga kaarakian nin mga tawo, pareho ngonian asin sa aga, asin sa daeng

An Simbahan ni Jesukristo nin Mga Banal sa Huring-aldaw

639

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

kasagkoran.

8 Asin giraray, ako nagpapagiromdom saindo, mga katugangan ko, na dae nindo ipagsikwal an mga regalo nin Diyos, nin huli ta sinda kadakulon; asin sinda naggigikan sa kaparehong Diyos. Asin igwa nin kadakul na mga paagi na ining mga regalo pinagpapamahala; pero ini iyo sa kaparehong Diyos na naggigibo sa gabos-gabos; asin sinda pinagtatao sa paagi nin pagpapamate kan Espiritu nin Diyos sa mga tawo, tanganing pakinabangan ninda.

9 Nin huli ta, sa saro ini pinagtatao sa paagi kan Espiritu nin Diyos, na tanganing siya puwedeng magtukdo sa tataramon nin kadunungan;

10 Asin sa iba, na tanganing siya puwedeng magtukdo sa tataramon nin kaaraman sa paagi nin kapareho man sanang Espiritu;

11 Asin sa iba man, grabeng gayo kadakulang pagtubod; asin sa iba pa, an mga regalo nin pagbubulong sa paagi nin kapareho man sanang Espiritu;

12 Asin giraray, sa iba, na tanganing siya makapaggibo nin darakulang mga milagro;

13 Asin giraray, sa iba, na tanganing siya makapagpropesiya mapanungod sa gabos na mga bagay;

14 Asin giraray, sa iba, an makahiling nin mga anghel asin pagmiministryo nin mga espiritu;

15 Asin giraray, sa iba, gabos na klase nin mga lengguwahe;

16 Asin giraray, sa iba, an interpretasyon kan mga lengguwahe asin manlaen-laen na klaseng mga tataramon.

17 Asin an gabos na ining mga regalo naggikan sa Espiritu ni Cristo; asin sinda minaabot sa lambang manlaen-laen na mga tawo, na uyon sa saiyang kagustuhan.

18 Asin ako magpapagiromdom saindo, sakuyang namumutan na mga katugangan, na saindong paggigiromdomon na an lambang marhay na regalo naggigikan ki Cristo.

19 Asin ako magpapagiromdom saindo, sakuyang namumutan na mga katugangan, na saindong pagigiromdomon na siya pareho kasuodma, ngonian, asin sa daeng kasagkoran, asin an gabos na ining mga regalo na sakuyang pinagsasabi, na espirituwal, dae naggad wawarao, magin sagkod na an kinaban magtitindog, laen lang kun uyon sa daeng pagtubod kan mga kaarakian nin mga tawo.

20 Kun baya, dapat na magkaigwa nin pagtubod; asin kun igwa talagang pagtubod dapat igwa man nin paglaom; asin kun igwa talagang paglaom igwa man nin pagkamoot sa kapwa tawo.

21 Asin laen lang na kamo igwang pagkamoot sa kapwa tawop kamo dae naggad maliligtas sa kahadean nin Diyos; ni kamo maliligtas sa kahadean nin Diyos kun mayo kamong pagtubod; ni mangyari saindo kun kamo mayong paglaom.

22 Asin kun kamo mayong paglaom kamo talaga yaon sa kawaraan; asin an kawaraan nangyayari nin huli sa kadaendataan.

23 Asin si Cristo tunay na nagsabi sa satuyang mga ama: Kun kamo igwa ning pagtubod saindong maggigibo an gabos na mga bagay na kapakipakinabang sa sakuya.

24 Asin ngonian ako magsasabi para sa gabos na katapusan nin kinaban--- na kun an aldaw mag-aabot na an kapangyarihan asin mga regalo nin Diyos hahaleon sa pag-iriba nindo, ini mangyayari nin huli sa mayong pagtubod.

25 Asin herak man sa mga kaarakian nin mga tawo kun iyo ini an mangyayari; nin huli ta mayo ni saro saindo an makakagibo nin marhay sa pag-iriba nindo, mayo ni saro. Nin

An Simbahan ni Jesukristo nin Mga Banal sa Huring-aldaw

640

(Pasabot: An translasyon na ini bakong sanksyon kan Simbahang nasambit asin boluntad na trabaho ini ni Geopoet para sa gabos na interesadong magbasa kan libro sa lenguwaheng Bikol)

huli ta kun igwang sarong sa pag-iriba nindo na naggigibo nin marhay siya maggigibo sa paagi nin kapangyarihan asin mga regalo nin Diyos.

26 Asin herak man sa saiya na dae naggigibo kaining mga bagay asin magagadan, nin huli ta sinda nagadan sa saindang mga kasalan, asin sinda dae naggad maliligtas sa kahadean nin Diyos; asin ako nagsasabi kaini uyon sa mga tataramon ni Cristo; asin ako dae nagpuputik.

27 Asin ako nagpapagiromdom saindo na tanganing magigiromdoman an mga bagay na ini; nin huli ta an panahon hidaling minaabot na kamo makakaaram na ako dae nagpuputik; nin huli ta saind akong mahihiling na yaon sa hukuman nin Diyos; asin an Kagurangnang Diyos iyo an magsasabi sa saindo: Bako daw na piangdeklara ko an sakuyang mga tataramon sa saindo, na pinagsurat kan tawong ini, na arog sa sarong na nagkukurahaw gikan sa kagadanan, iyo, magin arog sa sarong nagsasaguysoy paluwas sa alpog.

28 Ako minadeklara kaining mga bagay sa kautuban kan mga propesiya. Asin hilnga, sinda magluluwas gikan sa nguso kan daeng katapusang Diyos; asin an saiya mga tataramon padagos na magsasaguysoy gikan sa sarong henerasyon pasiring pa sa sarong henerasyon.

29 Asin an Diyos magpapahiling sa saindo, na ining sakuyang pinagsurat tunay naggad.

30 Asin giraray ako magpapagiromdom sa saindo na kamo magdulok ki Cristo, asin mangaputan sa lambang marhay na regalo, asin dae magkapot sa mararaot na regalo, ni sa maatong bagay.

31 Asin magmata, asin magbuhat gikan sa alpog, O Jerusalem; oiyo, asin sul-uton baya an saimong madahumon na mga bado, O akeng babae ni Zion; asin pakusugon an saimong mga estaka asin palawiga an saimong mga kasagkoran sagkod pa man, na tanganing ika dae na naggad malalawigaw, na an mga tipan kan Daeng Kasagkorang Ama na saiya pinaghimo sa saimo, O harong nin Israel, lugod mautob.

32 Iyo, magdulok kamo ki Cristo, asin magin perpekto sa saiya, asin isikwal an saindong mga sadire sa gabos na bakong kabanalan; asin kun kamo magsisikwal kan saindong mga sadire kan gabos na bakong kabanalan, asin mamoot sa Diyos sa bilog nindong kapsugan, isip asin kusog, kaya an saiya grasya maninigong tama sana para saindo, na sa paagi kan saiya grasya kamo puwedeng magin perpekto ki Cristo; asin sa paagi kan grasya nin Diyos na kamo perpekto ki Cristo, kamo dae naggad makapagsisikwal sa kapangyarihan nin Diyos.

33 Asin giraray, kun kamo sa paagi kan grasya nin Diyos nagin perpekto ki Cristo, asin dae magsisikwal kan saiya kapangyarihan, kamo pakakabalanon ki Cristo sa paagi kan grasya nin Diyos, sa paagi kan pagpapabulos nin dugo ni Cristo, na yaon sa tipan kan Ama para sa kapatawaran kan saindong mga kasalan, na tanganing kamo magigin banal, na mayong dugta.

34 Asin ngonian ako magpapaaram na sa gabos, paaram. Ako sa di mahaloy magpapaduman na tanganing magpahingalo na sa paraiso nin Diyos, sagkod na an sakuyang espiritu asin hawak magkakasararo giraray, asin ako pagdadarahon na mapanggana sa kaitaasan nin paros, tanganing makipaghilingan saindo sa atubangan nin marahayon na hukuman kan dakulang Jehovah, an Daeng Kasagkorang Hukom kan mga buhay asin gadan. Amen.

